

**METAPHYSICA IUXTA  
MENTEM D. THOMAE  
ET DOCTRINAM  
NOSTRORUM  
COMPLUTENSIVM...**

---

Alexander : a Jesu, Giovanni Pietro :  
da#Roma frate





Some 2: in Vol. 1

L. H. 7. 1. 1

XIV 2 2

14-7-G-10







# METAPHYSICA

IVXTA MENTEM

## D. THOMÆ

Et doctrinam nostrorum

## COMPLVTENSIVM:

AUTHORE

## R. P. F. ALEXANDRO A IESV

POLONO

CARMELITA DISCALCEATO.

Reimpressa per Reu. Patrem Prouincialem, Prouinciæ  
Matris Dei Neapolis.

*Augustinus P.P.*

*Pro Contra Secte.*

*De: Pauli à* TOMVS PRIMVS. *Mary de Victoria*

*Imd Inuitare*



NEAPOLI, Ex Typographia Michaelis Monaco  
M. DC. LXXXVIII.

SUPERIORVM PERMISSV.

Handwritten text in a cursive script, likely a signature or a short note.

Handwritten text in a cursive script, likely a signature or a short note.



PERILLVSTRI,

AC ADM. REV. DOMINO

D. IOSEPHO  
CORTESIO

NEAPOLITANO

Ex Dominis Verzini salutem;



Vſpicatiſſima nobis optata eue-  
nient, ſi Metaphyſicæ volu-  
men iſtud Dominationis Ve-  
ſtræ Adm. Reu., & perilluſtris  
nomen, tanquam virtutis vni-  
verſæ fulcrum quoddam, &  
adverſus cunctos hoſtes cly-  
peum tutiſſimum inſcriptum  
deinceps feret. Libri, quaſi li-

beri cū vagantur Proteſtore indigent ſuo, ne beſtiarum  
morſibus feriantur, nè latronum incurſibus ſpolientur,

a 2

nè

nē ignorantiae ruderibus miserrimè obeant : Et licet Opus , quòd amplitudini tuæ libentissimè nuncupamus , illius sit Generis , quod Deum Optimum , Maximum , intelligentias , substantiasque separatas eleganter , eruditèque , vti obiectum formale respiciat ; non desunt hisce temporibus morbidæ farinæ Nebulones , qui Motori ipsi , & Angelis doctrinaliter detrahare virtutem primam esse mordicè arbitrentur . Clypeo ergo benignitatis tuæ studia nostra defende ; nec certè minimum aucupaberis gloriæ , si Alexandri Sarmatæ exultas tuas per Orbem inire consentias . Theologum Sacerdotem decet quidquid magnum in Alexandro inueniet , custodire . Ad Iosephum namque spectat , eius , qui trino sensu Sanctissimi Ioseph Historiam composuerat hæc locubrationes celeras , aduenas , peregrinas ingenio fouere , perhumanitèr memoriâ deuincire , & clementissimo patrocinio comitari . Hæc à te adimplenda flagitant , qui , te excellenti benignitate , vt omnium est sensus , ac eximia doctrina præditum ducunt . Ex nomine benignus es , nempè Ioseph , ex cognomine benignior , vt Cortesius , ex caractere benignissimus , nam Sacerdos . Sacerdoti ergò Diuinæ hunc litamus scientiæ Librum . Cortesio nostræ seruitutis tesseram dedicamus : Iosepho mittimus Alexandrum , Ioseph etenim accrescens dicitur , Alexandri huius Magni , si quæ post funera fama superest , viribus per Iosephum inuidæ crescat eundo , non secus , ac gemma illa Arabica , cuius candor cre-

scente

scente Luna aecrescit : Vale Sacerdos Religiosissime  
in annos innumeros salus , atque felix . Kal . Februarij M . DC . LXXXVIII .

D . T . Adm . Ill . ac Recu .

*Additissimus Seruus*  
Frater Dyonisisius a S . Andrea Provincialis nomine  
totius Collegij Matris Dei Neapolis .

E E

A D

## A D L E C T O R E M:



**N** Emireris Lector Beneuole, si in progressu huius Operis aliquas Quæstiones in stylo, & Methodo à prioribus aliquantulum diuersas, & cursim quasi absolutas aduerteris. Non Authori, sed post obitum ipsius Opus istud in lucem edenti, defectus hic adscribendus. Author enim non tam placuisse, quàm prodesse omnibus studens, integrum hoc opus Metaphysica, uniformi stylo, & Methodo, (non quidem ad typum, sed solum pro priuato Studioforum sua Prouincia usu) conscripserat, & feliciter in uinis perfecerat, prout Testes omni exceptione maiores non solum è nostra minima, sed etiam ex Illustrissimæ D. Dominici Familia fidem prabuerunt. Sed quia iniuria temporum, & non adeò diligentium Originalium scriptorum Authoris custodias, ob continuos bellorum in Polonia motus, aliqua Charta, seu potius sexierationes ex manuscripto Originali Metaphysica nescitur, quo casu deperierint, nec facta diligentia amplius reperiri potuerint; (dum iussu Superiorum, reuisione & approbatione facta Opus hoc in lucem ederesur,) rudior cuiusdam ex amicis calamus stylo diuerso suppleuit, quæ ad finem Tract: Metaphysica deesse videbantur. De uno tantum te candide lector pramonitum uolo quia scilicet originale multis mendis scatebat, si quæ irrepererint aliqua ad voluminis finem subiiciam, ut ea percurrere, ac corrigere ualeas, reliqua uerò minoris momenti Ingenij tui aciei, ac felicius Minervæ relinquo. Sin autem in hoc opere natura sua uerè operoso, uel minimum plausibile repereris, eo utere. & Deo, à quo bona cuncta procedunt, hos quoque nouos primæ Philosophiæ partus refer acceptos in cuius gloriam hæc omnia nostra, & tua cedant. Vale.



## ECCELLENTISSIMO SIGNORE:

**I**L Prouinciale de' Carmelitani Scalzi in questo Regno di Napoli desidera dare alle Stampe di nuouo la Metafisica del P. F. Alessandro di Giesù del suo Ordine, supplica però V. E. di commettere la reuisione à chi li parerà, e poi concederli la licenza, che il tutto &c.

*Reu. P. D. Franciscus de Aste videat, & in scriptis referat.*

Carrillo Reg. Soria Reg. Moles Reg. Miroballus Reg.  
Iacca Reg. Prouenzalis Reg.

*Prouisum per S. E. Neap. 30. Iulij 1687.*

Mastellonus.

## EXCELLENTISSIME DOMINE

**I**Visu Excellentiz Tuz elaboratum opus inscriptum Metaphysica in duos Tomos distributas Authore Reu. P. F. Alexandro à Iesu Carmelita Discalceato Opus posthumum attentè perlegi, & cum nihil prorsus Regiæ Iurisdictioni repugnans attingat, dignumque propterea est, vt pro communi bono prælo tradatur. Datum Neapoli in Aede S. Mariæ Angelorum Kalendis Septembris 1687.

Excell. Tuz

*Additissimus Sernus*  
D. Franciscus Maria de Aste ex Cl. Reg.  
Regij Collateralis Theologus.

*Visa supradicta relatione imprimatur, & in publicatione seruetur Regia Pragmatica.*

Soria Reg. Moles Reg. Miroballus Reg. Iacca Reg.

*Prouisum per S. E. Neap. die 5. Nouembris 1687.*

Mastellonus.

FAE

**FACULTAS Adm: Reueren. Patris Nostri Prap: Generalis:**

**T**enore presentium concedo licentiam in primendi Metaphysicam per P.F. ALEXANDRVM à IESV Carmeli: Discal: pro vlu studentium Fratrum conscriptam, dummodo P. F. æltissimus à Spiritu S. & P. F. Irenus ab Ascensione Domini reuident, & approbent. Concedo quoq; scorsim Poemata quædam de S. THOMAS AQUINATE Doctore Angelico à nostris Fratribus studiosis conscripta imprimi. *Dat. Romæ in Scala. 6. Maij 1671.*

*F. Alexander à IESV MAR' A Prapositus  
Generalis Carmelitarum Discalceatorum,*

*Fr. Faustus à S. Basilio Secretarius;*

---

**Censura ex Commissione Adm: Reueren. P. N. Prap: Generalis:**

**V**idi & legi manuscriptum Metaphysicæ R. P. F. Alexandri à IESV. Prouinciz nostræ S. Spiritus, Theologiz Professoris, dignum existimo vt pro vtilitate Fratrum Studioforum nostræ Prouinciz typis mandetur, postquam aliqua folia post obitum ipsius deperdita, inuenta vel suppleta fuerint. *Datum Cracouiz in Conuentu nostro SS. Michaelis, & Ioseph. 18. Septembris 1671.*

*Fr. Celestinus à Spiritu S. Carm: Discal.*

---

**E**X commissione Adm. R. P. N. Prap: Generalis legi Tractatus Metaphysicos à R. P. F. Alexandro à IESV, pro vlu F. F. Studioforum nostræ Prouinciz Polonæ conscriptos. Cumq; in illis nihil dissonum Fidei aut bonis moribus inuenerim, expediens iudico (saluo meliori aliorum iudicio) vt excudantur. *Dat. Crac: in Conuentu nostro SS. Michaelis & Ioseph. 20. Decembris. 1671.*

*Fr. Irenaus ab Ascensione Domini  
Carm: Discal.*

**INI**

# I N D E X

## DISPUTATIONVM;

### AC QVAESTIONVM

in hoc opere contentarum.



## DISPUTATIO PROAEMIALIS.

*De Obiecto, & alijs Prolegumenis Metaphysica absolvitur Quaestionibus sex.*

Quaest. I.	Quodnam sit Metaphysicae Obiectum?	pag. 3.
Quaest. II.	Vtrum Metaphysica sit perfectissima inter speculativas?	pag. 17.
Quaest. III.	In quo consistat ratio formalis sapientiae, & quomodo à scientia distinguatur?	pag. 23.
Quaest. IV.	Vtrum inter scientias naturales Metaphysica sit ab homine maximè appetibilis? <i>Vbi explicatur Axioma illud, Omnis homo naturaliter scire desiderat.</i>	pag. 27.
Quaest. V.	Vtrum Metaphysica sit vna specie athoma?	pag. 36.
Quaest. VI.	Quis sit finis Metaphysicae?	pag. 46.

## TRACTATUS PRIMVS.

*De Ente in Communi eiusque Passionibus ac varijs divisionibus. Absolvitur Disputationibus septem.*

DI-

## DISPUTATIO I.

### *De Conceptu quidditativo Entis secundum se.*

- Quæst. I. In quo consistat ratio Entis in quantum Ens, & quomodo modo inferioribus conveniat? pag. 49.
- Quæst. II. Vtrum Ens sit transcendens respectu suorum inferiorum? pag. 53.
- Quæst. III. Vtrum Ens habeat Contradictorium? pag. 57. ubi An nō Entibus aliqualis oppositio cōpetat? 61. An Vnum non Ens possit per aliud tolli? ibid.
- Quæst. IV. An, & qua Analogia sit Ens Analogum respectu suorum inferiorum? pag. 65.
- Quæst. V. An Ens non solum respectu immediatorum, sed etiā respectu mediatorum inferiorum sit Analogum nec ne? pag. 87.
- Quæst. VI. An sicut Ens respectu suorum inferiorum est Analogum, ita etiam Accidens respectu suorum? 91.
- Quæst. VII. An Analogia Entis cæterorumq; quæ Analoga esse possunt, causetur per solam dependentiam, vel per solam transcendentiam? pag. 96.

## DISPUTATIO II.

### *De Conceptu Entis secundum quod cognoscibilis est.*

- Quæstiun. I. Vtrum Ens sit primum cognitum simpliciter respectu Intellectus nostri? pag. 102.
- Quæstiun. II. An Ens secundum quod concernit quidditatem materiale, an verò secundum rationem communissimam suæ Analogiæ sumptum sit primum cognitum? pag. 123.
- Quæstiun. III. Vtrum Enti correspondeat in Intellectu vnus conceptus communis, & præcisus à conceptibus suorum inferiorum? pag. 123.
- Quæstiun. IV. An Ens significet sua inferiora copulatiue vel disiunctiue? pag. 151.

DI-

## DISPVATIO III.

### *De varijs Diuisionibus Entis.*

- Quæst. I. Quænam sit prima diuisio Entis? pag. 155.  
Quæst. II. Vtrum diuisio Entis in Actum, & Potentiam sit in diuersa realiter? pag. 159.  
Quæst. III. Vtrum diuisio potentia in Actiuam, & Passiuam sit adæquata? pag. 172.  
Quæst. IV. Vtrum subdiuisio Potentiz Passiuæ, in Naturalem, Violentam, & Obedientialem sit sufficiens? 173.  
Quæst. V. Vtrum sit dabilis Potentia Obedientialis proximè actiua? pag. 194.  
Quæst. VI. Quidnam importet pro formali Potentia Obedientialis Passiua? pag. 200.  
Quæst. VII. Per quid constituantur & in quo formaliter distinguantur membra illius diuisionis, qua Ens communiter diuiditur in Completum, & Incompletum? pag. 215.

## DISPVATIO IV.

### *De Proprietatibus Entis in Communi.*

- Quæst. I. Vtrum Ens habeat veras, & reales proprietates seu Passiones? pag. 221.  
Quæst. II. Quot sunt Passiones Entis, & quem ordinem inter se habeant? pag. 229.  
Quæst. III. Vtrum Passiones Entis conuertantur cū Ente? 235.  
Quæst. IV. An Passiones Entis conuertantur cum Ente nominaliter, an verò participialiter sumpto? pag. 239.  
Quæst. V. Vtrum Ens prædicetur quidditatiuè, & formaliter de suis Passionibus? pag. 285.

## DISPVATIO V.

### *De Vno.*

- Quæst. I. Quid addit Vnum supra Ens, & quomodo ab Ente distinguitur? pag. 288.  
Quæst.

- Quæst. II.** Quæ & qualis est hæc negatio quam vnum addit supra  
Ens? pag. 293.
- Quæst. III.** Vtrum Vnum pro formali dicat solam negationem  
quam addit Enti, vel potius Entitatem cum nega-  
tione etiam vtrumque? quid illorum formalius? 312.
- Quæst. IV.** Vtrum Vnum transcendens, & Vnum quod est princi-  
pium numeri sit idem nec ne? pag. 318.

## DISPUTATIO VI.

### *De Vero.*

- Quæst. I.** Quid pro formali dicat Veritas Transcendentalis? 324.
- Quæst. II.** In quo consistit veritas formalis? pag. 331.
- Quæst. III.** Vtrum veritas formalis supra actum intellectus quem  
dicit, addat aliquam rationem absolutam, vel rela-  
tiuam? pag. 334.
- Quæst. IV.** Vtrum veritas formalis in sola secunda operatione  
intellectus inueniatur? pag. 338.

## DISPUTATIO VII.

### *De Bono.*

- Quæst. I.** In quo consistit Ratio Boni transcendentalis? 343.
- Quæst. II.** Vtrum diuisio Boni in Honestum, Vtile, & delectabile  
sit adæquata? pag. 353.

**META**



IESVS, MARIA, IOSEPH.

# METAPHYSICA

I N

## TRES TRACTATVS

D I S T R I B V T A.

P R O O E M I V M.



Oris est aliquam scientiam tractaturis, ea inprimis pertractare, quæ inuolutam eiusmodi scientiæ naturam euoluunt. Qui naturam scientiæ nescit, frustra scire se iactat. Natura non cognita, vel res non cognoscuntur, vel obscure nimis: ut sol à noctua solet. Ideoque, & ego, dum

*Metaphysicas, Deo auspice, aggredior Disputationes, tritam Metaphysicorum metam non egredior, Aethymon, & naturam Metaphysicæ euoluendo, sic enim facilius propositi mei metam in Metaphysica mea attingam. Aethymon Metaphysicæ clarissimum est, dum Metaphysica nominatur, quasi*

A

—

angustior, ut in natura angustijs metam haberet, metas Physicæ egreditur, ut in ultranaturali scientia conquiescat. Eo namque celsitudinis deuenit, ut Physicas transcendens speculationes, abstractas ab omni materia res attingat. Hinc est, quod tam illustri gaudeat titulorum apparatu. Prima enim Philosophia nominatur, quia primis scientiam principijs anteit. Sapientiæ nomen sibi vendicat, nimirum sapienter dirigens scientias, sapientis enim est dirigere, iuxta Angelicum Doctorem. Theologia Naturalis dicitur, nempe suis Conclusionibus, quantum natura permittit, ipsum includens DEVM. Serenissimo denique Regina, Dominaeque scientiarum titulo decoratur. Tam splendido digna nomine, propter congenitam sibi dignitatem. Premissa igitur hac nominis Metaphysicæ notitia, ut feliciter Metaphysicas difficultates aggressus, felicissimè metam premam, ab Obiecto Metaphysicæ exordior, quod, sicut est scientiæ specificatiuum, ita ad eius naturam cognoscendam, faciliè manuducit.







# DISPUTATIO PROOEMIALIS

De Natura, & Proprietatibus Metaphysicæ.

QVÆSTIO I.

*Quodnam est Metaphysica Obiectum?*



**N**ec liber, nec licet, ea hic repetere, quæ circa naturam Obiecti, variasque eius diuisiones, in Logica docent Philosophica rudimenta, ideoq; ab instituto nostro (qui ea tractamus, quæ ad primam Philosophiam spectant) aliena. Qui tamen ea videre desiderat, inueniet fusè, & eruditè explicatæ apud Nostros Complutenses in Logica disp. 1. q. 2. n. 8. & sequentibus, his ergo omissis, ad nostram difficultatem accedamus.

**§. 1. Referuntur, & refelluntur Opposita Doct. sententia.**

**M**irum est, quantum in assignando Metaphysicæ obiecto Auctores differant, etsi alicu-

bi, hic certè verum est illud, quod vulgò dicitur: Quot Capita, tot sèsus. Omissis autè alijs parùm difficultatis præferentibus opinionibus, quas omnes recitat, & refutat Suarez disp. 1. Metaph. Sc&. 1.

Tres sunt nobiliores, & probabiliiores Auctorum sententiæ, duæ extremæ, & tertia mediæ.

Est ergo. Prima sententia, quæ amplissimū Metaphysicæ assignat obiectum, docetque illud esse Ens secundum totam Analogiæ suæ amplitudinem; prout sciencet abstrahit, non solum ab Ente per se, & per accidens, verum ab Ente reali, & rationis: ita aliqui ex antiquis.

Probantque suam sententiam tali argumento. Ens in sua amplitudine potest esse obiectum alicuius scientiæ speculatiuæ, sed non alterius quàm Metaphysicæ: cū hæc sit prima Philosophia, & inter speculatiuas Princeps. Ergo &c,

Maiores probatur. Ens est Obiectum intellectus. Ergo etiam potest esse obiectum alicuius scientiæ, quæ est habitus intellectus, per paritatem rationis.

Confirmant. Id. ò Ens claudens Entia per se, & per accidens, Realia, & Rationis, est Obiectum intellectus, quia hic ad omnia illa se extendit, sed etiam ad hæc omnia Metaphysica se extendit, cum tractet de Entibus realibus, & rationis per se, & per accidens. Ergo &c.

Hæc tamen sententia subsistere nequit. Nā in primis Entia per accidens arcetur ab Obiectis scientiarum per Philosophum 6. Metaph. Textu 4. Et D. Thomas ibidem lect. 4. Quod etiam probatur. Obiectum cuiuslibet scientiæ debet esse unum per se. Sed Ens per accidens non est per se Unum. Quia constat ex pluribus Entibus in actu, quæ ad constituendum unum per se concurrere non possunt. Ergo &c. Minor patet. Probatur Maior. Obiectum cuiuslibet scientiæ debet esse definibile: habereque passiones; quæ de illo demonstrantur, alias enim scibile non esset: Vtpotè nec per definitionem, nec per demonstrationem explicabile. Sed quod unum per se non est, nec potest esse definibile, nec potest habere passiones, quæ de illo demonstrantur. Sicut enim una essentia, naturaque caret, ita definitione explicante naturam rei, passionibusque essentiali consequentibus carere debet. Ergo &c.

Similiter Entia rationis sub

obiecto Metaphysicæ nequeunt contineri.

Probatur primò. Substantiæ separatæ, videlicet DEVS, & Angeli sunt causæ effectivæ Entis, de quo tractat Metaphysica, vt docet S. Augustinus Thomas in proœmio Metaphysicæ. Sed substantiæ separatæ non sunt causæ effectivæ Entium rationis. Tūm quia Deus illa non potest formare. Tūm etiam, quia Ens rationis non potest habere veram causam efficientem, vt in Logica diximus. Ergo &c.

Probatur secundò. Obiectum Metaphys. debet participare de abstractione debita Metaphysicæ, sicut generaliter Obiectum cuiuslibet scientiæ debet esse eiusdem abstractionis cum ipsa scientiâ. Sed Ens rationis non participat de abstractione propria Metaphysicæ. Ergo &c. Probatur Minor. Nam Ens rationis, licet ab omni materia abstrahat, sicut & obiectum Metaphysicæ. Ens tamen rationis solum abstrahit ab omni materia negativè, non verò positivè. Sed obiectum Metaphysicæ debet abstrahere positivè à materia. Aliàs, si ad hoc, vt aliquid spectet ad obiectum Metaphysicæ, sufficeret abstractio negativa, sequeretur, quod etiam nō Entia spectarent ad obiectum Metaphysicæ, cum & illa negativè abstrahant ab omni materia, quia scilicet non sunt in Materia. Ergo &c. Hic tamen Notandum est. Quod licet Ens rationis excludamus ab obiecto Metaphysicæ, non ideo illud excludimus ab

ab hoc, quod sit scibile per se à Logica, verumque obiectum ipsius. Quia vel obiectum Logicae non continetur essentialiter sub obiecto Metaphysicae, ac per consequens, nec Logica subalternatur eo modo Metaphysicae, quo aliae scientiae subalternantur, addendo scilicet ipsius obiecto differentiam essentialem. Ens enim, rationis, seu illud figmentum, quod obiectum Logicae addit Enti, ut sic, non potest esse differentia essentialis respectu Entis, ut patet. Ergo &c. Vel si dicere malis, Logicam subalternari Metaphysicae, sicut & ceteras scientias, ac per consequens illius obiectum, sub obiecto Metaphysicae essentialiter contineri, quod videntur sentire Nostri Complutenses, in sua Logica, Disput. 19. Quaest. 1. art. 10. Tunc dico illam subalternari improprie, & imperfecto modo. Quia sicut ob suam imperfectionem non continentur per se sub aliqua abstractione propria scientiis, ut docent nostri Complut.: in Logica, Disput. 9. Quaest. 6. num. 38. Neque est pars principalis scientiae speculativae, ut docet S. Thomas Opusc. 70. Quaest. 5. Art. 1. ad 2. Ita neque subalternatur ipsa Metaphysicae eo modo, quo aliae scientiae, neque obiectum eius continebitur proprie sub obiecto Metaphysicae, sicut aliarum scientiarum obiecta continentur; sed tantum improprie, in quantum Ens rationis, quod est obiectum Logicae, habet essentialiter esse, & scibilitatem, ad modum Entis realis.

Secunda sententia praecedenti extreme opposita, Restrigit, & coarctat Obiectum Metaphysicae intra limites Entis creati denario praedicamentorum numero clausis, dicitque Ens diuisum in decem praedicamenta, esse obiectum Metaphysicae; ita Flandria in 1. Metaphysicae, Quaest. 1. art. 8. quem sequuntur plurimi ex recentioribus Thomistis, qui scripta sua praelo non vulgarunt. Probantque suam sententiam auctoritate Philosophi, qui postea quam quarto Metaphysicae: Ens statuit esse obiectum huius scientiae, statim quinto Metaphysicae, diuisit illud, in decem praedicamenta. Ergo sentit, Ens diuisum in decem praedicamenta esse obiectum huius scientiae; Sunt & alia argumenta petita pro hac sententia, sed quia directe probant Deum non intrare obiectum Metaphysicae, ideò commodius inter obiectiones contra nostram sententiam referentur.

Verum haec sententia displicet primò, quia DEVM à ratione obiecti Metaphysicae excludit. Si enim obiectum Metaphysicae est Ens diuisum in decem praedicamenta, cum Deus in nullo praedicamento collocetur, ut docent omnes Philosophi, de quo videre poteris nostros Complutenses in Logica Disput. 12. Quaest. 4. Num. 30. Sequitur ex illorum Sententia, Deum non spectare ad Obiectum Metaphysicae, quod tamen falsum est, ut ex rationibus pro nostra sententia afferendis patebit.

Dis.

Displicet secundò. Quia dicitur contrariatur menti S. Thomæ, quod in Proximio Metaphysicæ non solum Angelos, sed etiâ DEVM ipsum ad considerationem Metaphysicæ docet pertinere. Probans enim ibi Metaphysicam esse scientiâ maximè intellectualem, dum inquit. *Ea uerò sunt maximè à materia separata, quæ non tantum à signata materia abstrahunt (sicut omnes formæ naturales in Vniuersali acceptæ, de quibus tractat Scientia naturalis) sed omnino à materia sensibili. Et non solum secundum rationem, sicut Mathematica, sed etiâ secundum esse, sicut Deus, & intelligentia, unde scientia, quæ de istis considerat, maximè uidetur esse intellectualis, & aliarum Principes, & Domina &c.* Ergo ex mente S. Thomæ, Deus spectat ad considerationem Metaphysicam, non ut obiectum, sed ut Principium, quod claris verbis expressit Angelicus Doctor ibidem, dum inquit. *Quamuis ista scientia prædicta consideret tria, non tamen quodlibet eorum considerat, ut subiectum, sed ipsum solum Ens commune. Hoc enim est subiectum in scientia, cuius causas, & passiones querimus, non autem ipsæ causæ alicuius generis quæsiti.*

Sed cōtra est. S. Thomas æqualiter de Deo, & de substantijs separatis dixit. Quod sint causæ Entis ut sic, & quod ad considerationem Metaphysicam perti-

neant, ut causæ. Ergo si Diuus Thomas sentiret hoc, quod pertinet ad Metaphysicam considerationem, ut causa obiecti, non posset pertinere ad illam, ut obiectum, sentiret, intelligentias scilicet Angelos, ad obiectum Metaphysicæ non spectare. Ergo cum hoc de intelligentijs non senserit (quod & ipsi aduersarij fateri debent, alias etiam illorum opinio esset falsa; Si quidem Angeli reponuntur in prædicamentis) etiam Deum non excludit ab obiecto Metaphysicæ. Vnde cum dixit, quod non pertinent substantiæ separatae ad considerationem Metaphysicæ, ut subiectum, sed ut principium subiecti: intelligendus est sic, non pertinent, ut subiectum tantum, sed pertinent, ut subiectum, & principium simul. Quod, ut facilius capias, hancq; verborum S. Doctoris expositionem, ab eius mente alienam non esse, cognoscas.

Scito dupliciter aliquid posse esse principium, & causam alicuius scientiæ, Primò. Ità ut nullo modo participet rationem formalem obiecti: & tale principium spectat ad scientiam, ut principium tantum, non autem, ut obiectum. Sicut in Logica considerantur actus intellectus, ut principia, & causæ Entis rationis, quod est obiectum Logicæ. Quia tamen prædicti actus, ita sunt principium Entis rationis, ut ipsis ratio eius non cōpetat: (falsa enim esset hæc prædicatio. Actus intellectus est Ens rationis) ideo non attinguntur à Logica,

ut obiectum, sed tantum, ut principium obiecti. Et similiter Mathematica agit de puncto tantum, ut de principio obiecti, non autem, ut de obiecto, quia punctum, ita est principium obiecti Mathematici, nempe quantitatis continuæ, ut eius rationem formalem non participet.

Secundo potest aliquid esse principium obiecti alicuius scientiæ, ita quod simul participet rationem formalem eiusdem obiecti, sicut v. g. Materia, & forma, ita sunt principium Entis mobilis, quod est obiectum Physicæ, ut ipsi etiam mobilitas radicalis competat. Et tale principium spectat ad considerationem scientiæ, non solum, ut principium, sed etiam, ut obiectum participans rationem formalem obiectiuam scientiæ. Sic ergo Deus, cum ita sit principium Entis ut sic, quod est obiectum Metaphysicæ, ut ei simul ratio Entis realis conueniat. (Hæc enim est vera, Deus est Ens reale,) spectabit ad considerationem Metaphysicam, non tantum, ut principium, verum etiam, ut obiectum ipseus.

Vel poteris respondere ad auctoritatem S. Thomæ à contrariis citatam secundo cum Soncinato 4. Metaph. Quæst. 10. ad 1. Quod cum S. Thomas, tam in Proæmio Metaphysicæ, quam super Boetium dixit, Metaphysicam non agere de Deo, ut de subiecto, sed tanquam de principio. Hoc ideo dixit, quia quidquid de Deo scimus, vel scire naturaliter possu-

mus, ex effectibus id totum cognoscimus. Ac per consequens, quancunque Deus obijcitur luminis naturali intellectus nostri, obijcitur, ut principium, non quasi hanc tantum in eo rationem cognoscamus, quod sit principium Creaturarum, plura enim de Deo naturaliter sciri possunt: sed quia quidquid de eo scimus, ex effectibus scimus. Iam autem omnis notitia, quæ habetur de causa ex effectu, est notitia causæ, ut est principium.

Neque argumenta, quæ pro se prima sententia adducit valent. Negamus enim antecedens argumenti pro prima sententia adducti, cuius probationis negatur consequentia. Cum enim potentia vniuersalior sit habitu. (Habitus enim sunt determinationes potentiarum.) Vniuersalior etiam obiectum habere debet; Unde etiam si Ens in tota sua amplitudine concederemus esse obiectum intellectus (de quo tamen adhuc nobilissimi disputant Philosophi) non ideo dictum Ens posset esse obiectum alicuius scientiæ, quæ est habitus intellectualis.

Ad Confirmationem, Resp. Distinguido antecedens. Ideo Ens, quod ambit entia realia, & rationis per se, & per accidens, est obiectum intellectus nostri, quia hic ad omnia ista se extendit vncunque, Nego, tanquam ad ea, quæ participant rationem formalem eius obiecti, Concedo. Metaphysica autem, licet ad ista omnia explicanda descendat, non

tamen de illis tractat, vt de par-  
tibus sui obiecti, quia verè ad  
eius obiectum non pertinent, vt  
supra diximus. Sed tractat de illis  
per occasionem, in quantum ad  
explicandum eius obiectum, ali-  
quo modo conducunt.

Ad Auctoritatem etiã Philoso-  
phi. Quam secunda sententia pro  
se adduxit. R. Quod cum Philo-  
sophus Bns, quod est obiectum  
Metaphysicæ, diuisit in decem  
Prædicamenta, noluit hac diui-  
sione claudere ea tantum, quæ  
directè in prædicamentis repo-  
nuntur; alias transcendentia, &  
Analogia omnia, v. g. Accidens,  
formam, &c. imò & ipsas diffe-  
rentias essentielles rerum ab ob-  
iecto Metaphysicæ reieciisset, quia  
hæ in recta prædicamentali linea  
non ponuntur. Sed diuidendo  
Ens in decem Prædicamenta sub  
hac diuisione, compræhendit nõ  
solum ea, quæ per se, sed etiam  
ea, quæ reductiue, quocunque  
modo ad prædicamenta spectant.  
Vndè intrã limites obiecti Meta-  
physicæ clausit Deum, qui aliquo  
modo ad Cathogorias Entis re-  
ducitur, tanquã principium  
Entis, continens ipsa Prædica-  
menta, non verò contentum ab  
ipsis, vt loquuntur nostri Com-  
piutenses loco nuper citato ex  
Logica n. 21.

### §. 2. Statuitur vera Sen- tentia.

**T**ertia sententia inter præce-  
dentes media, vera est, cum

qua Dicimus. Obiectum Meta-  
physicæ esse ens reale, prout ab-  
strahit à creato, & increato, sed,  
quod idè est, ens reale naturalitèr  
cognoscibile in suo ambitu. Itã  
Arist. & D. Thom. quos sequun-  
tur cõmuniter Metaphysici, Son-  
cinnas lib. 4. Metaphys. Quæst.  
10. Noster Blasius à Conceptio-  
ne in sua Metaphysica, Disput. 1.  
Quæst. 2. Scct. 2. Fonseca 4. Me-  
taph. Cap. 1. Quæst. 1. Suarez in  
Metaph. Disput. 1. Scct. 1. & vlt,  
& plures ex recentioribus.

Probatur primò hæc sententia  
Auctoritate Aristotelis 4. Meta-  
phys. Textu 1. vbi dicit. *Est qua-  
dam scientia, qua speculatur Ens,  
prout Ens est, & quæ ei per se in-  
sunt. Hac autem, nulli earum, quæ  
in parte dicuntur, eadem est: nullæ  
namque caterarum vniuersaliter de  
Ente, prout Ens est, considerant, sed  
eius aliquam partem abscedentes,  
quod ei accidit, speculantur.* Ecce  
quã clarè Philosophus suam  
mentem aperuit, nostramque sen-  
tentiam docuit, quod sequenti-  
bus instantijs verba Philosophi  
ponderando deduco.

Primò dicit Philosophus. Quod  
quædam scientia (intellige Meta-  
physicam, de hac enim ibi agit)  
speculatur Ens in quantum Ens, &  
quæ ei per se insunt. Ergò non ta-  
le Ens, quod v. g. est determina-  
tum ad decem Prædicamenta.  
Ens enim prædicamentale nõ est  
Ens in quantum Ens, cum ex mē-  
te Philosophi Metaphysica spe-  
culatur Ens in quantum Ens, non  
speculabitur Ens diuisum in decem  
Præ-

Præ-

Prædicamenta, vel aliquid aliud, quod non erit Ens, ut Ens, sed tale ens. Ergo neque Ens commune enti per se, & per accidens, reali, & rationis speculabitur Metaphysica, quia Enti per accidens, Entique rationis, per se non insunt proprietates Entis; quidquid enim sit de alijs, Enti per accidens non competit unitas per se, quæ est una ex passionibus, seu accidentibus, (ut ibidem docuit D. Thomas Lect. 1.) quæ per se enti insunt. Nam ens per accidens, sicut non est per se ens, ita non est per se unum, taliter enim aliquid est unum, qualiter est ens; Et enti rationis non possunt per se proprietates entis competere, quia illud, ut potest umbra entis, illas sibi per se vindicare nequit.

Secundo dicit idem Philosophus, quod Metaphysica distinguitur ab alijs scientijs per hoc, quod illa speculatur ens in quantum ens, cæteræ verò scientiæ non, sed eius partem aliquam abscindentes, quod ei accidit, speculantur. Sed si Metaphysica haberet pro obiecto ens diuisum in decem Prædicamenta, aliquam partem entis abscinderet, idque, quod enti accideret, specularetur, quia & ens diuisum in decem Prædicamenta est aliqua pars entis ut sic, & enti, in quantum ens, accidit diuidi in decem Prædicamenta, sicut cuilibet superiori accidit determinari ad aliquam speciem, vel quasi speciem, v.g. animali accidit, quod determinetur per ra-

tionale ad esse hominem. Ergo &c.

Dices. Ex hoc loco Philosophi sequitur, primam sententiam esse veram, quæ ens abstractissimè sumptum assignabat pro obiecto Metaphysicæ: Quia etiam Ens abstrahens à Deo, & Creaturis, est pars, ut sic dicam, abscessa ab ente, ut sic.

Respondetur negando, hoc sequi ex mente Philosophi, quia etsi ex aliquibus verbis hoc inferri possit, tamèn quàm Philosophus dixit de hoc ente tractate Metaphysicam, cui per se passionibus insunt, manifeste tamèn entia rationis, quàm entia per accidens ab obiecto Metaphysicæ excludit, ut supra probatum est.

*Probatnr nostra sententia  
rationibus.*

**P**rima Ratio. Metaphysica dicitur prima Philosophia secundum S. Thomam 1. Metaphysicæ. Ergo obiectum eius erit ens abstrahens à Deo, & Creaturis. Probatnr Consequentia. Si obiectum Metaphysicæ non esset ens abstrahens à Deo, & Creaturis, Metaphysica non esset prima Philosophia. Ergo si est, ut ex Diuo Thoma diximus, eius obiectum erit ens abstrahens à Deo, & Creaturis. Probatnr Maior huius Argumenti. Si Metaphysicæ obiectum non esset ens abstrahens à Deo, & Creaturis, daretur alia scientia, cuius tale ens obiectum esset: Cum enim tale ens sit scibile, ut potest habens passionibus, quæ de illo demonstrantur, habet scientiam, per quam sit scibile: quia-

B

sci.

scibile, & scientia, cùm sint relatiua, necesse est, posito vno, poni aliud; relatiua enim sunt simul natura, & intellectu, vt docet Philosophus Capite de Relatione. Sed talis scientia esset superior Metaphysica, quia haberet superius, & vniuersalius obiectum, quam illa: Metaphysica enim haberet v. g. pro obiecto ens diuinum in decem Prædicamenta, hæc autem sciētia haberet ens commune creato, & increato. Ergo haberet prius, & vniuersalius obiectum, quam Metaphysica. Ergo & ipsa esset prior, & vniuersalior. Ergo de primo ad vltimum, Metaphysica non esset prima Philosophia, si nō haberet pro obiecto ens abstrahens à Deo, & Creaturis.

Dices. Ex hac ratione sequi obiectum Metaphysicæ non esse ens abstrahens à Deo, & Creaturis, sed ens abstrahens à reali, & rationis, per se, & per accidens: quia cùm hoc ens sit vniuersalius illo, debet potius quam illud assignari pro obiecto primæ, & vniuersalissimæ scientiæ, qualis est Metaphysica.

Resp. negando sequelā, & ad probationem respōdetur cùm distinctione. Ens abstrahens à reali, & rationis, per se, & per accidens, est vniuersalius ente abstrahente à Deo, & Creaturis, in ordine rerum. Conci: In ordine scibilium. Nego. Quia, cùm scibilitatem non habeat, vt potè carens passionibus, quæ de illo demonstrantur, vt supra dictū est in ponderatione Auctoritatis Aristotelis pro

nostra sententia adductæ, non poterit esse vniuersalius in genere scibilium, ente abstrahente à Deo, & Creaturis, quod, sicut est primum scibile, primumque demonstrabile, ita est vniuersalissimum in genere scibilium.

Secūda Ratio. Illud est obiectū adæquatum alicuius scientiæ, cui primò, & per se competunt passionēs, quæ considerantur in tali scientia. Sed vnum, verum, bonum, & alia huiusmodi, de quibus tractatur in Metaphysica, per se, & primò competunt enti abstrahenti à Deo, & Creaturis. Ergo erit obiectum Metaphysicæ. Maior est Aristotel. primo Posteriorum, text. 25. Et probatur Minor Nam enti abstrahissimè sumpto, quale ponebat prima sententia, pro obiecto Metaphysicæ, non competunt passionēs entis per se, vt supra ostensum est, enti verò diuiso in decem Prædicamenta, non competunt primò, cùm vnū, verum, & bonum, prius competant enti, prout est commune Deo, & Creaturis, quam enti diuiso in decem Prædicamenta. Tū quia ens commune Deo, & Creaturis, est superius, & vniuersalius ente diuiso in decem Prædicamēta, quando autem prædicatū aliquod cōpetit superiori, & inferiori, ita vt de vtroque per se, & directè prædicetur, prius conuenit superiori quam inferiori, vt patet in sensibili, quod competit animali, & homini, prius tamē animali, quā homini, non enim idē est animal scibile, quia homo scibilis, sed



sed è contrâ. Similiter visibile cõpetit Petro, & homini, priùs tamen homini, quam Petro, propter rationem dictam. Tum etiam si per potiùs bonitas, veritas, vnitas, competere[n]t enti creato diuiso in decem Prædicamenta, quàm enti abstrahenti à Creato, & In-creato, sequeretur per priùs creaturas esse bonas, & veras, quàm Deum, quod tamen falsum esse constat, cum Deus sit prima veritas. Ergò &c.

Tertia Ratio fundata supra author. D. Th. quæ habetur 4. Metaphys. lectione 5. vbi S. Th. dicit. *Nullus intendens primò tradere scientiam alicuius particularis entis, conatus est aliquid dicere de primis principijs.* Sed in hac scientia disputatur de primis principijs, vt docet Aristot. & D. Thom. 4. Metaph. Lect. 2. Ergò hæc scientia non est scientia alicuius particularis entis. Sed si haberet pro obiecto ens diuifum in 10. Prædicamenta, vel solum Deum, vel solam substantiam, esset scientia particularis entis. Ergò hæc non possunt esse eius obiectum. Et cum alia ex parte, ens commune reali, & rationis, per se, & per accidens eius obiectum esse non possit, cum scibile non sit, restat, obiectum Metaphysicæ esse ens commune Deo, & Creaturis.

Quarta Ratio. Illud est obiectum adæquatum alicuius scientiæ, quod ita commensuratur cū illa, vt nec excedat illam, nec excedatur ab ipsa. Sed respectu

Metaphysicæ nil potest esse, cui hoc competat, præter ens commune Deo, & Creaturis. Ergò illud erit obiectum Metaphysicæ. Maior ex ipsis terminis patet; sic enim à Logicis explicatur obiectum adæquatum, vt videri potest apud Nostros Complutenses in Logica Disp. 1. Proemiali Quæst. 2. n. 11. Et probatur Minor discurrendo per singula, de quibus potest esse difficultas. Nam in primis ens communissimè sumptum, abstrahens à Reali, & Rationis, per se, & per accidens, excedit Metaphysicam, plura enim continet sub se, de quibus Metaphysica non agit, nisi fortè per accidens, in quantum ad eos obiecti notitiam spectant, qualia sunt entia rationis, & entia per accidens. Deinde ens diuifum in decem Prædicamenta non continet omnia, de quibus tractat Metaphysica, Metaphysica enim tractat de Deo, qui non clauditur in Prædicamentis. Denique aliqua particularia entia, quæ aliqui Philosophi statuunt pro obiecto Metaphysicæ, vt Deus, substantia, &c. multò minùs possunt adæquare amplitudinem huius scientiæ. Ergò &c.

Respondebis, Ens diuifum in decem Prædicamenta commensurari Metaphysicæ, quia illa etsi agat de Deo, non tamen vt de obiecto, sed vt de principio obiecti. Sed hæc solutio iam explosa est per impugnationem secundæ sententiæ. Iterumque contra illā sic arguitur.

B 2

Pri:

Primò. Deus enim est cognoscibilis naturali lumine, non tantùm ut principium, sed etiã ut obiectum, quia non tantùm de Deo scire viribus naturę possum, quòd sit causa Creaturarum : sed etiã quòd sit bonus, quòd sit vnus, & plura alia, quę de illo tractat Philosophus in 12. Metaphysicę. Ergò, cum non detur aliqua scientia p̄ior ista, per quam hæc de Deo cognoscā, sequitur ad obiectum illius Deum pertinere.

Secundò. Quia Philosophus 4. Metaph. Text. 7. indè probat, Metaphysicam distingui à Philosophia Naturali, quia Metaphysica de substantia prima, non verò naturalis Philosophia tractat. Quæro enim ex aduersarijs, quomodo intelligūt Philosophū, Metaphysicam nō verò Philosophiam Naturalem esse de substantia prima, vel tanquã de obiecto, vel tanquã de principio obiecti ? Si de obiecto, habeo intentum, Deum ad obiectum Metaphysicę pertinere. Si de principio, falsum erit, quod dixit Philosophus, Philosophiam non agere de prima substantia, agit enim de illa tanquã de principio, ut pater ex 8. Physic. Explicatur magis hæc instantia. Eodem sensu debuit negare Philosophus, Philosophiam Naturalem tractare de Deo, quo affirmavit de Metaphysica. Ergò cum non negat Philosophiã tractare de Deo, ut de principio obiecti, verè enim de illo tractat talitèr 3. Metaphys. sed tantum negavit, eã tractare de Deo,

ut de obiecto, sequitur eodem sensu de Metaphysica affirmasse, proindeque iuxta Philosophi mentem Deus ad obiectum Metaphysicę spectabit.

Tertiò. Quia S. Thomas in Proæm. Metaphys. dixit, istam scientiam vocari Theologiam, quia substantias separatas, nempe Deū, & Angelos (de utroque enim ibi loquitur, ut ex contextu patet) considerat. Ergò ex mente S. Doct. Deus ad obiectum Metaphysicę pertinet, alias si idcò tantum vocaretur Theologia, quia tantum tractat de Deo, tanquã de principio obiecti, etiam Philosophiã consideranti Deum, ut sui obiecti principium, nomen Theologię cum Metaphysica deberet esse commune. Tenendum ergò est, ens, ut ens, seu ens commune Deo, & Creaturis esse obiectum Metaphysicę.

### §. III. Proponuntur, & solvuntur Obiectiones.

**O**bjicies primò contra nostram assertionem. Obiectum cuiuslibet scientiæ, debet habere principia, & causas, per quas de illo concludantur passionēs, scilicet ens, ut sic nullas potest habere causas, vel principia; Si enim entis abstrahentis à Creato, & Increate aliquę causę, vel principia assignari possent, etiam entis primi causā assignari deberet : Quod enim competit alicui rationi universali, & communi in quantum

alis est, competit omni participant ipsam. Ergo cum Deus participet rationem entis, ut sic, si illius possit assignari causa, vel principium, etiam Deus haberet causam, vel principium sui, quod blasphemum est.

Respondeo primò concessa Maiori negando Minorem, intellectam de causis, tam formalibus, quam virtualibus, secundum distributionem accommodam, enti Creato, & Increato convenientibus, ita ut enti Creato conveniant formales, Increato verò virtuales, ipse verò conceptus entis, sicut ab utroque ente, ita & à modo habendi tales, vel tales causas abstrahit.

Ad probationem dicimus cōcedendo, quòd & ipsi enti Increato aliquæ causæ, siue rationes à priori assignari debent, non quidem formales causæ, sed virtuales, quæ adhuc non competunt illi secundum primam, & fontalem omnis entitatis radicem, scilicet secundum essentiam, sed secundum Attributa, ab ipsius natura nullo modo realitèr, sed tantummodò virtualitèr distincta, bene enim potest esse essentia attributorum, vel vnum attributum alterius (sicut v. g. immutabilitas æternitatis) causa virtualis, seu ratio à priori. Sufficit autem ad rationem obiecti scientiæ, quòd habeat causas virtuales, quia ad demonstrationes non semper sūt necessariæ causæ formales, sed sufficiunt virtuales, aliàs de Deo nihil posset demonstrari, quia nul-

las habet causas formales. Quod tamen falsum esse cōvincunt plurimæ demonstrationes Theologiæ de Deo factæ.

Respondeo secundò cum Soncinnate 4. Metaph. Quæst. 10. negando Maiorem, intellectam de causis, & Principiis productivis, de quibus videtur procedere argumentum, ut consideranti patebit: Falsum est enim, obiectum cuiuslibet scientiæ, debere habere Principia, & Causas productivas sui; aliàs, si hoc ad omne obiectum desideraretur, etià Deitas, quæ est obiectum Theologiæ Sacræ, ipseque Deus, deberet habere Causas productivas sui, quod est falsum, falsius.

Respondeo tertio cum eodem Soncinnate ibidem. Duplicia sūt Principia, alia Complexa, alia incomplexa, & utraque in scientiis quærentur. Principia Complexa sunt propositiones, quibus demonstrantur de subiecto passionès. Principia verò Incomplexa possunt dici ipsi conceptus simplices formati de subiectis, quibus utimur pro medio ad concludendas à priori passionès de dictis subiectis, & utraque Principia habet obiectum Metaphysicæ; Cōplexa, nempe Propositiones quasdam uniuersales, quales sūt illæ; Quodlibet est, vel non est; Omne totum est maius sua parte. Et Incomplexa, nempe ipsum conceptum Analogum entis, quod est medium ad concludendas de ente passionès.

Obijcies secundò. Obiectum scientiæ debet abstrahere à Ma-

teria abstractione formali. Sed ens reale, ut sic non potest abstrahere à materia abstractione formali. Ergo non potest esse obiectum alicuius scientiæ. Maior patet. Nam cum obiectum scientiæ debeat esse necessarium, quia scientiæ sunt de necessariis, ut dicitur secundum Posteriorum necessario debet esse separatum à Materia, quæ est prima radix contingentiæ, & mutabilitatis. Minor verò probatur. Abstrahio formalis tunc est, quando forma separatur à Materia, ut docet S. Thomas 1. p. q. 3. art. 3. v. g. quando in circulo æreo forma circuli abstrahitur ab ære. Sed non potest sic ratio entis abstrahere à Materia: cum enim etiâ ipsa Materia secundum ultimam sui rationem sit ens, non poterit ab illa ens separari, aliàs enim separaretur, & abstraheretur ens à seipso, quod est impossibile.

Respondeo negando Minorem primi Argumenti; ad cuius probationem dicimus, eam implicare, in adiecto, cum arguit ex eo, Ens non posse abstrahere à Materia abstractione formali, quia Materia est ens secundum ultimam differentiam sui. Hic enim processus, & arguit non intelligentiam terminorum, & repugnantiam dicit. Quia quando concipio Materiam ut ens, concipio illam, ut inferius entis participans rationem ipsius; per consequens ens abstrahit ab illa, non sicut forma à Materia, sed sicut superius ab inferiori, adeoque abstractione, non formali, sed totali: Quia illa est abstrahio

totalis, quæ abstrahit superius à suis inferioribus participantibus naturam ipsius, v. g. Animal ab Homine, Equo, Leone, &c: poterit enim ens abstrahere à Materia abstractione formali, ex eo quia Materia non includitur in conceptu entis: aliàs enim vel Deus non esset ens, vel in eius conceptum intraret Materia.

Instabis. Etiam abstrahio totalis est de ratione obiecti scientiæ, quia scientiæ non sunt de singularibus, sed de vniuersalibus. Ergo si ens non poterit abstrahere à suis inferioribus abstractione totali ex eo, quod est de essentia ipsorum, non poterit esse obiectum scientiæ.

Respondeo, admissio Antecedenti distinguo consequens. Si non poterit abstrahere à suis inferioribus abstractione, siue perfecta, siue imperfecta, non poterit esse obiectum scientiæ. Conc. Abstrahio perfecta tantum, Nego. Pro cuius solutionis intelligentia. Sciendum est, utramque abstractionem, nempe formalem, & totalem esse de ratione obiecti scibilis, aliter tamen & aliter, nam abstrahio totalis est de eius ratione, in quantum illud separat à conditionibus individualibus, ita tamen, ut relinquat illud confusum, & potentialiter; separatis enim per hanc abstractionem principiis distinguendis, remanet in obiecto potentialitas, & confusio, minorque intelligibilitas, ut loquitur Caietanus de ente, & essentia Cap. 1. q. 1. Ceterum abstrahio formalis, quia  
sc.

separat formam à Materia, quæ est prima radix potentialitatis, & confutionis, relinquit obiectum actuale distinctum, magisq; intelligibile, ut loquitur Caietanus ibidem. Ex quo sequitur, quod et si obiectum alicuius scientiæ quod erit abstractius abstractione formali, eò erit magis scibile, quia etiam erit magis actuale, actualitatem enim scibilitas sequitur, non tamè obiectum, ad hoc ut sit magis scibile, debet esse abstractius abstractione totali, quia cum hæc non inducat in obiectum actualitatem, non tribuit illi scibilitatē. Unde abstractio totalis, non requiritur ad obiectum scientiæ formaliter, quasi constituat illud in esse scibilis, sed tantum præsuppositivè per modum conditionis necessariò præsuppositæ, remouētisque prohibens, in quantum singularitatem remouet, quæ impediēbat obiecti scibilitatem. Hinc sequitur ulterius, posse ens, esse perfectè, & simpliciter scibile, et si tantum secundum quid, & imperfectè abstrahat abstractione totali, quia, ut iam dixi, ad scibilitatem absolutè requiritur abstractio totalis absolutè per modum remouētis prohibens, non tamen ad maiorem scibilitatem requiritur maior abstractio totalis, sed maior tantum abstractio formalis, quam ens perfectè habet, ex eo quod in suo conceptu nihil materialitatis includit, quia aliàs conceptus entis Deo, qui est summè immaterialis, competere non posset. Videnda sunt omni-

nò ea pro meliori huius solutionis intelligentia, quæ de hac vtraq; abstractione Nostri Complutenses in Logica docent Dispositio. 19. Quæst. 4. num. 49. Nobis enim his occupari, ab illiſque dicta repetere non vacat.

Obijcies Tertiò. Obiectum Metaphysicæ debet esse eiusdem abstractionis cum illa. Sed Deus non est eiusdem abstractionis cum Metaphysica. Ergò non poterit ad eius obiectum pertinere. Maior ex dictis contra primam sententiam patet. Et probatur Minor, Ideò, ut diximus ibidem, Ens Rationis non est eiusdē abstractionis cum Metaphysica, quia tantum abstrahit à Materia negatiuè, Metaphysica autè positiuè. Sed etiā Deus nō abstrahit positiuè à materia, quia positiuè non separatur ab illa, ut patet, sed tantum negatiuè abstrahit, in quantum ex se neque habet principium, per quod contrahatur ad Materiam, neque habere potest; Ergò, &c.

Respondeo negando Minorē primi argumenti, ad cuius probationem dico, Deum positiuè abstrahere à materia, quia Deus positiuè est ens, & non est in materia. Ergò positiuè abstrahet, seu separabitur, ut sic dicam, à materia.

Dices. Si ad hoc, ut Deus positiuè abstraheret, sufficeret, quod esset positiuè, & non in materia, sequeretur, quod etiam materia esset positiuè vna secundum se, quia est ens positiuè secundum se, & est vna,

Resp;

Resp. neg. sequelam, & ratio disparitatis est, cûr hoc Argumentum currat in Deo circa abstractionem, non autem in materia circa unitatem. Quia abstractio à materia est per separationem ab illa, & idè quod est positivè, & non est in materia, est positivè separatum ab illa, non enim videtur aliud requiri ad istam positivam separationem, nisi quòd sit ens positivum extrà materiam, immò nò est intelligibile, quid aliud desideretur. Ceterùm unitas positiva est per receptionem alicuius formalitatis, (de qua infra) vnde sine tali additione, unitas intelligi non potest, etiam si illud, cui debetur, positivè existat, & tantò minùs debetur materiæ, quæ secundùm se omni eo, quod actualitatem sapit, est spoliata.

Obijcies quartò. Obiectum cuiuslibet scientiæ debet esse definibile, sed ens non est definibile. Ergò &c. Maior pater. Quia definitio subiecti est medium ad demonstrandâ passionem de subiecto secundùm S. Thomam, 1. Poster. lect. 10. Minor verò probatur. Tùm quia nò habet aliquid prius se; omnis autem definitio datur per priora, vt docet S. Thom. 2. Poster. lect. 15. Tùm etiâ; quod definitur debet esse vnum: Ens autem non est vnum, cûm non sit vniucum, vt dictum est in Logica. Ergò.

Resp. negando Minorem. Ad cuius probationem respondetur, quod definitio rigorosa, quæ da-

tur per verum genus, & differentiam, datur per causas intrinsecas definito, ac per consequens per priora illo, & tali definitione non potest definiri ens, quia, vtpotè conceptus simplex, caret genere, & differentia; Ceterùm definitio, quæ datur per modos intrinsecos definito, qui non sunt causæ eius, non datur per priora; & talem definitionem potest habere ens, vt si dicas. Cuius actus est esse. Ad secundam verò probationem dicimus, Ens esse vnum non quidè vniucè, sed analogicè, quæ unitas sufficit ad hoc, vt possit aliquo modo definiri. Sed de his sermo inferiùs redibit, & idè hic ea sufficiat innuisse.

Obijcies quintò. Ens in quantum ens, non potest vilo modo abstracti à materia. Ergò cûm obiectum Metaphysicæ debeat abstracti à materia, ens in quantum ens, non poterit esse obiectum Metaphysicæ. Consequentia patet, & probatur antecedens. Si ens in quantum ens esset abstractum, seu separatum à materia, sequeretur, omne ens esse ab eadem separatum, quòd enim alicui competit, vt tali, competit omni tali. Ergò cûm multa sint entia concreta materiæ, sequitur ens in quantum tale, non abstracti à materia.

Resp. negando antecedens, ad probationem eius negamus sequelam; & ad probationem respondetur, distinguendo illam propositionem: quod competit alicui vt tali, competit omni tali, si illi vt tale est, reduplicatiuè cõ-

petat, conceditur: si specificatiue tantum, negatur, quia ens quando dicitur ens in quantum ens abstractum à materia, Ly in quantum, nō sumitur reduplicatiue, sed specificatiue, ideo nō est necesse, quod abstrahere à materia conueniat omni enti.

Pro cuius vberiori intelligentia. Notandum est ex nostris Complutensibus Lib. 2. Summul. cap. vii: illas particulas, in quantum, quatenus, &c: dupliciter posse sumi, reduplicatiue, & specificatiue. Tunc sumuntur reduplicatiue, quando reduplicant causam, cur prædicatum conueniat subiecto. v.g. Petrus, in quantum albus, est disgregatiuus visus: tunc verò sumuntur specificatiue, quando reduplicant rationem formalem, cui adæquatè cōuenit prædicatū, v.g. ens, in quantum ens, est obiectū Metaphysicæ, quia enim posita causa sequitur effectus, inde est, quod cum reduplicatio adducat causā, quod competit alicui vt tale est, reduplicatiue competit omni tali: Quia ōnis specificatiua propositio non assignat causam, propter quam conueniat prædicatum subiecto, sed tantum determinat rationem formalem, cui conuenit, inde est, quod non est necesse conuenire omni tali, quod conuenit alicui vt tali, & specificatiue: Sicut enim illa ratio formalis, quæ secundum suam abstractam rationē specificabatur, & determinabatur ad participandum hoc prædicatum, quando contrahitur ad aliquam speciem, mutatur de com-

muni ad non commune, de abstracto ad non abstractum, ita non competit illi sic contractè prædicatum illud, quod specificatiue, & determinatiue, vt abstractè erat natum aptum competere. v.g. in exemplo adducto, Ens in quantum ens est obiectum Metaphysicæ, quia hic sumitur Ly in quantum specificatiue, ideo nō poterit omni enti competere esse obiectum Metaphysicæ. Quis enim non videat vitiosum esse hunc processū, si quis arguat. Ens, in quantum ens, est obiectum Metaphysicæ, Lapis est ens. Ergo lapis est obiectum adæquatum Metaphysicæ. Similiter in præsentī philosophandum est, quod cum ista propositio, ens in quantum ens est separatum à Materia, sumatur specificatiue, vt ex ipsis terminis patet, non sequitur, omne Ens esse separatum à materia.

## QVAESTIO II.

*An Metaphysica sit perfectissima inter Scientias Speculatiuas, verèque Sapientia?*

**I**N titulo aliquid, vt certum supponimus, & aliquid in dubium vocamus: Suppono enim Metaphysicam esse Scientiam speculatiuā. Tūm, quia id expressè docuit Aristoteles 1. Metaph: Cap. 12. & 2. Metaph: Cap. 1. Tūm etiam, quia id ratio conuincit. Nam in primis Metaphysica

**S**

**est**

est habitus præbens certā, ac euidentem rerum necessariarum cognitionem per propria earum principia, & causas. Ergo est scientia: Per illa enim, quæ in Antecedenti retulimus, definitur Philosophus scientiam 6. Ethic. cap. 3. Sicque est argumentum à definitione ad definitum. Deinde per Metaphysicā scimus, ut sciamus, non autem, ut operemur, quia obiectū Metaphysicæ non est operabile, ut patet. Ergo erit scientia speculatiua, quia ut dicit Commentator Commento 8. per speculatiuam scimus, ut sciamus, per practicam verò sumus scientes, ut operemur.

Immo, & hoc certum est, Metaphysicam esse perfectissimam inter scientias speculatiuas ordinis naturalis; Tum, quia habet vniuersalius, simplicius, & abstractius obiectum, quam omnes aliæ. Tum etiam, quia per altiores, sublimiores, certioresque causas demonstrat: Quod autem in dubium vocamus, est, An Metaphysica eam perfectionem inter scientias speculatiuas obtineat, ut sapientia, esse, & dici mereatur: Quia verò circa hoc nulla est lis inter Doctores, ideò communem secutus Metaphysicorum Sententiam.

Dico, Metaphysicam esse sapientiam ordinis naturalis. Ita S. Thomas, & Aristoteles pluribus locis, quos sequuntur communiter Metaphysici, ideòque ab illis recensendis abstinemus. Antequam tamen hæc Conclusio probetur, aliqua notatio per pro eius intel-

ligentia sunt præmittendæ, scilicet.

Notandū est primò, sapientiam dupliciter accipi posse. Primò lato vocabulo, pro aggregatione multorum habituum, quibus multa, perfectè in diuersis materijs scimus, & in hac acceptione definita est sapientia à Cicerone in Officijs, quòd nimirum sit rerum diuinarum, humanarumque, & causarum, in quibus hæ res continentur, scientia. Secundò modo sumitur sapientia pro singulari habitu, seu virtute intellectuali. Quod ut intelligas.

Notandum est secundò, ex Aristotele 6. Ethicorum quòd virtus in suo conceptu essentiali dicit bonum, & ex se facit opus bonum: Vnde virtus intellectualis debet facere bonum opus intellectuale; Opus autem bonū intellectuale est verū assequi, quot ergo erunt vera, tot erunt virtutes intellectuales; Et quia quinque tantum modis dicitur verum, ideò quinque tantum erunt virtutes intellectuales; videlicet *Sapientia*, quæ assequitur verum per altissimas causas, *Scientia*, quæ attingit verum per causas inferiores, *Intellectus*, qui est de vero in primis principijs indemonstrabilibus clauso, *Prudentia*, quæ est de vero agibili, Et *Ars*, quæ est de vero factibili. Ex qua diuisione virtutis intellectualis, habes, sapientiam illā esse, quæ versatur circa altissimas causas: Quod etiā 1. Metaphysicorum clarè docuit Philosophus, cum dixit, sapientiam circa pri-  
mas



mas causas, omnes arbitramur, versari: Adhuc tamen.

Notandum est tertio, Sapientiam hoc modo acceptam dupliciter accipi posse, vel absolute, vel in aliquo genere tantum, de quo D. Thomas accipe doctrinam, quam habet 1. p. q. 1. a. 6. in C. *Ille sapiens dicitur in unoquoque genere, qui considerat causam altissimam illius generis, ut in genere edificij, artifex, qui disponit formam domus, dicitur Sapiens, & Architecton respectu aliorum artificum, qui dolant ligna, vel lapides, vel qui parat camentum: Vnde dicitur 1. Corinth. 3. Sapiens Architectus ego fundamentum posui. Et rursus in genere totius humana vite, Prudens Sapiens dicitur, in quantum ordinat humanos actus ad debitum finem, Vnde dicitur. Proverbiorum 10. Sapientia est viro Prudentia; iste igitur, qui simpliciter considerat altissimam causam totius Vniuersi, qua est Deus, Sapiens dicitur, vnde, & sapientia dicitur esse diuinorum cognitio. Hucusque S. Thomas. Quando ergo dixi in conclusione, Metaphysicam esse sapientiam, intellexi de sapientia simpliciter, non vero in aliquo genere tantum. His ergo suppositis.*

Probatur Conclusio primo. Scientia, quae versatur circa altissimas causas, est sapientia. Sed Metaphysica versatur circa altissimas causas, ergo est sapientia. Maior patet ex notationibus. Et probatur Minor. Metaphysica considerat ens, verum, bonum, & alia transcendencia; Similiter considerat substantias separatas, nempe Deum,

& Angelos, sed istae sunt vniuersalissimae causae rerum in essendo, & cognoscendo. Ergo &c.

Probatur secundo. Scientia certissima est sapientia. Sed Metaphysica est scientia certissima. Ergo est sapientia. Maior est Aristotelis 6. Ethyc; vbi dicit Lect. 5. *Manifestum est, quoniam certissima utique scientiarum erit sapientia.* Et probatur Minor. Scientia, quae est de maximè vniuersalibus, est certissima. Sed Metaphysica est de vniuersalissimis, ut ex eius obiecto constat. Ergo est certissima. Minor, & consequentia patet. Maior verò probatur: Scientiae, quod sunt de vniuersalioribus, eo sunt certiores, quia eo ipso, quod erunt de vniuersalioribus, erunt de simplicioribus; simplicia autem sunt certiora cōpositis, quia composita multa inuoluunt, vnde circa illa est facilis deceptio. Ergo scientia illa erit certissima, quae erit de vniuersalissimis.

Probatur Tertio. Metaphysicæ cōpetunt omnes condiciones sex Sapientiae ab Aristot. 7. Metaph. lect. 2. apud D. Thomam enumeratz. Metaphysica enim est inprimis circa omnia, quia cum sit circa vniuersalissima principia, erit circa omnia, sub vniuersalibus enim particularia continentur. Secundo est circa difficilia, quia est circa abstractissima à materia, quae etiam sint notiora quod ad se, tamen quod ad nos difficultiora sunt. Tertio, quia de scitis est certissima, ut ex secunda ratione patet. Quarto docet perfectè: Docere enim est, sciē-

tiam in alio causare, quæ per causam acquiritur, ut dicitur 1. Posteriorum. Sed hæc scientia considerat altissimas causas, atque perfectissimas. Ergo erit maximè Doctrina. Quintò queritur propter se, seu (ut alia versio legit) sui gratia, nam illæ scientiæ sui gratia desiderantur, quæ sunt de maximè scibilibus: Cum enim omnis homo scire desideret, ut infra dicitur, magis desiderabit magis scire, & maximè desiderabit maximè scire, iuxta illud, sicut se habet simpliciter ad simpliciter, ita magis ad magis, & maximè ad maximè. Sed Metaphysica est de maximè scibilibus, quia est de universalissimis, & abstractissimis. Ergo maximè desiderabitur; Sed quod desideratur maximè, desideratur propter se, quia maximè desideratum, non est desideratum propter aliud, ut dicitur 1. Ethyc. l. c. 9. Ergo &c.

Sextò tandem. Metaphysica est Princeps, Domina, & Rectrix aliarum scientiarum, non autem famula, & ancilla: Nam, ut dicit Angel. Doctor in Proœmio Metaphysicæ, sicut homines intellectu vigentes, naturaliter aliorum Rectores, & Domini sunt, homines verò, qui sunt robusti corpore, intellectu verò deficientes, sunt naturaliter serui; ita scientia debet esse naturaliter aliorum Regulatrix, quæ maximè intellectualis est: Sed Metaphysica est scientia maximè intellectualis, ut probat Doctor Angelicus ibidè; ergo &c. Fusè hæc rationem pro-

sequuntur Authores, pluresque alias ad probandam hanc Conclusionem adducunt rationes. Hæc tamèn breuiter dixisse sufficiat; pudet enim, pigetq; ea hic adducere, quæ Authores, unus ex alio transcribendo, toties repetunt.

Obijcies cõtra dicta primò. Sapientia debet esse perfectior alijs scientijs. Sed Metaphysica non est perfectior reliquis scientijs. Ergo Metaphysica non est sapientia. Maior est expressa Aristotelis 2. Metaphys. Cap. 1. & S. Thomæ 1. 2. q. 57. art. 2. ad 2. communiterque admittitur ab omnibus, immò plures Doctores tenent, eam esse perfectiorem ipso habitu primorum principiorum, de quo statim. Minor verò probatur. Obiectum Metaphysicæ est imperfectius obiectis aliarum scientiarum, ergo, & ipsa est imperfectior. Cõsequètia pater, quia perfectio scientiæ, sicut & eius species, desumitur ab obiecto, ut expressè docet S. Thomas 1. p. q. 1. a. 5. & 1. de Anima l. c. 1. & q. 66. a. 5. ad 3. Et probatur antecedens. Obiectum Metaphysicæ est ens ut sic, obiectum verò aliarum scientiarum sunt talia entia. Sed ens, ut sic, est imperfectius ente tali, quia illud est potentiale, & confusum, hoc verò actuale, & distinctum ratione differentia contrahentis ens, ut sic ad talem gradum entis. Ergo &c.

Resp. negàdo Minorè. Ad cuius probationem, Negatur antecedens, & ad probationem dico, Ens ut sic, esse perfectius entibus

par:

particularibus; Quod ex eo patet, quia ratio entis, ut sic, eiusque proprietatum, de quibus tractat Metaphysica, est perfectio simpliciter simplex, nihil imperfectionis habens admixtum, unde etiam formaliter in Deo reperitur, Deus enim est formaliter ens, verus, bonus, unus, entia autem talia sunt perfectiones inuolutæ imperfectionibus, unde formaliter in Deo reperiri nequeunt: Quis enim dicet, Deum formaliter ens esse mobile, quod considerat Philosophus naturalis, vel ens quantum, quod considerat Mathematicus; Ac proinde ens ut sic, quod est obiectum Metaphysicæ, est perfectius entibus particularibus, quæ sunt obiecta aliarum scientiarum. Neque illud conuincit, quod in ultima probatione hæc obiectio innuit, esse scilicet ens ut sic ex eo imperfectius, quia est confusum, & potentiale. Nam confusio, & potentialitas competit quidem enti, secundum quod est abstractum abstractione totali, non verò secundum quod est abstractum abstractione formali, quia inde potius oritur ab illo distinctio, & actualitas, ut questione præcedenti diximus. Hinc collige cum Gonzalez. 1. p. disp. 6. n. 95. quantum ad veritatem aberrauerit Franciscus Suarez, cum in sua Metaphysica Disp. 1. Sect. 4. dixit, ens in quantum ens, est entibus particularibus sic perfectius in esse scibilis, non tamen in esse rei; Falsum enim hoc est: quia ens, ut ens pertinet ad ordinem rerum, ut distin-

ctum ab ordine scibilium, reperitur formaliter in Deo. Ergo sic sumptum debet esse liberum ab omni imperfectione, cum aliqua imperfectio in Deum ut cadere possit, hoc dicere sit impium. Ergo cum alia entia particularia, secundum quod talia, habeant semper admixtum aliquid imperfectionis, à qua nisi depurentur, in Deo splendere non possunt, ens, ut ens non tantum in esse scibilis, sed etiam in esse rei, erit perfectius quocunque particulari ente.

Obijcies 2. Sapientia est perfectior intellectu, seu habitu primorum principiorum, sed Metaphysica non est perfectior habitu primorum principiorum. Ergo Metaphysica non est sapientia. Maior est S. Thomæ 1. 2. q. 57. a. 1. ad 2. ubi dicit: *Scientia pendet ab intellectu sicut à principali, & utrumque pendet à sapientia, sicut principalissima*. Minor verò probatur. Tum quia Metaphysica est producta ab habitu primorum principiorum, cum non sit innata, alias omnes homines essent Metaphysici. Ergo est imperfectior habitu primorum principiorum: Impossibile enim est, quod productum excedat perfectionem suæ causæ productiæ, cum quidquid habet, illud emendicet ab ista: Tum etiam, quia habitus principiorum respicit obiectum suum sub abstractione magis illimitata, quàm Metaphysica suum, cum habitus primorum principiorum respiciat principia, quæ abstrahunt tantum à Materia singulari, ut sunt prin-

milli: Licet Theologia explicet fidem, & ab impugnantibus defendat, ut docet Augustinus lib. 14. de Trinitate Cap. 1. Vbi de Theologia loquens dicit. *Hac scientia fides saluberrima gignitur, nutritur, roboratur, ac defenditur: qua quidem scientia non pollent fideles omnes, quamvis fide polleant, aliud est enim scire tantummodo, quid credere debeat homo, propter adipiscendam beatitudinem, & aliud est scire, quomodo hoc ipsum pijs optuletur, & contra impios defendatur.* Et tamē quis dicit, Theologiam esse simpliciter perfectiorem fidem?

Obijcies tertio. Per Metaphysicam non possunt omnia sciri. Ergo non est sapientia. Patet Consequentia ex prima probatione sapientia à Philosopho assignata. Et probatur Antecedens. Si per Metaphysicam scirentur omnia, deberent per illam sciri singularia, sed hæc per illam non possunt sciri, quia sunt infinita, infinita autem intellectu creato comprehendendi non possunt. Ergo &c.

Resp. Per Metaphysicam quidem non sciri omnia in particulari, benè tamē in vniuersali: Quæ solutio non potest benè percipi, nisi sciatur, an Metaphysica descendat ad cognitionem omnium rerum in particulari; de quo infra.

Obijcies quartò. Metaphys. est verè, & propriè scientia. Ergo non potest esse sapiētia. Probatur Cōsequētia; Quia sapientia, & scientia condistinguuntur in ratione virtutum intellectualium, ut dictū est suprā, & docet Aristoteles 4.

Ethycorum cap. 4, & 8. Ergo &c.

Vt huic obiectioni respondeamus, explicandum est, in quo ratio sapientia consistat, quod cum vna solutione contineri nequeat, quia de hoc non mediocriter est inter Doctores differentia, idē huic difficultati sapiendæ sequentem quæstionem destinamus.

### Q V A E S T I O III.

*In quo consistat ratio formalis Sapientia, & quomodo hæc à Scientia distinguatur.*

**P**rima sentētia asserit, sapientiam non esse vnum habitū, sed aggregatum quoddam ex habitu primorum principiorum, & scientia. Itā Molina in Proœmio Theologiæ super quæstionem primam summæ Theologiæ Angelici Doctoris. Nititur duabus auctoritatibus: Prima est Philosophi libro 1. Moralium Magnorum; vbi docet, Sapientiam ex scientia, & intellectu constitui. Altera est S. Thomæ 1. 2. q. 2. art. 2. ad 2. vbi hæc habet. *Scientia pendet ab intellectu, sicut à principaliori, & utrumque pendet à Sapientia, sicut à principalissima, quæ sub se continet intellectum, & scientiam.*

Secūda sententia tenet, Sapientiam esse habitum simplicissimū, & perfectissimum, quod sub unica ratione formali eminentissima

se excedat ad cognitionem principiorum, & conclusionum, ita tamen, ut dictus habitus, nec sit intellectus, nec sapientia formaliter, sed utrumque formaliter eminentè. Ità Nazarius 1. p. q. 1. ar. 3. citans pro hac sententia Conradum, & Medinam, atque Caietanum, quem etsi 1. Poster. cap. 10. in secunda solutione dubij contrarium docuisse dicat, tamen asserit 1. 2. q. 57. sententiam mutasse.

Fundamentum huius opinionis est. Sapientia non tantum indicat de Conclusionibus, sed etiam de principiis, ut expressè docet Aristot. 6. Ethic. c. 7. cuius verba hæc sunt. *Sapientem ergò non solum est scire, quæ ex principiis cognoscuntur, sed etiam circa principia dicere vera oportet.* Ergò Sapientia in se continet tam habitum scientiæ, qui versatur circa conclusiones, quam habitum primorum principiorum, qui versatur circa principia. Ergò cum non contineat utrumque formaliter, ut patebit ex impugnatione primæ sententiæ, continebit eminentè.

Utraque tamen sententia non subsistit. Prima quidem. Tum, quia est directè contra Aristotelem, qui, ut optimè notavit Gonzalez 1. p. q. 1. ar. 6. Disput. 6. n. 89. nullam aliam cognovit sapientiam præter Metaphysicam, quia hæc sola est sapientia naturalis; Aristot. autem vpotè lumine fidei destitutus, supernaturalia non cognovit: & tamen de eadem Metaphysica 1. Metaph. Cap. 2.

dicat, eam esse simpliciter unam scientiam, ab alijs omnibus distinctam. Ergò sentit illam non esse aggregatum ex habitu principiorum, & scientia, aliàs non esset simpliciter una: Cum ergo hæc, ut diximus, sola sit, secundum Aristotelem, Sapientia, sequitur, quòd iuxta mentem Philosophi Sapientia non sit aggregatum ex scientia, & habitu principiorum.

Tum etiam, quia sapientia connumeratur alijs habitibus intellectualibus, sed alij omnes sunt qualitates simplices. Ergo & illa. Tum denique, quia Sapientia est perfectior omnibus scientijs, ut docet S. Thomas: Ergò etiam est melior, seu magis bona. Ergò etiā magis una, hæc enim conuertuntur, seque inuicem consequuntur, sed si Sapientia consisteret in illo aggregato, quolibet scientia magis esset una, quam Sapientia, quia quolibet est qualitas simplex, ut communiter docet Thomistæ, & Nostri Complutenses eruditè demonstrant Lib. 1. de Generat. & Corrupt. Disp. 4. Quæst. 11. n. 153. Ergo &c.

Similiter cōtra secundam sententiam arguitur primò. Dantur in intellectu habitus primorum principiorum, & scientiæ. Ergò Sapientia non poterit in se continere eminentè formaliter scientiam, & habitum principiorum. Antecedens communiter admittitur à Theologis, & Philosophis. Consequentia verò probatur. Si sapientia in se contineret prædictos habitus eminentè forma-

litér, superfluerent in intellectu, neque in illo esse possent; Sicut, quia anima vegetatiua, & sensitiua, similiter continentur in anima rationali, ideò in homine habente animam rationalem, non dantur aliæ animæ à rationali distinctæ.

Arguitur secundo contra eandem sententiam. Quod continet aliquid eminentè formalitér, debet esse perfectius illo; ut optimè aduertunt Nostri Complutenses in lib. de Anima Disput: 4. Quæst. 3. n. 43. Sed sapientia est simpliciter imperfectior habitu primorum principiorum, ut Quæstione præcedenti dictum est. Ergò.

Dicendum est ergo, sapiëntiã esse perfectissimam speciem scientiæ. Ita S. Thomas super Boetium de Trinitate Quæst. 2. ubi dicit: *Quod sapientia non diuiditur à scientia, sicut oppositum, sed sicut perfectissima species ab aliis.* Sequuntur S. Doctorem Gonzalez. 1. p. q. 1. d. 6. n. 90. Bannez. 1. p. q. 1. a. 6. d. 1. Flandria 1. Metaph. q. 1. a. 1. ad 1. Suarez. Disput: 1. Metaphys. Sect. 5. 5. vltimo, & plures alij.

Explicatur assertio, supponèdo Nomen sciëntiæ prima sui impositione significare certitudinem iudicij; Ille enim propriè aliquid sciire dicitur, qui de scito est certus; Cum ergo de effectibus certificemur per causas, inde est, quòd sciëntia sit cognitio rei per causam: Causæ autem duplices sunt: Aliæ Superiores, aliæ Inferiores; Vnde per utraq; sicut certitudo, sic, & scientia generatur. Cæterum quia

cognitio rei per altissimas causas nomen sapientiæ sortita est, scientiæ nomē, penes speciem imperfectiorem remansit; quæ scilicet cognoscit res per causas inferiores. Hoc enim communis Philosophorum vsus tenet, ut speciei imperfectiori sæpius ab illis nomen generis donetur. Sic ergo dicimus in Conclusionē, sapiëntiã esse scientiam contradistinctā ab illa alia specie scientiæ, quæ sibi nomē genericū sciëntiæ, ut sic, usurpauit. Sic ergo explicata Cōclusio.

Probatur primò. Cognitio rei per causam est scientia, ut patet ex eius definitione. Sed sapientiæ cognoscit res per causas, ut dictum est supra. Ergo sapientia est scientia.

Probatur secundo. Sapientia est habitus intellectualis speculatiuus ab habitu primorum principiorum distinctus, non à natura inditus, sed acquisitus. Ergo est scientia. Antecedens, quantum ad omnes partes, patet; Nam in primis cōmunitè sapientia inter habitus intellectuales speculatiuos à D. Thoma, Aristotele, & cæteris Philosophis numeratur. Et insuper sapientia est habitus acquisitus, aliàs, si connaturalis esset; omnes homines essent sapientes, quod tamen vel ipse sensus falsum esse iudicat; Denique est sapientia distincta ab habitu primorum principiorum, cum utriq; oppositæ rationes competant: Nam habitus primorum principiorum versatur circa principia tantum, sapientia verò non tantum circa

D

prin:

principia, sed etiam circa Conclusiones: Habitus principiorum est nobis à natura inditus, ut docent Nostri Complut. in Log. Disput: ult: Quæst. 1. Sapientia autem est acquisita, ut modo dixi. Consequenter probatur. Nam loquendo de habitibus naturalibus, ut distinguuntur à supernaturalibus, habitus intellectus speculativus, & acquisitus, aut est scientia, aut Opinio: si enim acquiratur ex principiis certis, & necessariis, erit scientia; si autem ex probabilibus, erit opinio. Sed sapientia non est opinio, ut patet. Ergo erit scientia, per modum speciei scientiæ, ut sic, sub illa contenta, tanquam sub proprio genere, distincta verò ab illa scientia, quæ per interiores causas procedit.

*Satisfit argumentis opposita-  
rum sententiarum.*

**E**T primò quidē ad utrāq; auctoritatē rā Philosophi, quā S. Thom: dico. Quod cum asserūt, sapientiam continere, tam scientiam, quā intellectum, loquuntur non formalitèr, sed materialitèr, in quantum, sapientia attingit, tam Conclusiones, de quibus est scientia, quā principia, de quibus est intellectus. Quæ adhuc attingit, non formalitèr, ut obijciuntur scientiæ, vel habitui primorum principiorum, sed materialitèr: Nam Conclusiones, prout formalitèr obijciuntur scientiæ, debent attingi per causas inferiores, principia verò, ut obijciuntur

intellectui, seu habitui principiorum, tanquam cognoscenti sine discursu: Cæterum hæc eadem sub alia ratione formali obijciuntur sapientiæ, nam conclusiones obijciuntur illi, ut attingibiles per altissimas causas, principia verò, ut cognoscibilia cum discursu.

Et similiter resp. ad Argumentum factum in favorem secundæ sententiæ, concedendo scilicet, sapientiam considerare, non tantum conclusiones, de quibus est scientia, sed etiam principia, de quibus est intellectus, utrumque materialiter sumptum; negando verò ea considerare formalitèr, secundum quod attinguntur à scientia, & intellectu, ut iam explicatum est.

Ex quibus solum manet ultimum argumentum ex Quæst: præcedēti relictum, propter quod hæc omnia sunt adducta. Dico enim Metaphysicā esse verè scientiam, prout scientia est cognitio rei per causam, abstrahendo, an illa causa sit superior, an inferior. Ex quo tamē non sequitur, illā non esse sapientiam, quia sapientia non contradistinguitur scientiæ ut sic, cum sit eius species, sed scientiæ, quæ est cognitio rei per causas inferiores, ut iam dictū est.



QVAESTIO IV.

*Vtrum inter scientias naturales Metaphysica sit ab homine maximè appetibilis? Vbi illud Axioma explicatur. Omnis homo naturalitèr scire desiderat.*

**Q**uia Philosophus, vt ostenderet, Metaphysicam esse summè appetibilem; hanc maximam præmisit: *Omnis homo naturalitèr scire desiderat.* Idèò inherendo vestigijs Philosophi, de veritate huius axiomatis, prius disserendum est, vt sic ad resolvendam difficultatē plenius procedamus.

*§. I. An, & quomodo verum sit quod dicitur:  
Omnis homo naturalitèr scire desiderat.*

**P**ro intelligentia huius Axiomatis, tres Termini in ipso sunt explicandi. Primus, naturalitèr. Secundus, scire. Tertius, desiderat; Quare.

Supponendum est primò. Ly naturalitèr, multipliciter sumi posse. Primò enim sumitur pro eo, quod est à natura datum alicui, nec effectum, per aliquem reci-

pientis influxum, vel quod fuit à principijs intrinsicis naturæ, sicut risibile est naturale homini. Secundò modo sumitur naturale, prout opponitur libero, & est idem, quod necessarium, & hoc modo quid, quid non procedit à voluntate liberè operante, dicitur esse naturale. Tertiò modo, aliquid naturale dicitur, prout opponitur violento, sicut graui est naturale ferri deorsum, non verò sursum.

Supponendū est secūdò. Quod Ly scire, aliquando sumitur pro quacunque cognitione, sicut cum dicitur; Scio Cracoviam esse. Aliquando verò, & magis propriè, sumitur pro noticia alicuius habitus per demonstrationem, quæ à Philosopho r. Poster. vocatur Syllogismus Episthemonicon, seu faciens scire: quo sensu definiuit Philosophus ibidem scientiam, quod sit habitus per demonstrationem acquisitus.

Supponendum est tertiò. Quod desiderium nihil aliud est, quàm tendentia rei in aliquem finem, consequens formam illius rei; & quia triplex est forma in genere, idèò triplex est appetitus. Alia enim est forma purè naturalis, quæ nullo modo est eleuata supra conditionem materiæ; & appetitus consequens hanc formam vocatur naturalis, sicut est inclinatio grauis ad locum deorsum; Qui tamen appetitus vocatur metaphysicè talis, vt rectè notauit Suarez, quia non est quid distinctum ab ipsa entitate rei, sicut appetitus naturalis materiæ primæ



ad formam non est distinctus ab entitate ipsius, ut docent Nostri Complur. Lib. 1. Physic. Disp. 3. Neque potest distingui in eo actus primus, & secundus, quia hoc modo appetere, non est aliquid elicere, sed solum habere innatam propensionem, qualem habet grauitas deorsum, etiam si nihil agat. Alia est forma, quæ licet sit eleuata aliquo modo supra materiam, tamen etiam est aliquo modo immersa illi, in quantum in omnibus suis operationibus dependet ab organo corporeo, qualis est anima sensitua; & appetitus consequens talem formam, vocatur sensituius, qui diuiditur in Concupiscibilem, & Irascibilem, de quo in libris de Anima tractant Philosophi. Alia denique est forma, quæ est simpliciter eleuata super materiam, ita quod non est affixa in suis operationibus proprijs organo corporeo, qualis est anima rationalis; & appetitus consequens talem formam dicitur rationalis, & hæc est voluntas. Quia verò duo posteriores appetitus, sensituius scilicet, & rationalis, possunt distingui in actum primum, & secundum, idè distinctionis gratia isti appetitus sumpti in actu primo vocantur elicitiui, sumpti verò in actu secundo dicuntur eliciti.

Supponendū est quartò; Quod cum in anima rationali, quæ est forma hominis, contineantur aliæ formæ imperfectiores eminenter formaliter, dat enim esse, viuere, sentire, etiam in homine omnes

illi appetitus, dictas formas consequentes, inueniri debent. His ergo suppositis.

Duo in præsentī examinanda sunt. Primo, de quo appetitu, seu de quo scire, & de quali naturalitate, locutus Philosophus, quando dixit, quod omnis homo naturaliter scire desiderat. Secundo, de veritate ipsius propositionis.

Quantum ad primum: Dico primò. Philosophum in dicta propositione de utroque appetitu locutum fuisse, Naturali scilicet, & Elicito, comprehendendo sub appetitu naturali etiam sensituium, qui dicitur talis, eo quod liber non sit. Et quidem, quod Philosophus locutus fuerit de appetitu innato, seu propensione naturali ad scientias, nullus ambigit: Quod autem axioma Philosophi etiam ad appetitū elicito extendatur, dubitauit Scotus, sed immerito. Clarè enim mentem suam explicuit in sequentibus Philosophus, cum probans, quod omnis homo naturaliter scire desiderat, statim subiunxit: *Signum autem sensuum est dilectio, nam, & absque usu propter seipsos amantur, præ cæteris autem, qui per oculos fit. Non enim, ut agamus solum, verum etiam nihil alturi, ipsum videre præ omnibus alijs (ut sic dicam) eligimus;* Vbi, ut vides, videtur Philos. terminis dilectionis, amoris, electionis, quos constat esse actus elicitos. Ergo &c.

Dico 2. Philos. in illo Axio-mate, omnis homo naturaliter scire desiderat, locutus est de scijs

re communissimè sumpto. Probat-  
tur. Quia ex hoc generali appeti-  
tu sciētīæ, seu cognitionis, ut sic,  
voluit inferre appetitum ad sciē-  
tias propriè dictas, & præcipuè ad  
Metaphysicam; Vnde etiam ad  
probandum, assumpsit desideriu  
cognitionis sensitiuæ, quæ tamēn  
nonnisi lato vocabulo, scientia  
dici potest.

Dico 3. respondendo secundæ  
parti difficultatis, verissimam esse  
propositionē Aristotelicā: Omnis  
homo naturalitèr scire desiderat,  
desiderio, tam innato, quā elicitō.

Probatur ratione Arist. ex amo-  
re, quo vnusquisque fertur in sen-  
sus, & maximè in sensum Visus;  
Quia hic maximè sensus nos co-  
gnoscere facit, multasque diffe-  
rentias demonstrat, ut idem ibi-  
dem dicit Philo. Ergo proportio-  
nabiliter feretur appetitus noster  
in alias cognitiones, siue sensiti-  
uas, siue intellectiuas, magis, vel  
minùs, secundum diuersitatem  
ipsarum; Quia tamen præcipuè  
Philo. intendebat ostendere, quòd  
desideret omnis homo, tam appe-  
titiu innato, quàm elicitō scientias  
propriè dictas, idcò de istis scien-  
tijs loquendo.

Probatur triplici ratione D.  
Thom. tale desiderium inesse ho-  
mini: Ut autem dulciùs ex ipso  
fonte potentur aquæ; Accipe ver-  
ba ipsius Ang. Doct. quæ habet 1.  
Metaph. lect. 1. *Proponit igitur pri-  
mò, quod omnibus hominibus natu-  
ralitèr desiderium inest ad sciendū,  
cuius ratio potest esse triplex (pro-  
sequuntur verba S. Doctoris) Pri-*

mò quidem. *Quia vnaquaque res  
naturalitèr appetit perfectionem  
sui. Vnde, & materia dicitur appe-  
tere formam, sicut imperfectum ap-  
petit suam perfectionem: Cùm igitur  
intellectus, à quo homo est id,  
quod est, in se consideratus, sit in po-  
tentia omnia, nec in actum eorum  
reducatur, nisi per scientiam, quæ  
nihil est eorum quæ sunt, ante intel-  
ligere, ut dicitur in 3. de Anima, sic  
naturalitèr vnusquisque desiderat  
scientiam, sicut materia formam.*

Secundò. *Quia qualibet res natu-  
ralem inclinationem habet ad suam  
propriam operationem, sicut calidi-  
as calefaciendum, & graue, ut deorsum  
moueat. Propria autem ope-  
ratio hominis, in quantum homo, est  
intelligere, per hoc enim ab omni-  
bus alijs differt. Vnde naturalitèr  
desiderium hominis inclinatur ad  
intelligendum, & per consequens ad  
sciendum.*

Tertiò. *Quia vnicuique rei desi-  
derabile est, ut suo principio coniun-  
gatur; in hoc enim vniuscuiusque  
perfectio consistit. Vnde & motus  
circularis est perfectissimus, ut pro-  
batur 8. Physic. quia finem coniun-  
git principio. Substantijs autem se-  
paratis, quæ sunt principia intelle-  
ctus humani, & ad quæ intellectus  
humanus se habet, ut imperfectū ad  
perfectum, non coniungitur homo,  
nisi per intellectum: Vnde, & in  
hoc vltima hominis felicitas consi-  
stet: Et idcò naturalitèr homo desi-  
derat scientiam. Hucusque S. Tho-  
mas. Quæ rationes de viroque  
appetitu procedunt, innatò sci-  
licet, & elicitō, ut optimè aduer-  
sit*

tit Suarez Disp. 1. Metaph. sect. 6. n. 8., ut consideranti patebit; atque ita secundum Philosophum, & S. Tho., Omnis homo naturaliter scientias utroque appetitu desiderabit: Ex quo rectè inferitur cum eodem D. Thom. 1. contr. gentes Cap. 4., Quod penitus à natura humana degenerat, qui scire non affectat.

§. 2. *Determinatur. Quid de Metaphysica sentiendum sit.*

**S**ic ergò mente Philosophi explicata, veritateque ipsius effati cõprobata, de Metaphysica determinamus, &

Dicimus. Quòd inter õnes Scientias speculatiuas, est maximè appetibilis.

Probatur Conclusio. Quia omnis scientia est naturaliter appetibilis, ut diximus. Ergò magis scientia est magis appetibilis, & maxima maximè; Sicut enim se habet simpliciter ad simpliciter, ita magis ad magis, Sed Metaphysica est suprema omnium scientiarum, quia est sapientia, ut diximus. Ergò erit maximè appetibilis. Confirmatur. Omnis homo naturaliter scire desiderat. Ergò illud magis desiderabit, quod faciet maximè scire. Sed Metaphysica facit maximè scire, cum sit de maximè scibilibus, ut dictum est, Ergo, &c.

Probatur secundò. Maximus hominis appetitus est ad suam fe-

licitatem; Sed maxima felicitas naturalis hominis est in possessione Metaphysicæ. Ergò in illam feretur maximè appetitus naturalis. Maior patet. Et probatur minor. Felicitas naturalis hominis consistit in cognitione Dei, & substantiarum separatarum, Sed per hanc scientiam, Deus, & substantiæ separatæ cognoscuntur perfectè, quantum naturaliter cognoscibiles sunt. Ergo &c.

§. 3. *Proponuntur & solvuntur Obiectiones.*

**O**bijcies primò. Contra tertiã Conclusionem §. 1. Philosophus sub appetitu naturali comprehendit appetitum sensitivum, & per appetitum elicatum solum rationalem intellexit. Ergò falsum est dictum eiusdem, Quòd omnis homo naturaliter scire desiderat. Antecedens patet ex dictis §. 1. Concl. 1. Et probatur Consequentia. Appetere aliquid naturaliter appetitu rationali, seu voluntate, est appetere necessariò, Sed falsum est, quòd omnis homo necessariò appetat scire. Ergò &c. Maior patet. Quia naturale involuntate idem est, quod necessarium: quod enim voluntas naturaliter facit, non liberè, sed necessariò facit. Et probatur minor. Si omnis homo necessariò appeteret scire, vel hæc necessitas esset quò ad specificationem, vel quò ad exercitium. Sed neutro modo potest appetere. Ergo &c.

Ma,

Maior patet. Sic enim communiter à Philosophis diuiditur necessarium: Et probatur minor in primis quò ad secundam partem; Quia necessitas quò ad exercitiũ consistit in hoc, quòd non possit suspendi actus, seu quòd non possit cessare ab actu, sicut Beati in Patria necessitantur ad amandum Deum necessitate quò ad exercitium, quia sunt semper in actuali amore Dei, ita vt ab hoc exercitio amoris nunquam possint cessare. Sed nullus est homo, qui sit semper in exercitio actuali amoris, vel desiderio scientiæ. Tùm quia id experientia docet. Tùm etiam, quia voluntas fertur in bonum sibi ab intellectu propositum, sed non semper est in actuali cogitatione de scientia. Ergo nõ semper est in actuali desiderio ipsius. Ergo neque necessitatur quò ad exercitium, circa amandam, vel desiderandam ipsam. Quòd autem neque quòd ad specificationem necessitatur (quæ erat prima pars minoris) probatur. Necessitas quò ad specificationem tunc est, quando aliquid non potest habere hunc actum, vel oppositũ, sed determinatè hunc, ita quòd, etsi possit intermittere aliquando actum, tamen, si semel illum debet exercere, non poterit non esse actus hic v.g. amoris; Quia necessitate necessitatur voluntas ad amandum bonum, seu beatitudinem in Communi. Sed sic est, quòd voluntas non est determinata ad eliciendum semper actum, amoris, vel desiderij circa scien-

tias, quia plurimi sunt homines; qui eliciunt actus oppositos. v.g. fugæ, vel odij. Ergo &c.

Confirmatur. Sola beatitudo in Communi potest necessitare voluntatem, quantum ad specificationem, ita quidẽ, vt nec ipsa visio beatifica tali modo illam necessitet, vt docent Nostri Cõplut. in lib. de An. Disput. vlt. qu. 2. Ergo neque circa scientias necessitabitur quantum ad specificationem, & multo magis quantum ad exercitium.

Ad hanc objectionem Resp. negando Consequ., ad cuius probat. negamus scientiam, vt sic non esse necessariò appetibilem à voluntate: Et ad probationem in contrarium, eligimus primam partem dilemmatis, dicimusque scientiã, vt sic appeti ab homine per voluntatem necessariò, necessitate quò ad specificationem, Quia verè homo non potest elicere actum contrarium, vel amoris, vel desiderio Scientiæ, sed semper debet desiderare illam saltim desiderio inefficaci; Licet enim homo possit nolle scientiam, vel non desiderare illam desiderio efficaci; Hoc tamen est propter aliquas causas extrinsecas, vel impedimenta aliqua, quæ pet accidens sunt scientiæ adiuncta, v.g. propter laboris difficultatem, propter pigritiam, vel quia scientiæ studium excludit alias occupationes, quibus homo est addictus, vt sunt militaria, vel Oeconomica exercitia, vel alia similia, Vnde rudiores ingenio, minus appetunt scientiam, propa

ter maiorem in acquisitione illius difficultatem. Ceterum scientia secundum se non potest displicere, quia secundum se, & præcisè istis difficultatibus extrinsecis, nihil mali importat; Cum enim sit perfectio simpliciter simplex, in Deo etiã formalitèr inuenta, vt docent nostri Salmant. Tom. 1. tra. 6. 3. dub. 3. num. 43., debet esse ab omni imperfectionis malique specie depurata; Vnde etiã necessariò amatur necessitate quò ad specificationem. Odio enim haberi non potest, quia malum non est, odij autem Obiectum est malum, S. Thoma docente 1. 2. qu. 29. art. 1. in C. Nullus enim est adeò barbarus, qui scire nolit, præcipuè si scientiam citra laborem acquirere posset. Quæ solutio desumitur ex S. Thoma 1. Metaph. lect. 1. ubi sic habet. *Nec obstat quòd aliqui homines scientiæ huic studium non impendant, cum frequenter, qui finem aliquem desiderant, à prosecutione finis ex aliqua causa retrabantur, vel propter difficultatem perveniendi, vel propter alias occupationes. Sic etiã, licet omnes homines scientiæ desiderant, non tamen omnes scientiæ studium impendant, quia ab alijs detinentur, vel à voluptatibus, vel à necessitatibus vitæ præsentis, vel etiã propter pigritiã vitant laborem ad discendi.* Hucusque S. Doctor.

Ad Confirmationem, concedimus quidem solam beatitudinem in communi necessitate voluntatè nostram quantum ad specificationem: Negamus tamen inde se-

qui, quòd scientia illam similiter non necessitet, quia scientia in communi est ipsa beatitudo in communi. Pro quo

Sciendum est ex S. Thom. 1. 2. qu. 3. ar. 4. Essentiam beatitudinis humanæ in actu intellectus consistere. Quòd multis probat S. Tho., & sequaces ipsius, quæ tamen, quia aliena sunt à nostro instituto, hic referre non licet. Ex quo necessariò sequetur, Quòd beatitudo, vt sic consistat in cognitione intellectiva vt sic, prout ambit cognitionem totius entis creati & increati, etiã clarè visibilis. Cum ergò nomen scientiæ vt sic, prout comprehendit scientias naturales omnes, & scientias supernaturales, Theologiam, scilicet viatorum, & Beatorum, extendatur ad omnem cognitionem intellectivam, etiã ad ipsam primam apprehensionem, tanquam ad principium sciendi, evidenter sequitur, ipsam scientiam vt sic, esse beatitudinem vt sic: Vnde cum voluntas nostra necessitetur à beatitudine vt sic, necessitate quò ad specificationem, vt docent nostri Complut. in lib. de An. Disput. ult. qu. 2. Eodem etiã modo necessitabitur circa scientiam in communi: Nec valet instantia de visione beatifica: illa enim sicut est pars subiectiva beatitudinis vt sic, ita etiã est pars subiectiva scientiæ vt sic, ac proinde, sicut malè argueret, qui exinde probaret, non necessariò amari beatitudinem vt sic, quia non necessariò amatur visio beatifica, ita & in  
præ-

præsenti non currit argumentū: Visio beatifica non necessario amatur, Ergo & scientia in cōmuni. A negatione enim speciei malè arguitur ad negationem generis. Vt si quis dixerit. Non est homo. Ergò neque animal.

Obijcies 2. Scire vt sic, non potest esse præcognitum homini. Ergò non potest appetitu rationali, seu voluntate appeti ab homine. Antecedens patet. Quia scire vt sic, ambit omnem cognitionem humanam, etiam sensitivam, vt supra dictū est. Ergò non potest præcognosci, alias omnem cognitionem, seu cognitionem, vt sic, præcederet aliqua cognitio, quod implicat, quia illa cognitio esset omnis, & non omnis. Consequentia verò probatur. Nihil volitum, quin præcognitum, vt dicit D. August. qu. de Trin. Ergò si scientia, vt sic, est volita, debet esse præcognita. Ergò si scire, vt sic, præcognosci nequit, (quia etiam illud præcognosci, cum sit aliquid scire, clauditur sub Scire, vt sic) non poterit per voluntatem, seu per appetitum naturalem ab homine appeti. Ergò, &c.

Resp. supponendo, Quòd Ly scire, potest sumi tripliciter. Primò, prout ambit omnem cognitionem, tam sensitivam, quam intellectivam. Secundò, prout claudit cognitionem intellectivā tantum. Tertiò, prout est genus ad omnes scientias, quæ sunt cognitiones rerum per causas; quod

adhuc est duplex. Aliud Perfectum. Aliud imperfectum: Et si ergò scire communissimè sumptum, secundum primam acceptionem non possit appeti appetitu rationali, qui cognitionē præsupponit, nam præcognosci non potest, quia omnem cognitionē, tam sensitivam, quam intellectivam ambit, vnde tantum desiderabitur ab homine appetitu naturali, seu illo pondere naturæ, quo vnaquæque res etiam insensibilis, & inanimata in suam fertur perfectionem, Quòd idem de scire, vt sic, in secunda acceptione, dicendum est; Cum enim hoc ambiat omnem actum intellectus, non potest in illud ferri voluntas per desiderium ipsius, cum hæc, vtpotè cæca, non præcedat, sed sequatur intellectum, actusque intellectus priores sint semper actibus voluntatis, vt cōmuniter docent Theologi in materia de Prædestinatione: Ceterum scire, vt sic, in tertia acceptione sumptum, sicut præcognosci, ita etiam à voluntate desiderari potest: Vnde, etsi prima cognitio sensitiva, vel intellectiva, non possit desiderari appetitu rationali, sed tantum appetitu purè naturali: tamen semel habita alicuius noticia imperfecta, poterit homo optimè desiderare desiderio rationali habere circa illud noticiam, seu scientiam perfectā. Vnde, ad argumentum dicimus, Quod licet scire, nullam ante se cognitionem præsupponens, à voluntate desiderari nequeat, vt

optimè probat argumentum, bene tamen scire illud, quod aliqua cognitio præcessit, quale est scire in tertia acceptione, ut iam explicatum est.

Obijcies tertio. Quod à tota specie naturaliter desideratur, à maiori parte saltem indiuiduorum talis speciei debet acquiri, sed scientiæ non acquiruntur à maiori parte hominū, cum plures sint homines rudes, quam docti, ut experientia constat. Ergo non ab omnibus hominibus scire naturaliter desideratur.

Resp. distinguendo maiorem, quod à tota specie naturaliter desideratur, saltem à maiori parte indiuiduorum talis naturæ debet acquiri, per se loquendo, Concedo; Per accidens, Nego: Per accidens autem est, quod plures homines refugiunt scientias, ut ex S. Thoma dixi in responsione ad primam obiectionem.

Obijcies quarto. Si omnis homo naturaliter scire desideraret, vel desideraret aliquam scientiā, vel omnes. Non primum, quia non est maior ratio de hac, quam de illa. Non secundum, quia, vel desideraret cum ordine, prius appetendo hanc, vel illam, vel sine ordine. Nō cū ordine, quia nō est ratio, cū vna prius desideretur, quam alia, Nec sine ordine, quia appetitus fertur in scientias, secundum quod sunt acquisibiles. Sed non sunt acquisibiles sine ordine. Ergo &c.

Resp. Quod si loquamur de appetitu, seu desiderio voluntatis

inefficaci, quo diximus, hominē necessariō necessitate quodam specificationem appetere scientias; Dico, quod tali appetitu appetit homo scientiam, ut sic, præscindendo ab ordine: Appetitus enim inefficax, seu illa velleitas, quia non est practicum desiderium, quod in exercitio ponatur, sed, ut ita dicam, speculatiuum tantū, non est necesse, quod respiciat finem cum omnibus medijs, quibus acquisibilis est, sicut illum finem desiderium efficax debet respicere: Ideoque etiam si scientiæ, ordine quodam sint acquisibiles, & vna sit medium respectu alterius, omnes autem respectu ipsius scire, ut sic: tamen quamdiū voluntas illas desiderat inefficaciter; non attendit aliquem ordinem, in ipsis, sed cæco impetu fertur in ipsum scire, ut sic: quod illi proponitur ab intellectu, ut pulchrum, & bonum. Quando verò desiderio efficaci desiderat, tunc desiderat cum ordine, prius desiderando vnam, quam aliam. Cuius ordinis est duplex causa. Prima ex parte scientiarum, quia scilicet sunt ita inter se concatenate, ut vna deseruiat cognitioni alterius, ideoque prius est addiscenda, sicut Logica prius, quam Physica, vel Metaphysica. Secunda est ex parte ipsius hominis, in quantum respectu diuersarum complexionum, diuersas appetunt scientias. Vnde etsi quilibet appetat scire, ut sic appetitu inefficaci, tamen ratione talis, vel talis complexionis, in hanc potius, quam

quàm in illam appetitu efficaci fertur. De quo pulchram Alberti Magni accipie doctrinam, quam affert Flandria 1. Metaph. quæst. 2. a. 1. vbi hæc ex Alberto Magno habet. *Quidam sunt, qui violentia passionum omnino abducuntur à sciendi studio. Quidam verò magis sequuntur bonum natura, & sic ad acquisitionem scientia perveniunt. Et hi sunt in multiplici differentia. Nam quidam sunt, quorum intellectus impermixtus, & purus est, & complexio subtilis spiritus, & coloris, & humoris luminosi, non constantis propter frigidum congelans, nec propter calidum commiscens, & tales student bene, & libenter Metaphysicis, Divinis, magnis, & subtilibus rebus. Quidam verò sunt, qui habent Organum imaginationis optimum, ad tenendum figuras, quorum intellectus est reflexus ad seipsum; & tales Mathematicis doctrinalibus gaudent studiis. Quidam verò sunt, quorum medullosum, & purum est organum sensus, cum spiritu lucido non commisto, & non pigro per frigidum congelans, & quorum organum imaginationis consequitur, non bene tenens figuras, & eorum intellectus non est reflexus ad sensum, & tales gratas habent speculationes naturales. Sed quidam sunt, quorum spiritus sunt congelati; & non bene clari propter frigus congelans, & conspissans, & tales libenter occupantur circa signa Rhetorica, & detinentur in ijs, nec proficiunt in aliqua veri speculatione.*

Obijcies 5. Contra rationem Philosophi, in qua dicit. Nos

sensum Visus plurimum dilligere; Sic: Illum sensum plus diligit homo, sine quo conservari in suo esse nequit. Sed sine sensu tactus non potest conservari in suo esse, vt docet Arist. lib. 3. de Anima cap. 12. sine visu autem potest, multos enim cæcos videmus vivos. Ergo &c.

Resp. Dupliciter amari sensus, vno modo propter utilitatē, alio modo propter cognitionem; Sub utilitate autem comprehenduntur omnes commoditates corporis, pertinentes, vel ad conservationem vitæ, vel ad delectationē, vel ad alia vitæ nostræ adiuncta. Et si ergo tactus, quod ad utilitatē magis ametur, tamē quantum ad cognitionem, visus non solum tactum, sed omnes etiā alios sensus longē superat. Primò, quia latius habet Obiectum, pluresque rerum differentias attingit, quàm alij sensus, percipit enim motus, actiones, figuras, diuersasque diuersarum substantiarum immutationes, quæ sunt veluti indicia quædam, & signa, per quæ ad res cognoscendas pervenitur. Secundò, quia propter excessum in immaterialitate supra alios sensus, citius percipit suum Obiectum, quod ipsa experientia testatur: Cum enim à longē rusticus v.g. scindit ligna, prius securis video motum, quàm audiam idum. Tertiò. Quia tenacius imprimit phantasiam, quæ percipit, quod & ipsi experimur; Nihil enim iam ita menti hæret, nihil ita citò occurrit cogitationibus,


E 2 quàm



quàm quod, oculo duce, arcem mentis intrauit.

Dices. Aptior est auditus ad cognitionem, siue scientiâ, quàm Visus; Quia auditu verba docentis Magistri percipiuntur, non autem Visu. Ergo falsum est, quod diximus, Visum inter omnes sensus esse ad cognitionem vtilissimum.

Resp. Auditus est aptior ad cognitionem, seu scientiam: via inuentionis habendam, Nego: Via disciplinæ, Concedo. Verum quidem est, quod via disciplinæ per præceptum Magistri est aptissimus auditus ad scientias acquirendas: & in hoc excedit quodammodo Visum; Quia licet ille possit in scripto præcepta Magistri percipere, illâ tamen energiam, quam habet viua vox non potest sicut potest auditus: Cæterum hic excessus est per accidens, Supponit enim alium perfectiorê Visum, loquendo secundum naturas rerum, & solum est necessarius ad supplendam imperfectiorem, vel negligentiam hominum in scientijs inueniendis, in quantum illi, quia, vel propter tarditatem ingenij non possunt, vel propter pigritiam nolunt scientias propria inuentione assequi, faciliorem viam acquirendæ scientiæ assumunt per præcepta Magistri.



## QVÆSTIO V.

*De vnitæte specificæ Metaphysicæ. Vbi explicatur. An Metaphysica descendat ad cognitionem rerum in particulari.*

PRIUS quidê hęc Quæstio tractari debuit, quàm præcedens secundum methodum ordinariam. Quia cognita natura Metaph., quod fecimus tribus primis Quæstionibus, statim de vnitæte illius disputandum erat, cum vnitætas entitatæ cuiuslibet rei sequatur: Cæterum methodum arbitrariam secuti (quam Nostri Compl. disp. Præmiali Logices, Quæstione vltima in tradendis disciplinis plurimum commendant) præmissimus quæstionem præcedentem, de appetibilitate Metaphysicæ, vt sic ex omni parte constaret, illam esse sapientiâ, inter cuius conditiones etiam hanc Aristot. numerauit, quod sit appetibilis propter se. His ergo, quæ tam directè, quàm indirectè ad naturam Metaphysicæ spectabant explicatis, hic de illius disseremus Vnitæte.

### §. I. Resolutio Quæstionis.

PAUCA circa hanc quæstionem occurrunt dicenda, supposita generali doctrina de specificatione

ue

ne scientiarum, quam tradunt Dialectici in libris Posteriorum, eamque non minus fusè, quam eruditè explicant Nostri Cõplutenses Disput. 19. qu. 4. per totũ, ex quorum doctrina, quam ibi habent, pro decisione quæstionis.

Notandum est, Specificationẽ scientiarum sumi ex principijs, seu medijs demonstrationis, quæ gerunt vicès luminis, per quod illuminatur, & cognoscitur Cõclusio: Quamvis enim secundũ commune Philosophorum dictũ, Scientiæ, & habitus specificentur ab Obiectis, hæc tamen non possunt tribuere speciem scientiæ in esse rei consideratæ, aliàs tot essent scientiæ, quot sunt res specie distinctæ, aliaque esset scientia de homine, & alia de boue, & alia de leone &c. quòd absurdum est: Debet ergò aliquid assignari in obiectis scientiarum, in quò diuersæ illæ entitates conueniant ad constituendum vnum Obiectũ specificationum scientiæ; Et hæc est ipsa scibilitas Obiecti: Cum autem scibilitatem habeat Obiectum, vel per abstractionem formalem à materia, per quam reditur actuale, & intelligibile, vel per media, seu principia demonstrationis, quæ habent vicem luminis illuminantis Obiectum, faciuntque illud actu scibile, sicut lux corporalis facit colores actu visibiles; & insuper abstractio à materia constituit scientiarum unitatem genericã, restat, vt specificatio ipsarum reducat in

principia, per quæ illuminatur Obiectum. Illæ ergò scientiæ erunt diuersæ speciei, quæ per diuersa principia diuersum lumen habentia, ad cognitionem sui Obiecti procedunt; Sicut si daretur visus, qui colores per hoc lumen corporale videre non posset, sed aliud lumen specie diuersum requireret, non posset non esse specie distinctus à nostro visu: Principia autem tunc sunt specie distincta in ratione luminis, quãdo non deriuantur ex alijs, vel alterutris intra eandem abstractionẽ; Si enim deriuarentur, mutarent derivata lumen ab illis, à quibus deriuarentur, & sic conuenirent in ratione luminis; Per consequens, sicut non haberent vim illuminatricem distinctam, ita etiam non possent esse principia distinctionis specificæ scientiarum. Hoc ergò supposito, Quia cõstat Metaphysicam esse distinctam genere ab alijs scientijs naturalibus, habet enim distinctam abstractionem à materia: abstrahit enim ab omni materia, singulari nimirum, sensibili, & intelligibili; Nec de vnitate numerica aliquid singulare occurrit dicendum, supposita generali doctrina de indiuiduatione accidentium, de qua agunt nostri Salmanticenses in tractatu de principio indiuiduationis; Ad cognoscendam igitur unitatem specificam Metaphysicæ.

Dicendum est, Metaphysicam esse vnã in specie athomã. Ita  
At-

Aristoteles, & D. Thomas, communiterque eorum discipuli, & præcipue Flandria 1. Metaph. quæst. 1. a. 6. Complutenses loco nuper citato; Pater Blasius disputatione Proæmiali, Quæst. 3. sect. ultima. Probat breuiter Conclusio ex dictis. Illa scientia est vna in specie athoma, cuius principia deriuantur, ex alijs, vel alteruturis intra eandem abstractionem. Sed Metaphysicæ principia sunt talia, Quia omnia deriuantur ex vniuersalissimis principijs entis. Ergo Metaphysica est vna in specie athoma.

## §. 2. Obiectiones contra dicta, & solutiones earum.

**O**bjicies primò. Scientiæ sumunt suam vnitatem ex obiectis. Sed obiectum Metaphysicæ non est vnum, quia ens, quod est obiectum ipsius, non habet vnitatem, nisi fortè analogicam. Ergo, & ipsa non poterit esse vna, nisi fortè analogicè. Sed esse analogicè vnum, non est esse vnum in specie athoma. Ergo &c.

Resp. Aliqui huic argumento, concedendo, Metaphysicam esse vnam vnitatem analogicè tantum; hæc tamen solutio in via Aristotelis sustineri non potest. Quia secundum illum, analogia reiiciuntur à Prædicamentis, vt patet ex ijs, quæ docent Nostri Complutenses in Logica disput. 11. quæst. ult. num. 59. Sed Metaphysica non excluditur à Prædicamentis; re-

ponitur enim in prima specie qualitatis, vt docent Nostri Complutenses in Logica disput. 15. quæst. 8. n. 28. Ergo &c. Hac ergo solutione reiecta:

Aliter ad Argumentum Resp: ex dictis, concedendo scientias sumere suam vnitatem ex obiectis, non in esse rei, sed in esse scibilis. Cum ergo obiectum Metaphysicæ, etsi non sit vnum quid simpliciter in esse entis, est tamen vnum in esse scibilis, quia sub vno lumine procedit, vt iam explicatum est, etiam Metaphysicæ poterit tribuere vnitatem specificam. Neque mirum alicui videri debet, si aliquid in vno genere sit vnum, & in alio non, plura enim huius rei suppetunt exempla. Ecce enim sol in genere entis est vniuocum, & tamen in genere causæ est æquiuocum; Medicina verò est analogum in genere causæ sanitatis, cum tamen in genere entis possit vniuocationem habere. Adde, quod ens, quod est obiectum Metaphysicæ, si consideretur in ratione subiecti passionum, quæ de illo demonstrantur, habet longè maiorem vnitatem, quam quoduis aliud obiectum aliarum scientiarum; Quia passionibus ipsis sunt identificatæ cum illo realiter, vt infra dicetur: quod tamen, nulli alteri obiecto competere potest, loquendo de obiectis scientiarum naturalium, vt discurrenti patebit.

Objicies secundò. Verum, & bonum ab vno habitu in specie considerari non possunt. Sed verum,

rum, & bonum considerantur in Metaphysica. Ergò Metaphysica non est vnus habitus in specie. Minor, & Consequentia patent. Maior verò probatur, quæ ad diuersas potentias pertinent, non possunt ab vno habitu considerari. Cum enim latius pateat potentia, quàm habitus, quæ ad diuersas potentias pertinent, ab vno habitu considerari nequeunt. Sed verum, & bonum pertinet ad diuersas potentias, Cum verù sit obiectum intellectus, bonum verò voluntatis. Ergò &c.

Resp. Negando maiorem, & ad probationem dicimus, falsum esse, ea, quæ ad diuersas potentias spectant, ad eundem habitum pertinere non posse: Sicut enim non omnia, quæ petunt distinctos habitus, petunt distinctas potentias, vt patet in ente mobili, ente quanto, ente rationis, &c: Quæ licet distinctos habitus petât, Physicam, Mathematicam, Logicam, tamen ab vna potetia intellectiua comprehenduntur. Ita etiam non omnia causant distinctionem habituum, quæ causant distinctionem potentiarum; Et ratio est vtriusque. Quia ex diuerso capite sumitur distinctio potentiarum, & ex diuerso distinctio habituum: obiectum enim (à quo tam potentia quàm habitus specificantur) diuersificat potentias penes diuersum modum immutandi, habitus verò penes diuersam attingibilitatem: Quia ergo bonum, & verum diuersum habent immutandi modum: nam verum immutat poten-

tiam, in quantum est receptum ab illa, Bonum verò immutat, in quantum illam trahit ad se, secundum illud commune effatum Philosopherum. *Intellectus trahit ad se res: Voluntas verò ab ipsis rebus trahitur*: Inde est, quòd verum, & bonum diuersificant potentias. Quia verò è contra; bonum, & verum eandem habent attingibilitatem. (Vtrumque enim consideratur in Metaphysica, vt scibile per principia communia entis realis.) Iude est, quòd non diuersificat habitum Metaphysicæ.

Illustratur magis hac solutio. Quando bonum attingitur à Metaphysica, non attingitur sub ratione boni, sed sub ratione veri, Quia non attingitur, vt est in actu exercito, seu cum existentia, sed tantum, vt est in actu signato, secundum sua essentialia, quæ, vt talia, non dicunt bonitatem appetibilem; nam bonum, vt appetibile est, concretivè se habet, importatque, vel existentiam, vel saltem ordinem ad ipsam, de quo infra: Sicut ergo verum, quod est obiectum intellectus, potest attingi à voluntate, non formalitèr, vt verum, sed in quantum bonum quoddam est, ita etiam bonum, quod est obiectum voluntatis, secundum quòd induit rationem veri, poterit obijci intellectui: Imò etiam poterit esse pars obiecti adæquati alicuius habitus intellectus, si conueniat in scibilitate, seu in lumine principiorum cum alijs obiectis inædæquatis talis scientiæ: Cuius ratio est, quia potentia non respiciunt

Et sunt sua obiecta secundum esse materiale illorum, sed secundum rationem formalem obiectiuam. Quando ergo obiectum vnus potentiz induit rationem formalem alterius, poterit alteri potentiz obijci: Vnde etiam si participet rationem formale obiecti alicuius habitus, poterit ad illum pertinere, etiam si secundum aliam considerationem ad diuersam potentiam spectet, vt patet in vero, & bono, secundum quod vnum alterius rationem inducere potest.

Obijcies tertio. Illa scientia non est vna, quæ tractat de pluribus, quæ sub vna ratione contineri non possunt. Sed Metaphysica est talis. Ergo non est vna. Maior, & Consequenria constant. Et probatur Minor. Si omnia, de quibus tractat Metaphysica possent sub vna ratione contineri, maxime containerentur sub ratione entis realis, vt sic, quod est obiectum Metaphysicæ. Sed sub ratione entis realis, vt sic, non possunt contineri omnia, de quibus tractat Metaphysica; hæc enim tractat de Deo, vt patet ex dictis in quæstione prima huius disputationis, qui tamen non potest contineri sub ratione entis, vt sic, aliàs daretur quid superius, & prius Deo, quod est impossibile. Ergo &c.

Resp. Negando minorem, ad cuius probationem, dicimus Deum contineri quidem sub ente, vt sic, tanquam partem, vel quasi partem subiectiuam entis, vt sic, & simul, tanquam principium eius; Ex hoc tamen non sequitur, rationem en-

tis, vt sic, esse priorem, vel superiorem Deo, quia tantum illis partibus subiectiuis totum est prius, & superius, quæ tantum sunt partes, non autem illis, quæ sunt partes, & principia simul, cum principium semper sit prius suo principio. Cum ergo Deus, ita sit ens, vt simul sit principium, & fons totius entitatis; inde est, quod ipsum ens, nec prius, nec superius sit Deo.

Obijcies 4. Scientiæ naturales differunt specie, sed omnes scientiæ sunt partes Metaphysicæ, quia illa tractat in indiuiduo de earum obiectis. Cum enim sapientia sit, debet de omnibus rebus tractare, vt patet ex conditionibus sapientiz supra recensitis. Ergo Metaphysica non est vna specie. *Nec valet, si dicas*, Metaphysicam tractare de omnibus in vniuersali, non autem in particulari, vt supra diximus quæst. 2. Contra est: scire aliquid in vniuersali, est scire imperfectè, Sed Metaphysica, quæ scit, perfectè scit; est enim perfectissima scientiarum, vt ex supra dictis patet. Ergo &c. Hæc obiectio petit, vt explicemus, an Metaphysica descendat ad cognitionem rerum in particulari, quod sequenti Paragrapho explicabitur, quia longiorem, accuratamque petit disquisitionem.



§. 3. *In quo determinatur,  
An Metaphysica descen-  
dat ad cognitionem re-  
rum in particulari.*

**P**RO quo sciendum est, res illas, quæ in suo cōceptu materiam non includunt, vel quia esse possunt sine illa, vel quia illis repugnat esse in materia, pertinere ad considerationē Metaphysicā secundum suas athomas rationes, qualia sunt Deus, Angeli, Ratio, Substantiæ, Qualitates, Actus, Potentiæ, &c. Et ratio huius est, quia ista omnia gaudent abstractione propria Metaphysicæ secundum suas athomas rationes, participantque rationem formalem Obiecti ipsius. Ergo sub eius considerationē cadere possunt. Difficultas ergo tantum est de illis, quæ licet secundum communes rationes, & gradus, v.g. substantiæ, Entis &c. abstrahant à materia, tamen secundum suas rationes athomas includunt illam, ut sunt: Homo, Leo, bos, &c: an scilicet pertineant ad considerationem Metaphysicam, non quidē secundum rationes indiuiduales; certum est enim singularia sub considerationem scientiarum cadere non posse, sed secundum rationes genericas, vel específicas.

In quo Ægidius 1. Metaphy. qu. 22. sect. 2. Antonius Mirandulanus lib. 13. de Euerfione singularis certaminis, Sect. 6. & 7.

tenent, Metaphysicam res omnes usque ad ultimas earum differentias considerare, consequenterque; asserunt, alias scientias à Metaphysica non distingui totaliter, sed esse partes ipsius. Numerantur autem, ut distinctæ propter commoditatem in addiscendo, ut distinctio tollat confusionem.

Probatur primò hæc Sententia Auctoritate Arist. 4. Metaph. Cap. 1. ubi dicit. *Omnis autem generis, & sensus unus unius: & scientia, velut Grammatica una existens omnes voces speculatur. Quare quoque Entis quot species sunt, & species specierum unius scientia genere est.* Ergo ex mente Aristotelis, scientia, quæ contemplatur Ens, contemplabitur species eius, & species specierum. Sed Metaphysica contemplatur Ens, cum hoc pro eius Obiecto assignauerimus. Ergo & eius species contemplabitur, ac per consequens, descendet ad cognitionem rerum in particulari.

Secundò probari potest hæc sententia ratione. Scientia, quæ speculatur Ens, in quantum Ens, descendit ad cognitionem rerum in particulari. Sed Metaphysica considerat Ens, in quantum Ens, ut dicitur 4. Metaphys. Tex. 1. Ergo Metaphysica descendit ad cognitionem rerum in particulari. Minor, & Cōsequentia patent. Maior verò probatur. Ratio Entis imbibitur in ultimis differentijs rerum, ut infra probabitur. Ergo considerando rationē Entis, considerabit ultimas rerum,

F dif.

differentias; ac per consequens descendet ad cognitionem rerû in particulari: Quia, vt ex præsuppositione constat, non idèò di imus, scientiam aliquam descendere ad cognitionem rerum in particulari, quia res in indiuiduo cognoscat, sed quia vltimas rerum differentias contemplatur.

Nec refert si dicas, Metaphysicam contemplari quidem vltimas rerum differentias, secundùm rationem entis in eis inclusam, non tamèn secundùm rationem differentialem ipsarum.

Contra hoc enim arguitur sic. Ratio enim differentialis, quâ talis, nihil addit supra rationem Entis; illud enim quòd addi fingitur, si non est nihil, est Ens, cû Ens, & nihil opponantur contradictoriè: inter opposita autèm, contradictoriè non datur mediũ. Ergò qui cognoscit Ens secundùm rationem Entis, cognoscet etiam ipsas rationes differentiales rerum.

Nec iterum valet, si dicas, rationem differentialem addere supra Ens, vt sic, rationem Entis contractam, & determinatam ad hunc gradum Entis, ac per consequens, qui cognoscit Ens secundùm rationem communem Entis, non idèò cognoscit rationes differentiales rerum, quia illa vltra communem rationem Entis, addunt rationem contractam, seu determinatiuam Entis.

Contra enim est: Quia etiam ipsa ratio contracta, seu deter-

minatiua Entis non est aliquid ex æquo distinctum ab ente, cû ratio Entis, vt sic, in illa intimè imbibatur, ita quòd nihil sit accipere illius formalitatis contractiue, quæ rationem Entis non sapiat, hoc enim petit transeuntia Entis, vt infra dicitur: ergò qui cognoscit rationem Entis, etiam cognoscet illam formalitatem contractiuam ipsius.

Hæc tamen Sententia nõ placet Sequacibus Arist. & D. Tho. idèoque contra illam.

Concluditur, Metaphysicam non descendere ad cognitionem rerum in particulari, illarum scilicet, quæ in suo conceptu materiam claudunt. Ita Arist. & D. Tho., vt ex auctoritatibus vtriusque infra citandis patebit. Sequuntur Soncin, 4. Metaph. qu. 11. Fland. lib. 1. Metaph. qu. 7. ar. 5. Noster Blas. Disput. 1. Proæ. Metaph. qu. 3, nu. 39. Suarez Diip. 1. Metaph. Sect. 2. & alij plures.

Probatür primò auctoritate, Arist. 1. Metaph. cap. 2. Vbi dicit, Sapientem scire omnia; vt possibile est scire, non habentem singularitè eorum scientiam. Ergò, cû Metaphysica sit sapientia, ita per illam scientur omnia, vt tamèn ex hac sciëntia, non habeatur singularitè eorum scientia, ac per consequens, ex mète Philosophi, Metaphysica non descendet ad cognitionem rerum in particulari.

Confirmatur auctoritate D. Tho. lib. Metaph. lect. 2. vbi illà conditionem sapiëntiæ, quòd per illam

illam sciatur omnia, explicans, tali argumento probat conuenire Metaphysicæ. *Quicumque scit vniuersalia, aliquo modo scit ea, quæ sunt subiecta vniuersalibus, quia scit ea in primis: Sed his, quæ sunt maxime vniuersalia, sunt omnia subiecta. Ergo ille, qui scit maxime vniuersalia, scit quodammodo omnia.*

Vbi, vt vides, Metaphysicam, quæ de vniuersalissimis, & abstractissimis tractat, in tantum dicit scire omnia, in quantum illa scit in vniuersalibus. Ergo ex mente eius Metaphysica non descendit ad cognoscendas res in sua propria specie: & ideo addidit illam particulam restrictiuam (quodammodo) seu (aliquomodo) dum dicit: *Quicumque scit vniuersalia aliquo modo scit ea, quæ sunt subiecta vniuersalibus.* Vt innueret, non esse absolute concedendum Metaphysicæ res omnes secundum suas proprias differentias cognoscere, sed tantum quodammodo, scilicet secundum quod omnia in vniuersalibus continentur, ac per consequens in ipsidem cognitis cognoscuntur.

Probatur 2. Ratione. Nulla scientia considerat per se, & directe ea, quæ non participant eandem abstractionem cum ipsa, alias limites scibilitatis proprii Obiecti excederet, quod est impossibile. Sed multæ res non participant eandem abstractionem cum Metaphysica, quia multæ sunt, quæ materiam secundum

suam rationem concernunt. Ergo &c.

Probatur tertio. Nullus habitus cognoscit aliquid, nisi ad eius notitiam ducatur per rationem formalem sui Obiecti adequati. Sed per rationem formalem Entis, in quantum Ens, quod est Obiectum adequatum Metaphysicæ, non potest intellectus duci ad cognitionem quidditatum particularium. Ergo &c. Maior patet, quia formalis ratio Obiecti est illa, per quam attingitur, quidquid per habitum, siue potentiam est attingibile. Minor verò probatur. Illud, quod est commune multis, non ducit in cognitionem distinctam particularium, eo enim modo in cognitionem illorum ducit, quomodo illa continet: cum ergo non contineat distincte, sed confuse, non ducit in cognitionem distinctam, sed confusam tantum.

Probatur quarto. Si Metaphysica descenderet ad cognitionem rerum in particulari, superflueret aliarum scientiarum. Sed hoc est manifestè falsum, & contra omnium Philosophorum sensum. Ergo, &c. Sequela probatur. Nam Philosophia v.g. naturalis, ideo est præcisè necessaria, vt per illam habeatur notitia Entis naturalis. Ergo, si hæc poterit haberi per Metaphysicam, superfluet Philosophia naturalis, idemque de alijs scientijs concludendum est.

Quæ omnia confirmantur insigni auctorit. S. Thom. in Prologo



go 1. Sent. ar. 2. ubi nostram Sententiam disertis verbis probat, cum inquit. *Notandum est, Quod aliqua cognitio, quanto altior est, tanto est magis unica, & ad plura se extendit: Unde intellectus Dei, qui est altissimus, per lumen, quod est ipse Deus, omnium rerum habet cognitionem distinctam; ita & cum ista Scientia sit altissima, & per ipsum lumen inspirationis diuinæ efficaciam habens, ipsa unica manens non multiplicata, diuersarum rerum considerationem habet, non tantum in communi, sicut Metaphysica, quæ considerat omnia, in quantum sunt entia, non descendendo ad propriam cognitionem moralium, & naturalium: Ratio enim entis, cum sit diuersificata in diuersis, non est sufficiens ad specialem rerum cognitionem, ad quarum manifestationem, diuinum lumen in se unum manens, secundum B. Dionysium, in principio celestis Hierarchiæ, efficaciam habet. Quid pro nostra sententia clarius dici potuit?*

*Argumenta opposita sententiæ facile solvuntur.*

**A**D primum ex Philosophi auctoritate desumptum Resp. Sensum verborum Aristotelis hunc esse, quod scientia, ut sic, seu in communi, considerat genus scibile, ut sic. Scientiæ verò particulares particularia scibilia, quod verissimum est: Ut autem videas, hanc nostram expositionem esse iuxta mentem philosophi, non autem illam, quam in argumento adducit

aduersarij, loquatur pro Philosopho lingua Philosophi, D. Thomas, quo tacente manet Aristotelis mutus; Qui 4. Metaph. Lect. 1. propè finem prædicta verba Philosophi explicans, sic inquit. *Hic ostendit, quod primi Philosophi est considerare de omnibus substantiis tali ratione. Omnium eorum quæ sunt unius generis est unus sensus, & una scientia, sicut visus est de omnibus coloribus, & Grammatica considerat omnes voces. Si igitur omnia entia sint unius generis, aliquo modo oportet, quod omnes species eius pertineant ad considerationem unius scientiæ, quæ est generalis: & species entium diuersæ pertineant ad species illius scientiæ diuersas. Hoc autem dicit, quia non oportet, quod una scientia consideret de omnibus speciebus unius generis secundum proprias rationes singularum specierum, sed secundum quod conueniunt in genere. Secundum autem proprias rationes pertinent ad scientias speciales, sicut est in proposito. Nam omnes substantiæ, in quantum sunt entia, vel substantiæ, pertinent ad considerationem huius scientiæ; in quantum autem sunt talis, vel talis substantiæ, ut Leo, vel Bos, pertinent ad scientias speciales.*

Ad secundum Resp. admittendo solutionem inter arguendum datam, & ad instantiam, qua solutio argumenti contra primam distinctionem datam impugnatur, dicimus, quod licet ipsa taleitas, seu contractio entis, non sit quid ex eoque distinctum ab ente: tamen di-

distinguitur aliquo modo, videlicet penes rationem impliciti, & expliciti, in quantum, quod erat in ente, ut sic implicitè, est in ente tali explicitè, eo modo, quo in papyro innoluta continentur omnia, quæ in explicata videntur: Sic ut ergo quis papyrum complicatâ videns, etiam advertat intus esse scriptam, tamen non potest distinctè videre, quid est scriptum, nisi carta explicetur, ita etiam in ratione communi entis cognita, cognoscuntur plurimæ entitatis implicitè, quæ tamen explicitè cognosci non possunt, nisi ratio communis entis per differentias explicetur. Et sicut explicatio papyri non fit per additionem alicuius, sed per solam eius, quod innolutum fuit, explicationem, ita explicatio entis per differentias non fit per additionem alicuius formalitatis, quæ non sit ens, sed per solam innolutæ entitatis explicationem. Unde benè poterit per scientiâ cognosci ens, non cognita directè, & per se taleitate entis, quia non est necesse, aliquid explicitè cognosci ex eo, quod cognoscitur implicitè. Sed hoc magis patebit ex dicendis de cōceptu quidditativo entis.

Ex quibus omnibus manet solutum argumentum illud, propter quod hæc difficultas excitata fuit; Resp. enim approbando solutionem inter arguendum relatam, ad cuius impugnationem Resp. distinguendo maiorē propositionem: Scire aliquid in vniuersali, est scire imperfectè, si lo-

quamur absolute, est vera. Si comparatiuè, falsa; Sicut enim perfectio, ita, & imperfectio est duplex. Alia absoluta, alia respectiua. Nā scientia v. g. quantum ad alias conclusiones acquisita, absolute loquendo, est perfectio, tamen comparatiuè ad aliam iam complete acquisitam, est imperfectio. Sic ergo, si absolute loquamur, scire aliquid in vniuersali est imperfectio, tamen cōparando scientem vniuersalia ad scientem particularia, scire aliquid in vniuersali est perfectio; perfectior enim est scientia circa vniuersalia, quàm circa particularia. Tum quia vniuersalia sunt abstractiora; puriora, & per consequens perfectiora. Tum etiā quia particularia clauduntur in vniuersalibus. Unde etiam illis cognitis quodammodo cognoscuntur. Quamvis autē scire vniuersalia, & particularia simul sit perfectius, quam scire vniuersalia tantū, hic tamen modus vniuersaliæ competere nequit, quæ sicut est determinata ad vnum obiectum adæquatum, ita extra illud vagari non potest; ac proinde etiam Metaphysica non descendet ad cognitionem rerum in particulari, quamvis vtpotè sapientia gaudeat perfectione sciēdi, quia hæc perfectio abundè saluatur in hoc, quod sit de vniuersalissimis, abstractissimis, simplicissimis, ac per consequens perfectissimis.

Instabis. Per Metaphysicam cognoscitur diuersitas, quæ est inter Leonem, & Angelum. Ergo

Me:

**Metaphysica** cognoscit differentias proprias Leonis, & Angeli, quia per proprias differentias differunt. Ergo descendit ad cognitionem rerum in particulari.

Resp. 1. Cognoscit earum differentias, de materiali, & indirectè. Concedo; formalitèr, & directè. Nego. Eo proportionali modo, quo sensus communis, quando versatur circa obiecta sensuû externorum, eorumque differentias, versatur circa illa de materiali per rationes eleuationes, magisq; immateriales, illas cognoscendo.

Resp. 2. quòd etsi scientia cognoscens positivam diuersitatem duorum, debeat vtrumq; cognoscere secundum proprias rationes illorum, non tamen debet cognoscere dictas rationes, quando cognoscit positivam diuersitatē vnius, & negativam alterius. Sic ergo **Metaphysica** cognoscit directè, & per se id, quo differt Angelus à Leone, quia potest Angelicam differentiam directè cognoscere, cum Angelus, vtpotè immaterialis, pertineat ad abstractionem propriam **Metaphysicæ**. Cæterum non cognoscit directè id, quo è conuerso Leo ab Angelo differt, illa enim differentia vtpotè materialis, distat plurimū à puritate abstractionis **Metaphysicæ**, ac per consequens **Metaphysica**, etsi directè cognoscat per quod positivè Angelus non fit Leo, tamen ex parte Leonis, non potest directè cognoscere, quòd positivè Leo non fit Ange-

lus, sed præcisè cognoscit Leonè non esse Angelum, non descendendo ad cognitionem eius, per quod Leo diuersificatur ab illo.

## QVÆSTIO VI.

*Quis sit finis Metaphysicæ, & quomodo est dividenda?*

**E**xplicata elsètia, cæterisq; attributis **Metaphysicæ**, oportet nō nihil dicere de causis eius; sed quoniam de **Materiali**, **Formali**, & **efficiente**, nihil peculiare dicendum occurrit; **Materialis** enim causa huius scientiæ non est aliud, quàm subiectum eius, intellectus scilicet; deinde cum ipsa scientia forma quædam sit, non habet aliam causam formalem propriam, sed habet essentiā suam, seu rationem formalem ab obiecto, tanquam à causa extrinseca. Denique cum hæc scientia sit acquisita per proprios actus, tanquam per propriam causam efficientem, fit inde, vt nihil habeat speciale, præter ea, quæ communia sunt cæteris habitibus acquisitis. Tantum ergo de causa finali dicendum restat.

Finis igitur huius scientiæ est contemplatio sui obiecti. Cum enim inter habitus purè speculatiuos, & non alijs deseruientes connumeretur, vnus tantum ei finis, Contemplatio scilicet veritatis, assignari debet.

Diuiditur autem ab Arist. Me-

raphysica in 12. libros, secundum communio-rem sententiam. Quorum librorum ordo multipliciter posset accipi, communissimè tamen desumitur ex muneribus sapientie. Ad sapientiam enim spectant septem. Primò, reprobare omnes aliorum errores, & hoc facit Philos. l. 1. Secundò conuenit sapientie tradere modum generalem perueniendi ad veritatē, & hoc facit Philosophus lib. 2. Tertiò disputare de quaestionibus difficilioribus arguendo pro vtraque parte, & hoc facit libro 3. Quartò defendere prima principia, & hoc facit lib. 4. Quintò, explicare generalia significata terminorum, & hoc facit libro 5. Sextò, excludere à scientia veritates indemonstrabiles, & excludere à scientia, quæ ad eandem non pertinent, & veritates vniuersalissimas, quæ sunt demonstrabiles demonstrare, hoc facit à libro 6. vsque ad vndecimum. Nā libro 6. excludit ens per accidens, & ens rationis; In 7. & 8. agit de substantijs. In 9. de actu, & potentia. In 10. de vno, & multis. In 11. autem non facit specialem

tractatum, sed epilogat superius dicta. Septimò conuenit Sapienti tractare de Substantijs separatis, & hoc facit libro 12. vbi agit de primo principio, & intelligētijs. Hic est ordo Philosophi, quo in tractanda Metaphysica processit, quem sequuntur, quicunque commentatorum ipsius officio funguntur. Caterum nobiscum alia longè mens sit: (neque enim Philosophum commentarijs illustrare, sed celebriores Metaphysicas difficultates, ad normam modernorum Philosophorum per Disputationes, & Quaestiones examinandas suscepimus) alius quoque nobis in hac Metaphysica tenendus est ordo. Quare tribus Tractat. totū absoluetur Opus. In primo agitur de ente in communi, eiusque passionibus, variisque diuisionibus. In secundo de ente creato parte scilicet ignobiliore entis, quod est obiectum Metaphysicæ. Ac tandem in tertio, de ente increato, nempe Deo, vt idem sit nostrarum speculationum terminus, qui est desideriorum Meta.





# TRACTATUS PRIMVS

De Ente in Communi,eiusque Passionibus,  
ac varijs Diuisionibus.

**E**TSI prius ordine doctrinæ tractandū esset de Deo,tanquā de primo,simplicissimoque ente, vt sic iuxta methodum compositionis, quæ in tractandis disciplinis est perfectissima, à simplicioribus ad cōpositiora procederemus; quia tamen ab eadem methodo,nec ille deuiat,qui ab vniuersalioribus ad minus vniuersalia progreditur, vt docent Nostri Complut. in Log. Disput: vlt. Proœm. quæst: vlt. num. 87. Ideo nos in vltimum vsque Tractatum de ente increato reieciimus, vt per notitiam tūm communiorum rationum, passionumque entis in communi, tūm etiam entis Creati, eiusque affectionum, velut per gradus quosdam, ad summi primique entis cognitionem ascendamus.

Absoluetur Tractatus iste primus Disputationibus septem.

Prima Disputatio erit de con-

ceptu quidditatiuo entis secundū se.

II. De conceptu entis secundū, quod cognoscibilis est.

III. De varijs diuisionibus entis.

IV. De proprietatibus entis.

V. De Vno. VI. De Vero.

VII. De Bono.

## DISPUTATIO I.

*De Conceptu quidditatiuo  
entis secundū se.*

**C**onceptus quidditatiuus rei primus est, qui occurrit intellectui alicuius notitiam inquirenti. Quidditates enim rerum fōtes sunt, radicesque omnium, quæ in illis possunt inueniri. Ideoque in hoc Tractatu, acturi de ente, passionibus, ac diuisionibus eius, prius ipsam eius quidditatem, naturamque cognoscamus.

QVÆ:

Q V A E S T I O I.

*In quo consistat ratio Entis;  
in quantum Ens, & quo-  
modo inferioribus  
conueniat.*

**P**Rætermittimus Quæstionem de An est Entis, quia ille tantum esse Ens negaret, qui se esse nesciret: in titulo autem quæstionis duo simul quærentur. Primò de quidditate conceptus Entis, in quantum Ens. Secundò de modo, quo Ens conuenit suis inferioribus, seu quasi inferioribus. Sic ergò pro resolutione primæ difficultatis.

*§. I. Vbi determinatur in  
quonam ratio Entis in  
quantum Ens  
consistat.*

**R**ationem Entis esse ipsam existentiam tenuit Auicenna, Alpharabius, Algazer, ut testatur Albertus in Postprædicationis cap. 9. Vnde inferebant, Ens non dici quidditatiuè de rebus, primo Ente excepto, de cuius essentia est esse. A' quorum sententia non longè differt Soto, qui in Antepredicam. Cap. 4. q. 1. circa finem docet: quòd Ens de formali significat esse, seu existentiam, de materiali verò id,

quod habet esse, seu essentiam.

Fundamentum suæ Opinionis sumunt ex ipsa significatione verbi Ens, quod deriuatur à verbo sum, estque participium eius, cū autem verbum sum absolute sumptum significet actum essendi, siue existendi; inde est, quòd & ipsum Ens existentiam sonet, ut idem valeat Ens, quòd existens. Confirmantque suam Sententiā auctoritate Philos. qui 1. Phys. tex. 7. & alibi sæpè loco Entis posuit id, quod est.

Cæterum pace horum Doctorum dixerim. Falluntur plurimū, non distinguentes inter id, à quo nomina deriuantur, & inter id, ad quod significandum imponuntur. Quod tamen distinguendum erat, nam lapis à lædendo pede deriuatur, & tamen longè aliud significat, quàm læsionem pedis. Sic ergò & Ens, quamuis deriuetur à verbo sū, immò & ab ipsa existentia, ipsam tamen existentiam secundum suum primariū, & quidditatiuum Conceptum non significat, quamuis, secundum acceptionem secundariam, illam significet. Quod ut facilius capias.

Nota ex Nostreis Complut. in Log. Disp. 11. Quæst. 4. n. 37. duas esse Entis acceptiones; Aliquando enim sumitur nominaliter, & aliquando participialiter. Primo modo sumptum significat illam potentiam, vel quasi potetiam, quæ actuatur per esse, ipsam nimirum essentiam rei, & hæc eius est primarius Con-

6

ceptus

ceptus, secundum quem transcendit, primitas, vniuersalitas, & similia prædicata ipsi competunt, vt infra patebit. Secundo modo significat existentiam, quomodo neque transcendens est, neque primum prædicatum in rebus inuentum, quia existentia cum se habeat per additionem ad essentiam, supponet illam, ac per consequens primum prædicatum esse non poterit.

Ex quo facile intelligere poteris, conceptum quidditatum Entis esse rationem essentiae, ita, vt Ens conceptu primario essentiam significet. Quod facile probatur. Quia Conceptus quidditatus rei est id, quod primo apprehenditur in re. Sed audito Entis nomine, prius apprehendens essentiam, quam existentiam, quia essentia est potentia ad existentiam, & existentia est actus essentiae. Prior autem est potentia quam actus. Ergo, &c. Vnde S. Thomas describens Ens, Opusc. 42. cap. 1. dicit. *Ens est cuius actus est esse*. Et quodlibeto 2. q. 2. ar. 3. dicit. *Quod Ens est id, cui competit esse*, vt innueret nomine Entis non significari esse ipsum, sed id, cui competit esse, tanquam actus eius, nempe essentiam. Ac proinde quando Philosophus loco pro opinione contraria citato dicit, *Ens esse id, quod est*, locutus est de Ente non nominaliter, sed participialiter sumpto, attendens ad existentiam, seu ad esse, a quo licet nomen Entis deriuetur, tamen illud secundario significat.

Obijcies contra dicta. Ens diuiditur in Ens nominaliter, & in Ens participialiter sumptum. Ergo significatum per Ens neque est Ens nominaliter, neque est Ens participialiter, sed aliquid commune utrique. Probatur consequentia. Quia in qualibet diuisione, vox significans diuisum, non supponit immediatè pro aliquo membro diuidente, sed pro gradu communi, qui per membra diuidentia diuiditur, vt v.g. quando diuido animal per rationale, & irrationale, Ly animal neque significat rationale, neque irrationale, sed gradum vitæ sensitivæ, quæ rationalitas & irrationalitas distinguunt.

Resp. negando Consequentiam: Ad cuius probationem dicimus, Verum quidem esse in diuisionibus, quibus vniuocum diuiditur in sua vniuocata, v.g. genus in species, significari aliquem gradum primum, qui diuisi rationem habet, estque communis membris diuidentibus. Cæterum in diuisione, qua vel Analogum in sua Analogata, vel æquiucum in sua æquiucata diuiditur, hoc non currit, quia tam Analogis, quam æquiucis, talis communitas conceptus repugnat, vt infra declarabitur. Quia ergo dicta diuisio, qua Ens paritur in Ens nominaliter, & participialiter, vel est æquiucata, vel ad summum ratione alicuius proportionis analogata, ideo nomen Entis non significat aliquem gradum communem Enti nominaliter, & par-

lici.

icipialiter sumpto, sed primariò, & immediatè significat Ens nominaliter, seu essentiam, & secundariò Ens participialiter, seu existentiam, qui duo Conceptus Entis, distinguuntur penes formalitatem maioris, vel minoris præcisionis, inquantum Ens nominaliter sumptum præscindit ab actuali existentia, à qua Ens participialiter non præscindit. Quæ doctrina potest appposito exemplo illustrari, sicut enim alteratio, prout genus ad alterationē particulariter acceptam, intentionē, & remissionem, non significat aliquem gradum cōmunē alterationi, ut sic, & alterationi particulariter acceptæ (hoc enim est impossibile, cum generi, & speciei nullus gradus sit communis, præter ipsum gradum genericum) sed significat immediatis conceptibus genus Alterationis, & speciem eius, quæ distinguuntur penes limitatum & illimitatum, contractum & non contractum; Ita & Ens non significat aliquid commune Enti nominaliter, & participialiter, sed utriusque; cum aliquo tamen ordine, ita ut primariò significet Ens nominaliter, & secundariò Ens participialiter, ut iam dictum est.

Hic autem diligenter adverte. (Nam ex his vocum significationibus, vera rerum conceptio pēdet) non idem esse Ens in potentia, & Ens nominaliter sumptum: Aliàs, sicut Ens in potentia non potest prædicari de Deo, qui est purissimus, & simplicissi-

mus actus, ita neque posset de illo dici Ens nominaliter sumptum; quod tamen est falsissimum, nam hæc propositio est vera, Deus est Ens, etiam si hæc propositio in vi nominis sumatur, secundum quod Ens significat essentiam. Nam in rigore sermonis Deus est sua essentia. Immò si idē esset Ens nominaliter, & Ens in potentia, neque de Creaturis iam existentibus posset dici Ens nominaliter, ut consideranti patebit. Distinguuntur autem inter se Ens nominaliter, & Ens in potentia, quia etsi utrumque in suo conceptu non claudat existentiam, aliter tamen, & aliter. Nam Ens nominaliter non dicit existentiam, nō quod neget illam, sed quia præscindit ab ipsa. Ens verò in potentia, ex vi sui conceptus, negat existentiam, quia eius ratio, seu id quod est esse in potentia tolleretur, si in eā existentia poneretur.

§.2. In quo disputatur: An Ens competat Inferioribus per modum prædicati quidditatiui, an verò per modum prædicati extranei?

**E**xpedita prima parte difficultatis, ad secundam accedimus, in qua determinandum est, quomodo Ens inferioribus conveniat, an tanquam prædicatum quidditativum, an verò tanquam



prædicatum extraneum. In quo omnes illi, qui credebant nomine Entis significari existentiam, consequenter asserere debent, Ens esse quidem prædicatū essentiale respectu Dei, quia de illius essentia est esse: Caterum respectu Creaturarum esse prædicatum extraneum, quia existentia de nullius creaturæ essentia esse potest, ut infra tractatu secundo, agentes de existentia, declarabimus. Nos tamen, quia nomine Entis non existentiam, sed essentiam immediatē, & per se primò significari diximus, consequenter.

Asserimus, Ens quidditativè dici de Creaturis. Probatur facile: Quia habere essentiam realem, est essentiale omni creaturæ; Si enim essentiam realem non haberet, realiter esset nihil. Ergò cum Ens essentiam significet, ut iam probatum est, erit prædicatum essentiale respectu Creaturarum.

Probatur 2. Esse ens, siue habere essentiam competit homini, sed non competit illi per se secundo, tanquam ab alio priori dimanans; quia nihil est in rebus prius essentia ipsa. Ergò illi competit per se primò. Ergò erit prædicatum essentiale, quia sola prædicata essentialia competunt rebus in primo modo dicendi per se, ut dicitur in libro Posteriorum.

Obijcies contrà dicta primò. Prædicata essentialia possunt poni in definitione. Sed ens nullius rei definitionem intrat, ut docet

Aristoteles 8. Metaph. tex. 16. Ergò ens non est prædicatum essentiale.

Resp. distinguendo Maiorem. Prædicata essentialia possunt poni in definitione, illa, quæ explicant novum aliquem gradū competentem definito. Concedo, illa, quæ non explicat novum aliquem gradum. Nego, ens autem sicut, & cætera prædicata transcendētia, non explicant aliquem novū gradum distinctum à gradibus, quibus apponuntur: nā ens homo, verus homo, vnus homo, bonus homo, nihil aliud ab humanitate ipsa significant, sed ipsā humanitatē diuersis modis. Ly enim ens significat humanitatem, secundū quod est potentia receptiva esse: Ly vnus significat humanitatē, secundū quod est indiuisa in se. Ly verum significat humanitatem secundū quod est perfectiua intellectus, ac tandem Ly bonum significat eandem humanitatem, secundū quod est perfectiua appetitus. Inde est, quòd licet prædicata hæc sint essentialia, non tamen sunt ponenda in definitione, aliàs definitio & superflua, & nugatoria esset.

Obijcies 2. Prædicata essentialia competunt naturæ absolute sumptæ, ut præscindit ab omni statu, ut docet S. Thomas de ente, & essentia cap. 4. Sed ens non competit naturæ præscindēti ab omni statu, ergò nō est prædicatum essentiale. Maior, & consequentia patent. Minor verò probatur. Vnum non competit

naturæ præscindenti, Ergò non est prædicatum essentialiale. Ergò neque ens. Consequentia patet. Quia passio es entis conuertuntur cum ente, & cui ens competit, & illæ competere debent. Antecedens verò est expressum D. Thomæ, loco citato ex cap. 4. de ente, & essentia, vbi loquens de natura, seu essentia secundum se sumpta, vt ab omni statu abstracta, sic inquit. *Si queratur: Vtrū ista natura dici possit vna, vel plures, neutrum concedendum est, quia vtrumque est extra intellectum humanitatis, & vtrumque potest sibi accidere.* Ergò, &c.

Resp. negando maiorem primæ argumenti. Ad cuius probationem negatur Antecedens. Nam etiam naturæ secundum se sumptæ, sicut entitas, ita & vnitas competit. Ad locum autem S. Thomæ dicimus, S. Doctorem non negare in natura secundum se considerata vnitatem formalem transcendentalem, secundum quam natura humana, vtpotè indiuisa in principijs essentialibus, dicitur vna essentia, sed vnitatem numericam, quæ inducitur in naturam per diuersas sigillationes à quantitate, & materia procedentes, secundum quas dicitur vnā esse naturā in Socrate, in Platone verò, & Socrate duas. Hanc autem esse genuinam mentem Angelici Doctoris collige ex ratione, quam ad probandam in argumento contrariorum citatam Sententiam subtexuit.

Verba sunt eius. Si enim plura

*litas esset de ratione eius, nunquam posset esse vna, cum tamen sit vna, & eadem natura Socratis, & Platonis, nec posset in pluribus plurificari.* Ecce ergò clarè vides, qualem vnitatem remouet S. Thomas à natura secundum se considerata, illam videlicet, qua Socrates est vnus, Plato verò, & Socrates plures.

## QVÆSTIO II.

*Vtrum Ens sit transcendens respectu suorum inferiorum.*

**E**xplicato iam, quid nomine entis significetur, & insuper quomodo inferioribus competat, videndum restat, an ita essentialiter ens de inferioribus dicatur, vt non tantum de ipsis rebus, sed etiam de vltimis differentijs rerum essentialiter prædicetur, & ad hoc explicandum instituitur quæstio de transcendentia entis. Transcendens enim illud est, quod ita intimè imbibitur in rebus, quod nihil sit accipere in quacunque re, de qua formaliter non prædicetur, & in hoc transcendens distinguitur à generibus, quæ in differentijs non clauduntur, ideoq; de illis non prædicantur formaliter, sicut animal non prædicatur formaliter de rationali, sed tantum identicè, vt docet nostri Complut. in Log. Disp. 2. qu. 4.

Scotus ergò in primo Distinct. 3. Quæst. 3. negat transcendentiam

tiam entis; quia credit, non includi illud formaliter in ultimis rerum differentiis, & modis constitutivis prædicamentorum, ac per consequens dicit, illas prædicationes, in quibus ens prædicatur, vel de ultimis rerum differentiis, vel de modis constitutivis prædicamentorum, non esse formales, sed identicas. Loquitur autem Scotus, ut seipsum multis in locis explicat, in sensu formali de differentiis ultimis formaliter, & præcisè, secundum quod ultimæ sunt, in quantum scilicet sumuntur ab illa ultima formalitate formæ, per quam ultimatè, & còpletè res constituitur in esse talis, & distinguitur ab omnibus alijs rebus, quæ tales non sunt. Argumenta, quibus Scotus probat suam sententiam simul cum solutionibus, vide apud Nostros Complut. in Log. Disp. 2. q. 4. Modo verò.

Probatur brevitèr opinio Scoti. Conceptus determinabilis nò includitur quidditatiuè in determinante, sed ens determinatur per differentias, & modos constitutivos prædicamentorum. Ergò non includitur in illis quidditatiuè, per consequens transcendens esse non poterit.

Hæc tamen opinio Scoti displicet. Idèòque contra eam.

Dicimus, ens claudi formaliter in ultimis differentiis, & modis rerum, atque idèò verè, & propriè transcendens esse. Ita S. Thom. 1. contr. gentes. C. 25. & Quæst. 31. de verit. Art. 1. & Quodlibeto 2. a. 3. 1. p. a. 3. ad 1. & pluribus alijs

locis, quem sequuntur Caset. de ente, & essentia Cap. primo, Flandria 3. Metaph. 6. a. 3. Soncinnas 4. Metaph. Quæst. 19. Soto in Antepredicamentis Capite 4. Nostri Complut. in Log. Disput. 2. Quæst. 4. Fonseca 4. Metaph. Quæst. 4. Cap. 2. Suarez in Metaph. Disp. 2. Sect. 5. & alij plures.

Probatur primò Conclusio tali ratione. Quidquid habet suam propriam essentiam realem, claudit in se rationem entis intrinsecè, & formaliter, quia, vt ex præcedenti quæstione constat, Ly ens primariò, & per se significat essentiam realem. Sed non tantum omnes res, verum etiam omnes differentia, quantumvis ultimæ, omnesq; modi rerum habent suam essentiam realem. Ergò claudunt in se rationem entis formaliter, & intrinsecè. Maior, & Consequentia patent. Minor verò probatur. Omnes res, omnesq; differentia, & modi rerum, cum non sint nihil realiter, sunt aliquid realiter, Ergò habent suam quidditatem, cum à quidditate reali dicatur aliquid reale. Aliquid enim, vt ex nominis Etymologia pater, est aliqua quidditas. Ergò etiam habent essentiam realem, quia essentia, & quidditas idem apud Philosophos sonant.

Confirmatur. Ens, & nihil opponuntur contradictoriè. Ergò quod non erit intrinsecè ens, erit intrinsecè nihil, quia inter opposita contradictoriè non datur medium. Sed differentia, & modi constitutivi prædicamentorum m-

non

non sunt intrinsecè nihil. Ergò sunt intrinsecè entia. Ergò &c.

Probatur secundò. Nulla potentia cognoscitiua fertur in aliquod obiectum, nisi illud apprehendat sub formali ratione proprii, & adæquati obiecti sui. Sed obiectum adæquatum intellectus nostri est ens. Ergò nihil cognoscit intellectus, nisi in eo apprehendat rationem entis. Sed cognoscit differentias, quantumvis ultimas, cum ex eis formet definitiones. Ergò illas apprehendit sub Conceptu entis, ac per consequens nè apprehensio intellectus sit falsa, in illis differentiis claudetur ratio entis intrinsecè.

Respondebis, satis esse, quod differentia participet rationem entis identicè ad hoc, ut ab intellectu cognosci possint, nõ autem, ut participet illam formaliter.

Contra est primò. Intellectus cognoscit differentias secundum formale ipsarum, quia secundum hoc esse formale intrat definitionem. Ergò secundum suum esse formale erunt entia formaliter.

Secundò, si differentia nõ esset entia formaliter, non possent etiã esse idèticè entia. Ergò si sũt idèticè entia, ut dicitur in responsione, erunt etiam entia formaliter. Consequentia patet. Antedens probatur. Si differentia non esset formaliter entia, essent nihil formaliter. Sed nihil nõ potest esse idèticè ens, quia idèdè aliquid est idèticè ens, quia identificatur cum aliquo ente; repugnat autem ens, & nihil identificari. Ergò &c.

Probatur tertio arguendo contra Scotum ad hominem sic. Differentia subalternæ v. g. sensibile, & similes includunt formaliter rationem entis, ut concedit Scotus, & ratio enièdè conuincit. Quia si neque subalternæ, neque infimæ differentia includerent ens formaliter, nullæ essent differentia reales, per consequens nõ possent per illas res constitui, & distingui realiter. Ergò etiam debet fateri Scotus, quòd etiam differentia infimæ includant ens. Probatur Consequentia. Tùm quia differentia infimæ sunt perfectiores, quàm subalternæ, cum à perfectiori formalitate formæ physicae sumantur, ut patet in sensibili, & rationali. Tùm etiam quia non minus differentia subalternæ se totis differunt, suntq; conceptus simplices, quàm infimæ; aliàs si in differentiis subalternis admitteretur compositio gradus communis, seu determinabilis, & differentia determinantis ipsum, differentia subalternæ, non erit propriè differentia, sed species. Ergò si in subalternis simplicitas conceptus non impedit, quò minus in eis includatur ratio entis intrinsecè, neque in infimis impediet, ob paritatem rationis.

Confirmatur. Differentiis ultimis competunt proprietates entis. Ergò & ipsa ratio entis, patet Consequentia. Quia, ut infra dicetur, proprietates entis sunt conuertibiles cum ente. Antecedens verò probatur. Nam rationale v. g. est verum, quia co-

inodum prædicati transcendentis includi.

Ad argumentum pro sententia Scoti, Resp. distinguendo maiorem. Conceptus determinabilis non includitur in determinante, per additionem nouæ entitatis. Conceditur. Per additionem maioris expressionis. Negatur. Dupliciter enim potest aliquid ad inferiora determinari, vel per additionem alicuius gradus contrahentis, qui ex æquo à contrahibili distinguitur, sicut genus determinatur per differentias, & talis gradus determinabilis potest includi in determinante, Vel per maiorem expressionem, in quantum per additionem alicuius priuationis, vel negationis, vel alterius similis, id quod gradus determinabilis dicebat implicite, dicit postea explicite, & talis gradus determinabilis, potest includi in determinante. Sic ergo; Quia ens determinatur per modos, & differentias, per maiorem expressionem ratione alicuius priuationis additæ. Ens enim substantia, nihil aliud est, quàm ens, habens negationem essendi in alio, ens homo est idem, ens habens negationem essendi leonem, vel bouem, & sic de alijs. Ideò bene poterit ens includi in differentijs, & modis rerum. Sed hoc magis declarabitur, quando agemus de modo, quo ens ad inferiora contrahitur.



## QVÆSTIO III.

*Vtrum ens habeat Contradictorium?*

**Q**uia, & in præcedenti quæstione ferè omnia argumenta in hoc resoluebantur principij, ens, & nihil opponuntur contradictoriè; Vnde quòd non est ens, est nihil, & in processu Metaphysicæ sæpius eodem principio vtemur, ideò pro meliori ipsius intelligentia, hanc Quæstionem de Contradictorio entis excitamus.

### §. I. Resolutio Quæstionis.

**P**ro resolutione istius difficultatis supponendum est, oppositionem contradictoriam esse duplicem. Aliam rerum, Aliam propositionum; Oppositio contradictoria propositionum est inter propositionem vniuersalem affirmatiuam, & particularem negatiuam, de qua fusè agunt Dialectici in libro Priorum, eamq; fusè explicant Nostri Complutenses libro secundo suarum Institutionum Cap. 5. & 6. Oppositio verò Contradictoria rerum sic potest ex Doctrina Aristotelis, quã habet in libro Categoriarum Cap. 10. explicari, Quòd nimirum sic illa, quæ versatur inter res, quarum vna explicatur per terminum affirmatiuum, & alia per terminum negatiuum, & hoc habet speciale ultra alias oppositiones, quod semper enunciationes faciæ de

H con-

cōtradictoriē ōppositis, simul ver-  
 rz, vel simul falsz esse nō possūt,  
 sed vna illarū debet esse vera, alia  
 verō falsa. Ista est expressa doctri-  
 na Aristotelis in post prædicamē-  
 tis de oppositis, vbi, vt probet op-  
 positionem cōtradictoriā ab alijs  
 omnibus oppositionibus distin-  
 gui, sic inquit. *Quæcumque verò*  
*tanquam affirmatio, & negatio op-*  
*posita sūt, palām est, quid nullo præ-*  
*dictorum modorum opposita sunt,*  
*in solis enim istis necessariū est ali-*  
*quid quiddē eorū verum, aliud autem*  
*falsū esse; neque enim in cōtrarijs ne-*  
*cessarium est semper alterū verum*  
*esse, alterum verò falsum, neque in*  
*his quæ sunt, ad aliquid, neque in*  
*habitu, & priuatione. Et postquā*  
*Philosophus, discurrendo per alia*  
*genera oppositionum, fusē osten-*  
*disset, non esse in illis necessariū,*  
*vt vnum sit verum, & aliud fal-*  
*sum, Concludit. In affirmatione*  
*autem & negatione siue sit, siue non*  
*sit, aliud quidem verum erit, aliud*  
*falsum: Languere namq; Socratem,*  
*& non languere Socratem, cū ipse*  
*fit, palam est, quia vnum eorū ve-*  
*rum, alterum falsum est, & cū nō sit*  
*similiter. Languere enim cū non sit,*  
*falsum est. Non languere autem, ve-*  
*rum: Quare in his solis proprium*  
*erit semper alterum eorum verum,*  
*alterum falsū esse, quæcumq; tãquam*  
*affirmatio, & negatio opposita sunt.*  
 Hæc fusius de oppositione con-  
 tradictoria rerum adduximus,  
 quia hæc est, quam in præsentī  
 quæstione inquirimus, de opposi-  
 tione enim propositionum agere,  
 ad Dialecticos spectat. Hoc ergo

supposito.

Dicendū est, ens habere Cō-  
 tradictorium, nempe non ens. Ita  
 communiter Philosophi. Proba-  
 tur hæc Cōclusio primo. Istæ pro-  
 positiones opponuntur, Petrus est  
 ens, Petrus non est ens. Sed non  
 opponuntur oppositione contra-  
 ria; Tum, quia hæc est inter duo  
 entia, ista autem est inter ens, &  
 non ens; Tūc etiam, quia substā-  
 tiæ nihil est contrarium, vt docet  
 Philof. in Categorijs, Petrus  
 autem est substantia. Neque op-  
 ponuntur relativè; quia ens, vel  
 Petrus non sunt relatiui termini,  
 vt patet. Neq; tandē priuatiuè,  
 quia hæc versatur inter habitum,  
 & priuationem. Ergo opponuntur  
 cōtradictoriē: Tūc sic subitimo:  
 Sed hæc contradictio non est ex  
 parte subiecti, cū subiectum  
 vtriusq; propositionis sit affirma-  
 tiuum. Ergo erit ex parte prædi-  
 cati, seu copulæ; Sed per copulā, &  
 prædicatum significatur in affir-  
 mativa ens, in negativa verò non  
 ens. Ergo ens, & non ens oppo-  
 nuntur contradictoriē. Ergo &c.

Probatur Secundo. Terminis  
 disiunctiuè significans aliqua, si  
 sit affirmatiuus, contradictoriē  
 opponitur termino neganti co-  
 pulatiuè: Eodem enim modo op-  
 ponuntur extrema disiuncta, quo  
 opponuntur ipsæ propositiones  
 disiunctiuz; iam autē proposi-  
 tio affirmatiua, si per *vel*, disiun-  
 gatur, opponitur propositioni ne-  
 gatiuz copulatæ per, &; Quia, &  
 &, *vel*, contradictoriē opponun-  
 tur, vt docent nostri Complur;

lib,

lib. 2. Institutionū c. 5. Sed, *Ly, ens*, est terminus affirmatiuus aliquo modo disiunctiue significans: Ens enim, vt infra dicetur, significat substantiam, vel accidens, vt proportionabiliter similia. Ergo non ens, qui est terminus negās copulatiue substantiam, & accidens, opponitur ei cōtradietoriē. Cū autē in ista ratione non dixerim absolute, ens esse terminum disiunctiue significantem, sed quodammodo disiunctiue, patebit ex dicendis Disputatione sequenti, quando agetur de Conceptu cōmuni entis.

Probatur Tertiō. Termini, qui ita inter se opponuntur, vt nunquā possint simul verē enunciarī de aliquo, opponuntur cōtradietoriē; Quia, vt ex Doctrina Philof. in Suppositione adducta, constat, hoc speciale habet oppositio cōtradietoria, quod propositiones, circa cōtradietorie opposita formatæ, nunquā possint esse simul falsæ: Sed ens, & non ens, ita inter se opponuntur, quod nunquā possint verificari de eodem, vt consideranti ipsos terminos patet. Ergo opponuntur cōtradietoriē.

§. 2. Proponuntur, & sol-  
uuntur Obiectiones.

**O**bjicies contra dicta primō. In termino habēte multiplex significatum, non potest esse cōtradietio, Sed ens habet multiplex significatum, Ergo in ente

non potest esse cōtradietio. Minor est Aristot. 4. Metaph. Tex. 2. vbi dicit. *Ens autē multipliciter quidem dicitur.* Maior, verō probatur. Ad cōtradietionem requiritur, vt sit affirmatio, & negatio eiusdem de eodem; & secundū idem, Sed in termino habente multiplex significatum, non potest esse affirmatio, & negatio eiusdem de eodem, & secundū idem, quia poterit pro diuersis significatis supponere, vt cū dico, canis est animal, canis nō est animal, non est cōtradietio, quia in affirmatiua suppono pro cane terrestri, in negatiua, pro celesti Ergo &c.

Resp. distinguendo Maiorem. In termino habente multiplex significatum, siue vlla similitudine, vel proportionē, nō potest fieri cōtradietio, conceditur. In termino habente multiplex significatum, cum aliqua similitudine, vel proportionē, quod non possit fieri cōtradietio, nego: Duplicitē enim aliquis terminus potest habere multiplex significatum, vel ita, vt immediatē plura significet sine vlla similitudine, proportionē, vel proportionalitate, sicut nomina æquiuoca sua æquiuocata significant; Et in talibus terminis cōtradietio esse non potest, quia significata per illud nomen nullam habent vnitatem requisitam ad fundandam cōtradietionem, quæ debet esse affirmatio, & negatio eiusdem de eodem secundū idem; vel secundū modo potest aliquis ter-

minus significare plura, cum aliqua similitudine, vel proportionē, quia, etsi immediatē significet rationes particulares eorum, non tamen absolute sumptas, sed ut proportionabiliter similes; & talis terminus potest fundare contradictionem, quia habet unitatem, non quidem perfectam, sed imperfectam, ut sequenti quaestione declarabitur. Ens ergo, quia plura significat hoc secundo modo, est enim analogum, ut statim dicitur, poterit fundare contradictionem.

Obijcies secundò. Si esset aliquod, quod opponeretur enti contradictoriè, illud esset non ens, sicut nos determinauimus, Sed non ens non potest opponi enti, contradictoriè. Ergo, &c. Probatur minor. Ratio vnius extremi contradictionis nullo modo conuenit alteri extremo; aliàs à contradictorijs posset abstrahi aliquid commune, & sic inter contradictoriè opposita daretur medium, quod est contra omnes Philosophos, Sed ratio entis cōpetit non enti, quia non ens est apprehensibile ab intellectu, ut cum apprehendimus negationes, vel priuationes; quod autē ab intellectu apprehenditur, debet participare aliquomodo rationem entis, cum ens sit obiectum adaequatum intellectus nostri. Ergo &c.

Resp. negando minorem. Ad cuius probationem, dicimus, Nō ens, quā tale, seu, quod idem est, non ens, sub cōceptu non entis,

numquam participare rationem entis, & nunquam ab intellectu apprehendi posse: Quando verò apprehenditur ab intellectu velut ratione entis, perdit conceptum non entis, & ens rationis esse incipit, aliud esse non habens, nisi obiectiue in intellectu, ut cum apprehendimus priuationes, vel negationes, admodum formarum aliquarum politiarum.

Obijcies tertio. Extremis contradictionis, nihil potest esse commune, aliàs inter contradictoriè opposita daretur medium; Sed enti, & non enti potest esse aliquid commune. Ergo ens, & non ens non sunt opposita contradictoriè. Probatur minor. Nomen infinitum est commune enti, & non enti; hæc enim vera est: Lapis est non homo, & similiter ista, Nihil est non homo. Ergo, &c.

Resp. distinguendo maiorem. Enti, & non enti, nihil potest esse commune, Communitate rei, concedo, Communitate nominis, Nego. Quamuis ergo terminus infinitus, v.g. non homo, sit communis enti, & non enti, ista tamen communitas non tollit contradictionem, quia est sola communitas nominis. Cum per Ly, non homo, non significetur aliquis gradus, seu conceptus realis, in quo ens, & non ens conueniant.





§. 3. In quo determinatur.

*Annon Entibus aliqua-  
lis oppositio competat; Et  
insuper: An unum non  
ens possit per aliud tol-  
li?*

**Q**uamuis de nō entibus age-  
re sit extra Institutum Me-  
taphysicæ, cuius Obiectū  
adæquatum est ens, quia tamen  
iam de non ente in hac quæstio-  
ne tractare cæpimus, ut ostende-  
remus oppositionem, quæ inter  
ens, ex vna, & non ens ex alia  
parte intercedit, idcirco, pro com-  
pleta oppositionis notitia, hoc  
dubiolū excitamus de opposi-  
tione non entium, ut statim expli-  
cemus, quod aliquibus in intel-  
ligibile videtur, quomodo vnum  
non ens possit tolli per aliud.

Prò quo statuendum est, tan-  
quam certum, quod, si in rigore  
de oppositionibus loquamur, nul-  
la poterit competere nō entibus.  
Oppositio enim est quædam affe-  
ctio entis consequens rationem  
ipsius, ac proinde non entibus  
competere non potest: Si tamen  
loquamur de Oppositione largè  
sumpta, prout dicit repugnantia  
duorum, vel quasi duorum, oppo-  
sitas rationes, vel quasi rationes  
habentium, abstrahendo, an illa  
entia sint, vel non sint.

Dicendum est, etiā inter nō  
entia suam Oppositionem inue-  
niri, illamque secundū aliquid  
imitari oppositionem contrariā

entium, & secundū aliquid, cō-  
tradictoriam.

Probatur cōclusio, quoad pri-  
mam partem primò. Negatio,  
& priuatio sunt non entia;  
Sed inter negationem, & pri-  
uationem inuenitur Oppositio.  
Ergò inter non entia inueni-  
tur Oppositio. Maior, & conse-  
quentia patet, & probatur mi-  
nor. Inter illa, quæ important ra-  
tiones sibi inuicem repugnantes,  
ita ut vnum dicat essentialitèr ne-  
gationem alterius, inuenitur op-  
positio; Sed negatio, & priuatio  
important rationes sibi inuicem  
repugnantes, ita ut vna dicat es-  
sentialitèr negationem alterius:  
Ergò inter negationem, & priua-  
tionem inuenitur oppositio. Pro-  
batur minor. Nam priuatio prop-  
riè dicta, est carentia formæ in  
subiecto apto, negatio verò simi-  
liter propriè dicta, est carentia  
formæ in subiecto inepto; ex quo  
rursus sequitur, quod negatio  
potest necessariò competere sub-  
iecto, sicut necessarium est, An-  
gelum carere materialitate, &  
Lapidem, vitæ. Priuatio autem,  
nunquā potest necessariò subie-  
cto conuenire, quia subiectum  
semper dicit aptitudinem ad for-  
mam illam, quam priuatio tollit,  
cum priuatio sit carentia formæ  
in subiecto apto; Sed carentia  
formæ in subiecto apto, & caren-  
tia formæ in subiecto inepto,  
necessariò cōueniens, & non con-  
ueniens necessariò, sunt rationes  
repugnantes, & vna claudit ne-  
gationem alterius. Ergò, &c.

Pro:

Probatur secundò . Si propter aliquam rationem inter non entia oppositio non posset inueniri, maxime, quia est prædicatum solis entibus competens. Vnde etiam Aristot. agit de ipsa in post prædicamentis, tanquam de affectione consequente rationes entium realium in prædicamentis contentorum; Sed hæc ratio non conuincit. Ergò, &c. Probatur minor, quia multa prædicata solis entibus competencia, ampliata illorum significatione, possunt etiam non entibus competere. Nam vnum, & multa sunt proprietates solis entibus conuenientes, & tamen ista competunt non entibus, verè enim dicitur vna priuatio esse duplex, vel triplex: nam in homine, qui tantum est cæcus, est vna priuatio, in homine verò cæco, sordo, & muto, sunt tres. Similiter incensio, & remissio est passio qualitatis realis, & tamen priuatio, quæ est non ens, potest intendi, & remitti. Tum quia, quando forma habet latitudinem, quò pluribus gradibus virtualibus priuatur subiectum, eò priuatio est maior, quò paucioribus, minor. Tum etiam, quia, quò forma est magis debita, eò priuatio ipsam tollens, maior est. Insupèr distinctio, vel identitas entibus conueniunt, & tamen etiam in non entibus inueniuntur, quia etiam non entia inter se differunt, nam vnum de alio verè negari potest. sunt enim verè istæ negatiuæ propositiones: Priuatio non est

negatio, vel e contra: & priuatio visus non est priuatio auditus. Ergò, etiam si oppositio, propriè, & presè sumpta, solis entibus competat, sumpta tamen secundum improprium significatum, etiam non entibus poterit conuenire.

Ex quo facillè ostenditur id, quod in secunda parte nostræ Conclusionis dictum fuit, scilicet, oppositionem inter non entia inuentam, secundum aliquid, imitari oppositionem contrariam, & secundum aliquid, contradictoriam. Nam contrariam in primis imitantur oppositiones intercedentes inter negationem ex vna, & priuationem ex alia parte: Quia, sicut contraria sub eodem genere maximè distant, ita etiam negatio, & priuatio sub eodem quasi genere carentiæ, ut sic, plurimum distant, & sicut contrarietas attenditur per respectum ad subiectum, vnde etiam contraria ab eodem subiecto se expellunt, ita etiam negatio, & priuatio per ordinem ad subiectum opponuntur, vnde etiam, vni subiecto formalitèr, in quantum scilicet est subiectum vnius formæ, non possunt simul competere: Licet enim successiuè possint, sicut contraria realia; ita priuatio, & negatio, vni subiecto competere, nam, sicut idem subiectum potest esse nunc calidum, & postea frigidum, ita potest carentia formæ, quam habet, nunc esse negatio, & postmodum, priuatio, v.g. carentia visus in cane

ante

ante nonum diem est negatio, & post nonum diem est priuatio; Tamèn, sicut implicat idem subiectum pro eodem tempore dicere, & non dicere aptitudinem ad eandem formam, ita repugnat simul, & semel, carentiam formæ, quam dicit subiectum, dici negationem, & priuationem.

Contradictoria autem oppositionem imitantur, tam hæ, quam omnes aliæ oppositiones inter non entia intercedentes, quia ordinariè fundatur in negatione, & affirmatione. Iam autem oppositio fundata in affirmatione, & negatione est contradictoria: patet per Philosoph. cap. de Opposit. qui contradictoriam oppositionem per affirmationem, & negationem explicuit.

Sic autem explicato, quomodo non entia inter se opponantur, restat, ut explicemus, an per se ad inuicem tollantur: Videtur enim esse implicantiæ in adiecto, quòd non-ens tollatur; Quod enim non est, tolli non potest. Sed non ens, non est. Ergò tolli non potest. Tamen, quia certum est per positionem entis non ens tolli, non per destructionem alicuius entitatis, hæc enim nulla fuit, sed per remotionem alicuius denominationis, sicut per visum tollitur cæcitas, idèò & nos proportionabiliter quærimus.

An per positionem (ut ita dicam) vnius non entis, & denominationis ab illo prouenientis remoueatur aliud non ens, & denominatio ab illo proueniens?

**D**icimus breuiter. Benè posse non ens per non ens tolli. Probatur primò. Tàm priuatio, quàm negatio est nō ens, sed per negationem potest tolli priuatio. Ergò non ens tolli potest per non ens. Maior patet, & probatur minor. Lapis non dicitur esse non videns priuatiuè, sed negatiuè, non aliam ob rationem, nisi quia lapis non est subiectum aptum visus. Ergò negatio aptitudinis tollit rationem priuationis in lapide, ac per consequens non ens tollitur per non ens, priuatio scilicet per negationem.

Confirmatur. Post extinguentiam in loco obscuro candelam, remanentes tenebræ, formaliter, non sunt priuatio luminis Solis, sed luminis candelæ; & hoc non ob aliam rationem, nisi, quia in illo loco non præcessit lucens Sol, sed lucens candela. Ergò negatio lucentis Solis tollit priuationem luminis Solis. Ergò priuatio tollitur per negationem.

Probatur secundò. Si repugneret, non ens per non ens tolli, vel hæc repugnatiua esset ex parte termini tollendi, quia scilicet nō enti repugnat tolli, vel ex parte principij tollentis, quia non ens non potest aliquid tollere, vel tædem



dem ex parte coniuncti , quia scilicet, etsi non ens, & tolli, & tollere potest, non tamen non ens, per non ens. Sed nullo istorum modorum repugnat. Ergo absolute non ens potest tolli per non ens. Maior à sufficienti enumeratione est certa. Minor quantum ad primam, & secundam partem non indiget probatione. Videmus enim, non ens & tolli posse; nam tollitur per ens, v.g. quando per visum tollitur cæcitas; & tollere, tollit enim ens, sicut mors tollit vitam, & cæcitas visum. Quantum verò ad tertiam partem, eadem minor probatur sic. Si ratione coniuncti repugnaret non-enti per, non ens, tolli, idèò maxime, quia non enti non contrariatur non ens, sed ens; Iam autem nihil tollitur, nisi à suo contrario; Sed hæc ratio non subsistit; supponit enim duo falsa. Ergo, &c. Minor proxima probatur. Nam in primis falsum est, non enti non contrariari non ens, ut in præcedenti conclusione vidimus. Deinde falsum est, quod nihil possit tolli, nisi à suo contrario, ut enim docet S. Thomas Tract. de Virtutibus qu. 2. ar. 12. & nostri Complut. ex eodem in lib. de Generat. disput. 3. q. ultima, quatuor modis potest aliquid corrumpi. Primò, per absentiam suæ causæ conservantis, sicut lumen per absentiam Solis tollitur. Secundò per destructionem subiecti, sicut sensus corrumpuntur per destructionem suorum organorum. Tertio, per actionem

contrarij, sicut frigidum definit per actionem calidi. Quarto ad definitionem termini, sicut relatio tollitur per ablationem sui termini. Si ergo in entibus ipsis potest aliquid tolli, & non per contrarium, multò magis in non entibus, etiam si inter illa nulla esset contrarietas, vel oppositio, (quod falsum esse ostendimus) potest vnum tolli per aliud. Ex nullo ergo capite repugnat, non ens tolli à non ente, ac per consequens, non entia, sicut oppositionem habent, ut vidimus, ita vnum per aliud tolli, est possibile.

Ad obiectionem suprà innuatam Resp. primò negando, esse implicantiam in adiecto: & cum dicitur: Quod non est, tolli non potest. Distinguo: Quod non est, nec in se, nec in aliqua denominatione à se proveniente, tolli non potest, Concedo. Quod non est in se, est tamen in denominatione à se proveniente, tolli non potest, Nego. Sed non ens non est, Distinguo: in se, Concedo, in denominatione à se proveniente: Nego.

Resp. secundò. Quod non est, tolli non potest, Distinguo, quantum ad entitatem, concedo: quantum ad denominationem relicta in subiecto: Nego. Et sic, licet non ens, non possit tolli, quantum ad entitatem, potest tamen tolli, quantum ad denominationem, sicut quando per formam tollitur privatio, non tollitur aliqua entitas, quia privatio entitatem

Nullam habet, cum sit non ens, sed tollitur aliqua denominatio, quam priuatio formæ induxerat in subiectum.

## QVAESTIO IV.

*An, & quæ Analogia Ens sit analogum respectu suorum inferiorum.*

**D**eterminato in præcedentibus, quod ens essentialiter de rebus omnibus prædicetur, determinandum est, qualis est ista prædicatio; an scilicet vniuoca, seu generis de speciebus, an æquiuoca, an tandem analogæ, & hoc est, quod in præsentī questione quærimus; Prinsquam tamen ad resoluendum difficultatis nodum accedamus, compendiosè censuimus præmittenda ea, quæ fusè Authores, & præcipuè Caietanus, & nostri Complutenses de nominum analogia tradiderunt. Pro quo sit.

*§. I. In quo Ratio analogia, & diuisio eius explicatur.*

**Q**uia Analogia Græca vox; apud Latinos proportionē, vel proportionalitatem significat, ideo inæqualitatem cū

æqualitate, conuenientiam, cum disconuenientia mixtam importare debet: ita tamen, vt in analogis inueniatur inæqualitas simpliciter, & æqualitas tantum secundum quid, vt optimè aduertunt nostri Complut. in Log. disput. 10. q. 6. Vnde, analogæ sūt illa, quorum nomen est commune, ratio verò substantiæ secundum illud nomen significata simpliciter est diuersa, & secundum quid eadem. Hinc aduerte, quàm improprie nomen analogiæ tribuatur illis gradibus, qui est inferioribus, quantum est de se, & æqualiter competant, habent tamen inæqualem perfectionem in ipsis ratione inæqualium differentiarum contrahentium, v.g. animal licet æqualiter participetur ab homine, & equo, perfectius tamen esse habet in homine, quàm in equo, quia ibi cum perfectiori differentia coniungitur. Cum enim in analogis ratio significata per nomen analogum, debeat esse simpliciter diuersa, quis hæc dicet esse analogæ, in quibus ratio significata per nomē est simpliciter eadem? Vnde etiam talia analogæ vocantur, & sunt logicè loquendo vniuoca, quia hæc inæqualitas in perfectione physica, ratione perfectioris formæ, non obstat vniuocationi, vtpote quæ in omnibus generibus inuenitur: Nam hæc in aliquibus speciebus ratione perfectiorum differentiarum, sunt perfectiora, physice loquendo, & in aliquibus ratione imperfectiorum, im-

perfectiora, ut in exemplo allato patet. Vnde Aristoteles 7. Physic. 31. dixit : *iuxta genus latere æquiuocationes*, &c. Hanc physicam inæqualitatē nomine æquiuocationis denotando, quæ generibus necessario annexa est, vel ex hoc ipso, quia per diuersas differentias ad diuersas species se in perfectione excedentes trahuntur. Verum hac analogia (quam alij analogiā physicā, alij analogiam inæqualitatis, alij cum D. Thoma in 1. disput. 19. qu. 5. ar. 2. ad 1. Analogiam secundum esse, & non secundum intentionem vocant) utpote impropria, omiſſa.

Analogia propriè accepta diuiditur in analogiam proportionis, seu attributionis, & in analogiam proportionalitatis. Analoga analogia attributionis sunt illa, quorum nomen est commune, ratio verò per illud nomen significata est eadem secundum terminum, diuersa verò secundum habitudines ad ipsum, v. g. Sanguis dicitur sanitatem, quam respicit animal, ut habens, vrinæ, ut signās, medicina, ut causans. Analoga verò analogia proportionalitatis sunt, quorum nomen est commune, ratio verò substantiæ secundum illud nomen est similis secundum proportionem : v. g. principium, quod proportionaliter dicitur de corde hominis, & de fundamento domus; nam sicut se habet cor ad principiandum hominem, ita se habet & fundamentum ad principian-

dā domum; differunt autem analogia proportionis, & proportionalitatis multipliciter.

Primo. Quia nomen analogū analogia attributionis tantum est intrinsecè in primo analogato, in alijs autem per extrinsecā denominationem, ut patet in fano, quod tantum est intrinsecè in animali, tanquam in habente sanitatem, in alijs verò est extrinsecè, vel tanquam in causa, vel tanquam in signo sanitatis, intrinsecè, & formaliter in animali existentis. Analogum verò analogia proportionalitatis propriæ (de proportionalitate enim metaphorica hic nō loquimur, tūm quia parum, vel nihil ad rem nostram conducit. Tūm etiam vix non eadem ei competunt, quæ & analogiæ attributionis, ut videre est apud nostros Complut: disput: nuper citata) reperitur intrinsecè in omnibus analogatis, nō quidē ita, ut nomē analogum significet aliquem gradum communem, quem intrinsecè participant analogata, (hoc enim est proprium vniuocorum) sed ita, ut nomen analogum significet immediatē analogata secundum rationes proprias eorum, ut proportionabiliter se habentes inter se, in quantum, scilicet vnum fundat habitudinē ad suum esse similem habitudini, quam fundat aliud: Hoc enim ipso nomen analogum significās illas habitudines, ut proportionabiliter similes, significabit rationem, quæ est intrinsecè in ana-

logatis : quia unicuique rei est intrinseca habitudo ad suum esse. Quod discrimen respexit S. Thomas, quando analogia attributionis vocauit talia secundum intentionem tantum, & non secundum esse; Analogia verò proportionalitatis, & secundum intentionem, & secundum esse, quia nimirum ratio significata per nomen analogum analogia attributionis licet referatur ad omnia analogata, non tamen habet esse in omnibus, cuius oppositum in analogia proportionalitatis inuenitur.

Secundò differunt, quia ratio significata per nomen analogum analogia attributionis est vna numero; Cum enim sit tantum intrinsecè in primo analogato, & extrinsecè in reliquis, non multiplicabitur in ipsis, nam distinctio denominationis extrinsecæ, & intrinsecæ, nō multiplicat formas, sed subiecta. Cæterum ratio significata per nomen analogum analogia proportionalitatis est multiplex in analogatis, quia est intrinsecè in omnibus, & sic alia est ratio principij in corde, & alia, quamuis præcedenti similis, in fundamento domus. Non sic autem in sano, vbi eadem est sanitas, quæ intrinsecè denominat animal sanum, & extrinsecè medicinam, vrinam, dietam, &c. Hoc tamen, quod de analogia attributionis in hoc secundo discrimine diximus, intellige per distributionem accommodam; si enim analogata significantur

in particulari, erit in eis ratio analogi vna positivè, v.g. quando dico animal sanum, medicinam, vrinam, &c: Si verò sumuntur in vniuersali, v.g. animalia, medicina, vrina, tunc ratio sani vna erit negativè in principali analogato, scilicet in animali, quia non potest esse positivè vna numero sanitas in omnibus animalibus.

Tertiò differunt, quia in analogia attributionis cætera analogata definiuntur per primum; Cum enim definitio debeat explicare naturam rei, ea debent intrare definitionem, à quibus intrinsecè dependet definitum. Cum ergò hic analogata, alia intrinsecè dependant à primo, ut potè ab eo, à quo sumunt suam denominationem, definiuntur per illud, ut v.g. si definias medicinam sanam, dices, est causa sanitatis animalis; si vrinam, est signum sanitatis animalis: Secus continet in Analogis analogia proportionalitatis propriæ, propter oppositam rationem: Ibi enim cum habitudines, seu proportioniones sint æquales, nulla dependebit ab alia, tamen vnius analogati analogia proportionalitatis definitio est proportionabiliter definitio alterius.

Quartò differunt, quia illud axioma; *Analogum per se sumptum stat pro famosiori significato*, currit in analogis analogia attributionis, non autem in analogis analogia proportionalitatis propriæ. Ratio istius est, quia in analogia proportionalitatis, seu at-



tributionis nomen analogum nō significat æqualitèr analogata, sed p<sup>ri</sup>mu[m] significat p<sup>ri</sup>mariorē, & distinctē, reliqua autem secundariō & confusē, in quantum denominantur à p<sup>ri</sup>mo. In analogia autem proportionalitatis omnia analogata æqualitèr significantur, vtpotè æqualitèr rationē per analogum significatam participātia, in sensu superius explicato.

Quintō differunt, quia analogum analogia proportionis, seu attributionis non potest esse medium demonstrationis, benè tamen analogum analogia proportionalitatis propriæ; quia, cum in prioribus analogis ratio significata per nomen analogum tantum in vno inueniatur intrinsecē, in alijs verò per extrinsecam denominationem, nomen analogum non distribuitur secundum aliquid intrinsecum. In omnibus, ac per consequens præmissa, in qua prædicabitur de secundo, semper erit contingens, quod repugnat demonstrationi, quæ debet procedere ex necessarijs. Cæterum analogum proportionalitatis propriæ distribuitur secundum aliquid intrinsecū pro omnibus, quia ratio significata per nomen inuenitur intrinsecē in illis, modo supra explicato; vnde sufficientem habet necessitatem ad demonstrationē.

Sextō differunt, quia analogia attributionis causatur per dependentiam, cum in illa secūda analogata dependeat à p<sup>ri</sup>mo, tanquam ab eo, à quo su-

munt suam denominationem. Analogia verò proportionalitatis propriæ non causatur per dependentiam, quia proportionēs, quas importat, æqualitèr, & intrinsecē reperiuntur in analogatis, ac per consequens sunt independentes.

Septimō, & vltimō differunt, quia analogia proportionalitatis semper requirit quatuor terminos, eò quòd illa versetur non inter res ipsas, sed inter proportionēs. Ergò, cum qualibet proportio requirat ad minùs duos terminos, proportionalitas, quæ est inter proportionēs, requirit ad minùs quatuor. Hoc autem analogiæ attributionis, seu proportionis non competit, propter oppositam rationem, & hoc discrimen est, in quo analogia proportionalitatis metaphorica cōuenit cum proportionalitate propria, & differt ab analogia attributionis, cum qua in omnibus suprà recensitis conueniebat.

Explicata verò diuersitate, quæ inter analogiam attributionis, & proportionalitatis intercedit, restat, vt explicemus, quomodo nomen analogum ab analogatis distinguatur. Non loquimur autem hic de analogia attributionis, quia in hac certum est, nomen analogum significare ipsum p<sup>ri</sup>mu[m] analogatū, in quantum terminat habitudines aliorū analogatorum minùs principalium, atque adeò conceptus analogi analogia attributionis non distinguatur à conceptu principalis



palis analogati, sed loquimur de analogia proportionalitatis, quæ maximè dicitur talis, ut ostendit Caietanus de nominum analogia cap. 3. Quia autem in nomine tria inveniuntur, scilicet *Vox*, cōceptus in anima, & res extra, seu conceptus obiectivus: idcō determinandum est, quomodo quoad singula nomen analogum distinguatur ab analogatis.

Primò ergò, quantum ad vocem ipsam, distinguitur nomen analogum ab analogatis realiter, quia alia est hæc vox *Substantia*, & alia hæc, *Ens*. Tota ergò difficultas est circa significatum vocis, id est de conceptu obiectivo in re, & formali in anima existente, quomodo scilicet conceptus tam obiectivus, quam formalis analogi à conceptibus tam formalibus, quam obiectivis analogatorum distinguatur.

Pro quo statuendum est, quòd, si de Conceptu obiectivo loquamur, in quo Conceptus formalis in intellectu existens fundari debet, cōceptus analogi obiectivus distinguitur à conceptibus obiectivis Analogatorum, sicut vnum proportionem à multis simpliciter, vel, quod idem est, sicut multa, ut similia, secundum proportionem, à seipsis absolute sumptis. Explicatur hoc tantillum fusiùs, quia inde sumemus infra efficacissimū argumentum ad evertendum opinionem ponentem conceptum entis esse simpliciter vnum. Sciendum est ergo, nomen Analogum esse medium inter æquivoca, &

vniuoca; Cum enim nomen æquivocum ita res diuersas significet, ut non nisi in solo nomine conveniant, vniuoco verò ita res diuersæ significantur, ut tamèn in vno conceptu, seu ratione conveniant, necessariò analogi, quæ, ut potè medium tenentia, de utroque extremo participant, ita debent diuersa significare, ut tamèn illa diuersa in aliquo conceptu aliquomodo vno, vel quasi vno conveniant; in quo ab æquivocis differunt: qui conceptus vnus simpliciter esse non potest; & in hoc ab vniuocis distinguuntur.

Quod, ut faciliùs capias, accipe differentiã, quæ inter vniuoca, & Analoga intercedit; Quamvis enim utraq; similitudinē impotent, sicut enim sunt similes homo, bos, leo in animalitate, ita substantia, & Accidens in entitate, aliter tamen, & aliter: Nam in vniuocis fundamentum illius similitudinis est eiusdem rationis in omnibus vniuocatis, quia nihil formaliter dicit in vno, quod non dicat in alio; Vndè oritur, quòd conceptus vniuocus possit ab vniuocatis perfectè abstrahi, v.g. animalitas, sub conceptu animalitatis, nihil dicit in homine, quod non dicat in boue, vel leone, quia sub hoc conceptu non dicit aliud, nisi vitam, & sensum, quæ æqualitèr homo, leo, bos participant; nam etsi in homine per aliam differētiã contrahatur, & per aliam in boue, & leone, quia tamen illæ differentiæ sunt extra conceptum eius, non tollent eius

Unitatem formalem, quamvis ex alio capite, animalitas non solum in speciebus, verum etiam in indiuiduis realiter multiplicetur: de quo vide Nost. Complut. in Log. Disp. 3. q. 3. In analogis autem fundamentum similitudinis in vno analogato est diuersæ rationis à fundamento existente in alio, quia non dicit id totum vñ, quod dicit aliud: Cuius ratio est, quia nomen analogum significat analogata secundum proprias rationes illorum, quæ necessario differre debent, etsi habeant proportionalem differentiam inter se, v. g. Ly principium non significat aliquid commune cordi, & fundamento domus, sicut Ly animal significabat gradum vitæ sensitivæ communem homini, & leoni, sed immediate significat cor, & fundamentum, ut proportionabiliter se habentia in hoc, quod sicut cor principiat vitam hominis, ita fundamentum domum. Ex quo fit, quod analogum nec possit dicere conceptum simpliciter vnum, quia includit actu principia distinguenda, nec possit abstrahere perfecte ab analogatis, sicut vniuocum abstrahit ab vniuocatis, quia analogum immediate significat ipsa analogata, ac per consequens, etsi conceptus vniuoci distinguatur ab vniuocatis perfecte, quia perfecte est abstrahibilis ab ipsis conceptus, tamen conceptus Analogi non distinguitur perfecte ab analogatis, nisi tantum secundum quid, quia etiam secundum quid abstrahit, sicut abstrahunt, &

distinguuntur multa similia à se ipsis absolute sumptis.

Vnde ut optime aduertit Caietanus de nominum analogia cap. 5. Analogiæ abstractio non consistit in intellectu vnius, & non intellectu alterius, sicut in vniuocis consistit; Per hoc enim abstraho animal ab homine, & equo, quia intelligo animal, non intellectis differentiis constitutivis hominis, & equi. Sed abstractio analogi consistit in intellectu analogatorum, ut similitum, & non in intellectu eorum absolute sumptorum, sicut v. g. abstractio entis à Substantia, & quantitate non consistit in hoc, quod entitas intelligatur, substantia verò, & quantitas non, sed in hoc, quod apprehendatur substantia, & quantitas, ut sic se habent ad proprium esse, & non apprehendatur substantia, & quantitas absolute.

Hinc facile colliges, quid de conceptu formali sentiendum sit. Dicimus igitur, Conceptum formalem aliter esse vnum in vniuocis, & aliter in analogis. Cum enim conceptus obiectivus vniuocorum sit simpliciter vnus, ut potè non claudens in se principia distinguenda vniuoca, habebunt in mente conceptum vnum perfecte, & adequatè illis correspondentem. In analogis autem, quia fundamenta analogiæ similitudinis sunt diuersa simpliciter, & eadem secundum proportionem, quod est esse idem secundum quid, oportet duplicem analogi mentalem conceptum distinguere.

re, vnum imperfectum, qui est vnus, alium perfectum, qui est totuplex, quot sunt analogata; Cum enim vnum analogatorum sit simile alteri, necesse est, vt conceptus representans vnum representet & alios ipsi similes, iuxta illud axioma, *Quidquid assimilatur simili ut sic, assimilatur etiam illi, cui tale simile est simile.* Quia verò talis similitudo secundum proportionem tantum est, quæ diuersam rationem in altero habet, conceptus perfectè representans vnū analogatorum à perfectà representatione alterius deficit, & consequenter alterius analogati oportet alterum adæquatum, & perfectum conceptum esse. Ex quo habes, quod de formalibus conceptibus loquendo, si sint perfecti, conceptus analogi non distinguitur à conceptibus analogatorum, quia, vt iam dixi, conceptus perfectus analogi sunt conceptus perfecti analogatorum: Si verò imperfecti, tunc distinguitur, sicut conceptus rei absolutè sumptæ à conceptu eiusdem rei, vt est alteri similis. Pro completa tandem Analogorum notitia. *Quæres, utrum Analogum prædicetur de Analogatis, tanquam superius de suis inferioribus.*

Respondetur dicendo, Analogum prædicari de analogatis, tanquam superius de suis inferioribus. Probat. Quod prædicatur, vt vnum ad plura se extendens, prædicatur, vt superius, vt ex terminis patet; Sed analogum prædicatur, vt vnū ad plura se ex-

tendens. Ergo &c. Minor probatur; Taliter prædicatur, qualem habet conceptum; Sed habet conceptum vnum, aliquo modo competetum pluribus, nempe analogatis, ab illisq; aliquo modo abstrahentem, vt ex supra dictis patet. Ergo &c.

Obijcies. Prædicatum superius est prædicatum inconuertibile; Sed analogum est conuertibile cum analogatis. Ergo non est superius ad ipsa. Maior patet, quia termini conuertibiles debent esse æquales, vt docent Dialectici. Minor verò probatur; Nam ens v. g. secundum, quod est analogum ad substantiam, & quantitatem, significat substantiā, vt sic se habentem ad suum esse, & quantitatem, vt sic se habentem ad suum esse; Sed substantia, vt sic se habens ad suum esse, conuertibiliter dicitur cū seipsa simpliciter sumpta, & similiter quantitas, vt per se patet. Ergo &c.

Resp. Negando minorem: Ad cuius probationem, nego, substantiam, vt sic se habentem ad suum esse, conuertere cum seipsa absolutè sumpta: quia Ly, sic se habere ad esse, exprimit proportionalem conuenientiam cum quantitate, quæ etiam sic se habet ad esse, quam tamen conuenientiam substantia absolutè sumpta non exprimit, atq; adeò substantia, vt sic se habens ad esse, est quid superius ad seipsam absolutè sumptam, quia, vt sic se habens, dicit plus, nempe esse proportionabiliter, & in hoc est similis quantitati, quod tamen ipsa

Ipsa absolute sumpta non dicit.  
Ex quo.

Intelliges primò, quomodo in istis analogis possit esse comparatio secundum magis, & minus, sicut dicimus, substantiam esse magis ens, quàm accidens; Cum enim ad comparisonem requirantur, & sufficiant hæc tria, scilicet distinctio extremorum, identitas eius, in quo fit comparatio, & modus essendi illius in extremis, secundum æquè magis, vel minus perfectum esse; Sub identitate autem, seu unitate, proportionalis unitas, seu identitas continetur, consequens est, quòd si in diuersis idem proportionabiliter æquè, vel magis, vel minus perfectè esse habeat, comparatio secundum illud proportionale fieri possit. Ergò, cum analogum idè proportionabiliter in diuersis, nimirum in analogatis, esse habeat secundum magis, & minus (magis enim substantiæ competit esse, quàm quantitati v.g.) poterit fieri inter analogata comparatio.

Intelliges 2. qualis sit Analogi diuisio in sua analogata; potest namq; tripliciter analogi diuisio intelligi. Primò, ita, vt diuidatur vox in suas significationes, & quia analogum plures rationes significat immediatè, ideò hæc diuisio competit ipsi, vt quoddam æquiuocum est. Secundo modo potest intelligi diuisio analogi, vt diuidatur significatum eius in quasi membra eius; sed hæc ratio diuisionis non potest analogis competere, quia analogum diuiditur

in analogata, non autem in rationes in analogatis clausas, illæ enim rationes sunt ratio ipsius analogi, vt v. g. analogata diuidentia ens, sunt substantia, & Quantitas, rationes autem entis in substantia, & quantitate clausæ, analogæ sunt; Tertio modo potest intelligi diuisio analogi, vt diuidatur in sua analogata per diuersos modos, ratione quorum rationem analogi proportionale analogata diuersimode recipiant, ita, vt diuisum sit significatum vnum proportionalitèr, & diuidentia sint modi fundantes, & facientes in analogatis proprias proportionales, secundum quas fit analogia, constituta autem per diuisionem sint analogata ipsa, v. g. quando ens diuiditur in substantiam, & accidens, diuisus est ratio vna proportionalitèr entis nomine significata, diuidentia membra sunt esse per se, & esse in alio; Ex quibus substantia, & accidens habet, vt diuersas entis rationes subintrent, partes autè subiectiue sunt substantia, & accidens, quæ in entis ratione analogat. Differt autem hæc diuisio analogi in analogata, à diuisione vniuoci in vniuocata tripliciter: Primò ex parte diuisionis, quia in diuisione vniuoca vnum omnino diuiditur: hic autem vnum proportionalitèr: Secundò ex parte diuidentium, quia differentie diuidentes genus sunt extra conceptum generis, modi autem diuidentes analogum non sunt extra eius conceptum, quia immediatè per ipsum significantur;

sicut,

sicut & ipsa analogata. Tertiò ex parte subiectiuarum partium, quia partes subiectiuarum vniuoci æqualitèr participat ratione significatâ per nomen vniuocum, partes verò subiectiuarum analogi non æqualiter, sed secundum magis, & minus, vnde substantia dicitur magis ens, quàm accidens, vt supra explicatum est. His de nominum analogia compendio prælibatis (quæ tamen diligentius percipienda sunt, nam eorum consideratio, vt dicit Philosophus 10. Elench. peritissimos etiam errare facit, propter latetem in eis æquiuocationem) ad resolutionem, propositæ difficultatis accedamus.

§. 2. *Reijciuntur opiniones, ens non Analogum, sed æquiuocum esse affirmantes respectu suorum inferiorum.*

**P**lures ex Philosophis, ne analogiam enti concederent, illud esse æquiuocum respectu suorum inferiorum dixerunt. Cum autem hic sit ordo diuisionum entis, vt primò diuidatur ens, vt sic, in ens reale, & rationis, deinde ens reale subdividatur in Creatum, ac Increatum, ac eadem ens Creatum, in substantiam, & accidens, seu quod idem est, in decem Prædicamenta, ideò aliqui dicunt, ens esse æquiuocum respectu entis realis, & rationis. Ità plures

ex Thomistis, Soncinnas 4. Metaph. Quæst. 5. Iabellus lib. 1. quæst. 1; Bannes 1. p. q. 28. ar. 1. Alij verò, vt Rabbi Moyses cit. à S. Tho. quæst. 3. de Pot. art. 7. dixerunt, ens æquiuocum esse respectu Dei, & Creaturarum.

Prima sententia probatur à Soncinnate sic. Enti reali, & rationis nihil est commune, præter nomen. Ergo sunt æquiuoca. Consequenter patet, & probatur antecedens. Si aliquid haberent commune, vel illud esset vnum simpliciter, vel vnum proportionalitèr; hæc enim est adæquata diuisionis conceptus communis; Sed neutrum est dicendum. Ergo &c. Probatur minor, quantum ad secundam partem, (quantum ad primam ex se patet) inter ens reale, & rationis nulla est similitudo. Ergo etiam nulla proportio, quæ similitudinem importat, vt ex dictis patet. Anteced. probatur, quia magis distat ens reale, & rationis, quàm finitum, & infinitum; Sed inter finitum, & infinitum, nulla est similitudo, quia sicut per elongationem maiorem, & maiorem magis, magisque similitudo tollitur, ita per elongationem absolutam, seu infinitam tollitur absolutè.

Secunda etiam sententia probatur primò. Æterno, & temporali nihil potest esse commune præter nomen, vt inquit Aristot. 10. Metaph. cap. vlt. Sed Deus est æternus, Creatura temporalis. Ergo &c.

Secundò. Si Deo, & Creaturis

X

esse

esset aliquid cōmune præter nomen, conueniret Deus in illo communi cum Creaturis; Sed nō potest conuenire, quia aliās in Deo reperiretur compositio ex gradu communi, & propria ratione cōstitutiuā ipsius, quod tamen ipsis, vt potē enti simplicissimo repugnat. Ergo &c.

Vtraq; tamen opinio non placet. Prima quidem, quia ens rationis dicit proportionalem similitudinem ad suum esse, sicut, & ens Reale. Ergo non est purē æquiuocum; quæ enim sunt proportionaliter similia, conueniunt in aliquo, præter nomen, vt ex dictis § precedenti patet.

Confirmatur primò. In æquiuocis nulla similitudo attenditur, vt docet D. Thom. 1. Contr: gent. Exposit. 33. Sed inter ens Reale, & Rationis est aliqua similitudo, vnde ens Rationis explicari solet per similitudinem ad ens reale. Ergo &c.

Confirmatur 2. Nam, vt dicit S. Thom. loco nuper cit. quando aliquid cōuenit cum aliquo æquiuocē, cognitio vnius non potest deferuire ad cognitionem alterius, non enim cognitio canis terrestris me ducit ad cognitionem syderis celestis; Sed cognitio entis Realis ducit nos ad cognitionē entium rationis; Vnde quidquid de cognitione entis rationis Logici, vel Metaphysici docent, totum explicant per similitudinem ad entia realia. Ergo ens non dicitur de ente Reali, & Rationis purē æquiuocē.

Similiter contra secundam opinionem primò arguitur. De æquiuocis non potest haberi vna sciētia, quia non sunt aliquid vnum; Sed de Deo, & Creaturis est vna sciētia, nempe Mataphysica, vt docet Aristot. 11. Metaph: Cap. 3. & nos supra concessimus, Disput. Proœm. Quæst. 1. Ergo &c.

Secundò Arguitur. Quando prædico de Deo hoc nomen ens, & similiter de homine, intelligo aliquid Deo competere, quod competit homini, scilicet habere essentiam. Ergo ens non est purē æquiuocum respectu Dei, & creaturarum; quia in æquiuocis quando prædico æquiuocum de æquiuocatis, nihil prædico competere illis, quod hoc nomine significatur, vt patet in prædicatione canis de animali terrestri, & sydere celesti.

Tertiò arguitur ratione S. Thom. 1. cont. gent. Cap. 33. Verba S. Doct. sunt. *In his, quæ sunt à casu æquiuoca, nullus ordo, aut respectus attenditur vnius ad alterum, sed omninò per accidens est, quòd vnum nomen diuersis rebus attribuitur, non enim nomen impositum uni signat ipsum habere ordinem ad alterum. Sic autem non est de nominibus, quæ de Deo dicuntur, & Creaturis, consideratur enim in huiusmodi nominum communitate ordo causæ, & causati, vt ex dictis patet. Nō igitur secundum puram æquiuocationem aliquid de Deo, & rebus alijs prædicatur.* Subsumo rationē S. Thomæ. Sed ens est nomen, quod dicitur de Deo, & Creaturis,

ris, in quo consideratur ordo causa, & causati, quia Creaturæ sunt entia causata à Deo. Ergò ens nò erit æquiuocum respectu Dei, & Creaturarum.

Nota verò pro meliori huius rationis intelligentia cum Ferrariensi ibidem, Æquiuoca purè, & propriè à Sancto Thoma, vocari, æquiuoca à casu, eò, quòd nomen sit impositum à diuersis ad diuersa significanda, non ex aliqua similitudine vnus ad alterum, sed quia sic accidit. Et hoc termino distinxit S. Thomas æquiuoca propria ab analogis, quæ aliquando analogæ dicuntur propter diuersitatem rationum sub eodem nomine analogi contentarum. Vocantur tamen analogæ æquiuoca à consilio, quia important vnum ex aliqua similitudine ad alterum; impositor enim nominis, eò quod inter illa quandam proportionem considerauit, ideò illa eodem nomine nominauit. Et eadem ratione vti poteris ad euerendâ quorundam antiquorû opinionem, qui respectu substantiæ, & Accidentis ens dixerunt æquiuocum: Inter substantiam enim, & accidens reperitur ordo in ratione entis: Accidens enim definitur per substantiam, & totum eius esse est in esse substantiæ, Ergo &c.

*Diluuntur argumenta oppositarum sententiarum.*

**R**esp. ad primum pro prima sententia adductum, inter ens Reale, & Rationis proportio-

nem intercedere, & esse similia proportionabiliter. Et ad probationem in contrarium, dicimus, cum Nostr. Complut. seu verius cum S. Tho. quæst. 2. de verit. a. 2. ad 2. Duplicem esse similitudinem; Aliam, quæ intercedit inter res eiusdem generis, quando scilicet eadem ratio reperitur in diuersis, vt v.g. eadem animalitas in homine, boue, leone, &c. & hæc per maiorem distantiam minuitur, & per infinitam tollitur. Cum enim quolibet genus determinatos habeat suæ perfectionis limites, nò potest vna species ab alia distare infinitè, quin ab ipso genere distet, ac per còsequens, quin tollatur ab illa ratio illa generica, quæ fundabat similitudinem inter species. Alia est similitudo inter res diuersi generis, quæ non consistit in participatione alicuius naturæ vnus, sed in proportionali habitudine ad esse, & hæc, nec per maiorem; nec per infinitam distantiam tollitur: Distantia enim, nec minuit, nec tollit proportionalitatem, vt etiam in ipsis numeris patet; Eadem enim est proportio inter vnum, & duo ex vna, & sex, & tria ex alia, ac inter vndè, & duo ex vna, 1000. verò, & 500. ex alia parte, quamuis magis distet mille à duobus, quam sex à tribus, & tamen vtrobiq; est proportio dupla. Vnde quamuis inter ens finitum, & infinitum, vel inter ens rationis, & reale sit distantia infinita, non ideò tolletur, vel minuetur inter illa proportionalis similitudo.

Ad primum pro secunda sententia., resp. ex D. Tho. de pot. q. 7. a. 7. & cum nostr. Complut. Disput. 11. de diuisione entis, qu. 1. dictum illud Philosophi intelligendum esse de communitate in aliquo physico, nempe in materia prima, non autem de communitate in aliquo gradu metaphysico, in quo corruptibilia, & incorruptibilia, quæ ibi à Philosopho æterna vocantur, possunt conuenire, vt de facto conueniunt, in gradu substantiæ, vel corporis, corpora cœlestia incorruptibilia, & sublunaria, quæ sunt corruptibili subiecta.

Ad 2. resp. Deum, & creaturas non conuenire simpliciter in ratione entis; Id enim, in quo aliqua propriè dicuntur conuenire, debet esse simpliciter vnum; vt suprà dictum est, quæ vnitas repugnat enti, cum vniucum non sit, vt statim probabitur. Licet autem, aliquo modo possit dici Deum, & creaturas cōuenire in ratione entis, cum ens, vtpotè analogum, aliquam proportionalem vnitatem dicat, negandum tamen est, ex hoc sequi, quòd in Deo inueniatur aliquis compositio ex gradu communi, & particulari, quia talem, gradum communem non inducit analogia in analogata, cum immediate significet ipsa, vt proportionalitèr se habentia, vt dictum est §. primo huius Quæstionis.



§. 3. *Opinio Scoti, & sequacium, entis vniucationem asserens, reprobatur.*

**S**cotus in 1. distinct. 3. qu. 1. Et 1. ac 4. Metaph. quæst. 1. Docuit, ens esse vniucum, tam respectu Deo, & creaturarum, quàm respectu substantiæ, & accidentis: Quem sequuntur discipuli eius, & aliqui ex Nominalibus. Rationes, quia supponunt, ens habere conceptum obiectiuum communem suis inferioribus, commodius referentur, & solentur, quando talem conceptum enti, per specialē de hoc Quæstionē, denegabimus. Quæ, etsi in hac disputatione tractari deberet, quia tamen habet annexam aliam quæstionem de conceptu formali entis in intellectu existente, idèò commodius illam Disputatione sequenti expediemus, vbi de cognoscibilitate entis tractabimus. Modo contra sententiam Scoti.

Dicimus, ens non esse vniucum respectu suorum inferiorum. Ità D. Thom. 1. p. q. 33. ar. 3. & alibi sæpè, quem sequuntur cōmuniter ipsius discipuli, idèòque ab illis referēdis abstinemus; antequam tamen hanc probemus conclusionem.

Notandum est. eam non procedere cōtra Scotum in eo sensu vniucationis, qualem explicat ipse Scotus, cum inquit. *Ne sit contentio de nomine vniucationis, conceptum vniucum dico, qui ita est vnus, quòd eius vnitas sufficiat ad contradictionem, & potest esse me.*



medium syllogisticum, &c. Talis enim vniuocatio nō facit vniuoca propriè, sed analoga, cum vtrumque in posita vnitatē analogā saluetur, vt ex supra dictis patet. Sed nos vniuocationem propriam negamus enti, qualem concedimus animali v. g. respectu hominis, leonis, &c. & in hoc sensu.

Probatur primò nostra conclusio autoritate S. Tho. 1. cont. gent. cap. 32. vbi dicit, *Quod nihil de Deo, & rebus alijs vniuocè prædicari potest.* Et postquam id pluribus ibi confirmauit rationibus, quarum aliquas infra adducemus, concludit Caput istis verbis. *Impossibile est igitur aliquid de Deo, & rebus alijs vniuocè dici.* Ergo ex mente S. Thomæ, ens nō est vniuocum respectu Dei, & Creaturarum.

Deinde eadem vniuocatio entis respectu Dei, & Creaturarum rationibus impugnatur.

Prima ratio est S. Thomæ, quā habet loco citato ex 1. cōt. gent. Verba S. Doctoris sunt: *Effectus, qui non recipit formam secundum speciem similem ei, per quam agens agit, nomen ab illa forma sumptū secundum vniuocam prædicationē recipere non potest: Non enim vniuocè dicitur calidus ignis à Sole generatus, & Sol: rerum autem, quarum Deus est causa formæ, ad speciem diuinæ virtutis non perueniunt, cum diuisim, & particulariter recipiant, quod in Deo simpliciter, & vniuersaliter inuenitur. Patet igitur, quod de Deo, & rebus alijs*

nihil vniuocè dici potest. Quia autem S. Doctor huius argumenti maiorem improbatam reliquit, cum eam tantum exemplo calidi illustrauerit, idē eadem maior potest probari. Quando effectus non adæquant virtutem causæ efficientis, non recipiunt similitudinem eius secundum eandem rationem cum ipsa causā, sed deficienter. Ergo nomen significans illam rationem communem causæ, & effectibus non adæquantibus virtutem causæ, non potest esse vniuocum, quia nomen vniuocum petit similitudinem secundum eandem rationem, æqualiter ab vniuocatis participatam.

Nota tamen ex nostris Cōplur. tensibus in Log. Disp. 11. Quæst. 2. quod, vt hæc ratio conuincat, debet in sensu formali intelligi illa maior S. Thomæ, quod scilicet effectus non adæquans virtutem causæ, secundum quod formaliter effectus est, non poterit vniuocè cum illa conuenire in nomine, hanc rationem effectus, non adæquantis causam exprimente: Nam bene potest effectus, etiam non adæquans virtutem causæ, in aliqua alia ratione, secundum quā non est effectus, cum causā suā vniuocè cōuenire, vt patet in Sole, & auro: aurum enim, & Sol cōueniunt in gradibus substantiæ, & corporis, sed in his aurum non est effectus Solis, nisi per accidens. Si autem imponeretur nomen, quod exprimeret illam rationem, secundum quam est aurum effectus Solis nō adæquans virtutem eius,

pius, illud nomen procul dubio analogum, non vniuocum esset.

Secunda Ratio. Illi, quod est ex se ens, & illi, quod est ex se non ens, nihil potest esse commune vniuocum; Sed Deus est ex se ens, creatura verò est ex se non ens. Ergo Deo, & creaturæ nihil potest esse commune vniuocum. Maior patet, quia ens, & non ens opponuntur contradictoriè. Ergò in nullo possunt vniuocè conuenire; aliàs inter opposita contradictoriè daretur medium. Minor verò probatur, quoad secundam partem, nam quoad primam, quod scilicet Deus sit ex se ens, à nullo potest dubitari. Id, quod sibi derelictum, & omni alio circūscripto, non habet, nec potest habere esse, est ex se non ens, vt ex se patet; Sed creatura sibi relicta, & circūscripto Deo, nec habet, non potest habere esse, cum creatura hoc ipso, quod talis, recipiat esse per creationem à Deo. Ergo ex se est non ens.

Confirmatur. Id, quod conuenit alicui ex intrinseco, prius ei conuenit illo, quod competit per extrinsecam causam; Sed non esse, seu esse non ens, competit creaturæ ab intrinseco, esse verò, per extrinsecam causam efficientem. Ergo prius competit creaturæ non esse, quàm esse. Accipio ergo creaturam in illo priori, & arguo sic. In hoc priori est creatura non ens, Deus verò ens. Ergo non conueniunt vniuocè.

Hæc de Ente, vt est commune Deo, & creaturis, dixisse sufficiat.

Qui plures rationes videre desiderat, inueniet illas apud S. Tho. loc. cit. 1. Contingent. & ap. Nost. Complut. Disput. & Quæst. nuper citata.

Quòd verò idem ens, neque respectu Prædicamentorum sit vniuocum, sic probatur. Omne, quod de pluribus vniuocè prædicatur, vel est genus, vel differentia, vel species, vel proprium, vel accidens; Sed ens non est genus, quia clauditur in vltimis rerum differentiis, & modis constitutiuis earum, quod est contrarietatem generis, vt expressè docet Philof. 3. Metaph. tex. 10. Neque differentia, quia differentia contrahit gradum superiorem; ente autem nihil est superius, neque species, quia hæc constituitur ex gradu communi, seu contrahibili, & differentia contrahente; quod simplicitati conceptus entis repugnat. Neque proprium, quia hoc profluit ab essentia, ens autem non habet essentiam, à qua fluat. Neque accidens, quia ens non est extrinsecum prædicatum, sed essenziale, vt ex supradictis patet. Ergò, & c. Maior huius argumenti, quam Scotus putat esse falsam, probatur sic. Omne vniuocum significat naturam vnā simpliciter. Ergò abstractam ab inferioribus, tantumque in potentia continentem ipsa; quia si actu contineret plura, non esset vnā. Ergò, cum omnis potentia respiciat sua inferiora, illa natura respiciet sua, ergò erit naturæ relata ad plura, ergò vnā

vna in multis, seu vniuersalis, ergo, vel genus, vel species, vel differentia, vel proprium, vel accidens: quia natura vniuersalis adæquate in hæc quinque vniuersalia diuiditur, vt cummunitè cū Porphyrio docent dialectici.

Similiter ens non esse vniuocū respectu entis realis, & rationis (de quo nemo dubitauit, præter Bonetum, & aliquos paucos ex Scotistis) facile probatur. Ens rationis est quædam imperfectissima species entis realis. Ergo ens non potest esse vniuocum respectu entis realis, & rationis. Patet consequentia, quia vniuocata debent æqualiter participare rationem vniuocam.

Obijcies primò. Accidens est vniuocum respectu suorum inferiorum. Ergo & ens respectu suorum. Consequentia patet à paritate rationis, & probatur antecedit: Cuius ratio æqualiter reperitur in inferioribus, illud est vniuocum respectu ipsorum; Sed ratio accidentis æqualiter reperitur in inferioribus, quia inesse, seu inhzrere, quæ est ratio accidentis, æqualiter reperitur in quantitate, qualitate. Ergo, &c.

Resp. negando antecedit. ad cuius probationem dicimus, Ly inhzrere, non esse in accidentibus æqualiter, sed proportionabiliter, quia non significat aliquam rationem vnani in ipsis, ab illisque abstrahibilem, (aliàs rationem primorum generum perderent,) sed immediate significat

ipsa accidentia secundum propriam rationem illorum, vt proportionabiliter se habentia, quia, sicut quantitas inhzret substantiæ extendendo illam, ita & qualitas inhzret disponendo ipsam, & sic de alijs.

Obijcies 2. Ratio vna in omnibus inferioribus, est ratio vniuoca; Sed ratio entis est vna in substantia, & accidente. Ergo est vniuoca. Maior patet, & minor probatur. Conceptus accidentis continet formaliter conceptum substantiæ. Ergo ratio entis debet esse in eis vna. Patet consequ. & prob. Anteced: Substantia repræsentatur formaliter intellectui per speciem accidentis. Tùm quia, si per propriam speciem repræsentaretur, posset intellectus naturaliter cognoscere absentiam substantiæ in Eu. charistiæ Sacramento; Si enim substantia præsens imprimeret sui speciem in intellectu, substantia, quæ non imprimeret, cognosceretur absens. Tùm etiam, quia omnis species acquisita à nostro intellectu, causatur à phantasmatis; Sed hæc sunt similitudines tantum accidentium. Ergo non possunt causare speciem substantiæ, sed tantum species accidentiū, primariò illorū repræsentatiuas, & secundario substantiæ.

Resp. supponendo, quod hæc obiectio tangit illam celebrem difficultatem, quam agitant inter se discipuli D. Thomæ, & Scoti, Scotistis negantibus, substantiā cognosci per propriam speciem, Tho;

Thomistis verò id constantèr cū D. Thoma affirmantibus. Et meritò: Certum est enim, quòd substantiæ cognoscantur à nobis cognitione quidditatiua perfectæ, cū de illis formemus definitiones. Ergò debent cognosci per proprias species. Prob. conseq; quia, quod cognoscitur quidditatiuè, perfectè cognoscitur, & distinctè, quod si cognoscitur perfectè, cognosci debet per proprium genus, & differentiam, ratione cuius differt ab omnibus; Sed quod cognoscitur distinctè, seu, vt differens ab omnibus alijs, cognoscitur per propriā speciem, quia nulla species repræsentat distinctè obiectum, nisi sit ei proprium. Ergò, &c. Hoc ergò supposito. Ad argumentum resp. negando minorem, ad cuius probationem, negamus antecedens, & similiter in eiusdem antecedentis probatione, negamus antecedens, quòd scilicet accidens repræsentet substantiam formalitèr. Ad primā autem eiusdem antecedentis probationem, dicimus, quòd, etsi intellectus cognoscat substantiam per propriam speciem, non tamē poterit cognoscere absentiam substantiæ in Eucharistia, quia accidentia remanentia in Eucharistia causant phantasma repræsentatiuum directè sui, ab illo autē Phantasmate causatur species substantiæ panis, in virtute tamen substantiæ, quæ præcesserat. Intellectus ergò hac specie fecundatus, etsi cognoscat substantiā

panis, eius tamen absentiam non cognoscit, quia species abstrahit ab esse, & non eise, & indifferentèr repræsentant rem, siue illa sit, siue non sit, v.g. species repræsentatiua naturæ humanæ, quæ est in Petro, æquè illam repræsentat Petro, siue existente, siue non.

Ad secundam verò probationem eiusdem anteced. resp. quòd licet illa Phantasmata tantum repræsentent accidentia, possunt tamen producere in virtute substantiæ speciem repræsentatiuam substantiæ, præcipuè illustrata, & confortata ab intellectu agente. Neque hoc mirum videri debet, quòd dicamus, speciem substantiæ ab accidentibus, vt sunt virtutes substantiæ, causari, cū certum sit apud Philosophos, ipsam etiam substantiam produci ab accidentibus operantibus in virtute substantiæ. Sicut v.g. calor in virtute substantiæ causat carnem; hoc autem quomodo fiat, quia non est præsentis loci tractare, vide apud nost. Complur. 8. Physic. disp. 9.

§. 4. *Statuitur uera sententia explicans analogiam, quàm habet Ens respectu suorum inferiorum.*

Ex dictis hucusque facillè quilibet per euidentem consequentiam deducere potest, ens esse

esse analogum respectu suorum inferiorum: Si enim neque est pure uniuocum, neque pure æquiuocum, à sufficienti enumeratione sequitur, illud esse analogū. Solūm ergo superest, ut explicemus, quā analogia ens dicatur analogum respectu inferiorum.

Dicendum est 1. ens esse analogum utraq̃ue analogia, proportionis scilicet, & proportionalitatis respectu entis realis, & rationis. Ita sentiunt de analogia attributionis, seu proportionis communiter Philosophi. Probatur facile. Ens rationis denominatur tale per ordinem ad ens reale, & ab illo dependet, tanquam similitudo, & umbra eius, ac tandem per illud definitur. Ergo respectu illorum ens erit analogum analogia attributionis: Nam in antecedenti enumerata constituunt dictam analogiam, ut patet ex ijs, quæ diximus §. 1. huius questionis.

Analogiam autem proportionalitatis: etsi illi negent conuenire enti, ut est commune. Reali, & Rationis, quicumque opinantur, ens rationis consistere in denominatione extrinseca, nos tamen, quia essentiam entis rationis constituimus in quodam esse ficto, ab intellectu proueniente, resque ad modum formæ intrinsece denominante, consequenter.

Dicimus, ens etiam respectu entis realis, & rationis esse analogum analogia proportionalitatis propriæ. Probatur. Ens

rationis claudit rationem entis intrinsecè. Ergo ens, non solum analogia attributionis, sed etiā proportionalitatis erit analogum respectu entis realis, & rationis. Consequentia ex dictis in §. 1. patet, quia ratio significata per nomen analogum analogia attributionis non inuenitur intrinsecè in omnibus analogatis, secus ratio significata per nomen analogum analogia proportionalitatis. Anteced. probatur, quia, cum ens rationis non sit intrinsecè nihil, debet esse intrinsecè ens, nam ens, & nihil, ut ex supra dictis patet, opponitur contradictoriè. Et in hoc erit proportionalitas inter ens rationis, & ens reale in ratione entis, quia, sicut se habet ens reale ad suum esse reale, ita ens rationis ad suum esse fictum. Hic autem aduerte, quomodo ratione diuersæ analogiæ diuersa prædicata eidem competere possunt. Nam ens rationis v. g. est intrinsecè ens secundum analogiam proportionalitatis, secundum verò analogiam attributionis non importat rationem entis intrinsecè; quod, quomodo intelligendum sit, in solutione primæ objectionis §. sequenti declarabimus.

Dicendum est 2. Ens, tam respectu Dei, & creaturarum, quam respectu substantiæ, & accidentis, est analogum utraq̃ue analogia, proportionis scilicet, & proportionalitatis.

Quod sit analogum analogia proportionalitatis, probatur i  
quia.

quia creaturæ, & Deus, substantia, & accidens sunt intrinsecè entia, cum intrinsecè non sint nihil. Ergò ens est respectu illorum analogum analogia proportionalitatis. Consequentia patet, quia, ut ex dictis in §. 1. huius quæstionis constat, in hoc distinguitur analogia proportionalitatis ab analogia attributionis, quia analogum analogia proportionalitatis inuenitur intrinsecè in analogatis, analogum autem analogia attributionis, extrinsecè.

Quod verò etiam sit analogum analogia attributionis, probatur. Cum hac intrinseca inclusionem entis in Creatura, vel accidente stat bene esse analogum analogia attributionis, quia ex alio capite possunt, & Creaturæ à Deo, & accidentia à substantia denominari entia extrinsece. v. g. Creaturæ dicuntur entia, quia sunt effectus Dei, habentes similitudinem entitatis Dei, & ordinatæ ad Deum, sicut ad suum finem; similiter accidentia dicuntur entia, in quantum sunt affectiones substantiæ, vel mensurando, vel extendendo, vel modificando, vel se disponendo ipsam, &c. Ergò ratione istius denominationis extrinsece poterit ens respectu illorum esse analogum analogia attributionis, sicut ratione entitatis intrinsece ab illis participat, est analogum analogia proportionalitatis.

### §. 5. Obiectiones, & solutio earum.

**O**bjicies primò. Competere intrinsecè, & non competere intrinsecè sunt prædicata contradictoria, opponuntur enim penes affirmationem, & negationem; Sed prædicata contradictoria non possunt eidem simul competere. Ergò si Creaturæ, vel accidens, vel ens rationis sunt intrinsecè entia, & ratione huius ens respectu illorum habet analogiam proportionalitatis, non poterunt esse extrinsecè, seu non intrinsecè entia, atque adeò ens non erit respectu illorum analogum analogia attributionis.

Resp. contradictoria prædicata non posse quidem vni, & eidem competere secundum idem, bene tamen secundum diuersa: Vnde Creaturæ, entia rationis, & accidentia, etsi secundum vnā, rationem sint intrinsecè entia, tamen secundum aliam non erunt entia intrinsece. Sed.

Contra, Creaturæ, entia rationis, & accidentia secundum quamcunque rationem, formalitatem, vel formalitatis modum non sunt intrinsecè nihil. Ergò erunt intrinsecè entia, quia, ut sæpius diximus, quòd intrinsecè non est ens, est intrinsecè nihil.

Resp. admittendo solutionem inter arguendum datam, ad cuius impugnationem, fatemur quidem, Creaturas, & entia rationis,

& ac.

& accidentia, secundum quamcunque rationem, esse entia intrinsecè; tamen dicimus, stant hac intrinseca entitate illorum, posse esse, & dici entia extrinsece, & per consequens in ratione entis cum Deo, entibus realibus, & substantia, analogicè conuenire. Explicatur hoc. Creatura enim v.g. habet suam entitatem intrinsecè, & cum non habeat illam à se, sed à Deo per creationem, à quo, tanquam à suo principio, & ultimo fine dependet, ratione istius dependentiæ, denominatur extrinsecè ens, in quantum scilicet est effectus primi entis, ad illum, tanquam ad ultimū finem, ordinatus. Et quamuis retineat suam entitatem intrinsecā, quia Deus non est causa nihili, sed entis; sine Deo enim factum est nihil, ut dicitur Ioannis 1. tamen, ut formaliter illi subest denominationi, nō explicat hanc suam intrinsecam entitatem, quia, si formaliter loquamur, entitas, quæ illam denominat extrinsecè, ut effectus Dei est, est entitas creatrix, quæ in Creatura intrinsecè inueniri non potest. Vnde, sicut v.g. animal, quod est intrinsecè in se sanum, potest denominari sanū extrinsecè, ratione sanitatis hominis, quam causat si homo illo vescatur, ita etiam Creatura, etsi sit intrinsecè ens, poterit extrinsecè denominari ens ab entitate increata Dei, à qua, tanquam à causa dependet, ad illamque, tanquam ad ultimū finem ordinatur, & ratione istius

extrinsecæ denominationis, inter Deum, & Creaturam est analogia attributionis, sicut ratione illius intrinsecæ, est analogia proportionalitatis. Et similiter accidens, vel ens rationis, etsi sint intrinsecè entia, tamen denominantur extrinsecè, illud quidem à substantia, tanquam à subiecto, & fine, ad quem ordinatur, ut eius mensura, dispositio, &c. istud verò ab ente reali, tanquam à suo exemplari, cuius entitatem veram, & realem per suum esse fidum imitatur.

Obijcies secundo, impugnando adhuc solutionem præcedentis distinctionis. Si accidens denominaretur extrinsece ens ab entitate substantiæ, & similiter Creatura ab entitate increata Dei, sequeretur, quod accidens posset dici substantia, & Creatura Deus; Sed hoc implicat. Ergo, &c. Sequela probatur, quia entitas increata Dei est Deus, & ens, quatenus in substantia, est substantia.

Resp. distinguendo sequelam. Denominaretur accidens substantia, & Creatura, Deus, in recto; Nego. in obliquo. Concedo, quod non repugnat. Bene enim potest dici Creatura aliquid Dei, nempe effectus, vestigium, similitudo, &c. & accidens, aliquid substantiæ, v.g. mensura, dispositio, &c. sicut etiam medicina dicitur sana, tanquam causa sanitatis, & pulsus, tanquam signum.

Obijcies 3. In analogis analogia proportionis vnum principia

le analogatum ponitur in definitione cæterorum, ut ex §. 1. huius questionis patet; Sed Deus non ponitur in definitionibus Creaturarum, ut patebit discurrendo per singulas: Ergo, &c.

Resp. distingu. minorem. Deus non ponitur in definitionibus creaturarum, secundum se consideratarum, Concedo, ut significatarum nomine analogo analogi attributionis, Nego. Illa .n. propositio, analogata secunda de finitur per primum, debet intelligi formaliter, in quantum scilicet analogantur analogia attributionis, nam secundum aliam considerationem nõ erit necesse, vnum per aliud definiri, v.g. Si habeam aliquam absolutè definiri: vellem, non ponerem habitudinem ad animal in eius definitione, quod tamen necessario ponere debes, si illam, ut sana est, definias, dicendo, quòd sit, causatiua sanitatis animalis: Sic etiam, si velim definire hominem absolutè, dicam, quòd est animal rationale: si verò voluero illum definire, ut analogatur cum Deo in ratione entis analogia attributionis, necessario Deum in eius definitione ponere debebo, cum dicam: Homo, ut est ens creatum, est essentialiter, & intrinsecè ab ente increato, ut à principio; vel causa, & ad ens increatum, ut ad finem.

Obijciens quartò. S. Thomas q. 2. de Veritate, art. 1. expressè negat, inter Deum, & Creaturam intercedere analogiam propor-

tionis: Vbi cum distinxisset analogiam, ut sic, in analogiam proportionis, & proportionalitatis, & dixisset; quod analogia proportionis requirit determinatum excessum, analogia autem proportionalitatis, nequaquam, concludit, quod, licet nomina dicta de Deo, & Creaturis, possint esse, immò sint analoga analogia proportionalitatis, non tamen analogia attributionis; quia inter Deum, & Creaturam non est determinatus excessus, cum Deus in infinitum perfectionem creaturarum excedat.

Respondent Nost. Complut. in Log. disp. 11. quest. 3. n. 29. distinguentes duplicem proportionem. Aliam rigorosam, prout est passio quantitatis, & hanc dicunt petere determinatum excessum, ideòque inter Deum, & Creaturas inueniri non posse. Aliam verò latius sumptam, secundum quòd nomen proportionis extenditur ad quasunque res, inter quas inuenitur dependentia in aliquo genere causæ, & hanc dicunt inter Deum, & Creaturas inueniri; utpote quæ non petit determinatum excessum.

Hæc tamen solutio non placet; Est enim, & contra mentem S. Thomæ, & insuficiens. Doctor Sanctus non loquitur ibi de proportionem quantitatiua, sed de proportionem trāslata ad significandam dependentiam, quæ est inter creaturas respectu Dei, ut ex ipso textu S. Doctoris patet.

Ergo



Ergo non est recurrendum ad proportionem quantitativam, dicendo, quod illam S. Thom. negavit intercedere inter Deum, & creaturas.

Deinde, quia, per illam proportionem rigorosam, & propriam, quae est passio quantitatis, vel intelligunt Complut. proportionem inter solas quantitates inuentam, vel non. Si primum. Ergo non possunt dicere, quod hanc proportionem negavit S. Tho: intercedere inter Deum, & Creaturas; Tum quia stultum esset de hoc disputare, cum constet, Deum non esse de genere quantitatis; Tum etiam, quia S. Tho. non petiisset rationem a determinato excessu, ad negandam hanc proportionem, inter Deum, & Creaturas, quia haec proportio determinatum dicit excessum; habuisset enim immediatiorem huius rationem, dicendo: Non potest esse, inter Deum, & Creaturam haec proportio, quia non est de genere quantitatis. Si secundum, id est, si per illam proportionem rigorosam intellexerunt quaecunque habitudinem duorum, etiam extra genus quantitatis. Ergo primum membrum distinctionis coipidet cum secundo, vel saltem insufficienter processerunt, non assignando aliquam regulam, qua doceremur, & duceremur ad dignoscendum, quarum proportionum extra genus quantitatis sunt, quae petunt determinatum excessum.

Aliter ergo ad hanc objectionem resp. Supponendo prius ex

S. Tho. 1. contr. gent. c. 34. duplicem esse analogiam attributionis, seu proportionis. Prima est multorum ad unum v. g. ad unam sanitatem referuntur animal, ut habens, medicina, ut causans, urina, ut signans, & in talibus analogis est aliquid prius omnibus analogatis, ut advertit Ferrariensis ibidem, ille scilicet gradus, ad quem omnia dicuntur. Secunda, seu secundus modus analogiae attributionis est, quando attenditur ordo unius analogati ad alterum, sicut dicitur ens de substantia, & accidente, secundum quod accidens ad substantiam respectum habet, non secundum quod substantia, & accidens ad aliquod tertium referuntur, & in hac analogia nihil est prius analogatis, sed tantum unum est prius alio. S. Tho. ergo hac distinctione praemissa, negat, primam analogiam attributionis convenire Deo, & Creaturis, quia Deo nihil potest esse prius, secundam vero concedit, quia Deus est Creaturis prior. Hoc ergo supposito, & habita ex ore ipsius S. Doct. distinctione analogiae proportionis, & insuper unam competere Deo respectu creaturarum, aliam vero non, explicabimus illum locum, ex Quaest. 2. de verit. in qua S. Tho. analogiam proportionis inter Deum, & Creaturas negat conformiter ad hanc doctrinam, quam ex primo contr. gen. adduximus, seu, ut verius dicam, unus locus S. Tho. alium explicabit.

Resp. ergo dicendo, quod S. Tho.

Tho. in lib. I. contr. gent. ita, & in quæstionibus disputatis, negavit quidem analogiam proportionis inter Deum, & Creaturam, non tamen omnem, sed aliquam, illam scilicet, qua referuntur analogata plura ad aliquod tertium, &, quamvis in quæstionibus indifferenter locutus fuerit, in libris tamen contr. gen. explicuit, quid nomine analogiæ, quam Deo respectu Creaturarum negavit, intellexerit: Quod, ut clarius videas, referam ipsa verba S. Tho. ex citata iam quæst. de verit. quibus analogiam proportionis inter Deum, & Creaturam denegat: dicit ergo S. Tho. *Quia in his, quæ primo modo analogice dicuntur, (scilicet analogia proportionis) oportet esse aliquam determinatam habitudinem inter ea, quibus est aliquid per analogiam commune, impossibile est, aliquid per hunc modum analogiæ dici de Deo, & Creatura, quia nulla Creatura habet talem habitudinem ad Deum, per quam possit divina perfectio determinari.* Vbi, ut vides, talem proportionem negat S. Tho. inter Deum, & Creaturas, per quam Dei perfectio determinatur; Perfectio autem Dei, tunc solum determinaretur per habitudinem Creaturæ, quando respiceret cum Creatura simul aliquod tertium, tanquam se prius, quod sit ratione analogiæ duorum ad aliquod tertium, ut ex dictis patet; Quod autem Creatura respiciat ipsum Deum, tanquam primum ens, omnisque entitatis fontem, nullam

determinationem, seu limitationem inducit in Deum, immò maximam eius perfectionem exprimit, ut consideranti patebit.

Instabis, S. Tho. negavit intercedere proportionem inter Deum, & Creaturas, quia proportio determinatum petit excessum; Sed talem excessum petit omnis proportio, siue sic duorum ad tertium, siue vnus ad alterum. Ergo &c.

Resp. negando minorem. Proportio enim vnus ad alterum, sicut, & proportionalitas, non requirit determinatum excessum; Tunc enim proportio petit determinatum excessum, quando est secundum aliquam rationem priorem, in qua conveniunt plura, quia enim ibi datur convenientia plurius in vna ratione priori, illa, siue intrinsecè, siue extrinsecè, denominante, necessariò petitur, ut illa plura intra confinia illius vnus rationis latitent, ne eorum proportio solvatur: Cæterum, quando proportio non attenditur secundum aliquem gradum priorem, in quo conveniant plura, sed secundum proprias rationes eorum, vel quia proportionaliter se habent in ipsis, vel quia vnum in sua ratione pendet ab alio, tanquam à causa sui esse, proportio non solvitur per quæcunque excessum, æquè enim ego me habeo ad meum esse, etsi sit minutissimum, ac Deus ad suum, etsi perfectissimum; Et similiter, æquè dependeo à causa parvæ, ac à causa infinitæ perfectionis: Et fundamentum est, quia hæc pro-

portio non attenditur p̄nes cō-  
uenientiam, quæ per nimium vnus  
ab alio recessum tollatur, sed, vel  
per similitudinem proportionum,  
scilicet proportionalitatum, vel per  
habitudinem dependentiæ, v. g.  
causati à causa, quæ est eadem,  
inter multum, & parum distantia,  
vt ex se patet.

## QVÆSTIO V.

*Vtrum ens non solum respec-  
tu immediatorum, sed etiã  
respectu mediatorum  
inferiorum sit ana-  
logum, nec ne?*

**I**N præcedenti quaestione deter-  
minauimus, ens esse analogum  
respectu suorum inferiorum, in-  
quæ immediatè diuiditur, scilicet  
respectu Dei, & creaturæ, substan-  
tiæ, & accidentis, vbi etiam, ob  
connexionem doctrinæ diximus  
similiter esse analogum respectu  
entis realis, & rationis; Quamuis  
enim ens diuisum in Reale, & Ra-  
tionis non pertineat ad cōsidera-  
tionem Metaphysicæ, cuius obie-  
ctum adæquatum, diximus, esse ens  
reale, tamen de ipso ente etiam  
vniuersalissime accepto, prout suo  
ambitu claudit entia realia, & ra-  
tionis, aliquid dicemus, vt nihil  
in nostra Metaphysica desideret-  
ur, quod ad communissima rerum  
principia explicanda possit defer-  
uire. Nunc alia difficultas pulsat  
animum. An scilicet, supposito, quod

ens est analogum respectu suorum  
immediatorum inferiorum, sit etiã  
analogum respectu inferiorum,  
mediatorum, v. g. respectu duarum  
specierum alicuius generis, vel  
respectu duorum indiuiduorum,  
alicuius speciei: hæc enim vocan-  
tur inferiora entis mediata, quia  
non, nisi mediantibus gradibus  
superioribus, ens de illis prædica-  
tur. Est ergo status difficultatis in  
hoc; An, sicut ens est analogum  
respectu substantiæ, & accidentis,  
sit eodem modo analogum respec-  
tu hominis, & leonis, Petri, &  
Pauli, vel Petri, & albedinis, aut  
tandem, albedinis, & quantitatis:  
Circa quod est.

Prima sententia, quæ dicit ens,  
etsi respectu inferiorum immédia-  
torum sit analogum, tamen respec-  
tu inferiorum mediatorum, v. g.  
respectu indiuiduorum esse vniuocum.  
Ita Fonseca 4. Metaph: c. 2.  
q. 1. Sect. 5. Suarez. disput. 32. Me-  
taph. Sect. 2. nu. 20. Ioannes à S.  
Tho. in Log: q. 13. a. 5. circa finem,  
in solut. cuiusdam obiectionis, ad-  
ditq; Pater Suarez, hoc esse verum,  
non tantum à respectu indiuiduo-  
rum, vel specierum eiusdem prædi-  
camenti, sed etiam respectu rerum  
ad diuersa prædicamenta, prefer-  
tim Accidentis pertinētium, pro-  
bantq; hanc suam sententiam.

Primò; Ratio, in qua inferiora  
omnino conueniunt, & nullo mo-  
do differunt, est ratio vniuoca;  
Sed inferiora mediata entis, omni-  
no conueniunt in ratione entis,  
vt sic. Ergo ens respectu illorum  
est vniuocum, Maior ex defini-  
tione

cione vniocorum constat, probatur Minor. Ens descendit ad inferiora mediata per gradus superiores, in quibus illa conueniunt simpliciter; Nam ad Petrum, & Paulum descendit per gradus substantiæ, viuentis, animalis, &c: Ergo hæc inferiora conueniunt omnino in ente, ex eo, quod ens imbibit rationem illorum graduum, per quos descendit, ac per consequens, sicut in illis est conuenientia omnimoda, seu vniocatio, ita, & in isto.

Secundò. Si ens esset analogum respectu Petri, & Pauli v.g. vel esset analogum analogia attributionis, vel proportionalitatis. Neutrum est dicendū. Ergo &c. Maior ex sufficienti enumeratione patet. Minor autem probatur, & in primis. Quod non sit analogum analogia attributionis, quia analogū analogia attributionis in vno intrinsecè inuenitur, in alijs verò, per extrinsecam denominationē; Sed ens intrinsecè inuenitur in Petro, & Paulo v.g. Ergo &c. Quod verò etiam non sit analogum analogia proportionalitatis, probatur. Analogia proportionalitatis exigit aliquam diuersitatem in ratione cōmuni; Sed in ratione entis nulla est diuersitas respectu Petri, & Pauli, quia, sicut æqualiter participant rationem viuentis, ita, & rationem entis, in uiuente inclusam. Ergo &c.

Tertiò. Ratio analogica debet participari cum aliquo ordine, & dependentia, sicut v.g. ratio entis competit substantiæ prius, quam

accidenti, nam hoc dependentèr à substantia est ens; Vnde etiam sanum, etsi sit analogum respectu animalis, medicinæ, & vrinæ, quia medicina, & vrina dependentèr à sanitate animalis dicuntur sana, tamen respectu duorum posteriorum nō est analogū, quia inter illa nulla inuenitur dependentia; Sed ratio entis non competit v.g. Petro, & Paulo cum aliqua dependentia, Petrus enim est independentèr à Paulo ens: Ergo &c. Et eadem ratione videtur Pater Suarez ad probandum, ens respectu inferiorum indiuiduorum, in diuersis prædicamentis accidentium collocatorū, esse vniocum, quia scilicet rationem entis non participant dependentèr vnum ab alio, neque enim quantitas à qualitate, nec qualitas à quantitate dependet in ratione entis.

Secunda sententia in contrarium est, dicēs, ens, non solum respectu immediatorum, sed etiam respectu mediatorum inferiorum esse analogum. Ita Arauxo 4. Metaph. q. 3. a. 2. dub. 2. Soc. cap. 4. in Antepæd. Sect. 1. in resp. ad ult. Didacus Ortiz in Log. tract. 4. confer. 5. §. 2. cui sententiæ, quia proculdubio vera est, etiam nos subscribimus, &c.

Dicimus, ens respectu mediatorum inferiorum esse analogum.

Probatur primò. Respectu illorum ens est analogum, respectu quorum est transcendens: Sed est transcendens etiam respectu inferiorum mediatorum, v.g. respectu Petri, & Pauli. Ergo etiā respectu

Illorum est analogum . Maior patebit ex dicendis quæst. vltim. huius disput. , vbi ostendemus, transcendentiā esse sufficientem ad fundandam analogiam , ita vt vbiq; transcendentia inueniuntur, ibi, & analogia. Minor verò probatur, ex repetita à nobis sepius doctrina. Bus, & nihil opponuntur sibi contradictoriè. Ergò quod nō est nihil, est ens; Sed omnia inferiora entis , siue sint mediata, siue immediata, nō sunt nihil, cām ipsa, quā omnes modi, & formalitates ipsarum . Ergo erunt entia, & per consequens ens erit transcendens respectu ipsorum, vt potè intimè imbibitum, in ipsis.

Probatur secundò . Ratio, in qua itā inferiora conueniunt, vt in eadem simul differant, non est vniuoca, sed analogā; Sed in ratione entis, itā conueniūt Petrus, & Paulus, vt simul in eadem differant. Ergò ratio entis respectu Petri, & Pauli non est vniuoca, sed analogā. Maior patet ex natura analogiæ Quæst. præced. explicata. Analoga enim , vt ibi diximus , non dicunt omnimodam conuenientiam , sicut vniuoca , neque omnimodam disconuenientiam, sicut æquiuoca , sed conuenientiam cum disconuenientia simul. Minor verò prob. Ratio aliqua communis, quæ imbibitur in vltimis differentijs aliquorum, itā illa facit conuenire, vt simul faciat illa differre : Cum enim illa ratio, vt potè transcendens, sit impræscindibilis præcisione perfecta

à differentijs , semper dicet illas. Ergò semper faciet res differre per illas; impossibile est enim concipere differentias rerum, quin statim concipias res , vt differentes, cum res per suas differentias differant, vt dicit Philosoph. 10. Metaph. c. 5. Sed ratio entis imbibitur in vltimis differentijs, v. g. Petri, & Pauli, cum sit transcendens respectu eorum, vt patet. Ergò &c.

Resp. huic rationi ex doctrina P. Ioannis à S. Thoma concedendo, ita indiuidua conuenire in ratione entis , vt simul differant, tamen hoc non esse sufficiens ad fundandam analogiam , quia illa differentia non est formalis , sed materialis , cum sumatur à differentijs materialibus.

Sed contra est primò . Ratio dicens conuenientiam cum disconuenientia tali, qualis sunt capacia inferiora, est ratio analogā: cum differentia in ratione analogā ex eo, fiat, quod per nomen analogum non significetur aliqua ratio communis abstracta simpliciter ab inferioribus , sed ipsa inferiora secundum proprias rationes , in quibus , quia clauduntur differentia, ratio analogā dicet disconuenientiam, ac per consequens talem dicet disconuenientiam, quales in inferioribus inueniet differentias, si materiales, materialem , si formales, formalem; Sed indiuidua non possunt differre formaliter, sed materialiter tantum, in principijs enim formalibus omnino conueniunt. Ergò ratio inducens in illa conuenien-

**M** **tiam**

tiam cum disconuenientia materiali, erit ratio analogia; Sed ratio entis, ita facit indiuidua conuenire, vt simul illa faciat differre per differentias materiales ipsorum, vt ipse Pater Ioannes à S. Tho. fatetur, & nos supra ostendimus. Ergo erit analogia respectu ipsorum.

Impugnatur secundò eadem solutio reassumendo vnam ex rationibus, qua impugnauimus in quaestione præcedenti opinionem Scoti, asserentis, ens esse vniuocum respectu inferiorum. Quando ens prædicatur de Petro, & Paulo, illa prædicatio non est æquiuoca, vt patet, cum Petrus, & Paulus non in solo nomine entis, sed etiam in aliquo significato per tale nomen conueniant. Neque est vniuoca, quia, vel esset generis, vel speciei, vel differentie, vel proprii, vel accidentis. Non est autem generis, quia genus non includitur in differentiis, ens autem clauditur: Non speciei, quia ens non prædicatur per modum nature constitutæ. Non differentie, quia ens non est natura constitutiva. Non proprii, quia ens non est natura profluens ab essentia, cum nullum gradum superiorem supponat, à quo fluat, est enim primus gradus. Non accidentis, quia ens est prædicatum essentiale, vt patet. Ergo illa prædicatio erit analogia; Omnis enim prædicatio superioris de inferioribus, aut est æquiuoca, aut vniuoca, aut analogia, vt communiter docet Dialectici. Eadem argumenta, quæ adduximus ad

probandam analogiam entis respectu inferiorum mediatorum, in eodem prædicamento contentorum, poterunt deservire ad probandum, ens etiam esse analogum respectu inferiorum mediatorum, ad diuersa prædicamenta spectantium, vt consideranti dictas rationes patebit.

*Argumenta in contrarium allata soluntur.*

**A**D primum, negando Minorem, ad cuius probationem dicimus, quòd, licet ens descendat ad inferiora mediata per inferiora immediata, quæ sunt vniuoca, tamen descendit, vt analogum, quia descendit semper, vt transcendens, vbi enim, & quamdiù reperitur transcendentia, ibi, & tamdiù reperitur analogia, vt supra innuimus, & fusiùs quaest. vlt. huius disput. ostendimus.

Ad secundum Resp. ens respectu Petri, & Pauli, est analogum analogia proportionalitatis: ad probat: Negamus non interuenire aliquam diuersitatē inter Petrum, & Paulum in participanda ratione entis; Cum enim ens significet Petrum, & Paulum secundum differentias materiales ipsorum, necessariò significabit cum diuersitate. Alia autem est ratio de viuentē, quòd cum non includatur in vltimis discretiis, non importat ipsas, ac per consequens, nec differentiam prouenientem ex ipsis.

Ad tertium Resp. Negan: maiorem.

*Quæstio VI. An etiam accid. sit Analog. ad sua infer.* 91

iorem. Quamuis enim in aliquibus analogis verum sit, quod dicant ordinem, & dependentiam, vniuersaliter tamen de omnibus est falsum, quia analogia non per solam dependentiam, sed etiam per transcendentiam causatur, vt infra dicitur. Vnde, etsi Petrus, & Paulus non dicant dependentiam in ratione entis, quia tamē ens dicit transcendentiam respectu vtriusque, poterit esse respectu illorum analogum. Exēpla illa in argumento relata non sunt ad propositum; Ens enim duplici titulo est analogū respectu substantiæ, & accidentis, ratione scilicet dependentiæ, & ratione transcendentæ, tamen si ibi nulla esset dependentia, sufficeret transcendentia ad analogiam fundandam: Inter sanum, & etiam comparatum ad vrinam, & medicinam, & ens respectu Petri, & Pauli est manifestum discriminē, nam sanum respectu vrinæ, & medicinæ non est analogum, quia, cum ex vno capite ibi non exerceatur dependentia, & ex alio non sit transcendentia, non relinquitur causa analogiæ inter illa duo. Ceterum in nostro casu cum ente, scilicet respectu Petri, & Pauli, etsi deficiat dependentia, adest tamen transcendentia, quæ est sufficiens ad fundandam analogiam, vt ex dictis constat, & ex dicendis in quæst. vlt. magis constabit. Per quod patet responsio etiam ad illud, quod ex P. Suarez in fine argumenti addebatur; Licet enim in ratione entis, res diuersorum prædicamen-

torum, non habeant dependentiam, quia tamen habent transcendentiam, poterunt fundare analogiam, vt de duobus indiuiduis substantiæ iam dictum est.

Q V A E S T I O VI.

*Verum, sicut ens respectu suorum inferiorum est Analogum, ita etiam accidens sit respectu suorum?*

**Q**uia accidēs habet hoc speciale, vt, sicut ens de omnibus, ita illud de aliquibus, id est de nouem supremis generibus prædicetur, ideo post comparisonem entis ad sua inferiora, statim descendimus ad comparandū accidens ad sua, vt sic gradus supremis generibus superiores maneant explicati, antequam ad alias Metaphysicæ difficultates descendamus. Cum autem inferiora accidentis, sicut & entis, alia sint immediata, & alia mediata, de vtrisque inferioribus accidentis in hac quæstione agendum est, sicut de inferioribus entis in duabus præcedentibus quæstionibus est actum.

Sciendum est autem, accidens, sicut & ens communiter diuidi in completum, & incompletum. Quid verò hæc membra importent, & per quid accidens, vel ens constituentur in esse completi, explicabitur subius disputat. 3.

quando de varijs diuisionibus entis agitur. Pro nunc sufficiat scire, quod accidens diuisum in nouem genera suprema, quando concipitur, ut completum, necessarium debet concipi cum modis constitutiujs prædicamentorum. Quãuis ergò difficultas potissima sit inter Philosophos de accidenti completo, nos tamen etiam de accidenti abstracto à completo, & incompleto, ob connexionem doctrinæ, quid sentiendum sit, dicemus: In quo

Prima sententia dicit, accidens respectu nouem generum esse uniuocum. Hanc ex Thomist. tenet Soto cap. 4. in Antepred. I. abellus lib. 7. Metaph. q. 1. ad 3. & ex Neoteris citatur à Suarez pro hac sententiâ Albertinus tom: 2. circa prædicamentum substantiæ quæst. 7. num. 11. qui etiam concedit, accidens esse genus respectu nouem generum.

Fundamentum ipsorum est, quia omnis analogia, vel causatur ratione dependentiæ, vel ratione transcendentis, ut quæst. sequenti patebit; Sed genera accidentium, neque habent ad inuicem dependentiam, nec accidens completum dicit respectu illorum transcendentiam. Ergo &c. Minor, quantum ad primam partem patet, quia, nec quantitas à qualitate, nec qualitas à relatione in ratione accidentis dependet. Quoad secundam, prob. Transcendens debet imitari in ultimis differentijs, & modis rerum; Sed accidens completum non imitatur in

modis constitutiujs, & differentijs accidentium, quia modi, & differentiæ accidentium non sunt entia completa, ut ex se patet. Ergo &c.

Nec valet si dicas, hanc analogiam causari per dependentiam, in quantum omnia accidentia dependent à quantitate, tanquam à subiecto, quo.

Contra enim est primò, quia sunt multa accidentia, quæ non dependent à quantitate, quia non recipiuntur in substantia media ipsa, ut patet de accidentibus spiritualibus, & tamen hæc verè, & propriè participant rationem accidentis. Ergo ratio accidentis non competit alijs per dependentiam à quantitate. Si enim sic cõpeteret, nullum esset accidens, quod non dependentèr à quantitate rationem accidentis participaret, sicut quidquid rationem sani participat, participat illam dependentèr ab animali.

Secundò, quia saltè habemus intentum in alijs octo generibus, inter quæ nulla est dependentia, quia, licet omnia dependant à quantitate, non tamen dependent ad inuicem. Ergo, sicut inter illa nulla est dependentia, ita nulla erit, & analogia.

Secunda sententia est P. Suarez Disput. 3. Metaph. Sect. 3. Qui, etsi concedat, accidens esse analogum respectu omnium nouem generum, tamen respectu aliquorum dicit, esse uniuocum.

Fundamentum ipsius est quantum ad primam partem, quia, alijs



aliqua genera accidentium consistunt in denominatione extrinseca, aliqua verò intrinsecè afficiunt subiectum, tanquam veræ formæ ipsius. Ergò accidens non erit vniucum respectu illorum, quia intrinseco, & extrinseco nihil potest esse commune vniucum. Quantum verò ad secundam partem, probat suam sententiam primò, quia saltem vniucè dicitur de rebus eiusdem prædicamenti, v. g. de frigore, & calore. Cum enim de his qualitas dicatur vniucè, etiam accidens dicitur, ut potest quod est de essentia qualitatis. Secundò; quia de qualitate, quantitate, aliisque accidentibus intrinsecè efficientibus subiectum, dicitur vniucè, cum ista æqualiter sine vlla dependentia rationem accidentis participant. Ergò &c.

Tertia Sententia docet; accidens, siue completum, siue incompletum esse verè analogum respectu quorumcunque inferiorum. Ita Arauxo 4. Metaph. q. 3. art. 5. Ioannes à S. Tho. in Log. q. 14. ar. 4. Didacus Ortiz in Log. tract. 4. Confer. 5. Rubius de prædicam. cap. 4. q. 4. in respons. ad ult. Quæ sententia, quia verior est cæteris, principiisque thomisticis conformior, ideo illi subscribimus, atque.

Dicimus primò; accidens abstrahens à completo, & incompleto analogum esse respectu quorumcunque inferiorum. Ita Philosophi communiter. Probatur breuiter. Accidens abstrahens à

completo, & incompleto est transcendens, tam respectu immediatorum inferiorum, scilicet nouè generum supremorum, quàm respectu mediatorum, specierum, scilicet, & indiuiduorum. Ergò erit analogum respectu ipsorum. Consequenter patet ex supra dictis, & dicendis in sequenti quæst. magis patebit, ubi probabimus, quòd ubicunque inuenitur transcendētia, ibi etiam inuenitur, & analogia. Antecedens probatur. Transcendens illud est, quòd ita imbibitur in rebus, ut nihil in illis sit, de quo formaliter non prædicetur; Sed nihil est in accidentibus, siue genericis, siue specificis, vel indiuidualibus, de quo formaliter non prædicetur accidens abstrahens à completo, & incompleto, quacunque enim differentia sumpta, quantumvis atomica, cum hæc non sit nihil, erit utique ens, & cum non sit ens per se, erit ens in alio, ac per consequens, accidens. Ergò &c.

Dices ex hac ratione sequi, etiam substantiam esse analogam respectu substantiarum, quia etiam ratio substantiæ imbibitur in omnibus differentiis, & modis substantialibus, quia omnes, cum sine entia, & non accidentia, erūt utique substantiæ, sed substantia non est quid analogum, quia est genus, ac per consequens vniucum, Ergò, &c.

Resp. distinguendo maiorem. Sequitur, substantiam abstrahentem à completa, & incompleta esse analogam. Concedo. Sub-

stantia

stantiam completam, Nego. Substantia enim completa est genus, quia est extra conceptum differentiarum, quæ sunt entia, & substantiæ incompletæ, unde etiã non prædicantur in quid simpliciter, sed tantum in quale quid. Ceterum substantia abstrahens à completa, & incompleta est analogica, quia est transcendens, in omnibus enim differentiis, & modis imbitur intrinsecè: Unde substantia, quæ constituit genus generalissimum est substantia completa, non verò abstrahens à completa, & incompleta; Et hinc est, quod incòpleta excludantur à recta linea prædicamentali.

Dicimus secundò. Accidens completum non solum respectu aliquorum, sed etiã respectu omnium nouem generum est analogum. Ita Thomistæ supra citati pro tertia sententia. Probatur. Ratio importans proprios modos, seu differentias, quibus inferiora inter se differunt, est ratio analogica; eo enim ipso significat inferiora, ut conuenientia, & disconuenientia; Sed accidens còpletum importat proprios modos constitutiuos prædicamentorum, per hoc enim in ratione completi constituitur, ut patebit ex dicendis disp. 3. Ergò erit analogum respectu illorum. Ex quo colligitur, falsam esse opinionem Suarij, quòd accidens respectu aliquorum prædicamentorū sit vniucum. Falsum, inquam, hoc est, quia etiã illorum aliquorū im-

portat accidens proprios modos constitutiuos. Ergò etiã respectu illorum dicit conuenientiam, cum disconuenientia, ac per còsequens, analogiam.

Dicendum tertio. Respectu inferiorum mediatorum, v.g. specierum, & indiuiduorum, si sint diuersorum prædicamentorum, accidens completum erit analogum; si verò sint eiusdem prædicamenti, vniucum. Probatur primò, quantum ad primam partem. Respectu specierum, & indiuiduorum ad diuersa prædicamenta spectantium, accidens còpletum non comparatur, ut vnū simpliciter, quia importat modos proprios constitutiuos illorum, prædicamentorum, ad quæ illa indiuidua, & species pertinent. Ergò non est vniucum respectu illorum, & cum ex alio capite, non sit æquiucum, quia significat illis aliquid commune, præter nomen, erit vtrique analogum.

Quantum ad secundam partem probatur. Accidens completum, respectu duarum specierum vnius prædicamenti, significat rationem vnā simpliciter in ipsis, & præscindibilem perfectè ab ipsis. Ergò est vniucum. Consequentia patet, & antecèd. prob. Accidens completum respectu specierum qualitatis non significat aliud, nisi ipsum prædicamentum, qualitatis, quia accidens completum per modos prædicamentorum, ut infra patebit. Ergò in genere qualitatis còplebitur per modum constitutiuum qualitatis,

ac per consequens nihil aliud significabit, quam ipsum prædicamentum qualitatis; Sed prædicamentum qualitatis est vniucū respectu suarum specierum, & indiuiduorum. Ergo, &c.

Ex quo nota discrimen, quod intercedit inter accidēs relatum ad inferiora diuersorum prædicamentorum, & inferiora eiusdē prædicamenti, propter quod illud est analogum; hoc verò vniucū. Nam ad analogiā requiritur diuersitas cum conuenientia: cum ergo accidens commune rebus diuersorum prædicamentorum, necessario, si est completum respectu illarum rerum, debeat importare proprios modos plurīū prædicamentorum; qui faciunt simpliciter diuersa, etiam ipsum accidens importat talem diuersitatem; ac per consequens est analogum: Accidens verò respiciens inferiora vnius prædicamenti nō respicit plures modos diuersos illius prædicamenti, sed vñ tantū illius prædicamēti cōstitutiuū. Hinc est, quòd non est analogū, sed vniucum, sicut & illud prædicamētum ad sua inferiora vniucum est.

*Argumentis oppositarum sententiarum respondetur.*

**A**D rationem pro prima sententia allatam, resp., analogiam accidentis; tam abstrahētis à completo, & incompleto, quam accidentis completi causari per transcendentiam, aliter tamen, & aliter. Nam accidens

abstrahens à completo, & incompleto est propriè transcendens, quia imbibitur in omnibus modis, & differentijs constitutiujs suorum inferiorum, vt supra demonstratum est. Accidens autem completum, etsi propriè transcendens non sit, eius tamen analogia reductiuè spectat ad analogia in transcendentia fundata, quia, etsi non includatur intrinsecè in modis constitutiujs prædicamentorum, illos tamen indispensabiliter importat; Non enim constituitur accidens cōpletum formaliter in ratione talis, nisi ratione prædictorum modorum, in quantum scilicet intelligitur terminatum, & completum per ipsos; vnde illa solutio, inter arguendum data, non valet, & efficaciter est duplici illo argumēto impugnata.

Argumenta P. Suarez nullam difficultatem habent; Nam in primis illud, quod pro prima sententia adducit, etsi id probet, in quo nobiscum conuenit, tamen, falso nititur fundamento, aliqua scilicet prædicamenta consistere in denominatione extrinseca: semel enim concesso, aliqua prædicamenta in aliqua denominatione extrinseca consistere, tolleretur denarius numerus prædicamentorum, ab omnibus Philosophis receptus, quia distinctio penes denominationem intrinsecā, & extrinsecam non potest causare genera primò diuersa: De quo vide nostros Complut. in Log. dist. 16, q. 1.

Ad

Ad primam etiam pro secunda parte conclusionis resp., quod, si de accidente completo sermo sit, nihil conc.udit contra nos, quia etiam nos diximus, accidens completum resp. su rerum ad idem prædicamentum spectantium, non esse analogum, sed vniuocum. Si verò loquamur de accidenti abstrahente ab accidente completo, & incompleto, dicimus illud dici de inferioribus, v.g. qualitatis analogicè: Quia, etsi sit de essentia qualitatis, quæ de talibus inferioribus vniuocè dicitur, non tamen est de essentia ipsius, vt aliquod prædicatum vniuocum abstrahibile à ratione qualitatis, sed per modum transcendentis, ac per consequens, tanquam analogum, quia vt sæpius repetimus, & quæst. sequenti declarabimus, vbicunque est transcendentia, ibi est, & analogia. Et per hoc patet solutio ad secundum: Quia etiã illa analogia, quam dicunt diuersa genera accidentium, non fundatur in dependentia, sed in transcendentia.

## QVÆSTIO VII.

*Vtrum Analogia Entis, ceterorumque, quæ analogae esse possunt, causetur per solam dependentiam, vel per solam transcendentiam.*

**P** Rincipium, quo sæpius in præcedentibus quæstionibus

vsu sumus, nunc explicandum, assumimus: Quod, licet ex dictis in præcedentibus quæstionibus, aliquo modo enucleatum sit, pro meliori tamen eius explicatione, & occurrentium obiectionum solutione hanc quæst. agitur.

Est ergo prima sententia asserens, omnem analogiam per dependentiam causari, ac per consequens negare debet, analogiam causari per transcendentiam, vbi enim est transcendentia, non potest esse propria dependentia, quia ratio transcendens est omnibus inferioribus intrinseca: Ita videtur sentire P. Suarez disput. 28. nu. 11. Fundamentum ipsius est; quia dependentia, de qua hic loquimur, consistit in hoc, quod aliqua ratio per prius vni competat, quàm alteri; Sed in omni analogia ratio significata per nomen analogum per prius vni cõpetit, quàm alteri. Ergo omnis analogia per dependentiam causatur. Maior, & consequ. patet. Minor verò prob: Nam in primis in analogia attributionis certum est, ratione significatam per nomen analogum per prius conuenire vni analogato, quàm alijs; quia primò competit intrinsecè, cæteris autè per extrinsecam denominationem, intrinseca autè priora sunt extrinsecis. De analogia etiam proportionalitatis prob., quia nulla est analogia proportionalitatis propriæ, sed omnis proportionalitas debet habere aliquid metaphoræ admixtum, alias etiam vniuoca pos.

polsēt esse analogā , si proportionalitas in analogis nō peteret admixtionem improprie significationis , potest enim etiam in ratione vniuoca fieri habitudo proportionalis , si dicatur : sicut *se* habet homo ad suum esse sensibile , ita leo ad suum : Ergo omnis analogia proportionalitatis fundatur in dependentia . Consequ. prob. , quia vbi inuenitur propria , & impropria , seu metaphorica significatio , ibi inuenitur dependentia : Illud enim , cui aliqua ratio improprie competit , pendet ab illo , cui competit proprie , sicut posterius participās rationē à participāte illā prius ; sed in ōni analogia proportionalitatis inuenitur hæc improprietas , seu metaphora . Ergo & dependentia .

Hæc tamen opinio non placet , eamque debent improbare illi omnes Thomistæ , qui in hoc impugnant Scotum , quod concessa transcendentia entis , negauit analogiam ipsius : estque expresse contra S. Thomam , qui Opus. 42. cap. 1. in fine , ex eo , quod ens sit transcendens , intulit esse analogum ; dū inquit circa finem capitis . *Nulla differentia potest accipi , de cuius intellectu non fit ens . Vnde manifestum est , quod ens non potest habere differentiam . sicut genus habet , & idē ens genus nō est , sed est de omnibus prædicabile analogicē ; similiter dicendum est de alijs transcendentibus .* Vbi manifestē vides S. Thomam ex ipsa transcendentia , seu inclusione in differentijs inferre analogiam .

Deinde eadem opinio impugnatur rationibus . Primò . Quod

cunque est causa conuenientie ; cum disconuenientia , est causa analogie ; Sed sola transcendētia potest esse causa conuenientie cum disconuenientia . Ergo sola ipsa potest esse causa analogie . Maior patet ex ratione analogorum suprà explicata . Minor verò probatur . Ratio transcendens , ita intimē imbibitur in differentijs , vt ex conceptu differentie , & transcendētis , fiat vnus simplicissimus conceptus . Ergo ita conueniunt inferiora in ratione transcendēti , vt simul differant ; non enim est intelligibile , transcendens constituere simplicissimum conceptum cum differentijs rerum , & quod res nō differant in illo conceptu , licet proprijs differentis differant .

Secundò impugnatur . Prædictio , in qua transcendens de suis inferioribus prædicatur , neq; est prædicatio vniuoci de vniuocatis , neq; æquiuoci de æquiuocatis . Ergo erit prædicatio Analogi de analogatis . Conf. quent. à sufficienti enumeratione consistat . Anteced. prob. : In primis , non est vniuoci , quia vniuocum dicit naturam vnā simpliciter , ac per consequens , non afferentem actū differentias , & abstrahentem ab illis ; vbi enim sunt differentie , ibi est diuersitas , ac per cōsequēs nō est vnitas simpliciter : Sed transcendens affert actū differentias , quia imbibitur in ipsis . Ergo , &c . Deinde quod non sit æquiuoci , pater , quia transcendens dicit naturam secundū quid vnā , cōmunemque aliquo modo inferioribus

N ribus

ribus; æquiuoca autem nullā vnitatem, vel communitatem rationis patiuntur, cum sint simpliciter diuersa, nihil commune, solo nomine excepto, habentia. Ergo, &c.

Nec ratio P. Suarij conuincit; negamus enim in omni analogia rationem significatam per nomen analogum per prius conuenire vnī, quā alteri, quia, etsi hoc in analogia attributionis, vel proportionalitatis metaphorice sit verum, in analogia tamen proportionalitatis propriæ, falsum est. Et ad probationem in contrariū, negamus, quamlibet analogiā proportionalitatis habere, aliquid metaphoræ admixtum; Ex quo tamen non sequitur, vniuoca, vt talia formaliter, non esse analogia. Quod sic ostenditur, Nam quando Suarius format illā proportionalitatem inter hominem, & equum, respectu esse sensitui, dicendo, sicut se habet homo ad suum esse sensituum, ita se habet equus ad suum, vel sumit hominem, & equum cum differentiis constitutivis ipsorum, vel nō: si primū dicat, fatemur quidē, quod illa proportionalis habitudo ad esse sensituum esset analogia si exprimeretur nomine significante hominem, & equū secundum suas proprias rationes; eo ipso enim, in illa ratione homo, & equus conuenirent, & disconuenirent; Vnde, vt optime docet nost. Complut. in Log. disp. 10. c. 4. in omnibus generibus, si imponeretur nomen aliquod si-

gnificans species illorum secundum proprias differentias, inueniretur analogia; Tamen illa proportionalitas, neque esset vniuoca, neque competere specibus ratione gradus generici, v.g. homini, & equo ratione sensibilis, sed ratione alterius rationis importatis proprias differentias specierum, a quibus gradus genericus præcindit. Si autem Suarez dicat secundum, quod scilicet nō sumit hominem, & equum secundum proprias differentias illorū, sed, vt conueniunt præcisē in gradu sensus, tunc non poterit esse inter hominem, & equum, proprie loquendo, proportionalitas, vt enim aduertunt optime nostri Complut. disp., & quæst. citata, & nos supra diximus, in qualibet proportionalitate necessario requiruntur quatuor termini, qui in nostro casu nequeunt inueniri; Quod probo sic. Nam idē, v.g. in analogia proportionalitatis, quam habent in ratione principij cor, & fundamentum domus inueniuntur quatuor termini, quia, Ly principium, non, significat aliquam vnā rationē communem cordi, & fundamento domus, sed immediatē significat inferiora, vnum, vt principias vitam, aliud, vt principians domum, sicque possunt assignari quatuor termini, nempe cor, fundamentum, principium domus, & principium vitæ, qui tamen assignari non possent, si eadem esset ratio principij in corde, & in fundamento. Cum ergo præcisē dif-

fe;

ferentijis eadem sit omninò ratio sensus in homine, & equo, in proportionalitate, qua illos refero ad suum esse sensicium, dicendo, sicut se habet homo ad suum esse sensicium, ita & equus ad suum, non possunt esse quatuor termini, ut consideranti patet, ac per consequens, neque veram proportionalitatem habebunt.

Potest tamen adhuc argui contra nos in fauorem P. Suarezij primò; Transcendentia causat maiorem conuenientiam, quàm vniuocatio, quia in ratione vniuoca conuenientia attenditur præcisè ratione conceptus communis: ià autem in ratione transcendentia etiam ipsæ differentia quodammodo debent conuenire, quia in illis imbitur ratio illa transcendens. Ergò transcendentia potius tollit analogiam, quàm fundat, quia de ratione analogiæ est conuenientia cum disconuenientia.

Resp. distingu: Anteced: Transcendentia causat maiorem conuenientiam; quàm vniuocatio; Maiorem extensiuè. Concedo. Maiorem intensiuè. Nego. Transcendentia enim, idèd maiorem dicitur causare conuenientiam, quia etiam ad ipsas differentias extenditur, quæ aliquo modo in aliquo transcendentia conueniunt, quæ maioritas est extensiuæ, ut patet: Vniuocatio autem dicit conuenientiam excludentem omnem disconuenientiam, quam transcendentia compatitur simul cum sua conuenientia ratione differen-

tiarum, quas importat, ut non semel explicatum est. Vnde maior erit intensiuè conuenientia in ratione vniuoca, quàm in ratione transcendentia, quia, tanto est aliqua forma maior intensiuè, quanto minis relinquit in subiecto de forma opposita, ut patet in calore, qui, tantò est intensior, quanto minus relinquit de frigidityte.

Potest argui secundo; Disconuenientia, quàm affert ratio transcendentis, est tantum ratione differenciarum, non autem ratione ipsius conceptus transcendentis, in quo potius inferiora conueniunt. Ergò non est disconuenientia sufficiens ad analogiam. Analogia enim petit disconuenientiam certam ex ipsa ratione analogia.

Resp. quòd, etsi disconuenientia, quàm ratio transcendens affert, ortum ducat ex differentijs, tamen etiam reducitur in ipsam rationem transcendentem inclusam in differentijs, quia, ut supra in prima ratione pro nostra conclusione allata dictum est, differentia cum ratione transcendentia in ipsa inclusa constituit vnum conceptum simplicissimum: nam differentia sunt conceptus simplices, ut docet communiter Dialectici, ac per consequens, sicut illa disconuenientia oritur ex differentijs, ita etiam oritur ex ipsa ratione transcendentia, quæ cū differentijs est quid vnum, idemq; simpliciter.

Instabis. Quod est principium conuenientia, non potest esse principium disconuenientia; hæ enim



rationes sunt oppositæ; Sed ratio transcendens est principium conuenientia. Ergo &c.

Resp. distinguendo maiorem. Quod est principium conuenientia simpliciter, seu vniuocè, non potest esse principium disconuenientia; Conced: Quod est principium conuenientia secundum quid, seu analogicè, non potest esse principium disconuenientia; Negatur. Immo conuenientia analogica necessariò petit distinctionem, vt supra explicatum est. Hac ergo sententia reiecta.

Secunda sententia asserit. Nullam analogiam causari per dependentiam, omnem verò per transcendentiam. Ita Magister Serra in Log. Disput. 3. art. 2. Nam ad analogiam requiritur diuersitas in ratione communi; Sed dependentia non causat diuersitatem in ratione communi; Ergò neque analogiam, Maior, & consequenter. Minor verò probatur primò. Nam multa sunt, in quibus inuenitur dependentia, & tamen conueniunt in ratione communi sine aliqua diuersitate, vt patet in effectibus causarum vniuocarum, v. g. Paulus filius Petri dependet à Petro, cum quo tamen vniuocè conuenit in ratione hominis, & sic de alijs. Ergo &c. Secundò si dependentia causaret diuersitatem, vbi esset diuersitas causata à dependentia, ibi esset, & ipsa dependentia, sed hoc est falsum; Nam inter Deum, & creaturas est diuersitas entis, & tamen in eadem ratione entis non est dependen-

tia, quia, si in conceptu entis, vt ens, dependentia, esset, etiam ipse Deus, qui est ens, esset dependens: quod enim competit alicui rationi, vt talis est, competit omni participantī illam. Ergo &c.

Sed neque hac opinio placet. Vnde cōtra illam arguitur. Quod est causa conuenientia cum disconuenientia, est causa analogia; Sed sola dependentia potest esse causa conuenientia cum disconuenientia. Ergo, & analogia. Maior ex sæpius dictis patet, Et probatur Minor. Dependētia de qua hic loquimur, consistit in participatione eiusdem rationis secundum prius, & posterius; Sed vbi inuenitur participatio eiusdem rationis secundum prius, & posterius, ibi inuenitur conuenientia, & disconuenientia; Nam ex quo capite vnā rationē inferiora participant, conueniunt: & ex quo capite, vnum participat prius, seu simpliciter, & intrinsece, alia verò posterius, seu secundum quid, & extrinsece, disconueniunt, vt patet in sano respectu animalis, vrinæ, & medicina. Ergo &c.

Confirmatur. Quia in analogia attributionis, & proportionalitatis Metaphoricæ, nisi recurramus ad dependentiam, non inuenimus causam Analogia, ibi enim non inuenitur transcendentia, quia transcendentia in omnibus inuenitur intrinsece, & propriè, Analogum autem analogia attributionis tantum est intrinsece in vno, in alijs verò tantum extrinsece: sicut, & analogum proportio-



nalitate metaphorica, vni propriè, alteri verò impropiè competit.

Resp: ergo ad fundamentum Magistri Serra, negando minorem, ad cuius probationem primam, resp. quòd, si imponeretur aliquod nomen significans formaliter Petrum, & Paulum, vt formaliter dependentes in ratione causæ, & effectus, illud nomen esset analogū; Hoc autem cum, Ly homo, non exprimat, (Paulus enim non est causa Petri, vt homo, nisi per accidens) est vniuocum.

Ad secundam probationem eiusdem minoris resp: Inter Deū, & creaturam talē esse dependētiā in ratione entis, vt non competit enti secundum rationem entis, quasi ipsum ens communissime sumptum sit dependens, cum non habeat, vnde dependeat, nisi forte à nihilo, quod est impossibile, sed itā, vt ens creatum, in hoc, quod ens, dependeat ab ente increato, ex quo non sequitur, Deū esse dependentē, vt consideranti patebit. Ex dictis elicitur.

Conclusio. Duo sunt fundamenta analogiæ. Transcendentia, & dependentia: Quorum vnumquodque separatim sumptum, sufficit ad fundandam analogiam. Hanc Conclusionem nouis rationibus non probamus, quia sufficienter manet per impugnationes oppositarum sententiarum probata. Quæ autem analogia causetur per dependentiam, quæ verò per transcendentiam, facili ex dictis supra Quæst. 4. patet. Quia enim in analogia attrib-

tionis ratio significata per nomen analogum est in vno intrinsecè, & simpliciter, in alijs verò analogatis, extrinsecè, & secundum quid, ideò hæc analogia causatur per dependentiam, & idē est de analogia proportionalitatis metaphorica dicendum. E' contra verò, quia ratio analoga in analogia proportionalitatis propriæ est intrinsecè in omnibus analogatis, ideò hæc analogia non causatur per dependentiam, sed per transcendentiam. Vnde malè concessit Ortiz in Log. Tra&. 4. Confer. 2. etiam analogiam proportionalitatis propriæ posse per dependentiam causari, si ratio analoga sit in vno per prius, & simpliciter, in alio verò per posterius, & secundum quid. Hoc enim implicat in adiecto: Nam, vbi est in ratione participata, prius, & posterius simpliciter, & secundum quid, ibi, vel non est proportionalitas, sed proportio, vel, si est proportionalitas, non erit propria, sed metaphorica. Hæc de conceptu entis secundum se.

## DISPUTATIO II.

De Conceptu entis secundum quòd cognoscibilis est.

**Q**uia cognoscibilitas innèdiatè entis naturam consequitur, eo enim ipso, quòd aliquid est ens, est cognoscibile, ideò explicata natura entis secundum

dum se sumpti, ad cognoscibilitatem ipsius explicandam descendimus.

## QVAESTIO I.

*Utrum ens sit primum cognitum simpliciter respectu intellectus nostri.*

**S**UPPOSITIS his, quæ in libris de Anima cõmuniter tractant Philosophi de ente, prout est obiectum intellectus nostri, duo remanent examinanda circa cognoscibilitatẽ entis. Primò enim quærendum est de ordine cognoscibilitatis ipsius, an scilicet prius cæteris cognoscatur. Secundò de modo cognitionis, scilicet an habeat vnã speciem, tam expressam, quàm impressam, distinctam à speciebus representatiuis inferiorum. Has duas difficultates duabus quæstionibus huius disputationis expediemus. A prima ergò incipiendo, sit.

### §. I. *Notationes pro tituli intelligentia.*

**V**T titulus quæstionis melius intelligatur, statumque difficultatis aperiat.

Suppono primò, vniuersale (quod solum est ab intellectu directè cognoscibile: singulare enim non est intellectus, sed sen-

sus) duplicem habere totalitatẽ duplici abstractioni correspondentem, totalitatem scilicet definibilem, seu actualem, correspondentem abstractioni formali, & totalitatem vniuersalem, seu virtuale, correspondentem abstractioni totali.

Suppono secundò, duplicem esse cognitionem, aliam distinctam, & aliam confusam; vnde cum vniuersale duplicem habeat cognoscibilem totalitatem, quadruplicẽ habebit cognitionem, duplicem cõfusam, scilicet confusam actualem, quando scilicet cognoscitur, vt totum actuale absquẽ eo, quod eius partes actuales cognoscantur, si partes habeat; si verò partibus careat, sitque cõceptus simpliciter simplex, cognitio actualis ipsius tunc erit, quando ipsius actualitas penetrabitur: Et confusam virtualem, quando cognoscitur, vt totum potentiale, seu virtuale, non tamen penetrando, & cognoscendo partes ipsius subiectiuas, quas continet. Duplicem verò distinctam, scilicet distinctam actualem, quando cognoscitur, vt totum actuale, cognitio eius partibus actualibus distincte, si illas habet, vel eius actualitate penetrata. Et distinctam virtualem, quando cognoscitur, vt totum potentiale, cognitio distincte ipsius partibus subiectiuis.

Suppono tertio ex Caietano super procem. S. Tho. de ente, & essent. quæst. 1. inter has cognitiones triplex intercedere discrimen

men, triplex scilicet pro confusis, & triplex pro distinctis. Confusa enim inter se distinguuntur primò, quod confusa actualis respicit totum actuale, & confusa virtualis respicit totum virtuale. Secundò, quia confusa actualis non compatitur secum cognitionem, distinctam virtuales, cognitio verò confusa virtualis compatitur secum cognitionem distinctam actualem: quia non possum nosse animal distinctè in suis speciebus, ignorando distinctè, quid sit animal, benè tamen possum nosse distinctè, quid sit animal, ignorando illud distinctè in suis speciebus. Tertiò. Quòd cognitio confusa actualis est naturalitèr prior cognitione confusa virtuali, quia naturalitèr prius est, quod apprehendamus, quid sit animal, saltè confusè, quàm quòd illud, etiam confusè, cognoscamus in suis inferioribus.

Similitèr inter utramq; distinctam est aliud triplex discrimen. Primum, quòd distincta actualis respicit totum actuale, distincta verò virtualis respicit totum virtuale. Secundum. Quòd prima secum compatitur confusam cognitionem alterius, non verò secunda primæ. Stat enim cum notitia animalis distincta in re ignorantia distincta ipsius in speciebus suis, non tamen fieri potest, ut sciatur distinctè in suis speciebus, & ignoretur distinctè in re. Tertium, quòd distincta virtualis infert distinctam actualem, non tamen è contra.

Suppono quartò. Ordinem istarum cognitionum talem esse, ut omnium prima sit cognitio confusa actualis: quod probò sic. Nā in primis cognitio confusa actualis est prior cognitione distincta actuali, quia prius res cognoscitur confusè, quàm distinctè, sine penetratione, quàm cum penetratione, ut ex ipsis terminis patet. Cum autem prior sit cognitio distincta actualis cognitione distincta virtuali, quia cognitum cognitione distincta actuali est uniuersale secundum totalitatem actualem, quam habet per abstractionem formalem, cognitum autem cognitione distincta virtuali est uniuersale secundum totalitatem virtuales, competentem sibi ratione abstractionis totalis; abstracta autem abstractione formali habet rationem partium, abstracta verò abstractione totali, rationem totorum, adeoque prior erit cognitio distincta actualis cognitione distincta virtuali, quia ad cognitionem distinctam totius prærequiritur cognitio distincta partium, ut ex se patet; Et cum ex alio capite cognitio confusa actualis prior sit cognitione confusa virtuali, ut ex dictis in præcedenti suppositione constar, planè sequitur, cognitionem confusam actualem esse omnium primam. Ex alijs autem tribus cognitionibus, omnium vltima est cognitio distincta virtualis, quia illam debet præcedere, & cognitio confusa virtualis, cum priores sint cognitiones confusæ distin-

ctis,

Etis, & cognitio distincta actualis: prius enim necessariò debeat distinctè cognoscere quidditatem animalis, quàm distinctè cognoscere, qualiter animal sit in inferioribus. Cæterum cognitio distincta actualis, & cognitio confusa virtualis non habent inter se determinatū ordinē prioris, & posterioris, sed possunt se mutuo præcedere; possum enim, habita cognitione confusa, v.g. animalis, statim, vel apprehendere illud cōfused in inferioribus, vel etiā prius cognoscere distinctè, quid sit animal, & postea ad idem animal in inferioribus cognoscendum descendere.

Suppono quintò, quòd, cū cognitio actualis confusa sit omnium prima simpliciter, idem erit quærere de primo cognito simpliciter, & de cognito per cognitionem actualem confusam. Unde status nostræ controuersie est iste: An ens sit obiectum cognitionis actualis confusæ? Si enim fuerit eius obiectum, erit utique primum cognitum simpliciter, nam cognitio actualis est omnium prima. Cū autem vniuersale, ut subsistat abstractioni formali secundum suam totalitatem actualem, sit obiectum cognitionis confusæ actualis, & hæc abstractio potest conceptum, sicut cuiuslibet alterius vniuersalis, ita, & entis, separare, vel à solis principijs indiuidualibus, relinquendo ipsius conceptum in gradibus specificis, vel genericis, seu (quòd, quantum ad præsens attinet idē

est) in quidditate materiali, vel certè illud ab his omnibus separando, & accipiendo ens secundum suam communissimam rationem, non verò, ut concernit quidditatem materiale, hinc est, quòd difficultas præsens etiam petit, ut explicemus, qualiter ens subleget cognitioni confusæ actuali, an scilicet secundum communissimam, & abstractissimam rationem, an verò, ut dictam quidditatem materiale concernit.

§. 2. *Refertur, & impugnatur prima opinio.*

**E**rgo prima opinio, quæ dicit, primum cognitum ab intellectu esse singulare. Ita Durand: in 2. distin: 6. quæst. 3. Ochan: distin: 5. quæst. 5. Richard: in 2. distin: 24. quæst. 4. Tolet. 3. de Anima quæst. 12.

Fundant suam sententiam in auctoritate Aristotelis libro. 1. de Demonstr: cap. 20. dicentis, *Singularia esse nobis notiora, natura tamen minus nota, è contrà verò vniuersalia notiora quidem natura, minus tamen nobis nota.* Ergo ex mente Philosophi prius cognoscuntur singularia, quàm vniuersalia; quia quæ nobis sunt notiora, prius à nobis cognosci debent, ut ex se patet.

Secundò arguitur sic in fauorem istius opinionis. Quidquid est reale, est singulare, cū à parte rei vniuersalia non dentur: iam autem quod reale est, à parte rei

rel esse debet; Sed quod præcedit omnem actum intellectus possibilis est reale; hunc enim entia rationis subsequuntur, cum per operationem intellectus possibilis fiant. Ergo quod præcedit omnem actum intellectus possibilis est singulare. Sed primò cognitum præcedit omnem actum intellectus possibilis, quia cognoscitur per actum simpliciter primum, quo non datur alius prior. Ergo primum cognitum simpliciter est singulare.

Hæc tamen opinio displicet, quia est directè contra Philosophum, qui 1. Phys. cap. 5. docet, vniuersalia esse notiora cognitione intellectuâli, singularia autem cognitione sensitiua, cum inquit. *Vniuersale quidem notius est ratione, singulare autem sensu: ratio namque ipsius est vniuersalis, sensus verò particularis.* Sed

Impugnatur primò, illud prius cognoscitur ab intellectu nostro, quod directè repræsentatur in specie, qua intellectus ad cognitionem fecundatur, sed repræsentatum in specie directè, non est singulare, sed vniuersale, quia species depurata est beneficio intellectus agentis à conditionibus individualibus. Ergo prius cognoscitur ab intellectu vniuersale, quàm singulare, ac per consequens singulare non erit primò cognitum, utpote quod supponit aliud prius.

Secundò impugnatur. Primum cognitum ab intellectu nostro non potest esse singulare immateriale, quia hoc ad modum quidditatis materialis cognosci debet, cum im-

materialia non cognoscantur pro hoc statu, nisi ad modum materialium, ac per consequens non cognoscitur primò; Prius enim cognoscitur illud, quod cognoscitur per se, quàm illud, quod cognoscitur admodum alterius. Neque materiale, quia hoc non cognoscitur directè, primum autem cognitum ab intellectu, debet esse directè cognitum, quia debet esse per se, & ratione sui cognitum, cum tamen illud, quod indirectè cognoscitur, non cognoscatur ratione sui, sed ratione directè cogniti.

Nec argumenta pro hac opinione allata conuincunt. Resp. enim ad primum ex auctor. Aristot: petitur, Philosophum ibi loqui de cognitione sensitiua, quando dicit singularia esse nobis notiora vniuersalibus: quia scilicet singularia sunt nobis nota per sensum, vniuersalia autem per intellectum: iam autem cognitio sensitiua præcedit intellectuam. Ita S. Tho. explicat Arist. super 1. Physic. le 8. 1. ubi duo loca Aristot. primò aspectu sibi contraria conciliat: Quod quando Arist. 1. Phys. dixit, vniuersalia esse nobis notiora, quàm minus vniuersalia, locutus est de notis nobis intra genus cognitionis intellectuæ, cui sunt vniuersalia notiora: quando verò dixit in lib. de Demonstr. cap. 2. singularia esse notiora nobis, locutus est de notis nobis intra genus cognitionis, ut sic, prout comprehendit tam cognitionem sensitiuam, quàm intellectuam, in qua

qua verum est, singularia esse notiora, priusque cognoscibilia universalibus, quia illa sunt cognoscibilia sensu, hæc verò intellectu; cognitio autem sensitiva intellectuam præcedit, nihil enim est in intellectu, quod non prius sit in sensu.

Ad secundum respon. disting. maiorem. Quidquid est à parte rei, est singulare, id est ipsa singularitas. Nego, est singularizatum. Concedo. Et sic ipsa etiam ratio entis est singularizata, quia differentia individualis, seu hæc-ceitas indiuiduat, seu singularizat omnes gradus superiores ita scilicet, ut per illam fiat, non solum v.g. hic homo, Sed hoc animal, hoc viuens, hoc corpus, hæc substantia, hoc ens: Quando tamen obijcitur intellectui possibili ratio entis, vel alterius gradus communis, iam formaliter, ut sic obiecta, non est singularizata, quia præscindit à differentiis individualibus: Cum quo tamen fiat, naturam illam repræsentatam intellectui possibili esse realem, quamvis formaliter, ut repræsentata, non sit singularis. Illa enim propositio, quidquid est reale, est singularizatum, vera est de Reali existente, & in esse entitativo sumpto, non autem, quod est in esse repræsentativo tale. Species enim impressæ repræsentant naturas reales, cum in esse repræsentativo sint eiusdem naturæ cum obiectis, & tamen non repræsentant illas, ut sunt singulares, sed secundum rationes com-

munes, ut communiter docent Philosophi in libris de Anima.

§. 3. *Ostenditur contra Scotistas, Ens, & quemlibet alium conceptum simpliciter simplicem esse cognoscibilem cognitione confusa actuali.*

**V**T defendant Scotistæ opinionem Scoti, quam §. 4. impugnaturi sumus, quod scilicet primum cognitum ab intellectu nostro, sit species specialissima, pro fundamento iaciunt, conceptus simpliciter simplices, quales est ens, non esse cognoscibiles cognitione confusa actuali, sed tantum actuali distincta. Fundamentum ipsorum est, quia cognitio actualis confusa tunc est, cum intellectus fertur in obiectum secundum id, quod in eo actualiter inuenitur, nesciendo illud resolvere in partes rationis ipsius, Sed in conceptu simpliciter simplici non potest hoc inueniri, quia conceptus simpliciter simplex non habet partes, in quas resoluitur, ac per consequens, si secundum aliquid sui cognoscatur, cognoscitur secundum se totum. Ergo, &c.

Hæc tamen Scotistarum positio est falsa. Vnde contra illam.

Dicimus conceptum entis, & quemlibet alium simpliciter, simplicem posse cognosci cognitio-

ne confusa actuali. Probatur euidenti ratione. Potest etiã aliquis diũ in studijs exercitatus actualiter cognoscere ens, & non cognoscere, in quo illud differat à substantia, vel accidenti. Ergo potest dari cognitio actualis confusa entis. Ergo idem erit iudiciũ de alijs simpliciter simplicibus. Hæc secunda consequentia patet ex paritate rationis. Antecedens etiam ipsa experientia probat. Prima verò consequentia, in qua est difficultas, probatur. Ille enim, qui actualiter cognoscit ens, habet cognitionem actualem entis, sed non distinctam, nescit enim in quo distinguatur ratio entis à ratione substantiæ, vel accidentis, cum tamen inseparabilis effectus cognitionis distinctæ sit scire obiecti differentiam ab alijs: Ergo habebit cognitionem actualem confusam; quia cognitio actualis adæquatè diuiditur in distinctam, & confusam: idem .n. est dicere distinctum, & confusũ, ac distinctum, & indistinctum, quæ sunt immediatè opposita.

Ad fundamentum autem Scottistarum resp. cum Caietano in Tract. de ente, & essentia quæst. 1. negando maiorem, quod scilicet cognitio confusa sit, quando aliquid cognoscitur, nesciendo illud resolvere in partes rationis, quasi ad cognitionem confusam requiratur ex parte cogniti continentia plurium: Et quod ita sit, probatur ad hominem. Cognitio confusa constituitur per negationem cognitionis distinctæ illius.

Ergo quod requiritur ad cognitionem distinctam essentialiter, eiusdem negatio essentialitèr requireretur ad cognitionem confusam: Iam autem ad cognitionem distinctam non requiritur illud, quod cognoscitur, cognosci per resolutionem in partes rationis, aliàs ipse conceptus entis, quem Scotus fatentur esse cognoscibile cognitione actuali distincta non esset sic cognoscibilis, quia ille, utpotè simpliciter simplex, non habet partes rationis, in quas sit resolubilis. Sufficit ergo ad rationem cognitionis distinctæ actualis, quod obiectum penetratur ab intellectu secundo omne, quod in actu inuenitur, siue hoc fiat per resolutionem obiecti in partes rationis, siue ex claro intuitu obiecti simplicis perfectè, distinctè, & explicitè, cum penetratione ipsius actualitatis cogniti; Vnde similiter non est de ratione cognitionis confusæ actualis, quod intellectus cognoscat obiectum secundum aliquid, & secundum aliquid ignoret, sed sufficit, quod feratur in obiectum actualiter, non penetrando ipsius actualitatem, & non cognoscendo illud distinctè, perfectè, totaliter, explicitè, siue id cõtingat ex eo, quod obiectum sit resolubile in plures partes rationis, siue aliunde, utrumque per accidens est respectu cognitionis confusæ. Sed

Instabis quasi insolubili argumento. Quando tu dicis, Conceptum simpliciter simplicem per

cognitionem confusam non cognosci penetrando actualitatem, nec explicitè, nec perfectè, vel cognoscis totum, non tamen totalitèr, vel negas cognitionem alicuius formalitatis, cuius cognitionem concedis illi, quem dicis cognoscere distinctè penetrando actualitatem explicitè, perfectè, totum, & totalitèr; vel non. Si negas, ergò destruis rationem conceptus simpliciter simplicis, de cuius ratione est, ut intellectus nō possit ferri in illum secundum aliquid, & secundum aliquid non ferri, quia ubi est aliquid, & aliquid, ibi est positio diuersitatis conceptuum, & negatio simplicitatis simplicis. Si verò nō negas. Ergò non stat, quòd vnus perfectè, distinctè, & explicitè cognoscat obiectum, alter verò non, cum vterque totum cognoscat, quod est in obiecto, nec alius secundum se ignoret aliquid, quod nouit alius.

Instabis secundò particularitèr contra eos, qui dicunt, conceptus simpliciter simplices, tunc cognosci confusè, quando cognoscuntur implicitè, tunc verò distinctè, quando explicitè. Cum dicis, te ens, vel quolibet simpliciter simplex cognoscere explicitè in cognitione distincta, quod per cognitionem confusam cognoscebas implicitè, quid explicas per illam cognitionem explicitam? ipsam rationem entis, vel aliquid inclusum in ipsa ratione entis? Non ipsam rationem entis, quia hanc iam cognoscebas im-

plicitè; Ratio enim entis non est aliter cognoscibilis, implicitè, & explicitè, quia cum sit simplicissima irresolubilis in plura, quomodocunque apprehendatur, apprehendetur secundum suum esse explicitum: Nec explicas aliquid inuolutum in ente, quia illud inuolutum aut erit aliquid inferius participans rationem entis, & hoc non, quia hic loquimur de cognitione confusa actuali, iam verò ens, ut inuoluens inferiora, est totum potentiale, & per consequens cognoscibile cognitione virtuali, sicque est extra calum. Vel explicas partes definitiuas rationis entis, & hoc etiam non, quia ens his partibus caret, utpote conceptus simpliciter simplex; Sicque in vniuersum, quidquid dixeris, te explicare, insurger argumentum, quia, vel illud, quod explicas, pertinet ad rationem entis, vel non. Si primum. Ergò cum ratio entis sit simplicissima, nō stat, ut aliqua ratione apprehendatur, quin apprehendatur explicitè, quia sicut entitas, ita & cognoscibilitas rationis simpliciter simplicis in indiuisibili consistit. Si verò secundum dicas, sumus extra propositum, quia hic de cognitione ipsius entis secundum suam rationem formalissimam disputamus.

Confirmatur. Illud potest cognosci implicitè, cui cōpetit esse implicitè; Sed nullus conceptus simpliciter simplex est implicitè. Ergò neque potest cognosci implicitè, cui cōpetit esse implicitè.

Sed



Sed nullus conceptus simpliciter simplex est implicite. Ergo neque potest cognosci implicite. Maior patet, quia cognoscibilitas sequitur ad esse. Minor vero prob. Idem non potest esse implicite in seipso, sed si est implicite, est in alio. Ergo ubi inuenitur existentia alicuius implicite, ibi inuenitur distinctio illius, quod est implicite ab eo, in quo est implicite. Sed omnis pluralitas, & distinctio repugnat conceptui simpliciter simplici. Ergo ipsi etiam repugnabit esse, ac per consequens cognosci implicite.

Resp. tamen ad istas instancias; & quidem incipiendo ab ultimis contra illos factis, qui dicunt conceptus simpliciter simplices esse cognoscibiles implicite, fateor rationes videri conuincentes, & maxime confirmationem, ut inuenienti constabit: Vnde crediderim, quod quauis quodlibet simpliciter simplex sit cognoscibile actualiter confuse, non tamen implicite, quia licet secundum rem idem sit cognitio confusa, & implicita, formalissime tamen non videntur idem significare: cognitio enim confusa magis videtur exprimere modum cognitionis ex parte cognoscentis, iam vero cognitio implicita exprimit modum cognitionis ex parte rei cognitæ. Cognoscere enim confuse nihil est aliud, quam non cognoscere clare, nam confusio oritur ex defectu claritatis, seu luminis rem distincte monstrantis, ut patet in exemplo materiali,

quando sub crepusculum, vel in diluculo res confuse videtur; Quod enim ego in diluculo videns syluam, non cognosco distincte esse syluam, sed puto esse vibem, vel videns arborem, puto esse hominem, illa confusio non est ex parte obiectorum, sed ex parte luminis res indistincte monstrantis, ac per consequens cognitio confusa non negat aliquid aliud, quam claritatem cognitionis, quæ negatio tenet se ex parte cognoscentis. Cognoscere vero aliquid implicite, est cognoscere illud, quasi in alio inuolutum, & implicatum, qui modus cognitionis est ex parte rei cognitæ: Vnde si cognitio implicita coincidat cum cognitione confusa actuali, coincidet cum illa, quæ est respectu alicuius conceptus resolubilis in partes rationis, quia iam erit ibi, quod inuoluetur, & implicabitur in alio, sicque inuolutum, seu implicatum, cognoscetur, non vero cum illa, quæ est respectu alicuius, simpliciter simplicis, & irresolubilis in partes, quia ibi non inuenit aliquid implicatum, quod cognoscat implicite, ut recte probat confirmatio.

Resp. deinde ad instantiam contra ipsam solutionem Caietani allatam, eligendo secundam partem dilemmatis, quod scilicet non negamus illi, qui confuse cognoscit cognitionem alicuius, cuius cognitionem concedimus ei, qui cognoscit distincte: Nō tamen sequitur, quod non possimus uni negare cognitionem distinctam,

*Etiam,*

Etiam, quam concedimus alteri, quia licet totum uterque cognoscat, non tamen totaliter, Ly totaliter determinante modum cogniti, non ut res, sed ut obiectum est. Et licet idem uterque cognoscat, est tamen obiectum ab illis alio, & alio modo cognitum, non quod sciat unus aliquid, quod nesciat alter, sed quia habet aliquam cognitionem de obiecto, quam non habet alter, quod non est scire aliquid amplius de obiecto, ut res, sed ut obiectum est formaliter.

Pro quorum intelligētia scito, quod simplicitas conceptus non tollit diuersam cognoscibilitatem ab ente; quia sicut in cognitione, discursiua potest concludi de illo aliquid per medium topicum, sophisticum, & demonstratiuum, sicque per discursum idem conceptus simplicissimus entis erit scibilis topicè, sophisticè, demonstratiuè, ita idem conceptus simplicissimus entis poterit cognitione apprehensiua clarè, vel confusè apprehendi: Sicut autem illud, quod est, esse cognoscibile, per medium topicum, non dicit aliquid in ente formaliter in esse entis sumpto, quod nō dicat hoc, quod est, esse cognoscibile per medium demonstratiuum, quia idem est, quod scit uterque, & ille, qui cognoscit topicè, & ille, qui cognoscit demonstratiuè, ita idem erit ens in esse entis, quod apprehenditur cognitione actuali confusa, & quod apprehenderetur cognitione actuali distincta. Nec yna plus de ēte in esse entis sum-

pto cognoscit, quam alia, & sicut idem ens, ut cognitum per mediū topicum, non potest non esse diuersum à se in esse obiecti formaliter ut cognito per medium de monstrabile, quia diuerso cognoscitur lumine, quæ lumina diuersificant obiecta in ratione obiectorum, ita etiam à seipso, ut apprehenso cōfusè erit diuersum in ratione obiecti, ut est apprehensum distinctè, quia apprehenditur sub diuerso lumine. Et sic ille, qui cognoscit ens distinctè, sciet aliquid de illo formaliter in ratione obiecti sumpto, quod nesciet is, qui illud cognoscit confusè. Hoc autem non arguit diuersitatem, nisi in modo cognitionis, & cognoscibilitatis, non verò in ipsa ratione entis. Sed iterum.

Instabis. Obiectum, ut obiectum, vel est ens, ut ens, vel aliqua ratio formaliter distincta ab ente. Si primum. Ergo nihil poterit competere enti, ut obiectum, quod illi non competat, ut ens est. Si verò secundum, non saluatur (quod tamen saluare intendimus) aliquid simpliciter simplex esse cognoscibile cognitione cōfusa actuali. Si enim in obiecto, ut obiectum est, compositionem admittas, obiectum, ut obiectum, nō erit aliquid simpliciter simplex, & sic licet cognoscatur cognitione confusa actuali, nō sequetur, quod aliquid simpliciter simplex tali cognitione cognoscatur. Deinde, ēs, ut ens, est formalissimè obiectum intellectus. Ergo illa, quæ competunt illi formaliter, ut obiectum, com-

petunt illi, vt ens est.

R<sup>esp.</sup> disting. primam partem dilemmatis, obiectum, vt obiectum est ens, vt ens, in recto. Concedo. in obliquo. Nego. Et ad probationem negatur consequentia, quod scilicet, ex eo, quod obiectum, vt obiectum sit ipsum ens, vt ens in recto, sequatur, non posse illi competere aliquid, non competens enti, vt ens formaliter. Multa enim competunt alicui rei cum aliqua connotatione, quae illi non competunt sine illa. Sicut actus liber Dei, sine connotatione creaturatum, vt hic, & nunc existentium, non est liber, sed necessarius, vnde non potest non esse; iam vero actus idem, vt connotans creaturas, est liber, & per consequens, potuit non esse in Deo quantum ad hoc complexum. Similiter Creatio ab aeterno non producebat creaturam, (quamvis ab aeterno quantum ad suam entitatem fuit) quia ei deficiebat connotatio existentiae Creaturae, qua in tempore posita, creat, vt quo. Et materia prima, quamvis, vt disposita, nihil dicat, nisi entitatem cum connotatis, de quibus Nostri Complut. in lib. de Gener. & Corrupt. Disput. 2. tamen quantum ad suam entitatem praecise sumptam sine illis connotatis, non censetur esse disposita, vel determinata ad recipiendam formam hanc potius, quam illam, quibus positus manet disposita, & determinata. Sic ergo in praesenti potest aliquid dici de ente, vt obiectum est, quod non dicitur de illo formaliter vt

est ens, quamvis ens, vt est ens, non distinguatur a seipso, vt obiectum est, nisi penes connotata. Et sic potest dici de ipso, quod, vt obiectum est, possit secundum aliquid cognosci per vnam cognitionem, & secundum aliquid non, *illo aliquid*, vel nihil reduplicante distinctum ab ente, vel si reduplicante aliquid, reduplicante connotata, quae sunt talis, vel talis cognitio, tale, vel tantum lumen, &c. non tamen potest de illo dici hoc, secundum quod, est ens, quia formaliter vt ens non dicit illa connotata. Neque sequitur id, quod in eadem obiectione innuitur, per cognitionem scilicet confusam actualem non cognosci aliquid simpliciter simplex, quia cognoscitur ipsum ens, non quidem vt ens, sed vt obiectum, *Ly*, vt obiectum, non reduplicante aliquid ex parte obiecti, quod ipsi competat in recto, & sit superadditum ad ens, faciatque compositionem cum ente, sed tantum connotata, id est modum cognitionis, & tantum, vel tantum lumen intellectuale, quae cum se teneant ex parte cognoscentis, ex parte obiecti cogniti omnimoda simplicitas remanebit: Per quod patet solutio ad secundam instantiam.

Vnde, & tribus concludamus verbis id, quod in tota hac solutione diximus. Afferimus, ens, vt ens cognosci cognitione confusa, & distincta actuali, quia potest videri maiori, vel minori lumine, & sic habere aliquam di-

uerſitatem formaliter in ratione. Obiecti, quæ diuerſitas non eſt in obiecto ex parte eius, quod dicit in reſo, ſed ex parte obliqui tantum; obiectum enim, vt obiectum; dicit in reſo rationem entis, quæ eſt ſimpliſſima, nullamque admittit diuerſitatem, in obliquo verò connotat modum talis, vel talis cognitionis conſuſæ, vel diſtinctæ, perfectæ, vel imperfectæ lumine eandem ſimpliſſimam formalitatem cognoscen-  
ſcentiæ.

*§. 4. Reiſcitur opinio Scoti aſſerentis, primum cognitum eſſe ſpeciem ſpecialiſſimam.*

**S**cotus in diſtin. 3. qu. 2. dicit, *primum cognitum eſſe ſpeciem ſpecialiſſimam, cuius indiuiduum fortiùs mouet ſenſum*. Sequitur Scoti opinionem Antonius Tröbetta lib. 1. Metaph. qu. 10. & cõmuniter Scotiſtæ. Fundamenta Scoti, & Scotiſtarum plurima ſunt, quæ videre poteris apud Caietanum in tract. de ente, & eſſentia, quæſtione ſæpius citata, & apud noſtrum P. Blaſium diſp. præm. Metaph. qu. 4. Præcipua ſunt iſta.

Primum. Illud vniuerſale priùs cognoscitur ab intellectu, cuius ſingularia fortiùs mouet ſenſum. Sed ſingulare ſpeciei ſpecialiſſimæ fortiùs mouet ſenſum, quã ſingulare cuiuslibet gradus ſupe-

rioris. Ergo ſpecies ſpecialiſſimæ priùs cognoscitur ab intellectu, quàm omnes reliqui gradus, ac per conſequens erit priùs cognita. Prima conſequentia ex præmiſſis patet. Præmiſſæ autem ſic probari poſſunt. Primò quidem maior, quia noſtra cognitio intellectiua naſcitur ex ſenſitiua. Ergo illud vniuerſale priùs cognoscitur ab intellectu, cuius ſingulare priùs mouebit ſenſum, ſed illud mouebit priùs, quod mouet fortiùs. Ergo, &c. Deinde probatur illa minor. Senſus mouetur à ſingulari. Ergo magis mouebitur à magis ſingulari; Sicut enim ſe habet ſimpliciter ad ſimpliciter, ita magis ad magis. Sed ſingulare ſpeciei ſpecialiſſimæ eſt maximè ſingulare, quia eſt determinatum non ſolùm determinatione ſingularitatis, ſed etiam naturæ determinatæ, non determinabilis ampliùs per aliam naturam, quod indiuiduis ſuperiorum conuenire nequit. Ergo, &c.

Secundum. Si ante cognitionem ſpeciei deberent priùs vniuerſalia cognosci, tunc poſito ſenſu in actu, & intellectu ad intelligendum expedito, multum requireretur temporis, vt intellectus ad cognitionem ſpeciei perueniret, multa enim prædicata intermedia cognoscenda eſſent, quæ inter gradum entis, ſpeciemque ſpecialiſſimam intercedunt. Sed hoc eſt falſum, vt ipſa experientia docet. Ergo, &c.

Tertium. Id priùs intelligitur, quod

quod est facilioris abstractionis. Sed species specialissima est facilioris abstractionis. Ergo cognoscitur primò. Maior patet, quia cum intellectus non cognoscat, nisi abstrahendo, sicut se habet ad abstrahendum, ita & ad intelligendum. Minor verò probatur. A' similioribus facilius est abstrahere, quàm à dissimilioribus. Sed individua speciei specialissimæ sunt similia individuis entis, vel cuiuslibet gradus superioris. Ergo, &c.

Quartum. Causæ naturales non impediunt producunt primò perfectissimum effectum, quem possunt producere, quia agunt secundum ultimum posse. Sed agentia ad primum actum intellectus sunt causæ naturales, ut patet, & non sunt impeditæ, (quia loquimur de his, quæ per se sunt, non verò euenientibus per accidens.) Ergo producent primò perfectissimum effectum. Tunc subsumo: sed hic effectus perfectissimus non potest esse alicuius superioris, & communioris, quia si talis conceptus perfectissimus esset alicuius communioris, sequeretur, quod illa agentia nunquā possent producere conceptum speciei infimæ, quia nunquam aliqua potentia potest in effectum perfectiorem suo effectu perfectissimo; Conceptus autem speciei specialissimæ est perfectior conceptu communiori, sicut totum sua parte. Ergo &c.

His tamen non obstantibus, opinio Scoti displicet. Unde contra illam,

Arguitur sic 1. Species specialissima non est confusissima. Ergo eius cognitio actualis confusa non est prima simpliciter, & per consequens ipsa non est primum cognitum. Probatur prima consequentia (secunda enim ex se patet) ratione Arist. & S. Th. 1. Phy. qu. 1. Innata est nobis via, ut procedamus in cognitionem rerum ex nobis notis ad ignota nobis, & nota natura. Sed illa, quæ sunt confusiora, sunt nobis notiora, quia illa sunt nobis notiora, quæ sunt ignotiora natura, illa verò. Sunt ignotiora natura, quæ sunt confusiora, & vniuersaliora; idem enim est, ignotum esse natura, & ignotum esse simpliciter, & secundum se. Sed vniuersaliora, seu confusiora sunt secundum se ignotiora, cum cognoscibilitas maior fundetur supra entitatem maiorem, sicut & cognoscibilitas absolute supra entitatem absolute; minus autem habent de entitate, quæ sunt confusiora, & vniuersaliora, quia minus habent de actualitate, nam magis sunt entia, quæ sunt in actu, quam, quæ sunt in potentia: Ergo etiam minus habebunt de cognoscibilitate secundum esse. Ergo cum illa, quæ sunt ignotiora secundum se, sint notiora nobis, confusiora, & vniuersaliora erunt notiora nobis.

Vide, & alias rationes apud S. Thomam loco citato pro probatione istius consequentiae. Probatur etiam antecedens primi argumenti, quod species specialissima non sit confusissima, quia

genus est confusius specie. Ergo species non est confusissima. Cōsequētia ex se patet, & probatur. antec: confusius est illud, quod cōtinet plura, quā illud, quod pauciora. Sed genus plura continet, quā species. Ergo est cōfusius.

Resp. Antonius Trombetta, quod cōfusius est illud, quod plura continet actualiter, quā illud, quod plura continet potentialiter. Cū ergo genus sit, quod plura continet potentialiter, species verò actualiter, species erit confusior genere. Sed

Contra. Confusius est, quod plura continet sine ordine illo, quam quod illa continet ordinatē, (quia ubi est multitudo sine ordine, ibi est confusio; unde & in vniuerso licet sit maxima multitudo rerum, quia tamen est ordinata, confusione caret) sed quod continet plura actualiter, continet illa ordinatē, sicut species continet ordinatē partes definitiuas, quod verò continet plura potentialiter, continet illa sine ordine. Ergo, &c.

Resp. quod genus, & quodlibet potēiale cōtinet species ordinatē, quia continet, & respicit eas in diantibus differentiis; quæ sūt valdē ordinatæ.

Contra est. Etiam si differentię sint inter se ordinatæ, tamen genus ipsas, sicut & species, continet sine ordine. Ergo solutio Antonij non valet. Probatur antecedens: Genus tam species, quā differentias non cōtinet in actu, sed in potentia, ut dicit Porphy-

rius. Sed quod non continetur in actu, continetur sine ordine. Ergo genus continet species, & differentias sine ordine. Maior, & consequens patent. Minor probatur. Quod non continetur in actu, continetur indistinctē, quia, ut dicitur 7. tex. Comment. 49. *Actus est, qui distinguit*: Quod autem continetur indistinctē, continetur sine ordine, quia ordo sine distinctione non est imaginabilis. Ergo quod non continetur in actu, continetur sine ordine. Ergo cum genus non cōtineat species, & differentias in actu, continebit eas sine ordine, ac consequenter continebit confusē.

Contra secundo arguitur: Illud est primum cognitum, in quod primò fertur intellectus. Sed intellectus non fertur primò in speciem specialissimam. Ergo illa non erit primum cognitum. Maior patet, & probatur minor. Intellectus, sicut, & omnes alie potētiæ, fertur primò in suum obiectum formale, & adæquatum, illud enim est, ratione cuius cætera attinguntur. Sed species specialissima non est formale, & adæquatum obiectum intellectus, sed ens. Ergo, &c.

Confirmatur. Prior ordine est intellectio, ut sic, quā intellectio, ut talis. Ergo etiam ex parte obiecti prius erit cognitum, quod correspondebit intellectioni, ut sic, quā quod correspondet intellectioni, ut tali: quia ordo cognitionum est iuxta ordinem cognitorum, Sed species specialissima.

lissima correspondet intellectuoni, ut tali, non verò intellectuoni, ut sic. Ergo non erit primò cognitum.

Contra arguitur tertio. Cognitio nostra incipit à facilioribus, ut ad difficiliora pertingat, quia Natura semper ab imperfectioribus incipit. Sed cognitio speciei specialissimæ est difficillima, plurima enim ad sui cognitionem præsupponit; nam prius est cognoscendum aliquid esse viuens, quam hominem esse, cum enim modus cognoscendi sequatur modum essendi, sicut homini prius competit esse, quam esse hominem, ita hoc posterius illis cognoscitur. Ergo species specialissima non erit id, à quo primò incipit cognitio. Sed quod est primum cognitum, est id, à quo incipit cognitio. Ergo, &c.

*Argumentis Scoti respondetur.*

**A**D primum negatur minor. Prius enim, & fortius indiuiduum entis mouet sensum, quàm indiuiduum speciei; pro cuius intelligentia. Nota, quod gradus indiuiduales determinant, & indiuiduant non tantum gradus atomos, sed etiam omnes superiores; Vnde Petrus v. g. non tantum est indiuiduum entis, sed etiam Animalis, Vientis, Corporis, Substantiæ. Dicimus ergo, quod Petrus v. g. prius, & fortius mouet sensum, ut est indiuiduum entis, quam, ut est indiuiduum hominis, quod euidenter

probat. Nam illud fortius mouet aliquid, vel agit in aliquid, quod agit etiam in remotius, sicut colligimus actiuitatem ignis maiorem esse, si remotiora attingat. Sed Petrus, ut est indiuiduum entis, agit in remotiorem sensum, in quem non potest agere, ut est indiuiduum hominis; Experientia enim teste, ego quando à longe video hominem, prius aduerto, illum esse aliquid, postea quando video moueri, cognosco esse viuens, postea visa complexione, & delineamentis humanis, cognosco esse hominem. Ergo indiuiduum entis fortius mouebit sensum, quam indiuiduum speciei specialissimæ. Ergo etiam prius mouebit, quia illud mouens prius mouebit mobile, cuius actiuitas est maior, siue fortior, ut ad sensum patet, prius enim aliquod pondus mouebit vir robustus, quam puer debilis. Ergo, &c.

Urgetur hoc ipsum. Plura fortius, & facilius mouent, quam pauciora, ut experientia patet. Facilius enim mille homines, etsi non sint nimium fortes, trahent nauem, vel lapidem, quam decem fortissimi. Sed indiuidua entis sunt plura, quam indiuidua aliquius speciei specialissimæ. Ergo, &c.

Adde, quod etiam concesso, indiuiduum speciei specialissime fortius mouere sensum, quam indiuiduum generis, inde tamen non sequitur, speciem esse primò cognitam, nisi fortè via intentionis, via enim executionis pri-

us debet cognosci ratio entis, quod est obiectum intellectus, tanquam ratio sub qua, & ratione cuius omnia attinguntur, quæcunque sunt ab intellectu attingibilia.

Ad secundum neg. Sequela: Non enim necesse est in qualibet cognitione rationis specificæ præcedere cognitionem confusam entis, sed sufficit, ens primò omnium fuisse cognitum, de alijs autem gradibus intermedijs Caictanus in sol: ad 3. qu. cit. tenet, quòd inter illos, & speciem specialissimam nò est ordo essentialis, qualis inuenitur inter eandem speciem, & rationem entis, & ideo præcognita ratione entis poterit immediatè, non cognito v.g. gradu substantiæ, Corporis, Viuentis, &c., cognosci homo.

Hæc tamen solutio displicet: quia intelligibile videtur, quòd aliquid cognoscatur, etiam confusè, esse hominem, quin confusè saltem apprehendatur esse viuens, cum gradus hominis essentialiter supponat gradum vitæ. Vnde aliter resp., quòd etsi gradus illi debeant præcognosci, tamen illa præcognitio non petet longum tempus, quia actus intellectus sunt instantanei.

Ad tertium negamus, abstractionem, de qua hic loquimur, faciliorem esse speciei, quàm entis. Hæc enim abstractio sita est in hoc, ut cognoscatur vna ratio, non cognitisi alijs, v.g. quòd viso Petro, cognoscam in ipso rationem entis, vel hominis, non

cognita ratione animalis, vel viuentis. Et hæc abstractio æquè facilis est, siue illa ratio sit in similibus, siue in dissimilibus; æquè enim ego possum cognoscere rationem analogam, in qua est similitudo cum dissimilitudine, nò cognitisi rationibus inferioribus, ac rationem vniuocam, in qua est perfecta similitudo; vnde ens, & species specialissima erunt æquè faciliè abstrahibiles; immò tanto facilius ens videtur esse abstrahibile hoc modo abstractionis, quàm species, quantò facilius est concipere prius sine posteriori, quàm è conuer.

Ad quartum resp. distingue: Maiorem. Causæ naturales non impeditæ producent effectum perfectissimum, quem possunt pro illo priori, non verò quem possunt absolute. Deinde concessa minori, distingue consequens. Quod intellectus producat primò perfectissimam intellectionem, quam potest pro illo priori, non verò quā potest absolute: Cum autem cognitio speciei specialissimæ sit effectus perfectissimus, quem absolute potest intellectus, non sequitur, quòd illum habeat pro illo priori, sed sufficit, quòd pro tunc habeat cognitionem entis secundum rationem entis, quæ cognitio est perfectissima, quam pro illo priori intellectus elicere potest.

Explicatur hoc. Sicut enim potentia generatiua Leonis non potest producere effectum perfectionem ipso leone genito, quia hic est suus effectus perfectissimus

sim.



simpliciter, benè tamè potest producere perfectiorem effectum perfectissimo, quem potest pro primo instanti generationis, quia hic est perfectissimus secundum quid: licet enim perfectissimū sit, quod potest potentia generatiua Leonis pro primo instanti decisionis spermatis, tamen potest formare embrionem, qui est ipsa spermatis decisione perfectior. Et deniq; potest generare Leonem, qui est effectus perfectissimus ipsius, & ultra quem non potest; Ita in præsentia, proportionem seruata, philosophandum est.

*§. 5. Declaratur, in quo Thomiste, assignando primum cognitum, conueniant, differantque.*

**H** Veuſque cum extraneis res fuit, nunc cū ipsis D. Thomæ discipulis de primo cognito assignando disputandum est. Primo tamen.

Sciendum est, omnes Thomistas conuenire communiter in hoc, quòd primum cognitum sit ens. Hoc enim suadet tum auctoritas D. Thom. 1. quæst. qui in Procem. tract. de ente; & cfs. expressè dicit: *Ens, & essentia sunt, quæ primò in intellectu concipiuntur*. Tum etiam sequentes rationes.

Prima ratio est. Quandocunque aliquid acquirit suam perfectionem per plures actus, quorum unus non est causa alterius, prius

peruenit ad actum imperfectum, quàm ad actum perfectum, quia actus imperfectus est proximior potentia, quàm perfectus. Sed intellectus noster acquirit suam perfectionem per plures actus, quorum unus non est causa alterius. Ergò etiam prius perueniet ad actum imperfectum, quàm ad actum perfectum. Sed cognitio entis est imperfectissima, eo quod minimum quid ad ipsam requiritur, quia ad cognoscendum aliquid esse ens, sufficit cognoscere, illud non esse nihil, cum tamen, ad omnium aliorum cognitionem ipsum ens debeat præcognosci, utpotè inclusum in omnibus. Ergò primò intellectus, noster perueniet ad cognitionem entis, ac per consequens illud erit primum cognitum simpliciter.

Secunda ratio est. Cognitio, & conceptus consusus actualis entis est velut naturalis intellectui. Ergò conceptus entis debet esse primò cognitus cognitione consusa. Consequentipatet, quia ea, quæ alicui cōueniunt naturaliter, præcedunt ea, quæ sunt extrinseca. Probaturs antecedit; Ideò cognitio primorum principiorum est, & dicitur naturalis, quia quilibet, explicatis terminis, subito ea cognoscit. Sed ens, etiam, ut confusè cognoscibile, subito est apprehensibile, quia ad hoc non est necesse, aliquid aliud apprehendere, quàm quod illud nō sit nihil. Ergò &c.

Confirmatur. Ex complexis primum cognitum sunt prima principia simpliciter. Ergò ex in-

com.

Complexis primum cognitum erit ipse conceptus entis. Anteced. patet, & prob. Consequentia. Ens est illud, ex cuius conceptu cognito, sunt principia complexa, quæ sunt vna simpliciter, qualia sunt, *Quodlibet est, vel non est. Impossibile est idem simul esse, & non esse, & similia.* Ergo illud debet primum ex incomplexis cognosci, si hæc principia sunt prima, quæ cognoscuntur ex complexis. Consequ. probat. quia si ens non esset primum cognitum ex incomplexis, sed aliquid aliud, cum ex cuiuslibet incomplexi cognitione, possit formari, ab intellectu aliqua complexio, posset intellectus ante cognitionem conceptus entis, & principiorum ex ipso formatorum, facere ex illo primo cognito aliquam complexionem, illamque cognoscere, & sic illa prima principia complexa non essent primò cognita.

Tertia ratio: Vniuersaliora prius cognoscuntur à nobis, quàm minùs vniuersalia. Sed ens est vniuersalissimū prædicatum, cum in omnibus imbibatur. Ergo erit primò cognitum ab intellectu nostro. Minor, & conseq. patet. Probatur verò Maior, tam à priori, quàm à posteriori: A priori quidem: Procedenti de potentia ad actum prius occurrit id, quod est magis potètiæ, quàm illud, quod est actuale perfectè, vel saltè quod plurimum accedit ad actum perfectum, vt patet. Sed gradus quò sunt vniuersaliores, eo sunt potètialiores, quia sunt determinabi-

les per differentiās constitutiua graduum inferiorum, quò verò sunt minùs vniuersales, eo magis accedunt ad speciem specialissimā, quæ iam est in vltima actualitate, vt potè iam per nullam, ampliùs differentiam determinabilis. Ergo &c. A posteriori autem probatur à S. Tho. & Aristot. in Procem. 1. lib. Physic. quia etiam ipsi sensus, quamuis alligati singularibus, prius tamèn quodammodo in ipso singulari cognoscunt rationes vniuersaliores, quàm minùs vniuersales, priùs inquam, vt loquitur S. Tho. secundum locum, & secundum tempus. Secundum locum quidem, quia cum aliquid è remoto videmus, prius percipimus, ipsam esse corpus, quàm animal, & hoc priùs, quam quod sit homo, & vltimò quod sit Socrates. Et similiter secundum tempus, prius enim puer apprehendit hunc, vt quendam hominem, quam, vt hunc hominem, quàm est Plato, qui est eius pater. Et hoc est, quod dicit (intellige, Aristoteles) pueri primùm appellant omnes viros patres, & fœminas matres. Sed posteriùs determinant, id est determinatè cognoscunt, vnumquodq; Ergo à fortiori intellectus, cuius in omni sententia obiectum est aliquid vniuersale, prius attingit rationes vniuersaliores, quàm minùs vniuersales.

In his omnes Thomistæ conueniunt: Ceterum, vt §. 1. huius quæst. diximus. Ens, vt abstractum abstractione formali (quo modo est obiectum cognitionis cõfusæ,

quam

quam diximus esse omnium cognitionum primam) potest sumi dupliciter, vel secundum quod concernit quidditatem materiale, tantumque ab indiuiduis (quod est beneficio intellectus agentis) abstrahit, vel secundum suam rationem formalem, ut est quidam gradus communissimus, & metaphysicus ab omni materia abstrahens. Ideo etiam inter ipsos Thomistas in assignando primo cognito diuersitas est orta.

Maius enim 1. Physic. q. 7. Soto lib. 1. Physic. q. 2. A studio c. 2. tenent, ens in sua latitudine, ut abstrahit à materialibus, & immaterialibus, & complectitur omne, quod est extra nihil, esse primum cognitum intellectus nostri.

Fundamentum ipsorum est. Quia primum cognitum debet esse vniuersalissimum, & confusissimum, ut ex supra dictis patet. Sed ens in tota sua latitudine est tale. Ergo &c.

E' cōtra, Caietanus in Procem. Tract. de ent; & cfs. quæst. 1. Arauxo 1. Metaph. quæst. 1. artic. 3. Martinez 3. de An. cap. 3. Blas. disp. procem. Metaph. q. 4. §. 5. tenent, ens, ut concretum quidditati materiali, esse primum cognitum respectu intellectus nostri. Fundantq; opinionem suam in hoc. Quia primum cognitum intellectus est obiectum proportionatum ipsius. Sed ens concernens quidditatem materiale est proportionatum obiectum intellectus nostri, ut docet communiter Philosophi, & videre poteris apud

Nost. Complut. in lib. de An. disput. 16. quæst. 2. Ergo &c. Hæc est diuersitas Thomist. doctrinæ. Quæ autem ex his duabus opinionibus verior sit, §. sequenti declarabitur.

*§. 6. In quo determinatur, quodnam ens sit primum cognitum, an secundum quod concernit quidditatem materiale, an secundum rationem communissimam sue analogie sumptum?*

**P**RO decisione huius difficultatis supponendum est, Nos, hic loqui de intellectu pro hoc statu, non autē pro statu separationis: Quærimus enim, utrū puer quando primum intellectus ipsius possibilis per depurationem phantasmatris factā ab intellectu agētē acquirat primam alicuius rei speciem, primò cognoscat in illa specie gradus communiore, an minus communes. Ille enim gradus erit primum cognitum simpliciter, quem puer primò apprehendit in specie primò secundatē suum intellectum. Quo supposito.

Dicimus, primum cognitum intellectus nostri pro hoc statu esse ens, ut concernit quidditatem materiale. Probat 1. Conclusio. Intellectus debet inchoare suā cognitionem ab obiecto sibi pro-

por:

portionato ; Sed ens concernens quidditatem materiale est obiectum proportionatum pro hoc statu intellectus nostri . Ergo intellectus à tali ente debet inchoare suam cognitionem . Minor communiter admittitur à Philosophis, vt videre poteris apud Nost. Compl. in lib. de an. disp. 17. quæst. 2. Major autem probatur. In obiectum proportionatum fertur intellectus conaturaliter, quia habet omnimodam commensurationem cum illo. Ergo illud primo cognoscet ; Prius enim illa attinguntur ab aliqua potentia, in quæ connaturaliter inclinatur, quam in alia, vt se patet. Ergo &c.

Probatur secundò . Intellectus noster quidquid pro hoc statu cognoscit, cognoscit ad modum quidditatis materialis. Ergo eius primum cognitum debet esse ens, vt concernens quidditatem materiale. Anteced. est luculenter probatum à Nost. Complur. Cōsequ. deducitur . Si primum cognitum non esset quidditas materialis, non possent omnia ad modum ipsius cognosci ; illud enim ens, vt abstrahens à quidditate materiali, quod ponit Masius esse primo cognitum, non posset cognosci ad modum illius, quia ad hoc, vt aliquid ad modum alterius cognoscatur, debet illud prius cognosci : Cognoscere enim aliquid ad modum alterius, nihil est aliud, quam sumere modum, & normam ex cognitione vnius ad cognitionem alterius ; non est

autem intelligibile, etiam si fingendi licentia detur, quod intellectus sumat normam, & modum ad cognoscendum aliquid ex alio, nisi prius illud aliud cognoscatur. Sicut in exemplo materiali, quod tamen non parum illustrat, non est imaginabile, vt pictor depingat imaginem ad exemplar ætæni, nisi prius viderit illud, ad cuius exemplar pingit. Ergo &c.

Probatur tertio, assumendo primam rationem Scoti s. 4. adductam . Illud vniuersale prius cognoscitur ab intellectu, cuius singulare fortius mouet sensum, vt ex dictis ibidem constat. Sed singulare entis concernentis quidditatem materiale fortius mouet sensum, quam entis secundum suam communissimam rationem. Ergo prius illud, quam hoc cognoscitur ab intellectu. Prob. Minor. Singulare entis communissime sumpti non mouet sensum, nisi in quantum vim mouendi participat à singulari concernente quidditatem sensibilem ; Nul- lum enim singulare, quod sensibile non est, mouet sensum, cum proprium obiectum sensus sit singulare sensibile ; Sed singulare entis communissime sumpti rationem sensibilem participat à singulari entis concernentis quidditatem sensibilem, illud enim cum à sensibilibus abstrahat, secundum se sensibile esse nequit. Ergo etiam participabit vim mouendi sensum. Ergo magis, sed fortius mouebit singulare concernens quidditatem materiale ;

Prop:

Propter quod enim vnumquodq; tale, & illud magis, maximè si vtrumque sit tale. Cùm ergò hic vtrumq; moueat sensum, & propter singulare entis concernentis quidditatem sensibilem singulare entis, vt sic, moueat, magis mouebit illud, quàm istud.

Probatur quartò. Quando primò intellectui pueri obijcitur species representatiua, v. g. hominis, in illa specie non apprehendit primò puer rationem entis, vt probatum est contra Scotum, neq; rationes, seu gradus mediantes inter gradum entis, & hominis, quia etiam isti sicut non sunt vniuersalissimi, ita non sunt confusissimi, neque gradum entis abstrahentem ab ente concernente quidditatem materialem; qui enim potest huc gradum cognoscere, debet scire ens esse abstrahibile à quidditate materiali, quod infans non potest, quia omne ens, quod illi obijcitur, concernit quidditatem materialem. Ergò sufficienti enumeratione, primum, quod in illa specie cognoscit, est ens concernens quidditatem materialem, ac per consequens primum cognitum, quod cognoscitur per cognitionem confusam actualem, est ens concernens quidditatem materialem.

Obijcies primò. Primum cognitum debet correspondere intellectui, vt sic, vt supra diximus; Sed gradus entis abstractè sumptus correspondet intellectui vt sic, non autem gradus entis

concernentis quidditatem materialem, quia hic correspondet soli intellectui humanæ, idque pro hoc statu, vt docent Nostri Complut. loco nuper cit. ex lib. de an. Ergò &c.

Resp. distingu. Maiorem, primum cognitum vt sic correspondet intellectui vt sic, Concedo: primum cognitum humani intellectus pro hoc statu, correspondet intellectui vt sic, Nego. Immo potius hoc petit proportio, quæ esse debet inter cognitum, & cognitionem, vt sicut primum cognitum, vt sic correspondet intellectui, vt sic, ita intellectui humanæ pro hoc statu correspondeat primum cognitum humani status, quod non potest esse aliud, nisi ens concernens quidditatem materialem, quod est eius obiectum proportionatum: Et quamuis etiam in ipsa intellectione humana imbibatur ratio intellectiōis vt sic, quia tamen rationes genericæ determinantur per suas rationes specificas, ideo etiam intellectui vt sic, prout est inclusa in intellectiōe humana, debet correspondere primum cognitum intellectiōis humanæ. Maximè, quia per intellectiōem, vt sic, non intelligit homo, nisi humano modo, ac per consequens dependenter à quidditate materiali, quæ est obiectum proportionatum ipsius pro hoc statu, vt diximus.

Obijcies secundò. S. Tho. in Procem. lib. 1. Physic. docet, vniuersalia prius cognosci secun-

Q dum

dū quod cōtinēt inferiora in potētia, sed secūdu quod vniuersalia inferiora cōtinēt, nō cognoscūtur cognitione actuali, sed virtuali, quia sunt tota virtualia, nō actualia. Ergo falsū est, quod diximus, primum cognitum esse cognitum cognitione actuali confusa.

Resp. quod etsi vniuersalia, vt sunt tota actualia, non continent inferiora explicitē, continent tamen implicitē, quia ratio entis, vel Animalis sumpta secundū se, est talis naturæ, vt possit referri ad inferiora, & continere illa in potentia: nihil enim illi aliud deest, nisi quod referatur, nam ipsum secundū sua formalia est aptum natum esse in multis. Ergo sola illa addita relatione ad illa multa, continebit ipsa. S. Thomas ergo locutus est ibi absolute de vniuersalibus secundū adæquatum ipsorum conceptum, non præscindendo esse relatum ab ipsis, quia hoc ad eius intentum non desiderabatur, vt ipsum text. S. Doct. consideranti patebit.

QVÆRES pro huius questionis completa decisione. Quodnā sit primum cognitum intellectus nostri, vt est sub statu separationis, vel vt præscindit ab omni statu?

Respondetur, quod vt ex dictis pro nostra asserctione patere potest, primum cognitum est ipsum obiectum proportionatum, quia illud est, quod prius apprehenditur secundū se, cætera verò omnia, non nisi vt participant ra-

tionem ipsius. Cū ergo, vt docent Nostri Complut. loco supra cit. Obiectum intellectus pro statu separationis, sit quidditas spiritalis conueniens cum intellectu in gradu immaterialitatis, inde est, quod primum cognitum, pro illo statu sit talis quidditas: Cū autem Intellectus abstrahens ab omni statu nullū habeat obiectum proportionatū, vt ibid. docent Nost. Complut. inde est, quod etiam nullum habeat primū cognitum. Et ratio huius ultra reddi potest, quia intellectus non intelligit, vt abstrahit ab omni statu, sed cū intelligit primū, siue secundū, intelligit sub aliquo statu. Ergo friuolum est querere de primo cognito ipsius, vt abstrahit ab omni statu.

Ad fundamentum autem Massij, & eius sequacium facile resp. concedendo, ens, vt ens abstractè sumptum esse confusissimum, & vniuersalissimum, non tamen esse primum cognitum intellectus nostri pro hoc statu, quia non est illi proportionatum. Iam autem prius cognoscitur obiectum proportionatum, quā alia, quia hæc non cognoscuntur ab intellectu, nisi vt induunt rationem illius. Vnde cū solum ens concernens quidditatem materiale sit, ex his, quæ proportionantur intellectui pro hoc statu, confusissimum, & vniuersalissimum, merito illud est à nobis pro primo cognito ipsius assignatum.

QVÆSTIO II.

*Verum enti correspondeat in intellectu vnus conceptus communis, & præcisus à conceptibus suorum inferiorum.*

**O**stendimus in quæstione præcedenti, ens esse primū cognitum respectu nostri intellectus, itā vt ante cognitionem cuiuscunque gradus specfici, vel generici necessariò debeat ratio entis præcognosci. Pulsat autem animus alia quæstio, nūm scilicet itā ens ab intellectu præcognoscatur, vt illi correspondeat vnus conceptus præcisus à conceptibus suorum inferiorum: Et quanius forè al-cui videri posset, hanc quæstionem ad præcedentem disputationem (in qua de conceptu entis egimus) pertinere, quia tamen hæc præcisio conceptus entis à conceptibus suorum inferiorum (si semel datur) necessariò debet fieri per actum intellectus, idèò consultissimè fecimus, quando illam in hanc disputationem remisimus, in qua de cognoscibilitate tractamus.



§. 1. Refertur sententia Scoti cum suis fundamentis, & aliqui nobiliores Thomiste ab imputate sibi opinionis Scotistice sequela vindicantur.

**P**erpes Scoti, & Scotistarum, omnium est sententia, ens nō significare immediatè inferiora, sed vnum conceptum obiectiuum communem inferioribus, simpliciter ab illis distinctum, & præcisum, & consequenter docent, quod in intellectu correspondet vnus conceptus enti distinctus simpliciter à conceptibus inferiorum, illorumque conceptus excludens, immediatè verò ipsam rationem entis communem inferioribus repræsentans. Ita Scotus in 1. distinct. 3. quæst. 3. & distinct. 8. quæst. 2. quem sequuntur ex eius Schola Antonius, Andreas, Bronetus, Lichetus, & ex Neoterics, Suarez disput. 2. Metaphysic. Sect. 2. num. 8. Hurtado in sua Metaphys. lib. 3. Chabrera Tract. 4. disp. 3. a. 6. Et quod magis mirum est, etiam ex ipsis iuratis D. Thomæ discipulis, sequuntur sententiam Scoti Iauellus 4. Metaph. quæst. 1. Soto in Log. quæst. 1. cōclus. 2. & 1. Phys. quæst. 2. conclus. 5. qui non erubuit dicere in antepæd. cap. 4. quæst. 1. conclus. 1. hanc opinionem esse S. Thomæ, & omnium Thomistarum, Nouissimè tamen ex Thomistis hinc sententiæ subscripsit Dida-



cus Ortiz Hispalensis, citatque pro hac sententia Caiet. quæst. 2. de ent. & ess. quem dicit ibidem expressè, & elegantissimis rationibus probare istam sententiam. Capreolum in 1. distin&. 2. quæst. 1. art. 1. Bezam ibidem; cæterum de istis duobus fatetur, quod neuter clarè loquitur, nec certò potest colligi ex eorum doctrina, in quâ partem inclinent. Addit tamen, quod magis in istam inclinent, quod ex eo colligit, quia ibi argumenta solvunt, quæ ab oppositæ sententiæ Authoribus proponuntur.

Sed agit falsò Didacus Ortiz Caietanum fidelissimum D. Thomæ discipulum; quasi Scotistarum albo inscripserit, cû opinionem Scoti è diametro sententiæ Doctoris Angelici, (ut ex eius auctoritate patet) oppositæ subscripserit. Non nego habuisse quidem illum aliquod fundamentum hanc opinionem Caietano imponendi, quia ille in citata quæst. minùs attentè eum legentibus videtur in hanc Scoti sententiam inclinare; Cæterum, & ille, si attentè legatur, satis explicat, quid sentiat, & clarius in Opusculo de Conceptu entis, quod immediatè sequitur post Opuscul. de nominum analogia, mentem suam aperuit, cum obijcienti Ferrariensi, quod videatur admittere conceptum communè, & præcisum entis in tractatu de En. & essen. quem in Opusculo de nominum analogia negavit, respondet, se talem conceptum entis concessisse. (imperfectum scilicet)

in Tractatu de En. & essen. qualem etiam in Opusculo de nominum analogia concessit, quod ibidem fusè declarat. De quo Opusculo credere non possum nescivisse Didacum Ortiz, tum quia à Nost. Complut. in hac quæst. cuius doctrinam Ortiz sæpius impugnat, hoc Opusculum ad explicandam mentem Caietani de conceptu entis, citatur. Tum etiam, quia difficile videtur, ut virum eruditum in via Thomistica, suas lugubrationes evulgantem, nobilissimi Thomistarum Caietani (cuius tamen doctrinam citat) scripta effugerint. Ut ergò mens Caietani appareat, ostendo ex plurimis ipsius locis, illum perpetuò huic opinioni, quam tuetur Ortiz, aduersari; adeoque immeritò fuisse à Didaco Ortiz in fauorem suæ opinionis citatum.

Imprimis ergò in hac ipsa q. 2. de En. & essen. in qua Didacus Ortiz dicit, Caiet. expressè conceptum entis perfectum, perfectæque ab inferioribus præcisum admisisse. Postquam docuit dari conceptum communem entis, sic ille concludit. Sic ergò patet. Qualiter ab omnibus entibus, utpote similibus abstrahibilis est conceptus entis, non modo Scotistico, ut patet, qualiter sit verum, quod hic S. Thomas dicit, scilicet essentia significat aliquod commune omnibus naturis omnium generum, & specierum. Non enim intendit, quod essentia significet aliquam naturam communem omnibus naturis, sed quod significet omnes naturas, ut assimi-

lan;



lantur in hoc, quod entia sunt. Et paulò superius, hæc sunt. Vnde conceptus obiectales entis sunt naturæ specificæ, & genericæ habentes esse: sic enim fundant analogam similitudinem, de qua loquimur, & propterea ens, & passiones eius in quolibet gradu præcisè accepto saluantur; quilibet enim gradus habet unde sit, & indiuisus sit, & conformabilis intellectui, & appetitui, &c. Quod à ponentibus ens abstrahibile à gradibus specificis, vel genericis saluari non potest. Et in conclusione secunda eiusdè quaest. dicit expressè, quòd *Ens nullum gradum supra naturas specificas, vel genericas exprimit*. Quæ loca, si rectè expèdantur, planè destruunt conceptum perfectum entis, perfectè ab inferioribus abstractum.

Nam in primis ab hoc ultimo incipièdo. Ens non dicit aliquè gradum supra naturas specificas, & genericas, ergò non potest perfectè præscindi à differentiis constitutivis illorum: si enim, ut vult Ortiz, posset ens perfectè ab inferioribus, generibus, & speciebus præscindi, exprimeret utique aliquem gradum superiorem ipsis, sicut, quia substantia præscindi potest, à corporea, & incorporea, dicit gradum superiorem corporeo, & incorporeo. Nec est imaginabile, quamvis fingendi licentia detur, qualiter superius non dicat gradum aliquem supra naturas inferiorum, si actu non includat differentias illorum, quas tamen non includet, si ponitur ab

illis perfectè præcisum. Ergò cum Caiet. negaverit expressè talem gradum enti, negavit, & præcisionem perfectam.

Deindè, & in secundo loco duo dicit; Primum, quòd conceptus obiectalis entis sunt ipsæ naturæ specificæ, & genericæ. Ergò non aliquid præcisum perfectè à naturis genericis, & specificis, ut vult Ortiz. Secundum, Quòd ens, & passiones entis saluantur in quolibet gradu præcisè accepto; quilibet enim habet in se, unde sit, & indiuisus sit. Ergò &c. Additque, quòd hoc non saluatur à ponentibus ens abstrahibile à gradibus genericis, & specificis. Ergò, quia hoc Caiet. saluare voluit, utique non admisit entis perfectam abstractionem, qua admissa, ut ipse facetur, id saluari nequit.

Et tandem in primo loco concedens abstrahibilitatem entis, dicit, illud esse abstrahibile, non tamen modo Scotistico. Ergò, cum Ortiz dicat, illud esse abstrahibile modo Scotistico: Scotum enim, & Scotistas pro sua sententia citavit, videat, qua fide Caietanum inter suarum sententiarum retulerit patronos.

Dicit fortè aliquis in fauorè Ortiz, quod, ideò Caiet. dixit, ens esse abstrahibile non modo Scotistico, quia Scot. ita abstrahibile posuit, ut diceret esse uniuocum, quod omnes Thomistæ negant. Sed

Contra est. Quia quaestio de uniuocatione entis, est alia à quaestione

stione de abstrahibilitate eiusdē;  
 Nam ipse Ortiz, qui concessit  
 enti perfectam abstrahibilitatem,  
 negavit tamen uniuocationem.  
 Ergo cum Caiet. nullam mentio-  
 nem uniuocationis in qu. 2. fece-  
 rit, de hac enim in quæst. sequenti  
 disputat, solam abstrahibilitatem  
 perfectam, qualem Scot. negavit  
 enti, concessa imperfecta, qualem  
 communiter fideles D. Thomæ  
 discipuli concedunt, nosque cum  
 ipsis infra concedemus. Et quā-  
 uis ex istis locis, ex hac ipsa quæ-  
 stione Caiet., quam suæ senten-  
 tiæ Ortiz credidit, suffragari ad-  
 ductis, satis constet, quod Caiet.  
 tantum abstractionem secundum  
 quid enti concessit, qualem om-  
 nia analoga analogia proportio-  
 nalitatis habere possunt, inquan-  
 tum aliqua, ut similia aliquo-  
 liter præscindere, & præscindi possunt  
 à seipsis absolute sumptis. Ut ta-  
 men mens Caiet. clariùs innotes-  
 cat, adducam insignem Caiet.  
 locum ex Opusc. cit. de conceptu  
 entis, quod habetur inter Opusc.  
 ipsius immediatè post tract. de  
 nominum analogia, ubi mentem  
 suam, quid in his Commentarijs  
 supra S. Thom. tract. de En. & es-  
 sen. senserit, aperuit. Vbi expli-  
 cans, quomodo sibi ipsi non cō-  
 tradixit, quando in tract. de En.,  
 & essen. conceptum præcisum  
 enti concessit, quem in tract. de  
 nominum analogia negavit, sic  
 inquit. *Quidquid est imago alicuius  
 similis alteri, est etiam imago  
 illius alterius, quatenus primò assi-  
 milatur, ac per hoc omnis con-*

*ceptus creaturae est conceptus  
 Dei, sicut omnis creatura aliqua  
 est similitudo Dei. Hinc ergo fit  
 quod, cum unum proportionabiliter,  
 ut sic, habeat singula membra similia,  
 proportionabiliter oportet, quod ha-  
 beat etiā unū conceptū mentālē, re-  
 præsentatiuum illius unius propor-  
 tionabiliter. Nec huius oppositiū  
 tento in tract. de analogia nominū.  
 Sed conceptus iste unus numero se-  
 cundum esse subiectiuum est, unus  
 analogia secundum esse repræsen-  
 tatiuum; nec repræsentat unam  
 solam naturam, sed plerā unam,  
 quam determinatè repræsentat, à  
 qua est impressus, repræsentat im-  
 plicitè ceteras similes illi primò  
 repræsentate secundum id, in quo  
 proportionabiliter illi similis est.  
 Pro cuius loci intelligentia,*

Sciendum est, quod Caiet. in  
 tract. de nominum analogia cap.  
 5. de abstractione analogorum  
 analogia proportionalitatis dis-  
 ferens, dicit, quod ens, & quodli-  
 bet analogum abstrahit à suis a-  
 nalogatis, sicut unum proportio-  
 ne à multis simpliciter, vel, sicut  
 multa proportionaliter à seipsis  
 absolute sumptis; Vnde inferre  
 ibidem, quod entis abstractio non  
 consistit in hoc, quod entitas apprehendatur, & substantia, aut quan-  
 titas non, sed in hoc, quod substan-  
 tia, aut quantitas apprehendatur,  
 ut sic se habent ad proprium esse:  
 Et cap. 3. docet, quod concep-  
 tus analogi imperfectus est unus;  
 perfecti verò tot sunt, quot sunt  
 ipsa analogata; Explicantiq-  
 id, dicit, quod quodlibet analo-  
 gum

gum est simile alteri . Vnde species expressa representas aliquod analogatum , representat cætera , iuxta illud axioma . *Quidquid est simile alicui , est simile omni simili ipsi* . Cum ergo species representans analogatum , sit similitudo eius , etiam representabit cætera analogata , quæ sunt illi similia . Quia tamen hæc similitudo , quæ est inter analogata , est proportionalis , tantum diuersam rationem in alio fundamento habens , inde est , quod cætera analogata imperfectè representantur per speciem representatiuam unius , ac per consequens debent habere conceptus proprios , quibus perfectè represententur . Concluditque totam hæc doctrinam , sic . *Est ergo differentia inter analogiam , & uniuocationem , quoad conceptum mentalem : quia uniuoci , & uniuocatorum , ut sic , unus est conceptus , perfectè , & adequatè illis respondens , ut de cōceptu animalis patet . Analogi verò , & analogatorum , ut sic plures necessariò sunt cōceptus , perfectè ea representantes , & unus est conceptus imperfectè representans . Non ita , quòd sit unus conceptus adequatè respondens nomini analogo , & inadæquatè , analogatis , quoniam , secundum veritatem , nomen illud uniuocum esset , sed ita , quod conceptus unus representans perfectè alterum analogatum , ut sic , imperfectè representat reliquum .*

In quibus locis , ut vides , negat vnum conceptum perfectum , correspondentem nomini analogo ,

communemque analogatis ; sed tantum imperfectum concedit , inquantum vno analogato , representato in specie ipsius , etiam alia ipsi similia representantur . Et insuper dicit , quod abstractio Entis ab inferioribus , non consistit in hoc , quod ens apprehendatur , non autem inferiora eius ; sed in hoc , quod apprehendantur inferiora , ut sibi similia , Ergo , cum in auctoritate citata ex tract. de conceptu entis expressè dicat , quod ea , quæ docuit de ente , & essentia , non contradicunt illis , quæ asseruit de nominum analogia , clarum est , quod in commentarijs de ente , & essen ; quando conceptum entis præcisum admittit , intelligendus est de tali conceptu , qualem admisit de nominum analogia , scilicet de imperfectè præciso , qualem nos ponimus , non autem perfectè , ut vult Ortiz .

Ex quo intelliges quid voluerit Caiet. significare , quando dixit in authorit. cit. , ex tract. de conceptu entis , quod conceptus vnus entis , vel cuiuslibet analogi , non representat vnā solam naturam , sed ultra vnā , quam determinatè representat , à qua est impressus , representat implicite cæteras . Posset enim dubitari , quæ sit hæc natura , à qua hic conceptus , seu species menti imprimitur ; Sed iam ex locis de nominum analogia adductis cōstat , hanc naturam esse vnū analogatum , v.g. substantiam , cuius  
spe-

Species etiam repræsentat accidens, ut est simile substantiæ in esse, non autem est natura aliqua communis omnibus entibus, ab illisque abstracta, quia, ut arguit in loco ultimo Caiet., nomen illam naturam significans, non esset analogum, sed uniuersum.

Hæc paulò fufius circa mentem Caiet.; Et quamuis, vel hæ ipsæ, quas adduximus, auctoritates, si maturius ponderentur, clariùs mentem Caiet. aperirèt, & plura alia loca eiusdem ad id declarandum possemus adducere; tamen breuitati consulens, & ab exaggerata auctoritatum per se clarissimarum ponderatione supersedere, & ad ipsa Caiet. opera, lectorem remittere, consultiùs duxi.

Vides itaque Caiet. nullatenus Scotisticæ sententiæ fauere, & idem credo de Capreolo, Beza, & alijs. Hac ergo opinione Scoti, simul cum Thomistis Scotizantibus relicta, sit.

**§. 2. Determinatur ex mente Aristot., & Angelici Doct., Ens nullum habere conceptum perfectum, perfecteque ab inferioribus præcisum, vel præscindibilem.**

**V**etus, & receptissima in schola Thomistica sententia

negat enti conceptum perfectum præcisum, cum qua etiam nos.

Dicimus primò, siuè de conceptu formali, siuè de conceptu obiectiuo sermo sit, ens non habet vnum conceptum communem inferioribus, ab illisque præcisum. Ita communiter Thomistæ, tam antiqui, quàm recentiores. Caiet. locis supra relatis. Ferrariensis 1. contr. gentes: cap. 34. Zanardus 4. Metaph. qu. 2. Arauxo ibidem qu. 3. ar. 3. Fladria 4. Metaph. q. 2. ar. 5. ubi dicit, quod hanc sententiam tuerentur omnes, qui verè sunt de schola S. Thomæ, Soricinas 4. metaph. q. 3. Nazarius 1. p. q. 3. ar. 5. Massius in Catheg. lect. 1. q. 6. Galleg. contr. 2. nost. Complur. in log. disp. 11. q. 5. Ioan. à S. Th. in log. q. 13. ar. 5. noster Philippus à SS. Trinitate summæ Philosophiæ 3. qu. 2. ar. 1. sequuntur ex Neotericis, Vasq. 1. parte, disp. 114. cap. 4. Rubio in tract. de analogia, & alij plures relati à Rubio ibidem.

Hæc sententia duplici via probatur. Auctoritatibus, & rationibus. Primum in hoc §. secundum autem §. sequenti præstabimus. Antequàm tamèn probetur conclusio, pro ipsius intelligentia.

Supponendum est primò, hanc difficultatem non procedere de ente, secundum, quod est analogum analogia attributionis. Certum enim est, ens secundum hanc analogiam non posse habere conceptum præcisum à suis inferioribus, illisque communem, quia

quia, ut ex dictis disp. præcedēti constat, ratio significata per nomen analogum analogia attributionis, tantum est intrinsecē in vno analogato, ac per consequens sit vna, non tamen communis omnibus analogatis, nisi forte communitate ordinis, in quantum ad illam omnia referuntur, ab illaque extrinsecē denominatur. Sed difficultas est de ente, ut est analogum analogia proportionalitatis, secundum quam intrinsecē reperitur in omnibus analogatis.

Supponendum est secundo; Conceptum intellectus duplicem esse; Alium formalem, qui est ipse actus intellectus concipiens obiectum, vel potius, ipsum verbum mentis, quod est terminus prædicti actus; Alium obiectivum, qui est ipsa natura actu intellectus concepta, & in verbo mentis representata. Conceptus autem formalis iterum est duplex. Alius ultimus, quo cognoscimus res significatas per voces, & alius non ultimus; quo ipsas voces cognoscimus. Rursus conceptus formalis ultimus est duplex. Alius perfectus, explicitus, distinctus, quo producitur verbum representativum plurimum secundum aliquam unam rationem, seu gradum: ita, ut immediate, & distincte representet talem gradum, seu rationem in inferioribus inuentam; Alius imperfectus, implicitus, confusus, & est actus intellectus, producens verbum mentis, representativum

immediate ipsa plura, ut proportionabiliter similia, non autem, aliquam rationem communem ipsis.

Supponendum tertio, quod, quando vnum conceptum, etiam formalem, negamus enti, non loquimur de conceptu non ultimato; hunc enim, certum est, vnum esse, cum etiam ipsum nomen sit vnum; Sed loquimur de Conceptu ultimo, eoque perfecto, ut expresse in conclusione diximus; imperfectum enim conceptum habet ens in omni sententia.

Et facile istud suadetur à priori, & posteriori. A priori quidem; Quia inferiora entis habent proportionalem convenientiam toti ente, ergo illa intellectus poterit immediate cognoscere, ut sic proportionabiliter convenientiam; Sed in hoc consistit ratio conceptus imperfecti, ut in suppositione præcedenti dictum est. Ergo, &c. A posteriori autem; Quia audito nomine entis, sæpenu-mero intellectus se colligit ad vnum conceptum, nec distrahitur explicitè in conceptus inferiorum. Ergo, conceptus entis potest esse saltem imperfectè v- nus, ac per consequens præcisus ab inferioribus, saltem imperfectè, quia nullam habet unitatem sine præcisione. Nam, ut concretum inferioribus, multiplicatur in ipsis.

Confirmatur. Analoga habent convenientiam aliqualem. Ergo & unitatem ortam ex præcisione

R

con-

conceptus; quia, ut infra patebit, conuenientia est radix vnitatis conceptus præcisi. Ergo etiam ens, cum sit analogum, aliqualem conuenientiam, vnitatemque habebit.

Tota ergo difficultas est de conceptu obiectiuo, & formali perfecto. Sed adhuc.

Supponendum est quartò. Ipsam radicem difficultatis refundi in conceptum obiectiuum. Hunc enim ordinem, & dependentiam istam dicit conceptus formalis ad obiectiuum, ut qualis est iste, talis est, vel esse potest, & ille, si iste perfectus, & ille, si hic imperfectus, & ille imperfectus, vel est, vel esse debet. Siue enim nunc conceptus formalis, vocatus actum intellectus, (ut alij dicunt), siue eius terminum, seu verbum mentis, (quod ego conuenientius censco) conceptus formalis, semper debet se accommodare conceptui obiectiuo; quia & actus intellectus cognoscens, & verbum mentis representans, debent sequi de necessitate conditiones naturæ cognitæ, siue representatæ, ita quidem, ut si illa fuerit perfecte vna, perfecteque ab inferioribus præcisa, vel præscindibilis, poterit cognosci, & representari formaliter, ut vna, ac per consequens, & actus cognoscens, & verbum representans, habebunt suam vnitatem, non solum in esse entitativo, sed etiam in esse cognoscitativo, seu representativo. Si verò illa natura non fuerit vna in inferioribus, sed

multiplex cum sola proportionabili vnitatem, etiam verbum erit multiplex, & actus similiter multiplex, non quidem in essendo, sed in representando, tantumque vnitatem secundum quid, seu imperfectam in hoc ordine habebunt. Hinc sequitur, quod, si conuincerimus, tum auctoritatibus, tum etiam rationibus, ens non dicere naturam vnā perfecte præscindibilem ab inferioribus, sed significare immediatè ipsa inferiora secundum rationes proprias illorum, ut sunt proportionabiliter similia in ipsis, conuincemus etiam, non dari in intellectu vnū conceptum formalem perfectum entis, sed tantum imperfectum. Quibus suppositis.

Cōclusio auctoritatibus Arist. & S. Tho. probatur, & ostenditur, ex illorum mente, ens non significare aliquam naturam communem inferioribus, sed immediatè ipsa inferiora, ut proportionabiliter similia. In primis ergo Arist. 8. Metaph. text. Commen. 16. dicit. *Ipsū ens, hoc quidem hoc quale quantum; quare non inest definitionibus, nec ens, nec vnum, nec ipsum, quod erat essentia statim vnum quiddam est: quemadmodum, & ens quoddam. Propter ea non aliqua alia causa, vlli istorum, ut vnum sint, nec ut ens quiddā sint, statim etenim vnumquodque est ens quiddam, non ut in genere in ente, & vno, nec tanquam sunt separata præter particularia.*

Quæ verba, ut intelligas, accipe explanationem D. Tho. quam ha-



habet ibidem in 3. Metaph. lect. 5. in hæc verba. *Cum decē predicam: non hoc modo se habeant ex additione ad ens, sicut species se habent ex additione differentiarum ad genera, sed hoc ipsum, quod est ens, manifestū est, quod ens nō expectat aliquid additū ad hoc, quod fiat hoc, id est, substantia, vel quantū, vel quale, sed statim à principio est, vel substantia, vel quantum, vel qualitas, & similiter id, quod est suum, id quod erat esse, ut supra dictum est. Statim est unum, sicut & statim est ens, non enim est in eo materia expectans formam, à qua habeat unitatem, & esse, & ideo in talibus non est causa mouens ad hoc, quod sit unum.* Hæc S. Thomas pro explicatione mētis Philosophi, cuius doctrina nequit cohærere cum conceptu præciso entis. Quod ostendo sic. Quia Philosophus (ut in eius textu, & expositione S. Tho. videre potes) dicit, quod ens seipso sine aliquo addito est substantia, quantitas, qualitas, &c. Ergo non dicit conceptum præcisum; tali enim conceptu posito, ens, sicut esset à differentiis præcindibile, ita esset per illas contrahibile, ac per consequens, non per seipsum, sed per differentias, vel modos se contrahentes fieret Quantitas, Qualitas &c. quod est contra Philos.

Similiter idem Philos. 7. Metaph. tex. Comment. 1. dicit. *Ens multipliciter dicitur, quemadmodum in his, quæ de quoties prius diuisinus, significat enim aliquod quidem quid est, & quod quid, aliud*

*verò, quod quale, aut quantum, sunt singula aliorum, quæ ita prædicantur.* Cum autem ens toties dicatur, patet primum horum ens esse ipsum quod quid est, quodque substantiam significat. Vbi duo sunt obseruanda. Primò, quod ens dicitur multipliciter, sicut animal, quia habet unum conceptum communem, nō dicitur multipliciter, sed semel tantum, etenim animal non est, nisi viuens, sentiens. Quāuis enim ratio animalis dicatur de homine, boue, leone, &c. quæ sunt multa, ipsum tamen animal non dicitur multipliciter, quia differentiarum constitutiuarum animalis inferiorum, sunt extra conceptū rationis animalis, ideo illam immultiplicatam relinquunt. Ergo similiter, si differentiarum, vel modorum constitutiui inferiorum entis essent extrā ipsam rationem entis (essent autem necessariò, si essent ab illa præcindibiles) relinquerent rationem entis immultiplicatam, ac per consequens: ens nō diceretur multipliciter, ut dicit Philos. Secundò obseruanda sunt illa vltima verba Philos. in quibus docet, substantiam dici prius ens, quàm accidens, quod etiam repetit, & probat ibidem. Ergo sentit, rationem entis non esse abstractam à substantia, & accidente, si enim abstracta esset, æqualiter omninò diceretur ens de substantia, & accidente, ut ex rationibus 5. sequenti afferendis patebit.

Dices, substantiam dici primò ens, secundum analogiam attri-

butionis, non autem secundum analogiam proportionalitatis, quia, ut disput. præced. dictum est, analogia proportionalitatis dicit æqualitatem in proportionibus, non quidem vniuocam, sed proportionalem. Cum ergo, ut ex dictis in suppositione prima constat, nos hic non agamus de ente, ut est analogum analogia attributionis, sed, ut est analogum analogia proportionalitatis, videtur hæc auctoritas Philosophi non esse ad rem. Sed.

Contra est. Licet dici per prius de vno, quam de alio competat enti secundum analogiam attributionis, non autem secundum analogiam proportionalitatis; tamen admissio in ente vno conceptu perfecto, perfectèque ab inferioribus præciso, non posset ens etiam, ut est analogum analogia attributionis, dici primò de substantia, quàm de accidente. Ergo cum hoc expressè docuerit Arist. ex ipsius mente optimè deducitur, ens non habere vnum conceptum perfectè ab inferioribus præcisum. Consequenter patet, & prob. Antec. Conceptus præcisus perfectè non potest ab inferioribus participari secundum prius, & posterius, quia illum participant inferiora, vnum independentem ab alio, aliàs, si ille conceptus dependentèr secundum prius, & posterius participaretur, non esset perfectè præcisus, quia neque esset perfectè vnus, cum in se clauderet inæqualitatem. Ergo quamuis secundum aliquod aliud nomen,

alianique rationem per nomen significatam, posset esse inter inferiora dependentia, prioritas, & posterioritas, ac per consequens analogia attributionis, non tamè secundum illam rationem perfectè abstractam: Sicut quia animal, vel homo perfectè abstrahit ab inferioribus, idè licet Petrus filius dependeat à Paulo suo Patre, & si poneretur aliquod nomè hanc dependentià significans, verò inter illos inueniretur analogia attributionis, tamen secundum rationem hominis, vel animalis, nec dependere à se, nec inter se possunt analogari. Cum ergo inter substantiam, & Accidens, & similiter inter alia inferiora entis in ipsa entis ratione inueniatur dependentia, prioritas, & posterioritas, ac per consequens analogia attributionis, planè sequitur, quòd ens non possit dicere vnum conceptum perfectè ab inferioribus præcisum, aliàs nunquam respectu illorum posset esse analogum analogia attributionis. Hæc ostendenda mente Aristot. sufficiant, quamuis, nisi breuitati studerem, possem plurima eius loca adducere ex 1. Metaph. apud S. Th. lect. 3. ex 6. Metaph. Text. 3. ex 5. Metaph. Text. 15. & alia plura, in quibus clarissimis verbis asserit, ens significare immediatè sua inferiora, non autem aliquem gradum vnum perfectè ab illis præcisum, ipsisque communem.

Arist. secutus est D. Th. In primis enim 1. p. q. 13. a. 5. in corp. expressè dicit. *Quòd in his, quæ*

ana.



analogicè dicuntur, non est una ratio. Ergò cum ens analogicè dicatur de inferioribus, non dicit unam rationem communem ipsis, perfectèque præscindibilem ab ipsis. Similiter quaest. 7. de poten. 2. 5. ad 5. in contrarium obiect. dicit. *Quòd accidens non potest esse simile substantiæ similitudine, quæ attenditur secundum formam unius rationis.* Sed si ens diceret unum conceptum præcisum perfectè à suis inferioribus, iam accidens diceretur simile substantiæ secundum formam eiusdem rationis, scilicet secundum illum conceptum præcisum entis, quia omnino esset idem in substantia, & Accidente, ut potè omni diuersitate à modis contrahentibus ipsum proueniente spoliatus. Ergo &c.

Deinde. Nam idem S. Tho. ut probet, nihil de Deo, & creatura posse prædicari uniuoce, assumit hoc medium quaest. 2. de veritate artic. 11. in corp. *In omnibus uniuocis communis est ratio nominis utriusque, de quibus nomen uniuocè prædicatur.* Et exinde ibidè negat inter Deum, & creaturam uniuocationem, quia repugnat inueniri aliquam rationem illis communem. Ergò ex mente S. Tho. Ens non dicit conceptum unum perfectè ab inferioribus præcisum, aliàs ratio entis Deo, & creaturæ esset communis.

Resp. ex sententia Ortiz, quòd S. Tho. negauit Deo, & creaturis esse aliquam rationem communem uniuocè, non autem analogicè. Sed.

Contra est S. Doctor ibi, ut negaret uniuocationem, negauit conceptum communem. Ergò si non nugatoriè processit (quòd de illo nullus sanæ mentis suspicari potest) debuit uniuersaliter communiter conceptus enti denegare, aliàs si de sola communitate uniuoca loqueretur, idem per idem probaret, ut consideranti patebit.

Tandè 1. contr. gen. cap. 32. dicit, de Deo nihil dicitur per participationem; nam omne, quod participatur, determinatur admodum participati, & sic partialitèr, siue particularitèr habetur, & non secundum omnem perfectionis modum, Sed si ens diceret unum conceptum præcisum perfectè à Deo, & creaturis, sicut, & ab alijs inferioribus, necessariò illum conceptum abstractum participaret Deus, quia ille conceptus secundum aliquid sui determinaretur ad hoc, ut sit Deus. Ergò cum S. Tho. negauerit absolutè, aliquid posse competere Deo per participationem, ne remoueret ab ipso omnis entis plenitudinem, qui ponunt conceptum entis perfectè ab inferioribus præcisum, manifestè menti S. Tho. contradicunt.

Insuper 1. cont. gent. c. 25. negat S. Tho. ens posse per aliquam differentiam contrahi. Ergo ex mente eius non habet conceptum præcisum: Quilibet enim conceptus præcisus est cōtrahibilis per differentias, & modos, à quibus præscinditur.

Obijcies ex S. Tho. quaest. 1. de verit. art. 1. ubi dicit. *Istud, quod*

primò intellectus concipit, quasi notissimum, & in quod omnes conceptiones resoluit, est ens, ut Auicenna dicit in principio Metaphysicae suae, unde oportet, quod omnes aliae conceptiones intellectus accipiantur ex additione ad ens. In quibus verbis, inquit Ortiz, asseruit conceptum representantem ens.

Potestq; in gratiam Ortiz hanc auctoritas premi: Quia S. Doctor dicit, omnes conceptiones intellectus fieri ex additione ad ens. Ergò conceptus entis debet praescindere perfectè à conceptibus inferiorum: non possent enim aliquid addere ad ens, nisi ens esset quid separatum, & praecisum ab ipsis.

Resp. S. Thomam ibidem suam mentem explicuisse, ut mirum sit, virum eruditum hanc auctoritatē pro sua sententia adduxisse, quā nisi mutilatam adduxisset, suam, per illam, opinionem euerteret. Quod ut euidenter pateat, accipe integram D. Thomae doctrinam. Illud, quod primò intellectus concipit quasi notissimum, & in quod omnes conceptiones resoluit, est ens, ut Auicenna dicit in principio Metaphys. suae. Unde oportet, quod omnes aliae conceptiones intellectus accipiantur ex additione ad ens. sed enti non potest addi aliquid, quasi extranea natura; per modum, quo differētia additur generi, vel accidens subiecto quia qualibet natura essentialiter est ens. Unde etiam probat Philosophus in 3. Metaph. sic, quod ens non potest esse genus: Sed secundum hoc dicuntur addere supra ens, in

quantum expriment ipsius modum, qui nomine ipsius entis non exprimitur. In quibus verbis, ut vides, S. Thomas tantum imperfectum conceptum entis admittit, qui tantum ab inferioribus distinguitur penes maiorem, vel minorem eiusdem rationis expressionem.

Obijcies secundò cum eodem, Ortiz adducundò alium locum S. Thom. ex cap. 1. de ent. & ess. ubi S. Tho. dicit; Ens, & essentia sunt, quae primò ab intellectu concipiuntur, ut dicit Auicenna in Metaph. Ergò ex mente S. Tho. datur conceptus entis primò ab intellectu apprehensus.

Resp. Admissa auctoritate distingu. Consequens. Datur conceptus perfectè praecisus, nego. Imperfectè, concedo. Ad hoc enim, ut Intellectus apprehendat rationem entis primò in qualibet re, sufficit, illum esse imperfectè praecisum penes rationem consulam, & distinctā, ut ex dictis in quaest. praecedenti constat.

§. 3. *Rationibus suadetur, ens non habere unum conceptum communem inferioribus perfectè à conceptibus illorum praecisum.*

**I**Am ex mente Aristot. & D. Tho. deduximus, ens non habere unum conceptum perfectè ab inferioribus praecisum; restat, ut id etiam rationibus suadeamus; Est ergò.

Pri-

Prima ratio, quam etiam adduxerunt Nost. complut. disp.cit. in Log. Nullum transcendens potest esse gradus communis, & præcisus ab illis, quæ transcendit; sed ens est transcendens respectu suorum inferiorum. Ergo non potest esse gradus communis, & præcisus ab illis. Minor patet ex dictis disput. præced. & probatur Maior. Omnis gradus communis, & præcisus est contrahibilis, & determinabilis per illas rationes, à quibus præscinditur; Sed gradus transcendens non potest esse contrahibilis, quia quod contrahibile est, facit compositionem cum contrahente, sicut genus cum differentia: iam autem ubi est transcendentia, ibi compositio repugnat, quia sicut in compositione necessaria est coniunctio extremorum, ita requiritur, quod extrema se excludant; ac per consequens, quod unum imbibatur per modum transcendentis in alio. Ergo &c.

Resp. Ortiz distinguendo Maiorem, nullum transcendens potest esse gradus communis, & præcisus, præcissione positiva. Concedo. Negativa præcissione. Nego. Pro cuius intelligentia,

Supponit ipse, duplicem esse, præcissionem: Alteram negativam alteram positivam. Negativa est, quæ tunc contingit, quando Intellectus considerat unam rationem communem, & negativè se habet erga inferiores. v.g. Si consideret in homine gradum viventis, non considerando gradus sensibilis, rationalis, &c. Positiva est, quan-

do separat genus à differentiis, & differentias à genere. Quamvis ergo (dicit ille) ens non possit præscindi à differentiis, & modis suorum inferiorum præcissione, positiva, quia intimè imbibitur in ipsis, ac per consequens non potest intellectus separare à ratione entis, quasi extrahat rationem, entis ab ipsis, potest tamen ab illis præscindi præcissione negativa, quia (dicit), cum differentia non sint de conceptu essentiali entis, poterit ens sine illis cognosci, ab illisq; præscindi præcissione negativa, in hac cognitione rationis superioris sine inferiori consistente.

Datque instantiam Ortiz, sumendo exemplum ex relationibus Divinis, quæ non includuntur in essentia Divina per modum transcendentis, nequè sunt prædicatum quidditativum respectu ipsius, ut docent nost. Salmat. tom. 2. tract. 6. disp. 5. dub. 4. cum tamen Essentia divina includatur in ipsis per modum transcendentis, ut ex mente S. Tho. deducit evidentissimis rationibus, & probant ibidem Salmat. dub. 3. Ideoque, addit Ortiz, etsi relationes Divinæ non possint cognosci sine essentia, bene tamen essentia cognosci sine relationibus potest. Sed

Contra est primò directè contra solutionem Ortiz. Quando dicis, quod ens potest præscindi à differentiis, vel modis constitutivis inferiorum entis, præcissione negativa (in quantum potest in-

tel-

intellectus cognoscere rationem entis, non cognitis rationibus differentialibus, vel modis constitutivis, ) vel illud, quod, cognita essentia entis, non cognoscit intellectus, sed habet se merè negativè circa illud, est ens, vel non est ens; si primum. Ergò nò abstraxisti perfectè conceptū entis, quia aliquid eius in his, à quibus abstrahit, reliquisti, ac per consequens fateri nobiscum, vel inuitus, debes, ens etiam præcisione negativà à suis inferioribus perfectè abstrahi non posse. Si secundum. Ergò nihil remansit post conceptum entis ablatū, seu cognita ratione entis, nihil superest incognitum, circa quod negativè se habeat Intellectus, per consequens, cum differentia, vel modi constitutivi inferiorum entis, non sint nihil, circa illas non poterit se habere negativè Intellectus, seu non cognoscere. Illas, cognita ratione entis, proindeque non poterit ab illis ratio entis præcindi præcisione negativà, nisi fortè imperfectè, penes rationem impliciti, vel expliciti, in quantum v. g. substantia sub conceptu entis dicit explicitè convenientiam proportionalem cum accidenti in esse, quam sub conceptu substantia dicebat implicitè.

Contra est 2. contra eandem solutionem Ortiz, evertendo ipsius argumentum; quòd scilicet sine modis, & differentiis ens sit cognoscibile ex eo, quia modi, & differentia non sunt de conceptu

quidditativo entis. Sic ergò arguitur. Vel hæc ratio supponit; quòd in omnibus, in quibuscumque vnum non est de conceptu quidditativo alterius; vnum possit sine altero cognosci, vel non. Si sic, fallum supponit Ortiz, multa enim sunt, quorum vnum non est de conceptu quidditativo alterius, attamen propter intimam connexionem vnum non potest cognosci sine alio, ut patet in relativis; Quamvis enim ordo fundamenti ad terminum sit de conceptu fundamenti, ut fundamentum est, tamen ipse terminus nò est de illius conceptu, & nihilominus impossibile est cognosci fundamentum formalitè sine termino, cum secundum Philosophi, Relativa sint simul intellectū. Si autem dicat, quòd non in omnibus hoc sit verum, assignare debuit rationem, cur hoc inveniatur in ente, & inferioribus eius: quam quia non assignavit, quòd dixit, gratis dixit, ideoque gratis reijcitur.

Contra est tertio evertendo idem fundamentum. Quando tu dicis, differentias non esse de conceptu quidditativo entis, vel sic intelligis istam propositionem, quòd differentia non constituent ens in ratione entis, vel sic, quòd differentia nò clauduntur actualiter in conceptu quidditativo entis. Si primo modo, malè ex hoc infer, quòd ens possit cognosci non cognitis differentiis, quia quamvis aliquid non constituat aliquid in esse talis forma

liter

liter, si tamen includitur in ratione quidditatiua, seu essentiali ipsius, non poterit cognosci sine illo; ut patet in animali, nam, etsi non constituat hominem in esse hominis, quia tamen clauditur in ratione essentiali ipsius, tanquam pars eius, non potest cognosci homo sine animali, quia, ut dicit S. Tho. abstracto animali, non remanet in intellectu homo, sed tantum rationale. Si verò secundo modo intelligis, falsa est propositio, quia cum ens in suo conceptu ambiat omne id, quod non est nihil, differentia etiam secundum suam formalissimam, & ultimam rationem, sicut sunt extra nihil, ita intra conceptum entis contineri debent.

Ad illam verò instantiam de Relationibus diuinis resp. dupliciter. Primò, distinguendo illam propositionem: Essentia diuina potest cognosci sine Relationibus, cognitione imperfecta confusa, quæ est secundum modum nostrum cognoscendi imperfectum. Conceditur. Cognitione perfecta, clara, & distincta. Negatur. Essentia enim diuina non potest cognosci perfecte sine Relationibus, ut patet tam in cognitione diuina, quam in cognitione Beatorum. Nam & Beati, videndo essentiam, clarè vident personas, neque illam, etiam de absoluta Dei potentia, possunt videre sine ipsis, ut egregiè probant Nostri Salmat. 1. part. Traçt. 2. disp. 2. dub. 2. Et pater etiam illa intellectio-  
ne secunda, ex qua procedit ver-

bum diuinum, non intelligit essentiam sine personis: Vnde, ut idem Salmat. docent p. 1. Tom. 2. traçt. 6. disp. 12. dub. 1. Verbum diuinum procedit etiam ex cognitione personarum; Et ratio, cur essentia Dei non possit cognosci sine Relationibus perfecte, est, quia essentia non cognoscitur perfecte, nisi cognoscatur, ut fecunda; non cognoscitur autè fecunda sine personis, quæ constituuntur, & distinguuntur Relationibus, ac per consequens non potest perfecte cognosci, non cognitis Relationibus: Vnde si hoc exemplum urget aliquid, probat, ens posse apprehendi, seu cognosci præcisive sine differentijs, & modis, præcisione imperfecta, non autem perfecta, sicut & ipsa essentia, licet possit imperfectè cognosci sine Relationibus, non tamen perfecte.

Resp. 2. Quòd etiam gratis admisso, quòd essentia diuina etià cognitione perfecta potest cognosci sine Relationibus, negandum est, quòd etiam ens possit cognosci sine inferioribus. Vnde exemplum hoc non est ad propositum. Est enim inter essentiam diuinam, & Relationes ex vna, ac inter ens, & inferiora entis ex alia parte magna differentia, quam, ut intelligas.

Scito, duplicem esse transcendentiam. Alia enim inuenitur secundum communicatè rei, & alià secundum communitatem rationis. Transcendens communitate rei dicitur illud, quòd per modum prædicati singularissimi, & immul;

triplicati inuenitur in illis, in quibus transcenditur. Hæc autem transcendencia solum potest inueniri in naturis infinitis, vt aduertunt Nostri Salmant. 1. p. tract. 6. disp. 5. dub. 3. num. 91. & 92. Et ratio istius est, quia hoc transcendens, vt diximus, debet secundum singularissimam suam rationem inueniri in pluribus: Natura autem singularis, si finita sit, non potest inueniri in pluribus, etiam si illa plura sint ab illa tantum virtualiter distincta, ex eo, quod naturæ finitæ amplitudo tollitur per singularitatem, ita, vt non sit amplius determinabilis per aliquid, etiam virtualiter distinctum, in quo imbibatur, vt patet in hoc homine, v. g. Petro, in quo, ita omnes gradus determinantur, vt amplius determinabiles non sint. Transcendens autem communitate rationis est illud, quod secundum suam rationem genericam, ita inuenitur in pluribus, quod etiam multiplicetur in ipsis. Non enim dantur aliquæ naturæ communes à parte rei à singularibus separatæ, & habentes suam vnitatem formalem, sed multiplicantur in inferioribus, vt probant Nost. Complut. in Log. disput. 3. quæst. 3. Ex quo sequitur notandum discrimen, quod intercedit inter transcendentia communitate rei, & transcendentia communitate rationis, quod scilicet transcendens communitate rationis pertinet ad lineam eorum, quæ transcendit, quia distinctæ ( vt sic dicamus ) portiones illius inue-

niuntur in diuersis, atque ita secundum vnā portionem inuenitur in vna, secundum verò aliam in alia linea; Vnde transcendentia hac communitate possunt non distingui etiam virtualiter ab illis, quæ transcendunt. Transcendens autem communitate rei, ita imbibitur in alijs, vt ad eorum lineam non pertineat, quia cum sit commune illis secundum suam simplicissimam rationem, non est multiplicabile in ipsis, ac per consequens etiam in illis, in quibus sic imbibitur, rationem politiuam suæ lineæ secum trahit. Vnde fit, vt semper distinguatur, saltē virtualiter, ab illis, quæ transcendit, vt docent citati Salmant: Tom. 1. tract. 6. disput. 3. dubio 2.

Hinc ergo iam ostenditur promissum discrimen inter essentialia diuinam, & Relationes ex vna, ac inter rationem entis, & inferiora eius ex alia parte, ratione cuius exemplum allatum ab Ortiz non conuincit, nec probat intentum. Nam essentialia diuina, cum sit transcendens communitate rei respectu omnium diuinorum, etiam, vt est transcendens, est alterius lineæ ab illis, quæ transcendit; Vnde, etiam si imbibatur in amore diuino essentiali, non tamen Spiritui S. communicabitur natura sub conceptu naturæ: hinc eius processio non est generatio, vt docet communiter Thomistæ, quamuis ei communicetur ex vi suæ processionis Amor. Et hoc non ob aliam rationem, nisi quia etiam, vt imbibitur in linea amoris, est distincta



est virtualiter ab eo, tanquam res ad aliam lineam spectans. Inde est, quod etiam posset (si alia non obessent) quantum est ex vi huius transcendentia cognosci perfecte, non cognitis Relationibus, quia etiam, ut imbibitur in illis, est res alterius lineæ ab ipsis, sicut propter eandem diuersitatem linealē, etiam, ut imbibita in amore, non comunicatur Spiritui S. ex vi suæ processione præcisē, & formalissimē sumpta, licet ei comunicetur Amor, in quo imbibitur. Cæterum Ens est transcendens communitate rationis, ac per cōsequens pertinens ad lineam, siue ad rationē eius, quod transcendit, ita ut in homine sit homo, in rationali, rationale, in substantia, substantia, in accidenti, accidens, ac per consequens non poterit cognosci, non cognitis saltem implicitē inferioribus, quia intimē per modum prædicati, & conceptus indistincti includitur in ipsis, ita ut sola distinctio penes rationes impliciti, & expliciti inter ens, & inferiora eius intercedat.

Secunda ratio principalis pro nostra conclusione, qua etiam nostri Complut. vtuntur est talis. Si ens præcinderetur perfecte à suis inferioribus, esset vniuocum respectu illorum. Sed hoc est contra communem Thomistarum sententiam, quam disp. præced. contra Scotum defendimus. Ergo &c. Sequela ex definitione vniuocorum probatur, quia vniuoca sunt, quorum nomen est commune, & ratio significata per illud nomen

est omninō eandem, sed in casu ens diceret vnum nomen, & rationem omninō eandem. Ergo esset vniuocum. Minor, quantum ad vnitatem nominis, ex se patet, quantum verō ad rationem omninō eandem significatam per nomē, probatur. Illa ratio est omninō eadem identitate sufficienti ad vniuocationem, quæ in se non includit actū principia distinguētia, etiam si illa contineat in potētia, ut patet in animali, quod dicit rationem omninō eandem, etiam si contineat rationale, & irrationale in potentia; Sed si ens esset perfecte præcisum à suis inferioribus, non contineret actū principia distinguētia, quia, sicut esset actū vnus, ut Aduersarij volunt, ita actū excluderet principia se multiplicantia, Ergo &c.

Resp. Suarez, cuius etiam responsioni subscribit Ortiz, concedendo, quod in conceptu præciso entis nulla sit actualis diuersitas, negando verō in eodem nullam esse diuersitatem radicalē, consistentem in eo, quod ens sic abstractum petit descendere ad inferiora cum inæqualitate. Sed.

Contra arguitur primō. Nam illa inæqualitas radicalis non impedit vniuocationem, cum etiam ipse conceptus vniuocus animalis v. g. dicat inæqualitatem radicalem, siquidem est radix differentiarum inæqualium, easque continet in potentia. Ergo &c.

Resp. Ortiz negando, diuersitatem, siuē inæqualitatem radicalem repertam in conceptu com-

muni nō esse sufficientem ad tollendam vniuocationem . Et ad probationem in contrarium, dicit cum distinctione. Conceptus vniuocus v. g. animalis dicit inæqualitatem radicalem, inæqualitatem inter differentias repertā: Concedo. Inæqualitatem inuentā in ipsa ratione eius. Nego. Datq; rationem dictorum. Quia conceptus genericus, quando de facto contrahitur, & inuenitur in suis inferioribus, est cum omnimoda æqualitate in sua ratione, etsi differentiarum inter se, & ex proprijs rationibus sint inæquales; atque ideo tota inæqualitas, siue diuersitas reperta in ratione vniuoca nō est ex parte rationis cōmunis. Non sic autem res se habet respectu entis comparati ad sua inferiora, quia inferiora entis non solum ratione suarum differentiarum, sed etiam ratione ipsius conceptus entis dicunt differentiam, & inæqualitatem, quia in illa ipsa ratione entis inuenitur inter illa dependentia, cuius radix est ipsa ratio entis, vt est præcisā à suis inferioribus, & ideo, vt præcisā, est inæqualis, per consequens non vniuoca.

Si autē instes, & ulterius quæras ex Ortiz, quæ causa, & radix huius sit, quod conceptus entis ex vi suæ rationis intrinsecæ petat ad inferiora descendere cum inæqualitate? Resp. in quæst. cit. §. 3. in qua probat suam sententiam, nostra (vt ille dicit) fundamenta destruendo, quod hoc promoueat ex transcendentia, & vni-

uersalitate entis, quia nimirum ens, cum sit prædicatum transcendens, quam transcendentiam, etiā vt est sub statu præcisionis, non amittit, petit ex natura sua, & ex suis meritis imbibi, & claudi in omni modo, & differentia rerum omnium iuxta naturam, & modum eorum; Vnde petet imbibi in primo ente omnino independentem, & in ente per participationem dependentem à primo, & in substantia independentem ab accidente, in accidente verò dependentem à substantia.

Explicatur hoc ipsum, supponendo, quod Analogia est secunda intentio, seu relatio rationis, sicut & ipsa vniuocatio, quia tam vniuoca, quam analogia referuntur ab intellectu ad plura: illa quidem ad plura, vt omnino conuenientia, hæc verò ad plura, vt partim conuenientia, & partim disconuenientia, seu, quod idem est, illa omnino æqualiter, hæc verò partim æqualiter, partim inæqualiter. Quod ergo retulerit intellectus ad plura cum omnimoda æqualitate ex parte rationis relatæ se tenente, erit vniuocum; quod autem retulerit ad plura cum aliqua inæqualitate ex parte eiusdem rationis se tenente, erit analogum: Cum ergo ens referatur ad inferiora cum inæqualitate, quia, etsi non includat in se actu differentias, tamen petit includi in ipsis ex ipso suo conceptu intrinseco, quia transcendens est, ac per consequens, cum differentiarum sint inæquales, ens etiam ex suo concep-



us, secundum quem petit includi in differentiis, dicit inæqualitatem. Hæc est doctrina excerpta fidelissimè ex Ortiz, cui tantum abest, ut aliquid detraxerim, quinimmo maiorem vim, & energiã (quantum per tenuitatem mei ingenij licuit) addidi, ut mea, eiusque scripta consideranti patebit.

Nihilominus hæc eius responsio, & doctrina non placet, quia multa in se continet falsa, & non satisfaciunt difficultati. Verumque euidenter ostendo; In primis enim falsum est, quod in hac responsione dicitur, ens esse transcendens, si semel eius conceptus supponitur esse perfectè abstractus; est enim contra rationem transcendentis, quod si se separabile, seu præscindibile quacunque præcisione ab illis, quæ transcendit, ut in præcedenti ratione demonstratum est.

Secundò falsum est, quod in ipsa ratione entis, præcis differentiis, sit dependentia, vel inæqualitas, quia præcis differentiis, nihil est in ente, quod faciat in ipso distinctionem, quia, ut ipse Ortiz fatetur, conceptus entis, ut præcis ab inferioribus, est perfectè vnus, ac per cõsequens omnem distinctionem repugnantem unitati excludit. Ergò præcis differentiis, non habet dependentiam, vel inæqualitatem, nam dependentia, vel inæqualitas sunt prædicata rebus distinctis competentia, cum vnum, idemque non possit dependere à se, vel esse inæquale sibi, ut ex se constat.

Tertiò falsum est, quod ratio

entis, ut præcis à differentiis, vel modis constitutivis sit radix inæqualitatis, etiam ratione transcendentiæ, quia potius huius inæqualitatis, quam ens, ut transcendens est, dicit in inferioribus, sunt radices differentiæ; In tantum enim est inæqualitas, & analogia in ratione entis ratione transcendentis, in quantum ratione eiusdem includitur intimè in differentiis, ut ostendimus disput. præced. quæst. 7. Et ipse Ortiz fatetur, & docet tract. 4. in Log. Confer. 2. §. 2. quod etiam ibi egregiè deducit. Nec grauabor verba illius transcribere, ut videatur, quomodo sibi non constet, qualiterque in hac conferentia 4. dictis à se in conferentia 2. contradicatur. Sunt ergò verba eius. *Ex conceptu entis, & ex conceptu explicito differentiæ cuiuscunque sit vnus conceptus simplicissimus, siquidem ens cum nulla differentia facit compositionem, cum in omni intimè includatur. Sed res ipsæ differunt differentis. Ergò differunt in ente. Ergò quando in hac quæst. radicem inæqualitatis ponit ipsam rationem entis præcisam, sibi contradicit.*

Quòd verò hæc doctrina, & solutio Ortiz, non satisfaciunt difficultati, sic probo. Nam gratis admissio, non tamen cõcesso, quòd in ratione præcisæ entis, inueniatur aliqua inæqualitas, tamen negare non potest Ortiz (sicut neque negat) ita illam inæqualitatem competere enti, in quantum respicit differentias inæquales, in  
qui;

quibus imbibitur. Ergò inæqualitas non tollit vniucationem, quia etiam ipsa vniuoca, in quantum respiciunt differentias inæquales, per quas contrahuntur, dicunt inæqualitatem, quia actu, dum sunt contracta per differentias, sunt inæqualia, nam animal in homine est perfectius, quàm in Leone; quæ tamen inæqualitas non tollit vniucationem in ipsis, quia hæc inæqualitas est Physica ratione diuerſarum, & inæqualium differentiarum. Ergò etiam cōceptus entis erit vniuocus, si semel dicit inæqualitatem ratione differentiarum, quas respicit. Ergò quia Ortiz per hanc suam doctrinam saluare voluit analogiam entis, quia hanc non saluauit, difficultati non satisfecit.

Deinde arguitur directè contra totam doctrinam istius solutionis, ostendendo, ens, si semel est perfectè præcisum à differentijs, non posse dicere inæqualitatem. Nam in ratione entis, si semel est perfectè abstracta, non est aliquid, nisi conuenientia, & identitas. Ergò ibi non est aliqua diuerſitas, vel inæqualitas. Consequen. patet, & prob. Anteced. illud tantum est in ratione præcisa entis, quod est acceptum per præcisionem ab inferioribus: sed non est acceptum aliud, quàm conuenientia, & identitas, cum omnia principia discōuenientiz, & inæqualitatis, scilicet differentiz, & modi constitutiui inferiorum sint relictī, aliā illa ratio

non esset perfectè vna, vt contēdunt aduersarij. Ergò in illa ratione non est, nisi conuenientia.

Tertia ratio principalis pro conclusione nostra. Omnis gradus abstractus à differentiis est contrahibilis per illas; Sed ens non est contrahibile per aliquid, quia, vt in prima ratione, principali diximus, est transcendens, ideoque non est extra conceptum differentiarum; Iam autem quod contrahitur, debet esse extra conceptum contrahentis, quia debet facere compositionem cum ipso. Ergo, &c.

Resp. Ortiz negando maiore vniuersaliter acceptam, & dicit, quòd gradus transcendens, non potest contrahi, quia includitur in contrahentibus, ideoque non potest cum illis facere compositionem, quæ tamen ad contractionem requiritur. Sed.

Contra est primò. Quòd potest abstrahi, potest contrahi; Sed gradus transcendens per se potest abstrahi. Ergò etiam poterit cōtrahi. Minor, & consequ. patet. Maior vtrò probatur. Tum, quia, quod abstrahitur, fuit per differentias ante abstractionem contractum. Ergo pari ratione etiā post abstractionē positīs differentijs, contrahetur. Tū etiam, quia ens, vel quodlibet transcendens, si est abstractum, non semper manet sub statu abstractionis. Ergò aliquando illum perdit, sed abstractio non perditur, nisi per cōtractionem. Ergò si transcendens poterit abstrahi, poterit & contrahi.

trahi. Tùm denique: quia contractio nihil aliud dicit, nisi limitationem, seu determinationem rationis communis, & indeterminatæ; Sed ens v.g. si est abstractum, est indeterminatum, addita verò aliqua differentia, vel modo, v.g. modo essendi per se, determinatur. Ergò si abstrahitur, contrahitur.

Contra est 2. quia manifestè petit principium, per hoc enim respondet, quod est in quæst. Difficultas enim inter nos est, an illud, quod in ultimis differentiis ratione transcendentis imbibitur, possit dicere conceptum præcisum, seu an possit abstrahi ab illis, stante hac inclusione; nosque probamus non posse a differentiis abstrahi, quia neque per illas potest contrahi ratione dictæ inclusionis in ipsis. Manifestè ergò solutio petit principium, cum per eandem inclusionem eludit argumentum.

Contra est tertio, quia hoc, quod ens includitur in differentiis, impedit, ne contrahatur per differentias. Ergò à fortiori impedit, ne abstrahatur ab ipsis, quia, ut ex terminis ipsis patere potest, rationi intimè imbibitur in aliquo magis repugnat abstrahi, præscindi, & ut ita dicam, aveli ab illa, quam contrahi per ipsam, siue illi coniungi.

Quarta ratio principalis. Si daretur conceptus præcisus entis, sequeretur dari aliquid prius, & simplicius Deo, saltem secundum rationem; Sed hoc est

falsum. Ergò, &c. Maior patet, quia ille conceptus entis esset prior, & simplicior Deo, quia esset abstractus etiam ab ipso. Nam, in primis ab illo conceptu non valeret subsistendi consequentia ad Deum, non enim valeret, est ens, Ergò est Deus, quia ille conceptus clauderet aliquid in se actu, quod Deus non esset, nempe entitatem præcisam à Creaturis. Ergò esset prior, quia prius est secundum Philosophum in post prædic. à quo non valet subsistendi consequentia. Similiter esset simplicior, quia Deus componeretur ex gradu entis, & proprio modo essendi. Ergo, &c. Minor autem probatur. Tùm quia Deus est ens simplicissimum, primum, perfectissimum, ut omnes vno ore fatentur. Tum etiam, quia illam expressè docuit S. Tho. in primis 1. p. q. 3. ar. 5. in arg. Sed contr. ubi dicit, quòd Deo nihil est prius, nec secundum rem, nec secundum intellectum. Deinde contr. gent. cap. 42. inquit, Deo nec secundum rem, nec secundum rationem, nec secundum intellectum, posse esse aliquid simplicius. Ergò &c.

Resp. Ortiz, nullum esse inconueniēs respectu Dei, dari aliquid, quod sit prius, & simplicius Deo per modum prædicati communis, datque instantiam, quia reputat pro inconuenienti, immò omnes Theologi fatentur, quòd prædicata aliqua in Deo sint priora alijs, v. g. prædicata essentialia sunt priora attributalibus, & ab-

solu.

soluta relatiuis. Ergò similiter nō repugnabit, dari aliquod prædicatum commune prius, & simplicius ipso Deo, neque hoc eius primitati, vel simplicitati simplicissimæ repugnat.

Ad primam autem S. Tho. auctorit. dicit, quòd quando S. Tho. dicit, nihil esse simplicius Deo, intelligitur de aliquo, quod se habeat per modum naturæ: Vel certè loquitur de simplicitate excludente omnem compositionem, & prout sic, ens non est simplicius, quia, licet actu non contineat differentiam, seu modum, quo constituitur Deus in ratione talis, non tamen componit cum illo, nec Deus dicitur compositus ex ente, & proprio modo essendi.

Ad secundam verò auctor. resp. quod quando S. Thom. dicit, Deo nihil esse prius, loquitur de aliquo, quod possit intrare in compositionem, siuè realem, siuè per intellectum, vt ex ipsa littera constat, quòd non competit enti, etiam si concipiatur per modum cuiusdam prædicati prioris. Hæc sunt verba formalia Ortiz. Sed

Contra est primò. Nam in primis dura est nimis illa propositio apud Catholicos, quòd Deo possit dari aliquid prius, & simplicius: Vnde illà Dominicus Flandria, (iudices Ortiz iure ne, an iniuria) non tantum falsam, sed etiam hæreticam vocat, vt videre est apud illum 4. Metaphys. quæst. 2. artic. 5. in prima probatione suæ conclusionis. Deinde repu-

gnat, aliquid prius esse bonum, vel verum, quam Deus, aliàs Deus non esset prima bonitas, prima veritas, inimò non esset fons perfectionis, quia non esset perfectus à se, sed ab alio, nam si illud prius Deo esset bonum, esset vtique perfectum, quia bonum, & perfectum conuertuntur, ac per consequens Deus esset ab illo priori participatiue bonus, & perfectus; Sed si daretur aliquid ens prius Deo, etiam per modum prædicati cõmunis, esset aliquid prius Deo verum, & bonum. Ergò &c. Maior patet, & prob. Minor. Bonum, & verum sunt passionis entis conuertibiles cum ente. Ergò quod est ens, est verum, & bonum, & quando fuerit ens, erit verum, & bonum; Sed illud prius formaliter, vt prius Deo, est ens. Ergò etiam esset, vt prius verum, & bonum. Ergò primò verum, & primò bonum.

Ad illud autem exemplum petatum ex prædicatis diuinis, dicimus esse disparem rationem inter rationem entis præcisam, & prædicata diuina, nam quòd prædicata diuina habeant inter se ordinem prioris, vel posterioris, nō tollitur primitas ab ipso Deo, quia illa prædicata non sunt aliquid aliud à Deo, sed omnia cōstituunt integram rationem entis Diuini, suntque sine vlla distinctione, quæ sit ante opus intellectus, idem in Deo; Vnde non sequitur ex hac prioritate, quam habent inter se, esse aliquid prius Deo, quod Deus non est. Cæterum

ratio entis , vt est præcisa a Deo, esset prior Deo , & cum illa entitas sic præcisa non sit Deus, sed aliquid commune Deo , & Creaturis, sequitur esse aliquid prius Deo , quod non est Deus. Hoc nos absurdum , & parum in Catholica doctrina sanum reputamus.

Ad responsionem autem , seu explicationem, quam affert Ortiz pro auctoritatibus S. Doctoris dicimus circa primum, falsum esse, quod S. Tho. ibi non negauerit aliquid esse simplicius Deo , per modum prædicati cõmunis , quia ibi negauit aliquid esse simplicius Deo per modum generis. Ergo negauit esse simplicius per modum prædicati cõmunis, quia, vt omnes fatentur, genus est prædicatum commune, vnde & à Philosophis inter prædicabilia numeratur. Et similiter si ( vt ipse Ortiz fatetur ) S. Tho. negauit aliquid esse Deo simplicius, quod cum ipso compositionem faciat, negauit etiam aliquid esse simplicius per modum prædicati communis , quia posito illo prædicato communi, & præciso, necessario poneretur in Deo compositio ex illo prædicato communi, & ex proprio modo essendi, quod sic euidenter ostenditur. Illud prædicatum commune, vel est diuersum à proprio modo essendi, vel non: si non , Ergo proprius modus essendi Dei, sicut est actualiter idē cum illo prædicato communi, ita clauditur actualiter in ratione ipsius, ac per consequens illud

prædicatum nõ erit perfectè præcisum, quia in suo conceptu claudit actum ea , à quibus præcindit; Si verò dicitur, quod sit diuisum, Ergo cum vtrumque vniatur in Deo, facient in illo compositionem , quia compositio est diuersorum vnio.

Similiter explicatio , quam secundæ auctorit. adhibet, nihil valet: Nam , vt modo ostendimus, si semel conceptus entis esset perfectè præcisus, faceret compositionem cū proprio modo essendi, etiam ipsius Dei. Sed hæc omnia magis patebunt in 3. tra&. Metaph.

Quinta ratio principalis. Vnitatis conceptus præcisi fundatur in conuenientia inferiorum , à quibus fit præcisio, nisi enim inferiora conuenirent in aliquo gradu vno , non posset ab illis aliquis vnus conceptus præcindi , vt patet in æquiuocis, quæ, quia in nulla ratione conueniunt, nihil ab illis commune, & vnum præcindi potest; Sed inferiora entis non conueniunt in ente simpliciter, quia, cum ens sit analogum, debet ita inferiora conuenire in ipso, vt dicant conuenientiam cum disconuenientia. Ergo etiam non poterit ens præcisum ab inferioribus esse vnum simpliciter. Ergo neq; præcisum simpliciter, quia si esset simpliciter præcisum, esset simpliciter vnum, esset enim omnino à principiis distinctius separatum.

Sexta ratio principalis. Si ens diceret vnum conceptum commune inferioribus, & præcisum perfectè ab illis, sequeretur præcisa



menta non esse primò diuersa; Sed hoc est contra communem sensum Thomistarum. Ergo &c. Sequela prob. Illa non sunt primò diuersa, quæ in aliquo conueniunt, sed in casu prædicamenta conueniunt in aliquo, scilicet in illo conceptu vno, & præciso entis. Ergo &c.

Septima ratio. Si ens diceret vnum conceptum præcisum, sequeretur, quòd Deus, & Creatura non distarent in infinitum; Sed hoc est falsum. Ergo, & illud, ex quo sequitur. Falsitas consequentis patet, quia Deus est infinitus, creatura verò finita, inter finitum autem, & infinitum est infinita distantia. Sequela autem prob. Illa, quæ cōueniunt in aliquo cōceptu non distant in infinitum, nā distantia infinita tollit omnem identitatē, quæ autem in aliquo conceptu conueniunt, sunt in illo conceptu idem; Sed si ens diceret vnum cōceptum, Deus, & creatura conuenirent in illo conceptu entis. Ergo &c.

Octaua ratio. Ille conceptus entis perfectè præcisus vnus, communisq; suis inferioribus, vel est secundum se dependens, vel independens. Si dicis, quod est dependens. Ergo ille conceptus, cum reperiatur in Deo, inuenietur aliqua entitas in Deo dependens, quod est falsissimum, quia Deus est ens omnino independens ab alio. Si verò dicas, quod sit independens. Ergo cum ille conceptus reperiatur in creatura, creatura secundum aliquid sui erit inde-

pendens, quod est in imaginabile.

Dices fortè, illum conceptum abstrahere à dependentia, & independentia, sicut abstrahit ab ente creato, & increato. Sed.

Contra est, quia in sententia Scoti, (quæ in hac quæstione ab aliquibus Thomistis defenditur, & à nobis impugnatur) quælibet natura communis habet suam vnitatem formalem à parte rei, vt videre est in Scoto, 7. Metaph. quæst. 8. & in 2. sen. dist. 3. quæst. 1. Cum ergo ens secundum suum conceptum perfectè præcisum sit aliqua natura communis, habebit suam vnitatem realem. De illa ergo vnitatem reali entis (quæ, si realis est, debet esse ante opus intellectus) quærimus, an sit dependens, an independens? & currit argumentum, vt supra. Nec potest ad abstractionem à dependentia, & independentia recurri, quia ille conceptus obiectiuus entis, cum sit quædam natura communis, erit vnus ante opus intellectus, ac per consequens non poterit à dependentia, & independentia præcindere, quia præcisio, sicut fit per actum intellectus, ita non potest antecedere opus intellectus.

#### §. 4. Proponuntur, & sol- uuntur Obiectiones.

**D**Vplici via contra nos processit Didacus Ortiz; primò directè probando conclusionem suam. Secundò euerrendo (vt ipse dicit) nostra fundamenta. Primi

generis argumenta sunt hæc.

Primum. Ad conceptum perfectum, perfectæq; præcisum aliquius rei non est necesse accipere ea, quæ non pertinent ad essentiã talis conceptus; Sed ad essentiã conceptus entis non pertinent modi, & differentia constitutiua, inferiorum. Ergo non erit necesse accipere, illas, quãdo ens præscinditur ab illis, ac per consequens conceptus entis erit perfectè præcisus, perfectæq; vnus, vtpotè ab omnibus principiis distinguendis separatus. Vtraq; consequentia patet, præmissæ autem probantur, & primò. Maior. In præcisione perfectã tantùm debent prædicata essentialia accipi, ac per consequens illa debent relinqui, quæ non sunt de essentia rei. Similiter prob. Minor. Quia id est de essentia conceptus entis, quod immediatè significatur nomine entis; Sed nomine entis non significantur immediatè modi, & differentia. Tum quia in nobis experimur, quod audito nomine entis non distrahatur de necessitate intellectus ad modos ipsius, sed immediatè apprehendit ipsam rationem essendi, vt sic. Tum etiã, quia illud nomen significat immediatè, ad quod significandum fuit impositum; Sed nomen entis non fuit impositum ad significandos immediatè modos entis: quis enim crederet (inquit Ortiz) quod qui imposuit hoc nomen, ens, intendere significare Deum, creaturas, imò, & alias inferiores differentias? Ergo &c.

Resp. Maiorem huius argumenti esse falsam; minorem verò ex parte veram, & ex parte falsam: Vnde vtraq; Conseq. non tenet, quia procedit ex principiis falsis. Falsitas maioris patet, quia ad conceptum perfectum, perfectæque præcisum non tantùm deliderantur prædicata essentialia rei, sed etiam modi intrinseci ipsius, vt patet ex dictis in hac quæst. & conuincit exemplum Relationum diuinarum, sine quibus essentia Diuina perfectè cognosci non potest, quia, etsi non sint prædicata eius quidditatiua, sunt tamen modi intrinseci ipsius. Vnde & probatio eiusdem maioris falsi nititur fundamento, vt ex modò dictis patet. Minor verò, vt ex dictis supra patet, etsi in hoc sensu sit aliquo modo vera, quòd modi, & differentia constitutiua inferiorum non sint de essentia conceptus entis, quia non sunt prædicata essentialia eius, in alio tamen sensu est falsa, quia modi constitutiui sunt de essentia, idest intrinsecè, & inpræscindibiliter afficiunt essentiã. Diximus, quòd in primo sensu sit aliquo modo vera minor, nam rigorosè loquendo, etiam in illo sensu est falsa, quia, sicut est essentialia prædicatum entis, vt sit transcendens, ita & vt ambibatur in modis, & differentijs. Ergò modi, & differentia spectant aliquo modo ad prædicata essentialia, nempe ad transcendentiam, quia hæc sine illis intelligi nequit; imò, vt ex solutione argumenti sequentis pa-

cebit, modi entis essentialiter cōstituunt conceptum perfectum entis.

Et ad probationem eiusdem minoris dicimus, ad primam quidem, quod sufficiat conceptus entis imperfectus ad hoc, vt apprehendatur sine distractione ad inferiora, vt in suppositionibus diximus, ac per consequens ex hoc non colligitur, quod nomen entis non significet inferiora entis, saltem implicite, licet ea non significet explicitè. Nam defectus huius explicitæ significationis est causa, cur statim Intellectus ad cognoscenda inferiora entis non distrahatur, quando imperfectè cognoscit, sicut, quia effectus virtualiter tantum latent in causa, cognita causa imperfectè, & citra penetrationem, non cognoscuntur prædicti effectus, qui tamen cognoscerentur, si causa cognosceretur perfectè.

Ad secundam verò probationem, neg. quod nomen entis non fuerit impositum ad significanda immediate inferiora entis significatione implicita; qui enim imposuit hoc nomen, ens, significauit expressè habitudinem ad esse, implicitè verò proportionem talis habitudinis, hanc enim significationem implicitā ab illa expressa non potuit separare, quia illa habitudo ex suo intrinseco conceptu est proportionalis, cum secundum suā intrinsecā nō sit vniuoca, sed analogā, vt etiam ipse Ortiz facetur.

Secundum argum. Ortiz. Id,

quod est prius ex natura sua, non potest constitui essentialiter per id, quod est posterius, cum si prius sit, intelligatur ante aduentum posterioris in suo esse constitutū; Sed ens est prius suis modis, quia ab illo ad hos non valet subsistendi consequ. non enim valet, est ens, ergo est per se, quia potest dari ens in alio. Ergo non cōstituatur essentialiter per illos, ac per consequens, quando cognoscitur secundum essentialia, non cognoscuntur modi.

Confirmatur. S. Thom. 1. p. q. 14. ar. 6. docet, quod si Deus cognosceret alia à se, in quantum sunt entia tantum, cognosceret illa in communi, & imperfectè. Ergo signum est, quod in ratione entis non clauduntur actualiter modi, & differentie entis, alias cognoscendo Deus ens, cognosceret alia à se secundum sibi propria, secundum quæ in ratione talis clauderentur.

Resp. primò ad Argum. Concedendo maiorem, & minorem, & primam consequentiam, negando verò secundam. Quia ens secundum sua essentialia non potest perfectè concipi, quin concipiantur ipsi modi intrinseci, vt ex præcedenti solut. patet.

Resp. 2. negando, ens secundum suum conceptum perfectum esse prius suis modis constitutiuus, non quidem sigillatim, sed simul cum disiunctione sumptis. Ad probat. autem dicimus, non valere quidem subsistendi consequent. ab ente ad vnum aliquem



modum particularem, & determinatè sumptum, tamen valet ad omnes: Nam est bona consequentia, est ens, Ergò vel creatum, vel increatum. Est ens creatum, Ergò vel substantia, vel accidens. Vnde dicimus (per quod adhuc magis doctrina solutionis præcedentis argumenti roboratur), quòd rationem essentialem entis constituent inferiora entis sumpta simul sub disiunctione, si illa ratio còceptu perfectò significetur, quia ens còceptu perfectò immediatè dicta inferiora significat. Vnde quando in solutione præcedentis argumenti, vel in nostris rationibus diximus, ens non constitui, tanquam per prædicata sua essentialia per modos entis, locuti sumus permissuè, admittendo, non concedendo, vt alias doctrinas illis locis congruentius seruientes daremus.

Ad confirmationem verò resp. illam auctoritatem non esse contra nos, quia certum est etiam apud nos; differentias inferiorum latitare in ente implicitè, non autem explicitè, quia quod ens sub conceptu entis implicat, hoc explicat in conceptu substantiæ, & accidentis; Vnde si Deus in conceptu entis tantum cognosceret inferiora, cognosceret ea implicitè, ac per consequens imperfectè.

Secundi generis argumenta, quibus nostram sententiam euertere conatur Ortiz, sunt hæc. Primum. Si aliquid impediret, quò minus ens possit præscindi à differentijs perfectè, impediret vel

maximè transcendentia entis; Sed hæc non impedit. Ergo &c. Maior est nostra ratio: Et probati Minor. Nam ex transcendentia nò habetur aliud, quàm quòd differentia, & modi entis includant (vt sic dicam) passiuè rationem entis, seu quòd idem est, vt ens includatur in ipsis, non autè, quòd includantur in illo quasi actiuè, tanquam, prædicatum essentialè ipsius, sicut ex transcendentia Essentiali Diuinæ habetur, quòd ipsa includatur in Relationibus, non autem quòd hæ includantur in ipsa, tanquam prædicatum essentialè ipsius. Ergò poterit ens præscindi à differentijs: Nam sola inclusio essentialis entis in differentijs non videtur obesse præcisioni, si semel differentia, & modi entis non includuntur vicissim, in ratione entis, sicut essentiali Diuina potest cognosci sine Relationibus, quamuis imbibatur per modum transcendentis in ipsis ex eo præcisè, quia Relationes vice versa sic in illa non imbibuntur.

Confirmatur. Animal essentialiter includitur in homine, & est de conceptu essentiali ipsius, ita, vt impossibile sit cognoscere hominem sine animali, & tamen animal potest cognosci sine homine, quia vicissim non est homo de conceptu animalis. Ergò à simili ens poterit cognosci sine differentijs, & modis, quamuis sit de conceptu illorum, quia vicissim non sunt differentia, & modi de conceptu entis,

Resp;

Resp. ad argumentum. concedendo maiorem, & negando minorem, & ad eius probat. dicimus, ex transcendentia rationis communis communitate rei non haberi quidem, nisi quod ratio transcendens includatur in rationibus inferiorum, non verò quod inferiora includantur in ratione transcendenti; hoc tamen habetur ex transcendentia, quæ est talis per communitatem rationis, quia, ut ex supra dictis patet, ratio transcendens communitatem rationis est sine ulla, etiam virtuali, distinctione eadem cum rationibus inferiorum: Vnde sicut ipsa ratio sic transcendens est sibi ipsi essentialis, ita etiam illa, quæ transcendit, erunt aliquid essentialia ipsi; quia repugnat unum, & idem respectu eiusdem esse essentialia, & non esse essentialia. Vnde exemplum de Essentia Divina non convincit, quia hæc non imbibitur in Relationibus per modum transcendentis communis communitate rationis, sed per modum alicuius communis communitate rei.

Ad confirmat. resp. esse disparatam rationem inter ens respectu suorum inferiorum, & Animal respectu hominis, nam animal non includitur in ratione hominis per modum transcendentis, sicut ens includitur in suis, unde non est idem conceptus animalis cum conceptu hominis, ac proinde potest præscindi ab ipso. Cæterum, ut sæpius diximus, conceptus entis, sicut & cuiuslibet

transcendentis transcendentia rationis non distinguuntur villo modo à conceptibus inferiorum, ac per consequens mirum non est, si ab illis præscindi non possit, quia hæc ad eius conceptum perfectum essentialiter pertinent ut iam sæpius explicatum est; Vnde tam hæc confirmatio, quæ ipsum argumentum peccant in suppositione, semper enim supponit, differentias, & modos entis non spectare ad conceptum perfectum entis; tanquam quid essentialia ipsi, quod tamen ex dictis patet esse falsum.

Secundum argumentum eiusdem Ortiz est. Cum hoc, quod ens habeat conceptum præcisum, saluatur optimè analogia entis; quæ, etsi actu non dicat inæqualitatem, dicit illam virtualiter, in quantum petit descendere ad inferiora cum inæqualitate. Ergo cum potissimum fundamentum sit, propter quod negatur conceptus communis entis, ne ens sit uniuocum, cum analogia eius, stante conceptu communi, subsistat, poterit dicere talem conceptum.

Ad hoc argument. patet responsio ex dictis §. præcedenti, ubi in ratione secunda ostendimus quod posito conceptu communi entis, tollitur analogia ipsius.

Sunt & alia plura argumenta antiquorum (hæc tamen, quæ Ortiz nouissimè adduxit, posuimus, & soluimus.) Sed illa satis fusè proposita, & soluta apud Flandriam 4. metaph. q. 2. & apud

nostros Complut. in log. disp. 11, qu. 5. inuenies.

*§. 5. Satisfit cuidam incidenti difficultati. An scilicet ens significet sua inferiora copulatiue, vel disiunctiue?*

**D**iximus, ens non habere vnū conceptum perfectè præcisum ab inferioribus, ipsiq; cōmunem, sed significare immediate ipsa inferiora, vt proportionabiliter similia. Quia verò inferiora entis sunt plura, pulsatur animus noua difficultas, an ea significet copulatiue, vel disiunctiue? de quo, quia S. Tho. nihil expressè docuit, ideo in multas opiniones Thomistæ abierunt. Alij enim putant, quòd ens significet sua inferiora copulatiue; Vnde secundum illos, ens est immediate substantia, & accidens: Sed hoc subsistere nequit, aliàs omnes prædicationes, in quibus de aliquo enunciaretur ens, essent falsæ, quia nulla res est substantia, & accidens simul.

Alij verò, sicut nostri Complut. dicunt, ens neque significare inferiora copulatiue, neque disiunctiue, quia copulatiua, & disiunctiua significatio competit secundum suas rationes absolute sumptas, vnde cum ens non significet inferiora absolute, sed vt sunt proportionabiliter similia, inde est, quòd, neque significet

ea copulatiue, neque disiunctiue. Quæ opinio totaliter, non displicet, quia tamen dato, quod illa significatio non sit rigorosè copulatiua, vel disiunctiua, adhuc remanet difficultas, quam ex illis significatio inferiorum entis imitetur, & ad quam magis accedat? Nam sicut per hoc, quòd ens significet inferiora, vt proportionabiliter similia, non extrahitur à ratione termini significantis plura, ita non absoluitur ab hoc, quòd ea significet copulatiue, vel disiunctiue, quia quilibet terminus significans immediate plura, vno ex his modis indispensabiliter ea debet significare; Vnde supposito, (quod certissimum est) ens non significare inferiora, nisi, vt sunt proportionabiliter similia, remanet difficultas, an illa significet, sic, vt quando dico, hoc est ens; sit sensus; Hoc est substantia, & accidens, vt proportionaliter similia; circa quod.

Dico cum Soncinnate 4. meta. q. 3., ens significare sua inferiora disiunctiue. Cuius ratio est, quia debet illa de necessitate significare copulatiue, vel disiunctiue, vt modò dixi; Sed non potest illa significare copulatiue: Ergo significat disiunctiue. Mai. & conseq. patent. Minor verò prob. in omnibus veris prædicationibus oportet, vt prædicatū conueniat subiecto secundum totum significatū prædicati, vt patet discurrendo per omnes prædicationes, vt v. g. quando dico, quòd

quod albedo est color, homo est animal, est sensus, quod albedini conueniat tota natura coloris, & homini, animalis, sed nulla est res, de qua verè prædicetur substantia, & accidens copulatiue, etiam, vt proportionabiliter similia, vt ex se patet. Ergo, &c. Sub disiunctione autem hoc benè saluatur. Nam si inprimis de aliquo enunciem ens abstrahens à Deo, & creaturis, dicendo: Hoc est ens: verissima propositio, faciens hūc sensum. Hoc est Deus, vel creatura: Et similiter hoc est ens creatum, facit sensum. Hoc est substantia, vel accidens, quod etiam est verum.

Sed obieciſ 1. Si ens significaret inferiora disiunctiuè, tunc v. g. quando dicerem, *Rationale est ens*, facerem hunc sensum. *Rationale est substantia, vel Accidens*; Sed vtrumque de rationali falso enuntiatur, quia falsū est, *Rationale esse Accidens*, est enim differentia essentialis, & similiter falsum est, idem *Rationale esse substantiam*, alias genus prædicaretur essentialiter de differentijs, quod est contra Philosophum. Ergo; & tota illa disiunctiua est falsa; *Rationale est substantia, vel Accidens*, quia tota disiunctiua est falsa, quando vtraque pars eius est falsa. Cum ergo illa sit vera, *Rationale est ens*, sequitur, quod ens non significet substantiam, vel Accidens, alias vna, eademque propositio de eodem secundum idem, & pro eodem tempore enuntiata esset si-

mul vera, & falsa, quod implicat.

Resp. primò huic argumentò supponendo, ens inter alias diuisiones diuidi etiam in completum, & incompletum. *Eas ergo completum immediatè significat prædicamenta*, in quibus directè sola entia completa collocantur. Hoc autem ens non enuntiatur de Rationali, quia illud, sicut & cæteræ differentiæ, non collocatur in prædicamentis, vt docent nost. Complut: in log. disp. 1. 1. q. ult. num. 59. *Eus verò abstrahens à completo, & incompleto ambic omnia entia*, etiam illa, quæ ob sui imperfectionem non ponuntur directè in prædicamentis. Hoc ergo supposito. Resp. quod quādo dicitur, *Rationale est ens*, *Ly*, ens, hic sumitur, vt abstrahit à completo, & incompleto, & verificabitur de Rationali eius significatum, quod scilicet *Rationale sit substantia, vel accidens*, quia verè est substantia incompleta, & vt quo, quia est id, quo homo constituitur in esse hominis, & per consequens in esse substantiæ.

Resp. 2. supponendo similiter ex nostris Complut: in log. disp. 5. num. 63. quod differentia tantum ex modo significandi significatur, vt quo, & arcentur à prædicamentis, iam verò quoad rem significatam, dicunt totam essentiam rei, à qua desumuntur, v. g. *Rationale dicit totam essentiam hominis*. Sic ergo ad arg. resp. quod si res significata accedat,

datur, illa propositio, Rationale est ens, id est substantia, vel Accidens, est verissima, etiam si ens sumatur pro ente completo, quia verè, quantum ad rem significatā, Rationale est substantia completa; quia tamen in propositionibus magis attenditur modus significandi, quam res significata, idèo magis est primæ solutioni inhaerendum.

Obijcies secundò. Si ens significaret immediatè substantiam, vel Accidens, sequeretur, quod quaestio, an est, confunderetur cū quaest. quid est, essentque vna, & eadem quaestio; Sed hoc est contra Philosop. 2. Poster. cap. 1. Ergo, &c. sequela prob. Si ens significet immediatè substantiam, vel Accidens, sequitur, quod quaerere, si homo est ens, sit idem quaerere, ac quaerere, si homo est substantia, vel Accidens, Sed hæc quaestio, si homo est ens, est quaestio, An est; quia æquiualeat huic; Si homo existit, hæc verò quaestio, si homo est substantia, vel Accidens, est quaestio, quid est, vt ex se patet. Ergo, &c.

Resp. huic argum. (viderint quid respondeant illi, qui dicūt, ens significare existentiam.) Nos verò, quia tenuimus, quod significet essentiam, facillè resp. dicèdo, vtramque quaest. spectare ad quid est, quia quaestio, an est, quaerit de existentia rei: Iam autem supposito, quod ens significet essentiam per illam quaest. an homo est ens, non quaero de eius existentia, sed de essentia, an sci-

licet homo habeat essentiam, quæ est quaestio, quid est: quia quaero de illo, quid est? nihil, an extra nihil? ratione realitatis essentiaæ,

## §. 6. Corollarium notandum.

**E**X dictis iam facillè explicari potest, quid sit ille conceptus imperfectus entis; Omnes enim communiter Auctores nostræ sententiæ dicunt, ens dicere vnum conceptum imperfectum, ratione cuius est apprehensibilis ab intellectu sine distractione ad inferiora. Nullus tamen (quem ego viderim) explicat radiciter, in quo iste cōceptus imperfectus consistat.

Recolendum est ergò, quod supra explicuimus, conceptum obiectiuum esse naturam representatam in specie, conceptum verò formalem esse, vel actum intellectus, vel (quod ibidem probabilius esse iudicauimus) terminum ipsius actus intellectus, siue verbum mentis, eandem naturā, quam species impressa, non tamen eodem modo, representans, quia hæc representat eam, vt intelligibilem, illud verò, vt intellectam, vtrique tamen conuenit in representatione naturæ vnius: Cum autem, naturaliter loquendo, nihil sit in intellectu, quin prius fuerit in sensu, tam verbum, quam species impressa nō representant naturam, nisi porrectam sibi ministerio sensuum, & à con-

ditionibus individualibus beneficio intellectus agentis depurata; Qui quidē intellectus agens principia indiuiduantia, seu materialitatem omnem, quæ est radix indiuiduationis, seu hecceitatis à principijs formalibus scernit, & materialia quidem abijcit, utpotē intellectui improporcionata, formalia verò in specie impressa obijcit intellectui possibili, hosque ille omnes gradus in dicta specie speculatur, incipiendo à primo vique ad vltimum, quia illos omnes eadem species repræsentat. Quando ergò intellectus illos gradus in specie v. g. hominis, cognoscendo, distinguendo, & vnum ab alio præscindendo ad vltimum gradum substantiæ venerit, videns conuenientiā eius cum accidente in ratione entis, & disconuenientiam in proprijs modis essendi, nititur illum gradum entis à substantia, & accidentis abstrahere (sicut, quia inter hominem, & equum videt cōuenientiam in sensibili vita, disconuenientiam verò in proprijs differentijs, idēō rationem animalis ab illis abstrahit), sed quia eam non potest abstrahere, quia videt, quod substantia, & accidentis, abstrahēte ente, remanerent nihil, idēō non abstrahit ab illis rationem entis, sed tantūm proportionem quādam similem speculatur substantiæ ad suam entitatem, & accidentis ad suā, & ex hac speculatione exprimit verbum mentis, quod hanc proportionalem similitudinem, ut actū

intellectū, repræsentat: Cū autem proportionalis conuenientia non fuerit per Intellectū à Substantia, & Accidenti abstracta, repræsentatur, ut exercita in ipsis, vnde Substantia, & Accidentis involuuntur semper in repræsentatione illius proportionalis similitudinis, quam dicunt: Vnde si Intellectus subsisterit in sola proportionalis similitudinis, quæ est inter substantiam, & accidentis simul, speculatione, nec processerit ad cognoscendas ipsas naturas substantiæ, & accidentis, in quibus dicta proportionalis similitudo exercetur, erit conceptus imperfectus entis; Si verò processerit, semper tamen substantiam, & accidentis, ut in dicta proportionali similitudine conueniunt cognoscendo, (nam si illa cognosceret absolutē, iam nō cognosceret, ut sunt entia, sed ut sunt substantia, vel accidentis) erit conceptus perfectus, quem tamē non potest intellectus habere sine noua specie ab accidenti impressa secundatus, quia, cū illa species prima dictam proportionem repræsentans, sit species substantiæ, nō poterit accidentis perfectē, & distinctē repræsentare, licet illud imperfectē repræsentet, iuxta illud vulgare, quidquid repræsentat aliquid, repræsentat omne, quod est simile ipsi. Et hinc est, quod conceptus perfectus entis est multiplex absolutē, quia requirit plures species, tam in essendo, quā in repræsentando. Conceptus verò imperfectus est

est vnus, & multiplex, vnus scilicet est in essendo, & multiplex in repræsentando, quia plura, vt sunt proportionabiliter similia repræsentat.

Ex quo discursu habes, quod, cōceptus perfectus entis sunt ipsa inferiora entis per proprias species repræsentata cum proportionē, quam dicunt ad suas entitates, conceptus verò imperfectus est species repræsentatiua vnus inferioris, à quo imprimitur cum proportionabili similitudine, quā dicit ad aliud, vnde dicitur esse vnus, quia est in vnica specie, & imperfectus, quia, etsi potens sit vnum inferiorū entis, à quo scilicet imprimitur, perfectè repræsentare, aliud tamen non potest, vt iam dictum est.

### DISPUTATIO III.

#### De varijs Diuisionibus Entis.

**E**Xpeditis in præcedentibus disputationibus his, quæ ad naturam entis, & cognoscibilitatem pertinent, restat, vt de ipsius multiplicitate agamus, ad quod inuestigandum præsentem disputationem instituimus de varijs diuisionibus entis. Sit ergo.



### QVAESTIO I.

#### Quenam sit prima diuisio Entis.

**P**AUCIS præsentem difficultatem expediemus, quia explanatione potius, quàm discussione eget.

Supponimus tamen primò, plurimas entis diuisiones Philosophum in pluribus locis adduxisse. Diuisit enim ens in ens per se, & per accidens, in ens Reale, & Rationis, in ens finitum, & infinitū, in ens necessarium, & ens contingens, in substantiam, & accidentis, in ens Absolutum, & Relatiuum, in ens completum, & incompletum, in decem prædicamenta, in actum, & potentiam, & alias plures entis diuisiones, apud Philosophum in lib. Metaph. inuenies. Hæ tamen sunt præcipuæ.

Supponimus 2. ex nostris: Complut: in Proœm. Summul. quod, cum diuisio sit oratio totum in suas partes distribuens, iuxta diuersos modos totius, diuersæ erūt diuisiones. Quia verò totum est triplex, Potentiale, actuale, & accidentale, idè, & diuisio est triplex, Potentialis, quæ est, vel generis in species, vel analogi in analogata, vel tandè generis, aut analogi in suas differentias, vel modos: Actualis, & accidentalis, quæ iterum est, vel accidentis in subiecta, vel subiecti in accidenti 2. Sed hic de diuisione generis in species, & accidentis in subiecta nō agitur,

V 2 quia



quia ens, cuius diuisiones inquirimus, neque est genus, neque accidens, ut primum ex dictis, & secundum ex se patet.

Supponendum est tertio, dupliciter posse esse diuisionem priorem, alia, vel secundum dignitatem, vel secundum naturam. Diuisio prior secundum dignitatem est illa, cuius membra diuidentia sunt alijs nobiliora. Illa uero est prior secundum naturam, cuius membra diuidentia immediatius, & prius continentur sub diuiso.

Supponimus quarto, quod in presenti non querimus de diuisione entis communissime sumpti: De hoc enim certum est primo diuidi in ens reale, & rationis, cum ceterae omnes diuisiones sint subdiuisiones entis realis, sed querimus de diuisionibus, quibus diuiditur ens reale, quod est obiectum Metaphys. quoniam ex illis est prima pro quo adhuc.

Supponendum est quinto, praesentem difficultatem etiam non procedere de primitate dignitatis, quia secundum hanc certum est, primam esse diuisionem entis in finitum, & infinitum, seu in Deum, & creaturas. Illa enim diuisio (ut ex dictis patet) est prior ceteris prioritate dignitatis, cuius membra diuidentia sunt perfectiora, & digniora; Sed talis est diuisio entis in ens finitum, & infinitum, quia ens infinitum, scilicet Deus, omnem perfectionem exco-gitabilem claudit in se. Ergo &c.

Tota ergo difficultas est in explicando, quoniam diuisio entis

realis sit prior ceteris prioritate naturae: Quia tamen varia sunt genera diuisionum, ut explicatum est in suppositione secunda, nullo modo potest assignari aliqua diuisio, quae sit prior, & simpliciter, & absolute ceteris; Comparatio enim in prioritate, & posteriotate (licet, & quolibet alia) debet esse inter res eiusdem generis, ac per consequens diuisiones, quae sunt diuersorum generum, non possunt inter se comparari, sed inuestigandum, & examinandum est, quae sit in quolibet genere prima. Unde determinare debemus primo, quae sit prior diuisio, cum ens diuiditur diuisione analogi in suos modos: secundum, quae prior sit, quando diuiditur diuisione analogi in analogata: Et tandem tertio, quae prior, cum diuiditur diuisione subiecti in accidentia propria.

Dicendum est ergo primo, diuisione analogi in suos modos proprios, ens reale diuidi primo in absolutum, & respectuum. Haec conclusio est contra Scotum, qui primo distinct. 8. quaest. 3. tenet, ens primo diuidi in quantum, & non quantum; nomine quanti intelligens perfectionem virtutis, ut communiter explicatur a suis, & contra Soncinatam, qui. 10. Metaph. quaest. 1. tenet, primo diuidi ens in vnum, & multa.

Prob. tamen primo. Illa diuisio est prior ceteris, quae datur per membra communiora, & vniuersaliora; eo enim immediatius diuidet rationem communem, quod dabitur per communiora; Sed ab-



solutum, & respectuum sunt communissima, & vniuersalissima. Ergo diuissio entis, quæ per illa datur, erit vniuersalissima; Prob. Minor. Illa membra diuidentia sunt communissima, & vniuersalissima, sub quibus clauduntur omnia, quæ rationem diuissi participant; Sed sub absoluto, & relatiuo clauduntur omnia, quæcumq; participant rationem entis; Omne enim ens, vel est tantum ad se, ita, vt nihil respiciat distinctum à se, ac per consequens, absolutum, vel est ad aliud, seu relatiuum, vt ex se patet. Ergo &c.

Dices, etiam sub vno, & multis clauduntur omnia, quæ, & sub ente. Ergo etiam hæc erunt membra vniuersalissima, ac per consequens diuissio per illa data erit prima.

Resp. conced. anteced. & primam consequ. negando verò secundam. Quia diuissio, quæ datur per passionem propriam, & rationem oppositam ipsi, non est prima, etsi sit vniuersalissima, quia essentialia, vel ad essentialium lineam spectantia, priora sunt attributalibus: Vnde etsi sub risibili, & irrifibili clauduntur omnia, quæ sub animali clauduntur, tamen animal non diuiditur primò, per risibile, & irrifibile, sed per rationale, & irrationale propter rationem dictam.

Probat. 2. discurrendo per omnes modos constitutiuos, & distinctiuos entis, & ostendendo, nullos modos competere enti, prius absoluto, & relatiuo. Nam in primis finitum, & infinitum si sumantur

(vt communiter sumi solent) secundum quod exprimunt communem quandam quantitatem, siue molis, siue virtutis, non diuidunt immediatè ens reale, vt sic, sed tantum ens absolutum, ens enim relatiuum nullam dicit quantitatem, nec molis, vt ex se patet, nec virtutis, quia quantitas virtutis est ipsa perfectio rei; Relatiuum autem nullam dicunt ex suo conceptu perfectionem, aded, vt nec ipsæ relationes diuinæ, etsi diuinæ, illam afferant, vt eruditè, & fuisse deducunt nostri Salmat. Tom. 2. Traç. 6. disput. 6. dub. 2. Vnde etiam, vt aduertunt Salmat. ibidè num. 78. sunt, & dicuntur infinitæ, non quasi afferant aliquam quantitatem virtutis, sed quia se habent ad instar quantitatis virtutis, in quantum sine vlla alia expressione perfectionis ad illarum lineam spectantis, dicunt maiorem vim ad referendum, & terminandum, quam quælibet relatio creata: de quo videri possunt Salmat. loco sup. cit.

Similiter vnum, & multa, cum sint aliquid consequens rationem entis per modum affectionum ipsius, non poterunt ens immediatè diuidere, quia proprietates, seu affectiones rei præsupponunt ea, quæ spectant ad lineam essentialis eiusdem, tanquam differentie, seu modi distinguentes ipsam, qualia sunt in ente non solum absolutum, vel respectuum, sed etiam per se, vel per accidens, & similia; Antequam enim intelligatur ens aliqua passione affectu,

v. g. antequam intelligatur vnū, verum, vel bonum, iam intra lineam suæ rationis formalis concipitur determinatè, vel respiciēs aliud, vel non respiciens, vel cōpositum ex rebus eiusdem Cathégoriæ, quod cōstituit ens per se, vel compositum ex rebus diuersorum prædicamētorum, quod facit ens per accidens. Ergo &c.

Similiter diuisio entis in per se, & per accidens non potest esse prima, quia prima est diuisio entis in simplex, & compositum. Ad inuestigandum enim, utrūq; aliquod ens sit per accidens, primò inquiri, an sit simplex? An verò compositum? & si inuenero compositum, video, an componentia illud sint eiusdem Cathégoriæ, an non? Et si inuenero eiusdem; determino, esse ens per se, sin secus, ens per accidens. Ergo &c.

Iam autem, ipsa etiam diuisione entis, in simplex, & compositum, est prior diuisio eiusdem in absolutum, & respectiuum; Nam ista membra sunt vniuersaliora, vtrumque enim non solum in entibus creatis, sed etiam in ente increato inueniri potest: Nam dantur Relationes, non solum creatæ, sed etiam increatæ; Et similiter essentia Diuina non minus est quid absolutum, quàm essentia Petri. Compositio autem nulla in Deo inueniri potest, vtpotè in ente omnibus modis simplicissimo.

Et ob eandem rationem prior est diuisio entis in Absolutum, & Relatiuum, diuisione illius in cō-

pletum, & incompletum. Quia etiā incōpletū nihil potest in Deo esse, quia nullam in se partialitatem, imperfectionemque patitur, à quibus ratio incompleti præscindere nequit; Et in vniuersum, quæcunque aliz differentiz entis afferri possunt, vt sunt actus, & potentia, contingens, & necessarium, & similes, necessariò supponunt rationem entis, quæ indispensablem, & inpræscindibilem debet, vel dicere respectum, vel ab ipso absolui. Tendendum est ergo, ens primò diuidi diuisione in suos modos per absolutum, & respectiuum.

Dicendum est secundò, diuisione analogi in analogata, ens primò diuidi in inferiora constituta per modos intrinsecos primò diuidentes ens, ac per consequens ipsa entia absoluta, & relatiua erunt analogata, in quæ primò ens tali diuisione diuiditur. Hæc conclusio non indiget probatione, apertè enim ex præcedēti sequitur, cum enim differentiz, vel modi aliquam rationem communem diuidentes constituant inferiora ipsius, inferiora, quæ constituentur per modos, seu differentias primò diuidentes rationem communem, etiā ipsa primò diuident eandē, modo tamen sibi debito, scilicet diuisione generis in species, vel analogi in analogata, nec in hoc est immorandum.

Dicendum est tertio, diuisione subiecti in accidentia; Ens primò diuidi in vnum, verum, & bonum. Probatum facili, quia hæc sunt af-  
fectio.

fectiones intimæ entis, quæ primò illi competunt, tanquàm aliquid consequens essentiam illius. Ergò erunt prima Accidètia, in quæ subiectum illarum, nempe ens diuiditur. Si tamen quis voluerit hoc genere diuisionis ens diuidere per mèbra opposita, prima diuisio entis erit penes vnum, & multa, quia vnum est prima passio ètis, vt patebit disp. sequenti. Et hoc fortè intendebat Soncinnas, siquè intellecta eius sententia, est verissima, sicut & sententia Scoti asserentis, ens primò diuidi in finitum, & infinitum, si intelligatur de prioritate dignitatis, vera est, vt ex nostris suppositionibus patet: Quia tamen dicti auctores, vt ex scriptis illorum patet, alio sensu sua dicta explicant, ideò illorum opiniones sunt reliciendæ.

Ex dictis inferitur, ad præsentè difficultatem non pertinere sententiam Alberti magni, qui quæst. 7. Metaph. docet, ens primò diuidi in 10. Prædicamèta, quia nos hic agimus de diuisione entis abstrahentis à Creato, & Increato, vt ex suppositionibus constat: Iam autè ens diuisum in 10. Prædicamenta est ens Creatum, non verò abstrahens à Creato, & Increato.

Argumenta còtrariorum nulla adducimus, quia nihil contra nos procedunt: Nam argumenta Soncin: vel probant, ens non diuidi primo penes finitum, & infinitum primitate naturæ; quod etiam nos diximus, vel si quæ adstruunt, primam diuisionem entis esse in vnũ, & multa, nihil aliud conuincunt,

quàm id, quod in nostra 3. conelusione diximus.

Similiter Scotus omnibus argumentis hoc nititur euincere, quod diuisio penes finitum, & infinitum, quia datur per modos essentielles, sit prior diuisione eiusdem in vnum, & multa, quæ sunt affectiones entis. Et hoc nihil còtra nos vrget, quia còcessio, quòd finitum, & infinitum sint modi essentielles entis (quod tamen, iure, an iniuria ipse viderit, negat Soncinnas) non erit adhuc prima diuisio entis in finitum, & infinitum, quia inter modos (vt sic dicam) essentielles entis, primi sunt absolutum, & Respectiuum, vt iam demonstratum est.

## QVÆSTIO II.

*Vtrum diuisio entis in actum, & potentiam sit in diuersa realiter.*

**H**ÆC quæstio potissimùm excitatur propter potentiam obiectiuam, quam aliqui Auctores ponunt, & alij negant. Est autem potentia obiectiua illa, sub qua intelliguntur res omnes antè suum verum, & reale esse, quod accipiunt à suis causis per productionem: Vnde hæc quæstio duplicem inuoluit difficultatè. Prima est, vtrum detur potentia obiectiua ab Actiua, & Passiua realiter distincta. Secunda, vtrum admissa hac potentia obiectiua, Phi:

Philosophus distinguendo ens in actum, & Potentiam, per potentiam intellexerit dictam potentiam Obiectiuam: Si enim hanc intellexit, non distinxit ens in duas res realiter diuersas, sed in duos modos eiusdem rei. Eadem enim res, quæ fuit in potentia obiectiua, quando erat possibilis, ponitur per suam productionem in actu. Ut autem cum methodo procedamus, primò expediemus difficultatem primam, & postea ad secundam procedemus; Sit ergò.

*§. 1. Refertur duplex opinio, una affirmans, & altera negans, dari potentiam obiectiuam.*

**S**COTUS in 2. dist. 16. quæst. 1. §. Rationes istæ &c. tener, dari potentiam obiectiuam ab Actiua, & Passiua distinctam. Sequuntur Scotum communiter Scotistæ, eandemque sententiam tenet Henricus quodlib. 1. quæst. 9. & quodlib. 3. quæst. 9. Fundamenta huius opinionis præcipua hæc sunt.

Primum. Substantia, antequam produceretur, erat in potentia, aliter tamen, quàm nunc est respectu accidentis, quia tunc erat in potentia ad produci, nunc autem non est in potentia ad produci; Sed nunc est in potentia actiua, & passiuæ respectu accidentis, quia est receptiua, & effectiua saltem radicaliter illorum.

Ergò potentia ad produci distinguitur à potentia actiua, & passiuæ: Potentia autem ad produci vocatur potentia obiectiua, quia res sub ipsa est obiectum potentie agentis productui illius. Ergò &c.

Secundum. Potentia, quæ plurificatur ad pluralitatem actuum, est diuersa ab illa, quæ non plurificatur ad pluralitatem eorundem. Oppositæ enim rationes vni, & eidem nequeunt conuenire; Sed potentia obiectiua plurificatur, potentia verò Actiua, vel Passiua, non plurificatur. Ergò potentia obiectiua distinguitur ab Actiua, & Passiua. Maior, & consequenter patent. Minor verò probatur primò quantum ad primam partem, quod scilicet potentia obiectiua plurificatur ad pluralitatem actuum; Nam alia est potentia obiectiua, per quam ignis est in potentia ad suum esse, & alia, per quam est aqua in potentia ad suum: quod exinde patet, quia si producatur aqua, & non ignis, desinit esse potentia, quæ aqua erat in potentia, & non desinit esse potentia ignis, quæ erat in potentia. Ergò &c. Similiter quantum ad secundam partem, eadem minor prob. Nam neque potentia passiuæ plurificatur ad multitudinem actuum, quia eadem manens potest recipere plures; Neque actiua, quia eadem potest diuersos producere. Ergò &c.

Tertium. Quando ex non igne generatur ignis, non ignis distinguitur

guitur, & à potentia se generant, quia hæc est potentia ignis, à qua non ignis distinguitur, & à potentia materiæ, quia subiectū tranſmutationis distinguitur ab utroque termino, vt dicitur 1. Physic. Iam autem in dicta generatione terminus à quo est non ignis. Sed non ignis est ipse ignis in potentia obiectiua, potentia autem generantis est potentia actiua, sicut & potentia materiæ est potentia passiuæ. Ergo potentia actiua, & passiuæ distinguuntur à potentia obiectiua.

Quantum. Potentia, & actus sunt in eodem genere, vt dicitur 9. Metaph. Sed hoc non potest verificari de potentia actiua, vel passiuæ, quia principium productiuium, & receptiuum sunt sæpissimè alterius prædicamenti à re producta, vel recepta; Nam substantia est causa efficiens, & recipiens accidentia, cum tamen hæc ad aliud prædicamentum spectent. Ergo hoc dictum verificabitur de potentia obiectiua, ac per consequens hæc, vltra actiuam, & passiuam, necessariò est concedenda. Ità suam potentiam obiectiuam esse ab actiua, & passiuæ distinctam ostendunt Scotistæ. Plura ipsorum argumenta vide in Soncinnate 9. Metaph. ar. 1.

E' contra Thomistæ vno quafi ore negant hanc potentiam obiectiuam ab actiua, & passiuæ distinctam. Ita Capreolus in 2. distin. 13. quæst. 1. art. 3. vbi etiam dicit, hanc potentiam obiectiuam esse fictitiæ, & præter mentem

Philosophorum adinuentam. Caietanus 1. p. quæst. 54. art. 3. & quæst. 77. art. 1. Soncin. Metaph. quæst. 1. & 2. Sequitur Thomistas Suarez in sua Metaph. disp. 31. Sect. 3. num. 2. Impugnantque opinionem Scotistarum.

Primò. Auctorit. S. Thom. 1. p. quæst. 9. art. 2. in Corp. vbi hæc habet. *Omnes Creaturæ antequàm essent non erant possibiles esse per aliquam potetiam creatam, cum nullum creatum sit æternum, sed per solam potentiam actiuam, in quantum Deus potest eas in esse producere.* Cum autem illa potentia obiectiua, si non est nihil, vt supponit aduersarij, neque Deus, vt ex se constat, debeat necessario esse aliquid creatum, ex mente S. Th. non est dabilis hæc potentia obiectiua; sub qua res sint ante suam productionem: Quia, vt in textu S. Doctoris patuit, ille negat Creaturas, antequàm essent, fuisse possibiles per aliquam potentiam creatam.

Secundò: ratione Soncinnatis, omnis potentia dicit ordinem ad aliquem actum cum carentia illius dispositionis, quam habet res, dum est in actu, vt dicit commentator 9. metaph. comment. 1. Sed ea, quæ sunt producta nullo præsupposito ante sui productionem, illa scilicet, quæ sunt producta per creationem, v. g. Cæli, & intelligentiæ, ante productionem non intelliguntur, vt carentes aliqua dispositione, quæ postmodum acquirerunt, quia res producta per Creationem pro-

ducitur tota , ac per consequens nihil eius præintelligitur productioni , quod careat dispositione acquisita per productionem , aliàs non produceretur tota . Ergo in illis non datur aliqua potentia fundans ordinem ad actum , acquisibilem per productionem ; cumque hæc sit iuxta Scotistas Potentia obiectiva , secundum quam res dicit ordinem ad actum entitativum , quem per productionem acquirit , talis potentia non datur .

Tertiò , ex eodem Soncin : arguitur . Possibile obiectivum illud dicitur , quod est aptum natum esse obiectum alicuius potentie realis . Sed non potest esse obiectum , nisi Potentia Activa , vel Passiva , potentia enim , cuius obiectum est producibile , est aliquod principium , per quod tale producibile potest esse , quod aut est Passivum , ex quo fit , aut Activum , à quo fit , nec datur mediũ . Ergo non est concedenda aliqua Potentia ab Activa , & Passiva realiter , & ex æquò distincta .

Quartò . si Cælum , antequam produceretur , diceret rationem Potentie obiectivæ , quæ sit Potentia vera , & realis ab Activa , & Passiva ex equo distincta , cum omnis vera , & realis Potentia dicat respectum ad aliquem actum , quæro , quis erit ille actus , qui sit terminus habitudinis cæli , ut est in Potentia obiectiva ?

Dices , quod communiter Scotistæ dicunt , esse ipsum actum entitativum cæli . Iterum quæro ,

quid significet ille actus entitativus , aut ipsam substantiam cæli , aut existentiam eiusdem , aut tantum aliquem alium actum vteriozem ? Non hoc ultimum , quia existentiz , cum sit ultima actualitas , nullum post se actum patitur . Neque primum , quia ipsa substantia cæli est in potentia obiectiva , ac per consequens nõ potest dicere habitudinem ad se ipsam , quia nihil est in potentia ad seipsum . Ergo erit secundum , scil. Existentia : cum autem ipsa etiam existentia ante sui productionem non fuerit , stando in principiis contrariæ opinionis , docentis , quod omne , quod non est , & potest esse , est in potentia obiectiva , etiam ipsa erit in potentia obiectiva , iterumque de illa redibit argumentum , quæremus enim de illa , ad quid ipsa est in potentia ? Et cum non possit esse in potentia ad seipsam , quia , ut nuper diximus , nihil est in potentia ad seipsum , neque est imaginabile aliquid aliud , ad quod existentia sit in potentia ; plane sequitur , dictam potentiam obiectivam fictitiam esse , utpotè eam , cui nullus potest assignari actus proportionatus , ad quem dicat habitudinem , quam tamen omnis potentia vera , & realis debet discere ad suum actum .





*§. 2. Fertur iudicium de  
utraque sententia, &  
difficultas resoluitur.*

**P**RÒ resolutione huius difficul-  
tatis. Sciendū est, multipli-  
citer posse accipi Potentiā obie-  
ctiuam, cū enim hæc dicatur  
talis, quia obijcitur alicui potē-  
tiæ illud, quod intelligitur sub  
ipsa, hinc est, quòd primò potest  
sumi potētia obiectiua pro qua-  
dam non repugnantia ad esse rei  
possibilis, quæ denominatur ta-  
lis non ab aliquo reali existente  
in se, ratione cuius dicat habitu-  
dinem ad esse, sed denominatur  
possibilis, primò à potentia acti-  
ua agentis potentis illam produ-  
cere, secundò à non repugnā-  
tia terminorum; v. g. rosa, ante-  
quā producatur est in potentia  
obiectiua, quia dicit non repu-  
gnantiam ad esse, non enim est  
aliqua implicancia in hoc, quòd  
rosa existat, & insup̄r datur ali-  
quod agens, quod potest rosam  
producere. Secundò sumitur Po-  
tentia obiectiua pro ipsa poten-  
tia passiua, quæ obijcitur agenti  
potenti per eius transmutationē  
educere formam ex ipsa, ex illis-  
que (sc. forma educa, & potentia,  
ex qua educitur) facere cōposi-  
tū. Tertiò sumitur Potētia obie-  
ctiua pro aliqua entitate reali cō-  
petente rebus ante sui productio-  
nē, quæ sub hoc statu dicitur pos-  
sibilis, & ex suis intrinsecis respi-  
cit actū, quem virtute agentis cō-  
sequitur per productionem.

Si ergo intelligatur Potentia  
obiectiua primo, & secundo mo-  
do, certum est, dari obiectiuā  
potentiam, quia quælibet res pos-  
sibilis, etiam illa, quæ sit per  
creationem, dicit non repugnā-  
tiam ad esse, quia inter esse, &  
illam nulla est implicancia, alio-  
quin esset impossibilis, & etiam  
per ordinem ad omnipotentiam  
Dei existere non posset; & in-  
super datur aliquod agens pro-  
ductiuum ipsius, à cuius poten-  
tia denominatur possibilis. Simi-  
liter in generabilibus, & corrup-  
tibilibus datur potentia obiecti-  
ua secundo modo accepta: quia  
datur materia continens formas  
generabiles, ex cuius potētia, vir-  
tute agentis educuntur; Vtroq;  
autem modo sumpta potentia ob-  
iectiua, etsi sit dabilis, non tamen  
est ab actiua, & Passiua distincta,  
nisi fortē penes diuersos respec-  
tus: Nam materia prima, vt po-  
tens recipere formam, dicitur Po-  
tentia Subiectiua, & in quantum  
respicit agens, à quo forma educi-  
tur, dicitur potentia obiectiua.  
Et similiter potētia agentis, vt est  
in agente, vel potius, vt est ab  
agente, ipsumq; denominat agēs,  
dicitur potentia actiua, vt au-  
tem potest terminari ad passum,  
denominat illud possibile, seu exi-  
stens in potentia obiectiua agen-  
tis. Et in hoc sensu accepta sen-  
tētia Scoti, est verissima, sicut hoc  
tantum voluisse Scotum (etsi illi  
contrarium à Thomistis impute-  
tur) plulquam verissimū est, nam  
ipse Scotus seipsum explicat in 2,

distinct. 12. quæst. 1. §. Est igitur videndum &c. Vbi hæc habet. *Premisso quandam distinctionem de potentia: Aliquid enim potest esse in potentia dupliciter: Vno modo, ut terminus, alio modo, ut subiectum, quod est in potentia ad terminum, & fortè eadem est potentia, sed ut comparata ad diuersa, dicitur obiectiua, vel subiectiua; Ita quod subiectum existens dicitur potentia subiectiua, & eadem ut respicit agens, dicitur obiectiua, possunt tamen separari, ut in creabili, ubi est potentia obiectiua, & non subiectiua, quia ibi non subijcitur aliquid.* Vbi, ut vides, clarissimè Scotus mentem suam aperit, & ostendit, quomodo potentiam obiectiuam ab actiua, & Passiua distinguat, per comparationē scilicet eiusdem potentie realis ad diuersa. Et hinc discē, quā sinistrè aliquando imponantur Auctoribus diuersæ opinioniones, & quomodo melius sit semper pro inuestiganda mente Doctorum ad ipsos fontes recurrere: Passim enim Scoto imponitur, quod ille potentiam obiectiuam in tertio sēsu à nobis explicato admittat: Cum tamen, ut clarissimè seipsum explicat Scotus, admittat potentiam obiectiuam in primo, & secundo sensu, qualiter à nobis admittitur, & ab omnibus Peripatherico lacte enutritis admitti debet, quia omnes cōcedunt, res dici possibiles à potentia agentis, quæ illas potest ponere in actu, & quamuis fortè aliqui Scotistæ trahant Scotum ad ponendam potentiam obiectiuā

realiter distinctam ab actiua, & passiuā, ipse tamen textus Scoti clarissimè ostendit, ipsum in hac sententia, quæ à Thomistis communiter impugnatur, non fuisse. Hæc de potentia obiectiua in prima, & secunda acceptione. In tertia autem acceptione.

Dicimus, non dari potentiam obiectiuam. Ita omnes Thomistæ. §. præced. relati, qui in hoc dumtaxat sensu Scotificam impugnant sententiam, ut eorum argumenta consideranti patebit.

Potest hæc nostra determinatio tali ratione confirmari. Si daretur potentia obiectiua, quæ esset vera, & realis entitas, vel esset creata, vel increata. Neutrum est dicendum. Ergo &c. Maior, & consequenti patent. Minor verò prob. Et primò quantum ad secundam partem, quod scilicet non possit esse increata, quia, vel est Deus, vel nihil. Quidquid enim à Deo factū non est, vel est Deus, vel nihil, ut docent PP. August. Primo de Trinitate cap. 6. Iustin. in expositione fidei, & Cyrillus lib. 5. in Ioan. cap. 6. Cum ergo illa potentia non sit Deus, vel aliquid identificatum cum Deo, ponitur enim, ut quid distinctum à potentia actiua Dei, erit utiq; nihil. Deinde quantum ad primam partem probatur, quod illa potentia non possit esse aliquid creatū; Si enim esset creata, vel esset creata in tempore, vel in æternitate; Non in æternitate, quia fides docet, Deum nihil ab æterno creasse; neque in tempore, si enim est creata



In tempore, ergò supponebatur aliquando, saltem in æternitate, non fuisse, & tamen potuisse esse, scè, quòd idem est, supponebatur possibilis. Ergò erat ipsa potentia obiectiua respectu sui aliquando in potentia obiectiua, quia poterat esse, & non erat; Omne autè, quod non est, & potest esse, est in potentia obiectiua: Iterumq; de illa potentia obiectiua, in qua dicitur esse præcedens potentia obiectiua, idem fiet argumentum, si ponatur esse aliqua entitas realis. Ergò vel procedemus in infinitum, vel deveniemus ad aliquam potentiam obiectivam, quæ nunquam nõ fuit, sed ab æterno supponebatur esse, quod tamen absurdissimum est, quia non potest esse ab æterno, tanquam quid increatum, non enim est Deus, ut supra dictum est, neque tãquam aliquid creatum, est enim de fide, nil creatum fuisse ab æterno. Tenendum est ergo, non dari aliquam potetiam obiectivam, quæ sit aliqua vera realitas ab actiua, & passiva realitèr distincta.

Neque contra hanc determinationem procedunt argumenta Scoti, & Scotistarum, quia probat, dari tantum potentiam obiectivam aliquo modo ab actiua, & passiva distinctam, quod & nos concedimus, ut ex supra dictis patet. Non tamen probant, talem potentiam obiectivam dari, qualem nos hic negavimus, illam scilicet, quæ esset vera res cõpetens rebus ante illarum productionem, essetq; realitèr à potentia actiua, & passiva

distincta, quod consideranti ipsa argumenta patebit, in quantum tamen possent contra nostram opinionem detorqueri, ad singula responderetur faciliè.

Ad primum ergo resp. Substantiam quidem fuisse aliter in potentia, quam nunc est, respectu accidentium, quia fuit in potentia obiectiua, scè, quòd idem est, in potentia actiua causarum suarum, ut potentium illam attingere, & producere, & si sit substantia habens formam educibilem ex materia, fuit in potentia passiva materię, tanquam quid dependens in esse, fieri, & conservari ab ipsa: nunc autem non est in tali potentia obiectiua, quæ tamen non est distincta realitèr à potentia actiua, & passiva, ut explicatum est.

Secundo resp. Quòd substantia producta est indistincta potentia respectu accidentium, quando est, ab illa, sub qua fuit, cum non esset: Distinguo. Indistincta specie, vel genere nego. Indistincta numero. Concedo. Quia ante productionem fuit in potentia actiua suæ causæ, nunc autem est in potentia, non alterius causæ, sed ipsa est habens potentiam activam ad producendum effectum, quas potentias constat non specie, vel genere, sed numero distinctas esse.

Ad secundam resp. distingu. Maiorem. Potentia, quæ plurificatur, est distincta realitèr à potentia, quæ non plurificatur, nego: est distincta ratione, scè penes diversos respectus. Concedo. Sufficit enim distinctio rationis, & p̃t̃

& penes diuerſas habitudines inter aliqua, vt vnum illorum dicatur plurificari, & aliud non, pluralitate non reali, ſed rationis, vt videre eſt in eſſentia Diuina, quæ abſolutè ſumpta non plurificatur, ſumpta tamen, vt eſt imitabilis à Creaturis, ſecundùm quòd habet rationem Idææ, plurificatur ſecundùm rationem: Vnde S. Thom. & communiter cum illo Theologi concedunt in Deo pluralitatem Idæarum, vt videre eſt apud S. Doct. 1. par. quæſt. 13. art. 2.

Reſp. ſecundò negando minorem quantum ad vtramque partem; & ad probationem dicimus, eo modo plurificari, vel non plurificari potentiam actiuam, & paſſiuam, quo & obiectiuam. Sicut enim potentia paſſiua, v. g. materiz, licet nõ plurificetur realiter, plurificatur tamen formaliter reſpectu diuerſarum formarũ, & ſimiliter potentia actiua, ita etiam potentia obiectiua plurificatur non realiter, ſed formaliter: quia ab eadem v. g. Omnipotentia Dei denominantur res omnes poſſibiles, & illa denominatio eſt tantùm ex parte terminationis, non autem realiter ex parte Iplius formæ (quæ eſt actus vnius Omnipotentiz Dei) diſtincta. Quòd autem potentia actiua, & paſſiua etiam formaliter multiplicentur, facile oſtenditur, quia eadem negatiuè entitas materiz primæ, vt reſpiciens hanc formam, eſt diſtincta formaliter à ſeipſa, vt reſpiciente

aliam; à formis enim, quas reſpicit, habet ſpeciem poſitiuam, vt docent Noſtri Complut. 1. Phyſ. diſp. 3. quæſt. 3. & communiter Thomiſtæ. Et ſimiliter potentia actiua etiam eiſdem agentis nõ poteſt non diſtingui formaliter, vt continet hunc effectum à ſeipſa, ſecundùm quòd continet aliũ, vt conſideranti patebit.

Ad tertium reſp. diſtingu. Maiorem: Quando ex non igne producit ignis, non ignis diſtinguitur à potentia actiua, & paſſiua negatiuè realiter, tanquam non ens ab ente. Concedo. Realiter poſitiuè, tanquam entitas, & entitas. Nego. Neceſſe autem erat iuxta principia partis aduerſæ, non ignem diſtingui à potentia actiua, & paſſiua realiter poſitiuè, quia ipſi ponunt, non ignem eſſe in aliqua potentia obiectiua, quæ, ſecundùm eos, in hoc ſenſu, quem nos reiecimus, & impugnauimus, eſt realitas à realitate potentiz actiuz, & paſſiuz diſtincta. Quòd autem non ignis non diſtinguatur, vt ens, & ens ab igne, patet, quia non ignis eſt non ens, cum ſit priuatio, ac per conſeq. non poterit diſtingui ab igne, vt ens ab ente, illa enim tantummodo ſic diſtinguuntur, quorum vtrumque eſt ens.

Ad quantum, quod non modicam inuoluit difficultatem reſp. 1. Quòd etſi de potentia paſſiua concedatur, non poſſe verificari illud Ariſtotelicum, *Potentia, & actus ſunt eiſdem generis*; Negatur tamen, hoc non poſſe veri-

cari de potentia actiua, immò inde communiter deducunt Thomistæ, generationem substantialem non posse esse nouam actionem distinctam à tota alteratione præcedenti, quia illa actio, sicut terminaretur immediatè ad substantiam, ita deberet esse immediatè à substantia, seu, quòd idem est, sicut actus terminatiuus ipsius, seu effectus productus per ipsam est substantia, ita deberet elici à substantia, vt sit correspondentia inter terminum, & principium actionis, cum tamen implicet substantiam esse immediatè operatiuam, pro quo videri possunt Nost. Complut. in lib. de gener. disp. 2. quæst. 2. & in lib. Phys. disp. 10. quæst. 4. & seq. Immo si per actum potentia actiua non intelligamus terminum actionis, sed ipsam actionem, quod est rationabilius, magisque Philosophicum, etiam verificatur in potentia actiua, quòd actus, & potètia sint eiusdem generis: Vnde vbicunque potentia actiua est substantia, ibi & actus, seu actio eius est substantia, vt patet in Diuinis: Vbicunque autem potètia actiua est accidens (vt est in Creatis, vbi quia esse, & operari distinguuntur realiter, ideò substantia, quæ est potentia ad esse, non est potentia ad operari, sed operatur medijs potentijs accidentalibus, vt docent Nost. Complut. loco nuper cit. ex lib. Phys.) etiam ibi ipsa actio est accidens: omnis enim actio creata est accidens, & in Prædicamentis acci-

dentium collocatur, quia omnis, vel est de Prædicamento qualitatibus, vel de Prædicamento actionis.

Resp. secundò. Cum Caiet. 1. p. quæst. 77. art. 1. negando, illud axioma Phil. *Potentia, & actus sunt eiusdem generis*, non possunt verificari de ipsa potentia receptiua, seu passiua, non qualicunque, sed de illa, quæ est essentialiter ordinata ad actum: Nec probatio in contrarium conuincit, quòd res vnius Prædicamenti sit immediatum susceptiuum alterius, quia, vt eruditè aduertit Caiet; nullum Prædicamentum est essentialiter potentia respectu alterius Prædicamenti, sed in quolibet Prædicamento est propria potentia illius generis, media qua accidentia recipiuntur in substantia, vel accidens vnius Prædicamenti, v. g. albedo in quantitate, quæ est subiectum quo accidentium, vt docent Philosophi.

Quæ doctrina Caietani, quia subtilis est, atque adeò multis videtur non intelligibilis, ideò pro illius intelligentia.

Notandum est ex Soncin. lib. 12. metaph. quæst. 76. cond. 2. quòd in omni subiecto receptiuo accidentis absoluti (relatiua enim non respiciunt subiectum, vt subiectum, vt docent nost. Complut. disp. de Præd. relationis) in omni, inquam, subiecto receptiuo accidentis absoluti est aliquid potentiale de genere illius accidentis, quo mediante subiectum recipit accidens v. g. superficies non reciperet colorem, nisi mediant.

diante aliquo de genere coloris ,  
v. g. mediante diaphaneitate ,  
vel aliquo simili alio innomina-  
to .

Quæ Soncinn. doctrina , ne a-  
licui videatur fictitia, & volunta-  
ria, probatur, & auct., & ratione.  
Nam in primis Philof. eam in-  
nuit 12. metaph. tex. 26. quæ ha-  
betur apud S. Tho. lect. 4. vbi di-  
uerfa rerum assignans principia ,  
dicit. *Alio modo analogice princi-  
pia sunt eadem , vt actus , & potē-  
tia , verum hæc etiam in alijs alia ,  
& alio modo sunt.* Vbi , vt vides ,  
diuerfis rebus diuerfas assignat  
potentias, cumque ibi Philof. lo-  
quatur de Potentia intrinsece re  
cum actu simul constituyente , vt  
ex tex. constat, non potest intelli-  
gi de Potentia actiua, sed de Po-  
tentia Actiua, sed de Potentia  
receptiua, quæ sola rem cum actu  
Intrinsece constituit. Clariusque  
mentem Philof. aperuit com-  
mentator, dum explicans dicta  
verba Phil., sic inquit comment.  
26. *Potentia , & actus , quæ sunt  
principia substantiæ, sunt alia à po-  
tentia , & actu , quæ sunt principia  
qualitatis , & sic de alijs Prædicat.*  
Hocque ipsum ex doctrina Phi-  
losoph. idem comment. repetit. 3.  
Phys. comm. 9. vbi dicit. *Potentia  
ad unumquodq; prædicamentum  
est in illo genere prædicamenti, in  
quo est actus.* Suadetque idem ra-  
tio; quia alias substantia redu-  
ciue spectaret ad prædicamenta  
accidentium, vt potè subiectum,  
essentialiter respiciens ipsa, quod  
tamen perfectioni ipsius repu-

gnat, quia perfectius non redu-  
citur ad Catheg. imperfectioris :  
Vnde Deus Opt. Maxim. ob im-  
mensem suam perfectionem,  
quæ omnia entia excedit, nec re-  
ductiue quidè in Catheg. entis  
collocatur, vt ex communi sen-  
tentia Thomistarum docent no-  
stri Compl. in log. disp. 12. qu.  
4. Ex qua doctrina iam facile in-  
telliges Caiet. solutionem, quo-  
modo etiam Potentia receptiua,  
si sit essentialiter ordinata ad a-  
ctum, debeat esse generis eius-  
dem cum actu; Quia scilicet in  
quolibet Prædicamento acciden-  
tis est aliquid potentiale, me-  
diante quo recipitur in substan-  
tia ipsa actualitas accidentis.

Sed contra doctrinā in hac se-  
cunda solut. datam est obiectio  
duplex. Obijciatur enim primò,  
ex Suarez disp. 14. sect. 2. Si sub-  
stantia non esset potentia essen-  
tialiter ordinata ad recipiendū  
accidentia, sed in genere accidē-  
tis daretur aliquid potentiale,  
quod esset receptiuum actualita-  
tis accidentis, daretur processus  
in infinitum. Sed hic non potest,  
etiam iuxta Philosoph., admitti.  
Ergo, &c. Minor, & conseq. patet.  
Sequela prob. illa potentia, quæ  
est de genere accidentis, est ali-  
quod accidens. Ergo respicit  
substantiam, vt subiectum: Quæ-  
ro itaque an substantia recipiat  
illam potentiam mediante alia  
potentia, vel non: Secundum  
non potest dici, quia alias rela-  
bimur in difficultatem à Scotti-  
stis oppositam, quod scilicet potētia

receptiva sit alterius generis in suo actu. Ergo dices secundum, quod scilicet illa potentia recipitur mediante alia, & cum illa iterum non sit substantia, sed accidens, fiet de illa argumentum, ut supra. Ergo admisso, quod substantia recipit accidentia mediante aliqua potentia accidentali; etiam in his potētīs admitteretur processus in infinitum.

Resp. neg. sequel., & ad eius probat. dicimus, illam potentiā non recipi mediante aliqua potentia, sed immediate in substantia; Nec per hoc relabimur in id, quod in argumento Scotistarum negamus: Quod enim negamus, est, potentiā receptivā essentialiter ordinatā ad aliquem actum non esse eiusdem generis cum actu, quod in præsentī ex concessis à nobis non infertur: ille enim actus, qui est essentialiter actus, petit potentiā se recipientem, & ad se essentialiter ordinatam. Cæterum illa potentia accidentalis, quia est essentialiter potentia, non est essentialiter actus, sed tantum habet modum actus, quia, utpotē accidens, inest alteri, & ideo neque requirit aliquam potentiā ad se essentialiter ordinatā, sed immediate habet pro suo substantiativo, siue subiecto, substantiā; neque exinde, quod illa substantetur, vel subiectetur in substantia immediate, sequitur axioma illud Philosophicum, potentia, & actus sunt eiusdem generis, non verificari in potentia receptiva,

seu passiva, quæ respicit essentialiter actum, quia (ut diximus) illa potentia, cum essentialiter non sit actus, sed potentia, non habet aliam potentiā, à qua essentialiter respiciatur, quæque ad illam essentialiter ordinetur.

Obijcies secundò. Si daretur aliquid potentiale in quolibet genere accidentis, in quo reciperetur actualitas secundum suam actualitatem, sequeretur, quodlibet accidens esse compositum ex potentia, & actu, sicut substantia est compositum ex materia, & forma. Hoc est falsum. Ergo &c. Sequela Maioris patet, quia, ex quo capite accidens reciperetur in illo potētiāli, faceret aliquam compositionem cum illo, & ex quo capite illud potentiale esset eiusdem generis cum ipso accidente, tanquā potentia essentialiter ordinata ad ipsum, compositio inter illa esset faciens unum per se: sicut ob eandem rationem, compositio, quæ est inter materiam, & formam, facit unum per se in genere substantiæ. Minor autem probatur. Quod se toto est actus, non potest esse compositum ex potentia, & actu intrinsecè. Sed accidentia sunt se totis actus. Ergo non sunt intrinsecè composita ex potentia, & actu. Maior patet, quia quod est actus se toto, est actus secundum omnem sui partem, si habet partes, vel si eas non habet, est actus quolibet, quod est ipsum, aliàs non esset secundum se totum actus. Minor verò probatur. Quod

se toto est principium agendi, se toto est actus, quia potentia passiva non est principium agendi; Sed accidens se toto est principium agendi, quælibet enim pars albedinis distinguit visum, & quælibet pars caloris calefacit, & agens quælibet parte actionis agit; Ridiculum enim esset imaginari, quod agens agat vna parte actionis, & non alia, vel quod calor vna parte calefactionis calefaciat, & non alia. Ergo &c.

Huic obiectioni respondet Söcinn. loco supra citò negando, ex illo potentia, & actuali componi accidens intrinsecè: & ad probationem dicit, ex illa tantum potentia, & actu in illa recepto fieri vnum per se, quæ est pura potentia, & nullo modo actus: sicut est materia prima, non autem ex illa, quæ ita est potentia, vt etiam simul sit actus, sicut contingit in presenti, vt ex dictis patet.

Sed ista solutio nõ placet; Vnde contra illam sic argumentor. Illud potentiale accidentis, etsi in alio ordine sit actus, si v. g. comparatur in ordine ad substantiam, in qua recipitur, tamen in illo ordine, in quo consideratur, vt recipiens actualitatem accidentis, consideratur, vt pura potentia, nihil enim recipit actum, vt est actus, sed vt est potentia. Ergo poterit cum illa actualitate facere vnum per se; Ad constituendum enim vnum per se non requiritur, quod potentia recipiens actum, **sit in omni ordine potentia, &**

nullo modo actus, sed sufficit, quod in illo ordine, in quo recipit, sit potentia, vt patet in essentia, quæ licet in genere essentia sit actus, quia tamen in genere existendi est pura potentia, potest facere vnum per se cum existentia. Ergo &c.

Resp. ergo aliter ad argumentum, conced. Consequentiam, scilicet. Accidens componi intrinsecè ex illo actuali, & ex sua potentialitate; & ad probationem in contrarium dicimus, accidens, etiam si aliquid in illo sit potentiale, posse tamen secundum se totum esse actuum: Tum quia illud potentiale est iam actuatum per id, quod erat actuale in accidenti, ac per consequens poterit agere, sicut suppositum integrum agit, quia actiones sunt suppositorum; Nec impedit hanc eius actiuitatem potentialitas materiae in supposito inclusa; Supponitur enim, vt iam in illo actuata per formam. Tum etiam, quia illud potentiale receptiuum accidentis est etiam aliquo modo actus, & ideo potest agere. Tum denique, quia falsum est, vniuersaliter loquendo, principium passiuum non posse agere, vt patet in potentijs vitalibus, & in ipso intellectu possibili, qui licet sit potentia passiva, agit tamen, cum intelligit obiectum, vel dicit verbum: De quo videre poteris Nost. Compl. in lib. de An. disput. 18. quæst. 1. n. 14.

Si autem quæras, quid sit illud potentiale, quod respicit, & recipit



pit actualitatem accidentis, & cū illa; accidens ipsum componit intrinsecè? & vtrum sit realiter ab actualitate accidentis distinctum? Resp. quòd etsi hoc indicium, inmodò ne quæsitum quidem reliquerint Auctores, ne tamen maneat Intellectus suspensus, possumus hoc duplici via, & vtraque probabili, explicare. Primo, si dicamus, illud potentiale non esse realiter actualiter, sed virtualiter tantum ab actuali distinctum. Hoc enim potentiale erunt ipsi gradus superiores, mediantibus quibus recipitur accidens in subiecto, qui gradus superiores sunt quid potentiale respectu inferiorum; Ratio enim qualitatibus, ut sic, prius recipitur in substantia, quam ratio albedinis, eo proportionali modo, quo forma substantialis prius recipitur in materia secundum gradus vniuersaliores, v. g. prius recipitur secundum gradum corporis, quam secundum gradus viuentis, vel hominis, ut docent Nost. Cōplut. in lib. de Generat. disp. 2. Et in hoc sensu compositio, quam faciet hoc potentiale cum actuali, non erit realis, sed virtualis tantum. Secundo modo potest hoc potentiale explicari dicendo, quòd sit aliquod accidens tenens se ex parte substantiæ, faciens illam proximè capacem accidentium, spectabitque ad genus illius accidentis, quod recipitur, v. g. si recipiatur albedo in substantia, illud accidens potentiale erit quædam dispositio

de genere qualitatibus, faciens substantiam proximè dealbabilē: Et si hūc sensum teneamus, actualitas accidentis faciet compositionem realem cum ipsa potentialitate. Hæc de prima difficultate.

§. 3. *Expediatur secunda in explicatione tituli quæstionis proposita difficultas, & principali quæstio responderetur.*

**S**ecunda difficultas, quam diximus in titulo quæstionis inuolui, est; An admissa potentia obiectiua, Aristot. distinguens ens in actum, & potentiam, intellexerit: Potentiam obiectiuam. Scotus enim affirmat hoc expressè, ut videre est apud ipsum in 2. distin. 16. quæst. 1. Quem sequuntur communiter Scotistæ.

Præcipuum fundamentum illorum est, positio potentia obiectiua; quia cum omne ens, vel actu sit, vel saltem possit esse, ponendo Philosophus distinctionem entis in potentiam, & actum, hanc potentiam obiectiuam, ratione cuius ens, quod non est, potest esse, intellexisse videtur:

Hac tamen sententia admissa, etiam potentia obiectiua, non in eo tantum sensu, in quo nos illam admisimus, sed, & in eo, in quo illam reieccimus, non potest sustineri: quia Philosophus talem potentiam intellexit distinguendo ens

in potentiam, & actum, cui semper correspondet actus, per quem illa potentia expletur, quia illi opposuit actum, tanquam membrum contradistinctum ab ipsa, non quomocunque, sed ut completum ipsius; Sed potentia obiectiva non semper correspondet actus, nec semper completur per actum, sed quandoque per potentiam, si id, quod est in potentia obiectiva, non sit actus, sed potentia, ut de materia docent Nost. Complut. in Phys. disp. 3. quæst. 2. Ergo &c. Et à fortiori in sensu à nobis explicato, in quo admittimus dari potentiam obiectivam, non potuit Philosophus, distinguendo ens in actum, & potentiam, intellexisse potentiam obiectivam; In dicto enim sensu potentia obiectiva nihil reale est distinctum à potentia activa, & passiva. Ergo non potuit poni pro differentia divisiua entis, quia ens dividitur in ea, vel per ea, quæ sunt ens, non autem in nihil, vel per nihil. Sicut vivens non dividitur in non viventia, sed in viventia.

Ex quibus omnibus colligere potes, quid ad principale quæsitum tituli quæstionis dicendum sit, nunc scilicet Aristoteles dividerit ens in actum, & potentiam, tanquam in diversa realiter; Cum enim, ut ex dictis constat, non intellexerit potentiam obiectivam, planè sequitur, illum divisisse ens in actum, & potentiam, tanquam in diversa realiter: Quælibet enim potentia realiter à suo actu distinguitur, sola dumtaxat potentia

obiectiva excepta. Vnde dividendo ens in actum, & potentiam, vel intellexit per potentiam materiam primam, quæ sola est pura potentia, per actum verò omne aliud, quod non est materia, quia omne aut est actus, aut includit actum; Vel certè intellexit per potentiam omnia composita materialia includentia materiam, per actum verò formas subsistentes irreceptibiles in materia, vel tandem per actum intellexit ipsum actum purum, nihil habentem potentialitatis admixtum, Deum sc. Opt. Max. Potentiam verò cætera omnia entia, quæ Deus non sunt, quia omnia habent aliquam potentialitatem, vel physicam, vel metaphysicam, & si in hoc ultimo sensu eam posuit Philosophus, hæc distinctio coincidit cum illa, quæ ens dividitur in Deum, & creaturas.

### QVÆSTIO III.

*Utrum Divisio Potentie in  
activam, & Passivam  
sit adequata.*

**H**æc dubitatio oritur tum propter potentiam obiectivam, tum etiam propter potentiam resistivam, quas aliqui ponunt, esse potentias realiter ab activa, & Passiva distinctas, ac ex consequenti negant, divisionem potentie in activam, & Passivam esse adequatam; de sola tamen potentia resistiva hic disputabitur, quia iam est circa potentiam obiectivam.



obiectiuam in præcedenti quæst. difficultas sopita.

Dicendum est ergò primò, non dari aliquam potentiam resistitiuam, quæ sit vera, & realis potentia ab actiua, & passiuâ distincta. Ita communiter Philosophi, & præcipuè Soncin. 9. Metaph. quæst. 6. & Suarez in sua Metaph. disp. 43. sect. 1. Vbi uterq; hanc quæstionem ex professo tractant; qui tamen in modo explicandi hanc conclusionem differunt; Nam Soncin. ex eo deducit, potentiam resistitiuam non esse realiter distinctam ab actiua, & passiuâ, quia credit, omnem potentiam resistitiuam esse actiuam. E contra P. Suarez etsi cõcedat, aliquas potentias resistitiuas esse actiuas, Immo resistendo agere, & agendo resistere, non tamen hoc dicit esse vniuersaliter verum, quia multa non agendo resistunt: Vnde dicit ille, quod potentia resistitiua non ideò negatur esse distincta ab actiua, & passiuâ, quia cùm aliqua illarum identificentur, sed id.ò, quia potius est quædam impotentia, quàm potentia, nihil enim dicit aliud, quàm difficultatem aliquam in recipiendo effectum, qui ei ab agente contrario imprimi-  
tur.

Et certè, quâuis Soncinnas absolute non dicat falsum, magis tamen placet opinio Suarij, quia explicat potentiam vniuersaliter acceptam, quam Soncinnas non explicat. Etsi namq; opinio Soncinnatis confundens potentiam resistitiuam, & actiuam, in aliqui-

bus resistitiuis vera sit, quia pluræ sunt, quæ resistendo agunt, vt patet in frigiditate, per quam aqua ita resistit actiuitati ignis, vt per eandem, vice versa, in ignem agat, tamen vniuersaliter non est vera: Multæ enim sunt potentie resistitiuæ, quæ actiuæ non sunt, vt v. g. durities, densitas, & similes alie, quæ licet non agant, tamen resistunt, difficilius enim scinditur durum, quàm molle, difficiliusq; penetratur densum, quàm rarum, vt ad sensum patet, cùm tamen, nihil omnino actiuitatis deprehendi possit; Quod vt fundamentalius intelligas.

Nota ex Nost. Complur. duplicem esse resistentiam, actiuam, & passiuam. Actiua resistentia consistit in actione, qua agens vnus agit, seu potius reagit in, agens sibi contrarium, v. g. dùm ignis agit in aquam, introducendo in ipsam calorem, aqua, vice versa, reagit in ignem, debilitando per suam frigiditatem calorem ipsius. Passiua verò sita est in, hoc, quod passum ratione dispositionis contrariæ, siue ineptæ, ita elongatur ab effectu producendo, & receptione ipsius, vt difficulter admodum illum recipiat, sicut v. g. lapis aliquis magnæ molis resistit conanti illum mouere, unde non, nisi ab agente potente illam difficultatem vincere, moueri potest: Vnde hæc resistentia dicitur passiuâ, quia consistit in, difficili quadam capacitate ad formam recipiendam, Hæc Nost. Complur. docent in lib. de Gen. & Cor.

& Cor. disp. 8. quæst. 2. Quam doctrinam Iumpserunt ex S. Tho. qui in multis locis hanc distinctionem potentia resistitiua ponit, præcipuè verò 4. senten. distin. 5. quæst. 1. art. 3. quæstion. 3. ad 4. Vbi dicit, *Contrariū, ex quo fit generatio, non impedit actionem agentis, nisi dupliciter. Vno modo debilitando virtutem agentis; quod etiam non est vniuersaliter verum, sed in his, tantum, in quibus est mutua actio, & passio. Alio modo, per se loquendo, elongando potentiam passiuam patientis per indispositionem à receptione effectus agentis.* Ex quibus verbis habes primò duplicem illam acceptionem potentia resistitiua à Complut. explicatam. Habes secundò, quomodo potentia resistitiua actiue non sit potentia propriè resistitiua, quia S. Thom. dicit, explicando resistantiam passiuam, quòd illa sit resistantia per se loquendo; ac per consequens resistantia actiua non est per se, & propriè resistantia, sed aliquo modo tantum; Quod potest tali discursu explicari, & confirmari. Etiam si ignis v. g. non agat per calorem in aquam, tamen aqua potest agere per frigiditatem, vt patet, quia aqua putei frigefacit manum, etiam si nulla sit actiuitas in ipsam ignis, immò hoc est verum, non solum de alijs suppositis ab igne distinctis, sed etiam de ipso igne, cui dicitur aqua per frigiditatem resistere; Nā si ignis applicetur debite aquæ frigidæ, ita vt sit intra spheram actiuita-

tis ipsius, tunc etiam si Deus susponderet suum concursum, quo concurrat cum igne ad calefaciendum, & ex consequenti ignis nõ calefaceret, tamen aqua posset agere per frigiditatem in ignem, quia suppono, illam habere omnia requisita ad agendum. Ergò actio frigefactiua, qua agit in ignem, sub conceptu actionis, nõ est resistantia. Patet consequentia, quia resistantia est inseparabilis, etiam ratione, ab actione contrarij in resistens; cui enim resistitur, si nihil in contrarium, agit? Cùm ergò frigefactio, quæ est actio aquæ in ignem, sit sine actione ignis per calorem, vt ostensum est, planè sequitur, actionem frigefactiuam, quæ talem, non esse resistantiam. Dixi, quæ talem, nam bene potest aliunde dici etiam resistitiua, in quantum est actio frigiditatis aquæ, ratione cuius resistit aqua calori ignis, vt statim explicabitur. Hoc pro nunc ex allato discursu colligimus contra sententiam Soncinatis, quòd tantum abest, vt potentia resistitiua identificetur seper cum potentia actiua, vt potius nulla potentia actiua, quæ talis, sit similiter resistitiua.

Iam ergò explicare oportet, in quo ratio potetia resistitiua formalissimè consistat.

Dico itaque, quòd, sicut resistantia actualis non consistit (quæ est actus potentia resistentiæ) in aliquo actu positiuo, sed potius in priuatione actus, ita potentia resistitiua non est vera potentia,

sed

sed potius cit impotentia, vel incapacitas aliqua, consistens in quadam impossibilitate consequente aliquam formam, aut dispositionem passivæ, propter quâ, vel est absolutè incapax, vel saltem difficulter capax impressio- nis factæ ab agente habente formam. Patet autem, hanc incapacitatem, vel impossibilitatē non posse esse potentiam realem, quia actus per se primò correspondens non est realis: iam autem potentia realis non datur, nisi habeat actum per se primò sibi correspondentem realem; Ideò enim secundum communem Philosoph. sententiam non datur potentia realis corruptiva, sicut datur potentia realis generativa, quia corruptioni non correspondet terminus positivus, sed privativus tantum, scilicet non esse formæ; Vnde cum hæc incapacitas, siue impossibilitas reperiatur non solum in formis nihil actiuitatis habentibus, quales sunt durities, & densitas, sed etiam in ipsis formis actiuis v. g. in frigidityte, vel siccitate: non enim minus est impossibilis siccitas cum humiditate, aut calor cum frigore, quam durities cum scissione, aut densitas cum penetratione, inde est, quòd vniuersalius explicuit Suarez rationem potentia resistitiuæ, quæ non est potentia realis ab actiua, & passiva distincta realiter, per istam incapacitatem, vel impossibilitatē, quam Soncinnas confundendo potentia resistitiuam cum actiua, hoc enim

cuius dictum, vel absolutè non currit, etiam in resistentibus actiue, vt iam explicatum est, vel saltem, etsi possit in istis tolerari, tamen in resistentibus passiuè nullatenus sustineri potest.

Aduertendum tamen est, quòd si non ita pressè, & scrupulose loquamur, possit sustineri opinio Soncin. & ostendi, quomodo omnis potentia resistitiua abiectiua non distinguatur. Nam in primis in resistitiuis actiue, potest etiam illa actio, licet non formaliter, quæ actio reduplicatiue, sed specificatiue tantum vocari resistitiua: siquidem non tantum absolutè agit in passum, sed etiã agendo reprimat, & extenuat vires agentis contrarij per suam reactionem, ac per consequens resistit. Et hoc enim resistere dicitur, quod actionem contrarij debilitat, & retundit, sicut in materiali exemplo videre licet, nam impugnanti se non ille tantum resistere dicitur, qui passiuè se habendo, opposito scuto reparat ictus, Verum & ille, qui eosdem reprimat, & retundit, etiã cum læsione se impugnantis: vnde etiam ipsa potentia actiua tali actioni correspondens erit potentia resistitiua. Similiter in resistentia passiva est quidam actiuitatis modus, primò ex eo, quia forma, seu qualitas resistens passiuè, dimanat ab essentia, quam consequitur, quæ dimanatio, etsi non sit vera actio, vt docet S. Thom. pluribus locis, & ex eo deducunt hoc fieri, solidissimisque

rationibus confirmant nost. Cō-  
plut. in Phys. disp. 10. qu. 3. §. 3.  
4. §. , tamen negari non potest ,  
eam aliquid actiuitatis habere ,  
& ratione eius essentiam , à qua  
dīmanat, ad genus causæ efficiē-  
tis spectare, vt ex doctrina Com-  
plutens. , quam ibidem habent ,  
constare potest, ac ex consequēci  
etiam in resistentia passiua habe-  
bit aliquem actiuitatis modum ,  
non quidem ipsi formæ resistenti,  
vt quo, sed supposito resistenti ,  
quod, cōpetentem . Secundò , vt  
ex eo potest hæc actiuitas etiam  
formis resistentibus passiue attri-  
bui , quia quantumlibet passiue  
resistant, semper tamē aliquem  
in ipsis reactionis modum inue-  
nimus ; Graue enim v.g. ita pas-  
siue resistit mouenti se, vt impel-  
lendo, seu tendendo versùs con-  
trarium locum, reagat in illum ,  
debilitetque vires eius; quod etiā  
ipsa experientia discimus ; vide-  
mus enim, fatigari, ac debilitari,  
qui graue aliquod onus portant,  
vel loco mouent , & quò diutius  
hoc fecerint, eò magis lassantur:  
Quæ tamen lassitudo, vel debili-  
tas sine aliquo reactionis modo  
intelligi non potest. Similitèr du-  
rities etiam aliquo modo reagit,  
dum scissionem impedit ; vnde  
eadem experientia duce , vide-  
mus ferra præacuta eò magis he-  
betari, ac in suo acumine obtū-  
di , quò duriora secant ; Sicque  
etiam de alijs qualitativis passi-  
ue resistentibus philosophari li-  
cet : Vnde si Soncinas non sum-  
psit propriè , & rigorosè poten-

tiam actiuam, potest eius senten-  
tia modo à nobis explicato su-  
stineri .

Atque hinc colliges , non ita  
propriè locutos fuisse nost. Com-  
plut. lib. de Gener. & Corr. disp.  
8. qu. 3. Quando reactionem, qua  
passum habens qualitatem actiuā  
reagit in agens contrarium , vo-  
cauerunt resistentiam actiuam ,  
illa enim reactio, non potest di-  
ci resistentia actiua , nisi fortè  
abusue, propter rationem supe-  
rius adductam . Sed

INQVIREs prò completa hu-  
ius difficultatis decisione : Vnde  
hoc proueniat, quod aliquæ qua-  
litates sint magis actiue , & aliæ  
magis resistitiue, vt v.g. calor est  
magis actiuus, siccitas autem est  
magis resistitiua? Similiter frigi-  
ditas actiua magis, humiditas au-  
tem magis resistitiua?

Resp. , in sententia Soncinæ  
hanc difficultatem facile expedi-  
ri: Dicit enim Sonc. & optimè, nō  
repugnare, eundē numero actum  
esse se ipso perfectiorē , & imper-  
fectiorem , seu dici de se secundū  
magis , & minus , si diuersimodè  
accipiat : Nam in primis eodē  
actu potest intelligi principium ,  
& conclusio , est tamen idem ac-  
tus, vt terminatus ad principiu,  
perfectior seipso , vt terminatur  
ad conclusionem. Similiter eodē  
actu fertur voluntas in finem , &  
in media, & tamē magis amat  
media, quā finem; illa enim pro-  
pter hunc amantur . Tandem  
hoc etiam in ipsis potentijs in-  
uenitur ; nam Intellectus , & me-

moj

moriam, vt docent nost. Complut. in lib. de An., sunt vna res, & tamen dignior est intellectus memoria; & idem mille alijs exemplis ostendi potest. Similiter ergo in præfenti dicit Soncin. quòd licet ipsa actio esset resistentia, tamen potest aliqua qualitas ex intimis suæ naturæ esse magis actiua, quàm resistitiua, & è contrà.

Secundò, & melius iuxta nostra principia, dicimus, hoc prouenire ex modo vnionis; quia scilicet vna forma, vel qualitas firmius, & melius vnitur subiecto, quàm alia, & idè est magis resistitiua. Notantèr autem dixi, huc excessum, quo se in qualitatibus mutuo excedunt agere, & resistere, refundi in modum vnionis, ne fortè cuiuspiam subrepat, me intelligere per hanc firmiorem, & meliorem vnionem intensionem qualitatis, quasi in qualitate minus resistitiua, & magis actiua sint plures gradus virtuales resistentiæ, & pauciores actiuitatis, & è contrà, in qualitate magis resistitiua, & minus actiua: Hoc enim nec somnari, nec sustineri in recta Philosophia potest, quia si v.g. calor ignis idè est magis actiuius, quàm resistitiuius, quia est actiuius, vt octo, & resistitiuius, vt 6., tunc si decreverent æqualiter in calore actiuitas, & resistentia, quando actiuitas caloris peruenerit ad gradum, vt duo, iam eius resistentia totalitèr periret, & sic daretur calor, qui nõ esset resistitiuus frigiditati; quod

est falso falsius. Simileque argumentum fieri potest de siccitate, quæ est magis resistitiua, quàm actiua, semper tamen sub intensione, quantumuis minima, est simul resistitiua, & actiua. Non ergo hic excessus in resistentia, & actiuitate prouenit ex intensione qualitatum, sed, vt dixi, ex modo vnionis, quia sc. vna qualitas ex suis intrinsecis petit vni ri firmius, quàm alia, idè què ratione istius firmitatis difficultus erit mobilis, tardiusque recipiet impressionem agentis contrarij, idè què magis resistet.

Cùm autem, & quomodo alijs quibus qualitatibus hæc firmior vnio conueniat, quàm alijs, ex natura vniuscuiusque qualitatis petendum est. Cum ergo circa omnes, & singulas hic ob breuitatem discurrere non liceat, dabo exemplum in calore, & siccitate, vt, proportionè seruata, vnusquisque de alijs possit ferre iudicium. Siccitas enim, quæ est magis qualitas resistitiua, quàm actiua, habet hoc, vt constringat, consolidet, & condenset partes corporis, vt ad sensum patet; Terra enim v.g. quò siccior, èò est densior, & solidior, idè què est magis resistitiua, quia corpus quò magis condensatas, consolidatasque partes habet, èò difficilius admittit impressionem agentis contrarij, atque adeò resistit magis: E contra, calor, quantum est ex vi sua, non est condensatiuus, nisi fortè ratione siccitatis secum inuentæ, sed ratione vigorositatis

subtilizat, vt sic dicam, potiùs, quàm condensat; Vnde corpora candiora subtiliora sunt, & leuiora, vt in aqua patet, quæ grauior est, cum frigida, leuior, cum calida est. Inde est, quòd calor agit magis ratione subtilitatis, & agilitatis, quia magis est penetratiuus, resistit verò minùs, quia faciliùs, vpo è subtilis, ab impressione contrarij agentis penetrari potest. Ex quibus omnibus inferendù, &.

Dicendum est 2., adæquatam esse diuisionem potentie in Actiuam, & Passiuam. Prob: primò. Nò datur potentia obiectiua realis ab actiua, & passiuam distincta, vt vidimus quæst. præcedenti, neque resistiua, vt probatum est modo; neque tandem aliqua alia potentia realis est ab aliquo hucusque adinuenta, & nulla est alia potentia realis, nisi actiua, & Passiua; ac per consequens hæc diuisio erit adæquata.

Prob. 2. Potentia, vt sic, est quidam actus primus, dicens habitudinem ad actum secundum; Sed actus secundus proximus, & immediatus alicuius potentie, vel est actio, vel passio. Ergo, & potentia non nisi actiua, & passiuam. Maior patet. Minor prob. quia duplex tantum habitudo ad potentiam intelligi potest, scilicet. vel vt ad principium, à quo, quod constituit actionem; vel vt ad principium, in quo, seu ex quo fit, in quo passio consistit. Ergo &c.



## QVAESTIO IV.

*Vtrum subdiuisio Potentie  
Passiue in Naturalem,  
Violentam, & Obedientialem sit sufficiens.*

**P**RO tituli intelligentia, supponendam est primò, quòd cum omnis potentia dicatur per comparisonem ad aliquem actum, inde est, quòd potentia naturalis, prout in presenti sumitur, dicatur per ordinem ad actum, quem conaturaliter respicit, vt conuenientem sibi; cuius oppositum constituit potentiam violentam; illa enim est ad actum impressum sibi contra naturalem impetum, seu inclinationem. Potentia verò obedientialis est, quæ respicit actum, non quidè naturalis, quia non est ipsi ab agente naturali, saltem principaliter, communicabilis, neque etiam violentum, quia non est contra ipsius inclinationem, sed respicit actum supernaturalem. Exemplum primæ potentie est vbicatio sursum respectu levis, & deorsum respectu grauis. Exemplum verò secundæ est vbicatio deorsum respectu levis, & sursum respectu grauis. Tertie verò Gratiæ, & omnes effectus supernaturales.

Supponendum est secundò, potentiam obedientialem, & violentam esse potentias passiuas tantum, ita vt nunquàm eis, formaliter vt talibus, ratio potentie acti-

actiua possit conuenire. In primis enim potentia obediencialis non potest esse proximè actiua, quia cum potentia obediencialis sit respectu effectuum supernaturalium, si daretur potentia obediencialis proximè actiua, contineret effectus supernaturales actiua, ac per consequens deberet participare aliquid omnipotentia Dei: quod est impossibile, ut docet S. Tho. 2. quæst. 178. art. 1. ad 1. Vnde meritò nost. Complut. in Phys. disp. 12. quæst. 1. §. 5. reprehendunt Franciscum Suarez, qui talem potentiam obediencialem, quæ sit proximè actiua, primum admisit, & defendit, de quo (loco cit.) videri possunt. Vbi etiam explicant, quomodo possit potentia obediencialis admitti, quæ licet non proximè, remotè tamèn, & radicalitèr actiua esse potest. Similiter potentia violenta semper est passiua, nulla enim actio potest esse violenta agenti; Nā si virtute naturali agat actio, illa est naturalis, quia est virtuti naturali conformis; Si autem agat virtute supernaturali, actio non erit contra inclinationem naturæ, sed supra illam: Vnde respectu agentis nulla actio potest esse violenta, quia nulla est contra naturæ ipsius inclinationem: Quòd autem aliqua actio sit violenta passio, hoc non facit, ut sit etiam violenta agenti, à quo elicitur, ut ex se patet. Vnde potentia obediencialis, & violenta solam potentiam passiuam diuidit, quia (ut modo diximus) utraq;

actiua esse non potest. Potentia autem naturalis, quamuis possit indifferenter dici de potètia actiua, & passiua, quia potentia naturales possunt esse, & actiua, ut patet in calore, frigiditate, &c. & passiuæ, ut patet in materia prima, quantitate, &c. hic tamen sumitur paulò pressius, prout soli potentie passiuæ competit, in quantum scilicet recipit actum, quem conaturalitèr respicit, in quemq; cōnaturalitèr inclinatur. De hac ergo potentia naturali quærimus, verum simul cum violenta, & obedienciali diuidant adæquatè potentiam passiuam, ut sic?

§. I. Refertur opinio Scoti, & sequacium eius.

Scotus ergò in Prologo 1. sentent. quæst. 1. & in 2. distin. 2. quæst. 6. tenet, diuisionem potètiæ passiuæ in Naturalem, Obediencialem, & Violentam non tantum inadæquatam, sed etiam superfluum esse. Quòd sic inadæquata, probat Scotus ex eo, quia credit, dari quandam potentiam neutram, quæ est respectu actus, in quem non inclinatur, neque, in oppositum ipsius, seu respectu actus, qui neque est iuxta, neque contra dictæ potètiæ inclinationem; Vnde etiam vocatur neutra, quasi neque naturalis, utpotè non respiciens actum, in quem inclinatur naturalitèr; neque violenta, quia actus non est dissonus ipsi. Probatque Scotus pluribus

Instantijs, dari hanc potentiam neutram.

In primis enim superficies neque respicit naturaliter albedinē, neque nigredinem, sed neutralitē se habet ad utramque; Non quidem (vt adnotauit Faber Fa- uentinus, quæst. 1. procem. distin. 1.) secundum rationem communem coloris, sed secundum specificas rationes ipsorum. Similiter Angelus dicit hanc potentiam neutram ad essendum in loco, quia indifferentē potest esse in hoc, vel in illo: Et ratio vtriusque exempli est, quia si superficies inclinaretur naturalitē ad determinatum colorem, vel Angelus ad determinatum locum, tunc superficies, quando esset sub alio colore, vel Angelus existens in alio loco, essent in statu violento, quia essent in statu naturali inclinationi repugnantē. Tertiū exemplum adducit Scotus huius potentie neutre in Cælo respectu motus circularis, ad quem Cælū non dicit inclinationem naturalitē; Si enim hanc diceret, tenderet per illum ad quietem naturalitē, vt arguit Auicenna 9. Metaph. Omnis enim motus naturalis terminatur ad quietem naturaliter: Falsum autem est, cælum ad quietem tendere naturaliter, quia aliās, si eam non assequeretur, violentaretur; cū tamen si Deus vellet, mundum cum generationibus, & corruptionibus durare in æternum, motus cæli nunquam cessaret, & tamen quis diceret, quod tunc cælum violentē

moueretur? aliās enim in æternum, etiam supposita voluntate Dei de æternitate generationum, & corruptionum, durare nō posset, quia nullum violentum est perpetuum.

Confirmaturque hæc opinio Scoti ex P. Suarez, qui illi subscribit in sua Metaph. d. 43. §. 4. n. 13. Nam ignis est in potentia neutra, vt in suo naturali loco vel circularitē moueatur, vel quiescat; quia forma ignis ad neutrum horum dicit inclinationem, vel repugnantiam, sed solum inclinatur naturalitē ad existendum in suo loco, & hoc est quasi obiectum primariū ipsius inclinationis; modus autem existendi cum motu, vel sine illo, accidentarius est, & non est propriē actus per se contentus sub primario obiecto, sed conditio concomitans, & accidentaria. Similiter aer est in potentia neutra ad lumen, quia forma aeris non dicit naturalem inclinationem ad illud, etiam si ei non repugnet. Hæc pro 1. p. assertionis Scoti, quod scilicet diuisio potētie passiuæ in naturalem, violentam, & obedientialem non sit adæquata.

Quod autem ex alia parte sit superflua, probatur ex Scoto loco cit. proli, quia potentia obedientialis non constituit distinctā potentiam realem à naturali (tenet enim Scotus, & communiter Scotistæ, potentiam obedientialem esse naturalem) quod etiam probant. Potētia receptiua actus supernaturalis seipsa, ac sine ali-

quo



quo medio est receptiva illius, ut patet in Anima respectu gratiæ habitualis, & Intellectu respectu luminis gloriæ; hæc enim recipiuntur in illis sine aliquo medio. Ergo non datur potentia obediencialis distincta à naturali. Patet consequ. quia, si hæc daretur, deberet mediante illa recipi actus supernaturalis in potentia naturali; Cum ergo non recipiatur, ut vidimus, in Anima, & in Intellectu, quæ sunt potentiæ naturales, & tamen sine medio recipiunt gratiam, & lumen gloriæ, qui sunt actus supernaturales, nulla dabitur potentia obediencialis supernaturalis distincta à naturali.

Confirmatur. Potentia, quæ naturaliter inclinatur in aliquem actum, est potentia naturalis; Sed homo, v. g. naturaliter inclinatur in actus supernaturales. Ergo est in potentia naturaliter ad illos. Maior, & consequentia patent. Minor verò probatur. Homo naturaliter inclinatur in beatitudinem supernaturalem consistentem in visione clara Dei, quia, cum beatitudo sit maxima perfectio hominis, maximè, ac per consequens naturaliter inclinabitur in ipsam. Ergo & in ceteros actus supernaturales inclinabitur naturaliter; isti enim ordinantur ad beatitudinem, tanquam ad actum principalem principaliterque potentiam perficientem.

Si autem ex Scoto, & Scotistis (qui communiter Scotum sequuntur) queratur, quomodo illa potè-

tia obediencialis possit esse naturalis? quandoquidem est respectu actuum supernaturalium.

Respondent ipsi, quod potentia potest dupliciter comparari, vel ad actum imprimendum, vel ad agens impressuum actus. Si secundo modo sumatur, potest habere differentiam naturalitatis, vel supernaturalitatis; erit enim naturalis, si agens erit naturale, supernaturalis verò, si erit supernaturalis. Si autem primo modo sumatur, nunquam poterit esse supernaturalis, sed semper erit naturalis, quoties, vel actus non repugnabit ipsi, vel ipsa non se habebit indifferenter ad illum. Unde secundum Scotum, & Scotistas hæc est adæquata, & optima divisio potentiæ passivæ, quæ dividitur in Naturalem, Violentam, & Neutram; non autem illa à nobis in titulo quæst. propositæ, quæ, exclusa potentia neutra, naturali, & violentæ adnumerat potentiam obediencialem.

*§. 2. Ostenditur contra Scotum, nullam dari potentiam neutram.*

**H**æc opinio Scoti duplicem involuit difficultatem, quæ in præsentem expedire debemus, ut ostendamus bonam, & adæquatam esse divisionem potètiæ passivæ in Naturalem, Violentam, & Obediencialem.

Prima difficultas est circa potentiam neutram; An sc. detur quam

quam si non dari ostenderimus, facile euincemus, diuisionem potentiae passivae, in titulo assignatam, esse adaequatam. Secunda est circa potentiam Obedientialem; An sc. illa sit eadem cum potentia naturali; Si enim non esse eandem probauerimus, constabit, illam diuisionem potentiae passivae esse optimam, vtpotè nec superfluum, nec diminutam.

A prima itaque difficultate incipiendo, pro eius decisione. Supponendum est primò cum Caiet. tom. 1. Opusc. tract. 3. q. 1. dupliciter nos posse imaginari potentiam neutram, primò per negationem potentialitatis, vt sc. illa sit potentia neutra, quæ neq; ad hunc, neq; ad oppositum actum dicit potentialitatem, v. g. potentia visiva comparata ad sonum acutum, & grauem posset hoc modo dici potentia neutra, quia ad neutrum istorum actuum est in potentia. Et si hoc modo sumatur potius dicenda est potentia nulla, quam potentia neutra, quia ad nullum istorum actuum potentia visiva dicit potentialitatem. Vnde respectu illorum potius est impotentia, quam potentia. Alio modo potest dici potentia neutra respectu aliquorum actuum propter negationem inclinationis respectu illorum, quia nimirum licet sit indifferenter receptiva vtriusque, ad nullum tamen illorum dicit inclinationem. Et hoc modo sumit Scotus potentiam neutram, exemplificatque in superficie respectu alibi, & nigri,

aliisque supra relatis exemplis.

Supponendum est secundò, dupliciter posse potentias inclinari in suos actus, vel per se primò, vel per se secundò: Cum enim potentia definatur per actum, tanquam per id, ad quod est naturaliter ordinata, debet assignari cuilibet potentiae aliquis actus, quem per se primò, seu naturaliter respiciat, tanquam terminum suæ essentialis habitudinis, per quem eius natura explicatur, reliquos autem actus, qui sunt connexi cum actu per se primò inspectio respicit per se secundò: Vtrumque in materia cernere licet; Materia enim, secundum se, & absolute sumpta, respicit formam, seu actum substantialem, vt sic, seu absolute per se primò, talem verò, vel talem actum, v. g. formam ignis, vel hominis respicit per se secundò. Dixi materia secundum se, & absolute sumpta; Nam si materia accipiat, vt est sub certis dispositionibus, tunc iam, formaliter vt sic disposita, respicit actum determinatum per se primò, illi scil. ad quem recipiendum intelligitur esse per dictas dispositiones determinata.

Supponendum est tertio, quòd cum natura instituerit potentias non solum propter actus per se primò inspectos, sed etiam propter actus inspectos per se secundò, quia non solum per illos, verum etiam per istos potentiae actuuntur, immò impossibile est, potentias actuari per primos, quin actuentur per secundos; Actus

enim

enim per se primò inspecti sunt actus secundum rationem vniuersaliorem, secundum quam specificant potentias; iam autem impossibile est, quòd potentia recipiat actum, vt sic, nisi in quantum recipit illum contractum in aliqua specie, immò in aliquo individuo, vt patet in superhicie, quæ respicit colorem, vt sic, non tamen recipit colorem, vt sic, nisi recipiendo album, vel nigrum; Inde est, quòd vtrosque actus, nimirum tam per se primò, quàm per se secundò inspectos respiciat potentia naturalis, naturaliterque inclinatur in ipsis, vtpotè in eos, ad quos est à natura ordinata, iuxta illud Aristot. axiom. ex 2. Philof. text. 78. *Vnumquoq; sicut agitur, ita aptum, & natum est agi.*

Supponendum est quartò, quod, quando agimus de potentia neutra, an detur, non loquimur de artificialibus, nam in his potest dicta potentia neutra admitti, lignum enim v. g. non dicit aliquā inclinationē, vt ex illo fiat Crux, vel scamnum, sed idifferenter se habet ad vtrumque, sicut & ad cætera artefacta. Quærimus ergò, an potentia neutra inueniatur in rebus naturalibus, sicut in illis inuenitur potentia naturalis, & violenta. Per quod etiam excluduntur Mathematica, quæ sub sua abstractione in rerum natura non inueniuntur. His ergò suppositis.

Dicendum est, nullam dari in rerum natura potentiam neutram,

ac per consequens diuisionem potentiarum passiuarum in naturalem, violentam, & obedientialem esse adzquatam. Hanc Conclusionem defendunt communiter Thomistæ contra Scotum, Caietan. in Opusculo. tom. 3. tract. 3. q. 1. & 1. p. q. 1. ar. 1. Nazarius 1. p. q. 1. ar. 1. controu. 2. & alij plures.

Probat. conclus. ratione Caietani. Omnis potentia ( loquimur autem de potentijs in ordine ad actus, qui non sunt supernaturales ) receptiua alicuius actus, aut respicit illum per se primò, aut per se secundò, aut tandem, vt contrarium actui per se primò, vel per se secundò inspecto. Sed tam actum per se primò, quàm per se secundò inspectum respicit naturaliter, contrarium verò respicit violentè; Ergò omnis potentia ( loquendo de naturalibus ) aut erit naturalis, aut violèta, quibus si addideris potentiā obedientialem respectu actuum supernaturalium, de qua mox dicemus, adzquata erit diuisionem potentiarum passiuarum in naturalem, violentam, & obedientialem. Minor ex notationibus patet; Maior autem probatur. Si daretur aliquis alius actus receptibilis, quemq; potentia passiuā respiceret, præter enumeratos esset, vel maxime, actus disparatus, qui est alterius generis à potentia, & ab actu per se primò; omnes siquidem actus ad genus actus per se primò inspecti spectantes, respiciuntur per se secundò, vtpotè cum actu per se primò inspecto cōnecti. Sed actum disparatum, qui

*scilicet,*

scil: est alterius generis à potentia, nullo modo respicit potentia, v. g. colorabile non respicit sonum: actus enim, & potentia debent aliquo modo ad idem genus spectare, vt ex supra dictis, patet. Ergo &c.

Huic argumento Resp. Ioannes Rada, negando illā proposit: minorem, quod scil. potentia respiciens aliquem actum per se primò, vel per se secundò respiciat illum naturalitèr, ac per cōsequens comparatiuè ad ipsum sit naturalis: dicit enim ille, etiam potentiam neutram, respicere aliquem actum per se primò, illum scil. à quo specificatur, neque tamen potentia neutra est potentia naturalis, aut naturalitèr inclinatur in actum per se primò inspectum, & consequenter, multò minus potentia respectu actus per se secundò inspecti erit naturalis.

Sed hanc eius solutionem optimè impugnat Nazarius: Nam respicere aliquid per se primò, idē valet, ac respicere secundum, quod ipsum; Respicere verò secundum quod ipsum, idem est, ac respicere secundum suam ipsius naturam. Sed quod respicitur secundum naturam respicientis, respicitur naturalitèr. Ergo potentia, quod respicit secundum suam naturam, respicit naturalitèr. Tunc subsumo: Sed quod respicit per se primò respicit secundum suam naturam. Ergo respicit naturalitèr; ac per consequens erit potentia naturalis respectu ipsius; Falsumque erit, quod dicit Rada, potentiam

neutram respicere aliquem actum per se primò, nec tamen esse potentiam naturalem respectu illius. Ex quo possumus sumere efficax argumentum ad destruendam, istam potentiam neutram: Nam omnis potentia vera, & nō ficticia debet respicere aliquē actum per se primò, quia ab actu specificatur. Sed potentia neutra non respicit per se primò aliquem actū, aliās esset naturalis, non autem neutra, vt ex modo dictis patet. Ergo potentia neutra ista, quam defendunt Scotistæ, est ficticia.

Secundò potest respond. ad argumentū Caietani ex doctrina P. Suarez, quam habet disp. 48. Metaph. scil. 4. n. 14. Distinguit enim ille ibidem duplicem potentiam. Aliam, quæ dicit esse per se institutam, & ordinatam ad actum: Aliam verò, quæ nullum dicit ordinem ad actum, sed tantum capacitatem, seu aptitudinem ad talē actum, naturam suam consequentem: Additq; prioris generis potentias, siue respectu primarij, siue respectu secundarij actus, esse naturales; secus dicit contingere in potētijis secundi generis; vnde vocat illas Neutras. Adducitque exēpla, quibus probat, dari dictas potentias secundi generis. Primū exemplum est superficie, quæ, secundum quod talis, non inclinatur in colorem, neque in aliquam speciem ipsius; Vnde in superficie cæli, & aliorum simplicium non inuenitur color, sed tantum superficies dicit capacitatem coloris, quia non repugnat, illam esse coloratam.

loratam, ut patet in superficiebus mixtorum. Similiter quantitas est in potentia neutra ad figuras diuersas, quia non inclinatur naturaliter ad illas, quamuis sit capax illarum: Idemque dicit inueniri in materia prima respectu accidentium, quantum est ex parte materię, & in materia artefactorum respectu formatum induendarum per artem.

Hanc solutionem Suarij, quę multum apparentię habet, mirabar, quando vidi à nemine Auditorum, quos legeram, fuisse impugnatam. Credo, idēd, quia DD. hanc questionem in processibus Theologię communiter tractantes, Suarij metaph., vbi illam tractat, non adserunt; quam tamen, ego in metaph. tracto, quia purē est Philosophica, ut consideranti patebit. Scotus enim non respectu actuum supernaturalium, sed respectu naturalium posuit potentiam neutram, ut ex exemplis pro illa firmanda à Scoto adductis constat.

Arguitur ergo contra solutionem Suarij. Omnis vera, & non ficticia potentia dicit ordinem naturalem ad actum. Ergo illa potentia, quam Suarez posuit, tantum dicere capacitatem ad actum, & non inclinationem, seu ordinem, est ficticia. Patet consequ. & prob. anteced. Omnis potentia vera, & realis est verē, & realiter perfectibilis per suum actum, quia potentia dicit carentiam perfectionis eius, quā habitura est ab actu, ut supra ex

Comment. diximus qu. 3. huius disput. Sed perfectibile inclinatur naturaliter ad suum perfectum. Ergo omnis potentia inclinatur ad suum actum.

Confirmatur. Nam secundum ipsum Suarez, illa potentia dicit capacitatem ad actum: quæro ergo? an ille actus sit contrarius actui per se primò ab illa potentia inspecto, an non? Et iterum: an sit supernaturalis, an non? Si dixerit esse contrarium. Ergo illa potentia respectu eius erit violenta, non verò neutra. Sicut etiam, si dicat, illum esse supernaturalem, tunc potentia capax illius, non erit neutra, sed obediencialis. Si autem dixerit, actum illum, nec esse contrarium a quo primario illius potentię, nec supernaturalem; iterum quæro: an sit eiusdem generis cum primario, & an consequatur ipsum: si dixerit, quod sic, inclinabitur potentia in illum, saltem per se secundò: sic enim in omnes actus connexos, cum actu per se primò inspecto inclinatur: Si autem dixerit, quod non; tunc potentia respectu illius non erit neutra, sed nulla, ut ex supra dictis patet, ac per consequens hæc potentia, non respiciens actum ficticia est, gratisque, ac sine fundamento à Suario inuenta.

Neque illa exempla iuvant Suario, quæ ipse ad firmandam hanc suam potentiam adinuenit. Negamus quidem primum. Nam, vel Suarez, ibi loquitur de superficie abstracte sumpta, secundum

quòd sc. abstrahit à superficie simplicium, & mixtorum, & ii de hac loquitur (vt videtur loqui) discurret extra propositum: Nam, vt ex suppositionibus constet, nos hic non loquimur de rebus mathematicè consideratis; Superficies autem sic abstracta est superficies mathematicè, non tantum à colorabili, sed etiam à sensibili abstrahens, secundum conditionem mathematicorum, quæ à materia singulari, & sensibili abstrahunt. Si verò loquatur de superficie determinata; querimus, de qua? An de superficie simplicium, quæ ille ibi pro exemplo adducit; Et si de hac loquatur, illa non neutram, sed nullam dicunt potentiam ad colores, quia formaliter, quæ talibus, repugnat esse coloris. An verò de superficie mixtorum? tunc de hac dicimus, quòd inclinatur in colorem naturalitèr, in colorem quidè, vt sic, per se primò, in colorem verò talem, vel talem, v. g. album, vel nigrum, per se secundò.

Similitèr respondetur ad secundum exemplum, quòd quantitati physicæ, & realitèr (quidquid sit de illa, mathematicè considerata) semper debet aliqua figura competere: Quantitas enim, naturalitèr existens, semper est extensa in ordine ad locum, quia hic est effectus secundarius ipsius inseparabilis ab illa, nisi fortè miraculosè, sicut separatur in SS. altaris Sacramento: extensio autem in ordine ad locum sem-

per petit aliquam figuram, vnde quæritas, vt physicè existens, præcisoque miraculo, (quæ semper præcindunt Philosophi, quoties de naturis rerum loquuntur, sicut & alia omnia euenientia per accidens,) semper erit sub aliqua figura, inclinabiturque ad figuram, vt sic per se primò, ad talem verò v. g. triangulum, vel cylindrum, vel isoscelem, vel aliam similem, per se secundò; proportionalitèr ad ea, quæ de superficie respectu colorum diximus.

Tertium autem exemplum non indiget responsione, quia materia prima non est receptiva potentia accidentium, sed totum compositum, vt ex ijs, quæ docent Nost. Com'put. in Phys. disput. 3. & in lib. de Generat. & Corrupt. d. 2. & 3. constat.

Similitèr, & quantum; est enim extra propositum, vt ex suppositionibus constat.

Ex quibus facillè iam soluitur illa exempla, quæ Scotus in fauorem suæ sententiæ adduxit. Nam in primis de superficie constat ex modo dictis, quomodo inclinatur in albedinem, & nigredinem naturalitèr, non quidem per se primò, sed per se secundò. Ex quo non sequitur, superficiem esse violentèr sub nigredine, si est naturalitèr inclinata in albedinem, quia in utramque inclinatur: non enim inclinatur in illas, vt sunt contrariæ, sed vt conueniunt in ratione coloris vt sic, quæ est ratio ab illa per se primò inspecta. Illud autem de Angelis non est ad pro-

positum in nostra sententia, secundum quam Angelos non dicit potentiam passivam ad essendum in loco, est enim in loco actiue per suam operationem, ut docet nost. Salmat. tom. 2. tract. 7. disp. 2. dub. 3. Ad illud autem exemplum de Caelo, respondeo cum distinctione, quod scilicet motus cæli ex parte principij actiui est animalis, ex parte verò principij passivi est naturalis. Et hæc naturalitas motus cæli assignatur pro causa à Philos. quod in eo nullus est labor mouenti, ut patet ex 2. lib. de Caelo tex. 3. Nec tamen sequitur, Cælum naturaliter tendere ad quietem, quia illa propositio. Omnis motus naturaliter terminatur ad quietem naturalem, vera est de motu, qui est tantum naturalis, non autem de motu, qui est naturalis, & animalis simul, sicut est motus cæli.

Ad ea quoque quæ Suárez adducit ad comprobandam sententiã Scoti resp. Ad primum de igne dicimus, ipsum ad quietem in propria Sphæra inclinari naturaliter; In illud enim vnaquæq; ratio inclinatur naturaliter, quod est conforme naturæ ipsius: quies autem in suo centro est conformis naturis elementorum; Nam elementa, secundum hunc naturæ statum, quem modo habent, appetunt quietem in proprijs centris: Ideò enim ad sua centra, ruptis (quæ possunt rumpere) obstaculis, indefessa mouentur, ut in eis quiescãt; Vnde ignis secundum hanc conditionem naturæ, quam habet per

creationem, inclinatur ad quietem in suo centro naturaliter, ac per consequens motus circularis esse illi violentus: Cuius optimum signum est, quia quando ad raptum cælorum ignis mouetur secundum aliquas suas partes, ille motus est violentus igni, quia est totaliter ab extrinseco passo non conferente vim: Vnde etiã, sicut omne violentum, ita, & ille motus, ipsæque partes ignis mobiles per ipsum non sunt durabiles; proiectæ enim impetu cælorum in hæc inferiora, dilabuntur, ac corrumpuntur.

Similiter ad aliud exemplum de aere dicimus primò, quod si sequamur sententiam Caietani 1. p. q. 67. a. 3. & aliquorum ex Thomistis reuentium, lucem non esse qualitatem purè naturalem, sed ob suam eminentiam simul habere esse naturale, & intentionale, facili obiectiõni Suarij resp. dicendo, hoc exemplum non esse ad propositum. Si enim lux non est purè forma Physica, ut physicum distinguitur ab intentionali, etiam in quolibet receptiuo ipsius non erit potentia Physica respectu eiusdem, ac per consequens, etsi concederetur, aerem non inclinari naturaliter in lucem, non tamèn esset in potentia neutra respectu eiusdem: hæc enim potentia (ut etiam ipsi Auctores eam defendentes fatentur) si semel datur, debet esse potentia Physica, & naturalis, ut naturale distinguitur ab intentionali, & spiritali: Ceterum quia hæc opinio Caieta,



nī ab alijs grauissimis Thomistis, & nouissimē à nost. Complut. in lib. de An. disp. 10. q. 1. reijcitur, vtpotē menti S. Doct. & recte rationi distona, ideò aliter ad argumentum, resp.

Dicimus ergo, aerem inclinari naturaliter in lucem, secundum quod est susceptiuus ipsius. Est autem aer proprium susceptiuum luminis, non absolute sumptus, sed vt est aliquid diaphanum: Lux enim defuitur à Philos. per diaphanum, tanquam per propriū susceptiuum 2. de An. tex. 69. vbi dicit: *Lumen est actus diaphani, secundum quod diaphanum est.* Cum ergo proprium susceptiuum formæ dicat naturalem inclinationē ad formam, inde est, quod diaphanum naturalitē inclinatur in lucem. Accedit, quia lux est maxima perfectio diaphani: facit enim, illud esse diaphanū, seu transparēs in actu, vt docet S. Thom. 2. de An. lect. 4. *Nec aer, nec aqua, aut aliquid huiusmodi est actu transparent, nisi fuerit illuminatum.* Ergo diaphanum inclinabitur naturaliter in lucem, quia vnaquæque res in suam perfectionem naturalitē acquisibilem naturalitē inclinatur. Accedit adhuc. Nam quælibet res magis inclinatur in quodlibet esse non repugnans sibi, quam in non esse, seu non ens. Ergo cum lux det esse consonum naturæ diaphani, tenebræ autem, quæ sunt priuatio, nullum dent esse, magis diaphanum inclinabitur in lucem, quam in tenebras, ac per consequens non se habebit neutralitē ad vtrumque ex illis,

§. 3. *Defenditur contra Scotum Potentia obedientialis, ostenditurq; potentiā receptiuam actuum supernaturalium non esse naturalem, sed supernaturalem.*

**P**ostquam ostendimus contra Scotum, nullam dari potentiā neutram, ideò quē non debuissē inter membra diuidentia Potentiæ Passiuæ, vt sic numerari, ac per consequens, diuisionem in titulo, quantū est ex hac parte, esse adæquatā, restat, vt ostēdamus contra eundem, Potentiam obedientialem receptiuam actuum supernaturalium esse à potentia naturali distinctam, ac per consequens diuisionē potentiæ passiuæ in naturalem, violentam, & obedientialem non esse superfluan. Pro quo.

Supponendum est primò, naturale multis modis accipi posse: primò enim accipitur naturale, vt distinguitur contra liberum, & est idem, quod necessarium; secundò accipitur naturale pro eo, quod est à natura. Tertiò, vt distinguitur contra violentum, sicut leuis naturale est ferri sursum. Quartò, prout distinguitur contra artificiale. Quintò, vt opponitur super-naturali. Potentia ergo naturalis sumitur hic 2. & 5, modo naturalitatis. Estq; sensus difficultatis. An potētia receptiuā actuum supernaturalium sit naturalis pri-

mo.



mo modo, ita ut nullo modo sit supernaturalis, secundo ita, quod eius inclinatio ad actus supernaturales, sicut, & ipsa potentia talium actuum receptiva, sit à natura.

Supponendum est secundò, quòd quando communiter Thomistæ contra Scotum docent, potentiam actuum supernaturalium non esse naturalem, sed obedientialem, non idèò statim asserunt, potentiam obedientialem esse supernaturalè. Hoc enim etsi aliqui dicant, plurimi tamen negant; & meritò: Potentia enim obedientialis nihil est aliud, nisi ipsa entitas cuiuslibet rei creatæ, ut est subiecta Deo, prompta ad suscipiendum omne id, quod circa illam disposuerit, unde in tantum est formaliter supernaturalis, in quantum respicit, non agens tantum supernaturale (ut vult Scotus) sed dictum agens, ut formæ superantis vires naturæ impressum.

Probatur primò: quia si potentia obedientialis esset entitatiuè supernaturalis, ita ut esset aliquid additum entitati creaturæ, sequeretur, quòd non solum bruta, & inanimata, sed etiam ipsi dæmones obstinati in peccato amarentur à Deo dilectione supernaturali, quod est contra omnes Theologos. Prob. sequela. Nam Deus, qui operatur ad extra per intellectum, & voluntatem, illos dicitur amare, quibus aliquid bonum communicat, ut docent communiter Thomistæ, & eruditè docent nostri Salmat. tom. 1. Curs. Theol. tract. 4. disp. 3. dub. 2. §. 3. ac per

Consequens in illo ordine amabit aliquem, in quo ordine aliquid bonum ipsi communicabit. Ergo si potentia obedientialis erit simpliciter supernaturalis, formaliter scilicet & entitatiuè, quibuscunque hæc à Deo communicabitur, amabuntur à Deo dilectione supernaturali. Cum ergò omnis creatura, etiam insensibilis, etiam ipsi Dæmones, dicant potentiam obedientialem (omnes enim ad nutum obediunt suo creatori, etiam aliquando contra propriam naturam inclinationem, sicut obediit ignis, quando tres pueros non vssit) omnes etiam creaturæ insensibiles, etiam Dæmones, diligerentur à Deo dilectione supernaturali. In quantum haberent aliquid supernaturalitatis ab eo sibi cõcessum.

Probatur secundo, quia si propter aliquam rationem potentia obedientialis debet esse entitatiuè supernaturalis, esset maxime idèò, ut sit proportionatum subiectum receptivum actuum supernaturalium; Sed hæc ratio est nulla; ad hoc enim sufficit, quòd sit supernaturalis formaliter, eo enim ipso dicitur proportionem, sufficientem ad actus supernaturales, qui etiam quandoque non sunt supernaturales entitatiuè, sed tantum quantum ad modum, ut patet in illuminatione cæci: Visus enim non est quid supernaturale respectu oculi, cui conceditur, sed modus tantum est supernaturalis, in quantum post amissionem est restitutus.

Urgetur hoc ipsum. Nā si idèò

potentia obedientialis esset supernaturalis entitativè, quia esset receptiva alicuius supernaturalis, cum iterum illa ipsa potentia sit recepta in Creatura, & sit, secundum adversarios entitativè supernaturalis, petet aliam potentiam similiter supernaturalem. Ergo, vel dabitur processus in infinitum, vel dicendum est, receptivum actuum supernaturalium, non debere esse supernaturale entitativè, sed formaliter tantum. Est ergo potentia obedientialis ipsa entitas Creaturæ, ut respiciens actum supernaturalem incompressibilem ab agente supernaturali, nempe Deo, cui est omnis creatura ad nutum subiecta.

Supponendum est tertio, hanc potentiam obedientialem non esse potentiam de genere qualitatis; cum enim hæc potentia non distinguatur ab entitate Creaturæ, ut subiectæ Deo, rationeque huius subiectionis respiciente actus supernaturales incompressibiles ab ipso, ad illud prædicamentum spectabit, ad quod entitas illa creata spectat, quæ ratione huius potentie dicitur esse Deo subiecta, unde frequentissimè spectabit ad prædicamentum substantiæ, ad quod ut plurimum creaturæ Deo subiectæ, & receptivæ actuum supernaturalium spectant.

Neque tamen dicta potentia consistet in sola non repugnantia, quia dicta potentia verè est causa materialis respectu actuum supernaturalium, quos recipit; verè enim illos recipit, & plures,

habentes conditiones ad hoc requisitas, educuntur ex illa, ut docent Nost. Complut. in Phys. disp. 4. q. 5. Immo etiam instrumentaliter, & remotè, ut eleuata, potest aliquid efficere, sicut aqua; gratiam in baptismo, & Intellectus cum lumine gloriæ visionem beatam, vel cum habitu fidei actum fidei, & voluntas cum habitu charitatis actum charitatis. Ergo hæc potentia non erit sola non repugnantia; Sola enim non repugnantia, cum non sit quid positivum, sed negatio repugnantie, non poterit efficienter, vel materialiter effectus positivos causare: debet enim esse debita proportio inter causam, & effectum. His ergo suppositis.

Dicendum est, Creaturam non posse per suam puram potentiam naturalem recipere effectus supernaturales, ac per consequens potentia obedientialis, quæ est dictorum actuum receptiva, erit à potentia naturali distincta. Ita communiter Thomistæ, Caietan. in Opusc. tom. 3. tract. 3. q. 2. Nazarius 1. p. q. 1. ar. 1. controu. 2. Noster Andreas à Cruce 2. p. q. 12. ar. 1. d. 55. dubio 2. Nost. Salmant. tract. 2. d. 1. dub. 4. Nost. Complut. in Phys. d. 4. q. 5. & novissimè Nost. Philip. à SS. Trin. 2. summæ Philosophi quæst. 46. num. 1.

Probatur primò hæc Conclusio ratione Caiet. Respectu actuum supernaturalium quoad modum tantum, v. g. respectu resuscitationis mortui, vel illuminationis cæci,

cæci, non datur potentia passiva naturalis. Ergo neque respectu actuum supernaturalium, non solum quodam modum, sed etiam quodam substantiam, v.g. respectu gratiæ, fidei, spei, & charitatis. Consequen. patet, quia arguitur à minori ad maius negatiue; qui modus arguendi est optimus, v.g. si arguerem; hoc non potest calefacere, ut tria ergo neque octo. Et probat. Anteced. Respectu quorum datur potentia passiva naturalis, respectu illorum etiã potest dari potetia actiua naturalis; Sed respectu actuum supernaturalium quodam modum, id est respectu effectuum miraculosa cõtingentium, non datur potetia actiua naturalis. Ergo neque passiva. Minorem cõcedunt communiter Theologi, etiam ipsi Scotistæ: Licet enim creatura possit esse causa sufficiens instrumentaliter miraculorum, nõ tamen principaliter, sicut nos hic causam actiuam sumimus, ut probat Angel. Doct. 2. 2. q. 173. ar. 1. Maior autem prob. Cuilibet potentia passiuæ debet correspondere proportionata potetia actiua, ita quod in eo ordine, in quo datur potentia passiva, etiam actiua detur, aliàs & natura, & ipse Auctor naturæ frustra posuissent potentiam passiuam in aliquo ordine, si non haberet in eodem ordine potentiam actiuã, quæ illam reduceret de potentia ad actum. Quod adeo vniuersaliter certum est, ut etiam ipse Philosoph. 3. de An. C. 5. huic principio innixus probauerit da-

ri Intellectum in rerum natura agentem, quia datur Intellectus possibilis, vel passibilis, his verbis. Cum in omni natura sint quædam, quorum alterum quidam vnicuique generi materies est, quod id esse patet, quod est potentia illa cuncta: alterum verò causa, & efficiens omnia, nimirum efficiendo, atque agendo, talem subigens rationem, qualem ars conditionem ad materiam subit, necesse est, & in anima differentias has easdem inesse; atque quidam est intellectus talis, ut omnia fiat, quidam talis, ut omnia agat, atque efficiat. Ergo respectu quorum datur potentia passiva naturalis, respectu eorundem etiam est habilis potentia actiua naturalis.

Confirmatur primò. Potentia naturalis habet appetitum naturalem ad actum, quia hic est perfectio ipsius. Ergo intra suum ordinẽ debet habere aliquod agens, potens illi communicare talem actum, aliàs eius appetitus esset frustraneus.

Confirmatur secundò. Vbi datur transmutabile, ibi datur, & transmutatiuum; hæc enim sunt relatiua; Sed potentia passiva est transmutabilis, actiua verò transmutatiua. Ergo vbi datur potentia passiva, datur, & actiua; ac per cõsequens respectu omnium actuum, respectu quorum datur potentia passiva naturalis, debet etiam dari potentia actiua similiter naturalis. Sed

Obijcies contra hanc rationẽ, & confirmationes sic. Falsum est,

est, quòd debeat dari in eo ordine potentia actiua, in quo datur passiuā, quòdque semper debeant se dictæ potentia conuincari. Ergo &c. Probatur anteced. In materia prima est potentia creatura, & naturalis respectu animæ rationalis, & tamen non datur aliquod agens creatum naturaliter productiuum Animæ rationalis; illa enim per solam creationem fieri potest. Ergo &c.

Resp. negando anteced. ad cuius probationem, vt respondeamus, supponimus, Agens dupliciter posse esse causā alicuius formæ in materia. Vno modo eam producendo, & attingendo existentiam eius per suam actionem, sicut producuntur ab agentibus naturalibus omnes formæ corruptibiles. Alio modo dicitur agens causare formam ex hoc solo, quòd sufficienter disponat materiam, estque consequenter causa, non quòd forma sit absolutè, sed quòd sit talitèr, scilicet vnita materiæ. Et similiter dupliciter potest esse materia prima in potentia ad formas. Vel in potentia ad esse illarum, quando scil. formæ secundum esse suum continentur in potentia ipsius, vnde etiam virtute agentis educuntur. Vel in potentia, non ad esse formæ, sed ad vnionem tantum. Dicimus ergo, quòd potentia naturali materiæ primi generis correspondet agens naturale primi generis, quod scilicet: est productiuum ipsius formæ. Potentia autem naturali secundum generis agens similiter natu-

rale correspondet secūdi generis; & talis est anima nostra, quæ cū non contineatur quantum ad suū esse in materia, non habet agens naturale creatum productiuum. Ipsiū quantum ad esse: quia tamen continetur in potentia materiæ quantum ad vnionem, habet agens naturale creatum vnies ipsam materiæ. Sicq. semper saluatur proportio inter potentiam actiuam, & passiuam.

Probatur 2. nostra conclusio: Si potentia obediēcialis esset aliqua potentia naturalis, sequeretur, quòd Angelus naturali lumine posset cognoscere possibilitatem incarnationis. Sed hoc est falsum, vt communiter docent Patres, S. Aug. ep. 3. ad Volusianū, S. Chrys. homil. de S. Ioan. Baptista, Cirill. Alexandr. lib. de Incarn. cap. 7. & alij passim Theologi cū suis Principibus. D. Tho. & Scotto, qui hoc in 3. Senten. disp. 1. fusè tractant. Vnde etiam à S. Paulo dicitur esse hoc mysterium absconditum à sæculis 1. ad Coloss. Ergo potentia obediēcialis non est potentia naturalis; Minor, & conseq. patent. Maior autem prob. Angelus suis viribus relictus comprehendit omnia naturalia, prout naturale distinguitur à supernaturali, & libero. Ergo cū potentia obediēcialis non sit libera, vt patet, si nō erit supernaturalis, comprehendetur ab Angelo. Tunc sic subsumitur. Angelus comprehendit potentiā obediēcialem. Ergo & omnes actus, ad quos terminatur hæc

potentia, cognoscit: Non enim potest aliqua potentia comprehendere, nisi ea cognoscantur, ad quæ terminatur, vel terminari potest. Illud enim, teste August. lib. 2. de ciuit. Dei c. 8. comprehenditur, quod scientis cognitione finitur, quatenus nimirum nihil est in re cognita, quod sit extra cognitionem comprehendentem illam, ac per consequens ad hoc, ut aliqua potentia comprehendatur, nihil debet esse in ipsa, quod non cognoscatur. Ergo debent omnes cognosci respectus, quos dicit ad actus sibi correspondentes ac per consequens etiam ipsi actus, termini illorum respectuum, cognosci debent. Sed inter actus, ad quos terminatur potentia obedientialis, est vnio hypostatica humanitatis cum Verbo. Ergo si potentia obedientialis respiciens hanc vnionem, est naturalis, Angelus poterit cognoscere possibilitatem vnionis hypostaticæ, atque adeo etiam ipsum mysterium incarnationis in dicta vnione consistens.

Præbatur 3. Ad illum actum dicitur esse aliquid in potentia naturali (de qua nunc loquimur) ad quem naturaliter inclinatur. Sed nulla natura inclinatur naturaliter ad actus supernaturales. Ergo respectu illorum non erit in potentia naturali. Ergo si sit ad illos in potentia ratione potentie obedientialis, potentia obedientialis non est potentia naturalis. Maior, & vtraque consequentia patet. Minor verò prob. Si aliqua potentia inclinaretur naturaliter

ad effectus supernaturales, haberet illam inclinationem, sicut & omnia alia naturalia, à Deo, ut est Auctor naturæ. Sed inclinatio ad supernaturalia non est à Deo, ut est Auctor naturæ, sed ut est Auctor supernaturalis; ad illa enim est inclinatio à Deo, ut est Auctor naturæ, ad quæ potest Deus creaturam perducere, operando, ut Auctor naturæ. Sed non potest perducere ad actus supernaturales, operando præcisè, ut Auctor naturæ; supernaturalia enim fiunt à Deo, ut Auctore supernaturali, ut ex ipsis terminis patet. Ergo &c.

Confirmatur. Inclinatio naturalis fertur in bonum proportionatum, & conueniens naturæ. Sed supernaturalia, nec sunt proportionata, nec conuenientia naturæ; sunt enim alterius ordinis superioris. Ergo &c.

Relinquitur ergo, potentiam obedientialem esse distinctam à naturali, ac per consequens rectè fuisse inter potètiæ diuinas potentie passiuæ, ut sic, numeratam.

Nec enervant hanc doctrinam ea, quæ s. 1. huius quæst. fuerunt pro sententia Scoti adducta. Respondetur enim ad primam, quod, ut ex dictis patet, non ponitur à nobis potentia obedientialis, ut distincta entitas à potentia naturali, v. g. Animæ, vel intellectus, sed potentia obedientialis v. g. Animæ ad gratiam, est ipsa entitas Animæ, non absolute sumpta, sed ut respiciens, tum gratiam, quæ est quid supernaturale, tum

**B b** agens

agens gratiæ impressuum; Vnde ratione horum respectuū, & præcipuè ratione respectus ad actum supernaturalem, dicitur ipsa Anima in potentia supernaturali formaliter, quia talis est potentia, formaliter, qualis est actus, quem respicit. Etli ergo gratia, vel lumen gloriæ recipiantur in Anima, vel Intellectu, non tamen recipiuntur in ipsis, ut sunt potentia naturales, sed ut sunt potentia obedientiales, quia recipiuntur in illis, ut formaliter respiciunt actus supernaturales.

Similiter ad cōfirmat. resp. neg. hominem naturaliter inclinari in beatitudinem, & ad probat. in cōtrarium dicimus, Beatitudinem supernaturalem, seu visionem clarā Dei, in qua dicta Beatitudo consistit, esse hominis perfectionem maximam, non naturalem, sed supernaturalem. Vnde etiā homo, etli possit inclinari in ipsam, ut eleuatus per gratiam, quæ est quid supernaturale, non tamen potest, absolute sumptus, sed tantum homo secundum sua naturalia inclinabitur naturaliter in cognitionem Dei abstractiuam, quæ habetur, ex creaturis quia in hac beatitudine eius naturalis consistit, ut communiter docent Theologi.



## QVAESTIO V.

*Utrum sit dabilis Potentia Obedientialis proximè actiua.*

**P**Atet quidè ex supposito 2. quæst. 4. præcedenti, non esse dabilem potentiam obedientialem proximè actiuam, ut tamèn clariùs veritas agnoscat, & argumenta soluāt, excitatur sigillatim quæstio propter P. Suarez, qui 3. p. q. 13. d. 3 t. 5. s. 1. 6. præter potentia obedientialem Passiuam, ponit obedientialem Actiuā, quā Deus, tanquā instrumento physico, utatur ad opera supernaturalia: Potentiam autem hanc Actiuam, sicut & Passiuam obedientialem, vult esse rei congenitam, & entitatiuè naturalem, prout diximus de Passiua. Ut autem illam necessariò admittendam esse conuincat, ponit tria principia. Primum est; Nullam rem posse efficere, sine proportionata virtute causalitati suæ. Secundum: in instrumentis diuinæ virtutis, prout talibus, virtutem instrumentariam non posse esse aliquam qualitatem superadditam; quod quidè principium, subtilissimè discutiens, prosequitur. Tertium tandem principium est, diuina instrumenta formaliter, & propriè non constitui in actu primo ad agendum instrumentaliter per motum aliquem. Physicum ipsi instrumento superadditum; Quibus omnibus (quæ

quæ-



quantum principium stabilire volens) adiungit, ostendens, efficientiam Physicam per solam extrinsecā eleuationem ipsius, aut subordinationem ad suam causam, non posse exire ab instrumento, si in illo nulla supponatur potentia. Ex quibus omnibus tandem concludit, necessariò dandam esse potentiam obedientialem in instrumentis diuinæ virtutis, si semel Physicè influunt in effectum. Si namque ad hoc, vt detur Physica efficientia, debet ipsi proportionata virtus assignari, & hæc in instrumentis diuinæ virtutis non sit aliqua qualitas superaddita, aut motio, per quam instrumentū constitueretur in actu primo, nec etiam subordinatio extrinseca ad agens principale, scil. Deum, sequitur à sufficienti enumeratione, quòd sit aliqua potentia actiua innata, non merè naturalis; hæc enim, sicut effectum, sic & agens tantum naturale respicit. Ergo actiua obedientialis. Nihilominus in 2. & 3. principio cespirat nimis P. Suarez; excellēter namq; & erudite nost. PP. Complut. in Phys. disp. 12. q. 1. §. 2. & sequen. ostendunt, virtutem instrumentariam in instrumentis diuinæ virtutis esse motionem quandam, virtuosam, vel qualitatem fluentē superadditam, cum quibus.

Dicendum, potentiam obedientialem actiuam non esse dabilem. Hæc est communis Thomistarum, vt videre est apud P. Philippum 2. 2. summæ Philos. q. 46. a. 2.

Prob. 1. Potentia obedientialis

actiua ponitur à Suarez in creatura idèò, vt, dùm assumitur à Deo, tanquàm instrumentum diuinæ virtutis, sit in ea virtus sufficiens ad attingendum effectum principalem, v.g. opus miraculosum Dei, quæ quidem potentia obedientialis actiua, innata virtus, ab eo esse dicitur, ita sufficiens in ordine causæ instrumentalis, vt quantum est ex parte actus primi, nil sibi eleuans superaddi postulet, sed solo concursu Dei supernaturali ad exeundum in actum secundum indiget. Sed talis virtus in creatura dari nequit. Ergo nec potentia obedientialis actiua. Maior est Suarez. Minor prob. Admissa tali virtute in creatura, iam quæuis creatura ex innata sua virtute in ordine causæ instrumentalis cōtineret operationes supernaturales, & miraculosas in actu primo proximo, & proportionato; Sed hoc est contra omnē Theologiam; nulla enim virtus naturalis, & innata, potest ordinis superioris, sc. supernaturalis cōtinere effectum secundum sensum omnium Theologorum. Ergo &c. Maioris sequel. prob. Repugnat actum secundum, alicuius causæ etiam instrumentalis, non cōtineri in ipsamet causa in actu primo, sicut & ipsum effectum, quia actus secundus essentialiter præsupponit primum; Sed opus miraculosum causaliter est actus secundus supernaturalis, (sicut & obiectiue sumptum est quid supernaturale) virtutis sufficienter potentis illum ponere in linea

B b 2 cau;

causæ instrumentalis; & dicta virtus, secundum Suarez, est innata, ac connaturalis creaturæ; supponimus enim nunc illud opus miraculosum per creaturam, tanquā instrumentum Divinæ virtutis fieri. Ergo admissa tali virtute in creatura &c.

Confirmatur. Data potentia obedientiali actiua in creaturis, iuxta sensum Suarez modò explicatum, concursus Dei supernaturalis titulo connaturalitatis esset debitus creaturæ, sed hoc est falsum; cum concursus ordinis merè naturalis tantum creaturis connaturaliter debeat, ut ex germinis pater. Ergo potentia obedientialis actiua non poterit dari. Maioris sequela prob. Exigentia cōcursus proportionati ad actum secundum in quavis causa secunda non aliundè oritur, quam ita illam esse in actu primo, ut ex parte actus primi proximi nihil desit ipsi, quod posset addi actui ipsius primo, & proximo. Sed creaturæ habenti potentiam obedientialem actiuam, ex parte actus primi proximi in ordine instrumenti supernaturalis nil deesset, quod eidem addi posset, ut ipsemet Suarez fatetur. Ergo ipsi debebitur titulo connaturalitatis concursus Dei ordinis supernaturalis.

Probatur secundò. Si daretur potentia obedientialis actiua esset omnipotentia; Sed implicat creaturæ communicari omnipotentiam. Ergo & potentiam obedientialem actiuam. Minor ab omnibus ad-

mittitur, Maior prob. Virtus infinita in agendo est omnipotentia; id est, virtus potēs in omnia, ut patet; Sed potentia obedientialis actiua, si daretur, esset virtus infinita in agendo, scū potens in omnia. Ergo &c. Minor prob. Virtus actiua inspiciens, tanquam obiectum proprium, & adæquatum omne quidquid non implicat contradictionem, est virtus infinita, & potens in omnia, quia sub eiusmodi obiecto continentur omnia, & effectus infiniti se invicem in perfectione in infinitum excedentes, quos non potest attingere, nisi virtus infinita; Sed potentia obedientialis actiua respicit, tanquā obiectum adæquatum, omne quod non implicat, sicut & passiva, cū hac distinctione, quòd hæc respiciat passivè, recipiendo, illa actiue, & effectivè producendo. Ergo &c. Nec valet, quod cōtenta sub huiusmodi obiecto, non attingat potentia obedientialis actiua, nisi cum concursu Dei supernaturali, & influxu, penes cuius influxum attenditur perfectio, & virtus huius potentie; cum autem influxus hic semper sit finitus, & ad finitum, ac determinatum effectum requisitus, etiam ipsa virtus potentie obedientialis actiue debet esse finita, & limitata.

Non inquam hoc valet. Concursus enim ille Dei non se tenet ex parte actus primi, & ipsius potentie obedientialis, ut in actu primo consideratur; cum nil ipsi desit ex parte dicti actus primi, ut ipse;



ipsemet fatetur Suarez , præter concursum Dei supernaturalem, qui se tenet ex parte actus secundi , proinde non limitat potentiã actiuam talis concursus , & influxus secundum ea , quæ importat secundum se , & ut est actus primus proximus , sed tantum limitat ( ut ita dicam ) actum secundum ipsius . Cum ergo secundum se huiusmodi virtus actiua non limitetur , & ut talis respiciat effectus infinitos , utpotè quæ respicit omne non implicans , sequitur , quod debeat esse virtus omnino infinita , nec enim per hoc , quod limitatum concursum Dei habeat ex parte actus secundi ipsius virtus infinita potentia limitatur , ipse namquè Deus , cuius est potentia actiua infinita ad extra nõ influit in infinitas operationes , aut effectus , sed determinatos , & tamen per hoc non definit esse infinita : ergo à simili proportionaliter idem dicendum esset de potentia actiua obedientialis virtute , si daretur .

Dices . Illam potentiam obedientialem actiuam esse inchoatã virtutem instrumentariam , sicque dependentem , & participationem tantum quandam potentia actiua Dei , quæ est virtutis infinita , proinde non posse esse virtutem infinitam ; quod enim participat aliud , quasi partem abscindit illius , & ita deficit à plenitudine perfectionis eiusdem . Sed

Contra est . Per hoc quod talis virtus esset instrumentaria , vel participata , non sequitur quod

non posset esse infinita , si semel respiceret , ut obiectum adæquatum omne , quod non implicat . Participatio enim , aut subordinatio non obest directè infinitati in aliquo ordine , nam si daretur linea infinita , quoad extensionem ( prout illam per absolutam Dei potentiam aliqui dabilem esse tenent ) illa esset quid participatũ , utpotè accidens , & tamen in ratione extensæ , esset infinita , quia extensio eiusdem nullum agnosceret terminum . Ergo similiter , etiamsi ista potentia actiua obedientialis esset potentia participata , & instrumentalis , nihilominus hoc ipso , quod respiciat , ut obiectum suum adæquatum , nullos terminos agnoscens , omne scilicet quod non implicat , proinde infinitum , licet intra lineam potentia instrumentalis , ut adæquetur in virtute tali obiecto debebit habere virtutem nullos terminos agnoscentem , sicque infinitam .

Quod si vrgeas . Virtutem participatam esse ( qualis est potentia obedientialis ) , & simul infinitã implicat . Ergo ego etiam infero , implicabit dari potentiam obedientialem actiuam . Nam illa , & esset infinita , & non esset , quod implicat . Elset , quia virtus respiciens obiectum infinitum , tanquã obiectum adæquatum , quod in linea sua sit potens attingere , ut ipsi adæquetur , sicque respiciat , ut obiectum adæquatum , debet esse infinita , sed potentia obedientialis actiua respiceret , ut obiectum adæquatum infinitum , omne sci-

licet, quod non implicat ( vt modo dictum est ). Ergo esset virtus infinita, deinde non esset, quia, vt modo dixisti, esset dependens, & participata virtus; virtutem autem participatam esse infinitam asseruisti implicare. Ergo debes fateri, quod nec potentia obedientialis actiua possit esse virtus infinita. Ergo de primo ad vltimū, si daretur, esset infinita, & non esset, quod implicat. Ergo ipsam implicat dari.

Probatur tertio. Potentia obedientialis indispensabiliter dicit relationem subiectionis ad agens superius, obedire enim est subijci, & subesse. Ergo potentia, quæ non admittit istam relationē subiectionis ad agēs, nō est obedientialis. Sed potentia actiua, quæ talis, non dicit relationem subiectionis ad agens; subijci namq; importat moueri, & non mouere: Potentia verò actiua, hoc ipso, quia actiua, non mouetur, quin potius mouet, vt patet. Ergo etiā potētia actiua eo ipso, quod actiua, nō poterit esse obedientialis.

Confirmatur. Potentia obedientialis actiua non dicitur relatē ad agens superius: ( relatio siquidē ad illud importat potius rationē passi, quā agentis, vt est potentia actiua, prout modo dictum est ) sed ad operationem, quam elicere potest. Tunc sic; ista operatio, vel est proportionata respectu illius, vel non; si improporcionata. Ergo potentia obedientialis actiua respectu talis operationis non est actiua ex se, & in fluxiua in illam: potentia namq;

actiua non influit ex se, & præcisa eleuatione, nisi in operationē sibi proportionatam; nemo enim dat in genere causæ efficientis, quod non habet. Si autem sit proportionata. Ergo iam non est respectu talis actionis potētia obedientialis, sed connaturalis: potentia siquidem proportionata actioni, connaturaliter efficit eandem. Ergo de primo ad vltimum non est dabilis potentia, quæ simul sit, & obedientialis, & actiua.

Respondetur ad Argumenta in contrarium: Sententiam suam. Suar: probat in primis plurimis author: SS. PP. August. etiam D. Tho: & aliorum, tūc etiam Scholastic. vt est Cajet. & alij. Sed vt bene consideranti, & discutiēti poterit patere, citati non loquuntur, nisi de potentia obedientiali passiuā, in quantum per aliquid in se receptum eleuata potest operari effectus supernaturales, prout nostri Complut. eruditē ostendūt in Phys. disp. 12. q. 1. §. 5. Nihilominus.

Obijcitur primò. In fauorem sententiæ P. Suar. Datur potentia obedientialis passiuā. Ergo etiam debet dari actiua, quia omni potentia passiuæ debet correspondere actiua eiusdem ordinis.

Confirmatur. Non minus spectat ad plenum dominium Dei, vt ipsi creatura subijciatur in agendo, quam in recipiendo. Ergo si ratione istius subiectionis in patiēdo datur potentia obedientialis passiuā, debet etiam dari, & actiua.

Con-

Confirmatur 2. Calor, vt procedit ab igne, tanquam instrumentum ipsi subordinatum, potest aliquid producere super suam naturam, scilicet ignem. Ergo à fortiori creatura, quia procedit à Deo, & magis ipsi subordinatur, quam calor igni, poterit habere, hoc ipso vim aliquam actiuam, per quam possit instrumentaliter aliquid producere super suam naturam.

Resp. ad hoc argum. negand. conseq. quia Potentia actiua, cum sit in Deo formaliter inuenta, est perfectio simpliciter simplex, & si esset obedientialis, esset infinita, (prout supra ostensum est), quam in creaturis implicat inueniri. At verò potentia passiuua dicit secundum suum conceptum imperfectionem, cum dicat indigentiam, & carentiam perfectionis sibi communicandæ; Vnde quò maior fuerit talis potentia, tantò erit maioris imperfectionis, vt potè maiorem priuationem perfectionis inuoluens, idcò poterit competere creaturis potentia obedientialis passiuua. Ad probat. autè resp. Potentiæ passiuæ debere correspondere potentiam actiuam in eodem subiecto, in quo est passiuua. Negat. in alio, conced. & sic potentia obedientialis passiuæ correspondet potentia obedientialis actiua proxima, in Deo, cui subiecta sunt omnia, (licet obedientialis actiua remotè etiam in creaturis inueniatur, quæ est ipsamet potentia obedientialis passiuua, prout recipit aliquid sibi ab agē-

te supernaturali impressum in ordine ad agendum); efficitur enim tunc actiua instrumentaliter ratione illius eleuationis sibi superaddita.

Ad primam confirm. Resp. negando consequent. Quia emodum subiectio creaturæ, tam in agendo, quam in recipiendo respectu Dei melius saluatur per solam Potentiam obedientialem passiuam, quam saluaretur, si daretur obedientialis actiua. Ratio huius, quia, licet per obedientialem actiuam saluaretur subiectio creaturæ in agendo, per hoc, quod talis potentia esset in illa, vt instrumentum quoddam, proinde faciens creaturam in agendo dependentem, & subiectam, tamen quia esset illa potentia connaturalis creaturæ, & ita quodammodo propria, per hoc subtraheretur aliquo modo à subiectione ad Deum, vt potè non ipsum solum, sed & id; cuius esset connaturalis, respiciens. At verò posita sola potentia obedientiali passiuua saluatur plena subiectio creaturæ ad Deum in recipiendo, vt patet, deinde etiam in agendo magis, quam admissa potètia actiua, quia maior est dependentia, in operando semper de nouo vim recipere à superiori ad agendum, quam semel receptam, & sibi connaturalizata habere, vt patet; Primum contingit in potentia obedientiali passiuua, Secundum in actiua. ac per consequens maior est subiectio, & dependentia creaturæ cum sola potentia obedientiali passiuua ad

ad Deum, quàm esset cum actiua.

Ad 2. confirmat. Resp. neg. similiter consequent. calor enim, vt subordinatus igni, est proprietas, & virtus ipsa ignis naturaliter ab ipso dimanans: proinde nil mirum, quod sine alia superaddita virtute possit instrumentaliter in aliquid suprà se, scilicet ignem. At creaturæ non sunt virtus Dei, sed effectus procedentes ab ipso, non necessario, sed liberè, & ideò, vt possent supra suam naturam operari, indigent aliqua superaddita naturæ suæ eleuatione.

Obijcitur 2. Imperium Dei est efficacissimum, itaut per illud solum producantur omnia ex nihilo iuxta illud Psalm. *Dixit, & facta sunt*. Ergo multò magis poterunt per illud solum creaturæ sine aliquo de nouo superaddito operari supra suam naturam. At illud ratione, cuius operarentur supra suam naturam non potest esse aliquid aliud, quàm obedientialis potentia (vt potè parens imperio Dei) actiua, quia operans. Ergo illa dabitur.

Respondetur negando primam consequentiam, quia imperium Dei efficax, cū sit in infinitæ virtutis, potest omne quicquid non implicat, & quia non implicat aliquid fieri ex nihilo, ideò illud producit: At verò, quia creaturam sine aliquo superaddito operari supra suam naturam implicat, hinc est, quòd imperium Dei, etsi efficacissimum, hoc facere nequeat; quod autem supra suam naturam operari implicat creaturæ, ostenditur.

Implicat causam efficientem producere aliquem effectum, vel operationem aliquam exercere, respectu quorum non sit in actu primo, & proximo, & proportionato, quandoquidem, vt supra dictū est, actus secundus essentialiter præsupponit primum, & effectus, virtutem in causa efficiēti, in qua contineatur. Sed creatura sine aliquo superaddito non est in actu primo proximo, & proportionato ad ea, quæ sunt supra naturam; aliàs naturaliter in se contineret actus, & operationes supernaturales, (liquidè actus secundus continetur in actu primo proximo, & proportionato) quod est cōtra omnes Theologos, vt superius diximus. Ergo creaturam operari supra suam naturam omninò implicabit. Cætera argumenta ex dictis facilè solui poterunt, & à nostris Complut. loco supra citat. soluta sunt.

Iam igitur exclusa ista potentia obedientiali actiua iterum manifestum est, subdiuisionem potentiz passiuæ in naturalem violentam obedientialem esse adæquatam.

## QVÆSTIO VI.

*Quidnam importet de formalis potentia Obedientialis passiuæ?*

POSTQUÀM ostensum est in præcedenti quæst. quod nulla desur in rebus potētia obedientialis acti.

actiua, ſed quòd tota ſit paſſiua reſtat, pro quidditate talis potentie explicanda videndum, quid impoſſet de formali: quamuis enim ſupra videatur determinatum, quid ſit, tamen non erit ſuperfluum alio modo penitus difficultatem pro exercitio ingenij excitare; in hac re ſatis difficili, variz ſunt ſententie, quarum præcipuas breuiter adducam, vt ex illarum ſatis clara impugnatione appareat, quod neceſſarium ſit conari ad mentem quietandam, aliquid noni luminis in re tam obſcura, ex doctrina Angel. Doct. erucere.

*§. I. Ponuntur aliquæ authorum ſententie, & refutantur.*

**E**ſt igitur prima ſententia Nazarij, & aliorum, qui dicunt: Potentiam obedientialem de formali nihil dicere poſitiuum, ſed meram negationem repugnantie, ad omne id, quod non implicat contradictionem à Deo fieri in creatura; cum enim virtus Dei ſit infinita, non indiget capacitate poſitiua in creatura, vt ex illa aliquid fiat, ſiquidem etiam ex nihilo res creet, ſed ſufficit non repugnantia terminorum, qualis reperitur in poſſibilitate creaturarum.

Cæterum hæc ſententia nimis difficilis eſt, & videtur æquiuocare in ratione potentie: nam, aliud eſt loqui de potentia obiectiua rerum poſſibilem, quæ vti,

que eſt, non repugnantia terminorum, & nihil dicit poſitiuum extra Deum, & aliud loqui de potentia reali ſubiectiua, qualis eſt obedientialis, in qua poſitiue recipiuntur forme ſupernaturales, & ex qua verè, & realiter educuntur, cum non creentur, & ſic per modum cauſæ materialis concurrat ad illarum cauſalitatem, quæ omnia repugnant, vt patet, puræ negationi; nam certè fieri ex negatione repugnantie, eſt fieri ex nihilo, & non educi, rursus, ex anima, & gratia ſit vnũ compoſitum, tanquam ex actu, & potentia, quod dicitur gratiæ. Ergo verè, & Phyſicè gratia recipitur in anima, & conſequenter hæc habet Phyſicam, & realem potentiam receptiuam gratiæ; neque enim gratia eſt forma ſubſiſtens. Ergo recepta non in negatione, Ergo in potentia poſitiua.

Secunda, & tertia ſententia, à noſtris Cõplut. & à nobis ſupra, ut probabilis admittitur, quarum prior dicit, quòd hæc potentia obedientialis nullam addat formalitatem poſitiuam ſupra ipſam entitatem naturalem creaturæ: ſed quod in recto dicat ipſam entitatem creaturæ naturalem, connotando terminatiue, & in obliquo agens, & formam ſupernaturalem.

Hæc ſententia eſt valdè communis inter Thomiſtas, & fundatur præcipue in hoc, quod vt res creatæ obediunt Deo, nihil debet ſuperaddi entitati earum, cum ſit iuſtitia vnicuique creaturæ ſubie-

ctio ad Deum. Ergo potentia obedientialis erit ipsa earum entitas, ut subiecta agenti supra, vel præter cursum naturæ. Maxime quia illud superadditum, vel esset naturale, vel supernaturale, si primum. Ergo iam ipsa entitas naturalis, absque tali superaddito posset æque bene esse potentia obedientialis: si secundum, inquiritur, in quo recipitur illud supernaturale superadditum? non in alio supernaturali, quia sic procederet in infinitum. Ergo in ipsa entitate naturali, non secundum potentiam naturalem, quæ non datur ad supernaturale recipiendum, ut supra. Ergo secundum obedientialem, & sic ante tale superadditum iam datur potentia obedientialis.

Verum hæc sententia, licet dicatur probabilis, non tamen quietat intellectum, quin potius confundit; neque enim ostendit, cur potentia ad formam naturalem, & subdita agenti naturali, sit eò ipso naturalis, non solum terminatiue, sed etiam entitatiue, & tamen potentia ad formam supernaturalem, subdita agenti supernaturali, non sit supernaturalis; Differentia enim, quod sit terminatiue supernaturalis, & entitatiue naturalis, est id, de quo queritur; quare scilicet entitas naturalis possit terminari ad supernaturale, quin eò ipso specificetur secundum talem habitudinem (siue sit primum, siue munus secundarium) à supernaturali, & sic quoad supernaturalis,

Respondet Curiel, Potentiam passivam non specificari ab agente, vel actu, sed à receptione; hæc autem, inquit, etiam respectu formarum supernaturalium est naturalis; nam anima non eget elevatione, ut recipiat gratiam, Sed

Contra 1. quia cum ipsa receptio sit respectiva, est ulterius specificabilis, & de illa currit difficultas, quare sit receptio naturalis, & specificetur ab actu, & agente supernaturali?

Secundo, quia repugnat, quod potentia, ut naturalis terminetur ad agens supernaturale; cum omnipotentia passiva naturali, ut tali correspondeat in natura aliquid actuum, quod possit illam reducere in actum, ut sæpe docet Aristot. & D. Tho:

Quod si dicas, hoc esse verum in potentia purè naturali, non verò in obedientiali. Ecce quomodo sic respondens cogitur assignare ex parte entitatis in recto importatæ, aliquid tollens puritatem potentiæ naturalis, ut sic subdatur agenti supernaturali, non naturali, & sic non soluit, sed petit principium.

Tertio, quia si potentia obedientialis esset entitatiue naturalis, causaretur à Deo, ut authore naturæ. Sed hoc non; Primo, quia ab illo, ut tali non cognoscitur, cum sit formalissimè ad formas supernaturales, nec possit sine illis definiri, vel concipi; Deus autem, ut author naturæ, non cognoscit formas supernaturales. Secundo, quia hæc potentia non, ordi-



ordinatur ad Deum, ut est author naturæ, prout fatentur aduersarij, cum terminetur ad eum, ut authorem supernaturalem. Ergo nunquam causatur ab eo, ut est author naturæ, quia omnia Deus causat ordinando ad se secundum rationem, qua causat. Ergo &c.

Hæc, & alia difficilia, quæ militant contra relatam sententiam, mouerunt quosdā modernos Thomistas, ut aliam viam extremam arriperent statuendo, quod potentia obedientialis, addat de formali supra entitatem naturalem rei creatæ quandam formalitatem supernaturalem, ex natura rei distinctam ab entitate naturali: ratione cuius res omnes creatæ subdantur Deo, ut agenti supernaturali, & concurrunt in genere causæ materialis ad effectus supernaturales. Hanc tenet Manca, & fusè probat 2. Phys. disp. 5. q. 6.

Sed hæc sententia, graues etiam patitur difficultates, & fortè plures, quàm secunda. Nam in primis, si hæc potentia esset formaliter supernaturalis, potius esset dicenda potentia naturalis, quàm obedientialis; nam naturale, seu connaturale est potentia supernaturali recipere formas supernaturales sui ordinis, sicut connaturale est gratia habere secum virtutes infusas, licet sint supernaturales. Secundò, quia si hæc potentia esset formaliter supernaturalis, iam non esset obedientialis; quia obedire est inferioris non existentis in eodem ordine,

Tertiò, quia iuxta hanc sententiam, quæuis substantia creata, etiam completa, diceret ordinem immediatum ad Deum, ut est in se, tanquam ad specificatiuum ordinis totius supernaturalis, cū in illis inueniretur formalitas supernaturalis potentia obedientialis, cum eisdem realiter identificata. Ergo sic dari posset substantia supernaturalis. Quarto, quoniam Deus non posset creare hominem in puris naturalibus, quia haberet hanc formalitatem supernaturalem. Quintò, quia hæc potentia passiuæ æquæ esset completa in suo ordine, ac actiuæ, quam posuit Suarez. Ergò æquæ exigeret reduci ad actum per formam sui ordinis, ne esset frustranea, ac exigeret potentia actiuæ dicti Auctoris concursus sui ordinis; & sic formæ supernaturales essent debitz naturæ creatæ, &c.

Ecce igitur, in vtraque hac sententia, quæ probabilis iudicatur à NN. PP, quantæ lateant difficultates, quis non videat? quæ certè ostendunt, quanti sit æstimanda via media inter vtriusque sententiam, si tamen tuta, & in doctrina Angelici Doct. fundata inueniri possit, Pro huius ergò elucidatione.



§. 2. *Premittuntur aliquae notationes.*

**N**otandum primò, quòd sicut in obedientia morali (vnde supra est metaphora physica obedientia, secundum quam res omnes per potentiam obedientialem subduntur Deo) duo considerantur; Primò, titulus inferioritatis, vel naturalis, vel voluntarie in subdito; & secundò titulus superioritatis, vel dominij in eo, qui præcipit; ita in obedientia physica (de qua loquimur) rerum omnium ad Deum attendi debet primò, ex parte creaturæ ratio illa, seu titulus, secundum quem formalitèr subditur Deo, & ex parte Dei ratio, secundum quam exercet dominium, seu plenipotentiā, præter cursum ordinarium, respectu creaturæ: his enim duobus benè perpenſis, faciliè poterit formari iudicium de ipsa formali ratione obedientia in actu primo, quæ constituit potentiam obedientialem.

Videamus ergò, quanam sit ratio illa, secundum quam res creatæ subduntur Deo. Optimè simul, ac profundè, more suo, id nobis explicuit S. Thom. 1. p. q. 105. ar. 9. c. & alibi, aduertendo, quòd sicut inter ordinē agentium sibi subordinatorum est ordo effectuum, seu graduum in eodem effectu similiter subordinatorum, quando dependet à pluribus agentibus sibi subordinatis; ita etiam in eodem se est or-

do subiectionum ad præfata agentia, sic nimirum, ut effectus recipiat impressionē superioris agentis in ordine ad aliquos effectus sibi præternaturales secundum illam rationem, seu gradum, secundum quem pendet à tali agente: vnde videmus, quòd, quia res, secundum quòd participant de humido, specialitèr pendent à Luna, ideò in aqua est potentia obedientialis ad motum præter naturalem impressum à Luna. Ex hac ergò doctrina, quam etiam magis expreſſit idem S. Doct. q. 13. de verit. ar. 1. ad 2. Et 9. 1. de potentia, ar. 3. ad 7.

Infertur, quòd, cum ratio formalis, secundum quam creaturæ terminant influxum Dei, & gradus illi, ut vniuersalissimè agenti, correspondens, sit gradus communissimus entis participati, ita subiectionis creaturarum ad Deum fundari debeat in ista ratione entis participati. Per hoc ergò manet explicatum primò, quod proposuimus indagandum, scilicet, quanam sit ratio ex parte creaturæ, secundum quam subditur Deo supremo agenti. Iam verò pro explicatione secundi.

Notandum secundò, quòd ratio subiectionis, vel obedientia non inducitur ab aliquo agente præcisè ratione excellentia influxus, vel formæ, quam inducit, sed ratione modi nominatiui, & independentis ab exigentia, vel inclinatione naturæ inferioris, secundum quam inducitur; non secus ac (sistendo in exèplo obedi-

diens,



dientia moralis) obedientia moralis, ex parte superioris attenditur penes modum, quo aliquid ordinatur, scil. independentè à voluntate inferioris; nam quantumcunque heroicum sit opus, si tamen fiat à subdito ex propria electione, & independentè à lege præscripta ab alio, non est obedientia: Quod ergò facit voluntas in moralibus, id proportionalitè facit appetitus innatus, inclinatio, propensio, pondus naturæ, seu exigentia naturalis in rebus ad perfectiones sibi debitas: Vnde quantumvis sit sublimis perfectio, quam Deus creaturæ communicat, si tamen id faciat accommodando se debito naturæ illius rei, planum est, quòd tunc non operatur Deus subdendo sibi obedientialitè talem rem, sed potiùs sequendo ipsius appetitum, & inclinationem: Hinc fit, & est valde.

Aduertendum, quòd Deus, vt ponens obedientiam in Creatura, etiam quando in illa producit formas supernaturales, non sit ipse Deus præcisè, vt author supernaturalis: Et ratio est aperta ex dictis; Nam Deus, vt Author supernaturalis, operatur iuxta exigentiam, & inclinationem ordinis supernaturalis, sicut, vt Autor naturæ, operatur iuxta exigentiam, & inclinationem rerum naturalium; & sicut facit aliquando quasi miracula naturæ, & sic operatur cum dominio obedientiæ, ita etiam facit aliquando miracula gratiæ, vt dùm

elevat obedientialitè actum actionis in Sacramento Pœnitentiæ, vt sit causa gratiæ, etsi priuaret eandem gratiam aliqua sua proprietate. Non nego quidem, quòd dum Deus producit in anima gratiam, agat tunc, vt agens obedientiale, seu ponens obedientiam, tamen id non facit, quia Author præcisè supernaturalis est, cum etiam, vt sic, influat modo connaturali: debet ergò videri, quid addat iste modus obedientialitè actuandi creaturam supra influxum ordinis naturalis, & supernaturalis. Pro quo.

Notandum Tertiò, quòd sicut ratio entis participati in tota sua amplitudine abstrahit ab exigentijs, ac legibus ordinis naturalis, & supernaturalis, cum sit determinabilis per vtrumq; ordinem, sic etiam Deus, vt concipitur attingere rationem entis participati, concipitur, vt operans independentè à legibus, & exigentijs rerum, quibus tamen se postea obligat de cursu ordinario, quando ratio entis participati concipitur descendere ad differentias particulares rerum; Vnde Deus, vt terminans habitudinem entis participati, vt sic, concipitur quodammodo exlex, & sine obligatione sui ad sequendas leges particulares rerum, & sic, vt verè Superior. Ex quo videtur intulisse D. Thom. quòd creaturæ non sit violentum, quod Deus operatur in illa, quia datur in ipsa natura quædam vniuersalis, cui nihil est repugnans, quod Deus inducit, sed potius

maximè subditur ratione illius Deo. Hinc ergo fit, quòd sicut in rebus distinguimus, & ordinem naturalem, & ordinem supernaturalem, & formalitatem entis participati præuiam ad vtrumque ordinem, & ad leges eorum; ita nõ sine fundamēto distinguere possumus in Deo triplicem modum operandi. Vnum, accommodando se legibus naturalium rerum, & sic agit, vt Author naturæ, & terminat habitudinem potentie naturalis: Alterum, accommodando se legibus rerum supernaturalium, & sic agit, vt Author supernaturalis: Tertium deniq; prout operatur, vt exlex, nulli exigentiz, vel legi vilius ordinis se accommodando, sed attendendo ad capacitatem meram entis participati, nec curando de exigentijs rerum particulariũ; & sic operatur propriissimè, vt agens obediētialem, seu ponens obediētialem, vt magis patebit ex sequentibus. His ergo statutis.

*§. 3. Determinatur, quid sentiendũ de ratione formalis potentie obediētialem.*

**D**icendum conformitèr ad mentem D. Thom. potentie obediētialem formalitèr sumptā, neque exprimere naturalitatem, neque supernaturalitatem, sed importare rationem ab vtroq; modo essendi abstrahentem. Vnde in re-  
do dicit ipsam rationē entis par-

ticipati, vt præuenit modos naturalitatis, & supernaturalitatis, cõ-  
notat verò per modum termini Deum, vt plenipotentem, seu exlegem, agentem modo supremo, & independenti à legibus, & exigentijs vtriusque ordinis, tam naturalis, quàm etiam supernaturalis.

Conclusio sic statuta probatur; seu potius explicatur ex præsuppositis notatis. Nam cùm obediētia sit inferioris ad superiorē, duo in illa considerari possunt, scilicet ipsa ratio. secundum quam fit subiectio, & terminus, cui fit. Sed ex nullo istorum capitum habet potentia obediētialem importare naturalitatem vel supernaturalitatem. Ergò rectè dicitur abstrahere ab vtroq; Minor probatur quòd vtramq; partem. Et in primis prima pars, quòd potentia obediētialem secundum rationē subiectiōnis Deo abstrahat à ratione naturali, & supernaturali, sic probatur. Ratio illa, secundum quam omnia subduntur Deo, est ratio entis participati (vt ostensum est ex D. Thom. 1. not.) & lætè probat P. Nazar. 3. par. Sed ista ratio abstrahit à naturali, & supernaturali; nam inde docent nost. Salmat. obiectum extensuum intellectus, neq; esse naturale neq; supernaturale, quia obiectum eius est ens, vt ens, quod aliquando est naturale, aliquando supernaturale. Hoc autem idem contingit in ente participato, vt sic. Præterea ipsi aduersarij fatentur, potentiam obediētialem abstrahere à substantia, & acci-  
dens

dente, quia aliquando est accidens, aliquando substantia, sed etiani potentia obedientialis aliquando inuenitur in naturalibus, vt quando fiunt miracula naturæ, aliquando in supernaturalibus, quando fiunt miracula gratiæ. Ergo debent admitti eadem. Auth. quòd potentia obedientialis secundum eam rationem, secundum quam subditur Deo, abstrahat à naturali, & supernaturali.

Secunda Pars Conclus. quòd scil. terminus formalis, cui fit subiectio in hac obedientia, abstrahat à naturali, & supernaturali, prob. sum ex dictis modò in probat. primæ partis; Nam cum illa ratio entis participati vrè pendeat à Deo, & non pendeat ab illo, vt est Author naturalis, vel supernaturalis, cum abstrahat (vt dictum est) illa formalitas ab vtroque ordine, oportet, quòd pendeat à Deo, vt constituto in ordine agèdi superiori ad vtrumque hunc ordinem; nam secundum ordinem effectuum debet esse ordo causarum, ac etiam modorum agendi in Deo. Tùm etiam hoc ipsum colligitur ex dictis in 2. not. ibi enim ostensum est, Deum, vt Authorem naturalem, & etiam supernaturalem, accommodare se legibus, ac cursui illorum ordinum respectiue: At verò, vt terminat habitudinem potentiæ obedientialis, agit modo independenti à talibus legibus; Ergò modo ab illis legibus abstrahente. Cæterum maior Conclus. probatio apparet ex solutione argument. vbi vi-

debitur, quomodo ista via tutè procedat ab argumentis propositis contra alias sententias supra impugnatas, & pauca habeat contra se.

Vt ergò magis ordinatè proponantur obiectiones omnes, quæ occurrunt contra nostram sententiam, primò proponentur illæ, quæ militant contra rationem, secundum quam obedientia potest abstrahere à naturali, & supernaturali. Secundo loco adducentur omnia quæ militare possunt cõtra abstractionem termini inspecti ab vtroque ordine.

#### §. 4. Obiectiones, & earum solutio.

**O**bjicitur primò. Videtur, quòd ratio entis participati in tota amplitudine non possit esse ratio, secundum quam res subduntur Deo. Primò, quia illa ratio est determinabilis per potentiam naturalem, & obedientialem. Ergò non est obedientialis. Secundo, quia illa ratio est essentia entis, quæ est ad esse, & propter hoc dicunt Salmat. quòd potentia obedientialis non est de essentia intellectus.

Resp. quòd, sicut eadem ratio entis, vt est ad esse, est essentia, vt est ad intellectum, est veritas, & vt connotat voluntatem, est bonitas, ità eadem ratio entis participati, vt est ad esse, est essentia rei, vt sic determinabilis per naturalitatem, in mò & obedientialitatem, tamen, vt con-

tat Deum plenipotentem, & elegendem in operando, dicit formalissimè rationem potentie obedientialis, quæ debet esse æquè vniuersalis, ac ratio entis participati.

Dices. Si hoc esset verum, iam materia prima haberet potentiam obedientialem ad operandum, nã vt ens est; hoc illi non repugnat.

Resp. quod ratio entis participati, cum sit transcendens, diuiditur per inferiora, & sic non potest recipere impressiones, quæ contradictoriè opponuntur inferioribus: Sicut etiam fatentur aduersarij, quod potentia obedientialis abstrahat à substantia, & accidente, & tamen, vt in substantia, non potest habere prædicata essentialitèr propria accidentium.

Obijcitur secundò. Videtur, quod Argumenta facta contra 2. sentent. supra relatam, etiam militent contra hanc nostram; nam quidquid sit de potentia obedientiali, vt sic in tota latitudine sua, saltem non potest negari, quin potentia obedientialis animæ ad gratiam non terminetur ad formam supernaturalem, illamque causet: de illa ergò erit difficultas, quomodo possit inspicì, & causari ab aliqua potentia, quæ non specificetur ab illa, illamque contineat in genere causæ materialis.

Resp. illa argumenta non habere vim contra hanc nostram sententiam; pro quo aduertendū est, & benè notandum (quia in hoc apparebit maxima veritas *Scuten. nostræ*), quod sicut ma-

teria prima est pura potentia in ordine ad formas naturales, & ideò non sumit speciem ab ipsis formis, sed à modo amissibili illas recipiendi, propter quod tota materia subllunaris est vna in specie, immò & numero per remotionem omnium principiorum distinguendum; ita pariformitèr potentia obedientialis est pura potentia, seu pura capacitas, vt loquuntur Nost. Salmant. in ordine ad formas præter omnem ordinem inducendas, siue sint naturales, siue supernaturales; & insuper habet hoc speciale, quod non solum est pura puritate potentie æquabilis per remotionem omnium actuum iam dictorum, in quo assimilatur materię primæ, sed etiam est pura puritate ordinis, remouens à se omnem ordinem naturalem, & supernaturalem; in quo distinguitur à materia prima, & consequenter debet assimilari puræ potentie in modo specificationis, ita quidem, vt licet recipiat aliquando actus entitatiuè supernaturales, aliquando actus naturales, sed præternaturaliter impressos, in sua tamen specificatione remoueat hæc omnia, & specificetur à modo, quo hæc omnia recipit, scil. præter naturalem ad omnes ordines, tam naturalem, quam gratiam; sicut dictum est, materiam primam specificari à modo, quo agens amissibiliter, vel inamissibiliter illi imprimit formam.

Ad id autè, quod tãgitur in articulo summo, quomodo possit causare  
ma,

materialitèr formam supernaturalem, cum non sit supernaturalis. Respondetur, causam purè materialem, quæ est talis puritate ordinis, non debere esse eiusdem ordinis cum effectu, sicut quia materia prima est pura puritate actualitatis, non debet habere actualitatem, ut causet materialitèr actum. Quod si quæras, quare materia prima non est pura puritate ordinis? Resp. quia est pars connaturalis compositi, habetq; inclinationem naturalem ad formam. Sed.

Diecs. Iuxta hanc solutionem, omnia argumenta facta contra secundam sententiam supra reprobata, non habent vim; nam cum pura potentia non recipiat speciè ab actu, sed à modo recipiendi illum, fit, quod potentia entitatiuè naturalis, cum aliunde sit pura in ordine ad actus supernaturales, non necessariò specificari deberet à talibus actibus, & sic posset esse terminatiuè supernaturalis absq; eo, quod euaderet in sua entitate supernaturalis.

Resp. Negando Anteced. Nam potentia exprimens naturalitatè non est pura puritate ordinum, sed est determinata ad vnum ordinem, scilicet naturalem, proinde non est indifferens ad omnes: sicut si materia haberet aliquem actum, non esset in pura potentia ad omnes; unde naturalitas est prædicatum repugnans puritati potentie obedientialis; quandoquidem, ut sic, petit formam, & agens naturale. Hoc autem explicari potest

exemplo intellectus humani, quid dicitur in potentia omnia, quia nullam habet naturam determinatam, quæ intus existens prohibeat extraneum, ut profundè ex D. Thom. ostendunt nos. Compl. in lib. de An. Sic ergo, ut potentia obedientialis sit in pura potentia ad impressiones supernaturales, non debet habere in se naturam determinatam in genere modi actuabilis; talis enim prohiberet extraneum modum; Certum est autem, quod prædicatum naturalitatis sit natura determinata in esse actuabilis, cum petat actuari modo connaturali, &c. Patet igitur, argumèta illa benè impugnasse secundam sententiam, nihil autem facere contra nostram.

Obijcitur tertio. Videtur, repugnare medium inter naturale, & supernaturale. Ergo, & quod potentia obedientialis consistat in formalitate abstracta à naturali, & supernaturali. Anteced. prob. quia videntur opponi contradictorie; nam idem est esse supernaturale, ac esse supra totam naturam creatam, & creabilem. Ergo cum esse, & non esse opponantur contradictorie, eodem modo se habebit, & naturale, ac supernaturale.

Rursus, quia inquiritur de illa formalitate entis participati; aut est supra debitum naturæ creatæ, in qua imbibitur, aut non? Si primum, erit supernaturalis, si secundum, erit naturalis. Præterea, aut est intra ordinem naturæ, aut extra. Si primum, erit naturalis, si se-

D d cum.

tundum, supernaturalis.

Resp. Hæc omnia æquè militant contra formalitatem conceptus essentialis intellectus, quam nost. Salmat. fatentur abstrahere à naturali, & supernaturali; & idè de eius obiecto, quod est verum, ut sic, abstrahens à naturali, & supernaturali: Quare dicitur, quod licet nulla detur entitas in rerum natura, quæ non sit, aut naturalis, aut supernaturalis, tamèn non omnis formalitas inuèta in rebus, aut vnum, aut alterum exprimit, ut patet in exemplo nuper allato: luxa hæc ergo.

Resp. ad Argumen. Negando Anteced. Si intelligatur de formalitate cõstituyente potentiam obedientialem. Ad cuius improbationem resp. naturale non esse, idem, ac non esse supra totum ordinem naturæ, sed petit, quod sit determinatum intra ordinem naturæ, exigens formas, & agens naturale. Et quando postea instatur, quod potentia obedientialis, si non sit intra ordinem naturæ, debeat esse extra. Distinguo, per modum habentis se præter illum ordinem. Concedo; per modum habentis se supra illum. Nego. Igitur, cum hæc potentia sit abstracta ab vtroque ordine, est præter verumque, & sic per hoc, quod sit extra vnum, non debet statim inferri, quod sit intra alium. Quando tandèm petitur, an hæc potentia sit supra debitum rei, in qua imbibitur, vel non? Resp. esse supra debitum superioritate potentiali, non actuali, sicut gradus cõ-

munis est supra inferiora, sed per modum potentialioris; debitum autem sequitur ad naturas particulares, sicut & inclinationes, non autèm ad illam rationem vniuersalissimam, cui omnia æqualiter se habent, & non debetur potius vnum, quàm aliud; At supernaturalitas consistit in eo, quod sit supra debitum superioritate actuali dicente perfectionem, & non potius imperfectionem, uti est illa ratio communis.

Dices; Quod est necessariò conexum cum prædicatis naturalibus, est necessariò, & naturalitèr debitum naturæ, ac proinde naturale. Sed illa ratio communis est necessariò connexa cum prædicatis naturalibus. Ergo est debita naturæ, & verè naturalis. Minor patet, nam non potest dari in rerum natura ipsa natura particularis, quin sit ens participatum.

Rel. disting. Maiorem. Est naturale, & debitum identicè, & implicite; Conced. explicitè, & formalissimè. Nego. Nam prout sic, cum antecedit omnem determinationem naturæ particularis, non exprimit in suo conceptu, illi naturæ deberi. Quod potest alitèr explicari, si dicatur cum Nazario, quod hinc solum proberur illud prædicatum esse naturale, subiectiue, quia identificatur cum natura, non verò formalitèr, quia, ut sic, abstrahit.

Obijcitur quartò. Data hac potentia sic abstracta, non videtur repugnare potentia obedientialis actiua; nam illi potentia sic abstracta,

abstracte correspondere debet actus etiam abstractus; hunc autem attingi sine eleuatione, non repugnat.

Secundò. Quia impediret, ne res posset creari in puris naturalibus; cum haberet sibi identificatum prædicatum non naturale.

Tertiò. Quia Deus, ut Author naturæ, non posset producere entitatem rei: quia non cognosceret illam formalitatem sic abstractam, iuxta dicta contra secundam sententiam.

Resp. Negando, vllum ex affirmatis inconuenientibus sequi in nostra sententia. Et quoad primū respond. Negan. sequelam. Nam licet hæc potentia ex parte modi recipiendi abstrahat à naturali, & supernaturali, tamen ex parte rei receptæ verè recipit formas supernaturales: sicut materia prima sublunaris, licet ex parte modi recipiendi abstrahat ab hac, & illa forma, & solum specificetur, suo modo, à modo recipiendi amissibiliter, tamen ex parte formæ inspectæ recipit formas, quæ sunt determinatæ in ordine sublunarium. Licet autem non repugnet, puram potentiam passiuam puritatem ordinis recipere formam supernaturalem (ut dictum est supra) repugnat tamen efficere actiue, quin præcontineat in actu.

Ad secundum resp. quòd, ut reponatur in puris naturalibus, sufficit, quòd nihil habeat supernaturale, licet inueniatur in illo prædicatum non exprimens naturalitatem..

Ad tertium resp. Illam instan-

tiam non militare in sententia nostra, cum ponamus in Deo rationem Authoris non exprimentis, nec naturalitatem, nec supernaturalitatem. Vnde quando attingit ens, ut sic, participatum, nondum concipitur operari, ut Author naturæ, accomodans se exigentiæ naturæ particularis, quæ nondum concipitur, sed, ut vniuersalissimi, muni agens.

Dices. Ergò quoties Deus producit res, operatur, ut agens obedientiale miraculosè.

Resp. neg. sequel. Quia Deus non operatur obedientialiter, aut miraculosè, nisi quando existente ente in natura particulari, operatur iuxta capacitatem entis, non accommodando se exigentiæ rei particularis. Nam cum ens nullam habeat inclinationem particularem, non est capax obedientiæ: hæc enim est subiectio sui proprii appetitus ad aliū superioris; Ens ergò habet inclinationem vniuersalem ad bonum diuinum: Vnde docet D. Tho. Quòd quicquid Deus facit, est iuxta inclinationem vniuersalem creaturatum. Quando ergò Deus attingit rationem entis, non agit, ut Author naturæ formalissimè, neque ut Author faciens obedire, sed produciens rationem, secundum quam res omnes teneantur obedire.

Hæ obiectiões militant contra primam partem nostræ conclusionis, quòd sc. potentia obedientialis ex parte creaturæ, prout scilicet dicuntur rationem, secundum quam subditur Deo, abstrahat à naturali, &

supernaturali. Nūc remanent alie obiectiones, quæ militant contra secundam eiusdem Conclusionis partem, nempe, quod etiam ex parte termini per se inspecti abstrahat à naturali, & supernaturali.

Obijcitur primò. Videtur inauditum ponere in Deo aliam providentiam distinctam à naturali, & supernaturali. Ergò malè diximus, terminum per se inspectum potentie obedientialis esse talem modum agendi Dei: Deinde: dato, quod sit possibilis talis modus agendi in Deo, tamen ille non inspicitur à potentia obedientiali: nam Anima, ut recipiens gratiam, subditur Deo secundum potentiam obedientialem; Sed, ut sic, respicit Deum, ut est agens supernaturale. Ergò terminus, cui subditur potentia obedientialis, est Deus, ut agens supernaturale. Minor prob. quia Anima, prout sic, subditur Deo, ut est causa gratiæ. Sed Deus, ut est causa gratiæ, est Author supernaturalis. Ergò Anima in hoc casu subditur illi determinatè, ut est Author supernaturalis.

Resp. ad primum negando, esse inauditum, dari illam providentiam mediam: Nam frequenter distinguunt Theologi duo; modum agendi de lege ordinaria, & de lege extraordinaria; primus modus diuiditur in providentiam naturalem, & supernaturalem, nam in utroque ordine datur ordinaria lex. At secundus modus abstrahit à legibus utriusque ordinis,

Nō solent autem ex professo tractare de ista providentia extraordinaria, quia contingit, & rarò: Scientia autem non est de rarò contingentibus, & euenientibus, quasi per accidens, ex aliquo motu Dei.

Ad secundam probat, ut respondeatur: Aduertendum est; quod gratia, cum sit formalissimè ipsa natura Dei sub modo essendi limitato, ideò subiectum, seu quasi subiectum sibi ex lege ordinaria debitum, est solus Deus, & est extraordinarium quid, & præter debitum, aut exigentiam illius, tam excellentis formæ, quod ponatur in creatura; quod verò simul ac ponitur ex gratuita benignitate Dei in creatura, habeat annexas proprietates, & alia spectantia ad ordinem gratiæ, hoc est debito sui ordinis.

Hinc ergò resp. quod licet Deus, ut tribuit gratiæ omnia debita suo ordini, agat formalissimè, ut Author supernaturalis, tamen, ut ponit gratiam in Anima, agit, ut utens sua plenipotètia non subdita legibus vilius ordinis, modo supra dicto: & sic non formalissimè, ut Author supernaturalis. Sed

Dices. Dùm Deus communicat gratiam Animæ, verè producit gratiam. Ergò agit, ut Author supernaturalis, cum producat effectum supernaturalem.

Resp. disting. conf. agit, ut Author supernatur. quoad rem productam; Conced. quoad modum producendi; Negatur. Nam

mo.



modus producendi non est alligatus legi vllius ordinis ; Obdiencia autem formalitèr est ad modū dominatium , & independentem à lege inferioris , & de materiali se habet res producta , vel imperata. Sed rursus.

Instabis. Quia lex gratiæ petit, quòd sit in substantia spiritali, tanquàm in subiecto , & ad hoc inclinatur, sicut accidens ad subiectum.

Resp. disting. quòd sit in substantia spiritali creata : Nego : Diuina, Concedo. Et licet, vt accidens est, exigit subiectum creatum , tamen est præter legem suæ naturæ, quòd sit accidens, seu habeat modum essendi accidentarium, cum sit formalitèr ipsa natura Dei : immò reduplicatiuè , vt accidens est , ponitur in creatura, veluti in subiecto alieno, sicut calor, adhuc, vt accidens commune est, ponitur in aqua, tanquam in alieno subiecto, ex eo, quòd proprius eius modus essendi est, quòd sit proprietas ignis. Vnde licet calor non inclinatur ad aquam., neque in aqua ponitur exigentia connaturalis caloris , ita neque in gratia respectu creati subiecti, aut è contra : Quod si adhuc

Instes, quia gratia, vt accidens est, nullum aliud habet subiectum, præter creatum.

Resp. propterea, quòd, cum sit hic modus essendi præternaturalis illi, nullum habet subiectum proprium , cum non fluat ab vlllo gradu naturæ creatæ , sed adueniat merè ab extrinseco ; vnde

non definitur per subiectum , sed per naturam Dei , cuius est formalis participatio.

Obijcitur secundò. Deus , vt agens modo illo extraordinario, non accommodando se legibus vllius ordinis, vel agit iuxta exigentiam rerum creatarum, vel supra exigentiam earum, si primū, agit, vt Author naturæ ; si secundum, agit, vt Author supernaturalis. Ergò non videtur , posse concipi in Deo modum agendi necdum.

Resp. agere potius præter exigentiam omnium ordinum , tum naturalium , tum etiam supernaturalium, non accommodando se legibus vllius ordinis , non supra exigentiam ; hoc enim secundum solet communiter accipi pro modo influendi supernaturali : licet possit etiam dici , quòd agat supra exigentiam , superioritate, tamen potenciali , & perfectibili, non superioritate actuali , modo supra dicto in solutione 3. argum. Sed.

Dices . Videtur , quòd modus iste respiciendi Deum, vt operantem independentèr à legibus rerum , sit nobilior , quàm si respliceret, vt agentem iuxta leges ordinis supernaturalis : Ergò iam hæc potentia esset supra exigentias rerum , superioritate actuali. Ant. prob. Nam Deus, vt sic potens operari , abstrahit à modo proprio ordinum abstractione formali ; cum contineat in se perfectiones ordinum, potens in singulis pro suo libito operari ; vnde

ex:

exprimit maiorem perfectionem, quam, vt est Author naturæ, vel gratiæ; Sicut Epicheia, quæ in casibus extraordinarijs, non tenetur legibus particularibus, habet principatum supra omnes leges, & essentia Diuina continens eminentèr alias lineas, est omnibus perfectior. Ergo etiam potentia obediencialis, respiciens Deum, præfato modo operantem, erit nobilissima potentiarum.

Confirmatur primò; quia idèò dicitur, potentiam entitatiuè naturalem non posse habere terminum supernaturalem, quia deberet ab illis specificari, & sic poni in eodem ordine. Ergo Potentia obediencialis deberet poni in eodem ordine cum termino perfecti, primò inspecto; cum autè hic sit nobilissimus, consequenter dici debet, potentiam obediencialem esse nobilissimam.

Secundò, quia sicut potentia naturali correspondet actus naturalis, & supernaturali, supernaturalis, ita illi potètiæ abstractæ, actus abstrahens. Ergo sicut hic actus est eminentior alijs actibus, ita potentia erit alijs potentijs eminentior.

Resp. quidquid sit de anteced. Neg. conseq. Tantùm enim abest, quòd ex maiori perfectione potentia actiua in Deo colligatur maior perfectio potentia passiuæ, de qua loquimur; quin potius exindè colligitur ipsius maxima imperfectio; nam quo maior est actiuitas in Deo, eò minorem coaptationem petit potètiæ pas-

siuæ cum actu, & maiorem eius distantiam à perfectione actus potest vincere: vnde videmus, quòd à suo nihilo infinite distantem ab esse potest rem perducere ad esse. Itaque potentia naturalis, & supernaturalis habent proportionem cum suis actibus respectiue; quare ex parte modi operandi, Deus non ita perfectè operatur in illis actuandis, sicut, cum actuat potentiam obediencialem: quidquid sit, vtrum ex parte rei productæ nobilius quid faciat, sicut cum creat etiam rem ignobilem, nobiliori modo inluit, quam, cum producit educitiue formam supernaturalem. Modus ergo educendi ex potentia obedienciali valde accedit ad modum creandi ob improportionem huius potentia cum effectu, licet non pertingat, cum nihil magis distet ab esse.

Ad probationes resp. Ad primam neg. sequel. Nam cum hæc potentia sit pura puritate ordinis, non sumit speciem, nequè à termino, neque ab ordine termini, vt dictum est supra, sed formaliter à modo operandi, non, curando de ordine, in quo sit. Ad secundam probat. resp. actum illum in Deo abstrahere, abstractione formali arguente maximam perfectionem, ab ordine naturali, & supernaturali. At verò potentiam obediencialem abstrahere, potius abstractione potenciali, arguente maximam imperfectiorem, cum sit (vt dictum est superius) gradus potètialissimus en-

tis

tis participati. Ex qua doctrina.

Infero, non improbabili-  
ter dici, pu è potentiam obedientia-  
lem esse imperfectiorem in ratio-  
ne potētiz materia prima: Nām  
hæc non est pura puritate ordi-  
nis, cum sit in eodem ordine cum  
forma, & connaturaliter illam  
exigat, appetatque, & sic, ut ait  
D. Tho: habeat bonitatem quan-  
dam in ordine ad actum; At po-  
tentia hæc obedientialis, sub suo  
explicito conceptu, licet identi-  
ficetur cum actualitate rei, in qua  
imbibitur, tamen formaliter est  
pura potentia etiam puritate or-  
dinis, in quantum remouet à se  
omnem exigentiam actus, siue  
naturalis, siue etiam supernatura-  
lis, proinde magis elongatur ab  
actu, quam materia prima, quæ  
saltem in illum propendit, eumque  
connaturaliter exigit. Atque hinc  
concludi potest, dari potentiam  
formaliter in suo conceptu im-  
perfectiorē materia prima; quod  
aliqui Thomistæ existimant im-  
possibile, etiam de potentia ab-  
soluta.

Obijcitur tertio. Communiter  
Thomistæ negant cū Caiet. Opu-  
sc. de potent. neut. dari potentiam  
neutram; Hæc autem, quam po-  
nimus, videtur potentia neutra,  
quia neque est naturalis, neque  
supernaturalis; Ergo non debet  
admitti.

Resp. Caiet. loc. cit. loqui de  
potentia neutra, media quasi in-  
ter potentiam naturalem, & vio-  
lentam, & expresse excipit po-  
tentiam obedientialem, de qua

cap. seq. ex professo tractat; & vi-  
detur illam ponere mediam inter  
naturalem, & supernaturalem, ut  
illum intelligit hic, & alibi Cu-  
riel, licet in modo explicandi sit  
diuersus à nobis, & hæc quantum  
ad conceptum formalissimū po-  
tentiz obedientialis passiuæ.

## QVÆSTIO VII.

*Per quid constituantur, &  
in quo formaliter distin-  
guantur membra illius  
diuisionis, qua ens com-  
muniter diuiditur in Cō-  
pletum, & Incompletum.*

**P**RO resolutione huius diffi-  
cultatis.

Supponendum est primò, du-  
pliciter posse dici aliquam rem  
esse completam, & incompletam;  
physicè, scil. vel metaphysicè. Et  
quauis ad præsens institutum  
non spectet agere de rebus physi-  
cè acceptis, Metaphysicam enim  
prosequimur, quia tamen gradus,  
& rationes metaphysicæ fundan-  
tur supra physicas; non possemus  
enim explicare rectè, per quid  
ens constituitur in ratione com-  
pleti, vel incompleti metaphysi-  
cè, nisi explicemus, per quid phy-  
sicè in esse talis constituitur; Ideò

Supponendum est 2. incomple-  
tum ens physicè esse illud, quod  
potens est physicè cōplere aliud,  
vel compleri ab alio, siue ut pars,  
siue ut modus, siue ut terminus;

&

& hoc modo dicuntur esse entia incompleta omnes partes, quæ sunt veræ partes. Dixi, quæ sunt veræ partes, ut excludam illa, quæ sunt potentiales tantum, in quantum possunt cum alio identificari, & esse partes, ut patet in aqua, quæ separari realiter, & iterum separata identificari potest; de quo vide Nost. Complut. in lib. de Gener. & Corr. disp. 5. q. 5. ubi fusè, & eruditè explicat, quomodo illa, quæ erant antea realitèr substantialitèr identificata, possunt realitèr substantialitèr diuidi, & ante perpeti sententia Thomistica, quæ substantiæ intra lineam substantiæ partes substantiales denegat. Similitèr hac ratione possunt dici entia incompleta omnes modi, omnesque termini intrinseci, quales sunt existentia, subsistentia, &c. excipe tamèn subsistentiam, & existentiam increatam Verbi; hæc enim licet compleat intrinsecè Humanitatem Christi, quia tamen Eam complet sine vlla mutatione reale ex parte sui, ut docent cõmunitèr Theol. in mat. de Incarn. Inde est, quòd sicut ante terminationem Humanitatis vtrique, subsistentia, scilicet & existentia increata Verbi erant quid perfectè completum, ita etiam post terminationem manent in esse completo, quia sine vlla mutatione, & dependentia terminant. Immo, hoc genere incompletorum, etiam ipsa Natura totalis, v. g. Humanitas, & Essentia Angeli, secundum quòd comparantur ad existentiam,

& subsistentiam, sunt quid incompletum, quia componunt intrinsecè subsistens, vel existens. Ex quo facillè intelligi datur, quid sit ens completum physicè. Cum enim contraria per rationes oppositas constituentur, illud ens erit physicè completum, quod nullo modo ordinatur ad complementum alterius, siue illud sit in se compositum quacumque compositione, tam ex materia, & forma, ut materialia, quam ex esse, & essentia, ut omnis creatura; siue sit in se quid simplicissimum, qualis est Deus Opt. Max.

Supponendum est 3. Ens completum physicè habere suam latitudinem, neque omnia eodem modo dicuntur esse completa: sed aliqua perfectius, ut aduertit Ortiz in Log. tract. 4. confer. 3. §. 3. Nam in primis compositum ex materia, & forma, præciso ordine ad existentiam, vel subsistentiam, est ens in se completum intra lineam essentialè, vel specificam. Sed hoc complementum est infimum, quia magis est completa res, quando intelligitur, ut subsistens, & magis, tamque maximè, quando concipitur, ut existens, & indiuidua: quia tunc intelligitur esse in ultimo complemento, quo non datur aliud perfectius.

Ex his ergo, quæ de ente composito, & incomposito physicè diximus, facillè possumus inferre, in quo consistat ratio entis completi, & incompleti metaphysicè loquendo.

Dicimus ergo, quòd sicut illud est

est incompletum physicè, quòd potest compositionē alicuius intrare, quod verò non potest intrare, est ens completum; ita ens completum metaph. est illud, quod ita est in sua natura constitutum, ut alterius compositionem non intret, tam ut pars, quam ut modus constitutiuus rei. Incompletum verò ens illud est, quod dictam compositionem intrat, vel saltem intrare potest. Neque in hoc est immorandum, clara siquidem sunt omnia ex terminis ipsis, & ex proportionē, quæ inter gradus phylicos, & metaphylicos intercedere debet.

Maiores est difficultas in explicando, quænam entia sint hoc modo completa, quæ verò incompleta. Nam in primis dubitari potest de ipsa ratione vniuersalissima entis realis; An illud secundum se sit completum, an verò non? & si non est in se completum, per quid in esse completi constituatur? Secundò dubitatur de generibus generalissimis, v. g. de Substantia, Quantitate, &c. Immo idem dubium procedit de generibus intermedijs, quia hæc omnia videntur esse entia incompleta, omnia enim possunt intrare compositionem metaphysicā, & de facto intrant, constituendo speciem cum differentia, à qua contrahuntur. Et videtur magis hæc difficultas, quia nulla substantia, v. g. est completa, præcisè ut continetur directè, & immediatè sub genere generalissimo substantiæ; immò neque, ut con-

tinetur sub alijs generibus intermedijs: etenim, ut intelligitur esse immediatè sub illis, adhuc est complebilis per differentias varias, per quas trahitur ad determinatam speciem. Ergo neque substantia, aut aliud genus supremum, neque genera intermedia erunt entia completa. Pater consequentia, quia si genera tam suprema, quam intermedia essent entia completa, tunc individua immediatè contenta sub ipsis essent sub ipsis entia completa, utpote naturam illorum generum, quæ entia completa esse dicerentur, participantia: Cum ergò hæc, formaliter, ut sub ipsis contenta, non sint completa, ut ex discursu facto patet, neque illa erunt.

Dices, Genera intermedia esse completa, quia sunt in suo gradu constituta ex genere, & differentia. Sed

Contra est. Quamuis genera intermedia sint constituta ex genere, & differentia, in quo differunt à generibus supremis, quæ utpote conceptus simplices, dicta compositione carent, non tamen sunt ultimè completæ, neque, ut sic dicam, completè compositæ, quia per se ordinantur ad vltiorem compositionem, vltiusque complementum; sicut animal ita est constitutum in suo gradu, ut adhuc possit trahi per differentias ad constituendum, & componendum hominem, vel leonem. Ergò erunt entia incompleta, sicut in compositis phylicis, si esset vera illa opinio, quæ ponit formam

corporeitatis eorum materiam ab omnibus formis substantialibus, & accidentalibus distinctam, (quam tamen rejiciunt communiter Thomistae, eruditèque impugnant Nost. Complut. in lib. de Gener. & Corr. disp. 2. quæst. 4.) procul dubio compositum ex materia prima, & forma corporeitatis esset ens incompletum physicè; idque non ob aliam rationem, nisi quia hoc compositum esset actuabile per alias formas, essetque pars intrans compositionem, v. g. leonis, vel hominis. Ex alia autem parte videntur, hæc omnia esse entia completa, quia omnia ponuntur in directa linea prædicamentali, à qua tamen, communi Philosopharum calculo, entia incompleta arcètur. Pro huius difficultatis decisione.

Dicendum est primò, omnia genera tam generalissima, quam intermedia esse entia completa. Ità Ioan. à S. Tho. quæst. 14. Log. ar. 2. Ortiz tract. 4. Log. confer. 3. §. 3. Fons. 5. Metaph. cap. 7. q. 7. Sect. 2. Suarez d. 33. Metaph. Sect. 1. & plures alij; Vt autem hæc Conclusio radicatus probetur.

Supponendum est ex Nost. Complut. in Log. d. 5. q. 5. Genera, siue generalissima, siue intermedia, dupliciter sumi posse, vel vt tota, vel vt partes. Tunc sumuntur, vt tota, quando concipiuntur, vt continentia in confuso inferiora: Tunc autem accipiuntur, vt partes, quando intelliguntur, vt inclusa actu, vel po-

tentia in gradibus inferioribus; v. g. gradus corporis, cum ex suo conceptu significet compositum ex materia, & forma, secundum illam perfectionem, à qua præfluit quantitas, potest duobus modis concipi: Primò, vt præcindit ab ulterioribus, quæ ad conceptum dicti compositi non spectant; & hoc modo sumptum corpus est pars viuientis contrahibilis per partem formalem, sc. per differentiam ipsius. Secundo modo potest dictum corpus sumi, non, vt præcindit ab ulterioribus perfectionibus, sed potius, vt est in potentia ad ipsas, continens eas in confuso; sicque est totum respectu inferiorum; vnde cum nulla pars prædicetur de suo toto, gradus superiores non prædicantur de inferioribus, vt sunt partes respectu ipsorum, sed vt sunt tota ipsa inferiora in potentia continentia, quod egregie docuit, & explicuit S. Tho. Cap. 3. de ent: & est, vbi sic habet. *Quia natura speciei est indeterminata respectu individui, sicut natura generis respectu speciei, inde est, quod sicut id, quod est genus, prout prædicatur de specie, dicit implicitè in sua significatione, quamuis indistinctè, totum id, quod determinatè est in specie, ita id, quod species, secundum quod prædicatur de individuo, oportet, quod significet totum, quod essentialiter est in individuo, licet indistinctè; & hoc modo essentia speciei prædicatur nomine hominis, vnde homo de Socrate prædicatur. Ex quo ulterius sequitur, quod*

quod gradus generici non ponitur in linea prædicamentali, vt sunt partes, sed vt sunt tota: Cùm enim prædicamenta sint coordinationes prædicabilium, eo modo ponitur aliquid in linea prædicamentali, quo erit prædicabile. Quia ergo, vt ex S. Thoma constat, gradus generici non prædicantur de inferioribus, ac per consequ. neque prædicabilium rationem respectu illorum sortiuntur, vt sunt partes, sed vt sunt tota, vt tota, non verò vt partes, collocabuntur in linea prædicamentali. Hoc ergo supposito.

Probatur nostra Concl. primò. Omnia, quæ ponuntur in recta linea prædicamentali, sunt entia completa prædicamentorum, vt cõmunitèr docent Philosophi. Sed genera, & species, secundum quod sunt tota, ponuntur in recta linea prædicamentali, vt ex cõmuni omnium Dialecticorum consensu patet. Ergo genera, & species, vt sunt tota, erunt entia completa.

Confirmatur, & explicatur ista ratio; Nam, vt patet ex suppositione, genera, & species possunt dupliciter considerari; vel vt sunt tota quædam, vel vt sunt partes. Ergo secundum quod considerantur, vt tota, non considerantur, vt partes; ac per consequens considerata, vt tota, non intrans per se, & formaliter, vt talia, compositionem alterius, aliàs rationem partis induerent. Ergo cùm omne ens non intrans compositionem alterius sit ens completum,

vt ex supra dictis patet, genera, & species sumpta, vt sunt quædam tota, erunt entia completa.

Confirmatur secundò. Nam, gradus metaphysici fundantur supra physicos; illisque proportionantur. Ergo sicut inter gradus physicos datur in esse completi sua latitudo, ita vt aliqua sint magis completa physice, quàm alia, v. g. magis est completum indiuiduum existens, quàm compositum ex materia, & forma, quia tale compositum etsi in genere naturæ sit completum, tamē in genere existendi est incompletum, vnde petit compleri, & terminari per existentiam; ita etiam inter gradus metaphysicos erit sua latitudo in ratione completi, ac per consequ. etsi genera suprema, vel intermedia non intelligantur esse sub vltimo complemento, non ideo debent ex albo entium completorum deleri.

Probatur secundò. Si aliquid eo ipso esset ens incompletum, quia est ordinabile ad aliud, sequeretur, quod sola indiuidua essent entia completa, sicq; nullus gradus communis, & præcisus à conditionibus indiuidualibus esset ens completum; quod tamen est falsum, quia hi gradus ponuntur in recta linea prædicamentali, à qua tamen, vt diximus, reijciuntur entia incompleta.

Vrgetur hoc ipsum; quia etiam ens reale, vt sic, esset incompletum, quia est complebile per suos modos, quod tamen falsum est: Tū quia diuiditur in completum,

Et 2 & in.

& incōpletum, ac per consequens ipsum non potest esse incompletum, aliās diuisum coincideret cum vno membro diuidente. Tūm etiam, quia ens reale, vt sic imbitur in entibus completis, de illisque essentialitèr prædicatur. Ergo, &c.

Nec argumentum in contrariū adductum aliquid conuincit. Fatemur siquidem indiuidua generica, vt formaliter contenta sub gradibus genericis, non esse ex hac parte entia completa: tamèn negamus ex hoc sequi, ipsos gradus genericos entia completa nō esse. Cuius ratio est, quia nos dicimus, gradus genericos esse entia completa, vt sunt tota non ordinata ad componendum alia: Iam autèm quando sumis indiuiduum genericum, v.g. hanc substantiam, vel hoc viuens, sumis substantiam in illo, vt habentem esse indiuiduum, quod quia substantia non potest habere, nisi vt habens alias actualitates intermedias, & consequentèr, vt componit gradus intermedios cum illa actualitate, inde est, quòd substantia sumpta in indiuiduo sumitur, vt pars componens gradus inferiores cum differentiis ipsorū, estque ens incompletum; Vnde etsi hæc substantia dicatur talis, quia participat rationem substantiæ vt sic; tamèn hæc substantia non erit ens cōpletum, licet substantia, vt sic sit ens completum, quia hæc substantia non participat rationem substantiæ secundum rationē incomponibilitatis

cum alio, secundum quam rationem est completa, vt iam explicatum est.

Per quod patet ad impugnationem solutionis inter arguendum data. Dicimus enim, omnes gradus genericos, immò & específicos, esse quidèm secundum illam rationem incompletos, secundum quam ordinantur ad componendos alios gradus; tamèn secundum aliam rationem, secundum quam à tali ordine præsciunt, esse entia completa.

Dicendum est secundò. Ens reale, vt sic, abstrahit à completo, & incompleto: Constituitur autè in esse completi per modos intrinsecos prædicamentorum: vnde idem est ens completum reale, ac ens diuisum in decem Prædicamenta. Ita Ioannes à S. Tho: & Didacus Ortiz locis supra cit.

Probatur breuiter conclu. Ens reale, vt dictum est, commune est completis, & incompletis. Ergo debet habere aliquem modum, per quem trahatur ad esse completi, & incompleti; per differentias enim trahi non potest, quia genus non est. Ergò cum modi immediatè afficiètes ens, & complentès illud, sint modi constitutui prædicamentorum, ens in esse completi cōstituetur per modos constitutiuos prædicamentorum; idemque erit ens completum, quod ens diuisum in decem prædicamenta. Quod autem de ente diximus, hoc idem de accidente tenendum est. Ac proinde sicut ens, ita, & accidens, vt sic, ab-



abstrahit ab esse completo, & incompleto: Et sicut ens constituitur in esse completo per modos constitutiuos omnium prædicamentorum, ita accidens tunc intelligitur esse completum, quando cõcipitur esse sub modis constitutiuis nouem generum accidentis.

## DISPUTATIO

### QUARTA.

#### De Proprietatibus Entis in communi.

**H**VCusque egimus de natura, & multiplicitate entis; restat, vt ad ipsius affectiones, seu proprietates explicandas descendamus. Hæ namque sicut naturam entis immediatè consequuntur, ita post illam cognitam immediatè cognosci debent. Prius ramen agemus de illis in communi, vt sic iuxta methodum, quam assumpsimus in principio huius Tractatus, ab Vniuersalioribus ad minus vniuersalia procedamus.

### QVAESTIO I.

*Vtrum Ens habeat veras,  
& reales proprietates,  
seu passiones.*

**P**RO intelligentia, & resolutione præsentis difficultatis.

Supponendum est primò, Proprietates, seu passiones esse in duplici differentia. Aliæ enim sunt demonstrabiles. Et aliæ sunt veræ, & reales. Passiones demonstrabiles sunt illæ, quæ possunt concludi de subiecto per syllogismum demonstratiuum, quòd vt habeant, non exigitur distinctio earum realis positua à subiecto, sed has tantummodo duas condiciones requirunt. Primò, vt ratio subiecti sit prior solùm conceptibiliter rationibus illarum; debet enim demonstratio procedere ex prioribus. Secundò, vt consequantur per se illam rationem subiecti, vt possit esse causa saltèm virtualis illarum; Nam etiam demonstratio procedit ex causis conclusionis, non tantum in cognoscendo, sed etiam in essendo, si sit demonstratio propter quid, quæ sola est proprietas talis, solaque perfectè generat habitum scientiæ, vt docet nos. Complut. in Log. d. 18. Passiones reales sunt illæ, quæ verè, & realiter consequuntur essentiam subiecti, tanquam quid distinctum realiter ab ipso, v.g. risibile est passio hominis, quia hoc modo eius essentiam, nempe essentialiter, consequitur. Vnde, vt optimè notauit Suarez in sua Metaph. disput. 3. Sect. 1. n. 5. quatuor condiciones requirunt. Primò, vt sint verè res; si enim sint nihil, reales proprietates esse non poterunt. Secundò, vt aliquo modo distinguantur à parte rei ab illo, cuius sunt proprietates; Nam si sint idem omnino

nino cum illo, potius erunt essentia, vel de essentia, quam proprietates. Tertiò, ut adæquatè illi conueniant, cum illis que conuertantur, quia debent omni, & soli conuenire, ut potèssimiles ab essentia. (Hæc tamen cōditio etiam proprietatibus demonstrabilibus potest conuenire, ut consideranti patebit.) Quartò denique, ut subiectum, siue id, cuius est proprietas, nō sit de intrinseca ratione, & essentia ipsius, aliàs sicut à sua essentia, ita neq; à subiecto, quod esset de eorū essentia, realitèr distinguerentur, quod secundæ conditioni repugnat. Vnde etiam Arist. 7. Metaph. cap. 5. tex. 18. & 1. Post. cap. 18. tex. 35. docet, subiectum non essentialitèr, & intrinsecè, sed vt additum poni in definitionibus passionum. Ex quo colliges. Et

Supponendum est secūdò, non benè docuisse nost. P. Philippum à SS. Trinit. 3. p. Summæ Philosophiæ 9. 3. a. in corp. attributa realia, seu proprietates veras, & reales non necessariò distingui ab essentia, cuius sunt proprietates, sed sufficere inter illa, & essentiam distinctionem rationis: Falsa enim est hæc doctrina intellecta de proprietatibus realibus, vt contradistinctis à demonstrabilibus; si enim sunt veræ, & reales proprietates, ergò verè, & realitèr consequuntur essentiam. Ergo debent esse, quid realitèr ab illa distinctū; idē enim nō potest realiter seipsū cōsequi, & precipuè eo consecutionis modo, quo verè, & reales passiones essentia cōsequuntur, ita vt illa sit

causa aliquo modo efficiens illarum, non tantū virtualis (hoc enim est passionum demonstrabilium proprium, vt distinguuntur à realibus) sed etiam formalis. Nec iuuat P. Philip. exemplum de attributis diuinis, quod pro se adducit: diuina enim attributa nō sunt proprietates reales, vt hæc distinguuntur à demonstrabilibus, quia non habent causam formale sui esse, vt communiter docent Theologi.

Supponendum est tertiò, non quodlibet reale distingui ab alio reali realitèr; sed benè possunt entia realia distingui sola ratione; quod licet multis exemplis confirmari possit, pro nūc tamen illud sufficiat, quod in homine, v. g. sunt plures gradus, v. g. gradus corporis, viuētis, animalis, &c. qui gradus, etsi sint reales, vt cōmuniter admittunt Philosophi; collocantur enim in prædicamento substantiæ, à quo, sicut, & ab alijs, excluduntur entia rationis, non tamen sunt realiter distincti; aliàs deberent dari in homine plures formæ realiter distinctæ, à quibus illi gradus communicarentur, quod tamen implicat, vt communiter docent Thomistæ; & eruditè probant nost. Complut. in Phys. d. 3.

Ex quo sequitur, quod aliud est querere, an passiones entis sint reales, & aliud, an sint realiter ab ente distinctæ? Vnde etsi entia concederentur passiones reales; non idē concederentur ab ente realiter distinctæ. Passiones enim, seu proprietates demonstrabiles

biles verè sunt quid reale, cum tamen non sint ab ente realiter distinctæ. Vnde si in hoc sensu intellexit passiones reales P. Philip. quando illas dixit, posse non distinguì realiter ab essentia, cuius sunt passiones, potest eius doctrina sustineri. Satis tamen improprie locutus est, quia, prescè, & metaphysicè loquendo, passiones, seu proprietates demonstrabiles sunt contra reales distinctæ: pro cuius vberiori intelligentia.

Supponendum est quartò, non esse idem aliquid esse ens reale, & esse passionem realem: quia aliunde sumit denominationem in esse entis, & aliunde in esse passionis; Dicitur enim aliquid ens reale à realitate essendi, siue illam habeat distinctam ab alio, siue non. Realitas autem passionis sumitur à realitate distincta realiter à realitate essentia, quia passio realis sicut realiter dependet ab essentia, cuius est passio, ut causa ab effectu, ita debet distinguì realiter ab illa: Vnde bene potest esse aliqua passio ens reale, & tamen non esse passio realis. Nec valet argumentum. Hoc est passio, & est reale. Ergo est passio realis. Committitur enim hic fallacia accidentis similis illi, si diceremus: iste canis est pater, & est tuus; Ergo est pater tuus. Vnde passiones demonstrabiles etsi possint esse quid reale, nò tamen possunt dici passiones reales, quia, ut ià sæpe diximus, ad hoc, ut aliqua passio sit realis, debet realiter dimanare à subiecto, ac realiter distinguì ab ipso.

Ex quo iam facile colligere poteris præsentis difficultatis sensum. Quærimus enim an ens habeat proprietates, per se loquendo, siue demonstrabiles, siue reales. Neque tamen hæc volumus ultimè decidere, quomodo hæc passiones ab ente distinguantur, quia hoc in sequentibus commodius determinari poterit, quando specialitèr de singulis agemus, ubi ostendemus, quid qualibet supra ens addat, si enim addent aliquid reale, distinguantur ab ente realitèr; si autem nullam enti realitatem addent, neque ab illo realiter distinguì poterunt. Pro nunc autem quærimus, an, & quales ens, ut sic, habeat proprietates, seu passiones. In quo est multiplex Auctorum sententia: Omnes tamen opiniones ad tres classes possunt reuocari. Prima sententia est Scoti in 1. d. 3. q. 2. & metaph. 4. c. 2. & in alijs locis, quem etiam sequuntur communiter Scotistæ docentes, ens habere reales, & positivas proprietates ex natura rei ab illo distinctas.

Fundamentum huius opinionis primum est. Vnitas, Veritas, & Bonitas addunt aliquid reale, & positium enti, ab ipso ex natura rei distinctum. Ergò sunt passiones reales. Patet còsequètia ex suppositionibus: Anteced. prob. Si Vnitas, Veritas, & Bonitas nihil reale adderent supra ens ab ipso realiter distinctum, sequeretur, quòd in prædicationibus, in quibus enunciatùr de ente, ut v.g. quan,

quando dicitur: Ens est bonum, vel verum, vel vnum: aut de ente enunciaretur aliquid ens rationis, aut illæ prædicationes essent identicæ; vtrumque est falsum. Ergo, &c. Maior patet. Nam in primis illæ passiones, cum formaliter non sint nihil, si non sunt ens reale, erunt entia rationis, si verò sunt realia, ab ente tamen non distincta, erunt idem cum ipso. Ergo quando prædicabuntur, vel erit prædicatio identica, vel prædicabitur aliquid ens rationis de ente. Falsitas autem vtriusque ex eo patet, quia aliàs illæ prædicationes vel essent nugatorix, vel falsæ; nugatorix, si essent identicæ, quia idem omnino diceretur de seipso, quod est nugatorium; falsæ verò, si ens rationis prædicaretur de ente reali, quia falsum est, ens reale esse aliquid ens rationis.

Secundum fundamentum. Passiones entis demonstrantur in Metaphys. de ente. Ergo sunt reales. Patet antecedit. probatur consequenti. Scientia realis demonstrat de suo obiecto passiones reales. Sed obiectum eius est ens. Ergo habebit passiones reales, quæ de illo demonstrantur.

Confirmatur; nam Aristotel. 4. Metaph. c. 1. dicit, hanc scientiam contemplari ens, quatenus ens, & quæ illi per se insunt: hoc est, ut ibidem explicat S. Tho. entis per se accidentia, &c. Ergo hæc accidentia entis, seu passiones sunt quid reale, enti enim reali non potest per se inesse, quod reale non

est, ut ex terminis ipsis patet.

Fundament. tertium. Nullo intellectu cogitante, ens est verum, bonum, & vnum. Ergo istæ passiones dicunt aliquid positivum, & reale additum enti. Patet antecedit. prob. consequenti. quia quod competit alicui indepèdenter ab operatione intellectus, competit ipsi realiter, tanquam quid reale additum ipsi. Ergo, &c.

Confirmatur. Quæ in Deo distinguuntur ratione, in creaturis distinguuntur realiter. Sed ens, vnum, verum, & bonum in Deo distinguuntur ratione, ergo in creaturis distinguuntur realiter. Ergo, &c.

Secunda sententia dicit, ens non habere passiones reales, sed rationis tantum. Ita Iacellus 4. Metaph. q. 2. Niger. q. 7. Clypei. Fonseca 4. Metaph. q. 2. 9. §. 1. et 2. Quæ etiam sententia ab aliquibus Thomistis tribuitur Francisco Suarez, sed immerito; nam ipse non absolute dicit, passiones entis reales non esse, sed talem illis realitatem denegat, quæ sit à realitate entis distincta: quod non est dicere, passiones entis non esse simpliciter reales, sed rationis tantum, ut ex infra dicendis patebit.

Fundamentum huius opinionis est; Quia proprietates entis tales debent esse, & dici, quale est illud, quod superaddunt enti: Sed non superaddunt aliquid reale, sed tantum aliquid rationis. Ergo non sunt reales, sed rationis. Maior patet, quia proprietates habent rationem proprietatum ratione illius superadditi; Ens enim non

potest esse sui ipsius proprietas. Minor verò probatur: Si proprietates entis superadderent aliquid reale enti, illud superadditum vel realiter erit ens, vel non ens; si ens, non distinguetur ab ente, ac per consequens non erit passio entis; si autem realiter erit non ens; ergo erit realiter nihil, & per consequens non poterit esse passio entis, quia nihil proprietas entis esse nequit. Ergo illud, quod passiones entis addunt, per quodque in esse passionum constituentur, erit aliquid rationis.

Potest hæc sententia roborari insigni auctoritate S. Thom. q. de verit. a. 1. in c. vbi S. Doct. sic habet. *Bonum, verum, & unum non possunt addere supra ens, nisi aliquid rationis, negationem scilicet sicut facit unum, quod addit supra ens negationem divisionis, vel relationem, sicut faciunt verum, & bonum, quorum primum addit supra ens respectum rationis ad intellectum, secundum verò respectum ad voluntatem.* Ecce quam clarè S. Tho. docet, illud additum enti, quod constituit proprietates, seu passiones ipsius in esse talium, non esse aliquid reale, sed rationis. Ergo &c.

Tertia tandem sententia dicit, passiones entis non esse quidem reales ita, quòd addant enti aliquid positivum, & reale ex natura rei distinctum ab ipso, neque etiam esse quid rationis. Ita Flan. 4. Metaph. q. 1. a. 1. Arauxo 4. Metaph. q. 4. a. 1. nost. Blas. d. 20. Metaph. q. 1. nost. P. Philip. à SS. Trint. 3. p. Sum. Philos. q. 3. a. 1. 2. Idemq;

fere docet, & Soncin. 4. Metaph. q. 17. vbi concedit enti passiones demonstrabiles, negat verò reales. Hæc opinio procul dubio vera est. Ideoq; pro eius declaratione.

Dicendum est primò, passiones entis non esse verè, & propriè reales. Ita omnes Auctores pro tertia sententia; immò etià pro secunda citati. Probat. primò hæc sententia auctor. D. Thom. nam in primis q. 1. de; verit. a. 1. dicit, *Enti non potest addi aliquid, quasi extranea natura per modum, quo differentia additur generi, vel accidens subiecto, quia qualibet natura essentialiter est ens.* Idemque docet vbi cūq; loquitur sigillatim de passionibus entis. Ita 1. p. q. 1. a. 1. dicit, quòd *Unum non addit supra ens, re aliquam, sed tantum negationem divisionis: similiter 1. p. q. 5. a. 1. dicit: Bonum, & ens sunt idem secundum rem, sed differunt secundum rationem tantum.* Ergo ex eius mente non sunt passiones verè, & propriè reales, quia istæ debent importare aliquid realiter distinctum ab illa essentia, cuius sunt passiones, vt ex suppositionibus constat.

Deinde eadem concl. probatur ratione. Passiones verè, & propriè reales debent enti aliquid addere reale realiter ab ipso distinctum. Sed passiones entis nihil possunt reale addere enti, realiter distinctum ab ente. Ergo passiones entis non sunt verè, & propriè reales. Maior ex suppositionibus patet: Minor verò probatur. Omne reale claudit intrinsecè rationem  
 ff      entis;

entis; ita quòd nihil sit in eo accipere, de quo ens formalitèr non prædicatur; Ens enim est transcendens respectu omnium realium, ut ex dictis in d. 1. huius Tract. patet. Ergo etiam illud reale, quod dicitur enti addi, claudet rationem entis intrinsecè. Ergo non poterit addenti, ut quid realiter distinctum ab ente.

Confirmatur. Illud additum, quod dicitur addi in passionibus entis ipsi enti, & ratione cuius dicuntur passionibus entis esse reales, illud, inquam, additum, si reale est, ut volunt aduersarii, non poterit esse intrinsecè, & realiter nihil; quod enim nihil est, reale esse non potest, quia reale dicitur esse positum; Nihil autem est totius entis negatio. Ergo illud additum, erit intrinsecè, & realiter ens; nam si intrinsecè, & realiter ens non esset, esset utique intrinsecè, & realiter nihil, quia ens, & nihil opponuntur contradictoriè, ut ex supradictis patet; ac per consequens implicaret in adiecto, quicumque docent, enti addi aliquid reale, positum distinctum realiter ab ente; quia, ut modo diximus, positum, & reale esse nequit, quodcumque ponitur distinctum ab ente.

Dicendum est secundò, Passiones entis non esse quid rationis. Ita iidem Auctores, quos pro tertia sententia citauimus. Prob. breuiter. Id, de quo ens reale formalitèr prædicatur, non potest esse aliquid rationis. Sed de passionibus entis prædicatur ens reale. Ergo non sunt quid rationis. Ma-

ior patet, quia ens reale non potest prædicari de entibus rationis. Minor verò prob. Illæ prædicationes sunt veræ. Vnum est ens, verum est ens, bonum est ens. Sed hic non dicitur de Vno, Verò, Bono ens rationis; aliàs nihil esset à parte rei Vnum, Verum, Bonum, quod est falsissimum. Ergo dicitur ens reale. Ergo, &c.

Confirmatur. Quando dico: Deus est bonus, vel Deus est verus: non prædico de ipso aliquod ens rationis, sed aliquid reale; aliàs Deus non esset realiter verus, & bonus. Ergo verum, & bonum non sunt entia rationis, si enim entia rationis essent, quando de Deo prædicarentur, nihil de illo diceretur reale, sed ens rationis tantum.

Dicendum est tertio. Passiones entis sunt reales aliquo modo, ita scilicet, ut non sint reales per aliquam entitatem superadditam enti, sed per ipsam rationem entis, quam in suo conceptu claudunt, non, absolutè sumptam, sed ut modificatam; seu, quod idem est, sunt passiones, seu proprietates demonstrabiles, non autem verè, & propriè reales, ut loquitur Soncin. loc. sup. cit.

Explicatur, & prob. conclus. Dicimus enim, passiones entis esse aliquo modo reales, ut denotemus, eas absolutè reales dici non debere propter superius dicta; quia scilicet, non dicunt aliquid reale superadditum enti. Vocaui ergo illas reales, in quantum non sunt entia rationis. Quod potest

potest explicari, si dicamus; sunt reales in esse entis, non autem in esse passionis. Vnde etiam ab aliquibus vocantur passionis demonstrabiles, quia scilicet demonstrantur in metaph. de ente. Ex quo videtur, illas non posse esse entia rationis, quia scientia realis, qualis est Metaph. de obiecto reali, quale est obiectum ipsum, non demonstrat passionis rationis. Nec obest simplicitas conceptus entis ad tales passionis ponendas; nam proprietates demonstrabiles non repugnant simplicitati essentiae, cuius proprietates esse dicuntur: Vnde etiam in ipso Deo, quamvis simplicissimo, inveniuntur, ut communiter docent Theologi. Concedenda ergo sunt enti aliqua proprietates, non pure reales, sed demonstrabiles, illae scilicet affectiones, quae naturam entis ubique, & semper, & solam consequuntur; de quibus quaest. sequenti.

*Soluntur Argumenta.*

**A**D primum primae sentent. resp. negan. antec. d. ad cuius probat. similiter negat. antec. d. quod scilicet si passionis entis nihil adderent supra ens, ab ente realiter distinctum, praedicationes, in quibus de ente dicerentur verum, & bonum, vel essent identicae, vel aliquid rationis enunciarent de ente. Et ratio negationis est; quia etiam si dictae propositiones non enuncient aliquid distinctum realiter ab ente, ta-

men enunciant aliquid distinctum secundum rationem, quod sufficit, ne praedicatio sit identica: sicut in sententia valde probabili, & forte in via S. Thom. tutiori, tenente, adicentem, passionem, & motum sola ratione ratiocinata distinguit, haec praedicatio: actio est motus: non est identica, propter dictam distinctionem rationis: immo ipsa etiam gradus, v. g. corporis, vel substantiae in homine, sunt in ipso idem realiter, & tamen non est praedicatio identica, quando dico: substantia est corpus; quia, stante identitate reali, est inter illos distinctio rationis ratiocinatae, in quantum videtur intellectus, in aliquibus esse substantiam sine corpore, sumit fundamentum etiam in ipsis corporis distinguere gradum corporis a gradu substantiae. Quod etiam in Attributis diuinis videri potest, utpote inter quae, & essentiam nulla realis actualis distinctio cadere potest, & tamen propter distinctionem rationis essentia praedicatur de illis formaliter. Sic ergo etiam in praesentibus philosophandum est, quod scilicet etiam inter ens, & verum, v. g. sola distinctio rationis ratiocinatae intercedat, tamen quando verum praedicatur de ente, non est praedicatio identica. Cuius fundamentum hoc est, quia nimium praedicationes non sunt de rebus secundum, quod sunt a parte rei; sed secundum, quod sunt in intellectu, unde etiam distinctio, quam in illis intellectus ponit cum fun-

damento in re, sufficit, vt de re formaliter prædicentur.

Ad secundum concessio antecedit. disting. cons. q. passionēs entis sunt reales realitate entis, concedo, realitate passionis nego. Ad hoc enim, vt possint in scientia reali demonstrari, sufficit, quod habent realem entitatem, nec requiritur, quod habeant realitatem passionis. Quomodo autem inter se differant passio, vt habens realitatem passionis, & vt habens realitatem entitatis, patet ex dictis in suppositione quarta.

Ad Confirmat. similiter resp. ex illa auctor. Philos. aliud non haberi, nisi quod illarū passionēs entis sint reales realitate entitatis, nō autem realitate passionis. Potest clariū tūm ad hanc confirmationem, tūm ad ipsam rationem responderi, dicendo, passionēs entis esse reales, prout reale opponitur enti rationis, non autē prout opponitur reali demonstrabili. Vtraque tamen solutio idem sonat: nam idem est passio realis realitate entitatis, non autem passionis, quod passio demonstrabilis, quæ est realiter ens, non autem propriē passio realis, sicut etiam idem significat passio realis realitate entitatis, & passionis, quod passio propriē, & rigorosē realis, talis scilicet, qualem nos enti denegamus.

Per quod patet solutio ad 3. argument. Passio enim, quæ competit alicui independentē ab intellectu, est realis, prout reale opponitur enti rationis, non au-

tem prout opponitur enti demonstrabili.

Ad quartum respondet ipse S. Tho: q. 21. de Verit. a. 1. vbi sic habet: *Dicendum est, quod dupliciter possunt esse aliqua vnum in Deo secundum rem; Vno modo ex parte eius, in quo sunt tantum, & non ex propria ratione, sicut scientia, & potentia; non enim scientia ex hoc, quod scientia est idem cum, potentia secundum rem, sed ex hoc, quod est Diuina. Et quæ sic sunt vnum in re in Deo, in creaturis inueniuntur secundum rem differre. Alio modo ex ipsa ratione eorum, quæ dicuntur esse vnum realiter, & sic Bonum, & Ens sunt vnum in Deo realiter, quia de ratione Boni est, quod non differat secundum rem ab Entē, & idē ubique inuenitur Bonum, & Ens, sunt idem secundum rem. Eandemque solutionem alijs verbis affert S. Doctor simili argumento, q. 1. de verit. a. 1. ad 5. ex obiectis, sed contra, vbi dicit. *Et si Ens, Vnum, Verum, & Bonum magis vniuntur in Deo, quā in rebus creatis, non tamen oportet, quod ex quo in Deo rationes distinguuntur, in creatis realiter distinguantur.**

Ad primum verō secundæ sententiæ resp. abstrahendo pro nūc, an illud additum, quod passionēs dicuntur addere enti, sit reale, vel rationis, immō admissio, vt vult argumentum, quod sit aliquid rationis, negamus ab illo debere determinari passionēs entis esse aliquid rationis: illud enim additum, si non sit reale aliquid, sed



purè ens rationis, non potest intrare ad constitutionem entis intrinsecè, sed ad summum intrabit per modum alicuius connotati extrinseci. Vnde non denominabit passiones esse quid rationis intrinsecè, sed ad summum denominabit illas esse quid rationis extrinsecè, & connotatiuè tantum, quod etiam nos non negamus. Bene enim possunt passiones entis dici extrinsecè aliquid rationis fundamentaliter, scilicet in quantum potest in illis haberi intellectus fundamentum ad formanda entia rationis, v.g. in bono habet fundamentum ad formandam relationem rationis ad voluntatem.

Ad confirmationem non potest sufficienter responderi, donec ostendamus, quid sit illud, quod passiones entis addunt enti, dicimus tamen pro nunc, quod sc. S. Doct. idè dixit, passiones entis non posse addere supra ens, nisi aliquid rationis, quia illud reale, quod addunt, non distinguitur realiter ab ente. Vnde S. Doct. loquens de additione alicuius realiter ab ente distincti, dixit, passiones entis addere supra ens tantum aliquid rationis, quia hoc tantum potest ab ente realiter distingui, non quidem realiter positivè, sed realiter negativè: sed horum intelligentia pendet ex dicendis in sequentibus.

## QVÆSTIO II.

*Quot sunt passiones Entis, et quem ordinem inter se habent?*

**P**ostquam enti aliquas proprietates concessimus, earumque naturam, quantum pro nunc licuit, explicuimus, statim ad eorum multipliciter explicandam accedimus. Pro quo sit.

§. I. *Supponuntur aliqua pro intelligentia, & quaestio- nis decisione.*

**S**upponendum est primò, Proprietates entis esse in duplici differentia. Aliæ sunt complexæ, & aliæ incomplexæ. Complexæ sunt, quæ pluribus terminis explicantur, & sub quadam distinctione enti conveniunt, v.g. contingens, vel necessarium, causa, vel effectus, actus, vel potentia, & similes, de quibus negari non potest, quod sint sub hac complexione proprietates, seu affectiones entis consequentes omne ens; quodlibet enim ens debet esse necessarium, vel contingens, causa, vel effectus, actus, vel potentia, &c. ut discurrenti per omnia entium genera patebit. Sed de his in presenti non agimus, quia de illis in alijs Philosophiæ partibus tractari solet, v. g. de causis, & effectibus in physicis, de

necessario, & contingenti in Logica, &c. Passiones verò incomplexæ sunt, quæ vnicò terminò incomplexo significantur, & harum numerum in præsentì inuelligamus.

Supponendum est secundò, eàdem esse quæstionem de numero passionum, ac de numero transcendendum, quia ens cum suis passionibus sunt ipsa transcendētia: quorū ergo fuerint transcendētia præter ens, tot erunt passiones entis. Communiter autem cum ente simul numerantur sex illæ vocē REVBAV significata, scil. Res, ens, verum, bonum, aliquid, vnum; ex quibus, dempto ente, quod vicem essentia gerit, quinque remanebunt proprietates entis, & de his procedit tota difficultas, an scil. omnes istæ, vel tantum aliquæ illarum debeant, tantumā distinctæ proprietates entis, numerari, & quem inter se ordinē habeant: quod vt fundamentalius decidatur, explicandum est, quid vnumquodq; ex recensitis transcendētibz importet, quidque nomine ipsius exprimat, inde enim constabit, quæ ex illis, tanquam diuersæ proprietates entis, sint numerandæ. Pro cuius enumeratione.

Supponēdū est terciò, S. Doct. id optimè explicuisse, etiam rationem innuendo, quare non plura his quinque numerantur transcendētia, quæ primum transcendens, nempe ens, tanquam proprietates, consequuntur. Verba autem Angelici Doct. sunt, quæ

sequuntur. *Modus generaliter consequens omne ens dupliciter accipi potest, vno modo secundum quod consequitur omne ens in se; alio modo secundum quod cōsequitur vnumquodque ens in ordine ad aliud. Si primo modo, hoc dicitur, quia in ente exprimit aliquid affirmatiue, vel negatiue, non autem inuenitur aliquid affirmatiue dictum absolute, quod possit accipi in omni ente, nisi essentia eius, secundum quam esse dicitur, & sic imponitur hoc nomen, res, quod in hoc differt ab ente secundum Auicennam in principio Metaphysicæ, quod ens sumitur ab actu essendi, sed nomen rei exprimit quidditatem, siue essentia entis. Negatio autem, quæ est consequens omne ens, absolute est indiuisio, & hanc exprimit hoc nomen, vnum, nihil enim est aliud; vnum, quam ens indiuisum. Si autem modus entis accipitur secundo modo, sc. secundum ordinem vnius ad alterum, hoc potest esse dupliciter. Vno modo secundum diuisionem vnius ab altero, & hoc exprimit hoc nomen, aliquid; dicitur enim aliquid, quasi aliud quid, vnde, sicut ens dicitur vnum, in quantum est indiuisum in se, ita dicitur aliquid, in quantum est ab alijs diuisum. Alio modo secundum convenientiam vnius entis ad aliud, & hoc quidem non potest esse, nisi accipiat aliquid, quod natum sit cōuenire cum omni ente: hoc autem est anima, quæ quodammodò est omnia, sicut dicitur in 3. de Anima: in Anima autem est vis cognoscitiua, & appetitiua, conuenientia ergo entis*

entis ad appetitum exprimit hoc nomen, bonum; Unde in principio Ethicorum dicitur, bonum est, quod omnia appetunt, conuenientia verò entis ad intellectum exprimit hoc nomen, verum. Hucusque S. Doct. q. 1. de Verit. ar. 1. in corpore. Ex quibus habes acceptionem, supra recensitorum transcendentium, quid vnumquodque illorū significet, & in quo ad inuicem distinguantur.

Supponendum est quartò, quòd, quamuis communiter sex ista transcendentia numerentur Res, Ens, Verum, Bonum, Aliquid, Vnum, tamen si presè, & in omni rigore loquamur, Aliquid, à ratione transcendentis deficit; quia transcendens in omnibus rebus, formalitatibus, differentiis, & modis rerum debet necessariò imbibere. Aliquid autem non in omnibus imbibitur. Quod sic ex doctrina Angelici Doct. deduci potest. Nam, Aliquid, si propriè, & rigorosè loquamur, non qualècunque entitatem, seu realitatem significat, sed realitatem absolutā. Aliquid enim communiter distinguitur contrà ad aliquid, quod insinuat S. Thom. q. 2. de Potent. ar. 4. vbi loquens de Personis diuinis, sic inquit. *Quamuis paternitatem Filius non habeat, quā Pater habet, non sequitur, quòd aliquid habeat Pater, quod non habet Filius. Nam ipsa Relatio secundum rationem sui generis, in quantum est relatio, non habet, quod sit aliquid, sed solum ad aliquid; quod sit verò aliquid secundum rem, ha-*

*bet ex illa parte, qua inest, vel ut idem secundum rem, ut in Diuinis, vel ut habes causā in subiecto, sicut in Creaturis. Ex quo inferitur, relationes secundum præcisum, & formalissimum suum conceptum, qui exprimitur per esse ad, non esse aliquid, ac per consequens, Aliquid, non erit transcendens, quia non in omnibus entibus, sed in solis absolutis imbibitur.*

Supponendum est quintò, nullum esse dubium, Vnum, Verum, & Bonum esse proprietates entis, inter se, & ab ente distinctas tali genere distinctionis, qualis satis est ad diuersificandas illas in ratione passionum entis. Tùm quia id habetur ex còmuni Philosoph. consensu, qui vno omnes ore eas numerant, tanquam passionēs veras entis. Tùm etiam, quia habent diuersitatem rationum, sufficientem ad hoc, ut possint, tanquàm distinctæ entis proprietates, numerari, ut patebit inferiùs, quando de ipsis in particulari agemus. Tantùm ergò difficultas est de, Re, & de, Aliquid, an scilicet, debeant cum enumeratis, tanquàm distinctæ passionēs entis, recenseri.

## §. 2. Refertur opinio affirmatiua cum suis fundamentis.

**A**liqui ergo Philosophi censent, Rē, & Aliquid, esse veras proprietates entis, proindeq; illis tribus annumerandas, ac per  
con-

consequens dicunt, passiones entis esse quinque, videlicet, Rem, Verum, Bonum, Aliquid, Vnum. Ita Arauxo 4. Metaph. 9. 4. ar. 2. quem secutus est Noster P. Philipp. à SS. Trinit. 3. p. Summæ Philosophiæ, q. 3. ar. 3. citatque pro hac sententia Fland. 4. Metaph. q. 1. ar. 1. sed immeritò. Nam Flandria tantum ibi simpliciter, ut vulgò numerantur, recenset transcendentia, non determinando, an illa omnia sint distincta, an non. Et quod magis mirabar, addit P. Philipp., hanc esse communem Thomistarum sententiã, cū potius opposita sit inter Thomistas communior, Sanctiq; Doct. menti conformior, neque aliquē ex Thomistis vidi, solo Patre Philipp. excepto, qui post Arauxum defenderit quinarium numerum passionum entis. Quidquid tamē sit de hoc.

Probatur hæc opinio primò, auct. S. Tho. illa, quam adduximus supra in suppositione 3. in qua non solum numerat dictas quinque affectiones entis, verum etiam rationem sufficientiæ illorum assignat, dicitque, illas competere omni enti, neque aliquid, vel minimum innuit, ex quo saltem à longe colligi possit, aliquas nō esse proprietates entis distinctas ab alijs. Immo oppositum docere videtur, vniuersi cuiusque rationem formalem constitutiua, & distinctiuam assignans, ut consideranti ipsa eius verba patebit; Ergò ex mente S. Doct. omnia illa quinque communiter transcē-

dentia vocata sunt passiones entis sexti transcendentis.

Probatur secundò ratione Patris Philipp. Illa est proprietas entis, quæ exprimit aliquem modum generaliter conuenientem omni enti, qui nomine entis non exprimitur, & sola ratione ab ente distinguitur. Sed Res, & Aliquid, exprimunt talem modum. Ergò sunt veræ proprietates entis. Maior patet ex dictis, & ex dicendis in sequentibus disputationibus amplius patebit. Minorem verò prob. nam nomine entis exprimitur præcisè ordo ad esse; Ens liquidem est id, quod habet esse: nomine, autem Rei exprimitur entitas per modum quidditatis præcisè, aut essentiæ conuenientis absolute omni enti in se considerato, suppresso ordine ad esse: habere autem quidditatem, siue esse per modum quidditatis præcisè, est modus entis. Similiter Aliquid significat peculiare modum entis, qui est fundamentum diuisionis à quolibet alio. Ergò &c.

Probatur tertio specialiter de Re. Res enim consequitur omne ens, tamquam aliquid additum enti, distinctum secundum rationem ab ipso. Ergo est passio eius propriè loquendo. Consequentia patet, immò, & antecedēs quantum ad primam partem, quod scilicet Res consequatur omne ens, quia cum Res significet quidditatem, ut ex S. Doct. in suppositione 3. diximus, sicut omne ens habet quidditatem, ita omne ens est res; quod

ad

ad secundam verò partem, quòd scil. res sit additum enti, distinctum secundum rationē ab ipso, sic idem anteced. prob. Illa, quorū vnum multiplicatur, non multiplicato alio, distinguuntur saltem ratione. Sed Res multiplicatur, nō multiplicato ente: nām in diuinis sunt plures res, non autem plura entia, vt docet Sanctus Thom. primo distin. 25. q. 1. a. 4. Ergo &c.

Probatur quartò de Aliquid. Proprietates entis multiplicantur iuxta multiplicatam modorum entis, qui nomine entis non exprimiuntur. Sed, aliquid, habet aliquem modum specialem distinctum ab alijs, qui nomine entis non exprimitur. Ergo est passio distincta ab alijs. Maior, & consequentia patent. Minor verò prob. Modus, quem dicit, aliquid, est esse diuisum ab alio. Sed hunc modum Ens, non exprimit, vt patet, & insuper est distinctus à modis aliarum passionum: nām distinguitur à Vero, & Bono, quia illorum modi sūt respectui, Verum enim respicit intellectum, Bonum verò voluntatem. Similiter, & ab Vno differt: quia Vnum dicit esse indiuisum in se primariò; esse autem indiuisum in se, & diuisum ab alio sunt modi diuersi, nec vnus infert alium; bene enim potest esse aliquid in se indiuisum, & tamen nō esse diuisum ab alio, vt patet in Deo, qui ante creationem erat indiuisus in se, quia fuit vnus, non, tamen erat diuisus ab alio, quia, ante creationem, nihil erat aliud à Deo, à quo Deus diceretur diuisus. Ergo &c.

### §. 3. Resolutio Quæstionis.

**D**icendum tamen est primò Rem, & Aliquid non esse, verè, & propriè proprietates entis, ac per consequens tantum esse tres entis passiones, seu proprietates, scil. Vnū, Verum, & Bonum. Ita ex recentioribus Thomistis noster P. Blasi. à Concept. ex antiquioribus enim nullus, quem vidi, hanc quæstionem tractauit, præter Capreolū, qui aliquid circa ipsam habet in 2. distin. 2. q. 1. ad 12. cont. 5. concl. vbi etiam in nostra inclinatur sententiam. Ita etiam, & plures Neoscholastici. Suarez d. 3. Metaph. sect. 2. Fonseca l. 4. c. 2. q. 5. sect. 2. citatq; pro nostra sententia. Tho. Argen. Alexan. Alens. Picum Mirardul.

Probatur primò generaliter nostra cōclusio quantum ad omnes partes. Nam licet S. Tho. & alij Metaph. vulgò numerent inter transcendentia hæc quinque, quando tamen de illis, vt distinctis, separatim loquendi offert se occasio, nunquā agunt de omnibus quinque, sed omittis Re, & Aliquid tantum, tractant de Vno, Vero, & Bono, vt videre est apud S. Th. 1. p. q. 5. ar. 11. & 16. Immo etiā ipsi Auctores, qui contrariam defendunt sententiam, tantum de istis tractant, vt videre est apud P. Philip. in 3. p. cit. ergo signum est, has tres, scil. Vnum, Verum, & Bonum, esse proprietates distinctas, non verò illas duas, scil. Aliquid, & Rem.

Nec valet, si dicas, quod innuig

CG

P. Phi.

P. Philip. in Proc. quæst. 4. ideò nihil de istis duabus à Metaphysicis disputari in particulari, quia nullam specialem inuoluunt difficultatem.

Contra enim est, quia non fiat, duas illas addere, & explicare aliquem modum, qui nomine entis non exprimitur, esseque passionem eius, & nullam specialem difficultatem inuoluere; Saltem enim de illis quæri posset, quod etiam de alijs quæritur, quid sit illud, quod addunt: an sit positium, an negatiuum? an, & quomodo conuertantur cum ente? Deinde specialiores quæstiones etiam de illis excogitari posset, ut v.g. concessio iam, Rem esse distinctam ab Ente, ex eo, quia Ens dicitur per ordinem ad esse, Res verò quidditatem solam significat ab ordine ad esse præcisam, ego quærerem, an quidditas, ut per nomen Rei significata, præcindat negatiue ab esse, an verò purè præcisue? Quærerem secundo, an res imbibatur intrinsecè in modis, essetque hæc quæstio grauissima, quæ, si determinaretur, Rem includi intrinsecè in modis, rueret communis opinio Philosopho: inter res, & modos distinguens. Si autem diceretur, non includi, falsum diceretur, quia modi habent suam quidditatem modalem. Ergo cum res significet quidditatem, deberet in illis includi. Tertiò quæri posset, an essentia rerum, sicut ab æterno poterant dici quidditates, ita etiam poterant res appellari. Et similes alia quæstio-

nes, tum de Re, tum de Aliquid, iuxta vniuersumque ingenij acumen, excogitari possent, quæ ad naturam harum proprietatum (si semel essent veræ proprietates entis): explicandam non parum conduce-  
rent, immò omnino necessariae essent. Ergo &c.

Probatum secundò specialiter de Re, nam secundum Doct. Angel. loco supra citato, in hoc differre res ab ente: quòd ens sumitur ab actu essendi, sed nomen rei exprimit essentiam, siue quidditatē entis. Ergò Res nō erit passio Entis. Patet conseq. quia passionem entis debent aliquid addere entis iam autem si Ens significat essentiam cum aliquo ordine, seu capacitate ad existentiam; Res verò eandem quidditatem, seu essentiam significat, ad summum præcise ordine, & capacitate ad esse, (quamuis hoc ex vi verborum S. Doct. non habeatur, quod dictū ordinem debeat supponere) non solum res superaddet aliquid enti, sed potius detrahet, quia præcindat ordinem, seu capacitatem ad existentiam, quam ens exprimit. Immo potius dicendū esset, ens ipsum esse proprietatem rei, quia addit illi capacitatem ad esse, quæ nomine, rei, non exprimitur.

Confirmatur. Nam, res, non ita suppressit ordinem ad existentiam (si semel suppressit illum) ut præcindat ab esse præcisione negatiua; hoc enim est impossibile, quia alijs omnibus rebus repugnaret esse, quia præcisio negati-

ua est idem, quod repugnantia; unde, res, tantummodo purē præcisiuē se habebit ad esse, vel ad ordinem ad illud. Ergo eo ipso nihil exprimet, quod non sit expressum ab alijs omnibus passionibus: immo cōceptus rei erit cōmunis cæteris omnibus passionibus entis, quod sic manifestē deducitur. Omnes enim passionēs entis, quamuis aliquid superaddant enti, ratione distinctum ab ente, tamen etiam ipsum conceptum entis includunt intrinsecē, aliās essent intrinsecē nihil, cū ergo conceptus entis significet essentiā connotantem existentiam, vt supra dictū est, & infra in hac eadē quæst. fufius declarabitur, omnes passionēs entis in suo significato expriment essentiā; quia tamen eam debent differenter exprimere, ac exprimit ens, nē earum conceptus cum conceptu entis confundatur, ideō non expriment cū ordine, vel capacitate ad esse, sicut exprimit nomen entis, sed Vnum exprimet essentiā, vt indiuisā, Verum, vt intelligibilem, Bonum, verō, vt amabilem, seu volibilem; omnes tamen in hoc conueniunt, quod supprimunt ordinem, seu capacitātē ad esse, seu, quod idem est, præscindunt secundum suum conceptum explicitem ab esse. Ergo cū Res nihil positiuum, vel negatiuum addat supra essentiā, quam exprimit, nisi præcisionem ab esse, cum hæc sit omnibus proprietatibus entis communis, Res non cōstituēt distinctā pro-

prietatem entis ab alijs.

Confirmatur 2. Nullus gradus superior, & determinabilis habet semper modum passionis respectu inferioris, & determinatiui; Sed conceptus rei habet se per modū gradus superioris, & determinabilis respectu entis, si semel distinguitur ab ente aliquo modo. Ergo non erit passio respectu ipsius. Maior patet, quia neque viuens habet rationem passionis respectu animalis, nec animal respectu hominis, & sic de alijs. Minor verō prob: nam, res, vt distincta ab ente, dicit essentiā absolutē sumptā, & præciso ordine ad esse, vt volunt aduersarij; Ens verō dicit eandem essentiā cum dicto ordine ad esse; Sed essentia absolutē sumpta, & præciso ordine ad esse, est quid superius, & determinabile respectu essentiæ connotantis esse: hæc enim habet se, vt quid determinatum respectu illius, quia addit aliquid essentiæ absolutē sumptæ, quod illam determinat, limitat, ac contrahit ad talem modum essentiæ, nempe respicientis, seu connotantis esse. Ergo &c.

Aduertendum est tamen, Rem non esse in nostra sententia quid superius ad Ens, quia illam non distinguimus ab ente: cū enim Res significet quidditatem, cuiuslibet autem quidditati est intrinsecus ordo ad esse, ita quod hic ordo sit impræscindibilis ab illa; nam sicut est ab illa impræscindibile, quod sit ens, quia hoc est



predicatum transcendens respectu omnium, ut ex supra dictis patet, ita & hoc, quod dicat ordinem, siue capacitatem ad esse, siue distinctum à se, siue non, siue alterius, siue eiusdem lineæ secum; Unde idem omnino sunt *Ens*, & *Res*, quamuis aliquando ens sit prius, & vniuersalius, quia est indifferens ad significandam essentialiam, & existentiam, secundum quod potest nominaliter, vel participialiter sumi. Quam primitatem entis innuit S. Tho. q. 1. de Verit. ar. 1. dicens: Illud, quod primò intellectus concipit, & in quod omnes conceptiones resoluit, est ens.

Nec refert, si obijcias, hanc doctrinam non coherere cum dictis in disp. 1. huius Tract. 1. q. 2. Ibi enim docuimus, ens ratione suæ transcendentiz imbibere non solum in omnibus entibus, sed etiam in omnibus modis rerum; hi enim, quia non sunt intrinsecè nihil, sunt intrinsecè entia: Iam autem si *Res* est omnino idem cū *Ente*, non posset *Ens* imbibere intrinsecè in modis, quia neque *Res* in ipsis imbibitur, alias non essent modi, sed res. Debet ergò *Res* aliquo modo distinguì ab *Ente*, quia ea, quæ sunt omnino idem, non possunt separari, sicut separarentur, si vnum imbibere-tur, aliud verò non.

Huic obiectioni posset responderi ex doctrina Suarez, dicendo, modos non habere aliam entitatem vllam, nisi entitatem rei, cuius sunt modi; unde sicut ab illa

entitate sunt entia, ita etiam sunt res. Hæc autem doctrina Suarez sustineri non potest, nam, ut patet ex disp. vltima tract. 2. in qua de modis agemus, modi debent habere aliquam entitatem modalem, etsi debilissimam, distinctam non quidem realiter, sed modaliter ab entitate rei, quam afficiunt; quod etiam nunc vnico exemplo sufficienter conuincitur. Nam dependentia luminis à Sole, vel caloris ab igne, quæ est aliquis modus, habet distinctam entitatem ab entitate luminis, vel caloris dependentis; ergò & alij modi habebunt distinctas entitates à rebus, quarum sunt modi. Consequentia patet à paritate rationis; Anteced. probat. ex separatione ad distinctionem arguendo. Quæ enim à parte rei possunt separari, à parte rei distinguuntur. Sed dependentia est separabilis ab entitate luminis, vel caloris; si enim Deus suspenderet suum concursum, nec concurreret cū igne v. g. ut conseruet calorem, sed ipse Deus illum conseruaret, (quod procul dubio facere potest, quia etsi non possit producere calorem ignis sine igne, potest tamen iam productum conseruare sine ipso, quia calor non pendet in esse, sed solum in fieri ab igne, unde etiam, amoto igne, conseruatur). In hoc ergò casu esset entitas caloris, & tamen non dependeret ab igne: Quæro ergò; an modò deperijt aliqua entitas, quæ fuit in entitate caloris, quando depēdebat ab igne, an non? si dicitur.



dixeris, quod deperiit, habeo intentum, quod sc. modus dependentiæ est aliqua entitas distincta ab entitate caloris, quæ periit, calore cum sua entitate remanente: Si autem dixeris, quod nulla entitas periit, quæ fuit ante in entitate caloris, quando dependebat ab igne; ergo calor non mutabitur realiter, quia nihil realiter acquirit, vel amittit; ac per consequens, sicut antea erat dependens, ita & modo; quod est inimaginabile. Sed hæc amplius in cit. disp. patebunt: Eademque instantia fieri potest de lumine Solis, quod non dependeret à Sole, si Deus suspenderet suum concursum; sed quia non est ita certum, an Deus possit conservare lumen Solis sine Sole, ideo adduximus exemplum de calore ignis, de quo certum est, posse conservari sine actuali influxu ignis, cum hoc etiam naturaliter fieri possit, ut ex dictis, & ex ipsa experientia constat.

Potest hoc ipsum amplius roborari. Nam sensio, quæ est modus quidam animalis, potest tolli manente entitate animalis: quando enim animal surgit, manet entitas ipsius, & tamen entitas sensationis perit. Ergo, &c.

Hæc ergo Suarii solutione rejecta, aliter ad argumentum respondendum est, supponendo prius, Rem dupliciter lumi posse: Primo, ut est transcendens, significans, iuxta S. Tho., quidditatem, & hæc etiam imbibitur in omnibus, quæ aliquam habent quid-

ditatem, estque idem cum ente, ut diximus. Secundo modo sumitur Res, prout dicit quidditatem perfectam, potentem saltem de potentia absoluta inveniiri sine alio, à quo dependeat, tanquam à fulcrite se: & hoc modo Res distinguitur contra modos, qui etiã de potentia absoluta sine rebus esse non possunt, propter debilitatem suæ entitatis. Hoc ergo supposito, ad objectionem resp. Rem, primo modo, non autem secundo, esse idem cum ente, ac proinde sicut ens, ita & Res primo modo accepta in ipsis etiam modis imbibitur, quia etiam illi sua quidditate gaudent, per quã formaliter constituuntur extra nihil.

Probatur tertio conclusio nostra quantum ad aliquid. Nam, ut habetur ex auct. S. Thom. supra in suppositionibus relata, aliquid nihil aliud addit enti, nisi esse diuisum ab alio. Sed hoc non sufficit ad hoc, ut aliquid numeretur, tanquam distincta passio entis, quia clauditur in adæquato conceptu Vnius, quod (licet secundo) dicit indiuisiõnem: definitur enim Vnum, quod sit ens indiuisum in se, & diuisum à quolibet alio.

Nec eneruat vim huius argumenti solutio, quam adhibet P. Philip. à SS. Trin. dicit enim ille, Vnum, & Aliquid multiplicari in ratione passionum entis, quia Aliquid alium modum entis exprimit, & aliũ Vnum, nam Vnum exprimit primariò indiuisiõnem,

se:

secundariò verò diuisione ab alio. Iam autem Aliquid totum contrarium dicitur, nam primariò diuisionem ab alio, secundariò autem, indiuiſionem in se ſignificat; qui modi ſunt valde diuerſi, & vnus poteſt eſſe ſine alio: Quod prob. quia ante creationē mundi Deus erat indiuiſus in ſe, erat enim vnus, non tamen erat diuiſus ab alio, quia nihil fuit, à quo diuideretur. Hoc idem videtur docuiſſe Iacellus in tract. de tranſcend. c. 3. in quantum docuit, Deum ante creationem mundi non fuiſſe aliquid, quia non fuit aliud quid, cum ante creationem nihil fuerit aliud à Deo.

Non, inquam, hæc ſolutio vim noſtræ rationis enervat, vnde ſic contra illam arguitur. Paſſiones entis non multiplicantur, niſi in quantum vna exprimit aliquid, quod non exprimit alia ſuperius. Sed, vt ipſe P. Philipp. fateatur, Aliquid nō exprimit aliquid, quod non exprimit Vnum, ſed tantum alio modo idem exprimit; quod non ſufficit ad multiplicationem paſſionum; modus enim ex natura ſua non multiplicat id, cuius eſt modus, vt patet in homine, qui non eſt alius ſtans, & alius ſedens. Ergo Aliquid non diſtinguetur ab Vno, ſicut paſſio, & paſſio, ſed ſicut eadem paſſio diuerſimodè accepta ſecundum ſuum primarium, & ſecundarium ſignificatum, eo proportionali modo, quo accidens non diuerſificatur penes ſuum primarium, & ſecundarium actum, videlicet

penes eſſe, & operari: idem enim accidens immultiplicatū reſpicit operari primariò, propter quod eſt additum ſubſtantie, ſecundariò autem eſſe, de quo vide Noſt. Complut. in Phyſ. d. 10. q. 4. & ſeq.

Nec illud eſt verum, quod ad probandam ſuam ſententiam adducit dictus P. Philipp. Nunquam enim poteſt inueniri Aliquid ſine Vno, nec Vnum ſine Aliquid; ſicut neq; eſſe indiuiſum in ſe ſine eſſe diuiſo ab alio, vel è contra, quia implicat, aliquid concipi ſub indiuiſione in ſe, quin ſtatim concipiat ſub eſſe diuiſo ab alio, vel è contra. Si enim cōcipis, aliquid eſſe indiuiſum in ſe, ſtatim illud concipis diſtingui ab omni alio, quod non eſt illud, aliàs in ſe indiuiſum non eſſet, quia eſſet cōmunicans huic, & alteri. Similiter ſi concipis, eſſe aliquid diuiſum ab alio, de neceſſitate concipis illud indiuiſū in ſe, quia repugnat, aliquid non manens in ſe. vnum, & indiuiſum, diſtingui ab alio.

Vnde illa inſtantia de Deo falſo nititur fundamēto: Deus enim etiam ante creationem, ſicut erat quid vnum, & indiuiſum in ſe, ita erat aliquid, & diuiſum ab alio, non quidem actualiter, ſed aptitudinaliter, quia ſcil. deſiciebant, à quibus actu diuideretur: quantum verò ex parte intrinſecorum ſibi, habuit ſemper actu, per quæ ab alijs diſtingueretur; vnde, poſitis rebus alijs à Deo per creationem, ſtatim Deus, ſine aliquo ſibi ſuperaddito, per ſolam con-

notationem positorum per creationem, cæpit in actu exercito esse diuifus ab alijs: quod proculdubio conuincit, illum ante creationem habuisse omnia, quæ ad talem diuifionem requirebântur, fuisseque vere Aliquid; quod definitur, huc describitur, quod sic ens diuifum à quolibet alio; verè enim, sicut iam dixi, Deus erat ens diuifum ab alio, non quidè in actu, sed apertitudine: verba autè in definitione posita nō sonant actum, sed apertitudinem.

Immo, stâte hac opinione Iauelli, quam amplexus est etiam P. Philip. quod scilicet ante creationē Deus non erat aliquid, quia non erat diuifus ab alijs, sumitur efficacissimum argumentum contra eundem ad probandum, *aliquid* non esse passionem entis, nam passionem entis sunt conuertibiles cum ente, ita vt, cui ratio entis competit, eidem etiam rationes passionum competere debeāt; Ergo, quod non competit omni enti, non erit passio entis. Sed ante creationem Deus erat ens, & non erat aliquid, iuxta opinionem P. Philip. Ergo Aliquid non est passio entis, quia non conuertitur cum ente, neque omni enti competit.

Obijcies in gratiam P. Philip. contra doctrinam huius argumenti, in qua diximus, passionem entis non multiplicari penès rationes, & formalitates, quas secundariò exprimunt; sic. Actus primarius, & secundarius multiplicat potetias etiam realiter, vt patet in substantia, quæ primariò respicit esse,

se, estque potentia ad esse, secundariò autè respicit operari, respectu cuius tamèn datur alia potentia distincta à potentia ad esse, vt fusè probant Nost. Complut. in Phyl. d. cit. Ergò etiam passionem entis multiplicabuntur ex eo, quod vna primariò exprimit, quod ab alia tantum secundariò exprimebatur; sicut substantia distinguitur à potentia operatiua, quia hæc respicit primariò operari, quod erat secundariò inspectum à substantia, vt potè primariò respiciente esse; ac per consequens etiam Vnū, & Aliquid different in ratione passionum, quia Vnum respicit secundariò esse diuifum ab alio, quod tamen est primariò ab Aliquid inspectum.

Resp. primò negando antecèdens vniuersaliter intellectum; etsi enim hoc sit in substantia propter specialem rationem verum, in alijs tamen potentijs est falsum, vt patet in accidenti, quod etsi primariò respiciat operari, secundariò verò esse, non tamèn distinguitur, vt est potentia ad operari à seipso, vt est potentia ad esse. Quod ad id verum est, vt etiam in ipsis habitibus, qui sunt determinationes potentialium, ac per consequens magis restricti, magisque limitati, quam ipse potentia, inueniatur; non enim multiplicantur habitus penès actus primarios, & secundarios, sed utique iste actus ab vno, & eodem habitu inspicitur. Cùm autè hoc specialiter inueniatur in substan-

tia, quod respectu operationis, quæ est actus secundarius ipsius, requirat distinctam potentiam, vnde apud nost. Complut. D. cit. in. Phys. l. 4. v. 14. ad 8.

Resp. secundò, admissio antecedenti, negando consequentiam. Etsi enim verum esset, potentias distingui penes distinctionem actus primarij, & secundarij, hoc tamen falsum est in passionibus Entis. Et ratio disparitatis est, nam potentia, sicut specificantur ab actibus per se primò inspectis, ita & multiplicantur: Vnde si còtigerit, aliquem actum respici ab vna potentia primariò, ab alia verò secundariò, quæ scil. habeat alium primarium, quem respiciat, illæ potentia diuersificabuntur, quia diuersos actus primarios respiciunt. Cæterùm passiones Entis in tantum distinguuntur, in quantum vna exprimit aliquid, quod neque nomine Entis, neque nomine alterius passionis exprimitur, non attendendo, siue illud exprimat primariò, siue secundariò; hoc enim est respectu illarum per accidens; siue enim hoc, siue alio modo exprimat, tandem exprimit: inde est, quod non sunt multiplicandæ passiones Entis penes hoc, quod alia exprimat primariò, quod ab alia exprimebatur secundariò. Vnde neque erit necesse, Aliquid, distinctam passionem Entis constituere ab Vno, quia id, quod per ly Aliquid exprimitur primariò, uo nomine Vnius secundariò exprimi-

Probatur secundò nostrā conclusio, quantum ad eandem partem, quod scil. Aliquid non sit proprietas Entis. Proprietates Entis sunt transcendentes, sicut & Ens, quia sunt conuertibiles cum Ente, vt infra dicitur. Sed Aliquid non est transcendens, vt ex suppositionibus patet. Ergo, &c.

Confirmatur. Aliquid significat diuisionem vnus ab altero; Sed esse diuisum ab altero non conuenit omni enti per se, sed per accidens tantum ex coexistentia alterius entis. Ergo Aliquid non est passio entis: passio enim competit subiecto per se, vnde etiam per se de illo prædicatur.

#### §. 4. Soluuntur Argumenta pro contraria opinione adducta.

**A**D primum contrarię sententię resp. ex illa auct. S. Thom. non conuinci Rem, & Aliquid debere numerari, tanquàm distinctas passiones Entis. Ibi enim S. Thom. tantummodo recenset simpliciter, & explicat illa omnia, quæ vulgò transcendentia dicuntur, nec innuit, saltem leuiter, illa omnia esse distincta eo modo, qui requiritur ad distinctas passiones Entis, quod est primum transcendens, vt consideranti ipsa verba S. Doct. patebit. Nos autem non negamus, illa omnia esse transcendentia, sed quod negamus, est, illa omnia habere

rationes ita diuerſas, vt poſſint diſtinctas entis paſſiones conſtituere. Vnde etiam ipſe S. Doct. quando inferius q. ſc. 21. de verit. ar. 1. in corp. eandem doctrinam repetit, non numerauit inter paſſiones entis Rē, & Aliquid, ſed illas dūtaxat tres, Vnū, Verū, & Bonū.

Ad ſecundum reſp. diſting. maiorem. Illa eſt proprietas entis, quæ addit ſupra Ens, quod nomine entis non exprimitur, nec nomine alterius paſſionis. Concedo. Nominē Entis tantū. Nego. Ad ponendam enim diſtinctam paſſionem ab alijs non ſolum requiritur expreſſio alicuius rationis, non expreſſa nomine entis, ſed etiam non expreſſa nomine alterius paſſionis. Vnde cum res non exprimat aliquod, quod nomine entis non exprimitur, ſicut & Aliquid non exprimit, niſi idipſum, quod nomine Vnius exprimitur, vt ex dictis pro noſtra Concluſione patet, nec Res, nec Aliquid diſtinctas paſſiones entis conſtituunt.

Ad tertium negatur antecedit. quantum ad ſecundam partem, quod ſcil. Res addat aliquid enti ſecundum rationem diſtinctum ab Ente. Ad cuius probat. dicimus, Ens dupliciter accipi poſſe. Primò, vt contradiftinguitur à nihilo, ita vt quidquid non eſt intrinſecè nihil, ſit hoc modo intrinſecè ens. Secundò, vt ſignificat Eſſentiam, quæ vel exiſtit, vel eſt radix exiſtentiz. Quando ergo communiter negant Patres, & præcipuè S. Thom. in diuinis non eſſet tria Entia, non loquan-

tur de Ente primo modo, videlicet, vt opponitur nihilo, ſed de Ente ſecundo modo, prout ſcil. eſt radix exiſtentiz. Ita explicant S. Doct. & communem Thomiſtarum ſententiam Noſt. Salmant. vt videre eſt apud illos Traſt. 4. diſp. 10. dub. 1. §. 2. Quod vt fundamentalius intelligas.

Scito, quòd quamuis quælibet Eſſentia, hoc ipſo, quòd talis, dicat ordinem, ſeu capacitatem ad eſſe, quælibet enim connaturaliter eſt potens exiſtere per exiſtentiam ſibi proportionatam, v. g. Diuina per diuinam, creata per creatam, ac tandem eſſentia realis per realem exiſtentiam, & rationis per rationis; Exiſtentia enim eſt, per quam eſſentia conſtituitur in actu completo, & abſolutè extra nihil: vnde ſicut quælibet poteſt eſſe extra nihil, & in actu completo, ita quælibet poteſt exiſtere abſtrahèdo pro nunc, an exiſtat per exiſtentiam propriam, vel alienam, ſuæ, vel alterius linæ. Quamuis ergo, vt dixi; quælibet eſſentia dicat capacitatem ad exiſtentiam, non tamen quælibet eſt radix exiſtentiz, quales ſunt omnes illæ eſſentiz, quæ non tam dicuntur exiſtētiz, quàm coexiſtentiz capaces. Si autem huius diſcriminis rationem petas, quærens, cū aliquæ eſſentiz ſint radices exiſtentiz, aliæ verò non? ecce illam. In quolibet enim ſuppoſito plura ſunt diſtinctas entitates, diſtinctæſq; naturas, ſeu eſſentias habentia, v. g. in homine alia eſt eſſentia totius hominis, alia eſt

H h eſſen.



essentia formæ, alia materiæ primæ, alia subsistentiæ, aliæ existentiz; vnaqueque enim ex his rebus, si definiri deberet, alia definitione explicanda esset, nec definitio explicans, quid sit subsistentia hominis, explicaret, quid sit materia, vel forma, vel existentia, vel essentia, ac proinde sicut ista omnia haberent differentias diuerfas, ita & essentias, quia definitio explicat naturam, seu essentiam rei. Sunt ego in vno supposito plures entitates, seu essentiz, tamen non sunt plures existentiz, hæc enim omnia, & omnes gradus generici, & specifici per eandem indiuisibilem existentiam existunt: quod idem de omnibus alijs compositis, rebusque omnibus sentiendum est, quia in omnibus repugnat, dari existentias partialis, vt Tract. sequenti ostendemus, & innuunt Nostri Cõpl. in Phys. disp. 3. q. 5.

Ex quò facillè intelligi potest id, quod explicare intendimus, quomodo non quilibet essentia sit radix existentiz: essetiz enim, quæ existunt, seu potius coexistunt ad existentiam alterius, sicut non possunt habere existentiam particularem distinctam ab existentia essentiz totalis, ita neque propriè dicuntur esse radices existentiz; quod adeò verū est vniuersaliter, vt non solum in creatis, verum etiam in diuinis verificetur, vbi per vnicam existentiam absolutam, quæ est propria Essentiz diuinæ, ad eandem cum ipsa lineam spectans, quæcunque sunt in Deo, omnia exi-

stunt, non solum absoluta; sed etiam Relationes, vt docent communiter Thomistæ, de quo videri possunt Nost. Salmat. de Trinit. Tract. 4. Cursus Theolog. disp. 7. dub. 1. per totum. Hinc

Inferitur, Relationes Diuinas posse dici Entia in vno sensu, in alio verò non. Cum enim vt ex dictis in hoc Tract. disp. 1. q. 1. constet, Ens significet essentiam, si essentia sumatur, vt est radix existentiz, Relationes non poterunt ratione talis essentiz dici entia, quia non habent essentiam, quæ sit radix existentiz, nam per ipsam existentiam absolutam Diuinæ Essentiz existunt. Et in hoc sensu negat Theol. sequaces S. Tho. dari in Diuinis Entia, vt ex illorū rationibus constat, quas semper in hoc principium resoluunt, quia Relationes non habent essentiam, quæ sit radix existentiz. Si verò essentia non pro illa sumatur, quæ est radix existentiz, sed pro illa, quæ tantum est capax ipsius, sic Relationes Diuinæ entia dici possunt habent enim aliquam essentiam realem, (cum sint quid reale) quæ hoc ipso quod sit essentia debet dicere ordinem ad qualemcunque existentiam, saltem alterius lineæ. Quæ doctrina valde notanda est. Nam præter quæ quod noua sit, est plurimum necessariæ ad saluandas plures abstrusas difficultates, quæ occurrere possunt tum circa transcendentiam entis, tum circa Diuinas Relationes. De his siquidem communiter docent Thomistæ, non posse dici entia. Idemque expressis verbis asserit

S. Tho.

S. Tho. Vnde nisi illa duplex acceptio essentia, quam nomen entis significet, admittatur, vel ruet transcendentia entis communiter in Scholis recepta, vel admittendum erit, Relationes Diuinas habere proprias existētiās, verèq; dici entia, quod est directè contra S. Tho. Cæterum hac distinctione essentia admissa, optimè consonant Philosophica dogmatibus Theologicis, & utraque D. Thomæ, Thomistarumque cōmunis doctrina saluatur, quòd sc. & ens transcendens sit, & Relationes Diuinæ sint in aliquo sensu, & in alio non sint dicendæ entia: Ens siquidem non est transcendens, vt significat essentiam, quæ est radix existētiæ, quia plura sunt, quæ hoc modo entia non sunt, habent enim essentiam, quæ non est radix existētiæ, quia potius ad coexistendum, quàm ad existendum est apta, sed ens transcendens est, secundum quòd significat essentiam capacem qualitercūque existētiæ, siue propriæ, siue alienæ, siue eiusdem lineæ, siue diuersæ. Hoc modo enim essentia sumpta, est prædicatum vniuersalißimum omnibus competens, in omnibus inclusum, ac per consequens transcendens respectu omnium. Quia nulla res est, quæ saltem capacitatem ad esse non dicat, cum & ipsa possibilia dicantur talia per ordinē ad esse. Illud enim est possibile, quod esse potest, vt ex ipsis terminis constat. Relationes ergo Diuinæ, vt claudentes hanc rationem entis, entia dicuntur,

quia tamen ita eam claudunt, vt ipsarum essentia non petat propriam, sibi que correspondentem existentiam, idè non dicuntur entia, quia illarum essentia reliqua non est radix existētiæ.

Nec refert, si obijcias ex Salu mant. (qui censent Relationes Diuinas non debere dici absolutè entia, quia credunt, nomen entis significare existentiam) contrà hucusque dicta; quia in Concilio Lateranensi sub Innocen. III. celebrato c. 3. dicitur, quòd *Pater totam suam entitatem dedit Filio*; quod etiam docuit Cyril. lib. 1. in Ioann. c. 4. Hilarius l. 3. de Trinit. Isidorus l. 1. de summo bono c. 15. Ergò ex mente Concilij, & P.P. Relationes non sunt entitates, ac per consequens nec entia; nam alioquin esset falsa illa propositio, qua vtuntur; cum enim non dederit illi Paternitatem, hæc enim est incommunicabilis, si Paternitas erit aliqua entitas, falsum erit, quòd Pater dederit Filio totam entitatem, siquidē non dedit illi Paternitatē.

Resp. explicando mentem concilij, & P.P. conformitèr ad modo dicta, idè scil. Concilium, & P.P. dicere. Quòd pater æternus totā suam entitatem dederit filio, vt innuerent, dedisse illi totam essentiam suam, ne scil. filius crederetur esse alterius naturæ, vel essentia à Patre. Quod enim Hieronymus Epistola ad Damasum de Hyposthafi dixit; hoc de entitate dici potest, sub illius scil. nomine venenum latere. Plures enim Hæretici crediderunt, relations di-

linas taliter esse distincta entia, ut constituent distinctas personas in essentia, & existentia diuersas, sicut v. g. Petrus, & Paulus, vel, quod absurdius est, sicut Petrus, & equus: quia aliqui crediderunt imperfectiorem longè naturam esse in filio, quam in patre, sicut Arius, qui dixit filium Dei, Deum verum non esse, fundans se in illo loco scripturæ, vbi Christus de seipso inquit: Pater maior me est. Concilium ergo, & P. P. ne saltem in verbis, & præcipuè in illis, quæ ambiguitatem aliquam habent, cum Hæreticis conuenirent, dicunt, Patrem totam entitatem suā dedisse filio, nō quod crediderint relationem paternitatis (quam certum est, quod non dederit Pater filio) non esse ens aliquod, aliās credidissent personam diuinam, in esse talis, constitui per nihil, sed ut crederent Patrem diuinum suam essentiam, seu naturam integram dedisse filio, ac per consequens illos esse eiusdem immultiplicatæ naturæ, adeoque tam verum Deum filium, quam verus est Deus pater; vnde secundum præcisiones metaph. de ente scil. ut transcendens est, & secundum ipsius vniuersalissimum conceptum, relationes diuinæ sicut per suas rationes proprias formaliter ab essentia diuina distinctas constituentur extra nihil, ita entia dici possunt, non quidem prout *Ly ens* significat essentiam, quæ est radix existentia, sed illā, quæ, etsi radix eius non sit, vnde ipsi proprium esse non responderet, est tamen capax ipsius, ut iam explicatum est.

Et in hoc sensu explicandi sunt etiam ipsi Salmat. quorum argumentum soluimus: ibi enim nihil aliud nituntur ostendere, quā id, quod relationes diuinæ non possint dici entia, prout ens, significat essentia, quæ est radix existentia, non autem quod entia non sint, prout ens opponitur nihilo, qualiter nos de illo in præseti loquimur.

Ad quantum patet solutio ex dictis §. 3. huius questionis in impugnatione solutionis nostræ quartæ rationi adhibitz.

§. 5. *Proponuntur, & soluntur aliqua obiectiones, quibus probatur, vnum, verum, & bonum non esse passiones entis propriè loquendo.*

**O**bjicitur primò. Membrum diuidens aliquam naturam communem, nō est proprietas ipsius. Sed vnum diuidit ens. Ergo non est eius proprietas. Minor patet, quia Philosophi: ut ex supra dictis patet, diuisit ens in vnum, & multa. Maior verò prob. Passio debet conuerti cum essentia, cuius est passio, quia debet competere omni soli, & semper. Sed membrum diuidens non conuertitur cum diuiso, est enim inferius illo. Ergo &c.

Resp. distinguendo maiorem. Membrum diuidens aliquam naturam, ita, ut simul cum illo etiam aliud membrum participet eandem naturam simpliciter, non est propria passio eiusdem naturæ, con;



concedo. Membrum diuidens aliquam naturam, ita, ut illud solum participet naturam, quam diuidit, aliud verò non nisi secundum quid, non potest esse passio talis naturæ. Nego. Et sic se habent vnum, & multa ad ens, quia, vnum participat simpliciter, & adæquatè naturam entis, multa verò secundum quid tantum, & ut induunt naturam vnius; quæ doctrina sumitur ex S. Thom. 1. p. q. 11. a. 1. ad 2. Cuius verba sunt, quæ sequuntur. *Nihil prohibet id, quod est vno modo diuisum, esse alio modo indiuisum, sicut quod est diuisum numero, est indiuisum secundum speciem: & sic continget, aliquid esse vno modo vnum, alio modo multa; Sed tamen si sit indiuisum simpliciter, vel quia est indiuisum secundum id, quod pertinet ad essentiam rei, licet sit diuisum quantum ad ea, quæ sunt extra essentiam rei, sicut quod est vnū subiecto, & multa secundum accidentia, vel quia est indiuisum in actu, & diuisum in potentia, sicut quod est vnum toto, & multa secundum partes, huiusmodi erit vnum simpliciter, & multa secundum quid: si verò aliquid è conuerso sit indiuisum secundum quid, & diuisum simpliciter, ut potè quia est diuisum secundum essentiam, & indiuisum secundum rationem, vel secundum principium sine causam, inerunt multa simpliciter, & vnum secundum quid; & quæ sunt multa numero, & vnum specie, vel vnum principio. Sic igitur ens diuiditur per vnum, & multa, quasi per vnum simpliciter, & multa,*

*secundum quid; Nam, & ipsa multitudo non contineretur sub ente, nisi contineretur aliquo modo sub vno: dicit enim Dyon. ult. C. de diuin. Nom. quòd non est multitudo non participans vno, sed quæ sunt multa partibus, sunt vnum toto, & quæ sunt multa accidentibus, sunt vnum subiecto, & quæ sunt multa numero, sunt vnum specie, & quæ sunt speciebus multa, sunt vnum genere, & quæ sunt multa processibus, sunt vnum principio. Hucusque S. Doctor.*

Obijcies, secundò, *Verum non esse proprietatem entis.* Et probatur sic. Nulla passio latius patet sua essentia; quia debet competere soli. Sed verum latius patet ente. Ergo non est passio eius. Maior, & consequ. patent, Minor verò probatur. Quod potest competere etiam non entibus, latius patet ente. Sed verum potest etià competere non entibus: Verum enim de Chymæra dico, quod nō sit Ens. Ergo &c.

Resp. primò, negando Minorem. Ad cuius probationem dicimus, veritatem transcendentalem, quæ est passio entis, non competere non entibus. Vnde in illa propositione, qua dicitur; verum est, Chymeram esse non ens, non importatur aliqua veritas non entis, sed veritas competens propositioni ipsi; est enim scelus, quod Intellectus verū dicit, Chymeram non esse ens, quia illam intra spheram, & ambitum entis non videt, immò videt illi nullam posse competere entitatem.

*Resp.*

Resp. 2. ex S. Thom. q. 1. de verit. ar. 1. ad 2. vbi simile soluens argumentum, sic inquit. *Verum non est in pluribus quàm ens: Ens enim aliquo modo acceptum dicitur de non ente, secundum quod non ens est apprehensum ab intellectu.* Vnde in 4. Metaph. dicit Philof. *quod negatio, vel priuatio entis vno modo dicitur ens.* Vnde etiam Auicenna dicit in Metaph. suæ principio, quod non potest formari enunciatio, nisi de ente, quia oportet, illud, de quo propositio formatur, esse apprehensum ab intellectu. Ex quo patet, quod omne verum est aliquo modo ens. Ex qua eius doctrina habes, quod non ens in tantum participat rationem veri, in quantum participat etiam ipsam rationem entis; non ens enim sub concepto non entis, neque potest ab intellectu apprehendi, neque de illo potest aliquid enunciar: Vnde quando dicimus: Verum est, entia non esse, primò non ens apprehendimus sub conceptu entis, & deinde aduertens intellectus, illum conceptu entis, sub quo apprehendit non entia, nec aliquem alium qui entitatem sapiat, in non entibus inueniri, spoliat non entia illa mutuata entitate, & dicit, illa verè non esse entia, quia videt, illa esse omni entitate priuata.

Obijcies 3. Ex S. August. in soliloq. c. 6. vbi definiens veru, dicit: *Verum mihi videtur esse id, quod est.* Ergò verum ex mente S. August. definitur per ordinem ad esse, ac per consequens, cum

simili modo definiatur ens, est, enim ens, cui competit esse, verum, & ens nullo modo distinguuntur: ac per consequens, veru non poterit esse passio entis; nam passio debet aliquo modo ab essentia distingui, ratione cuius distinctionis alia definitione petat definiri, vti discurrenti per omnia genera essentiarum, & passionum patebit.

Nec refert, si resp. Ens, & verum conuenire quidem entitatiuè, sed differre formaliter proprijs rationibus.

Contra enim est: quia, quæ cōueniunt definitionibus conueniunt rationibus, nam definitio explicat rationem rei. Sed inhzrendo definitioni S. August. Verum, & ens conueniunt definitionibus. Ergò conueniunt, & rationibus. Ergò, &c.

Respond. primò, illam definitionem non esse formalem, sed causalem, datur enim per esse, quod est subiectum veri; vnde, hæc definitio videtur esse ex genere earum, quibus communiter accidentia definiuntur per proprium subiectum. Vnde vera est solutio inter arguendum data, nec eius impugnatio conuincit; Nam illa quidem necesse est conuenire in suis rationibus, quæ definiuntur eadem definitione, si respectu vtriusque sit formalis, nō autem quando respectu vnius est formalis, & respectu alterius causalis; nam hoc ipsum arguit aliquam diuersitatem, quod illis diuersimodè definitio competat; si enim

enim essent omnino idem, non esset inter illa respectu definitionis aliqua diuersitas. Sic ergo in præfenti verum, & ens definiuntur per esse, sed ens definitur per illud formaliter, verum autem causaliter, vnde distinguuntur formaliter, quamuis entitatiuè conueniant, vtpotè in vno, & eodem esse communicantes.

Resp. secundò ex S. Thom. q. 1. de verit. ar. 1. ad 1. Cuius verba sunt. *Cum dicitur: Verum est id, quod est, non accipitur ibi, secundum quod significat actum essendi, secundum quod est nomen intellectus compositi, scil. prout significat affirmationem propositionis, vt sit sensus: Verum est id, quod est, idest, cum dicitur esse de aliquo, quod est.* Vbi Angel. Doct. dicit S. Aug. ibi definiuisse veritatem propositionis affirmatiuæ, quia nomen propositionis affirmatiuæ, quæ importat verbum *est*, tunc habet veritatem, quando illud, quod dicit de se, reuera ita est: iuxta illud vulgare, *Ex eo quod aliquid est, vel non est, propositio dicitur vera, vel falsa.* Vnde ex hac eius definitione nihil contra nos adduci potest, quia hic, non de veritate propositionum, sed de veritate transcendentali agimus.

Obijcies quartò. Verum, & Bonum in tantum dicuntur esse passionem entis, in quantum addunt aliquem respectum supra ens, scil. Verum ad Intellectum, Bonum autem ad Voluntatem. Ergo Verum, & Bonum erunt de Prædicamento Relationis, ac per conse-

sequens non erunt passionem entis, quæ debent, sicut & ens, per omnia Prædicamenta vagari.

Resp. distingu. anteced. Verū: & Bonum addunt aliquem respectum prædicamentalem supra ens, nego: transcendentali, fundantem tamen relationem rationis: Concedo: & deinde negatur consequ. In prædicamento enim Relationis, neque relationes rationis, neque transcendentales respectus ponuntur. Isti enim respectus transcendentales non distinguuntur ab entitate rei absolutæ; vnde ad ipsius prædicamentum spectabunt, si illa res fuerit alicuius prædicamenti, si per omnia prædicamenta vagetur, sicut ens, etiā illi respectus transcendentales per omnia vagabuntur: Idemque de relationibus rationis, hos respectus consequentes, sentiendum est: Vnde non solum substantia, sed & qualitas, & quantitas, & reliquæ res dicent respectum ad intellectum, & voluntatem, quia sunt intelligibiles, & appetibiles.

Obijcies quintò. Illud, quod addit aliquid supra aliquam naturam, determinando, limitando, & contrahendo ipsam, non potest esse passio illius naturæ. Sed Vnum, Verum, & Bonum addunt aliquid supra Ens, determinando, limitando, & contrahendo ipsum. Ergo non possunt esse passionem ipsius. Minor patet: Ens enim, vt formaliter respicit intellectum, non respicit voluntatem; nec vt formaliter dicit diuisionem, importat aliquem respectum ad

voluntatem, & intellectum. Ergo Ens, cum ex se sit indifferens, vt substat indiuisioni, vel relationi; per Vnum autē determinatur ad hoc, vt indiuisioni, non autem relationi substat; per Verum autem, & Bonum ad hoc, vt substat relationi, non autem indiuisioni, determinabitur, limitabitur, contrahetur, per Vnum, Verum, & Bonum. Maior verò probatur. Tūm quia illam docet expressē S. Tho: q. 21. de verit. ar. 1. in corp. Tūm etiam, quia, quod contrahit aliquam naturam communem ad aliquem determinatum, modum naturæ, potius est differentia, vel modus constituens speciem determinatam talis naturæ, quā passio eius, vt discurrenti per omnia entium genera patebit. Tūm denique, quia passio debet conuenire omni participantī illam naturam, cuius est passio, sicut risibilitas, quæ est passio hominis, conuenit omni homini: Quod autem contrahit naturam communem, non poterit competere omni participantī illam naturam, vt patet in rationalitate, quæ ex eo, quod contrahat naturam animalis, non potest competere omni animali. Ergo, &c.

Resp. neg. minorem. Ad cuius probationem dicimus, quod et si ens, quod est ex se indifferens, vt sit Vnum, Verum, & Bonum, per indiuisionem determinetur ad esse Vnum, & per relationem ad intellectum ad esse Verum, per relationem verò ad appetitum ad

esse Bonum, hæc tamen determinatio non est propriè contractio, vel limitatio propriè dicta, quæ sit sufficiens ad hoc, vt indiuisio, vel relatio habeant rationem, modorum quasi differentialium, quibus Ens ad inferiora contrahatur. Cuius ratio fundamentalis est, quia differentia, vel modi contrahentes aliquam naturam communem ita eam limitant, vt natura iam contracta per aliquam differentiam, vel modum non possit subesse alteri modo, non tantū formaliter, & reduplicatiuè, sed etiam specificatiuè, id est, non tantū natura, vt substernitur vni, non substernitur alteri, sed etiam natura, quæ vni subest, alteri non subest; v. g. natura generica animalis, quæ de se est indifferens ad esse rationalis, vel irrationalis, quando per rationalitatem contrahitur, non potest eadem simul contrahi per irrationalitatem, quia idem animal non potest esse simul rationale, & irrationale. Et similiter in naturis transcendentibus, quale est Ens, contingit: Ens enim licet sit indifferens ad hoc, vt contrahatur per esse per se, & in alio, seu, quod idem est, per Substantiam, & Accidens, tamen postquam contractum est per Substantiam, non potest quamdiū sub hac contractione concipitur, per Accidens contrahi; aliās idem simul esset Substantia, & Accidens, quod implicat. Cæterum in passionibus Entis non sic se res habent. Quamuis enim Ens for-

ma.

maliter, & reduplicatiuè, vt per indiuiſionem contrahitur ad eſſe Vnius, non contrahatur ad eſſe Boni, vel Veri per relationem ad intellectum, & voluntatem, tamen ſpecificatiuè illud idè Ens, quod per indiuiſionem eſt Vnum, poteſt eſſe per relationem Bonum, vel Verum. Immo etiam, vt formaliter ſubſtat indiuiſioni, & eſt Vnum, poteſt ſubſtare relationi, vel ad intellectum, vel ad voluntatem, ac per conſequens eſſe Verum, & Bonum, quia etiam, vt ſubſtat, eſt appetibile, & intelligibile. Notanter autem dixi, vt formaliter ſubſtat indiuiſioni, poteſt ſubſtare relationi, non autem actualiter, vt formaliter ſubſtat indiuiſioni, ſubſtat relationi, quia licet ipſa indiuiſio non ſit formalis ratio reſpiciendi intellectum, vel voluntatem, poteſt tamen fundare dictos reſpectus, quia Ens, etiam vt indiuiſum, poteſt intelligi, & appeti; Vnde Verum, Bonum, & Vnum non habent ſe, vt modi, vt ſic dicam, differentiales, ſed vt paſſiones Entis, quia formaliter non determinant Ens, neque formaliter contrahunt, ſed potius trahunt integram naturam Entis ad propria ſignificata, quia Vnum non excludit Verum, vel Bonum à ratione Entis, ſicut modi differentiales excludunt, vt iam explicatum eſt. Poſſumus huius rei appoſitum adducere, exemplum in paſſionibus aliarum naturarum, non ita vniuerſalium: nam v.g. natura hominis, etſi, vt ſubſtat admirationi, non ſubſtat

riſibilitati, quia tamen ſpecificatiuè eadem natura hominis, quæ ſubſtat admirationi, ſubſtat riſibilitati, admiratio, & riſibilitas non erunt inferiora hominis, ſed paſſiones ipſius.

§. 6. *Ordinantur paſſiones Entis inter ſe.*

**C**irca ordinem paſſionum Entis (de quo in ſecunda parte tituli quærebamus) nulla eſt diſſeſio inter Philoſophos: ideòq;

Dicendum eſt, primam paſſionem Entis eſſe Vnum, deinde Verum, ac tandem Bonum. Ita communiter Philoſophi cum S. Thomas qui q. 21. de Verit. ar. 3. in corp. ſic iſtas paſſiones ordinat, ſicut ſunt in conſeſione ordinatæ: Dicit enim, quòd Bonum præſupponit Verum, Verum autem præſupponit Vnum, cum Veri ratio ex apprehenſione intellectus perficiatur; Vnumquodque autem intelligibile eſt, in quantum eſt Vnum; Qui enim non intelligit Vnum, nihil intelligit, vt dicit Philoſophus 4. Metaphyſic. Vnde iſtorum nominum, transcendentium talis eſt ordo, ſe ſecundum ſe conſiderentur, quod poſt Ens eſt Vnum, deinde Verum, deinde poſt Verum Bonum. In qua auctoritate.

Nota, S. Doct. addidiſſe illam particulam reſtrictiuam (ſi ſecundum ſe conſiderentur) nam ſi cõſiderentur Verum, & Bonum ex parte perfectibilium, ſic Bonum eſt prius Vero. Nam Bonum ad

Ii plura

plura se potest extendere, pluraque potest perficere, quàm Verū. Verū enim solū natū est cognoscitua perficere, quia hæc sola illud possunt apprehendere. Bonum autem etiam insensibilia: unde etiam lapis appetit suum centrum, &c. ut ex discursu S. Doct. quem ibidem adducit, deducitur. Dicit enim S. Tho. *A Vero non sunt nata perfici, nisi illa, quæ possunt aliquod Ens percipere, vel in seipsis habere secundum suam rationem, & non secundum illud esse, quod Ens habet in seipso; & huiusmodi sunt solū ea, quæ immaterialiter aliquid recipiunt, & sunt cognoscitua; Species enim lapidis est in anima, non autem secundum esse, quod habet in lapide: Sed à Bono nata sunt perfici illa, quæ secundum materiale esse, aliquid recipiunt, cum ratio boni in hoc consistat, quod aliquid sit perfectum, tam secundum rationem speciei, quàm secundum esse, ut prius dictum est: & ideo omnia appetunt Bonum, sed non omnia cognoscunt Verum; in utraque enim ostenditur habitudo perfectibilis ad perfectionem, quæ est Verum; & Bonum, sc. appetitu Boni, & cognitione Veri.* Cum quo stat, quod in ratione proprietatum, huc affectionum entis prius sit Verum, quàm Bonum, priusque est à nobis numeratum, quia nos hic de Vero, & Bono secundum se, & ut sunt proprietates Entis, non autem ex parte perfectibilitatis ab ipsis agimus.

Potest hoc ipsum confirmari quantum ad Verum, & Bonum,

de quibus est principalis controversia, alia auct. S. Thom. quæ habetur 1. p. q. 16. ar. 4. in Corp. *Dicendum (verba ipsius sunt) quod licet Bonum, & Verum supposito conuertantur cum Ente, tamen ratione differunt, & secundum hoc Verum, absolute loquendo, prius est, quàm Bonum: quod ex duobus apparet: Primo quidem ex hoc, quod Verum propinquius se habet ad Ens, quod est prius, quàm Bonum; nam Verum respicit ipsum esse simpliciter, & immediatè, ratio autem Boni consequitur esse, secundum quod est aliquo modo perfectum, sic enim appetibile est. Secundo apparet ex hoc, quod cognitio naturaliter præcedit appetitum; unde cum Verum respiciat cognitionem, Bonum autem appetitum, prius erit Verum, quàm Bonum secundum rationem.* Hanc S. Thomæ doctrinam, ut facilius capias.

Scito, dupliciter posse has passionem comparari inter se, vel secundum naturam, quam significant, vel secundum ipsarum proprias, & peculiare rationes. Unde cum inter passionem Entis ex parte naturæ, quæ significant, non possit esse prioritas, vel posterioritas; omnes enim unam, eandemque naturam Entis significant, inde est, quod tantum secundum proprias rationes possint prioritatem fortiri; & hoc expressit S. Doct. illa particula restrictiva *secundum rationem*; quæ, ut optime notavit Caiet. ibidem, non appellat propriè supra prius, sed supra Verum, & Bonum; ita scilicet quod

quòd quando S. Doct. dixit, Verum esse prius secundum rationem, quàm Bonum, sensus est, quòd ratio Boni est prior ratione veri.

*Probatur Conclusio nostra  
rationibus.*

**P**rima ratio est, qua prob. Vnum esse primam passionem Entis. Vnum est prius Verò, & Bono. Ergò est prima passio Entis. Consequ. patet: & probat. Anteced. Absoluta priora sunt respectu, quia hæc in illis fundantur. Sed vnum dicit rationem absolutam, Verum autem, & Bonum relatiuam, vt ex dictis patet, & ex dicendis amplius patebit. Ergò &c.

Secunda ratio probat, Verum esse prius Bonum, ac per consequens esse secundam Passionem Entis, iam autem Bonum tertiam. Qualis est ordo inter potentias, talis est & inter earum obiecta. Sed Intellectus est prior Voluntate. Ergò & Verum Bono, quia Verum est Obiectum Intellectus, Bonum verò Voluntatis. Maior patet: Minor verò prob. Sicut se habet actus ad actum, ita potentia ad potentiam. Sed actus Voluntatis præsupponit actum Intellectus, quia nihil volitum, nisi cognitum. Ergò & ipsa Voluntas præsupponit Intellectum, ac per consequens Intellectus prior erit Voluntate.

Confirmatur primò. Voluntas dimanat ab Anima mediante Intellectu, vt docent Nost. Compl. in lib. de An. disp. ult. quæst. 4.

& habetur expressè ex S. Thom. 1. p. q. 8. ar. 3. ad 3. Ergò intellectus est prior voluntate. Ergò & obiectum illius obiecto huius. Ergò &c.

Confirmatur secundò. quod ab alio de necessitate præsupponitur, est prius illo. Sed Verum de necessitate præsupponitur à Bono. Ergò est prius illo. Maior, & Consequentia patent: Minor verò prob. In tantum est aliquid Bonum, in quantum est potens mouere appetitum. Sed non mouet, nisi vt apprehensum, siue apprehensio requiratur tantum, vt conditio, sine qua non, siue vt ratio formalis constituens bonum, in esse appetibili; de quo tractant Philosophi in lib. Phys. vt videre est ap. nost. Complut. in Phys. d. 14. q. 6. Quod adeò vniuersaliter est verum, vt etiam ipsa insensibilia, omnisque cognitionis expertia, non ferantur in bonum, nisi vt apprehensum, non quidem propria cognitione, ( hac enim carent ) sed cognitione Motoris sui; vnde illud axioma promanauit: *Opus nature, opus intelligentie.* Ergò &c.

Quæ confirmatio non contradicit doctrinæ in hoc §. datæ supra, vbi docuimus ex S. Tho. plura perfici à Bono, quàm à vero; quia Verum sola cognoscitiua Bonum autem etià non cognoscitiua perficit: Quamuis enim debeat quodlibet Bonum præcognosci saltem ab agente superiore, à quo in suos fines mouentur insensibilia, tamen ab ipsis insensibilibus,

I i 2 quæ

quæ appetunt Bonum, nõ apprehenditur Verum. Sicque vera est doctrina illa, stante veritate huius confirmationis: nõm Verum ad sola cognoscitiua extenditur, Bonum autẽ etiam ad non cognoscitiua, vt iam explicatum est.

Tertia ratio: quia conceptus boni præsupponit conceptum veri. Ergo hic est prior illo. Patet Conseq. & prob. Antec. nõm in Conceptu Boni quodammodo includitur Conceptus veri, quia Bonum in tantum est appetibile, in quantum est verum bonum, scilicet in quantum induit rationem veri boni, sicut v.g. sanitas in tantum appetitur, in quantum est, vel videtur esse vera sanitas, & sic de cæteris Ergo, &c.

Quarta ratio ex S. Thom. q. 21. de verit. a. 3. in argumen. sed contra: Estque talis. *Quantò aliquid immaterialius, tantò est prius Bono. Sed Verum est immaterialius, quàm Bonum, quia Bonum in rebus naturalibus inuenitur, Verum autem solum in mente immateriali. Ergò Verum est naturalitèr prius Bono.* Omnia verba sunt S. Thom.

Nec valet, quòd ipse S. Doctor hanc rationem soluat, quia illam soluit, dicendo, quòd procedit de Vero, & Bono, prout secundum se considerantur, proindeque vt sunt passionēs Entis, sicut, & nos de illis, loquimur, quando eorum proprietatem inquirimus, vt ex modò dictis constat.

Aduertendum tamen est, Nos hic loqui de Vero, & Bono vt sic,

non autem de Vero, & Bono tali & in particulari accepto; sic enim, prius Bonum esse potest Vero, in quantum Verum est aliquod Bonum; cuius radicem optimè aperuit S. Doct. 1. p. q. 16. a. 4. ad primum his verbis. *Dicendum: Voluntas, & Intellectus mutuò se includunt, nõm Intellectus intelligit Voluntatem, & Voluntas vult, Intellectum intelligere. Sic ergo inter illa, quæ ordinantur ad obiectum voluntatis, continetur etiam ea, quæ sunt intellectus, & è conuerso. Vnde in ordine appetibilium bonum se habet, vt vniuersale, & Verum, vt particulare, in ordine autem intelligibili est è conuerso. Ex hoc ergo, quòd Verum est quoddam bonum, sequitur, quòd bonum sit prius in ordine appetibilium, nõ autem quòd sit prius simpliciter. Sed contra dicta.*

Obijcies probando, bonum, & Verum esse prius vno, & consequenter Vnum non esse primam passionem Entis. Omne positium est prius negatiuo, vel priuatiuo. Ergo etiam passionēs positivæ sunt priores negatiuis, vel priuatiuis. Sed vnum dicitur negatiue, vel priuatiue, quia significat indiuisionem; Verum autem, & Bonum dicitur positivè, quia significant relationem. Ergo Verum, & Bonum sunt priora vno.

Resp. distinguen. Maior. Omne positium, quod est fundamētum priuationis, vel negationis, est prius negatiuo, vel priuatiuo. Concedo. Omne positium ab-



solutè loquendo, est prius negatiuo, vel priuatiuo, Nego. Et similiter distinguendū est Consequens, & concedenda Conseq. de passionibus posituiis fundantibus priuatiuas, vel negatiuas, neganda; verò de non fundantibus. Eodemque modo distinguitur Insubsumpta Minor: Bonum, & Verum dicuntur positivæ. Vnum autem priuatiue, vel negatiue, ita quòd vnum fundetur in Vero, & Bono. Negatur; Ita quòd non fundetur, Conceditur: Et tandem negatur Consequentia.

Explicatur hæc solutio. Duplīciter possunt naturæ positivæ comparari ad negatiuas, vel priuatiuas. Primò, ita vt positiva sint fundamenta negatiuorum, vel priuatiuorum; v.g. oculus cæcitatis; & talia positiva debent, semper præcedere priuatiua, quia comparantur per modum subiecti ad illa. Secundo modo possunt comparari positiva cum negatiuis, vel priuatiuis absolutè, & tunc non est necesse, quodlibet positivum esse prius negatiuo, vt in mille exemplis patet. Nam homo v.g. vel cætera animantia sunt quid positivum, & tamen non fuerunt prius ante tenebras, quæ sunt quid priuatiuum, quia nec homines, nec animantia tunc fuerunt, quādo fuerunt tenebræ super faciem abyssi. Sic ergo in præsentī dicimus, quòd Vnum, vtpotè natura negatiua, debet aliquid positivū supponere, quod sit eius fundamentum, & hoc dicimus esse Ens.

Ceterū non supponit Verus; neque Bonum, quia in his non fundatur.

Obijcies secundo, probando, Bonum prius esse vero. Prius est aliquid esse in se perfectum, quàm quòd sit perfectum alterius; nam esse in se perfectum sonat rationem absolutam, esse autem perfectum alterius est aliquid respectuum; absoluta autem sunt priora respectuiis. Sed Bonum dicitur aliquid, in quantum est in se perfectum, Verum autem in quantum est perfectum alterius. Ergo Bonum est prius, quàm Verum.

Resp. neg. Minorē. Sicut enim bonum non est ita perfectū, quòd non sit simul perfectum alterius, scil. Volūtatīs, ita neg; Verum ita est perfectum Intellectus, quòd non sit in seipso perfectum, Verum enim transcendente, vt infra patebit, consistit in conformitate Intellectui diuino, scil. idæis ipsius; vnde res quælibet in tantum erit vera, in quantum dictis idæis inuenitur conformis: In idæis autem diuinis repræsentantur res secundum totum esse, quod ipsis competere potest, & consequenter res, quæ erit cōformis idæis, habebit totum suū esse, aliàs, si non totum habebit, idæis, quæ totum representant, conformis esse nō poterit; ergo erit perfecta eo ipso, quòd erit conformis idæis, quia perfectum est, cui nihil deest. Ergo, quia res ideo sunt veræ, quia sunt idæis diuinis

nis conformes, de primo ad ultimum, quod erit verum, erit, & perfectum. Ergo &c.

Obijcies tertio contra idem. Illud, quod est in rebus, est prius, quā id, quod est in apprehensione tantum, eo quod apprehensio nostra causatur, & mensuratur à rebus. Sed secundum Philos. in 6. Metaph. Bonum est in rebus; Verum autem in mente. Ergo Bonum est prius, quā Verum secundum rationem. Hæc obiectio ponitur in terminis à S. Thom. q. 21. de verit. ar. 4., quam etiam ipse S. Doct. sic soluit. *Dicendum, quod ratio illa procedit de ordine Veri, & Boni ex parte perfectibilium, non autem ex parte ipsius Veri, & Boni; mens enim sola perfectibilis est vero, sed omnis res perfectibilis est bono.*

Nec refert, si contra hanc S. Tho. solutionem urgeas. S. Doct. videtur in hac ratione concedere, ut etiam in corp. artic. concessit, nosque cum illo supra concessimus, quod Bonum sit prius Vero ex parte perfectibilium. Ergo etiam debet concedere, illud esse prius secundum se. Sicut enim Verum, & Bonum, in esse talium, non possunt concipi sine ordine ad sua perfectibilia, (quia in ratione Veri includitur ordo ad intellectum, in ratione autem Boni ordo ad appetitum) ita debent illum inter se ordinem servare, secundum se considerata, quem habuerunt ex parte perfectibilium, ac per consequens, si Bonum est prius Vero ex parte

perfectibilium, erit illo prius etiam secundum se.

Non, inquam, hoc refert. Resp. enim, concedo anteced. neg. conf. ad cuius probat. dicimus, quod in ratione Veri, vel Boni claudatur ordo ad perfectibilia, quando tamen Verum, vel Bonum considerantur secundum se, non aspiciunt, nisi proprium perfectibile, ut sic, v. g. Verum, Cognoscitivum, ut sic: Bonum verò, Appetitivum similiter, ut sic: eo proportionabili modo, quo Omnipotentia Dei respicit factibile, ut sic. Unde Bonum secundum se consideratum non extenditur in plus, quā Verum. Cæterum quando considerantur ex parte perfectibilium, tunc sicut cum perfectibilia considerantur in esse perfectibilium, considerantur secundum amplitudinem, quam habent, quæque consequitur esse illorum, ut talium, proinde, quia plura sunt perfectibilia à Bono, quā à Vero, ex parte perfectibilium latius extendetur bonum, quā Verum, ac per consequens illud erit prius illo.

Obijcies quartò. Bonum dicitur per ordinem ad causam finalem, verum autem per ordinem ad causam formalem. Sed causa finalis est prior formali, quia finis est causa causarum. Ergo Bonum est prius, quā Verum. Etiā hæc obiectio est in terminis S. Thom. loco nuper cit. cui cum eodem Angel. Doct.

*Resp. Dicendum est, quod finis est prior in causando, quā aliqua alia.*

QVAESTIO III.

*Vtrum passionēs Entis conuertantur cum Ente.*

aliarum causarum; causatum autem perficitur per suam causam: Unde ratio ista procedit secundum ordinem perfectibilis ad perfectionem, in quo Bonum est prius. Sed absolute considerando formam, & finem, cum ipsa forma sit finis, prius est ipsa forma in se considerata, quam secundum quod est finis alterius. Ratio autem Veri ex ipsa specie confurgit, prout est intellecta, sicuti est.

Ob'ies 5. Probando, quod Vnum non sit prior Entis passio. Passio vnita est prior passione disiuncta. Sed Vnum est passio disiuncta, quia Ens diuiditur per vnum, & multa, sicut numerus per par, & impar; Bonum autem, & Verum sunt passionēs vnitæ, quia non potest Ens diuidi in verum, & falsum, neque in bonum, & malum, quia malum, & falsum formaliter, quia talia, non sunt entia, vt ex infra dicendis patebit. Ergo, &c.

Resp. cum Soncin. 4. Metaph. q. 14. ad 4. quod passio disiuncta est duplex. Alia est, cuius nulla pars conuertitur cum subiecto, sicut se habet paritas, & imparitas ad numerum; non enim quilibet numerus est par, nec impar. Alia est, cuius aliqua pars conuertitur cum subiecto, & tale est Vnum, hoc enim conuertitur cum Ente; nam multa in tantum participat de entitate, in quantum participant & de vnitate vt ex supradictis patet.

Hæc quaestio potissimum excitatur propter Bonum, quod non videtur cum Ente, sicut alie passionēs, conuerti. Multa enim inueniuntur entia, quæ tamen non possunt dici Bona, v.g. possibilia, mathematica, & similia, quæ, quia abstrahunt ab existentia, etiam à bonitate abstrahere debent. Immo ipsæ etiam, essentia rerum non videntur posse dici bonæ, quia ex suo conceptu non dicunt esse, sine quo bonitas in rebus intelligi non potest. Quamuis ergo de Bono sit principalis controuersia, vniuersaliter tamen de omnibus passionibus quaestionem decidemus, vt communiorē doctrinam tradamus.

Supponendum est primò, conuersionem, seu reciprocationem aliquorum pluriū tripliciter dari posse; secundum rem sc., secundum rationem, & secundum attributionem. Illa conuertuntur, seu reciprocantur secundum rem, quæ vnā, & eandem rationem, seu naturam adæquatè significant, vt animal rationale, & homo, & quælibet definitio cum suo definito conuertuntur. Illa reciprocantur secundum rationem, quorum est vnus, aut idem conceptus, vt sunt ea, quæ synonymè nuncupantur, v.g. vellis, & indu;

men.

mentum, gladius, & ens, &c. Illa denique conuertuntur secundum attributionem, quæ sunt ita inter se affecta, ut de illo subiecto, de quo vnum effertur, effertur & reliqua; & hoc genere conuersionis reciprocantur passionibus cum suis subiectis, quia de quocunque subiectum effertur, dicuntur de eodem & passionibus ipsius, quæ eo ipso, quod tales, debent conuenire omni, cui conuenit ratio subiecti, ut v. g. homo, & risibile hoc modo conuertuntur, de quocunque enim effertur homo, effertur, & risibile, & è conuerso.

Supponendum est secundò, quòd cum quærimus, an passionibus Entis conuertantur cum Ente? non quærimus de conuersione secundum rem, vel rationem; utrumque enim ex superioribus constat, passionibus sc. Entis & non conuerti cum illo secundum rationem, quia alia est ratio Boni, alia Veri, alia Vnius, & alia Entis, & conuerti secundum rem, quia omnes passionibus Entis includunt in se ipsam Entis entitatem, per eamque, non verò per aliquam aliam, in esse entium constituuntur. Tota ergo difficultas deuoluitur ad conuersionem in tertia acceptione, an scil. ita passionibus Entis cum Ente conuertantur, ut de quocunque Ens prædicatur, de eodem prædicentur & ipsæ. Quod ut melius capias.

Supponendum est tertio, id, quod alias inuimus, dupliciter scil. Ens accipi posse, nominali-

ter, & participialiter. Nec repetito supra datam, inferiusque amplius discutiendam horum nominum explicationem, sed aduerto, titulum quæstionis loqui indeterminate de Ente, prout abstrahit ab ente nominaliter, & participialiter sumpto, quia specialis quæstio, & meo iudicio difficillima, excitabitur in quæstione sequenti, in qua quæremus, utrum passionibus Entis conuertantur cum Ente nominaliter, an verò participialiter sumpto? simulque ibidem decidetur de conuertentia Boni, non differendo ad disputationem de Bono. His suppositis breuiter.

Dicendum est, Passionibus Entis in sensu à nobis explicato, conuerti, seu reciprocari cum Ente. Ita Philosoph. 4. Metaph. C. 2. docet expressè de Vno, his verbis. *Ens, & Vnum idem ac vna natura sunt, propterea quòd se inuicem sequuntur.* Vbi duplicem modum conuersionis inter ens, & Vnum innuit, scil. secundum rem, dicendo, quòd sunt vna natura, & secundum attributionem, addendo, quòd se inuicem consequuntur. Et in 2. Metaph. tex. 4. dicit; *Eadem est dispositio rerum in esse, & veritate.* Idemque docet Angelicus Doct. 1. p. de Bono q. 5. ar. 5. cum dicit; *Omne ens, in quantum est Ens, est Bonum, Et de Vno q. 11. ar. 1. in corpor. hæc habet, Vnum conuertitur cum Ente; nam omne ens aut est simplex, aut compositum; quod autem est simplex, est indiuisum, & actu*

Et potentia: quod autem est compositum, non habet esse, quamdiu partes eius sunt diuise, sed postquā constitunt, & componunt ipsum compositum: Vnde manifestum est, quod esse cuiuslibet rei consistit in indiuisione; Et inde est, quod unum quodque, sicut custodit suum esse, ita custodit suam unitatem. Et tandem q. 16. a. 3. dicit, quod sicut Bonum conuertitur cum Ente, ita & Verum. Docuitque hoc totum clarè S. Tho. in 1. distinct. 19. q. 5. a. 1. ad 5. cum inquit. Verum addit supra Ens, sicut Bonum, & Vnum; Nullum tamen addit aliquā differentiam contrahentem ens, sed rationem, quæ consequitur omne ens, sicut Vnum addit rationem indiuisiōis, & Bonum rationem finis, & Verum rationem ordinis ad cognitionem; Et ideo hæc quatuor conuertuntur ens, Bonum, Vnum, & Verum. Ergo ex mente S. Thom. & Aristot. passiones Entis conuertuntur cum ente. Subscribunt huic omnes communiter Philosophi.

Probatur tali ratione primò. Nam proprium est illud, quod omni, soli, & semper competit, & conuersim prædicatur, ut habetur ex Porphyrio. c. 4. introduct. in Catechor. Aristot. ubi describens quarto modo proprium, quod solum est verè, & propriè proprietatis, & passio essentia, sic inquit: Quod soli, & omni, & semper, quodammodò, homini est risibile, nam, etsi non semper rideat, tamen risibile dicitur, non quod semper rideat, sed quod aptus sit ad ridendum, hoc

autem semper ei naturale est, quem admodum, & equo hinnibile. Hæc autem nominantur uere propria, quoniam etiam conuertuntur; quid enim est equus, hinnibile est, & quidquid est hinnibile, est equus: Ergo Vnum, Verum, & Bonum, quæ sunt veræ, etsi non reales passiones entis, ut supra demonstratum est, conuertentur cum Ente. Quod enim reales, non sint, conuersioni non officit, immò prodest, quia solum tollit distinctionem realem inter passiones entis, & Ens; quod tantum abest, ut destruat earum conuertibilitatem cum ente, quin potius eam asserit, nam quæ sunt eadem realiter, & entitatie, facilius conuertuntur, quam ea, quæ realiter entitatie distinguuntur, sicut distingui debent passiones demonstrabiles à proprijs essetis; estque hoc adeò verum, ut passiones Entis ex eo præcise, quia non sunt reales, neque important aliquam entitatem realem ab Ente distinctam, etiam secundum rem, conuertantur cum Ente, ut ex suppositionibus constat: plus autem est conuerti secundum rem, quam secundum attributionem tantum, ut vim ter minorum perpendenti patebit.

Probatur secundò diccurrendò per singulas passiones. Nam in primis Bonum (de quo est maxima difficultas) conuertitur cum Ente ita, quod omne ens sit bonum. Nam omne ens est in actu, ergo perfectum; actus enim est, qui perficit, Vnde in tantum est aliquid imperfectum, in quantum

kk

lli

illi deficit aliquis actus; Ergo omne Ens erit appetibile, quia secundum quod aliquid perfectum, ita appetibile. Ergo etiam omne ens erit bonum; Nam, ut infra patebit, Bonum in esse boni per appetibilitatem constituitur. Ergo, &c. Similiter omne ens est Verum, cum omne ut cognoscibile, cognoscibilitas enim sequitur rationem entis, sicut visibilitas rationem coloris, sicut enim color est obiectum visus, ita ens, intellectus; Vnde sicut omnis color est visibilis, ita omne ens est cognoscibile. Tandem etiam omne Ens est vnum: Omne enim ens, aut est simplex, aut compositum; si simplex sit, erit Vnum, quia erit omnino indivisum; si compositum, non poterit rationem Entis compositi sortiri, nisi in quantum partes unitas habeat, (compositio enim sine unitate partium intelligi non potest) ac per Consequens, nisi in quantum Vnum erit. Ergo omne ens erit Vnum, Verum, Bonum, ac per Consequens passiones Entis conuertentur cum Ente secundum attributionem; quem modum conuersionis nos in presenti inquirimus, ut ex suppositionibus patet.

Sed obijcies primo. Si veritas conuerteretur cum Ente, vel conuerteretur cum Ente nominaliter, vel participialiter sumpto. Sed non potest conuerteri cum Ente nominaliter sumpto, iam autem, si cum ipso Ente participialiter sumpto conuertitur, non saluatur, quod sit passio entis. Ergo, &c. Maior patet, Minor autem prob. quoad

utramque partem, Et primo quantum ad primam, quod scilicet non possit Verum conuerteri cum Ente nominaliter sumpto. Verum enim constituitur primario per hoc, quod adæquetur aliqua res idæis in intellectu diuino existentibus, quod scilicet talis sit aliqua res, qualis esse per idæam propriam ostenditur, sed ens nominaliter sumptum non adæquatur idæis diuinis, quia illæ representant rem secundum omnem perfectionem, quam habere potest; sicut enim quolibet res dependet à Deo secundum omnem possibilem sibi perfectionem, ita etiam representatur in idæis, quæ rem representant, secundum quod factibilis est à Deo, ideoque secundum quod dependens ab ipso: Ens autem nominaliter non habet omnem perfectionem; quia deest ipsi maxima, scilicet ipsum esse. Ergo, &c.

Confirmatur. Nam relationes diuinæ non dicunt proprias veritates, sed omnes tres Personæ dicuntur Veræ una veritate prima omnibus Personis diuinis comuni, ut docet S. Tho. & alij SS. PP. Ergo cum relationes diuinæ possint dici Entia in sensu à nobis supra explicato, non omne ens erit verum, ac proinde passiones Entis non conuertentur cum ente.

Obijcies secundo. Multa sunt entia, quibus ratio boni competere nequit, v. g. impossibilia, mathematica, & similia, quæ sicut ab existentia, ita, & à bonitate abstrahunt. Quibus adde etiam relationes diuinas, quæ nullam ex se

per;

perfectiorem, bonitatemque afferunt, vt Thomistæ docent, & tamen sunt Entia, vt dictum est. Ergo, &c.

His obiectionibus commodè responderi non potest, nisi explicemus, quodnam sit Ens, cum quo passiones conuertuntur, an Nominaliter, an verò participialiter sumptum? tangemus autem hic aliqua de Bono, & Vero, vt sic de passionibus in communi agendo, quæ dictis passionibus sunt communia, absoluamus. Sic ergo,

## QVAESTIO IV.

*Vtrum Passiones Entis conuertantur cum Ente Nominaliter, an verò participialiter sumpto.*

**Q**uestionē aggredimur meo iudicio difficillimam, hætenusque inter Philosoph. non solum indecisam, sed etiam vix agitatam. Quamuis enim aliqui occasionaliter de aliqua passione entis in indiuiduo aliquid determinatè dixerint, nullus tamen, quem viderim, generaliter disputauit, cui entis passiones entis (quæ tamen communiter in ore omnium circumferuntur) conueniāt, & cum quo conuertantur? Et certè hoc generaliter determinare, satis difficile est; quia enim aliquæ istarum passionum in suis rationibus involuunt existentia, aliæ verò non, perplexum, suspen-

sumq; intellectum reddunt, an omnes entis, v.g. Nominaliter, vel è contra omnes entis participialiter sumpto attribueri debeat; an verò eas inter ens vtroque modo acceptum partiri, ita vt aliquas entis Nominaliter, reliquas verò adscribat entis participialiter sumpto. Et hæc est huius quæst. difficultas maxima, quam, Deo auspice, aggredimur.

### §. I. *Varia Doctorum sententia.*

**L**icet ex professo hæc quæstio à Philos. non fuerit tractata; ex ijs tamen quæ in diuersis materijs, tam philosophicis, quam theologicis occasionaliter Auctores tractant, diuersitas opinionum, in explicanda præsentī difficultate, potest assignari.

Est ergo prima sententia, quæ indiscriminatim omnes passiones entis docet, competere entis participialiter sumpto, cum eoque conuerti. Ita Nostri Salmant. tract. 4. de Trinit. d. 10. d. 1. §. 2. idemque docent tract. 4. de Volunt. Dei d. 5. d. 1. Quæ Salmant. opinio non sic est intelligenda, vt credamus, eos docere, passiones entis ita conuerti cum ente participialiter, vt omnes, & singulæ pateant amplius, quàm dictum Ens patet. Hoc enim non docuerunt, nec docere potuerunt; Nam, quidquid sit de Vero, & Bono, saltem de Vno certum est, illud non solum Enti participialiter, sed etiā No-

ominaliter competere. Res enim non solum, ut sunt sub existentia, sed etiam secundum suam essentiam, sicut indiuisiōē, ita, & unitatem habent, ut mox declarabitur. Unde, & ipsi Salmant. cit. dub. & dis. ex tract. de Trinit. n. 10. fatentur, quod Vnum, sicut, & Res, cuilibet formalitati competunt. Et similiter in dub. & disp. tract. de volunt. adductis n. 24. expresse dicunt, ex illis transcendentibus, quæ communiter vulgari illo verbo, REVBAY, recensentur, aliqua conuertere cum ente nominaliter sumpto, aliqua verò minimè. Quod ergo intēdunt, quando docent, passionē entis cum solo ente participialiter sumpto conuertere, est, solum Ens participialiter sumptum esse illud, cum quo omnes passionē entis, & non solum aliquæ, sicut cum Ente nominaliter sumpto, conuertuntur; quod idē docent, ut ostendant formā significatam per hoc nomen, *Ens*, non esse essentiam, sed existentiam. (Nam ut ipsi ratiocinantur) quē admodum hoc nomen, homo, absolute, & simpliciter dictum, significat id, cum quo omnes passionē hominis conuertuntur, ita etiam hoc nomen, *Ens*, significat id, cum quo debent omnes passionē conuertere. Ex quo inferunt, quod *Ens* non significet essentiam, sed existentiam, quia non omnes passionē entis conuertuntur cū Ente nominaliter, seu significante essentiam, sicut cum eodem participialiter sumpto, siue, ut de-  
notat existentiam.

Fundamentum dictæ opinionis suæ nullum adducunt, quo generaliter probent, omnes passionē entis conuertere cum Ente, inimò neque in speciali id de aliqua passionē probant, quia non ex professo, sed incidenter tantummodò hanc difficultatem tractant: Potest tamen ex eorum doctrina, sic ipsorum opinio demonstrari ostēdendo, singulas Entis passionē conuertere cum Ente participialiter, non vero nominaliter sumpto.

In primis enim. Vnum, etsi, in omnium opinione, etiam cum Ente nominaliter conuertatur, ut infra declarabimus, tamen etiam negari non potest, illud conuertere, etiam cum Ente participialiter Tum, quia unitati non derogat existentia, quam ens participialiter supra ens nominaliter addit. Tum etiam, quia existentia affert maximam unitatem, scilicet numericam; quidquid enim à parte rei existit, est singulare, nam vniuersalia à parte rei non dantur, sed sunt beneficio intellectus, ut cōmuniter contra Platonem docent Peripatetici. Tum denique quia Philof. 4. Metaph. tex. 3. dixit, tot esse Vnius species, quot entis. Ergo sicut ratio entis non in solo ente nominaliter, sed etiam in ente participialiter inuenitur, ita & ratio Vnius entis utroque modo accepto conuenire debet, & consequenter Vnum etiam conuertetur cū ente participialiter sumpto.

Deinde *Verum* non conuertitur cum ente nominaliter, sed participialiter sumpto, sic probatur.

Quo:



Quorum vnum latius patet, quā aliud illa non conuertuntur. Sed ens latius patet, quā Verum. Ergo ens nominaliter non conuertitur cum Vero. Maior patet Minor verò ex Salmant. doctrina sic probari potest. Nam Relationes Diuinæ sunt entia nominaliter, (intelligendo per ens nominaliter, sicut in rei veritate intelligi debet, ens prout opponitur nihilo,) & dicunt aliquam entitatem, seu realitatem, quia non sunt nihil, & tamen non sunt veræ, quia non dicuntur tres veritates in Diuinis; quod fusè probant Salmant. cit. d. & q. ex materia de Trinit. tūc auctoritate, tūc ratione. Auctoritatē S. Tho. adducunt primam ex primo sententiarum d. 19. q. 5. ar. 3. ad 1. ubi S. Doct. dicit, *Dicendum, quod sicut trium Personarum una est essentia, quia qualibet habet esse, quāuis sint plures proprietates, quibus distinguuntur, quæ tamen omnes non differunt secundum rem ab essentia; ita etiam est una veritas trium Personarum ex parte ipsius rei, de qua est enunciatio.*

Auctoritatem secundam adducunt ex q. 1. de verit. ar. 6. in solut. ad 18. ubi hæc habet. *Dicendum, quod ratio veri fundatur supra Ens, quamuis autem in Diuinis ponantur plures Personæ, vel proprietates, non tamen ibi ponitur, nisi vnum esse: quia esse in Diuinis, non nisi essentialiter dicitur, & omnium istorum enunciabilem, Patrē esse, vel generare, Filium esse, vel genitum esse, secundum quod ad re*

*referuntur, est veritas una, quæ est veritas prima, & aterna.*

Deinde idipsum probant à ratione. Primò: Personæ Diuinæ simul sumptæ non sunt quid verius, quā sit aliqua illarum; cum enim veritas quandam perfectionem dicat, sicut non sunt simul sumptæ quid perfectius seipsis sigillatim acceptis, ita neque quid verius. Sed si Relationes Diuinæ dicerent proprias veritates, tunc Personæ duæ, v. g. Patris, & Filij essent veriores Persona Spiritus S. quia, ultra veritatem absolutā, dicerent illæ duas veritates relativas, hæc verò non, nisi vnicam. Ergo &c. Estque fundamentum huius rationis in insigni quadam auctoritate S. Augustini, quā cit. Salmant. adducunt ex eius lib. 8. de Trinit. C. 1. in hæc verba: *ubi magnitudo ipsa veritas est, quidquid plus habet magnitudinis, necesse est, ut plus habeat veritatis. Quidquid ergo plus veritatis non habet, non habet plus etiam magnitudinis. Porro quidquid plus habet veritatis, profectò verius est, sicut maius, quod plus habet magnitudinis. Hoc ergo ibi est maius, quod verius. Non autem verius est Pater, & Filius simul, quā singulus Pater, aut singulus Filius. Non igitur maius aliquid utrumque simul, quā singulum eorum. Et quoniam aequè verè est etiam Spiritus S; nec Pater, & Filius simul maius aliquid est, quā ipse, quia nec verius est: Pater quoque, & Spiritus S. simul, quoniam veritate non superant Filium, neque enim verius sunt,*

sunt, neque magnitudine superant. Atque ita Filius; & Spiritus S. simul tam magnum aliquid sunt, quā Pater solus, quia tam uerè sunt, sicut, & ipsa primitas tam magnum est, quā unaqueque ibi Persona, Non enim ibi maior est, quæ uerior non est, ubi est ipsa ueritas magnitudo, quia in essentia ueritatis hoc est uerum esse, quod est esse; & hoc est esse, quod est magnum esse: hoc est ergo magnum esse, quod uerum esse. Hucusque S. Augustinus.

Secunda uerò ratio, qua utuntur dicti Salmant. est talis. Ratio Veri fundatur supra esse, non solum generali quadam ratione, secundum quod omnis realitas illud utcumque respicit, sed specialiter, tanquam id, per quod fundamentaliter sumptum definitur; sicut definiuit illud S. August. in soliloquijs, ut refert, & explicat mentem August. D. Thom. q. 1. de uerit. ar. 1. ubi inquit. *Tripliter Veritas, & Verum definiri inuenitur. Vno modo secundum id, quod præcedit rationem ueritatis, & in quo uerum fundatur; & sic August. definiuit in lib. soliloq. Verū est id, quod est, &c. ac ex consequenti ratio ueri fundabitur supra entitatem, quæ erit principium essendi.* Sed in diuinis tantum est una entitas, scil. Essentia Diuina, principium essendi, quia ibi tantum est unum esse, ut communiter docent Theologi. Ergo etiam tantum una erit ueritas; ac proinde Relationes Diuinx non dicent propriam ueritatē, sed erunt ueræ ueritate absoluta Essentiæ Diuinx.

Tertia ratio ipsorum est. Idipsum est fundamentum veri, quod etiam est fundamentum speciei intelligibilis, ut ad lineam intelligibilem spectat: Quælibet enim res, sicut intelligibilitatem, ita & ueritatem habet per ordinem ad dictam speciem. Sed fundamentum speciei intelligibilis, ut ad lineam intelligibilem formaliter spectat, non est quouis realitas, sed illa tantum, quæ, vel est existens, vel principium existendi; unde iidem Salmant. 1. tom. tract. 3. d. 3. n. 32. docent, ex eo Relationes Diuinas non posse habere rationem speciei intelligibilis, quia non sunt principia essendi. Et in eodē tom. tract. 4. d. 1. n. 22. & in 2. tom. tract. 6. disp. 2. dub. 3. dicunt, existentiam in ordine intelligibili esse effectum, seu quasi effectum proueniētem à specie intelligibili. Et tandē in dicto tract. 4. d. 1. à n. 21. usque ad n. 29. explicuerunt, quomodo species intelligibilis debet sibi uindicare propriam existentiam in ordine naturali, & entitatio ad hoc, ut possit esse causa, aut quasi causa intellectionis, quæ est existentia ordinis intelligibilis. Ergo &c.

Tandem Bonum etiam cum solo Ente participialiter sumpto conuerteri posse, ex iisdem Salmant. multis probari posset. Sed quia quantum ad hanc passionem ab eorum sententia non discedemus, idē commodius eorum fundamenta pro nostra sententia adducuntur.

Secunda sententia ē diametro huic

huic opposita dicit, Passiones entis conuerti cum ente nominaliter sumpto. Ita Vasquez 1. p. q. 5. ar. 3. & Hurtado d. 7. Metaph. q. 3. Tribuo autem hanc opinionem dictis Auctoribus, non quod eam expressè habeant: (apud nullum enim, ut iam supra monui, ex Auctoribus hanc quæst. sub hts, sub quibus hic à me tractari terminis vidi), sed quia hoc de Bono, de quo est maxima controuersia, asserunt, idem eos consequenter de alijs duabus passionibus existimo credidisse.

Probant primò hanc suam opinionem auct. S. Thom. 1. p. q. 4. ar. 3. ubi affirmat: omne ens, in quantum ens, est bonum. Ergò cum ens significet primariò essentiam, ut ex supra dictis patet, ex mente Angelici Præceptoris, ens secundum quod significat essentiam, ac per consequens; ens nominaliter sumptum illud erit, cum quo Bonum conuertitur.

Secundò probant. Vbicunque inuenitur integritas, ibi inuenitur bonitas. Sed etiam in ente nominaliter sumpto sua inuenitur integritas. Ergò & bonitas. Maior probatur, quia cum Bonum, & perfectum conuertantur, quidquid perfectum est, & bonum erit: Illud autem dicitur perfectum, cui nihil deest, illi verò nihil deest, quod suam integritatem habet. Ergò de primo ad vltimū, ubicunque inuenitur integritas, inuenitur, & bonitas. Minor similiter probatur, quia ens nominaliter sumptum, seu essentia, si sit

composita, non poterit essentia verè, & propriè dici, nisi habeat suas partes vnitas, quando verò habet partes vnitas, habet integritatem. Ergò quando concipitur, ut essentia, concipitur integra; Si autem fuerit simplex, nihil ad sui complementum desiderabit; aliàs si per additionem alicuius compleretur, propriam simplicitatem amitteret. Ergo etiam hæc semper erit integra, ac per consequens omnis essentia habebit suam integritatem, & consequenter bonitatem; Quod enim integrum est, bonum est, ut ex supra dictis patet.

Ab hac opinione Vasquezij nō differt longè Nost. P. Philip. à SS. Trinit. (estq; hæc tertia sententia) qui 3. p. Summæ Philosophiæ distinguit duplicem Boni acceptionem, sc. in Bonum, quod cum perfecto conuertitur, Et in Bonum absolute sumptum, prout præuenit rationem perfecti. Hanc autè distinctionem Boni fidentiam non esse, probat ex S. Doct. qui eam aliquantulum innuere videtur 1. par. quæst. 5. art. 1. ad 1. ubi hæc habet. *Bonum dicitur rationem perfecti, quod est appetibile, & per consequens dicitur rationem vltimi: Vnde id, quod est vltimò perfectum, dicitur bonum simpliciter, quod autem non habet vltimam perfectionem, quam debet habere, quamuis habeat aliquam perfectionem, in quantum est actu, non tamen dicitur perfectum simpliciter, nec bonum simpliciter, sed secundum quid: Sic ergo secundum primum esse, quod est substantiale, dici.*

dicatur aliquid, ens, esse simpliciter, & bonum secundum quid, id est in quantum ens est, secundum verò ultimum actum, dicitur aliquid, Ens, secundum quid, & bonum simpliciter. Videtur ergo ex hac auctoritate posse colligi prædicta distinctio.

Cæterū pace, dixerim, P. nost. Philip. , nisi S. Tho. violenter torqueatur, hæc distinctio bonitatis, quam dictus nost. P. Philip. ponit, in S. Tho. inueniri non potest. In illa namque solutione tantum abest, ut S. Doctor dictam distinctionem asserat, quin potius totum oppositum doceat; quod ut clarius pateat, integram hic responsionem ad primum transcribere placuit, cuius tenor est talis. *Ad primum ergo dicendum*, quod licet bonum, & Ens sint idem secundum rem, quia tamen differunt secundum rationem, non eodem modo dicitur aliquid Ens simpliciter, & bonum simpliciter. Nam cum Ens dicat aliquid propriè esse in actu, actus autem propriè habeat ordinem ad potentiam, secundum hoc simpliciter dicitur aliquid, Ens, secundum quod primò discernitur ab eo, quod est in potentia tantum: hoc autem est esse substantiale rei vniuscuiusque: Vnde per suum esse substantiale dicitur unumquodque, ens; simpliciter, per actus autem superadditos, dicitur aliquid esse secundum quid, sicut esse album significat esse secundum quid, non enim esse album aufert esse in potentia simpliciter, cum adueniat rei iam præexistenti in actu. Sed Bonum dicitur rationem

perfecti, quod est appetibile, & per consequens dicitur rationem ultimi: Vnde id, quod est ultimo perfectum, dicitur bonum simpliciter, quod autem non habet ultimam perfectionem, quam debet habere, quamvis habeat aliquam perfectionem, in quantum est actu, non tamen dicitur perfectum simpliciter, nec bonum simpliciter, sed bonum secundum quid. Sic ergo secundum primum esse, quod est substantiale, dicitur ens simpliciter, & bonum secundum quid, id est in quantum est ens, secundum verò ultimum actum, dicitur aliquid, ens, secundum quid, & bonum simpliciter. Sic ergo, quod dicit Boetius, quod in rebus aliud est, quod sunt bona, & aliud, quod sunt, referendum est ad esse bonum, & ad esse simpliciter, quia secundum primum actum, est aliquid, ens, simpliciter, & secundum ultimum, bonum simpliciter, & secundum primum actum, est quoddammodo Bonum, & secundum ultimum, est quoddammodo ens. Vbi, ut vides, S. Thom. etsi distinguat Bonum in bonum simpliciter, & bonum secundum quid, nunquam tamen dixit, Bonum secundum quid præuenire rationem perfecti; quia apud S. Doct. ita se habet res ad esse boni, sicut & ad esse perfecti. Vnde, ut in verbis solutionis advertere potes, S. Doctor secundum distinctionem perfecti, ponit distinctionem boni, illudque dicit esse bonum simpliciter, quod est simpliciter perfectum, utpotè habens omnia ad complementum suæ perfectionis requisita: illud verò secundum quid

Bo:

Bonum, quod est secundum quid perfectum, quia sc. multa in illo desiderantur; quæ ad illud perficiendum concurrere possunt.

Sed quidquid sit de hoc, & admissio gratis, hanc distinctionem bonitatis, eo modo, quo à P. Philippo explicatur, habere fundamentum in S. Tho. Opinio eius nunc est referenda: Dicit ergò ille, supposita dicta distinctione Boni, Bonum prout præuenit rationem perfecti, esse passionem entis nominaliter sumpti; Bonum verò, prout est idem, quòd perfectum, dicit esse passionem entis participialiter sumpti. Probat primam partem sic. Quelibet res est bona secundum propriam essentiam. Sed non est bona, prout bonum est idem, quòd perfectum. Ergò erit bona saltem secundum quòd bonum præuenit rationem perfecti. Minor patet. Perfectum est, cui nihil deest. Ergò cui deerit existentia, quæ est principalis actus, primaque perfectio vniuscuiusque rei, non erit perfectum: cum ergò essentia rerum secundum se consideratur non dicant existentiam, non erunt bonæ secundum quòd Bonum conuertitur cū perfecto. Maior autem patet ex doctrina P. Philip. & potest probari primò: Aliæ passionēs entis competunt enti nominaliter sumpto, seu prout significat essentiam, cū eoque cōuertuntur; quolibet enim res, secundum suam essentiam, est vna, & vera. Ergò etiam & Bonum, propter paritatem rationis, saltem, vt præuenit rationem

perfecti, conuertetur cum ente nominaliter sumpto.

Secundò eadem Maior potest probari. Ens reale, prout præuenit existentiam, est Obiectum Voluntatis saltem Diuinæ; ergò habet rationem appetibilis. Ergò boni, quod in esse talis, per appetibilitatem constituitur. Tertiò. Per id res sunt bonæ, per quod graduantur in bonitate, & perfectione. Sed per suas ultimas differentias essentialis graduantur in bonitate, ac perfectione saltem, essentiali, nam, seclusis actualibus existentibus, Natura Angelica est nobilior, & perfectior, quàm humana, & humana, quàm lapideæ, dea, Ergò &c.

Cum hac opinione P. Philippi omninò coincidit opinio P. Blasij à Concept; quamuis in terminis differe videatur. Dicit enim P. Blasius disput. 24. Metaph. q. 2. s. 1. Bonum transcendente esse passionem entis nominaliter, & in actu signato, non verò participialiter, & in actu exercito. Vt autem seipsum explicat P. Blasius disput. eadem, quæst. 1. s. 2. in respons. ad 1. pro eodem sumit Bonum transcendente, & bonum absolutè sumptum, prout sc. nondum intelligitur esse sub omni moda perfectione, siue (vt terminis Patris Philippi vtatur) bonum, vt præuenit rationem perfecti; Vnde idem omninò secundum eundem vterque dicit.

Rationes autem Patris Blasij sunt istæ. Prima. Propria passio debet conuenire omni, soli, &

L I sem;

semper, ut patet ex ijs, quæ docet Porphyrius de proprio. Sed existentia non potest competere semper enti participialiter, sed tantum nominaliter sumpto, quia etiam ipsa existentia, à qua ens dicitur participialiter esse, non semper rebus competit; aliquando enim res existunt, aliquando verò non, unde communiter docent Philosophi, existentiam contingenter competere Creaturis. Ergo &c.

Secunda. Propositiones, in quibus propria passio prædicatur de subiecto, sunt æternæ veritatis, ut patet discurrendo per singulas; æquæ enim est propositio æternæ veritatis hæc: Homo est risibilis, ac hæc: homo est rationalis; utraq; enim necessariò competit homini. Ergo illa propositio, quæ bonum enuntiabitur de proprio subiecto, erit æternæ veritatis; Sed non esset æternæ veritatis, si cõpeteret enti participialiter, seu ratione existentia; sicut enim ipsa existentia contingenter competit rebus, ita & omne id, quod habet rationem ipsius. Ergo &c.

Quarta opinio est Nostræ. P. Andree à Cruce 1. p. q. 5. d. 27. ubi, relicta distinctione entis in nominaliter, & participialiter sumptam, dicit, ens esse bonum, etiam secundum suam essentiam, non quidem absolute sumptam, sed ut connotantem existentiam, vel tanquam habens ipsam, vel tanquam ordinata ad ipsam; unde dicit, quod licet existentia non sit ratio formalis Boni, est tamen

conditio necessariò requisita ad ipsum, non quidem semper ut habita, sed saltem ut determinatè inspecta.

Probat suam opinionem satis efficaci argumento. Res sine existentia, & præciso ordine omni ad ipsam, intelligitur esse sub statu puræ possibilitatis. Sed res sub tali statu non est bona. Ergo &c. Minor patet, quia res ubi incipiunt habere ordinem ad existentiam, statim extrahuntur extra statum puræ possibilitatis, & trãseunt ad statum futuritionis. Minor probatur. Quod bonum est, appetibile est, Bonum enim in eis talis constituitur per appetibilitatem, ut infra patebit. Sed res possibilis, quatenus talis, non est appetibilis, quia status possibilitatis est status nõ essendi, nulum autem appetit non esse, quatenus talis.

Hæc est diversitas opinionum circa præsentem quæst. quam ex Auctoribus colligere potui. Licet enim pluriam circa hoc possem referre sensum, omnes tamen opiniones ad numeratas reducuntur sicut opinio Cuius, quam habet (4. de ente, & essentia, est omnino eadem cum sententia nostrorum saltem supra à nobis relata, sicut & opinio Suarez. quam in sua Metaph. dis. 10. s. 3. fusè prosequitur, parùm, vel nihil differt à sensu Gabrielis Vasquez. Iam ergo noster sensus, quantum ad præsentem difficultatem spectat, est aperiendus. Quod, ut fundamentalius fiat, suppositiones  
alii

aliquæ de necessitate sunt præmittendæ.

§. 2. *Aliqua præmittuntur pro solutione quæst. necessaria.*

**Q**uia præsens difficultas plurimum dependet ab intelligentia, quid ens nominaliter, quid participialiter sumptum importet; hoc enim est commune Philosophantium voce, ita explicetur, ut ens nominaliter dicitur esse illud, quod significat essentiam, participialiter verò, quod significat existentiam, nondum tamen sufficienter explicatū est, an requiratur existentia, ut in actu exercito habita, an verò sufficiat, ut habenda, vel per modū connotari importata ad constituendum ens participialiter acceptum. Pro cuius explicatione.

Supponendum est primò, quòd licet ens absolutè sumptum significet essentiam, & non existentiam, ut supra disp. 1. huius tract. determinatum est, tamen necessario, & indispensabiliter debet connotare existentiam, siue ut habitam, siue ut determinatè, vel saltem possibiliter, habendam, siue qua connotatione essentiarum rerum, sicut essent simpliciter, & omnino nihil, ita entia dici nullatenus possent. Cū enim iuxta Angel. Doct. quodlib. 2. q. 2. ar. 3. *Ens sit illud, cui competit esse*: essentia, cui nullo modo competit esse, non est ens.

Supponendū est secundò, quod alibi jam etiam notauimus, hunc

ordinem ad existentiam, quem essentiarum rerum ex suo intrinseco conceptu afferunt, duplicem esse, seu potius in duplici differentia esse Essentias, quantum ad hunc respectum; Aliquæ enim respiciunt existentiam propriam, per quā illæ propriè, & connaturaliter existunt: Aliæ verò non respiciunt existentias proprias, quia illas non habent, sed alienas, id est alteri naturæ, à qua illæ, saltem distinctione includentis, & inclusi distinguuntur, debitas: Unde etiam per illas, non tam existere, quàm coexistere dicuntur.

Supponendum est tertio, quòd, cum omnis essentia dicat ordinē aliquem ad existentiam, siue propriam, siue alienam, id est ratione alterius sibi communicatam, ratio entis participialiter sumpti non potest esse essentia connotans aliquo modo existentiam. Cum enim hanc, ut diximus, aliquo modo omnis essentia connotet, omnis essentia esset ens participialiter, nulla verò nominaliter sumptum, & consequenter tolleretur illa communis distinctio entis in ens nominaliter, & participialiter acceptum, quā tamen communi plausu omnes admittunt Philosophi, ij præcipuè, qui S. Thomæ inhzrent vestigijs. Ex quo sequitur id, quod in his notationibus intendimus explicare.

Supponendum est quarto, ens participialiter sumptum esse essentiam, ut actu existentem, seu importantem existentiam actu. Ens verò nominaliter acceptum esse

eandem essentiam secundum se, se connotantem aliquo modo existentiam, quod idem est; nam, ut supra dictum est, Ordo ad existentiam à conceptu essentiae præscindi nullatenus potest. Congruitque hæc expolitio cum natura Nominis, & Participij; Nam, ut advertunt Nost. Complut. l. 2. Summul. C. 1. Participium in hoc differt à Nomine, quod Participium, sicut & Verbum, significat cum tempore, Nomen verò quāvis possit connotare tempus, non tamen cum tempore significare potest. Proindeq; existentia, ut exercita, utpotè quæ ad sui exercitium requirit tempus, vel aliquam aliam durationem convenientem rebus existentibus, importabitur, & significabitur per Ens participialiter sumptum. Ens verò nominaliter significabit essentiam, ut connotantem existentiam exercibilem in tempore, vel alia duratione proportionata rei existenti, sicut & ipsum nomen dictum tempus connotare potest. Hæc q; est communis acceptio entis Nominaliter, & participialiter accepti, quam alijs terminis pulchrè explicuit Ferrarien. 1. con. gen. c. 25. cuius verba sunt. *Considerandum est, quòd licet ens àm Nominaliter, quàm participialiter sumptum importet esse, utroq; enim modo ens significat, quod habet esse, tamen aliter importatur per unum modum, quàm per alterum, si enim participialiter sumatur, ut idem est absolute, quòd existens, esse importatur, tanquam principale, &*

*formale significatum, eo quod est abstractum huius concreti, ens; id autè, quod habet esse, importatur secundariò, tanquam susceptivum esse, sicut album primò, & formaliter importat albedinem, quæ est eius abstractum, secundariò autem importat subiectum, eo quòd ipsam albedinem significet per modum alteri inhaerentis. Si autem Nominaliter sumatur, sic esse non est eius abstractum, sed essentia, idè principaliter eius significatum non est esse, sed essentia, esse autem importatur per ipsum, tanquam id, à quo nomen imponitur, sicut cum lapis dicitur, esse id, quod offendit pedem, offensio pedis importatur secundariò, tanquam id, à quo inponitur nomen, essentia autem eius, tanquam principale significatum. Huculq; Ferrarien. Ex quibus habes, Ens, Nominaliter, significare essentiam, connotando existentiam, à qua nomen Entis imponitur, & sine qua, vel sine ordine ad ipsam, essentia rationem entis amitteret, ut supra diximus. Ens verò participialiter significat existentiam, connotando essentiam, ut habentem ipsam, seu essentiam, ut actualiter, & in exercitio existentem.*

Ex quibus notationibus statim nostræ difficultatis vides in hoc consistere; An passiones Entis, videlicet Vnum, Verum, & Bonum conuertantur cum Ente, prout significat essentiam actu, & in exercitio existentem; An verò, ut significat eandem essentiam, connotantem existentiam, eamq; secundariò importantem.



§. 3. Vera Sententia explicatur.

**D**icendum itaq; est, Omnes passiones Entis, sc. Vnum, Verum, Bonum conuerti cum ente Nominaliter sumpto, seu cum ente, vt significat essentiam, connotando existentiam, non verò cum Ente participialiter accepto, siue, vt significat essentiam actu. Hæc concl. est bimembris. In 1. p. enim affirmatur, passiones entis conuerti cum ente Nominaliter accepto. In 2. verò negatur, easdem cum Ente participialiter sumpto conuerti. Et quidem hæc secunda pars satis liquet ex prima, quia hoc ipso, quòd passiones Entis conuertantur cum Ente Nominaliter, seu, quòd idem est, cum Ente, vt significat essentiam connotantem existentiam, non autem actualitatem per ipsam, planè sequitur, quòd passiones Entis amplius pateant, de pluribusq; prædicentur, quàm ens existens, seu ens participialiter sumptum, proindeq; non conuertetur, quia ad conuersionem requiritur, quòd vnum non amplius pateat, quàm aliud.

Quantum autem ad 1. p. prob. hæc concl. primò illa auct. S. Tho. quam supra retulimus ex 1. sent. d. 19. q. 5. a. 1. ad 3. vbi S. Doct. dicit. Quod hæc quatuor conuertuntur: Ens, Vnum, Verum, Bonum. Ergò ex mente S. Doct. cū eodem ente conuertentur Verū, & Bonum, cū quo conuertitur & Vnū.

Cum ergò in omnium sententia, ( vt mox explicabitur ) Vnum conuertatur cum ente Nominaliter sumpto, etiam Verum, & Bonum cum eodem conuertentur.

Deinde hæc eadem Conclusio probatur fusiùs, diccurrendo sigillatim de omnibus passionibus; & primò de Vno, de quo, quamuis nullus sit, qui neget, illud cum ente Nominaliter conuerti, tamen, vt hoc fundamentaliter constet, prob. Omnis essentia, præcisa existentia ( quamuis cum ordine ad ipsā, quia sine ordine, essentia non esset ) est in se vna, ita quidem, vt nulla sit formalitas, nulla entitas, vel entitatis modus, quæ suā unitatem non habeat. Sed essentia, præcisa existentia, sunt Entia Nominaliter, vt ex supra dictis patet. Ergò nullum est ens Nominaliter, quòd non sit Vnum, ac per consequens. Vnum conuertetur cum ente Nominaliter sumpto. Minor cū veraque consequentia patet. Maior verò probatur ex Arist. 5. Metaph. tex. 11. vbi dicit. *Vniuersaliter, quæcunque non habent diuisionem, in quantum non habent, sic vnum dicuntur, vt si in quantum homo, non habet diuisionem, vnus homo, si autem in quantum animal, vnum animal.* Quæ ergo non habuerint diuisionem, illa vnum dicuntur: Vnde etiam Vnum definitur, quòd sit *Ens indiuisum in se*, vt seq. disp. dicetur. Sed quælibet essentia, præcisa existentia, immò quælibet formalitas, & modus est indiuisus in se, quia, cū prius sit esse indiuisum in se, quàm esse diuisum a quo;

quolibet alio, sicut quælibet essentia, etiam præcisa existentia, & quælibet formalitas, & quilibet modus est diuisus ab alio, qui non est ipse, ita etiam in se diuisus erit. Ergo, &c.

Confirmatur primò, quia præcisa existentia, essentia hominis nō est essentia Leonis, vel arboris. Ergo præcisa existentia, essentia hominis habet propriam unitatē, per quam diuiditur ab alijs, quæ non sunt ipsa. Ergo, &c.

Confirmatur secundò. Vbi potest esse numerus, ibi debet esse & Unitas, quia numerus ex unitatibus constat. Sed essentia, etiam præcisa existentia, faciunt numerum; verè enim, præcisa existentia, sunt plures. Ergo, &c. Possent huius plures rationes adduci, sed in re apud omnes certa immorari non libet, dando difficilioribus locum.

Probatur ergò, secundam passionem entis, sc. Verum cum ente nominaliter sumpto conuerti, & primò autoritate S. Tho. q. 1. de verit. Ratio Veri consistit in entitate habente conformitatem cum intellectu, vt infra explicabitur. Sed hæc ratio omni enti nominaliter sumpto cōpetit. Ergo & ratio Veri, ac per consequens. Verum conuertetur cum ente nominaliter sumpto. Maior patet cum vtraq. consequens. Minor autē probatur. Nam ens nominaliter sumptum significat, & ambit, vt iam explicatum est, omnem essentiam connotantem existentiam, siue illa sit essentia propriè dicta, quæ sc. est radix existentia, siue

sit essentia impropriè, siue formalitas, quæ non connotat propriam existentiam, quia eam non habet, sed alienam, per quam se. vel coexistit, vel coexistere potest. Sed hæc omnia important entitates habentes conformitatem cum intellectu, omnia enim hæc sunt intelligibilia, quia omnia sunt entia, ergo &c.

Confirmatur. Ità se habet res ad veritatem, sicut & ad entitatem, sicut in pluribus locis loquitur Aristot. & S. Tho. Ergo, quæ erunt verè, & propriè entia, erunt verè, & propriè vera. Sed entia nominal. sumpta, cum nihil non sint, sunt verè, & propriè entia; ens enim, & nihil, vt ex supra dictis patet, immediatè opponuntur. Ergo &c.

Probatur secundò euertendo fundamentum oppositæ sententiæ. Si propter aliquam rationem entia nominaliter non essent vera, vel maxime idèò, quia sub conceptu entis nominaliter sumpti clauduntur essentia, quæ non sūt radices existentiarum; iam autem ex pluribus auctor. S. Tho. constat, hoc requiri ad veritatem. Sed hæc ratio est nulla, quia, vt ex solutionibus argumenti constabit, licet ad veritatem requiratur cōnotatio existentia, non tamen requiritur, quòd essentia sit ipse radix. Ergo &c.

Confirmatur. Relationes Diuinæ, & similiter Attributa Diuina non sunt radices existentia, quia ibi est tantum vnicum esse. Sed Relationes, & Attributa dicunt

cunt proprias veritates distinctas à veritate Essentiae Diuinæ. Ergò &c. Maior, & consequ. patent. Minor autem probatur multiplic. primò ex illo 1. Ioannis cap. 5. *Vt simus in vero Filio eius, hic est verus Deus*: vbi veritas non solum attribuitur Filio, vt Deo, sed etiam, vt Filio. Ergò relatio filiationis dicit veritatem distinctam à veritate Deitatis, siue naturæ; aliàs non contradixisset Apostolus, istas veritates, quæ sc. Filius Dei est verus, vt Deus, & quæ est verus, vt Filius, Ergò ob paritatem rationis habebunt veritatem aliarum Relationes, & Attributa.

Nec valet, si dicis cum Nost. Salmat. tract. 6. de SS. Trinit. disp. 10. dub. 1. n. 35. Filium, & dici verum Deum, & dici verum Filium, non multiplici veritate, sed eadem, quia sc. vnica veritas essentiae Diuinæ, quæ, absolutè sumpta, facit illum Deum verum, inclusa in Filiatione, facit illum verum Filium.

Nam contra est. Essentia Diuina non includitur in Relationibus Diuinis per modum transcendentis transcendentia rationis, sed per modum transcendentis transcendentia rei. Hoc est autem discrimen inter Transcendens transcendentia rei, & transcendens transcendentia rationis quòd transcendens transcendentia rationis non retinet suam vnitatē, sed plurificatur ad plurificationē illorum, in quibus imbibitur, quia non distinguitur virtualiter ab ipsis; sicut ratio Entis diuini im-

bibita in relatione est relatio, in sapientia, est sapientia, in voluntate, voluntas &c. & sic de alijs; Sicut & ratio Entis, vt sic, imbibita in substantia, est substantia, in Accidenti, est accidens, propter eandem transcendentiam rationem. Hoc autem posterius, sc. transcendens transcendentia rei, et si in pluribus includatur, tamen retinet suam vnitatem, quia adhuc, vt inclusum in ipsis, distinguitur virtualiter ab ipsis. Et hoc modo essentia diuina transcendit Attributa, & relationes. Quæ omnia fusè explicant Nostri Salmat. in Tract. de Trinit. disp. 5. dist. 3. & in pluribus alijs huius tract. locis. Ergo id, quod competit Filio ratione essentiae, vt inclusæ præcisè, non competit illi, vt Filio, sed vt Deo, quia essentia, ratione cuius illi competit, non spectabit ad lineam relationis filiationis, sed ad propriam vnitatem, ac per consequens si ipsa veritas illi præcisè, ratione essentiae inclusæ competet, non erit propterea verus Filius, sed tantum verus Deus. Concedenda ergo est propria veritas filiationi, ratione cuius dicatur propriè verus filius.

Respondet fortè quis, essentiam Dei tribuere quidem Filio, vt sit verus Deus, si sumatur absolutè, tamen si sumatur, vt connotat relationem filiationis, & vt inclusa in ipsa, tribuit illi, vt sit verus Filius, eo proportionali modo, quo eadem essentia confitens in intelligere primordiali, si absolutè sumatur, nec generat, nec

gener.

generatur; Si tamen sumatur, ut connotat relationem Paternitatis verè generat; Unde dictio ex parte recti non distinguitur ab intellectu primordiali, ut constitutiua essentiae, sed tantum ratione connotati, ut eruditissimè explicant nost. Salmant. Tract. disp. cit. Sed.

Contra est. Nam licet verum sit, posse multa prædicata competere essentiae diuinæ ratione connotatorum, quæ non competunt ipsi absolute sumptæ; non tamen ipsi potest aliquod prædicatum competere de nouo, nisi etiam de nouo addatur aliquod connotatum, ut patebit discurrenti per omnia prædicata de nouo essentiae competentia. Ergo quia filiatione connotata ab essentia in ipsa inclusa iam tribuit essentiae sic inclusa denominationem genitæ, quia illud complexum ex essentia, & filiatione genitum dici potest, non tribuit illam nouam denominationem eidem essentiae, nisi ratione alicuius noui prædicati, quod in ipsa connotaretur. Ergo nisi ponatur in ea aliqua veritas ipsi propria, non poterit essentia, etiam ut connotans filiationem, facere filium Dei verum Filium, sed tantum verum Deum. Ergo &c.

Secundo probat. minor. Quidquid conuenit Relationibus creatis, ( si in suo conceptu non inuoluit imperfectionem ) conuenit etiam & Diuinis, quia in Deo sunt omnes perfectiones creaturarum, demptis imperfectionibus. Sed

Relationes Creatæ afferunt propriam veritatem, & hoc nullam inuoluit imperfectionem. Ergo & Diuinæ illam afferent. Maior, & Consequentia patent. Minor verò probatur. Primò quoad 1. p., quod sc. Relationes creatæ afferant propriam veritatem, quia dicunt propriam intelligibilitatem, quod nullus negare potest, cum intelligantur per proprias species distinctas à speciebus suorum fundamentorum. Deinde quoad 2., quod afferre propriam veritatem nullam inuoluat imperfectionem, satis ex se liquet, quia veritas tantum abest, ut dicat ex suo conceptu imperfectionem, quin potius summa perfectio est.

Tertiò probatur eadem Minor. Nam Verbum Diuinum procedit ex cognitione Personarum, ut docent Nostri Salmant. cit. iam tract. de Trinit. disp. 12. dist. 1. Ergo procedit ex cognitione Trinitatis, qua Trinitas est, quia Personæ sunt, quæ constituunt Trinitatē. Ergo Trinitas, qua Trinitas, cognoscitur; Ergo qua Trinitas habet veritatem, quia cognitio in obiecto supponit veritatem. Sed Trinitas, in ratione talis, constituitur per Relationes, quia per hoc, in ratione talis, Trinitas constituitur, per quod Personæ ad inuicem distinguuntur, quas tamen certum est, distingui per Relationes; In Diuinis enim omnia sunt idem, ubi non obuiat oppositio relationis, iuxta vulgare Theologorum axioma, Ergo de primo ad vltimum procedendo, Relationes di-

dicent propriam veritatem, quæ competit Trinitati, vt tali: Neq; Enim potest dici, quòd hæc veritas sit essentia, vt inclusæ in Relationibus, & connotantis ipsas; Tū propter superiùs in probatione prima huius minoris dicta; Tū etiā, quia, quod competit Personis ratione essentia, etiam vt inclusæ in Relationibus, competit ipsis, vt sunt vnum, seu, vt sunt vnitas, non autem, vt sunt Trinitas: quod enim ipsis competit, vt in hac ratione omnino indistinctis pertinet ad rationem vnitatis illarum, iam autem quod competit ipsis ratione essentia, adhuc vt inclusæ in Relationibus, competit ipsis, vt omnino indistinctis, quia in Essentia, etiam, vt inclusæ, nullo modo distinguuntur, vtpotè quæ in illis imbibitur per transcendentiam rei, ideoque sine iactura suæ vnitatis, vt ex dictis patet. Ergo &c.

Quartò probatur eadem minor, Insigni auctorit. S. Thom. ex qu. 1. de Verit. art. 2. vbi S. Thom. cū quæsiisset, Num veritas in Diuinis personaliter, vel essentialiter dicatur, in Corp. art. distinguit duplicem veritatem; aliam propriā aliam Metaphoricam. Et de propria quidem (quam dicit consistere in æqualitate Diuini Intellectus & rei) affirmat, quòd essentialiter, dicitur, quia sola Essentia Diuina hanc æqualitatem importat: De Metaphorica autem subdit hæc, quæ sequuntur. *Metaphoricè autē, vel similitudinariè accipitur veritas in Diuinis, quando accipimus eam secundū rationem illam, quæ inue-*

*nitur in rebus creatis, in quibus dicitur veritas, secundū quòd res creata imitatur suum principium. sc. Intellectum Diuinum: Vnde & similitèr hoc modò dicitur veritas in Diuinis summa imitatio principij, quæ Filio conuenit; & secundū hanc acceptionē veritatis, veritas propriè dicitur de Filio, & personalitèr.*

Pro cuius auct. int.elligētia duo sunt adnotanda. Primum, quod S. Thom. veritatem illam propriam, dixit, importare æqualitatem Intellectus Diuini, & rei, ac proinde optimè attribuebat hanc veritatē soli Essentia, quia sola est quæ omnino conuenit in immaterialitate cum intellectu Diuino, nam illa sola est, quæ est suum esse absque distinctione virtuali, quod Attributis, & Relationibus non competit, quia existunt per esse distinctum virtualiter, sc. per esse ipsius Diuinæ Essentia, nam tantum est vnicum esse in Diuinis.

Secundum est, quòd cū S. Thomas dixit, veritatem in secūda acceptione esse veritatem metaphoricam, non sic est intelligendus, sicut illum explicant Nostrī Salmat. tract. cit. de Trin. disp. 10. dub. 1. num. 26. quòd sc. hæc veritas sit propriè Metaphorica; aliàs enim nulli Creaturæ veritas propria competere, quia nullam aliam habent, præter hanc, quia semper, & intrinsecè respiciunt Intellectum Diuinum, vt principium; Sed vocauit Metaphoricā, propter analogiam, quæ cum illa prima Veritate analogatur; iam

autem quælibet analogia diuersitatem claudit; Vnde etiam, ( vt optimè aduertunt nostri Cōplut. in sua Log. in Antepredic., docuitque expressè S. Thom. opusc. 48. tract. 2. c. 1. ) Aristot. sub definitione æquiuocorum, quorum sc. ratio substantiæ, per idem nomen significata, est diuersa, comprehendit analogā. Ideoque, vt S. Doctor diuersitatem inter has veritates innueret, vnā dixit propriam, alteram Metaphoricā. Et præcipuè cum S. Thom. veritatem competentē Creaturis vocauit Metaphoricā, attendebat ad analogiam attributionis, quæ Creaturæ analogantur cum Deo, vt ex supra dictis disp. 1. huius tract. qu. 4. patet. Quia enim analogia attributionis valdè symbolizat cum analogia proportionalitatis Metaphoricæ; vnde etiam ferè easdem conditiones vtraque habet, vt optimè aduertunt: nost. Complut. in Log. disput. 10. qu. 3. inde est, quòd S. Doct. propter vtriusque analogiæ affinitatem, vni alterius nomen indidit, & analogiam veri creati ad primam veritatem, quæ est analogia attributionis, ( licet simul sit etiam proportionalitatis propriæ, vt supra de Ente diximus ) Metaphoricā appellauit.

Hinc ergo iam ad dictam Minorem præbādam tale ex hac nobili S. Doct. auctorit. eruitur argumentum. Nam veritas, secundum quam res illa dicitur vera, quæ imitatur suum principium, sc. Intellectum Diuinum, est veri-

tas propria ( quamuis à perfectione veritatis, quæ omnē æqualitatem cum eodem intellectu diuino dicit, non nihil differt; Vnde etiam hæc veritas Creaturis, quæ vtrique habent veritatem propriam, competit ( Sed veritas ( verba sunt auctoritati S. Doct. ) secundum hanc acceptionem propriè, & personaliter dicitur de Filio. Ergo veritas propria propriè, & personaliter ratione relationis competit Filio, ac per cōsequens Relatio filiationis dicit propriā, & personalem veritatem. Et cum de cæteris relationibus, nec non & Attributis par sit, ratio, omnia ista proprias importabunt veritates, etsi tantum sint Entia nominaliter, proindeq; enti nominaliter, qua tali, veritas competet, cum ipsoq; conuertetur.

Subueniebāt multò plures huius Minoris probationes; sed quia theologica est, ideoq; ad nostrum institutū minùs spectat, eas omitimus, quia & in his, vltra debitum Philosophi, diutiùs immorati sumus. Sed ita fieri debuit, quia præcipuam, tam in hac, quam in sequenti passione enti nominaliter sumpto applicanda, relationes diuinæ faciunt difficultatē, & ideo vtrobiq; hæc res paulò fusiùs discuti debet. Est ergo.

Tertia ratio qua prob. Enti nominaliter, seu vt prescindit ab existentia, quamuis connotet illam (etsi non sit radix illius) hanc secundam entis passionem, sc. Veritatem competere. Nam tantum abest, vt existentia habita, faciensq;

Ens

Eus participialiter, requiratur ad rationem veri, quin potius rem-  
maturius perpendenti videtur, de  
materiali tantum importari ex  
communi ratione essentiz, à qua,  
vt supra diximus, est impræscindi-  
bilis ordo ad existentiam. Quod  
evidenter ostenditur. Nam in pri-  
mis res omnes ad hoc, vt sint in-  
telligibiles (intelligibilitas autem,  
vt iam toties diximus, præsuppo-  
nit veritatem, siue tanquam ratio-  
nem formalem, siue tanquam con-  
ditionem necessariam obiecti; de  
quo disputant Philosophi in lib.  
de Anima) præscindunt ab hic, &  
nunc, à quo tamen nec ens parti-  
cipialiter, quod, sicut, & ipsum  
participium, importat respectum  
ad tempus, neque ipsa existentia,  
quæ est forma constitutiva Entis  
participialiter, præscindere ne-  
quit; quod manifestum signum est,  
nullo modo existentiam ad ratio-  
nem Veritatis spectare, nisi fortè  
materialiter, & præsuppositiuè.

Deinde quia; Entis rationis es-  
se, siue existentia est actu obijci  
intellectui; prius autem debet sin-  
gi, & concipi, quam in esse quieto  
obiiciatur. Ergo prius prioritate  
à quo, & independentiæ cogno-  
scitur, per illam sc. cognitionem,  
per quam fingitur, quam existat,  
ac proinde prima eius cognitio,  
per quam illi primò communic-  
tur illud esse fictum, quod post-  
modum in sequenti signo, in esse  
quieto obiectum intellectui, exis-  
tet, non dependet ab existentia.  
Ergo cum dependeat à Veritate,  
quia nihil cognoscitur, nisi verum,

vel habens aliquam rationem, sicut  
similitudinem veri, planè, & per  
evidentem consequentiam rem-  
subtilius, paulò eleuatius (quæ per-  
pendenti constabit, quod ratio  
veri ab existentia non dependet,  
nisi ex communi proprietate es-  
sentiarum, quæ existentias impræ-  
scindibiliter, vt iam diximus, re-  
spicere debent.

Tandem id ipsum ex Mysterio  
Incarnationis ostenditur. Nam  
nisi quis impius, & blasphemus es-  
se velit, negare nequit, quod Chri-  
stus Dominus fuerit verus homo;  
Quæro ergo; Vnde ipsi ista veri-  
tas, qua dicebatur, verus homo,  
cōpetebat? utique quilibet diceret,  
quod ab essentia. Non fuit autem  
illa essentia, in via D. Thom.  
actuata existentia creata, & hu-  
mana, Immo neque appetitum  
ad ipsam habuit, quia eius incli-  
natio, qua ferebatur in connat-  
uralem sibi existentiam, fuit sa-  
tiata per existentiam perfectio-  
rem Verbi, habuitque se in sensu  
composito, & formaliter, vt exis-  
tens per existentiam Verbi, ad  
propriam existentiam, ac si non  
esset, nec possibile esset. Et tamē  
adhuc, vt existens Christus per  
existentiam Verbi, in sensu com-  
posito, quatenus sic existens, erat  
verus homo. Ergo euidenter con-  
stat, non petere Veritatem ex con-  
ceptu Veritatis, vt sic, ordinem ad  
existentiam, quia Christo, præcisè  
ordine ad existentiam humanam,  
(quem, in sensu compositio eius  
existentiæ per existentiam Verbi,  
præscindi necesse erat) propter



selam essentiam per alienam existentiam, cuius ipsa radix non erat, existentem, veritas hæc, quæ verus homo, & erat, & dici poterat, competebat. Ergo &c.

Tandem probatur, ultimâ passionem Entis, sc. Bonum cum ente nominaliter, sumpto conuerti, non v. r. cum ente participialiter. Quamuis enim, & enti participialiter, seu enti existenti, competeat, sicut & Verum, tamen latius patet, quia etiam ad ens Nominal; seu ad ens præscindens ab existentia, extenditur.

Prob. hoc 1. auct. S. Tho. ( quæ etiam dicta circa veritatem non parum roboratur ) Nam S. Doct. in 1. d. 19. Q. 5. ar. 1. ad 3. dicit. *Quod hæc quatuor conuertuntur, Ens, Bonum, Vnum, & Verum.* Hinc enim ad nostrum intentum sic arguo. Eorum, quæ conuertuntur, vnum non potest latius patere, quàm aliud. Ergo si Vnū, Verum, & Bonum conuertuntur, non poterit latius extendi Vnū, quàm Bonum, & Verum. Sed, Vnum non tantum inuenitur in entibus participialiter, sed etiam extenditur ad entia nominaliter, cum res non solum quantum ad existentiam, sed etiam quantum ad essentiam habeant suam unitatem; vnde, vt communiter docent Logici, Naturæ in quavis abstractione habent suam unitatem formalem, ratione cuius sunt materia Vniuersalis, vt optime, & fuse docent Nostri Complut. in Log. d. 3. de essentia vniuersali. Ergo, & Verum, & Bo-

num, si semel, vt vult Angel. Doct. conuertuntur cum Vno; debent extendi ad ens, etiam nominaliter sumptum, cum illoque conuerti.

Prob. secundò. Vbicunque inuenitur perfectio, ibi inuenitur & bonitas, vt ex supradictis in hac eadem quæst. patet. Sed ens nominaliter sumptum, in sensu à nobis explicato, dicit perfectionem. Ergo & bonitatem. Maior, & consequentia patent. Minor autem prob. Nam id, quod dicit integritatem, dicit, & perfectionem: Perfectum enim illud est, cui nihil deest. Sed ens nominaliter sumptum dicit integritatem, quia et si existentiam non dicat, hæc tamen ad integritatem essentialem, & intrinsecam rerum ( sola essentia Dei excepta ) non spectat, cum existentia nulli Creaturæ sit essentialis, vt infra dicitur. Ergo &c.

Confirmatur primò. Si daretur aliqua essentia, cui aliqua formalitas, ad ipsius integritatem essentialem requisita, deesset, illa essentia imperfecta esset. Ergo essentia, quibus ad integritatem essentialem nihil deest, perfectæ sunt; Contrariorum enim eadem est ratio.

Confirmatur secundò. Quando concipis ens nominaliter, quæ tale, concipis ens, vt ens, quia conceptus entis, & rei est idem cum conceptu entis nominaliter sumpti; Ens enim, vt ex supradictis patet, significat essentiam: Vnde ( vt tacite obiectioni respondeat )



tur) quando ens, vt sic, diuiditur in ens nominaliter, & participialiter, diuiditur eadem res in diuerfos modos essendi, & significandi, quia eadem essentia, vt primario significata constituit ens nominaliter, eadem verò essentia, vt secundario significata à nomine primario significante existentiam, dicitur ens participialiter. Sed omne ens, in quantum ens, est perfectum, quia ly, in quantum est ens, reduplicat non deficientiam ab ente; ergò perfectionem; si enim imperfectum esset, aliquid ipsi deesset. Ergò cum deficientia non sit, nisi non entis; deficientia enim est quædam carentia, quæ est non ens; quod autem reduplicat ens, reduplicat non deficientiam, aliàs si hanc diceret, esset potius ens, in quantum non ens, non verò ens in quantum ens. Ergò in quantum ens, cum deficientiam non dicat, integritatem dicit. Ergò perfectionem, quæ in integritate consistit. Ergò bonitatem, quia bonum, & perfectum conuertuntur. Ergò &c.

Probat. tertio. Nullum ens nominaliter, siue, quod idem est, nulla essentia creata, & realis assignabilis est, quæ suam bonitatem non dicat, vt ex solutionibus argumentorum patebit. Ergò Bonum conuertetur cum ente nominaliter sumpto. Ergò &c.

Non vtor hic ratione P. Blasij, qua ille vtitur ad probandum, rationem Boni soli enti nominaliter sumpto competere; quia Bonum non potest conuenire enti

participialiter semper; Ergò non est passio ipsius, sed entis nominaliter sumpti, seu, quod idem est, entis præscindentis ab existentia, licet non ab ordine ad ipsam. Cōsequenter patet, quia propria passio, sicut debet conuenire omni, & soli, ita etiam debet conuenire semper. Ergò si Bonum non conuenit semper enti participialiter, non erit passio ipsius. Antecedens autem prob. Ens participialiter, seu in actu exercito cōsideratum, non est semper, sed aliquando est, aliquando non est, cum existentia in actu exercito conueniat cōtingenter enti creato. Ergò &c.

Similiter eius confirmatione, vtraque non vtor: Quarum prima est. Propositiones, in quibus propriæ passionis prædicantur de essentia, sunt æternæ veritatis, & in materia necessaria. Ergò cum ens participialiter sumptum necessario inoluat contingentiam (potest enim esse, & non esse) ens participialiter non poterit esse subiectum in propositione æternæ veritatis. Ergò &c.

Secunda est talis. Scientiæ, in quibus passio demonstratur de subiecto, sunt de æternis, & necessarijs. Ergo subiectum passionis, quatenus tale debet absolui, à tempore, esseque quid æternū, Ergo Bonum non est passio entis, quatenus exercetur in tempore, sed entis nominaliter sumpti, quatenus ens ab omni prorsus tempore absoluitur.

His, inquam, ipsius rationibus non vtor. Nam licet verum sit, quod

quod probant, tamen ex malis principiis probant. Illud enim, fundamentum, cui ipsius ratio innititur, quod sc. Proprium debet convenire semper, non est intelligendum, quasi semper, siue existente, siue non existente subiecto, debeat ipsi propria passio in exercitio convenire, ut videtur supponere P. Blasius in sua ratione; hoc enim falsum est, quia risibilitas, quæ est hoc modo proprietatis hominis, ut ipse Porphyrius dicit, non competit semper in exercitio homini, nam homini non existenti, in exercitio competit: sed est intelligenda secundum distributionem accommodatam, ita ut existenti essentia competat in exercitio, essentia vero futura, vel possibili competat, ut futura, vel possibilis. Et hoc modo, etiam concederemus, Bonitatem esse passionem Entis participialiter, competere ipsi Bonitas semper, sicut homini risibilitas semper, modo explicato, competit; quia nimirum enti in actu exercitio existenti competere actu, & in exercitio, enti vero possibiliter existenti, possibiliter competere.

Et per hoc pater, in quo dictus P. Blasius in suis confirmationibus deficiat: Ad hoc enim, ut propositiones sint æternæ veritatis, non requiritur; quod subiecta, de quibus fit enuntiatio, ab æterno, & in æternum existant, alias de solo Deo propositiones æternæ veritatis enunciari possent, cum solus ille ab æterno existat, & in æternum existens sit; sed

sufficit indissolubilis colligatio inter prædicatum, & subiectum, siue illud existat, siue non; ratione cuius colligationis, seu identitatis intellectus cognoscit, hoc verè enunciari de illo. Et hoc modo, etiam dato, quod Bonum esset passio Entis participialiter, esset propositio æternæ veritatis. (Ens participialiter est Bonum) quia semper hoc subiectum cum bono, tanquam cum sua proprietate, connexum, colligatumque esset saltem negativè (de quo alibi,) sicut & homo cum sua risibilitate, unde etiam non existens homine, verum est dicere Hominem esse risibilem.

#### §. 4. Satisfit argumentis pro prima sententia adductis.

**I**am satisfaciendum est argumentis oppositarum opinionum: Et quidem incipiendo à prima, illud argumentum, quo probatur, Unum etiam competere Enti participialiter sumpto, solutione non eget; id enim nos libenter concedimus. Sed, quod negamus, est, illud, ita competere Enti participialiter, ut non latius pateat, neque competat Enti nominaliter sumpto; Cuius contrarium, quia argumentum non probat, solutione non indiget.

Ad illud verò argumentum, quo probabatur, Verum non converti cum Ente nominaliter sumpto, resp. negando minorem, ad cuius

cuius probationem negatur, Relationes Diuinas veras non esse: Sicut enim Relationes Diuinæ habent suas rationes formales relationis, ita habent, & veritates. Et ad instantiam, quia non sunt in Diuinis tres veritates, resp. distin. tres veritates entitatiuæ, & fundamentaliter: Concedo; tres veritates formaliter: Nego. Pro cuius euidencia

Sciendum est, quod Relationes Diuinæ, licet virtualiter distinguantur ab Essentia, quia æquivalent pluribus rebus in nobis realiter distinctis, & ad diuersas lineas spectantibus, nimirum essentia, & relationi, tamen non distinguuntur realiter, tanquam res à re, ut volebat Gilbert. Porret., neque distinctione formali ex natura rei, ut affirmat Scotus, alias Relationes formaliter sumptæ non essent Deus, quod dicere impium est. De quo videri possunt Nost. Salmat. Traæt. 6. d. 5. dub. 2. per totum. Cum ergo veritas consequatur entitatem, sicut passio, suum subiectum, vbi, & quomodo erunt distinctæ entitates, ibi, & eodem modo erunt distinctæ veritates. Vnde cum in Diuinis sit vna Entitas realis, entitatiuæ, & realiter erit ibi vna veritas; quia verò Relationes distinguuntur ab Essentia virtualiter, formaliter erunt tres veritates, virtualiter ab essentia, à se verò realiter distinctæ, sicut ipsæ Relationes à se inuicem distinguuntur realiter.

Ex quo pater, Authoritates S. Thom: non pugnare contra nos:

ibi enim clarè S. Tho: dicit, quod & nos dicimus; vbi, ut ostenderet in Diuinis non esse plures veritates dicit: *Trium personarum vna est essentia, quamuis sint plures proprietates, quibus distinguuntur, quæ tamen omnes non differunt secundum rem ab Essentia, ita etiam est vna veritas trium personarum ex parte ipsius rei, de qua est enunciatio.*

Vbi duo sunt notanda. Primò, quod S. Doct. inde negauit plures veritates in Diuinis, quia proprietates personales non differunt secundum rem ab Essentia; Vnde non negat, illas esse veras, sed negat, veritatem illarum secundum rem distinguui ab essentia, atque idcirco ostendit, quod ostendere intendebat, vnam esse realiter primam, & æternam Veritatem. Quod si S. Doct. existimasset, Relationes, secundum proprium conceptum, nullam dicere veritatem, planè se à difficultate in argumento proposito expediuisset, negando absolute, Relationes, vel proprietates personales dicere aliquid veritatis; nec recurrisset ad eorum cum essentia realem identitatem, quod tamen non fecit, ne veritati, sicut, & realitati Relationum Diuinarum detraxisse videretur; vnde & in argumento, sed contra, dicit, quod *Veritas in Diuinis est vna tantum, sicut & essentia*; ut innueret, quod, sicut omnia Diuina cum Essentia Dei sunt idem realiter, quamuis distincta virtualiter ab ipsa, ita & veritates ipsorum, si, cum essentia conferantur, sicut

il.

illas cum illa confert S. Thom: restrictiue. *Ex parte ipsius rei, de qua fit enuntiatio, sunt vna Veritas realiter, quamvis sint virtualiter plures.*

Secundò aduertendum est, quod S. Doct. expressè in cit. auct. dicit, quod in Diuinis vna est veritas trium personatum ex parte ipsius rei, de qua fit enuntiatio. Ergo manifestè sentit, quod in Diuinis veritas non fit simpliciter, & omnibus modis vna, ita ut non sit vltimo modo multiplex. Si enim hoc non sensit, ad quid, quæso, illam particulam restrictiuam, *ex parte ipsius rei*, addidit. Immo potest hinc efficax sumi pro nostra opinione argumentum. Exceptio firmat regulam in oppositum. Ergo cum S. Thom: , ex parte ipsius rei tantum, de qua fit enuntiatio, dicat, vnam esse veritatem in Diuinis, ex parte formalitatum enunciarum erit ex mente S. Doct. multiplex. Et per hoc patet solutio ad secundam auct. S. Thom. ex quæst. de verit. de promptam, nam ibi etiam addit illam particulam restrictiuam, cum dicit: *Patrem, esse, vel generare Filium, esse, vel genitum esse, secundum quod ad rem referuntur, est veritas vna.*

Sed obijcies. S. Thom. loc. cit. ex quæst. 1. de verit. in resp. ad 19. expressè dicit, quod *ratio veritatis non fundatur super rationem Paternitatis, & Filiationis, in quantum huiusmodi, sed super rationem Entitatis.* Ergo ex mente S. Doct. non erunt in Diuinis veritates, etiam formaliter plures; Si

enim veritas non fundatur super Relationes, non est, vnde plures, fietur.

Resp. quod, adhuc concessio, veritatem super Relationes, quales, non fundari, possent dici in Diuinis plures virtualiter veritates, quia vnumquodque attributum dicit, sicut propriam formalitatem ab Essentia Dei virtualiter distinctam, ita & propriam veritatem à veritate essentiae Diuinæ similiter distinctam. Sed de hoc alibi.

Ad obiectionem directè resp. ; admittendo auct. S. Thom: , & negando consequent. Quia enim in relationibus, adhuc secundum, esse ad, possumus eas considerare, seu, formaliter loquendo, idem esse ad, possumus considerare dupliciter. Primò, secundum suam præcisam rationem respiciendi terminum, non considerando tunc quidquam de entitate, & integritate in suo esse formali relationis. Secundò, comprehendendo illa cognitione relationem adæquate secundum totum suum esse relatiuum, in quo duo quodammodo concipi possunt, & quod ens sit, & quod relatiuum sit. S. Thom. ergo, quando dixit, quod Veritas non fundatur supra rationem Paternitatis, vel Filiationis in quantum huiusmodi, locutus est de Relationibus Paternitatis, & Filiationis primo modo, quod, ut innueret, addidit illam particulam reduplicatiuam, *in quantum huiusmodi.* Et profectò verissimum est, relationes, ex for-

malissimo conceptu respiciendi aliud, non fundare veritatem, quia ex hoc conceptu solum habent respicere terminum, non autem adæquari intellectui. Cæterum cum hoc stat, ut Relationes secundo modo acceptæ, secundum quod sunt aliqua entia Diuina in Diuinis, creata in creatis, fundent veritatem, quæ consequitur omnem entitatem. Sic ergo, ut brevibus totum comprehendam, ex mente S. Thomæ, & secundum rei veritatem, illa entitas relatiua in Diuinis, v. g. Paternitas, vel Filiatio, fundat veritatem, ut est entitas, non autem in quantum huiusmodi, ut loquitur D. Tho. id est non in quantum relatiua, quia, & in vniuersum, Veritas est Passio entis, ut ens, non autem entis, ut est tale ens.

Ad secundam probat. resp. cōcessa Maiori. Neg. Mino. ad cuius probat. respondemus, non esse in illa formalem locutionem, non enim dicitur magis verum, sed plurius verum, quod est aliquot veritatibus verum. Sicut enim ratio veritatis consistit in conformitate cum intellectu, ita magis veritatis in maiori conformitate: iam autem res aliqua integre in sua formalitate conformis intellectui, & per consequens simpliciter vera, non erit minus vera, comparata cum alio, quod est pluribus veritatibus verum, quia neque minus conformis. Sicut in materiali exemplo, Quantitas tricubitalis est maior triplo quantitate cubitali, & tamen, si istæ duæ

quantitates conformentur suis mensuris, quantitas sc. cubitans mensuræ cubitali, & quantitas tricubitalis mensuræ tricubitali, quis sanæ mentis dicet, quantitatem tricubitalem, quia cubitalem triplo excedit, magis conformari suæ mensuræ, quam cubitalem suæ? Ità ergo & in præsentī Philosophandum est, quod sc. et si Relationes dicant proprias veritates, non ideo duæ Personæ sūc magis veræ, quam vna, sed quod illæ sint pluribus veritatibus veræ; quod non videtur repugnare ipsarum æqualitati, sicut neque repugnat, quod duæ Personæ sint pluribus realitatibus res, quam vna, quod etiam ipsi saluat. admittere debent, qui docent, res pluralificari in Diuinis.

Resp. secundò ad eandem probationem. Pro cuius intelligentiæ supponendum primò, omnem perfectionem simpliciter simplicem reperiri in Deo formaliter; hoc enim postulat ratio perfectissimi entis, ut in eo omnis perfectio, nullam dicens imperfectionem, qualis est perfectio simpliciter simplex, reperiat formaliter; aliæ verò perfectiones, quæ non sunt simpliciter simplices, reperiantur in Deo eminenter, de partibus sc. imperfectionibus. Ne autem lateat, quid sit perfectio simpliciter simplex.

Sciendum est, illam à S. Damasceno definiri sic. Perfectio simpliciter simplex est illa, quæ est melior ipsa, quam non ipsa, vel quælibet impossibilis cum

N n ipsa,

ipsa. Quam definitionem, & adnoscant, & explicant Theologi.

Supponendum est secundò, aliquam perfectionem ex duplici capite posse non esse simpliciter simplicem. Vel propter limitationem, vel propter oppositionem: de limitatione clarum est; quòd autem & oppositio relatiua (de qua sola sermo) derogat perfectioni simpliciter simplici, hoc in creatis demonstrari non potest, in quibus omnis perfectio per limitationem coarctatur, ut non sit simpliciter simplex. Ceterum in Diuinis Relationibus, de quibus etiam nunc loquimur, aptum huius rei suppetit exemplum, cum enim in Diuinis Relatio, v. g. Paternitatis non sit melior, quam relatio Filiationis (quamuis relatio Paternitatis ratione oppositionis relatiuæ sit impossibilis cum relatione Filiationis, & similiter è contra) planè sequitur, utramque rationem oppositionis relatiuæ non esse perfectionem simpliciter simplicem, quia perfectio simpliciter simplex melior est ipsa, quam non ipsa, vel quolibet impossibilis cum ipsa. Ex quo fit, &

Supponendū est tertio, quòd in illa Diuinæ Naturæ perfectissima entitate omnes perfectiones, quæ non sunt simpliciter simplicis, debeant contineri eminenter, (dèp'tis sc. imperfectionibus), etiam formalitates Relationum, quamuis aliàs formaliter sint in Deo, (abstrahendo pro nunc ab hoc, an dicant, vel non dicant ex vi

suz lineæ perfectionem relatiuā, de quo paulò inferius) continebuntur in Essentia Diuina eminenter, denudta scil. non quidem imperfectione, (qua omnimò caret, quia Diuinæ sunt) sed oppositione, quæ intra lineam entis absoluti, qua talis, inueniri non potest; quamuis & alio modo Relationes Diuinæ contineantur in Essentia Diuina, virtualiter scil; tanquam in sua radice, & fonte totius entis Diuini. Quibus prænotatis.

Ad argument. resp. negando illam propositionem: Plures veritates habebunt Pater, & Filius, quam Pater solus: quia vna Persona, etsi non formaliter, eminenter tamen, siue virtualiter habebit veritatem aliarum. Vnde sicut Essentia non habet plus veritatis cum Relationibus, quam sine ipsis, quia ipsæ Relationes cum suis veritatibus in ipsa includuntur, ita neque tres Personæ plus habebunt de veritate, quam vna, quia in illius vnica proprietate personali includitur Essentia per modum transcendentis, quæ aliarum Relationum veritates in se continet: Per quod pater ad authorit. S. Augustini, cui hæc probatio innitur.

Ad tertiam probationem resp. Veritatem fundari quidem in entitate, non tamen supra illam solam, quæ est principium essendi, sed in omni illa, quæ aliquo modo respicit esse. Et hoc tantum voluit Aug. quando dixit, *Verum esse id, quod est*; idest fundamentum veritatis, vel est essentia existens,

stens, vel capax existentiz.

Nec refert, si vergeas in fauorem Salmat. S. Augustinum per Ly, quod est, insinuas, verba huius definitionis designare non, qualemcumque essentiam, sed illam, quæ est radix existentiz, quia sicut illi soli subsistere competit, ita & esse, vt quod. Nō, inquā, hoc refert, nam S. August. per illa verba, quod est, solum insinauit, essentiam quamcumque, & non existentiam esse fundamentum veritatis, ideoque per illam particulam, quod est, solam existentiam excludit, quia hæc non est, quod est, sed quo aliquid est, non autē aliquam essentiam, cui competit aliquo modo esse, vt quod.

Ad vltimā probationem resp. Concedendo Maiorem, & negando Minorem: Ad cuius probat. resp. 1. probabile esse, (quod etiā ipsi Salmat. fatentur) Relationes Diuinæ posse habere rationē speciei intelligibilis, quamuis de facto hoc non contingat ex suppositione, quia nimirum iam per Essentiam Diuinam Diuino Intellectui, in ratione speciei intelligibilis, intimē vnitam, repræsentantur.

Resp. secundò, admittendo, Relationes Diuinas non posse habere rationem speciei intelligibilis respectu Intellectus Diuini, quia non sunt principia essendi; hoc tamen non prouenit ex communi ratione specierum intelligibilium, sed ex speciali ratione in intellectu Diuina inuēta: Quia enim ibi Intellectus, intellectio,

& species intelligibilis debēt esse omnino idem sine distinctione, virtuali, nil mirum est, quòd Relationes ibi rationem speciei intelligibilis habere non possunt, vtpotē quæ sunt virtualiter ab intelligere Dei, sicut & ab Essentia ipsius, in illo primordiali intelligere consistente, distinctæ; quod eruditè nost. Salmat. loco in argumento, quod soluimus, citato deducunt. Cū ergo in alijs intellectibus tanta identitas nō requiratur, planum est, non requiri ad rationem speciei intelligibilis, vt sic, vt tantum illius nature sit, quæ est principium existendi.

Similiter illa, quæ in eadem probatione ex doctrina Salmat. obijciuntur, non conuincunt; Cōcesso enim, (quod libenter facimus) existentiam in ordine intelligibili esse effectum, seu quasi effectum prouenientem à specie intelligibili, ideoque speciem intelligibilem debere sibi vindicare existentiam in ordine naturali, ad hoc, vt sit causa, seu quasi causa intellectus, quæ est existentia ordinis intelligibilis, hinc nihil contra nos; nām quòd species intelligibilis debeat supponi existens in ordine naturali, antequam causet intelligere, quod est existentia ordinis intelligibilis, hoc non requiritur ex ratione veritatis, vel intelligibilitatis, quasi ad hanc petatur natura existens, vel quæ sit radix existentiz, sed ex generali ratione causæ efficiētis, quæ de necessitate existens

esse debet ad hoc, ut agat: Vnde cum species intelligibilis concurrat in genere causæ efficientis ad intellectionem, nil mirum, quod debeat supponi, ut existens in ordine naturali: Quæ ratio, cum non currat in obiectis, planum est, ipsa sicut intelligibilitatem, ita & veritatem posse habere absque eo, quod vel habeat exercitium existentie, vel sint radices existentiarum.

### §. 5. Satisfit argumentis aliarum opinionum.

**A**D argumenta secundæ sententiæ nihil dicendum occurrit, quia nostram sententiam probant; Solumque in hoc Auctores dictæ sententiæ à nobis differunt, quia ipsi non explicat in essentia, cui competit bonitas, debeat dicere ordinem ad existentiam, nec ne? Cæterum supposito, quod hic ordo est intrinsecus omni essentia, & inpræscindibilis ab illa, hæc secunda opinio coincidet cum nostra.

Ad illud autem argumentum, quo P. Philippus suam sententiā probat, quod sc. Bonum solum ut præuenit rationem perfecti, conuertatur cum ente Nominal. sumpto, resp. neg. minorem; ad cuius probationem dicimus, perfectum esse illud, cui nihil deest, debitum ipsi, ad ipsiusque integritatem requisitum, non autem illud, cui nihil absolutè deest. Hoc enim modo solus Deus perfectus

est, qui omnes perfectiones in se complectitur, aliis autem à Deo, quæ limitatam perfectionem habent, hoc competere nequit; Sicut homo, licet ipsi desit spiritualitas, vel perpetuitas, seu immortalitas, (quæ utique maximæ sunt perfectiones) non tamen imperfectus erit, quia ipsi hæ perfectiones debitæ non sunt, vnde carento ipsi, perfectus tamen erit, quia nihil illi deerit, quod sit debitum ipsi. Cum ergo enti Nominaliter non sit debita existentia, sed tantum ordo ad ipsam, habita sua integritate essentiali, etsi existentia careat, perfectum esse, dicique potest.

Ad argumenta P. Blasij pater, quid dicendum sit ex his, quæ pro nostra assertionem adduximus, ubi eadem soluius quantum ad hoc; in quo nostris principijs, & ipsi contrariantur veritati.

Ultima tandem opinio, quæ est P. Andreæ a Cruce ferè coincidet cum nostra, vnde argumentum ab ipso adductum non æget solutione, nisi, quod notandum est, non bene in illo dici possibilia nullū dicere ordinem ad esse; dicunt enim ordinem possibilem, & in hoc ab impossibilibus distinguuntur, quia hæc nullum ordinem ad esse dicunt, Immo esse repugnat istis, non verò illis, quibus possibile est esse.



QVÆ



QV AESTIO V.

*Vtrū Ens praedicetur quidditatiuè, & formaliter de suis Passionibus.*

**A**B hac quaestione breuiter nos expediemus, quia supponitis, quæ de Ente secundum se disp. 1. huius tract. & postmodum disp. 2. eiusdem tract. de conceptu Entis diximus, facile constat, quid in praesenti sentiendum sit.

Dicendum est ergo, Ens formaliter, & quidditatiue de Passionibus suis praedicari. Ita sentire debent, quicumque Enti transcendentiæ concedunt, vt ex rationibus pro assertionem constabit.

Probatur ergo assertio primò supponendo ex Complut. in log. disp. 4. q. 3. Praedicationem directam, seu formalem, quod idem est, (quia enim in praedicatione directa, id, quod habet in propositione rationem formæ, ponitur à parte praedicati, rectè propositio directa formalis dicitur) tunc esse essentialem, seu quidditatiuam praedicationem, quando praedicatum est de quidditate subiecti, cuius oppositum constituit praedicationem accidentalem. Quo supposito, sic probatur. Quandoquunque praedicatum est de essentia subiecti, praedictio est quidditatiua. Sed Ens est de essentia suarum passionum. Ergo quando de illis praedicatur, praedicabitur quidditatiue, & formaliter, quia

ex alia parte Ens, vt potè quid superius, vel quasi superius, habet respectu illarum rationem formæ. Maior, & Consequentia constant. Minor aut. probatur. Passiones entis non sunt essentialiter, & quidditatiue nihil; Ergo essentialiter, & quidditatiue sunt entia, cum ens, & nihil opponantur contradictoriè, vt ex supradictis patet. Ergo &c.

Dices subiectum Passionum non est quid superius ad illas, essentialiter inclusum in ipsis, sed potius est quid extrinsecum ad ipsas. Ergo ens non praedicabitur de suis Passionibus formaliter, quia non praedicabitur, vt superius. Ergo neque praedicabitur quidditatiue, cum praedictio formalis diuidatur in essentialem, & accidentalem.

Resp. distinguendo: Subiectum Passionum verè realium, non est quid superius ad ipsas, essentialiter inclusum in ipsis. Conceditur. Passionum demonstrabilium. Negatur. Cum enim ad rationem Passionum demonstrabilium hæc tantum duo requirantur; primò, vt subiectum sit prius saltem conceptibiliter ipsis. Secundò, vt rationem subiecti consequantur; & vtraque hæc ratio non pugnat cum hoc, vt subiectum includatur quidditatiue in suis passionibus, vt consideranti patebit, poterit harum passionum subiectum de ipsis quidditatiue, & formaliter praedicari. Quia ergo passiones entis non sunt reales, sed demonstrabiles, poterit ens de ipsis formaliter

maliter, & quidditatiue prædicari, quod passionibus realibus, propter oppositam rationem, non conuenit.

Hic tamen aduertendum, non tamen in nostra ratione dictum, esse; quod Ens sit superius, vel quasi superius respectu suarum passionum; propriè enim superius dici non potest, cum conuertatur cum ipsis, sed quodammodo tantum, quia sc. includitur in ipsis, tãquàm gradus aliquo modo communis ipsis, cui quodammodo per proprios modos; seu rationes ipsorum fit, seu quasi sit additio, seu quasi additio.

Similiter aduertendum est pro cõpleta, circa has prædicationes, doctrina, quod etiam si concederemus, Ens nullo modo posse dici superius respectu suarum Passionum, tamen posset de illis prædicari ratione conuertibilitatis cum ipsis; quia vt docent Nostri Complut. in Log. d. & q. citata. n. 20. Non solum tunc est prædictio directa, seu formalis, quando prædicatur superius de inferiori, sed etiam quando prædicatur æquale de æquali.

Probatur 2. nostra Conclusio. De Vero prædicatur Ens essentialiter. Ergo, & de alijs Passionibus. Consequentia patet à paritate rationis. Antecedens prob. Quod est obiectum Intellectus, est essentialiter Ens. Sed Verum est obiectum Intellectus. Ergo est essentialiter Ens. Minor, & Consequentia patent. Maior autem probatur; quia, vt rectè docent

nost. Complut. in lib. de An. disp. 16. quæst. 1. Obiectum terminatum Intellectus nostri, extra, quod ferri nullo modo potest, est ens. Ergo &c.

Probatur tertio. De omnibus inferioribus suis ens formaliter, & quidditatiue prædicatur, quia, cum non sint essentialiter nihil, sunt essentialiter entia. Sed proprietates entis debent connumerari inferioribus entis, quia ens, utpotè transcendens, in ipsis, earumq; differentiis, seu quasi differentiis imbibitur, estque quid aliquo modo commune ad ipsas. Ergo &c.

In contrarium est opinio Scoti locis supra cit. disp. 1. & 2. huius Tractatus, ubi admittens vniocationem entis, & illi attribuens Conceptum inferioribus cõmunè transcendentiam verò negans, negat quoque, illud, sicut de vltimis rerum differentiis, ita & de proprijs passionibus formaliter, & quidditatiue prædicari. Suffragatur Scoto, Fonseca 4. Metaphys. c. 2. q. 3. sect. 2. assert. 3. huius opinionis.

Fundamentum primum. Nullum, per se inclusum, est conuertibile cum includente. Sed ens conuertitur cum suis Passionibus, vt supra dictum est. Ergo non includetur in rationibus illarum, & consequenter non prædicabitur de ipsis formaliter.

Resp. distinguendo Maiorem. Nullum, per se inclusum, est conuertibile cum includente, si includens superaddat inclusio aliquid di;

distinctum ab ipso, sicut homo superaddit animali rationale; Conceditur; Si nihil superaddit distinctum ab ipso; Negatur, quia eo ipso erit æquale illi, & conuertibile cum ipso. Et hoc modo ens includitur in suis Passionibus, quæ nihil superaddunt enti, ab ente distinctum, ut supra innuimus, & fusiis in sequentibus dicitur.

Fundamentum secundum. Quid quid continetur in definitione essentiali, tanquam additum, est extra essentiam rei definitæ. Sed in definitione Passionum subiectum continetur, tanquam quid additum, & extrinsecum, ut dicit Philol. 7. Metaph. c. 5. Ergo cum ens sit subiectum respectu suarum Passionum, erit extra essentiam ipsarum, ac per Consequens non prædicabitur de illis essentialiter.

Resp. Conced. Maiorem, & disting. Minorem. Et si sensus sit, quod subiectum Passionum reatum ponitur in definitione ipsarum, tanquam quid additum: Conceditur; de Passionibus autem demonstrabilibus, (quales sunt passionibus entis) Negatur, propter superius dicta.

Fundamentum tertium. Ens non includitur essentialiter in alijs rebus. Ergo à fortiori neque in passionibus. Consequent. patet, & probatur Anteced. Quod est de essentia rei, debet exprimi in definitione essentiali ipsius. Sed ens in nulla definitione essentiali ponitur, ut constat discurrenti per singulas definitiones, v. g. hominis, equi, Ergo. &c.

Resp. Negando, omnia, quæ sunt de essentia, debere exprimi in definitione essentiali. Illa bene debent poni, quæ exprimunt gradum aliquem distinctum à rebus definitis, & à partibus definientibus, ut animal, quod exprimit gradum distinctum ab homine, & rationali, debet expressè poni in definitione hominis. Cum igitur ens non significet gradum aliquem distinctum à conceptibus suorum inferiorum, ut supra docuimus, non est necesse, quod ponatur in definitionibus ipsorum. Videatur circa hoc Caiet. cap. 4. de ente, & essentia.

## DISPUTATIO

### Q V I N T A;

#### De Vno.

**P**ostquam in præcedentibus de Passionibus entis in comuni egimus, ordo doctrinæ petit, ut ad easdem in particulari, & sigillatim explicandas accedamus. Quia verò iuxta superius dicta Vnum inter Passiones entis primum sibi vendicat locum, de illo, ante alias, in hac disputatione tractandum est.



## QVAESTIO I.

*Quid addit Vnum supra  
Ens; & quomodo ab Ente  
distinguitur.*

**D**Vo sunt, quæ in præseti quæ-  
runtur, vtrumque tamen in  
eadem quæstione expediemus,  
quia eandem habent difficultatē.  
Notandum tamen est pro dicen-  
dis tam in hac, quam in sequenti-  
bus quæst. nos hic non loqui de  
vnitate secundum diuersos status,  
quos inducere potest, v. g. de vni-  
tate numerica, vel formali, &c. ne-  
que de illis modis vnitatis, de qui-  
bus transiunt Aristotel. & D. Tho.  
5. Metaph. Lect. 7. neque tandem  
de vnitae alicuius determinati  
generis, v. g. de vnitae numeri  
quantitatiui, sed loquimur de vni-  
tate, vt sic, seu de vnitae, quæ cō-  
sequitur omnem entitatem, & vo-  
catur vnitas transcendentalis.

*§. I. Nostra sententia ali-  
quot Conclusionibus  
explicatur.*

**D**icendum itaque est primò, vnū  
nihil positiuū addere supra  
ens, neque ex natura rei, neq; sola  
ratione ab Ente distinctum.  
Ita Philos. & Angel. Doctor. 4.  
Metaph. lect. 2. & idem S. Doct. 1.  
p. q. 11. art. 1. c. 1. vbi respondet  
quæsitio articuli. *Dicendum est,  
quod Vnum non addit supra Ens*

*rem aliquam, sed tantum negatio-  
nē diuisionis.* Sequuntur S. Doct.  
rem eius discipuli, Caietan. loco  
ex 1. p. cit., Capreol. in 1. dist. 24.  
q. 1. a. 1. Soccinn. 4. Metaph. q.  
4., Ioann. à S. Thom. 1. p. q. 1. a. 1.  
Noster Andreas à Cruce ibidem.  
Ex Neotericis verò Suarez in  
Metaph. d. 4. lect. 1., Fonseca, &  
alii plures. Antequam probetur  
Conclusio, explicandus est ille  
terminus, positiuum; Potest enim  
supponere, vel pro aliquo reali,  
vel pro aliquo rationis. Quando  
ergo negamus, Vnum addere ali-  
quid positiuum Enti, loquimur  
de vtroque, tam reali, quam ra-  
tionis: hic tamen de solo positiuo  
reali sermo erit; nam euidenter  
constat, illud positiuum non esse  
aliquid rationis: Cum enim Ens  
rationis habens fundamentum in  
re (de chymericis enim in scien-  
tijs nihil) adæquatè diuidatur in  
carentiam, & relationem, vt vide-  
re est apud Nost. Complut. in  
Log. d. 2. q. 4. Omne Ens rationis  
positiuum erit relatiuum; carētia  
enim, seu negatio comprehendēs  
sub se negationem, & priuationē  
proprie dictas, positiuum esse  
non potest, cum positiuum, & ne-  
gatiuum opponantur. Ergo si  
Vnum adderet ens rationis posi-  
tiuū supra Ens, illud additum  
esset relatio rationis. Sed hoc nō,  
quia Vnum in omnium sententia  
significat aliquid absolutum, vn-  
de etiam ex isto capite, primum  
locum sibi, inter passiones Entis,  
vindicat. Ergo, &c.

*Confirmatur. Quia etiam si fin-  
gendi*

gendi licentia detur, nullum excogitari potest, sicut nec hucusque excogitatum est, ens rationis positivum, quod Vnum pro formaliter dicat, & addat Enti: Nam si aliquid ens rationis excogitari possit, quod Vnum addit supra Ens, esset maximè relatio identitatis ad seipsum. Sed hoc dici non potest; Tùm quia Vnum, (ut iam dictum est) significat naturam absolutam; Tùm etiam, quia relatio identitatis fundatur in unitate; ergo præsupponit Vnum, sicut & quælibet relatio suum fundamentum. Ergo non constituet Vnum in ratione vnus. Ergo non addet illam Vnum supra Ens: quod enim addit supra Ens, non præsupponit, sed facit vnum. Tota ergo difficultas est circa positivum reale. Quod verò hoc Vnum non superaddat Enti.

Probatur 1. Quod additur alteri, debet distingui ab illo. Ergo si Vnum adderet aliquid positivum enti, illud deberet distingui ab ente: Nihil autem positivum reale potest ab ente distingui, quia omne positivum reale est ens, quia, si non est ens reale, est nihil, nihil autem est terminus negatiuus, negans ipsum ens. Ergo, etc.

Confirmatur. Si rationi Entis, ut sic, adhuc ut sit vnum, deberet addi aliqua ratio positiva, cum illa ratio, si positiva est, debeat esse ens; quæro, utrùm illi rationi positivæ debeat addi aliquid, per quod constituatur in esse vnus, an verò seipsa vna sit? Si dicas, quod sic, ergo dabitur processus

in infinitum, quia cum illud positivum sit etiam ens, fiet de illo argumentum, quod supra. Ergo, &c. Si verò dicas, illud positivum ens esse per se vnum, cur hoc, quæso, de Ente ipso non dicis? & si ad evitandum processum in infinitum, assignas aliquod ens, & aliquam rationem realem, in qua sistamus, quæque sit ita vna, ut esse vnum, nihil positivum addatur super entitatem ipsius, cur statim in ipsa ratione Entis non sistimus? Nihil enim est imaginabile in illa entitate, quod non sit in conceptu Entis, ob quod illi, non verò illi, sine additione alicuius positivi, cum sola negatione divisionis, competat ratio Vnius.

Possit responderi ex doctrina Scoti ad hoc argumentum cum sua confirmatione. Ad argumentum quidem negat Scotus, illud positivum, quod addit Vnum supra Ens, esse ens. Sed hoc manet impugnatum ex dictis in hoc eodem tract. d. 1. ubi ostendimus, ens, & nihil contradictoriè opponi, inter illaque non esse medium; ac proinde, quod non fuerit nihil (sicut omne positivum debet non esse) erit necessario ens.

Ad confirmationem quoque posset in fauorem Scoti responderi, illam rationem positivam esse quidem ens, non tamen deberi illi fieri additionem ad hoc, ut sit vna, quia illa est ratio formaliter faciens vnum, & est vna, ut quo: Sicut quia modus unionis, quo necuntur materia, & forma, quia est ipsa unio ut Quo, non

petit alium modum, per quem vnatur, quamuis materia, & forma sine tali modo vnionis nequeant coniungi: Similiter, licet substantia, secundum se, non sit extensa, ideoque indiget aliquo, per quod extendatur ipsa tamen quantitas, quia est ipsa ratio extensionis substantiæ, ipsumque, Quo, dicitur extensionis, non indiget alio, per quod extendatur. Et mille alijs exemplis idem posset roborari. Sed

Contra est; hæc enim responsio, etsi plurimum habeat apparentiæ, sed nihil veritatis. Tum quia in conceptu simplici, qualis est conceptus vnitatis, sicut, & reliquorum transcendentium, non est distinctum Quo, & Quod; distinguere autem deberet, si adderetur, quia additio sine distinctione intelligi non potest. Tum etiam, quia quotiescunque distinguo Quo à Quod, toties illud, quod est, ut Quo, dicit aliquam formalitatem, per quā & ipsum est tale, & aliud, cui communicatur, facit tale, v. g. in albedine, vnione, quantitate, & alijs similibus concipio esse albedinis, vnionis, quantitatis, &c. que, communicata alijs, faciunt illa alba, vnita, quanta; Sed etiam si fingendi licentia detur, nihil tale concipio in Vno; cum enim concipio, Vnum, non concipio aliquam formam receptam in Ente, & communicantem Enti suum esse formale, sed concipio solum indiuiisionem in ente, eo enim ipso, quia concipio ens indiuisum, præcisè quibuscunque alijs for-

malitatibus, concipio Vnum, ut dicit Philosoph. 5. Metaph. lib. 8. Cuius verba sunt. Vniuersaliter enim quæcunque non habent diuisionem, in quantum non habent, sic vnum dicuntur; ut si in quantum homo, non habet diuisionem, vnus homo, si verò in quantum animal, vnum animal, & si in quantum magnitudo, vna magnitudo. Vbi nota, illā reduplicatiuam, toties à Philosopho repetitam (in quantum, non habet diuisionem) quam profecto nec posuisset, nec toties repetisset Philosoph; nisi sensisset rationem, per quam ens est vnum, esse ipsam indiuiisionem. Vnde & in exemplis dicit, quod præcisè alijs omnibus, si in quantum homo, vel animal, vel magnitudo, dicit indiuiisionem, est vnus homo, vnum animal, vna magnitudo, ut inueniret, nihil aliud posituum debere addi enti ad hoc, ut sit vnum, sed sola indiuiisione addita enti, siue enti, ut sic, siue enti tali, ens erit Vnum.

Probatur secundò nostra Conclusio ratione. Præciso quocunque siue realiter, siue modaliter, siue ratione, ab ente distincto, ipsiusque superaddito, ens est vnum. Ergò nihil posituum reale additur enti, per quod ens constituitur Vnū. Consequentia patet, & prob. ant. Nam accepto quocunque ente, v. g. Deo, & præciso omni positio, siue re, siue ratione, ab ipso distincto, adhuc ens aliquod, v. g. Deus, ratione suæ simplicissimæ entitatis, erit indiuisum in se, & diuisum à quocunque alio, quod non

non est ipse; ergo erit vnum: Non enim potest intelligi, quid aliud ad vnitatem requiratur, si semel aliquid concipitur, vt indiuisum in se, & diuisum à quocūque alio, vt patet ex authorit. Philos. ex 5. Metaph. in præcedenti ratione adducta. Ergo &c.

Probaturs tertio specialiter, quod non possit addere aliquid positium realiter distinctum ab ente, si Vnum adderet aliquid positium enti, realiter distinctum ab ente, tunc ens, & Vnum distinguerentur realiter, saltem per modum includentis, & inclusi. Sed hoc est falsum. Ergo & illud, ex quo sequitur. Maior, & Conseq. patent. Minor autem prob. ab Aristot. efficaci ratione, quam S. Thom. sic proponit 4. Metaph. l. 2. Quæcunque duo addita vni, nullam diuersitatem afferunt, sunt penitus idem. Sed Vnum, & ens addita homini, vel cuiusque alteri, nullam diuersitatem afferunt. Ergo sunt penitus idem. Minor patet: idem enim est dictu, homo, & vnus homo; & similiter est idem dictu, ens homo, vel, quod est homo; & non demonstratur aliquod alterum, cum secundum dictionem replicamus, dicendo, est ens homo, & homo. & vnus homo. Quod quidem probat sic. Idem enim est generari, & corrumpi hominem, & id, quod est homo: Quod ex hoc patet, quia generatio est via ad esse, et corruptio est mutatio ab esse ad non esse, vnde nunquam generatur homo, quin generetur Ens homo; nec vnquam corrumpitur homo, quin corrumpatur ens homo:

Quæ autem simul generantur, & corrumpuntur, sunt vnum. Et sicut dictum est, quod ens, & homo non separantur in generatione, & corruptione, similiter apparet in Vno. Nam cum generatur homo, generatur vnus homo, & cum corrumpitur, similiter corrumpitur. Vnde manifestum est, quod appositio in istis ostendit idem, & per hoc, quod additur, vel vnum, vel ens, non intelligitur addi aliqua natura supra hominem. Ex quo manifeste apparet, quod Vnum non est aliud præter ens, quia quacūque vni, & eidem sunt eadem, sibi inuicem sunt eadē. In qua ratione Philosophi duæ probationes nostræ Minoris includuntur, quod sc. Vnum non possit distingui realiter ab ente; Quorum prima est. Quæ sunt eadem vni tertio, sunt eadem inter se. Sed ens, & Vnum sunt idem cum homine, v. g. vnde, & addita ipsi, nō faciunt plus; idem enim significat homo, quod, ens homo, vel vnus homo, Ergo &c.

Secunda est talis. Quæ eadem generatione generantur, & eadem corruptione corrumpuntur, sunt vnum, & idem. Sed ens, & Vnum sunt huiusmodi, nam quando generatur ens, generatur etiam vnum, & quando interit ens, interit etiam vnum, & è conuerso. Ergo &c.

Dices, has probationes minoris falsis niti principijs, vel saltem non vndequaq; veris, ac proinde nihil conuincere: Nam in primis illud axioma Philos. Quæcūque sunt eadem vni tertio, sunt eadem

inter se, non in omnibus verificatur. Ecce enim Actio, & Passio identificantur cum motu, non tamen inter se, quia Categorijis distinguuntur. Similiter illud principium Philosophi. *Qua eadem generatione generantur, & eadem corruptione corrumpuntur, sunt unum, & idem*, est falsum. Nam essentia, & passiones eadem generatione generantur, & eadem corruptione corrumpuntur; genito enim, vel corrupto homine, etiam risibile generatur, vel corrumpitur, alias passiones, si non simul generarentur, non cōpeterent subiecto semper, & si non simul cotrumperentur, non competerent soli, quia corrupto hoc subiecto, adhuc manerent in alio; Vtrumque autem est contra rationem passionum. Ergo &c.

Resp. vtramq; propositionem Philosophi sanè intellectam verissimam esse. Vnde prima, si vult concludere identitatem omnimodam inter duo, ex coniunctione, ad vnum tertium, debet intelligi sic: Quæ sunt eadem vni tertio re, & ratione, sunt eadem inter se. Vnde cum Actio, & Passio non sint idem cum motu re, & ratione, nihil mirum, quòd non sint idem inter se. Si autem qualemunque, licet non omnimodam identitatem, velis concludere, tunc illud axioma debet intelligi secundum distributionem accommodam, ita sc. vt, si cum vno tertio sint vnum re, & ratione, eodem modo secum erunt vnum, si verò cum illo vno tertio tantum, secundum

rem, sint vnum, & differant secundum rationem, (quod contingit in Actione, Passione, & Moto, vt docent nost. Complut. in Phys. disp. 17. quæst. 1.) tunc etiam tantum, secundum rem secum vniuntur, licet habeant rationes diversas.

Similiter secunda propositio intelligenda est de his, quæ generantur ex æquo, ita vt vnum non prius, quàm aliud generetur, vt sunt homo, & hic homo; & quæ sic generantur, sunt vnum, & idē. Iam verò in essentia, & passionibus hoc non contingit, quia ibi primò, & per se generatur subiectum, passiones verò posterius, & quasi per accidens. Potest insuper negari, quòd passiones eadem generatione generentur cum subiecto; Et si enim illa generatio sit vna realiter, non tamen formaliter, quia, vt terminata ad subiectum, est generatio simpliciter, vt verò terminata ad passiones, est generatio secundum quid. Iam autem simpliciter, tale, & secundum quid tale, non possunt non distingui saltē formaliter. Videantur pro completa huius solutionis intelligentia ea, quæ docent Nost. Complut. circa emanationem Passionū in Phys. disp. 10. quæst. 7.

Dicendum est secundò; Vnum transcendens addit supra ens aliquid negatiuum. Itā Angel. Doct. 1. p. q. 11. ar. 1. in corp. Quem sequuntur communiter ipsius discipuli, & Authores supra pro prima Conclusionē citati. Probatur.



turque facile, ens, & Vnum non sunt synonyma, ut dicit Philosoph. 4. Metaph. sect. 2. Ergo debent habere rationes formales distinctas, alias synonyma essent. Ergo Vnum addit aliquid supra ens, alias si nihil adderet, ratio formalis Vnius esset ratio formalis entis. Sed id, quod, vnum, addit supra ens, non est aliquid fictum ab intellectu, quia esse vnum, rebus verè, & sine fictione competit; nullo enim intellectu cogitate, Deus est vnus; neque potest catholicè dici, quòd cum dico, Deus est vnus, aliquid figmentum de Deo prædicem, esse enim vnum est aliquid prædicatum reale Dei: Neque illud, quod addit Vnum supra ens, est aliquid positium, ut in præcedenti conclus. dictum est, & probatum. Ergo à sufficienti enumeratione debet esse aliquid negatiuum.

Dicendum est tertio. Vnum non distinguitur formaliter ab ente, sed ratione tantum. Hæc Conclusio apertè sequitur ex dictis. Si enim, vnum, nihil positium addit enti, realiter ab ente, distingui non potest; & cum addat negationem, ratione illius additi distinguetur secundum rationem ab ente. Ut autem scias, quæ sunt illæ rationes, in quibus ens, & Vnum differunt; Scito, Vnum addere enti indiuisiōē, (ut mox explicabitur); ratio ergo Vnius erit esse indiuisum, ratio verò entis est habitudo ad esse: Vnde distinguetur ens ab Vno, sicut res substantia negationi à seipsa absolute sumpta,

*§. 2. Oppositæ Opiniones cum suis rationibus, & solutio ipsarum.*

**I**N contrarium est multiplex Authorum opinio, qui, etsi omnes conueniant in hoc, quòd Vnum addat aliquid positium enti, differunt tamen in modo, quo illud positium additum distinguitur ab ente. Auicenna enim quia lib. 3. Metaph. Cap. 2. vocat Vnum accidens, & quid concomitans essentiam, lib. verò 7. cap. 5. dicit, illud non esse absolute idem cum ente, ex istis locis elicitur ipsius opinio, quasi senserit, Vnum addere supra ens accidens aliquid positium, ex rei natura distinctum ab ente, per se tamen consequens ipsum ens.

Nec longè ab Auicenna sententia discessit Scotus cum sua schola; docet enim ipse 4. Metaph. q. 2. & in 2. d. 3. q. 2. Vnum addere supra ens aliquid positium, non determinando, quid sit illud, an modus aliquis substantialis, an aliqua formalitas, an tandem aliquid accidens, ut dicebat Auicenna) ex natura rei distinctum ab ente.

Alij tandem, ut D. Bonavent. in 1. d. 23. ar. 1. q. 1. Alexander Aletis 1. p. q. 13. m. 1. & 2. Soto in Log. C. de proprio, Q. 2. ad 2, qui tenent, Vnum addere supra ens proprietatem quandam positivam, neque realiter, neque ex natura rei, sed sola ratione ab ente distinctam. Quæ istorum Aucto-  
rum

thorum opinio, quantum ad id, in quo secum conueniunt, & à nobis diff. runt ( in quo enim inter se diff. runt, ipsi inter se decerent ) potest multipliciter suaderi ex his argumentis.

Primum argumentum dicit ; Vnum aliquid positium addere enti, quia Vnum in omnium sententia, addit enti indiuisiōem. Ergo addit aliquid illi positium. Licet enim indiuisio videatur significare negationem, re tamen ipsa significat aliquid positium; quod probatur sic. Nam indiuisio significat negationem diuisionis; ergo significat negationem negationis, cum diuisio sit negatio, vt expressè docet Angelic. Doctor in quæst. disput. quæst. 9. de Potent. ar. 7. in Corp. vbi dicit. *Multitudo addit supra Ens duas negationes, prout sc. aliquid est in se indiuisum, & prout est ab alio diuisum; quod quidem diuidi, est, Vnum eorum non esse alterum.* Et in resp. ad 6. dicit. *Ex hoc, quod aliquid intelligitur nō esse hoc Ens, sequitur in intellectu esse diuisum, ab eo.* Vbi, vt vides, S. Thom. diuisionem explicat per negationē. Ergo negatio diuisionis, quam dicit Vnum, est negatio negationis. Sed negatio negationis significat aliquid positium; vnde vulgò dicitur, quod duæ negationes faciūt vnā affirmationē. Ergo &c.

Resp. huic argumento, admissio quod negatio diuisionis, quam dicit Vnum ratione indiuisiōis, quam superaddit enti, sit negatio negationis, negamus tamen, quod

indiuisio significat aliquid positium. Ad probationem verò, quādo dicitur: Negatio negationis significat quid positium; resp. cū distinctione; Negatio negationis formaliter, significat quid positium. Concedo; Negatio negationis materialiter, significat quid positium. Nego. Vnde cū indiuisio sit tantum negatio negationis materialiter, vt statim explicabitur, Vnum, quod addit enti indiuisiōem, non addit aliquid positium.

Explicatur hæc distinctio paulò fusiùs, hoc enim ipsius subtilitas poscit. Dupliciter potest intelligi negatio negationis: primò formaliter, ita vt intellectus reflectens se supra negationem, neget illam formaliter; Et quia negatio regulariter tollitur per aliquid positium, ( quamuis aliquando non repugnet negationi, tolli per negationem, vt supra ostensum est disput. 1. huius tract. quæst. 3. ) sicut non homo, non tollitur, nisi per esse hominem, & non videns, seu cæcum non tollitur, nisi per visum, inde est, vt negatio negationis formaliter, quia negando negationem, remouet illam à subiecto, seu ( quod idem est ) tollit ipsam, significet aliquid positium, per quod illa negatio prior remouetur, ac tollitur; v. g. cū dicō: hoc non est nō homo, vel hoc non est cæcum; significo, hoc esse hominem, vel esse videns. Secundo modo potest intelligi negatio negationis ita, vt non sit negatio negationis formaliter, sed materialiter;

ter tantum. Et hoc præcipue contingere potest in descriptione, seu explicatione simplicium. Quia enim, ut communiter docent Philosophi, simplicia non nisi per negationes à nobis concipiuntur, & explicantur, sicut Deus, quia est simplicissimus, eius natura, & proprietates melius à nobis per negationes, quam per affirmationes explicatur; Vnde dicit Dionysius de Cæl. Hierar. lib. 1. cap. 2. *Negationes sunt maxime vera in Deo, affirmationes verò sunt incompaſſæ.* Immo ipsæ affirmationes, quæ enunciantur de Deo, modum negationum induunt, quia ponuntur ad remouendum aliquid à Deo, ut docet S. Tho. quæst. 9. de Potentia a. 7. in Corp. Cuius verba sūt hæc. *Omnia, quæ affirmatiue dicuntur de Deo, magis sunt introducta ad remouendum, quam ad aliquid ponendum. Dicimus enim, Deum esse viuum ad remouendum ab eo illum modum essendi, quem habent res, quæ apud nos non viuunt, non ad ponendam vitam in ipso, cum vita, & omnia huiusmodi nomina sint imposita ad significandum quasdam formas, & perfecti nes creaturarum, quæ longè absunt à Deo: hinc est, ut cum aliquid simpliciter, cuius oppositum aliquam negationem inuoluit, explicandum est, ut simplicia solent per negationem, illa negatio, conceptum simplicem explicans; erit quidem negatio negationis materialiter, sed non formaliter, quia intellectus, illud simplex explicans, non se habet super negationem oppositam, nec formaliter*

negabit ipsam, sed merè materialiter se habebit circa ipsam, ac si ibi non esset. Res in subiecta materia patebit. Certum est enim, diuisionem dicere negationem, vnius rei de alia, quæ explicatur per hos terminos; *Hoc non est illud: quod essentialiter requiritur ad hoc, ut multa sint; Vnde & S. Thom. sub negatiuis, quasi sub non entibus, multa, quæ, in esse talium, per diuisionem constituuntur, collocauit, cum inquit. 1. p. q. 11. a. 1. ad 2. Ipsa multitudo non continetur sub ente, nisi contineretur aliquo modo sub vno.* Indiuisio ergo, per quam natura, Vnius, quod quidem est quid simplex, explicatur, sicut est negatio diuisionis, ita est negatio negationis, non tamen formaliter. Intellectus enim cum explicat Vnum per indiuisionem, formaliter non vult negare diuisionem, sed explicare illud positium Vnius, quod caret illa negatione, ad quam tunc intellectus non attendit, sed merè materialiter se habet circa ipsam. Sicut v. g. intellectus videns omnia, quæ sunt in Petro vnita, & vnica entitate, ut ita dicam, reuincta, (Vnde in illo non sunt plura in actu, de quibus possit dici: hoc actu non est hoc) non ad istas negationes (quamuis ibi de necessitate, licet de materiali, importentur) sed ad illam vnitatem partium attendendo, enunciat, Petrum esse indiuisum, attribuitq; Petro negationem diuisionis, non ab alijs, quæ non sunt ipse, (ut sic tacite cuidam obiectione, quæ ex Suario fieri

poterat, occurratur) nec à seipso; (prior enim consequitur unitatē, ac proinde ad rationem constitutionem Vnius non spectat; secunda verò non est propria Vnius, sed est communis multitudini, quia etiam multitudo à seipsa diuisa non est, & insuper non potest fieri sine beneficio intellectus, primò rem referentis ad seipsam, & deinde negantis ipsam diuidi à seipsa), sed attribuit Petro, per indiuisiōem, negationem diuisionis in seipso, negans scilicet, in ipso esse multa actū, quorum vnum non sit aliud: Quo fusiori discursu in compendium redacto, dicimus, intellectum, quando naturam Vnius per negationem, (per indiuisiōem scilicet) explicat, materialiter se habere circa illam aliam, negationem multitudini propriā, quam indiuisiōi negat, nec se spectare supra ipsam; ac proinde dicendum est, indiuisiōem, licet materialiter, non tamen formaliter, esse negationem negationis, Ideoq; nec aliquid posituum significare, quod significat negatio negationis, non tunc, cum materialiter tantum, sed tunc, cum est formaliter talis.

Secundum argumentum eiusdē opinionis. Aliquod ens potest esse magis vnum, quàm aliud, sicut simplicia sunt magis vnum, quàm composita. Ergo illud, quod Vnū addit supra ens, non potest esse negatio, quia negatio non suscipit magis, & minus.

Resp. primò consequenter ad dicta in hoc eodem Tract. disp. 1.

quæst. 3. negando negationem non suscipere magis, & minus; nam, vt ex ibidem dictis constat, quando forma habet latitudinem, tunc quò subiectum carebit ipsa secū, dum plures gradus, eò erit negatio maior: Et ita, cum in diuisionem, quam negat Vnum, sit latitudo, (potest enim aliquid diuidi in se, vel specie, vel numero, vel in partes, vel in rationes formales), indiuisio, quæ est negatio diuisionis, suscipiet magis, & minus. Vnde indiuisio, quæ negabit, aliquid esse diuisum in partes, vel rationes plures formales (quod contingit in ijs, quæ sunt per simplicitatem vnum) erit maior, quàm illa, quæ solum negabit diuisionem in plura specie, vel numero, & penetret unitatem specificam, vel numericam, non excludentem tamen pluralitatem, vel partium, vel rationum formalium, vt in compositis contingit.

Resp. secundò, quòd licet admitteremus, negationē, quæ talem formaliter, non posse suscipere magis, & minus, negamus tamen, quòd negatio, saltem ratione fundamenti, non suscipiat magis, & minus: Sicut à simili, licet negatio ex se, suoque conceptu formali, non possit dicere perfectionē, potest tamen ratione fundamenti: Vnde, & indiuisio, quam Vnum addit supra ens, in Deo, ad maximā eius perfectionem spectat, quòd sit vnus tantum; & quòd in eo omnia, quæ opposita non sunt, distincta non sunt. Sic ergo & in præsentī negatio, quā Vnitatis

ad-

addit enti, ratione fundamenti, idest ratione ipsius entis, cui superadditur, potest dicere magis, & minus, quatenus illud ens erit magis, vel minus compositum.

Tertium argumentum eiusdem opinionis. Si Vnum adderet enti aliquam negationem, adderet, vel maxime, indiuisiōnem. Sed Vnum non addit indiuisiōnem enti. Ergo &c. Maior patet, & prob. Minor. Ens, ut distinctum ratione ab Vno, est indiuisum. Ergo quia, ut distincto ab Vno, non competit indiuisiō per unitatem, competit ipsi secundum se sumpto. Consequentia patet, & probatur antecedens: Non enim posset concipi distinctum ab alio, nisi conciperetur indiuisum, quia prius est, aliquid esse indiuisum in se, quam diuisum à quolibet alio.

Resp. huic argumento negando Minorem; ad cuius probat. dico, ens, ut distinctum ab Vno, esse quidem indiuisum in se fundamentaliter, non tamen formaliter, quia formalem indiuisiōnem non habet, nisi per unitatem. Vnde illud axioma: Prius est aliquid indiuisum in se, quam diuisum à quolibet alio; intelligendum est (maximè loquendo de istis transcendētibz, quæ à se inuicem per solas præcisiones intellectus separari possunt) quod prius aliquid debeat esse indiuisum in se, vel fundamentaliter, vel formaliter, quam sit diuisum à quolibet alio, non autem semper formaliter. Immo formaliter loquēdo, in ipsis præcedit diuisiō indiuisiōni,

sicut forma priuationem, nam indiuisiō est priuatio diuisiōnis. Et hoc expresse docet Angel. Doct. quæst. 9. de Pot. art. 7. in solut. ad 15. vbi hæc dicit: *Vnum autem dicitur priuatiue respectu diuisiōnis, cum sit eis indiuisum; non autem respectu multitudinis. Vnde diuisiō est prior secundum rationem, quam vnum, sed multitudo posterius, quod sic patet. Primum enim, quod in intellectu cadit, est ens, secundum verum est negatio entis: ex his autem duobus sequitur tertio intellectus diuisiōnis; ex hoc enim, quod aliquid intelligitur ens, & intelligitur non esse hoc ens, sequitur, in intellectu, quod sit diuisum ab eo. Quarto autem in intellectu sequitur ratio vnius, prout sc. intelligitur, hoc ens non esse in se diuisum. Quinto autem sequitur intellectus multitudinis, prout sc. hoc ens intelligitur diuisum ab alio, utrumque ipsorum esse in se vnum; quantumcunque enim aliqua intelligantur diuisa, non intelligitur multitudo, nisi quodlibet diuisorum intelligatur esse vnu.* Vnde ne S. Thom. manifestè contradicat illi communi axiomati ex Philosopho desumpto, quo, & ipse sapius vti est, non censet, intelligendum esse semper de indiuisiōne formali, sed secundum distributionem accommodam, de indiuisiōne formali, vel fundamentali. Scio aliter Soncin. respondere huic argum. 4. Metaph. quæst. 23. ad 1. Sed mihi eius solutio non arridet, nec habet saltem apparentiam veritatis, ut consideranti patebit.

Quartum argumentum. Negatio addita enti, destruit ens, sicut non homo, vel non iustus destruit hominem, & iustum, sed id, quod addit Vnum enti; nō destruit ens. Ergo id, quod Vnum addit enti, non est negatio.

Resp. cum Soncin. loco supra cit. in respons. ad Octauum, duplicem esse negationem. Aliam oppositam naturæ, cui additur, vt in exemplis in argumento allatis, & talis negatio destruit naturam, cui additur. Alia est negatio, quæ non est opposita naturæ, cui additur, sed potius conseruatiua ipsius, & talem negationem addit Vnum supra ens; Vnum quodque enim saluatur per hoc, quod non diuiditur in se, si enim diuideretur, destrueretur.

Vel secundo, & melius responderi potest, negationem non destruere subiectum, cui additur, sed formam oppositam, sicut cæcitas non destruit oculum, sed visum; tenebræ non destruunt aerem, sed lucem, &c. Sic etiam indiuisio addita enti, nō destruit ens, quod est subiectum ipsius, sed diuisionem, quæ est forma opposita ipsi.

Quintò probatur. Negatio est nihil. Sed Vnum pro formali non est nihil. Ergo vnum pro formali, secundum id, quod addit enti, non est negatio. Ad hoc argumentum parebit solutio ex ijs, quæ dicemus quæst. 3. huius Disput. Vbi ostendemus, quod licet Vnum solam negationem addat enti, non tamen hanc solam pro formali dicitur.

## QVAESTIO II.

*Quæ, & qualis est hæc negatio, quam Vnum addit supra Ens?*

**I**N titulo quæstionis aliquid, vt certum supponimus, & aliquid in dubium vocamus. Supponimus enim, quod in præcedenti quæst. iam probatum est, Vnum nihil positiuum, sed solam negationem addere supra Ens. Vocamus autem in dubium primò; quæ est ista negatio? nam quamuis communi consensu, addat indiuisiōem, quia tamen & indiuisio duplicem negationem inuoluit, sc. vel diuisionis in se, vel diuisionis à se, & in ipsa vnitate plures negationes, de quibus mox, videntur implicari, dubitari meritò potest, an sola indiuisio, & secundum quam acceptionem, sit constitutiua vnitatis. Secundò quærimus, an indiuisio, vt est constitutiua vnitatis, sit priuatio, vel negatio propriè dicta, & an sit realis, vel rationalis.

§. I. Circa primam partem Quæstionis referuntur opiniones Authorum.

**A** Prima ergo difficultate incipiendo, vt certa ab incertis separemus, plures negationes in vno ente possunt concipi, de quibus posset dubitari, an pertineant

neant ad ipsius conceptum, qualem. Primò enim in aliquo ente, e. g. in Angelo, possum concipere negationem diuisionis in se; secundò negationem diuisionis à se; tertio negationem identitatis cum alio extra se; quartò negationem identitatis cum suo contradictorio, nempe cum non ente. Et quidem de prima negatione dubitari non potest, illam pertinere ad conceptum vnitatis. Tùm quia istud colligitur expressè ex verbis Philos., & S. Thom.: qui sapientissimè dicunt, vnum esse ens indiuisum in se. Tùm etiam, quia posita diuisione vnus in se, ex vno fiunt plura, sicut patet in linea, quæ diuisa per ablationem termini communis partes ipsius copulantis, ex vna linea fiunt plures. Ergo negatio diuisionis, seu indiuisio, in se constituet vnum; contrariorum enim eadem est ratio. Nec in hoc est immorandum, quod est apud omnes in confesso. Secundam etiam negationem non pertinere ad conceptum Vnius, certum est. Tùm quia hæc non est propria negatio, quæ in re addatur Enti, qualis debet esse illa, quæ illud constituit in esse vnus, quia sicut ens est realiter vnum, ita debet illi, secundum rem, addi illud, per quod in esse vnus constituitur; iam autem negatio diuisionis à se, vt supra diximus, fit per opus intellectus primò comparantis rem ad se, deindè negantis, ipsam esse aliam à se. Tùm etiam, quia, ut ibidem diximus, hæc negatio est commu-

nis multitudini, quia etiam multitudo est indiuisa à se, non minus, quàm vnum, sicut æteruus lapidum, u. g. non minus est indiuisus à se, quàm Petrus, uel Angelus. Quarta similiter negatio identitatis, quàm dicit Ens respectu sui contradictorij, videlicet, non entis, non est aliqua negatio superaddita enti, cum ens sine aliquo addito, per positionem sui, dicat negationem non entis, sicut quodlibet contradictorium negatum oppositum. Neque hæc negatio cõfert aliquid ad vnitatem, nisi ex generali ratione, in quantum vnum est aliquid ens, ac per consequens negans non ens.

Cæterum de tertia acceptione est aliqua difficultas. Aliqui enim affirmant, negationem identitatis cum alio esse de conceptu vnitatis, alij verò negant, alij tandem sub distinctione loquuntur. Quidam ergo, quorum opinionem, sequitur, & defendit P. Ioann. à S. Thom. 1. p. q. 11., tenent, in formali conceptu vnus, vt vnus, solum includi positum cum negatione diuisionis in se, diuisio verò à quolibet alio non includitur formaliter in conceptu vnus, vt vnus, sed vt distincti, seu diuersi; sic enim respicit aliud extra se, à quo separatur, Vnitas autem magis importat conceptum absolutum, & ad se, quàm conceptum respectuum extra se. Probatque suam sententiam primò Auth. S. Thom.: ex q. 1. de ver. a. 1. vbi inquit, *Negatio, quæ est consequens omne ens absolute, est indiuisio, &*



hanc exprimit hoc nomen, *Vnum*, nihil enim est aliud, *unum*, quam ens indiuisum. Si autem accipiat *Ens* secundum ordinem *vnus* ad aliud, hoc potest esse dupliciter. Vno modo secundum diuisionem *vnus* ad aliud, & hoc exprimit hoc nomen, aliquid; dicitur enim aliquid, quasi aliud quid. Vnde sicut *Ens* dicitur *unum*, in quantum est indiuisum in se, ita dicitur aliquid, in quantum est diuisum ab alijs. Ergo (infert P. Ioann. à S. Thom:) diuisio ab alio, secundum mentem S. Thom: non ingreditur rationem *vnus*, ut est *Vnum* formaliter, sed ut est formaliter *Aliquid*, quod utique diuersam formalitatem importat.

Secundò probat idem alia, auth. desumpta ex q. 9. de potentia ar. 7. ubi S. Doct. hæc habet. *Vnum*, quod conuertitur cum *Ente*, non addit supra *Ens*, nisi negationem diuisionis, non quòd significet ipsam indiuisiōnem tantum, sed substantiam eius cum ipsa; est enim *unum* idem, quod ens indiuisum, multitudo autem correspondens *uni* nihil addit supra res multas, nisi distinctionem, quæ in hoc ostenditur, quòd una earum non est alia. Et concludit ibi S. Thom: quòd *Vnum* addit supra *Ens* vnā negationem, secundum quòd aliquid est in se indiuisum, & diuisum à quolibet alio, ergo ex mente S. Doct., ad rationem vnitatis solum vna negatio pertinet, scil. esse in se indiuisum: esse autem diuisum à quolibet alio, magis ad multitudinem pertinet, quia id pertinet ad distinctionem *vnus* ab alio,

Ex quibus auth. talis ab ipso ad probandam suam opinionem ratio fundatur. Diuisio ab alio constituit ens separatum, & distinctum ab eo, quòd est extra se. Ergo potius pertinet ad rationem multitudinis, quàm ad rationem vnitatis, vnitatis enim sufficienter intelligitur in se constituta, quamdiu nõ soluta; non soluitur autem vnitatis, quamdiu non diuiditur in se; Ergo sola indiuisio in se sufficit ad vnitatis conceptum, diuisio verò ab alio supponit vnitatem in se constitutam, & solum reddit illam ab alio extra se segregatā, & comparatam alteri extremo, ut cum illo, tanquam cum separato, constituat multitudinem.

Confirmat hoc ipsum. Quia si *unum* tantum esset ens in rerum natura, et nihil aliud, à quo diuideretur (sicut erat Deus, quando nihil erat creatum) esset verè, & formaliter *unum*, & tamen non esset diuisum ab alio politiuè, quia non esset aliud, à quo distingueretur. Ergo, &c.

Et ab hac opinione, nec quoad vnguem recessit nosfer P. Andreas à Cruce, quamuis in verbis differre videatur, in quantum, supposita distinctione *Vnius* in *unum* absolutè, & *unum* relatiuè dictum, reiecta hac postteriori *vnus* acceptione, vt porè ad præsentem difficultatem, non spectante, de vno absolutè sumpto dicit, quòd in esse talis constituitur per solā negationē diuisionis. Quod, & probat primò; quia S. Thom: vnicumque de vno loquitur, definit



nit illud per solam indiuisiōem, dicens: quod *unum sit ens indiuisum*, esset autem hæc definitio insufficiens, si vnum ultra indiuisiōem diceret in suo conceptu diuisiōem ab alio. Ergo, &c. Probat secundò. Eo ipso, quod intelligamus aliquam rem in se indiuisam, sine vlla comparatione ad aliud extra se, intelligimus vnam. Ergo &c.

In contrarium est opinio Capreoli in 2. d. 24. q. 1. ar. 1. Soncinatis 4. Metaph. 9. 4. Nazarij 1. p. q. 11. a. 2. contr. vnica, & aliorum, qui tenent, ad rationem Vnius non solum indiuisiōem, sed etiam diuisiōem ab alio pertinere. Probantque primò suam opinionem ex definitione Vnius cōmuniter receptæ; dicitur enim, Vnum esse ens indiuisum in se, & diuisum à quolibet alio. Ergo ad rationem vnius non sola indiuisiō, sed etiam diuisiō à quolibet alio spectabit.

Secundò probant. Non esse diuisum in se est de cōceptu vnitatis. Ergo etiam esse diuisum ab alio extra se erit de cōceptu vnitatis. Ant. pater, & consequ. prob. Quod enim concipitur non diuisum ab alio extra se, de necessitate concipi debet diuisum in se, quia si concipitur non diuisum ab alio extra se, concipitur idem illi, quod est extra se. Ergo debet concipi diuisum in se, in illud sc. secundum quod est idem illi, quod est extra se, & secundum illud, secundum quod est ab ipso distinctum.

Tertiò probant; Esse aliud à se non est de ratione Vnius, quia hoc cum indiuisiōe, quam dicit, pugnat. Ergo non esse aliud à se erit de ratione illius; cū enim hæc contradictoriè opponantur, de necessitate vnum illorum vni competere debet: Tunc sic subsumo: Sed non esse aliud à se est idem, quod esse diuisum ab alio extra se, quia diuisiō ab alio dicit negationem illam, quam exprimitur illi termini, *non est aliud à se*, vt ex ipsis terminis patet. Ergo, &c.

Confirmatur hoc totum, quia S. Thom. 1. p. q. 11. ar. 2. ad 4. & q. 9. de Potentia ar. 7. ad 15. docet, conceptum diuisiōis ab alio, secundum rationem, esse priorem conceptu vnitatis. Vnde loco cit. ex 1. p. dicit. *Primò cadit in intellectu Ens. Secundò quod hoc Ens non est illud Ens, & sic secundò apprehendimus diuisiōem. Tertiò vnum. Quartò multitudinem.* Ergo includetur in conceptu vnitatis, sicut prius in posteriori, sine quo illud posterius concipi non poterit. Ergo, &c.

## §. 2. Conatur P. Suarez conciliare Authores.

**P**orrò Franciscus Suarez d. 4. Metaph. scēt. 1. n. 16. 17. & 18. sub distinctione præsentem difficultatem determinat: dicit enim, dupliciter posse concipi diuisiōem vnius ab alio, vel per modum relationis realis, seu ad

terminum realem, & existentem; vel per modum negationis. Iterum diuisionem vnius ab alio per modum negationis, dicit, tripliciter accipi posse. Primò per comparationem ad terminum positium realem realiter existentem, ita vt diuisio hoc modo sumpta neget identitatem inter duo realiter existentia; Vel secundò per comparationem ad terminum similiter positium, abstrahentem tamen ab existentia, itaut compararetur ad terminum positium absolutè sumptum, siue existentem, siue possibilem. Tertiò potest sumi hæc negatio per comparationem ad terminum negatiuū, & contradictorium, sicut cum dico: Ens est diuisum à non Ente, vbi *Ly*, est diuisum, negat ens esse non ens. Quibus distinctionibus præmissis.

Dicit primò. Si diuisio sumatur per modum relationis realis, seu ad terminum existentem, tunc si de illa formaliter loquamur, nō spectat vilo modo ad conceptum vnitatis, quamuis si de illa fundamentaliter sermo sit, possit ad conceptum vnius pertinere, non formaliter, sed consecutiue, sicut cōsequitur ad quantitatem, quòd sit fundamentum æqualitatis. Vtrūque dictum probat. Primum quidem; Tūm, quia diuisio hoc modo sumpta est posterior vno, idē enim est hoc diuisum ab alio, quia in se tale est, & vnum quid. Ergò non potest spectare ad conceptum constitutiuum vnitatis; Tūm etiam, quia Vnum de se est

prius multitudine, & independens ab illa, esse autem diuisum ab alio per modum relationis realis, tantquam à termino reali, & realiter existente, requirit multitudinem, immò inde confurgit multitudo, quia sunt plura vna, quorum vnū non est aliud. Ergo &c. Secundū autem dictum probat sic. De facto, & quodammodo ex intrinseca ratione entis secundum totam suam latitudinem considerati, cū quolibet ente possibilis, est coexistentia alterius. Ergò ad omne ens, secundum quòd est vnum, cōsequitur, vt possit esse distinctum ab alio, saltem apertitudine, & fundamentaliter.

Dicit secundò Suarius, quod si diuisio sumatur, prout significat negationem comparatam ad terminum positium existentem, non spectat ad conceptum vnitatis, propter easdem rationes, ob quas diximus, diuisionem, vt significatur per modum relationis realis, ad dictum conceptum non spectare; Vtrobique enim militat, vt eas perpendenti patebit.

Dicit tertiò, quòd si diuisio nō comparatur ad terminum positium, sed ad negatiuum, seu contradictorium, sic quidem concedit, hanc diuisionem omni enti hoc ipso, quòd vnum, ens est, competere, siquidem omni enti, sicut competit, quòd non sit non ens, ita competit, quòd sit diuisum à non ente: tamen dicit, hanc diuisionem non esse per aliquam negationem superadditam enti, nisi forte per aliquam reflexionem intellectus.

tellectus; Nam prout obiectiue intelligitur antecedere in ente, potius est affirmatio, quam negatio, assignatque rationem huius dicti; quia affirmatio non distinguitur a negatione per aliam negationem, aliàs procederetur in infinitum, diuiditur ergo per se ipsam, & sic etiam ens diuiditur à non ente, non per aliam negationem, sed per se, sicut & non ens diuiditur ab ente, non per aliam negationem, nec per aliquā aliam affirmationem, sed seipso, ita vt formalissimè, ens diuidi à non ente, nihil sit aliud, quam hoc esse ens, illud verò non ens. Hinc infert, diuisionem sumptam pro negatione contradictorij, non esse passionem entis, quia realiter nihil est, nisi ipsum ens, quatenus verò per intellectum excogitari potest, est solum extrinseca denominatio, vel relatio rationis, atque ideo intrinsecè ad rationem Vnius spectare non potest.

Denique quartò dicit, diuisionem, prout significat negationem comparatam ad terminum absolute sumptum, siue existentem, siue possibilem, pertinere ad conceptum vnitatis. Et rationem assignat. Quia sicut vni enti nullo modo potest conuenire, vt sit aliud, ita illi necessariò, & essentialiter competit, vt nō sit aliud, nā hæc sunt contradicentia, atque ideo si vnum illorum necessariò remouetur ab Vno, sc. esse aliud à se, alterum necessariò debet conuenire Vni, scilicet non esse aliud à se; quod est esse diuisū ab alio.

Limitat deinde sup. dictum, cum subdit, quòd hæc ratio non probat, hanc negationem primariò, & formalissimè intrare rationem Vnius, sed conuenire illi necessariò, siue per se primò, siue consequenter, & hoc posterius verius videtur. Et per hoc vult conciliare opiniones oppositas, dicens, quòd Authores primæ sententiæ negant, diuisionem pertinere ad rationem Vnius formaliter, & per se primò; Authores verò secundæ sententiæ affirmant, pertinere consequenter, ac per se secundò.

Sed quidquid sit de ista Authorum conciliatione, (licet enim aliqui possint explicari hoc modo, quo illos explicat Suarius, nā & opinio Soncinnatis est omnino eadem cum opinione Suarij, vt videre est apud ipsum 4. Metaph. q. 23. in fine corp. tamen alij, præcipuè recentiores, qui post Suarium scripserūt, etiāsi violenter trahantur, non possunt dictam interpretationem pati, sicut Nazarius, & P. Ioannes à S. Tho. & nost. P. Andr. à Cruce). Quidquid, inquam, sit de ista Authorum conciliatione, certè Suarij opinio (quæ eadem est cū opinione Soncinnatis) attentè profundius vnitatis natura, præ cæteris placet, inmeritoque illū loco cit. reprehendit Nazarius, quasi in hoc suo discursu, (quem ipsius Suarij ipsis ferè verbis descripsimus) à mente S. Doct. recesserit, & à veritate deuiauerit. Vtrumque enim falsò ipsi imputatur; Nam hæc eius opinio, quæ

sum

tum ad id, in quo opinioni Nazarij contrariatur, quod scil. diuidi ab alio non sit ratio primaria, & formalissima Vnitatis, & est conformior menti Philoſ; qui vbicunq; vnitatem explicuit, ſemper illam per ſolam diuiſionem explicuit, non quod illa ſola, ſed quod illa principaliter, & formaliffime rationem conſtitutiuam vnitatis in-  
tret. Vnde 5. Metaph. Textu Cōment. 2. dicit: *Vniuerſaliter quacunq; non habent diuiſionem, in quantum non habent, ſic vnum dicuntur.* Quæ reduplicatiua, ſi non ſolam, integrè, ſaltem ſolam, principaliter, indiuiſionem denotat eſſe conſtitutiuam vnitatis. Similiter S. Tho. vbicunq; de ratione conſtitutiuam vnitatis agit, ſemper ad indiuiſionem recurrit, & vix aliquando diuiſionis ab alio meminit, vt patet 1. p. q. 11. a. 1. & 4. C. & q. 9. de Pot. ar. 7. & alibi ſæpè, vt denotaret, quod etſi diuiſio ab alio conſecutiue, & ſecundario, non autem formaliffime, & per ſe primò concurrat.

Et ratio idem cōuincit. Ex hoc enim, quod aliquid concipiam, vt indiſtinctum in ſe, concipio, vt diſtinctum ab alio, quod non eſt ipſum; ita vt indiuiſio in ſe ſit ratio à priori diuiſionis ab alio; non enim ideò ſum indiuiſus in me; quia diſtinguor ab alio, ſed potius ideò diſtinguor ab alio, quia in me ſum indiuiſus.

Confirmatur, quia illa negatio, quam dicit diuiſio ab alio, ſemper aliquid reſpectiuum inuoluit, quolibet circa illam facta præciſio-

ne; vbi enim concipio aliud, & aliud, ſiue ſe inferentia, ſiue negantia, ibi aliquid reſpectus, & relationis concipere d. beo, Indiuiſio autem eſt ratio merè abſoluta. Ergò hæc erit prior illa, quia abſoluta ſunt priora reſpectiuis.

Nec reſert, ſi contra hanc confirmationem obijcias, illam non coherere cum dictis Angel. Doct. loco ex 1. p. pro ſecunda ſententia, adducto. Ibi enim expreſſè S. Doct. dicit, quod diuiſio eſt prior indiuiſione, vt conſideranti verba ipſius conſtat. Dicit enim: *Primò cadit in intellectu ens: Secundò quod hoc ens non eſt illud ens, & ſic ſecundò apprehendimus diuiſionem: Tertiò Vnum, &c.*

Reſp. negando Anteced. Ad probat: dicitur primò, S. Doct. dixiſſe, diuiſionem eſſe priorem. Vno, ac per conſequens indiuiſione, per quam Vnum in eſſe talis conſtituitur, non ſimpliciter, & ſecundum rem, ſed ſecundum quid, ſeu ſecundum intellectus noſtri apprehenſionem; Et hanc eſſe genuinam mentem Angel. Doct. patet; tum ex ipſius verbis in obiectione adductis, vbi, vt aſſignet diſtam proprietatem, ad apprehenſionem intellectus recurrit. Tum etiam ex ipſo ſolutionis ad 4. (vnde hæc verba depròpta ſunt) contextu. Dicit enim ibidem paulò ſuperius. *Oportet, quod diuiſio ſit prior vnitati, non ſimpliciter, ſed ſecundum rationem noſtræ apprehenſionis.* Quid clariùs pro nobis dici poterat?

Reſp. Secundò, & fortè meliùs, Ne-

Negando similiter Anteced. ad cuius probationem, negamus, quod S. Doct. vel verbulo, innuerit, indiuisiōnem esse posteriorem diuisione. De Vnitare id dixit, sed hoc indiuisiōni, etsi constitutiua sit vnitatis, perperam applicatur. Quod vt fundamentalius pateat, sensus verborum S. Tho. (quem Caietanus, & simul Nazarius magis subtilitatibus suis implicarūt, quam explicarunt, & quasi violenter ad confirmandum, quod negamus, traxerunt) planus sit, Verba S. Doctoris euidenter explico.

Quando ergo dicit Angel. Doct. quod post diuisionem apprehendimus Vnum, attendebat ad rationem completam vnitatis, quæ, etsi formalissimè, & primariò constituatur per indiuisiōnem, tamen (vt diximus) etiam secundariò constituitur, & quasi completur per diuisionem ab alio, si non formaliter, saltem fundamentaliter, sumptam. Optimè igitur dixit, Vnum, completè sumptum, esse post apprehensionem diuisionis, cum ad complementum Vnius diuisio, saltem fundamentaliter sūpta, requiratur. Vnde benè subiunxit, quod post talem vnitatis apprehensionem sequatur multitudo, quia hæc intelligi non potest, nisi Vnum completè, id est cum diuisione vnus ab alio concipiatur. Cæterum nunquam dixit, diuisionem esse priorē indiuisiōne. Et quāuis explicite nō posuerit, quando in apprehensionem intellectus cadat indiuisio, posuit

tamen implicite, quando dixit *Primo cadit in intellectu ens*: est enim hæc negatio, quam dicit indiuisio, impræscindibilis ab ente, ita quod ipsa multitudo non contineretur sub ente, nisi contineretur sub Vno, vt dicit S. Tho. 1. p. q. 11. a. 1. ad 2. ac per consequens, nisi aliquo modo participet de indiuisiōne, saltem secundum quid.

Virgetur, quia illud ens, quod cadit primò in intellectu, cum non cadat, vt diuisum in se, (alias illud S. Tho. non vocasset, ens, sed entia) cadet utiq; vt indiuisum, hæc enim contradictoria sunt, ac per consequens vnum illorum illi rationi entis competere debet.

Nec refert, si dicas, hanc secundam responsionem nō benè adaptari, verbis Ang. Doct. quia ille quando dixit, Vnum esse post diuisionem, locutus est de Vno secundum indiuisiōnem; Quod ipse clarissimè ostēdit, eandem doctrinam, quam hic tradidit, repetens in quæstionibus disputatis, quæst. 9. de Pot. art. 7. in solut. ad 15. vbi, cum dixisset, vt ex ipsius verbis, quæ in quæst. præced. retulimus, constat. Primum, quod cadit in intellectu, esse ens, deinde diuisionem; subiungit hæc verba. *Quartò autem in intellectu sequitur ratio vnus. prout scilicet intelligitur hoc ens non esse diuisum.* Ergo ex mente S. Tho. Vnum, secundum quod dicit indiuisiōnem, est posterius diuisione.

Resp. indiuisiōnem duos habere conceptus, adæquatum scilicet

cet, & inadæquatum, quos in ipsa etiam vultate, per indiuisiōē constituta, possumus, immò debemus distinguere. Concipitur ergo indiuisio inadæquatē, quando concipitur secundum suam rationem absolutam, in quantum in hoc ente negat aliquam diuisionem; cæterum hic est inadæquatus indiuisiōis conceptus; quia sicut differentia constitutiva speciei est statim distinctiua ab omnibus alijs eandem speciem non participantibus, ita indiuisio constitutiva entis in esse huius est statim, saltem fundamentaliter, distinctiua eiusdē ab omnibus alijs, quæ non sunt hoc ens. Vt autem adæquatē concipiatur indiuisio, debet concipi, vt inferens, vel saltem, vt connotans diuisionem ab alio, saltem fundamentaliter suppositam. Tunc ergo adæquatē ens concipitur nō esse diuisum, seu, quod idem est, esse indiuitum, quando concipitur cum dicta illatione, vel saltem connotatione diuisionis vnius ab alio; Itaque S. Doct. attendendo ad hunc adæquatum indiuisiōis conceptum, dixit, *Vnum* secundum quod indiuitum, supponere diuisionem, quam, vt modò diximus, saltem connotare debet. Nos autem locuti sumus de conceptu inadæquato indiuisiōis, secundum quem formalissimè, & primariò est constitutiva vnitatis. Et sic optimè nostra dicta cum doctrina Angelici Doctoris coherent.

§. 3. Respondetur argumentis oppositarum opinionum, in quantum aliquid contra nos probare possunt.

**P**rimò igitur argumentis primæ sententiæ respondet, ad auctoritatem primam, Angel. Doct., quam pro se adducit P. Ioannes à S. Tho: patet ex dictis disp. præc. quæst. 2., & idè non est necesse ad ipsam respondere. Ad secundam verò authorit. quam adducit ex q. 9. de potent. respondetur, S. Tho: quando dixit, quod *Vnum* nihil addit supra Ens, nisi indiuisiōnem, locutus est, non de totali constitutiuo Vnius, sed de principali, vel etiam dici potest: quia, vt supra diximus, ipsa indiuitio, si adæquate sumatur, inuoluit diuisionem ab alio, hoc attēdens. Angel. Doct. dixit; quod solam indiuisiōnem addit Enti, non excludendo ab integro constitutiuo Vnius etiam diuisionem ab alio, quam indiuisio adæquatē sumpta, vel inuoluit, vel connotat. Quando verò ibidem S. Tho: dicit, quod Vnum addit vnā negationem supra Ens, secundum quod aliquid est indiuitum in se: Multitudo verò addit duas, prout sc. aliquid est in se indiuitum, & diuisum à quolibet alio, intelligendus est de additione principalis constitutiuo, non autem de additione vtriusque, quia ergo Vnum solam indiuisiōnem de principali addit supra  
**Eus**



Ens, diuisionem verò ab alio secundariò; Multitudo autem utrūque de principali dicit; non enim possum concipere, etiam conceptu inadéquato, multa, nisi concipiam illa, & in suis vnitatibus per indiuisiōem completa, & insuper inter se distincta. Quod clarissimè docet ibidem S: Tho. de potent. Dei. art. & quæst. cit. Vnde potuit optimè Angel. Doct. attendendo principalia, & formalissima constitutiva, dicere, quòd *Vnum addat unam negationem Enti, multitudo uerò, duas*. Viderit autem Nazarius, quid huic auctoritati respondeat, qui contendit, secundum mentem S. Thomæ: diuisionem ab alio æquè principaliter, ac indiuisio, ad constitutionem vnitatis pertinere.

Ad argumentum verò à ratione petitum, quod adducit P. Ioannes à S. Tho: responderetur conced. anteced. & distinguendo consequens, quòd diuisio potius pertinet ad rationem multitudinis, quàm vnitatis, vt habet modum relationis, concedo: Vt habet modum negationis: iterum subdistinguo; Si primariò, & per se significetur, concedo: Si secundariò, & per modum connotati, nego. Quæ omnia cum ex dictis pateant, explicatione non indigent.

Ad illud autem, quod in eodem argumento additur, quia nimirum vnitas sufficienter intelligitur cōstituta, si non intelligitur soluta; quæ non solutio, quia fit per indiuisiōem in se, per illam solam sufficienter intelligitur constituta

vnitas, resp. non solutionem, ac proinde constitutionem vnitatis fieri quidem per indiuisiōem in se formalissimè, & primariò, non tamen adæquatè, nisi addatur secundariò, & saltem per modum connotati, diuisio ab alio, quàm indiuisio in se indispensabiliter infert. Quomodo enim aliquid intelligeretur adæquatè indiuisum in se, si non intelligeretur diuisum ab omni alio, quod non est ipsum. Ad confirmat. patet responsio ex dictis, disput. præced. quæst. in solut. 2. obiectionis contra nostram rationem, qua probabamus, *Aliquid*, non esse passionem Entis, ab Vno distinctam.

Argumenta P. Andreæ à Cruce ex dictis soluta manent. Dicimus enim, S. Tho. ideò definuisse Vnum per indiuisiōem, eiusque definitionem sufficientem esse, quia in conceptu indiuisiōis inuoluitur, saltem per modum connotati, diuisio ab alio; et ideò explicanda non fuit (quamuis in alijs locis etiam diuisionem ab alio, explicite posuerit) in definitione vnitatis.

Ad secundum autem dicitur; quòd licet eo ipso, quòd aliquid concipiamus in se indiuisum sine vlla cōparatione formali ad aliud, possumus intelligere vnum, sicut intelligimus Deum vnū ante creationem, non tamen sine cōparatione saltem fundamentali; vt ex dictis tū in hac, tū in quæst. 2. præced. disput. constat.

Argumenta secundæ sententiæ nihil plus probant, quàm quod &



nos dicimus, scilicet ad conceptum unitatis diuisionem ab alio aliquo modo pertinere. Vnde solutione non agent. Solūm quarum petitur, ex autoritatibus S. Tho. posset virgere contra nos.

Sed eius solutio ex dictis in hac eadem solutione patet, insuper, vt fundamētalius soluitur, posset adhuc responderi, quod licet admitteamus, diuisionem esse priorem indiuiſione, non tamen sequitur, quod primariō ad conceptum unitatis spectet: Non enim omne, quod est prius ordine alio, est præcipuum, & primarium; quod mille exemplis demōstrari potest. Et in potentijs operatiuis euidenter constat, quibus etsi prius competat esse, quā operari, quia esse supponitur ad agere, (vnumquodque enim agit, in quantum est in actu) tamen prius, & principalius respiciunt operari, quam esse, quia propter operari habent & ipsum esse; de quo videre poteris Nost. Complut. in Phys. disp. 10. quæst. 5.

#### §. 4. Pars secunda questionis determinatur.

**I**N Secunda quæstionis parte determinandum est, qualis est hæc negatio, quam addit Vnum supra Ens; an scilicet sit negatio, vel priuatio: Et an sit realis, vel rationis? A prima quidem parte facile nos expeditimus, &

Dicimus primō, indiuiſionem, quam dicit Vnum, nec esse Nega-

tionem in ampla negationis significatione, nec priuationem propriè dictam, sed medium locum tenere. Pro ista Conclusionē claram habemus mentem Angelici Doct. qui q. 9. de Potentia. ar. 7. ad 11. hæc habet. *Sicut in 5. dicitur Metaph. priuatio tribus modis dicitur. Vno modo propriè, quando remouetur ab aliquo, quod natum est habere, & in quo tempore natum est habere, sicut carere uisu est priuatio uisus in homine. Alio modo communiter, quando remouetur ab aliquo, quod ipsum quidem non est natum habere, sed genus eius, sicut si non habere uisum dicatur esse priuatio uisus in talpa. Tertio modo communissimè, quādo remouetur ab aliquo id, quod à quocunq; alio natum est haberi, non tamen ab ipso, nec ab alio sui generis; Sicut si non habere uisum dicatur esse priuatio uisus in planta: Et hæc priuatio medium est inter priuationem ueram, & simplicem negationem, habens commune aliquid cum utraq; cum priuatione quidem uera in hoc, quod est negatio in aliquo subiecto, unde non competit simpliciter non enti; cum negatione uerō simplici in hoc, quod non requirit aptitudinem in subiecto. Per hunc autem modum Vnum priuatiuè dicitur, & potest predicari in Diuinis.*

Ex quo S. Thom. loco habes clarè decisum id, de quo Authores controuertunt. Clarè enim S. Tho. dixit, indiuiſionem, quam dicit Vnum, nec esse negationem in ampla negationis significatione, nec priuationem propriè dictam, sed



*Questio II. Qualis est negat. quam: Unum addit sup. ens. 309*

sed medium locum tenere. Quod etiam docere volebat Suarius 4. Metaph. sect. 1. noster Andrea à Cruce 1. p. q. 1. 1. 1. 2. dub. 2. quando dicebāt, indiuisiōnem esse quidē negationem, sed habere priuationis modum. In hoc tantum Suarius reprehendi potest, quia dicit, indiuisiōnem absolute debere vocari negationem, quamuis modum priuationis habeat, in quantum versatur necessario circa ens. Ex eo autem illam, negat, posse vocari priuationem, quia non negat formam, cuius sit capax subiectum, ut patet in essentia Diuina, quæ licet incapax sit diuisionis, tamen vocatur vna, & habet indiuisiōnem. Priuatio autem, inquit Suarez, debet negare formā in subiecto apto nato habere ipsam. Cæterum nō attendebat prædictus Author, esse in priuatione latitudinem, quam S. Doct. explicuit, vnde etiam illas negationes sub priuatione clausit, quæ remouent formas à subiecto, quas nec ipsum, nec aliquid eiusdem generis cum ipso aptum natum est habere, sed quæ à quocunque alio haberi possunt. Vnde etiam essentia Diuinæ v. g. Vel etiam alijs simplicibus, quæ talibus, diuisio repugnet, non tamen repugnat enti vniuersalissimè accepto, quod, ratione suæ transcendentia, tam in essentia Diuina, quam in alijs simplicibus imbibitur.

Nec refert, si contra modò dicta Obijcias id, quod innuit Franciscus Suarez, quod sc. etiam ipsa ratio entis non sit subiectum

aptum natum diuidi. Ergo non possumus recurrere, ad ostendendum indiuisiōnem esse priuationem, ad ens, tanquam ad subiectum capax diuisionis. Antecedēs probat Suarius, quia nullum ens à seipso diuidi potest, cum nihil sit separabile à seipso. Ergo &c.

Resp. enim ex supra dictis, in diuisiōnem, quam dicit Vnum, non esse negationem diuisionis à seipso, sed in seipso, quæ Enti competere potest; potest enim ens in plura diuidi. Et mirum, quomodo Suarius hoc adduxerit, qui in eadem sect. & disput. docuit, quod, & nos docuimus, diuisiōnem, quæ dicit Vnum, non esse alicuius à se, sed in seipso.

Altera difficultas aliquā posset inferre perplexitatē propter nost. P. Andr. à Cruce, qui tenet, negationem, quam dicit Vnum, non esse realem, sed rationis. Sed etiā hæc patet ex dictis, & sic

Dicimus Secundò, indiuisiōnem esse negationem realem. Probat̃ur faciliè. Vnum, in esse talis, non constituitur per aliquid rationis. Tū quia est affectio Entis realis. Tū quia, nullo intellectu cogitante, quod est indiuisum, est vnū, & Deus ante creationem mundi vnus erat, cum tamen tūc nullus intellectus fuerit formatius entium rationis, solus enim tūc fuit intellectus Diuinus, qui ea formare nequit. Tū denique, quia cum prædico de aliquo vnitatem, non prædico aliquid rationis, verè enim Petro à parte rei competit, quod sit vnus homo. Vnum

ergo

ergo, in esse talis, non constituitur per aliquid rationis, sed constituitur per indiuisiōem. Ergo indiuisio nō est negatio rationis, &c.

Respon. nost. Andr. à Cruce, negando, in sua sententia Vnum, qua tale, constitui per aliquid rationis, & rationem istius assignat. Nam, vnum, in quantum vnum, secundum se, dicit entitatem realem, connotando diuisionem sibi impossibilem, atque sic constitutum vnius, in esse talis, non erit aliquid rationis, quia illa entitas, illudq; connotatum, verè est à parte rei.

Sed hæc verba sunt tantum, in re autem fateri debet P. Andreas, constitutum unitatis, in ipsius sententia, esse aliquid rationis, ac per consequens Vnum per illud constitutum, qua tale, esse ens rationis: Quod sic ex verbis ipsius deduco. Nam quando dicit, quod Vnum dicit entitatem realem, connotando diuisionem sibi impossibilem, quæro: illa connotatio in illa entitate reali vnde est? Non potest negare, quod sit per indiuisiōem, aliud enim fundamentum huius connotationis assignare non poterit; Vnde omne ens carens indiuisiōe non potest connotare diuisionem sibi impossibilem. Ergo illa connotatio diuisionis, vt impossibile ipsi enti, vel erit indiuisio, vel in indiuisiōe fundata. Ergo illi enti, vt sit vnum, sicut connotatio diuisionis, vt illi impossibile, ita, & ipso indiuisio superaddetur. Sed indiuisio, secundum te, est negatio rationis. Ergo

illud, quod superadditur enti, per quodque ens constituitur in esse vnius, erit aliquid rationis. Ergo, &c.

Sed est difficilis valdè S. Thomæ locus, ex primo Senten. distinct. 24. Q. 1. ar. 3. ad 1. quem pro sua opinione citat nost. P. Andreas à Cruce, & videtur nostræ sententiæ euidenter cōtrariari. Dicit enim ibi S. Doct. *Dicendum, quod in multitudine negatio est, secundum quod una res distinguitur ab alia per negationem. Vnde in multitudine est negatio, vel priuatio realis, secundum quod una res non dicitur esse alia; & huiusmodi distinctionem per negationem negatio importata per rationem unitatis: Vnde dico, quod negatio ista, in qua perficitur ratio unitatis, non est, nisi negatio rationis tantum; Omnis enim respectus, qui est Entis ad negationem, vel ad non ens, non est, nisi rationis. Vnde relatio, qua refertur ens ad non ens, non est, nisi tantum in ratione: Et similiter priuatio, qua de ente negatur non ens, est in ratione tantum, ut priuatio priuationis, vel negatio negationis. Quid clarius contra nos dici potuit? Sed*

Resp. supponendo prius, quod licet diuisio habeat effectum negatiuum, causat enim hoc, quod est, vnum non esse aliud, adæquatè tamen non in sola negatione consistit, sed etiam in fundamento, & causa dictæ negationis, quod est separatio, seu segregatio huius ab alio. Quod autem hæc separatio, seu segregatio sit causa ne-

ga:

gationis, quàm diuifio importat, patet; Aliter enim negatio ista intelligi non potest; nisi enim intellexeris segregata, non intelliges diuifa, confequenter neque intelliges, hoc non esse hoc. Et hanc segregationem, seu diuifionem, quæ vnitatem foluit, tollit indiuiſio, quæ talem segregagationem impedit, & confequenter illam negationem, quæ ad destructionem fundamenti tollitur, ſicut qui deſtruit album, deſtruit & negationem nigri, quæ in illo eſt. Quia ergo indiuiſio, quam Vnum addit ſupra ens, eſt negatio diuifionis, poſſunt in ipſa, adhuc inadæquatè ſumpta, ſecundùm, quod præſcindit à diuifione ab alio, & ſolam indiuiſionem in ſe dicit, (de quo ſupra) diſtingui alij duo inadæquati conceptus; quorum vnus ſupponit alium, & fundatur in ipſo. Primò enim, poteſt concipi indiuiſio, vt tollit illud fundamentum negationis à diuifione importatæ, illam ſcilicet segregationem vnus ab alio, quæ vnitatem ſoluit. Et hoc modo ſumpta indiuiſio, eſt negatio realis, quia negat aliquid poſituum, & reale; Eſtque fundamentum alterius cõceptus inadæquati, de quo ſtatim. Secundò poteſt concipi indiuiſio, vt negat formaliter ipſam diuifionem, prout diuiſio ſignificat illam negationem, quæ illis terminis exprimitur: hoc non eſt illud: Et hæc negatio, quia eſt negatio alicuius non entis, ſicut eſt negatio negationis, ita eſt negatio rationis; & hæc

ſupponit illum priorem inadæquatam conceptum, (ſicut in ipſa diuifione, quam iſtæ negationes tollunt, prior eſt illa segregatio, quam negatio in segregatione fundata) ac per confequens quodammodo formalizat, & perficit illam in eſſe negationis, ſicut omne adueniens intelligitur ſuū ſuſceptiuum formalizare, & perficere. Quando ergo Angelicus Doctor dixit, quod negatio iſta, in qua perficitur ratio vnitatis, non eſt niſi negatio rationis tantum, intellexit de negatione, ſeu indiuiſione ſecundo modo accepta: vnde notanter poſuit illum terminum, *perficit*, propter modò dicta. Cæterum ipſa indiuiſio conſtituit primò, & principaliter Vnū ſecundùm primum inadæquatam conceptum, vt ex ſupra dictis patet in quæſt. præced. in ſolut. primi argumenti, & confequenter indiuiſio, vt formaliffimè, & principaliter eſt conſtitutiva vnitatis, ſicut de illa nunc loquimur, non eſt negatio rationis.

Quòd autem hæc ſolutio non ſit ficticia, ſed genuina mens Angel. Doct. euidenter oſtendo. Aliàs enim S. Tho. non ſoluiffet adæquatè argumentum, quod ſoluere intendebat, ſed vna parte ſoluta, aliam inſolutam (quaſi fugiens argumēti difficultatem) reliquiſſet. Quod de Angel. Doct. nefas eſt cogitare. Vt hoc euidentius pateat, adduco argumentum primum, cuius ſolutio in citatis verbis continetur. Dicit ergo S. Tho. *Videtur, quod vnitas, & numerus ali-*

aliquid ponant in Diuinis, & non dicantur secundum remotionem tantum, si enim per unum remouetur aliquid, non remouetur, nisi pluralitas. Et similiter si per pluralitatem remouetur aliquid, non remouetur, nisi unitas. Si ergo utrumque dicatur per remotionem, tunc utrumque non erit, nisi remotio remotionis. Sed priuatio priuationis nihil est, nisi secundum intellectum, quia potest sic multiplicari in infinitum, sicut dicit Auicenna. Ergo secundum hoc unitas, & numerus non essent realiter in Deo, sed in ratione intelligentis tantum, & sic non possent dici plures Personæ, nec plures rationes, quod uidetur hereticum. S. ergo Tho. debuit saluare conformiter ad intentum articuli, utrumque, scilicet numerum, & unitatem non esse aliquid rationis. Quod etsi saluauit, & deduxit de numero, non tamen de unitate, (quæ non minus non potest esse secundum rationem tantum intelligentis in Diuinis, quàm numerus, quia ibi sicut dicuntur plures Personæ realiter, ita dicitur una Essentia realiter) immo nisi secundum nostram explicationem verba ipsius intelligantur planè destruxit unitatem, realem, ut consideranti patebit.

Et hinc etiam patet solutio ad argumentum, quod à nostro P. Andrea à Cruce adducitur ad probandum, indiuiduationem esse negationem rationis. Sic enim ille argumentatur. Diuisio in Deo, & eius essentia, est omnino impossibilis, & consequenter non

ens, & ita negatio huius diuisionis non potest esse vera negatio realis, nam non datur realiter negatio negationis, licet possit dari per intellectum, quatenus imaginamur diuisionem per modum formæ, in quantum diuisio dicit entiam diuisorum pluralitatem, in quibus importatur positium, & sic diuisionis negationem in quocunque concipimus per modum negationis. Huius, inquam, argumenti patet solutio, tum ex modò dictis, tum ex dictis in præced. quæst. in solut. ad primū contrariæ opinionis, ubi ostendimus indiuiduationem, secundum quod est formalissimum constitutum unitatis, non esse negationem negationis, nisi fortè materialiter, formaliter autem, est negatio alicuius positiui, illius scilicet separationis entis in ens, & ens, seu pluralitatis realis in ente, quam consequitur negatio identitatis, explicata per illos terminos negationem significantes, hoc non est hoc: neque circa hoc aliquid ampliùs occurrit dicendum.

### QVAESTIO III.

*Verum Vnum pro formali dicat solam negationem, quàm addit enti, vel potius entitatem cum negatione? & si utrūque quid illorum formalius?*

**O** Stendimus in prima quæstione, Vnum solam negationem.

tionem addere enti, in præcedenti verò quæstione declarauimus, quæ, & qualis est hæc superaddita enti negatio, statim verò pulsatur animum alia quæstio, an vnū, sicut solam negationem addit enti, ita solam pro formali dicat? & ad hoc definiendum præsens quæstio excitatur. Pro qua.

Dico quantum ad vtramque partem: Vnum dicit pro formali entitatem, priuatio autem importatur, tanquam connotatum, seu modus aliquis, intrinsecè ad constitutionem vnus petitus. Ita Sôcinn. 4. Metaph. quæst. 20. & 23. Flandr. etiam ibidem quæst. 3. ar. 8. Gonzales 1. p. disput. 28. Ioannes à S. Tho. 1. p. q. 11. difficult. 1. Nost. Andreas à Cruce, ibidem 1. p. q. 11. dub. 1. Eamque vt probabiliorē amplectitur Suarez disp. 4. Metaph. Sect. 2.

Probatur primò nostra Conclusio quantum ad primam partem, quòd scilicet Vnum pro formali dicat entitatem. Si Vnum pro formali non diceret entitatem, sed solam negationem, vel potius priuationem, Vnum formaliter esset terminus priuatiuus. Hoc dici nequit, quia omnis terminus priuatiuus dicit aliquam imperfectionem in re, cui tribuitur, Vnū verò non dicit imperfectionem in re, cui tribuitur, vt patet; aliàs cum dicimus, Deum esse vnum, diceremus, esse in Deo aliquam imperfectionem, quod repugnat, & ita sicut repugnat Deum esse imperfectum, ita repugnet, esse vnum. Ergo &c.

Hæc ratio displicet Francisco Suarez, quamuis ei nostra Conclusio placeat; Vnde dicit, quòd hæc ratio non est magni momenti, non enim est necesse, priuatiuū terminum imperfectionem importare, si forma, quam negat, ad perfectionem nō pertineat, vt patet in his terminis, infinitum, im materiale, qui licet sumantur omnino priuatiue, nullam imperfectionem dicunt; idem ergo esse potest de Vno, quia diuisio, quā negat, non dicit perfectionem simpliciter.

Instatque Suarius, quia eadem ratio procederet, etiam si Vnum pro formali dicat ens cum indiuisione. Nam si priuatio purè sumpta dicit imperfectionem, etiā si aliquid ei adiungatur, eandem dicit imperfectionem adiunctam perfectioni. Sed

Contra est. In primis enim, quod dicit Franciscus Suarez, nō omnem priuationem dicere imperfectionem, præcipue in priuationibus formarum, quæ nullam dicunt perfectionem, subsistere nequit. Nam generaliter omne ens est perfectius non ente, & consequenter forma, quæ est ens, est perfectior priuatione, quæ semper est non ens. Deinde illud, quod addit ad probationem assumpti, sc. Infinitum, vel immateriale, quamuis sint termini priuatiui, nullam dicere imperfectionem, vel falsum est, vel non est ad propositum. Si enim hæc prædicata applicentur suo competenti subiecto, v. g. si infinitas applicetur

tur Deo, tunc etsi quantum ad sensum verbalem, sit aliquid priuatiuum, in re tamen ipsa significat aliquem gradum positium, & aliquam perfectionem Diuinam, quæ tali priuatione explicatur ex eo, quia, vt supra ex S. Doct. diximus, perfectiones Diuinæ conuenientius explicantur per terminos negatiuos, quàm per positiuos, & sic non est ad p. opositum; & simile est, si Ly immateriale applicetur Deo, vel Angelo. Si verò dicta prædicata applicentur incompetentibus subiectis, vt si de homine v. g. dicā, quòd sit infinitus, vel de lapide, quòd sit immaterialis, vtraque priuatio dicitur imperfectionem, quia & in homine non esse definitum terminis paruitatis, & magnitudinis, quos infinitum tollit, sonat imperfectionem, cum ultra ipsos esset in via corruptionis; de quo vide nost. Complut. in Phys. disput. 17. & in lapide carere materia, quod per Ly immateriale significatur, etiam imperfectionem dicit, quia careret aliquo suæ naturæ debito, essetque sub statu suæ rationi essentiali, principijsque specificis, repugnanti. Vnde sicut nō esse lapidis est imperfectio in lapide, ita & esse immaterialem, seu carere materia erit imperfectio in ipso; idemque est de omnibus materialibus dicendum.

Secundò probatur nostra Conclusio ratione tali. Si Vnum pro formali diceret solam priuationem diuisionis, sequeretur, non

illud futurum magis vnum, quod fuerit magis ens, sed illud, quod etsi sit minus ens, est tamen magis indiuisum. Consequentis est falsum in sententia S. Tho. Ergò & illud, ex quo sequitur. Falsitas Consequentis patet. Nam Angel. Doct. 1. p. q. 11. ar. 4. non ex eo præcisè probat, Deum esse maximè vnum, quia est maximè indiuisus, sed etiam ex eo, quia est maximè ens; dicit enim: *Cum unū sit ens indiuisum, ad hoc, quòd aliquid sit maximè unum oportet, quòd sit & maximè Ens, & maximè indiuisum.* Et vrgetur magis falsitas consequentis ex eodem Ang. Doct. quæ cum tibi in citato iam artic. obiecit, dicens: *Nihil videtur esse magis indiuisibile, quàm id, quod est indiuisibile actu, & potentia, cuiusmodi est punctum, & unitas, sed in tantum aliquid dicitur magis unum, in quantum est indiuisibile.* Ergo Deus non est magis unum, quàm punctum, & unitas: huic argumēto respondens, dicit: *Ad secundum dicendum, quòd punctum, & unitas, quæ est principium numeri, non sunt maximè entia, cum non habeant esse, nisi in subiecto aliquo. Vnde neutrum eorum est maximè unum: Sicut enim subiectum non est maximè unum propter diuersitatem accidentis, & subiecti; ita nec accidens.*

In qua solutione, ut optimè aduertit Nazarius ibidem, duæ solutiones continentur, Vna principalis explicite posita, negando scilicet, rationem formalem unitatis, vel consistere, vel desumi ex



indiuisione, quia potius desumitur ex entitate, quæ est quid formalius in unitate. Altera implicitè contenta, & quasi per modum additamenti pro vberiori doctrina, quæ negatur punctum, vel unitatem esse omnino simplicia, sicut Deus, & datur huius ratio, quia faciunt compositionem cum subiecto. Ergo iuxta mentem S. Tho: ex excellu in entitate magis, quàm in diuisione, maior unitas colligitur.

Sequela autem, quæ erat probanda in hac ratione, pro conclusione adducta, sic probatur; quia forma, quæ vel principaliter, vel totaliter constituit aliquid in esse talis, quantum magis participatur, tantò illud est magis tale, sicut v.g. quia album, in esse albi, constituitur totaliter per albedinem, idè quò subiectum aliquod magis participat de albedine, eò erit magis album, etiamsi minùs sit perfectum, quantum ad entitatè, quàm aliud; sicut licet perfectior sit homo pariete in esse entis, tamen si paries sit albus, vt 4. & homo, vt duo, magis erit paries albus, quàm homo. Et similiter, quia licet intellectus simul cum lumine gloriæ concurrat ad visionem beatificam, tamen, quia principalius ad illam concurrat lumen, quàm intellectus (ex eo, quia lumen, vtpotè dispositio ordinis supernaturalis, dat etiam simpliciter posse proximum intellectui in ordine ad visionem claram Dei, quamuis supponat radicale posse in ipso) tunc om-

nis inæqualitas reperta in visione beatifica, non refunditur in intellectu, sed in ipsum lumen, unde perfectior intellectus cum æquali lumine gloriæ non videbit perfectius Deum. Ergo si indiuisio, vel sola, vel principalius constitueret Vnum in esse talis, maior unitas potius ex maiori indiuisione, quàm ex maiori entitate sumeretur.

Probatur 3. ex ipsa natura, & conceptu proprio Unitatis. Nam secundum communem acceptionem, nomine Vnius non intelligimus puram negationem, vel priuationem, sicut intelligimus nomine cæci, v.g. Ergo non solum materialiter, & ex parte subiecti, sed etiam formaliter in sua ratione formali includet Entitatem, illo enim priori modo, omnia priuatiua includunt subiectum, in quo exercentur.

Probatur 4. Si Vnum in suo formali significato solam negationem, vel priuationem includeret, non posset esse vera passio entis, consequens omne ens. Hoc est falsum. Ergo & illud, ex quo sequitur. Falsitas consequentis ex dictis in disp. præced. satis patet. Sequela verò maioris probatur primo, quantum ad vltimam partem, quòd scil. si ratio formalis constitutiua vnius in esse talis, esset negatio, vel priuatio, non consequeretur omne ens: Quia cum omnis negatio, vel priuatio sit alicuius entitatis negatio, vel priuatio, saltem illi enti non competeret, quod tollit. Ergo

R r 2 iam

iam non consequeretur omne ens. Ex quo etiam prima pars manet probata, quia passio debet competere omni. Adde, quia priuatio, & negatio opponuntur Enti, vt ex supradictis in prima disp. huius tract. constat. Ergo non sunt constitutiue passionum Entis, cum passio debeat conuenire subiecto, & consequi illud, non autem opponi, vel repugnare ipsi.

Confirmatur hæc Conclusio euentissimis S. Doct. auctoritatibus, vt nullus de ipsius mente, quantum ad hoc, remaneat dubitandi locus. In primis ergo S. Tho: 10. Metaphys. lect. 4. dicit.

*Vnum non significat priuationem puram, non enim significat ipsam indiuisiōem, sed ipsam ens indiuisum.* Deinde q. 9. de Pot. art. 7. dicit. *Vnum, quod conuertitur cum Ente, non addit supra Ens, nisi negationem diuisionis, non quod significet ipsam indiuisiōem tantum, sed substantiam eius; cum ipsa est enim Vnum Ens indiuisum.* Similiter 10. Metaphys. cap. 5. docet, *Vnum, & multa opponi contrariè.* Ergo, vt egregiè arguit P. Ioannes à S. Thom: 1. p. quæst. 11. ar. 1. diff. 1. Oporteret, quod formale in Vnitatem, penès quod sit oppositio, sit positium, aliàs non fundaret contrarietatem, de cuius ratione est, vt vtrumque extremum sit positium, & non pura priuatio. Et in alijs pluribus locis idem docet Angelicus Doct. quæ videre poteris apud P. Ioannem à S. Tho. loco ex 1. p. cit.

**Aduertendum tamen hic est**

cum Suarez, quæstionem hanc non parum inuoluere quæstionis de nomine, seu de modo loquendi. Omnes enim in hoc conueniunt, Vnum in suo adæquato significato nihil aliud dicere, quàm Ens indiuisum, solamque indiuisiōem addere Enti, ideòque omnes fateri debent, in Vno nihil esse, extra rationem Entis, vt sic, præter negationem solam. Ex quo alterius sequitur, quod Vnum solum possit dici passio entis ratione negationis, quam superaddit enti, quia solum est passio, secundum quod dicit aliquid extra rationem entis. Quidam ergo concipiunt, supposito ente reali, sola negatione illi superaddita, constitui Vnum; Et ideò dicunt, Vnum de formali solam negationem diuisionis dicere. Alij verò, & meliùs concipiunt, Vnitatem non esse, velut quandam priuationem additam enti, sed esse ipsam entitatem, quæ, vt indiuisa, constituit Vnum ens. Quæ licet vera sint, vt tamen satisfiat argumentis contrariæ sententiæ, hæc cum suis fundamentis adducitur.

Est ergo alia opinio, quæ dicit, Vnum pro formali solam negationem importare. Huius opinionis videtur fuisse Caietanus 1. p. q. 11. a. 2. ad 2. Scori, vbi ait; *Vnum formaliter non esse magis extra nihil, quàm alia priuatiua, vel negatiua.* Eandemque tueretur Fonseca in sua Metaph. quæst. 5. sect. 5.

Fundamentum primum istius Sententiæ est hoc. Id solum dicit, **Vnum,**



Vnum, de formali, per quod distinguitur ab ente; sed solum distinguitur in negatione, quam addit. Ergo illa solum dicit de formali.

Resp. primò negando Minorem. Vnum enim non distinguitur ab ente per aliquam differentiam superadditam enti, sed per ipsam rationem entis diuersimodè acceptam: Impossibile siquidem est, in istis transcendentibus, vt propria passio omninò distinguatur à subiecto, aliàs transcendentia non essent, sed sufficit quòd distinguantur quòdā modum concipiendi, vel ratione diuersorum connotatorum, vel ratione diuersorum modorū, quos, important. Vnde S. Tho. q. 1. de Verit. a. 6. loquens de istis transcendentibus, dicit. *Secundum hoc aliqua dicuntur addere ad ens, in quantum expriment ipsius modum, qui nomine entis non exprimitur.*

Secundò resp. cum Suarez, vel potius magis præcedens solutio illustratur, distinguendo eandem. Minorem. Vnum distinguitur ab ente ratione negationis, quam addit radicaliter, non tamen formaliter. Sic enim non distinguitur per negationem diuisionis, tanquam per formam constitutiuam vnius, sed per entitatem indiuisam. Itaq; Ens de formali dicit entitatem vt sic, vnum verò dicit pro formali eandem entitatem, vt indiuisam.

Fundamentum secundum eiusdem opinionis. Si Vnum pro formali, vltra negationem, dicit aliquid, vel illud erit ens, vel aliquid

distinctum ab ente. Neutrum dici potest. Ergo &c. Maior patet, & Minor prob. quantum ad secundam partem, quòd scilicet Vnum, vltra negationem, nihil possit pro formali dicere distinctum ab ente. Tùm quia non ens, seu negatio, & ens contradictoriè opponuntur, vnde inter illa non datur aliquod medium. Tùm etiam, quia si illud pro formali importatum est aliud à negatione, positium, esse debet, non potest autem esse positium rationis, vt ostendimus q. 1. huius disp. Ergo deberet esse positium reale, ergo ens, quia positium reale est ens, sicut negatum reale est non ens. Nihil ergo potest esse distinctum ab ente, & negatione, quod Vnum pro formali dicat. Quantum verò ad primam partem, quod scilicet illud, quod Vnum pro formali dicit, non possit esse ipsum ens, probatur. Tùm quia formale significatum Vnius esset idem cum adæquato significato ipsius. Tùm etiam, quia ens quidditatiuè, & formaliter prædicaretur de suis passionibus, quòd rationi passionum repugnat, vt de ipsis subiectum quidditatiuè, & formaliter prædicetur.

Respondetur huic argumento eligendo primam partem dilemmatis, quòd scilicet illud, quod Vnum pro formali dicit, sit ens; & ad probationes in contrarium, resp. Ad secundam patet iam ex dictis in disput. præd. q. 1. vbi probauimus, ens formaliter, & quidditatiuè de suis passionibus

præ-

prædicari. Ad primam autem responderetur, in his simplicibus non esse necessarium, ut significatum, formale, & adæquatum distinguatur quantum ad rem significatam, sed sufficit quod differant quantum ad modum significandi. Unde in ipsis idem est secundum rem, abstractum, & concretum, v. g. entitas, & ens, Vnitas, & vnum, solumque ex parte modi significandi differunt.

Fundamentum tertium, prædictæ opinionis: Si Vnum formaliter diceret ipsum ens, sequeretur, quod omnia, quæ dicuntur de ente, deberent dici de Vno formaliter accepto; Sicut quia album dicit albedinem pro formali, quidquid dicitur de albedine, dicitur, & de albo formaliter sumpto. Ergo cum de ente dicatur, quod sit subiectum Passionum, etiam de vno diceretur idem: quod tamen falsum est.

Resp. cum distinctione. Si Vnum diceret pro formali ipsum ens absolutè sumptum, deberent dici omnia de vno formaliter sumpto, quæ dicuntur de ente. Quia verò ens non absolutè, sed ens, vt indiuisum, id est ut connotans, vel vt importans, tanquam modum intrinsecum, indiuisiōē, est formale significatum *vnus*, non est necesse, vt omnia, quæ dicuntur de ente absolutè, de quorum numero est quod sit subiectum Passionum, debeant dici etiam de Vno formaliter sumpto.

Alia argumenta huius opinionis vide apud Suarium disp. 4. Me-

taphis. Sect. 2. Nec non apud nostrum P. Andream Cruce 1. p. quæst. 1. 1. art. 1. dub. 2.

## QVAESTIO IV.

*Vtrum vnum transcendens,  
& vnum, quod est principium numeri sint idem, nec ne?*

**E**xplicata natura unitatis transcendentalis, restat, vt videamus, quomodo hæc ab unitate, quæ est principium numeri, distinguatur de quo est præcipua difficultas. Sit ergo.

§. I. *Notationes aliquot pro resolutione questionis necessariae.*

**S**upponendum est itaque primo, quod cum vnitas consequatur Ens in quantum indiuisum, quot erunt modi indiuisiōis, tot erunt & differentię vnitatis. Unde quia Ens tripliciter potest esse indiuisum, triplex etiam potest esse vnitatis genus. Prima est vnitas transcendens, quæ est Ens indiuisum, in quantum ens est. Secunda est vnitas formalis, quæ est indiuisio alicuius in formali constitutivo, & quidditate; de qua agunt fusi nostri. Complur. in Log. disp. 3. Tertia est vnitas numerica, quæ est indiuisio in principijs materialibus, vocaturque hæc vnitas in-

co m;

communicabilis, cō quōd indiuidū sit infimum in gradibus essentialibus, vltra quod non sit communicatio, neque prædicatio in arbore prædicamentali.

Supponendum est secundò, Vnitatem transcendentalem consistere in indiuiſione Entis, secundū quōd Ens est absolutē, non autem in indiuiſione Entis, vt præcisi ea præcissione, quā præcindi potest, imperfecta scilicet: Hæc enim vnitas est transcendentalis; ergo omnibus rebus participantibus rationem Entis competere debet. Non competeret autem omnibus, si cōsisteret in indiuiſione entis, vt præcisi, quia hæc præcisio solū est in intellectu, & per contractionem ad inferiora tollitur. Vnde vnitas transcendentalis Entis nihil aliud dicit, quā quōd in conceptu, & ratione entis, eodem modo, quo Ens fuerit, & vbicūque reperitur, ibidem, quantū ad id, quod est entis, indiuiſum reperiatur.

Supponendum est tertio, quōd licet hæc omnes vnitates, transcendentalis scilicet formalis, & indiuidualis in qualibet re simul inueniantur (de vnitate abstractionis hæc nihil, quia hæc in solo intellectu est) neque distinguantur ex æquo, tanquam vnitas, & vnitas, atque adeò v.g. in Petro, sicut non sunt tres entitates, ita neque tres vnitates, distinguuntur tamen secundū diuerſas habitudines, seu respectus, secundū quos eadem entitas respectu diuerſorum, diuerso modo, sit indiuiſa, & imparti-

bilis. Et sicut eadem entitas per varios gradus inferiores contrahitur, qui distinctam entitatem non addunt ad superiorem, sed eandem magis, secundū diuerſas rationes, explicant, & determinant, ita vnitas transcendentalis per illas consequentes vnitates cōtrahitur, & determinatur quodammodo, in quantū superaddunt ipsi, seu potius explicant in ipsa nouum indiuiſionis modum, quem Vnitas transcendentalis ex suo conceptu non explicabat; Vnitas enim transcendentalis explicat indiuiſionem in ratione Entis, sed non explicat indiuiſionē in principiis formalibus, vel materialibus, quas indiuiſiones, Vnitas formalis, vel numerica explicant. Quod intellige de principiis formalibus, vel materialibus, formalissimē quā talibus, quia cum illa principia sint intrinsecē, & secundū atomam suam, rationem entia, in ipsis, quatenus entia, indiuiſio spectat ad vnitatem transcendentalem. Ex quo habes, dictas vnitates à transcendentali non differre; nisi penēs implicitum, & explicitum, in quantū in eadem entitate, cuius indiuiſionem in ratione entis explicat vnitas transcendentalis, implicando indiuiſiones in propriis rationibus, siue formalibus, siue materialibus, illæ dictas indiuiſiones explicant.

Supponendum est quartò, duplicem esse Vnitatem, quæ est principium numeri, sicut etiam ipse numerus est duplex. Est enim numerus vel transcendentalis, vt cūm  
di-

dicimus, nouem esse Choros Angelorum, tres esse Personas SS. Trinitatis; vel prædicamentalis, qui est species quætitatis discretæ; ita Vnitas alia est principium numeri transcendentalis, alia uerò principium numeri prædicamentalis. Hic ergo, ut ex terminis patet, quando quærimus, quomodo differat Vnitas transcendentalis ab vnitate, quæ est principium numeri, non quærimus de vnitate, quæ est principium numeri transcendentalis, (hæc enim est ipsa vnitas transcendentalis, secundum quod supra negationem indiuisiōnis in se superaddit aliam negationem identitatis cum alio, quæ explicatur per esse diuisum ab alio,) sed loquimur de Vnitate prædicamentali, quæ vel est à quantitate, vel est in quantitate.

Supponendum est quintò, quod licet in quantitate, quatenus est ens quoddam, etiam inueniatur vnitas transcendentalis, tamen ibidem inuenitur, & alia quædam vnitas, quæ reductiue spectat ad quantitatem discretam, tanquam principium vnus speciei ipsius, & ratione cuius quantitas, & hoc habet speciale inter accidentia, ut indiuiduetur quodammodo à seipsa, (de quo vide nost. Salmant. Tomo 1. Curs. Theol. Tract. 1. disp. 2. dub. 2.) & quod alijs omnibus, non quidem ut habita, sed ut præhabita in materia, sit principium indiuiduationis; de quo similiter uide nost. Salmant. Tract. cit. disp. 1. dub. 5. Et hæc Vnitas est, quæ

tam in ipsa quantitate formali; quam in alijs rebus aliorum prædicamentorum ex affectione quætitatis, & denominatione ab ipsa, est principium numeri prædicamentalis, qui est species Quantitatis discretæ. De qua etiam in præsentī quantitur, au, & quomodo ab Vnitate transcendentali distinguatur. Quibus suppositis, sit.

## §. 2. Vera Sententia explicatur.

Dicendum est ergo, Vnitatem transcendentalē differre ab Vnitate, quæ est principium numeri, penes hoc, quod illa nihil positium addit supra Ens, hæc uerò addit aliquid incompletum, reductiue pertinet ad prædicamentum Quantitatis. Hæc sententia est Sancti Thomæ pluribus in locis, eamque expresse docuit S. Thom. 1. p. q. 11. ar. 1. ad 1. ubi dicit. Sic igitur dicendum est, quod Vnum, quod conuertitur cum Ente, non addit aliquam rem supra Ens; Sed Vnum, quod est principium numeri, addit aliquid supra Ens, ad genus quantitatis pertinens. Vbi, reprobatis opinionibus extremis, quarum una dicebat, neutram Vnitatem addere aliquid positium, alia uerò dicebat, utramque aliquid positium addere. S. Doct. media via procedens, talem additionem Vnitati transcendentali negat. Vnitati uerò quæ est principium

numeri cōcedit. Idemq; docet Angelicus Doct. in 1. dist. 24. q. 1. 2. 3. vbi dicit. *Vñum*, quod conuertitur cum ente, nihil positivè addit ad id, cui adiungitur &c. Sed illud, quod est principium numeri, petit aliquid additum ad esse, scil. esse mensuræ, cuius ratio primò innititur in Vnitate, & deinde consequenter in alyis numeris, & deinceps in quantitativibus continuis. Idemque docet S. Doct. Quod l. 10. a. 1. Respondeo dicendo, quod *Vñum*, quod est principium numeri, de necessitate aliquid positivè dicit in eo, cui attribuitur. Et in pluribus alijs locis, ut de ipsius mente, quantum ad hoc, nefas sit dubitare. Ideoque S. Doct. sequuntur communiter eius discipuli, Capreolus in 1. dist. 24. quaest. unica; Soncin. 4. Metaph. quaest. 25. Sanches l. 5. Log. q. 21. ad 1. Nost. Compl. disp. 13. q. 6. & alij. Eiusdem opinionis fuisse Commentatorē, constat ex 4. Metaph. Comment. 3. vbi dicit, reprobando opinionem Auicennæ. *Existimavit Auicenna, quod vñum, dictum de omnibus Prædicamentis, est illud Vñū, quod est principium numerorum, numerus autem est accidens. Vnde opinatus fuit, quod hoc nomen, Vñum, significaret accidens in entibus.* Et clariùs 10. Metaph. Comment. 5. in fine dicit. *Illi, qui putabant, numeros esse substantias rerum, errauerunt ex hoc, & non distinxerunt inter Vñum, quod est principium numeri, & Vñum, quod est commune ad decem genera, quia licet Vñum, quod est Synonymum,*

*enti, dicat substantiam rei, quæ dicitur vna, tamen Vñum, quod est principium numeri, dicit accidens.*

Probatur ratione primò. Vnitas transcendentalis differt ab vnitatem, quæ est principium numeri per id, ratione cuius entia, & res ( præter hoc, quod sunt vnæ transcendentaliter ), habent, quod sint vnæ quantitativè. Sed ratione illius incompleti additi reduciuntur ad quantitatem pertinentis habent, quod sint vnæ quantitativè. Ergo penes illud incompletum distinguitur vnitas transcendentalis ab vnitatem, quæ est principium numeri. Maior patet; ratione enim istius, quod sint vnæ transcendentaliter, non differt ab ipsis, ( dicit enim ipsas entitates rerum cum negatione diuisionis absque aliquo alio ) immò nec à quantitate in esse entis sumpta, & prout est vna transcendentaliter. Minor prob. Ratione quantitatis continuæ non habent entia, & res, quod sint vnæ quantitativè. Ergo tantum ratione illius superadditi incompleti. Consequ. constat, nō est enim aliquid dabile tertium, à quo proueniat illa vnitas quantitativa. Ant. prob. Quantitas ipsa continua non habet per se ipsam, ut est vna transcendentaliter, seu in esse entis sumpta, quod sit vna quantitativè. Ergo ratione quantitatis non habent res, & entia, quod sint vnæ quantitativè. Consequentia liquet, quia nemo dat, quod non habet. Anteced. prob. primò. Si quantitas per se ipsam esset vna quantitativè, semper

per hoc illi conueniret, ( quod enim per seipsum alicui conuenit, semper, & in quouis statu ipsi cōuenit ) nec posset deperdi, aut de nouo acquiri illa vnitas. Sed non semper quantitati conuenit esse ynam, quia manente quantitate continua, v. g. in ligno continuo, est vnitas, non numerus, & si diuidatur in partes, deperditur vnitas, & manet numerus: manifestum ergo est, illud incompletum distingui à quantitate ex natura rei, & ante operationem intellectus, cum separatio ab alio sit signum distinctionis. Secundo prob. Anteced. idem. Si quantitas per seipsam esset vna quantitatiue, faceret numerum per seipsam. Sed hoc non, quia per seipsam non est pars numeri; solæ autem vnitates, quæ sunt partes numeri, faciunt numerum, quæ est species quantitatis discretæ. Ergo &c.

Prob. Concl. 2. Vnitas, quæ est principium numeri, constituit cum alijs vnitatibus sui generis ens per se ponibile in determinato genere; constituit enim speciem quantitatis discretæ, scilicet Numerum, numerus autem prædicamentalis est ens per se. Ergo debet aliquid addere incompletum. Consequentia tenet; nam si non adderet aliquid incompletum, sed potius completum, iam numerus resultans ex illa vnitatem principiante, & alijs vnitatibus, non esset ens per se, sed esset aggregatum per accidens; diceret enim illud additum rationem completam; unde sicut ideo ex vnitatibus

transcendentalibus non constitatur numerus, tanquam ens per se, nec determinati generis, quia vnitas transcendentalis dicit quid completum, cum dicat ipsam entitatem completam rei, & sic ex illis, ut completis, fit ens per accidens, ita quoque si vnitas, quæ est principium numeri, adderet quid completum, esset cum alijs vnitatibus ens per accidens, non ens per se, ut patet.

### §. 3. Argumenta in Contrarium soluantur.

**P**rimum Argumentum. Vnitas, quæ est principium numeri, non addit aliquid supra transcendentalem, neque ad lineam absolutam, neque ad relativam pertineans. Ergo simpliciter nihil addit positium, etiam incompletum. Ergo non distinguuntur. Consequentia patet, quod enim per modum alicuius positiui, etsi incompleti, additur, debet esse, vel absolutum, vel relativum. Anteced. quoad primum prob. quod non ad lineam absolutam, quia hoc deberet esse de linea ipsius quantitatis, nam alterius prædicamenti esse non potest; si sic; ergo cum non possit esse aliquid de quantitate discreta (vnitas enim potius dicit indiuisiōem) erit de quantitate continua; ergo cum hæc importetur de materiali, addet solam negationem, non aliquid positium. Quoad secundum; quod scilicet non pertineat ad lineam

neam relatiuã, prob. quia prius est quantitas vna, quam intelligatur in illa relatio, præcipue quia vnitas quantitatis est ratio fundandi talem relationem. Ergo. &c.

Resp. neg. Anteced. addit enim aliquid ex linea absoluta per modum alicuius incompleti. Ad probat. Resp. dicendo, illud incompletum esse de quantitate discreta, cum sit pars numeri. Ad probat. Vnitas dicit indiuisiõnem, disting. secundum se sumpta. Concedo; in ratione principij numeri, & vt pars numeri; nego: & sic nihil contra nos.

Secundum argumentum. Vnitas, quæ est principium numeri, non addit aliquid distinctum supra vnitatem quantitatis continuæ, consequenter nec supra ipsam quantitatem continuam. Ergo neq; supra vnitatem transcendentalem. Consequentia constat; ideò enim deberet addere, vt illa vnitas quantitatis sit pars, & numerentur quantitates; iam verò quantitates per se ipsas v. g. sunt duæ absque addito, sicut duæ qualitates, aut substantiæ sunt duæ per seipsas absque superaddita aliqua realitate. Ant. prob. Quantitas cõtinua per seipsam est vna, non per aliud, quia si per aliud; quæro de illo alio, per quid illud aliud est vnum? & sic, vel dabitur processus in infinitum, vel debet dici, quantitatem continuam esse per seipsam vnam. Ergo, &c.

Resp. neg. Anteced. Ad probat. resp. sub distinctione, quantitatem esse per se ipsam vnam transcen-

dentaliter, non quantitatiuè, sit enim sic vna, & pars numeri ratione illius additi incompleti, quod est quid indiuisibile, quodq; sic se habet, sicut punctum respectu magnitudinis. Ad probat. negatur, dari processum in infinitum, sistingitur enim in illo incompleto, illud enim indiuisibile est se ipso vnum, estque essentialiter ipsa Vnitas, & vt *Quo* quamuis, vt *Quod*, sit vna transcendentaliter: Vnde sicut relatio quia essentialiter est relatio, seipsa refertur, non media aliqua alia relatione, & actio, quia est essentialiter actio, seipsa fit, & non media alia actione distincta, ita & illud incompletum seipso est vnũ, non per aliud, quia essentialiter est vnitas. Alia argumenta, si quæ possunt afferri, facile solui possunt ex suppositionibus.

## DISPUTATIO

### S E X T A.

#### De Verò.

**A**bsoluta prima Passione entis, scilicet, *Vno*, ad secundam, quæ est, *Verum*, descendimus explicandam. Et quia iuxta Nazarium hic 1. p. q. 16. Superfluum est quætere de an est Veritatis: (nam Veritatem esse, est notum per se teste ipsomet Do& Angel. 1. p. q. 2. a. 1. ad 3. ideò omissa Quæstione de an est, aggredimur Quæstionem de Quid est Veritatis. Cùm autem Veritas sit duplex; Vna

S 3 2 tran;

transcendentalis, quæ in essendo, seu entitativa dicitur; Altera formalis, quæ in cognoscendo nominatur, prius agemus de Veritate transcendentali, utpotè priori, & perfectiori, à qua regulatur formalis, acturi postea de formali Veritate. Sic Ergo.

## QVAESTIO I.

*Quid pro formali dicat Veritas Transcendentalis.*

**S**upponendum est primò, titulum Quæstionis ab alijs sic proponi: Vtrum veritas transcendentalis addat aliquid supra rationem entis? & quid sit illud? sed in idem redit. Est enim sensus quæstionis; In quo consistit formaliter Veritas, ut est Passio entis? seu addit nè aliquid distinctum conceptus veri supra conceptum entis? & si addit, est nè illud constitutum Veritatis transcendentalis? Et ideo consultò positum, in titulo Quæstionis *Ly* pro formali, ut innuamus, nos non loqui in sensu identico; certum enim est de materiali, & idèticè *Verum* nè addere aliquid supra Ens, sed idètificari cum illo, formaliterque sic Veritas includit entitatem, & è conuerso. Tantùm igitur currit difficultas de *Vero*, & *Ente*, prout concipiuntur sub diuersis connotationibus, & ut sunt conceptus distincti, prout scil. sub vna connotatione exprimitur entitas in vno conceptu, sub qua non expri-

mitur in altero, nam inter transcendentia (& hoc notandum est) quæ se ad inuicem imbibunt, non potest se alio modo formari distinctio, nisi per habitudines, seu connotationes, & respectus diuersimodè exprimentes, docente id S. Tho. q. 1. de Verit. a. 4. in fine corp. & a. 8. in corp. Igitur quærimus, quid dicat Veritas transcendentalis? an illud, quod exprimit, seu connotat, distinguat ipsam, & constituat in ratione Passionis?

Supponendū secundo. Veritatē transcendentalem dupliciter considerari; primò, ut est quid causatum realiter, participatumq; à Veritate diuina. Secundo, ut est quid perfectiui intellectus creati, mouetque illud ad cognitionem sui. Iuxta primam considerationem connotat, & respicit intellectum diuinum, seu potius Idæas diuinas, à quibus causatur, regulatur, & menturatur; Idææ enim, & veritas diuina respectu intellectus creati, & veritatis creatæ sunt prima regula, & mensura, non tamen respectu diuini intellectus, nam in Deo Veritas non est per adæquationem ad aliquid, sed per identitatem cum intellectu, & intelligere diuino. Iuxta secundam considerationem connotat, & respicit intellectum creatum perfectiendum, estque respectu ipsius mensura, atque perfectio, tanquam obiectum ipsius, vnde etiam vocatur, (retinendo nomen transcendentalis ex defectu nominum) veritas obiectiua, & fundamentalis, quia sic considerata, est fundamentum ve-  
rita



ritatis formalis, nec debent confundi istæ veritates, sed, iuxta imperfectum nostrum modum concipiendi, distinguendæ, Vide S. Tho. q. 1. de verit. a. 2. in corp. & a. 6.

Supponendum tertio, falsum esse, Veritatem transcendentalem consistere in denominatione extrinseca proveniente à veritate formali, ut aliqui autumant. Primo, quia veritas causatur realiter ab Idæis, & ex vi respectus ad illas habet intrinsecam realitatem, in qua consistit. Denominationi autem extrinsece non convenit reali causatione causari. Secundo Quomodo enim denominatio illa constituit veritatem in ratione talis, si antecedit veritatem formalem? ellque ante hanc constituta in ratione transcendentalis per respectum ad Idæas, tanquam principia, & causas sui? Non obstante igitur hac sententia Vasquezij, & aliorum dicentium, veritatē importare aliquid extrinsecum.

Dicendum est primo, quod veritas transcendentalis dicat pro formali duos respectus, vnum primum ad Intellectum Divinum, ut idæantem, seu ad Idæas Divinas. Alterum secundarium ad Intellectum creatum, consistitque in isto duplici respectu formaliter.

Probatur Conclusio quoad utrāque partem. Primo Authorit. S. Tho. 1. de Verit. A. 2. in C. ubi sic dicit: *Res naturalis inter duos Intellectus constituta secundum adæquationem ad verumque vera dici-*

*tur, secundum enim adæquationem ad Intellectum Divinum dicitur, in quantum implet hoc, ad quod est ordinata per Intellectum Divinum; secundum autem adæquationem ad intellectum humanum dicitur res vera, in quantum nata est de se formare veram assimationem.* Idem ibidem ait 14. in fine Corp. & A. 6. *Res dicitur vera per comparisonem ad Intellectum Divinum, & humanum &c.* cumque intelligatur S. Doctor loqui de Intellectu Divino, ut idæante, & intellectu humano, ut mensurato à Veritate, sequitur, Veritatem transcendentalem dicere pro formali primario respectum ad Idæas, secundario respectum ad Intellectum creatum.

Probatur deinde ratione. Illud dicit primario pro formali Veritas transcendentalis, quod est de primario conceptu illius (loquimur enim de Veritate in sensu formali, secundum conceptum, quem exprimit, distinctum à conceptu Entis expresso, ut ex primo supposito constat), Sed respectus ad Intellectum Divinum idæantem, seu Idæas ipsas, est de primario conceptu Veritatis transcendentalis, respectus verò ad intellectum creatum est de secundario conceptu eiusdem. Ergo veritas dicit formaliter utrūque respectum. Maior patet. Minor probatur. Veritas, ut in suppositione secunda dictum est, duos conceptus habet; Vnum, quod sit entitas dependens in ratione adæquationis ab Idæis divinis, seu quod sit

**Veri.**

Veritas participata à Veritate diuina . Alterum, quòd perficiat intellectum creatum . Sed ille prior conceptus est primarius Veritatis, est enim principaliter còstitutiuus Veritatis transcendentalis in ratione talis, siquidè per participationem ab Idæis, & per respectum ad illam primam Veritatem, velut ad suum principium reale, primariò habet esse in se ; Alter autem conceptus est secundarius , est enim consecutiue veritatem iam constitutam in se per illam habitudinem ad Idæas. Ergo rectè sequitur, respectus illos esse de primariò conceptu veritatis , priorem principaliter, alterum secundariò, & consecutiue; Prius enim intelligitur in aliquo, quòd causetur in se, & perficiatur in se, quàm quòd causet, & perficiat aliud; Sicut in ente creato, vt tali, prius est, quòd constituitur in ratione talis per participationem à Deo, posterius autem, & consecutiue, quòd ab illo ente creato deriuetur aliud ens creatum, vel perficiat aliud ; Sic igitur in præsentì, prius est in veritate, quòd illa constituitur in se, vel conformetur Idæis, tanquàm suo principio, & exemplari, quàm quòd habeat rationem obiecti, & perfectiui, vel fundamenti: cum hoc tamen stat, quòd respectu veritatis formalis eadem Veritas transcendentalis sit prior, vt obiectum intellectus, & vt fundamentum veritatis formalis, & ideò sortitur nomina obiectiuæ, & fundamentalis Veritatis, quæ omnia dicunt quid intrinsecum, non ex-

trinsecum denominationem in Veritate.

Dicendum secundò respectum illum primariū in Veritate transcendentali esse realem, secundarium autem esse rationis.

Prima pars patet: Habet enim omnia requisita, vt sit realis, nam fundamentum est reale, ipsa scilicet realis participatio ab Idæis diuinis, & adæquatio cum ipsis: Terminus quoque realis, & realiter existens, scilicet Deus, Idææ. Veritas diuina: Subiectum similiter reale, scilicet ipsa entitas Creaturæ, quæ realis est. Ergo &c.

Secunda pars Conclusiue, sc. quòd sit rationis, etiam patet; Veritas enim transcendentalis habet se, vt obiectum, & mensura, iam autè intellectus humanus habet se, vt potentia, & mensuratum. Sed inter mensuram, & mensuratum, obiectum, & potentiam ( cum non sit mutua relatio) ex parte obiecti, & mensuræ, est relatio rationis, quamuis ex parte mensurati, & potentie sit realis. Ergo &c.

Si autem inquiras: An iste respectus in Veritate debeat esse semper actualis? Respondetur facillè cum distinctione, respectum illum Primarium, qui est ad intellectum Diuinum, seu Idæas, debere esse semper actualè, semper enim Veritas, sicut & Entitas, actu pendet, & participatur à Veritate Diuina, seu Idæis, non autè in potentia, nisi desinat esse: Respectus autè, & habitudo ad intellectum humanum non, debet esse actualis, sed

sed sufficit, quod sit aptitudinalis, non enim semper debet actu mouere intellectum creatum veritas ad sui cognitionem, nec semper actu cognosci; hoc enim pendet ab intellectu Diuino. Vnde si Deus tolleretur omnes intellectus creatos, & relinqueret creaturas sine hoc, quod actu mouerent, adhuc illarum Creaturarum haberetur Veritatem, essentque verae. Sufficit ergo ad Veritatem transcendentalem, quod possit mouere, & non actu moueat, consequenter quod sit quid perfectiuium, quamuis non actu perficiens. Sic S. Thomas quaest. 1. de verit. 2.2. ad 4. dicens. *In definitione rei verae potest poni visio in actu Intellectus Diuini, non autem visio Intellectus humani, nisi in potentia.*

*Diluuntur Argumenta opposita Sententiae.*

**P**rimum ex authorit. Philos. & D. Tho: Aristoteles 6. Metaphis. cap. 2. text. 8. dicit, *Verum, & falsum non esse in rebus, sed in mente.* Deinde D. Tho. 1. p. q. 16. ar. 1. & 1. de verit. ar. 2. comparat veritatem sanitati. Sicut ergo sanitas non dicit quid intrinsecum in rebus, v.g. in cibo, sed tantum est extrinsecum ex eo, quod causet sanitatem, sic Veritas. Ergo cum respectus illi sint quid intrinsecum, non dicet illos Veritas pro formali.

Resp. primò ad authoritatem Philosophi, intelligendum esse

Aristotelem de Veritate formali, non transcendentali, vt explicat Doctor Angel. 1. Periherm. lect. 3. ibi: *Veritas in aliquibus inuenitur dupliciter, &c.*

Secundò ad authorit. S. Thom. resp. S. Doctorem comparate ibi Veritatem formalem, non transcendentalem; & sic nihil contra nos, immò ex ista authorit. potest colligi, veritatem transcendentalem esse intrinsecum in rebus; nam cum hoc, quod Veritas formalis sit intrinsecum in intellectu, & denominatiue in rebus, optimè saluatur ratio intrinsecitatis Veritatis in rebus, veritas enim habet se per modum analogi attributionis, & sic dicitur de alijs veritatibus: iam autem in analogis attributionis hoc, quod ratio analogi sit intrinsecum in vno, & per denominationem extrinsecam in alijs, non impedit, quomòdus analogata minus principalia dicant aliquid intrinsecum, ratione cuius denominetur simul intrinsecum, respiciantque principale analogatum. Sicut ergo sanitas, quamuis sit intrinsecum in animali, & denominatiue in cibo, &c. potest tamen cibis denominari intrinsecum sanus (quamuis non sit in illo sanitas formalis) ratione illius qualitatis sanatiue in se intrinsecum inuenitur, & sic intrinsecum est fundamentum, & causa sanitatis formalis, consequenter est in cibo sanitas causatiua: Sic de Veritate discurre. Clarè id habet Doct. Angel. 1. de Verit. 2.4. ibi: Denominantur autem res verae à  
Ve.

*Veritate, quæ est in Intellectu Diuino, vel in intellectu humano, &c.*

Secundum argumentum. Respectus iste, & habitudo ad intellectum non additur supra Ens. Ergo non dicit illum pro formali Veritate. Consequentia patet: illud enim dicit pro formali, quod superadditur, ut quid distinctum, ad rationem passionis Entis pertinens. Antecedens autem probatur. Illud additur supra Ens, quod est distinctum ab entitate. Sed respectus ille non est distinctus, nihil enim est aliud, nisi dependentia realis fundata in reali causatione Idæarum, hoc autem pertinet ad entitatem, & realitatem. Ergo, &c.

Resp. disting. non addit per modum constitutiuum formalis; concedo. Non addit per modum alicuius connotati, aut modi requisiti ad distinguendum in ratione passionis; nego. Cum enim formale constitutiuum Veritatis transcendentalis debeat esse transcendentalis, atque reale, etiam passio eius realis erit, non aliquid rationis, aliàs nihil esset in re, aut fictum, & sic non posset esse passio; passio enim, quæ est nihil, non potest esse passio.

Tertium argumentum. Si Veritas diceret pro formali prædictum respectum, ubicunque inueniretur, diceret hunc respectum. Sed hoc est falsum. Ergo, &c. Sequela constat, quia est de intrinseca ratione eius. Minoris falsitas suaderetur, quia inuenitur in Deo, & tamen non dicit istam habitudi-

nem ad intellectum, quia nulla dependentia est ibi.

Resp. dist. sequelam, si inueniretur sub adæquato conceptu Veritatis per regulationem, concedo; Si non; nego: Et sic inuenitur in Deo veritas ista, sed non sub conceptu regulationis, aut mensurationis, non supponit enim aliquid mensurabile, v.g. Intellectum Diuinum, sed sub conceptu veritatis per identitatem cum Intellectu, & intelligere Diuino. Et sic dispar ratio; quamuis posset dici, non esse inconueniens, inueniri ubique sub conceptu abstractantis à creatis, & increatis.

Quartum argumentum. Respectus ad Intellectum Diuinum non constituit in se Veritatem. Ergo Veritas non dicit saltem istum respectum pro formali. Consequentia patet, quia aliàs pertineret ad constitutiuum veritatis. Anteced. probatur. Respectus ad Intellectum Diuinum supponit Veritatem iam in se constitutam, fundatur enim in veritate, quia fundatur in entitate creata, ut dependenti, & causata ab his potius, quam ab alijs Idæis, quod infert ipsam Veritatem transcendentalem. Ergo, &c.

Resp. negando anteced. ad probat. resp. disting. fundatur in veritate, tanquam in fundamento relationis prædicamentalis; nego; tanquam in fundamento relationis transcendentalis, concedo. Tale autem fundamentum non præsupponit entitatem priorem, super quam fundatur, sed

relatio transcendentalis per seipsam respicit, & ordinatur ad aliam ex sua intima entitate. Et hoc manifestum est in pluribus exemplis, v.g. Materia per suam entitatem respicit relatione transcendentali formam, forma materiam, potentia obiectum, &c.

Quintum argumentum. Natura veritatis transcendentalis sufficienter potest explicari per definitionem rei, vel per prædicata quidditatiua, vel per accidentia cum negatione falsi. Ergo Veritas dicit pro formali ista, vel aliquid horum. Consequentia sequitur; quod enim sufficienter explicat naturam alicuius, de formali importatur. Antecedens patet. Cui enim conuenit definitio auri, aut prædicata quidditatiua, & accidentia auri, v.g. color, fulgor, pondus, soliditas, conuenit quoque veritas auri. Ergo &c.

Resp. distingu. Potest explicari inadæquatè, & imperfectè; Cōcedo, adæquatè, nego. Sine connotatione enim ad suam idæam, & ad suum principium originale non intelligitur veritas in auro, & sic nec enumerata possunt constituere veritatem rei, sed supponunt constitutam. In primis enim Accidentia, & proprietates supponunt essentiam, vt veram, a qua dimanant, & pendunt in sua veritate: Veritas quoque prædicatorum, & definitionis non possunt mensurare essentiam rei; nihil enim potest esse mensura sui; veritas autem debet sumi penes mensuram aliquam. Supponunt

ergo prædicata essentiam veram, veritas autem essentia supponet Veritatem primam, tanquam primam regulam, & mensuram; Negatio quoque falsi, & ficti non constituit veritatem, sed consequitur illam, & supponit in ratione talis, quod enim est verum non est falsum, sicut quod non est tenebrosus, est lucidum, & tamen lucidum non constituitur per negationem tenebrosi; sic quod non est falsum, est verum, non tamen per illud constituitur. Præcipue, quia cum negatio falsi fundetur in aliquo positiuo, & sequatur ad illud, veritas autem sit quid positiuum, non constituet illam, sed supponet.

Sextum argumentum. Falsitas rerum non dicit formaliter respectum inadæquationis ad intellectum Diuinum, & Idæas. Ergo neque Veritas dicit respectum adæquationis, Consequentia liquet: Falsitas enim, & Veritas contrariantur sibi: Iam autem contrariorum eadem ratio esse debet. Anteced. patet, quia iste respectus inadæquationis solum potest esse ad intellectum creatum, resque possunt esse tantum falsæ per ordinem ad intellectum creatum, non per ordinem ad Diuinum, & Idæas, non enim res deficiunt ab Idæis, quæ est prima regula idæatorum, Idæa namque Diuina est indefectibilis, & infallibilis. Ergo.

Resp. Concesso antecedenti; neg. Consequentiam: Ad probat. resp. Falsitatem non contrariari

Veritati adæquatè, & ex omni parte, sed solum, prout fundat respectum ad intellectum nostrum. Ad aliam probat. resp. Contraria eadem est ratio, seu contraria debent esse circa idem; disting. quando sunt contraria adæquatè omnimodè, & secundum omnem respectum, conced., quando sunt contraria secundum unum respectum, & non secundum aliud, nego. Et sic veritati est falsitas contraria ex parte solum ad intellectum creatum, non sub respectu ad Ideas, quia sic non est capacitas ad falsitatem; Idea enim nec falli, nec inadæquari potest, & ideo nec res habent deficientiam in intellectu Divino; sub secundo autem respectu ad intellectum creatum, quia hic est fallibilis, & deceptibilis à rebus, à quibus mouetur, potest dari falsitas; potest enim Obiectum falsò mensurare intellectum humanum, habendo occasionem ratione similitudinis cum vero. Vnde falsitas erit formaliter in intellectu, occasionaliter in rebus, quatenus præbent occasionem fallendi, & decipiendi.

Instabis. Res deficient frequenter ab eo, quod sibi debetur, v.g. homo gibbosus, cæcus, aqua calida, lapis sursum, &c. sed deficientia ista non potest esse sine deficientia ab ordine ad Ideas. Ergò deficient ab Ideis. Subsumo. Sed hoc infert falsitatem in rebus. Ergò res dicentur falsæ per ordinem ad Ideas.

Resp. disting. quod sibi debe-

tur ex essentialibus, nego, ex accidentalibus, concedo; & sic enumerata deficient per variationem accidentium, non amittendo essentiam, & adæquantur imperfectè Ideæ suæ quidditatis, vel alteri Ideæ aliorum accidentium non debitorum, & sic non inferatur falsitas in rebus. Atque hinc vniuersaliter inferimus, nullam rem posse esse falsam per ordinem ad Ideam Diuinam, præter actus voluntarios peccaminosos, quatenus reduplicatiue tales sunt, & dicuntur deficientiæ moralem à Deo, ut sine, & regula moralitatis, sicque actus peccaminosus, & difformis, quoad formale, non habet Ideam, nisi quoad materiale, ratione cuius disparatè se habet ad falsitatem moralem, quia ad se non pertinet illud formale; sicut v.g. argentum non dicitur falsò adæquari Ideæ auri, vel homo Ideæ æqui, quia ad se non pertinent illæ Ideæ; sic in præsentia discurre.

Aduerte in fine pro concordia locorum S. Thomæ, & solutione aliquarum authoritatum ex ipso. Quando S. Doct. dicit, Veritatem transcendentalem aliquando esse aliquid intrinsecum, vel reale, loquitur de veritate iuxta priorem habitudinem (de qua in supposito secundo dictum) scilicet ad Ideas. Quando autem vocat aliquid rationis, vel tale aliquid addere supra ens, loquitur iuxta secundam habitudinem, scil. ad intellectum humanum. Sub prima habitudine præcisè nunquam in-

tel;



telligitur addere supra ens; dicit enim ipsam entitatem, ut dependentem à Deo, sed tunc incipit addere aliquid ratio is, quando incipit connotare secundam habitudinem, ac proinde addere supra ens, non pro illa parte præcisè, quæ dicit perfectionem veritatis in se per passivam adæquationem, & regulationem sui ad Idæas diuinas, sed pro illa parte, iuxta quam est perfectiū intellectus creati; sic enim non reali habitudine, & dependentia, sed rationis, habet se ad intellectum creatum. Et per hoc plura possunt solui argumenta.

## QVAESTIO II.

### In quo consistit Veritas formalis?

**V**eritatem transcendētalem, utpotè priorem, sequitur Veritas formalis, cuius quidditas in præsentī examinanda est, quænam sit, vel in quo consistat? An scilicet in conformitate conceptus formalis, seu actus iudicii cum obiecto, in re, an in conformitate conceptus obiectiui cū ipso obiecto in re? Pro cuius intellectu.

Supponendum est, duplicem esse Cōceptum, formalem, & obiectiūm. Obiectiūm est ipsa res concepta, & attracta per cognitionem, seu ipsum obiectum, ut conceptum, & cognitum, ita quod *Ly*, cognitum, sit denominatio extrin-

seca proueniens ex cognitione. Formalis est ipse actus intellectus, & cognitio attingens rem, seu ipsa repræsentatio expressa attingens obiectum. De his ergo est difficultas in præsentī, in quo cōceptu veritas formalis consistat. Sententia. Durandi est 2. distinct. 19. q. 5. n. 13. Vasquesij 1. p. disput. 76. cap. 1. & aliorum tenentium. Veritatem istam consistere in conformitate conceptus obiectiui cū seipso, ut est in re. His tamen non obstantibus,

Dicendum, Veritatem formalem consistere in conformitate, & adæquatione conceptus formalis, scilicet iudicii cum obiecto in re. Sic S. Thomas 1. p. q. 16. a. 2. & q. 1. de Verit. a. 3. ubi veritatem istam attribuit compositioni, & diuisioni, seu iudicio intellectus. Sequuntur Doct. Angel. communiter Thomistæ.

Probatur Concl. primò ex S. Tho. In illo conceptu consistit Veritas formalis, cuius beneficio redditur intellectus cognoscens, & iudicans verum. Sed beneficio cōceptus formalis redditur, & constituitur in ratione cognoscens, iudicantisque verum. Ergo, &c. Maior patet. ex S. Tho. qui attribuit veritatem formalem intellectui, quatenus est cognoscens verum per compositionem, & diuisionem, seu iudicium. Minor probatur, Ratione enim conceptus obiectiui consurgit potius denominatione cogniti passiuè, quam constitutio cognoscentis actiuè, ut consideranti patet. Ergo &c.

**T t 2 Pro;**

Probatur secundò. In illo consistit veritas formalis, quod in ipsa prius, & formalius concipitur; per priora enim fit constitutio alicuius. Sed conformitas conceptus formalis cum obiecto in re, prior intelligitur esse, quam conformitas conceptus obiectiue in re, ut est in se à parte rei. Ergo &c. Minor prob. Ut fit cõformitas prior aliquorum, debet vnum illorum altero esse prius; conformitas enim fit per cõparationem vnus ad aliud, & sic prius debent comparari quoad prioritatem in ratione taliũ in esse rei, quàm quoad prioritatem in ratione conformium, hæc enim sequitur rem. Sed conceptus formalis est prior obiectiue. Ergo, & conformitas conceptus formalis conformitate cõceptus obiectiui. Minor patet ex suppositione: conceptus enim obiectiuius est ipsum obiectum, ut conceptum, ut cognitum, seu ut actum, & consequenter sub statu denominationis concepti, cogniti, &c. Ergo & posterior conceptus formalis, & supponit conformitatem conceptus formalis cum re, quæ dicitur concepta, cognita; si enim conceptus formalis, & cognitio non esset conformis rei, neque etiam obiectiui, (qui, in quantum talis, à formali denominatur) conformis, & adæquatus esset, ut patet, prout talis. Ergo &c.

Confirmatur explicando magis. Quando dicis, veritatem formalem consistere in conformitate inter conceptum obiectiuium, &

rem; vel conceptum obiectiuium sumis, ut est entitas, & res quædã, & in esse rei, vel, ut est quid cognitum, & obiectum, & sic in esse cogniti, seu ut est in statu denominationis cogniti. Si dicis primum, Ergo iam non potest ibi esse aliqua conformitas; hæc enim fieri debet per comparisonem vnus ad aliud; quæ comparatio in præsentis locum non habet, siquidem conceptus obiectiuius, in esse rei, non est aliud quid ab obiectiui in esse obiectiui, & cogniti, sed ille est idem cum seipso sub statu denominationis, ac consequenter inter illos est vnitas, identitas; vbi autem est identitas, comparationi, & conformitati non patet locus. Si autem secundum dicas: Ergo cum denominatio cogniti supponat cognitionem, quæ est conceptus formalis, in hoc, non autem in illo, ut conformi cum re, consistet veritas formalis.

### *Argumenta in contrarium opposita sententiæ.*

**P** Rimum argum. ex authoritat. S. Thomæ, qui lib. cont. Gent. cap. 59. dicit. *Veritas in intellectu* (loquitur de formali) *perinet ad id, quod intellectus dicit, non ad operationem, qua id dicit.* Ergo sentit, consistere in illo, quod dicit. Sed hoc, quod dicitur, est conceptus obiectiuius, conceptus autem formalis est operatio, qua id dicit. Ergo &c.

**Deinde expressius idem S. D. Opusc,**



Opusc. 48. Tra&. de Enuntiatione cap. 4. dicit. *Quando res, qua est in intellectu obiectiue, est conformis sibi ipsi ut est in rerum natura, tunc talis conformitas dicitur Veritas.* Ergo &c.

Resp. ad primam authorit., sensum esse verborum, cum dicitur, non pertinet ad operationem, si consideretur in operatione entitas, non verò ratio cognitionis, & iudicii. Non potest enim esse adæquatio quoad entitatem, quia entitas operationis semper est spiritualis, & intentionalis, entitas autem rei potest esse materialis. Quod autem iste sensus sit Sancti Thomæ, patet ex eius verbis ibi: *Veritas non pertinet ad operationem intellectus, quia non exigitur, quod ipsum intelligere rei adæquetur, cum res interdum sit materialis, intelligere non materiale.*

In tabis S. Tho. ibi subdit: Illud, quod intellectus dicit, & cognoscit, oportet rei esse æquatum. Ergo intelligit de conceptu obiectiui.

Resp., quod debet intelligi æquatum ratione cognitionis, & dictionis exprimentis, non ratione solum rei expressæ, & cognitæ.

Vergebis. Ergo inde sequetur, in intellectu Diuino non esse veritatem, quamvis enim intelligat, & dicat compositionem, & diuisionem, non tamen est ibi compositio, vel diuisio quoad rem, nec erit intellectus iudicans.

Resp. neg. illatum. Ad probat. resp., non esse ibi compositionem,

vel diuisionem inuolutam imperfectionibus, & formaliter, esse tamen eminenter, estque ille intellectus simplicissimus cõpositiuus virtualiter; Unde non requiritur ad veritatem adæquatio cum entitate conceptus, sed conformitas cognitionis exprimentis, & iudicii.

Ad secundam authorit. resp. S. Doctorem in illo testimonio non esse locum assertiue, sed opinatiue, referendo tantum duas opiniones in hac materia, nec erat ibi locus determinandi, logicè enim tunc, non metaphysicè S. Doct. discurrebat.


Secundum argumentum. In illo consistit Veritas formalis, quod est medium, in quo vniuntur intellectus, & obiectum ad extra; Veritas enim formalis est adæquatio intellectus ad rem. Sed in cõceptu obiectiui vniuntur, nam vniuntur in esse representatiui, quod ibi solum mediat; quando autem res, & obiectum representantur, ut sunt in se, tunc est vnio, & adæquatio, consequenter est conceptus obiectiuus; hic enim est, cum est res representata in intellectu. Ergo, &c.

Resp. disting. maiorem. In illo consistit Veritas, in quo vniuntur, tanquam in medio; in medio, inquam, adæquationis, seu quo fiat adæquatio, seu in ratione formalis habendi adæquationem cõcedo; tanquam in aliquo subiecto, nego. Esse autem representatiuum, & obiectiuum non est tale medium, in quo intellectus, &

res, ut est in se, vniuntur, ut ratione formalis; res enim representata supponit conceptum representantem, & id quod formaliter representat, consequenter ipsam representationem, à qua dicitur representata, & sic supponet quoque conceptum formalem, qui per se est representatio, & per seipsum habet, quod adæquetur, & correspondeat rei representatæ.

Instabis. Veritas formalis, quæ est in intellectu, desumitur ab obiecto, in obiecto enim est veritas entitatiuè, & fundamentaliter, & inde etiam vocatur Veritas transcendentalis obiectiua, vel fundamentalis. Ergo debet transire per esse obiectiuum ad intellectum. Ergo cum inter esse obiectiuum, & esse reale, quod habet res ad extra, debeat esse conformitas, sequitur, quod esse obiectiuum erit, ut medium, quo intellectus sumit veritatem, à rebus. Ergo vnietur in medio, &c.

Resp. negando primam Consequentem, transit enim ad intellectum mediante specie representante, qua intellectus fecundatus elicit cognitionem, resultatque, statim hinc in re obiecta denominatione esse obiectiui, seu cogniti, hoc autem non est medium, sed denominatio consecuta, & per modum effectus relicta.



### QVAESTIO III.

*Utrum veritas formalis supra actum intellectus, quem dicit, addat aliquam rationem absolutam, vel relatiuam.*

**A**bsolutè de quocunque actu intellectus formaliter pertinet ad veritatem formalem, non nominando illum, quærimus quid est illud, quod ipsi additur, estne ratio absoluta, vel relatiua? Certum enim est, addi ipsi aliquid, nam quando actus transit de vero in falsum, est aliquid præter actum, v. g. cum oratio transit de vera in falsam, est aliquid præter orationem; de hoc igitur difficultas mouetur, quid est illud, quod mutatur, & variatur in actu; estne entitas absoluta, vel aliquid respectiuum formaliter? Aliqui tenent, esse entitatem absolutam, sicut Soncin. 6. Metaphis. quæst. 17. Aliqui autem dicunt, esse quid relatiuum, sed transcendente, aut secundum dici, ut Suarez, & alij.

Dicendum est, Veritatem formalem supra actum intellectus non addere, nec dicere aliquam rationem absolutam, vel relationem secundum dici, seu transcendentalem, sed solam relationem secundum esse. Ita Doctor Angelicus 1. dist. 19. q. 5. a. 3. ad 5. dicens, *In propositione, ut est signum talis*

*talis rei, Veritas est per adequationem ad rem illam, mutata autem re tollitur adequatio signi ad signatū sine mutatione ipsius signi; quod manifestum est, in relationibus posse contingere, unde veritas enuntiationis non manet. Vbi, ut patet, S. Tho. dicit, veritatem propositionis mutari ad mutationem obiecti, quod solis relationibus secundum esse contingit, nam relationes secundum dici, vel transcendentales non mutantur ad mutationem obiecti, sed subiecti, manent enim, obiecto non existente. Ergo, &c.*

Hoc idem colligitur ex eodem S. Doct. quæst. 16. artic. 8. ubi comparat Veritatem propositionis similitudini, similitudo autem est relatio secundum esse, & prædicamentalis.

Probatur deinde Concl. ratione. Veritas formalis dicit aliquā relationem, seu respectum; Sed non transcendentalem, vel secundum dici. Ergo secundum esse. Maior etiam ab ipsis Aduersariis conceditur, quamvis enim Socraticas teneat, esse quid absolutum, non tamen ita facit independentem, ut ab omni respectu sit libera, sed dicit, veritatem esse relationem secundum dici. Minor prob. Veritas formalis variatur, & mutatur per solam mutationem obiecti, seu termini, ut patet in veritate orationis, dum transit de vera in falsam; dum enim affirmo, Petrum sedere, ipso sedente, est vera, si autem surgat, est falsa oratio. Sed quæ dicunt relatio-

nem transcendentalem, vel secundum dici, non variantur, aut mutantur ad mutationem obiecti, seu termini, manent enim, quamvis non existat obiectum, aut definat terminus, seu illud extrinsecum, quod respiciunt, ut patet in scientia, potentia, materia, forma, & alijs, quæ dicunt respectum transcendentalem; talia enim relatiua in re sunt ipsa entitas absoluta, ut dependens ab aliquo extrinseco, vel ordinata ad illud. Ergo &c.

Probatur secundò. Illud addit veritas formalis supra actum intellectus, v. g. iudicii, quod variatur, & aduenit actui, inuariato manente actu quoad entitatem. Sed sola relatio secundum esse variatur, & aduenit actui, inuariato actu, v. g. iudicii. Ergo &c. Maior patet ex doctrina communis, etiam Aduersariorum. Minor probatur. Quæcunque enim ratio absoluta, siue quoad entitatem, siue quoad modum, aduenire concipitur, non potest intelligi aduenire, inuariato actu, v. g. iudicii, debet enim aduenire vitaliter, & per nouam elicentiam actus, & cum non adueniat ad actum, ut ad rem inanimem, illa elicentia variari debet, ut potest per diuersā saltim numero emanationem procedens, consequenter variabitur actus iudicii; quod est contra rationem veritatis iudicii. Relatio autem secundum esse aduenire potest, & resultare in actu vitali sine noua elicentia vitali, per solam mutationem termini, quem respicit. Ergo &c.

Dices,

Dices, saluari totum in Veritate formali per solam connotationem obiecti extrinseci.

Contra est primò. Veritas dicit perfectionem intellectus, & actus iphus. Sed connotatio obiecti extrinseci non dicit perfectionem intellectus. Ergo non saluatur veritas per solam connotationem obiecti. Secundo. Actus importat ad obiectum ordinem mensurati ad mensuram. Sed ordo ad mensuram est relatio, non connotatio obiecti. Ergo &c.

Tertiò randè, quia si dicit connotationem extrinseci, dicit quoque, & respectum; non potest enim intelligi connotatio sine aliquo respectu reali, vel rationis; ideo namque aliquid extrinsecum connotatur, quia illud extrinsecum pertinet ad se, & ordinatur ad se; unde etiam in ipsomet Deo attributa connotatiua creaturarum, dicunt respectum realem ex parte creaturarum, rationis ex parte Dei, sufficit enim dependentia, vel connotatio ad fundandum respectum. Cum igitur veritas intellectus nostri dependeat à rebus, & mensuretur per illas, non potest intelligi connotatio ad res sine respectu ad illas.

*Argumenta in contrarium solvuntur:*

**P**rimum argumentum. Veritas formalis est perfectio intellectus. Ergo nō est quid relatiuum. Consequentia constat, quia relatiua ex vi suæ lineæ non dicunt

perfectionem. Antec. prob. quia intellectus habet pro fine attingere veritatem, & tanto aliquis intellectus est perfectior, quanto est verior in attingendo veritatē. Ergo &c.

Resp. disting. antec. Veritas est perfectio intellectus, fundamentaliter sumpta; Concedo; veritas, formalissimè, vt dicit relationem solam adæquationis, nego; sic enim præscindit à perfectione, nec importat illam, nisi in suo fundamento, sicut & aliæ relationes, v. g. relatio causæ, Domini, Patris, &c. Præcipuè, quia primo modo dicit certitudinem, & euidenciam, qua veritas attingitur, opponiturque non solum falsitati, sed etiam ignorantia; consequenter perfectionem importat. Secundo autem modo, vt est nuda relatio, non exprimit hoc, estque quid consecutum.

Secundum argumentum. Tota ratio, quare veritati formali conceditur esse quid relatiuum est, quia sic saluatur ratio actus, nec variato termino variatur aliquid absolutum in actu. Sed hæc ratio est nulla; nam variato termino, & relatione ipsa, adhuc debet variari absolutum: cum enim transit actus de vero in falsum, transit etiam, & mutatur relatio in oppositam relationem. Ergo cū iste transitus relationis requirat fundamentum (sine fundamento enim non potest esse relatio) mutata relatione, n. utabitur, & fundamentum, quod est quid absolutum.

Resp.

Resp. neg. Minorem. Ad probat. resp. quòd ad hoc, vt relatio vna transeat in oppositam, sufficit mutatio termini, & proxima ratio fundandi, & applicandi fundamentum termino, vt patet in relatione similitudinis, vel æqualitatis, in quibus ex mutatione termini similitudo v. g. potest mutari in dissimilitudinem, non mutato fundamento, sed ratione proxima, fundandi, & sic in præsentis entitas illa actus non mutatur, mutato termino, sed tantum illa proxima ratio fundandi, illa scilicet applicatio cõmensurans fundamentum termino; non fundatur enim relatio in entitate absolute, sed vt conuenienti, & comparata alteri extremo.

Tertium argumentum Moralitas in actu non addit aliquam relationem secundum esse, nec mutatur per solam mutationem obiecti. Ergo neque veritas addet relationem. Conseq. à pari sequitur. Antec. probat. nam quando actus transit de bono in malum, mutatur per mutationem alicuius absolute variantis speciem actus, non per mutationem obiecti. Ergo &c.

Resp. esse disparitatem, quia ad moralitatem actus, & mutationem ipsius requiritur aduertentia, & cognitio; vnde si, me ignorante, vel non aduertente, sine culpa, obiectum redditur prohibitum, quod ante non erat ego non peccor: iam autem ad veritatem in intellectu, & mutationem eius non requiritur aduertentia; vnde si

ego formem iudicium illud, Petrus sedet, & me non aduertente, vel ignorante, Petrus surgat, mutatur per solam mutationem obiecti.

Quartum argumentum. In propositionibus æternæ veritatis manet veritas formalis, & tamen potest non esse ibi relatio, cum terminus non sit existens, vel abstractus ab existentia. Ergo sine relatione potest subsistere veritas formalis.

Resp. disting. Manet veritas fundamentaliter, concedo, formaliter, nego; & sic de termino quoque intelligendum, qui licet in se non sit existens, est tamen in suo fundamento in causa, & sic veritas propositionis manet respectu ad Deum, qui est causa omnis veritatis. Hinc.

Collige primò, relationem istam, quam dicit veritas formalis, esse realem, supposito, quòd terminus sit à parte rei, habet enim omnia requisita ad hoc, vt sit realis; habet namque fundamentum reale, scilicet dependentiam ipsam actus iudicii ab obiecto; extrema realia, scilicet actum, & rem ad extra, si existat in se realiter, vel saltem in aliquo reali fundamento, causa, vel effectu, cui immediate adæquatur veritas; Extrema realiter distincta, actus enim, & conceptus formalis est intra intellectum, obiectum est extra. Et hæc est ratio, quare inter conceptum obiectiuum, & rem ad extra non est distinctio realis, quia nõ potest fundari in illo esse cognito (est enim identitas cõceptus) relatio realis.

Deinde adhuc prob. quia quando est relatio mensuræ, & mensurati, est relatio realis, est enim ibi dependentia realis. Sed in veritate formali est relatio mensuræ, & mensurati, actus enim iudicii est res mensurata, res autem extra est mensura. Ergo ex parte actus erit relatio realis. Nec valet, rem aliquando non existeret, sufficit enim, ut supra dictum est, quod existat causa, & fundamentum in rerum natura.

Collige secundò. Quamvis veritas, sumpta secundum se præcisè pro relatione supradicta conformitatis, consistat in indivisibili, ut docet S. Tho. 1. 2. q. 5. 2. a. 1. nec una sit perfectior alia, cū relationes nō suscipiāt magis, & minus, nec vllā ex se latitudinē graduale admittant, nihilominus, absolute loquēdo, veritas transcendentalis est perfectior, quam formalis, scđ (ut formalius dicamus) maiorem illa, quā hęc explicat perfectionem. Primò, quia illa dicit rationem mensuræ, hęc mensurati, perfectior autem est mensura, quam suum mensuratum. Secundò, quia illa, scilicet transcendentalis, & entitativa per prius participatur à veritate Divina, scđ Idæis, postea communicatur intellectui, & actui ipsius, & si nihil aliud attendetur, nisi certitudo, & immutabilitas in veritate, cum fundamentum veritatis sint Idææ Divinæ, à quibus certitudo derivatur in res, & à rebus in intellectum, & cognitionem, principalius veritas in rebus, quā in in-

tellektu inveniatur, perfectiorque veritas transcendentalis erit, quā formalis.

Aduerte pro conciliandis aliquibus autoritatibus S. Thomæ. Cum dicit S. Doct. sapius; *Veritas est prius in intellectu, quā in rebus*, debet intelligi de intellectu Divino, ut seipsum explicat hic Q. 17. 46. *Dictum est, quod veritas per prius est in intellectu, & per posterius in rebus, secundum quod ordinatur ad intellectum Divinum*: vel si de intellectu creato sumas, tunc debet intelligi S. Doct. de veritate formali; hęc enim intra intellectum inveniatur, quia ibi est veritas, ut manifestata, & ut manifestans, consequenter formalis.

#### QVÆSTIO IV.

*Utrum in sola secunda operatione intellectus Veritas formalis inveniatur.*

**S**upponendum, nomine secundæ operationis vulgò intelligi Compositionem, & Divisionē, quæ duos alios actus dicit; Enunciationem, & Iudicium. Enunciatio format propositiones, & coniungit extrema: Iudicium iudicat de convenientia extremorum, an scilicet sint conformia cum eo, quod est in re; prius enim debet formari propositio ex prædicato, & subiecto, postea intellectus iudicat, estne ita, vel non, sicut enun-

enunciatur, v. g. Enunciatio format hanc propositionem: homo est albus: postea intellectus per actum iudicii discernit, an albedo conueniat homini. De his actibus quaeritur; Vtrum in Compositione, & Diuisione consistat veritas formalis? & in quo actu Compositionis, & Diuisionis, an in actu iudicii, vel enunciationis, an etiam in simplici apprehensione, aut sensu?

Aliqui tenent, inueniri etiam in simplici apprehensione, immo, & in sensu. Hæc opinio attribuitur Ferrariensi. 1. cont. Gent. C. 59. Capre. in 1. distin. 19. Q. 3. A. 1. Concl. 3. Soncin. 6. Metaph. Q. 17. & alijs. Nihilominus.

Dicendum est, Veritatem formalem in sola secunda operatione intellectus, scilicet Compositione, & Diuisione inueniri. Probatur ex Aristotele 1. Perih. C. 1. *Verum, & falsum in compositione, diuisioneque consistit.* Circa quæ verba Angelicus Præceptor Lect. 3. dicit: *in hac secunda operatione intellectus componentis, & diuidentis dicit Aristot. quod inueniatur veritas, & falsitas, relinquens, quod in prima operatione non inuenitur.* Idem Aristot. 6. Metaph. Tex. 8. expressè dicit: *Verum, & falsum non est in rebus, sed in mente, circa simplicia verò, & quid est, nec etiã in mente.* Quæ omnia explicat S. Thomas ibid. Lect. 4. & 9. Metaph. Lect. 11. & alibi.

Probatur ratione: Veritas formalis in illa tantum operatione intellectus inuenitur, in qua, &

per quam intelligitur fieri æqualis mensuratio, & adæquatio intellectus cognoscentis cum rebus cognitis. Sed in secunda operatione, & per illam sit actualis ista mensuratio. Ergo in illa inuenitur, &c. Maior patet: cum enim veritas formalis consistat in adæquatione intellectus ad res, tunc erit formalissimè in intellectu, quando erit in actu exercito mensuræ, & cognoscentis mensuram, vt applicatam. Minor probatur. Per illam operationem sit æqualis mensuratio, per quam sit applicatio mensuræ ad mensuratum. Sed per secundam operationem, scil. compositionem, & diuisionem sit applicatio. Ergo, &c. Maior patet ex materiali exemplo; tunc enim sit materialis mensuratio v. g. panni, vel ponderatio metalli, quando applicatur vlna ad pannum, vel pondus ad metallum; quæ diu enim tenetur vlna, vel conspiciatur, adhuc non intelligitur aliquem mensurare, nec vlna videtur in ratione mensuræ, sed in ratione rei alicuius, quæ aliàs est vlna, nec discernit æqualitatem, vel inæqualitatem mensurati cum vlna, dum autem vlnam applicat, & componit, tunc discernit, & facit æqualem mensurationem. Minor prob. quia per secundam operationem intellectus componitur vnum extremum alteri, applicaturque prædicatum subiecto, discerniturque conuenientia, vel disconuenientia vnius termini ad alium, & sic intellectus in exercitio est verus, & cognoscens ve-

rum, affirmando per suum actum iudicativum, hoc esse ita, ut enūtiatur, & representatur; quamdiu autem non applicat mensuram, nec componit per iudicium, etiam si apprehendat rem, quæ vera est, & veritatem eius teneat cum adæquatione representationis, nondum est actualis mensuratio. Ergo cum hoc fiat per compositionem, & divisionem, actumque illius iudicativum, in secundæ operatione consistet veritas formalis.

Confirmatur. Tunc est veritas formalis exercitè in intellectu, quando intellectus certificatur ultimatè de convenientia prædicti cum subiecto, redditurque actu verus, sed per secundam operationem, componendo scilicet vnum extremum cum alio, certificatur ultimatè; quando enim simpliciter apprehendit terminum, non solum simplicem, sed etiam duos, non solum v.g. *Ly Homo*, sed *Homo albus*, adhuc est indifferens ad verum, & falsum, nesciens, an albedo conveniat homini, nec approbat ita esse in re, ut representatur: dum autem fit comparatio, & compositio vnius cum alio certificatur, an hoc ita sit. Ergo, &c.

### *Argumenta in contrarium solvuntur.*

**P**rimum Argumentum est ex autoritate Aristot. apud S. Thom. 3. de An. cap. 6. lect. 11. *Intellectus, qui est ipse, quid est, se-*

*cundum quod intelligit quid est, verus semper, & non secundum quod intelligit aliquid de aliquo.* Ergo cum intellectus secundum quod intelligit, quid est res, sit intellectus simplex, seu procedens per simplicem operationem, erit quoque & verus. Ergo veritas erit in simplici apprehensione ex mente S. Tho., & Aristot.

Deinde idem Aristot. apud S. Thom. 9. Metaph. text. 22. lect. 11. dicit. *In simplicibus attingere, & dicere, verum est, non attingere verum est ignorare.* Ergo similiter attribuit veritatem simplici operationi.

Resp. explicando utramque auctoritatem. In prima, cum dicit, est *verus semper*, intelligi debet, est *verus negativè*, quod est non decipi, quia non potest esse deceptio circa proprium obiectum, scilicet quidditatem, sed *non positivè verus*, cum hoc fiat per applicationem veritatis, tanquam mensuræ ad mensuratum, nec in exercitio ipso verus. In secundâ quoque auctorit. cum dicit, est *verum*, debet intelligi de veritate representandi, non de veritate mensurandi, & discernendi verum à falso, quod est proprium exercitium veritatis formalis. Et ideo notandum, non dicere Aristot. *non attingere est falsum*, sed ponit *ly ignorare*, ut innuat, non esse ibi veritatem, quæ opponatur falsitati, sed tantum representationem, cui opponitur non representatio, seu ignoratio, non deceptio, cum non contingat deceptio circa quid;



quidditatis apprehensionem.

Secundum Argumētum ex ratione. Veritas sit per adæquationem representationis cum re representata. Sed ista representatio inuenitur etiam in simplici apprehensione; representatur enim obiectum, & cognoscitur per speciem, & similitudinem formalem sui. Ergo, &c.

Resp. disting. Cum re representata sub conceptu exercentis mensurationem, & regulationem, concedo, sub conceptu representatæ præcisè, nego: non sufficit enim ad veritatem formalem, effectum representationem, si non sit simul representatio cum exercitio applicationis mensuræ ad mensuratum, sic autem non potest esse in prima apprehensione simplici, in hac enim res representata non dicit exercitium istud veritatis, sed tantum conformitatem cum suo principio & sic non fit comparatio vnius ad aliud, nec discernitur vnum ab alio.

Instabis etiam in simplici apprehensione vnum discernitur ab alio, aliter enim simplex apprehensio definit quidditatem hominis, aliter equi; immò in ipsa definitione comparat, & coniungit vnum alteri, v. g. animal rationale, animal hinnibile. Ergo, &c.

Resp. neg. illatum. Ad probat. disting., definit attingendo simplici apprehensione terminos cōcedo; attingendo conuenientiam ipsorum, ad definitionem nego: non enim rationem conuenientie

generis, aut differentie comparare potest, vel copulare per ly, est; hoc enim secundæ operationi competit.

Tertium Argumentum. In illa operatione est Veritas formalis, quæ attingit obiectum per comparisonem, comparando vnum ad aliud. Sed hoc facit aliquando simplex apprehensio, quia cognoscit quidditatem, comparando illam ad id, cuius est quidditas, (vt ipse S. Tho. 1. contr. Gent. cap. 59. docet) apprehendit enim, vt quidditatem huius rei. Ergo, &c.

Resp. disting. maiorem, in illa, quæ attingit per comparisonem iudicatiuam, & applicatiuam, tanquam alicuius mensuræ ad mensuratum concedo; per comparisonem simpliciter apprehensiuam; nego: Ad probat. resp. quod cognoscit quidditatem, comparando ad id, cuius est quidditas, non iudicatiuè, sed simpliciter; non enim applicat illam quidditatem per modum prædicati ad id, cuius est quidditas, tanquam ad subiectum, nec copulat per aliquod verbum vniens extrema, & sic nec cognoscit quidditatem cum modo vniōis, & conuenientie.

Ex dictis hucusque pater, quomodo respondendum sit ad id, quod aliqui paulò fusiùs examinant; In quonam actu compositionis, & diuisionis consistat veritas formalis, an in enunciatione apprehensiuâ, an in iudicio?

Resp. ad hoc breuiter consistere veritatem in actu iudicatiuâ,

Sic

Sic S. Thom. in 1. p. q. 16. art. 2. in C. cum dicit. *Quando intellectus iudicat, rem ita se habere, sicut est forma, quam de re apprehendit, tunc primò cognoscit, & dicit verum, & hoc facit componendo, & diuidendo, &c.* Et lib. 1. Perihier. lect. 3. Intellectus non cognoscit veritatem, nisi componendo, per suum iudicium. Ratio quoque suadet, quia in illo actu debet consistere, in quo consummatur veritas, iam autem in actu iudicatio consummatur, quando enim iam supra copulata extrema intellectus fert iudicium, affirmando, ita esse in re, sicut in conceptu, vel similitudine formali, & conceptum suum comparat ad id, quod est in re, non restat illi aliquid residuum ad veritatem, sed est in ipso exercitio. Vnde tunc ly, *est*, non solum sumitur absolute per modum copulationis, sed etiam comparatiue per modum, commensurationis ad id, quod est in re, quod est componere, & diuidere comparatiue, & commensuratiue.

Quod si iterum inquiras; Estne compositio, & diuisio vnus actus entitatiue.

Resp. Siue sumatur, vt dicit iudicium, siue vt enunciatio, est vnus, & simplex actus. Quantum ad primum patet, quia in ratione iudicii respicit vnum formale obiectum, scil. compositionem illam, & vnionem prædicati cum subiecto factam per enunciationem, attingitque extrema sub vna ratione formali conuenientia, vel

disconuenientia; consequenter est vnus, sicut visio v.g. dicitur vna, quia sub vna linea visuali attingit plura visibilia; scientia dicitur vna, quia sub vno lumine fertur in plura scibilia; vnitas enim actus desumitur a ratione, sub qua, formali obiectiua.

Quantum ad secundum, prout sc. dicit enunciationem, est vnus actus patet, quia quauis plures species, & conceptus concurrant præsuppositiue in enunciatione, antecedenter representantes extrema, nihilominus semper illa extrema, sub vna ratione formali conuenientia, vel disconuenientia attinguntur, vt exemplificatum est in visione, & scientia. Vnde in illa coniunctione plurium specierum non est sola vnitas ordinis, sed formalis, & entitatiua, quia illæ plures species, concurrunt ad formandum conceptum sub vnica applicatione, & vsu potentia, omnesque illæ species ordinantur ad vnum numero effectum producendum, & sicut artifex utitur aliquando pluribus instrumentis, dum fabricat opus aliquod, sic intellectus utitur illis speciebus subordinatis sibi, & concurrentibus in adæquatè ad vnum conceptum; iam verò vnitas conceptus entitatiua non sequitur vnitatem speciei materialiter sumptam, sed vnitatem operationis, quæ potest uti pluribus speciebus, tanquam vnâ operationem consequenter vnum conceptum, qui est terminus ipsius. Et per hoc plures possunt

sunt obiectiones solui. Et hæc circa ueritatem, iuxta sensum aliorum, dicta sufficiant. Sequitur

## DISPUTATIO

### SEPTIMA.

#### De Bono.

**I**uxta ordinem passionum Entis ex D. Tho. & Aristot. supra in isto Tract. 1. disp. 4. q. 2. assignatum, & probatum, post priores passiones Entis examinatas succedit ultimò Bonum (utpotè posteriùs quid alijs passionibus) in præsentì examinandum, quod quia dari à nemine dubitatur: ipsa enim *Opera Domini uniuersa bona* valdè; Ecclesiast. 39. illud dari attestantur, & *Omnis Creatura Dei bona*, ad Timoth. enarrat bonitatem suam, & Dei, idèò omiffa quæstione, an est, ad quæstionem quid est, de Bono, accedimus. Sic igitur.

## QVAESTIO I.

*In quo consistit Bonitas transcendentalis?*

**S**olent aliqui ante istam quæstionem, priùs examinare v. g. Vtrum Bonum sit passio Entis, & qualis? an nominaliter, uel participialiter sumpti? An conuertatur cum ente, conueniatq;

omni enti? An sit passio realis rigorosè, vel râtum demonstrabilis? An Bonum sit prius Vero? & similes. Sed quia istis difficultatibus sufficienter supra Disput. 4. q. 1. 2. 3. & sequ. est satisfactum (assignata ibidem ratione, cur antecederet sint examinata generalitèr) idèò intermissis illis, statim hanc de ratione formali Boni, aggredimur decidendam, inquirentes, quid Bonitas, ut est passio entis, dicat pro formali? quid addit supra Ens? seu (quod est idem) in quo consistat formalitèr? Non dicimus autèm, ipsam esse passionè physicam rigorosam, vel distinctam à subiecto, sed Metaphysicam, & transcendentalem, est ideoq; in titulo positum (ly, transcendentalis) quæ per diuersos conceptus, seu habitudines distinguitur: in passionibus enim entis, ut supra dictum est, radicale, & formale coincidunt, & solum diuersæ connotationes, seu habitudines faciunt distinctionem.

Circà hanc quæstionem varij variè sentiunt; Aliqui ponunt rationem formalem Boni in relatione rationis; alij in relatione reali superaddita enti; alij in aliquo absoluto superaddito; alij iuxta sensum suum; Nihilominus, his non obstantibus, supposita trita illa distinctione appetibilis formalitèr, & fundamentalitèr sumpti.

Dicendum primò. Bonitas nō consistit in relatione rationis formalitèr sumpta, nequè in relatione reali superaddita, nequè in aliquo

quo absoluto superaddito realiter enti, & distincto ab ipso.

Probatur quoad primam partem Concluf. scil. quod non in relatione rationis: nam Relatio rationis consistit in esse tantum obiectiue, actualiter ipsam fingendo, quæ tandiū durat, quandiū, cognoscendo, fingitur; Sed bonitas potest inueniri independentē à cognitione, nam etiam, nullo dato cogitante intellectu, Deus v.g. est bonus, antequam quidquam intellectus creatus cognoscat, & creaturæ sunt bonæ, ut ipsa testatur scriptura: *Vidit Deus cuncta, quæ fecerat, & erant valde bona.* Deinde, quia iam bonum non esset formaliter in re bonum, nec realis passio entis.

Quoad secundam partem Concluf. quod scil. non consistat in relatione reali superaddita enti, prob. quia relatio realis est quid inferius ente, & sic non potest esse passio entis vniuersaliter sumpti; Deinde, quia relatio est res quædam bona in particulari, sicut, & alia prædicamenta, ut infra patebit ex S. Thoma; non potest ergo in illa consistere ratio bonitatis vniuersaliter, nec potest addi supra ens, ut quid distinctum ab illo. Hinc est, quod Deus est bonus, ut dictum est, non per aliquid additum ad eius essentiam; & homo etiā est bonus, quatenus est quædam species in suo esse perfecta, cui nihil deest ad propriam integritatem substantialem, ad hoc enim eget tantum materia, & forma rationali unitis, per quas inte-

gratur, esseque sine vilo superaddito realiter bonus homo; Vnde cū ab aliquibus dicitur, addi aliquid realiter distinctum ab homine, tanquā, modum, vel aliquam formalitatem; inquirō, an ille modus, vel illud superadditum sit per se ens, & bonum sine aliquo superaddito, vel certē per aliquid superadditum? Si secundum: Ergo dabitur processus in infinitum. Si primum idem poterat dici de homine. Quod, si dicas, disparatem esse rationem, quia cū ille modus sit ratio, quare homo, sit bonus, ideō talis modus est bonus per se sine aliquo superaddito; Sed contra. Ille modus formaliter, licet sit ratio, quare homo sit bonus, non tamen est ratio, quare homo sit ens; Ergo saltem ille modus debet esse ens per aliquid superadditum; Ergo non euitabitur processus in infinitum.

Quod si respondeas, ens esse transcendens, & ingredi omnia; Contra est; etiam bonū est transcendens, Ergo sicut ens non est aliquid realiter superadditum rebus, ita nec bonum, quod est eius passio, quia sicut vtrumque est transcendens, ita vtrumque debet ingredi in omnes res, & cum ipsis realiter identificari.

Dices ad primam prob: Concl. posse dici consistere bonitatem saltem in relatione transcendentali. Sed

Contrā primō; quia, ut in exemplo perloquimur, Deus est infinitē, & summe bonus, & tamen non per relationem, aut ordinem trans-

(cen-

secundentalem ad aliud extra se. Secundò, quia relatio transcendentalis nihil est, nisi ipsamet entitas, ut ordinata, & dependens ab aliquo, ad quod dicit habitudinem, non addit igitur, aliquid distinctum. Tertiò tandem; quia sumendo bonitatem istam, ut est communis transcendentaliter Deo v.g. & creaturæ, non saluatur bonitas in Deo, Deus enim est ab æterno bonus bonitate communi tribus personis, essentiaq; diuina est bona essentia tribus Personis. Sed non datur aliqua relatio realis in Deo communis tribus Personis, quia non potest talis relatio communis habere aliquem terminum realiter distinctum ab eius fundamento, quod tamen requiritur ad relationem realem; Non potest enim habere pro termino tres Personas, quia istæ non distinguuntur realiter ab essentia; Neq; potest habere pro termino creaturam, quia Deus non dicit relationem realem ad creaturas, nec modo est magis perfectus sumptus cum creaturis omnibus, quàm solus seorsim consideratus absquæ illis. Ergo,

Quoad tertiam partem Concl. scilicet, quod bonitas non consistat in aliquo absoluto superaddito enti, prob. quia quodlibet absolutum includitur in ente, seu continetur sub ente transcenditurque ab ente. Ergo antequàm concipiatur addi, manet iam ibi, & sic nihil additur in quo consistat.

Quod si dicas, verificari illud

de absoluto, ut *Quod*, non de absoluto, ut *Quo*, hoc enim potest addi enti, & sic v.g. existentia, quæ est quid absolutum, ut *Quo*, additur essentia, ut quid distinctum ab ipsa. Sed.

Contra. Etiam absolutum, ut *Quo*, continetur sub Ente, est enim capax existentia, quod autem, est capax existentia, & dicit ordinē ad esse, continetur sub Ente, & transcenditur ab illo, & sic nihil addet. De existentia dispar est ratio, nam ipsa ex se est aliquid, ut *Quo*, extra nihil, immò est ratio ponendi extra causas, est ratio habendi esse, & sic non dicitur capax alterius existentia, aut capax habendi esse, sicut quodlibet aliud absolutum etiam, ut *Quo*, tanquam id, quod debet habere esse, & dicit ordinē ad illud.

Dicendum secundò. Bonitas consistit in perfectione intrinseca dicēte integritatem rationis formalis, quæ explicatur per hoc, quòd nihil desit rei ex pertinentibus ad rationem ipsius formalem, & essentialem.

Antequàm probetur Conclusio, notandum est, triplicem posse esse integritatem. Prima, quæ constat ex partibus essentialibus, quæ ratione integritas hominis consistit in hoc, quòd sit animal rationale, aut còpositū ex anima, & corpore. Secunda est integritas ex partibus integralibus, quæ ratione deficeret integritas hominis, si ei deesset oculus, vel manus. Tertia est integritas ex accidentibus,

quæ concurrunt ad decorem, & pulchritudinem vniuscuiusque rei creatæ. Ex his integritatibus, prima est essentialis, secunda accidentalis accidentis prædicabilis, tertia omnino accidentalis. Nos igitur in Conclusionem loquimur de integritate prima, hæc enim coincidit cum bono, & potest esse passio entis, conuenitque omni enti, & conuertitur cum illo, hoc enim ipso, quod res habeat talem integritatem, habet etiam bonitatem in se, si autem, deficiat ab hac integritate, deficiet etiam esse ens. Ista autem integritas in rebus simplicibus non debet attendi penes compositionem partium, qua carent, sed ex perfectione rei simplicis, vt v. g. quod Angelo nihil desit ad hoc, vt sit creatura perfecta in sua specie; & hoc pacto per negationem explicatur etiam perfectio Dei, dicendo, quod ipsius integritas sit eo ipso, quod ipsi nihil deest ex his, quæ requiruntur ad hoc vt sit rerum omnium principium, cumulus omnium bonorum, Ens perfectissimum, omnibus desiderabile, & finis ultimus omnium. Hoc igitur prænotato.

Probatur Concl. primò auctoritate Angel. Doct. 1. p. q. 5. art. 1. dicentis: *Vnumquodque appetit secundum quod est perfectum.* Et ibidem. *Quod est ultimò perfectum, dicitur bonum simpliciter.* Et Art. 5. dicit. *Bonum consistit in specie, ordine, & modo, quod totum pertinet ad integritatem rei. Idem*

expressius habet ibidem q. 5. a. 2. in C. *Bonum habet rationem appetibilis.* Et a. 3. ad 1. *Bonum addit supra ens rationem appetibilis, & subdit perfectionis;* indicans appetibile, & perfectum esse idem, ac integrum essentialiter; quod idem in prioribus auctoritatibus simili modo est intelligendum. Ex quibus auctoritatibus.

Probatur Concl. Bonitas consistit in appetibilitate radicali. Sed ad perfectionem intrinsecam, & integritatem rationis formalis sequitur, seu ponitur conceptus appetibilitatis radicalis. Ergo bonitas consistet in illa perfectione, & integritate essentiali. Maior patet ex communiori sensu Thomistarum; appetibilitas enim (vt ex S. Tho. colligitur) est constitutiva boni, quod debet intelligi de radicali, & fundamentaliter, appetibilitas enim formalis non potest esse constitutiva boni, cū importet potius denominationem extrinsecam, sitq. posterius quid bonitate. Vnde S. Tho. explicans illam d. finitionem 1. Ethic. C. 2. *Bonum est, quod omnia appetunt,* dicit, sumptam esse à posteriori, quia ratio appetibilis (supple formaliter sumpta) est posterior, quam ratio bonitatis. Hinc causalis ista; *Quia res est bona, ideo est appetibilis,* est vera. Bonum igitur, siue integrum dicit appetibile fundamentaliter sumptum, & hanc rationem appetibilitatis addit supra ens. Ex quo discursu Minor patet, quia posita illa perfectione, & integritate

tate essentiali, statim ponitur appetibile radicaliter, ex vi enim illius essentialis integræ consurgit hoc, quòd illa ipsa essentialis sit natura, consequenter radix appetibilitatis, in quo ratio boni consistit, estq; capax terminationis ab appetitu, nec deest illi aliquid, sed habet totum, ut sit appetibilis. Et sicut esse risibile radicale non ponit in numero cum natura v. g. humana, seu rationalitate, positaq; natura humana, debet poni risibilitas, quæ est passio hominis, ita esse appetibile radicale non ponit in numero cum natura, quæ est radix appetibilitatis, & sicut ibi, posita humanitate, ponitur risibilitas, ita posita integra ratione, formali cuiuslibet rei, ponitur bonitas, & perfectio, quæ est passio entis. Ergò &c.

Confirmatur primò. Bonum conuertitur cum ente nominaliter sumpto, ut supra probatum est. Ergò cum ens nominaliter sumptum significet essentialiam, posita hac integra, & perfecta in sua linea, ponetur bonitas. Ergò, &c.

Confirmatur secundò. Posita illa perfectione, & integritate essentiali, Ens dicitur ens, in quantum ens, cum habeat quidquid ad rationem formalem requiritur. Sed Ens, in quantum ens, est bonum, dum enim reduplicat Ens, reduplicat non deficientiam, si enim deficientiam, reduplicaret, diceretur potius ens in quantum non ens, deficientiam

enim non est, nisi non entis, dicit enim quandam carentiam, quæ est non ens. Cum igitur ens, in quantum ens non reduplicet deficientiam, reduplicabit non deficientiam. Ergo perfectionem, seu integritatem, aut rationem, cui nihil deficiat. Ergo bonitatem, cum bonum, perfectum, & integrum essentialia coincident.

Dices, in probationibus istis multa inuolui falsa. Primò, quòd ex vi integritatis illius sequatur perfectio, appetibilitas, aut bonitas; si enim hoc esset verum, cum etiam relatiua intra suam lineam habeant suam integritatem essentialiam, haberent, secundum suam esse ad, perfectionem, & bonitatem; quod est falsum, perfectio enim restringitur ad absoluta, ut docent eruditè nostri Salmat. Tract. 6. diff. 6. dub. 2. negantes perfectionem relationibus, etiam diuinis. Secundò falsum est, illam essentialiam habere totum, ex vi suæ rationis, quod requiritur ad bonitatem, & perfectionem: deest enim illi existentia in aliqua differentia temporis, & hoc innuitur ab ipsdem Salmat. Tom. 1. Tract. 4. disp. 5. dub. 1. ubi dicunt, ens etiam absolutum non dicere perfectionem, si non concipiatur, saltem ut habens, quidquid requiritur ad existentiam. Tertiò tandem falsum est, Bonum conuerti cum ente nominaliter sumpto, quod ab ipsdem PP. innuitur, præcipue Tomo 1. Tract. 4. disput. 5. dub. 1. num. 16. 24. &c. Sed.

Contra primum responsum. Arguitur primò. Potius falsum est contrarium; Nam relationes, etiã creatæ, ex suo conceptu, & secundùm esse ad, dicunt perfectionem, & bonitatem; hoc enim ipso, quòd ens, & bonum conuertantur, si relationes dicunt ex proprijs entitatem realem, (constituunt enim unum genus entis realis) dicunt perfectionem. Quod si respòdeas; sequeretur hinc, perfectionem illam in reatiuis esse *Ad se*, non ad terminum, consequenter absolutam; quod repugnat relationi. Sed.

Contra. Quamuis enim dicatur ratio perfecti, & boni consistere in integritate còueniente ipsi rationi formali, non tamen sequitur, quod sit absolutè *ad se*, & nullo modo, saltim implicitè, licet non explicitè, ad terminum, ac per còsequens, quòd sit absoluta, & non respectiua. Quia si illa ipsa ratio, formalitas, siue natura, cui conueniens, dicitur, sit essentialiter ad terminum, vt in relationibus contingit, etiã ipsa conuenientia, erit ad terminum, sicut v.g. ad rationem relationis realis requiritur ratio fundandi realis, terminus realis, & realiter existens, & insuper distinctio realis fundamenti, & termini, quorum quidquid defuerit relationi, non habebit suam rationem integram, nec poterit esse realis, cum autem hæc omnia habuerit, nihil ipsi deerit ex conuenientibus ipsi, & requisitiis ad realitatem ipsius; habebit ergo realitatem in omnibus ra-

tionibus conuenientibus sibi. Ergo & perfectionem *ad se* explicitè, sed ad terminum implicitè, ad quem illa ipsa, cui illa conuenientia, & perfectio debetur, essentialiter ordinatur.

Arguitur Secundò contra primum responsum ex mète Aristot. & D. Tho. qui expressè tribuunt relationibus perfectionem secundùm proprium conceptum. Primò enim Aristot. 1. Ethic. apud S. Tho. Lect. 6. dicit. *Bonum autem dicitur, & in eo quod quid, & in quali & in Ad aliquid;* & paulò inferius. *Bonum aequale dicitur enti, etenim in eo quod quid est dicitur, ut puta Deus, & intellectus, & in quali virtutes, & in Quanto mensuratum, & in Ad aliquid utile, & in tempore mora &c.* Vbi S. Doctor. *Bonum autem, sicut & ens, cum conuertatur cum eo, inuenitur in quolibet predicamento sicut in quodquid est, id est substantia, bonum dicitur Deus, in quo non cadit malitia, & intellectus, qui semper est rectus. In qualitate autem Virtus, quæ bonum facit habentem. In quantitate autem commensuratum, quod est bonum in quolibet, quod subditur mensura, in Aliquid autem bonum, quod est utile, quod est bonum relatum in debitum finem, &c.* Eandemq; suam, & Philosophi doctrinam læpids S. Thomas citat, & approbat, vt patet 1. p. q. 5. a. 6. & q. 21. de Verit. artic. 1. & in alijs pluribus locis. Ergo ex mente Philosophi etiã ipsa relatiua, formaliter qua talia, bona sunt. Ergo dicunt perfectio-  
nem



nem; plus est enim bonum esse, quam esse perfectum, quia ut optime discurrunt nostri P.P. Salmatici; Tra&. 6. dist. 6. dub. 1. Ex eo quod aliquid sit perfectum in ordine ad se, oritur, quod sit perfectum alterius, seu conueniens alteri; Et ex eo quod sit conueniens alteri, & perfectum eius, ortum ducit, quod sit ab eo appetibile. Et credo, hanc authoritatem Philosophi, & S. Thomæ ita claram esse, vt nisi violentissimè torqueatur, nostram opinionem confirmet. Quomodo enim verum esset, quod S. Thomas & Aristot. dicunt, Bonum æquè, ac ens, diuidi in decem prædicamenta, esseq; æqualia entis, & conuertibile cum ente, si relatiua, formaliter qua talia, non dicerent bonitatem, cum dicant entitatem.

Arguitur Tertio contra ex S. Thoma q. 7. de pot. a. 9. ubi probando, dari in rebus relationes secundum esse, dicit: *Perfectio, & bonum, quæ sunt in rebus extra animam, non solum attenditur secundum aliquid absolute inherens rebus, sed etiam secundum ordinem vnius rei ad aliam, sicut etiam in ordine partium exercitus bonum exercitus, consistit. Huic enim ordini comparat Philosophus ordinem vniuersi* 11. Metaph. h. Oportet igitur, in ipsis rebus ordinem quendam esse; hic autem ordo relatio quædam est. Unde oportet, in rebus ipsis relationes quasdam esse. secundum quas vnum ad alterum ordinetur. Ergo &c.

Respondet cum Salmat. loco cit. S. Doct. concedere relatiui perfectionem quantum ad propria relatiuorum, non tamen ratione ipsius, *Ad*, se ratione, *In*, quod licet sit absolutum, est tamen talis natura, vt indispensabiliter petat coniungi ipsi, *Ad*, relatiuo, & idco vocatur proprium relatiuorum, & ex eius positione rectè S. Tho. intulit, debere ipsas relationes quantum ad esse, *Ad*, dari, quia dictum, *In*, sine, *Ad*, inueniri non potest, Sed.

Contra est, quia hæc solutio destruit veritatem dicti Angelici Doctoris; nam S. Tho. dicit: *Perfectio non solum attenditur secundum aliquid absolute inherens, sed etiam secundum ordinem vnius rei ad aliam.* Ergo cum illud, *in*, quauis sit coniunctum cum illo, quod dicit ordinem vnius ad aliud, ipsum tamen talem ordinem non dicit (est enim, vt farentur ipsi Salmat., absolutum, quamuis indispensabiliter inferat relatiuum), falsum erit assumptum S. Tho. quo probat, dari relationes secundum esse, ex eo, quia in rebus non solum attenditur perfectio secundum aliquid absolute inherens, sed etiam secundum ordinem vnius rei ad aliam. Ergo, vt assumptum S. Thomæ sit verum, debet admitti perfectio in ipso ordine vnius ad aliud, qua tali. Sed ordo vnius ad aliud, qua talis, dicit esse, *Ad*, proprium relationum formaliter. Ergo ex mente S. Thom. relationes secundum esse *Ad*, proprium,

prium, formaliter qua tale, dicunt perfectionem.

Confirmatur; quia premendo exemplum S. Tho.; quo utitur S. Doct. ad probandum perfectionem etiam in ordine consistere, manifestè constabit, S. Doctorem aliquid perfectionis ipsis relationibus secundum esse *Ad* concessisse. Etenim in ordine exercitus duo consideranda sunt. Primum materiale ordinis, ipsi scilicet milites, tam exercitum, quam ordinem exercitus constituentes. Secundò ipse ordo formaliter, quo inferiores subsunt superioribus, & omnes Duci; & illud materiale ordinis, formaliter qua tale, sine formali non potest esse, quia aliàs esset quædam inconcinna turba hominum, non exercitus. Ergo sicut bonum exercitus, ultra bonitatem illius materialis, nempe bonitatem, & robur militum, habet aliam bonitatem ex ipso ordine (unde etiam robustissimi sine ordine pugnantés vincuntur,) ita licet illud, *In*, relatiuum petat necessariò connecti ipsi, *Ad*, tamen ultra bonitatē, & perfectionem, quam dicit, *In*, ex mente S. Tho. etiam ipsum, *Ad*, perfectionem dicere debet.

Contra secundum punctum responsionis principalis ad rationem pro conclus. arguitur. Falsum potius colligitur non habere totalitatem perfectionis sine existentia. Primum, quia existentia, nullo modo pertinet ad integritatem essentialē rerum (excepta

sola existentia Dei, ut supra quæst. 4. de conuertentia Entis dictum est) cum nulli creaturæ sit essentialis. Secundò, quia defectus existentie est defectus alicuius extrinseci, & sic non impedit totalitatem essentialē, ut etiam supra probatum est; potest igitur habere totalitatem essentialē ante existentiam, consequenter perfectionem.

Vnde illud, quod Salmatic. dicunt loco cit., Ens, si non concipiatur saltem, ut habens, quidquid requiritur ad existentiam, non dicere perfectionem, est intelligibile in ipsorum doctrina de Relationibus Diuinis. Quæro enim, quid hac circumlocutione intelligant? An quòd habeat intra suam lineam existentiam conuenientem sibi primariò? An, quòd licet dictam existentiam, dicto etiam modo sibi conuenientem, non habeat, tamen habet suam rationem formalem integram capacem existendi, seu potius coexistendi per existentiam alterius lineæ, cum qua realiter identificatur? tertius enim modus explicandi illam Salmaticensium circumlocutionem non datur. Si primum dixerint, ac per consequens ad hoc, ut aliquid ex vi propriæ lineæ dicat perfectionem requisierint, ut habeat existentiam intra propriam lineam conuenientem sibi primariò, sequitur quòd in Diuinis nullum attributum, absolutum, (quod tamen ipsi

Sal-

Salmatic. non dicent, quia nec possunt dicere (dicat perfectio- nem; et sic neque Sapientia, neq; Scientia, neque Voluntas in Deo, vel aliquod aliud attributum perfectiorem dicet, quia nullum illorum affect, intra propriam lineam, existentiam, sed omnia per vnicam existentiam Diuinæ Essentia existunt. Si verò dicant secundum, planè sequitur, etiam relationes dicere, intra propriam lineam, perfectiorem, quia etiam illæ dicerent suas rationes formales integras capaces existendi, seu potius coexistendi per existentiam Diuinæ Essentia, cum qua identificantur realiter.

Possit quis (quamvis limites Metaphysicæ transgrediendo, & discurrendo) dicere in fauorem Salmat. quod etiam ipsi aliquantulum innuunt, illas non esse capaces existendi, nisi ut includunt essentiam per modum transcendentis, atque ideo ex se, & ex sua formalitate relatiua præcisè sumpta, non esse capaces existendi.

Hoc tamen falsum est quomodo- docunque intelligatur: Nam si ita intelligant, quod existentiam habeant Relationes Diuinæ ab Essentia, siue Natura imbibita per modum transcendentis, hoc, & falsum est, & contradictorium doctrinæ ipsorum, quam sapientius repetunt, & fusè tractant disp. 5. dub. 3. Quia sicut intelligere, ita & esse non communicat Natura, ut est sub conceptu transcendentis, seu carentia ultimatis, &

terminationis in quavis serie, & linea Diuina, sed ut est sub conceptu Naturæ, siue ut substat alteri carentiæ, vterioris scilicet contractionis, per aliquod posituum pertinens ad aliquam lineam in Diuinis. Si verò sic intelligunt, quod Relatio Diuinæ nequit existeret; nisi ut imbibit Essentiam Diuinam per modum transcendentis, quia nimirum Natura, sic imbibita est ratio, cū Relationi communicetur existentia: Iterum quæro, quomodo hoc intelligatur? Vel sic, ut Essentia sic imbibita existat, & Relatio in tantum existat, in quantum imbibit illam Essentiam absque eo quod existentia saltem secundario communicetur Relationi: Ec hoc est falsum, quia alias Relationes non existerent absolute, & sic, realiter loquendo, non essent Relationes in Deo, quia, cui ita mediatè vnitur forma, ut non pertingat usque ad illud, cui mediatè vniri asseritur, non participat effectum, siue quasi effectum formalem formæ, ut docent ipsi Salmaticen. Tract. 6. Disp. 7. Dub. vnico num. 61. atque ita si hoc modo existentia vniretur mediatè Relationibus, ut soli scilicet Naturæ, cū qua Relationes identificantur, realiter in ipsis per modum transcendentis inclusæ, vniretur, illis verò non, ita illæ non participarent effectum formalem existentia; quod est esse in rerum natura, seu existere. Ergo &c. Vel sic, ut credant, quod licet etiam ipsis

Re.

Relationibus, qua talibus, communicetur existentia, tamen non illis communicatur, nisi ratione Essentia in ipsis, per modum transcendentis, inclusa: Hoc etiā est falsum, quia etsi remotē hoc possit esse verum, in quantum Relationes non existerent per existentiam Diuinam, nisi essent Diuinæ, iam autem arguitur, & a posteriori Diuinæ non essent, si in illis Natura Diuina sub conceptu transcendentis non imbibereetur, quæ alioquin in omnibus Diuinis imbibitur; proximē tamen de materiali est respectu Relationum, ut existant, quod dictam Essentiam per modum transcendentis includant, quia ipsa, ut est sub conceptu transcendentis, rationem existendi, siue recipiendi existentiam, siue aliquid aliud Naturæ, ut est sub conceptu Naturæ, nec non sub carentia tali conceptui debita, non exprimit, ut modo dictum est.

Possent adhuc aliquis dicere, (quod etiam videtur ex ipsorum Salmatic. verbis elici posse) per illam circumlocationem significari, quod ad rationem perfectionis requiratur, ut illud ens, quod dicitur perfectum, sit existens, siquidem ipsi, ut ex discursu ipsorum constat, per ens in actu, cum quo dicunt, bonum conuertere, intelligunt ens participialiter, ac proinde ens sub existentia. Ceterum dictum illud in hoc sensu explicatum a veritate deuiat. Certum est enim, res non solum ut

sunt sub existentia, sed etiam ut sunt sub ordine ad ipsam, dicere posse perfectionem: Quod & ipsi Salmatic. in absolutis concedunt dub. 2. disp. 6. tract. 6. n. 86. De relatiuis autem licet negent, immerito tamen, quia, ut supra ostendimus, positis requisitis ad perfectionem, etiam in relatiuis perfectio, sicut & bonitas, potest inueniri. Et potest hoc, quod modo diximus, res scilicet ratione solius ordinis ad esse, dici bonas, & perfectas, confirmari insigni autoritate Angel. Doct. 3. cont. Gent. Cap. 10. ubi dicit: *Licet unumquodque sit bonum in quantum est ens, non tamen oportet, ut materia, quæ est ens solum in potentia, sit bona solum in potentia: Ens enim absolute dicitur, bonum autem & in ordine consistit, Non enim solum aliquid bonum dicitur, quia est finis, vel quia obtinet finem, sed etiam si nondum ad finem peruenit, dummodo sit ordinatum ad finem, ex hoc ipso dicitur bonum.* Materia ergo non potest simpliciter dici ens ex hoc, quod est potentia ens, in quo importatur ordo ad esse, potest autem ex hoc dici simpliciter bona propter ordinem ipsum. In quo apparet, quod bonum quodammodo amplioris est ambitus, quam ens. Propter quod Dyonis. dicit 4. cap. de Diuin. nomin. quod bonum se extendit ad existentia, & non existentia, nam & ipsa non existentia, scilicet materia prima, secundum quod intelligitur priuationi subiecta, appetit bonum, scilicet esse,

ex

ex quo patet quod etiam sit bona. Nihil enim appetit bonum, nisi bonum. Vides ergo clarè à S. Thoma assertum, & deductum, quomodo ad rationem boni non requiritur ipsum esse, vt habitum.

Et hinc ampliùs potest desumi efficax impugnatio illius circumlocutionis Salmaticensium ( & simul tertij puncti responsionis ad rationem nostram ) generaliter, & vt sonant verba, ostendendo, omnino cū doctrina Angel. Magistri nō cohærere, quod dicunt: Bonum, & perfectum conuerti solū cum ente in actu, ac proinde cum ente habente quidquid requiritur ad hoc, vt sit existens. Quod ostendo euidenter inhærendo doctrinæ S. Tho. quam modò ex 3. cont. Gent. adduximus. Primo enim falsum est iuxta mentem S. Tho. quòd bonum, & perfectū conuertantur solū cum ente in actu: Nam materia prima non est ens actu, sed in potentia tantum, & tamen est bona. Ergo Bonum latius patet, quàm ens in actu, quod & ipse S. Doctor admittit, ac per consequens non conuertetur. Deinde non minùs falsum, est, quod dicunt, explicando prædictum ens in actu, scilicet habere totum, quod requiritur ad existendum, & tunc solū dictum, ens tenere esse capax bonitatis, & perfectionis. Nam, in sententia S. Præceptoris materia est bona propter ordinem ad esse, & tamen non habet omnia, quæ requiruntur ad ens, vt existat; cū

non habeat actum primum à forma prouenientem, sine quo existere non potest. Ergo &c. Contra illud, quod Salmat. addunt; Bonum scilicet conuerti cum ente participialiter, non autem nominaliter sumpto, vide impugnaciones supra hic fusè à pag. 291. vbi contrarium docuimus, & quæ obijci poterant, soluimus. Ex quibus tertium punctum responsionis ad rationem nostram pro Conclusione euanesceat.

## QVÆSTIO II.

*Vtrum diuisio Boni in honestum, vtile, & delectabile sit adæquata.*

**S**Vpponendum, non esse tantam controuersiam inter Authores circa diuisionem istam, quamuis enim ex mente S. Tho. videatur ista diuisio magis currere de Bono humano, nihilominus iam concorditer applicatur à Sectatoribus S. Thomæ Bono in communi, igitur exclusis alijs diuisionibus, quas aliqui multiplicanc inutiliter.

Dicendum est, diuisionem istā Boni in Honestum, Vtile, & Delectabile esse adæquatam. Sic S. Tho. 1. p. q. 5. ar. 6. & cum Aristot. 2. Etich. cap. 3. & alibi. Ratio autem istius diuisionis facillè deducitur, Cum enim de ratione Bo-

Y y ni

ni sit appetibilitas, tot modis dicitur Bonum, quot modis dicitur appetibile ex vi perfectionis; appetibile autem est triplex: Honestum, Utile, & Delectabile. Vel enim aliquid est appetibile propter seipsum, vel est appetibile propter aliud. Si primum, scilicet propter seipsum, quia nimirum perfectio, quam in se habet, ex se ipsa est consentanea, & conueniens, v.g. homini, cum hoc possit duobus modis contingere; primo, si sit conueniens in ordine ad delectationem, quam tale bonum secum adfert, sic erit bonum delectabile: Secundo absque ordine ad delectationem, sed solum quia per se decet hominem, siue habeat, siue non habeat delectationem, sic erit bonum honestum. Si autem secundum, scilicet appetibile propter aliud, & ratione alterius boni, quod mediante illo obtinere potest, desideraturque, ut alij dicunt, propter bonum melius, sic erit bonum utile, ab alijs vocatum medium. Evidens igitur est, adæquatam esse istam diuisionem Boni, & membra diuidentia distinguui saltem ratione. Circa quæ membra notanda sunt aliqua, & quidem.

Notandum primò circa Bonum honestum, dupliciter illud posse sumi, vel in ordine ad mores, seu ad actiones humanas, quatenus sunt regulabiles prudenti ratione; & sic dicitur Bonum morale, bonum rationis; Vel

in ordine ad naturam; prout per se perficit illam, estque illi commodum, præcisa quacunque ratione virtutis, & sic dicitur Bonum naturale. Primo modo sumptum dicitur illud, quod per se, & ex se est decens hominem ratione vrentem, in qua decentia non consideratur aliqua commoditas, licet sæpius interueniat, sed tantum consideratur proportio, quæ inuenitur inter tale bonum, & Personam; v.g. dare elemosynam indigenti est honestum, quia est decens naturæ rationali, & secundum regulas prudentiæ operanti, etiam si inde homo nullam utilitatem haberet. Et istud Bonum declaratur per conuenientiam ad dictamen rectæ rationis: illud enim est bonum honestum, quod recta ratio dicat esse faciendum. Sub isto bono continentur habitus boni, Virtutes scilicet, actus illorum, & obiecta. Virtutes enim computantur inter maxima bona, quia maximè decet hominem ratione vrentem.

Secundo modo sumptum, videlicet in ordine ad naturam, est id, quod perficit talem naturam, v.g. sanitas, dispositio corporis, vita, &c. possunt appellari bona honesta: si tamen attendamus ad communem modum loquendi potius appellari debent bona naturæ, & sic à S. August. l. 2. de lib. arbitrio cap. 19. dicuntur Bona media, eò quòd possimus illis bene, vel malè uti, sicut etiam diuitiæ

hæc dicuntur bona infima. Igitur concludendum est, nomine Boni honesti, communiter intelligi bonum moraliter, istud enim continet maxima bona sub se, id quod semper debeamus ipsis bene uti.

Notandum deinde circa Bonum delectabile, quod duo inuoluit, delectationem ipsam, & obiectum delectationis. Si pro delectatione sumatur, semper dicit illam suauitatem, & quietem, quam appetitus habet in bono adepto, siue habeat conformitatem cum natura rationali, siue non. Si pro Obiecto, semper natum est causare delectationem in appetitu, quando est præsens, vel apprehenditur ut tale, & ideo habet vim inuolendi appetitum ad sui desiderium, & aliquando mouet, etiam si sit contra modum naturæ, & regulas rationis, ut S. Tho. docet 1. p. q. 5. a. 6. ad 2. Ex quo patet distinctio boni delectabilis ab honesto: Honestum enim, ut sic, non dicit delectationem, cum dentur plura honesta, quæ tamen non delectant. Similiter etiam bonum delectabile non dicit honestatem de se, cum aliquando, ut ait S. Thomas, deur bonum delectabile, quod nec sit bonum moraliter, nec consentaneum naturæ, sed potius turpe, & nocuum. Tenendum igitur, Bonum delectabile, per modum obiecti esse id, quod ex se, & sua ratione præcisè habet causare delectationem in ap-

petitu propter peculiarem proportionem, quam habet cum tali potentia; & hoc modo se habet secundum membrum diuisionis.

Notandum tandem circa tertium membrum diuisionis, scilicet Bonum utile. Istud, ut docet S. Tho. 1. p. q. 1. ar. 6. ad 2. non habet in se, unde desideretur, sed desideratur tantum, ut est ducens ad alterum, sicut sumptio medicine amara. Hinc ortum habet, quod bonum utile non dicatur ab aliquibus habere in se bonitatem intrinsecam, sed tantum, quod sit extrinsecè bonum per denominationem à bonitate finis. Pro cuius explicatione.

Aduertendum adhuc, quod in Bono utili duo possunt considerari: Primum est vis, & potentia, quæ est in bono utili, ad acquirendum effectum, in ordine ad quem utile dicitur. Secundum est illa utilitas in ordine ad appetentem, cui tale bonum utile est. Si loquamur primo modo de bono utili, dicendum est, utilitatē posse esse virtutem, & perfectionem aliquam intrinsecam, quæ quidem perfectio comparata ad ipsummet ens, quod utile denominatur, est illi conueniens, non quidem, tanquam bonum utile, sed potius tanquam bonum illi proportionatum per se, ut patet in medicina, quæ est utilis ad sanitatem, quatenus habet vim ad expellendum aliquem humorem, & illa vis est aliqua proprietas in-

trinleca, & connaturalis tali medicinæ, respectu vero hominis dicta vis potest dici utilitas, in ordine ad expulsionem alicuius humoris, præcisè tamen sumpta, non est bona, aut conueniens homini, nisi in quantum conueniens dicitur diminutio, vel purgatio illa sanguinis, & si homo non indigeret tali purgatione, aut diminutione humoris, illa virtus medicinæ non esset illi conueniens, indigenti autem est bona propter sanitatem; Vnde illa virtus, quamuis sit intrinseca medicinæ, ex se tamen non est conueniens homini, sed solum est appetibilis, quatenus à bonitate finis quodammodo informatur; & propter hoc dicitur à D. Tho. & alijs, Bonum, utile, ut sic, non habere bonitatem intrinsecam, sed solum extrinsecam, provenientem à bonitate finis, ad quem est utile. Quod etiam potest colligi ex eo, quia Bonum utile, ut sic, non excitat, aut mouet appetitum ex se, ( ut patet de potione amara, ) sed finis ipse, qui est bonus propter se, eodemq; modo appetibilis, mouet appetitum sui, & mediorum. Occasione dictorum.

**QVÆRES** ; Qualis est ista diuisio Boni?

Resp. esse analogi in analogata. Sic S. Thom. 1. p. q. 5. a. 6. ad 3. expressè dicens. *Bonum non diuiditur in ista tria, sicut uniuersum, aequaliter de his predicatum, sed sicut analogum, quod predicatur secundum prius, & posterius; Per pri-*

*us enim predicatur de Honesto, & secundario de delectabili, tertio de Utili. Et patet ex dictis de analogia in hoc Tract. quia quando nomen commune dicitur de vno extrinsecè, & de alijs intrinsecè, tunc illud est analogum. Sed Bonum dicitur intrinsecè prius de honesto, & delectabili, de utili vero extrinsecè, & per ordinem ad duo alia priora. Ergo est analogum, consequenter diuisio eius est analogi in analogata. Pro quo.*

Aduertendum est primò, inter honestum, & delectabile intercedere aliquam analogiam attributionis, quamuis sit, & proportionalitatis: Dixi aliquam analogiā attributionis, quia aliquandò, & ut in plurimum, Bonum delectabile præsupponit bonitatem honestam naturalem, aut moralem, in qua appetitus quiescat per delectationem, quia delectatio ex natura sua ad hoc tantum videtur instituta, ut sit, velut quidam decor, & quasi condimentum quoddam alterius superioris ordinis: Vnde appetere operationem aliquam, etiam naturalem, propter delectationem, in ea sistendo, est ordo imperfectus, & inordinatus, cum potius delectatio sit propter eandem operationem, & ad hoc est instituta; præsertim loquendo in ordine ad hominem, respectu cuius bonum delectabile, quod non habet honestatem adiunctam, non potest, nec debet bonum simpliciter existimari, quia priuat maiori bono, & non conducit homini



mini ad bonum simpliciter ipsius, quod est viuere secundum rationem. Et in hoc sensu dicunt aliqui DD. & SS. Patres, nihil esse bonum, nisi virtutes, &c. Ex qua doctrina patet, quàm bene dixerit S.Tho. loco sup. cit. quòd bonum prius dicitur de honesto, quàm de delectabili.

Aduertendum est secundò, inter ista duo bona, honestum scilicet, & delectabile, intercedere analogiam proportionalitatis, quæ est sita in hoc, quòd sicut bonum honestum habet bonitatem per se motiuam appetitus, ita & bonum delectabile. Ex qua doctrina patet melius id, quod inuimus Tract. de Analog. id. m. nomen analogum posse esse attributionis respectu duorum membrorum, & proportionalitatis respectu aliorum, ut sanum, quod prius significat animal, secundò medicinam, de istis dicitur per attributionem vnius ad aliud; at verò idem sanum dicitur de animali, & de cibo, non per attributionem vnius

ad aliud, sed per proportionalitatem: sic in proposito, bonum dicitur per attributionem de honesto, & vtili, per proportionalitatem verò de honesto, & delectabili.

Hic locus esset Quaestioni illi tractandæ. Vtrum Creatura possit analogari cum Deo secundum rationem Boni, & qua analogia? Sed quia ex supra dictis hic disp. 1. quæst. 5. de Analogia colligitur, quid sit respondendum; Et ex Complut. in Log. disp. 10. quæst. 4. & disp. 11. quæst. 3. patet, analogari secundum rationem entis, & consequenter Boni, sicut & secundum alias rationes, vtraque analogia attributionis scilicet, & proportionalitatis, idè videantur, si placeat, dicta loco cit. præcipue P. Blasius, qui in terminis hanc Quaestionem decidit affirmatiue in sua Metaphysica disp. 24. qu. 5. Neque enim placet multiplicare Quaestiones, quæ aliàs ex doctrina PP. nostr. Complut. facile deduci possunt.

Et hæc satis de præsentī Quaestione, de quæ toto hoc Tractatu primo hucusque dicta sufficiant; exindè ad magis necessaria transeundum.



PRIMI  
TRACTATUS  
FINIS



TRA



# I N D E X

## ALPHABETICVS

### RERVM NOTABILIVM

In hoc Opere contentarum.

*Prior numerus Tomum, alter Paginam indicat.*

#### A

##### ABSTRACTIO

**E**st duplex. Totalis, & Formalis. to. 1. pag. 14.

Cur Formalis magis constituit obiectum in esse scibilis. 1. 15.

##### ABSOLUTA

Absoluta possunt habere denominationem ex connotatione extrinseci. 2. 504.

Absolutorum, & relatiuorum perfectionis inaequalitas vnde. 2. 819.

##### ACCIDENS

Accidens vt sic abstrahit à completo, & incompleto. 1. 221.

Eius diuisio. 1. 91.

Quomodo est analogum respectu suorum inferiorum. 1. 93.

Individuatur à subiecto. 2. 433.

Duo accidentia solo numero distincta non possunt esse in eodem subiecto. 2. 440.

Diuerse speciei possunt simul recipi. 2. 431. & seq.

Qualis illorum existencia in Eucharistia, & subiectum quod. 2. 650.

An possint representare substantiam panis absentem in Eucharistia. 1. 80.

Mutantur intrinsecè in Eucharistia. 2. 655.

Possunt produci independentes à subiecto. 2. 653.

Sunt ascribita à Verbo. 2. ibid.

Recipiuntur medio aliquo potentia, quod virtualiter tantum distinguitur ab actuali. 1. 167.

Inherere in accidentibus non est

# I N D E X

- est æqualiter, sed proportiona-  
liter. 1. 79.
- Inhzrentia non est existentia  
ipforum, & quomodo sumpta.  
2. 652. & seq.
- Accidens distinctam habet exi-  
stentiam ab existentia substan-  
tiz. 2. 650.
- Existentia accidentis immedia-  
tè sequitur ad vnionem ad sub-  
iectum. 2. 529.
- Inhzrentia illius duplex, actua-  
lis, & aptitudinalis, & quid  
vtraque. 2. 649.
- Per quid Accidens in esse com-  
pleti constituitur. 2. 221.
- AER**
- Aer naturaliter inclinatur in lu-  
cem. 2. 188.
- AFFLICTIO**
- Afflictiones ad salutem profunt.  
2. 809. & seq.
- AFFIRMATIO**
- Affirmatio à negatione distingui-  
tur per seipsam. 1. 303.
- ALIQUID**
- Aliquid quid sit. 1. 54. & 239.
- Transcendentale non cõpetit mo-  
dis. 2. 732.
- In quo à ratione transcendentis  
deficit. 1. 231.
- Non exprimit aliud ab vno, sed  
idem alio modo. 1. 238.
- Non potest reperiri sine vno.  
ibidem.
- Non potest esse passio entis di-  
stincta, etiam per Aduersarios.  
1. 239.
- ANALOGIA**
- Analogia quid. 1. 65.
- Est duplex Attributionis, & Pro-  
portionalitatis, & quæ differen-
- tia inter hæc. 1. 68.
- Analogi in sua analogata diuisio  
triplex. 1. 72.
- Quomodo ista diuisio differt à  
diuisione vniuoci in vniuoca-  
ta. ibidem.
- Prædicatio analogi de analogo-  
tis est superioris de inferiori-  
bus. 1. 71.
- Analogum est medium inter vni-  
uoca, & æquiuoca. 1. 69.
- Duo sunt fundamenta analogiæ,  
quæ? 1. 101.
- ANGELVS**
- Angelus in sua essencia habet quid  
potentiale. 2. 423.
- Istud potentiale est logicum nõ  
physicum. 2. 410.
- Quid dicit qua creatus. 2. 421.
- Gradus specificus, & indiuidua-  
lis non distinguitur in ipso. 2.  
417. & 421.
- Distinguitur tamen in ipso vir-  
tualiter natura, & essencia. 2.  
425.
- Vnde sumitur in ipso genus, &  
differentia. 2. 424.
- Quomodo potest esse singula-  
ris. 2. 428.
- Est sibi radix indiuiduationis.  
2. 417.
- Quomodo esse indiuiduum spe-  
ciet ad conceptum specificum  
ipforum? 2. 472.
- Implicat plures esse eiusdem  
speciei. 2. 425.
- Non potest se communicare al-  
teri supposito. 2. 429.
- Cur Angeli vocantur à S. Tho:  
supposita nõ indiuidua? 2. 469.
- Quomodo est prædicabilis. 2.  
427. & 427.

# ALPHABETICVS.

In statu naturæ sumpto (propositio ista *Deus est*) non est ipsi per se nota. 2. 841.

## ANIMA RATIONALIS

Anima rationalis, quod sit forma corporis, est de fide. 2. 571.

Tota enim ratio ipsius immortalitatis ipsius ex inseparabilitate ab eis. 2. 576.

Cur non amittat eis? 2. 572.

Prius ipsi debetur subsistentia, quam toti. 2. 573.

Dum accipit gratiam, quomodo verificatur non accipere illam à Deo, ut agente supernaturali. 2. 212.

Dum creatur est *hec*, & individua. 2. 386.

Quomodo ipsius communicabilitas stat cum incommunicabilitate subsistentiæ? 2. 573.

## ANTICHRISTVS

Antichristus non potest denominari suppositum ratione existentis in eternitate quomodo intelligitur. 2. 525.

Est nunc existens quomodo verum. 2. 524.

## APPETITVS

Appetitus rectus quid? 2. 721.

Appetitus conueniens aliquid dupliciter potest dici. 2. 704.

Iuxta triplicem formam diuiditur. 1. 27.

## AQVA

Aqua quomodo partes eius diuise possunt habere subsistentias. 2. 591. & 588.

Hauriens illam ex puteo, & infundens in vasa, & iterum refundens an producat nouas existentias. 2. 589. & seq.

## ÆQUIVOCA

Æquioca à casu, & à consilio quid. 1. 75.

## ARS

Quomodo definitur à S. Thomæ. 2. 710.

Artificialis modus in quo consistit. 2. 713.

## ASSUMPTIO.

Assumptio, vel assumere quid sonat. 2. 610.

## ÆTERNITAS

Æternitas quid. 2. 896.

## ATTRIBVTA

In Deo quid. 2. 865.

Sunt determinata quoad numerum. 2. 828.

Non distinguuntur actu ab essentia Dei. 2. 870.

Habent distinctas veritates à veritate Essentiae Diuinæ. 1. 270. & seq.

Quæzà sint in particulari. 2. 890.

Quid dicat vnumquodque in particulari. 2. 891.

# B

## BEATITVDO

In quo consistit. 1. 32.

Bonitas Dei ducitur. 2. 891.

## BONVM

In quo consistit. 2. 345.

Quomodo creaturæ competit. 2. 734.

Non conuenit rigorosè modis. 2. 730.

Conuertitur cum Vno, Vero. 1. 376.

Soli entis nominaliter sumpto competit. 1. 277.

Est vera proprietas Entis ab ipso. 2. 2.

# I N D E X

**Distincta.** 1. 231.  
**Quale appetibile requiritur ad bonum.** 1. 346.  
**Quomodo contrahat rationem Entis.** 1. 248.  
**Est posterius Vero.** 1. 249. & 251.  
**Qua ratione potest esse prius illo.** 1. 252, & 254, & 249.  
**Quomodo mouet appetitum.** 1. 251.  
**Conceptus boni includit conceptum Veri.** 1. 252.  
**In quibus inueniatur ratio boni.** *ibidem*, & 263.  
**Conuertitur cum Ente nominatim sumpto.** 1. 276. & seq.

## C

### CAVSA

**Q**uid sit, & quotuplex. 2. 721. & seq.  
**Subordinatio illarum duplex.** 2. 775.  
**In quibus processus in infinitum non potest dari.** 2. 779. 783.  
**Quomodo efficientium collectio non sit dependens.** 2. 781.  
**Non datur instrumentalis respectu existentie.** 2. 662.  
**Eo ordine præcontinet effectus, quo illos causat, quomodo verificatur.** 2. 411.

### CAIETANVS.

**Defenditur pro conceptu entis.** 1. 124.  
**Pro Subsistentia.** 2. 516.  
**In fine videtur variare circa distinctionem suppositi a natura.** 2. 462, & seq.

### CÆLI

**Non possunt produci infiniti à**

## Deo.

2. 482. & seq.

### CHRISTVS

**Eius humanitas cur possit ab alijs personis terminari.** 2. 601.  
**Eadē humanitas non habuit subsistentiam creatam.** 2. 450  
**Respectu ipsius (ly consumptæ personam) quid sonat.** 2. 488.  
**Habuit gratiam maximam, in quo sensu.** 2. 794.

### CHRYSOStOMVS

**Eius autoritas pulchra pro Iustitia Dei.** 2. 809. & seq.

### COGNITIO

**Duplex. Distincta, & confusa.** 1. 102.  
**Quid utraque.** *ibidem*.  
**Subdiuiditur.** *ibidem*.  
**Ordo confusæ, actualis, & virtualis.** 1. 103.  
**Cōprehensua quid.** 1. 192, & seq.

### COLOR

**Quomodo sit immaterialis in ordine sensitiuo.** 2. 721.

### COMMVNICATIO, SEV COMMVNICAB. MODVS

**Quotuplex.** 2. 560  
**In genere causæ finalis, & efficientis, quid.** 2. 561.  
**Communicabilitas Subiecti in Accidentibus per Subsistentiam non excluditur.** 2. 562.  
**Quomodo.** *ibidem*.  
**Communicabilitas Animæ rationalis quomodo potest frangere cum incommunicabilitate subsistentie.** 2. 575.

### COMPARATIO

**Tria requirit.** 1. 721.

### COMPOSITIO

**Compositio logica, physica, & metaphysica.** 2. 545.  
**Duplex cū his, & ex his, quid.** 2. 546.  
**Nul.**

# ALPHABETICVS.

Nulla datur in Deo. 2. 852.

## CONCEPTVS

Conceptus vnus aliter est in vni-  
uocis, aliter in analogis. 1. 66.

Conceptus Intellectus duplex.  
Formalis, & Obiectiuus. 1. 129

Conceptus Entis. Vnus præcitus  
communis inferioribus non  
datur. 1. 128.

Perfectus. Sunt ipsa inferiora. 1.  
155.

Potest cognosci cognitione æqua-  
li confusa. 1. 106, & seq.

## CONNOTATA

Extrinfeca, quomodo dant deno-  
minationem. 2. 507.

Non constituunt suppositū. 2. 449.

Non habent aliquam veram cau-  
salitatem. 2. 504.

Quare. 2. 505.

## CONNEXIO

Connexio prædicati, & subiecti  
non semper facit propositionē  
per se notam. 2. 836.

## CONTINGENTIA

Acceptio s contingētis. 2. 788.

Est medium inter impossibile, &  
necessarium. 2. 791.

Contingens dicitur contingens,  
quando non est. 2. 792.

Competit rebus sub statu præci-  
sionis. ibidem.

Pugnat cum æternitate. 2. 789.

Originaliter debet fieri à neces-  
sario. 2. 790.

## CONTINENTIA

Continentia in alio triplex. For-  
malis, Eminentialis, & Virtua-  
lis. 2. 877.

## CONVENIRE

Conuenire aliqui alicui secun-  
dum quod ipsum, quid? 2. 816.

Appetitui conueniens aliquid du-  
pliciter. 2. 704.

## CONVERSIO, SEV RECI- PROCATIO

Quotuplex est. 1. 255.

Qualis ex his conueniat passiori-  
bus entis. 1. 256.

## CORRVPTIO

Corruptio propriè quid? 2. 586.

Quatuor modis contingit. 1. 64.

## CREATIO

Quid adiuè, & passiuè sumpta. 2.  
896.

Non est mutatio realis. ibidem.

Non datur in illa fieri medians,  
aut distinctū à facto esse. 2. 900

Non est de prædicamento actio-  
nis. ibidem.

Est demonstrabilis ratione natu-  
rali. 2. 901.

Quomodo ab illa denominatur  
Deus Creator. ibidem.

Non potest communicari alicui  
creaturæ. 2. 902.

Nec instrumentaliter. 2. 903.

## CREATVRA

Per quid subditur Deo. 1. 204.

Quomodo dicitur bona. 2. 736.

Quomodo vera. 1. 273. & seq.

# D

## DAMNATIO

**D**amnatio aliquorum propter  
vnum peccatum. 2. 809. &  
seq.

## DEVS

Triplex potest sumi. 2. 463.

Constitutiuum naturæ ipsius est  
intelligere æquale. 2. 860.

Nomen Dei quid sonat. 2. 798.

Duplex conceptus naturæ Diui-  
næ.

# I N D E X

28.  
 Continet perfectiones omnium rerum. 2.857.  
 Sumptus cum creaturis non est quid maius, quam solus. 2.885.  
 Quomodo in ratione communi sumatur. 2.859.  
 Ut ponens obedientiam in creatura non est agens supernaturale. 1.205.  
 Nec ut ponens gratiam in anima formaliter author supernaturalis. 1.212.  
 Triplici modo operatur. 1.206.  
 In ipso ratio individui, & subsistentis idem sunt. 2.468.  
 Quomodo pertinet ad obiectum Metaphysicæ. 1.6.  
 Positiue abstrahit à materia, & cui? 1.15.  
 Deum esse: non tam est articulus fidei, quam præambulum ad fidem. 2.825.  
 Non potest demonstrari à priori existentia eius. 2.826.  
 Deum esse: est propositio per se nota secundum se. 2.838.  
 Quibus ista propositio nota. 2.842.  
 Quomodo continetur sub ente. 1.40.  
 Deus quomodo erat aliquid ante creationem. 1.233.  
 Quidquid est in eo existit vnica existentia absoluta. 1.242.  
 In Diuinis non dantur tria entia: quare? ibidem.  
 Non dantur plures veritates. 1.261.  
 Deus Pater quomodo dedit totam suam Entitatem Filio, cui non communicauit Paternitatem. 1.244.  
 Deus sine vilo reali superaddito est Ens vnum. 1.290.  
 DEFINITIO  
 In Definitione quando debent exprimi, quæ sunt de essentia rei. 1.287.  
 DEMONSTRATIO  
 Demonstratio à priori, & posteriori differunt. 2.825.  
 Quid requirit à priori. 2.828.  
 Dum sit ex creaturis, non vt existentibus, sed dependentibus. 2.825.  
 DENOMINATIO  
 Cur non possit desumi ab ijs, quæ sunt extrinseca. 2.500.  
 In Relatiuis potest esse ex vilius connotati. 2.503.  
 Tener se ex parte principij actualis potius, quam potentialis. 2.579.  
 Denominatio spiritualis à spirituali, quando? ibidem.  
 DEPENDENTIA  
 In quo consistit. 1.107.  
 Importat distinctionem. 2.805.  
 Quando causa efficiens dependet à finali. 2.804.  
 Dependencia caloris ab igne habet distinctam entitatem ab entitate caloris. 1.236.  
 DESIDERIVM  
 Quid, & quotuplex. 1.27.  
 DESTRUCTVM  
 Destructum semel non potest iterum redire, quid est. 2.590.  
 DETERMINATIO  
 Determinatio alicuius ad inferiora dupliciter fit. 1.57.  
 DIFFERENTIA  
 Differentia individualis in materialibus addit aliquid positivum. 1.244.



# ALPHABETICVS.

Supra naturā specificam. 1.378.

An sint entia differentia. 1.355.

Cur non ponuntur in prædicamentis. 1.352.

Contrahentes aliquam naturam, quomodo illam soleant determinare. 1.248.

## DIMANATIO

Dimanatio actiua cui competit. 2.591.

## DISPOSITIO

Quid sit. 2.715.

Dispositiones antecedentes determinant materiam ad hanc formam. 2.414.

## DISTINCTIO

Thomistica, & scotistica. 2.868.

Rationis ratiocinatur, & ratiocinantis, quid. 2.869.

Dupliciter potest fieri rationis. ibidem.

Distingui formaliter, & non identificari ex principiis formalibus non sunt idem. 2.868.

## DIVISIO

Diuisio Entis in absolutum, & respectuum. 1.156.

In per se, & per accidens. 1.158.

Quæ prior. ibidem.

In actum, & potentiam qualis. 1.172.

Facta diuisione ligni, vel aquæ producuntur noua supposita. 1.587, & seq.

Diuisio à quolibet alio est nè de conceptu vnius? 1.299, & seq.

Diuisio dicitur negationem. 1.295.

Suscipit magis, & minus. 1.296.

Præcedit inductionem. 1.297.

Dupliciter considerari potest, vel per modum Relationis, vel per modum negationis. 1.301, & seq.

Diuisio per modum negationis tripliciter considerari potest, ibidem.

Per modum relationis non pertinet ad conceptum vnitatis, si formaliter accipitur, si fundamentaliter pertinet consecutiue. ibidem.

Per modum negationis quando pertinet ad conceptum vni, & quando non. 1.302.

Diuisio est prior vnitatis secundum quid, & per rationem. 1.304.

Nullo modo est prior indiuisiōne. 1.305.

Diuisibilitas duplex. 2.584.

Diuisibile propriè quid. 2.586.

## DOMINVS

Dominus qualiter dicitur Deus: an à relatione dominij, vel seruitutis. 2.904.

# E

## ELEMENTVM

Elementi partes discontinuatur eandem habent substantiā cum toto. 2.593.

## EMANATIO

Duplex: formaliter, & effectiue. 2.669.

## ENS

Abstrahens à creato, & increato est Obiectum Metaphysicæ. 1.8.

Quid significat ex vi nominis. 1.49.

Definitur cuius actus est esse. 1.16.

Quomodo dicitur perfectius entibus particularibus. 1.20, & seq.

Dupliciter sumitur: nominaliter, & par-

# I N D E X

- & participialiter. 1. 49.  
 Diuisiones ipsius variz. 1. 155.  
 & seq.  
 Quæ inter has prima. 1. 156.  
 Non est vniucum respectu inferiorum. 1. 76.  
 Nec respectu Dei, & creaturæ. 1. 77.  
 Nec respectu prædicamentorum, nec respectu entis realis, & rationis. 1. 78. & seq.  
 Est analogum non solum respectu suorum inferiorum immediatorum. 1. 81.  
 Sed etiam respectu mediatorum. 1. 88.  
 Non habet vnum conceptum præcisum communem inferioribus. 1. 128.  
 Conceptus ipsius perfectus, aut imperfectus, quid? 1. 151.  
 Quomodo non habet inæqualitatem. 1. 141.  
 Participialiter sumptum nõ præscindit ab hic, & nunc. 1. 275.  
 Contradictorium entis est non ens. 1. 58.  
 Tollitur per non ens. 1. 64.  
 Est primum cognitum. 1. 119. & seq.  
 Quomodo cognoscibile, & quali cognitione. 1. 106. cum seq.  
 Ens in quantum ens reduplicat perfectionem. 1. 277.  
 Formaliter, & quidditatiuè prædicatur de passionibus. 1. 285.  
 Ens reale vt sic abstrahit à completo, & incompleto. 1. 220.  
 Per quid in esse compleri constituitur. 1. 221.  
 Ens reale, & passio realis in quo differunt. 1. 223.  
 Ens quomodo potest esse prius, & vniuersalius, quā res. 1. 236.  
 Ens, & res sunt omnino idem. 1. 235.  
 In quo sensu. 1. 237.  
 Ens quotupliciter accipi potest. 1. 241.  
 Quomodo diuidatur per vnum. 1. 245.  
 Quomodo contrahatur per modos. 1. 248, & seq.  
 Potest substatere relationi, vt etiam formaliter substat indiuidui. 1. 249.  
 Ens nominaliter sumptum latius patet, quam verum. 1. 261.  
 Quid sit. 1. 267. cum seq.  
 Ens reale, prout præuenit existentiam est obiectum Diuinæ voluntatis. 1. 265.  
 Ens vt sic quomodo significet solam essentiam. 1. 267.  
 Participialiter sumptum quid est, ibidem.  
 Entis rationis cognitio non dependet ab existentia. 1. 275.  
 Diuisio entis in Nominaliter, & Participialiter sumptum, est eiusdem rei in diuersos modos. 1. 277.  
 Nominaliter sumpti conceptus quid importat. ibidem.  
 Non est idem, quod ens in potentia. 1. 51.  
 Ens in quantum ens est perfectum. 1. 277.  
 Conuertitur cum suis passionibus. 1. 256.  
 Nominaliter, non participialiter sumptum. 1. 269.  
 Prædicatur de illis essentialiter. 1. 285.  
 Est superius quid ad illas. ibid.  
 Ens.

# ALPHABETICVS

- ENS, & Vnum** addita alteri nullā diuersitatem afferunt. 1. 291.
- ENS, & Vnum** non distinguuntur formaliter. 1. 293.
- Distinguuntur** ratione. ibidem.
- Quomodo** hoc intelligendum. ibidem.
- Cum** quolibet ente possibilis est coexistentia alterius. 1. 302.
- ENS** ante unitatem non est formaliter indiuisum. 1. 297.
- A** non ente non distinguitur per superadditam negationem, sed seipso. 1. 303.
- ENS REALE**
- Primò** diuiditur in absolutum, & respectuum. 1. 156.
- ENS COMPLETVM**
- Dupliciter** dicitur. 1. 215.
- Non** prædicatur de rationali. 1. 152.
- Ut** participatū est terminus Agentis obediēcialis. 1. 206.
- Entia** completa sunt omnia genera generalissima. 1. 218.
- Prædicamentale** non est ens in quantum ens. 1. 8.
- ENS INCREATVM**
- Probatur** rationibus Diu. Thomæ quod datur Ens increatum. 2. 775. vsque ad 796.
- Hoc** Ens esse Deum deducitur. 2. 798.
- Est** causa omnium entium. 2. 801.
- Cur** immultiplicabile? 2. 817.
- Non** admittit vltimā compositionem, nec ex esse, nec habente esse. 2. 814.
- ENS RATIONIS**
- Non** cadit sub obiecto Metaphysicæ. 1. 4.
- Nisi** occasionaliter. 7. 82.
- Abstrahit** solum à materia negatiue. 1. 4.
- Non** competūt ipsi passionēs entis. 1. 9.
- ENVNCIATIO**
- Enunciatio** quare non nisi de ente esse potest. 1. 246.
- ESSENTIA**
- Eius** acceptiones. 1. 360, & seq.
- Eius** definitio. ibidem.
- Quomodo** admittit compositionem in materialibus substantijs. 2. 362.
- Aliquando** sunt positivæ. 2. 367.
- Differt** à natura, & quidditate secundum diuersos respectus. 2. 366.
- Generatur** eadem generatione cum passionibus non ex æquo. 1. 292.
- Essentiæ** non sunt causabiles. 2. 805.
- Dicuntur** esse ab æterno negatiue, non positiue. 2. 370.
- Essentia** non est subiectum capax existentie, donec substantia resulter. 2. 447.
- Præciso** ordine ad existendum non est totum actuale. 2. 549.
- Quomodo** causat existentiam. 2. 844.
- Quomodo** ante existentiam potest denominari existens. 2. 642.
- Non** potest esse causa efficiens existentie. 2. 656.
- Non** continetur virtualiter in essentia. 2. 844.
- Præscindens** ab ordine ad esse est quid superius respectu essentiae connotantis esse. 1. 235.

- Quælibet essentia dicit ordinem ad existentiam, non tamen, quælibet est radix existentie, & unde hoc.** 1. 241. & seq.
- In quo sensu est transcendens respectu omnium.** 1. 243.
- Essentia dicens ordinem ad existentiam quodupliciter considerari potest.** 1. 267.
- Præcisa existentia est vna.** 1. 269.
- Quælibet conformitatem cum intellectu importat.** 1. 270.
- Essentia Diuina transcendit attributa, & quomodo?** 1. 271.
- Quod illius constitutiui.** 2. 860.
- Quomodo potest illi aliquid predicatum de nouo competere.** 1. 272.
- Vt inclusa in Filiatione habet esse genitam.** ibidem.
- Vt inclusa in Relationibus Diuinis non dat veritatem in Relationibus ipsis.** ibid. & seq.
- Non habet plus veritatis sine illis, quam cum illis.** 1. 282.
- ESSE**
- Esse per se à parte rei quid.** 2. 515.
- Aliud est esse determinatum ab esse per se.** ibidem.
- Esse Animæ rationalis est esse totius humanitatis.** 2. 643.
- Esse hominis non corrumpitur in morte, sed desinit esse.** 2. 646.
- Esse non est de ratione suppositi.** 2. 513.
- Non est abstractius, quam intellectio respectu Dei.** 2. 862.
- Esse morale, quod habet constitutum.** 2. 700.
- Esse repræsentatiuum quoad statum quid.** 2. 688.
- Esse ad, dupliciter considerari potest.** 1. 280.
- EXISTENTIA**
- Existentia quid.** 2. 630.
- Conceptus eius.** 2. 532.
- Creata realiter distinguitur ab essentia.** 2. 633.
- Non est extra lineam essentiae.** 2. 422.
- Debet habere potentiam receptiuam sui, & cur?** 2. 510.
- Absolute est perfectior, quam essentia.** 2. 647.
- Vt dicit effectum ultimæ actualitatis est ultima actualitas?** 2. 641.
- Potest considerari, vt possibilis, futura, præsens.** 2. 523.
- Vt communicata nunquam potest sumi in actu signato; sed participialiter.** 2. 522.
- Non est constitutiua suppositi.** 2. 520.
- Ex mente S. Tho: & rationibus.** 2. 508.
- Distinguitur à subsistentia.** 2. 521.
- Potest produci à causis secundis, quomodo.** 2. 657.
- Partiales existentie non dantur.** 2. 645.
- Non præcindit ab hic, & nunc.** 2. 275.
- Non est modus, sed res.** 2. 638, cum seq.
- Non est effectus secundarius rigorosus.** 2. 667.
- Existentia rei materialiter se habet ad veritatem eius.** 1. 274, cum seq.
- Ad integritatem essentialem rei non spectat.** 1. 276.

# ALPHABETICVS.

## F

### FIGURA

**F**igura secunda semper remouet prædicatum à subiecto in concludione. 2. 829.

Figura potest dici aliquid naturale, & artificiale. 2. 712.

### FINALIS CAUSA

Finalis causa modi est collocare rem in statu debito. 2. 723.

### FLUMINA

Subsistunt eadem subsistentia, quæ mare. 2. 593.

### FORMA

In quo sensu est causa existentie. 2. 665.

In quo non est. Ibidem.

Præcontenta non distinguitur ab entitate materie. 2. 412.

Non est principium indiuiduationis. 2. 382.

Limitat materiam conformiter ad naturam gradus specifici non indiuidualis. 2. 387.

Forma artificialis quid. 2. 716.

Forma quomodo potest tribuere perfectionem, quam ex se non habet. 2. 682.

Formarum materialium diuisibilium subsistentie diuisibiles. 2. 587.

Formalis conceptus intellectus quid, & eius ordo ad obiectuum. 1. 153. 331. & 130.

Formaliter, aut virtualiter claudî prædicatum in ratione subiecti quid. 2. 838.

### FURTUM

Furtum esse prohibitum, & esse malum non est idem. 2. 698.

## G

### GENVS

**G**enus, & differentia vnde funtuntur in Angelis? 2. 424.

Generatio passionum, & essentie est vna realiter, & diuersa formaliter. 1. 292.

Genera generalissima dupliciter possunt sumi vt partes, vel vt totum. 1. 218.

### GENTILITAS

Gentilitas ipsa agnoscebat ens improductum. 2. 797

### GRADVS

Gradus purè intellectualis est supremus, nec alius possibilis. 2. 613.

Gradus generici, & specifici, quæ ratione, & completi esse possunt, & incompleti. 1. 220.

Gradus indiuiduales indiuiduant non tantum æthomous gradus, sed etiam superiores. 1. 115.

### GRATIA

Quomodo Deus non est Author supernaturalis gratie causate, vel receptæ in Anima. 1. 212

Gratia maxima fuit in Christo. Vide in verbo CHRISTVS.

### GVBERNATIO

Gubernatio vniuersi non potest esse à pluribus. 2. 803.

## H

### HABITVS

**H**abitus sunt determinationes potentiarum. 1. 7.

Habitus si sit speculatiuus acquiratur, 2. 2

# I N D E X

fitus, aut est scientia, aut opinio. 1. 26.  
 Habituum, & potentiarum distinctio unde? 1. 39.  
 Habitus primorum principiorum an perfectior sapientia. 1. 22.  
 Habitudo ad esse, etiam actuale non constituit suppositum. 2. 499.  
 Quomodo potest extrinsecè distinguere suppositū à natura. 2. 497.

## HÆCCEITAS

Non potest esse radix indiuiduationis. 2. 378.

## HÆRESIS

Hæresim Nestorij sequuntur qui suppositum, & naturam identificant. 2. 456.

## HYPOSTASIS

Quid dicit, & quomodo differt à subsistentia, supposito, & persona. 2. 448.

Potest esse synonymum cum supposito. ibidem.

In quo sensu in Diuinis non potest dici. 2. 449.

# I

## IDEA

Idea quid. 2. 711.

## IGNORANTIA

Ignorantia inuincibilis de esse Dei non potest dari. 2. 830.

## INCLINATIO

Inclinatio potentiarum in actus est duplex. 1. 182.

Inclinatio particularis non inuenitur in ente, ut sic. 1. 211.

## INCLUSIO

Includi vnum in alio dupliciter potest fieri. 2. 844.

## IMMENSITAS

Immensitas Dei deducitur. 2. 893.

## IMMUTABILITAS

Immutabilitas Dei. 2. 895.

## IMPLICANTIA

Implicantia plurium entium in creatorum. 2. 802. & seq.

Implicantia duplex, cur Deus nō possit ad existendum naturam personatam assumere. 2. 570.

## INCLUDENS

Quando cum includente conuertitur. 1. 286. cum seq.

## INCOMMUNICABILITAS

Iuxta P. Blasium est indiuiduationis ipsius existentie. 2. 533.

Incommunicabilitas suppositi, quæ est à subsistentia: quid. 2. 564.

Incommunicabilitas oritur ex subsistentia non hæc ex illa. 2. 533.

Incommunicabilitas metaphysica, & logica. 2. 419.

## INCOMPLETVM

Incompletum ens, & completum physice quid? 1. 215. cum seq.

## INDIFFERENTIA

Indifferentia proprie quid. 2. 538.

## INDIVIDVVM

Individuum esse indiuisum in se, & diuisum ab alio unde sit? 2. 395.

Individuū habēs naturā significat indiuidua in concreto. 2. 464.

Individuum nature in concreto à supposito distinguitur in alijs, non in Deo: cur? ibid.

Cur potest vocari suppositum?

# ALPHABETICVS.

materialiter. 2.466.

Indiuidua nō diuisantur. 2.471.

## INDIVISIBILE

Indiuisibilia sunt termini extensionis quantitat. 2.529.

## INDIVISIO

Suscipit magis, & minus. Vide in verbo DIVISIO.

Destruit diuisionem, non autem ens. 1.298.

Intrat principaliter rationem constitutiuam unitatis. 1.304.

Primò cadit (estò incompletè) in intellectu sicut, & ens. 1.305.

Est impræscendibilis ab ente. ibidem.

Duplicem habet conceptum. : Adæquatum scilicet & inadæquatum. 1.305. cum seq.

Inadæquatus quid. ibidem.

Adæquatè sumpta indiuisio supponit in suo conceptu diuisionem scilicet fundamentaliter. ibidem.

Indiuisio est de conceptu vnius non diuisio ab alio. 1.304.

Indiuisiōnem, quam dicit vnum esse priuatio, vel negatio? 1.308.

Indiuisio, quam dicit vnum esse negatio realis. 1.309.

## INFINITAS

Nulli creaturæ competere potest. 2.892.

Licet nominetur termino priuationis significat positiuū. 1.314.

## INSENSIBILE

Insensibilia non appetunt bonū, nisi vt apprehensum. 1.251.

## INSEPARABILE

Dupliciter potest sumi. 2.638.

## INTELLECTVS

Potest rem diuersimodè concipere. 2.837.

Intellectus nostri primum cognitum prò hoc statu. 1.115.

Pro statu separationis. 1.122.

Prout abstrahit ab utroque statu, abstrahit à primo cognito, ibidem.

## IVDICIVM

Iudicia Dei iusta, sed occulta ex S. Aug. 2.810.

## L

### LEX

Lex æterna est regula dirigens actus nostros. 2.711.

De lege ordinaria, aut extraordinaria operari quid? 1.212.

### LIBERTAS

In actu differt à moralitate. 2.696.

Determinatio in actibus est duplex. 2.703.

### LINEA

Linea formalis quid? 2.886.

In Diuinis Metaphorica quid? 2.887.

### LOGICA

Quomodo subternatur Metaphysicæ. 1.5.

## M

### MATERIA PRIMA

Dupliciter dicitur esse in potentia ad formas. 1.192.

In quo sensu dicitur producta? 2.800.

Cur incorruptibilis? 2.886.

Est

# I N D E X

- Est principium indiuiduationis ,  
 vt sigillata. 2.389.  
 Scū vt signata quantitate radicaliter præhabita. 2.409.  
 Non tamen vt affecta quantitate formali. ibidem, & 398.  
 Neque per aliquem modum superadditum. ibid., & 401.  
 Prius præcontinet quantitatem ,  
 quam formam in quo sensu. 2.407.  
 Forma præhabita , & quantitas radicalis sunt idem cum ipsa. ibidem, & 412.  
 Determinatur ad hanc formam per dispositiones antecedentes. 2.411.  
 Mutatur intrinsecè per amissionem dispositionum antecedentium. 2.413. cum seq.  
 Dupliciter potest esse principium indiuiduationis positiuè, & negatiuè. 2.389.  
 Non est principium indiuiduationis huius indiuidui , vt est vna negatiuè , sed vt vna positiuè. 2.387.  
 Dicitur aliquando absolutè , vel sola principium indiuiduationis à S. Thoma. 2.380. in fin.  
 Potest eleuari ad esse intelligibilem. 2.572.
- MEMBRVM**
- Membra externa quomodo mouentur ab intellectu , & voluntate. 2.719.
- METAPHYSICA**
- Cur sic nominatur ? 1.2.  
 Tituli ipsius, & nomina ex S. Thoma. ibidem.  
 Est speculatiua, & perfectissima. inter scientias speculatiuas. 1.17. & seq.  
 Est sapientia. ibidem.  
 Est perfectior secundum quid habitu primorum principiorum. 1.22.  
 Attingit omnia in vniuersali. 1.23.  
 Genere distinguitur ab alijs scientijs naturalibus. 1.37.  
 Quæ pertinent ad illius considerationem. 1.41.  
 Causæ Metaphysicæ quales, & quæ? 1.46.  
 Obiectum ipsius est ens prout abstrahit à creato , & increato. 1.8.  
 Debet positiuè obiectum ipsius abstrahere à materia. 1.4.
- MODVS**
- Quid sit. 2.637, & seq.  
 Ratio ipsius, & definitio explicatur. 2.675.  
 Non est separabilis à re. 2.676.  
 Propria passio ipsius quæ? 2.733.  
 Non potest suppleri à Deo. 2.537.  
 Non potest creari. 2.653.  
 Non habet causam materiale rigore. 2.722.  
 Sine re non potest inueniri etiam de absoluta potentia. 2.237.  
 Non multiplicat rem, cuius est modus. 1.238.  
 Eius acceptiones. 2.669, & seq.  
 Dicit aliquam perfectionem, & actualitatem. 2.680. in fine.  
 Quomodo dat aliquando perfectionem, quam non habet. 2.681. & seq.  
 Potest esse substantia, vel acci-
- dens.



# ALPHABETICVS.

## N

dens. 2.672.

Modus artificialis quomodo mod-  
dicat artefactum. 2.714.

Repræsentatiuus modus quid. 2.  
688. 687.

Repræsentatiuus secundum se, &  
quoad statum quomodo distin-  
guuntur. 2.692.

Modorum existentia qualis? 2.  
737.

Modus comunicabilitatis quid,  
& quotuplex. 2.560.

Modus incommunicabilitatis nõ  
est id, quod deest Humanitati  
Christi. 2.533.

### MORALITAS

Quid dicit formaliter. 2.699.

Non est ipsa libertas. 2.696.

Fundamentalis, & actualis quid.  
2.697.

Obiectiua non spectat ad lineam  
appetibilis. 2.709.

Obiectiua proxima quid? 2.698.

Ordinem moralem integritas.  
2.695.

Regula radicaliter moralitatis. 2.  
698.

### MVLTVTUDO

Multa intantum sunt entia, in-  
quantum sunt vna. 1.245.

Multitudo apprehenditur post  
vnitatem completè constitu-  
tam. 1.305.

### MVTATIO

Mutatio rei intrinseca potest es-  
se dupliciter. 2.413. in fine.

Fit aliquando per solam muta-  
tionem connotati. 2.414. & seq.

Quæ requiruntur ad mutatio-  
nem. ibidem.

### NATURA

**V**T concipiatur contrahibilis  
quid requiritur. 2.817.

Preciso ordine ad existentiam est  
totum actuale. 2.549.

Specifica per gradum individua-  
lem non contrahitur tanquam  
potentia per actum. 2.379.

Precindens à singularitate dif-  
fert à supposito ratione dupli-  
cis superadditi. 2.466.

Si sit finita, & creata multiplica-  
tur in suppositis, si infinita, &  
increata non. 2.602.

Terminata per propriam subsi-  
stentiam est per se, per alienam  
est in alio quis sensus? 2.599.

Natura Diuina per quid conti-  
nuitur? Vide in verbo DEVS.

Natura rationalis est radicaliter  
regula moralitatis. 2.698.

Naturæ accidentalis quod com-  
plementum, & quis terminus?  
2.528. in fine.

Naturæ positivæ dupliciter pos-  
sunt comparari ad negatiuas,  
vel priuatiuas. 1.253.

Naturale multis modis accipi-  
tur. 1.118.

Similiter naturaliter multiplici-  
ter dicitur. 1.27.

### NECESSITAS

Duplex quoad specificationem, &  
quoad exercitium. 1.31.

### NEGATIO

Potest dicere perfectionem ex  
parte fundamenti. 1.296.

Est duplex destruens, & conser-  
uans. 1.298.

Po:

# I N D E X

Potest suscipere magis, & minus  
ratione fundamenti. 1. 296.

Quomodo imitatur oppositionē  
contradictoriam? 1. 63.

Non semper tollitur per substrac-  
tionem fundamenti. 2. 481.

Negatio unionis, ut vult Scotus  
nō constituit personam. 2. 479

Negatio negationis quot modis  
accipi potest. 1. 294.

Quando significat quid positivū.  
ibidem.

Negatio diuisionis in se, à se, ex-  
tra se. 1. 299.

Negatio diuisionis in se pertinet  
ad conceptum vnius. 1. 301.

Negatio diuisionis à se non per-  
tinet, & fit per intellectū. ibid.

Negatio identitatis cum alio  
quid? 1. 299.

Non entia quomodo possunt dici  
vera. 1. 245. & seq.

## NOMEN

In nomine tria inueniuntur. 1. 69

Differentia nominis à partici-  
pio. 1. 268

Nomen Dei quid sonat. Vide in  
verbo DEVS.

Non esse in alio prouenit aliquā-  
do ex perfectione, aliquando  
ex imperfectione. 1. 505.

Nobilius ne est esse in re, quam  
esse in intellectu? 2. 846.

## NOTVM

Notum per se quid est? 2. 836.



## OBEDIENTIA

Obedientia moralis quem ter-  
minum respicit. 1. 204

## OBIECTVM

Obiectum scientiæ debet esse  
vnum per se. 1. 4.

Debet abstrahere à materia,  
ibidem.

Non debet habere causas forma-  
les, sufficiunt virtuales. 1. 13.

Vnde habeat scibilitatem. 1. 37.

Obiectum nostri intellectus pro  
hoc statu est ens concernens  
quidditatem materialem. 1.  
119. in fine.

Obiectiuus conceptus, & forma-  
lis quid. Vide in verbo CON-  
CEPTVS.

## OPERATIO

Operatio Dei est ratio Præsentie  
Dei in rebus. 2. 893. in fin.

## OPPOSITIO

Quid? inter negationem, & pri-  
uationē inueniri potest. 1. 61.

Oppositio contradictoria est du-  
plex. 1. 57.

Inter non entia qualis? 1. 63.

## ORDO

Ordo ad esse est cuiuslibet quiddi-  
tati intrinsecus. 1. 235. in fin.

Ordo rerum duplex. 1. 267.  
& 2. 714.

Item ordo intelligibilium, & sen-  
sibilium. 2. 572.

Vltra producū ordinem à Deo  
non est possibilis alius, quo-  
modo? 2. 612. in fin.

Ordo naturæ in generatione ho-  
minis. 2. 573. in fin.

Ordo ad intellectum diuersificat  
rem in conceptu. 2. 837.

Ordo essentiae ad existentiam  
duplex. Vide Ordo rerum.

Ordo representatiuus quid? 2.  
685.

Du:

# ALPHABETICVS.

Duplicem habet modum ciffendi.  
2686.

Ordo artificialis quid. 2. 714.

Ordo ad aliquid extrinsecum,  
potest esse intrinsecus. 2. 568.

Ordo passionum Entis. 1. 249.

## P

### PARTICIPIVM

**P**articipium in quo differt à  
nomine. Vide in verbo NO-  
MEN.

Quomodo cum verbo conuenit.  
ibidem.

Participialiter, & nominaliter ens  
explicatur. ibidem.

### PARS

Dupliciter sumi possunt.

Entitativæ, & subiectivæ. 2. 396.

Partes substantiales existunt per  
existentiam totius. 2. 645.

Partes elementorum discontinua-  
tæ sic etiam subsistunt. Vide in  
verbo FLVMINA.

### PASSIONES

Passiones entis sunt in duplici  
differentia reales, & demon-  
strabiles, quid utraque sint. 1.  
221. & seq.

Non sunt verè, & propriè reales.  
1. 225.

Non tamen sunt quid rationis. 1.  
226.

Quod sint reales explicatur. ibid.

Passiones completæ, & incom-  
pletæ quæ? 1. 229.

Tres tantum sunt veræ passiones  
entis. 1. 233.

Aliquid, & res excluduntur à ra-  
tione verarum passionum,  
ibidem.

Quomodo ordinantur inter se,

& quæ prior alia. Vide Ordo  
passionum entis.

Conuertuntur cum Ente. 1. 256.

Cum ente nominaliter conuer-  
titur quolibet in particulari. 1.  
269.

Non competunt modis. 2. 730.

Passiones entis, quomodo possunt  
dici quid rationis. 1. 229.

Quid requiratur ad illarum mul-  
tiplicationem. 1. 238.

Non possunt multiplicari penes  
actum primariò, vel secunda-  
riò inspectum sicut potentia.  
1. 240.

Predicantur de Ente formaliter,  
& non identicè. 1. 226.

Sufficit eisentitas realis, ut possint  
in scièntia reali demonstrari. 1. 228.

Passio potest esse ens reale, & non  
esse passivè realis. 1. 223.

### PECCATVM

Peccatum originale per se primo  
naturæ attribuitur quare? 2.  
487.

### PERFECTVM

Ex vi nominis quid? 2. 876. &  
1. 284.

### PERFECTIO

Perfectio simpliciter simplex  
quid? 1. 281. in fine, & 2. 483.  
in princip.

Ex duplici capite contingit non  
esse simpliciter simplicem. 1.  
282.

Continetur formaliter eminenter  
in Deo. 2. 879.

Duplices sunt rerum perfectio-  
nes. 2. 876.

Omnes continentur in Deo, &  
quomodo? 2. 878.

Nomen perfectionis in relatiuis  
pro tantitate entitatis quomo-  
do?

# I N D E X

- do sumitur. 2. 819.  
 Perfectio attenditur quoad essentialia. 2. 847.  
 Per se primo dupliciter dicitur. 1. 264. **PERSONA**  
 In esse talis non constituitur per negationem vnionis. 2. 479.  
 Non denominatur semper spiritalis à spiritualitate. 2. 579  
 Personalitas dicit prius esse per se, quam esse incommunicabile. 2. 533.  
 Personalitas creata non potest terminare alienam naturam. 2. 608.  
 Ratio personæ inuenitur in Diuinis. 2. 432.  
 Plures personæ Diuinæ cur possint vnā numero naturam terminare? 2. 601.  
 Personæ Diuinæ, quare non distinguuntur in essentia? 1. 273.  
**POSITIVVM**  
 Posituum rationis nō potest dari in vno. 1. 288.  
 Posituum illud, quod addit subsistentia non sunt principia indiuiduantia. 2. 493  
 Posituum quando debet esse prius negatiuo, vel priuatiuo. 1. 253. **POSSIBILE**  
 Possibile ab impossibile quomodo differt. 1. 284.  
**POSTERIORITAS**  
 Posterioritas intelligentiæ non dicit imperfectionem. 2. 866.  
**POTENTIA**  
 Inclinator in actus dupliciter. 1. 182.  
 Quomodo sumitur in diuisione entis in actum, & potentiam? 1. 171  
 Adæquate diuiditur in actiuam, & passiuam. 1. 178.  
 Passiua subiungitur in naturalem, violentam, & obedientialem. 1. 183.  
 Obedientialis actiua non datur. 1. 195.  
 Passiua distinguitur à naturali. 1. 171.  
 Strictè, & formaliter loquendo Potentia obedientialis præscindit à ratione naturalis, & supernaturalis, & dicit quid abstrahens ab his. 1. 602.  
 Consideranda est ad instar moralis. 1. 204.  
 Potentia resistitiua distincta ab illis membris nō datur. 1. 172.  
 In quo consistit potentia ista resistitiua? 1. 174.  
 Potentia neutra non datur. 1. 183.  
 Potentia obiectiua quæ? 1. 163.  
 Non est distincta ab actiua, & passiuâ. 1. 161.  
 Potest plurificari, non realiter, sed formaliter, sicut actiua, & passiuâ. 1. 166.  
 Non datur Scotistica. 1. 164.  
 Coincidit cum potentia subiectiua. ibidem.  
 Variæ ipsius acceptiones. 1. 163.  
 Potentia receptiua existentiz cur debet admitti? 2. 512.  
 Potentia simultatis, & simultas potentiz distinguuntur. 2. 431.  
 Potentia vniuersalior debet habere vniuersalius obiectum. 1. 7.  
**PRÆDESTINATIO**  
 Prædestinatio aliquorum, aut reprobatio in altitudinem Sapientiz Dei resoluenda. 2. 809  
**PRÆDICATA**  
 Prædicatum aliquod alicui prius competere, dupliciter intelligitur. 2. 813.  
Imo,

# ALPHABETICVS.

**Immediatè** conueniens subiecto non facit per se notam propositionem. Vide in verbo **CONNEXIO**.

**Dupliciter** potest claudi prædicatum in subiecto, formaliter, & virtualiter. 2.838.

**Distinctio** prædicatorum de omni, & de per se. 2.816.

## PRÆCISIO

**Præcisio** conceptus dupliciter fit.

### PRÆSENTIA DEI

**Præsentia** Dei intima in rebus. Vide in verbo **Operatio Dei**.

### PRINCIPIVM

**Principiū**, & causa alicuius scientiæ aliquod potest esse dupliciter. 1. 6.

**Principia** sunt duplicia, complexa, & incomplexa. 1. 13.

**Principium** indiuiduationis substantiæ est materia signata quantitate præhabita. 1. 389.

**Primum** cognitū intellectus nostri est ens. 1. 117.

**Pro** hoc statu est ens, vt concernit quidditatem materialem. 1. 119.

### PRIORITAS

**Prioritas** quomodo potest esse, quid posterius? 2. 728.

**Prius** est aliquid indiuisum in se, quàm diuisum ab alio; quis sensus? 1. 297.

### PRIVATIO

**Privatio** vna potest esse triplex. 1. 62.

**Aliquando** vocatur à S. Tho. Ens. 2. 703.

**Acceptiones** priuationis. 1. 308.

**Quæ** ex illis medio modo se habet ad priuationem, & nega-

tionem propriè dictas. ibid.

### PRODUCTIO

**Productio** alicuius dupliciter fit. 2. 898.

### PROHIBITIO

**Prohibitū** esse potest esse à Deo; non tamen malum. 2. 698.

### PROPRIVM

**Debet** conuenire semper; quomodo? 1. 277.

### PROPOSITIO

**Propositio** æternæ veritatis quid requirit. 2. 524.

**Propositio** ista: Antichristus nūc est homo, vel suppositum quomodo vera. ibidem.

**Propositio** per se nota quid, & quoruplex. 2. 834.

**Coincidit** cū immediata. 2. 835.

**Per se** notæ quoad nos requisitum. 2. 838.

**Deus** est, an sit per se nota Angelis, & sapientibus. 2. 842. & seq.

**Propositio** in primo modo dicendi per se, quando? 2. 836.

**In** propositionibus ly, Est, potest absolui à tempore. 1. 524.

### PROPORTIONALITAS

**Quilibet** habet quatuor terminos. 1. 98.

## Q

### QUALITAS

**Vnde** habet, quod sit vnā magis actiua, vel resistiua, quàm alia. 1. 177.

### QUANTITAS

**A** seipsa indiuiduatur, & hoc est ipsi speciale. 2. 437.

**Non** est per hoc perfectior alijs accidentibus. 2. 440.

**Duplices** terminos requirit. 2. 529.

# I N D E X

**Extensio** quantitatis duos habet  
conceptus inadæquatos. 2.436.  
**In Eucharistia** est subiectum alio-  
rum accidentium. 2.651.  
**Vt terminata à determinata quo-**  
**modo differt?** 2.408  
**Præcontenta, & præhabita in ma-**  
**teria non distinguitur ab enti-**  
**tate materiæ.** 2.412.

## Q V A T E N U S

**Ista particula Quatenus, & in-**  
**quantum dupliciter sumuntur:**  
**reduplicatiue, & specificatiue.**  
1. 17.

**Quò, & quòd particula.** 1.290.

## Q U I D D I T A S

**Dùm enunciatum de re est pro-**  
**positio per se nota.** 2.839.  
**Quidditas materialis Entis est**  
**primum cognitum intellectus**  
**pro hoc statu.** 1. 19.

# R

## R A T I O

**R**atio contrahens aliquam  
naturam qualis esse debet.  
1. 248.

**Rationes impugnantes conceptu**  
**entis.** 1. 135.

**Rationes P. Blasij pro constitu-**  
**tione suppositi per existentia,**  
**soluuntur.** 2.566. & seq.

## R E A L E

**Non semper distinguitur realiter**  
**ab alio reali.** 1.222.

## R E C I P R O C A T I O

**Quotuplex est?** 1.255.

## R E G V L A

**Regula moralitatis est duplex.**  
**Prima, & secunda.** 2.696.

**Directiua actuum nostrorum,**  
**quæ?** 2.711.

**Regula seruanda in secunda si-**  
**gura.** 2.829.

**Regula demonstrationis à prio-**  
**ri.** 2.828.

## R E C T O R

**Rectores Vniuersi plures esse im-**  
**plicat. Vide in verbo GVBERT,**  
**NATIO.**

## R E L A T I O

**Ex suo præciso, & formali con-**  
**ceptu non est aliquid.** 1.231.

**Non fundat sic sumpta verita-**  
**tem.** 1.280. in fine.

**Non pertinet ad conceptum,**  
**vnius.** 1.302.

**Non requiritur principaliter ad**  
**incommunicabilitatem natu-**  
**re.** 2.534.

**Quomodo relatio v. g. Paterni-**  
**tatis potest fundare verita-**  
**tem.** 1.281.

**Dicit perfectionem, & bonitatem**  
**transcendentalem.** 1.348.

**Relatio rationis consequitur re-**  
**lationes transcendentales.** 1.247.

**Relationes Diuinæ habent pro-**  
**prias veritates distinctas à ve-**  
**ritate Diuinæ essentia.** 1.271.  
& 281.

**Qualis ista distinctio.** ibidem.

**Conuenit illis quidquid conue-**  
**nit creatis relationibus.** 1.272

**Quomodo dici possunt entia.** 1.

242.

**Propter suas veritates non dicun-**  
**tur magis veræ, sed pluries**  
**veræ.** 1.281.

**Non dicunt perfectionem simpli-**  
**citer simplicem.** 1.282.

**Continentur in essentia Diuina,**  
**eminenter.** ibidem.

**Quomodo, & virtualiter.** ibid.

**Possunt habere rationem speciei**

in;

# ALPHABETICVS.

**Intelligibilis.** 1. 283.

**Quare illam non habent.** *ibid.*

**Non intelliguntur ante existentiam in dimanato esse.** 2. 532.

## RELATIVA

**Sunt capacia denominationis ratione solius connotationis.** 2.

503.

## REPRODVCTIO

**Quid quoad nomen.** 2. 591.

**Quomodo intelligatur reproductio rei existentis, postea destruat.** *ibidem.*

**Representatiuus ordo quid.** 2. 687.

## RES

**Nomen rei à quo desumitur.** 2. 730.

**Res intelligibiles præscindunt ab hic, & nunc.** 1. 275.

**Res naturæ quid? & quomodo symbolizat cum nomine isto: Subsistentia.** 2. 448.

**Res non præscindit ab esse præcisione negatiua.** 1. 234. in fin.

**Res, & aliquid non sunt proprietates entis.** 1. 233.

**Quomodo imbibitur in modis sicut, & ens, in quo sensu.** 1. 237

**Res dupliciter sumi potest.** *ibid.*

**Ita se habet ad veritatem, sicut ad entitatem.** 1. 270.

## RESISTITIVA

**Potentia resistitiua distincta ab actiua, & passiva non datur.**

**Vide in verbo POTENTIA.**

**Quid dicat formaliter.** *ibidem.*

## RESISTENTIA

**Actualis resistentia non consistit in actu positiuo, sed in priuatiuo,** 1. 174.

**Vnde maior resistentia in aliquibus qualitatibus.** 1. 176.

# S

## SAPIENTIA

**D**upliciter accipitur. 1. 19.  
**Quid est.** *ibidem.*

**Differt ab habitu primorum principiorum.** 1. 25.

**Est perfectissima species scientiz.** 1. 25.

**Conditiones sapientiz.** 1. 19.

**Sapientia, ut sic non potest identificari cum iustitia, quis sensus.** 2. 873.

## SACRAMENTALIA

**Sacramentales species possunt rati reficri.** 2. 655.

## SCIENTIA

**Quid significat?** 1. 25.

**Nō datur de singularibus.** 2. 426.

**Dupliciter sumitur scire.** 1. 27.

**Est quædam beatitudo.** 1. 32.

**Specificatio scientiarū vnde.** 1. 37.

**Diuerfitas.** *ibidem.*

**Vnitates ex obiectis.** 1. 38.

**An perfectius scire in vniuersali, an in particulari.** 1. 45.

**Cur aliqui non desiderant scientias.** 1. 34.

## SIMPLICITAS

**Rei simplicitas excludit omnem compositionem.** 2. 853.

## SIGILLATIO

**Sigillatio materiæ quid dicit.** 2. 405.

**Non requiritur ad illam additionem alicuius intrinseci.** 2. 406.

## SPECIES

**Species duplex habet esse: entitatiuum, & intentionale.** 2. 685.

**Constitutiuum speciei in ordine entitatiuo, & intentionali, quod.** *ibidem.*

**Cur debet habere existentiam in or:**

- ordine naturali, non tamen obiectum. 1. 284.
- Species specialissima non est primum cognitum. 1. 113.
- Species representans Deum quidditativè implicat. 2. 842.
- SPIRITUALE**
- Spirituale non dat semper denominationem spiritualis. 2. 579.
- STATUS**
- Status, ut sic quid est. 2. 687.
- SUBSISTENTIA**
- Subsistentia quid significat quoad nomen. 2. 447.
- Quomodo ab alijs nominibus, ut sunt Hypostasis, suppositum, Res naturæ, differat. ibidem.
- Habet rationem puri termini. 2. 541. & seq.
- Est res, & non modus. 2. 536.
- Non dicitur actus per se formaliter, sed reductivè. 2. 549.
- Ab existentia distinguitur. 2. 517.
- Non potest esse radix individuationis. 2. 424. in fin.
- Potest limitari à natura per hoc, quia terminat illam. 2. 549. in fine.
- Dicit intrinsecum ordinem ad existentiam, & quare. 2. 552.
- Nullam exercet causalitatem. 2. 541.
- Cum natura non facit rigorosam compositionem ex his. 2. 544.
- Dicitur à Sancto Thoma prima forma, & quare. 2. 516.
- Quomodo imitatur naturam. 2. 592.
- Propria subsistentia, cur non patitur alienam. 2. 601.
- Est quid absolutum, non relativum. 2. 600.
- Non sic per emanationem. 2. 621.
- Materialium subsistentia potest produci à causa creata. 2. 620.
- Concurrit per se ad operationes. 2. 624.
- Non tamen est principium quod operandi. ibidem.
- Per se debetur naturæ totali intentione: in executione autem prius animæ rationali, quam non. 2. 573.
- Quam incommunicabilitatem dicit. 2. 565.
- Non excludit communicabilitatem subiecti accidentibus. 2. 562.
- Creata non potest terminare alienam naturam. 2. 511.
- Subsistentia personalis est communicabilis, non tamen absolute sumpta. 2. 531.
- Subsistentia creata in Christo Domino non potest dari. 2. 452.
- Subsistentiæ partiales non dantur in homine. 2. 578.
- Neque in omnibus alijs suppositis. 2. 580.
- Probabilius est subsistentias materialium non esse divisibiles. 2. 587.
- Subsistentiæ in Divinis sunt quatuor, non tamen quatuor Personæ, cur? 2. 465.
- SUBSISTERE**
- Subsistere per se dupliciter accipitur. 2. 577.
- Subsistere per proprium terminum non distinguitur à subsistere per se. 2. 491.
- Subsistere per se primò convenit animæ, quis sensus. 2. 577.
- Exercitium subsistendi Humanitatis Christi, an fuerit impeditum à Verbo. 2. 454.
- Sub.



# ALPHABETICVS.

**Subsistere** dicitur esse ens in se  
comple tum. 2. 515. in fin.

## SVBIECTVM

**Subiectum** in esse rei, & in esse  
subiecti quid. 2. 429.

**Habet** capacitatem ad omnia ac-  
cidentia successiue. 2. 431.

**Est** principium indiuiduationis  
accidentium. 2. 433.

**Non** possunt in illo formaliter  
sumpto, duo accidentia solo  
numero distincta esse. 2. 440.  
in fine.

**Subiectum** *Quo, & Quod*: forma-  
tum, & informe quid. 2. 511.

## SVBSTANTIA

**An** substantia cognoscatur per  
propriam speciem, & quomo-  
do. 1. 80.

**Substantia** prima quomodo in-  
telligitur esse per essentiam  
subsistentia. 2. 490.

**Substantia** hæc, esto sit substan-  
tia, quare non est ens comple-  
tum. 1. 220.

## SVPPOSITVM

**Suppositum**, & natura in creatis  
realiter distinguuntur. 2. 450.

**Contrarium** tenentes sapiunt hæ-  
resim Nestorij. 2. 457.

**Quomodo** intelligendus S. Tho-  
mas dum suppositum, & natu-  
ram aliquando dicit idem es-  
se. 2. 518.

**Dupliciter** potest intelligi distin-  
ctio à natura absolute sumpta.  
2. 519.

**In** separatis suppositum, vt sup-  
positum potest dici differre, &  
non differre à natura. 2. 471.

**Addit** aliquod positiuum supra  
naturam singularem. 2. 476.

**Essentialiter** dicit esse termina-

tum.

**Non** constituitur per existen-  
tiam. 2. 508.

**Nec** per aliquod accidens, aug  
affectionem aliquam substan-  
tem accidentibus. 2. 494.

**Neque** per connotata. 2. 496.

**Neque** per habitudinem ad esse  
distinguitur. 2. 498.

**Nec** vt habens ad habitum esse,  
ibidem.

**Diuini, & creati** suppositi discri-  
men. 2. 600.

**Non** potest determinari ab esse  
habito in æternitate. 2. 525.

**Quomodo** differt ab hypostasi.  
2. 447.

# T

## TEMPVS

**T**empus ad indiuiduationem  
non concurrir, vt præsens,  
præteritum. 2. 432.

## TERMINVS

**Terminus** distinctiue aliqua, quo-  
modo opponitur contradicto-  
riæ termino neganti copulati-  
ue. 1. 58.

**Terminus** nature, an constituat  
naturam. 2. 864.

**Terminus** potentiæ obediencialis  
nec est naturalis, nec superna-  
turalis, sed abstrahit ab his. 1.  
207.

**Terminus** intrinsecus accidentis  
est vnio ad subiectum. 2. 528.

**Termini** quantitatis sunt dupli-  
ces. 2. 529. & 570.

**Extensionis** termini sunt indiui-  
sibilia. ibidem.

**Terminus** Habens multipliciter  
significat. 2. 59.

**Ter-**

# I N D E X

**Terminus, & terminatum** nullam dicunt compositionem, in quo sensu à Caetano. 2.545.  
**Terminare, & assumere naturam** non benè ponitur ab Aluarez. 2.610.

## TOTALITAS

**Totalitas naturæ** saluatur absque existentia. 2.568.

## TRINITAS

**Trinitas** tota incarnaretur si existentia constitueret suppositum. 2.530.

## TRANSCENDENTIA

**Transcendentia** quot sunt. 1.230.  
 Quid significant. ibidem.  
**Transcendentia duplex** : & rei, & rationis. 1.271.  
 Quid utraque. ibidem.  
 Quomodo transcendentalia distinguuntur. 1.324.  
**Non ingrediuntur** definitionem rerum. 1.287.

# V

## VERBUM DIVINUM

**V**erbum Diuinum assumpsit naturam perfectam. 2.454. in fin.

## VERITAS

**Veritas** transcendentalis non consistit in denominatione extrinseca. 1.325.  
 Consistit in duplici respectu. ibid.  
 Est perfectior quam formalis. 1.338.  
 Est prius in intellectu, quam in rebus, in quo sensu. ibidem.  
**Veritas** formalis in quo consistit. 1.331.  
 Supra actum intellectus addit relationem. 1.334.  
**In secunda operatione** intellectus

inuenitur. 1.339.

**Veritas, qua dicebatur Christus,** verus homo, fuit ab essentia. 1.275.

**Veritas** in quo consistit. 1.270.

Super quo fundatur. 1.262.

Per quid dignoscenda. ibid.

Quomodo competit enti. 1.280.

Est duplex propria, & metaphorica. 1.273.

Metaphorica quomodo competit creaturis. ibidem.

**Veritas** in Diuinis est vna realiter, & triplex formaliter. 1.279. & seq.

**Veritates** in Patre, & Filio non sunt plus, quam in solo Patre. 1.282.

**Veritas** Essentiae Diuinæ est distincta à veritate Relationum Diuinarum. 1.271.

## VERVM

**Verum** definitur à S. Aug. 1.247.

Per quid constituitur primario. 1.258.

Est immaterialius bono. 1.252.

Potest esse posterius bono, in qua ratione. 1.249.

Quomodo competit non entibus. 1.246.

Mutuo se includunt cum bono. 1.252.

Conuertitur cum ente nominaliter sumpto. 1.270.

**Prædicum verum** quid. 1.210.

**Verum** pluribus veritatibus non est magis verum. 1.281.

## VIRTVS

**Virtus** in suo conceptu dicit bonum. 1.18.

**Visio** Beatifica est eadē specie, si sit idem lumen gloriæ. 2.225.

## VISVS

**Est nobilior** inter alios sensus. 1.355.

## VO

# ALPHABETICVS.

## VOLVNTAS

Voluntas mouet intellectu[m]; quo-  
modo. 2.718.

## VOCES

Voces istæ. Suppositum, Hypostasis  
subsistentia, Res naturæ quid.  
Vide in verbo SVBSIST.

Vox Hypostasis aliquando nõ po-  
test dici in Diuinis. 2.445.

## VNIO

Vnio accidentalis inter Verbũ, &  
Humanitatem non potest dari.  
2.495.

Vnio accidentis ad subiectũ nõ est  
existentia accidentis, sed quid  
præsuppositũ ad existentiã. 2.519

Vnio ad subiectũ est terminus, &  
complementum naturæ accident-  
talis. 2.528.

Vnionem inter materiam, & formã  
dari ex autoritate S. Thomæ in  
tertia obiectione, potest colligi.  
2.489.

## VNITAS

Vnitas entis increati deducitur. 2.  
812. & seq. & 821.

Vnitas sumitur tripliciter. 1.318.

Alia est transcendentalis, alia nume-  
rica. 1.53.

Quæ est principium numeri est du-  
plex. 1.319. & seq.

Transcendentalis differt ab vnitate,  
quæ est principiũ numeri. 1.320.

## VNIVERSALE

Vniuersale posterioristicum vide-  
tur esse idem cum prædicato  
primo, & per se. 2.816.

Vniuersale posterioristicum tria  
requirit. ibidem.

Vniuersale duplicem habet totali-  
tatem: actuale, & virtuale. 1.102.

Quadruplicem habet cognitionẽ;  
ibidem.

Vniuersaliora sunt nobis nota ora  
1.105.

Et prius à nobis cognoscuntur;  
quam minus vniuersalia. ibid.

## VNIVOCATIO

Vniuocatio, & transcendencia qua-  
liter differunt. 1.99.

Vniuocũ ex mente Scoti quid. 1.76

## VNUM

Vnum nihil posituum addit circa  
Ens distinctum: 1.288.

Est primũ in ordine passionũ. 1.249

Ab ente non distinguitur, nisi ra-  
tione. 1.293.

An dicat negationem identitatis  
cum alio. 1.299.

Non solum indiuisiõnem, sed etiam  
diuisiõnem ab alio dicit. 1.301.

Vt est passio Entis competit mo-  
dis. 2.732.

Ab aliquid distinguitur. 1.238.

Sine aliquid tamen non potest re-  
periri. ibidem.

Participat simpliciter naturam en-  
tis. 1.244.

Quomodo diuidat ens. ibidem.

Quid est. 1.269.

Vnum esse realiter, quot modis su-  
mi potest. 1.228.

Non addit aliquid fictũ supra  
ens. 1.288.

Addit aliquid negatiuum. 1.292.

Quid est illud. 1.288.

Quomodo explicatur per indiui-  
sionem. 1.295.

Et constituitur principaliter per  
eandem. 1.304.

Sed inadæquare. 1.305.

Compleatur per diuisiõnem. ibid.

Vnum, & multa quomodo impor-  
tant indiuisiõnem. 1.306. in fin.

D. Thomas. p. 4. col. 2. ver. med.  
 Excludemus. ibid. col. 2. ver. fin.  
 non continentur. p. 5. col. 1. ver. med.  
 ipsa metaphysicæ. ibid. ver. fin.  
 quod in præmio. p. 6. col. 1. ver. princ.  
 cuius probationis. p. 7. col. 2. ver. med.  
 quia hæc in recta. p. 8. col. 1. ver. med.  
 potius, quam illud. p. 10. col. 1. ver. med.  
 per potius. p. 11. col. 1. ver. princ.  
 8. Metaphys. p. 12. col. 1. ver. fin.  
 Iste. p. 19. col. 1. ver. med.  
 abstrahunt tantum. p. 21. col. 2. ver. fin.  
 Et quæ abstrahunt. p. 22. col. 1. ver. princ.  
 gaudent studijs. p. 35. col. 1. ver. med.  
 non pos- tribuere. p. 37. col. 1. ver. med.  
 in esse rei considerata. ibid.  
 magis hæc solutio. p. 30. col. 2. ver. med.  
 talis communitas. p. 50. col. 2. ver. fin.  
 & negando maiorem. p. 52. col. 1. ver. med.  
 esse album, ut quod. p. 56. col. 1. ver. fin.  
 in dictis ratio differentiarum consistit. ibidem  
 col. 2. vers. fin.  
 determinabilis potest. p. 57. col. 1. ver. med.  
 simul falsæ. p. 59. col. 1. ver. med.  
 Apprehensibile ab intellectu. p. 60. col. 1.  
 ver. fine.  
 Ordinarie fundatur. p. 63. col. 1. ver. med.  
 quæ aliquando Analogæ. p. 75. c. 1. ver. med.  
 nec habet non potest. p. 78. col. 1. ver. med.  
 erit naturæ relata. ibid. col. 2. ver. fin.  
 est analogum. p. 81. col. 2. ver. fin.  
 ponere debet. p. 84. col. 1. ver. fin.  
 definiat. ibidem.  
 respectu omnium novem. p. 92. c. 2. ver. fin.  
 considerare. p. 95. col. 2. ver. fin.  
 in dependentia. p. 97. col. 1. ver. princ.  
 non esse analogæ. p. 98. col. 1. ver. med.  
 transcendens enim. p. 99. col. 1. ver. fin.  
 neque hæc opinio. p. 100. col. 1. ver. princ.  
 ubi inuenitur participatio. ibid. ver. med.  
 actualitas penetrabitur. p. 101. c. 2. ver. med.  
 vel quolibet. p. 108. col. 1. ver. fin.  
 formalitatem cognoscentis. p. 112. col. 1.  
 ver. princ.  
 aliqua potentia potest. p. 113. col. 1. ver. fin.  
 rationem entis. p. 121. col. 1. ver. princ.  
 est proportionalis tantum. p. 127. col. 1.  
 ver. princ.

D. Thomam.  
 Excludimus  
 non continentur  
 ipsi metaphysicæ  
 qui in præmio  
 cuius probationis  
 quia hæc in recta  
 potius istud, quam illud  
 per prius  
 8. Physic.  
 ille  
 abstrahunt non tantum  
 sed quæ abstrahunt  
 gaudent studere  
 non possunt tribuere  
 in esse rei considerata  
 magis hæc solutio  
 talis communicatis  
 & negando minorem  
 esse album ut quo  
 in dictis rationem differentiarum  
 consistere.  
 determinabilis non potest  
 simul veræ  
 Apprehensibile ab intellectu.  
 Ordinariè fundatur  
 quæ aliquando æquivoca  
 nec habet, nec potest  
 erit natura relata  
 esse analogum  
 ponere debet  
 definiam  
 respectu aliquorum  
 consistere  
 in dependentia  
 esse analogæ  
 transcendens enim  
 neque hæc opinio  
 ubi inuenitur participatio  
 actualitas non penetrabitur  
 vel quodlibet  
 formalitatem cognoscentis  
 aliqua potentia tendit  
 rationem speciei  
 est proportionalis tantum,  
 nec

nec dependere. p. 132. col. 2. ver. med.  
 ad modum participati. p. 133. c. 2. ver. prin.  
 ac per consequens quod p. 135 c. 1. ver. fin.  
 omnino eadem. p. 139. col. 2. ver. princ.  
 iudice reputat. p. 143. col. 2. ver. fin.  
 iudices Ortiz. p. 144. col. 1. ver. fin.  
 quia existentia. p. 162. col. 1. ver. princ.  
 debet discere. ibid. ver. fin.  
 est indistincta. p. 165. col. 2. ver. med.  
 indistincta genere. ibidem.  
 indistincta numero. ibidem.  
 non potest intelligi de potentia actiua, sed  
 de potentia actiua, sed de potentia rece-  
 ptiua. p. 168. col. 2. ver. med.  
 ergo dices secundum. p. 169. col. 1. ver. prin.  
 hac tamen sententia admissa. p. 171. col. 2.  
 ver. fin.  
 circa ea potentiam. p. 172. col. 1. ver. fin.  
 resistitiua abiectionis. p. 175. col. 2. ver. princ.  
 amat media quam finem. p. 176. c. 2. ver. fin.  
 secundum quam Angelos. p. 187. col. 1.  
 ver. princ.  
 & participationem tantum. p. 197. col. 1.  
 ver. fin.  
 cum omnipotentia. p. 202. col. 2. ver. med.  
 modi nominatiui. p. 204. col. 2. ver. fin.  
 quædam vniuersalis. p. 205. col. 2. ver. fin.  
 hæc enim licet compleat. p. 216. c. 1. ver. m.  
 sunt ergo. p. 242. col. 1. ver. princ.  
 est plurimum necessarium. ibid. c. 2. ver. fin.  
 non supponit verus. p. 253. col. 2. ver. prin.  
 pateant amplius. p. 259. col. 2. ver. fin.  
 secundum se, se. p. 268. col. 1. ver. princ.  
 vnus homo p. 291. col. 2. ver. princ.  
 tacite cuidam obiectione. p. 295. c. 2. ver. fi.  
 adæquantur imperfecte. p. 330. c. 1. ver. pri.  
 probabatur quia. p. 362. col. 1. ver. med.  
 sunt positiue. p. 370. col. 2. ver. fin.  
 itaut illa reddat. p. 392. col. 1. ver. princ.  
 materia primam. p. 410. col. 2. ver. med.  
 absque additione. p. 413. col. 2. ver. princ.  
 maior argumenti. p. 420. col. 2. ver. fin.  
 secundum conceptum essentie creatæ cum  
 præcisione tamen sumpta. p. 423. col. 1.  
 ver. med.  
 non perhibetur. p. 427. col. 1. ver. med.  
 sibi ipsi contradicere. ibidem.

nec dependent  
 ad modum participantis  
 ac per consequens non quod  
 omnino eadem  
 quia non reputat  
 iudicet Ortiz  
 quia existentia  
 debet dicere  
 est distincta  
 distincta genere  
 distincta numero  
 non potest intelligi de potentia  
 actiua, sed de potentia rece-  
 ptiua.  
 ergo dices primum  
 hæc tamen sententia, admissa  
 circa potentiam  
 resistitiua ab actiua  
 amat finem quam media  
 secundum quam Angelus  
 & participantem tantum  
 cum omni potentia  
 modi dominatiui  
 quædam ratio vniuersalis  
 hæc enim licet compleant  
 sunt ergo  
 est plurimum necessaria  
 non supponit verum  
 non pateant amplius  
 secundum se,  
 vnus homo  
 tacite cuidam obiectioni  
 adæquantur perfecte  
 probatur quia  
 sunt positiue  
 itaut illam reddat  
 materia prima  
 absque additione  
 minor argumenti  
 secundum conceptum essentie  
 creatæ, completè tamen sum-  
 pra  
 non prohibetur  
 sibi ipsi contradiceret  
 quia

## Errata

quia si subiectum. p.431.col.1.ver.fin.  
speciem athomam. p.438.col.1.ver.med.  
huiusmodi multiplicatis. ibid.

Complutenses. p.461.col.1.ver.med.  
habentem essentia simul alijs. p.462.col.2.  
ver.princ.

sumitur modo. p.463.col.2.ver.fin.  
communi sententi. p.472.col.2.ver.med.  
alicuius positi. p.484.col.1.ver.fin.  
ponente id quod. p.485.col.1.ver.med.  
illum positiuum. p.492.col.2.ver.fin.  
est impertines. p.493.col.2.ver.princ.  
alias inquit inter illud accidens. p.495.c.1.  
ver.med.

ipse natura. p.686.col.1.ver.princ.  
sicut est species. ibidem.  
cum statum immaterialitatis. ibid.col.2.  
ver.princ.

sit verò modus. p.687.col.2.ver.med.  
pars conclusio. ibidem.ver fin.  
modus essendi representatiuus. p.688.c.1.  
ver.princ.

tribuendo statum illam. ibid.col.2.ver.fin.  
tum qua natura. p.689.col.2.ver.med.  
discurrendam est. p.692.col.1.ver.fin.

## Corrige

atque si subiectum  
speciem athomam  
huiusmodi multiplicatis  
Complutenses  
habentem essentiam simul cum  
alijs

sumitur tertio modo  
communi sententia  
alicuius positiui  
ponente id quod  
illud positiuum  
est impertinens  
alias sicut inter illud accidens

ipsa natura  
sicut est species  
cum statum immaterialitatis

sit verò modus  
pars conclusionis  
modus essendi representatiuus  
diminutus

tribuendo statum illum  
tum quia natura  
discurrendum est

# METAPHYSICA

IVXTA MENTEM

## D. THOMÆ

Et doctrinam nostrorum

### COMPLVTENSIVM:

*AVTHORE*

### R. P. F. ALEXANDRO A IESV,

P O L O N O

CARMELITA DISCALCEATO:

Reimpressa per Reu. Patrem Prouincialem, Prouinciæ  
Matris Dei Neapolis.

*TOMVS SECVNDVS.*



NEAPOLI, Ex Typographia Michaelis Monacò  
M. DC. LXXXVIII.

---

*SVPERIORVM PERMISSV,*





# INDEX DISPVATIONVM.

## AC QVAESTIONVM

In hoc opere contentarum.

### TRACTATVS SECVNDVS

*De Ente Creato, et eius quasi Compositione, absolutur Disputationibus Nouem.*

#### DISPVATIO I.

*De Essentia.*

- Quæst. I. An & quid sit essentia? pag. 360.  
Quæst. II. Vtrum Essentia rerum sint ab æterno positiuæ? p. 360;

#### DISPVATIO II.

*De Essentia singulari atque indiuidua, seu de Principio Indiuiduationis Entis Creati.*

- Quæst. I. Quænam sint præmittenda pro intelligentia principij indiuiduationis deferuentia? pag. 377.  
Quæst. II. Vtrum forma substantialis sit primum, & radicale principium indiuiduationis substantia completæ materialis? pag. 382.  
Quæst. III. Vtrum Materia prima signata quantitate sit primum principium indiuiduationis. pag. 388.  
Quæst. IV. Vtrum Materia prima, ut signata formali quantitate, aut ut determinata per aliquem modum substantialis sit radix indiuiduationis. pag. 394.  
Quæst. V. Vtrum Materia prima sigillata quantitate interminata, ut præhabita radicaliter, seu virtualiter sit radix indiuiduationis substantia materialis. pag. 405.

#### DISPVATIO III.

*De Principio Indiuiduationis substantiarum immaterialium.*

- Quæst. I. Vndenam desumatur indiuiduatio Angelorum. p. 416.

#### DISPVATIO IV.

*De Principio radicali Indiuiduationis Accidentium.*

- Quæst. I. Vtrum subiectum sit radicale principium Accidentium indiuiduationis, aut distinctionis indiuidualis puræ. pag. 429.  
Quæst. II. Vtrum quantitas ex se secundum aliquam rationem indiuiduetur. pag. 436.  
Quæst. III. Vtrum repugnet omnino duo Accidentia solo numero distincta esse simul in eodem subiecto. pag. 440.

# DISPUTATIO V.

## De Subsistentia, & Supposito.

- Quæst. I.** Quid significant, & in quo differant hæc nomina Subsistentia, Suppositum, Res naturæ, Subsistens, Hypostasis, Persona, & prima Substantia. pag. 445.
- Quæst. II.** Vtrum Hypostasis, & Natura in rebus Creatis distinguantur realiter. pag. 449.
- Quæst. III.** Vtrum Suppositum supra Naturam singularem addat aliquid positivum, an negativum tantum? *ubi etiam:* An ratio Subsistentiæ in aliquo positivo, vel negativo consistat. pag. 475.
- Quæst. IV.** Vtrum illud, quod Suppositum addit supra Naturam sint principia individuatiæ, vel aliquod aliud accidens, vel tandè aliqua connotata quæcunq; illa sint. pag. 492.
- Quæst. V.** Vtrum secundum D. Thomam, illud quod suppositum addit supra Naturam sit existentia. pag. 508.
- Quæst. VI.** Vtrum secundum rei veritatem Existentiæ sit illud, quod suppositum addit naturæ per quodque in esse talis intrinsecè constituatur. pag. 520.
- Quæst. VII.** Quid tandem est illud, quod suppositum addit naturæ singulari, & per quod in esse suppositi constituitur? *ubi etiam* explicatur quid sit subsistentia? pag. 536.  
Est ne Modus, vel res. Ibid.  
Subsistentia est prior ipsa Existentiæ. pag. 538.  
An subsistentia respectu naturæ exerceat aliquam causalitatem. pag. 540.  
An subsistentia faciat aliquam compositionem cum Natura? *Vbi* de Compositione *Ex his*, & *Cum his*. pag. 544.
- Quæst. VIII.** Quomodò subsistentia reddat naturam incommunicabilem? *ubi etiam* argumenta à ratione Patris Blasij solvuntur. pag. 559.  
Ibidem deciduntur quæstiunculæ aliquæ scilicet:  
Quomodò cohercat cum natura subsistentiæ, ut competat animæ rationali, quæ est pars compositi. pag. 571.  
An dentur subsistentiæ partiales. pag. 574.  
An subsistentia rerum materialium sit diuisibilis. pag. 583.
- Quæst. IX.** Vtrum natura terminata subsistentia propria sit de potentia absoluta terminabilis aliena. pag. 593.
- Quæst. X.** Vtrum subsistentia creata possit alienam naturam terminare. pag. 605.
- Quæst. XI.** Vtrum de potentia Dei absoluta possit aliqua natura creata, & substantialis existere sine omni subsistentia propria, vel aliena. pag. 613.
- Quæst. XII.** Vtrum subsistentia possit produci principaliter à causa se.

**Quæst. XIII.** Quomodo se habeat subsistentia respectu operationis? concurrir ne ad illas? *ubi simul* sensus illius Axiomat. Actiões sunt suppositorum colligitur. pag.623.

## DISPUTATIO VI.

### *De Existencia.*

**Quæst. I.** An & quid sit Existencia. pag.628.

**Quæst. II.** Vtrum Existencia creata distinguatur à sibi correspondente essentia? & qualis est ista distinctio, realisne an modalis. pag.633.

**Quæst. III.** Vtrum in rebus tot sint multiplicandæ Existentiæ, vt cuiuslibet Entitati etiam partiali sua propria existentiâ corresponsdeat. pag.643.

**Quæst. IV.** Vtrum Existencia sit perfectior Essentia. pag.647.

**Quæst. V.** Vtrum Existencia substantiæ sit distincta ab existentiâ accidentis. pag.649.

**Quæst. VI.** Vtrum Existencia accidentium sit inherentiâ actualis ipsorum? an verò aliqua alia realitas à dictâ inherentiâ distincta. pag.651.

**Quæst. VII.** Quasnam causas habeat Existencia Creata. pag.656.

## DISPUTATIO VII.

### *De Modis.*

**Quæst. I.** Vtrum Modi dentur in rerum natura. pag.669.

**Quæst. II.** In quonam ratio formalissima Modi rigorosi consistat. pag. 673.

**Quæst. III.** Quidnam sit modus ordinis representatiui, & qualiter se habeat ad esse representatum. pag.684.

**Quæst. IV.** Quidnam sit Modus in ordine morali, & qualiter se habeat ad rem modificatam. pag.695.

**Quæst. V.** In quonam consistat Modus ordinis Artificialis, & qualiter se habeat ad rem modificatam. pag.710.

## DISPUTATIO VIII.

### *De Causis, & Proprietatibus Modorum.*

**Quæst. I.** Vtrum Modi habeant aliquas causas. pag.721.

**Quæst. II.** Quasnam sint Proprietates Modi, vt sic. pag. 729.

## DISPUTATIO IX.

### *De Principijs.*

**Quæst. I.** An dêtur negationes, & priuationes ex parte obiecti. 738.

**Quæst. II.** De primo Principio Metaph. scil. (impossibile est, idem simul esse, & non esse.) pag.749.

**Quæst. III.** De Principijs Dici de Omni, & Dici de Nullo. p.758.

**Quæst. IV.** De principijs: propter quod vnumquodq; tale &c. & sic  
ent



# TRACTATVS

## SECVNDVS.

De Ente Creato , & eius quasi Compositione.

**E**xplicata natura , & diuisione Entis, seu partibus, quali subiectiuis ipsius, remanet explicanda.

in hoc secundo Tractatu quasi Compositio eiusdem, seu quasi partes constitutiue, & intrinsecæ ipsius. Ponitur autem *ly quasi*, quia dicta, in rigore, Enti competere nequeunt, cū nec sit propriè vniuersale, vt habeat propriè partes subiectiuas, nec quid, in rigore, compositum, vtpotè simplicissimus conceptus, iuxta superius dicta. Dicitur tamen componi quodammodo comparatiue ad essentiam, quæ formaliter nihil aliud dicit, nisi seipsam, vt est quid simplicissimum: Ens autem in concreto sumptum importat Essentiam, & Existentiam, ex quibus, tanquàm compositum quoddam metaphysicum cōsurgit. Res igitur post naturam Entis, &

diuisiones eiusdem in præcedenti Tractatu examinatas, in hoc secundo Tractatu ad compositionē quasi eiusdem accedimus, eamq; faciendo, partes eius, scil: Subsistentiam, existentiam, &c. trutinabimus doctrinæ methodo, à simplicioribus ad magis composita progredientes. Quia verò essentia cū Subsistentia, & existentia non coniūgitur in natura cōmuni, aut præcisa ab indiuiduis, sed in natura singulari, idè pro plena, perfectaq; omniū discussione etiam singularitatem ipsam Naturæ, seu principium indiuiduationis in hoc Tractatu examinabimus.

Absoluetur Tractatus iste secundus disputationibus IX.

I. Erat de essentia in communi.

II. De essentia singulari, atque indiuidua, seu de principio indiuiduationis entis Creati.

III. De Principio indiuiduationis Angelorum.

IV. De

IV. De Principio radicali individuationis accidentium.

V. De subsistentia, & supposito.

VI. De existentia.

VII. De Modis, eorumque conceptu.

VIII. De causis, & proprietatibus Modorum.

IX. De principiis.

## DISPUTATIO I.

### De Essentia.

#### QVAESTIO I.

*An, & quid sit Essentia.*

**C**irca primam partem Questionis non est difficultas inter Authores: sicut enim omnes fatentur, dari ens, experientia id probante, sic & intimam ipsi essentiam dari non negant; Vt autem decidatur secunda pars questionis.

Supponendum est primo, essentiam, ex vi nominis importare quoddam esse. Hoc autem tripliciter sumi potest. Primo. Pro esse essentiae, seu ipsa quidditate rei, & à tali esse essentia deducitur. Secundo. Pro esse existentiae, quod est actus ipsius essentiae. Tercio. Pro copula, seu vinculo uniente praedicatum cum subiecto, per verbum, *Est*, expresso, significante propositionis veritatem: Et secundum huiusmodi esse potest dici ens omne illud, de quo affirmativa propositio formari potest, etiam illud in re nihil ponat, ut docet

D. Tho: de ente cap. i. per quem modum privationes, & negationes entia dicuntur, dicimus enim, quod affirmatio est opposita negationi, & quod Caecitas est in oculo. Iam verò in prima acceptione sumptum, scilicet pro esse essentiae, diversis nominibus ab

Authoribus nuncupatur. Dicitur enim primo essentia, quasi ad esse tendentia, quando aliquid in essentia dicitur ordinatum ad esse, seu existentiam. Secundo dicitur *Quidditas*, seu quod quid erat esse rei, id est hoc, (prout explicat Doct. Ang.) per quod aliquid habet esse quid. Tercio dicitur *Definitio*, non quidem formalis, sed obiectiva, nam per definitionem explicatur. Quarto dicitur *Ratio*, vel quia est causa ceterorum, saltem materialis, ut Subsistentiae, & existentiae, vel quia ut Conceptus obiectivus correspondet Rationi, de illa definitionem formanti, propter quod etiam vocatur, & conceptus obiectivus, in quantum correspondet conceptui formali in intellectu existenti. Quinto dicitur *Forma*, secundum quod per formam significatur perfectio, vel certitudo uniuscuiusque rei. Sexto dicitur *Natura*, secundum quod habet ordinem ad propriam operationem rei, quia nulla res destituitur propria operatione, ut inquit S. Thomas.

Supponendum secundo, varias à D. Tho: Essentiae deduci definitiones, seu descriptiones. Definatur primo de Pot: quaest. 5. art. 4. ad 3. *Essentia est illud, cuius, actus*  
est

est esse; Deinde definitur 1. p. q. 39. art. 1. ad 3. *Essentia est principium essendi*. Tandem de Ente, cap. 1. *Essentia est id, quo, & in quo res habet esse*. Illud namque, quod habet esse, non iam est Essentia sub conceptu Essentiæ, sed Ens; id autem quo Ens habet esse, ut *Quod*, est ipsa Essentia. Sunt & aliæ definitiones, seu descriptiones; sed omissis ipsis, eligimus unam sequentem, &

Dicimus primò, optimè describi Essentiam sic: *Essentia est principium, aut quasi principium essendi*. Explicatur ly *principium*, cāquam ratio quædam superior, & communior, & per modum quasi generis, ponitur verò ly *essendi* per modum differentię; esse enim principium tale, scilicet essendi immediatum, id est immediate ordinatum ad esse, nulli rationi competit alteri ab Essentia, ut discurrenti patebit: Additum autem est, *quasi principium*, propter Essentiam increatam. Ut enim aliquid sit principium absolute respectu alicuius, debet esse distinctum ab illo, tanquam à suo principio, in Deo autem inter Essentiam, & esse nec minima quidem, qualis est distinctio rationis ratiocinatæ, aut virtualis, datur; hinc est quòd Essentia illius non potest dici absolute principium, sed tantum quasi principium essendi.

Probatur, seu explicatur secundò. Potentia rectè definitur, aut quasi definitur per ordinem ad suum actum, quem per se primò

respicit. Sed essentia respicit esse, ut potentia suum actum per se primò inspectum. Ergò rectè per illud definitur. Maior suaderetur: Rectè definitur aliquid per sua essentialia, sed ordo potentiæ ad actum per se primò inspectum est essentialis, ut omnes fatentur. Ergò rectè potentia per illum definitur. Minor. Quia existentia est actus alicuius *primi*, ut docet D. Tho. omnium ultimus; Sed non alterius, quam Essentiæ, si namq; Essentia consideretur sine ordine ad esse, & tanquam id, quod non est, est nihil. Ergo Essentia esse respicit, &c. Quòd autem respiciat primò per se. Probatur, quia cum Potentiæ debeat commensurari, ac correspondere actus, & è conuerso potentia actui, universalissima potentia non potest primò per se respicere, nisi universalissimum actum. Ergò cum, Essentia sit universalissima in linea potentiæ, & Existentia in linea actus, ut discurrenti patet, sequitur, quòd habeat ipsam respicere primò per se.

Dicimus secundò. Si loquamur de Essentia, ut tali, & primò de increata, hæc constituitur per ipsummet esse, & intelligere, nullatenus ab ipso distincto, iuxta illud: *Ego sum, qui sum*, iam autem loquendo de creata Essentia formarum completarum, siue substantialium, siue accidentalium, tunc illarum essentiæ, realitè loquendo, sunt simpliciter, id est compositionem physicam intra lineam Essentiæ non admittentes, bene

tamen compositionem logicam, quæ est ex genere, & differentia.

Prima pars conclus. patet. Secundæ autem partis altera pars faciliè probatur, quia: Vbi potest inueniri aliquid potentiale, vnde desumatur ratio generica, & aliquid actual., aut formale, vnde differentia, ibi inuenitur compositio ex genere, & differentia, vt patet ex Logica. Ergo cum in quauis Essentia creata vtrumque inueniatur, quandoquidè nulla potest esse suum esse, sicut Deus, sequitur, quod in quauis Essentia formæ creatæ, etiam simplicissimæ, debeat inueniri dicta compositio logica, scilicet ex genere, & differentia. Prior autem pars Conclusionis, quod scilicet formæ creatæ completæ simplices non admittant intra lineam suæ Essentiæ compositionem realem, probabatur, quia compositio realis, ac physica intra lineam Essentiæ tantum est ex Materia, & Forma, vt consideranti patebit. Sed formæ completæ, siue substantiales, siue accidentales non constant ex Materia, & Forma; de substantiis enim id patet in Tract. de Angelis, de accidentibus similiter; alias non essent mera accidentia, vt potè intra suam essentiam admittentia aliquid substantiale, scil. materiam. Ergo, &c.

Dicimus tandem tertio: Si sermo sit de Essentia substantiæ materialis, illa admittit non solum logicam, sed etiam physicam compositionem, & realem, cum non

tantum forma substantialis, sed etiam Materia prima, vt pars essentialis eiusdem intret compositionem, ac constitutionem, vt excellenter nost. P. Complut. in Physica lib. 2. ostendunt, qui ( vt sic breuitati consulamus ) possunt videri.

### *Ad Argumenta in contrarium respondetur.*

**O**bjicitur primò contra definitionem Essentiæ. Si Essentia esset id, cuius actus est esse, vel principium essendi, illud, quod non esset principium essendi, non haberet ex se Essentiam. Consequens est falsum. Ergo, & antecedens. Sequela patet, quia, cui non competit definitio definiti, nec ipsum definitum competere potest. Minor prob. Modi habent essentiam realem, cum non sint nihil; Sed hi non sunt principia essendi, non enim Modi afferunt aliud esse, quàm esse rei modificatæ, vt docent nostri Complut. de vnione inter Materiam, & Formam, quam, ipsarum causalitatem, vocant. Ergo, &c.

Resp. distinguendo Maiorem. Non haberet ex se essentiam, in rigore Metaph. sumptam; Concedo; minus rigorosè sumptam, prout coincidit cum realitate; Nego; Et in hoc sensu negatur minor. Ad probat. hic commodè responderi nequit, cum nondum sit explicata natura modorum.

nihilominus pro interim dicitur, Modus habere quidem essentiam, prout coincidit cum realitate, non tamen essentiam in rigore Metaphysico sumptam; Nam Essentia in rigore metaphysico importat radicem, & principium esse: sibi correspondentis. Pro nunc autem supponimus, Modos non habere esse sibi correspondens, ut etiam argumentum probat, proinde nec essentiam in rigore, habent tamen essentiam quandam sibi propriam, prout coincidit cum realitate, quia realitas secundum suam formalissimam rationem non dicit radicem essendi, sed tantum fixum quid, ratumque; extra animam positum, contradistinctum à nihilo: Hæc autem ratio competit modis, ut patet ex disputatione de modis. Ergo & essentia prout coincidit cum realitate.

Sed instabis. Modus contradistinguitur à realitate. Ergo non potest ipsi competere Essentia coincidens cum realitate. Anteced. prob. Inter Modum, & Rem datur distinctio, nullo intellectu cogitante, ut disp. ultima ostenditur; sed realitas nihil aliud videtur importare, quam Rem: habet se namque ista inter se, ut concretum, & abstractum, quæ quoad rem significatam non distinguuntur, præsertim in transcendentibus, qualis est Res; Ergo si modus contradistinguitur à re, contradistinguetur, & à realitate.

Resp. ad hanc instantiam: Modus contradistinguitur à realitate,

prout realitas, aut res, importat quidditatem completam, & independentem ab alio, tanquam fulciente se; Concedo; prout abstractum ab hoc, quod est esse quidditatem, vel in completam, & dependentem, vel completam, & independentem ab alio, ut fulciente se, sine quo esse non possit; Nego: hoc enim modo Res habet rationem transcendentis imbibiti in omni essentia formalitate, & modo, omnique eo, quod est contradistinctum à nihilo. Vnde realitas seu formalitas rei non tantum abstrahit ab hoc, quod est esse quidditatem, prout importat esse radicem essendi immediatam, vel non esse, sed etiam ab hoc, quod est esse perfectam quidditatem, & independentem ab alio, tanquam fulciente, vel non: & in tali sensu competit Modis; Sed de his suis suo loco.

Obijcitur secundò. Existencia habet suam sibi propriam essentiam. Ergo falsò dicitur, quod essentia sit principium essendi, seu existentia. Consequen. suadetur: Implicat, quod idem respectu sui ipsius sit principium, & principiatum, hoc namque nec in Divinis conceditur, ubi tamen est summa identitas. Sed si Essentia esset principium existentia, Existencia habens propriam Essentiam esset principium sui ipsius. Ergo si existentia habet propriam essentiam, falsò dicitur, quod Essentia sit principium essendi. Anteced. autem prob. tum quia existentia est aliqua realitas, id est fixum quid,



ratumq; extra animam, contradistinctum à nihilo, proinde debet habere essentiam, quæ coincidit cum realitate, qualiscumque illa fuerit. Tum etiam, quia Existentia est cognoscibilis quidditatiuè, nihil autem est quidditatiuè cognoscibile, nisi habeat quidditatem, cum vnumquodque ita sit cognoscibile, prout est: siquidem cognoscibilitas fundatur in entitate. Ergo Existentia habet aliquam quidditatem, seu essentiã.

Resp. ad hoc Argum. admit-tendo anteced. in hoc sensu, prout Essentia coincidit cum realitate, & negatur conseq. Ad probat. eius dico: Implicat, idem respectu sui ipsius esse principium rigorosum: Concedo: quasi principium: Nego. Existentiæ autem etsi nos cõcedamus esse principium essendi minus rigorosum, seu quasi principium, non tamen ei tribuimus rationẽ principij rigorosi; proinde Argumentum non vrget. Sicut in Deo, qui est suum esse, Essentia non potest dici in rigore principium existentiæ, quia inter Essentiam, & existentiam est summa identitas, ita, vt ne virtualis quidẽ distinctio intercedat; potest tamen dici, quasi principium ex imperfecto nostro modo concipiendi, quia nos concipimus Essentiam in Deo per analogiam ad creaturã, quæ est principium essendi, & ideo etiam diuinæ hoc ipsum attribui-mus, licet non ita, sicut creaturæ, proinde concipimus ipsam non, vt principium essendi, sed vt quali principium: Quod ergo de diuina

essentia est dictum, hoc proportionabiliter intelligendum de essentia existentiz.

Obijciatur tertio. Ratio positiui est ratio essentiz, sed nequit esse principium essendi, aut ordinatum ad esse ratio positiui. Ergo nec ratio essentiz poterit esse ratio principij essendi. Maior prob. tum ex S. Tho. cap. 1. de ente, qui loquens de Essentia, sic inquit. *Oportet, quod Essentia significet aliquid commune omnibus naturis, per quas diuersa entia in diuersis generibus, & speciebus collocantur.* Sed ratio positiui significat etiam aliquid commune omnibus naturis, per quas diuersa entia collocantur in prædicamentis; verum enim est dicere, talis, vel talis natura in prædicamento tali, vel tali collocata est per quid positiuum &c. Ergo ratio Essentiz, & positiui coincident. Tum etiam, quia ratio positiui dicit quid reale contradistinctum à nihilo, fixum quid, ratumq; extra animam, quæ omnia, sicut rationem rei, sic & ipsius essentiz, quam Res significat, vt ex D. Tho. supra relato patet, important. Ergo apparet, quod ratio positiui sit ratio Essentiz. Minor autem prob. Sicut ipsummet esse, sic & principium eiusdem clauditur intra sphaeram diuinæ causalitatis, & attingentiz ab Omnipotentia sua. Sed ratio positiui non clauditur intra sphaeram istorum: Ergo nec poterit esse principium essendi. Maior patet, quia à Deo causatur omne esse, & omne ordinatum ad illud, cum terti-

mi,

minus Omnipotentia Dei adæquatus sit ens in tota sua latitudine sumptum. Minor prob. Ratio positiui inuenitur in ipsomet formali peccati commissionis, immò formale illud formalissimè est quid positium, vt docent nostri Salmat. Tomo 4. de peccatis. Sed formale peccati non clauditur intra sphaeram causalitatis diuinæ, aliàs Deus esset causa peccati secundum formale eiusdem, quod est impium, ac blasphemum. Ergo &c.

Resp. disting. maiorem: Ratio positiui est ratio Essentia, secundum rem; Concedo: Secundum expressionem, aut formalissimè; Nego, & eodem modo distinguitur minor, & nego conseq. vnde ad improbationem minoris dicitur, quòd licet positium secundum rem, & identificationem cū essentia, quæ in ipsa imbibitur, cadat intra sphaeram causalitatis Diuinæ, non tamen quantum ad formalitatem expressionis superadditæ rationi Essentia, aut Entis. Et propter hoc, etsi totius entitatis inuenit in peccato Deus causa sit, non sequitur tamèn, quòd sit causa peccati formalis in positiuo consistentis.

Explicatur hoc. Essentia, seu Ens nominaliter, & positium, quoad rem ipsam conuertuntur. Nam omne positium est aliqua quidditas, & quidquid realiter non est quidditas aliqua latissimè sumpta, est negatio, vel priuatio nihil ponens, id est non ponens aliquid, quod significat aliquam

quidditatem. Non tamèn quidditas in rigore sumpta, prout nunc à nobis sumitur, conuertitur cum positiuo quoad munus, aut expressionem, sed latius patet expressio positiui; Ly enim *positiuum* exprimit quidquid opponitur negationi, vel priuationi, ac proinde quidquid non est nihil, siue hoc non nihil exprimat ordinem ad esse, quod est proprium quidditatis rigorosè, siue munus cuiuscumque alterius formalitatis modificantis, & determinantis ipsammet quidditatem, aut rationem Entis; & idè inter expressum nominis *positiuum*, & inter negationem, vel priuationem nihil aliud potest concipi; At verò, nomen *quidditatis* solum exprimit ordinem ad esse, infra quod potest concipi aliquid aliud, quod neque exprimit talem ordinem, neque etiam negationem, aut priuationem, sed aliquid aliud munus, v. g. alieuius tendentia determinantis, aut modificantis ipsammet quidditatem, aut entitatem, proinde illam intimè imbibentis. Vnde manifestè sequitur, quòd Deus sua causalitate licet, realiter loquendo, attingat totum, quidquid est entitatis, & quidditatis, quæ dicit ordinem ad esse in actu peccaminoso, non tamen attingit etiam formale peccati in positiuo consistens, quandoquidem illud positium non importat, secundum formalissimam rationem, aut expressionem, ordinem ad esse, quem quidditas, & entitas innouit, sed aliquid

quid aliud modificatiuum eiusdem, rationem scilicet tendentiæ in obiectum dissonum regulis morum, quæ formalitas expressio- nis non causatur à causa efficien- te, sed à deficiente, qualis est vo- luntas petuerfa.

## QVAESTIO II.

*Vtrùm Essentia rerum sint  
ab eterno positiuè?*

**S**upponēdū in primis, res ter- minos in titulo quæstionis esse explicandos, scilicet. 1. Essen- tiæ rerum. 2. Positiuè. 3. Ab æter- no. Quantum ad primum: Essen- tia, & Natura, secundum D. Tho; sicut & quidditas, cap. 1. de Ente, vt supra annotatum est, quæst. præc. significant eandem rem, se- cundum diuersos tamē respec- tus consideratam. Natura nam- que significat quidditatem ipsā, & intrinsecam rationem rei, prout respicit operationem; *Essentia* hoc ipsum similiter significat, prout respicit *esse*, à quo, & dici- tur *Essentia*. *Quidditas* denique dicitur illud ipsum, prout respicit definitionem, quidnam res sit, ex- plicantem. *Essentia* igitur, & *Natura* sic explicata in triplici statu potest considerari, vt opti- mē deducit ex D. Tho. Caiet. c. 4. de Ente. Primò secundum pro- priam rationem, seu secundum se. Secundò secundum esse in sin- gularibus. Tertiò secundum esse in intellectu. *Natura secundum se,*

(quam & naturam per modum totius significatam vocat Angel. Doct. loc. cit.) est natura conside- rata secundum eas condiciones, siue ea prædicata, quæ conueniūt sibi essentialiter, seu per se primò; proinde nihil aliud dicit, quàm, ipsamet prædicata quidditatiua. *Natura verò secundum esse in sin- gularibus* idem sonat, quod natu- ra considerata secundum ea præ- dicata, quæ ipsi conueniunt ex eo, quod est singularizata, v. g. esse album, calidum, &c. & ideo alitèr vocatur *Natura singularis*. *Natura secundum esse in intellectu* idem significat, quod natura se- cundum ea prædicata, quæ con- ueniunt sibi ex hoc, quòd habeat esse in intellectu, v. g. esse speciem, esse genus, &c. quæ sunt prædica- ta rationis.

Supponendum secundò. In hoc præcipuè differt *Natura* se- cundum se à *Natura* in singularibus, aut in intellectu, quòd *Natura* secundum se, seu, absolute sum- pta, non est vna numero, nec plu- res numero: Non vna, aliàs non posset esse plures numero, quod falsum est, vt patet; eius enim, quod *Naturæ* secundum se com- petit, non potest ipsi oppositum competere, sicut ex eo, quod ho- mini esse rationale secundum se competit, oppositum ei nequit conuenire; & ita si *Naturæ* se- cundum se competeret vnā esse numero, non posset eidem com- petere esse plures numero. Quod autem *Natura* secundum se non sit plures numero, patet exinde, quòd

quòd Natura v.g. humana in Petro nequiret esse vna numero, quod quis asseret? Sequela autem ex eodem principio deducitur, x quo & probatio prioris partis, nimirum non posse competere Naturæ oppositum ei, quod ipsi competit secundum se. Iam verò Natura in singularibus, vel est vna numero, vel plures, si fuerint plura singularia.

Aliud etiam notandum discrimen interuenit inter Naturam secundum se, & Naturam in singularibus, aut in intellectu, quòd Natura secundum se nullum statum sibi determinat, aut requirat, sicut Natura singularis exigit statum existentie in seipsa: Natura verò in intellectu statum existentie intelligibilis.

Fundamentum autem huius discriminis ex eodem supra posito principio desumitur, quòd scilicet ea, quæ competunt naturæ secundum se, nunquam possunt non competere, quandoquidem importat ipsamet prædicata quidditatiua sibi necessaria, & idèò seper competentia; esse verò in singularibus, aut in intellectu non semper competit naturæ, vt patet. Hæc quantum ad intelligentiam terminat Ly *Essentia rerum*.

Quantum verò attinet ad Ly *Positiuè*. Supponendum tertio Ly *Positiuè* dupliciter posse intelligi. Primo modo Positiuè sumptum, vt ipsum æthymon indicat, deducitur à verbo, pono, proinde in hoc sensu esse aliquid positiuè, denotat collocationem alicuius

in determinato statu. Secundo modo, positiuè, accipitur in latissima significatione pro omni eo, quod excludit negationem, & priuationem, contradistinguiturque à nihilo, siue illud positiuum formalissimè dicat solam realitatem fixam, ratamque extra animam, siue illam cum immediato ordine ad esse, siue aliquam expressionem solam, v. g. tendentiam, superaddat rationi entis: Et in hoc sensu potest dici, aliquid esse positiuè, præcisa etiam existentia, præcisione putè præcisa, vt patet in Re, & essentia reali, quæ secundum suam formalissimam rationem, præcindunt ab existentia, & tamè sunt quid positiuum, idest ratum, fixumque extra animam, quid contradistinctum à nihilo. Cæterum in primo sensu, & acceptione nequit dici essentia, secundum se præcisè sumpta, quid positiuum. In illo namque inuoluitur status determinatus rei: At essentia secundum se præcisè sumpta, præcindit ab omni statu, vt modo dictum est, nec poterit esse quid positiuum, positiuitate in primo sensu accepta.

Quantum ad tertium terminum; scilicet, Ly *Ab æterno*, spectat, supponendum Quarto, æternitatem; quomocunque sumatur, esse de genere durationis, vt docent nostr. Complut. in Phys. disp. 21. quæst. 2. essentialitèr enim dicit permanetiam rei in esse, quòd est durare. Dupliciter autem potest accipi æternitas, propriè, vel impropriè. Propriè sumitur pro duratione rei immutabilis tam se;

secundum substantiā, quā secundum operationem; & huiusmodi duratio est *Æternitas* per essentiam, sicut & duratio operationis omnis immutabilis ordinis diuini vocatur *æternitas participata*, quali mensuratur visio beatifica. Impropriè autem sumitur *æternitas* pro interminabili quadam, ac perpetua duratione, siue illa sit tota simul, siue non, siue admittat successionem, siue nō, vt est æuum. Quomocumq; interim intelligatur *æternitas*, importat durationem quandam proinde dū dicitur, aliquid esse ab æterno necessariō debet concipi durare.

Supponendum vltimō, durationem, in rigore loquendo, vel necessariō præsупponere existentiam, esseque accidens rei durantis (loquendo in creatis, vt docent nōst. Comp. modo cit. disp. quæst. 3. §. 3.) vel etiā esse ipsamet existentiam rei, præsertim in permanentibus, vt vult Ioannes à S. Tho. In Phys. quæst. 18. art. 1. cum sola connotatione extrinseca, & ita res præscindens ab existentia debet etiam omninō præscindere ab omni duratione, sicq; non dicere esse æternam, aut ab æterno, aut æternam, vel temporalem; sed ab omnibus istis omninō præscindere debet. Quæ licet sic habeant se de facto, quod scilicet præscindens ab esse; præscindat etiam ab omni duratione secundum se, sicque non possit dici esse ab æterno, vel in tempore, in rigore; tamen ex modo nostro concipiendi potest concipi quasi

durans ab æterno, in quantum concipitur ad nullam temporis differentiam coarctari, ratione cuius posset concipi, vt incipiens, vel desinens, ac proinde carens perpetuitate continua, sed hoc est negatiuè tantum; non autem positiuè esse ab æterno, tam ex parte rei, quā ex parte nostri modi concipiendi. Nam ad hoc, vt concipiatur aliquid positiuè ab æterno cum fundamento in re, requiritur, vt concipiatur vel positiuæ perpetuitas, sicque persistentiā in esse, quæ est ipsa duratio, vel saltem principium positiuæ perpetuitatis; Principium autem positiuæ perpetuitatis, siue persistentiæ in esse, est ratio immutabilitatis, vt ostendunt nōst. Complut. quæ necessariō præsупponit ipsum esse, vt patet, quia in tantum vnumquodque est mutabile, vel immutabile, in quantum est; proinde immutabilitas, sicut fundatur in esse, sic illud præsупponet.

Dices, Immutabilitatem fundari quidem in esse, sed non in esse existentiz formalitèr, verum in esse essentiz.

Sed contra hoc est; Nam loquendo de immutabilitate rerum, quæ Deus non sunt, (sicut nunc loquimur) immutabilitas omnimoda, qualis est principium perpetuitatis sine principio, & fine, non potest inueniri in essentia secundum se, & præcisa ab existentia in rebus, quæ Deus non sunt, quia si in talitèr sumpta essentia inueniretur essentialitèr competeres im;

Immutabilitas alicui, quod Deus non est, quidquid enim competit essentialiter, hoc autem dici nequit, aliàs alicui, quod non est Deus, essentialiter æternitas competeret, nam cui competit ratio aliqua à priori alicuius, competit & illud, quod necessariò consequitur huiusmodi rationem à priori; Ergò cum immutabilitas omnimoda sit ratio à priori, ad quam necessariò sequitur æternitas, si talis immutabilitas competeret essentialiter alicui, quod non est Deus, competeret etiam essentialiter & ipsa æternitas. His igitur pro tituli quæstionis intelligentia prænotatis. Circa excitatam quæstionem triplex emergit Sententia.

Prima est Scoti in 1. distin. 35. quæst. 1. & aliorum ex Schola ipsius asserentium, Essentias rerum esse ab æterno secundum suam realitatem, quam vocant diminutam quandam entitatem extra Deum.

Secunda Sententia è diametro opposita dicit; Essentias rerum esse perpetuas, & ab æterno negatiuè tantum, non positiuè, in quantum secundum se non habent principium suæ corruptionis, aut productionis, & per consequens neque sui principij, aut finis. Ita Complut. nost. in Log. disput. 4. quæst. 1; plures pro se citantes Authores.

Tertia Sententia est cuiusdam Iunioris in compendio suæ Logicæ dicentis, Essentias rerum se-

cundum se esse ab æterno positiuè; qui, vt explicet suam sententiam, Notat, quod quamuis Essentia, secundum se sumpta, nullo inuoluat statum, semper tamen debuit inueniri sub aliquo statu, vel in idæis, & in intellectu Diuino, vel in se extra causas existens, & ita ipse, Essentias rerum secundum se, non dicit, inueniri ab æterno extra Deum, sicut volebat prima sententia, quia inueniri extra Deum, statum quemdam importat, quem tamen habet, vt ipse dicit, Essentia secundum se, sed non exprimit, & ideo negat, dum ipsi obijcitur: Illæ Essentia secundum se, vel essent extra Deum, vel in Deo, vel ens per Essentiam, vel per participationem, negat, inquam, ista omnia, dicens: hæc, & similia prædicata conuenire Essentijs, vt sunt sub statu, non autem secundum se, consideratis. Pro resoluit. igitur.

Dico primò. Non possunt dari Essentia rerum ab æterno positiuè extra Deum in aliquo gradu entis, vt vult prima sententia. Ita Capreol. in 2. distin. quæst. 1. Soncin. 9. Metaph. quæst. 4. Niger, & alij, quos referunt, & sequuntur nost. Complut. loc. sup. cit.

Probatur primò. Non possunt dari Essentia rerum extra Deum, quin sint existentes; Ergo non possunt dari ab æterno positiuè extra Deum. Cõs. prob. quia nihil extra Deum potest dari existens, quin sit productum, aut creatum, cum in nulla re possit inueniri existentia, excepto Deo, quæ non



sit communicata per causam efficientem. Sed fides docet, nihil esse ab æterno productum. Ergo etiam eadem virtualiter docet, Essentias rerum extra Deum non posse dari, quin sint existentes; Ergo quod non possint etiam dari ab æterno positivè extra Deum. Antecedens etiam probatur. Essentiæ rerum extra Deum sunt extra causam in se sistentes. Sed Essentiæ extra causam in se sistentes, sunt existentes, ut vis nominis, & definitio existentie probat. Ergo, &c. Maior suadet, Deus est causa omnium rerum, quæ sunt extra ipsum. Ergo dum sunt Essentiæ rerum extra Deum, sunt extra causam, & quidem in se sistentes: Quod sic probat. Essentiæ rerum sunt quid ratum, fixumque extra animam, cum non sint entia rationis. Ergo debent fixam consistentiam habere, statum, seu sistentiam; fixum enim, & sistentia coincidunt. Sed dum sunt extra Deum, non habent in ipso sistentiam, seu statum, ut patet, nec in intellectu creato, quandoquidem supponitur esse extra animam. Ergo habebunt in se sistentiam, cum alius non relictus modus sistenti, aut status. Ergo iam extra Deum, erunt in se sistentes, sicque existentes.

Probatur secundò, & confirmatur præcedens ratio: Essentiæ rerum extra Deum sunt veræ entia, cum non sint nihil. Ergo vel à se, vel ab alio. (Isti enim modi, cum sunt contradictoriè oppositi, pe-

nès à se, & non à se, adæquatè diuidunt Ens, si semel diuidunt, ut omnes fatentur, inter contradictionem siquidem non datur mediū.) Non à se, alias essent Deus, & sic daretur alius à Deo Deus, quod est paganum tenere; Ergo ab alio. Sed ens ab alio causatū, fides docet, non fuisse ab æterno. Ergo nec Essentiæ rerum, ut dicuntur esse extra Deum, erunt ab æterno.

Dices; esse à se, vel ab alio sūt modi diuidentes Ens cum existentia, non autem præcisa illa, prout sunt Essentiæ rerum extra Deum secundum suum esse diminutum.

Contra. Essentiæ rerum extra Deum, realiter loquendo, habent aliquem statum, illum scilicet, qui est esse extra Deum, uti diximus, sed talis status est status existentis, ut ostendimus. Ergo si Essentiæ rerum sunt extra Deum, sunt essentiæ cum existentia; proinde necessariò ipsis debet competere, quod sint, vel à se, vel ab alio; Non à se; Ergo ab alio.

Dicendum 2. Essentiæ rerum, secundum se, ut abstrahunt a quolibet esse, aut statu, sunt positivè, non tamen positivè ab æterno, sed tantum negativè. Antequam probetur Conclusio.

Notandum est pro intelligentia primæ partis Conclusionis, hic positivum sumi in secundæ acceptione posita in præsuppositis, prout positivum idem est, ac reale, contradistinctum ab ente rationis, vel nihilo; Pro intelligentia verò secundæ partis Cō-

clu-

clusionis, aduertendum est, positum, aduerbialiter ab æterno, denotare perpetuitatem quandam positivam.

Probat̃ur prima pars Conclusionis. In primis ex Capreolo in 2. distinct. 1. quæst. 2. ad 3. qui inter alia dicit sic. *Antequam mundus esset, vel crearetur mundus, erat mundus, & erat id, quod nunc est, non in actuali existentia, nec in potentia activa, vel passiva Creatura, sed in potentia activa Dei, & in esse intelligibili, & secundum suam absolutam considerationem.* Et iterum: *Natura antequam habeat esse in rerum natura per productionem, vel creationem, est omnino nihil, prout nihil opponitur enti, quod dicit actum existendi extra causam suam; sed non erat nihil prout nihil opponitur Enti, quod dicit quidditatem, vel naturam in se, vel dicit actum essendi in intellectu Divino, vel in potentia productiva Dei.* Hæc Capreolus, ubi, ut vides, loquitur sub disjunctione, & idcirco sentit, quod Natura, prout dicit quidditatem secundum se, non sit nihil, proinde quid positivum. Hoc ipsum docet Caietanus c. 4. de Ente quæst. 6. *Sciendum (inquit) quod Ens reale dupliciter accipitur: Vno modo, ut distinguitur contra ens ab intellectu fabricatum: Alio modo, ut distinguitur contra non existens actum. Primo modo omnis res predicamentalis est ens reale, siue sit, siue non. Secundo modo, id tantum, quod realiter existit extra causas suas, est ens reale. Et hoc proprie est ens reale apud*

S. Thomam dicentem in quæst. de Pot. Dei quæst. 3. art. 5. ad 2. quod res antequam existat, est nihil, &c. Hoc egregie defendit Nazarius, qui tanquam ex fonte rivum, ex D. Thoma hanc doctrinam accepit.

Probat̃ur ratione prima pars Conclusionis. Essentia entis realis, etiam ut præcindit ab esse, est aliquid eius, cum ens reale non sola existentia, sed etiam essentia, subsistentia, ut quasi parte constet. Sed, ut præcindit ab esse, non est quid rationis. Ergo aliquid reale, sicque positivum. Maior patet, quia aliquid sufficienter diuiditur in reale, & rationis, sicut & ipsum ens. Minor prob. Ens rationis est illud, quod habet esse obiectivum tantum in intellectu. Sed Essentia secundum se abstrahit ab esse obiectivo in intellectu, ut patet ex prænotatis. Ergo Essentia, secundum se, non est quid rationis, sed aliquid reale, ut reale distinguitur contra rationis.

Confirmatur. Materia secundum se sumpta præcindit ab existentia, etiam præcisione negativa, quia illam ex se non habet, ut docent communiter Thomistæ, & tamen secundum se est ens reale, & positivum. Ergo similiter, etiam si Essentia secundum se sumpta præcindat ab esse, non sequitur, quod non sit positivum, & reale.

Secunda pars conclus. probatur, quod scilicet Essentia rerum secundum se non sint ab æterno



positiuè, sed tantùm negatiuè. Tùm ex explicatione præcedentis Conclusionis, tum ex præsuppositis. Etenim præscindens ab omni esse, non potest esse ab æterno positiuè, seu, quòd idem est, habere perpetuitatem positiuam, siue ex parte rei conceptæ, siue ex parte modi concipiendi; Sed Essentia rerum, secundum se præcisè sumptæ, præscindunt ab omni esse, vt ipsimet Aduersarij fatentur, & patet ex prænotatis. Ergo Essentia rerum secundum se non possunt esse ab æterno positiuè. Minor, & consequenter, patet. Maior prob. ex his, quæ dicta sunt in præsuppositis, quia vt aliquid concipiatur cum fundamento in re, esse ab æterno positiuè, sicque sit positiuè perpetuū saltem ex modo concipiendi, debet ad minus principium positiuum perpetuitatis in illo concipi, sicut vt materia prima, saltem ex modo concipiendi, sit positiuè vna specificè, debet in illa saltem principium talis vnitatis concipi, aliàs nullum fundamentum haberemus concipiendi talem vnitatem. Sed in præscindenti ab esse neque concipi principium positiuæ perpetuitatis. Ergo &c. Minor prob. nam: Præciso principio perpetuitatis, in re non concipis principium eiusdem, sicut præcisa existentia, non concipis existentiam in re. Sed principium interminabilis perpetuitatis positiuæ est omnimoda immutabilitas, à qua præscindens ab esse debet omnino præscindere,

vt ibidem ostensum est. Ergo in præscindenti ab esse, &c.

Quòd autem Essentia rerum possint concipi esse ab æterno negatiuè; Sic ostenditur: Nam ad hoc, vt aliquid concipiatur negatiuè perpetuum, seu ab æterno tantùm requiritur, vt non habeat in se principium coarctas ad aliquam temporis differentiam, quæ extrahat à perpetuitate: vt patet ex præsuppositis, & ex se. Sed Essentia secundum se sumptæ non habent in se principium coarctas ad aliquam temporis differentiam, cum sola prædicata quidditatiua importent, quæ, sicut ab esse, sic ab omni temporis differentia, aut coarctatiuo ad illas præscindunt. Ergo, &c.

Confirmatur, & explicatur. Id:ò Materia prima secundum se præcisè sumpta non dicitur ex se esse vna specificè positiuè, quia non habet in se principium positiuum talis specificationis, quod est actus: vt docent nost. Compl. Id:ò verò dicitur ex se esse vna specificè, aut genericè negatiuè, quia habet carctiam principiorum positiuorum, per quæ plurificetur specificè, aut genericè. Ergo à simili, cum Essentia secundum se præcisè sumptæ, nullum includant principium positiuum, per quod formaliter positiuè durent perpetuò, nec etiam aliquid positiuum, per quod coarctentur ad hanc, vel illam temporis differentiam, ratione cuius extrahantur à perpetuitate, licet non possint concipi esse perpetuæ, vel ab æter-

æterno positivè; bene tamen poterunt concipi esse negativè.

Dices. Essentia rerum sunt ab æterno positivè in intellectu Divino. Ergo ex modo concipiendi cum fundamento in re erunt positivè ab æterno.

Resp. ad hoc Neg. Conseq. Arguitur enim ab essentijs sub statu ad essentias secundum se, quæ præcindunt ab omni statu: Aliqua enim possunt competere rebus in certo statu, quæ ipsis, ut præcindentibus à tali statu, non competunt, ut contingit in præfenti loquendo de essentijs rerum.

Dico tertio. Essentia rerum secundum se sumptæ, ut præcindunt ab existentia, & contradistinguuntur ab ipsa non dicuntur fieri, creari, generari, aut corrumpi. Probat. 1. Essentia secundum se præcisè sumptæ, nil aliud dicunt, quàm necessaria, & quidditatiua prædicata. Sed produci, fieri, creari, non sunt necessaria, aut quidditatiua prædicata, sed contingètia, cum res possint produci, & non produci, &c. Ergo essentia rerum &c.

Probat. 2. Quælibet actio cuiuscunque agentis terminatur ad singulare, ut docet Aristot. in Metaph. Sed essentijs secundum se præcisè sumptis non competit esse singulares, ut ostensum est in præpositis. Ergo neque produci, &c.

Probat. tertio. Si essentia secundum se sumptæ cõpeteret produci à causa efficienti, aut creari, nunquàm posset non produci, aut

non creari. Sed hoc est falsum, aliàs Deus necessariò crearet, & non libere, si non posset non creare; quod est falsum. Ergo & illud, ex quo sequitur. Sequela Maioris prob. Quando aliquid competit alicui secundum se, non potest ei competere oppositum, ut ostendimus supra in prænotatis. Ergo si essentijs secundum se cõpeteret produci, vel creari, oppositum non posset convenire.

*Respondetur ad Argumèta.*

**O**bjicitur primò contra primam Conclus. Quæ continentur in Prædicamento, sunt aliquid extra Deum. Sed essentia rerum antequam existant, continentur in Prædicamento; antequam enim homo v.g. existat, est in Prædicamento Substantia. Ergo antequam essentia existant, sunt aliquid extra Deum, non realitate existentia, ut patet, ergo realitate essentia.

Resp. distinguendo Maiorem. Quæ continentur in Prædicamento actu, sunt aliquid extra Deum; Concedo; potestare; Nego. Eodem modo disting. Minor, & neg. Conseq. Contineri enim in Prædicamento essentiam, est esse sub certo statu. Essentia autem, secundum se; licet semper connotet aliquem statum, præcindit tamen ab illo præcisione purè præcisiva, scilicet non exprimit illum, & idèd licet, antequam in se existat, sit sub illo statu, qui est contineri in prædicamento, potentia tantum ratio.

trione ordinis ad existentiam sibi intrinseci, non tamen est actu sub illo, nisi tunc, cum est in se actu existens, prius verò quàm in se existat, existit in intellectu, vel Idæis Diuinis, & sic non est extra Deum, Immò si tunc secundum statum concipiatur, est ipsemet Deus.

Obijecit 2. contra secundam Conclus. Quod est in tempore positivè, & nō cœpit esse, est semper, atque ideo ab æterno positivè. Sed essentia rerum sunt in tempore positivè, & nō cœperunt esse. Ergo sunt ab æterno positivè. Maior supponitur, Minor prob. Quidquid cœpit esse, per aliquam causam efficientem cœpit esse; nihil enim se ex nihilo potuit educere, proinde à causa efficienti illinc extrahi debuit; Sed essentia rerum non agnoscunt causam efficientem. Ergo neque incipient. Maior patet. Minor prob. Tum quia si essentia rerum dependere à causa efficienti, contingenter, & non necessario convenirent rebus, & sic homo esset contingenter animal rationale, quod est falsum. Sequela verò patet: Nam quod competit alicui per causam efficientem, competit contingenter: si enim illa causa sit prima, ac libera, poterit agere, & non agere, producere, & non producere; Si verò secunda, cum omnis causa secunda dependeat à prima in sua operatione, & illa liberè concurret, etiam causa secunda contingenter operabitur, & sic essentia competere rebus contin-

genter, si semel competere per causam efficientem. Tum etiam, quia actio terminatur ad singulare, & existens, ut supra dictum est; Essentia verò rerum, secundum se, non sunt singulares. Ergo neque terminabunt actionem. Sicq; non recognoscent causam efficientem.

Resp. primò ad hoc argumentum, admisa Maiori, & Minori negando Consequ. quia in hoc argumento est fallacia æquiuocationis, & variatio suppositionis in *Ly, esse, & Ly essentia rerum*. Nā in Maiori *Ly, esse*, sumitur pro *esse existentia*, quandoquidem *esse* in tempore est *esse* sub statu certo, qui non potest *esse* sine existentia; In Minori autem prima parte. *Essentia* sumuntur sub statu, cum sumantur in certa temporis differentia, quæ statum involuit; In secunda autem parte, secundum se, & ut præscindunt à statu; si enim sumantur secundum statum, falsum est, quod non incœperint secundum illum, & sic etiam ibi *esse* iam non sumitur pro *esse existentia*, sed pro *esse essentia*; non tamen potest dici, quod non incœperint *esse* secundum *esse*, existentia: In Consequencia verò *essentia rerum* sumuntur secundum se, & ut præscindunt ab omni statu; ideoque propter huiusmodi variationem suppositionis in præmissis, in Conclusionem nil concludit argumentum.

Resp. secundò ad hoc argumentum Neg. Maior: propter implicantiā in adiecto, præsupposita fide. Nam fides docet secundum

dum esse existentiae omnia incepisse in tempore. Esse autem in tempore positivè est idem, ac habere esse existentiae, seu existerè. Esse enim essentiae cum praescissione sumptum non est in tempore, cum praescindat ab illo, ut supra dictum est; Et ita dicere, aliquid esse in tempore positivè, & non incepisse, est dicere, quod aliquid existat in tempore, & tamen non acceperit in tempore esse existentiae, quod est contra fidem.

Deinde quantum ad Minorem respond. quod si prima pars ipsius intelligatur de essentijs secundum se, ut praescindunt à statu, est falsa, licet secunda pars sit vera. Ratio huius est, nam essentiae praescindentes à statu praescindunt etiam ab omni duratione, consequenter, & à tempore, sicque non potest de ipsis hoc modo acceptis dici, quod sint in tempore positivè. Si verò prima pars minoris intelligatur de Essentijs sub statu, quem habent in tempore, qui est status existentiae in seipsis, tunc quamvis vera sit ipsa, secunda tamen pars minoris, quod scilicet essentiae hoc modo sumptae non coeperint esse, falsa est. Quis enim audeat asseverare, Essentias secundum esse existentiae, nunquam incepisse: Nec facit quidquam, contra nos probatio minoris: haec enim tantum probat tertiam nostram Conclusionem.

Obijciunt tertiò cõtra tertiam Conclusionem. Si Essentiae non producerentur, neque corrumpere-  
rentur, Deus non creasset omnia

ex nihilo, nec posset rem aliquam redigere in nihilum. Sed haec sunt falsa. Ergo, &c. Sequela quoad primam partem constat, quia sic Deus tantum ex vno esse, scilicet essentiae ad aliud esse, scilicet existentiae transmutaret omnia. Deinde nõ posset omnia in nihilum redigere, quia semper maneret aliquid rei, quod nequit corrumpi, scilicet Essentia.

Resp. ad hoc argum. neg. sequelam. Ad hoc enim, ut omnia dicantur ex nihilo sui à Deo producta, sufficit, quod ante sui productionem nihil ipsorum fuerit extra Deum, sicut est, secundum nos, esse tam essentiae, quam existentiae, quod ante sui productionem nulla res habuit, etiam si essentia secundum se, & ut praescindit ab omni statu, habeat propriam realitatem. Deinde id, quod fit ex nihilo entis simpliciter, ex nihilo sui simpliciter, & absolute fit. Essentia verò, ut existens, fit ex nihilo entis simpliciter, quandoquidem ens existens est ens simpliciter, ut dictum est toties: hinc est, quod fiat ex nihilo simpliciter, & ita etiam annihilabitur simpliciter, hoc ipso quod desinat esse existens.

Ex quo apparet, quid sit dicendum ad probat. sequelae; & quidem quantum ad transmutationem dicitur, quod non fiat sola transmutatio ex vno esse ad aliud, quia ut hoc fieret sicut vnum, sic & aliud esse deberet esse in se, & extra Deum, (ut patet in omnibus transmutationibus)

bus) quod tamen nos non concedimus esse Essentia, antequam existat.

Ad aliam probationem, quæ dicit, quod semper maneret aliquid rei, quod nequit corrumpi, scilicet essentia: Resp. distingu. maneret in se, Nego, in alio, scil. in ipsomet Dei Intellectu; concedo; ex quo tamen non licet inferre, quod totum ens in nihilum non abeat, cum nil ipsius in seipso remaneat, licet maneat Essentia secundum se; quia tamen non manet in se, ut existens, nil rei omnino manere dicitur.

Sed instat P. Suarez. Quod nihil habet existentia, aut est simpliciter, & omnino nihil, aut non; Si non. Ergo simpliciter, & absolute Deus non creavit omnia ex nihilo, & non produxit omnia entia, seu non omne, quod verè est aliquid reale. Si verò est omnino nihil, tunc non potest esse distinctio nihili in nihil oppositum essentia, & in nihil oppositum existentia.

Resp. quod nihil habet existentia, est simpliciter, & omnino nihil, est simpliciter, & omnino, idest sine addito; Conceditur: Simpliciter, idest omnibus modis; Negatur. Sicut substantia Angeli, quæ est quid perfectissimum in genere substantia, & simpliciter, & sine addito substantia, non tamen est substantia simpliciter, idest omnibus modis, quia non est, nec dicitur materia, quæ etiam aliqualis est sub-

stantia. Sic ergo proportionaliter, & de nihilo existentia, quod est nihilum simpliciter, discurrendum est, quod scil. nihil habens existentia, est nihil simpliciter, & sine addito, non tamen, est nihil simpliciter, idest omnibus modis, quia essentia, quæ essentia est formaliter aliquid, & non nihil. Nec tamen inde sequitur, quod Deus non creaverit omnia ex nihilo, & non produxerit omnia entia; nam etiam essentia, ut est existens, & ut ens participialiter, creatur, sicq; fit ex nihilo sui, ut est in se, licet non ex nihilo sui, ut est secundum se, & formaliter essentia, proinde omnia ex nihilo Deus creat, omniaq; producit entia, secundum quod sunt capacia productionis.

## DISPUTATIO

### SECUNDA.

*De essentia singulari, atque individua, seu de Principio Individuationis entis creati.*

**Q**uia essentia non est potentia receptiva existentia à parte rei, nisi sit singularis, & individua; quidquid enim est à parte rei, est singulare; ideo post disputationem de essentia, ut sic, recto ordine procedimus ad explicandam singularitatem essentia. Dixi autem in titulo notanter: De prin-



principio indiuiduationis entis creati; De principio namque indiuiduationis, aut singularitatis entis increati non est difficultas; nam cum illud sit per Essentiam suam existens, & singulare, utpote actus purissimus, in ipso idem omnino erit principium indiuiduationis Essentiae, quod fuerit Essentia ipsamet, & existentia absolute; & ideo de principio indiuiduationis solius entis creati titulus disputationis procedit.

Disputatio verò hæc quatuor complectitur quaestiones, in quarum prima pro sequentium difficultatum meliori intelligentia sciendi praemittuntur. In secunda agitur de principio indiuiduationis substantiae materialis completae. In tertia inmaterialis completae. In quarta de principio indiuiduationis accidentium.

## QVAESTIO I.

*Quenam sint praemittenda pro intelligentia principij indiuiduationis deservientia?*

**Q**uestio hæc ideo excitatur, ut compendio quodam, difficultatum maximarum vis composita in obsequentibus maiorem afferat claritatem. Igitur pro intelligentia principij indiuiduationis.

Sciendum est primò, Ly principium, significare aliquod primum

in illo ordine, aut genere, in quo est principium. Est autem duplex principium, proximum, seu immediatum, quod formale dicitur; & remotum, quod etiam radicale nuncupatur. Hic de quali principio procedat difficultas, inferius patebit.

Deinde Ly *indiuiduum*, ut ipsa vis nominis exprimit, idem significat, ac non diuiduum, hoc est illud, quod ita est in se constitutum, ut nullatenus ulterius diuidi possit; Proinde esse aliquid principium indiuiduationis idem est, ac esse principium, & causam, quod aliquid in se sit ita constitutum, taliterque unum, ut amplius non possit diuidi, aut pluralificari: Pro cuius meliori intelligentia.

Sciendum est secundò, Vnitatem dicere indiuisiōem in se, & diuisionem à quocunque alio, ut supra ostendimus; & ita *Unum* est idem, quod est, esse in se indiuisum, & distinctum ab alijs; Licet enim in vnitatem generica, ac specifica detur latitudo, numerica tamen, cum sit omnium maxima, nullam prorsus admittit latitudinem; unde quod fuerit unum vnitatem numerica, ita erit in se omnino indiuisum, ut omnem à se prorsus excludat diuisionem, secundum quam diuidi, & alijs posset communicari: Vnitas autem numerica, cum contineatur sub specifica, sicut specifica continetur sub generica, contrahet ipsam, & limitabit, sicut oppositum quodammodo limitat suum opus.

B b b po.

positum, iuxta illud (Vnumquodque limitatur à suo opposito) Et quia vnitas specifica est vnitas formalis, (forma siquidem est, quæ dat speciem) formali autem oppositum sit materiale, hinc est, quòd vnitas numerica limitans vnitatem specificam, seu formalem, vt oppositum non poterit esse, nisi vnitas materialis.

Ex quo discursu tanquam collarium quoddam deducitur (quod erit principium in hac materia dicendorum) huiusmodi. Illud est principium indiuiduationis vniuscuiusque, quod est principium vnitatis eiusdem numerice, seu materialis; Nam cum indiuiduum sit vnum quoddam vnitate maxima, vt ex dictis patet, hæc autem sit vnitas numerica, quam coincidere ostensum est cum materiali, sequitur, quòd illud, quod fuerit principium vnitatis materialis, seu numerice alicuius, erit etiam principium indiuiduationis eiusdẽ.

Sciendum est secundò: Dum inquirimus, principium indiuiduationis, ex quo ipsa tanquam fundamento suo desumatur, non inquirimus principium proximũ, & immediatum, & totale, omnia scilicet essentialiter, & in recto concurrentia ad constitutionem indiuidui, (hoc enim esse totam entitatem singularem indiuidui constat) sed inquirimus principium primum omnino, & radicale, quod scilicet sit prima radix, ad quam vltimatè reducatur tota indiuiduatio.

Deinde non loquimur de principio indiuiduationis Metaphysicè sumpto: Certum nanque est, vt optimè aduertunt nost. Salmat. Tract. 1. Disput. 1. dub. 1. quodlibet indiuiduum indiuiduari per suam differentiam metaphysicam indiuidualem, quæ tamen nequit esse prima radix indiuiduationis, cum rationes metaphysicæ fundentur in physicis, sicque illas præsupponant, tanquam proprias radices: Loquimur proinde de primo, & fontali principio in ordine physico, quod sit phyce prima radix indiuiduationis.

Ex quo occasionaliter potest aduerti, non satis congrue Scutum in 2. Sent. distinct. 3. quæst. 3. processisse in decidenda difficultate circa principium indiuiduationis, dum pro primo principio ipsius assignauit hæcceitatem, quæ, in rigore, est differentia indiuidualis metaphysica, cum; vt modò ostendimus, hæc (vt potè præsupponens physicam radicem) nequeat esse principium omnino primum, & fontale indiuiduationis. Pro quorum ampliori euidencia.

Sciendum est tertio, differentiam indiuidualem in rebus materialibus addere aliquid positium, & reale supra naturam specificam ipsorum, non tamen ab ipsa realiter, sed solum virtualiter distinctum.

Prima pars ostenditur sic. Id, quod constituit aliquid in ratione fundamēti prædicamēti realis, debet esse reale, & si superaddatur

tur alicui rationi, superadditur, ut aliquid reale, & positivum. Sed differentia individualis substantiam materialem constituit in ratione fundamenti totius prædicamenti substantiæ, siquidem substantia in ratione individui constituitur per differentiam individualement, sicut in ratione speciei per specificam: individuum autem substantiæ habet rationem fundamenti respectu totius prædicamenti substantiæ; proinde differentia individualis substantiam materialem constituet in ratione fundamenti totius prædicamenti substantiæ. Ergo differentia individualis erit quid reale superadditum naturæ specificæ. Conf. ex præmissis patet. Maior prob. quia non potest aliquid constitui in ratione fundamenti prædicamenti realis per ens rationis; tale namque debet esse constitutum, quale ipsius constitutum, ita ut si constitutum fuerit reale, manifestè colligitur etiam constitutum eiusdem similiter reale. Ergo cum ipsum fundamentum prædicamenti realis sit reale, ut ex se patet, etiam constitutum ipsius erit similiter reale.

Secunda pars, quod scilicet superaddita ratio realis naturæ specificæ tantum virtualiter distinguitur ad ipsa in substantijs materialibus, Probatur faciliè, quia de differentia individuali respectu naturæ specificæ eo proportionali modo discurrendum est, quo discurremus de differentia specifica respectu generis, cum eo

modo se habeat differentia individualis ad naturam specificam, quomodo se habet differentia specifica ad naturam genericam, ut consideranti patebit. Sed differentia specifica non distinguitur, nisi virtualiter à natura generica in eodem supposito, ut optimè probant Nost. Complut. in Log. disp. 5. quæst. 5. §. 1. n. 61. & ratio suadet, si namque genus, & differentia distinguerentur realiter, ut alia, & alia natura, iam in eodem composito essent plures formæ substantiales distinctæ realiter, quod ex D. Thom. iidem citati Complut. in Phys. excellenter impugnant. Sequela patet, quia gradus Metaphysici, quales sunt natura generica, specifica, differentia, &c. sicut fundantur in formis, sic, & eas consequuntur. Ergo ubi illi fuerint realiter distincti, realiter etiam distinctas requirēt formas, quas consequantur. Hic tamen.

Aduertendum est, quod quando natura specifica contrahitur per gradum individualement, non contrahitur per eum, tanquam potentia per actum, prout contrahitur genus per differentiam specificam, sed sicut actus per suam potentiam. Cuius ratio hæc est; etenim vnumquodque contrahitur, & limitatur per suum oppositum, actus per potentiam, & e contra: species autem athoma contrahibilis per differentiam individualement non potest non contrahi, ut actus quidam, quia in ipsa non remanet ulterius compossibilitas, & perfectibilitas, ratio;



ne cuius haberet rationem potius potentia, quam actus, cum in ultimo actu sit formaliter constituta in linea essentiali. Ergo dum contrahitur per differentiam indiuidualem, contrahetur, ut actus per potentiam.

Sciendum est quartò, (ut certa ab incertis separentur) primum principium indiuiduationis omnium non esse causam efficientem, neque finalem: Hæ namque causæ sunt extrinsecæ, quælibet autem res intrinsecè est indiuidua, unde etiam intrinsecum suæ indiuiduationis requireret principium. Nec esse congeriem accidentium, illo versu expressorum.

*Forma, Figura, Locus, Stirps,  
Nomen, Patria, Tempus.*

Nam etiam hæc sunt quid extrinsecum substantiæ indiuiduæ; quinimmodò ipsamet accidentia indiuiduantur à substantia, & sic substantia ipsorum magis erit principium radicale indiuiduationis, ut postea ostendetur. Deinde primum principium indiuiduationis non est existentia rei exercita, hæc namq; aduenit substantiæ iam subsistenti à parte rei, ut inferius probabimus; res autem à parte rei non est subsistens, quin sit singularis, & indiuidua, quidquid enim à parte rei est, singulare est. Ergo existentia tantum abest, quod sit principium indiuiduationis substantiæ, quin potius adueniat ipsi iam indiuiduæ, ac singulari. Deniq; modi quidam intrinseci, qui à Scoto vocantur hæceitates, nequeunt esse primum,

& radicale principium indiuiduationis; Vel enim huiusmodi modus intrinsecus dictus, hæceitas, est ipsa differentia indiuidualis, vel aliquid superadditum rei modificatæ. Si primum, hæceitas non erit principium radicale, quia differentia indiuidualis, sicut, & specifica (utpotè rationes Metaphysicæ) fundatur in aliqua entitate physica, sicque illam præsupponit. Ergo non poterit esse omnino primum principium. Si autem dicatur secundum, quod scilicet sit modus superadditus rei modificatæ, sicq; ab illa distinctus, debet ipsam præsupponere in aliquo priori, sicq; illi realiter vniri; prius siquidem concipitur extremum dari, quam quod vnietur alteri; Ergo ille modus non erit principium primum omnis indiuiduationis: Nam ex quo capite realiter debet ipsi vniri, debet etiam ipsam præsupponere, aliàs cum quo vniretur? Et ex quo capite realiter ipsam præsupponere nequit, nisi sit singularis, & indiuidua, cum quidquid est à parte rei debeat esse singulare, ipsius, utpotè iam singularis, principium indiuiduationis esse non poterit, sed potius aliquid subsecutum ad tale principium.

Sciendum est quintò, & valdè aduertendum pro concordia diuersorum locorum S. Tho. in quibus videtur diuersimodè loqui de principio indiuiduationis, & sibi ipsi quodammodo contradicere, dum aliquando pro principio radicali indiuiduationis statuit materiam

ab.

absolutè, vel etiã solam materiã; aliquando verò materiam, & quantitatem dimensionum, nō nunquam materiam, vt subest dimensionibus, non esse principium indiuiduationis, quæ non videntur bene concordare. In quibus tamen omnibus nulla inuenietur contradictio, si sensus S. Doctoris intimè penetretur. Quando igitur S. Doctor dicit, materiam absolutè, vel etiã solum esse principium radicale indiuiduationis, loquitur de primo principio indiuiduationis, quod intra hanc lineam sit omninò primum, licet ex se omninò insufficientis, vt inferiùs ostendetur. Vel etiã loquitur de primo principio indiuiduationis, cui indiuiduatio, quoad esse incommunicabile, aut esse indiuisum in se, vltima diuisione, per quamdam, accommodatōem tribuitur, quamuis de facto à quantitate, vt præcontenta radicaliter in materia, proueniat. Dum autem idem S. Doctor alibi docet, materiam primam, & quantitatem dimensionum esse principium indiuiduationis, loquitur de principio primo ex se omninò sufficienti indiuiduationis; ita tamen, quòd per quantitatem intelligat non habitam, sed præhabitam in materia: Aut etiã potest intelligi S. Doctor in illo loco de principio indiuiduationis, cui secundum accommodatōem indiuiduatio quoad esse diuisum ab alio tribuenda est. Quando verò in alio loco S. Doct. asserit, materiam, vt subest dimensionibus, non esse principium

primum indiuiduationis, sed tantum signum inseparabile ipsius, & principium quoad cognosci, & demonstrari respectu indiuiduationis; alibi autem materiam signatam esse re ipsa primum, & fontale principium indiuiduationis quoad esse; tunc in priori loquitur de dimensionibus, vt actu habitis, sicut & de quantitate secundum suum esse formale, vt actu habita; in posteriori verò de quantitate, vt præhabita radicaliter. Denique cum aliquibus in locis videtur insinuare, substantiam materialem indiuiduam non posse separari à quantitate, in alijs verò posse; in prioribus loquitur de potentia ordinaria, in posterioribus de extraordinaria, vel in prioribus intelligendus est de quantitate radicaliter præhabita, in posterioribus de habita actu secundum suum esse formale. Verum hæc omnia hic compendiatim complexa clariùs in subsequētibz enucleabuntur. His igitur pro intelligentia principij indiuiduationis summatim præmissis, sequitur.



## QVAESTIO II.

*Vtrum forma substantialis sit primum, & radicale principium indiuiduationis substantiae completae materialis.*

**S**Ypponitur, titulus quaestionis non denegare formæ substantiali, quod seipsa, & per suam intrinsecam entitatem sit proximè indiuidua, quandoquidem per suam intrinsecam entitatem immediatè respicit hanc potius materiam, quàm illam, qui quidem respectus transcendentalis est ipsi essentialis, ratione cuius redditur proximè, & immediate singularis; nihilominus titulus quaestionis mouet difficultatem circa rationem principij radicalis & omnino primi; Vtrum scilicet hæc ratio competat formæ tam respectu sui, quàm respectu totius compositi substantialis, aut substantiæ completae materialis. Aduertendum est, quod etsi vnitas, & distinctio numerica, seu materialis exerceatur in formis substantialibus, non tamen sequitur, quod ab illis, tanquã a prima radice, proueniat; sicut partes entitatiæ formaliter tales exercentur quidè in substantia materiali, cum sit diuisibilis in plures, easque diuersas, partes, nihilominus ipsa nõ est radix propria ipsarum, secundum quod formaliter tales sunt, (non enim cõpetit substantiæ esse formaliter extensam)

sed illæ proueniunt; vt à prima sua radice, à Quãtitate ipsa, cuius effectus proprius, & primarius est exêdere, & tribuere partes, vt in Log. Comp. & in lib. de Generat. probant, partes substantiales per nutritionem productas non habere à substantia, vel intra lineam eius, rationem partium, sed à Quantitate.

Circa præsentem difficultatem duplex est sententia. Prima asserit, Formam esse primum, & radicale principium indiuiduationis tam sui, quàm compositi substantialis. Ita Suarez disp. 5. Sect. 2. & alij. Secunda sententia denegat formæ rationem principij radicalis indiuiduationis. Ita communiter Thomistæ, sicut & nostri PP. Salmat. Tomio 1. Tract. 1. disp. dub. 1. Pro resolutione.

Dicendum est, Formam substantialem non esse principium indiuiduationis radicale sui, aut compositi substantialis.

Probatur primò, autoritate Aristot. 5. Metaph. cap. 6. in fine, ubi inquit: *Distinctione indiuiduorum intra eandem speciem prouenire ex diuisibilitate materiae*. Similiter 10. Metaph. Textu 25. docet: *principium primum unitatis, & distinctionis specificæ esse formam, materiam verò distinctionis indiuidualis, quam auctorit. exponens D. Thom. loco cit. lect. 1. sic inquit. Quia in composito est materia, & forma, hæc quidem est ratio, idest forma, quæ constituit speciem: hæc autem est materia, quæ est indiuiduationis principium, quæ*  
cun.

cunq̃ue contrarietates sunt in ratione, idest ex parte formæ, faciunt differre secundum speciem; Illa verò, quæ sunt ex parte materiæ, quæ sunt propria indiuidui, quod est acceptum cum materia, non faciunt differre secundum speciem. Huculque D. Thomas, qui hæc & in pluribus alijs locis docet, vt 2. contr. Gent. cap. 83. Item 1. par. quaest. 50. ar. 4. & alibi.

Probatur deinde ratione. Illud est principium radicale indiuiduationis, quod est prima radix vnitatis, & distinctionis numericæ, seu materialis. Sed forma substantialis nõ est prima radix vnitatis, & distinctionis materialis. Ergo nec poterit esse principium radicale indiuiduationis sui, aut compositi substantialis. Maior constat, tum ex principio stabilito in præcedenti quaest. Tum etiã, quia indiuiduum est quid vni. m. vnitatis numerica, ac materialis; vnde quod fuerit radix primæ vnitatis, & distinctionis materialis, & numericæ ipsius, erit principium radicale indiuiduationis eiusdem. Minor prob. Vnitatis consequitur rem, cuius est vnitatis, & ita talis est, qualis fuerit res, quam consequitur. Ergo cum formæ, quatenus forma, sit quid formale, & non materiale, vnitatis ipsam consequens erit formalis, & non materialis. Ergo etiam erit radix vnitatis formalis, seu essentialis, non autem materialis, seu numericæ. Hæc consequ. probatur, quia Forma, sicut & quæcunque res debet esse radix illius vnitatis,

quæ ipsam consequitur, non verò, quæ non consequitur ipsam. Ergo cum formam consequatur vnitatis formalis, & non materialis, vt ex antecedenti, liquet, illius non verò illius radix erit forma. Prior autem consequ. ex antecedenti sequitur manifestè. Anteced. verò faciliè ostenditur; Vnitatis siquidem, vt dictum est supra importat ipsamet entitatem cum indiuiduatione; Ergo qualis fuerit Entitas rei, talis erit & vnitatis ipsam consequens.

Sed dices, in forma duo inueniri, aliquid, quod se habet per modum materialis in ipsa, & aliquid, quod est formale; secundum priorem ergo rationem, forma erit principium, & radix vnitatis materialis, secundum posteriorem, vnitatis formalis. Et hoc manifestè patet in animabus rationalibus, quæ licet sint in seipsis formæ, tamen distinguuntur inter se materialiter, seu numericè, ab alijs verò animabus formaliter, seu essentialiter: similiter duo Angeli, qui formæ sunt prorsus à materia separata, distinguuntur inter se formaliter, & simul numericè, aut materialiter, proinde in ipsis dabitur aliqua ratio, quæ sit radix, licet distinctionis, sic & vnitatis formalis, vel essentialis, & aliqua, quæ sit radix distinctionis, & vnitatis materialis; Verum, his non obstantibus.

Contra sic. Vnitatis, & distinctio purè indiuidualis, seu materialis non potest procedere, vt à prima radice, nisi à materia. Ergo non

potest dici, quòd forma substantialis, secundum aliquam rationem, possit esse radix unitatis materialis. Consequatur. Antequam probetur. Tùm quia radix prima distinctionis, seu unitatis purè formalis non potest esse nisi forma, ex eo quòd unitas importat ipsammet entitatem rei, cum indiuisione, cuius est unitas, ut dictum est. Ergo similiter radix prima unitatis, & distinctionis purè materialis non poterit esse, nisi materia, ut patet ex paritate rationis. Tùm etiam, quia primum in vnoquoque genere est causa eorum, quæ sunt posita in illo genere, ut docet Aristot. Ergo unitas, & distinctio purè materialis debet provenire, ut à primo, (consequenter ut à radice) in rigore tali, in genere causæ materialis. Sed primum omnino, & in rigore tale, in genere causæ materialis est materia, & non forma. Ergo etiam ipsa erit prima radix unitatis, ac distinctionis materialis, ac per consequens unitas, & distinctio purè individualis non poterit procedere, ut à prima radice, nisi à materia, cum radix, & primum in vnoquoque genere non sit, nisi vnum.

Nec illæ allatæ instantiæ quidquam profunt: Nam quantum ad exemplum de pluribus animabus rationalibus resp. illas inter se distingui materialiter, non quia habeant in se radicem omnino primam talis distinctionis, sed quia essentialiter dicunt ordinem ad materiam, ut, ad terminum suæ

habitudinis, quæ est primum, & radicale principium indiuiduationis. Quantum ad exemplum de duobus Angelis resp. illud nõ esse ad propositum; Nam licet duo Angeli distinguantur inter se materialiter etiam, cum distinguuntur indiuidualiter, tamen illa distinctio non est purè materialis, aut indiuidualis, sed simul specifica, ac formalis; in Angelis enim unitas indiuidualis, & specifica nec virtualiter quidem inter se distinguuntur, ut infra dicetur. Nos autem in presenti non loquimur de unitate materiali, & indiuidua permixta cum unitate formali, sed solum præcisè de unitate purè indiuiduali.

Probatur secundò Conclusio. Quod est radix, & principium puræ limitationis rationis specificæ, est radix, & principium indiuiduationis purè indiuidualis, & è contra, quod non est radix talis limitationis, non poterit esse etiam indiuiduationis puræ. Sed forma non est radix puræ limitationis rationis specificæ. Ergo neque purè indiuidualis indiuiduationis. Maior constat, quia indiuiduum constituitur in ratione indiuidui per rationem limitantem naturam specificam, per quam ipsa redditur propria huius potius indiuidui, quam alterius. Ergo &c. Minor verò probatur. Forma est radix Physica, ex qua desumitur ratio specifica, quantum est ex parte suæ actualitatis, communicabilis pluribus ipsis capacibus; quandoquidem forma dat

rei

rei speciem, nō materia, vt omnes admittunt. Ergo ipsa non poterit esse radix puræ limitationis, & incommunicabilitatis eiusdē. Consequ. liquet, quia forma nequit esse radix, & causa effectuum contradiçtoriē oppositorum, præsertim in genere causæ formalis, aliās in ipsius entitatem tota huiusmodi oppositio refunderetur, ita, vt esset talis, & non esset; quod implicat; forma siquidem in genere causæ formalis proprium effectum non causat, nisi per exhibitionem propriæ entitatis; Ergo hoc ipso, quod sit radix prima rationis specificæ, quantum ex se, communicabilis pluribus, non poterit esse radix limitationis præcisē eiusdē. Sed si manendo radix Physica rationis specificæ, quantum est ex se, alijs communicabilis, esset etiā radix puræ limitationis eiusdem, seu incommunicabilitatis, esset radix, & causa effectuum oppositorum; esse enim radicem, & causam rationis cōmunicabilis alijs, & incommunicabilis, est esse causam oppositorum effectuum. Ergo etiam hoc ipso, quod forma sit radix Physica rationis specificæ ex se communicabilis pluribus, nō poterit esse radix limitationis eiusdem, & incommunicabilitatis.

*Argumentis in Contrarium fit satis.*

**O** Bjicitur primò Ex D. Tho. 1. Cont. gent. cap. 75. in solutione 1. rationis, & cap. 8. vbi

sic inquit. Sicut esse anima intellectualis non causatur per se à materia, sic nec eius unitas, aut indiuiduatio. Ergo non materia, sed ipsamet forma erit radix indiuiduationis.

Resp. cum nostris Salmat. Tomo 1. Traçt. 1. disp. 1. dub. 1. §. 6. S. Doçt. loco citato intendere, quod sicut anima intellectualis non habet esse dependens à materia, quia non educitur ex potentia ipsius, sicut aliæ formæ materiales, sic nec unitatem etiam indiuidualem consequentem esse indiuiduum ipsius; non tamen negat quod ipsius indiuiduatio dependeat à potentialitate materiæ, tanquam à subiecto eiusdem essentialiter receptiuo, ad quod illa essentialem dicat habitudinem, (vt idem S. Doçt. docet de spirit. Creat. a. 9.). & à quo, prout iam disposito, occasionetur, sicut productio, sic & indiuiduatio eiusdem, sicut ostendit idem S. Doçt. de ente, & essentia cap. 6. Et ita licet verum sit, quod anima nostra, utpotē subsistens, habeat esse independentem à materia, ex qua educatur, sicque, & indiuiduationem, attamen in illo priori, in quo concipitur producta per creationem, & nondum recepta in materia, dicit habitudinem intrinsecā ad materiam, tanquam actus ad essentialiter sibi correspondentē potentiam, non ex qua educi, sed in qua debeat recipi, & compleri secundum suam essentiam, sicut pars vnita cum sua comparte, completur in suo toto, quod simul

constituunt; Vnde ideò anima creatur hæc, aut indiuidua, quia debet recipi in hac materia, ex qua iam disposita occasionatur ipsius productio. De his ex eodem plura apud Salmat. loco citato.

Obijcitur ex D.Tho. quæst. vni-  
ca de anima 2. 1. ad 2. vbi dicit.  
*Vnumquodq; secundum idem, habet  
esse, & indiuiduationem.* Ergo forma  
erit principium radicale indiuidua-  
tionis. Conseq. quia si per illud,  
iuxta D. Tho. habet aliquid In-  
diuiduationem, per quod esse,  
quod fuerit principium essendi,  
erit & indiuiduationis. Sed forma  
est principium primum, & radica-  
le essendi, non verò materia, cum  
hæc non, nisi participatum à for-  
ma, habeat esse. Ergo forma erit  
etiam indiuiduationis primum, &  
radicale principium.

Resp. S. Doctorem loco cit. tan-  
tum velle, quòd idem sit suscep-  
tuum existentie, & indiuiduum,  
*ut quod*; siquidem existentia non  
recipitur, nisi in supposito, seu sub-  
sistenti, ut Quod, ut infra ostende-  
tur; ex quo tamen non licet infer-  
re, quòd idem sit radix indiuidua-  
tionis, & existentie, nam cum  
existentia sit actus perfectissimus,  
non potest refundi, ut in suam ra-  
dicem, nisi in formam, quæ est  
quid perfectissimum in linea es-  
sentiali; è contra verò, quia pura  
indiuiduatio limitationem, & po-  
tentialitatem affert, debet, tan-  
quam in primam radicem, & cau-  
sam generis potentialis, referri in  
materiam primam, quæ est quid

primum in linea potentiali.

Obijcitur tertio. Principium  
primum, & radicale indiuidua-  
tionis purè indiuidualis debet es-  
se intrinsecum ipsimet indiuiduo,  
& maximè proprium ipsius, ut est  
hoc indiuiduum, sicut principium  
specificationis rei specificæ debet  
esse intrinsecum, & maximè pro-  
prium eiusdem. Sed forma est in-  
trinsecum principium indiuidui,  
& maximè proprium, ut confide-  
ranti patet, secus autem materia,  
quia eadem materia, quæ nunc  
constituit vnum indiuiduum, po-  
stea aliud constituet. Ergo forma  
substantialis erit primum, & radi-  
cale principium indiuiduationis.

Resp. Concessa Maiori, Negan-  
do Minorem: Ad cuius probat.  
dicitur cum distinct. Eadem ma-  
teriz, quæ nunc constituit hoc in-  
diuiduum, &c. eadem negatiue;  
Cōcedo; eadem posituiue; Nego, &  
Negatur Conseq. Quia materia  
prima non est principium indiui-  
duationis huius indiuidui, ut est  
vna negatiue, sed ut vna posituiue:  
Hoc autem modo sumpta, est ma-  
gis propria huius indiuidui, & in-  
trinseca, quam forma substantialis  
quia forma non est propria huius  
indiuidui, nisi ratione huius ma-  
teriz, quam respicit; (forma siqui-  
dem est radix speciei, quæ quan-  
tum est ex se, omnia indifferenter  
respicit indiuidua) & ideò mate-  
ria, ut est posituiue vna, erit magis  
propria huius indiuidui, iuxta il-  
lud. *Propter quod vnumquodq; tale,  
& illud magis.*

Obijcitur quarto. Materia  
prop;

propter hoc dicitur principium radicale individuationis, quod limitat formam ad esse huius, & non alterius individui. Sed etiam formæ competit limitare materiam. Ergo forma erit principium radicale individuationis.

Resp. disting. Maiorem. Propter hoc dicitur principium individuationis, quia limitat formam utrunque; Nego; quia limitat conformiter ad naturam gradus individualis; Concedo. Similiter distinguitur Minor: Formæ competit limitare materiam conformiter ad naturam gradus individualis; Nego, conformiter ad naturam gradus specifici; Concedo, Et Negatur Conf. Ad hoc enim, ut forma, limitando materiam, esset principium radicale individuationis, deberet illam limitare conformiter ad naturam gradus individualis, quod tamen non præstat, bene autem materia, & ideo ista erit principium radicale individuationis purè individualis.

Explicatur solutio: Nam de ratione gradus purè individualis est ita contrahere gradum specificum, ut per huiusmodi contractionem, ac limitationem reddatur incommunicabilis alteri individuo per modum actus, prout natura ipsius requirit; & ita illud, quod reddet formam, à qua desumitur gradus specificus, alteri incommunicabilem per modum actus, ratione contractionis, & limitationis eiusdem, limitabit eam conformiter ad naturam gradus

pure individualis. Sed materia limitat formam hoc modo, cum ipsam per receptionem sui reddat incommunicabilem alteri materiæ. Ergo eam limitabit limitatione conformi gradui purè individuali. Cæterum forma substantialis, etsi limitet quoque materiam per informationem eiusdem ita, ut ex indifferenti ad diuerlas specificationes sibi comunicabiles, ad hanc potius, quam illam speciem coarctetur, sicque perficiatur, & auctetur, non tamen per huiusmodi limitationem impeditur, quo minus sit communicabilis secundum actualitatem, seu specificationem, quam habet ab actu, quia actus limitans potentiam (qualiter se habet forma respectu materiæ) tollit quidem indifferentiam potentialem, non tamen actuaalem, sed potius ponit. Limitatio autem relinquens communicabilitatem per modum actus, non est conformis naturæ gradus individualis, sed potius dissimilis, ut ostendimus. Ergo & limitatio formæ, qua limitat materiam, cum sit talis, non erit conformis eidem; bene autem limitatio, qua limitat materia formam: Et ideo ratio primæ radice individuationis purè individualis potius materiæ, quam formæ, erit tribuenda.

Aduerte in fine pro solutione plurium argumentorum, quod materia, licet non sit huius propria individui magis, quam alterius, secundum suam identitatem negatiuam, secus tamen si summa;



tur secundum identitatem positivam: Vnde quamvis forma, ut est hæc, compleat indiuiduationem, compositi substantialis, non tamen prius tribuit illam, sed prima radix erit ipsamet materia secundum identitatem numericam positivam considerata. Cuius ratio est, quia indiuiduatio, & distinctio purè indiuidualis est unitas, & distinctio materialis, sicut specificatio, & distinctio specifica est unitas, & distinctio formalis, & ita tanquam in primas radices, distinctio materialis, & distinctio formalis, seu specifica debent refundi in illa, quæ in tali linea fuerint quid primum, iuxta illud. (*Primum in unoquoque genere est causa cæterorum.*) Cum ergo in linea materiali primum quid sit materia, tanquam prima potentia, in linea formali ipsamet forma substantialis, utpotè primus actus, ita specificatio, quæ est quid formale, tanquam in primam radicem, refundetur in formam substantialem; sicut indiuiduatio, tanquam pertinet ad lineam materialem, in ipsammet materiam primam, quæ est quid primum in linea ista, refundi debebit.

\*\*\*\*    \*\*\*\*  
 \*    \*    \*    \*  
 \*    \*    \*    \*

## QVAESTIO III.

*Vtrum materia prima signata quantitate, sit primum principium indiuiduationis.*

**P**ostquam iam in precedenti Quæstione ostensum est, non formam substantialem, sed materiam primam esse principium radicale indiuiduationis substantiæ materialis completæ, nunc remanet ostendendum, quonam modo materia prima sit huiusmodi principium; vtrum scilicet nudè sumpta, an verò, ut signata quantitate; pro cuius intelligentia.

Supponendum est primò, materiam quantitate signatam posse tripliciter accipi. Primò, ita ut concipiatur materia affecta formali quantitate. Secundò, ita ut concipiatur modificata per quendam modum substantialem sibi superadditum, ratione cuius ita determinatur, ut hanc potius exigat, quàm aliam quantitatem. Tertio, ita ut intelligatur ipsamet materia secundum suam nudam entitatem, non absolutè, sed cum quodam connotato, hoc est, ut concipiatur tanquam præhabens, per modum primæ radices, hanc potius quantitatem, quàm aliam, seu, ut nost. Salmat. Tomo 1. Tract. disp. 1. dub. 2. cum alijs explicant, quatenus per modum primi principij, & radicalis dicij

con:

connexionem, vel habitudinem ad hanc quantitatem, & non ad illam. Præsentis ergò quæstionis titulus non procedit de materia signata aliquo determinato ex his tribus modis, sed de materia signata quantitate, quocunque ex illis, utrùm scilicet materia sit principium radicale individuationis, ut signata quantitate, aliquo ex modis recensitis, an vero secundum se præcisè, & nudè sumpta.

Supponendum secundò cum Nazario 1. p. q. 3. a. 2. controuer. vnica, radicale principium individuationis, quod materiam esse diximus, dupliciter posse dici principium, positiuè scilicet, & negatiuè. Tunc dicitur materia esse positiuè principium individuationis, quando per sui positionem concurrat ad individuationem rei, ut contingit in substantia materiali. Tunc autem dicitur esse negatiuè principium individuationis, quando per negationem suæ entitatis concurrat, ut contingit in Angelis, in quibus est negatio materiæ physicæ, adest tamen aliquid, quod per quædam appropriationem competit materiæ, scilicet, non recipi in alio, ut in subiecto, ( hoc namque primo omni subiecto, qualis est materia physica, per appropriationem, & antomasiā conuenit ) quia Angeli, cum sint formæ subsistentes, & irreceptibiles in materia, non possunt recipi in alio, ut in subiecto. His ergo præsuppositis.

Duplex est Sententia circa nostram difficultatem. Prima Alberti, quem refert Flandria 7. Metaph. quæst. 22. ar. 1. & aliorum aliorum alicentium, materiam primam secundum se præcisè sumptam, non verò ut sigillatam quantitate, esse principium radicale individuationis compositi substantialis. Secunda huic è diametro opposita est communis Thomistarum; Igitur

Dicendum est, Materiam primam, ut sigillatam quantitate, esse principium radicale totius compositi substantialis, proinde tam sui, quàm formæ substantialis. Probat in primis authorit. Aristot. & D. Thom. Et quidem Aristot. 5. Metaph. Textu 12. sic habet. *Amplius autem alia secundum numerum sunt vnum, alia secundum speciem, alia secundum genus, alia secundum analogiam: numero quidem, quorum materia vna. Quem locum exponens D. Tho. sic inquit. Ponit aliam diuisionem Vnius, quòd quedam sunt vnum numero, quedam specie, quedam genere, quedam analogia. Numero quidem sunt vnum, quorum materia est vna; Materia enim, secundum quòd stat sub dimensionibus signatis, est principium individuationis formæ, & propter hoc ex materia habet singulare, quod sit vnum numero diuisum ab alijs. Idè docet Angelicus Doctor supra Boetium de Trinit. q. 4. ar. 2. ad 1. de Essentia cap. 2., 4. sentent. distinct. 12. q. 1. ar. 1. quæstiunc. 3. ad 3. & alibi sæpè, vti videre est apud*

apud nostr. Salmat. loco sup.cit.

Nec valet, si ad allatas authoritates replices cum Suarez, Aristotilem, & D.Tho.locutos esse, locis citatis de principio individuationis, non in esse rei, ac physico, sed in cognoscendo, in quantum per diuersam quantitatem cuiuslibet individui, diuersaque accidentia, distinctionem ipsius ab alio colligimus.

Non, inquam, hoc valet: Nam, ut eruditè nostri Salmat. loc. modo cit. ostendunt, Aristoteles in eodem textu egit de vnitae analogæ, genericæ, & numericæ, & de duabus prioribus egit in esse rei, cum ipsis assignauerit propriam radicem in esse rei, ut consideranti patet. Ergo etiam debuit facere idem, loquendo de vnitae numericæ, aliàs insufficientè, & diminutè locutus fuisset. Maximè, quia, ut constat ex quest. præc. materia tantum potest esse principium radicale individuationis, ut est determinata ad hoc individuum, quam determinationem habet ex sigillatione ad quantitatem ( ut mox ostendetur ) hoc autem totum competit ipsi in esse rei. Ergo cum taliter de illa loquatur Aristoteles, loquitur de illa, ut est principium individuationis in esse rei, non autem in cognoscendo præcisè.

Vnde hæc Suarij replica est contra mentem S. Thomæ, ut citat Salmat. suus ostendunt: sufficiat nobis vnicius locus Doctoris S. Opusc. 79. ubi expressè distinguit quantitatem à cæteris ac-

cidentibus in hoc, quòd alia accidentia solum sint principium cognoscendi distinctionem individuorum; quantitatem verò aliter esse principium individuationis: Ex quo patet, quòd etiam in esse rei sit principium ipsius, aliàs non esset inter illam, & reliqua accidentia alia distinctio, quam tamen assignat Doctor S. Quando autem dicit idem S. Doctor, dimensiones non causare individuum, sed demonstrare per modum signi, intelligendus de dimensionibus formalibus, & accidentalibus, non autem, ut præhabitis, & præcontentis in materia, ut in prima radice, de quibus nos loquimur.

Ratio prima desumitur ex D. Thom. quæ probatur concl. primò sic. Radix substantiæ materialis, in ratione substantiæ primæ, est radix individuationis ipsius. Sed materia signata quantitate est radix substantiæ materialis in ratione primæ. Ergo erit radix, & individuationis ipsius. Maior patet; nam ratio substantiæ primæ consistit in hoc, quòd sit individua, & singularis, ut docet Aristot. in Prædicamen. cap. de Subst. Ergo quod fuerit radix substantiæ materialis in ratione substantiæ primæ, erit etiam radix individuationis eiusdem. Minor ostenditur, quia substantiæ primæ in ratione primarum, constituitur per hoc, quòd nec sint in subiecto, nec de illo dicantur, ut patet ex Logica in Prædicam. Ergo illud, à quo, tanquam à prima radice, proueniet in ipsis, nec esse in subiecto, nec

nec dici de illo, erit radix primiti-  
tatis ipsarum, vel quod sint primi-  
mæ. Sed à materia prima signata  
quantitate, tanquam à prima ra-  
dice, prouenit non esse in subie-  
cto, nec de illo consequenter di-  
ci, cum dici, *de*, præsupponat *esse*  
*in*. Ergo materia, vt signata quan-  
titate, erit radix substantiæ mate-  
rialis in ratione primæ. Minor ista  
prob. quia primum in vnoquoque  
genere est causa, & radix eorum,  
quæ sunt postea in tali genere, vt  
docet Aristot. 2. Metaph. Tex. 30.  
Sed in genere, seu linea non essen-  
di in subiecto primò conuenit  
materiæ signatæ, cum ipsa sit pri-  
mum subiectum, primaq; poten-  
tia omninò irreceptibilis in alio.  
Ergo à materia, &c.

Dices, ex hac ratione conuinci  
tantum, quod materia prima sit  
radix indiuiduationis secundum  
se, & præcisè sumpta, non autè,  
vt signata quantitate, quando-  
quidem non esse in subiecto ipsi  
competit secundum se, & inde-  
pendenter à quantitate: Sed

Contra est: Nam licet non esse  
in subiecto absolutè competat  
materiæ secundum se præcisè sum-  
ptæ, non tamen non esse in subie-  
cto, vt hoc exercetur in determi-  
nata substantia; quod tamen re-  
quititur ad esse radicem comple-  
tam indiuiduationis. Ratio huius  
est; nam materia prima, secun-  
dum se præcisè, non exercet istam  
rationem, quæ est, non esse in sub-  
iecto, in determinata substantia,  
nisi per aliquid ad illem determi-  
netur, cum ex se sit indifferens ad

omnes: hanc autem determina-  
tionem accipit à quantitate ( vt  
mox patebit. ) Ergo licet non  
esse in subiecto competat ipsi se-  
cundum se præcisè sumptæ, non  
tamen, vt hoc exercetur in deter-  
minata substantia competit eidè,  
nisi prout fuerit signata quanti-  
tate. Vel etiam dici potest, quod  
non esse in subiecto secundum  
indiuiduionem, & incommunica-  
bilitatem negatiuam competit  
materiæ primæ secundum se, non  
non autem secundum incommu-  
nicabilitatem positiuam, sed hoc  
habet ex sigillatione ad quanti-  
tatem.

Prob. Concl. secundò. In substā-  
tia materiali cōpleta nihil intrin-  
secè cōstituens inuenitur in ratio-  
ne indiuidui, pertinens ad prædi-  
camentum substantiæ, nisi mate-  
ria, & forma, vt ex Phys. patet. Sed  
principium radicale indiuiduatio-  
nis nequit esse forma, vt in præ-  
cedenti quæst. ostensum est, neq;  
materia præcisè sumpta. Ergo  
erit materia, vt signata quantita-  
te. Conseq. à sufficienti enume-  
ratione patet, sicut & Maior. Mi-  
nor autem quoad secundam par-  
tem probatur. In indiuiduatione,  
scū potius in gradu indiuiduali  
duar rationes inadæquatæ inue-  
niuntur, scilicet limitare rationē  
specificam in genere causæ mate-  
rialis, eamque reddere incommu-  
nicabilem alteri per modum for-  
mæ, & actus; deinde reddere indi-  
uiduum incommunicabile per mo-  
dum potentæ alteri formæ eius-  
dem rationis specificæ, cum vnū  
in;

Individuum in omnium sententia, à duabus formis substantialibus eiusdem rationis nequeat constitui. Sed talium rationum simul sumptarum radix adæquata nequit esse materia secundum se præcisè sumpta, bene autem, ut signata quantitate. Ergo principium radicale &c. Minor prob. Nam licet materia prima, secundum se præcisè sumpta, possit esse radix limitationis formæ ita, ut illa reddat incommunicabilem, per modum actus, quandoquidem ipsi, ut potè puræ potentia, recipi in alio, sicq; communicari per modum actus repugnat, tamen non potest esse radix incommunicabilitatis per modum potentia, secundum se præcisè sumpta, nam ipsi taliter sumpta non repugnat pluribus formis eiusdem speciei communicari, prout patet ex ipsa natura primæ potentia, qualis est materia prima. Ergo non poterit esse radix veriùq; rationis in gradu individuali inuentæ, secundum se præcisè sumpta. Ergo debet adiungi alicui alteri, quod ipsam reddat incommunicabilem formæ alteri eiusdem rationis. Sed hanc incommunicabilitatem materia habet à quantitate, qua signatur. Ergo non erit radix individuationis, aut gradus individualis adæquata, nisi ut signata quantitate. Minor ista prob. quia nulli formæ, præterquam quantitati, conuenit ex se diuidi in partes eiusdem rationis, (ut infra dicetur) quarum una non habeat se respectu alterius, ut potentia;

partes siquidem quantitatís non uniuntur per modum actus, & potentia, sed per continuationem, ut constat ex lib. Physic. Ergo incommunicabilitatem per modum potentia alteri formæ eiusdem rationis materia prima nõ aliundè habebit, quam à sigillatione ad quantitatem: ut autem hic ratio cuidam obiectioni respondeatur.

Aduertendum est, quòd licet forma substantialis habeat incapacitatem recipiendi formam substantialem eiusdem rationis, non tamen hoc ipsi competit ex ratione sua specifica, & essentiali, sicut conuenit quantitati, sed tantum ex ratione individuali; proinde non per se primò hoc competit formæ substantiali, bene autem quantitati, atque ita radix huius incapacitatis potius erit quantitas, quam forma; illud siquidem potius est radix alicuius rationis, cui competit primò, per se, & essentialiter, quam illud, cui sic non cõpetit. Quòd autem formæ substantiali cõpetat incapacitas recipiendi formam eiusdem rationis ex ratione solum individuali, & non specifica, sicut quantitati, patet ex eo, quia quantitati diuidi in partes eiusdem rationis competit essentialiter, quarum una non se habet, ut potètia receptiua respectu alterius; cum de essentia ipsius sit habere partes eiusdem rationis. At verò formæ substantiali non conuenit diuidi in partes eiusdem rationis, scilicet in diuersa individua, nisi propter diuersas rationes indi-

diuiduales, si enim hæ non essent, illa esset vna indiuisa, & in multiplicata in diuersa eiusdem rationis, vt S. Thom. probat de albedine separata; & ita formæ substantiali incapax recipiendi aliam formam eiusdem rationis, ex sola ratione indiuiduali, competet.

*Diluuntur argumenta contraria.*

**O**bjicitur primò ex D. Thom. qui in diuersis locis, præcipue in opusc. sc. de indiuid. asserit, materiam primam esse principium indiuiduationis, nulla facta mentione quantitatis; immò in dicto Opusc. absolutè dixit, solam materiam esse principium indiuiduationis.

Resp. solutionem huius argumenti ex quæst. huius disp. patere satis. Cæterum potest adhuc responderi, S. Doctorem loqui de principio indiuiduationis comparatiuè ad formam substantialem, & idèò dicit, solam materiã esse principium indiuiduationis, cum forma substantialis principium radicale nullo modo esse possit.

Accedit, quòd materia, vt sigillata, à seipsa præcisè sumpta non distinguitur realiter, & ita etsi intelligatur materiam, vt sigillatam, esse principium indiuiduationis primum, bene potest dici, quòd sola sit huiusmodi principium.

Obijcitur secundò. Ità se habet materia ad rationem indiuidua-

lem, sicut forma ad rationem specificam. Sed forma substantialis, secundum se præcisè, est radix specificationis. Ergo etiam materia, secundum se præcisè, erit radix indiuiduationis.

Resp. disting. maiorem. Ita se habet &c, si cætera sint paria; Concedo, si disparia; Nego. Sunt autem cætera disparia; nam forma substantialis, ex se est determinata ad tribuendam hanc potius speciem, quàm aliã, quia tantum vnica, & eandem tribuere semper apta nata est speciem, ex eo, quod sit actus quidam, qui indispensabiliter secum determinationem affert; iam verò materiæ primæ, secundum se præcisè sumpta, non habet sufficientem determinationem ex se ad tribuendam hanc potius indiuiduationem, quàm aliã, cum ex se sit potentia indifferens, sicut ad recipiendas diuersas formas, sic ad constituenda diuersa indiuidua, & idèò requirit aliquid aliud se determinans ad hoc, vt sit principium huius potius indiuidui, quàm alterius, quod nihil aliud esse ostendimus in hac quæstione, quàm quantitatem.

Obijcitur tertio. Gradus genericus non petitur à materia, vt determinata per quantitatem. Ergo nec gradus indiuidualis, quia vterque est potèntialis, & præterea desumitur vterque à materia, & idèò eadem ratio erit de vtroque.

Resp. negan. Conseq. Disparitas est; Nã gradus genericus non est vltimò determinatus, vt am-

**Q d d** plius

plius non sit determinabilis, cum determinetur per differentias específicas, & individuales; proinde potest desumi à materia non omnino determinata, sed determinabili, sique à materia secundum se. Ceterum gradus individualis est omnino victima determinatione determinatus, ita ut amplius nequeat per aliquam differentiam determinari, & ideo debet desumi à materia iam determinatæ ultimæ: hanc autem determinationem, cum non habeat materia secundum se, sed a sigillatione, ad quantitatem, consequens est, ut gradus pure individualis nequeat desumi à materia secundum se præcisè sumpta, sed ab illa, ut sigillata quantitate.

Obijcitur quartò. Materia prima ex se est incommunicabilis alteri, cum sit irreceptibilis in alio, utpotè prima potentia. Ergo ex se radix erit individuationis, quia individuum, in ratione talis, constituitur per omnimodam incommunicabilitatem: Ergò, quod fuerit ex se radix talis incommunicabilitatis, erit etiam ex se radix individuationis individui. Cum igitur materia prima sit ex se incommunicabilis alteri, erit quoque radix individuationis.

Resp. cum distinct. Materia prima ex se est incommunicabilis negativè; Concedo: positivè; Nego. Ad principium autem individuationis requiritur incommunicabilitas positivæ, sicut & illa, quæ in individuo inuenitur, est positivæ, & ideo hoc ipso, quòd mate-

ria prima ex se careat incommunicabilitate positivæ, carebit etià hoc, quod est, esse radicem individuationis: Carentia autem incommunicabilitatis positivæ in materia colligitur ex carètia unitatis positivæ; incommunicabilitas enim importat quandam individuationem, quæ est de ratione unitatis, & ità esse aliquid incommunicabile positivè, erit idem, ac esse unum positivè unitate maxima; Cum ergo materia prima nò sit ex se una positivè unitate maxima, qualis est individualis, videntur Nost. Complut. in Phys. sed illam acquirat ex sigillatione ad determinatam quantitatem, consequens est, quòd etiam nequeat habere ex se incommunicabilitatem positivam requisitam ad esse radicem individuationis.

#### QVAESTIO IV.

*Utrum materia prima, ut signata formali quantitate, aut ut determinata per aliquem modum substantialem, sit radix individuationis.*

**P**ostquam ostensum est in præcedenti quæstione, materiam primam non esse principium radicale individuationis, secundum se præcisè sumptam, sed quantitate signatam; modò remanet explicandum, quomodo, aut quali-

et signetur quantitate in ordine ad hoc, ut possit esse principium radicale indiuiduationis: Pro cuius intelligentia.

Supponendum est primò, in indiuiduo duo inueniri, scilicet esse indiuitum in se vltima diuisione, seu esse incommunicabile eo modo, quo superius communicatur inferiori, & esse eodem modo diuisum à quolibet alio. Et licet aliqui inferius citandi asserant priorem rationem absolute prouenire à materia, posteriorem verò à quantitate formali, tamen, quidquid de hoc sit, negari non potest, quòd per quandam accommodationem esse incommunicabile possit tribui materiae, & esse diuisum ab alio quantitati, ut doctissimè, & subtilissimè nost. Salmat. Tomo 1. Tract. 1. disp. 1. dub. 3. ostendunt. Ratio huius est: Nā esse incommunicabile, in huiusmodi sensu, dicit negationem communicabilitatis illius, qua vniuersale communicatur alteri, ut subiecto inferioritatis, & praedicationis; proinde dicit negationem essendi in alio, ut in subiecto, cum dici de, praesupponat esse in: Negatio autem essendi in alio, ut in subiecto, sicque communicabilitatis iam explicatae, per accommodationem appropriatam nulli competit eo modo, sicut materiae, quae, cum sit omnino primum subiectum, nequit communicari alteri, ut subiecto, aliàs non esset omnino primum. Iam verò esse diuisum ab alio maximè accommodari, & appropriari debet qua-

titati, quia maximè proprium est quantitatis esse ex se diuisam, cū ex se, & essentialiter significet distinctionem, & diuisionem partium, siue esse diuisibilem in plura eiusdem rationis, ut inferius ostendetur, & ita per appropriationem quandam esse diuisum, ipsi tribui debet, vltima diuisione.

Supponendum secundò, quòd quamuis materia prima praecise sumpta, & non, ut praehabens hanc potius quantitatem, quam aliam, nequeat esse sufficiens radix indiuiduationis quoad esse incommunicabile, seu indiuisum in se vltima diuisione, est tamen, secundum hanc rationem, radix eiusdem, licet ex se insufficiens, respectu dictae incommunicabilitatis; proinde materia prima, prout est vna numero negatiue, poterit esse prima radix, licet insufficiens, indiuiduationis. Ratio huius desumitur ex ipsa differentia, quae intercedit inter vnitatem numericā, & specificā compositi substantialis; Vnitas quippe specifica incipit ab vnitatem specifica positiuā, quandoquidem oritur à forma habente vnitatem specificam positiuam, & terminatur ad vnitatem specificam negatiuam materiae primae, cum ipsi tribuat rationem positiuā. At verò vnitas numerica radicalis incipit ab vnitatem negatiua, quia, cum sit materialis, debet tanquam à prima radice, prouenire ab ipsamet materia, quae, secundum se, non est vna numero positiuē, sed negatiue tantum: Unde materia prima, secundum

D d d a dūm



dum se præcisè sumpta, & vt est vna numero negatiue, erit radix indiuiduationis, licet ex se insufficientis. Et exemplificatur hæc ratio radice insufficientis in intellectu. Ratione: Intellectio, secundum se, vt intellectio, procedit ab intellectu, vt à primo principio sui; secundum verò speciem suam, vt à prima radice, oritur à specie intelligibili, ita tamen, quod nec solus Intellectus sit sufficiens principium influens in intellectionem, vt intellectione est, sine specie intelligibili, nec species intelligibilis sit sufficienter influxiua in intellectionem secundum suam speciem consideratam, sine intellectu; Et ideo etsi radicale, (vt sic dicamus) & primum principium in intellectionem, vt sic, influens, sit ipsemet intellectus, & in eandem, secundum suam speciem consideratam, sit species intelligibilis; neutrum tamen, secundum præcisionem sumptum, erit sufficiens, sed tantum insufficientis principium. Proportionali ergo modo discurrendum est de materia prima, vt dicitur principium indiuiduationis vna cum quantitate præhabita; de qua inferius.

Supponendum tertio, duplex esse genus partium, & totorum: alie vocantur entitatiue, seu eiusdem rationis, quæ integrantes totum continuum ex eis confurgens. Alie dicuntur subiectiue, aut quasi subiectiue, & eiusdem rationis, quibus correspondet totum vniuersale, aut quasi vniuersale, & athomum; Partes verò huiusmodi, nil aliud sunt, quam plura indiui-

dua, aut partes singulares alicuius speciei, solo numero diuersæ, quæ sub specie, aut quasi specie aliqua athoma continentur. Ideo autem vocantur partes subiectiue, quia totum aliquid, aut quasi totum, vniuersale, diuiditur in illa, tanquam in sibi subiecta inferiora, participantia eandem, aut saltem quodammodo eandem naturam athomam, quamuis possit contingere, quod vtraque pars, seu vtrique ex his inferioribus, sit verum totum actuale, licet ex se vtraque pars, aut earum aliqua, non habeat partes entitatiuas, & eiusdem rationis: Vnde duo aliqua possunt inter se distingui, vel sicut vna pars integralis ab alia integrali distinguitur, vel sicut vna pars subiectiua, & eiusdem rationis, contenta sub aliqua specie, aut quasi specie, distinguitur ab altera, quo præmisso.

Supponendum quarto, & aduertendum est pro intelligentia dicendorum infra, quod licet materiam vnam distingui ab alia per modum partis entitatiue, seu integralis, proueniat à quantitate formali, cum substantia ex se non habeat partes entitatiuas, sed tantum à quantitate ipsi communicentur, vt effectus formalis eiusdem, sicut insigniter ostendunt noster. Complut. in lib. de Generat., attamen quod vna materia distinguitur ab alia, prout vna pars subiectiua, aut quasi subiectiua, condistinguitur à sua consimili parte, non prouenit à quantitate formali, & inharrente, sed tantum

à ra-

à radicali, & præhabita, quia, vt mox ostendemus, albedo separata à quantitate formali, esset adhuc indiuidua, & distingueretur ab alia indiuidua, vt est pars subiectiua, cum tamen non esset coniuncta cum quantitate formali.

Supponendum quintò pro intelligentia difficilis cuiusdam authoritatis D. Thom. ex Quodlib. 7. a. 10. citari solite, quòd albedo v.g. vt est hæc, & indiuidua sensibilibiter, nequeat dari sine quantitate, non tamen, vt est indiuidua indiuiduatione, secundum suam præcise intrinsecam, spectata: Quod nost. Salm. Tract. de princ. indiuid. disput. 1. dub. 3. §. 4. præclare deducunt ex D. Tho. dicente: *Posse fieri diuino miraculo, vt natura albedinis subsisteret sine quantitate; illa tamē albedo nō esset, sicut hæc albedo sensibilis.* Vbi S. Doctor hoc ipso, quòd dicat, albedinem posse subsistere sine quantitate, insinuat etiam separatam à quantitate posse esse indiuiduam indiuiduatione intrinseca, cum in ipsius sententia nil possit esse subsistens, nisi singulare, & indiuiduum, ex ea verò parte, ex qua dicit, albedinem sine quantitate nō posse esse albedinem *hanc* sensibilem, innuit, quoad extrinsecam indiuiduationis albedinis, scilicet quoad singularitatem in ratione perceptibilis sensu externo, eam non posse esse *hanc*, vel indiuiduam.

Nec valet, quòd loco citato S. Doctor albedinem separatam à quantitate, dixerit, fore formam

quandam intelligibilem ad instar formarū separatarum, quas Plato posuit, quæ tamen non sunt indiuiduæ, sed vniuersales.

Non, inquam, valet hæc replicata: Sanctus enim Doctor æquiparauit albedinem separatam, non quoad omnia, idæis Platoniceis, sed tantum quoad aliqua; nec comparauit quantum ad vniuersalitatem, cum ibidem expressè dicat, quòd albedo separata à quantitate posset subsistere diuino miraculo: subsistens autem est singulare, & non vniuersale in sententia S. Doct. sed comparauit prædictā albedinē idæis quoad hoc, quod est, non esse formas sensibiles, sed abstrahentes à materia sensibili, nō tamen intelligibili, sicut etiam idææ Platoniceæ ab illa, non autē ab ista, abstrahant: & ob hanc considerationem S. Thom. sic abstractam albedinem asseruit fore spirituales, non autem corporales, spiritualitate accepta pro immaterialitate opposita materialitati sensibili, non verò etiam intelligibili. His ita præsuppositis.

Circa excitatam quæstionem, triplex est sententia. Prima est. Nazarij 1. p. q. 1. ar. 3. contr. vnica, qui dicit. Materiam primam, vt quantitate formali affectam, esse principium indiuiduationis; dicitque primam radicem indiuiduationis indiuidui, secundum quòd importat indiuiduonem in se, esse materiam primam; secundum quòd verò importat diuisionem, & distinctionem ab alio; esse

esse quantitatem formalem: Eandem sententiam defendit, & Ferrar. contr. Gent. cap. 21. Soncinn. Metaph. 7. quæst. 34.

Secunda Sententia est Suarez 1. Tomo Metaph. disput. 5. Sect. 3. n. 21. Principium radicale indiuiduationis statuentis Materiam primam, ut affectam modo quodam substantiali ab ipsa ex natura rei distincto.

Tertia Sententia est negatiua, & impugnatiua vtriusque. Pro resolutione.

Dicendum est primò, Materiam primam, ut affectam quantitate formali, non esse principium radicale indiuiduationis formæ substantialis, aut totius Compositi Substantialis. Ita Aristotol. & D. Thomas, locis referendis, Flandria 7. quæst. 39. art. 4. Capreolus 2. dist. 3. quæst. 1. art. 3. Ægydius quodl. 1. q. 5. art. 1. Iauell. 5. Metaph. quæst. 15. Zumel. 1. p. q. 3. ar. 2. Tract. de Principio Indiuiduationis controu. 2. Gonzales 1. p. q. 11. ar. 1. disp. 23. Caietanus, Bannes, quos referunt, & sequuntur nostri Salmat. Tomo 1. Tract. 1. disp. 1. dub. 3. Item nost. P. Philipp. 3. p. suæ summæ Philosophiæ q. 6. art. 3. Noster P. Blas. suæ Metaph. lib. 1. disp. 3. quæst. 4.

Probatur Conclusio, primò auctoritate Aristotelis, qui in Prædicamento dicit: *Primam substantiam, seu indiuiduum esse maximam substantiam*. Si autem indiuiduum in suo conceptu includeret, ut formam intrinsecè constituentem, quantitatem, non es-

set maxima substantia collata cum idæis, cum hæc nihil includunt accidentale in suo cōceptu. Ergo sentit Aristot. quòd indiuiduum, seu substantia prima in suo conceptu non includat quantitatem formalem. D. Tho. etiam Opusc. 70. supra Boetium quæst. 4. a. 2. sic inquit. *Ad secundum dicendum, quòd dimensiones, cum sint accidentia, per se non possunt esse principium unitatis indiuidue substantia, sed materia, &c.* Hoc ipsum docet Opusc. 29. item Opusc. 32. cap. 3. sic loquitur. *Dicitur, quòd materia sub certis dimensionibus est causa indiuiduationis, non quòd dimensiones causent indiuiduum, cum accidens non causet suum subiectum, sed quia per dimensiones certas demonstratur indiuiduum hic, & nunc, &c.* Ex quibus, & alijs locis D. Thom. (ut videre est apud nost. Salmat. loco citat.) patet, formam accidentalem (qualis est quantitas) secundum suum esse formale sumptâ, non posse intrinsecè constituere indiuiduum, siquæ nec materiâ esse radicem indiuiduationis, ut quantitate formali affectam.

Probatur deinde ratione fundamentalis desumpta ex S. Thom. Opusc. 32. Materia prima, ut est radix indiuiduationis substantiæ materialis, intrinsecè concurre ad constitutionem substantiæ primæ materialis, seu indiuidui. Sed, ut est affecta quantitate formali, nequit concurrere intrinsecè ad constitutionem eiusdem. Ergo

ne-

neque est principium radicale indiuiduationis ipsius. Maior patet: Nam sicut principium radicale specificationis, scil. forma, intrinsecè debet concurrere ad constitutionem rei in sua specie, sic principium radicale indiuiduationis ad constitutionem indiuidui, seu substantiæ primæ, in esse talis. Minor prob. Concurrentia intrinsecè ad constitutionem substantiæ primæ debent esse substantia, quæ constituent vnum p̄r se directè ponibile in prædicamento substantiæ, tanquam fundamentum eiusdem. Sed si concurreret ad constitutionem substantiæ primæ materia, vt affecta quantitate formali, concurrentia intrinsecè ad huiusmodi constitutionem non essent substantia, nec possent constituere vnum per se directè ponibile in prædicamento substantiæ. Ergo materia prima, vt affecta quantitate formali, &c. Maior patet, quia substantia prima est ens per se substantiale directè ponibile in prædicamento substantiæ, vt fundamentum eius. Ergo concurrentia ad intrinsecam ipsius substantialem constitutionem debet esse talia, quæ constituent eam, itaut sit directè ponibilis in prædicamento substantiæ. Minor verò probatur. Concurrentia diuersorum prædicamentorum ad constituendum intrinsecè aliquid, non faciunt vnum per se directè ponibile in aliquo prædicamēto, sed ens per accidens, vt patet. Sed materia cum quantitate for-

malis, concurrens intrinsecè ad constitutionem substantiæ primæ sūt diuersorum prædicamentorum, scilicet quantitatē, & substantiæ. Ergo si illa concurreret vnà cum quantitate formali, &c.

Confirmatur. Pertinens ad aliquam lineam, maximè si fuerit fundamentum talis lineæ, nequit constitui per aliquid, quod sit extra talem lineam, aliàs esset, & non esset extra talem lineam, cum res constituta non possit non pertinere ad lineam sui constitutiu. Sed prima substantia pertinet ad lineam substantiæ, vt fundamentum totius lineæ. Ergo non poterit constitui intrinsecè per id, quod est extra lineam substantiæ, sicut est quantitas secundum suum esse formale.

Dices, ad vnitatem indiuidualem duo concurrere, scilicet esse indiuisum in se vltima diuisione, seu incommunicabile, & esse diuisum ab alio: primum habet se essentialiter ad rationem indiuidui, posterius per modum proprietatis consecutæ; Et ita hoc ipso, quod indiuiduum habeat prædictam indiuisiōem à principio substantiali, scilicet materia, etsi diuisionem ab alio accipiat, ab accidenti, scilicet à quantitate, nihilominus indiuiduum essentialiter sumptum erit per se vnū, directè pertinens ad lineam substantiæ, non autem vnum per accidens, siquidem esse diuisum ab alio, à quantitate proueniens, non est essentialiter pertinens ad rationem indiuidui, sed tantum

con-

consequens rationem essentialem, ut proprietates, quæ tamen, ut constat, non debet pertinere ad idem prædicamentum cum sua essentia, cuius est proprietates.

Contra. Esse indiuisum in se vltima diuisione pertinet ad intrinsecam, & essentialem constitutionem indiuidui ex concessis. Ergo, & esse diuisum ab alio. Ergo, & quantitas, à qua prouenit talis effectus ad essentialem constitutionem pertinebit, quod est facere, ens vnum per accidens, & nõ per se, ut intuiti patet. Vltima Consequentia ex priori sequitur, quia, secundum datam solutionem, esse diuisum ab alio prouenit à quantitate, tanquam effectus formalis eiusdem, ipsam proinde inuoluens. Ergo si esse diuisum ab alio pertinet ad essentialem constitutionem indiuidui, etiam quantitas pertinebit; Prior autem consequentia probatur; Nam ex Aristot. & D. Tho. idẽ est re ipsa constitutum, quod est distinctum rei, vel diuisum ipsius ab alijs. Ergo si constitutum indiuidui, scilicet esse indiuisum in se, pertinet ad essentialem constitutionem eius, etiam esse diuisum ab alio eodem modo pertinebit. Antecedens verò primum est ipsius solutionis fundamentum.

Replicabis cum Nazario, Maximam illam, idem, scilicet, esse constitutum, quod, & distinctum, debere intelligi de principio formali, non autem radicali, quale est quantitas, & respectu indiuiduationis indiuidui substantiæ materialis. Sed,

Contra. Istud axioma verificatur etiam de constitutiuo radicali; & probatur sic. Constitutum radicale indiuidui reddit illud in se indiuisum vltima diuisione, & omnino incommunicabile alteri. Ergo etiam facit, quod non sit aliud hoc ipso, quod reddat illud incommunicabile alteri, ut ex se patet. Sed constitutum faciens, ut constitutum non sit aliud, est distinctum ipsius ab illo alio, ut patet ex terminis. Ergo cum constitutum etiam radicale indiuidui faciat illud incommunicabile alteri, erit ita constitutum, ut sit simul, & distinctum. Deinde vnum indiuiduum substantiale, substantialiter distinguitur ab altero, cum sint duæ realiter distinctæ substantiæ intra lineam substantiæ. Ergo etiam principium huiusmodi distinctionis debet esse substantiale; distinctio siquidem consequitur principium suum, & est talis, quale fuerit principium eius. Ergo principium distincti vnius indiuidui substantiæ materialis ab alio non erit quantitas, sed substantia; Ista Consequentia patet ex Priori, quandoquidem distinctio (cum debeat commensurari suo principio) substantialis non potest principium distincti recognoscere accidens aliquod, ut est quantitas, sed substantiam.

Dices cum aliquibus aliter ad nostram rationem fundamentalem, & eius confirmationem respondentibus, quantitatem, secundum suum esse formale, afficientem materiam non esse principium, indi-

indiuiduationis, prout in recto importatur, sed tantum in obliquo; tanquam connotatum intrinsecum, proinde non impedit, quod licet esse diuisum ab alio indiuiduo ab ipsa communicetur, ipsum indiuiduum substantiale possit esse vnum per se, & directe ponibile in predicamento substantiæ; per hoc namque, quod aliquid importat in obliquo aliud ad diuersum predicamentum pertinens, non impeditur, quominus in recta linea proprii predicamenti collocetur, vt patet in accidentibus connotantibus substantiam.

Sed Contra. Quando aliquid importat in obliquo, & de connotato tantum, aliud diuersi predicamenti, vt connotatum tamen intrinsecum, nequit esse vnum per se, nec directe ponibile in predicamentis. Ergo si in constitutione indiuidui substantiæ materialis quantitas à materia connotatur, vt intrinsecum connotatum, (quæ quidem quantitas ad aliud à materia prima pertinet predicamentum) indiuiduum substantiæ materialis, seu substantia prima adhuc non poterit esse vnum per se directe ponibile in predicamento substantiæ. Consequenter patet ex Antecedenti. Ant. autem prob. Ideo accidens in concreto sumptum non est vnum per se, nec directe ponibile in proprio predicamento, quia ex parte modi significandi importat ipsum subiectum alterius à se predicamenti, tanquam obliquum intrinsecum, vt docent nostri Complut. in Log.

disp. 5. & 11. Ergo &c.

Probatum secundò Conclusio. Potest substantia esse, & consistere indiuidua absque eo, quod inneniatur quantitas secundum suum esse formale: Ergo signum est, quod radix indiuiduationis substantiæ non sit materia, vt affecta quantitate formali. Consequenter patet, quia sine radice suæ indiuiduationis substantia nequit esse indiuidua. Ergo &c. Ant. prob. radix indiuiduationis animæ rationalis, quæ est substantia quadam, est materia prima, vt hac determinatè signata quantitate, cum anima rationalis indiuiduetur per materiam signatam quantitate, vt supra diximus. Sed anima rationalis potest consistere indiuidua in rerum natura, etsi materia non sit affecta formali quantitate illa numero, per quam signata est in ordine ad talem animam rationalem, saltem supernaturaliter, vt consideranti patebit. Ergo &c.

Dicendum est secundò. Materia prima non est radix indiuiduationis per aliquem modum substantialem ipsi superadditum. Probatum: Modus ille superadditus materiæ primæ habet oppositam rationem primæ radici indiuiduationis. Ergo materia, ratione ipsius, nequit esse prima radix indiuiduationis. Consequenter patet, Ant. prob. Radix indiuiduationis, ratione cuius materia prima habet esse radicem illius, est irreceptibilitas in alio, vt in subiecto, prout patet ex dictis. Sed modus superadditus materiæ habet op-

positam huic rationem, cum debeat recipi in materia, tanquam proprio subiecto, prout fert natura modi respectu rei modificata. Ergo &c.

*Argumenta in Contrarium solvuntur.*

**O**bjicitur primò contra primam Conclusionē ex Aristot. 10. Metaph. Cap. 3. Textu 4. qui loco cit. constituit duplex distinctionis genus; Aliud quidem secundum formam, per quam aliqua distinguuntur essentialiter; Aliud verò secundum quantitatem, per quam aliqua distinguuntur numericè: Vnde sicut distinctio specifica non oritur à forma, nisi actu informante, sic nec à quantitate oriatur distinctio numerica, nisi actu inhæreat substantiæ.

Deindè possunt afferri diuersa loca S. Tho. hoc confirmantia; nam S. Doct. Opus. de principio indiuiduationis, & Opus. 32. Cap. 3. asserit, *sine quantitate non posse saluari rationem indiuidui materialis in genere substantiæ*. In alijs verò locis ait, per materiā signatā quantitate intelligi debere materiā sub certis dimensionibus, quod nequit saluari, nisi illæ ipsi inhæreant. Tandem 3. p. q. 37. ar. 1. & in 4. Sentent. dist. 12. q. 1. dicit: *indiuiduum duo habere, scilicet incommunicabilitatem, & distinctionem, ab alijs, & quidem ratione primi provenire à materia, tanquam à*

*principio suo; ratione verò secundi, à quantitate*. Ergo sicut materia prima non est principium incommunicabilitatis, nisi ut actu in indiuiduo inuenta, sic nec quantitas, nisi ut actu habita erit principium distinctionis. Verum ad has, & similes authorit. facile patet ex dictis supra; Interim tamen maioris claritatis gratia.

Resp. in primis ad authorit. Aristot. dicendo, Aristotelem loco cit. loqui non de quantitate formali, & habita actu, sed de radicali, ac præhabita, prout etiam adhuc magis sequenti quæst. patet.

Ad primum verò locum ex D. Thom. citatum resp. S. Doctorem intelligendum esse, sicut & Aristotelem, de quantitate radicali, & præhabita, non autem de formali, aliās esset sibi contrarius in alijs locis, quod admitti non debet; Iam autem dum dicit, per materiā signatam quantitate esse intelligendam materiam sub certis dimensionibus, loquitur de materia, non prout actu subest illis, sed prout est fundamentum, & radix ipsarum; In quo autem sensu sit intelligendus dum quodlib. 7. art. 10. de albedine, & alijs qualitatibus materialibus loquēs, asserit: *eas esse inseparabiles à quantitate, prout sunt qualitates indiuidue*, constat ex suppositis huius quæst.

Ad vltimum denique locum ex 3. parte citatum resp. vtrumque in indiuiduo inuentum, scilicet tam esse incommunicabile, quam esse di-



diuisum, vel distinctum ab alio, prouenire à materia signata quantitate, ita vt esse incommunicabile proueniat à materia, tanquam à prima radice sufficienti, non absolute considerata, sed vt præhabente hanc potius quantitatem, quam aliam; esse autem diuisum proueniat similiter à quantitate, vt à suo principio, non quidem, vt habita, sed vt præhabita, & præcontenta in materia, tanquam sua radice; quibus tamen non obstantibus, per accommodationem quandam, potest tribui materię primæ, etiam secundum se sumptæ, vt principio insufficienti, esse incommunicabile, iuxta dicta in præsuppositis huius quætionis, quantitati verò esse diuisum.

Obijcitur secundò. Vnum indiuiduum substantię materialis debet esse diuisum ab alio. Sed hoc haberi non potest, nisi à quantitate formali. Ergo indiuiduum in ratione indiuidui non potest constitui sine quantitate formali: Ergo si materia prima est radix indiuiduationis, vt quantitate signata, erit radix, vt signata quantitate formali, non autem radicali tantum; ista conseq. ex priori sequitur manifestè. Prior ex præmissis; Maior verò patet ex ipso ethymon, & ratione indiuidui, quod importat esse in se non diuiduum, vel non diuisum, proinde ab alio diuisum. Minor probatur: Diuidere, aut esse diuisum, est effectus formalis quantitatis; Sed effectus formalis quantitatis non potest prouenire, nisi à quantitate

formali, sicut & effectus formalis cuiuscunque formæ nequit, nisi à sua forma procedere. Ergo indiuiduum esse diuisum nequit habere, nisi à quantitate formali.

Resp. disting. maiorem. Vnum indiuiduum debet esse diuisum, ab alio diuisione substantiali; concedo; diuisione quantitatiua; subdistinguo: secundum quod est quoddam quantum; Concedo, secundum quod est indiuiduum præcisè substantiale; Nego. Similiter distinguitur Minor: Esse diuisum prouenit à quantitate formali diuisione quantitatiua; Concedo; substantiali; Nego. Talis enim debet esse diuisio inter aliquas partes, quales fuerint partes; si fuerint substantiales, debet esse diuisio substantialis, si quantitatiua, diuisio erit quantitatiua, & quia duo indiuidua substantialia materialia eiusdē speciei athomæ sunt partes subiectiue, & substantiales, quantum est ex parte ipsorum, prout scilicet sunt indiuidua, non autē partes entitatiue, cum substantia illis careat, vt supra dictum est; diuisio autem secundum partes quantitatiuas solum est effectus formalis quantitatis, secundum suum esse formale consideratæ, hinc est, quod esse diuisum inter duo indiuidua, vnius scilicet ab alio, non debeat prouenire à quantitate formali, & habita, sed solum radicali, & præhabita.

Obijcitur tertio. Materia prima non potest esse radix indiuiduationis substantię, nisi sit determinata ad hoc potius indiuiduum,



duum, quàm ad aliud, cum per hoc sit radix indiuiduationis, quòd sit huius potius indiuidui, quàm alterius; Sed nequit istam determinationem habere, nisi à quantitate formali. Ergo non poterit esse radix indiuiduationis, nisi prout est affecta quantitate formali. Maior ex dictis patet; Minor prob. nam non illam habet materia à se, siquidem ex se est indifferens ad omnia indiuidua; nec per modum aliquem substantialem, vt patet ex secunda Conclusionem. Ergò cum nil restet, nisi quantitas, ab ipsa quantitate accipiet determinationem.

Nec valet, si resp. accipere determinationem istam à quantitate radicaliter, sed virtualiter præhabita, non autem formaliter habita; nam

Contra est. Còpositum substantiale, non virtualiter, sed formaliter habet rationem indiuidui. Ergo principiū ipsius indiuiduationis non debet esse id, quod tribuit determinationem secundum præcontinentiam tantum virtualem quantitatis, sed formalem, virtualiter namque; tale non potest tribuere esse formaliter tale, in genere præsertim causæ formalis; qualiter materię primæ determinatio communicatur à quantitate.

Resp. tamen ad hoc argumentum, admittendo solutionem inter arguendum datam. Ad cuius impugnationem, concesso antec. negatur conseq. nec probatio in contrarium vrget quidquam; tunc

enim tantum deberet quantitas, secundum suum esse formale, esse principiū radicale indiuiduationis indiuidui substantialis; quando indiuiduatio substantialis indiuidui non tantum esset indiuidui formaliter, sed etiam indiuidui formaliter indiuiduatione eiusdem speciei athomæ cū indiuiduatione quantitatis; in tali namque casu, & esset radix indiuiduationis quantitas in genere causæ formalis, & esset radix eiusdem secum rationis; proinde vt ipsam in genere causæ formalis indiuiduo substantiāli posset communicare, non posset non secundum suum esse formale ad hoc requiri, cum forma non tribuat effectum formalem, nisi per communicationem propriæ entitatis. Cæterum indiuiduatio indiuidui substantialis, & ipsius quantitatis, non sunt omnino eiusdem athomæ rationis, cum sint generum, & linearum distinctissimarum, accidentis scilicet, & substantiæ; hinc est, quòd etsi indiuiduum substantiale sit formaliter tale; radix indiuiduationis ipsius non debeat esse quantitas, vt formaliter à materia habita, sed tantum vt virtualiter præhabita, immò hoc requiritur indispensabiliter, alias tribueret indiuiduo substantiāli indiuiduationem eiusdem omnino secum rationis (vt ex modò dictis patere potest,) quod est impossibile: Licet autem materia prima, propter suam indifferenciam, nō possit distinctè præcontingere hanc potius quantita-

tem, quam aliam vagè sumptam, sicut etiam causa efficiens non præcontinet distinctè effectum vagè sumptum, sed quodammodo indistinctè, & confusè: nihilominus quantitatem hanc determinatè acceptam potiùs, quàm aliam, non confusè, sed distinctè, & determinatè præcontinet, sicut & effectus determinatus in causa efficienti, ut determinata ad illum potiùs, quàm ad alium producendum, distinctè in eadem præcontinetur.

## QVAESTIO V.

*Vtrum Materia prima sigillata quantitate interminata, ut præhabita radicaliter, seu virtualiter, sit radix indiuiduationis substantiae materialis.*

**M**anifestum est ex D. Thom. Opusc. 70. quaest. 4. Materiam signari, seu sigillari quantitate interminata ad hoc, ut sit prima radix indiuiduationis; quia, verò terminus hic. Sigillatio, immò, & totus titulus quaestio inuoluit quandam obscuritatem. Ideò

Supponendum est primò pro intelligentia Sigillationis, per Sigillationem materiae primae in ordine ad hoc, ut sit prima radix indiuiduationis, nos cum nostris Complut., in lib. de Generat., &

Salmat. tomo 1. tract. 1. disput. 1. dub. 5. nil aliud intelligere, quàm puram, & nudam potentialitatem materiae primae, non secundum se præcisè, & nudè sumptam, sed ut connotantem, (si hoc numero compositum, v. g. hominis, ad cuius constitutionem concurrat, fiat per generationem) dispositio, nes has numero, & non alias in tempore immediatè antecedenti præcedentes, quòd proindè sint introducta ab hoc potiùs agente, quàm ab alio, & in hoc tempore, in istoque composito corrumpendo, & non in alio: (si verò fiat compositum per creationem) quòd subdatur Deo creati per infinitos actus sui intellectus, & voluntatis quatenus virtualiter, & eminenter continet hoc compositum potiùs, quàm aliud: Et ita sigillatio materiae in generatione substantiali contingens nihil aliud erit, quàm ipsamet entitas materiae, ut connotans tum agens naturale hoc numero, actionemque suam, tum dispositiones has numero hoc numero tempore introducendas in hoc numero composito corrumpendo; propter quòd materia dicitur præhabere, seu præcontinere hanc numero potiùs quantitatem, quàm aliam, quæ quidem præcontinentia coincidit cum ipsamet sigillatione.

Supponendum secundò, dictam sigillationem materiae sufficienter perfici per sola enumerata connotata absque aliqua additione alicuius intrinseci in esse Entis ipsimet materiae superadditi, ostenditur

ditur vel ex eo, quòd, positis huiusmodi connotatis, materia præhabeat hanc numero potiùs quantitatem, quam aliã, sicque remaneat sufficienter ad illam sigillata, cuius ratio est, quia positis talibus dispositionibus, tali agente, tempore, &c. materia iam determinatur quodammodò ad habendam aliquam quantitatem requisitam ad determinatam formam, cum dictæ dispositiones sint quoddã determinationes materiæ, quæ cum pura ipsius indifferentia stare non possunt; Et quia tales dispositiones ab hoc numero agente introducuntur, &c. sunt in ordine ad talem determinatam quantitatem, & formam, hinc est, quòd, illis positis, materia prima accipiat determinationem potiùs ad hanc numero quantitatem præhabendam, quam aliam.

Explicatur hoc magis. Materia prima, ad hoc ut dicatur sigillata, ad hanc potiùs quantitatem, quam aliam, non requirit in recto aliquid sibi intrinsecum in esse entis superaddi, sed solum obliquum quoddam, seu connotatum aliquod, ex superius recēditis; nec ideo, quia est vna tantum negativè, secundum se præcisè, & nudè sumpta, requirit aliquid sibi superaddi in recto, ad hoc, ut habeat unitatem positivam numericam, sine qua non potest habere sigillationem requisitam, ad hoc, ut sit radix individuationis huius potiùs individui substantialis, quam alterius; nam materia prima secun-

dum se, in actu signato, habet omnem realitatem in esse Entis in recto requisitam, ad rectum unitatis positivæ numericæ, secundum quam materia est radix huius potiùs individui, quam alterius, & ratio huius est; Unitas siquidem positiva individualis materiæ primæ debet esse unitas puræ potentie, primique subiecti irreceptibilis, in alio. Ergò quidquid ad talem unitatem in recto concurrere potest, debet esse irreceptibile; aliàs non erit conforme tali unitati; Cum autem quidquid non est ipsa realitas, & Unitas materiæ primæ in recto, sed ipsi superadditum, nequeat habere talem incommunicabilitatem; (superadditum namque illud deberet recipi in materia) consequens est, quòd materia prima secundum se in actu primo, debeat habere omnem realitatem in esse Entis in recto requisitam, ad rectum unitatis positivæ numericæ, &c. Licet illam nequeat habere in ratione recti in actu exercito, seu ut exercentem rationem recti, nisi adsit obliquum, siue connotatur aliquod, ex supra recensitis, cuius radix est; quia rectum sub conceptu recti exerciti nequit dari, nisi afferat etiam suum obliquum, seu connotatum propter connexionem, & habitudinem quandam recti ad obliquum; Materia verò prima, secundum se præcisè sumpta, non affert indispensabiliter obliquum, vel connotatum iam explicatum, nec habet nexum cum illo neces-



farium, vtpotè quæ est secundum se indifferens ad hoc, vel illud connotatum, seu obliquum. Ergo etiam materia prima, secundum se præcisè sumpta, non habebit rationem recti sub conceptu recti exerciti, nisi adfuerit obliquum, atque connotatum aliquod; quod quidem obliquum, sicut indispensable requiritur ad rationem recti sub conceptu recti exerciti in materia prima, sic sufficit, ita vt nihil ampliùs desideretur, prout patet tum ex probatione, tum ex exëplo speciei Angelicæ, quæ, vt repræsentet existentiam exercitam singularis de nouo producti, non requirit sibi aliquid superaddi intrinsecum in esse entis; & in recto ad ipsum pertinuens, sed tantum requirit obliquum, & connotatum quoddam, productione scilicet singularis, & existentiam, exercitam, quo posito, sine noua superadditione alicuius sibi intrinsecè, repræsentat illud singulare cum existentia sua exercita. Vt autem tantò ampliùs explicetur sigillatio materiæ primæ, importans præcontinentiam quandam, & præhabitationem huius potius quantitatis, quàm alterius.

Supponendum tertio, præcontinentiam radicalem quantitatis, seu virtualem non esse rationem aliquam realiter distinctam à materia prima, sed ad summum virtualiter, seu (vt alij volunt) quantitatem radicalem, aut virtualem omnino realiter identificari cum materia: Cuius ratio est, quia

quantitas radicalis, aut virtualis, siue radicalis præcontinentia quantitatis nihil aliud importat, quàm radicem quantitatis formalis, quæ est materia; constat autem materiam, vt est radix alicuius, à seipsa in recto non distingui realiter. Ergo nec præcontinentia radicalis quantitatis erit aliqua ratio ab eadem realiter distincta.

Supponendum quarto, præcontinentiam radicalem materiæ primæ adæquatam habere duas rationes inadæquatas, secundum quarum priorem præcontinet formam substantialem, ad quam est sigillata; prout illa forma est hæc, secundum posteriorem verò rationem præcontinet quantitatem; hic verò est ordo inter explicatas præcontinentias, quòd posterior habeat rationem quasi dispositionis cuiusdam respectu prioris, & ideo priùs intelligitur in materia præesse rationem præcontinentiæ quantitatis, quàm ratione præcontinentiæ formæ substantialis, quia materia prima nõ præcontinet hæc numero formam substantialem, nisi in quantum est disposita; nõ disponitur autem permanentè, nisi per quantitatem, vt mox ostendetur, ideo ratio præcontinentiæ quantitatis in materia præintelligitur ratione præcontinentiæ huius formæ substantialis; quòd autem materia prima non disponatur, nec determinetur permanentè, nisi per quantitatem, patet ex eo, quòd aliæ omnes dispositiones, quæ possunt concurrere ad sigillationem materiæ primæ, vt est A&io

*hæc*

hæc huius agentis, hoc tempus, hæc dispositiones, in hoc subiecto corumpendo, non permanent, sed transeunt; quantitas autem in composito genito recepta permanet, & ita si est dispositio materię, prout cõmuniter admittitur, erit dispositio ipsa sola permanens, cùm alię non sint assignabiles, prius ipsam permanenter disponentes.

Supponendum quintò, per quãtatem interminatam non intelligi quantitatem nullum habentem terminum, sicque infinitam, sed quantitatem non terminatam per formam substantialem, quæ est terminus, & complementum ipsius; dispositio namque ad aliquam formam, dùm præintelligitur suæ formæ, non censetur esse terminata, aut quasi formata per illam, sed potius interminata, & non formata, ut sic dicamus, sicut contritio, quæ est dispositio ad gratiam sanctificantem, dùm præintelligitur gratiæ, non concipitur, ut formata, & terminata, aut completa per illam, sed tunc primum concipitur formata, & terminata, cùm concipitur, ut posterior ipsa; Cùm ergo quantitas, ut ex supradictis liquet, sit quædam dispositio ad formam substantialem, dùm præintelligitur ipsimet formæ substantiali, erit interminata, sicut è conuerso, dùm concipitur, ut subsequens illam, erit terminata. Et hoc est, quod vult S. Doctor in 4. dist. 11. q. 1. art. 1. & quæstiunc. 3. ad 4. dùm dicit: *Dimensio, quæ præintelligitur ante*

*formam substantialem in materia; non habet esse completum, quia non est dimensio terminata, terminatio enim dimensionis est per formam.*

Differunt autem inter se quantitas terminata, & quantitas determinata per hoc, quòd quantitas determinata dicat quantitatem, ut hanc numero, & non illam, præscindendo ab hoc, quòd sit terminata, & completa per formam substantialem, vel etiam nō sit; quòd habeat hanc quantitatem, terminum, figuram hanc, vel illam, & hoc modo accepta quantitas, ut præcontenta in materia, est principium indiuiduationis: At verò quantitas terminata importat ipsam, ut completam iam, atque terminatam per formam substantialem, sicque ipsa posteriorem, & dependentem, quomodo nequit esse principium indiuiduationis; distinctio autem quantitatis in ratione determinatæ, & terminatæ, vel exinde potest colligi, quòd quantitas in ratione determinatæ eadem manens, vel quoad esse hanc, & non illam, potest variari in ratione terminatæ, ut patet in viuentē, quòd secundum eandem numero quantitatem augetur, sicque retinet eandem quantitatem semper in ratione determinatæ, non tamen in ratione terminatæ; quandoquidem diuersimodè illa variatur in augmento, diuersas acquirendo figuras. His pro intelligentia tituli prænotatis.

Duplex est Sententia circa exactitatam difficultatem. Prima est Suarez

indiuiduationis, prout in recto importatur, sed tantum in obliquo, tanquam connotatum intrinsecum, proinde non impedit, quod licet esse diuisum ab alio indiuiduo ab ipsa communicetur, ipsum indiuiduum substantiale possit esse vnum per se, & directe ponibile in predicamento substantiæ; per hoc namque, quod aliquid importat in obliquo aliud ad diuersum predicamentum pertinens, non impeditur, quominus in recta linea proprii predicamenti collocetur, ut patet in accidentibus connotantibus substantiam.

Sed Contra. Quando aliquid importat in obliquo, & de connotato tantum, aliud diuersi predicamenti, ut connotatum tamen intrinsecum, nequit esse vnum, per se, nec directe ponibile in predicamentis. Ergo si in constitutione indiuidui substantiæ materialis quantitas à materia connotatur, ut intrinsecum connotatum, (quæ quidem quantitas ad aliud à materia prima pertinet predicamentum) indiuiduum substantiæ materialis, seu substantia prima adhuc non poterit esse vnum per se directe ponibile in predicamento substantiæ. Consequenter patet ex Antecedenti. Ant. autem prob. Ideo accidens in concreto sumptum non est vnum per se, nec directe ponibile in proprio predicamento, quia ex parte modi significandi importat ipsum subiectum alterius à se predicamenti, tanquam obliquum intrinsecum, ut docent nostri Complut. in Log.

disp. 5. & 11. Ergo &c.

Probatur secundò Conclusio. Potest substantia esse, & consistere indiuidua absque eo, quod innominatur quantitas secundum suum esse formale: Ergo signum est, quod radix indiuiduationis substantiæ non sit materia, ut affecta quantitate formali. Consequenter patet, quia sine radice suæ indiuiduationis substantia nequit esse indiuidua. Ergo &c. Ant. prob. radix indiuiduationis animæ rationalis, quæ est substantia quædam, est materia prima, ut hac determinatè signata quantitate, cum anima rationalis indiuiduetur per materiam signatam quantitate, ut supra diximus. Sed anima rationalis potest consistere indiuidua in rerum natura, etsi materia non sit affecta formali quantitate illa numero, per quam signata est in ordine ad talem animam rationalem, saltem supernaturaliter, ut consideranti patebit. Ergo &c.

Dicendum est secundò. Materia prima non est radix indiuiduationis per aliquem modum substantialem ipsi superadditum. Probatur: Modus ille superadditus materiæ primæ habet oppositam rationem primæ radici indiuiduationis. Ergo materia, ratione ipsius, nequit esse prima radix indiuiduationis. Consequenter patet, Ant. prob. Radix indiuiduationis, ratione cuius materia prima habet esse radicem illius, est irreceptibilitas in alio, ut in subiecto, prout patet ex dictis. Sed modus superadditus materiæ habet op-

E c c po-

positam huic rationem, cum debeat recipi in materia, tanquam proprio subiecto, prout fert natura modi respectu rei modificata. Ergo &c.

### *Argumenta in Contrarium solvuntur.*

**O**bjicitur primò contra primam Conclusionē ex Aristot. 10. Metaph. Cap. 3. Textu 4. qui loco cit. constituit duplex distinctionis genus; Aliud quidem secundum formam, per quam aliqua distinguuntur essentialiter; Aliud verò secundum quantitatem, per quam aliqua distinguuntur numericè: Vnde sicut distinctio specifica non oritur à forma, nisi actu informante, sic nec à quantitate oriatur distinctio numerica, nisi actu inhæreat substantiæ.

Deindè possunt afferri diversa loca S. Tho. hoc confirmantia; nam S. Doct. Opus. de principio individuationis, & Opus. 3. 2. Cap. 3. asserit, *sine quantitate non posse saluari rationem individui materialis in genere substantiæ*. In alijs verò locis ait, per materiā signatā quantitate intelligi debere materiā sub certis dimensionibus, quod nequit saluari, nisi illæ ipsi inhæreant. Tandem 3. p. q. 37. ar. 1. & in 4. Sentent. dist. 12. q. 1. dicit: *individuum duo habere, scilicet incommunicabilitatem, & distinctionem, ab alijs, & quidem ratione primi provenire à materia, tanquam à*

*principio suo; ratione verò secundā, à quantitate*. Ergo sicut materia prima non est principium incommunicabilitatis, nisi ut actu in individuo inuenta, sic nec quantitas, nisi ut actu habita erit principium distinctionis. Verum ad has, & similes authorit. facile patet ex dictis supra; Interim tamen maioris claritatis gratia.

Resp. in primis ad authorit. Aristot. dicendo, Aristotelem loco cit. loqui non de quantitate formali, & habita actu, sed de radicali, ac præhabita, prout etiam adhuc magis sequenti quæst. patebit.

Ad primum verò locum ex D. Thom. citatum resp. S. Doctorem intelligendum esse, sicut & Aristotelem, de quantitate radicali, & præhabita, non autem de formali, aliās esset sibi contrarius in alijs locis, quod admitti non debet; Iam autem dum dicit, per materiam signatam quantitate esse intelligendam materiam sub certis dimensionibus, loquitur de materia, non prout actu subest illis, sed prout est fundamentum, & radix ipsarum; In quo autem, sensu sit intelligendus dum quodlib. 7. art. 10. de albedine, & alijs qualitatibus materialibus loquēs, asserit:  *eas esse inseparabiles à quantitate, prout sunt qualitates individua*, constat ex suppositis huius quæst.

Ad ultimum denique locum ex 3. parte citatum resp. utrumque in individuo inuentum, scilicet tam esse incommunicabile, quam esse di-

diuisum, vel distinctum ab alio, prouenire à materia signata quantitate, ita ut esse incommunicabile proueniat à materia, tanquam à prima radice sufficienti, non absolute considerata, sed ut præhabente hanc potius quantitatem, quam aliam; esse autem diuisum proueniat similiter à quantitate, ut à suo principio, non quidem, ut habita, sed ut præhabita, & præcontenta in materia, tanquam sua radice; quibus tamen non obstantibus, per accommodationem quandam, potest tribui materię primę, etiam secundum se sumptę, ut principio insufficienti, esse incommunicabile, iuxta dicta in præsuppositis huius quæstionis, quantitati verò esse diuisum.

Obijciatur secundò. Vnum indiuiduum substantię materialis debet esse diuisum ab alio. Sed hoc haberi non potest, nisi à quantitate formali. Ergo indiuiduum in ratione indiuidui non potest consistui sine quantitate formali: Ergo si materia prima est radix indiuiduationis, ut quantitate signata, erit radix, ut signata quantitate formali, non autem radicali tantum; ista conseq. ex priori sequitur manifestè. Prior ex præmissis; Maior verò patet ex ipso ethymon, & ratione indiuidui, quod importat esse in se non diuiduum, vel non diuisum, proinde ab alio diuisum. Minor probatur: Diuidere, aut esse diuisum, est effectus formalis quantitatis; Sed effectus formalis quantitatis non potest prouenire, nisi à quantita-

te formali, sicut & effectus formalis cuiuscunque formę nequit, nisi à sua forma procedere. Ergo indiuiduum esse diuisum nequit habere, nisi à quantitate formali.

Resp. distinguo. maiorem. Vnum indiuiduum debet esse diuisum ab alio diuisione substantiali; Concedo; diuisione quantitatiua; subdistinguo: secundum quòd est quoddam quantum; Concedo, secundum quòd est indiuiduum præcisè substantiale; Nego. Similiter distinguitur Minor: Esse diuisum prouenit à quantitate formali diuisione quantitatiua; Concedo; sub-stantiali; Nego. Talis enim debet esse diuisio inter aliquas partes, quales fuerint partes; si fuerint substantiales, debet esse diuisio substantialis, si quantitatiua, diuisio erit quantitatiua, & quia duo indiuidua substantialia materialia eiusdē speciei atomę sunt partes subiectiue, & substantiales, quantum est ex parte ipsorum, prout scilicet sunt indiuidua, non autē partes entitatiue, cum substantia illis careat, ut supra dictum est; diuisio autem secundum partes quantitatiuas solum est effectus formalis quantitatis, secundum suum esse formale consideratę, hinc est, quòd esse diuisum inter duo indiuidua, vnius scilicet ab alio, non debeat prouenire à quantitate formali, & habita, sed solum radicali, & præhabita.

Obijciatur tertio. Materia prima non potest esse radix indiuiduationis substantię, nisi sit determinata ad hoc potius indiui-

Ecc 2 duum,



dum, quàm ad aliud, cum per hoc sit radix indiuiduationis, quòd sit huius potius indiuidui, quàm alterius, Sed nequit istam determinationem habere, nisi à quantitate formali. Ergo non poterit esse radix indiuiduationis, nisi prout est affecta quantitate formali. Minor ex dictis patet; Minor prob. nam non illam habet materia à se, siquidem ex se est indifferens ad omnia indiuidua; nec per modum aliquem substantialem, vt patet ex secunda Conclusionem. Ergò cum nil restet, nisi quantitas, ab ipsa quantitate accipiet determinationem.

Nec valet, si resp. accipere determinationem istam à quantitate radicaliter, sed virtualiter præhabita, non autem formaliter habita; nam

Contra est. Còpositum substantiale, non virtualiter, sed formaliter habet rationem indiuidui. Ergo principium ipsius indiuiduationis non debet esse id, quod tribuit determinationem secundum præcontinentiam tantum virtualem quantitatis, sed formalem, virtualiter namque tale non potest tribuere esse formaliter tale, in genere præsertim causæ formalis, qualiter materiæ primæ determinatio communicatur à quantitate.

Resp. tamen ad hoc argumentum, admitrendo solutionem inter arguendum datam. Ad cuius impugnationem, concesso antec. negatur conseq. nec probatio in contrarium vrget quidquam; tunc

enim tantum deberet quantitas, secundum suum esse formale, esse principium radicale indiuiduationis indiuidui substantialis, quando indiuiduatio substantialis indiuidui non tantum esset indiuidui formaliter, sed etiam indiuidui formaliter indiuiduatione eiusdem speciei athomæ cū indiuiduatione quantitatis; in tali namque casu, & esset radix indiuiduationis quantitas in genere causæ formalis, & esset radix eiusdem secum rationis; proinde vt ipsam in genere causæ formalis indiuiduo substantiali posset communicare, non posset non secundum suum esse formale ad hoc requiri, cum forma non tribuat effectum formalem, nisi per communicationem propriæ entitatis. Cæterum indiuiduatio indiuidui substantialis, & ipsius quantitatis, non sunt omnino eiusdem athomæ rationis, cum sint generum, & linearum distinctissimarum, accidentis scilicet, & substantiæ; hinc est, quòd etsi indiuiduum substantiale sit formaliter tale; radix indiuiduationis ipsius non debeat esse quantitas, vt formaliter à materia habita, sed tantum vt virtualiter præhabita, immò hoc requiritur indispensabiliter, alias tribueret indiuiduo substantiali indiuiduationem eiusdem omnino secum rationis (vt ex modo dictis patere potest,) quod est impossibile: Licet autem materia prima, propter suam indifferenciam, nō possit distincte præcontinere hanc potius quantita-

tem,

rem, quam aliam vagè sumptam, sicut etiam causa efficiens non præcontinet distinctè effectum, vagè sumptum, sed quodammodo indistinctè, & confusè: nihilominus quantitatem hanc determinatè acceptam potius, quam aliam, non confusè, sed distinctè, & determinatè præcontinet, sicut & effectus determinatus in causa efficiendi, ut determinata ad illum potius, quam ad alium producendum, distinctè in eadem præcontinetur.

## QVAESTIO V.

*Vtrum Materia prima sigillata quantitate interminata, ut præhabita radicaliter, seu virtualiter, sit radix indiuiduationis substantie materialis.*

**M**anifestum est ex D. Thom. Opusc. 70. quæst. 4. Materiam signari, seu sigillari quantitate interminata ad hoc, ut sit prima radix indiuiduationis; quia verò terminus hic. Sigillatio, immò, & totus titulus quæstioni involuit quandam obsecuritatem. Ideò

Supponendum est primò pro Intelligentia Sigillationis, per Sigillationem materię primæ in ordine ad hoc, ut sit prima radix indiuiduationis, nos cum nostris Complut. in lib. de Generat. &

Salmat. como 1. tract. 1. disput. 1. dub. 5. nil aliud intelligere, quam puram, & nudam potentialitatem materię primæ, non secundum se præcisè, & nudè sumptam, sed ut connotantem, (si hoc numero compositum, v. g. hominis, ad cuius constitutionem concurrir, fiat per generationem) dispositiones has numero, & non alias in tempore immediatè antecedenti præcedentes, quòd proindè sint introducta ab hoc potius agente, quam ab alio, & in hoc tempore, in istoque composito corrumpendo, & non in alio: (si verò fiat compositum per creationè) quod subdatur Deo creanti per infinitos actus sui intellectus, & voluntatis quatenus virtualiter, & eminenter continet hoc compositum potius, quam aliud: Et ita sigillatio materię in generatione substantiali contingens nihil aliud erit, quam ipsamet entitas materię, ut connotans tum agens naturale hoc numero, actionemque suam, tum dispositiones has numero hoc numero tempore introducendas in hoc numero composito corrumpendo; propter quod materia dicitur præhabere, seu præcontinere hanc numero potius quantitatem, quam aliam, quæ quidem præcontinentia coïncidit cum ipsamet sigillatione.

Supponendum secundò dictam sigillationem materię sufficienter perfici per sola enumerata connotata absque aliqua additione aliquius intrinseci in esse Entis ipsamet materię superadditi, ostenditur

ditur vel ex eo, quòd, positis huiusmodi connotatis, materia præhabeat hanc numero potiùs quantitatem, quam aliã, sicque remaneat sufficienter ad illam sigillata, cuius ratio est, quia positis talibus dispositionibus, tali agente, tempore, &c. materia iam determinatur quodammodò ad habendam aliquam quantitatem requisitam ad determinatam formam, cum dictæ dispositiones sint quædã determinationes materiæ, quæ cum pura ipsius indifferencia stare non possunt; Et quia tales dispositiones ab hoc numero agente introductæ, &c. sunt in ordine ad talem determinatam quantitatem, & formam, hinc est, quòd, illis positis, materia prima accipiat determinationem potiùs ad hanc numero quantitatem præhabendam, quam aliam.

Explicatur hoc magis. Materia prima, ad hoc ut dicatur sigillata, ad hanc potiùs quantitatem, quam aliam, non requirit in recto aliquid sibi intrinsicè in esse entis superaddi, sed solum obliquum quoddam, seu connotatum aliquod, ex superius recensitis; nec ideo, quia est vna tantum negatiue, secundum se præcisè, & nudè sumpta, requireret aliquid sibi superaddi in recto, ad hoc, ut habeat unitatem positivam numericam, sine qua non potest habere sigillationem requisitam, ad hoc, ut sit radix individuationis huius potiùs individui substantialis, quam alterius; nam materia prima secun-

dum se, in actu signato, habet omnem realitatem in esse Entis in recto requisitam, ad rectum unitatis positivæ numericæ, &c. ratio huius est; Vnitas siquidem positiva individualis materiæ primæ debet esse vnitas puræ potentie, primique subiecti irreceptibilis, in aliquo. Ergò quidquid ad talem unitatem in recto concurrere potest, debet esse irreceptibile; aliàs non erit conforme tali unitati; Cum autem quidquid non est ipsa realitas, & Eutitas materiæ primæ in recto, sed ipsa superadditum, nequeat habere talem incommunicabilitatem; (superadditum namque illud deberet recipi in materia) consequens est, quòd materia prima secundum se in actu primo, debeat habere omnem realitatem in esse Entis in recto requisitam, ad rectum unitatis positivæ numericæ, &c. Licet illam nequeat habere in ratione recti in actu exercito, seu ut exercentem rationem recti, nisi adsit obliquum, siue connotatur aliquod, ex supra recensitis, cuius radix est; quia rectum sub conceptu recti exerciti nequit dari, nisi afferat etiam suum obliquum, seu connotatum propter connexionem, & habitudinem quandam recti ad obliquum; Materia verò prima, secundum se præcisè sumpta, non affert indispenfabilitè obliquum, vel connotatum iam explicatum, nec habet nexum cum illo neces-

sarium, utpote quæ est secundum se indifferens ad hoc, vel illud connotatum, seu obliquum. Ergo etiam materia prima, secundum se præcisè sumpta, non habebit rationem recti sub conceptu recti exerciti, nisi adfuerit, obliquum, atque connotatum aliquod; quod quidem obliquum, sicut indispensable requiritur ad rationem recti sub conceptu recti exerciti in materia prima, sic sufficit, ita ut nihil amplius desideretur, prout patet tum ex probatione, tum ex exëplo speciei Angelicæ, quæ, ut repræsentet existentiam exercitam singularis de nouo producti, non requirit sibi aliquid superaddi intrinsecum in esse entis, & in recto ad ipsum pertinens, sed tantum requirit obliquum, & connotatum quoddam, productionē scilicet singularis, & existentiam, exercitam, quo posito, sine noua superadditione alicuius sibi intrinsecæ, repræsentat illud singulare cum existentia sua exercita. Ut autem tantò ampliùs explicetur sigillatio materię primæ, importans præcontinentiam quandam, & præhabitationem huius potius quantitatis, quàm alterius.

Supponendum tertio, præcontinentiam radicalem quantitatis, seu virtuales non esse rationem aliquam realiter distinctam à materia prima, sed ad summum virtualiter, seu (ut alij volunt) quantitatem radicalem, aut virtuales omnino realiter identificari cum materia: Cuius ratio est, quia

quantitas radicalis, aut virtualis, siue radicalis præcontinentia quantitatis nihil aliud importat, quàm radicem quantitatis formalis, quæ est materia; constat autem materiam, ut est radix alicuius, à seipsa in recto non distingui realiter. Ergo nec præcontinentia radicalis quantitatis erit aliqua ratio ab eadem realiter distincta.

Supponendum quarto, præcontinentiam radicalem materię primæ adæquatam habere duas rationes inadæquatas, secundum quarum priorem præcontinet formam substantialem, ad quam esse sigillata; prout illa forma est hæc, secundum posteriorem verò rationem præcontinet quantitatem; hic verò est ordo inter explicatas præcontinentias, quòd posterior habeat rationem quasi dispositionis cuiusdam respectu prioris, & Ideò prius intelligitur in materia præstare rationem præcontinentię quantitatis, quàm rationē præcontinentię formæ substantialis, quia materia prima nō præcōtinet hæc numero formam substantialem, nisi in quantū est disposita; nō disponitur autem permanenter, nisi per quantitatem, ut mox ostendetur, ideò ratio præcontinentię quantitatis in materia præintelligitur ratione præcontinētis huius formæ substantialis; quòd autem materia prima non disponatur, nec determinetur permanentèr, nisi per quantitatem, patet ex eo, quòd aliæ omnes dispositiones, quæ possunt concurrere ad sigillationem materię primæ, ut est Actio hæc

hæc huius agentis, hoc tempus, hæc dispositiones, in hoc subiecto corrumpendo, non permanent, sed transeunt; quantitas autem in composito genito recepta permanet, & ita si est dispositio materiæ, prout cõmuniter admittitur, erit dispositio ipsa sola permanens, cùm aliz non sint assignabiles, priùs ipsam permanenter disponentes.

Supponendum quintò, per quantitatem interminatam non intelligi quantitatem nullum habentem terminum, sicque infinitam, sed quantitatem non terminatam per formam substantialem, quæ est terminus, & complementum ipsius; dispositio namque ad aliquam formam, dùm præintelligitur suæ formæ, non censetur esse terminata, aut quasi formata per illam, sed potiùs interminata, & non formata, ut sic dicamus, sicut contritio, quæ est dispositio ad gratiam sanctificantem, dùm præintelligitur gratiæ, non concipitur, ut formata, & terminata, aut completa per illam, sed tunc primum concipitur formata, & terminata, cùm concipitur, ut posterior ipsa; Cùm ergo quantitas, ut ex supradictis liquet, sit quædam dispositio ad formam substantialem, dùm præintelligitur ipsimet formæ substantiali, erit interminata, sicut è conuerso, dùm concipitur, ut subsequens illani, erit terminata. Et hoc est, quod vult S. Doctor in 4. dist. 11. q. 1. art. 1. & quæstiunc. 3. ad 4. dùm dicit: *Dimensio, quæ præintelligitur ante*

*formam substantialem in materia; non habet esse completum, quia non est dimensio terminata, terminatio enim dimensionis est per formam.*

Differunt autem inter se quantitas terminata, & quantitas determinata per hoc, quòd quantitas determinata dicat quantitatem, ut hanc numero, & non illam, præsciendo ab hoc, quòd sit terminata, & completa per formam substantialem, vel etiam nõ sit; quòd habeat hanc tantitatem, terminum, figuram hanc, vel illam, & hoc modo accepta quantitas, ut præcontenta in materia, est principium indiuiduationis: At verò quantitas terminata importat ipsam, ut completam iam, atque terminatam per formam substantialem, sicque ipsa posterioriorem, & dependentem, quomodo nequit esse principium indiuiduationis; distinctio autem quantitatis in ratione determinatæ, & terminatæ, vel exinde potest colligi, quòd quantitas in ratione determinatæ eadem manens, vel quoad esse hanc, & non illam, potest variari in ratione terminatæ, ut patet in viuente, quòd secundum eandem numero quantitatem, augetur, sicque retinet eandem quantitatem semper in ratione determinatæ, non tamen in ratione terminatæ; quandoquidem diuersimodè illa variatur in augmento, diuersas acquirendo figuras. His pro intelligentia tituli prænotatis.

Duplex est Sententia circa exactitatem difficultatem. Prima est Suarez

Suarez suæ Metaph. disput. 5. sect. 3. negatiua, & in vniuersum omnium authorum pro contraria sententia, quæstione præcedenti relationum. Secunda est Thomistarum pro nostra sententia in præcedenti quæst. citatorum, pro cuius resolutione.

Dicendum est, Materiam signatam quantitate interminata, vt radicaliter præhabita, esse principium primum, & radicale indiuiduationis.

Prob. concl. Principium radicale indiuiduationis non potest esse, nisi materia, vt in quæst. 3. huius disput. ostendimus; Sed non potest esse materia nuda, nec vt affecta quantitate formali, aut aliquo modo substantiali sibi superaddito, vt ex præcedenti quæst. patet. Ergo relinquitur, quod sit materia prima, vt sigillata quantitate radicaliter præhabita; alius quidem modus non restat, nec est excogitabilis.

Confirmatur primò. Quantitas nec habet speciale, quod ex se sit indiuidua, sitq; sibi ipsi quodammodo radix indiuiduationis, vt infra patebit. Ergo cum materia prima, ex se nudè sumpta, nequeat esse radix indiuiduationis sufficiens, consequens est, vt sit secundum quod præhabet per modum radicis hanc potius quantitatem, quam aliam.

Confirmatur secundò. Sicut indiuiduum substantiale est aliquid, iuxta ad lineam substantiæ pertinens, sic causam, & radicem propriæ indiuiduationis requirit ra-

lem, quæ pertineat ad lineam substantiæ, habeatque conditiones radicis indiuiduationis consentaneas, sicut esse irreceptibile in alio, indiuisum in se, &c. Sed materia prima, vt præhabet per modum radicis quantitatem, est aliquid pertinens ad ipsam lineam substantiæ, habetque conditiones consentaneas radici indiuiduationis, vt intuenti patebit; ergo erit, vt talis prima radix indiuiduationis, &c.

*Soluntur obiectiones.*

**O**bjicitur primò. Materia priusquam præcontineat hanc numerum quantitatem est singularis, & indiuidua. Ergo non erit radix prima indiuiduationis substantiæ materialis, prout præcontinet hanc potius quantitatem, quam aliam. Consequ. prob. quia materia prima in tantum est radix indiuiduationis materialis substantiæ, in quantum est indiuidua, & singularis. Ergo si est talis priusquam præcontineat hanc numerum quantitatem, non erit radix indiuiduationis, prout præcontinet hanc potius quantitatem, quam aliā. Antec. etiā prob. Materia prima prius præcontinet per modum radicis hanc numerum formam substantialem, quam hanc numerum quantitatem; Sed non potest præcontinere hanc numerum formam substantialem, nisi sit ipsa hæc numero, seu singularis, & indiuidua, alias non commensurarentur sibi in ratione actus,

Fff &

& potentiz. Ergo materia, priusquam præcontineat hanc numero quantitatē, erit indiuidua. Maior. autem prob. quia eo ordine causa materialis præcontinet suos effectus, quo illos causet, & recipit; quandoquidem non alio ordine eosdem causet, nisi eo, quo præcontinet; Sed materia prima prius recipit formam substantialem, utpotè primum actum dantem ipsi esse simpliciter, quam quantitatem, quæ est actus secundus tribuens esse secundum quid tantum; Ergo &c.

Resp. Ad hoc Argum. cum nostris Salmat. Negando ant. & Maiorem primæ probationis, ad secundam probationem: distingu. Maiorem. Eo ordine effectus præcontinentur in causa materiali, quo illos causet, & recipit in genere causæ materialis purè receptiuz. Negatur, in genere causæ materialis dispositiue, seu in ordine ad hoc, quod maneat disposita, & determinata per dispositionem ex se permanentem. Conceditur; Similiter distinguitur Minor. Materia prius recipit, & respicit formam substantialem in genere causæ materialis purè receptiuz; Conceditur, in genere causæ materialis dispositiuz; Negatur, & Negat. Conseq.

Explicatur solutio, quia causæ sunt sibi innicem causæ in diuerso genere causæ, consequenter habent mutuam prioritatem, & posterioritatem, & alia est causa materialis dispositiua, alia purè receptiua, ut ostendunt nostri Cō-

plut. in lib. de Gener. Hinc est; quod possit esse aliquid prius causarum in genere causæ materialis purè receptiuz, & posterius in genere causæ materialis dispositiuz, & è contra, & ita, licet prius causetur; & recipiatur in materia forma substantialis in genere causæ materialis purè receptiuz, quæ hæc quantitas; contrarium nihilominus contingit in genere causæ dispositiuz, nec ideo, quia prius causetur in dicto genere causæ materialis purè receptiuz forma substantialis, debet etiam prius præcontineri in materia, quam quantitas hæc; de præcontinentia enim causæ materialis suorum effectum in singulari sumptorum iudicandum est, non per commutationem ad genus causæ materialis purè receptiuz, sed potius dispositiuz ita, ut illum effectum in singulari prius præcontineat materia, quem causet in genere causæ materialis dispositiuz, quam illum, quem causet in genere causæ materialis purè receptiuz. Ratio huius est, quia materia primam secundum se præcisè sumptā est indifferens ad præcontinendum hunc numero potius effectum, quam alium, hanc numero formam substantialem, quam illā. Ergo, ut sit determinata ad hanc potius, quam ad aliam præcontinendam, debet prius in se præcontinere aliquid, per cuius præcontinentiam determinetur ad præcontinendam hanc potius formam substantialem, quam illam; Illud autem, per quod determinatur

ur ad huiusmodi præcontin-  
entiam, est ipsa dispositio de se  
permanens, (cum sit ipsa determi-  
natio) qualis est quantitas, quæ  
ex se habet, esse dispositionem,  
permanentem materiæ: hinc est,  
quod materia prima debeat prius  
præcontinere effectum singularem  
correspondentem ipsi in genere  
causæ materialis dispositiue, quā  
contineat correspondentem ei-  
dem in genere causæ materialis  
pure receptiue; proinde de præ-  
continentia causæ materialis ef-  
fectuum in singulari sumptorum  
iudicandum erit per cōmensura-  
tionē ad genus causæ materialis  
dispositiue, non verò pure recep-  
tiue: Vnde cum quantitas in ge-  
nere causæ materialis dispositiue  
sit primus effectus, utpotē prima  
dispositio materiæ, ex se perma-  
nens, illa absolute prius contine-  
bitur in materia, quam præcon-  
tineatur forma substantialis sin-  
gularis.

Ex quo patet illud principium,  
quod scilicet: *Eo modo, & ordine  
præcontinet suos effectus causa, quo  
illos causat, vel è contra.* Vniuersa-  
liter loquendo falsum est; nam  
cum præcontinentia effectus vlti-  
mò causati, est talis conditionis,  
ut quodammodo compleat cau-  
sam ad præcontinendum, & cau-  
sum effectum, qui prius ab il-  
la procedit, tunc non eo ordine  
causabitur, quo præcontinebitur,  
causabitur enim vltimò, & præ-  
continebitur primò, ut patet in  
causa efficiente, quæ prius produ-  
cit dispositiones in materia ad

formam, quā ipsammet formam  
substantialem; quia tamen hæc  
tamquam finis dispositionum,  
complet ipsummet agens ad con-  
tinendas, & effluendas dispositio-  
nes, prius præcontinetur in illo.  
Cum ergo quantitas, ut est hæc,  
compleat materiam in ordine ad  
continendam formam substantia-  
lem, & recipiendam singularem,  
(non enim præcontinet ipsam, nisi  
ut indiuidua, & non redditur indi-  
uidua, nisi per præcontinentiā radi-  
cale huius quantitatatis) sequitur,  
quod etsi posterius, secundum  
suū esse formale in genere causæ  
materialis pure receptiue cause-  
tur quam forma substantialis;  
prius tamen præcontinetur, quā  
illa in materia. Quod quamvis sit  
verissimum, absolute loquendo, de  
præcontinentia adæquata mate-  
riæ primæ, negari tamen non po-  
test, quod materia prima eo ordi-  
ne præcontineat effectus suos in  
singulari, quo illos causat in ge-  
nere causæ materialis pure recep-  
tiue, ut consideranti faciliè pate-  
bit.

Sed replicabis contrà hucusque  
dicta. Præcontinentia formæ pri-  
mæ, est prior præcontinentia for-  
mæ secundæ. Sed Forma substā-  
tialis, etiam singularis, est forma  
prima, quantitas hæc, forma se-  
cunda, utpotē accidens. Ergo pri-  
us præcontinebitur in materia  
hæc forma substantialis, quam  
hæc numerice quantitas; Maxime,  
quā forma intimior, & ad lineam  
eandem pertinens cum continen-  
te, prius debet præcontineri, quā



forma non ita intima, diuersæq; lineæ: prior ratio competit formæ substantiali; posterior, quantitati. Ergo prius præcontinebitur in materia forma substantialis, quam quantitas.

Resp. ad istam instantiam, concessa Maiori, distin. Minorem: quantitas est forma secunda; ita, ut hæc ratio ipsius sit adæquata; Negatur; ita ut sit inadæquata; Conceditur, & negatur consequ.; quia, ut consequens esset verum, requirebatur, ut ratio quantitatis esset tantum ratio formæ secundæ, ratione; cuius nequit, prius præcontineri in materia, quam præcontineatur prima forma. Quod autem ista ratio non sit adæquata, ostenditur; Nam in quantitate, etiam secundum suam rationem athomam considerata, duæ inueniuntur rationes inadæquatæ, ratio scilicet accidentis, & formæ secundæ, & ratio dispositionis, ac determinationis materię ex se quodammodo indiuiduæ; Vnde licet secundum priorem rationem sit posterior in præcontinentia materię in genere causę materialis purè receptiue; secundum posteriorem tamen est omnino prior in genere causę materialis dispositiue, & ideo, etsi in quantum forma secunda, non præcontineatur prius in materia, quā forma substantialis, bene tamen, in quantum est dispositio permanens materię ex se quodammodo indiuidua.

Ad illud, quod additur in instantia, scilicet formam substan-

tialem esse intimiorem materię; resp. disting. secundum suum esse formale; Conceditur; Secundum esse virtuale, & radicale in ratione præcontenci, negatur. Ratio huius est; quia quantitas, ut radicaliter præcontenciata in materia; nõ distinguitur ab ipsamet Entitate materię, sicut & forma substantialis, ut similiter præcontenciata, & ita de intimitate ipsorum iudiciū ferendum est iuxta prioritatem, vel posterioritatem præcontenciati: cum ergo, ut supra ostensum est, quantitas prius præcontineatur in materia, quam forma substantialis, consequens est, quod quantitas virtualiter, & radicaliter considerata, sit intimior materię, quam ipsamet forma substantialis, & per hoc patet, ad alia, quæ adducuntur.

Obijcitur secundò. Materia prima nequit esse principium radicale indiuiduationis, ut præhabens quantitatem terminatam, neque ut præhabens interminatam. Ergo non poterit esse, ut præhabens quantitatem, cum quantitas præhabita debeat esse, vel terminata, vel interminata. Anteced., quod non possit esse principium radicale, ut præhabens terminatam, probatur; quia per dimensiones terminatas non redditur materia prima hæc, & indiuidua; ut docet D. Tho. Opusc. 70. quæst. 4. alias Petrus, dum esset puer, & dum esset vir, non esset vnum, & idem numero indiuiduū: siquidem quantitas palmaris, quæ est in Petro puero, in viro non

ma;

manet, sed sit tricubitalis. Neque ut præhabens interminatam; quia materia non potest esse principium indiuiduationis, nisi ut est signata quantitate determinata; cum enim debeat determinari ad hoc, ut sit radix indiuiduationis, & talis determinatio non potest provenire, nisi à determinata quantitate, hinc est, quòd materia prima nequeat esse principium indiuiduationis, nisi ut est signata quantitate determinata; Sed per hoc quòd sit præhabens quantitatem interminatam, non censetur signari quantitate determinata cum quantitas determinata videatur coincidere cum quantitate terminata, quæ est opposita interminatæ. Ergo &c.

Resp. dicendo, Materiam primam esse principium indiuiduationis, ut præhabet quantitatem interminatam. Ad probat: patet, ex supposito quinto, ubi ostenditur, quantitatem terminatam, & quantitatem determinatam non esse idem; Nam ut quantitas sit terminata, requiritur, quòd habeat suum esse formale, secundum quod habet, ut sit huius, vel illius figure; ut autem sit determinata non requirit, ut habeat suum esse formale, sed sufficit, quòd habeat esse radicale in sua causa, & radice, cum res non solum in se, sed etiam in principio possit habere esse determinatum, & ita etiam quantitas in materia prima, ut in sua radice præcontenta, potest habere determinatum esse, sicque esse determinatè, licet nondum intelli-

gatur terminata, cum non concipiatur, ut habens in se suum esse formale.

Obijcitur tertio contra doctrinam in præsuppositis datam, quòd scilicet sigillatio perficiatur absque additione alicuius intrinseci in esse entis, ipsimet materiz superadditi; Sic. Per sigillationem materia prima realiter immutatur; Ergo sigillatio non perficitur absque additione alicuius intrinseci, materiz, in esse entis, superadditi. Antecedens, prob. quia materia per sigillationem transit à non esse realiter determinatam ad hanc numero formam, & quantitatem ad esse realiter determinatam, quod sine reali mutatione stare nõ potest. Cõsequẽtia patet, quia per mutationem realem res debet se habere aliter nunc, ac antea, ergo si per sigillationem materia realiter immutatur, debet se aliter habere nunc, ac antea; Sed si nihil ipsi superadderetur reale intrinsecum, non haberet se aliter nunc, ac antea, nam sicut antea tantum entitatem suam habebat, sic & nunc. Ergo &c.

Resp. dupliciter; primò, concesso anteced. neg. cons. q. ad probationem distinguenda est minor subsumpta. Si nihil ipsi reale superadderetur, non haberet se aliter nunc, ac antea, acquirendo aliquid de nouo; conceditur; amittendo aliquid antea habitum; negatur; & negatur cons. Nam res potest etiam intrinsece realiter mutari dupliciter, & habere se aliter nunc, ac antea, vel acquirendo ali-

aliquid reale de nouo, vel amittendo antea habitum; Materia ergo prima in sigillatione non habet se aliter nunc, quam antea realiter per hoc, quod acquirat intrinsicum aliquid reale, bene tamen per hoc, quia amittit aliquid reale antea habitum, scil. dispositiones antecedenter determinantes illam in composito corruptendo ad hanc numero potius formam, & quantitatem, quam ad aliam, nam illas in resolutione corruptiuas non habet, neque informatur ab eis; cum tamen antea informaretur in composito præexistenti; ex vi tamen illius informationis, & præcedentis determinationis habet hoc, quod sit ordinata ad hanc potius quantitatem, & formam, quam ad aliam; unde & dicitur talis determinatio in illa virtualiter manere in illo priori, in quo concipitur, ut nuda in resolutione corruptiuas, propter quod etiam concipiatur entitas eius pro illo tunc nuda, non tamen concipitur, ut indifferens, sed ut determinata ad hanc potius formam, & quantitatem, quam aliam. Exemplificatur hoc in motu lapidis proiecti fursum ad hoc, ut cadere possit in determinato loco; Lapis enim iste proiectus fursum ex vi impulsus sibi impressi manet ascendendo, quamdiu durat impulsiva qualitas in illo, qua pereunte, per motum naturalem descendit deorsum, & non utcumq; sed ad illum locum, ad quem determinationem accepit ab imprimente impulsus, ita

quod etiam in illo lapide non sit iam in seipso præfatus impulsus (aliàs moueretur fursum) sed tantum lapis maueat cum determinatione sola à prædicto impulsu acceptu cadendi ad talem determinatum locum, ad illum descendit potius, quam ad alium; Sic ergo proportionabiliter in nostro casu de materia prima discurrendum est: Materia prima accipit à dispositionibus antecedentibus determinationem ad hanc potius formam, quam aliam, &c. in resolutione vero corruptiuas illas dispositiones pereunt, & non manent in se ipsis, sed tantum materia nuda; quia tamen ab illis accepit determinationem, & ordinationem ad hanc potius formam, & quantitatem, quam ad aliam, illa entitas materiæ ordinatur, & dicitur habitudinem, atque tendentiam (ut ita dicam) ad hanc potius, quam ad aliam; ista autem ordinatio, & determinatio materiæ pro illo tunc, quæ in ipsa dicitur virtualiter manere ex vi præcedentium dispositionum illam informantium pro alio instanti, nil aliud est, quam entitas materiæ, ut ordinata ex vi dictarum dispositionum ad hanc numero quantitatem, seu ut fundans habitudinem ad illam.

Resp. secundò ad obiect. distinguendo antecedens; Per sigillationem materia prima immutatur realiter: realiter extrinsecè; concedo; realiter intrinsecè, loquendo de sigillatione, quam habet pro illo tunc, dum consideratur, ut nuda

da entitas; nego; deinde neg. con-  
seq. non enim intrinsicè tantum,  
sed etiam extrinsicè realiter po-  
test aliquid mutari: & ratio huius  
est; nam toties aliquid dicitur  
realiter mutari, quoties transit ab  
habente quidpiam realiter ad nō  
habens realiter, sic enim fit transi-  
tus ab vno contradictorio realiter  
ad aliud; Iam autem multoties  
potest res transire ab habente ali-  
quid realiter ad non habentem,  
realiter, vel è contra absque mu-  
tatione intrinsicè: quando nam-  
que aliquis habet centum aureos,  
& hi à furibus auferuntur, tran-  
sit ab habente realiter illos ad nō  
habentē, cum tamē nil intrinsicè,  
amittat, aut acquirat, vt expen-  
denti patet; igitur sine intrinsicè  
mutatione potest res transire ab  
habente aliquid realiter ad non  
habentem; & hoc idēd quam ma-  
ximè, quia quandoque res ad esse  
talem, quantum ad realitatem si-  
bi debitam, intrinsicè habet om-  
nia requisita, ita tamen quòd illa  
realitas dependeat ab aliquo ex-  
trinfeco connotato, quod potest  
poni, vel auferri. Vnde huiusmo-  
di realitas mutatur ad positio-  
nem, vel sublationem ipsius, quia  
dependeat ab eo, non tamen in-  
trinsicè, quandoquidem illud nō  
est intrinsicè quid, sed extrin-  
secum tantum connotatur. Et  
exemplificatur hoc à nostris PP.  
in specie Angelica, quæ repræsen-  
tando singulare aliquid de nouo  
productum, non mutatur intrinsicè,  
cum nihil ipsius intrinsicè  
entitati accrescat, sed solum ex-

trinsicè, in quantum aduenit ipsi  
de nouo aliquod extrinsicum cō-  
notatum, existentia scilicet singu-  
laris de nouo producti. Similiter  
relatio Paternitatis, in sententia  
S. Thom. non mutatur intrinsicè  
per hoc, quòd nouus terminus  
materialis ipsi superaddatur, Fi-  
lius scilicet de nouo productus,  
sed tantum extrinsicè, in quantum  
datur nouum extrinsicum conno-  
tatum, & terminus materialis ipsius.  
Sic igitur in nostro casu materia  
prima per explicatam à nobis si-  
gillationem nō immutatur intrinsicè,  
quasi acquirat aliquid de  
nouo in esse rei ipsi superaddi-  
tum, vt ostensum est in prænota-  
tis, sed extrinsicè per hoc, quòd  
ab ea connotentur de nouo ex-  
trinsicè quædam connotata supe-  
rius explicata.

## DISPUTATIO

### TERTIA:

#### De Principio indiuiduationis substantiarum im- materialium.

**P**ost determinationem circa  
principium indiuiduationis  
substantiæ materialis factam, re-  
manerent determinanda plura cir-  
ca principium indiuiduationis sub-  
stantiarum immaterialium, quales  
sunt Angeli; Sed quia Theologi-  
ca sunt, ad materiam de Ange-  
lis, quæ hic dici possent, remitti-  
mus.

mus, ipsam indiuiduationem Angelorum vnica quæstione complectendo.

## QVAESTIO VNICA.

*Vnde nam desumatur indiuiduatio Angelorum?*

**C**ertum est, principium proximum indiuiduationis, sicut in substantia materiali, sic & in Angelis, esse totam entitatem; loquendo autem de principio radicali; maior est difficultas propter rationem consequentem talem radicem, quæ est ratio indiuidualis, quam nonnulli volunt identificari omnimodè cum ratione specifica absque vlla etiam virtuali distinctione; alij autem negant, asserentes rationem specificam, seu gradum specificum, & indiuidualem distingui inter se ratione ratiocinata; & idè in horum sententia videtur, non ab eadem omninò radice procedere gradus indiuidualis, à quo procedit gradus specificus speciei athomæ. Verùm vt in resolutione huius difficultatis fundamētalius procedamus.

Supponendum est primò, Angelos esse substantias omninò immateriales, ac formas per se subsistentes, completas, & simplices, quod non obscurè deducitur, vel ex ipso Aristotile 12. Metaph. cap. 13. & alibi. Tum ex D. Tho. 1. p. quæst. 51. & in alijs locis, de quo videri possunt ipsius exposi-

tores. Supposito igitur quasi priò principio, quod Angeli sint formæ subsistentes, ac simplices nihil physicum admixtum habentes, ex quo componantur essentialiter, sequitur, quod radicem suæ indiuiduationis non possint habere ab aliquo, ab ipsis realiter distincto, sed ipsimet per simplicitatem suæ formæ subsistentis sint sibi radix suæ indiuiduationis, prout etiam id egregiè docet D. Tho. 1. p. q. 3. ar. 2. ad 3. & ratio ipsa cōvincit, quia illud est radix indiuiduationis alicuius substantiæ, quod est radix incommunicabilitatis, seu irreceptibilitatis in alio, vt ex supradictis liquet. Sed formæ subsistentes completæ, quales esse diximus Angelos, hoc ipso, quia completè subsistentes, vel in se sistentes, sunt ipsa radix irreceptibilitatis, cum esse per se omnimodè excludat esse in alio, siue per inhæSIONEM, siue per informationem. Ergo formæ subsistentes per suam simplicitatem, & rationem, qua subsistentes sunt completè, erunt radix indiuiduationis suæ.

Ex quo deinde sequitur, quòd eadem simplicissima forma radix sit in Angelis, tam gradus specifi-  
fici, quàm indiuidualis; si namq; radix indiuiduationis est ipsamet forma, vt subsistens, & hæc eadem, vt est simplicissima forma, est gradus specifi-  
fici radix, cum specificatione non nisi à forma desumatur, sequitur manifestè, quòd in Angelis eadem simplicissima  
radix, quæ fundat gradum specifi-  
ficum,

ficum, sit radix ipsissima, etiam respectu gradus individualis.

Et quamvis hæc ita se habeât, adhuc tam: n remanet discutendum: Vtrum gradus specificus specie athoma, & gradus individualis, non obstantibus his omnibus, distinguantur inter se virtualiter, aut ratione ratiocinata, vel non? Quod antequâ discutatur

Supponendum secundò, posito, dictos gradus non distingui inter se virtualiter, sed esse vnum, & indivisibilem gradum constituentem Angelos formaliter in specie athoma, & in esse individui, nihilominus in huiusmodi gradu adæquatè sumpto, ex imperfecto nostro modo concipiendi, posse distingui duos conceptus inadæquatos eiusdem gradus specifici, secundum quod ille gradus duomunera exercere concipitur; Etenim dum concipitur, secundum quod non explicat repugnantiam essendi in multis, concipitur secundum rationem specificam, cui, secundum quod huiusmodi, non repugnat inueniri in pluribus; quando verò concipitur cum repugnantia essendi in multis, vel ut est incommunicabilis alijs, concipitur secundum rationem individualement, cui propriè competit incommunicabilitas: Quæ tamen omnia contingunt ex parte imperfecti nostri modi concipiendi, ex parte namq; rei conceptæ non ita se habent, supposito, quod idè formaliter sit gradus specificus, & individualis in Angelis. His præmissis,

Prima Sententia est, quæ negat, Angelos esse primam radicem suæ indiuiduationis ex eo, quod censetur rationem individualement à specifica distingui virtualiter. Ita D. Bonau. 2. dist. 9. quæst. 2. art. 1. & alij, quos refert noster P. Blasius Metaph. lib. 1. disp. 5. quæst. 1.

Secunda sententia communis Thomistarum est, quæ dicit, Angelos indiuiduari à seipsis. Pro resolutione itaque

Dicendum est primò, in Angelis principium indiuiduationis ipsorum, esse formam ipsorum simplicissimam, secundum quod fundat gradum specificum athomum, ita ut idem gradus, qui ipsos constituit in specie athoma, constituat in esse individui absque ulla distinctione, etiam virtuali.

Probat in primis author. Arist. 7. Metaph. Textu 41. apud S. Thom. lect. 11. ubi docet, in substantijs (per quas S. Doctor ibi intelligit substantias separatas, scilicet Angelos) idem esse quidditatem, & indiuiduum. Nec potest intelligi de identitate reali cum distinctione virtuali, quia loco citato maiorem identitatem (cum Angel. Doctore) concedit dictis primis substantijs quantum ad quidditatis rationem, quam materialibus; sed in materialibus inuenitur identitas realis cum distinctione virtuali; Ergo in substantijs primis, scilicet separatis erit maior identitas, quam realis, proinde virtualis. Hoc idè docet in diuersis locis Angel. Doctor, specialiter autè 3. de anima,

textu 8. lect. 8. ubi sic inquit. *In*  
*his vero, quæ non habent formam in*  
*materia, sicut sunt formæ simplices,*  
*nihil potest esse præter essentiam*  
*speciei, quia ipsa forma est tota es-*  
*sentia, & ideo in talibus non possunt*  
*esse plura individua unius speciei,*  
*neq; potest in eis differre res, &*  
*quidquid eius, hoc est, quidditas, &*  
*individuum.*

Probatur deinde ratione. An-  
geli sunt formæ subsistentes, sim-  
plices omnino, proinde in indivi-  
sibili consistentes. Ergo non po-  
test in ipsis individuationis ipso-  
rum radix alia assignari, nisi ipsa  
met forma, qua sunt subsistentes,  
cum in indivisibili nequeat assi-  
gnari aliquid, & aliquid. Sed hu-  
iusmodi forma non potest esse  
principium individuationis secun-  
dum quod fundat gradum generi-  
cum. Ergo secundum quod fundat  
specificum aethonum. Anteced. &  
Conseq. patet; Subsumptum au-  
tem probatur; Nam principium  
individuationis debet esse radix  
omnimodæ incommunicabilitatis  
alteri, ut ex supra dictis constat.  
Sed in Angelis forma subsistens  
non est radix omnimodæ incommu-  
nicabilitatis, ut fundat gradum  
genericum, quandoquidem secun-  
dum hanc rationem est communi-  
cabilis pluribus speciebus, eundem  
gradum immaterialitatis partici-  
pantibus. Ergo &c.

Dices. Forma subsistens est ra-  
dix individuationis, non secun-  
dum quod fundat gradum gene-  
ricum, neque secundum quod fun-  
dat specificum, sed individualem,

Contrà. Ergo est radix indivi-  
duationis, secundum quod fundat  
gradum specificum aethonum.  
Illatio prob. Gradus specificus  
aethonum, & gradus individualis  
in forma subsistente, quales sunt  
Angeli, nè quidem virtualiter di-  
stinguuntur inter se, sed sunt om-  
ninò idem, si sermo sit de distin-  
ctione adæquata virtuali. Ergo si  
forma subsistens est radix indivi-  
duationis, secundum quod fundat  
gradum individualem, erit radix  
eiusdem, secundum quod fundat  
gradum specificum aethonum.  
Conseq. patet, Anteced. prob.  
Gradus, qui desumitur à forma,  
secundum ultimam actualitatem  
ipsius, non distinguitur etiam vir-  
tualiter à gradu specifico. Sed  
gradus individualis in formis sub-  
sistentibus desumitur ab ultima  
actualitate ipforum. Ergo à speci-  
fico nec virtualiter distinguitur.  
Prob. Maior, quia gradus specifi-  
cus, & differentialis desumitur ab  
ultima actualitate formæ. Ergo  
gradus à tali actualitate desum-  
ptus non erit distinctus à specifi-  
co. Minor etiam probatur, quia  
ab illo gradus individualis debet  
desumi, ut à propria radice, cui  
competit incommunicabilitas al-  
teri omnimoda, hoc est, cui com-  
petit non esse in alio, ut in subie-  
cto informationis, & prædicatio-  
nis, ut ex toties dictis liquet. Sed  
ultima actualitas in formis sub-  
sistentibus est id, cui competit non  
esse in alio, ut in subiecto infor-  
mationis, aut prædicationis, quia  
hæc, cum ipsissimam rationem per  
se



se subsistendi dicat, excludit à se omnem rationem ( vt potè sibi oppositam ) receptibilitatis in alio, vt in subiecto informationis, proinde etiam & prædicationis, cum, dici *De*, præsupponat, esse *In*, iuxta tritum Logicum axioma. Ergo ab vltima actualitate in formis subsistentibus, &c.

Replicabis. Formæ subsistenti, etiam secundum quod fundat gradum genericum, competit irreceptibilitas in alio, vt in subiecto informationis, cum etiam secundum gradum genericum distinguatur contra formas informantes, sicq; sit subsistens, ac per consequens irreceptibilis, & tamen, non repugnat ei secundum hanc rationem esse in alio, vt in subiecto prædicationis. Ergo similiter, etiam si formæ subsistenti propter suum esse subsistens, repugnet, secundum quod fundat gradum specificum, esse in alio, vt in subiecto informationis, non tamen repugnabit esse in alio, vt in subiecto prædicationis, consequenter cum hæc ratio sit opposita gradui individuali, forma subsistens, vt fundat gradum aethonum specificum, non fundabit individualē.

Verum nec ista replica subsistere potest, quod sic ostendo; Nam licet irreceptibilitas, & incommunicabilitas physica competat formæ subsistenti etiam secundum gradum genericum, non tamen incommunicabilitas metaphysica, & logica, quæ est non repugnantia essendi in pluribus realiter distinctis, proinde mirum

non est, quod non repugnet secundum hanc rationem esse in alio, vt in subiecto prædicationis, ad quod sufficit communicabilitas metaphysica. Sed formæ subsistenti, vt fundat gradum specificum aethonum, non solum physica, sed etiam metaphysica, & logica ( quantum est ex parte rei conceptæ ) competit irreceptibilitas, & incommunicabilitas. Ergo quamvis formæ subsistenti, prout fundat gradum genericum, non repugnet esse in alio, vt in subiecto prædicationis, ( consequenter repugnet fundare gradum individualem ) repugnabit nihilominus eidem, vt fundat gradum specificum aethonum, esse in subiecto prædicationis, & non repugnabit esse radicē gradus individualis. Maior quantum ad primam partem patet, quantum ad secundam facile probatur; quia gradus genericus immaterialitatis Angelicæ in pluribus speciebus Angelorum, realiter distinctorum inuenitur. Ergo incommunicabilitas metaphysica, quæ est repugnantia essendi in pluribus, non competit formæ subsistenti secundum gradum genericum; Minor verò probatur. Repugnat secundum gradum aethonum specificum formæ subsistenti in pluribus realiter distinctis inueniri; Ergo eidem, vt fundati gradum specificum aethonum, conuenit etiā Metaphysica, & Logica incommunicabilitas, quia hæc importat ipsammet repugnantiam essendi in pluribus, vti dictum est. Prob. anteced. Vt in,



pluribus possit inueniri secundum gradum athomum specificum forma subsistens, debent illa plura contrahere, & limitare talem rationem limitatione opposita ipsi, ut est limitabile quoddam, quod est actualissima ratio. Sed non possunt dari inferiora limitatiua talis rationis. Ergo nec forma subsistens secum illum gradum athomum specificum poterit inueniri in pluribus. Patet maior, quia inferiora alicuius rationis debent contrahere, sicque limitare illam modo sibi correspondenti. Prob. minor, quia inferiora limitatiua rationis actualissimæ non limitant illam, nisi secundum rationem quandam potentialem, & est contra. Sed in formis subsistentibus nil potest inueniri potentiale limitatiuum rationis actualissimæ specificæ, scilicet athomæ, quia cum sint formæ simplicissimæ, proinde & actus simplicissimi, qui hoc ipso, quod sint tales, & omnino immateriales excludere debent potentialitatem, quæ non nisi materiam consequitur. Ergo etiam in formis subsistentibus non poterunt dari inferiora limitatiua rationem actualissimam ipsorum, gradum scilicet specificum athomum.

Dices. In formis subsistentibus, datur aliquid potentiale, gradus scilicet genericus, qui contrahitur per rationem specificam. Ergo similiter poterit dari aliquid potentiale contrahens gradum specificum athomum. Sed

Contra sic arguo, estque do-

ctrina valde notanda: Ideo in Angelis aliquid potentiale logicum datur, ratio scilicet generica, quia datur à parte rei, & physicum fundameentum talis potentialitatis, potentia scilicet metaphysica realis, respiciens actum sibi correspondentem à se realiter distinctum. Sed non potest dari in ipsis fundamentum alicuius potentialis, contrahentis gradum specificum athomum. Ergo neque huiusmodi potentiale poterit dari: consequent. patet, quia res fundata, in quantum talis, sine suo fundamento dari nequit; Maior sic declaratur iuxta Logicum, & D. Tho. doctrinam: genus debet desumi à materia, sicut differentia à forma; per materiam autem intelligitur Potentialitas, siue illa sit physica, sicut est in compositis physicis, siue metaphysicis; ut in formis subsistentibus, & ita ubi datur aliquid potentiale, quod sit à parte rei tale, datur fundamentum rationis genericæ, & radix eiusdem. Sed in Angelis datur aliquid verè potentiale, à parte rei in ordine existendi, aut subsistendi, Essentia scilicet illorum, quæ respectu existentia, est verè potentia metaphysica, ab ipsa realiter, ut ab actu suo, quem recipit distincta, prout interius ostendetur. Ergo in Angelis dabitur fundamentum potentialitatis logicæ, rationis scilicet genericæ. Maior Argumenti primi, (Supponendo, quod radix rationis, seu gradus contrahentis gradum specificum, debeat pertinere

ad

ad lineam Essentiae, cum ratio contrahens gradum specificum constituat Essentiam singularem, & ideo radix rationis, scilicet differentiae individualis in substantijs materialibus, est intra lineam Essentiae, materia scilicet prima, ut supra ostensum est, quo praesupposito.) Sic ostenditur. Rationis potentialis, contrahentis gradum athomum specificum, fundamentum, & radix, debet esse aliquid realiter potentiale (sicut rationis actualis, aliquid actuale, seu actus, ut ex se constat,) & hoc intra lineam Essentiae, prout ex exemplo supra posito liquet. Sed in Angelis intra lineam Essentiae, non datur aliquid realiter potentiale, aut potentia realis, etiam metaphysica, quia tota Essentia Angelis, cum sit Essentia formae omnino irreceptae, & subsistentis, est tota actus, & forma; proinde nil admittens potentialis intra lineam suam, prout subtiliter ostendit, ex mente D. Tho. Caiet. de Essentia cap. 6. quaest. 12. super textum. Secundo modo invenitur Essentia in substantijs creatis intellectualibus, & propter hoc Essentiae Angelorum tribuit infinitatem, quandam, tenentem se ex parte actus; ex eo scilicet, quod per oppositum suum, scilicet potentialitatem intra lineam suam, non sit ullatenus limitata, utpotè actus simplex in tali linea, potentialitatem omnimodè excludens. Ergo in Angelis non datur fundamentum, & radix rationis potentialis, contrahentis gradum specifi-

cum athomum: quae impugnatio, & doctrina est desumpta ex D. Tho. loco nuper citato, ex qua iam facile colligi potest: cur gradus genericus in Angelis à gradu specifico distinguatur, ad minus virtualiter, sicut etiam in homine v. g. ratio generica ab ipsius specifica ratione distinguitur; gradus autem specificus athomus à gradu individuali, nec quidem ratione ratiocinata distinguatur? Distinctionis siquidem inter gradum genericum, & specificum in Angelis datur fundamentum à parte rei, uti ostensum est, & ideo habet intellectus, unde taliter distinguat, ratione scilicet ratiocinata, praedictos gradus; At verò, quia distinctionis inter gradum specificum athomum, & individualem in Angelis non datur fundamentum, ut ex dictis constat, consequens est, quod etiam, nec ipsa distinctio virtualis inter eosdè admitti potest. Sed adhuc

Replicabis, dicendo; sicut in Angelis datur fundamentum rationis genericae potentialis, aliquid reale potentiale, scilicet Essentia, quae est potentia realis, ad existentiam, tanquam actum sibi correspondentem; sic etiam respectu differentiae individualis, fundamentum dabitur aliquid reale potentiale; eadem nempe Essentia Angeli, fundans illam differentiam, prout est realis potentia receptiva existentiae.

Verum replica haec non potest subsistere, ut tamen impugnatio illius melius percipiat.

Ad

Aduertendum est, in Essentia Angeli adæquatè sumpta, duplicem conceptum distingui debere, Vnum communem, qui est conceptus Essentiæ creatæ, qua creata est. Alterum specialem, & proprium Angelo, qua Angelus est, qui quidem conceptus est cōceptus Essentiæ omnino irreceptæ, & illimitatæ intra lineam talis Essentiæ: ille autem prior conceptus, dupliciter adhuc considerari potest. Primò, secundum ea, quæ cum præcisione affert, & hæc sunt prædicata quidditatiua secundum se, & cum præcisione sumpta. Secundò, secundum ea, quæ completè, ex vi tamen suæ lineæ, affert, & hoc est ipsa Essentia, vltimum suum existentielle complementum habens. Primæ consideratio conceptus ex se clara est: secunda autem eruitur ex ipsa doctrina Angelici Doctoris 4. Metaph. lect. 2. vbi sic inquit: *Hoc nomen, Ens, quod imponitur ab ipso esse, significat idem, cum nomine, quod imponitur ab Essentia. Et subdit rationem. Esse enim rei, quamuis sit aliud ab eius Essentia, non tamen est intelligendum, quòd sit aliquid superadditum ad modum accidentis sed quasi constituitur per principia Essentiæ. Hæc D. Thom: quam doctrinam exponens Caiet. de Ente, & Essentia cap. 4. dub. 1. hæc habet. Nihil extra Essentiam rei per propria principia ipsius constituitur, nisi existentia; Quodcumque enim aliud per principia propria alterius generis constituitur, scilicet, genus, proprium, & diffe-*

*rentiam propriam, & inuiversaliter per propria illius prædicamenti principia. Ipsum autem existere, non nisi per genus, & differentiam, & principia ipsius, quod est, constituitur. Et hæc est ratio, qua D. Tho. arguit Auicennam, &c. Hucusque Caietanus.*

Ex cuius, & D. Tho. doctrina duo eliciuntur. Primò, quòd existentia sit extra essentiam rei, si Essentia sumatur cum præcisione, quoad prædicata, scilicet tantum quidditatiua. Hoc autem deducitur ex illis verbis. *Nihil, extra Essentiam rei, &c. nisi existentia, & hoc ipsum amplius, paulò inferius, idem Caietan. explicat, dum dicit: Ens, secundum ipsum esse à prædicatis quidditatiuis aliquàlter declinare. Secundò elicitur, existentiam non esse alterius lineæ, aut generis ab Essentia rei, si illa completè sumatur, cuius est existentia, quod colligitur ex sublequentibus verbis: *Ipsum autem existere, non nisi per genus, & differentiam, & principia ipsius, quod est, constituitur. Constitutum autem per genus, & differentiam alicuius rei ad eandem lineam, & genus debet pertinere cum talire, vt ex se patet. Si igitur existentia per genus, & differentiam suæ Essentiæ constituitur, prout ex verbis relatis patet, consequens est, quod non sit extranea, aut alterius lineæ, ab Essentia rei completè accepta, ac prout ex allata doctrina necessariò distinguendus est duplex conceptus Essentiæ; Vnus Essentiæ, cum præcisione,**

cisione, quoad quidditativam prædicatam præcisè sumptus; extra quem est existentia: alter Essentiæ completæ, & quoad ultimum complementum suum acceptæ, & talis intra lineam suam claudet etiam existentiam. Hac itaque præsupposita distinctione conceptuum essentiæ Angeli, necessario.

Dicendum est, quòd si sermo sit de conceptu communi essentiæ Angeli, in illo debeat admitti aliquid reale potentiale, fundans rationem communem genericam, & hoc nihil aliud erit, quàm essentia Angeli secundum communem conceptum essentiæ creatæ; cum præcisione tamen sumpta: secundum hanc quandoquidem rationem habet rationem realis potentiæ respectu realis actus, in se concepti, qui est existentia.

Nec tamen hinc licet inferre, quod non intra lineam essentiæ, hoc modo habebit rationem potentiæ, sed tantum in ordine existentie, non inquam licet hoc inferre, quia supposita allata doctrina ex S. Tho. quòd existentia essentiæ creatæ, si non cum præcisione, sed adæquatè, & completè sumatur, non est omnino extra lineam ipsius. Ergo ratio illa potentialis respectu existentie inuenitur intra lineam essentiæ Angeli, sumptæ secundum communem conceptum, completè tamen & adæquatè.

Nec etiam obstat, essentiam Angeli totam esse formam realiter, proinde non posse habere rationem realis potentiæ.

Nam licet illa secundum omnem conceptum, cum præcisione sumptum, sit actus, & forma, non tamen si completè accipitur, quia sic involuit aliquid realiter distinctum à se, cum præcisione sumpta, scilicet existentiam. Vnde si concipiatur cum præcisione istius realis, à se realiter distincti, est realiter actus, & forma, si, ut illud involuit, est realiter (intellige respectu illius) potentia.

Ex quo tamen non sequitur, quod idem realiter, & respectu eiusdem sit actus, & potentia, sed tantum respectu diversorum, ut expendenti patebit.

Quod si sermo sit de essentia Angelica secundum conceptum proprium, secundum quod essentia Angeli est, nihil in illa reale, potentiale poterit inueniri, sed solum actualitas ipsa formæ, & essentiæ. Ratio huius est, quia essentia Angeli, secundum quod talis, sicut ex suo conceptu importat esse essentiale irreceptum, in alio, ita & illimitatum; Ex vi autem istius conceptus nil potest importari potentiale, quin potius excluditur omnis potentialitas in tali linea; tum quia esse essentiale formæ, hoc ipso, quod non sit receptum in potentia materiæ, sui limitatiua, manet intra limites, & lineam formæ, & actus, quæ actus est: Actus autem intra lineam actus, quæ talis excludit potentialitatem, tanquam sibi oppositam rationem. Ergo esse irreceptum formæ, ex vi istius conceptus, nil poterit importare potentiale;

tum

tum etiam, quia idcirco esse Diuinæ Essentiæ excludit omnem potentialitatem à propria linea, quia est irreceptum, & illimitatum. Forma igitur ex vi conceptus irreceptibilitatis sui in alio, excludit potentialitatem.

Nec refert, quod adhuc retineat rationem potentiæ ad esse; hoc siquidem ipsi non conuenit ex vi conceptus irreceptibilitatis, sed ex vi conceptus essentiæ creatæ, quæ eo ipso, quia talis, non pertingit absque vlla distinctione ad sui complementum, quod est existentia; sed illud, tanquam actum, proinde sicut potentia recipit, & ita limitat, ut limitetur, quæ rationes sunt oppositæ irreceptibilitati: Ex hac autem hucusque data doctrina obiter colligi potest, rationem genericam Angeli desummandam esse, tanquam à prima radice, ab essentia secundum communem gradum essentiae, secundum quam importat potentialitatem metaphysicam, differentiam verò, ab vltima actualitate eisdem essentiae, secundum quam importat irreceptibilitatem, quæ ratio est realiter distincta ab essentia, secundum communem conceptum essentiae completè sumptæ, quandoquidem hæc non explicat in suo conceptu sibi superadditum actum existentiae, bene autem illa, ut ex doctrina tradita liquet, qui quidem actus realiter distinguitur ab essentia Angeli, secundum conceptum irreceptibilitatis accepta.

Premissa igitur hac doctrina, contra instantiam, & replicam fa-

ctam, sic arguo. Fundamentum differentiae indiuidualis in Angelo est essentia eiusdem, secundum conceptum a thomum irreceptibilitatis, ut ex supradictis patet: Sed in essentia Angeli, secundum conceptum a thomum irreceptibilitatis sumpta, nihil potest potentiale reale inueniri, prout ex allata modo doctrina liquet. Ergo in Angelo, respectu differentiae ipsius indiuidualis, non dabitur aliquod fundamentum reale potentiale. Sed adhuc.

Instabis. In formis subsistentibus dantur duæ radices, realiter inter se distinctæ duorum graduum, specifici scilicet, & indiuidualis: Specifici quidem, ipsamet forma subsistens secundum suam a thomam rationem considerata; Indiuidualis verò, ipsamet subsistentia, quam à natura distingui realiter, infra ostendemus; Et merito quidem, quia subsistentiæ ratio radice indiuiduationis competit, omnimoda scilicet incommunicabilitas, (prout suo loco dicetur:) proinde iam erit fundamentum sufficiens ad ponendam distinctionem virtualem specificam, in forma subsistente, inter rationem specificam, siue gradum, & gradum indiuidualem.

Caterum instantia hæc, supponens radicem indiuiduationis in formis subsistentibus esse subsistentiam, falsum supponit, quia radix indiuiduationis alicuius rei non debet esse consequens ipsam rem, iam indiuiduam, sed debet esse principians, & in esse talis cau-



causans. Sed subsistentia consequitur, & præsupponit formam subsistentem iam indiuiduam, & singularem. Ergo non est radix indiuiduationis ipsius. Maior prob. quia radix accipitur, vt primum principium eius, cuius est radix; principium autem non consequitur, sed principiat suū principiatum. Ergo &c. Minor etiam prob. quia subsistentia est actus adueniens naturæ, vltimò iam constitutæ, vt infrà ostendetur, sicque ipsam præsupponit, sed non aduenit naturæ genericæ, aut specificæ præcisè, aliàs vniuersalia à parte rei subsisterent, quòd est platonium. Ergo naturæ singulari, & indiuiduæ, & consequenter præsupponet naturam iam indiuiduam, & singularem.

Dicendum secundò. Implicat dari plures Angelos eiusdem speciei athomæ solo numero differentes. Conclusio hæc ex præcedenti manifestè sequitur. Probat in primis authorit. S. Tho. 1. p. quæst. 75. ar. 7. vbi sic inquit: *Manifestum est, quod necesse erit in eis (idest in Angelis) esse diuersitatem speciei, non enim potest intelligi, quòd aliqua forma separata sit, nisi vna, vnius speciei, sicut si albedo esset separata, non posset esse, nisi vna tantum.* Plures authoritates D. Thom. vide apud nostros Salmonat. tom. 2. tract. 7. disp. 1. dub. 2.

Probat ratione deducta ex præcedenti Conclusionè. Quando ratio indiuidualis, & ratio specifica nequeunt distingui inter se, etiam virtualiter, tunc impli-

cat dari plura indiuidua intra eandem speciem. Sed ex præcedenti Conclusionè iam Angelis, qui sunt formæ subsistentes, non distinguitur, etiam virtualiter, ratio indiuidualis à specifica athomæ. Ergo implicabit dari plures Angelos eiusdem speciei athomæ. Minor patet ex supra dictis. Maior prob. Implicat multiplicari indiuidua, immultiplicata ratione, seu gradu indiuiduali, cum per hunc indiuidua in ratione talium constituentur. Sed hoc ipso, quòd ratio indiuidualis non distinguitur, etiam virtualiter à specifica, sed sint idem omnino, illa ratione immultiplicata manente, nequit ratio indiuidualis multiplicari, aliàs non essent idem omnino, vt supponitur. Ergo &c.

Dices. Essentia Angeli, & natura sunt rationes virtualiter distinctæ, prout nost. Complut. hoc, asserunt in lib. de Anima. Ergo à simili ratio specifica, & indiuidualis inter se distinguuntur virtualiter, quia non videtur esse maior identificatio inter istas rationes, quàm sit inter rationem naturæ, & essentia.

Resp. negando conseq. Disparitas est, nam ratio naturæ, & ratio essentia in Angelo sunt radices diuersarum linearum, illa autem, quæ sunt diuersarum linearum, oportet ad minus virtualiter distinguui; iam verò ratio differentie indiuidualis, & specificæ in Angelis sunt rationes procedentes ab vna, eademque radice eiusdem

lineæ, scilicet ab ultima actualitate essentia Angelicæ, (vt supra dictum est) proinde non est necesse, illas distinguere virtualiter, immò nec est fundamentum talis distinctionis. Quòd autem ratio naturæ, & essentia in Angelis sint radices diuersarum linearum, patet ex eo, quia natura Angeli est radix actus pertinentis ad lineam accidentis; est siquid radix operationis, quæ est accidens, cum natura debet esse principium motus, seu operationis, vt patet ex sua definitione; at verò essentia est radix actus essendi, seu existentia, qui quidem actus pertinet ad lineam substantia, tanquàm complementum eius; iam autem linea accidentis, & linea substantia sunt diuersæ lineæ. Igitur, & radices, quæ sunt radices actuum talium linearum, quales sunt, natura, & essentia Angeli, erunt diuersarum linearum.

Ex quo hic obiter aduertendū est, quòd eo ipso, quòd ratio differentia individualis à ratione specifica in Angelo non distinguatur virtualiter, in ratione tamen specifica ratio essentia, & natura distinguetur tali distinctione, oportet etiam, rationem differentia individualis virtualiter identificatā cum ratione specifica Angeli in ratione essentia eadem distinctione, virtuali scilicet, distinguere à differentia individuali eiusdem Angeli identificata virtualiter cum ratione specifica ipsius, in ratione naturæ considerata.

### *Soluuntur Argumenta contraria.*

**O**bjicitur primò contra primam Concl. Si Angeli indiuiduantur à seipsis secundum gradum specificum aetherei, ita vt hic nec virtualiter quidē distinguatur à gradu indiuiduali, iam de singularibus posset dari scientia. Sed hoc est contra communem sensum Philosophorum. Ergo &c. Sequela prob. quia iam in tali casu Angelus singularis, & secundum suam speciem esset idem, quandoquidem ratio indiuidualis à specifica esset indistincta. Sed de specie Angelica potest dari scientia. Ergo & de singulari Angelo, ac per consequens de singularibus daretur scientia.

Resp. disting. sequelam. De singularibus in actu signato posset dari scientia, conceditur, in actu exercito, negatur; nam ideo Philosophi communiter negant, de singularibus posse dari scientiam, quia hæc debet esse de perpetuis, & necessarijs, non autem de contingentibus, & mutationi subiectis; singulare autem, & indiuiduum Angelicum, secundum gradum indiuidualem cum præcisione sumptum, in actu signato non est quid contingens, cum hic sit omnino identificatus cum gradu specifico, vt ostendimus in nostra Conclus. quem necessarium esse nemo ambigit; licet in actu exercito secundum omnia, quæ ipsum consequuntur, subsistentia sci.

scilicet, & existentiam, sortiatur etiam contingentiam: quandoquidem existentia creaturæ non necessaria, sed contingenter competit, & ita in actu exercito, iuxta sensum explicatum, etiam de Angelo singulari nequit dari scientia, licet bene de eodem in actu signato.

Obijcitur secundò. Gradus secundum se communicabilis debet distingui virtualiter à gradu secundum se incommunicabili, ut euincunt ipsæmet rationes illorum oppositæ. Sed gradus specificus Angeli est ex se communicabilis, individualis verò incommunicabilis. Ergo distinguuntur inter se virtualiter. Maior patet. Minor est D. Tho. quæst. unica de spir. creat. a. 8. ad 4. ubi sic inquit. *Natura huius Angeli non perhibetur esse in multis ex eo, quod pertinet ad rationem speciei; sed ex eo, quod pertinet ad rationem individui.* Ergo &c.

Resp. concessa Maiori, neg. Minor. Ad cuius prob. ex author. D. Tho. desumptam, dicitur, S. Doctorem solum velle, naturam Angelicam ex parte nostri modi concipiendi imperfecti, non habere repugnantiam essendi in multis, non autem ex parte rei conceptæ, aliàs sibi ipsi contradicere, loco scilicet ex prima parte pro secunda nostra. Conclus. citato, quod non est dicendum. Cum enim noster intellectus pro hoc statu, obiectum proportionatum, & commensuratum sibi habeat quidditatem materiale, & hæc ex se sit communicabilis pluribus, dum

concipit naturam Angelicam modo sibi connaturali, ad instar scilicet quidditatis materialis, concipit illam, ut multis communicabilem, licet ipsa ex se non sit talis, & ita duos conceptus in illa distinguit, (qui tamen vnus, & eiusdem rei totalis sunt inadæquati conceptus) vnum, qui exerceat munus communicabilitatis, seu non repugnantia essendi in multis; & hic correspondet gradui specifico naturæ, alium, qui exerceat munus quomodocumque incommunicabilitatis, hic verò correspondet gradui individuali; sed

Urgebis. Posito, quod in natura Angeli individualis gradus, & specificus, ne virtualiter quidem distinguerentur, Angeli essent essentialiter singulares, ut patet. Sed hoc dici non potest; cum hoc soli naturæ Diuinæ competat, quæ est actus purus. Ergo &c.

Resp. admittendo sequelam, ad cuius probat. dicitur. Soli naturæ Diuinæ competit essentialiter esse singularem cum repugnantia essendi vniuersalem: Conceditur; sine repugnantia essendi vniuersalem: Negatur. Angelorum, autem natura, licet sit essentialiter singularis, non tamen est talis cum repugnantia essendi vniuersalē, saltem ex imperfecto nostro modo concipiendi, immò secundum se etiam quantum ad gradum genericum est vniuersalis; quia verò in Deo hoc non inuenitur, quod scilicet, etiam ex imperfecto nostro modo concipiendi, possit natura eius esse vniuersa-



salis ; cum ad hoc requiratur aliqua potentialitas in natura , quæ sit fundamentum concipiendi vniuersalitatem , quæ à Deo , vtpotè actu puro , longè exultat , idè sola Diuina natura dicitur essentialiter singularis cum repugnantia essendi vniuersalem ; Angelicæ verò natura , vtpotè habens fundamentum vniuersalitatis , aliquā scilicet potentialitatem , ita erit essentialiter singularis , vt tamen ei non repugnet fieri vniuersalem , saltim ex imperfecto nostro modo concipiendi.

Obijciunt tertio. Licet Michael v.g. habeat omnem perfectionem sibi substantialiter debitam , tamen posset Deus per absolutam suam potetiam eandem naturam Michaelis ponere in aliquo indiuiduo substantialiter perfectiori , cum perfectioribus accidentibus . Ergo per absolutam Dei potentiam , Angeli intra eandem speciem numero possunt multiplicari . Consequent. patet . Anteced. prob. Quamuis Sol omnem sibi debitam perfectionem habeat , in ratione corporis luminosi , tamen Deus posset aliud indiuiduum solis cum perfectiori lumine producere per absolutam suam potentiam . Ergo idem à pari erit dicendum de Michaelē , v.g.

Resp. neg. anteced. ad probat. ostenditur disparitas , quia soli ab intrinseco non repugnat numero multiplicari , cum non sit essentialiter singularis : at verò Michael , eum habeat naturam ad vnum suppositum ab intrinseco deter-

minatam , sicque essentialiter singularis , prout ostendimus in 1. & 2. Conclusionē , hinc est , quòd non potest naturam suam communicare , etiam per absolutam Dei potentiam , alteri à se indiuiduo perfectiori , quòd si ipsi Deus communicaret perfectiora accidentia , quàm nunc habet , illa non reciperet secundum potentiam naturalem , sed obedientialem ; proinde non essent propriæ ipsius passionēs , sed accidentia tantum communia : Esse autem naturam Angelicam , v.g. Michaelis , ab intrinseco determinatam ad vnum suppositum tantum , ostenditur ex ipsamet ratione formæ subsistentis , & omnino immaterialis , qualis est Michael ; nam , quando se forma communicat sine sui limitatione , cum se communicet naturaliter , proinde secundum vltimum sui , omni possibili sibi modo se communicat ei , cui se communicat , & ita non remanet ipsi vllus modus , quo se alteri posset communicare , aliàs non secundum vltimum sui se communicasset ; proinde dum se communicat alicui supposito , ita se communicat , vt ab intrinseco determinetur ad illud solum : At forma subsistens , & omnino immaterialis , hoc ipso , quod talis est , dum se communicat , sine vlla limitatione se communicat ; limitatum enim formæ est materia , aut potentia , quæ in forma omnino immateriali non inuenitur , vt iam ostendimus , sicque nec limitationum eiusdem reperitur .

Ergo

Ergo etiam ita se communicabit uni determinato supposito, ut alteri nequeat communicari, proinde erit ab intrinseco ad unum suppositum determinata.


Quando verò ex SS. PP. diuersæ adducuntur auctoritates, quæ probare videntur, plures Angelos reperiri, aut posse reperiri sub vna specie, loquuntur de specie, subalterna, quæ est simul genus, non autem de athoma. Plura circa hanc materiam vide in nostris Salmat. loco supra citato, Tract. de Angelis.

## DISPUTATIO

### QUARTA.

#### De Principio radicali indiuiduationis accidentium.

**D**ecisa difficultate circa principium indiuiduationis substantiæ, tam materialis, quàm immaterialis, remanet adhuc decisio faciendæ de principio indiuiduationis accidentiæ, quæ sicut subsequuntur substantiam, vtpotè Entis Entia, sic recto ordine exigunt, post determinationem de substantia factam, etiam determinationem circa sui indiuiduationem. Pro quo sit



## QVAESTIO I.

*Vtrum subiectum sit radicale principium accidentium indiuiduationis, aut distinctionis indiuidualis puræ?*

**P**ro meliori dicendorum dilucidatione, tres termini in titulo positi, necessariò explicari debent, qui sunt principium accidentium; Deinde subiectum; Tandem accidentium. Igitur

Supponendum primò. In titulo signanter positum esse principium radicale indiuiduationis accidentium; nam loquendo de principio proximo, & adæquato, certum est, illud esse ipsamet entitatem accidentis, ut est hæc: Et ita præsens difficultas non excitatur de principio proximo indiuiduationis accidentium, sed de radicali, seu de prima radice physica differentiæ indiuidualis. Vtrum scilicet illa sit ipsummet subiectum, vel aliquid aliud.

Supponendum secundò, subiectum, prout constituitur radix indiuiduationis accidentium, dupliciter posse accipi, vel in esse rei, sicque materialiter, vel in esse subiecti formaliter. Subiectum in esse rei, seu in esse Entis, est ipsamet entitas subiecti, habens capacitatem ad recipienda accidentia. In esse autem subiecti for-

ma;

maliter, est eadem entitas subiecti, secundum capacitatem suam receptiuam sumpta, ut connotans hoc numero agens cum sua actione, hoc numero tempus, &c.

Rursus subiectum in esse Entis, adhuc dupliciter accipi potest, vel materialiter, vel formaliter; Materialiter accipitur pro ipsamet entitate subiecti, secundum capacitatem receptiuam quarumcunque formarum accidentalium indiuidualium, siue illæ fuerint indiuidua diuersarum specierum, siue generum. Formaliter verò sumitur; pro Entitate habente capacitatem, & potentiam ad recipiendam accidentia huius tantum speciei athomæ, & non alterius, & hæc distinguitur, ad minus virtualiter à capacitatem, & potentia respiciente accidentia alterius speciei; Cum enim debeat esse commensuratio inter potentiam receptiuam formæ, & ipsamet formam, necessario sequitur, ut accidentia distinctæ speciei, distinctam, ad minus virtualiter, requirant ab alia correspondentem sibi in subiecto capacitatem, & potentiam. Explicatur, & exemplificatur hæc diuisio, saltem in materia prima, quæ, si sumatur secundum suam Entitatem, ut connotantem quantitatem, est subiectum diuersarum formarum substantialium, quas successiuè recipere potest, & hoc modo in esse subiecti, & radice indiuiduationis in esse rei, materialiter præcisè sumitur, sicut, ut importat capacitatem receptiuam

huius speciei potius, quam illius formarum substantialium, sumitur in ratione subiecti, adhuc in esse, rei formaliter tantum: at ut præhabens hanc numero determinatam quantitatem, connotantque has potius dispositiones numero, hoc agens, &c. sumitur in ipsamet ratione subiecti formaliter, estque huius numero potius compositi substantialis, & formæ, quàm illius, radix indiuiduationis. Sic ergò similiter, cum sua tamen, pro portione de ipsomet subiecto accidentium, ut potest habere rationem radice indiuiduationis accidentium discurrendum est.

Supponendum tertio. Sic ut materiam primam ad formas substantiales, & totum compositum substantiale, sic & subiectum accidentium ad formas accidentales dupliciter posse comparari, vel in ratione subiecti absolute, vel in ratione subiecti, ut habet rationem radice indiuiduationis; Si primo modo accipiatur, materia, & subiectum accidentium non indiuiduant sibi correspondentes formas, sed materia una cum forma, quam recipit, ad lineam Essentia pertinent, sicque constituent compositum substantiale: subiectum verò accidentium est terminus habitudinis essentialis accidentium, & causa efficiens, atque finalis ipsorum, non quidem in quantum subiectum reduplicatiue, sed tantum specificatiue tale; formaliter autem, ut exercens rationem causæ, respectu accidentium,

tium, siue finalis, siue efficientis, siue formalis extrinsecæ, secundū quam acceptionem, subiectum non est radix, & principium indiuiduationis accidentium. Si autē secundo modo, accipiantur materia prima, & subiectum accidentium, sunt principia, indiuiduantia sibi correspondentium formarum, & in huiusmodi hypotesi de illis loquimur in præsentī.

Supponendum quartò pro solutione aliquorum difficultū argumentorum, in subsequentibus excitandorum, quòd licet subiectum in esse rei formaliter sumptum, respiciat accidentia omnia eiusdem speciei, sicque habeat capacitatem ad omnia illa recipienda successiue, non tamen omnia, aut saltem aliqua, verbi gratia, duo, aut tria simul in exercitio; proinde respectu ipsorum, habet simultatem potentia, id est simul habet potentiam ad alia habenda, dum actu vnū habet, non tamen habet potentiam simultatis, hoc est, potentiam ad omnia illa in exercitio simul habenda. Ratio huius est, quia in exercitio plura accidentia eiusdem speciei, solo numero distincta, subiectum non potest recipere, si illa non possint actu numericam pluralitatem habere; vt ex se patet, quia si subiectum actu, & in exercitio, & in esse rei formaliter sumptum, sit in se vnum, & immultiplicatum, accidentia eiusdem speciei connaturaliter in illo recipienda, non possent ha-

bere actu multiplicatam numericam; nam hæc, cum sit indiuidualis, & materialis, & ita tanquam à radice in accidentibus desumi debet ab eo, quod est in illis principium materiale; tale autem non est Entitas illorū, quia hæc est ratio formæ, quā licet vnitas, sic & multiplicitas tantum formalis opposita materiali consequitur; relinquatur proinde, quòd principium materiale, sicut vnitatis numericæ, seu materialis ipsorum, sic & multiplicatis, sit subiectum, habens se respectu eorundem, vt materia respectu formæ substantialis: Iam, verò posito, quòd tale subiectum sit tantum vnum in se indiuisum, & immultiplicatum, vt supponimus, principium, & radix multiplicatis numericæ accidentium, non daretur. Igitur nec accidentia plura, numero solo distincta, atque ita in vno, eodemque formaliter in esse rei subiecto, non poterunt plura accidentia, solo distincta numero, simul in actu exercitio recipi; bene tamen successiue, quia in tali casu, actu, & in exercitio tantum vnum numero reciperetur accidens, licet in potentia, & successiue plura, & ita solum requireretur, quòd actu esset vnum subiectum, licet in potentia, & radicaliter multiplex, quod cum indiuisione, & immultiplicitate subiecti actuali, & in exercitio optime stare potest.

Cæterū plura accidentia, quando sunt diuersæ speciei, possunt simul, & in exercitio recipi in eodem

dem subiecto in esse rei ; quia illorum multiplicatio non est præcisè numeralis, & indiuidua, sed specifica, posita in suis indiuiduis, & ideo ad diuisionem illorum, & multiplicatam non oportet diuidi, aut multiplicari principium materiale, quod est subiectum, cum diuisio fiat ex parte formæ, & distinctionis formalis, sed sufficiet capacitas in subiecto respectu plurium formarum, specie distinctarum, quæ, vt D. Thom. quæst. 8. de veritate ar. 1. docet, recipiuntur secundum diuersas potentias subiecti, idest secundum diuersos respectus, participandi formas, sicut dulcedo recipitur ex participatione humiditatis, albedo, ex participatione lucis, &c.

Quia verò superius insinuatū est, ad rationem subiecti formaliter, in ratione talis sumpti, requiri connotationem huius omnino temporis, & intelligentia *systematis*, ad intelligentiam præsentium difficultatum quamplurimum conducat, ideo

Supponendum quintò, per tempus hoc numero, non intelligi tempus, vt præsens reduplicatiuè, vel præteritum, aut futurum, omnes siquidem huiusmodi formalitates accidentaliter tantum competunt entitati temporis, cum eadem entitatiuè pars temporis, quæ fuit futura, immediate fiat præsens, vel præterita subsequenter, sed per, *tempus*, intelligitur ipsamet entitas huius numero temporis, quæ aliàs est præ-

terita, vel futura, &c. & ita ad indiuiduationem accidentiū concurrunt tempus formaliter, & reduplicatiuè, secundum suam entitatem præcisè, specificatiuè autem, materialiter, & secundariò, secundum illas rationes accidentales, vt præsens, præteritum, &c; quæ proinde non variant indiuiduationem.

Supponendum vltimò circa terminum accidentium, nos hic non loqui de accidentibus solum materialibus, sed de omnibus in vniuersum, quorum aliqua sunt intentionalia, vt sunt species intentionales in aere receptæ, alia spiritualia, alia materialia. Hæc est autem differentia inter accidentia supernaturalia, & naturalia, quòd hæc petant sibi connaturale subiectum, illa verò, (cum nulla possit dari creata substantia supernaturalis) nulli subiecto possunt esse connaturalia; nihilominus, secundum communem cursum sui ordinis, magis vni subiecto debentur, quàm alteri, & propterea hæc numero caritas; recepta in Michaeli, nequit secundum communem cursum sui ordinis recipi in Gabriele. Taliter autem sibi coaptantur, & correspondent accidentia, & subiecta ipsorum, quòd sicut hoc subiectum, in ratione subiecti formaliter sumptum, prout scilicet connotat hoc numero agens, & hoc numero tempus, nequit respicere, & recipere, nisi hoc numero accidens: (quod, vt sit formaliter tale, debet importare suam

suam entitatem cum connotatione huius numero temporis, &c.) ita hoc numero accidens nequit recipi, nisi in hoc numero subiecto formaliter tali; cum quo tamen fiat, quod huiusmodi coaptationem, & commensurationem, accidens, & subiectum materialiter, & in esse entis sumpta, nequeant habere; nam idem subiectum materialiter, saltem successiue, naturaliter potest recipere plura accidentia solo numero distincta, cum tamen idem numero accidens, in esse rei, seu materialiter adhuc acceptum, naturaliter, & secundum communem usum non possit recipi, etiam successiue, in diuersis subiectis, & ex inde iam facile colligitur, subiectum materialiter sumptum, maiorem amplitudinem, & indifferenciam habere, quam habeat accidens in esse rei, & materialiter similiter acceptum. His ergo præsuppositis, pro intelligentia totius doctrine de principio individuationis accidentium.

Dicendum est: primum, & radicale principium, & ex se sufficiens in ordine rei, individuationis accidentium, consequenter distinctionis puræ individualis, esse subiectum in ratione subiecti formaliter sumptum.

Dixi, principium ex se sufficiens in ordine rei, quia loquendo de principio insufficienti individuationis accidentium, illud est ipsa materia prima, ut signata, immò & sufficiens etiam in ordine illatiuo, cum ex materia;

ut signata tali quantitate, reddatur sufficiens ratio, ob quam debeant in subiecto dari hæc potius accidentia, quam illa; non est tamen sufficiens principium, & radix in esse rei, quia, nisi ad sit à parte rei tale, vel tale compositum, non poterunt, etiam in ipso immediate subiecto, dari accidentia talia, vel talia, &c. quod præclare explicant, nostri Salmat. tem. 1. Tract. 1. disp. 2. dub. 1. n. 8. 9. & 10. Sic ergo intellecta Conclus.

Probatur in primis auctor. Aristot. 5. metaph. Textu 15. & Dion. Thom. ibidem. Deinde 1. p. q. 29. ar. 1. ubi sic habet: *Accidentia individuantur per subiectum, dicitur enim hac albedo, in quantum est in hoc subiecto.* Item quæst. 39. ar. 3. & alibi.

Probatur ratione. Distinctio purè individualis, sicut & unitas, est distinctio materialis, & non formalis, ut superius dictum est. Ergo unitas & distinctio purè individualis accidentium ex eo, tanquam prima radice desumenda est, quod est materiale, & receptivum respectu ipsorum. Sed subiectum est materiale, & receptivum accidentium, cum in illo, ut in correspondenti sibi materia, aut potentia in mediata recipiatur: Ergo à subiecto, ut à prima radice, petetur ipsorum individuatio; materia liquidum, ut signata, licet possit esse insufficientis, aut in solo ordine illatiuo sufficiens radix individuationis accidentium, ut modò dictum est, vel etiam in ordine rei subiectum;

*quo*, non tamen potest esse adæquatè sufficiens, aut subiectum, *quod*, illorum, ideoque primum omnino principium radicale indiuiduationis eorundem non potest esse materia prima, ut signata, sed ipsam subiectum, ut *quod*; nam in ijs, quæ habent realiter distinctum principium, *quo*, à principio, *quod*, qualiter se habet materia ad subiectum immediatum accidentium, cum de ipsorum principio absolute inquiritur; ad principium, *quod*, non autem, *quo*, recurritur, ut patet in causis efficientibus, potissimum actiones istorum tribuuntur principio, *quod*, scilicet supposito, non autem, *quo*, quale est forma: unde & dicitur, actiones sunt suppositorum, non autem formarum, absolute loquendo.

Confirmatur. Actus informans: qualis est omne accidens, illud recognoscit, ut radicem, & principium suæ indiuiduationis, quod est proprium limitatum ipsius in ratione actus; nam per limitationem huiusmodi, utpotè causam incommunicabilitatis alteri, constituitur in ratione indiuidui, quod importat omnimodam incommunicabilitatem, & indiuisiorem. Sed proprium limitatum accidentis in ratione actus, & formæ, est subiectum receptivum immediate, eiusdem limitatum; siquidè formæ in ratione actus, est correspondens ipsi subiectum, quale respectu accidentis, non est materia: (cùm hæc sit immediatum receptivum formæ substantialis) sed ipsummet subiectum, *quod*. Ergo

propria radix indiuiduationis accidentium erit subiectum ipsum.

### *Soluntur Argumenta contraria.*

**O**bjicitur primò probando; principium indiuiduans accidentia, debere esse intrinsecam ipsorum entitatem, & non subiectum. Principium indiuiduationis debet esse intrinsecum rei indiuiduæ; sed subiectum non est quid intrinsecum, sed extrinsecum potius respectu accidentium. Ergo non erit principium indiuiduationis ipsorum.

Confirmatur. Subiectum non potest dici principium indiuiduationis, etiam ut terminus extrinsecus intrinsecæ habitudinis accidentis ad informandum illud. Ergo &c. Antec. prob; nam, hoc posito, vnum accidens numero tantum vnum respiceret subiectum numero, hoc autem falsum est, cùm in eodem numero subiecto, saltem successive possint inueniri plura numero accidentia, v. g. albedines in eodem pariete, vel calores in eadem aqua. Ergo &c.

Resp. ad arg. dist. Maiorem. Principium indiuiduationis debet esse intrinsecum indiuiduæ rei, quæ sit substantia, Conced. rei, quæ sit accidens, negatur. Deinde concessa Minori, negatur Conseq. Ratio autem disparitatis inter substantiam, & accidens quantum ad radicem indiuiduationis, est hæc, quod scilicet substantiæ sint

en-

entia simpliciter, & per se, accidentia verò entis, idest substantiæ entia, & ideo ad aliud essentialiter ordinata, ad illud scilicet, cuius sunt entia, nempe ad substantiam, & ita essentialiter requirent habere aliquid extrinsecum sibi, ad quod dicant habitudinem, per quam habitudinem etiam speciẽ suam fortiuntur. Ergo multò magis indiuiduationem, cum ratio specifica, sit quid intimius rei; igitur si in ratione sua specifica habenda quodammodò dependent ab extrinseco accidentia, quid mirum erit, si debeant in indiuiduatione sua ab eodem, sicque radicem suæ indiuiduationis recognoscant aliquid extrinsecum?

Ad confirm. resp. negando Anteced. Ad cuius probat. dist. minorem; in eodem subiecto possunt inueniri plura, solo numero distincta accidentia: in eodem materialiter; Concedo; in eodem formaliter in ratione subiecti accepto, Nego minorem: cuius solutionis explicatio pendet ex intelligentia subiecti materialiter, & formaliter sumpti, circa quod videantur dicta in præsuppositis huius quæstionis.

Instabis. Ergo subiectum est radix indiuiduationis accidentiũ, formaliter, & non materialiter sumptum. Ergo potiùs actio huius numero agentis, hoc numero agens, hoc numero tempus erunt radix indiuiduationis accidentiũ, quam subiectum. Conseq. prob. subiectum in ratione subiecti formaliter constituitur per connota-

tionem huius numero temporis, &c. Ergo, hæc potiùs erunt radix; nãni propter quod unumquodq; tale, & illud magis; si ergo propter connotationẽ dictarum, subiectũ constituitur in ratione formaliter talis, sicq; & radicis indiuiduationis accidentium, iam ipsamet recensita potiùs erunt dicta radix.

Resp. neg. Conseq; ad cuius prob. dicitur, maximam illam verificari, quando utrumque est formaliter, & in recto tale; recensita autem non sunt formaliter, & in recto radix indiuiduationis; quia tantum ad rationem radicis concurrunt, ut extrinseca quædam connotata, ideo nõ sequitur, quod argumentum euincere volebat. Quod autem ratio radicis ipsis nequeat competere formaliter; patet, vel ex eo, quod radix indiuiduationis debet quodammodò intrinsece vniri cum re, quæ indiuiduatur per illam, aut saltem exigere talem vnionem, alias quomodò posset dici, rem indiuiduam in ipsa radicari? Iam, autem hoc non competit tempori respectu accidentis, neque agenti, ut consideranti patet, bene autem subiecto, quod per mutuam communicationem entitatum, sibi correspondenti accidenti vnitur, illud in se recipiendo, ergo licet subiectum formaliter tale sit radix formaliter indiuiduationis accidentium, non tamen hoc idem de tempore, & alijs extrinsecis connotatis potest dici.

Obijecitur secundò. Dantur aliqua accidentia, quæ non possunt



individuari à subiecto : Ergo falso dicitur, radicem individuationis accidentium , absolutè esse subiectum; Anteced. prob. Relationes, habitus, & similia sunt accidentia. Sed hæc non individuatur à subiecto : ergo &c. Maior patet. Minor prob. Ideò dicuntur individuari accidentia à subiecto, quia respiciunt illud, ut terminum intrinsecæ suæ habitudinis ; sed recensita accidentia, aliquid aliud, ut terminum suæ habitudinis respiciunt, ut consideranti patet. Ergo ab illo, & non à subiecto individuabuntur.

Resp. neg. anteced. ad probat. distingu. maior ; Ideò dicuntur accidentia individuari à subiecto, quia respiciunt illud, ut terminum suæ habitudinis, terminantem talem habitudinem in genere causæ formalis extrinsecæ, negatur. Terminantem illam in genere causæ materialis, & receptivæ. Conceditur maior: Accidentia autè enumerata respiciunt aliquid aliud, ut terminum suæ habitudinis, terminantem illam sed in genere causæ formalis extrinsecæ, non materialis partæ, & sic neg. consequentia, quia cum individuationis radix nequeat esse forma, siue intrinsecè constituta, siue extrinsecè specificans, sed tantum materia, ut superius ostensum est, in 2. quæst. huius disp. hinc est, ut illud, quod terminat habitudinem accidentium in genere causæ formalis extrinsecæ, (licet sit principium specificationis) nequeat esse radix individuationis ipso-

rum, sed tantum illud, quod illam terminat in genere causæ materialis, & puræ receptivæ; Cum ergo hoc posteriori modo subiectum terminet habitudines accidentium enumeratorum : priori verò modo sit extrinsecum specificatum ipsum, sequitur, quòd non hoc, sed ipsummet subiectum debeat esse prima radix individuationis, etià talium accidentiū.

## QVAESTIO II.

*Utrum Quantitas ex se, secundum aliquam rationem, individuetur.*

**S**upponendum primò, Quantitatem dupliciter posse considerari, vel secundum rationem, generalem accidentium, vel secundum specialem talis accidentis, scilicet quantitatis, quæ est ratio extensionis in ordine ad se ; rursus quantitas, secundum propriam rationem sui considerata, duplicem conceptum inadzquantum potest habere ; potest primò concipi, ut extensio, & hæc extensio huius numero substantiæ, & non alterius, secundum quem conceptum dicit ordinem ad hæc potius substantiam, quam ad aliam, & hoc est commune quantitati cum ceteris accidentibus : Secundò : potest concipi, ut exprimit rationem extensionis in ordine ad se, quæ est radix extensionis in

In ordine ad locū, vel, vt exprimit hoc, quod est habere determinatum situm, ortum ex partialibus sibi suis suarum partium; ac proinde quatenus eius partes habent rationem materiæ, siue principij materialis, respectu illius, quantum ad hoc, vt habeat determinatum situm; quamuis autem secundum hunc etiam posteriorem conceptum inadæquatum, quantitas non præscindat ab ordine ad subiectum: quin potius ipsum necessarîo inuoluat; nihilominus secundum illum, formalissimè, non exprimit dictum ordinem ad subiectum, sed solum ordinem illi, quem habent partes quantitatis ad ipsammet quantitatem totalem.

Supponendum secundò, dùm, sit mētio situs in suppositione, nō fieri sermonem de situ formaliter sumpto, secundum quod constituit speciale prædicamentum, sed de situ, prout est differentia quantitatis, & est diuersa quedam positio, & situatio partium quantitatis, tū inter se, tū in ordine ad totam quantitatem, quam componunt. Igitur dū inquiritur in titulo quæstionis: Vtrum quantitas, secundum aliquam rationem, ex se indiuiduetur? sensus est; Vtrum scilicet secundum hūc conceptum inadæquatum, secundum quod formalissimè exprimit ordinem partium situatarum taliter, vel taliter inter se, & ad seipsam, vel est quoddam totum, ex illis constans, sit tibi ipsi principium indiuiduationis; quamuis deinde, tū secundum generalem

rationem accidentis, tū etiam secundum specialem propriam, prout dicit extensionem, immò, & hanc huius substantiæ extensionem, sicut, & alia accidentia à subiecto indiuiduetur; prima sententia est negans. Itā sentit Scotus, Durandus, Suarez, citati à nost. Salmat. Tomo 1. Tract. 1. disput. 2. dub. 2. secunda sententia est affirmatiua, & hæc est D. Thom. & discipulorum ipsius, hanc defendit Capreol. Caiet. Ferrar. Bannes, Gonzales, & alij loco citato à nost. Salmat. relati. Pro resolutione

Dicendum est, quòd Quantitas hoc habet peculiare, inter omnia accidentia, quòd à seipsa quodammodo indiuiduetur. Probatur in primis authorit. D. Tho. Opusc. 70. q. 4. ar. 2. ad 3. ubi sic ait: *De ratione indiuidui est, quòd sit in se inuisum, & ab alijs diuisum vltima diuisione*; nullum autem accidens habet in se propriam rationem diuisionis, nisi quantitas; Vnde dimensiones, ex seipsis habent quandam rationem indiuiduationis, secundum determinatum situm, prout situs est differentia quantitatis, & sic habet duplicem rationem indiuiduationis, vnā ex subiecto, scilicet, & quodlibet aliud accidens, aliam ex seipsa, in quantum habet situm, ratione cuius abstrahendo à materia sensibili, imaginamur hunc circulum, hanc lineam. Hæc ille. Plures authorit. videri possunt apud nost. citatos Salmat.

Probatur concl. ratione, quod ex se est diuisibile in partes eius,

dcm

dem rationis, ex se est quodammodo principium suæ indiuiduationis: Sed quantitas secundum aliquam rationem habet ex se diuidi in plures partes eiusdem rationis. Ergo, & ex se habebit aliquo modo indiuiduari. Maior prob. Differentia indiuidualis aliquorum inter se, causatur formaliter per diuisionem intra eandem speciem. Ergo illud, quod habuerit à se diuidi in partes eiusdem rationis, ex se etiam habebit quodammodo omne principium indiuiduationis, & multiplicatis, purè numericæ, seu intra eandem speciem. Minor patet. Nam quæuis quantitas, v.g. linea diuiditur in diuersas partes quæ sunt eiusdem rationis; cum quæuis ipsarum essentialiter sit linea.

Confirmatur. Ex se radix, & causa multiplicatis realis, intra eandem speciem athomam, est ex se radix, & causa indiuiduationis. Sed quantitas est ex se radix multiplicatis realis, intra eandem speciem athomam. Ergo & radix ex se indiuiduationis. Maior est clara, quia multiplicata realiter intra eandem speciem athomam, non sunt, nisi indiuidua, ut patet. Ergo radix ex se huiusmodi multiplicatis erit radix ex se indiuiduationis. Minor verò prob. Quantitas ex se hoc habet, quod sit partibilis in distinctas realiter, quæ sint eiusdem speciei athomæ, sicut linea v.g. secundum speciem athomam rationem considerata, est diuisibilis in distinctas realiter partes, quæ ta-

men omnes sunt eiusdem speciei athomæ, vnaquæque scilicet est essentialiter linea. Ergo quantitas ex se est radix multiplicatis realis intra eandem speciem athomæ; aliàs ex se non esset partibilis in distincta realiter eiusdem athomæ speciei.

### *Argumenta in contrarium soluantur.*

**O**bjicitur primo. Ex hoc, quòd quantitas habeat ex se partes eiusdem rationis, nequit inferri, quod sit ex se indiuidua, aut radix suæ indiuiduationis aliquo modo. Ergo cum non ex alio fundamento, ipsi tribuatur esse radicem propriæ indiuiduationis, sequitur, quod non sit ex se indiuidua. Consequenter patet. Anteced. prob. habere partes eiusdem rationis, competit quantitati ex ipsa ratione sua specifica. Ergo ex isto fundamento, non poterit esse radix suæ indiuiduationis. Anteced. ex ipsa formali ratione quantitatis patet. Consequentia prob. per id, quod pertinet ad conceptum specificum alicuius formæ, ut præcisè à sua indiuiduatione, nequit esse forma radix indiuiduationis puræ; cum ratio specifica, & indiuidualis sint diuersæ rationis. Ergo si habere partes eiusdem rationis competit quantitati ex ipsa ratione specifica, sicque pertinet ad ipsius conceptum specificum, per hoc non poterit esse radix suæ indiuiduationis.

Resp.

Resp. negando anteced. Ad cuius probat. disting. anteced. Habere partes eiusdem rationis cōpetit quantitati ex ipsa ratione specifica. Partes eiusdem rationis in communi; Conceditur. Partes eiusdem rationis in particulari, & determinate acceptas, Negatur. Anteced. & deinde negat. Conseq. Non enim dicitur, quod quantitas ex eo, quod habeat partes eiusdem rationis in communi, secundum quam rationem exprimit cōceptum suum specificum, sit radix suae indiuiduationis, sed potius ex eo, quod habeat illas in particulari, & determinatē; quo modo habere partes eiusdem rationis non pertinet ad conceptum specificum quātitatis, sed indiuidualem; determinatā siquidem partes inter se, determinatum situm habentes, ut quid materiale, respectu totius, ex illis coalescentis, considerantur: materialis autem distinctio pertinet ad conceptum indiuidualem, & non specificum; hinc est, quod etiam partes quantitatē, eiusdem rationis determinatā, & in particulari, ad indiuidualem, & non specificum conceptum quantitatē debent pertinere.

Obijcitur secundò; à seipso posse indiuiduari, denotat excellentem perfectionem, & idē, quia Angeli inter creaturas sunt perfectissimi, omnesque immateriales, à seipsis in se dantur. Sed quantitas non excellit in perfectione, quin immò inter accidentia est imperfectissimum, utpotè connaturalissimum materiā, quae est ra-

dix imperfectionis ob summam suam potentialitatem. Ergò quantitas non indiuiduabitur à seipsa.

Resp. distingu. Maiorem à seipso indiuiduari secundum suam rationem totalem, & adaequatam, importat magnam perfectionem, Conceditur; à seipso indiuiduari secundum rationem tantum inadaequatam, secundum aliam verò ab alio, nempe subiecto, Negatur Maior, & quia quantitas licet secundum aliquam rationem indiuiduetur à seipsa, secundum tamē aliam, indiuiduatur etiam à subiecto, prout, & alia accidentia, sequitur, quod nō sit alicuius magnae perfectionis, sicut Angeli, qui adaequatē, & totaliter à seipsis praecise indiuiduantur, ut supra ostensum est.

Obijcitur tertio. Forma receptibilis in materia non est ex se indiuidua. Sed quantitas est forma receptibilis in subiecto, tanquam in materia quadam, sibi correspondente. Ergo non erit ex se indiuidua. Maior: prob. quia forma receptibilis in materia ex se est communicabilis pluribus, quod est contra rationem indiuidui; quod autem sit communicabilis, patet, quia forma receptibilis ex se non habet, per quod limitetur, nisi forte à suo receptiuo; & sic est communicabilis, quantum est ex se pluribus. Minor patet; quandoquidem de facto recipitur quantitas in subiecto proprio. Ergo &c.

Resp. distingu. Maiorem. Forma &c. quae non est ex se diuisibilis in par-

partes eiusdē rationis. Cōceditur  
 Maior, quæ est diuisibilis in illas,  
 & subdistinguo, non est ex se in-  
 diuidua secundū conceptum.  
 adæquatum, Conced. secundū  
 inadæquatum, negatur maior;  
 Cum autem quantitas, licet sit re-  
 ceptibilis, sit tamen forma ex se  
 diuisibilis in partes eiusdem ra-  
 tionis, erit etiam ex se aliquo mo-  
 do indiuidua, licet enim non di-  
 catur, nec concipiatur, vt ex se in-  
 diuidua secundū conceptum,  
 secundū quem exprimit ratio-  
 nem formæ, informantis subie-  
 ctum, in quo est, nihilominus se-  
 cundū alium conceptum inadæ-  
 quatum, in quantum cōcipitur in  
 ordine ad se, per diuersas partes  
 eiusdem rationis extensa, est ex se  
 principium suæ indiuiduationis;  
 nec per hoc; quod nimirū tali  
 modo à se indiuiduetur, erit ma-  
 gis vna, sicque perfectior, quā  
 aliz formæ accidentales, perfectio  
 siquidem non consequitur vni-  
 tatem indiuidualem, sed spe-  
 cificam, quam cum non  
 habeat excellentio-  
 rem præ alijs  
 formis  
 accidentalibus quanti-  
 tas, nec erit etiam  
 ipsis perfe-  
 ctior.


## QVAESTIO III.

*Vtrum repugnet, duo acci-  
 dentia solo numero di-  
 stincta esse simul  
 in eodem su-  
 biecto.*

**S** Vpponendum est, istam diffi-  
 cultatem excitari, vt tanto  
 amplius, & melius pateat; Vtrum  
 subiectum sit prima radix indiui-  
 duationis accidentium, vel non?  
 Si enim omnino repugnat, duo  
 accidentia recipi in vno, eodemq;  
 numero subiecto, manifestum est,  
 vnitatem numericam accidentis  
 dependentem esse ab vnitatem nu-  
 merica subiecti, sicq; subiectum  
 radicem esse huius, quod accidens  
 sit hoc numero, vel indiuiduum;  
 proinde & radicem indiuiduatio-  
 nis ipsius.

Scotus igitur, & Suar. iuxta sua  
 principia in præcedentibus qua-  
 stionibus citati, tenentes, indiui-  
 duationem accidentis cuiuscunq;  
 petendam esse ab intrinseca eius-  
 dem entitate, asserunt, duo acci-  
 dentia solo numero distincta, pos-  
 se inueniri simul in vno, eodem-  
 que numero subiecto; Nihilo-  
 minus

Dicendum est. Repugnat om-  
 ninò duo accidentia, solo numero  
 distincta, in eodem formaliter su-  
 biecto posse simul inueniri. Pro-  
 batur in primis authorit. Aristot.  
 5. Metaph. Textu 15. vbi asserit  
 non debere accidentia plurificari



**Questio III. An duo accidentia numero dist. possint &c. 441**

ex eo, quod in eodem subiecto recipiuntur. Quem locum exponens Angelicus Doctor dicit, *ad Aristoteles hac dixisse innuit, quia impossibile est, plura accidentia unius speciei in eodem subiecto esse.* Hoc ipsum S. Doctor docet, & 3. parte quæst. 35. ar. 5. Item in 4. dist. 12. q. 9. ar. 1. quæstiuncula 3. S. Magistri sequuntur Discipuli quamplurimi.

Probat deinde ratione. Virtus alicuius causæ ex se impotens ad præstandum aliquem effectum, non potest illum ponere, quamdiu ipsi non additur, per quod reddatur potens ad ipsum ponendum; aliàs manebit cum eadem impotentia, sicut & ante, sicque non ponet effectum. Sed subiectum in genere causæ materialis est ex se impotens ad recipienda duo accidentia solo numero distincta; nec potest ipsi addi aliqua virtus, etiam per absolutam Dei potentiam, per quam reddatur potens ad illa recipienda. Ergo nec per absolutam Dei potentiam, illa simul poterit recipere, ac per consequens repugnabit omnino, duo accidentia solo numero distincta, posse inueniri in eodem formaliter numero subiecto. Maior patet ex terminis. Minor prob. in primis quantum ad primam partem, quia si ex se subiectum potens esset ad recipienda plura solo numero distincta accidentia, connaturaliter illa reciperet. Sed huic contradicit experientia, quis enim vidit vquam duas albedines numero solo distinctas in

eodem numero pariete, &c. Ergo Sequela prob., quia potentia respiciens, & potens ex se recipere actum, habet commensurationem omnimodam cum illo; aliàs non esset ex se receptiva ipsius. Sed potentia respiciens, & recipiens actum sibi omnino commensuratum, connaturaliter recipit illum. Ergo, &c. Quantum verò ad secundam partem eadē minor primi argumenti probatur sic. Illud, quod ab extrinseco per potētiā Dei communicaretur subiecto, in ordine ad recipienda accidentia, non esset ipsamet entitas subiecti recipientis accidentia, sed quid distinctum realiter ab ipsa, utpotē ab extrinseco adueniens. Ergo nullam vim conferret subiecto ad recipienda accidentia; sicque esset quid frustraneum. Consequ. prob. Subiectum in genere causæ materialis, sicut & forma in genere causæ formalis, non causat, seu non recipit suum effectum, nisi per exhibitionem propriæ, & intrinsecæ entitatis. Ergo quidquid non pertinet ad intrinsecam ipsius entitatem, non augeat vim receptiuam ipsius; cum nequeat, ut tale, esse exhibitio propriæ, & intrinsecæ entitatis eiusdem. Sed illud, quod ab extrinseco, à Deo scilicet, communicaretur, non esset pertinens ad intrinsecam entitatem subiecti, sed potius ab illa distinctum, ut patet ex anteced. Ergo etiam non esset conferens aliquam vim ipsi ad recipienda accidentia.

**Secundò probatur Conclusio 1.**

**K k k**

**Si**

Si accidentia duo, solo numero distincta recipiuntur in eodem numero subiecto, essent duo, & non essent duo. Sed hoc repugnat. Ergo, & illud ex quo sequitur. Minor patet. Maior prob. Essent duo, vt supponitur, non essent duo: probatur sic. Habentia vnū & idem principium vnitatis numericæ, non sunt duo, sed vnum; cum principium vnitatis numericæ non causet vnitatem illam, aut indiuiduationem per aliquid à se distinctum, vt causa efficiens, sed per exhibitionem propriæ entitatis, & ita, sicut illud est vnum, sic etiam vnum ponit effectum, qui est cōmunicatio suæ entitatis indiuisæ, effectui à se causato. Sed duo accidentia recepta in vno eodemque numero subiecto, habent vnum, & idem principium suæ vnitatis numericæ; subiectum scilicet illud, in quo recipiuntur; cum, hoc esse principium indiuiduationis accidentium, supra ostensum sit. Ergo non essent duo, sed vnum.

Dices. Ergo ad minus duo accidentia connaturalia duobus distinctis subiectis v. g. duz albedines, quarum vna sit connaturalis Paulo, alia Petro, saltem supernaturaliter poterunt poni in eodem subiecto, v. g. Ioanne; quia hic, iam non esset connaturale ipsorum subiectum, sed alia, à quibus indiuiduarentur; proinde non repugnaret in ipso huiusmodi albedines solo numero distinctas recipi. Verum contrà sic arguo. Illa duo accidentia, solo numero di-

stincta, sunt extra spheram obiecti adæquati subiecti certi, v. g. Ioannis, recipientis accidentia in genere causæ materialis. Ergo nec supernaturaliter illa posset recipere. Consequ. patet; quia inter causam, & eius obiectum adæquatum est essentialis commensuratio, ita vt si exiret causa extra obiectum suum adæquatum in causando, amitteret huiusmodi essentialem commensurationem. Sed essentialia in rebus, nec supernaturaliter à rebus possunt tolli, quin tollantur, & res ipsæ; hoc enim implicantiā inuoluit, quæ sunt extra spheram omnipotentæ Dei. Ergo si recensita duo accidentia sunt extra spheram obiecti adæquati determinati subiecti v. g. Ioannis, nec supernaturaliter illa poterit recipere. Antecedens autem probatur; Nam, vt nost. Complut. in Phys. Disp. 15. q. 4. docent, quæuis causa efficiens, hæc numero, non respicit, nisi seriem horum numero indiuiduorum, ita vt series aliorum numero indiuiduorum sit extra spheram obiecti adæquati ipsius, proinde ex illa nullum indiuiduum valet producere, sic etiam quoduis subiectum determinatum hoc numero, non nisi seriem determinatorum indiuidualiter accidentium respiciet, tanquam proprium, & adæquatum obiectum. Sed illa duo numero accidentia à distinctis numero subiectis indiuiduata, nō sunt intra seriem indiuiduorum accidentium inspectorum ab hoc numero subiecto, alias non inspi-



cerentur ab alio, vt libi connaturali. Ergo erunt extra sphaeram obiecti adequati ipsius.

*Soluuntur Argumenta contraria.*

**O**biicitur primò. Species representantes duo alba, solo numero distincta, sunt etiam solo numero distinctae, & tamen possunt in eodem oculo, vel Phantasia recipi; similiter dum intellectus cognoscit duo indiuidua, v.g. Petrum, & Paulum, cognoscit per intellectiones solo numero diuersas, vt potè cognoscens obiecta, solo numero distincta, quae in ipso eodem numero recipiuntur. Ergo possunt duo accidentia, solo numero distincta, in eodem numero subiecto recipi.

Resp. negando, species representantes, v.g. duo alba, distinguuntur solo numero, distinguuntur enim specie. Cuius ratio est; nam species huius, v.g. numero albi habet essentialem commensurationem cum illo in esse representatio, & ideo obiectum hoc numero habet rationem formalem specificatam respectu talis speciei: cum autem distincta ex obiectis formalibus distinguantur specificè, sequitur, quod vna species representatio huius numero albi debeat etiam distinguere specie ab alia representatio alterius numero albi: Vnde licet duo alba illa, in esse rei, sint eiusdem speciei, in esse nihilominus Obiecti sensibilis, distinguuntur specie, cum

terminent in sua specie sensatio- nem, non secundum omnimodam conuenientiam, quam habent in vna natura, sed secundum ultimam etiam, & aethoniam suam rationem indiuidualem, quam essentialiter debet representare speciei, & propter hoc albedo hac numero, in esse obiecti sensibilis, vt scilicet est in sua specie, non potest esse eiusdem speciei cum alia albedine numero; Conuenientia liquidem specifica excludit disconuenientiam, quae sit alicui inferiori essentialis: cum autem essentialiter obiecta dicta in suis speciebus includant disconuenientiam, vt potè secundum aethoniam etiam suam differentiam representata, sequitur, quod in esse obiecti sensibilis, & in specie representatio, nequeant esse eiusdem speciei duo obiecta; in esse rei solo numero distincta. Similiter ad illas intellectiones, cognoscentes duo indiuidua, dicendum est, eas esse specie distinctas, & non solo numero; nam vel sunt medijs speciebus essentialiter, & realiter distinctis, vel media vna realiter, multiplici autem eminenter, proinde secundum diuersam formaliter rationem specificante intellectiones, vt subtiliter ostendunt nostri Salmat, loco supra citato.

Obijcitur secundò. Possunt duo ignes applicari circa idem v.g. lignum. Ergo iam tunc duo calores, solo numero distincti, recipiuntur, in eodem numero subiecto; quia ab agentibus, solo numero distinctis, non procedunt, nisi so-



lo numero distincti effectus.

Resp. diff. Consequenter recipiuntur in eodem subiecto, & eadem parte ipsius; Negatur, in diuersis partibus, Conceditur consequenter; Quod si ita applicarentur, vt in eadem deberet agere, tunc si essent æqualis virtutis, neuter ageret in illam, sed se mutuo impedirent, si verò vnus alterum excederet in agilitate, ille solus, qui superaret debilius agens, ageret, & non aliud, de quo vide nost. Complut. in Phys. disp. 15. q. 3. Vbi tamen aduertendum est, subiectum posse simul recipere plura accidentia, specie distincta, secus autem solo numero, cuius ratio assignata est in præsuppositis huius disput. quæst. 1. Sed

Instabis. Potest accidens semel corruptum supernaturaliter recipi in subiecto, in quo antea fuit, v. g. albedo corrupta, altera albedine, à tali subiecto indiuiduata, remanente, & in existente eidem. Sed in tali casu duæ albedines, solo numero distinctæ, inueniuntur in subiecto. Ergo saltem supernaturaliter duo accidentia, solo numero distincta, poterunt esse simul in eodem numero subiecto. Anteced. patet, quia *hic* numero visus, v. g. *huic* numero subiecto, semel destructus, potest restitui supernaturaliter, & in illo recipi, vt tot miracula experimentaliter docent. Ergo similiter, &c.

Resp. negando maiorem, ad cuius probat. concessio antecedit. neganda est consequenter. Ratio disparitatis est, quia subiectum vi-

lus, respectu illius, aliàs restituitur, potest habere rationem subiecti formaliter, & ita capacitatem debitam ad illum recipiendum, potest siquidem connotare hoc numero tempus, aliàs præteritum, per cuius connotationem redditur hoc numero subiectum in ratione subiecti formaliter huius numero accidentis: quod autem talis connotatio sit sufficiens, patet ex eo, quod tempus ad indiuationem non concurrat, quia præteritum, vel futurum (aliàs, dum est præsens, non posset concurrere ad illam,) sed influit secundum illam numero entitatem, quæ alias est præterita, & aliquando fuit præsens, vti patet in visu habito, & extincto, at verò subiectum, habens rationem subiecti formaliter talis, respectu huius numero accidentis, quod actu habet, v. g. albedinis, connotando hoc numero tempus, quod est præsens, non potest habere rationem subiecti formaliter talis, respectu alterius numero albedinis, v. g. ita vt manens idem in esse rei, & entis, sit multiplex in esse subiecti formaliter, connotando scilicet simul diuersa numero tempora præsens, ratione cuius habeat actu hanc numero albedinem, & aliàs præteritum, ratione, cuius semel amissam, supernaturaliter denuò recipiat, existente alia numero iam habita albedine. Ratio autem huius hæc est, quia quod vnum, & idem prorsus subiectum in esse entis, connotet simul diuersa tempora,

&

& ita fiat multiplex in ratione subiecti formaliter, excedit naturalem virtutem eius; si enim non excederet, posset idem subiectum in esse rei, naturaliter habendo calorem vt sex, ratione connotationis huius numero temporis, per connotationem alterius numero temporis, simul recipere alium vt sex, quod tamen fieri non potest; cum subiectum in actu respectu caloris, vt sex iam non est amplius in potentia ad calorem vt sex, prout docet nost. Complut. de Generat. disp. 8. n. 5.

Deinde prædicto subiecto vni in esse entis, nil potest addi etiam supernaturaliter, per quod fiat idoneum ad connotanda simul diuersa tempora, & ita efficiatur multiplex in ratione subiecti formaliter, quia istam connotationem exercere non potest subiectum, nisi ratione suæ entitatis naturalis; per id enim debet connotare, & fieri multiplex in ratione subiecti formaliter, per quod est radix indiuiduationis: hoc autem est sua entitas naturalis, vt ex ratione fundamentali patet. Cum ergo quidquid superadderetur subiecto dicto etiam supernaturaliter, non posset esse naturalis, & intrinseca entitas ipsius; consequens est, quod nihil ei posset addi, per quod redderetur idoneum ad connotanda simul diuersa tempora, ac per consequens, ad hoc, quod posset fieri multiplex in ratione subiecti formaliter.

## DISPUTATIO

### QVINTA:

#### De Subsistentia, & Supposito.

**S**I quidem Subsistentia prius aduenit naturæ, quam existentia, vt probabitur infra, redditque essentiam capacem existentia, ideo prius de Subsistentia, quam de existentia agemus.

### QVÆSTIO I.

*Quid significant, & in quo differant hæc nomina: Subsistentia, Suppositum, Res Naturæ, subsistens, Hypostasis, Persona, & prima Substantia.*

**A**Nte alias grauiores, quæ in hac materia occurrent quæstiones, primo intelligenda sunt hæc nomina, quibus communiter Philosophi, & Theologi de Subsistentia, & Supposito tractantes, vtuntur, incipiendo ergo à Subsistentia.

Dico, quod Subsistentia est forma, constituens suppositum, sicut albedo est forma, constituens album: Suppositum autem significat compositum ex natura, & subsistentia; ex quo habes, subsistentiam significare illud, quod ad.

additur naturæ, vt sit subsistens, fiatque suppositum.

Quòd, vt radicitus percipias, finge duo spatia, vnum pro corporibus locabilibus, aliud pro essentijs possibilibus, & ex proportionem vnius ad aliud naturam, & quidditatem subsistentiæ rudi nunc minerua, & velut præambulum ad sequentes quæstiones accipe.

Primò ergo aduerte, quod sicut in spatio corporum locabiliũ, quod primum post nihilum extensionis sequitur, est punctum, nihil quidem, & ipsum habens extensionis in se, sed est positium principium ipsius, à quo si recedas, nisi in non extentum simpliciter accedas, debes per aliquam extensionem accedere ad supremum locum, nempe ad superficiem conuexam cœli; ita in spatio essentiarum possibile, primum, quod ex nihili sinu emergit, est materia prima, nihil & ipsa, habens actualitatis in se: sed tamen principium receptiuũ actus, à quo si recedas, nisi in nihilum accedas, debes per aliquam actualitatem accedere ad primum actum, qui est Deus, & sicut in primo spatio, quo magis ab illo positiuo nihilo extensionis, nempe puncto, recedis, tantò plus extensionis habes, magisque accedis ad supremum locum: ita & in secundo, quò magis ab illo positiuo nihilo actualitatis, nempe à materia prima recedis, tantò plus habes de actualitate, magisque actui primò appropinquas.

Secundò aduerte, quòd sicut in primo spatio quidquid extentum additur primæ extensioni, qua à positiuo in extento recessisti, facit extensus, ita quidquid actualitatis essentialis additur primæ, qua à positiuo nihilo actus abiisti, facit super materiam eleuatius, & primò actui proximius, v. g. per gradum corporis recedis à potentialitate pura materiæ: quotquot ergo gradus corpori superaddideris v. g. viuientis, sentientis, hominis, tot passibus à materia recedes, & ad primum actum accedes; hinc in hominibus, (vtpotè inter creaturas materiales eleuatioribus,) supra materiam videtur imago Dei, cum in alijs creaturis vix vestigium ipsius appareat.

Tertiò aduerte, quod sicut in quantitativis non solum inuenitur purum nihilum vterioris extensionis, sed insuper positium aliquod, terminans illas, in quo negatio vterioris extensionis fundatur: ita, & in terminatione essentiarum non solum inuenitur purum nihilum vterioris actualitatis, sed etiam positium aliquid, terminans intrinsecè naturas, & hoc vocamus Subsistentiam.

Quarò aduerte, quòd cum terminus, qua talis, debeat carere latitudine, proindeque esse indiuisibilis, sicut in quantitativis punctum, quod est terminus positius lineæ, nò est pars lineæ, cum omnis pars lineæ sit diuisibilis, punctum autem indiuisibile, ita subsistentia, quæ est terminus naturæ,

turæ,

turæ, debet distingui necessario à natura etiam singulari; quævis enim actualitas essentia, quæcunque sit, & minima, sicut constituit illam magis eleuatam supra potentialitatem materia, ita aliquam latitudinem dicere debet; iduisibile autem additum alicui, non constituit magis cum ipso.

Quintò aduerte, quòd quamuis actualitas essentia tanta cum negatione vterioris actualitatis, determinet huic essentia hanc potius existentiam, quam aliam: nihilominus nõdum intelligitur subiectum existentia omninò determinatum, & completum, donec resultet substantia, talem essentiam positiuè terminans, & complens; per quam determinatur essentia simpliciter, & quasi in facto esse hac, & non alia, huius, & non alterius existentia capax, sicut à simili; quamuis quantitas tanta cum negatione vterioris extensionis determinet sibi hanc vocationem, & non aliam; nihilominus non intelligitur adhuc subiectum vocationis omninò immediatum, & completum, donec resultet superficies, extensionem illam positiuè terminans, & complens, & ratio vtriusque est eadem, quia sicut vbiatio respectu corporis locabilis, ita existentia respectu naturæ est terminus extrinsecus, idèòque vtrumque terminatum intrinsecz supponit.

Ex quibus habes explicatum, quid nomen *subsistentia*, significet, nimirum terminum illum in-

trinsecum, complementem naturam in ordine substantiali, ratione cuius naturæ habet, quòd sit subsistens, & immediatè capax existentia: non omnes tamen hæc omnia tribuunt subsistentia; nam qui tenent, illam non distingui ab existentia, negabunt, illam reddere naturam capace existentia; similiter, & illi, qui existentiam ab essentia non distinguunt; eo enim ipso debent dicere potius subsistentiam in existentia recipi, quam è contrà.

Tandem illi, qui subsistentiam in negatiuo constituunt, negabunt consequenter, illam esse terminum intrinsecum: sed nos hic nomen subsistentia, prout à vobis sumitur, explicuimus: In hoc tamen omnes conueniunt, illam esse *ultimum terminum*, naturam reddentem ipsam omninò incommunicabilem: quod qualiter verum sit, infra patebit.

Iam verò cætera nomina, vide licet *Hypostasis*, *Prima substantia*, *Res natura*, *Persona*, *Subsistens*, eadem prorsus rem significat, quam, & *Suppositum*, tantumque in modo significandi discriminantur; quod optimè explicuit Angelicus Doctor 1. p. q. 29. ar. 2. in C: *Dicendum est, quòd secundum Philosophum in 5. Metaph. substantia dicitur dupliciter. Vno modo dicitur substantia quidditas rei, quam significat definitio, secundum quod dicimus, quòd definitio significat substantiam rei, quam quidem substantiam Græci vsiam vocant, quod nos essentiam dicere possumus: Alio mo-*  
do

do dicitur substantia subiectum, vel suppositum, quod subsistit in genere substantiæ; & hoc quidem communiter accipiendo nominari potest, & nomine significante intentionem, & sic dicitur suppositum; nominatur etiam tribus nominibus significantibus rem: quidem sunt *Res Naturæ*, *Subsistentia*, & *Hypostasis*, secundum triplicem considerationem Substantiæ sic dictæ: Secundum enim, quod per se existit, & non in alio, vocatur *subsistentia*; Illa enim subsistere dicimus, quæ non in alio, sed in se existit. Secundum verò quod supponitur alicui naturæ communi, sic dicitur *Res Naturæ*, sicut hic homo est *res Naturæ humana*: Secundum verò quod supponitur accidentibus, dicitur *Hypostasis*, vel *substantia*: quod autem hac tria nomina significant communiter in toto genere substantiarum, hoc nomen *Persona*, significat in genere rationalium substantiarum. Hucusque S. Doctor, ex cuius mente habes primò, Suppositum à reliquis nominibus differre, quod sit nomen, significans intentionem; alia autem nomina rem significant, quamvis, vt aduertit Nazarius in Commentarijs huius Articuli. Iam videtur vsu acceptum, vt ly, *Suppositum*, etiam ad diuina transferatur, ac per consequens iam, ex communi Thologorum vsu, Rem significat in natura diuina subsistentem. Secundò habes, substantiam dici à per se existendo, seu subsistendo; dici verò *Rem naturæ*, secundum quod supponitur alicui naturæ, seu in quantum

est quid habens naturam, quod est proprium suppositi; iam verò dici *hypostasim*, vt subsistat accidentibus.

Aduertendum est autem hic, quod cum nomen, *suppositum*, non quidem, vt hic à S. Tho. pro nomine intentionis sumitur, sed, vt iam ex communi Scholarum vsu, est nomen rei, aliud significare non possit, quàm quod sub alijs est positum, vt ipsum ethymon vocis indicat, erit vtique synonymum cum *hypostasi*. Vnde etiam, vt aduertit Vasquez in 1. p. disput. 124. cap. 2. nomen græcum, *hypostasis*, si de verbo ad verbum latinè reddere velis, idem significat, quod *subsistentia*, seu substantia sub alio posita, quod propriè competit supposito, vt iam dixi; immò subsistens, quod significat, sub alio sistens, erit cum *hypostasi*, & supposito synonymum: Quod si ly, *sub alio*, ampliaueris, vt indifferenter accipiat, siue sub alio, vt sub essentia, vel sub alio, vt sub accidenti, iam *Res naturæ* symbolizabit cum istis nominibus, quæ talis dicitur, quia supponitur alicui naturæ; & ipsa denique substantia, si ad secundarium ipsius significatum attendas, quod est subsistere accidentibus, cum istis nominibus confundetur. Tenenda tamen est differentia horum nominum à S. Tho. assignata, & quamuis nos indifferenter his nominibus utemur, loquemurque cum pluribus, sentiemus tamen cum paucioribus. Habes ergo ex S. Tho: hæc nomina, *Prima substantia*

Hy.

*Quaestio I. Quid signific. & in quo differ. subsist. & suppos. 449*

*Hypostasis*, & *Res natura*, rem eandem, sed diuerso modo significare: Habes ex eodem S. Doctore, *suppositum* ab eis nominibus differre, sicut nomen primæ, & secundæ intentionis, eandem rem significantia, v. g. sicut differunt *ly*, animal, & *ly*, genus, ad hominem, & equum. Habes ex eodem, *substantiam*, & *subsistens* esse synonyma; vnde in auctoritate, vt probet; substantiani significare per se existens, assumit ad probandum; *Quia illa subsistere dicimus, quæ non in alio, sed in se existunt.* Ex quo patet, apud illum omnino idem esse substantiam, & subsistens: Habes tandem ex eodem Angelico Magistro, quod nomen *Personæ* differat à reliquis, sicut speciale à communibus; quod enim alia nomina significant in toto genere substantiæ, hoc significat *Persona* in genere rationalium substantiarum; Subsistens enim in rationali natura est *Persona*: Vnde etiam *Persona* à *Bottio* definitur, communiterq; ab omnibus hæc ipsius definitio recipitur, quod sit rationalis naturæ indiuidua substantia.

Obseruandum tamen est, hæc, quæ de differentia horum nominum dicta sunt, tantum in creatis verificari posse, nam in diuinis illa verificari non possunt, v. g. quod hypostasis dicatur, in quantum subsistat accidentibus; in diuinis enim sunt veræ hypostases, quamuis nulla ibi sint accidentia, quibus subsistent; Vnde, licet a substantia accidentibus hæc vox, *hypostasis*,

sit sumpta, in diuinis tamen non significabit id, à quo ipsius significatio desumitur, quod communiter de nominibus circumfertur, aliud esse in ipsis, à quo illorum significatio sumitur, & aliud, ad quod significandum imponuntur; Neque enim lapis læsionem pedis significat, quamuis à lædendo pede sit dictus. Vide circa hoc nost. Salmat. de Trinit. Tract. 6. disput. 9. dub. 2. §. 2.

Quia ergo, vt ex discursu supra facto, & ex auctoritate S. Tho. habes, suppositum non esse ipsam essentiam, siue naturam, debet aliquid naturæ superaddi, vt sit subsistens, suppositum, prima substantia, Hypostasis, Res naturæ, & in rationalibus, *Persona*, & hoc additum, quia facit subsistens, erit vtique substantia; hinc ad intelligenda in naturam subsistentiæ, inquirendum nobis est, quid addat suppositum naturæ? Illis enim explicatis, natura subsistentiæ, & suppositi patebit. Sit itaque

**QVAESTIO II.**

*Vtrum Hypostasis, & natura, in rebus creatis distinguantur realiter?*

**Q**uia distinctio suppositi à Natura est, velut præambulum ad alias Quaestiones, quæ in hac materia tractari solent (hæc enim distinctione supposita, cum

ex communi consensu includentis, & inclusi, patet campus ad inuestigandum, quid addat suppositum supra naturam, ratione cuius distinguitur ab ipsa) idcirco nostras de subsistentia, & supposito quæstiones ab hac incipimus, ut cognita prius distinctione, ipsum postmodum distinctionum, quid, & quale sit, facilius inueniatur. Loquimur autem de natura indiuidua, & singulari, quæ à Metaphysicis solet dici forma totius, ut est *hæc humanitas* respectu personæ Petri, ista enim sola est susceptiua subsistentiæ, potestque proximè fieri suppositum; nam vniuersalia, sicut non existunt, ita neque subsistunt, cum, (ut ex infra dicendis constabit, & quæstione præcedenti aliquid inuimus) natura subsistens sit immediate capax existentie.

§. I. *Opinio Scoti, & D. Thomæ cum suis probationibus, & re-  
plicitis refertur.*

**E**st ergo prima opinio asserens, suppositum sola ratione distingui à natura, ex modo scilicet concipiendi nostro, in quantum idem realiter concipimus in concreto, & in abstracto, & sic eadem humanitas, in abstracto concepta, est natura, concepta verò in concreto, est suppositum: Ita Durandus in 1. dist. 34. q. 1. & Henr. quodlib. 4. q. 4. & ut aduertit P. Suarez, fortè omnes Philosophi antiqui, qui nostræ fidei

mysteria ignorarunt, in hac fuerunt sententia. In contrarium tamen est S. Thomæ, communi omnium Philosophorum, Theologorumque calculo recepta, sententia, cum qua

Dicimus, quod suppositum, & natura in rebus creatis distinguantur realiter. Hanc esse mentem S. Thomæ, patebit inferius ex ipsius autoritatibus, quibus ostendemus, illum docuisse, suppositum addere naturæ aliquid positium.

Probatur primò nostra Conclusio ratione desumpta ex mysterio Incarnationis, (quod nobis viam primò aperuit ad distinguendam subsistentiam à natura.) Quorum vnum potest esse, non existente alio, illa distinguuntur realiter, (abstracto pro nunc de modo distinctionis realis, de quo infra.) Sed suppositum, & natura adhuc indiuidua ita se habent. Ergò distinguuntur realiter. Maior patet, cum nullum sit signum euidentius distinctionis realis, quam separatio realis, fundaturque hoc in illa maxima; *Impossibile est idem simul esse, & non esse.* Minor autem est de fide, quia in Christo est natura humana singularis, non enim assumpsit naturam in communi, cum hæc non sit à parte rei, sed in intellectu tantum, ut inquit S. Tho. 3. p. q. 4. a. 4. in argumento; Sed contra ex Damasceno; & tamen ibi non est suppositum humanum, aliàs in Christo fuisset duplex Persona, qui fuit error Nestorij, iam pridem ab Ecclesia damnatus. Ergo &c.

Con;

Confirmatur. Hæc humanitas, quæ est in Christo, est singularis natura creata, & non est suppositum, & si dimitteretur à Verbo, esset suppositum, vt communiter docent Theologi. Ergo aliquid ei nunc deest, quod illi tunc adderetur, vt esset suppositum. Si enim, illi nihil adderetur, maneret, sicut antea. Ergo sicut antea non erat suppositum, ita & post. Addit ergo suppositum; aliquid supra naturam. Ergo suppositum dicit naturam, & aliquid amplius. Ergo distinguitur à natura per modum includentis, & inclusi. Ergo realiter, quia, vt infra patebit, illud superadditum debet esse aliquid reale.

Respondet Durandus, Humanitatem Christi non dici suppositum, non ex eo, quod illi aliquid desit, sed potius, quia habet aliquid, ratione cuius non potest esse suppositum, & hoc aliquid est esse in Verbo, tanquam forma in supposito: quod quidem tollit rationem suppositi, nam hoc petit esse per se.

Sed quia in hac solutione videtur Durandus in sententiam Scoti declinare, qui dicit, suppositum addere supra naturam negationem essendi in alto actu, vel aptitudine, ideò commodius simul cum opinione Scoti impugnabitur.

Secundò in fauorem Durandi posset satis apparenter huic nostræ rationi, & confirmationi responderi, concedendo quidem esse subsistentiam creatam in Hu-

manitate Christi, vt potè omninò indistinctam à natura humana, quæ ibi est integra, negando verò, subsistentiam esse assumptam, quamvis enim idem sit natura, & subsistentia, tamen ex modo significandi differunt, ratione cuius vna est assumptibilis, altera non. Et possent hoc confirmare exemplo ipsius Personalitatis Verbi, quæ est omninò eadè cum Natura diuina, & tamen ex eo, quia subsistentia, seu Personalitas, quæ talis formaliter, est assumptiua, Natura verò, qua natura, non est assumptiua, verissimè, & Catholice dicitur, Naturam humanam esse assumptam, non à Natura, sed à Persona Diuina; Ita ergo & de assumptibili dicendum est; quia natura, ex conceptu naturæ, est assumptibilis, & terminabilis, fuit assumpta, & terminata, secus suppositum, vel persona, propter oppositam rationem: Similiter ob eandem identitatem subsistentiæ, & naturæ, cōcesso, in Christo fuisse, sicut naturam, ita & subsistentiam humanam, possent negare, esse ibi suppositum creatum, quia ibi est quidem subsistentia creata, sed non exercet munus subsistentiæ, quia ipsius exercitium fuit diuinitus impeditum: Vnde erit quidem ibi, vt terminatiua, non autem, vt terminans naturam, ac per consequens erit materialiter, non verò formaliter in ratione subsistentiæ: Et possunt hoc vrgere, tum exemplo materiæ primæ in composito humano, quæ habet quidem vim sustentati,



uam formarum, tamen ibi illam non exercet, quia anima humana est forma per se subsistens; tunc, exemplo quantitatis Eucharisticæ, in qua est vis inherendi, non, tamen exercitum huius virtutis, ex supernaturali dispensatione Dei. Sed

Contra; Nam ista solutio, quot sententias tot falsitates continet. In primis enim dum cōcedit fuisse in Christo subsistentiam creatam, consequenter quidem ad sua principia loquitur, non tamen conformiter ad doctrinam Patrum, & Conciliorum, immò etiā ad principia fidei. Singula ostendo; nam Patres, & Concilia, vt ex illorum autoritatibus deducit Albertinus Tomo 2. disp. 3. q. 7. n. 11. constanter asserunt, in Verbo Incarnato non esse subsistentiam creatam, quæ propositio directè contradicit Aduersariorum propositioni: Deinde dicunt, Verbum supplere creatam subsistentiam. Ergo non est, si suppletur à Verbo. Insuper dicunt, Verbum non assumpsisse, sed consumpsisse personam creatam. Ergò consumpsit & ipsum cōstitutiuum personæ, nempe subsistentiam. Iam verò illud dictum non coherere cum fidei principijs, sic deduco: Suppositum, vel personam creatam in Christo non fuisse, certum est secundum fidem. Sed ex hac doctrina Aduersariorum euidenter sequitur, fuisse in Christo suppositum creatum, vbi enim inuenio naturam cum subsistentia, ibi inuenio suppositum, & si fuerit in

natura rationali, qualis est Christi, inuenio personam. Ergo si cōcedis in Christo subsistentiam creatam, argumentando à definitione ad definitum, infero ibi personam fuisse, quia Persona nihil est aliud, quàm *rationalis nature indiuidua substantia*, quæ, in esse talis, (vt omnes, & ipse Durandus, & Henr. concedunt) per subsistentiam constituitur. Fortè recurret Aduersarij ad illud, quod vltimò dicunt, esse ibi subsistentiam, sed nō exercere munus subsistentiæ. Sed istud quàm facile ab illis dicitur, tam difficulter quomodò esse possit, intelligitur, vt infra patebit, dum hoc ipso asertum impugnabitur.

Deinde id, quod dicunt, (illam subsistentiam non esse assumptā, quia licet sit idem realiter cum natura, tamen ex modo significandi differt ab illa ratione) subsistere non potest; Nam in primis

Argumētōr cōtrā primò: Quòd sit realiter, non variatur per præcisiones, vel apprehensiones intellectus, cum hæ non immutent naturas rerum, nihilque ponant in rebus. Ergo si abstractum illud humanitatis est idem omnino realiter cum concreto ipsius, nimirum cū supposito, quidquid competit realiter, & anteceden- ter ad omnem operationē intellectus vni, competit & alteri. Sed realiter, & ante omnem operationem intellectus fuit assumpta ad vnionem hypostaticam Humanitas. Ergo & suppositum humanum, si idem est realiter cum ipsa,

Argu:

Argumentor contra secundò , & simul ostendo, exemplum de Natura Diuina non solum non iuuare Durandum, sed potius cōtra ipsum esse : Nām licet concedam, quòd ex identitate reali admittente distinctionem rationis sequatur, vt quod formalissimè enunciatur de vno, non enuncietur sub illa formalitate de alio, vt rectè probat exemplum allatum de Persona Filij, & Natura, vbi Persona terminat, & assumit Humanitatem, non verò Natura Diuina; realiter tamen, & identicè, quod competit vni competit, & alteri, videlicet Natura Diuina non fuerit immediatè vnita Naturæ humanæ, tamen mediatè, & ratione suppositi Verbi, cum quo identificatur, realiter fuit; vnde Christus fuit subsistens in duplici natura, humana videlicet, & Diuina, vnde illa omnia, quæ competunt naturæ, in Christo duplicantur, vt definiuit Ecclesia contra Euthichetem, & Monotilitas hæreticos.

Vnde arguo ab exemplo Adversariorum contra ipsos. Identitas realis inter suppositum Verbi, & Naturam Diuinam fecit, vt in Christo quamuis non Natura Diuina, sed suppositum Verbi formaliter terminauerit Naturam humanam, tamen ratione Verbi assumentis fuit in Christo Natura Diuina. Ergo etiam identitas realis, quæ est inter suppositum, & naturam creatam, fecit, vt assumpta natura, assumeretur suppositum, quamuis suppositum,

non ratione sui formaliter, sed ratione naturæ assumeretur.

Illam verò subtilitatem, qua dicitur, esse ibi subsistentiam, sed non exercere munus subsistentiæ, fateor, me intelligere non posse; nām cum ibi natura sit sub exercitio naturæ, quæro, an illi naturæ desit aliquid, quo posito, erit in exercitio subsistendi, vel nihil deest? Si deest aliquid: quæro rursus, sit ne reale, vel rationis? Si reale, habeo intentum; iam enim suppositum, vt exerceat rationem suppositi, si reale aliquid naturæ superaddit, distinguetur realiter ab ipsa, nimirum distinctione includentis, & inclusi: Ad dictio autem rationis nihil valet ad propositum, quia nihil ponit, vel tollit à rebus; Si autem dixeris, quòd nihil deest. Ergo sicut natura est ibi sub conceptu, & in exercitio naturæ, ita erit sub conceptu, & exercitio suppositi, cum illi ad tale exercitium nihil desit.

Deinde laxemus habenas intellectui, & excogitemus omnia, fingendo omnem modum possibilem, quo posset esse ibi subsistentia, non tamen exercere munus subsistentiæ, supposito, quòd non distinguatur vilo modo realiter à natura.

Nām in primis, quod in argumento innuitur, Deum impedire, ne exerceat, subsistere non potest; nam licet Deus possit impedire, ne aliquid distinctum ab aliquo, quod Deus vult esse, non subsequatur ad illud, etiam si aliàs

naturæ.

naturaliter subsequi deberet; *vt* v. g. ne sequatur illuminatio solem, calor ignem, passio essentiam, & similia; tamen non potest facere, neque impedire, ne sit, quod ille vult esse; v. g. si vult, esse ignem, non potest facere, *vt* nō sit ignis, & quidquid est realiter cum igne, quia hoc implicat; impossibile enim est, idem simul esse, & non esse. Ergo cum idem sit subsistentia cum natura, & in Christo Deus vult, in facto esse, & in exercitio naturam humanā esse, sicut & de facto est, non poterit impedire, ne sit ibi subsistentia sub conceptu, & exercitio subsistentiæ.

Imaginemur adhuc, quod illud exercitium Persona Verbi asfumentis impediuit.

Sed cōtra est: Nā, vel illud exercitiū ponis distinctū quid a parte rei ab essentia, consequensque essentiam, vel non? Si primum: fateor quidem, fuisse impediibile, & a Verbo, & Deo denegante concursus, ne sequatur, sed cum ex tuis principijs illud exercitium additū naturæ faciat suppositum, (ideō namque in Christo negas fuisse suppositum humanum, quia tale exercitium defuit) Ergo iam suppositum addit reale aliquid supra naturam, ac proinde realiter distinguetur ab ipsa, quod est contra te. Si verò exercitium subsistentiæ nihil addit supra naturam; Ergo ubi erit natura, erit & exercitium subsistendi. Ergo, quia Verbum non impediuit, ne sit Natura humana in Christo, non

impediuit quoque, ne sit exercitium subsistendi.

Recurres fortē ad negationem communicabilitatis, quod illa pro cōnotato requiratur ad exercitium subsistendi, & ideō cum hæc fuerit a Verbo sublata, fuit etiam impeditū exercitium subsistendi: Sed quia hoc cum opinione Scoti coincidit, falsitas istius imaginationis patebit, cum Scoti sententia impugnabitur.

Imaginemur amplius, & dicamus, illud exercitium taliter fuisse impeditum, quia cum exercitium subsistendi competat naturæ completæ, vltimōque terminatæ, cum Natura humana fuerit Personalitate Verbi præuenta, & terminata, debuit illi aliquid complementum, aliquisque terminus defuisse, quo modo enim terminaretur, si iam fuisset terminata, atque ita ob illius complementi defectum fuit exercitium subsistendi impeditum. Sed

Contra est. Quæres illud complementum, quod dicis naturæ humanæ defuisse, vel erat aliquid naturæ, vel aliquid distinctum a natura? Si dicas, fuisse aliquid naturæ, parum sana loqueris, quia Christus naturam humanam in sua tota singulari integritate assumpsit, vt Patres loquuntur, & omnes Theologi docent. Si dicas, esse aliquid distinctum, & ipso naturam terminari, asseris; Nobis faues; Illud enim nos vocamus subsistentiam: Ergo cum ipsa imaginatio deficiat, nec alium modum excogitare possit, quo

quo saltem apparenter ostendas, quomodo sit illud exercitium impeditum, figmentum planè est, dicere, naturam non distingui à subsistentia realiter, immò nec ab ipso exercitio subsistendi, (vt necessariò Durandus dicere debet, ne contradictoria loquatur, vt ex præsentì discursu patet) & tamen in Christo esse naturam, & subsistentiam humanam, non tamen ipsum exercitium subsistendi.

Neque illa exempla, quæ pro se attulit pars aduersa, aliquid faciunt ad propositù, quia & exercitium subsistendi in materia, & exercitium inhaerendi in accidentibus, est quid distinctum à parte rei ab essentijs illorum; Nam & actualis sustentatio est causalitas materiæ, quæ in causis realibus distinguitur, & est separabilis realiter ab illis: Similiter inhaerentia actualis, vel est ipsa existentia accidentium, vel saltèm modus consequens naturam illorum, vt in disputatione de existentia accidentium explicabitur, vnde distinguetur ab essentia illorum, vel sicut essentia, & existentia realiter, vel sicut modus à re realiter modaliter, ac proinde non poterit ex his argui ad naturam, & exercitiù subsistendi, quod à natura in sententia Durandi (vt iam ostensum est) distingui non potest.

Deinde principaliter argumentor contra ipsam Durandi opinionem argumento ex eodem ineffabili Incarnationis mysterio desumpto. In omni vnione sub-

stantiali, in qua resultat aliquid vnum per se, debet aliquod vmbilium esse quid incompletum, & non plenè ens in actu. Sed vnio Verbi, & Humanitatis est vnio substantialis, ex qua resultat vnù per se. Ergo in illa vnum vmbilium debet esse incompletum, & non perfectè ens in actu. Totù argumentum est clarum: Nam & Maior ex communi Philosophorum, & Minor ex communi Theologorum consensu, admittitur. Consequentia verò est in forma: Tunc sic subsumo: In vnione Humanitatis ad Verbum debuit esse vnum illorum incompletum. Sed hoc de Verbo dici non potest. Ergo fuit Humanitas. Sed illud, quod defuit naturæ, & ob cuius defectum dicebatur incompleta, non potuit esse pars naturæ, Christus enim perfectam naturam assumpsit, vnde in symbolo Athanasij dicitur: *Perfectus Deus, perfectus homo*; Ergo fuit aliquid consequens naturam, & tamen complens illam; Ergo terminus intrinsecus naturæ, qui & non est pars naturæ, vt ex præcedenti quæstione constat, & tamen est aliquid naturæ, sicut punctum terminatiuum non est pars lineæ, est tamen aliquid lineæ. Ergo hic terminus est aliquid realiter distinctum à natura: siquidem potuit realiter separari ab illa. Ergo cum per illam natura constituatur in esse completa, illud, quod constituit naturam in esse completa, distinguitur realiter à natura. Ergo cū,

ex communi Philosophorum, & Theologorū acceptione, suppositum dicat naturam completam, suppositum in esse talis constituitur per aliquid distinctum à natura, & per consequens distinguitur ab illa realiter, distinctio nem nimirum includentis, & inclusi.

Dices fortè, idèò Naturā humanam assumptam à Verbo fuisse illi substantialiter unitam, & potuisse facere cum illo unū per se, quia illi defuit existentia, hinc qua non dicuntur esse res completè in actu.

Sed contra est: Nam, vel in hac solutione supponitur, existentiam intrare ad constitutionem suppositi, siue tanquam aliquod extrinsecum connotatū, siue tanquam intrinsecum ipsius, vel hoc non supponitur: Si primum, quantum sit suppositum falsum, ut ex infrā dicendis patebit, tamen si ab Authoribus contrariæ sententiæ admittatur, destruit sententiam illorum: Cum enim existentia in sententia S. Thomæ distinguatur realiter ab essentia, ut ex dicendis in disputatione de existentia patebit, iam constitutum suppositi, siue intrinsecum, siue per modum connotati importatum, dicit aliquid realiter, quod non dicit natura, & per consequens distinguitur realiter ab ipsa.

Neg; possunt dicere Aduersarij, quod existentia ab essentia nō distinguatur realiter, si admittant, in Humanitate Christi, ubi est es-

sentia integra, non fuisse existentiam. Vnde illi Authores, qui non distinguunt essentiam ab existentia, consequenter ad sua principia docent, Humanitatem Christi existere per propriam existentiam creatam. Si verò non supponunt, existentiam intrare ad constituendum suppositum, hæc responsio non soluit argumentum; Nam unio Humanitatis ad Verbum, fuit unio ad subsistendum, unde communiter, & catholicè hypostatica, seu personalis dicitur; Cum ergo hæc unio hypostatica fuerit substantialis, & ex illa confluat unum per se, Humanitas, ut præintellecta huic unioni, debuit esse quid incompletum. Ergo non per defectum existentie, quia hæc, ex Aduersariorum confessione, ad constitutionem Personæ nihil facit.

## §. 2. *Rationes aliæ pro conclusionem nostram afferuntur.*

**P**robatur secundò nostra Conclusio, quia opposita sententia verbis tantum differt ab hæresi Nestorij, immò Nestorius ex eodem Antecedenti quod Aduersarij admittunt, formalissimè intulit consequentiam, in qua ipsius hæresis consistebat. Ergo illa sententia reiicienda est, & nostra amplectenda. Consequ. patet, & prob. Anteced. quantum ad utrāque partem, & primò, quod verbis tantum differat ab hæresi Nest.

Nestorij, patet. Idem enim totum admittit in Humanitate Christi, quod admittebat; & Nestorius, videlicet naturam, & subsistentiam; & verbis tantum differt, quia Nestorius illud vocabat subsistens, seu personam, & illi non. Vnde (& hic ostenditur secunda pars Antecedentis) Nestorius faciebat tale enthymema: In Christo est Natura completa cum sua subsistentia; Ergo erat ibi subsistens, seu suppositum, seu, quod idem est in rationali natura, Persona.

Durandus idem Antecedens ponit, & tamen negat Consequentiam. Sed, quam illegitimè, ostendit sequens argumentum formatum ex illo enthymemate, paululum quidem terminis immutatis, sed idem significantibus. Rationalis naturæ individua subsistentia, seu substantia, est Persona. Sed Humanitas Christi est rationalis naturæ individua subsistentia. Ergo Humanitas Christi est Persona. Consequentia negari non potest, est enim argumentum in Darij. Maior est definitio Personæ. Minor habetur ex concessis à Durando. Ergo &c.

Probatur tertiò Conclusio, quia ex opposita sententia sequuntur plura absurda: Primò sequeretur, Verbum non esse substantialiter unitum Humanitati, sed accidentaliter tantum, sicut, v. g. vestis unitur homini, & sic non posset Christus, in proprietate sermonis, dici Deus, quod est hæreticum. Sequela probatur. In quo enim substantialiter uniretur, si nihil

substantialiter deest Humanitati, quod suppleretur a Verbo? Ergo cum non posset dici Deus ratione unionis in una persona duarum, naturarum, diceretur tantum Deus ratione specialis inhabitationis, vel adhesionis Dei ad illum hominem, sicut dicebat Nestorius, explicans scripturæ loca, quæ Christum vocant Deum.

Secundò sequeretur, Personalitatem Verbi non esse Personalitatem Christi, quæ homo. Probatur, quia illa Humanitas haberet propriam personalitatem; Ergo illi repugnat habere aliam; Nam, ut docent Theologi, Natura terminata propria personalitate, non potest terminari aliena, etiam de potentia absoluta.

Tertiò sequeretur, falsas esse illas Theologicas maximas, communi plauti scholarum receptas, & Patribus, ut supra ex Alberto diximus, vtitatas, in quibus dicitur, *Verbum supplevit, impedit, præuenit personalitatem creatam Christi*: quomodo enim hæc verificarentur, si Humanitas Christi est ibi cum sua personalitate creata, quæ ab illa distincta non est?

Concludo has probationes aliquibus auctoritatibus Patrum, ad quas videat Durandus, quid respondeat: Et primò Damascenus de Fide Orthodoxa C. 3. dicit. *Hoc demum hæreticos in errorem inducit, quod naturam, & personam idem esse statuunt.* Ducitur ergo in errorem hæreticorum, qui naturam idem statuit esse cum persona, & tantum ex modo signifi-

candi, in abstracto, & concreto, illas distinguit: Neq; enim etiam hæretici adeò stupidi erant, ut nescirent, humanitatem esse abstractum, & hominem concretum. Deinde idem Damasc. cap. 9. eiusdem libri contra illud dictum Durandi, in quo dicebat, esse in Christi Humanitate subsistentiâ, seu hypostasi creatam, etsi ibi non exerceat munus hypostasis, contradictorie loquitur. *Quamvis nulla sit natura, qua hypostasis careat, nec ulla essentia, quæ persona sit experta, (nam & essentia, & natura in hypostasis, & personis considerantur) at non ideo necesse est, naturas eas, quæ personaliter inter se unitæ sunt, ita comparatas esse, ut suam utraq; personam habeat. Potest enim fieri, ut in unam personam confluentes, nec hypostasin habeat, sed unam, & eandem; Nam cum una, & eadem Verbi hypostasis ambarum naturarum hypostasis extiterit, nec utramq; harum hypostasis expertæ esse sinat, nec rursus diversâ inter se hypostasin habere concedit. Vbi adverte, quòd S. Damasc. de hypostasi, ut contradistinctam à natura loquitur, ut verba ipsa sonant: hypostasis autem à natura contradistincta non significat personam, sed subsistentiam, vel personalitatem: Persona enim utrumq; claudit, naturam videlicet, & subsistentiam. Ergò Damascenus negat in Christo subsistentiam creatam, quam Durandus concedit.*

Tandem S. Epiphanius in 6. Synodo dixit: *Errare Euthychia-*

*nos nihil aliud intendentes, nisi hypostasis, & naturæ identitatem adstruere. Et S. Tho: in 3. d. 5. q. 1. a. 1. ex eodem principio erroris Arii, & Sabellij processisse dicit, quia non distinguentes inter naturam, & personam, unus Naturas cum Personis multiplicavit, alius ex unitate Naturæ pluralitatem in Deo negavit Personarum; videat ergo Durandus, ne cum errantibus, & ipse erret.*

Solent aliqui rationibus philosophicis nostram sententiam confirmare, sed quia leues sunt, & nullius roboris, illas non adduco: Neque video aliquid, quo efficaciter ex principiis naturalibus, vel Durandi sententia impugnari, vel nostra probari possit; Solum enim Incarnationis mysterium hanc nobis distinctionem aperuit, & ideo ex illo solo communiter ab omnibus probatur; Et quamvis ex hoc mysterio tantum videatur distinctio personalitatis à natura humana concludi, tamen & in alijs re ipsa concluditur: Tum ob paritatem rationis; cum etiam, quia non sola natura humana fuit hypostaticè unita Verbo, sed etiam natura cadaueris, & sanguinis effusi in triduo mortis, quæ erant naturæ ab humana diuersæ: Vnde in triduo mortis erat verum dicere: *hoc cadauer est Deus.* Et, ut communiter docent Theologi, aliæ etiam naturæ sunt assumptibiles; Ergo distinguuntur à supposito; Natura enim cum supposito est inassumptibilis, ut docet D. Tho. 3. p. q. quem sequuntur com-  
mu,

muniter Theologi: Et præcipue de Angelis hoc expreſſè affirmat S. Thomas 3. p. q. 4. art. 1. ad tertium, & clarè id conſtat ex illo loco Pauli ad Hæbreos cap. 2. vbi, vt exageraret gratiam factam hominibus per aſſumptionem Naturæ humanæ, dicit: *Non enim Angelos, ſed ſemen Abrahæ apprehendit*; Ergo Angelica Natura erat aſſumptibilis, aliàs nullum, eſſet argumentum Pauli; nãm illi reſponderetur, quòd Deus homines, & non Angelos apprehendit, quia Angelica Natura non fuit aſſumptibilis, humana verò fuit. Vnde S. Doctor in 1. d. 5. q. 1. a. 1. abſolutè dicit: *Quòd in Creaturis eſſentia realiter aſſert à ſuppoſito*; Quod, quia ſine limitatione dixit, ſtat pro omnibus.

§. 3. *Argumentis, & varijs inſtantijs in contrarium reſpondetur.*

**A**rgumenta pro contraria ſententia pauca ſunt, & ferè nullius momenti, præter duo ab authoritate, quæ hic adducentur, & ſolventur, cæteris omiſſis.

Primū ex authoritate Philoſophi 7. Metaph. cap. 6., vbi Philoſophus definit; quòd in his, qua ſecundùm accidens dicuntur, aliud eſt ipſum, quod quid erat eſſe, & vnum, quodq; non item in ſubſtantijs: quod eſt idem, ac dicere, ſuppoſitum, & naturam non diſtingui, cùm in ſubſtantijs ipſa natura ſit quodquid eſſe, & ſuppoſitum ſit vnum.

quodque habens naturam. Ergo, &c.

Reſp. primò cum P. Suar. diſp. 34. Metaph. ſect. 3. n. 20; Philoſophum ita ſenſiſſe, quia lumine fidei deſtitutus non habuit principium diſtinguendi ſubſtantiã à natura, ſicut etiam ille credidit, Mundum fuiſſe ab æterno, quia creationem ignorauit, & inhzrentiam actualem eſſe de eſſentia accidentium, quia nullum accidens à ſubiecto ſeparatum viderat, quod nobis Quantitas Euchariftica oſtendit; Sicut ergo in his duobus non ſequimur ſenſum Ariſtotelis, vt potè fidei contrarium, ita etiam in illo primo.

Reſp. ſecundò, in illo loco Ariſtotelem non tractaſſe iſtam quæſtionem, ſed longè aliam, & potiùs ibi logicè, quàm metaphyſicè de quodquid erat eſſe diſputaſſe, vt patet ex cap. 5. vbi ſe clarè explicat, ſe per quod quid erat eſſe definitionem intelligere, ac per conſequens de quodquid eſſe logicè tractare, definitio enim ad Logicam pertinet. Agit ergo ibi Ariſtoteles, vt etiam patet ex cap. 10. & 11. de definitione comparata ad definitum, quomodò diſſerant. Hanc verò quæſtionem de diſtinctione ſuppoſiti à natura non attingit. Quam ſolutionem amplectitur Nazarius 1. p. q. 50. art. 2. contr. 8. not. 2. & Suar. in 1. Metaph. diſput. 34. ſect. 3. num. 20. noſter B'afius in ſua Metaphyſica diſp. 8. quæſt. 5. 2. Fatcor etiam, me ad hanc ſolutionem inclinari, ſe, attentè enim legendo textum



Philosophi in capitibus citatis ex libro 7., non aliud videbatur docuisse Philosophus. Ne tamen ei adhaerere, (seci iudicium Angelici Doctoris, (cuius semper sequi, & exosculari placet vestigia) qui expressè affirmat, Aristotelem in illo loco præsentem quæst. tractasse. Accipe ipsius Sancti. Præceptoris verba in Quodlibet. Quodlib. 2. q. 2. art. 4. in corp. *Resat ergo considerandum, cum suppositum, vel individuum naturale sit compositum ex materia, & forma, utrum sit idem essentia, vel natura?* Ecce nostra quæstio in terminis. Audi iam, quid subiungit Angel. Doct. *Et hanc quæstionem mouet Philosophus in 7. Metaph., ubi inquit: Vtrum sit idem vnumquodque, & quod quid est eius: & determinat, quòd in his, quæ dicuntur per se, idem est res, & quod quid est rei, in his autem, quæ dicuntur per accidens, non est idem.* Non potest ergo iuxta mentem Angelici Doctoris hæc secunda solutio subsistere, & ideo tenenda est prima.

Ut tamen sensum Philosophi, quantum possumus, in sanio-rem partem trahamus, sequamur in hoc solum eiusdem Angelici Doctoris, qui loco citato sic Philosophum explicat. *Secundum hoc ergò, quòd cuiusque potest aliquid accidere, quòd non sit de ratione sua natura, in eo differt res, & quod quid est, siue suppositum, & natura.* Nam in significatione nature includitur solum id, quòd est de ratione speciei; suppositum autem non so-

lum habet hac, qua ad rationem speciei pertinent, sed etiam alia, quæ ei accidunt; & ideo suppositum significatur per totum, natura autem, siue quidditas, ut pars formalis. In solo autem Deo non inuenitur ali- quod accidens, præter eius essentiam, quia suum esse est sua essentia, ut dictum est, & ideo in Deo est omnino idem suppositum, & natura. In Angelo autem non est omnino idem, quia aliquid accidit ei præter id, quòd est de ratione speciei, quia & ipsum esse Angeli est præter eius essentiam, seu naturam, & alia quæ ei accidunt, quæ omnino pertinet ad suppositum, non autem ad naturam. Ecce ergo, iuxta explicationem S. Thomæ, claram habes Philosophi mentem, quando dixit, quòd in his, quæ dicuntur per se, est idem suppositum, & natura, in his autem, quæ dicuntur per accidens, non est idem. Ibi enim Philosophus per ly, *per accidens*, non intellexit sola composita accidentalitæ, quasi in his solum differant id, quòd est, & quòd quid est, sed ipsas etiam substantias, quibus aliquid potest accidere præter rationem suæ naturæ. Cum itaque solus Deus sit incapax accidentitæ, in solo Deo suppositum, & natura non distinguuntur, ut infert rectè S. Tho. Ne verò credas, voluntariam esse, & nullo fundamento nixam hanc S. Doctoris expositionem, deduco fundamentum ipsius tali ratione, supponendo prius ex doctrina nostrorum Complut. in Log. disp. 4. quæst. 3. n. 19. inter alia discrimina, quæ

intercedunt inter abstracta, & concreta, esse hoc, quod Abstracta denotant formas puras, simplices, impermixtas; Concreta verò significare formas sine præcissione aliarum qualitatum, cum quibus permixtæ sunt. Cuius rationem reddunt ex S.Tho: quia id, quod abstractè significatur, significatur, ut quo, aliquid est tale, albedo enim v. g. significat id, quo aliquid est album: cum autè nihil sit albū, nisi per id, quod pertinet ad rationem albedinis, inde est, huiusmodi abstracta nihil in se alienum habere posse. In concretis oppositum contingit propter oppositam rationem: De quo vide Comptenenses loco citato.

Ex qua doctrina sic arguo pro explicatione S. Thomæ. Essentia, quando sumitur, præcisè ut essentia, sumitur in abstracto: nam dum quæris, quæ est essentia Petri? nullus Philosophus respondebit, quod sit homo, sed humanitas; & ideo S. Thomas, ut vides in autoritate, ait, quod suppositum significatur, ut totum, natura autem, siue quidditas; ut pars formalis. Iam verò, iuxta eorundem Comptensium doctrinam, abstracta significantur, ut partes, & ideo non prædicantur de concretis, concreta verò, ut tota. Ergo, cum abstracta debeant esse formæ impermixtæ, & simplices, essentij nihil accidere potest. Ergo illud, cui aliquid accidere potest, est distinctum ab essentia. Ergo ubi inuenio aliqua alia præter essentiam, in illo debeo distinguere

ab essentia habentē essentia simul alijs. Sed habens est suppositum ex communi Philosophorum sensu. Ergo in omnibus, in quibus est aliquid non pertinens ad rationem essentiz, debet distinguī essentia, & suppositum. Et cum in omnibus creatis hoc inueniatur, in omnibus creatis distinguetur. Ecce habes fundamentaliter deductam Angelici Doctoris in explicando loco Aristotelico subtilitatem. Addo non solum ex ratione abstracti, qua nimirum essentia, cum sumitur sub conceptu essentiz, debet sumi in abstracto, sed præcisa etiam ab abstractione, ex ipso conceptu essentiz petitur, ut non sit capax alicuius additionis: Quod sic ostendo: Nam vel illa additio fieret alicuius essentialis, & hoc non, quia per illam essentia mutaretur, & transiret de essentia in essentiam, cum essentiz sint, sicut numeri: Vel esset additio alicuius extra essentiam, & hoc nō potest dici, quia, cum essentia sit id, quo aliquid est tale, ut humanitas est id, quo Petrus est homo, cum nihil sit homo, nisi per id, quod pertinet ad rationem hominis, essentia hominis, quæ Petrum facit hominem, nihil admittit alienum à se: & sic de alijs essentij ob paritatem rationis discurre.

Secundum Argumentum ex diuersis autoritatibus S. Thomæ, in quibus videtur Angelicus Doctor tenere, in Angelis non distinguī realiter suppositum, & naturam. Ita videtur sentire in 3-distin.

stin. 5. quæst. 1. art. 1. in corp. ubi dicit: Sciendum est ergo, quod in quibusdam differunt natura, & persona secundum rem, in quibusdam verò secundum rationem tantum. Natura autem, secundum quod hic loquimur, est quidditas rei, quam signat sua definitio: Persona autem est hoc aliquid, quod subsistit in natura illa. In simplicibus autem, quæ carent materia, ut dicit Avicenna, ipsum simplex est sua quidditas, quidditas verò compositi non est ipsum compositum: Idemque repetit paulò inferiùs dicens: In simplicibus non differt re natura, & persona, quia natura non recipitur in aliqua materia, per quam individuetur, sed est per se subsistens. Deinde 1. p. quæst. 3. art. 3. in corp. determinando, quod Deus sit idem, quod sua essentia, vel natura dicit: Resp: Dicendum, quod Deus est idem, quod sua essentia, vel natura. Ad cuius intellectum sciendum est, quod in rebus compositis ex materia, & forma, necesse est, quod differat natura, vel essentia, & suppositum, quia essentia, vel natura comprehendit in se illa tantum, quæ cadunt in definitione speciei. Et prosequitur rationem, qua finita concludit: In his igitur, quæ non sunt composita ex materia, & forma, in quibus individuation non est per materiam individualement, idèst per hanc materiam, sed ipsæ formæ per se individuuantur, oportet, quod ipsæ formæ sint supposita subsistentia; unde in eis non differt suppositum, & natura: Et sic, cum

Deus non sit compositus ex materia, & forma, ut ostensum est, oportet, quod Deus sit sua Deitas, sua vita, & quiddam aliud sic Deo predicatur. Idemque S. Thom: docet pluribus alijs locis, ut quæst. 9. de pot. ar. 3. ad 4. & Opusc. 37. c. 4. Quæ loca ipsius non adduco, quia ex solutione, quam adductis in testimonijs adhibebimus, patebit, quid ad illa dicendum sit. Ergo falsum est, quod nos diximus, in omnibus creatis distingui suppositum, & naturam, cum iuxta S. Thom: in Angelis non distinguantur.

Ad hunc ergo difficillimum S. Thomæ ex prima parte locum (hunc enim explicare placet, quia, quæ in partibus docuit, cæteris præferenda sunt, & ex huius explicatione, alter ille ex Sentent. explicatus manebit,) ad hunc, inquam, difficilem S. Doct. locum, sub cuius pondere ipsum acumen Caietani defecit, ut illum commentans dixerit, in Angelis differre suppositum, & naturam, non intrinsecè, sed tantum per aliquid extrinsecum, & in 3. parte qu. 4. ar. 2., ubi idem Caietanus opinionem, quam hic docuit, emendavit, & asseruit, in Angelis, non minùs, quam in materialibus, suppositum, & naturam distingui intrinsecè ratione subsistentiæ, quæ in ratione suppositi, tanquam constitutum ipsius, clauditur, cum contra hanc suam, & veram opinionem obiecisset hunc locum ex prima parte, nihil aliud ad ipsum, potuit responde-

re,

re, nisi hæc verba, quæ adduco : *Etiā Auctor : (intellige S. Tho.) in 1. p. quæst. ita indistinctè tractat, & decidit quæstionem de distinctione naturæ, & suppositi. Puto autem in causa fuisse, quòd usque hodie non fuissent excitata ingenia humana ad perscrutandas subtilitates inter personam, & indiuiduam naturam, nisi mysterium Trinitatis, & Incarnationis ad hoc inuicasset.* Hæc Caietanus minùs sublimiter, quàm par est, de ingenio S. Thomæ : quasi verò illius Anglicum ingenium, dum scriberet Theologiam in partibus, (quod quidem vltimum opus ipsius fuit) nondum fuerat ad perscrutandas huiusmodi difficultates sufficienter excitatum ! Ad hunc itaque difficillimū S. Doct. locum, vt respondeamus, Diuino prius implorato auxilio, ipsiusq; S. Doct. patrocinio.

Supponendum est primò, ex doctrina ipsius Caietani, quam habet 1. p. circa istum articulum, quòd ly, Deus, potest tripliciter sumi. Primò, vt significat concretum quasi specificum naturæ Diuinæ, id est *habens Deitatem*: Sicut etiam v.g. homo, non determinando ad aliquod indiuiduū, significat similiter concretum naturæ humanæ, id est *habens humanitatem*. Secundò ly, Deus, potest sumi, vt significat concretum, quasi indiuiduale Naturæ Diuinæ, id est *in habentem Deitatem*, sicut ly, homo, potest supponere pro hoc homine. Tertiò ly, Deus, potest sumi, vt signat

suppositum Naturæ Diuinæ, id est hunc *incommunicabiliter habentem Deitatem*, seu hanc Personam Diuinam; nam Persona, siue suppositum sine incommunicabilitate intelligi non potest, cum incommunicabilitas sit de ratione suppositi, vt infra dicitur.

Nota circa primam acceptionem Dei in suppositione positā, Caietanum loqui de nostro imperfecto modo concipiendi, & fundato in pura distinctione rationis ratiocinata; aliās propositio esset parum sana, cum *Essentia Dei sit essentialiter singularis*, & idè intentionem vniuersalis, etiam ex modo nostro concipiendi, quemadmodum Angelicæ, subire non potest, vt docent nostri Complut. in Log. loco infra cit.

Supponendum est secundò ex eodem Caietan: quòd in illo quæsto articuli quando S. Tho: inquirat, utrū sit idem Deus, quod sua Essentia vel Natura. Ly, Deus, ex illis tribus acceptionibus, non sumitur hic primo modo, quia, vt ex processu articuli patet, ly, Deus, vt hic sumitur, claudit principia indiuiduantia, (ex eo enim, quòd per se indiuiduetur, concludit S. Tho: quòd sit sua essentia) iam autem ly, Deus, vt supponens pro concreto quasi specifico, principia indiuiduantia, si non excludit, saltem ex vi suppositionis non exprimit: Neque etiam sumitur modo. Tum quia hic nulla fit mentio de Personis. Tum quia

hic

hic S. Thom: de absolutis tractat, Deus autem, vt incommunicabiliter subsistens, inuoluit relationes. Tūc denique, quia hanc quæstionem de distinctio-  
ne Elsentie Diuinæ à Personis tractat inferiùs S. Tho: nimirum q. 39. ar. 1. ubi quærit; Vtūc in Diuinis Elsentia sit idē, quod Persona? Et certē; quomodō in hac quæstione poterat S. Tho: per ly, Deum, intelligere *incommunicabiliter subsistentem*, siue *Personam*, qui nondūm determinauerat, an nomen, & ratio Personæ inueniatur in Diuinis; quod S. Doct: vsq; ad quæst. 29. a. 3. determinat. Restat ergo, quod S. Doct: in inquirens in præsentī; Vtūc sit idem Deus, quod sua Elsentia, vel Natura? per ly, Deus, intellexit Deum in secunda acceptione, prout nimirum significat concretum indiuiduale, id est hūc habentem Deitatem, seu hunc Deum. Et hinc communiter ab Authoribus respondetur, S. Tho:, quando dixit, quod in simplicibus non differt suppositum, & natura, nomine suppositi, intellexit se materiale suppositi, nimirum naturam indiuiduam. Quæ explicatio, quamuis vera sit, vt ex dictis constat, non tamen plene euacuat difficultatem. Neque enim contra nos vrg. t. id, quod de Deo S. Doct: asserit. Sed quod pro principio ad concludendum de Deo ex generali ratione substantiarum immaterialium assumit, dicens, quod in eis non differt suppositum, & natura, in sub-

stantijs autem immaterialibus creatis non potuit, sicut in Deo, nomine suppositi indiuiduum intelligere; Nam S. Thomas per ly, *suppositum*, ex vi discursus debuit, non quodcūq; indiuiduum intelligere, sed *indiuiduum habens naturam*. Voluit enim concludere, quod Deus sit sua Deitas. Deus autem significat habentem Deitatem. Ergo, vt formaliter procederet, debuit, si semel nomine suppositi intellexit indiuiduum, non qualecūq; intelligere, sed illud, quod est *habens naturam*. Iam verò, vt ex mox dicendis constabit, quamuis in Deo possit esse indiuiduum habens naturam, & nō suppositum, in creatis hoc repugnat. Nam ly, *indiuiduum habens naturam*, significat indiuiduum in concreto, quia significat, *quo est*, nempe naturam habitam, & *quod est*, nempe indiuiduum habens. Hoc autem est discrimen (vt subtiliter aduertit Caietanus) inter Deum ex vna parte, cæterarumq; naturarum concreta ex alia: quod in alijs non distinguitur indiuiduum naturæ in concreto à supposito, in Deo autem distinguitur, quia *hic Deus* est simul terminus singularis, subsistens, habens naturam, & communis tribus suppositis, quod est impossibile conuenire indiuiduis aliarum substantiarum. Ergo et si verum sit, quod S. Doct: cōcludens, Deum esse suam Deitatem, hic intellexerit indiuiduum Naturæ Diuinæ, non tamen videtur verum, quod exinde ad solutionem argumen-

gumenti inferitur, quod etiam in substantijs immaterialibus per *Ly* suppositum intellexerit indiuiduum, & illud, affirmauerit, non distingui in simplicibus à natura, sicut in rei veritate non distinguitur. *Vel si* contendas, illum etiam in illa generali propositione, nomine suppositi, indiuiduum, etiam substantiarum immaterialium creatorum intellexisse, assignandum est huius fundamentum, ne videatur, non voluntariè tantum, sed etiam irrationabiliter dictum. Ergo ut hoc altius ex fundamento fiat.

Supponendum est tertio, ex nost. Salmatic: Tract: 6. de Trin: disp. 9. dub. 5. in Diuinis, vltra subsistentias relatiuas constitutiuas Personarum, dari vnā subsistentiam absolutam, per quam essentia, cæteraque absoluta, ut præintellecta relatiuis, & ex consequenti Personis, subsistunt: Quæ tamen subsistentia, quia est communicabilis, & de facto, sicut & essentia, communicatur tribus Personis, non constituit Suppositum, siue personam: Vnde in Diuinis etsi sint quatuor subsistentiæ, non tamen quatuor Personæ, quia illa absoluta, etsi constituat hunc Deum subsistentem, & habentem Naturam, non tamen constituit suppositum, vel Personam, ob defectum incommunicabilitatis. Cum hoc tamen fiat, ut licet hic Deus, ut subsistens, absolute non sit suppositum formaliter, est tamen suppositum æquiualeuter, non quantum ad omnia, quæ dicit suppositum,

sed quantum ad illud, (quod instituto S. Doctoris in præsentī articulo satis erat) nempe quoad habitudinem identitatis, vel distinctionis à Natura, in quantum comparatur ad illam, ut habens ad habitum, ut *Quod est ad Quo est*, ut subsistens ad Naturam, in qua subsistit; hoc enim tantum in præsentī articulo S. Doctor inquirebat: Quomodo Deus, qui est habens, & ut *Quod*, distinguatur ab essentia, vel natura, quæ est habitata, & ut *Quo*.

Supponendum est quarto, quod sistendo inter principia naturalis discursus, & præcisīs reuelatis, Deum, ut hac subsistentia absoluta subsistens, necesse esset concipere, ut suppositum, nihil enim illi ad esse suppositi deest, nisi sola incommunicabilitas, quam tollit tribus Personis communicatio, hanc verò nos non ratione, sed reuelatione nouimus; Immo, præciso respectu ad relatiua, & purè in absolutis sistendo, cum Natura Diuina, ut terminata hac subsistentia, intra lineam absolutorum, non sit communicabilis distincto à se, erit intra lineam absolutorum incommunicabilis, & per consequens, ut sic subsistens, & præciso ordine ad relatiua, posset etiam Theologicè *Suppositum* vocari. Maxime in illorum sententia, (quam etiam nost. Salmatic: ex parte sequuntur) qui concedunt non solum Essentia Diuinæ, sed etiam attributis proprias subsistentias absolutas, immò etiam ipsi Spirationali

actiuz propriam relatiuā, non tamen personalem, quia Patri & Filio communicatur: Absolutè tamen non est dicendum, quòd illa subsistentia faciat suppositum, quia absolutè non reddit incommunicabile: Vnde etiam, ( vt aduertit optimè Caietanus. ) S. Th. rigorem Theologicum in hoc articulo obseruauit, & cautissimè vsus terminis, quauis generaliter præmiserit, quòd in carentibus materia non differt suppositum, & natura, non intulit tamen hoc, sc: Ergo quia Deus caret materia, in ipso erit idem suppositum, & natura: sed potius hoc aliud intulit, vid: Ergò Deus est sua Deitas; & in toto articulo hoc obseruabis, nunquam illum affirmasse identitatem inter suppositum, & Naturam Diuinam, sed inter Deum, & Naturam, nempe Deitatem; quia cum loqueretur de Deo, vt præuenit relationes, & per consequens proprietates personales, vtque tantum subsistit subsistentia absoluta, quæ non facit suppositum, sed tantum indiuiduum habens naturam, vsus est nomine Dei, qui habentem naturam significat, & non nomine suppositi.

Supponendum est quintò, quòd licet natura singularis differat à supposito sola subsistentia, quam illi superaddit; tamen Natura absolutè sumpta, & vt præscindens à singularitate, differt à supposito, ratione duplicis superadditi; quia cum suppositum essentialiter sit singulare, & subsistentia non recipiatur, nisi in natura

singulari ( vniuersalia enim non subsistunt, sicut neque existunt ) inde est, quòd suppositū naturæ absolutè sumptæ superaddit, & principia indiuiduantia, quibus natura determinata redditur capax subsistentiæ, & ipsam deinde subsistentiam, quæ constituit suppositum: Et quia natura singularis, siue indiuidua, est immediate receptiua subsistentiæ, indiuiduū, qua tale, potest vocari suppositum, non formaliter, sed materialiter, & illa distinctio, qua natura absolute, & indiuiduum differunt, est iam distinctio suppositi, & naturæ absolute, non formalis, sed in radice, & principio suo materiali, ex quo, & ex formali constitutiuo suppositi, quod est subsistentia, integratur adæquata differentia suppositi à natura absolute sumpta.

His ergo suppositis, amplector explicationem mentis Angel. Doct: supra insinuatam, quòd nimirum hic Angel. Doct: locutus fuerit de distinctione indiuidui à natura: Et ratio est, quia, vt ex suppositionibus cõstat, non quærebat hic S. Doct: de distinctione suppositi Diuini à Natura, ( hoc enim tractandum in sequentibus quæstionibus reliquit, ) sed tantum tractauit *Vtrum, & quomodo Deitas distinguatur ab habente Deitatem*: in Diuinis vero ipsum indiuiduū Naturæ Diuinæ, quia vt præuenit supposita, est subsistens, etsi non sit suppositum, est habens Deitatem.

Ex quo infero, quòd cum S. Doct.



Doct: de Deo, non vt suppositum, sed vt est indiuiduum, concludebat identitatem cum Natura, siue Essentia, quando illud principium ex immaterialibus substantijs assumpsit, quod in illis suppositum non differat à natura, nomine suppositi, non intellexit suppositum formaliter, sed radicaliter, siue materialiter, nempe indiuiduum immediatè receptiui subsistentiæ, & de illo conclusit, non distingui à Natura, nempe distinctione inadæquata, & ex parte principij materialis; Quod verissimum est, quia substantiæ immateriales sūt seipsis indiuiduæ; vnde etiam ipsas numero plurificari, repugnat, quamuis alia distinctione, inadæquata, & se ex parte principij formalis constitutioni suppositi, quā talis, tenente, quæ in materialibus integrat cum illo alio materiali vnum principium distinctionis adæquata, etiam in ipsis substantijs immaterialibus suppositum, & natura distinguatur. Infero, inquam, hoc ex illa positione iam satis demonstrata, quod scilicet S. Doct: per ly Deus, intelligebat, non suppositum, sed indiuiduum Diuinum; quia enim ex illa generali: *In immaterialibus etiam creatis non differt suppositum, & natura*, inferebat particulariter de Deo: *Ergo Deus est sua Deitas*: cum maiorem simplicitatem Creaturis nō potuerit concedere illa, quam de Deo inferebat; Si ergo de Deo tantum, inferebat, quod indiuiduum Di-

uinum sit idem cum Natura, & non transijt ad adseruendam, simplicitatem inducētem in Deo identitatem suppositi, & Naturæ, sed hoc in vltioribus quæstionibus tractādum reliquit; pariter & in creatis hanc tantum identitatē naturæ specificæ, & numericæ intellexit, ne ex maiori, & perfectiori creaturarum simplicitate, minorem, & imperfectiorem in Deo concluderet.

Et vrgetur hoc ipsum ex textu articuli, & ratione S. Tho: quæ probat, in immaterialibus etiam creatis, suppositum non differre à natura. In hac enim ratione, vt ex textu patet, assumit pro principio distinguente in materialibus suppositum à natura, principia indiuiduantia, quæ nimirum excludit à suo conceptu natura, & includit suppositum, & ex huius principij negatione in immaterialibus infert, in ipsis non distingui suppositum, & naturam. Ergo naturam, quam à supposito vult distingui, sumit, vt excludentem principia indiuiduantia. Ergo naturam absolute. Ergo cum, vt ex suppositione quinta constat, natura absolute bis distinguatur à supposito, semel quidem per principia materialia suppositi, nempe per principia indiuiduantia, vt contingit in materialibus, iterum vero per principium formaliter constitutiui suppositi, nempe per ipsam substantiæ superadditā naturæ, si Doct: vnā distinctionē, quæ hic voluit à Deo excludere, exclusit etiam ab immaterialibus,



secundam verò intactam in vtrisque reliquit, quia & in Deo nihil circa ipsam dehnire potuit, priusquam de processionibus Diuinis, de relationibus, de proprietatibus personalibus (sine quibus *hic Deus* non intelligitur suppositum) tractasset, pariter, & ad hanc, de qua hic agit, Naturæ Diuinæ cum habente, identitatem ex communibus ostendendam, illa identitas, qua in immaterialibus Individuum, & natura specifica necuntur, satis erant.

Sed dices: (quod in secunda suppositione innui) Si S. Doct: hic probabat, in Deo non distingui habentem Deitatem ab ipsa Deitate, & hoc, intulit ex illa generali propositione; quia sc: in immaterialibus non distinguitur suppositum, & natura. Ergo etiam in illa generali propositione, per *ly* suppositum, debuit intellexisse, habentem naturam, alias non bene id de Deo intulisset, & variasset suppositionem, dum in antecedenti supposuisset pro individuo præcisè, & ut distinguitur ab habente naturam, & in Consequente individuo, ut formaliter habente naturam. Ergo, cum in creatis habens naturam non sit individuum, sed suppositum, qua tale, (quia, quod intelligitur, ut *habens*, intelligitur, ut *Quod*; Ergo, ut *subsistens*, ergo in creatis, ut *suppositum*, in quibus idem, est esse subsistens, & esse suppositum) quando dixit, quod in immaterialibus non distinguitur suppositum, & natura, intellexit de supposito formali, non

autem de individuo.

Respond. quod cum subsistentia absoluta, in Diuinis, spectet ad ipsam formalem lineam Naturæ, seu Essentiæ Diuinæ; iam verò, ut nost. Salmatici docent Tomo 1. Curs. Theol: Tract. 3. de Scientia Dei, in Diuinis, quæ ad vnā lineam spectant, non distinguuntur etiam virtualiter, hinc est quod in Deo, cuius essentia est esse essentialiter singularis, non distinguetur, etiam virtualiter, subsistens absolute, & individuum, quia vtrumque ad vnā, & eandem lineam spectat. Atque ita ipsi Individuo Diuino, sine aliqua additione etiam virtuali, competit sicut esse subsistens, ita & habens naturam: Vnde S. Doct: ad hanc summam simplicitatem fontalis lineæ attendens, in qua ratio individui, & subsistentis in natura, seu habentis naturam, sine distinctione etiam virtuali, identificabantur, & rem in principio Theologiæ (nimirum quæst. 3.) tractans, id, quod facilius ex creaturis demonstrari de Deo poterat, nimirum in ipso, sicut & in creaturis separatis, non distingui individuum naturæ à natura, demonstrauit; certus, quod statim ex articulo sequenti, in quo determinat, Deum esse suum. esse, & ex alijs, quas infra tractaturus erat, quæstionibus, maxime ex quæstione 14. vbi ostendit, intellegere Dei esse formalissimè ipsum esse Dei, quilibet faciliè conijcere debuit, idem esse iudicium faciendum, quantum ad identitatem, cum

cum natura, circa subsistens, siue habens naturam, quod, tanquam facilius, in hoc articulo, ex creaturis de hoc Deo, siue de illo quasi indiuiduo Naturæ Diuinæ conclusit. Vnde patet, quod & formaliter, efficaciterque processit, & suppositionem non variavit, quia, sicut in illa generali propositione, per *ly* suppositum, intellexit indiuiduum substantiæ separata, ita & in subsumpta, per *ly* Deus, intellexit indiuiduum Naturæ Diuinæ.

Si autem quæras; Cûr, si ista ita se habeant, Angel. Docti, cûm de Deo loquitur, non illum vocat suppositum, sed Deum, cûm verò loquitur de substantijs separatis, vocat illa supposita; si enim de illis loquebatur, vt sunt indiuidua; cûr istum terminum amphibologicum obstruit, quem debemus non formaliter, sed materialiter sumere? cûr simpliciter non dixit in separatis non distinguitur indiuiduum & natura? & tunc nulum reliquisset de sua mente ambigendi locum.

Resp. mentis S. Thomæ, quæ ipse motus *ly* suppositum, & non indiuiduum, posuit, difficile est rationem assignare, aliquam tamen congruentiam adducere possumus: & est, quia, vt idem Angel. Docti: in eadem q. 3. 1. p. 2. 2. immediate antecedenti, in responsione ad tertium, docuit. Forma, quæ non est receptibilis in materia, sed est per se subsistens, ex hoc ipso indiuiduatur, quod non potest recipi in alio. Ergo Angeli inde indiuidui, quia irrecepti-

biles in alio, sunt autem ex eo irreceptibiles in alio, quia sunt per se subsistentes. Ergo indiuiduatio Angelorum inuoluit, saltem tanquam terminum à se intrinsecè inspectum, subsistentiam; ac per consequens S. Docti: dùm de illis, vt indiuidua sunt, agit, magistraliter, & acutè vocauit illos *supposita*, quæ, in esse talium, per subsistentiam constitutuuntur, vt identitatem adstruens inter naturam, & indiuiduationem dictarum substantiarum, statim radicem aperiret prædictæ identificationis, quæ non est alia, nisi per se subsistere: vnde sicut cûm quis volens significare formæ receptibilis indiuiduationem, seu ipsam, vt indiuiduam, rectè, & magistraliter vocaret illam formam receptam in materia signata, quamuis tunc, non ipsius receptionem, sed indiuiduationem explicaturus, quia illa forma indiuiduatur a materia, in qua recipitur; ita Angel. Doctor loquens de substantijs separatis, vt indiuidua sunt, vocauit illas *supposita*, (et si tunc de ipsis, non, vt de suppositis, sed, vt de indiuiduis ageret) quia illarum indiuiduatio ex illarum irreceptibilitate, seu ex eo, quod sint per se subsistentes, ac per consequens aliquo modo per respectum ad subsistentiam, quæ est constitutiua suppositi, sumitur: Deum autem non vocauit suppositum, quia illi, vt subsistenti subsistentia absoluta, (qualiter de illo hic egit) tale prædicatum repugnat, maxime si de illo Theologicè, &

fam ex principijs reuelatis agatur, vt ex suppositione 4. constat, qualiter hic de illo agitur.

Ex quibus habes claram explanationem mentis Angel: Doct: & argumentum solum. Dicimus enim tribus verbis, quod fusc probauimus, S. Doctorem, cum dixit in substantijs separatis, suppositum non distingui à natura, accepisse *Ly* suppositum, non formaliter, & adæquatè, sed materialiter, & inadæquatè, videlicet pro ipso indiuiduo, quod est susceptiuum subsistentiæ, quæ est constitutiuum suppositi. Vel, si manis, dic, vt supradictum est, quod etsi *Ly* suppositum accipiat formaliter, vera sit Angel. Doct: sententia, in substantijs separatis non distingui suppositum à natura, in materialibus autem distingui; Sed intellige de distinctione inadæquata, & de natura absolute; à qua materialia bis distinguuntur, nimirum per principia indiuiduantia, & per subsistentiam; separatæ verò substantiæ à materia, illa prima distinctione carent, tamen exigunt, si creatæ sint, hanc secundam: Et eodem modo explicantur alia loca eiusdem Angel: Doctoris in omnibus enim ex eisdem principijs procedit, & eodem modo de natura, vt cōtrā distincta principijs indiuiduantibus loquitur, & idem medium ad negandam, vel affirmandam distinctionem assumit, nimirum, principia indiuiduantia, vel inclusa, vel exclusa à natura specifica, vt in ipso eius

textu videre potes.

Dices, saltem hanc doctrinam non posse accomodari illi authoritati, quam ex 3. sentent. attribuent Aduersarij; ibi enim loquitur formaliter de supposito, quod in Natura rationali est *Persona*, vt euidēter ostendit titulus articuli, in quo Angel: Doct: inquit: *Vtram unio sit facta in Persona, & si Christus est una Persona?* Ergo in hoc articulo debuit tractare de supposito, qua tali. Ergo cum hic affirmauerit, vt ex verbis ipsius in argumento citatis patet, in substantijs separatis re non differre naturam, & personam, non solum materialiter, sed formaliter, suppositum, qua tale, in separatis non distinguetur realiter à natura.

Resp. negādo huic loco S. Thome non posse applicari saltem secundam solutionem, in qua diximus, suppositum, adhuc vt suppositum, in separatis differre, & non differre à natura, vt nimirum, comparatum naturæ absolute sumptæ, non differat ab illa secundum principia indiuiduantia, differat autem ratione subsistentiæ. Et quod S. Doct. etiam in hoc articulo solam primam distinctionem à supposito separatarum substantiarum excludat, patet manifestè ex textu; Nam in primis, in corpore articuli declarat, de qua natura loquatur; dicit enim: *Natura enim, secundum quod hic loquimur, est quidditas rei, quam significat definitio.* Nota illud; *natura, secundum quod hic loquimur*, quasi diceret:

Et si

Et si possit quæri de distinctione suppositi à natura, dupliciter accipiendo ly naturam, vel absolute, vel ut individuum, tamen nos hic de illa loquimur vno modo. Et quæso quo tandem? prout est, inquit, quidditas, quam significat definitio. Ergo cum definitio non competat naturæ, ut individui, sed absolute sumptæ, (individua enim non definiuntur) S. Thom: non loquitur hic de distinctione suppositi à natura individua, sed à natura absolute sumptæ; unde cum suppositum possit duplici distinctione differre à natura absolute, vel ratione principiorum individuantium, vel ratione substantiæ, illam primam, velut materialibus propriam, excludit à separatis, hanc secundam de illis non negando. Et quod hæc mens ipsius sit, patet ex textu: Nam reddens rationem, cum in separatis naturam, & suppositum non differant, dicit: *In simplicibus non differt re natura à persona, quia natura non recipitur in aliqua materia, per quam individuetur, sed est per se subsistens.* Ecce vides, unde negat distinctionem, ex eo scilicet, quia nō individuatur ab alio; conijce qualem neget, si ex hoc fundamento negat.

Instabis. S. Tho: ibi concludit, in Christo esse vnam Personam: Ergo eo ipso negat, ibi in Christo fuisse personam creatam. Ergo quando dixit, quod in separatis nō differt persona à natura, non intellexit de distinctione inadæquata ex individuatione procedente;

secundum illud enim debuit distingi, in immaterialibus non distingi, in materialibus verò distingi personam à natura, secundum quod negavit, personam humanam fuisse in Christo: Sed hanc non negavit, secundum esse individui, sed secundum esse personæ formaliter, quia natura in individuo, & secundum ipsum, & secundum rei veritatem, est aliquid sumpta. Ergo &c.

Resp. negando consequens: etsi enim. S. Tho: dixerit, in Christo esse vnam Personam, non idcirco voluit negare, non esse ibi personam creatam, unde hoc examinat paulò inferius distin. 6. q. 1. ar. 1., quærens: *Vtrum in Christo sint duæ hypostases.*

Obijcies tandem contra huc usque dicta. Angel: De hoc loc. cit. & nos in eorum explicatione, videmur asserere, in Angelis individuum à natura minus differre, quam in alijs creatis, quia & S. Doctor (cuius etiam nos sensum sequimur) clarè talem distinctionem individui, & naturæ in separatis negat, qualem in materialibus concedit. Ergo cum in Angelis natura specifica, & numerica differant saltem ratione, in materialibus, illa necesse erit differre realiter: Hoc autem est falsum, ut docent nost. Complut: in Log. disp. 3. qu. 4. Ergo totus discursus noster ruit, & auctoritates S. Doctoris non solvuntur; solutiones enim nostræ in hoc fundabantur, quod S. Tho: quando negat, in separatis differre suppositum

scilicet

situm à natura, vel loquatur de supposito, vt indiuiduum, vel de distinctione, in ratione suppositi, de materiali importata, nimirum ratione principiorum indiuiduallium. Ergo si indiuiduum, & natura æquè in separatis, & in materialibus, vt volunt nostri: Complut: non differunt realiter, S. Tho. de necessitate intelligendus est de alia distinctione, & cum alia non appareat, intelligi debet de distinctione, vel indistinctione naturæ à supposito, secundum quod formaliter est tale.

Relp. concedendo, tam Angel: Doct:, quam nos, & omnes communiter Thomistas supponere, quod in Angelis minus differant indiuiduum, & natura, quam in materialibus; negamus tamen, inde sequi, unitatem formalem ab indiuiduali, seu naturam specificam ab indiuiduo, adhuc in materialibus, distinguere realiter formaliter, quamuis concedamus, illa distinguere virtualiter: nam cum in separatis, idest in Angelis, tanta sit identitas inter naturam specificam, & indiuiduū, vt excludat etiam distinctionem virtualem, vt ostendunt nostri: Salmat. tract. 7. de Angelis disp. 1. dub. 5. in confirmatione tertia argumenti principalis, estque ratio manifesta: Cum enim, vt supra diximus ex S. Tho., substantiæ separatae indiuiduentur ex hoc, quod sint formæ irreceptibiles in omni materia, & esse irreceptibiles in omni materia, pertineat ad conceptum specifi-

cum dictarum substantiarum; si adæquatè quoad sua specifica concipiantur, planè sequitur, quod in ipsis esse indiuiduum spectet formalissimè ad conceptum illarum specificum, quantum est ex parte rei conceptæ, quamuis ex parte nostri modi imperfecti concipiendi possint aliquando conceptu inadæquato, & præciso (inadæquatione tamen purè ex parte modi concipiendi, & non ex parte rei conceptæ se tenente) sine sua indiuiduatione concipi; Inde est, quod, stante communi sententi Thomistarū, quam nost. Complut: in Log. defendūt, verissima sit doctrina S. Thomæ, quam hic explicuimus, in separatis non distinguere indiuiduum à natura specifica, in materialibus verò distinguere, quia nimirum in materialibus distinguuntur adhuc à parte rei virtualiter, & ratione, etiā ex parte rei conceptæ; in separatis autem non distinguuntur etiam virtualiter: & si distinguuntur ratione, illa distinctio tantum est ex parte modi concipiendi, non tamen ex parte rei conceptæ, vt intuenti patet: Sed

Instabis, hæc, quæ modò diximus, non coherere cum ijs, quæ docent nost. Complut: in Log: disp. 6. n. 43., vbi docent, quod sola Natura Diuina est essentialiter singularis; Nos autem hic videmur concedere etiam Naturam Angelicam, (vt potè in qua unitas numerica, & specifica nequidem virtualiter, & ex parte rei con-

conceptus distinguuntur) esse essentialiter singularem. Et iterum iidem Complut. loco cit. nu. 37. dicunt, posse nos abstrahere naturam specificam Michaelis à differentia indiuiduali eiusdem, quia licet eadem entitas sit differentia specifica, & indiuidualis, munera tamen talis entitatis sunt valde diuersa, cum singularitas non sit de essentia alicuius creaturæ. Et tandem hæc doctrina nostra videtur contradicere S. Thomæ, qui quæst. vnica de spirituali creat: a. 8. ad 4. videtur in Angelis distinguere rationem specificam, & numericam; quod nos negamus: Dicit enim, quod Natura huius Angeli non prohibetur esse in multis ex hoc, quod pertinet ad rationem speciei, sed ex eo, quod pertinet ad rationem indiuidui. Ergo &c.

Resp. negando, nostram doctrinam non coherere, vel cum mente S. Thomæ, vel cum ijs, quæ Complut. locis cit. docent: Et incipiendo ab autoritate S. Tho: dico, quod Angel. Doct: locutus est de Natura Angelica, non adæquatè secundum omnia, quæ importat, sed inadæquatè secundum quod per nostros conceptus imperfectè concipitur secundum id, quod exprimit, vt quodammodo æquiualeat rationi specificæ rerum materialium, & secundum hunc expressum conceptum, & quantum est ex vi illius, non exprimit id, quo prohibeatur esse in multis, quia ex parte huius inadæquati concep-

tus non exprimitur, quantumvis de necessitate inuoluatur, indiuiduatio ipsius. Nos autem loquimur de conceptu ipsius adæquato, à quo præcindi non potest, sicut irreceptibilitas, ita & indiuiduatio, vt iam ex eodem Ang. Doct. vidimus. Et sic hæc auctoritas nihil facit contra nos: quam explicationem mentis S. Doctoris adducunt nost. Salmat: tract. de Angel. disp. 1. dub. 6. n. 83.

Ad illud verò, quod ex Complutensibus adducebatur, respondetur cum iisdem Salmatic: loco citato, nost: Complut: quando dicunt, vel solam Naturam Diuinam esse essentialiter singularem, vel singularitatem non esse de essentia alicuius creaturæ, intelligendos esse de singularitate, non qualicunque, sed, quæ non sit mixta, & identificata cum vniuersalitate: Et hoc verissimè nulli creaturæ competit; Nam in Natura Angelica singularitas est mixta duplici vniuersalitati, vni quidè, nempe specificæ, à se indistinctæ virtualiter, & alteri, nempe genericæ, virtualiter à se distinctæ; sola autem Diuina Natura ita est essentialiter singularis, vt ipsius singularitas nulli sit vniuersalitati admixta, vnde illi repugnat subire conceptum vniuersalem. Quando vero iidem Cōplut: vel diuersa munera, vel diuersos cōceptus inadæquatos in Natura Angelica distinguunt, loquuntur de conceptibus formalibus, & ex parte modi concipiendi, quibus ex parte rei conceptus vnus con-

ceptus obiectiuus correspondet. Videantur circa hoc noli, Salmatic: loco cit: Et hæc pro solutione huius difficillimæ authoritatis S. Doctoris dicta sufficiant.

Pro coronide huius questionis adduco insignem locum S. Thomæ, quo hæcquæ dicta explicantur, & nostra sententia confirmatur, quia Angel. Doct. in Quodlibetalibus Quodlibeto 2. qu. 2. ar. 4. in solut. ad primum dicit. *Dicendum quod non solum in compositis ex materia, & forma inuenitur aliquod accidens, præter essentiam ipsius speciei sed etiam in substantijs spiritualibus, quæ non constituuntur ex materia, & forma, & ideo in utrisque suppositum non est omnino idem, quod ipsa natura: Hoc tamen est aliter, & aliter in utrisque. Dupliciter autem aliquid accipitur, ut accidens præter rationem rei: Vno modo, quia non cadit in definitione significante essentiam rei, sed tamen est designatum, vel determinatum alicuius principiorum essentialium, sicut rationale accidit animali, & potest præter definitionem eius existens, & tamen est determinatum essentie animalis, unde est essenziale homini, & de ratione eius existens. Alio modo aliquid accidit alicui, quia nec est in eius definitione, nec est determinatum alicuius principiorum essentialium, sicut albedo accidit homini. His ergo, quæ sunt composita ex materia, & forma, accidit aliquid præter rationem speciei existens utroque modo: Cum enim de ratione speciei humana sit, quod componatur ex*

*anima, & corpore, determinatio corporis, & anima est præter rationem speciei, & accidit homini, in quantum homo, quod sit ex hac anima, & ex hoc corpore: Sed hoc conuenit per se huic homini, de cuius ratione esset, si definiretur, quod esset ex hac anima, & ex hoc corpore, sicut de ratione hominis communis est, quod sit ex anima, & corpore. Accidunt etiam compositis ex materia, & forma, præter rationem speciei, multa alia, quæ non sunt determinatiua essentialium principiorum; substantijs verò immaterialibus creatis accidunt quidem aliqua, præter rationem speciei, quæ non sunt determinatiua essentialium principiorum, (ut dictum est) non tamen accidunt eis aliqua, quæ sunt determinatiua essentie speciei, quia ipsa natura speciei non individatur per materiam, sed per se ipsam, ex hoc, quod talis forma non est nata recipi in aliqua materia, unde per seipsam non est multiplicabilis, neque prædicabilis de pluribus (intellige secundum rem, nam secundum rationem est prædicabilis, & habes apud Complut. in Logica, ubi sic). Sed quia non est suum esse, accidit ei aliquid, præter rationem speciei, scilicet ipsum esse, & alia quædam, quæ attribuantur supposito, & non naturæ, propter quod suppositum non est in eis idem, quod natura: In quibus verbis, præterquam quod habes clariùs explicata, quæ ex eodem Angel. Doct. pro explanatione mentis Philosophi in solutione primi argumenti attulimus, & illa confirmata, quæ de identitate*

tate naturæ Angelicæ cum sua indiuiduatione docuimus; & insuper clarè à S.Tho: assertū id, quod docuimus, suppositum, vt suppositum formaliter, etiam in separatis distingui à natura, et si de materiali, & vt indiuiduum ab ipsa nō differat.

Habes (quod pro reliquis notandum est) explicationem mentis Angel: Doctoris, quid in diuersis locis intendat, cum asserit, in substantijs separatis non distingui suppositum à natura; Hoc enim solū intendit, (vt ex discursu authoritatis patet) in separatis à materia non distingui suppositum à natura per aliquid superadditum naturæ, quod sit designatiuum ipsius, quo fiat ex indeterminata determinata, ex comuni singularis, sicut in compositis ex materia, & forma, per principia indiuiduantia superaddita naturæ, ipsamque designantia, & determinantia, distinguitur: quamuis etiam in separatis à materia distinguatur realiter suppositum à natura, non solū extrinsecè, sed etiam intrinsecè, scilicet per proprium constitutum suppositi nempe substantiam, quæ licet sit naturæ completiua, & terminatiua, non tamen designatiua, vel determinatiua, cum illam supponat iam per principia indiuiduantia designatam, & determinatam.

### QVAESTIO III.


*Vtrum suppositum supra naturam singularem addat aliquid positium, an negatiuum tantum: Vbi etiam; An ratio substantiæ in aliquo positio, vel negatio consistat.*

**C**Um suppositum à natura singulari per illud distinguatur, quod illi superaddit, merito post assertam distinctionem, suppositi, & naturæ singularis, descendimus ad explicandum modū distinctionis, nimirum, vtrum suppositum, & natura distinguantur realiter negatiue, (quod fieret, si solam negationem suppositum naturæ superadderet, vt patet ex ijs, quæ docent nostri Compluten: in Logica disput. 3. q. 6.) an verò positio? quod fiet, si positium illi aliquid superaddat: Et quia illud, quod suppositum superaddit naturæ, est *Substantia*, illius statim essentia explicata, essentia substantiæ explicata manebit; quidquid enim de illo superaddito dixerimus, de substantia intelligendum est;

Est ergo sententia Scoti, & sequacium, qui tenent, suppositum nihil positium addere naturæ singulari, sed duplicem tantum, negationem, scilicet negationem dependentiæ actualis, & negationem dependentiæ aprioris, & illam



Illam primam ponit propter Humanitatem Christi, quam ideo dicit, non esse personam, quia actu aliter deperdet à Verbo, cui est unita: Secundā verò propter animam rationalem, quæ nō solum, ut actū unita corpori, non est suppositū, quia actū est in supposito, sed etiā dum est separata, suppositum non est, quia apta est pendere à supposito, seu potius componere illud. Ita Scotus in 3. d. 1. q. 1. & d. 6. q. 1. & in 1. d. 23. sequuntur communiter Principium suum Scotistæ, quamvis Lichetus in 3. d. 1. q. 1. hanc quidam probabilem reputet, negat tamen, Scotum illi omnino adhæsisse, unde oppositā velut probabiliorē sequitur. Subscribit Scoto Aureolus apud Capreol. in 3. d. 5. q. 3. Istamque opinionem tuentur plures ex Iunioribus Neotericis, qui prælo scripta non mandant. Quæ opinio, quantum conijcere ex Durando licet, nihil planè differt ab opinione Durandi, sed est quasi maior explicatio ipsius; nam & Durandus, ut quæstione præcedenti vidimus, requirebat negationes communalitatis ad rationem constitutum suppositi: Unde ob defectū negationis essendi in alio dicebat, Humanitatem Christi nō esse personam, & per hoc principalem rationem infirmare conabatur, cuius impugnationem ad hanc quæstionem remisimus.



§. I. Sententia Angelici Doctoris adstruitur, & probatur.

**D**icendum est, suppositum creatum addere aliquid positiuum supra naturam, etiam singularem. Ita communiter Thomistæ. Capreol. in 3. dist. 5. q. 2. Caiet. 3. p. q. 4. ar. 2. Ferrar. 4. contra gentes cap. 42. Nazar. 1. p. q. 50. art. 2. contr. 2. Bannes 1. p. q. 3. Alvarez de Incarnat. disput. 28. nostri Complut. in lib. de Generatione: & Corruptis disp. 2. q. 3. Blasius in sua Metaph. disp. 8. q. 2.

Probatur primò nostra Conclusio auctoritatibus S. Doctoris. Prima est, in qua asserit, debere personam corrumpi, si assumere tur 3. p. q. 4. ar. 2. in corp. ubi probans, à Verbo non fuisse assumptam personam, dicit: *Illud, quod assumitur, oportet praeintelligi assumptioni, sicut illud, quod movetur localiter, praeintelligitur ipsi motui; Persona autem non praeintelligitur in humana natura assumptioni, sed magis se habet, ut terminus assumptionis, ut supra dictum est: Si enim praeintelligeretur, vel oporteret, quod corrumpere tur, & sic frustra esset assumpta, vel quod remaneret post unionem, & sic essent duæ personæ, una assumens, & alia assumpta, quod est erroneum.* Et hoc idem in eadem quæstione ar. 1. in responsione ad 3. admittit de Angelis; quod si aliquis ex Angelis, qui sunt nunc, assumeretur, deberet ipsius personalitas corrumpi.

**Quaestio III. Quid addat Suppositum supra Naturam. 477**

pi : vel si Deus sine aliqua corruptione vellet assumere naturam Angelicam, deberet illam de nouo producere, & copulare sibi personaliter : Ergo ex mente S. Doctoris Personalitas, seu, quod idem est, substantia, est aliquid positium; negatio enim, quæ nihil est, corrumpi non potest. Et, ut S. Doctor 4. contra gentes, cap. 43. dicit, singularium existētium proprium est, definire esse per corruptionem.

Secunda autoritas est eiusdem S. Doct: 3. p. q. 17. art. 2. in corp. ubi docet, quod receptium esse non est natura, sed persona, ut enim probet, in Christo non esse, nisi vnum esse, dicit, *Ea, quæ pertinent ad naturam in Christo, sunt duo, quæ autem pertinent ad hypostasim in Christo, sunt vnum tantum; esse autem pertinet ad naturam, & ad hypostasim; ad hypostasim quidem, sicut ad id, quod habet esse, ad naturam autem, sicut ad id, quo aliquid habet esse.* Et in respōsione ad primum clariùs hoc idē dicit. *Esse consequitur naturam, non sicut habentem esse, sed sicut, quæ aliquid est, Personam autem, siue hypostasim, sicut habentem esse.*

Tertia autoritas est ex q. 35. art. 1. in corp. ubi probans, in Christo non esse Filiationem realiter correspondentem natiuitati temporali, dicit, *Christus natus est ex Patre ab æterno, & ex Matre in tempore, nec natiuitas est vnus speciei; Vnde quantum ad hoc oportet dicere, esse in Christo diuersas filiationes, vnā temporalem, &*

*aliā æternā: Sed quia subiectum filiationis, non est natura, aut pars naturæ, sed solū persona, seu hypostasis, in Christo autem non est hypostasis, vel persona, nisi æterna, non potest in Christo esse aliqua filiaio, nisi, quæ sit in hypostasi æterna.* Ex his duabus rationibus nō minùs, quàm ex prima, euidenter ostenditur, S. Thomam rationem substantiæ, seu personalitatis constituit in aliquo positio, quod suppositum superaddit naturæ.

Ostenditque hoc Caietanus tali ratione. Suppositum, & natura sic differunt, ut vnum sit realiter susceptium alicuius, & nō aliud. Ergo debet aliquid realiter dicere vnum, quod non dicit aliud. Antecedens patet ex locis S. Doctoris de esse, & de Filiatione, quorum neutrum potest recipi in natura, recipitur autem realiter in persona, vel supposito. Consequenter prob. quia si naturæ secundum se repugnat esse susceptium harum entitatum realium, scilicet actus essendi, & filiationis, & hoc realiter supposito conuenit, oportet, aliquid positium reale claudi in supposito, quod non clauditur in natura, quo fiat per se primò susceptium huius rei, cuius illa est incapax; negatio enim ad hoc non sufficit, quia non est constitutiuæ subiecti realis, cum ipsa in re sit nihil, quauis aliquando sit cōcomitans, vel circumloquens tale cōstitutiuum, Subiectum verò entitatis realis, debet esse quid reale: Vnde licet materia prima requiratur priuatio

**non,**

nem, seu carentiam vnus formæ, vt sit susceptiua alterius, non tamen per illam priuationem constituitur in esse subiecti, hoc enim habet ex sua natura. Ergo addit aliquid reale positium supra naturam. Sed id, quod suppositum addit supra naturam, ex communi sensu, est substantia. Ergo &c.

Prob. deindè Cõcl. rationibus primò ex mysterio Incarnat: (simili ratione, qua vsi sumus supra contrà Durandum, quæ etiam statim erit impugnatio illius solutionis ad nostrum argumentum ex Durando, quam impugnandam in hunc locum remisimus.) Est ergo ratio talis. Iuxta Concilia, & SS. Patres, Verbum assumptit humanitatem, & non assumptit personam. Ergo Persona dicit aliquid reale positium, quod nõ dicit natura. Cõseq. patet; Si enim nihil est reale positium in persona, quod non sit in natura. Ergo realiter omninò idem erit natura, quod persona. Ergo realiter assumpta illa, & hanc assumi necesse est.

Dices ex Scoto, assumpta natura, non assumi personam, quia persona addit negationes supra naturam, quæ per vnionem fuerunt sublata.

Sed contra est. Explicet mentem suam Scotus; quas negationes addit suppositum supra naturam? vel enim addit negationem dependentiæ? vel addit negationes vnionis, & vnibilitatis? neutrum autem saluat, quomodò, assumpta natura, non sit assum-

pta persona. Ergo &c. Probatum hoc in Humanitate Christi, in qua per vnionem non est posita aliqua noua dependentia. Ergo ab illa non est sublata independentia, seu negatio dependentiæ. Ergo si persona in esse talis constituitur per negationem dependentiæ, Humanitas Christi est persona, & cum Humanitas sit assumpta, persona etiam fuit assumpta. Patet hæc vltima consequentia. Prima verò ex antecedenti euidenter sequitur: negatio enim non tollitur, nisi per positionem illius, quod negat, sicut cæcitas per visum, tenebræ per lucem, non ens per ens. Anteced: verò prob. nam illa dependentia, quam dicis, de nouo positam, in Humanitate Christi, non potest esse de illarum genere, quo omnes creaturæ dependent à Deo in esse, & operari; hæc enim ad constitutionem personæ est omininò impertinens, cum non auferat rationem suppositi, vt patet. Deberet ergo esse dependentia ab alio, vt sustentante, non per illum modum, quo accidentia dependent à subiecto sustentante, cum humanitas non sit accidens, sed illo, quo dependet natura à supposito. Sed, stante sententia Scoti, nulla natura dependet à supposito; positium enim à negatiuo, sicut ens à non ente, physicè dependere non potest. Ergo cum Verbum in Christo suppleat vices suppositi, sicut Humanitas Christi non dependeret à proprio supposito, si illud haberet, vel sicut natura mea non depēdet à meo supposito, ita

&amp;

& Humanitas Christi non dependet à Verbo.

Urgetur magis hoc ipsum; nam in sententia Scoti, Humanitas Christi nullo indiget ad hoc, ut sit per se. Ergo non dependet à Verbo in hoc, ut sit, cum id possit habere sine Verbo, & sine alicuius nouæ entitatis, siue realis, siue modalis, superadditione.

Confirmatur hoc ipsum, quia Humanitati Christi per unionem ad Verbum nihil est detractum de sua perfectione, neque per illam est facta minus perfecta, quam fuisset in proprio supposito; alias cum quælibet res naturaliter appetat suam perfectionem, illa Humanitas esset in statu violento, & cum nullum violentum sit perpetuum, sequeretur, illam unionem aliquando dissoluendam esse, quod est impium: Quod enim, semel assumpsit, nunquam dimittet, sed in proprio supposito fuisset independens ab illo; ut enim iam dixi, reale, & positivum à non ente physicè dependere non potest. Ergo & modò est independens à supposito Verbi, alias esset minus perfecta: cum dependentia ab alio magnæ imperfectionis signum sit. Quamvis ergo (supposita sententia Scoti) illud complexum ex Humanitate, & Verbo possit pendere ab unionem Humanitatis ad Verbum, que soluta, & illud complexum desinit esse; sed ipsa Humanitas non dependet à Verbo, ut probatum est, nisi fortè ratione complexi, quomodò reciproce etiam ip-

sium Verbum necesse est suo modo dependere ab ipsa, quia non minus Humanitas non potest esse vnita Verbo, soluta vnione, quam Verbum Humanitati. Sed hæc dependentia, sicut nullam imperfectionem in Verbo ponit, nec ab illo tollit rationem personæ, ita neque ab Humanitate.

Si verò Scotus dicat, Personam in esse personæ constitui per negationem unionis, siue actualis, siue aptitudinalis ad aliud.

Contrà est; Tum quia ex hoc manifestè sequitur, etiam ipsum Verbum post unionem non esse personam, quod est aperte hæreticum; Si enim Humanitas, (quævis in illa maneat omnis res, & omnis modus realis, qui est in creata persona, desinit esse persona ex hoc ipso, quia vnitur, & amittit negationem unionis actualis; Ergo etiam Verbum, cum similiter vnitur, similiterque amittat negationem unionis actualis, desinet esse persona. Tum etiam, quia hæc quæstio plurimorum doctissimorum exercuit ingenia, & in Concilijs agitata, & determinata est. Iam autem illud assertum Patrum, & Conciliorum: *Verbum assumpsit naturam, & non personam*, supposita hac sententia Scoti dicentis, Naturæ, ad hoc, ut sit persona, solam addi negationem unionis, haberet hunc sensum, Verbum sibi vnuit naturam humanam, & ut sic vnita, non est non vnita: Cum enim esse non vnitum, seu negatio unionis constituat personam. Ergo idem

idem est dicere, non assumpsit personam, ac non assumpsit non unitam, scilicet, quod idem est, non vnuit sibi naturam humanam. Verbum relinquens illam inunitam. Quis autem non videt, apertissimam esse in his nugacitatem? ut non inmerito illis Concilijs, in quibus tot Episcopi, tot Prælati, tot doctissimi Viri conuenientes, post longas hinc, inde, vtrò, citròque agitaras rationes, tandem definiuissent, Verbum ita sibi vnuisse naturam humanam, ut non maneret post unionem, non vnita Verbo. Posset (quod absit) scribi Poetz dictum; Parturiunt montes nascitur ridiculus mus. Sicut aliquis cætus Doctorum idem mereretur, qui in frequentissima corona, post longas questionum agitationes, tandem definirer, quod dormiens non vigilet, currens non fiat, viuens non est mortuus, Ens non est nihil. Ergo de necessitate dicendum est, personam, in esse personæ, per nullam harum negationem constitui, nimirum neque per negationem dependentiæ, neque per negationem unionis.

Confirmatur primò hæc ratio principalis; Nam cum omnis negatio, præsertim inseparabilis à subiecto, debeat in aliquo positivo fundari, assignet, quæ scò, Scotus fundamentum illius negationis; Non est existentia, quia existentia, si semel distinguitur ab essentia, & non est constitutiva suppositi, ut debet tenere Scotus, dicēs, suppositum, in esse talis, per ne-

gationem constitui, debet esse posterior supposito, & per consequens ista etiam negatione constitutiva suppositi. Si autem existentia ab essentia nullo modo differat. Ergo, si fundatur in existentia immediatè, fundabitur in essentia, de quo statim.

Neque potest esse fundamentum huius negationis aliquid posituum medium inter essentiam, & existentiam; Nam si illud admittat Scotus, illud nos vocamus substantiam, ad quam negatio communicabilitatis sequitur, & sic verbis tantum à nobis differt Scotus. Deberet ergo illa negatio fundari immediatè in essentia, hoc autem esse non potest.

Prob: quia ex hoc sequeretur, in Christo fuisse personam creatam, quod sic euidenter deduco. Vbi est natura cum hac negatione, ibi est persona, ex sententia Scoti. Sed in Christo esset natura cum negatione suppositi, quod hæc negatio haberet pro fundamento ipsam essentiam, cum n. hæc negatio nō qualitercunque in essentia fundetur, sed in essentia completa, & perfectæ, quia natura, quæ est capax subsistendi, est iam natura completa, & perfecta (subsistere enim neque partibus, neque alijs incompletis, imperfectisque potest competere) non poterit vtiq; tolli ab humanitate per unionem ad Verbum. Probatur, quia negatio, quæ fundatur in aliquo completo, & perfectò, quæ tali, non tollitur per additionem, sed per sub-

subtractionem, quia negatio non tollitur per se, sed per variationē positivi, in quo fundatur, quæ variatio tantum potest esse, vel cum aliquid de nouo additur fundamento, vel cum illi aliquid subtrahitur. Negatio ergo, quæ fundatur in esse completo, qua tali, debet tolli per variationem completi: Completum verò, qua tale, non variatur per additionem, nam completo repugnat additio. Ergo tantum variabitur per subtractionem, ac per consequens negatio fundata in esse completo non tollitur per additionem, sed per subtractionem. Ergo cum in Christo nihil de essentialibus naturæ humanæ vnitz ad Verbum fuerit subtractum, sequitur euidenter, illam negationem, etiam per vnionem manere in humanitate, ac per consequens illam humanitatem esse personam.

Dices fortè in fauorem Scoti, non omnem negationem tolli per destructionem fundamenti; in aere enim tolluntur tenebræ, & in intellectu priuatio visionis beatificæ, & in materia priuatio formæ, non per subtractionem, sed per additionem alicuius positivi.

Sed contra est; quia inter hæc, & negationem, de qua agimus, est magna disparitas: nam hæc omnia in defectu, & imperfectione positiuorum fundantur, & ideo non mirum, quòd per additionem alicuius positivi tollantur, nempe tenebræ, per positionem lucis in aere, priuatio visionis beatificæ, per positionem luminis gloriæ in

intellectu, & tandem priuatio formæ in materia, per positionem formæ, & vnionis ad ipsam; Iam verò illa Scoti negatio in esse completo, & perfectio ipsius essentiz fundatur. Ergo nisi ab essentia tollatur esse completum, quod tantum per subtractionem, & non per additionem fieri potest, ut diximus, illa negatio ab essentia non tollitur. Vnde ad illud, quod dicitur; non omnis negatio tollitur per destructionem fundamenti, verum est, si de fundamento materiali sermo sit, falsum, si loquamur formaliter, realiter tamen; nam illa res debet realiter acquirere, vel deperdere aliquid, & sic realiter mutari ad hoc, ut consequentem se negationem, amittat.

Confirmatur secundò argumentando ad hominem contra Scotum; nam Scotus concedit, posse fieri Diuina virtute, ut suppositum creatum alienam naturam terminet. Quæro itaque à Scoto; Verum hoc humanitas Christi possit, nec ne? Si dicat, quòd potest, habeo intentum, quod ex Scoti doctrina sequatur, humanitatem esse personam. Si dicat, quòd non; quæro quid illi desit, ut non possit? Si dicat, de esse aliquid posituum, iterum habeo intentum, quia persona in esse talis constituitur per aliquid posituum. Si dicat, quòd deest illi negatio.

Contra est. Terminatio realis debet esse per realem vnionem. Sed ens posituum negatione rea-

liter uniri non potest, ut per se patet; negatio enim, ut sic, non potest esse terminus formalis unionis realis. Ergo. Et idem argumentum posset fieri contra Scotum in alijs suppositis, querendo; per quid Petrus v.g. posset terminare naturam Pauli, si semel illam potest terminare, saltem supernaturaliter, ut vult Scotus, per positum quid, vel negatiuum? & quidquid dixerit Scotus, argue, ut supra arguebas.

*§. 2. Aliæ rationes pro conclusione cum suis impugnationibus asseruntur.*

**P**ROBATUR secundò nostra Conclusio ratione principali Theologica, ex sacratiss. Trinitatis mysterio desumpta. Ratio personarum formaliter inuenitur in Diuinis, vt ostendit Angel: Doctor 1. p. q. 19. ar. 3. & ratio id manifestè conuincit; Tum, quia tota definitio Personarum, quòd nimirum sic rationalis nature individua substantia, conuenit Personarum Diuinarum, vt ostendunt Salmat. circa illum articulum D. Thomæ in Tractatu de Trinitate. Tum etiam, ut arguit ipse Angelic: Doctor loco citato, cum ly, *persona*, significet id, quòd est perfectissimum in natura intellectuali, ratio personarum in Deo ponenda est, in quo quidquid est perfectionis in Creaturis, eminentissimo modo inueniri

debet: Tunc sic arguo. Ratio personarum inuenitur in Diuinis, sed personarum Diuinarum non constituuntur per aliquid negatiuum, ut docet ipse Scotus, censens, probabile non solum esse necessarias tres relationes, sed etiam tres rationes personales absolutas, quibus personarum illarum constituantur. Ergo ratio personarum non constituitur per aliquid negatiuum. Ergo & ratio suppositi, ut sic; quia suppositum in natura rationali est persona.

Respondebis fortè cum Patre Ioanne de Lugo, cui hæc ratio videtur inefficax, concedendo maiorem, & minorem, sed negando consequentiam, quia variatur suppositio, transiendo à Diuinis ad creata; Longè enim alia est ratio de Diuinis, & de creatis, cum Deo, & creaturis nihil possit esse commune vniuocum; Et sicut non arguimus ex Diuinis ad creata, quòd, sicut ibi subsistentiarum personales sunt quid relatiuum, ita & in creatis, vel sicut ibi natura, ut præintellecta personalitatibus, subsistit per subsistentiam absolutam sibi propriam, ita & hic; sic neque licebit arguere, quòd sicut in Diuinis personarum constituuntur per aliquid positium, ita & in creatis; Illud enim Diuinis cõpetit ob summam, & eminentissimam illorum perfectionem, quæ in creatis inueniri non potest. Sed

Contrà est; nam, ut eruditè ostendunt nostri Salmatici: tom. 1. sui Cursus Theologi: tract. 3. disput. 1. dub. 1. omnes perfectiones simpliciter simplices, repetuntur



riuntur formaliter in Deo. Perfectionem vero simpliciter simplicem definiunt communiter Theologi, quod sit melior ipsa, quam non ipsa, vel quolibet impossibilis cum ipsa. Ergo cum ratio personæ sit perfectio simpliciter simplex; Persona enim est quid perfectissimum in genere substantiæ, estque melior ipsa, quam non ipsa, vel impossibilis cum ipsa, ratio personæ formaliter secundum rationem sibi propriam reperietur in Deo; quod etiam in argumento ex ipso Angel: Doctor probavi. Neque hoc à quopiā Catholicorum negari potest, est enim hoc certum secundum fidem, ut ostendunt nostri Salmatici de Trinitate disput. 9. dub. 2. §. 1. Tunc sic insurgo contra responsionem. Ratio personæ in Deo reperitur formaliter. Ergo in Deo reperitur id, quod est constitutivum personæ in esse, talis; hoc enim petit contentia formalis. Ergo quale videmus constitutivum personæ in Divinis, tale debet esse in creatis, quamvis sub alio, longeque imperfectiori modo essendi, ac per consequens cum in Divinis Personæ Divinæ constituantur relationibus realibus, ut communiter docent Theologi, & ipse Scotus concedit, immò ultra relationes, aliquas rationes absolutas, & positivas ad constitutionem Divinarum personarum requirit, (in quo tamen eius opinio communiter à Theologis rejicitur,) etiā in creatis constitutivum personæ,

proindeque suppositi, qua talis, debet esse quid positivum. Unde non est variata in argumento suppositio, sed ex Divinis ostendimus, rationem Personæ, ut sic, constitui aliquo positivo, ac proinde rationem personæ creatæ, contentam sub ratione Personæ, ut sic, debere eodem modo constitui.

Nec refert, quòd in Deo sint sub eminentissimo modo essendi, ex quo illa in Divinis oriuntur, quæ in solutione adducuntur; modus enim essendi non variat rationes formales rerum. Unde in Deo ponimus secundum suas rationes formales, relationes, sapientiam, scientiam, & similia, quæ quamvis ex modo essendi in creatis sint accidentia, & in Deo substantia, tamen illarum rationes formales, etiam sub illo eminentissimo essendi modo salvantur. Quod autem in solutione additur, Deo, & Creaturis nihil esse commune uniuocum, fateor ita esse, sed sicut hoc non obstat in relatione, v. g. vel scientia, ut sicut ratio constitutiva relationis creatæ est *esse ad*, ita & Divinæ; vel sicut ratio constitutiva scientiæ creatæ est, quòd sit *cognitio rei per causam*, ita & Divinæ, sic etiam non obicit, quominus ratio constitutiva personæ creatæ sit similiter positiva, sicut & Divinæ, licet illa sit relatiua, & supponat naturam subsistentem, hæc verò non. Immo, ut fusissimè probant nostri Salmatici: ratio personæ Divinæ non est uniuoca, sed analoga, re-



specū trium personarum; quis tamen sanæ mentis inferet alterius rationis esse constitutum Personæ Patris, à constitutivo Personæ Filij ita, ut vnum possit esse positivum, & aliud negativum. Sic ergo, etiam si nomen Personæ sit Analogum respectu creatarum, & increatarum Personarum, tamen ratio formalis constitutiva personæ debet formaliter, & intrinsecè saluari in utrisq; Hoc enim non solum vniocatio, sed etiam Analogia proportionalitatis propriæ requirit, quamvis ob modum, essendi longè imperfectius sit constitutum personæ creatæ, quam Divinæ.

Et hinc sumitur efficacissimum argumentum contra Scotum. Natura Divina, quamvis sit per se, & essentialiter subsistens, nec sit alicuius absoluti capax, per quod reddatur incommunicabilis; quia sibi omnia absoluta sūt cōmunia, tamē debet illi addi aliquid positivum, licet relativum, virtualiter ab ipsa distinctum, quod illam reddat incommunicabilem. Ergo à fortiori natura creata, quæ non est per se, & essentialiter subsistēs, nec incommunicabilis, requirit aliquid sibi addi positivum, quod illam, & subsistentem reddat, & incommunicabilem; Si enim natura Divina, quæ est simplicissima, non potest vnum ex his effectibus habere sine additione virtuali alicuius positi, quomodo natura creata verumq; habebit? nisi aliquid illi positivum superaddatur?

Vergetur hoc magis ad hominem contra Scotum; nam, in sententia ipsius, proprietates constitutivæ personarum in Divinis distinguuntur formaliter ex natura rei à natura Divina, & tamen dicit, illas esse positivas, non obstantē summa simplicitate, & perfectissima Dei actualitate. Cūr ergo in Creatis, vbi est imperfectio, compositio, & potentialitas, non concedit, quod in Divinis admitit? Cūr naturam creatam ex se imperfectā paucioribus vale egerē, quā Divinam, ut ad suam ultimam perfectionem, nempe ad esse personale, perveniat?

Probatur tertio nostra Conclusio ratione Philosophica. Persona est quid perfectissimum in genere substantiæ, ut docet S. Thomas 1. p. q. 19. a. 3. & communiter admittunt omnes; Unde neque partibus, neque incompletis, neq; habentibus esse solum, ut Quo, competere potest. Ergo non potest constitui per aliquid negativum; cū enim constitutum sequatur naturam sui constitutivū, repugnat, ut id, quod est perfectissimum, qua tale, per aliquid omnī perfectione denudatum, qualis debet esse negatio, cū sit non ens, constitutur: Maxime, quia per id, per quod natura in esse personæ constituitur, & in esse substantiæ completur, & sic substantia prima. Quis autem sanæ mentis dicat, substantiam in esse substantiæ, hoc est, in esse entis perfectionis accidentibus, compleri per id, quod est formaliter non ens, vel

in

in esse primæ substantiæ (quæ quidem iuxta Philosophum est maxime, & perfectissime substantia) constitui?

Confirmatur primò. Negatio communicabilitatis de necessitate supponit aliquod positivum in natura pro suo fundamento, cui repugnat communicatio. Ergo negatio hæc non constituet, sed supponet suppositum: Consequenter, nam illud positivum, quod supponitur, sicut reddet naturam incommunicabilem, ita constituet illam in esse suppositi, ac per consequens, antequam intelligatur negatio, iam intelligetur constitutum suppositum. Anteced. autem prob. quia repugnat, ut negatio incommunicabilitatis fundetur in ipsa natura, quæ de se est communicabilis, sicut repugnat, ut negatio lucis fundetur in luce, & generaliter quævis negatio in forma ponente id, quod illa negat; aliàs id esset, & non esset. Ergo debet prius natura per aliquid positivum reddi incommunicabilis, quàm recipiat negationem incommunicabilitatis.

Urgetur magis hoc ipsum; quia negationes competentes rebus non sunt constitutiæ rerum, hoc enim implicat, sed ad illarum constitutiæ consequuntur. Sicut v.g. ad gradum substantiæ, qui constituit ens per se, consequitur negatio essendi in alio. Ergo etiam negatio incommunicabilitatis non est constitutiua suppositi, quamvis consequatur suppositum.

Confirmatur 2. Illud, quod cõ-

stituit suppositum in esse suppositi, constituit illud in esse principij quod, actionum, nam actiones sunt suppositorum. Sed hoc non potest competere negationi, quæ est non ens; nam vnumquodque agit, secundum quod est ens, & in actu. Ergo, &c.

Ex his igitur patet, Subsistentiam, quam addit suppositum naturæ, esse quid positivum reale, ad genus substantiæ pertinens, sicut ultimum ipsius complementum, reddens naturam incommunicabilem positivæ, & idè ad illam consequuntur negationes ad esse in alio, ut quod, tam actualiter, quam aptitudinaliter, & capacitatis ad personales realitates, ut sunt actus essendi, & filiationis, & quod est, & habens esse, & reliquæ, quæ hypostati attribuantur.

### §. 3. Argumenta contraria Soluuntur.

Primum ex Autoritate Damasceni lib. 3. de Fide Orthodoxa cap. 6. ubi dicit. Toti humanæ nature, totam Divinitatis essentiam unitam asserimus: Neque enim Deus Verbum quidquam eorum, quæ cum nos initio fingeret, natura nostra inseruit, prætermisit; Sed omnia assumpsit, hoc est, corpus, animam intelligentem, & rationem præditam, eorumque proprietates. Anima enim, quæ unius horum expressa est, hominis nomē sustinere nequit. Totum quippe me totus assumpsit, ac totus toti unitus est, ut toti salutem affer-

asserat : Nam alioqui ne medicina quidem ei allata est , quod assumptum non est. Ex qua auctoritate duo habentur , ex quibus nostra sententia impugnatur. Primum , quia , ut dicit Damascenus : Verbum totum assumpsit , quod cum nos initio fingeret , naturam nostram inseruit. Sed quidquid positivum , & reale est , illi inseruit , alias darentur in nobis aliquod ens reale positivum independens à primo ente . Ergo quidquid reale , & positivum in nobis est , assumpsit : Ergo cum non assumpsit personam , persona in esse talis non constituitur per aliquid positivum.

Aliud est , quia , ut ex Damasceno habetur , non est sanatum , quod non est à Verbo assumptum. Ergo si persona in nobis dicit aliquid positivum , aliquid positivum in nobis erit , quod morte Christi sanatum non est , immò illud non sanatum manebit , quod propter peccatum vulneratum fuit , quia sicut operari , ita & malè operari , seu peccare attribuitur Personæ. Ergo illa est , quæ potiori titulo vulnerata est per peccatum.

Resp. ad hanc utramque ex auctoritate Damasceni instantiam , & ad primam quidem dicimus , verissimum esse , etiam ad rigorem Theologicum , Damasceni dictum : non tamen esse contra nos ; Damascenus enim clarè se explicat , quòd de totalitate essentiali loquatur : nam & titulus huius Capitis nihil aliud illum in hoc Capite tracturum præmittit , nisi ; *Quòd tota Divina natura*

*in una suarum personarum , toti naturæ humanæ unita sit.* Et in verbis citatis , sicut & in toto processu Capitis , clarè de sola natura loquitur. Unde non dixit totum quidquid nobis , vel nostræ personæ , sed totum , quod nostræ naturæ inseruit , assumpsit , quod est verissimum , quia Christus assumpsit integram naturam humanam in uno individuo . Unde & paulò inferius idem assumptum probans , dicit ; *Quoniam autem passio Deus perfectus , & homo perfectus , eiusdemque cum Patre esse Christus essentia diceretur , si quadam Divinae naturæ pars eidem humanæ naturæ parti in eo communis esset :* Dicimus autem , nostram naturam à morte ad vitam excitatam esse , & in cælum ascendisse , & ad Patris dexteram consedisse , non quòd omnes hominum personæ renixerint , aut ad dexteram Patris sedcant , sed quòd toti naturæ nostræ in Christi persona hoc contigerit. Ecce claram Damasceni mentem.

Nec refert , si dicas , Damascenum in eadem auctoritate dixisse , *Totum quippè me totus assumpsit.* Ergo cum ly , me , significet personam , debuisse assumi personam , si esset quid positivum .

Resp. enim , ibi per ly , me , non signari personam , sed naturam , ut sit sensus : Totum me , id est , totam naturam meam , Nam si rigorem significationis teneres , velles , cum ibi ly , me , non qualicumque personam , sed personam Divi Damasceni determinate significet , deberes dicere ;

D. Da.

*Questio III. Quid addat suppositum supra Naturam. 487.*

D. Damascenum fuisse ad viti-  
nem hypostaticam à Verbo assu-  
ptum.

Secunda instàtia aliquam dif-  
ficultatem, & quidem multas ma-  
terias Theologicas involuentem  
habet; quibus tamen profundius  
nos (nisi quantum necessitas co-  
git) non immiscendo.

Resp. Supponendo ex nostris  
Salmatic: to. 4. tract. 13. de Vi-  
tijs, & Peccatis, disp. 14. dub. 1. n.  
14. Peccatum originale per se  
primò attribui naturæ iuxta il-  
lud Apostoli ad Ephes: 2. *Eramus*  
*aliquando filij ire*, & secundariò  
personæ: Vnde & paruulis statim  
ex ipsa conceptione inest, non  
per aliquam personalem opera-  
tionem, sed per solius naturæ in  
generatione transfusionem. Et  
huius fundamentum est; quia cò-  
muni fuit ab Adamo, secundū  
quòd erat Caput, vicelquē gere-  
bat totius humanæ naturæ, & se-  
cundū quòd pro se, & pro tota  
illa iustitiam originalem acceperat,  
definiturque hæc doctrina  
Salmatic: ex S. Tho: in 2. dist. 2.  
q. 1. ar. 2. ubi ait. *Peccatum ori-*  
*ginale est primò, & per se infectio*  
*naturæ, & per consequens infectio*  
*personæ, secundū quòd dispositio*  
*naturæ in personam redundat.*  
Cum ergò licet tam originale,  
quam actualia peccata morte  
Christi deleta sint, tam n, vt do-  
cet D. Tho. 3. p. q. 1. a. 4. in Corp.  
principalitè Christus venit ad  
tollendum peccatum originale,  
quàm actualia, immò, vt idem  
*Angel, Doct, & cum illo tota*

Schola Thomistica defendit, *Si*  
*Adam non peccasset, Filius Dei in-*  
*carnatus non fuisset*: 1). Damasce-  
nus, attendens ad primatium fi-  
nem incarnationis, nempe ad sa-  
nitatem vulnèrum, à culpa ori-  
ginali infectorum. quæ quidem  
naturam primò afficiunt, & ex cò-  
sequenti, personam, dixit, *san-*  
*tum non esse, quod assumptum non*  
*est*; illa nimirum sanitate prima-  
rio intenta, quæ est à peccato  
originali, & quæ competit natu-  
ræ; Et sic non sequitur, personā,  
vel esse assumptam, vel non esse  
sanatam, sed sicut illa culpa, pro-  
pter quam abolendam principa-  
liter Verbum fuit incarnatum,  
primariò infecit naturam, & se-  
cundariò personam; ità assump-  
pta, & sanata natura, etiam ex  
consequenti sanata fuit persona,  
quamvis non fuerit persona as-  
sumpta.

Vndè patet solutio etiam ad  
illud, quod in Obiectione dici-  
tur, nimirum peccatum potius  
lædere personam, cuius est ope-  
rari, non naturam, intelligendū  
namque est, non de peccato ori-  
ginali, sed de actuali, vt ex dictis  
patet.

Nec refert, si dicas, ex nostr. a  
solutione sequi, quòd sicut secun-  
dariò fuit persona sanata, etiam  
secundariò saltem assumpta.

Negamus enim Consequentiam,  
& ratio disparitatis est manifestas;  
quia persona est quidem sanabi-  
lis, non tamen assumptibilis.

Resp. 2. ad hanc secundam in-  
stantiam, ex autoritate Damas-  
ci:

sceni factam; ibi S. Damascenus disputare contrā quosdam hæreticos sui temporis, qui dicebant, Verbum solum Carnē assumpsisse, & non Animam: quorum errorem ipse S. Damascenus in eodem Capite refert, dicens: *Enimvero mens personaliter ipsi unita, Divinitatis sedes extitit, quemadmodum, videlicet, & caro, non autem contubernalis, velut Hæretici, impio opinionis errore, sibi fingunt, ( non enim, inquit: quod unus tantum medij capax est, duo media continebit ) corporea nimirum ratione ea, quæ materia vacant, metientes.* Contra istorum ergo ineptias ibi disputans Damascenus dixit, quod non fuisset sanata, si non fuisset assumpta, quod verissimum est, immò non assumpta, nec sanata anima, totus homo non fuisset sanatus, cum gratia sanctificans, quæ peccatum pellit, in sola anima recipiatur, ut communiter docent Theologi.

Secundum aduersariorū argumentū est ex autoritate S. Thome 3. p. q. 4. a. 2. in responsione ad secundum, ubi dicit Angelus Doctor: *Dicendum, quod natura assumpta non deest propria personalitas propter defectum alicuius, quod ad perfectionem humanæ naturæ pertineat, sed propter additionem alicuius, quod est supra humanam naturam.* Sed si personalitas esset quid positivum, cum hæc desit Christo, & ad perfectionem, humanæ naturæ spectet, tanquā complementum ipsius, iam Christus non diceretur persona, prop-

ter defectum alicuius, ad perfectionem humanæ naturæ spectantis. Ergo ex mente S. Doctoris subsistentia, seu personalitas non consistit in aliquo positivo. Et vrgetur hoc amplius, quia non gratis S. Doctor dixit, *ad perfectionem humanæ naturæ*, non vero ad humanam naturam, ut præcluderet viam effugio, si diceremus, Christi naturæ nihil deesse, quia habet integram naturam humanam.

Responsi de mente S. Doctoris nullum dubium esse, quod ille posuerit in Christo defectum alicuius positivi, ratione cuius illa Humanitas non est persona; nā statim in solutione sequentis argumenti, tertij videlicet, istud clarè innuit, quando explicans illa verba Innocentij Tertij in Decretalibus; *Quod Persona Dei consumpsit personā hominis*, dicit: ipse Angelicus Doctor: *Ad tertium dicendum, quod consumptio ibi non importat destructionē alicuius, quod prius fuerat, sed impeditionem eius, quod aliter esse posset: Si enim humana natura non esset assumpta à Divina Persona; natura humana propriā personalitatē haberet, & pro tanto dicitur, personā cōsūpsisse personā, licet improprie, quia Persona Divina sua unione impedit, ne humana natura propriā personalitatem haberet.* Deest ergo aliquid positivum, Naturæ humanæ Christi, quod, iuxta verba S. Thomæ, habuisset, si unita non fuisset. Dicimus ergo cum Caetano, quod ibi S.

S. Doct. loquitur de Natura, ut cōtradistincta à Persona, seu de Natura secundum se, ut planè ex textu patet; illud autem positivum, quod nos *subsistentiam* dicimus, spectat quidem ad complementū naturæ, sed non, ut natura, sed ut iam persona. Et cum vrgetur; quia scil: non dixit, spectans ad naturam, sed ad perfectionem naturæ, quasi distinguens naturam à perfectione; Respondetur hanc conclusionem de mente Angel: Doct: vanam esse, & nos possumus efficacius conijcere de mēte S. Doct: in fauorē nostræ assertionis: Nam non gratis S. Tho: non dixit, quod Humanitati nihil deest, sed illam restrictam addidit, (nihil deest ad perfectionem naturæ spectans) ut, exceptione firmante regulam in oppositum, innueret, se sentire, deesse illi aliquid, quo posito, esset persona, sed nihil illi deest ad perfectionem, idest integritatem naturæ, qua talis, spectans; quod etiam nos libenter fatemur.

Tertium argumentum ex auctoritate eiusdem S. Doct. in 3. d. 6. q. 1. ar. 2. ad 5. ubi hæc habet. *Dicendum, quod hoc, quod facit, coniunctum ex corpore, & anima esse hominem, non est, præter animam, & corpus, & unionem, aliquid positivè, sed ex hoc ipso, quod ipsum compositum ex anima, & corpore, non adiungitur alteri subsistenti in natura composita. sequitur, quod coniunctum sit homo.* Ergo cum homo dicat suppositum naturæ humanæ, suppositum supra naturam nihil positivum addet, nisi solam negationem.

Resp. admissa integra auctoritate D. Thomæ, negando suppositionem consequentiz, illud nimirum, quod dicitur, quod *homo* dicat suppositum humanæ naturæ. Iam enim S. Doct: in eodem articulo explicauit in responsione ad 4. quid per *ly homo* intelligat, ubi dicit, quod *homo significat humanam naturam, & supponit pro supposito subsistente in natura illa*: homo itaq; non significat suppositum; Vnde iuxta S. Doct: eo ipso, quod compositum ex anima, & corpore nō adiungitur alteri subsistenti, sine aliquo positivo superaddito, est homo, quia eo ipso, & sine aliquo positivo superaddito, supponet pro supposito proprio, non tamen esset suppositum, nam ad hoc deberet, illi addi aliquid realiter distinctum ab illo, nempe subsistentia; Vnde S. Doct: non dixit, quod illud coniunctum, cum sola negatione essendi in alio, erit suppositum, sed quod erit homo: Et concludens responsionem dicit: *Si Christus naturam humanam, quam assumpsit, deponeret, ex hoc ipso esset homo illud coniunctum*: nunquam verò intulit, quod esset suppositum.

Quartum argumentum Aureoli apud Capreolum, quia ex nostra sententia sequuntur plura absurda. Primum, quod Verbum non esset homo, ac proinde ista esset falsa: *Filius Dei est homo*; cum, illa terminatio, si poneretur, non esset ipse homo. Secundum, quod prima substantia non haberet rationem primæ substantiæ

per ipsā essentiā, sed per realitatē distinctā ab ea, & sic secundē substantiæ essent magis substantiæ, quā primæ, quia prima in quātum prima, non esset substantia; cuius oppositū dicit Philosoph: in Prædicamentis. Tertium, quod nullas res subsisteret per se, sed per aliud à se, sicut nec corpus terminatur per se, sed per superficiem; cum tamen in scholis hæc non concedatur: *corpus terminatur per se*; hæc verò conceditur: *Substantia subsistit per se*. Quartū est, quod substantia subtrahā illa realitate, haberet magis rationem suppositi, quā constitutivum ex natura, & ex illa realitate: suppositum namque est, quod primò, & principaliter, & maxime subsistat; natura autem huiusmodi, quoniam subsistat illi realitati, cui tamen compositum ex utroque non subsistat, cum sit pars illius, primò, & principaliter subsistat. Sed hæc omnia sunt absurda. Ergo &c. Plura ibi absurda adducit Aureolus, sed quia illorum solutio iam patet ex dictis, vel plura, quā præsens institutum patitur, ex mysterio Incarnationis ingerit tractanda, idē omittuntur. Ad hæc verò, quæ adduximus.

Resp. negando hæc absurda, in quantum verè absurda sunt, ex nostra sententia sequi: Addidi in quantum absurda sunt; nam aliqua fatemur sequi, sed in sano sensu, negamus illa esse absurda, ut statim declarabitur.

Ad primum itaque negatur sequela, quæ non rectè probatur

per hoc, quia illa terminatio non est homo; verum enim hoc est de illa terminatione præcisè, non tamen de constituto per illam terminationem: Natura enim humana terminata per subsistentiam est homo, non autem ipsa terminatio, vel natura, & licet etiam Verbum præcisum à natura humana, quam terminat, non est homo, aliàs etiam ante Incarnationem Verbum esset homo, quod est falsissimum, sed Verbum terminās naturam humanam est homo, sicut & illa realitas creata terminans, & coniuncta naturæ humanæ, est homo, & ut videas nullitatem argumenti contrarij, attende ad differentias constitutivas specierum, & determinativas generum; ex hoc enim, quod rationalitas non est animal, quis sanæ mentis inferet? Ergo constitutivum per rationalitatem non est animal.

Ad secundū resp: disting. sequel: nam quando dicitur: sequeretur, quod prima substantia non esset substantia per essentiam: distinguitur *ly* per essentiam; non esset substantia per essentiam completam, & terminatam; Nego; per essentiam incompletam, & nondum terminatam; Concedo: Non sufficit enim ad rationem primæ substantiæ essentia sine termino, sed quia illa realitas, qua terminatur essentia, ut sit prima substantia, non ponit in numero cum ipsa essentia, ut est essentia primæ substantiæ formaliter, & reduplicativè, idē non sequitur, quod præ-

ma

ma substantia' non sit substantia, vel per essentiam, sed per additum, vel ut prima; sicut à simili non est verum, quod homo, in quantum homo non sit animal, quamvis rationalitas, quæ est constitutiva hominis, non sit animal. Et multò minus sequeretur, quod secundæ substantiæ sint magis substantiæ, quàm primæ; nam non minùs primæ, quàm secundæ, sunt substantiæ per essentiam, sed, iuxta proprietatem essentiae utriusque substantiæ competentem, illæ erunt substantiæ per essentiam completæ, istæ verò per incompletam. Quamvis aliundè, ut ostendit Philos. in Prædicamentis, substantiæ primæ sint magis substantiæ, quàm secundæ.

Ad tertium resp. si illa illatio (sequeretur, quod nulla res creata subsisteret per se) hunc sensum faciat, quod non subsisteret per suam essentiam incompletam, verissima est, sed absurda non est: Ad hoc enim, ut aliquid subsistat, debet habere essentiam terminatam, per quam terminationem sistat, ut ipse verborum sensus indicat. Si verò intelligatur, quod nulla res subsisteret per se, id est per suam essentiam terminatam, & completam, falsa est, neque ex nostra sententia sequitur; quælibet enim substantia per suam essentiam terminatam subsistit, nec subsistere per proprium terminum distinguitur à subsistere per se, quoniam proprius terminus est aliquid sui, sicut & linea dicitur terminari per se, licet terminetur

puncto, quia punctum est aliquid lineæ; & similiter corpus respectu superficiei: Et ratio horum est iam insinuata, quoniam non sic est aliud terminus proprius, quia sit aliquid terminati. Ex quo patet solutio ad illud, quod in argumento dicitur, quod hæc non conceditur à Philosophis: *Corpus terminatur per se*; hæc vero conceditur: *Substantia per se subsistit*: Vtrique enim harum propositionum in eodem sensu est vera, vel falsa: nam vera est, si accipias tam corpus, quàm substantiam completam, & terminatam; falsa verò utraque si sermo fiat de corpore, vel substantia incompletis, & interminatis: Sæpiùs tamen illa prima negatur in scholis propter aliquorum opinionem, indivisibilia terminativa quantitatum negantium: Sed sanè intellecta est, & prout à nobis explicata est, verissima est, & concedi potest.

Ad quartum negatur sequela, cuius probatio supponit falsum, quoniam terminatum non subsistat termino. Aliud est enim subsistere alicui, aliud terminari per illud; quod qualiter verum sit, infra patebit, ubi quæremus: An natura respectu subsistentiæ exerceat aliquam causalitatem?

Quintum argumentum. Si personalitas est aliqua realitas. Ergo ens; Ergo quidditas, & Quid. Ergo Natura aliqua; Quidditas enim Natura est; Ergo assumptibilis à Verbo; cum omnis natura sit assumptibilis, ut communiter docet Theologi. Sed hoc est falsum,



quia Persona non est assumptibilis. Ergo &c.

Resp. disting. consequ. Ergo ens, quod est, vel esse potest, nego; Ergo ens, quo aliquid est, vel esse potest; concedo: Huiusmodi enim entitates, & realitates non sunt entia, quæ sint, sed quibus aliquid sit, ut pater à simili de ratione, & existentia; & ideò, propriè loquendo, non sunt quidditates, & naturæ, hoc enim competit illis realitatibus, quæ sunt constitutivæ rerum, quæ esse possunt; & per consequens personalitas neque erit assumptibilis à Verbo. Maxime cum substantia separata ab essetia non possit dari, ut infra ostendetur, coniuncta autem essetia facit, incommunicabile, & per consequens inassumptibile.

Sextum argumentum; quia sequeretur ex nostra opinione, quòd suppositum esset quarta substantia constituta ex tribus, scilicet, materia, forma, & illa realitate; quod est contra Philosophum triplicem tantum substantiam admittentem, nimirum materiam, formam, & compositum ex unione materiæ, & formæ consurgens. Ergo &c.

Resp. neg. sequel: in rigore, & proprietate sermonis, quia cum illa realitas addatur essetia singulari, ut terminus, non ponit in numero cum illa, cum terminus sit aliquid rei terminatæ, ut iam diximus: Bene tamen sequitur, quòd ultra substantiam sumptam pro essetia, quæ resolvitur in

materiam, & formam, & quæ ponit substantiam compositam etiā singularem, inuenitur, non quid est alia substantia, sed aliter substantia, nempe hypostasis, quæ, quia nihil addit supra singularem essentiam, nisi terminum non ponit in numero cum illa, & suis partibus.

## QVAESTIO IV.

*Utrum illud, quod suppositum addit supra naturam, sint principia individuuantia? vel aliquod aliud accidens? vel tandem aliqua connotata? quæcunque illa sint.*

POSTquam in superiori questione determinauimus, suppositum addere aliquid positivum supra naturam singularem, statim pulsat animū alia quæstio: Quidnam sit illum positivum? Circa quod, quia multiplex est Auctorum opinio, in hac vna quæst. omnia nō possunt explicari: In præsentia tamen quæstione tres opiniones minus difficultatis habentes, & ideò specialibus quæstionibus, non indigentes, simul tractandas coniungimus, ut, his breviter refutatis, ad graviora transeamus.



§. I. Dux priores sententiæ referuntur, & refutantur.

**E**st ergo prima sententia, quæ asserit, positivum illud, quod naturæ suppositum addit, esse principia individuantia. Ita aliqui, quos, suppresso nomine, citat Suarez disp. 34. Metaph. sect. 3; ubi dictus Auctor duplicem sensum huius opinionis excogitavit: Dicit enim, quod quando dicitur, suppositum addere supra naturam principia individuantia, siue individuationem ipsam, potest hoc intelligi, vel de individuatione ipsius naturæ, & hunc sensum, dicit, esse falsum, ut & nos statim dicemus, vel de individuatione suppositi, ut suppositum est, & hic posterior sensus (inquit ille) est verus, loquendo de singulis suppositis; nam clarum est, unumquodque constitui in ratione talis suppositi per singularem, & propriam substantiam suam, quam addit suæ singulari, & individuat naturæ. Sed, pace tanti Viri dixerim, non video, quomodo possit dici, suppositum supra naturam singularem addere propriam individuationem, quam individuationem potius suppositum, sicut & ipsa substantia, à natura individua trahat, nec vllus Philosophus dicet; alia individuatione naturam esse individuatam, & alia suppositum. Si ergo una est individuatio suppositi, & naturæ, quo-

modò propriam individuationem suppositum addit naturæ, cum ipsum inueniat in natura, quæ ad illud etiam individuum extenditur. Non ergo in hoc sensu contra Authores oppositæ sententiæ procedemus. Tum quia falsus est, Tum etiam, quia licet verus esset, ad præsentem quæstionem, ut benè notavit idem Suarez, est impertines, ubi, non de individuatione naturæ, vel suppositi, sed de eo quærimus, quod addit unum. quodque suppositum supra naturam: Porro iuxta primum sensum.

Dicimus, quod illud positivum, quod addit suppositum supra naturam, non possunt esse principia individuantia, siue individuatio ipsa. Probatum facili ex dictis: Nam in mysterio Incarnationis Verbum assumpsit naturam inathomo, ut cum Damasceno loquuntur Theologi; unde ibi Humanitas est individua, & tamen illi deest formale constitutum personæ creatæ, propter cuius defectum non est persona. Ergo id, quod addit suppositum naturæ, non est individuatio, sed aliquid aliud.

Confirmatur, quia, ut nos supra diximus, & docent nostri Complutini Log: Individuatio, seu, quod idem est, unitas numerica, non distinguitur, adhuc in materialibus, realiter à natura, & ipsius unitate specifica: Sed suppositum, ratione illius superadditi, distinguitur realiter à natura. Ergo illud, quod superadditur naturæ, non est individuatio. Maxime, quia

quia, ut in quæst. 2. probauimus, non à quacunque natura, sed à natura singulari, & indiuidua suppositum in creatis distinguitur realiter. Plura argumenta pro hac Conclusionem vide apud P. Blasium disp. 8. q. 5.

Argumenta pro contraria sententia nulla adducuntur, nisi aliquæ Authoritates S. Tho: maxime illa ex 1. p. q. 3. in qua S. Doct. videtur docere, quod suppositum à natura differat per principia indiuiduantia; Sed ad hoc iam respondimus quæst. 2. huius disput. S. Thomam ibi, nomine suppositi, intellexisse indiuiduum, quod est suppositum materialiter; & nomine naturæ intellexisse naturam specificam, à qua suppositum, ultra sibi propriam distinctionem ratione subsistentiæ superadditæ, etiam per principia indiuiduantia distinguitur, ut ibidem explicatum est. Plures alias authoritates S. Doctoris pro hac sententia adducit, & soluit noster P. Blasius disp. 8. q. 5. Sed quia multa sub solutionibus immisceat cum nostra doctrina non coherentia, ideo cautè illius solutionibus vtendum est. Prædictæ autem authoritates optimè eadem solutione, qua illa ex prima parte quæst. 3., explicantur. Et eodem modo explicandi sunt D. Basilii Epistola ad Gregorium de differentia hypostasos, & naturæ, & D. Damascenus lib. 3. de Fide Orthodoxa, Cap. 4. & 6., vbi dicunt, suppositum exindè differre à natura, quia suppositum includit singulares pro-

prietates, quas non includit natura.

Secunda sententia est aliquorum, ( quos referunt, & impugnât Heruæus, & Ioannes de Neapoli citati à Caietano ) dicentium, quod suppositum addit supra naturam affectionem, qua natura subest accidentibus, quia Sortes significat naturam, ut affectionem accidentibus, natura verò non. Et videntur huic opinioni fauere aliqua S. Thomæ loca, sepius enim S. Thom: tractans quæstionem de distinctione suppositi à natura, recurrit ad accidentia, quæ habet suppositum, & non natura.

Dicendum tamen est. Illud, quod addit suppositum naturæ, neque potest esse aliquod accidens, neque aliqua affectio naturæ, qua subest accidentibus. Ita sentire debent omnes, quicunque subsistentiam ad prædicamentum substantiæ reducunt. Bimembris est Conclusio.

Probatur primò quantum ad primum. Quando dicis, quod suppositum, in esse talis, constituitur per aliquod accides superadditum naturæ; Vel loqueris de accidentibus proprijs, & connaturalibus naturæ, vel de accidentibus communibus, & omninò extrinsecis: Neutrum dicere potes. Ergo &c. Minor quoad primum, quod sc: suppositum, in esse talis, non constituitur per aliquod accides proprium, & cōnaturale naturæ, probatur, quia in Christi Humanitate sunt accidentia omnia connaturalia hu-

manæ

manē naturæ, & quæ ad illius perfectionem spectare possunt; Habetur namque ex definitione Conciliorum, quod Verbum assumpsit humanam naturam, cum omnibus proprietatibus connaturalibus: & nihilominus non est in illa natura personalitas creata. Ergo &c. Quoad secundum verò, quod sit: non sit id, quod superadditur, aliquod accidens commune, & extrinsecum, ex se patet eadem minor: nam personalitas est terminus intrinsecus naturæ, complens illam in ordine substantiali. Ergo non potest esse aliquod accidens extrinsecum illi; imò neque connaturale, quia etiam illud complet accidentaliter, & non substantialiter.

Confirmatur. Verbum, suppleuit Personalitatem: Sed non suppleuit aliquod accidens, alias, inquit inter illud, accidens suppletum, & naturam est unio accidentalis; ita inter Verbum suppleuit, & Humanitatem esset unio accidentalis, quod tamen est falsum, ut probatur in materia, de Incarnatione: Ergo personalitas non est aliquod accidens: Ergo &c.

Aduertendum tamen est, quod quando dicimus, illud additum naturæ à supposito non esse accidens, intelligimus de accidenti propriè, & rigorosè tali; Nam si latè vocetur accidens, quidquid non est de essentia rei, sic potest subsistentia accidens vocari, quia, ut iam diximus, & ex Mysterio Incarnationis patet, subsistentia

non est de essentia naturæ individualis. Hic tamen modus loquendi non usurpatur in hac materia, ne sit occasio alicuius erroris in Theologia inferendi, unionem Humanitatis, & Verbi fuisse accidentalem. Et per hoc potest responderi ad loca S. Tho: dicendo, illum (cùm dixit aliquando, suppositum à natura distinguui per aliquod accidens) intellexisse, vel de accidenti lato modo, vel certè de accidenti subiectiuè, idest de subiecto accidentis, Nam natura, secundum se, non est receptiua accidentiū, sed suppositum, quod per subsistentiam constituitur.

*§. 2. Sententia tertia contraria reicitur, & impugnatur.*

**T**ertia sententia est satis celeberrima, non inter antiquos solum, verum etiam inter modernos dicentes, illud, quod, suppositum addit naturæ, esse aliquod extrinsecum connotatum, quamuis in explicatione huius extrinseci, quod connotatur, varientur: Aliqui enim putant, esse existentiam: Quod communiter tribuitur Capreolo, & videtur, id docuisse in 3. d. 5. q. 3. a. 3. ad 1. conclus. 2. Quamuis ego legendo attentè Capreolum, non viderim, illum huius sententiæ fuisse, sed docuisse id, quod nos etiam docemus, v. infra ostendam

dam, cum nostram sententiam explicabo. Iauellus clarius hanc sententiam sequitur 7. Metaph: q. 17. Alij illud extrinsecū, quod connotatur, dicunt, est illa omnia, sine quibus natura esse non potest, v.g. proprietates, & alia accidentia connaturalia, existentiam, operationem, &c. Ita Heruerus in Quodlib: 3. q. 6. sed dissident illi inter se, in quo dissident; nos contra illorum fundamentum, in quo conueniunt.

Dicimus: Illud, quod addit suppositum naturæ, non sunt sola connotata: Dixi sola, Nam, sicut supra diximus, suppositum non addere supra naturam solam negationem, (quamuis addat & negationem consequentem aliquod posicium per se, & primario additum) ita & hic dicimus non addere sola connotata, quāuis enim addat & connotata, sed ista non sunt, quæ suppositū constituent in esse talis, sed illud præsupponunt iam constitutum, ut infra explicabitur. Hanc sententiam debent sequi omnes Authores tenentes; suppositum constitutū, in esse talis, per aliquid posicium, & intrinsecum supposito,

Probatur primò Conclusio ad hominem contra Authores oppositæ sententiæ. Implicat in adiecto dicere, quod suppositum, & natura distinguantur realiter, & quod suppositum nihil addat naturæ, quod sit intrinsecum ipsi supposito, sed tantum extrinseca connotata. Sed omnes Authores

oppositæ sententiæ conueniunt; in hoc nobiscum, quod suppositum, & natura distinguantur realiter, & impugnant Durandum contrarium sententem. Ergo dicere non possunt, quod suppositū addat naturæ sola connotata extrinseca. Minor, & Consequentia sunt certæ. Maior prob. Distinctio suppositi, à natura, si est realis, non potest esse alia, nisi includentis, & inclusi cum supposito, quæ tale? essentialiter claudat naturam: Sed implicat in adiecto, aliqua distingui per modum includentis, & inclusi realiter; & quod vnum nihil reale intrinsecum dicat, quod non dicit aliud, ut ex ipsis terminis patet. Ergo &c.

Confirmatur: Inquiro ab Aduersarijs: Suppositū, quod dicitis, distingui realiter à natura, & hoc per modum includentis, & inclusi, importat ne aliquid ex suis constitutiuis intrinsecis, quod non importat natura, nec ne? Si dicas, quod importat; illud ergo vocamus subsistentiam, & illud est constitutiuum suppositi, non autem extrinseca connotata, Si dicas, quod non. Ergo sicut nihil intrinsecum dicit, quod non dicat natura, erit intrinsecè idem cum natura, & non distinguetur per modum includentis, & inclusi ab ipsa.

Dices cum Aduersarijs, hoc argumento solum probari, naturā, & suppositū non distingui intrinsecè, non tamen probari, illa non distingui extrinsecè: Neq; enim

nouum est, aliqua tantum extrinsecè distingui, vt patet in potentijs, & habitibus, & in alijs specificatis ab extrinseco; de quo videre poteris nostr. Complur. in lib. de An: disp: 7. q. 1. & in lib. de Generat. disp: 4. quæst: ult: Sic ergo in præsentī suppositum, & natura non distinguuntur intrinsecè, extrinsecè tamen distinguuntur ratione habitudinis ad existentiam, quam suppositum superaddit naturæ; non enim natura, sed suppositum est, cui debetur esse, vt supra ex S. Tho: diximus.

Sed contra est primò: nam in intelligibile est, aliqua distingui realiter, & tamen distingui solum ex aliqua re extrinseca; distinctio enim in hoc essentialiter consistit, vt vnum non sit aliud. Ergo realis distinctio essentialiter petit, vt vnum realiter non sit aliud. Ergo eorum, quæ realiter distinguuntur, vnum id realiter debet esse, quod realiter non est aliud. Sed id, quod aliquid realiter est, intrinsecum illi est, vt ex terminis patet. Ergo id, per quod aliquid distinguitur ab alio realiter, debet esse intrinsecum illi: Vnde paries capax albedinis non distinguitur à pariete capace nigredinis, cum idem paries sit capax vtriusque simul, non similitate actus, sed similitate potentie: tamen paries albus etiā à seipso nigro distinguitur realiter, & hoc, non ob aliud, nisi quia primo modo albedo, & nigredo comparantur ad parietem, vt quid extrinsecum ipsi, secundo verò modo vt quid intrinsecum; album

enim, vel nigrum dicunt intrinsecè albedinem, vel nigredinem. Ergo &c.

Ad illud verò, quod dicitur de specificatis ab extrinseco resp. quod argumentū procedit ex male intellectis Philosophorum principijs: Quando enim Philosophi communiter dicunt, aliqua specificari ab extrinseco, non ita sunt intelligendi, vt illa sic specificata nullam iutrinsecam entitatem habeant, per quā distinguantur; sed radicem tantum distinctionis illarum entitatum aperiunt, vt patet ex nost. Complur. loco cit: ex lib. de An: Vnde intellectus, & voluntas, & similia non sunt vna realiter entitas solum ab extrinseco multiplicata, sed verè sunt duæ entitates receptæ in anima, constitutæ per suas rationes intrinsecas, per quas differunt, quamuis radix differendi sit aliquid extrinsecum, ad quod essentialiter ordinantur.

Neque hoc, quod de potentijs, vel alijs specificatis ab extrinseco dicitur, rectè applicatur supposito, & naturæ. Quod probo dupliciter. Primò: Nam specificata ab extrinseco idè per illud extrinsecum, saltem radicaliter, distinguuntur, quia terminus habitudinis vnius non est terminus habitudinis alterius, sed vel realiter, vel saltem formaliter debent necessario distingui illa extrinseca, quæ à diuersis specificatis ab extrinseco, tanquam sua specificatiua, inspiciuntur. Iam verò Aduersarij dicunt, quod illud extrinsecum, penes quod distinguuntur suppo-

R r r      situm,

fitū, & natura, est esse; licet enim Hieronymus etiam alia connotata, adiungat, hæc tamen, sicut recipiuntur, ita & inspicuntur mediante esse, & sic habitudo ad esse erit per se prima, & per consequens diuersificans suppositum, & naturam, si semel verum esset, illa per hanc habitudinem diuersificari. Ergo cum in habitudine ad esse conueniant essentia, & suppositum, siquidem veraque intrinsecè ordinantur ad esse, & sub eadem ratione, nempe, ut per illud sint extra causas, non poterunt per hanc habitudinem distingui, sed alia esset assignanda, ita propria vniut non comperat alteri.

Nec valet, si dicas, quòd essentia mediante supposito respicit esse, cum suppositum sit, & non natura, cui debetur esse. Hoc enim in nostra sententia verissimum est, sed id, quomodo in sententia Aduersariorum subsistere possit, non video: Cum enim, secundum illos, nihil intrinsecum dicat suppositum, quod non dicat natura, quomodo, quæso, suppositum dicetur mediare inter naturam, siue essentiam, & esse? Ergo &c.

Confirmatur, quia si contendas, suppositum nihil habere intrinsecum, quod non habet natura, & tamen dicis, non naturam, sed suppositum esse receptiuum existentia, dicereq; ordinem ad illam, ad aliud principium recurrere non potes, nisi ad istud, ut dicas, hoc idè esse, quia natura est, ut *Quo*, & suppositum, ut *Quod*. Ergo incidis in sententiam Du-

randi supra impugnata, suppositum à natura, ex solo modo concipiendi, distinguenti.

Contra deinde argumentor sic. Vel illa habitudo est constitutiva suppositi, vel non, sed supponit suppositum constitutum? Si hoc secundum dicatur. Ergo cum ante illam habitudinem nihil reale posituum admittas in essentia, per quod in ratione suppositi constitutur, ante illam habitudinem nihil erit, nisi essentia præcisè. Ergo si dicis, ante illam habitudinem esse suppositum, essentia præcisè sumpta erit suppositum, siquæ suppositum, & natura non distinguuntur in creatis, nisi ad summum ex modo significandi, ut volebat Durandus. Si verò dicas primum, quod nimirum per hanc habitudinem constitutur suppositum: Quæro sit ne illa habitudo aliqua entitas realis respectiua, siue transcendentaliter, siue prædicamentaliter? vel sit habitudo rationis tantum? Ergo cum hoc secundum dicere non possis; (nam alias suppositum, in esse suppositi, per ens rationis constitueretur, quod est manifestè falsum, ut patet, tum ex collocabilitate suppositi in prædicamento substantia, ubi sola entia realia reponuntur. Tum ex Mysterio Incarnationis, ubi Verbum aliquid reale, & non ens rationis suppleuit. Tum denique, quia natura, nullo intellectu cogitante, sit suppositum, & capax existentia) debes de necessitate dicere primum, quòd scilicet suppositum constitutur per ali-

quid

quid positivum respectivum, siue prædicamentaliter, siue transcendentaliter, & superadditum naturæ. Ergo tibi ipsi contradicis, dum negasti, suppositum intrinsecè non constitui per aliquid naturæ superadditum.

Confirmatur ex Myſterio Incarnationis: Nam humana natura in Christo, ut iam toties dictum est, non est suppositum; & si ab Authoribus oppositæ sententiæ petatur; Quare? de necessitate, inherendo suis principiis, dicere debent, quia illi desunt connotata existentia, & aliorum, quæ peteret, si suo modo essendi connotata relinqueretur. Tunc sic argumentor, inquirendo ab ipsis; an, præter existentiam, v.g. desit Humanitati Christi aliqua realitas, vel saltem aliquis modus, ratione cuius esset proximè capax existentia creatæ, cuius nunc capax nõ est, vel non? Si dicas, quòd desit; illud ergo, nos dicimus, esse constitutum suppositi, distinguens naturam ab ipso. Si dicas, quòd nihil desit, nisi sola existentia, ex cuius præcisa carentia definit esse suppositum creatum. Ergo existentia est constitutum intrinsecè suppositi creati; quod tamen, & ipsi Authores oppositæ sententiæ negant, & nos infra ostendemus, esse falsissimum; Si enim extrinsecè tantum constitueret, ut terminus alicuius habitudinis, cum, separata existentia, maneret in essentia tota illa habitudo, manebit & ratio suppositi, quæ per illam constituitur.

Dices fortè, Suppositum, non per quamcunque habitudinem ad esse constitui, sed per actualem, ut habens ad habitum, unde cum Humanitas Christi non habeat proprium esse, non erit suppositum, quamvis habeat potentialem habitudinem ad illud. Sed

Contra est: nam ex hoc manifestè sequitur, quòd existentia constituat suppositum, tanquam aliquid intrinsecum ipsi. Tum quia in hac sententiâ nihil additur essentiæ medium inter ipsam, & esse; nam si admitterent, aliquid addi, siue absolutum, siue respectivum esset, per illud intrinsecè constitueretur suppositum, quòd tamen illi constanter negant. Ergo, cum per illud constitueretur suppositum, quod additur essentiæ, siue naturæ, si sola existentia additur, sola existentia constitueret suppositum, ac per consequens non erit extrinseca supposito, (constitutivum enim non est extrinsecum constituto,) quamvis erit extrinseca naturæ, cui addita, facit suppositum, sicut albedo, licet sit extrinseca parieti, non tamen parieti albo. Tum etiam, quia habitudo ad esse, ut habitum, inuoluit ipsum esse, immò nihil est realiter, & positivè, nisi ipsum esse actuans, siue terminans essentiam. Ergo si habitudo ad esse, ut habitum, constituit intrinsecè suppositum, etiam ipsum esse illud intrinsecè constituit.

Confirmantur hæc omnia, quia ex opposita sententiâ sequeretur, quòd in Humanitate Christi es-



sent omnia positiva, quæ requiruntur intrinsecè ad constitutionem suppositi, & tantùm propter defectum extrinseci connotati, nempe existentia creatæ, illam non dici suppositum. Et hoc fortassis non grauâtè concedunt Auctores oppositæ sententiæ; est enim hæc doctrina illorum in terminis, sed non aduertunt, quid exinde sequatur; sequitur enim, actiones Christi non esse valoris infiniti, & per consequens Christum non satisfecisse ad æqualitatem pro peccatis totius Mundi, quia hæc in ratione offensæ sunt infinita, satisfactio verò, cum esset actio Christi hominis, erat finita; quod nil absurdus. Quod autem hoc sequatur, euidenter ostendo: Nam omnes actiones sũt à natura per suas potètiās, vt à principio *Quo*, à supposito autem, vt à principio *Quod*: Certum est autem, quòd ad actiones non concurrat suppositum, sicut & natura, nisi secundùm illa, quæ habet intrinsecè, & realiter, quia actio realis non potest elici ab agente, secundùm illud, quod non est realiter in ipso. Ergo cum Humanitas Christi habeat omnia realia positiva, quæ concurrunt realiter, & intrinsecè ad constitutionem Personæ, erunt in ipsa omnes rationes reales, & formales constituentes illam in ratione principij *Quod* operationum, & per consequens in ratione Personæ, saltem quantum ad illud, quod requiritur in Persona ad esse principium suarum operationum. Ergo nō in ratione perso-

næ, vel vt clariùs loquar, non esset in ratione principij *quod* operandi infinitæ dignitatis. Ergo, cum ex dignitate satisfaciētis sumatur valor satisfactiōis, sicut ex dignitate offēsi sumitur valor offēnsæ, vt docēt Theologi in materia de Incarnatione, satisfactio Christi non erit infiniti valoris, quia, & ipse satisfaciens, vt *Quod*, & ipsum satisfaciens, vt *Quo*, nempe natura humana non sunt infinitæ dignitatis.

Dices fortè. Humanitatem Christi, non quomodocunque, esse principium suarum operationum, sed connotando existētiā, quæ cum sit increata & Diuina, ac per consequens infinitæ dignitatis, refundet infinitum valorem in operationes satisfaciūas Christi: Sed

Contra est; nam in hac opinione existentia non est illa, quæ intrinsecè constituit suppositum, sed tantùm importatur per modum connotati extrinseci. Sed illa, quæ importantur, tanquā extrinseca alicui, non denominant illud, vt patet tūm in fide, spe, & charitate, quæ licet obiectum increatum, & infinitum respiciant, non tamen propterea erunt increata, vel infinita; tūm in lumine gloriæ, (vt sic tacita quædam obiectio excludatur) quod non solum respicit Essentiam Diuinā, & increatā, vt est in se, sed etiam dicit in se separabilem coniunctionem intellectus beati cum illa; similiter gratia, & charitas dicunt vnionem cum

cum tota Trinitate animam iusti inhabitante, & tamen istæ qualitates supernaturales non dicuntur increatæ. Ergo etiam licet operans, ut *Quod*, satisfactorias actiones in Christo respiciat esse Verbi increatum, & Diuinum, & per consequens infinitum, non, idè illud dicetur increatum, Diuinum, vel infinitum, aliàs ipsa etiam Humanitas Christi, quæ idem esse respicit, esset increata, & infinita, quod est hæreticum. Ergo illud operans erit finitum, & creatum, ergo etiam ipsa opera erunt finiti valoris, quia valor illorum ex operante.

Hanc Sententiam Capreoli, & Herugi, quam hucusque refutauimus, pluribus argumentis impugnat nost. P. Blasius. Sed quia ipse omnes suas rationes in hoc fundat, ut probet, Suppositum in esse suppositi non constitui per principia indiuiduantia, potius illius argumenta seruiunt ad impugnandam primam Sententiam supra refutatam, quam ad præsentem, cum hæc vltimè principia indiuiduantia, pro constitutione suppositi aliqua connotata requiratur: Et sic ipsius argumenta contra illum nihil faciunt, excepta hæc confirmatione, quam ex aliquibus ab illo dictis compilatam, & ad nostrum intentum accommodatam, vltimo loco adducimus. Adducit etiam aliquas auctoritates S. Thomæ, quasi in favorem oppositæ sententiæ, illasque oluit. Sed quia illæ auctoritates nihil dicunt, nisi per indiuidua-

tionem constitui suppositum, quod oppositæ sententiæ Auctores non dicunt, idè incompetenter à P. Blas: hæc auctoritates pro illorum sententia adducunt, potiusque pro prima sententia (quam dictus P. Blas: male cum sententia Capreoli confundit) adduci debent, ut iam supra adnotavi, & illa nostra solutione solui, omisiss P. Blasij solutionibus, vtpotè multa cum nostra sententia non coherentia inuoluentibus.

Sunt verò alię auctoritates S. Thomæ, quibus S. Tho: euidenter asserere videtur, existentiam, si non intrinsecè, saltem extrinsecè intrare rationem constitutiuam suppositi: Sed hæc commodè explicari non possunt, nisi prius nostram sententiã proferamus, idèque infra commodius adducatur, & soluentur.

Argumenta à ratione nulla, planè pars contraria adducit, nisi quia non vult multiplicare entitates sine necessitate. Ergo cum, inquiunt, cuncta saluari possunt, quæ de Mysterio Incarnationis fides docet, per sola connotata, non est ponenda aliqua realitas intrinsecè constitutiuam suppositi. Si quis autem neget posse saluari, nihil ex ipsis habetur, quo id probari possit. Tamen ex nostris principijs, tam ex ijs, quæ de principio indiuiduationis docuimus, quam ex ijs, quæ docent nost. Complut: in lib. de Generat: disput. 2. q. 7. Sic credo, posset, & non infelicitè argui contra nos,

in fauorem aduersæ sententiæ, & præcipuè ad ostendendum illud, quod dicunt, iuxta illorum principia, optimè, & Theologicè saluari posse cuncta, quæ fides docet circa Mysterium Incarnationis, absque tot entitatum multiplicatione.

*§.3. Argumentum pro tertia sententia dicente, sufficere sola Connotata, soluitur.*

**A**Rguitur igitur sic. Materia prima nunc est, & ipsa indiuidua, & indiuiduationis principium nunc verò non est. Similiter nunc est disposita, nunc non est disposita, & hoc totum realiter, & ante omnem operationem intellectus. Sed esse, vel non esse dispositum, esse, vel non esse indiuiduationis principium habet per solam positionem, vel remotionem connotatorum. Ergo, ut aliquid sit, vel non sit à parte rei hoc, vel illud, sufficiunt connotata. Ergo etiam Humanitas Christi, absque defectu alicuius entitatis positivæ ipsi intrinsicæ, per remotionem solam connotatorum extrinsecorum non erit Persona, esset verò, si connotata ponerentur: Si enim materia est realiter disposita, vel indiuidua, positis connotatis, & his solis remotis, neque est realiter indiuidua, neque disposita, cur natura, per positionem connotatorum præcise, non poterit

esse realiter persona, & per solam eorundem remotionem non esse? Ergo cum ex Mysterio Incarnationis inde tantum deducamus necessitatem ponendi aliquid intrinsicum supposito, ab illoque superadditum naturæ, ut saluamus naturam fuisse assumptam, & non personam, si hoc, sine additione entitatis intrinsicæ, per sola connotata fieri potest, ut quid multiplicamus entia sine necessitate?

Confirmatur. Natura Divina, ut est in Patre, & Filio, est fecunda ad intra, ut verò est in Spiritu S., non est fecunda ad intra. Similiter intellectio essentialis, ut est in Patre, est dictio, & expressiva Verbi; ut verò est in Filio, & Spiritu S., non est dictio, nec expressiva Verbi. Tandem actus ipse necessarius Divinæ Voluntatis nunc est liber, nunc non est liber; (Et hæc competunt essentialiter, intellectui, actui voluntatis, à parte rei, & non per operationem intellectus.) Ergo cum hæc competant præcise ratione connotatorum, (ut docent nost. Salmaticum in mat. de Trinit., tum in Tract. 4. de Volunt. in disput. de actu libero Dei) connotata sufficient ad ponendum, vel remouendum aliquid à parte rei, & per consequens ad ponendam, vel remouendam rationem personæ à natura; vel ostendatur disparitas, cur ibi sufficiunt, hic vero non?

Fateor, hoc argumentum, quod ipse mihi propono, aliquando conuictum, me sententiæ Capreoli sub-

*scrip.*

scripsisse, tanquam Salmaticensium, & Complutensium doctrinæ satis conformi; (& vt illa speculatio eorumdem de vi connotatorum ad ponendum, vel remouendum aliquid à rebus, tam necessaria pro explicandis grauissimis, tum philosophicis, tum Theologicis difficultatibus, maneret inconcussa:) Tamen, re melius perpenſa, libratique profundius rationibus, iam dudum sententiæ Caietani, vtpotè inter Thomistas communiori, adhæsi: quamuis etiã modò non negè, sententiam Capreoli sua non carere, in via S. Thomæ, probabilitate. Respondeo itaque huic argumento, quod pro Capreolo attuli, Sed

Supponendum primò, hoc esse proprium relatiuorum, vt sc: sint capacia alicuius realis denominationis, absque additione alicuius formæ intrinsecæ, ( vt adnotarunt nosti: Complut: in Log: disp. 14: q. 7. & Salmat: tr. 1. disp. 2. dub. 3.) Vnde Pater eadem relatione, qua ad primum filium referebatur, sine aliqua additione alicuius intrinseci, & posita sola cōnotatione alterius generationis, incipit referri ad secundum; quod ex eo prouenit, quia cū relatio essentialitèr pēdeat à fundamento, & termino, essentialiter petit existentia vtriusque, cum hoc discrimine, quòd quia realitatem habet à fundamento, ad terminū autem exercitium illius realitatis, hinc est, quòd post primam generationē,

posita tota realitate relationis, ad hoc, vt ad secundum, & terciū filium terminetur, non est necesse addere illi aliquid realitatis, sed posita sola connotatione existentia, terminorum, incipit in exercitio terminari ad ipsos; Vnde

Supponendum est secundò, quòd hæc proprietates relatiuorū si subtilius cōsideretur, inueniemus, hoc illi competere partim ex perfectione, partim ex imperfectione: Ex perfectione quidē, quia est quodammodo actualissima quantum ad intrinseca, habetque totum, quod requiritur intrinsecè ad hoc, vt ad plures, etiam infinitos terminos referat fundamentum, dūmodò illi tere mini à parte rei ponantur: Ex imperfectione verò, quia hoc prouenit ex debilissima entitate relationis, vt in suo esse à pluribus pendeat, nēpè à fundamento, & termino, cū tamen alia accidentia absoluta id tantum, intrinsecè respiciant, in quo sūt; vnde propter eandem minutissimam entitatem, ex illaque orta dependentiam, etiam de potentia Dei absoluta, relatio non est separabilis à fundamento, supposita existentia termini, & iterum per ablationem soliūs termini perit, cū tamen cætera accidentia absoluta, & separabilia sint ab actuali inhxatione in subiecto, vt patet in quantitate Eucharistica, & quantumvis extrinseca circumscribantur, & pereār, possunt manere, manente subie-

cto,

to, à quo solo dependet: Hinc fit, &

Supponendum est certò, quòd cum ex duplici capite in re- latis ortum ducat, vt possit subire aliquas denominationes reales absque additione alicuius intrinseci, & per consequens sine intrinseca sui mutatione, præcise per solam positionem connotatorum; in aliquibus etiam absolutis posse hoc inueniri, vel ob summam eminentiam, & perfectionem, vel ob summam, primâque potentialitatem, & per consequens imperfectionem illorû.

Primum expressè docent nost. Salmar: in tract. de Angelis disp. 7. dub. 7. vbi cum docuissent, quòd Angelus per eandem speciem cognoscit naturam cõmunem, & individua ipsius, addidissentque quòd species illa Angelica representans naturam cõmunem, ad hoc, vt aliquod indiuiduum in exercitio representet, requirat pro connotato solâ existentiam illius indiuidui, & hoc exemplificasset relatione Paternitatis respectu secundi geniti, obijciunt sibi, quòd licet in re- latis possit verum esse, vt ex sola cõnotatione alicuius extrinseci subeant nouam denominationem realem; non tamen in absolutis; hæc enim, quia talia, sicut intrinsecè nō respiciunt aliquod extrinsecum, ita neque accipiunt aliquam denominationē ab ipso. Respondent: quòd hoc etiam in absolutis, non quibus-

scunque; sed quæ habet esse emi-

nent, potest contingere; ex eo quòd semper, & in actu habent quidquid intrinsecè requiritur ad denominationes, quarum sunt intra suam lineam capacia, & solû per modum connotati requirunt aliquid, vt exerceant illud, quod intrinsecè habent, vt propter nouam denominationem sit aliqua mutatio, & cum hoc in ipsis esse non possit, quia cum habeant omnia intrinseca, ac per consequens nihil ipsis intrinsecè addi possit, propter cuius receptionē mutantur, debet fieri mutatio saltem in aliquo extrinseco, transiente de non esse ad esse.

Secundum verò fundamentum euidenter deducitur, tum ex nostris Complut: in lib. de Gener: disp. 2: q. 9. tum etiam ex Salmaric: Tract: 1. de Princ: indiuiduation: disp. 1. dub. 5. vbi docent, materiam, & dispositam, & indiuiduam esse, non per additionem alicuius intrinseci, sed per solam positionem cõnotatorum: quod profectò, si rem attentius consideres, videbis, ex summa imperfectione materiæ prouenire, quia nimirum, cum sit pura potentia omni actualitate destituta, incapax est recipiendi aliquam formam accidentalem, quales deberent esse dispositiones sigillantes ipsam, ante aduentum ipsius formæ substantialis, a qua habet esse simpliciter.

Supponendum est quartò, connotata, quæ talia, nullam veram causalitatem habere, & ideo nihil posse reale ponere in illo, à quo

im-

importantur. Hanc suppositionē habeo ex doctrina nostrorum Salmaticensium Tomo 4. Tra&. 13. de Vitijs, & peccatis disp. 14. dub. 3. vbi exinde negant, per solam connotationem peccati Adami transfundi in posteriores peccatum originale, quia nudum connotatum non sufficit ad effectum, siue priuatiuum, siue positium de nouo ponendam. Et rationem huius reddunt, quia impossibile est, vt intelligamus aliquid, quod non est à se, poni de nouo in reum natura, & quod non intelligamus causam, in cuius influxum reducat: aliàs illud esset, & non esset ens à se, quod implicat; supponitur ergo, tanquam certum à Salmatic. quòd connotatum, quatale, nullam veram causalitatem habeat; aliàs illorum ratio rueret, vt consideranti patebit. Et ratio à priori est manifesta, quia si connotata aliquā causalitatem exercerent respectu connotantis, aliquidq; intrinsecū in ipso producerent, iam illud intrinsecū mutaretur, & per consequens non per solam connotationem alicuius extrinseci illam nouam denominationem subiret. Ad quod fortē attendētes ipsi Salmatic. in tra&. de principio indiuid: disp. 1. dub: 5. n. 134. docent, dispositiones tantū extrinsecū determinare materiam, quia nimirū intrinsecū illam determinare non possūt, cū veram rationem causalitatis non habentes, nihil in illa de nouo ponere, vel producere possint. Ex quibus bene perpenſis habe-

tur cū firmitior opinioſis Capreoli impugnatio, tū argumenti in fauorem ipsius adducti solutio.

Impugnatur enim ex dictis ipsius assertum sic; Nam natura, quatale, non est quid completum, & perfectissimum; aliàs si quid completum esset, inassumptibilis esset, vt supra contra Durandum ostendimus. Ergo, vt sit suppositū, quòd dicit naturam completam, & perfectam, debet illi addi aliquid intrinsecum. Ergo cū per sola connotata nihil ipsi intrinsecū addatur, vt ex suppositione 4. & ex ipsorum Aduersariorum confessione constat, sola connotata non sufficiunt ad constituendum suppositum.

Ad argumentum verò respondetur, esse magnam disparitatem inter materiam primam comparatam cum accidentibus ipsam disponentibus ex vna parte, & naturam respectu substantiæ ex alia: Et disparitas cōsistit in hoc, quia materia cū sit pura potentia simpliciter, nō est capax actūs secundū quid, antequam habeat formam substantialem, quæ est actus simpliciter: Insuper, quia pura potentia receptiua successiue plurium formarum, ad omnes est, ex natura sua, in potentia, & ex sibi intrinsecis aptum subiectū ad recipiendas omnes, p̄p̄q; debitas superinduendas vnitates, quia est negatiue vna, id est nullā quidem ex se habens positiuam vnitatem, sed capax omnium, cū hoc discrimine, quòd specificas

assumat, addita entitate formæ, quia sunt formales; individuales autem sine aliqua superadditione alicuius entitatis, quia sunt materiales. Hinc fit, ut per sola extrinseca connotata possit & disponi, & determinari, ut iam disput: prima de Principio indiuiduationis ex nostris Salmat. explicuimus. Ceterum natura intra lineam naturæ præcisè, non habet totum suum complementum, nec illius, quod illi addi potest ad illam complendum, est incapax, quia illud est quid substantiale, sicut & ipsa, & ideo non mirum, quod sola extrinseca connotata ad illam complendam non sufficiant, quia hæc nihil ponunt intrinsecè in ipsa, ipsa verò petit intrinsecè compleri.

Ad Confirmationem etiam ex dictis patet responsio; Illa enim, quæ in confirmatione referuntur, habent eminentissimum, & actualissimumque esse, quale essentia creata non habet, & ideo non mirum, quod illis hoc competat, quod essentia creatæ competere nequit; Unde obseruare poteris apud nostros Salmaticos locis in argumento citatis, quod ipsi semper in eminentissimam actualitatem esse Diuinum reducunt, quod illi simplicissimæ naturæ diuersæ denominationes conueniant ratione diuersorum connotatorum; sicut è contra hoc idem in summam imperfectionem materiæ primæ reducunt, ut ex suppositionibus constat.

Adde primò, quod licet daremus, posse connotata aliquas de-

nominationes inducere, etiam in illa, quæ non sunt imperfectissima, vel eminentissima, adhuc in nostro casu id concedi non deberet respectu essentia, ut connotantis existentiam; connotata enim non debent repugnare illi denominationi, quam tribuunt, & ideo illa accidentia, quæ connotans materia, dicitur disposita, de facto disponebant illam, quando erant in composito corrumendo, quo corrupto, & ipsa perierunt: Similiter quantitas est sibi ipsi principium indiuiduationis, & ideo non mirum, quod, ut præhabita, inducet materiam; Similiter actus liber fit liber per connotationem effectus, quia cum effectus creatus potuerit esse, & non esse, est aptus ad dandam denominationem liberi, cuius essentia est, ut ita sit, ut potuerit non esse: Similiter species Angelica, connotando existentiam alicuius indiuidui, representat illud, quia idem indiuiduum est potens immittere speciem representatiuam sui in potentiam talis speciei capacem: Similiter intellectio essentialis connotans Paternitatem, est fecunda, quia cum sit relatio Personæ primæ, petit secundam, & cum sit relatio Personæ primæ increatæ, petit secundam etiam increatam, ac per consequens à prima procedentem, & sic de alijs. Connotata ergo debent potius inferre illam denominationem, quæ ex ipsis sumitur, quam illam, quæ repugnaret illis. Tunc sic ad præsens subsumo: Sed denominatio debita supposito re-

pu-



pugnat existentiz; denominatio enim suppositi est, quod sit incommunicabile; existentia autem, utpotè actus, est communicabilis ex natura sua, ut disput. sequenti declarabitur. Ergo &c.

Adde 2. quod et si hæ solutiones non sublitterent (quas tamen solidas esse quilibet, si attentè cōsiderauerit, videbit) ac per consequens argumētum pro Capreolo factum in sua vi maneret, adhuc tamen sentētia Capreoli subsistere non posset propter illa argumēta, quæ contra Scotum fecimus, quæ omnia contra opinionē Capreoli militāt, ut considerātipatebit: maximè illud ex mysterio Trinitatis, quia ibi Personæ Diuinæ, ut omnes Doctores Catholici tenere debent, distinguuntur per aliquid intrinsecum ipsis, & non solum per extrinseca connotata.

Obijcies contrā illud, quod diximus, radicem istius, quod absolutis possit aliqua denominatio realis competere sine illorum mutatione, & receptione alicuius intrinseci, duplicem esse, nimirum, summam perfectionem, vel imperfectionem: impossibile enim, videtur, ut illius possit esse radix summa imperfectio, cuius est radix summa perfectio; cum enim hæc habeāt rationes omninō oppositas, radices vnius, eiusdemque rei esse non possunt. Ergo &c.

Resp. disting. anteced. & concedendo de illis, quæ in suo conceptu dicunt perfectionem, vel imperfectionem; negamus verò

de illis, quorum conceptus à perfectione, vel imperfectione præscindit. Ecce enim (& est manifesta instantia) non esse in alio, ut in subiecto, in primis substantijs, à summa illarum perfectione ortum ducit, propter quam illas vocauit Philosophus *maximè substantias*; in materia verò idem originatur à summa imperfectione ipsius, quia, utpotè primum subiectum, primaq; potentia, non potest esse in alio, ut in subiecto, & hoc totū idē, quia nō esse in alio, ut in subiecto, à perfectione, vel imperfectione ex suo conceptu præscindit, idēque tam perfectis, quàm nullam perfectionem dicentibus cōpetere potest, & ab illis originari. Sic ergo etiam in præsentī philosophandum est.

Obijcies adhuc contra idem. Falsum videtur esse, quod absoluta, quæ possunt realiter suscipere aliquam denominationem sine reali sui mutatione, debeant esse, vel perfectissima, & eminentissima, vel imperfectissima: nam species Angelica representans naturam communem, per solam connotationem alicuius indiuidui illius naturæ representat illud sine sui mutatione, & tamen neque est eminentissima, cum sit quid creatum, immo accidens, nec sit imperfectissima, cum sit longè perfectior omnibus speciebus intellectus humani. Ergo &c.

Resp. negando assumptum, ad probat: autem de speciebus Angelicis dico ex doctrina nostrorū Salmatic. Tract. de Angelis loco



supra citato, etiam naturæ Angelicæ hoc cōuenire, quia est forma eminentissîma, non quidem, quia ipsa est increata, sed quia species Angelicæ non accipiuntur à rebus, sed sunt participationes immediatæ Diuinarum idæarum, & ipsius Diuinæ Essentiz, vt habet rationem speciei intelligibilis, de quo vide nostros Salmatic. loco citato, vbi hanc illarum eminentiam egregiè deducunt, illamq; expressè docuit Angelicus Doctor Quæst. 8. de Veritate, art. 8. vbi dicit. *Cognoscuntur res à Deo non solum in vniuersali natura ex parte formæ, sed etiam in sua singularitate ex parte materiæ; Sicut autem ab Intellectu Diuino effluunt res secundum formam, & materiam ad essendum ex utroque, ita effluunt formæ intellectus Angelici ad cognoscendum utrumque, & idè per formas innatas cognoscunt res in sua singularitate, & vniuersalitate, in quantum sunt similes formis factiuis, scilicet idæis in mente Diuinæ existentibus, quamuis ipsæ non sint rerum factiua.*

## QVAESTIO V.

*Vtrum secundum D. Thomam illud, quod addit suppositum supra naturam, sit existentia.*

**V**T hanc Quæstionem specialiter ex mente S. Doctoris tractaremus, dedit nobis occasio-

nem noster P. Blasius, qui in sua Metaph. disp. 3. q. 3. affirmatiuam partem mordicus propugnans, vt illam esse ipsam mentem S. Doctoris ostenderet, plurimas, easq; satis apparentes, congeßit S. Doctoris autoritates, in quibus videtur sentire, existentiam ad intrinsecum conceptum suppositi pertinere; Vndè ad inuelligandam S. Doctoris mentem specialiter hanc quæstionem excitamus, in sequenti quæstione rationibus pro veritate Thomisticæ sententiæ (quam P. Blasius immeritò dicit, Caietanum in Scholam Thomisticam de foris inuexisse) cum Aduersarijs pugnaturi.

Dicendum est ergò. Ex mente Angelici Doctoris existentia non potest esse intrinsecum constitutum suppositi, ac proinde non est illa, quam suppositum addit supra naturam. Ita Caiet. 3. p. q. 4. a. 2. Ferari. 4. c. g. cap. 43. Medina 3. p. q. 4. a. 2. Aluarez de Incarn. disp. 23. Nazari. 1. p. q. 50. a. 2. contr. 3. Bannez 1. p. q. 3. a. 3. dub. 1. & communius Thomistæ.

Probatur primò autoritate illa celebri desumpta ex S. Doctore 3. p. q. 17. art. 2. in responsione ad primum, vbi dicit: *Esse consequitur naturam, non sicut habentem esse, sed sicut quæ aliquid est; Personam autem siue hypostasim consequitur, sicut habentem esse.* Quæ verba, si attentè cōsiderentur, sunt planè cōtradictoria oppositæ sententiæ; illa enim cum dicat, solam existentiam addere suppositum, naturæ, planè cogitur fateri, quòd esse

esse consequatur naturam, ut habentem esse, quod est contradicere S. Doctori.

Respondet huic authoritati P. Blasius dupliciter, primò, quòd ibi S. Doctor non loquatur de sequela physica arguente distinctionem, sed de sequela logica, per quam vnum inferitur ex alio & urget hoc, quia ibi S. Tho: loquitur de esse Christi, quod est certum non distingui realiter ab ipsa Persona verbi, cum sit esse Diuinum. Sed

Contra primò. Constitutiuum nullo modo potest sequi ad suum constitutum, etiam sequela logica, & per rationem. Ergo non potest intelligi S. Thomas de sequela logica. Anteced. prob: quia ad hoc, ut vnum sequatur ad aliud sequela logica, vel inferatur ex illo, debet prius concipi illud, ex quo inferitur, quam concipiatur, quod ex illo inferitur. Sed nò potest concipi prius constitutum per suum constitutiuum, inferens ipsummet constitutiuum, quam concipiatur tale constitutiuum; dum enim praesciendo constitutiuum rei a re constituta, nihil in re concipio. Ergo &c. Unde, quia hoc, quòd sit in se res talis, vel talis essentiae, habet à suo constitutiuo, proinde potius deberet dici, quod constitutum sequatur sequela logica ad suum constitutiuum, quam è conuerso.

Contra secundò melius; nam hæc est violenta explicatio verborum S. Tho: S. enim Doctor soluit ibi argumentum ab autho-

ritate Damasceni propositū, qui lib. 3. de Fide Orthodoxa cap. 13. dicit, in Christo ea multiplicari, quæ naturā cōsequitur: vnde (inquit Damasc.) *in Christo esse duplices naturarū proprietates, duas volūtates, duas naturales operationes, &c.* Quæ, certè sequela physica arguente distinctionem realem in creatis, naturam consequuntur. Ergo de eadem sequela intellexit S. Doct. quando dixit, *esse consequi naturam, non sicut habentem esse, suppositū verò, tanquam habens esse: aliàs non ad mentem arguentis respōdisset, qui in vtraque præmissarū sequelam physicam intellexit; Nam cum arguit: Ea, quæ consequuntur naturam, iuxta Damascenum, in Christo duplicantur.* Sed esse consequitur naturam. Ergo &c: Maiorem iuxta sensum Damasceni, qui fuit (ut iam dixi) de sequela physica, debuit intelligere similiter ac Minorem, quia esse ita consequitur naturā, ut distinguatur realiter ab illa (ut Deo dante in disp: de existentia probabitur.) Ergo &c: Neq; illud urget, quod pro se P. Blasius assert; Verum est enim, quòd ibi S. Thomas disputabat de esse Christi, sed de illo, quod nò est, non verò de illo, quod est in Christo; In illo enim articulo determinat, in Christo tantū vnicum dari esse increatum Verbi; argumētum autem probabat, dari ibi etiam humanum, & creatum, quia datur natura creata, quam consequitur, esse. Sanctus ergo Do:

Doct̃or, vt neget illud esse creatum, dicit, quòd esse consequitur naturam, non vt susceptiuum, sed vt principium, suppositum autẽ, vt susceptiuum, quod quia in Christo non datur aliud à Diuino, etiam esse aliud, præter Diuinum, non datur; de illo itaque esse loquebatur, quod ille negabat, & quod argumentum volebat adducere; Vnde licet vniuersaliter dixerit de sequela, principio, & susceptiuo ipsius esse, vt sic, intelligi debuit secundum distributionem accommodam, vt quia in creatis esse realiter principiat, realiter suscipiatur, non verò in Diuinis, vbi Deus est ipsum suum esse: Ita etiam in creatis, non autem in Diuinis, debet intelligi, quòd esse realiter consequatur suppositum, & naturam, realiterque ab utroque distinguatur.

Respondet secundò idẽ P. Blasius, quòd admissio adhuc S. Thomam intellexisse de sequela physica, non tamen sequitur, esse distingui à supposito per modum excludentis, & exclusi, sed ad summum per modum includentis, & inclusi, cùm suppositum dicat naturam indiuiduam, & esse. Sed

Contra primò. Vel P. Blasius per sequelam physicam intelligit sequelam alicuius ad aliud à se realiter distinctum, extrã ipsius rationem existens, vel, vt pertinens ad ipsius intrinsecam rationem; Si primò modo intelligat locum S. Tho., iam esse nõ erat

consequens suppositum, ex mente eiusdem S. Doct̃oris, vt constitutum suppositi, vt ex se patet; secundo autem modo intelligi non potest, nam S. Thomas in citato Articulo docet, pertinere esse, & ad naturam, vt quod, & ad suppositum, vt *habens rationem quod*; ita vt suppositum respectu existentie habeat se tantumquam potentia ipsius. Ergo existentia non poterit pertinere ad rationem intrinsecam suppositi, vt quid constituens; Consequentia prob: quia actus superueniens alicui reali potentie, non est de ratione intrinseca ipsius, quinimò secundum proprias rationes Actus, & Potentia mutuo se excludunt, & non includunt. Anteced: autem patet cùm ex loco citato bene perpenso, tũ ex 1. p. q. 50. a. 2. ad 3. vbi hoc etiam clare insinuat S. Doct̃or, dum inquit: *Subtrahita materia, & posito, quòd ipsa forma subsistat non in materia, adhuc remanet comparatio forma ad esse, vt potentia ad actum*; vbi formam non qualemcunque, sed vt iam subsistentem, ac per consequens, vt quod, docet, comparari ad esse, vt potentiam ad suum actum, & hoc ipsũ insinuat Quodlibeto 9. q. 2. a. 3. in corp. vbi esse attribuit alicui dupliciter.

Deinde ampliùs impugnatur: Si esse sequeretur sequela physica ad suppositum, vt Anima sequitur ad Hominem, sicque esset constitutum suppositi, non recte S. Doct̃or loco citato inferret, idẽ in

In aliquo vnicum esse inueniri , quia est vnicum suppositum. Sed hoc non debet dici de S. Doctore . Ergo &c. sequela prob. Nam si existentia, seu esse, esset constitutum suppositi, supponeret S. Doct: , quod esset ostendendum, sicque non rectè inferret . Assumptum proba; Nam sensus istius propositionis ( In Christo est vnicum esse, quia vnicum suppositum) esset talis. *In Christo est vnicæ existentia, quia vnicæ est existentia*, siquidem, iuxta explanationem P. Blasij, idem est esse vnicum suppositum, ac habens vnicam existentiam, per quam formaliter constituitur suppositum .

Contra secundo melius, quia ex hac solutione sequitur, etiã ipsã naturam esse *habentem esse*, quod tamen directe contradicit verbis S. Tho: qui dicit: *esse consequitur ad naturam, non sicut ad habentem esse*; quod autem ex solutione data hoc sequatur, manifestè ostendo; si enim *esse* non distinguitur à supposito per modum excludentis, & exclusi. Ergo *esse* immediate recipietur in natura ad hoc, vt constituat suppositum, ac proinde essentia erit habens esse .

Nec hoc refugit concedere P. Blasius, sed dicit, quod tam natura, quàm suppositum habet esse, sed diuersimodè, illa vt *quo*, & vt subiectum informe, istud vt *quod*, & vt subiectum formatum; Vult enim ille hæc duo confundi, nimirum in subiectum *quo*, & su-

biectum informe ex vna parte, & ex alia subiectum *quod*, & subiectum formatum, & dat rationem, quia illud dicitur habere aliquam formam, vt *quod*, quod recipit predicationem, & denominationem à forma: subiectum autem, quod recipit denominationem à forma, est solum subiectum formatum, qua tale, cum, quod denominatur à forma, non debeat sumi per modum præcipientis à forma. Hæc P. Blasius. Sed quàm non philosophicè, euidenter ostendo, & incipiendo ab hoc vltimo ipsius dicto, in quo subiectum *quo* cum informi confundit, sicut & subiectum *quod* cum formato; Nam secundum rectam Philosophiam, vt apud omnes videre potes, aliunde sumitur ratio subiecti *quo*, & *quod*, & aliunde ratio subiecti formati, vel informis; subiectum enim, *quod*, illud physicè dicitur, quod est, vt *quod* receptiuum formæ; subiectum verò *quo* est illud, mediante quo recipitur forma in subiecto, sicut Quantitas est subiectum *quo* accidentium materialium; iam verò subiectum *formatum* dicitur illud, quod importat illa, quæ ei communicantur à forma: *informe* verò est illud, quod importat illa præcisè, quæ sunt propria subiecti, de quo videre poteris nostros Complut. in lib. de Anima disp. 2. q. 3. n. 27. Vnde æquè subiectum *quo*, ac *quod* poterunt esse subiectum formatum, vel informe, si consideretur, vt abijciunt, vel non abijciunt

for-

formam; equè enim potest dici subiectum albedinis esse parietē album, ac superficiem albam: Ex quo patet falsitas illius, quod in fauorem suum adducit P. Blasius, quia nimirum de solo subiecto quod forma predicatur, illudque denominat, cum certū sit, equè denominari parietem, ac superficiem albam, sed illum, ut *Quod*, istam, ut *Quod*. Tandem falsissimum est, quod dicit, Naturam esse receptiuam, ut *quo* existentiz, tum quia hoc aperte contradicit verbis S. Doct: qui absolute negat, naturam esse habentem existentiam; tum etiam quia ex hoc sequitur manifestè, in Christo fuisse duplicem existentiam; ex eo enim S. Doct: probat, in Christo vniciū esse existentiam Verbi, quia *esse* magis consequitur hypostasim, quàm naturam; cum hanc præcisè consequatur, ut principium, illam autem, ut susceptiuum; Si enim, ut vult P. Blasius, natura est susceptiuum esse saltem, ut *Quo*, iam esse magis consequetur naturam, quàm suppositum, quia illam consequeretur simul, ut principium, & susceptiuum, Suppositum autem, præcisè tanquàm susceptiuum, ac proinde magis duplicaretur ad replicationem naturæ, quàm retineret vnitatem ratione vnicitatis suppositi: quod directè contradicit verbis S. Tho: in eodem articulo, & eadem responsione; unde pro nobis autoritas eiusdem desumpta est.

Et videtur hoc magis (& simul)

tacita quædam obiectio excluditur) nam licet voluntas v.g. recipiatur etiam in supposito, ut in subiecto *Quod*, qui enim vult, habet voluntatem, adeoque cum suppositum sit volens, ut *Quod*, habet, ut *Quod*, voluntatem: & tamen quia recipitur in supposito mediante natura, in qua recipitur primò, tanquàm in subiecto *Quo*, sicut & ceteræ proprietates consequentes naturam, & simul natura est ipsius principium, in Christo tam voluntas, quàm reliquæ dictæ proprietates duplicantur, contrariumque asserere est hæresis Monotholicarum. Ergo etiamsi natura & sit principium, & susceptiuum, ut *Quo* existentiz, existentia in Christo duplicabitur, non obstante identitate suppositi, quod est tantum susceptiuum, ut *Quod*, & quasi remotum existentiz; & ratio huius est à priori, quia in identitate, vel multiplicatione formarum non tam attenditur subiectum, remotum, quàm immediatum, ut in pluribus exemplis, quæ passim in Philosophia occurrunt, ut videre licet v. g. in materia respectu accidentium, & similibus.

Confirmatur, quia intimius est naturæ *esse*, quàm voluntas, cum voluntas supponat naturam existentem. Ergo si hæc multiplicatur ad multiplicationem naturæ, multò magis illud.

Tandem hæc doctrina P. Blasij procedit ex malè intellectis verbis S. Tho: quando enim S. Doct: dicit, quod *esse* consequitur

**Questio V. Quid addat Suppositum supra Naturam. 515**

*naturā, non sicut habentē esse, sed sicut Qua aliquid est, per ly, Qua aliquid est, non intellexit S. Doct: (ut ipsa verba sonāt, & aduertit Cacticanus, & ex illo Nazarius locis citatis.) naturā esse subiectū Quod existentiz, hoc enim de illa absolute negauit; sed qua aliquid est, significat principium existentiz, prout sensum suum clariū aperit idem S. Doct: in corp: artic: cū dicit. *Esse pertinet ad naturam, & hypostasim, ad hypostasim quidem, sicut ad id, quod habet esse, ad naturam autem, sicut ad id, quo aliquid habet esse. Natura enim significatur per modum forme, quæ dicitur ens ex eo, quod ea aliquid est, sicut albedine est aliquid album, & humanitate est aliquid homo.* Ecce claram mentem S. Thomæ, quomodo naturam dicit principium formale existentiz, sicut albedo est principium formale esse albi, vel humanitas esse hominis.*

Probatur secundò nostra Conclusio alia authorit: S. Thom: ex Quodlib: 2. q. 2. ar. 4. ad 2. vbi dicit, quod *esse non sit de ratione suppositi*. Ergo ex mente S. Doct: esse nō est constitutiuum intrinsecum suppositi, si enim esset, esset quoq; de ratione ipsius, cū constitutiū (maximè, si sit intrinsecum) sit de ratione constituti, vt rationale respectu hominis, sensibile respectu animalis, & similia. Ergo &c.

Respondet P. Blasius, primò distinguendo: *Esse non est de ratione suppositi verbaliter, seu in actu exercito, est tamen de eius ratione esse nominaliter, & in actu signato.* Sed hæc solutio ipsius ma-

nebit impugnata quæstione sequenti, vbi ostendemus, quod esse, vt comunicatū, de quo hic S. Thomam, satis constat, locutum, nunquam sumi posse in actu signato.

Respondet secundò, quod ibi S. Doct: intelligat, *esse non fore de ratione suppositi, non, vt suppositum formaliter sumitur, sed, vt suppositū stat pro natura, quæ est, velut pars suppositi.* Et vrget hoc; quia ibi S. Tho: adduxit pro vnicò distinctiuo suppositi à natura ipsū esse. Ergo illud debuit reputari constitutiū suppositi, cū idē sit constitutiū, & distinctiuum: Sed

Contra est, quia hæc solutio violentat textum S. Doctoris, quod, vt videas, adduco integram solutionem. *Ad secundum dicendum, quod non omne, quod accidit alicui, præter rationem speciei, est determinatiuum essentia ipsius, vt oporteat, illud poni in ratione eius, sicut dictū est, & ideo licet ipsū esse non sit de ratione suppositi, quia tamen pertinet ad suppositum, & non est de ratione naturæ, manifestum est, quod suppositum, & natura non sunt omnino idem in quibuscunq; res non est suum esse.* Vbi, vt vides S. Doct: contradiſtinguit suppositū à natura, cū dicit: *Esse non est de ratione suppositi, & nō est de ratione naturæ.* Ergo quādo dicit, quod *esse non est de ratione suppositi, per ly Suppositum*, non intellexit naturam, quia statim de illo loquitur, dicens, quod etiam non sit de ratione naturæ. Ergo locutus est de supposito, vt suppositum est formaliter, aliàs ineptam nugacitatē commisitset.

Ad illud autem, quod addit, S. Thomam esse adduxisse pro vnicō distinctiuo suppositi à natura, ac proinde illud idem constitutum esse suppositi, dico, S. Thomam adduxisse esse pro distinctiuo, non formaliter, & à priori, sed à posteriori, quia nimirum recipitur in supposito, non verò in natura, ut iam supra explicatum est, & idè non est necesse; illud esse constitutum suppositi. Quod autem dicit, S. Thomam, pro vnicō distinctiuo suppositi à natura, adduxisse esse, falsum est, ut patet in eodem articulo in responsione ad primum, (ad quam se in hac responsione remittit) ubi dicit de natura Angelicā: *Quia non est suum esse, accidit ei aliquid, præter rationem speciei, scilicet ipsum esse, & alia quadam, quæ attribuuntur supposito, & non naturæ, propter quod suppositum in eis non est omnino idem cum naturæ.* Vides ergo, quomodo non per solum esse, sed & per aliqua alia, quorum est sustentativum suppositum, differat à naturæ, non quidem formaliter, sed à posteriori, quia nimirum necesse est, illa distingui realiter, quorum unum est realiter receptivum alicuius, cuius aliud receptivum non est, ut supra contra Durandum, & Scotum ostendimus.

Respondet terriò, quòd quando S. Doctor dicit, esse non fore de ratione suppositi, intellexit, non esse de ratione ipsius per modum prædicati alicuius de naturæ eius specifica per se prædica-

bilis, non tamen non esse de ratione ipsius per modum prædicati accidentaliter de naturæ ipsius prædicabilis.

Et in idem coincidit responsio quarta eiusdem P. Blasij, verbisq; tantum differt à præcedenti, in qua dicit, quòd existentia non est de ratione suppositi per modum alicuius intrinsecè determinantis principia essentialia, seu specifica, est tamen de ratione ipsius per modum extrinsecè, & accidentaliter determinantis ea.

Contra utramque solutionem urgeo, quia non est ad propositum: Licet enim verum dicat, existentiam esse extrinsecam, & accidentaliter competere naturæ, tamen hoc nihil ad rem, quia S. Doctor dicit, illam non esse de ratione suppositi, & similiter non esse de ratione naturæ; Ergo benè P. Blasius dicit de existentia comparata ad naturam, sed non soluit, quomodo non sit de ratione suppositi, ut contradistincti à naturæ, de hoc enim S. Doctoris verba vrgent; Ergo malè P. Blasius refugit ad naturam. Et deinde, quia hæc ipsius solutio destruit ipsius dicta, ut, Deo dante, quæst. sequenti ostendam, ubi manifestè patebit, quomodo sibi P. Blasius in suis dictis non constet.

Probatur terriò nostra Conclusio alijs authorit: S. Tho: de nouo ex S. Doct: erutis, & quibus hucusque nullus est usus ad comprobendam nostram sententiam, idèque neque habemus responsiones Aduersariorum ad ipsas: Pri-

*Quaestio V. Quid addat Suppositum supra Naturam. 315*

Primus est locus ex Sentent. 1. d. 23. q. 1. ar. 1. C. ubi S. Doct: ex professo inuestigans differentiam horum nominum, *Substantia*, *Subsistentia*, *Essentia*, relatis, refutatisque aliorum circa hoc opinionibus, suum aperuit sensum verbis, quæ sequuntur: *Dicendum est secundum Boetium, ut sumatur differentia horum nominum, Essentia, Subsistentia, Substantia, secundum significationem actuum, à quibus imponuntur, scilicet esse, subsistere, substat: Patet enim, quod esse commune quoddam est, & non determinat aliquem modum essendi; subsistere autem dicit determinatum modum essendi, prout scilicet aliquid est ens per se, non in alio, sicut accidens; Substat autem idem ens est, quod sub alio poni: Inde patet, quod esse dicit id, quod est commune omnibus generibus; sed subsistere, & substat id, quod est proprium primo predicamento secundum duo, quæ sibi conveniunt, quod scilicet sit ens in se completum, & iterum quod omnibus alijs subternatur accidentibus, quæ in substantia esse habent: Unde dico, quod Essentia dicitur, cuius actus est esse: Subsistentia, cuius actus est subsistere: Substantia, cuius actus est substat. Quæ autoritas, etiam per se clara sit, ut vim tamen ipsius clariùs percipias, super aliqua, necesse est, ut te attentius reflexas. Igitur*

Aduerte primò, quod cum S. Doctor ponit differentiam inter esse, & subsistere, quod esse communissimum est, subsistere

autem dicit determinatum modum essendi, non sic intelligas, quasi subsistentia sit modus determinans ipsum esse, adueniensque post esse; talis enim modus intelligendi est alienus à Schola Thomistica, in qua omnes fatentur, naturam prius subsistere, quàm existere, vel saltem subsistere per ipsum existere, ut vult P. Blaius; sed S. Doct: vocat illud esse determinatum, non quia determinat illud esse commune, quod est existere, cum hoc per suas specificas, vel numericas differentias determinetur, non verò per subsistentiam, sed quia est aliud esse determinatum, ab illo ex æquo distinctum: illud enim primum, & communissimum nihil dicit, nisi esse extra causas, hoc autem dicit esse per se, hoc est, non esse in alio, siue, ut accidens in subiecto, siue, ut pars in toto, siue ut Quo, in Quod: hoc enim totum subsistere, seu esse per se excludit, ut infra magis explicabitur.

Aduerte secundò hic, quod ly, esse per se, quod significat subsistere, non dicit existere per se à parte rei, hoc enim facit existentia, sed conceptus illius potius negatiue explicatur, ut illum explicuit S. Doct: non in alio, siue, ut in subiecto, siue, ut in toto, siue, ut in Quod.

Aduerte tertio, quod S. Doct: explicans, quid sit subsistere, quod etiam dixit, esse proprium predicamenti substantiæ, addidit, quod scilicet sit ens in se completum. Quæ verba notet, obsecro



& P. Blasius, iamque desinat insultare Caietano, quòd illius subsistentia nunquam fuerit à S. Doctore nominata: Ecce enim illam realitatem, siue subsistentiam (ut P. Blasius vocat) Caietani, clarè S. Doctor nominat, & describit, & quidem ita clarè, ut clariùs non optaret Caietanus, dùm dicit, quòd subsistere competit substantiæ, idest naturæ substantiali, secundùm quòd est ens in se completum, illa est enim realitas, quam Caietanus propagnat, per quã natura ultimò cõpletur.

Aduerte denique, quàm clarè S. Doct; in ultimis verbis subsistere distinguat ab esse, quæ quia per se clara sunt, ulteriori discussione non egent. Iam ergo ad alia S. Doctoris loca procedamus.

Secundus locus S. Doctoris est in eodem articulo paulò inferiùs itidem in corp: ubi S. Doct; dicit: *Cùm subsistere dicat esse determinatum, & tota determinatio essendi consequatur formam, qua terminus est, constat, quòd aliquid denominatur subsistens per primam formam, qua est in genere substantia, sicut album per albedinem, & animatum per animam; & idè in prædicamentis, dicit Boetius, quòd Vñs, vel subsistentia est forma; accipiens subsistentiam, pro qua subsistitur.* Quæ verba, si intelligantur, ut debent intelligi, luce clariùs dicunt, quòd nos dicimus: Ut autem sensum illorum intelligas

Nota primò ex eodem S. Doctore loco cit: quòd etiam repetit in pluribus alijs, *Subsistentiam*

aliquando sumi in concreto pro ipso subsistente, (qui sumendi modus iam modò in vsu non est apud Theologos;) Aliquando in abstracto (sicut illam nunc communiter accipiunt in Scholis) pro illa formalitate, siue realitate naturæ addita; & constituyente suppositum, quæ, quia naturæ additur, tamquam complens illam, de se, ante huius realitatis positionem incompletam, iam vocabulo vocatur forma, sumpta metaphorà à veris formis, quæ potentialitatem illorum complent, in quibus recipiuntur. Et hoc est, quòd dicit S. Tho: quòd quando Boetius subsistentiam vocauit formam, accepit subsistentiam pro eo, *Quo est*, idest in abstracto: id enim, quòd sumitur, ut *Quo*, sumitur, in abstracto, sicuti illud in concreto, quòd accipitur, ut *Quod*; Et eandem subsistentiam S. Doct; vocat primam formam, quæ est in genere substantiæ. Et iure meritò quidem illam vocauit primam. Tùm quia est ultimum complementum naturæ substantialis, ac per consequens prima primitate perfectionis. Tùm quia est constitutiva suppositi, quòd dicitur prima substantia; Vnde S. Doctor, ne relinqueret de mente sua ambigendi locum, de qua forma loqueretur in præsentì, clarè se explicuit, cùm dicit: *tota denominatio essendi consequitur formam, quæ terminus est.*

Nota secundò illam restrictiuã, *formam, qua terminus est*: Hæc enim prohibet, ne verba ipsius de alio, quàm

*Questio V. Quid addat Suppositum supra Naturam. § 17*

quàm de sola subsistentia intelligas, illa quippè sola est terminus intrinsecus naturæ substantialis: Ex quo loco sic iam explicato, ut reuera explicari debet, habes euidenter, tùm illam realitatem descriptam, quæ naturam intrinsecè terminat: tùm etiam exclusam existentiam à ratione subsistentiæ; hæc enim neque est rigorose terminus, neq; est constitutiuum substantiæ, sicut albedo, albi, & anima, animati, sed potius supponit substantiam constitutam: Neque ipse conceptus S. Doctoris patitur, ut de illo aliter intelligas; hic enim explicat formam constituentem subsistens, quam iam supra distinxit ab existentia, quæ est actus essentia, non subsistentiæ, ut in præcedenti auctoritate, ex Corpore eiusdem Articuli desumpta, vidimus.

Tertius locus ex eodem articulo desumitur, ubi S. Doctor dicit, *quòd nomen subsistentiæ, per prius conuenit generibus, & speciebus, quàm indiuiduis*, quod etiam repetit in 2. distin. 26. quæst. 1.3.1. ad 4. ubi dicit. *Subsistentia, & essentia non nominant distinctum: Vnde etiam, per prius sunt in generibus, & speciebus, quàm in indiuiduis*. Et in alijs plurimis locis idem repetit. Iam autem constat, iuxta doctrinam eiusdem, existentiam per prius competere singularibus, & indiuiduis, quàm generibus, & speciebus. Ergo, secundum doctrinam ipsius, subsistentia distinguitur ab esse, & subsistentia ab existentia.

Quartus locus est 1.p.q. 29. a. 1.

ad 4. ubi S. Thomas, assignans rationem, cur Boetius in definitione Personæ, posuerit *ly*, naturæ, & non *ly*, essentia, quādo dixit: *Persona est rationalis natura indiuidua substantia*, ait: *Conuenientius fuit, quòd in definitione persona, quæ est singulare alicuius generis determinati, uteretur nomine naturæ, quàm essentia, quæ sumitur ab esse, quòd est communissimum*. Ergo euidenter sentit S. Doctor, quòd esse non sit constitutiuum suppositi, quod in rationalibus Persona vocatur, aliàs malè diceret, quòd conuenientius definiretur persona per *ly*, naturæ, quàm *ly*, essentia, ex eo, quòd essentia sumitur a b esse, immò oppositum esset dicendum, quia *ly*, essentia, exprimeret statim cōstitutiuum personæ, quòd iuxta oppositam sententiam est ipsum esse.

Quintus locus habetur ex Opusculo 22. de Natura materiæ, ubi S. Doct: in materialibus compositis, vltra compositionem ex materia, & forma, duplicem aliam ponit, nimirum naturæ, & suppositi, siue subsistentiæ, quæ facit suppositum, & deinde ipsius suppositi, & esse; dicit ergo S. Doct. *In tali enim composito (nempe materiali, iam compositionem ex materia, & forma supponente, de quo ibi S. Doctor loquitur) necessariò est compositio duplex, suppositi scilicet, & essentia, quæ in re materiali differunt necessariò, cùm indiuiduum in materialibus multa addat supra naturam speciei, quæ essentiam tantum complectitur, & idèò alia est compositio.*

*positio totius rei, & sui esse.* Ergo ex mente S. Doctoris clarè patet, subsistentiam non esse existentiam, sed aliquid aliud, ab illa ex æquo distinctum, quòd primo faciat compositionem, seu quasi compositionem cum natura, complens illam, faciensq; totam rem, seu compositum, ad quod deinde sequitur alia compositio, nimirum totius rei, seu suppositi, & esse; nescio, an clariùs aliquid pro nostra sententia potuerit dicere S. Doctor, circa hanc tamen auctoritatem.

Obserua duo. Primum, quòd hæc compositio naturæ, & suppositi non est propria, & rigorosa, ut infra magis hoc ipsum explicabitur. Secundum, quàm acutè S. Doctor in Opusculo de natura materiæ, & de consequentibus materiæ, dixerit: *in re materiali, suppositum, & natura differunt necessariò*; quam tamen distinctionem ibi negat in immaterialibus (intellige secundum eandem restrictionem, nimirum ex eo capite ortam,) quia enim ibi agebat de his, quæ oriuntur ex materia, benè dixit, quòd in materialibus, etiam ex parte ipsius materiæ, petentis principià indiuiduantia, necessariò differunt natura & supposito; in immaterialibus autem, quæ nõ exigunt materiam, & per consequens, nec principià indiuiduantia, non necessariò ex hoc capite differunt suppositum, & naturam, quamuis aliundè differant, ut supra explicatum est.

Sextus, & ultimus locus, (omissi-

sis pluribus alijs) clarissimus est pro nostra sententia, desumiturque ex Opusculo. 37. de quatuor oppositis, Cap. 4. ubi Sanctus Thomas hæc dicit: *Ex dictis ergo manifestum est, quòd in Deo solum idem est, esse, & natura, & suppositum, omnibus modis; In rebus verò immaterialibus, idem est natura, & suppositum in omnibus, quæ ad idem genus pertinent, In compositis verò omnia prædicta ad inuicem differunt.* Quæ auctoritas S. Doctoris, etiam si aliquo modo videatur esse contra nos, inquantum videtur, in immaterialibus suppositum non distingui à natura, tamen, quid quid sit pro nunc de hoc, certè euidentiùs contra P. Blasium loquitur: Tum quòd dicit, in materialibus hæc tria, nimirum esse, naturam, & suppositum ad inuicem distingui: Tum etiam quia S. Doctor, tam in hoc, quàm in alijs plurimis locis, videtur docere, suppositum, & naturam in separatis non distingui, semper tamen constantissimè docet, naturam, (immo in multis, sicut hic etiam ipsum suppositum) distingui ab esse, ac proinde sentit, esse non pertinere ad rationem intrinsecam suppositi: Si enim pertineret, quomodo fieri posset, ut in ijs esse differat à natura, in quibus natura, & suppositum non distinguuntur?

Cæterum, quia hic locus etiam videtur loqui contra nos, explicandum esset, quomodò in separatis non differat suppositum à natura, nisi seipsum Angelic: Doctor explicuisset, cum illa verba restricti-

na generalis propositionis, in omnibus, quæ ad id genus pertinent, addidisset, Quia enim, ut iam supra diximus, suppositum dupliciter potest distinguì à natura, absolute sumpta, nimirum per principia indiuiduantia, & per realitatem subsistentiæ, naturæ superadditam; Et quia, ut etiam ex supra dictis constat, & infra fusiùs explicabitur, subsistentia non ponit in numero cum natura, quia est aliquid ipsius, sicut generaliter terminus est aliquid rei terminatæ, S. Doctor ad utrūque attendens, dixit, quòd *in immaterialibus idem est suppositum, & natura in omnibus, quæ ad id genus pertinent*: quasi diceret sumpta natura adæquatè cum omnibus, quæ ad genus ipsius pertinent, ac proinde cum suo complemento, & termino intrinseco, qui hoc ipso, quod talis est, debet ad genus naturæ pertinere; iam non habemus unde in separatis, seu in immaterialibus distinguamus suppositum à natura: nihil enim ultra illum terminum, & complementum naturæ datur, per quod possit natura communis distinguì à supposito, nisi principia indiuiduantia, quæ quia in separatis nō sunt distincta à principiis specificis, inde est, quòd natura sumpta adæquatè, ut includit omnia sui generis, & per consequens complementū suum, erit in separatis idem cum supposito: secus in materialibus, ubi, etsi sumatur natura cum suo complemento, adhuc poterit di-

stinguì suppositum à natura cōmuni; ratione principiorum indiuiduantium, quæ includit suppositum, & non naturam, sicut distinguuntur homo, & hic homo: atque hic est legitimus verborum Angelici Doctoris sensus, quem licet apud nullum expositorem viderim, credo tamen satis ad mentem Angelici Doctoris esse expositum, ut verba S. Præceptoris cōsideranti patebit.

Vltimò tandem potest probari, hanc nostram sententiam esse de mente S. Tho: , ex cōmuni consensu veterum, & grauissimorum Thomistarum, qui primitias Thomistici spiritus acceperunt; in quo enim tot grauissimi Thomistæ (quos prò nostra sententia recensuimus) conueniunt, quis dubitet, id esse de mente S. Thomæ? ut non immeritò Bannes sententiā oppositā dicat esse euidenter falsissimam; ideòque tam ille, quàm alij omnes Thomistæ in illa impugnanda non immerentur; nos tamen fusiores esse debemus propter aliquorum recentiorum Thomistarum, & ipsius P. Blasij argumenta, quæ soluere, & impugnare necesse est, ut puritas Thomisticæ doctrinæ, his depulsis nebulis, clariùs rutilet.

Hic iam soluendæ, & explicandæ essent authoritates S. Thomæ, quas contrà nostram sententiam P. Blasius congestit: sed quia hoc commodè fieri non potest, nisi nostra sententia explicata, ideò illas inferiùs soluendas, & explicandas remittimus; nunc

verò rationibus cum oppositæ sententiæ sectatoribus certandum est: Sit ergo.

## QVAESTIO VI.

*Utrum secundum rei veritatem, id quod suppositum addit Natura, sit Existentia, itaut per hanc, in esse talis, intrinsecè constituatur.*

**D**icendum est etiam secundū rei veritatem inherēdo rationibus, siue Philosophicis, siue Theologicis, certum esse, *Existētiam*, non esse illud, per quod suppositum in esse talis intrinsecè constituatur. Itā omnes Thomistæ, quæstione præcedenti recensiti, quibus addo nost. Complut. in lib. de Gener. & Corrupt. disp. 2. q. 8. n. 25. & n. 29. conclus. 1.; addo & Salmat. tract. 6. de Trinit. disp. 3. dub. vnic. & disp. 9. dub. 4: ubi docent, in Diuinis non esse, nisi vnicam existentiam absolutam, iam verò vltra subsistentiam absolutam, dari tres alias relatiuas constitutiuas Diuinarum Personarum. Eandem sententiā tenent ex Neotericis Suarez in sua Metaphys. disp. 34. sectio. 4. n. 8. & sequentibus: Hurtado de Mendoza, disp. 11. Metaph. sect. 5. P. Mazziotto tom. 1. select. quæstionum, quæst. 10. nu. 151. & eq. Ioannes de Lugo de Incarn.

disp. 11. Vasquez in 3. p. disp. 3. 7. cap. 3. Gregorius de Valentia in 3. p. disp. 1. qu. 4. puncto 2. in refutatione sextæ opinionis. Iulius Cæsar Recupitus in sua Theologia, tract. 1. lib. 5. q. 19. n. 6. Et ferè omnes Societatis scriptores, quamuis diuerso fundamento nitantur, quia nimirum ipsi essentiā ab existentia nō distinguunt, vno excepto P. Mazziotto, qui sicut in alijs omnibus suis sententijs, sic & in hac fideliter Thomistica premie vestigia; quamuis plures etiam ex relatis Societatis Authoribus, immò quos legi omnes expressè teneant, quòd dato etiam, essentiā, & existentiam in creatis distingui realiter, adhuc suppositum in esse talis non posset per existentiam constitui; Vnde Hurtado de Mendoza loco cit. miratur P. Suarez, affirmātem non esse, cur suppositum ab existentia distinguatur, si hæc distinguitur ab essentia, probatque ibi etiam, supposita distinctione essentiæ, & existentie, adhuc hanc non posse ingredi rationē intrinsecè constitutiuam suppositi, sed, & ipse Suarez paulò inferiùs ad illa verba ( quibus gloriatur P. Blasius, illum suæ sententiæ fauere ) se explicat, in quò sensu nu. 10. dixerat, quòd dato, existentiam non distingui ab essentiā, præferenda esset opinio, ponens existentiam pro ipsa subsistentia, opinioni Caietani vtrumque distinguētis paulò inferiùs, videlicet n. 14. sua dicta explicat, dicēss

*Licet supposito illo principio de di-*

distinctione existentia ab essentia. merito hæc sententia non multiplicet alias entitates, tamen, adhuc illo principio posito, nulla sufficiens ratio reddi potest, cur similis distinctio non intercedat inter existentia, & suppositum. Hæc P. Suarez. Ex quo patet quod omnes Societatis Authores, (vnū enim Suariū pro se allegat P. Blasius) adhuc distinguere existentiam à substantia, etiam si teneret, existentiam, realiter ab essentia distingui.

§. I. Ratio philosophica excludens existentiam à constitutione suppositi.

**P**robatur Conclusio ratione philosophica prima, quæ est talis. Si existētia esset ratio formalis, & intrinseca constitutiuo suppositi, sequeretur, quod non posset concipi suppositum, non concepta saltem implicite existētia ipsius. Sed hoc est falsissimum. Ergo & illud, ex quo sequitur. Maior patet: Impossibile enim est concipere rem constitutam, non concepto saltem implicite ipsius constitutiuo intrinseco, cum res per suum constitutiuum intrinsece sit talis; sicut impossibile est, concipere hominem, non concepta humanitate, vel album, non cōcepta albedine. Minor verò probatur: Nam possum nunc v.g. Antichristi personam concipere absque eo, quod implicite, vel explicitè concipiam existētiā; quod euiden-

ter probō: quia si de necessitate in cōceptione personæ Antichristi clauderetur ratio existētiæ, saltem implicite, non posset verificari negatiua existentia, dum affirmo esse personale: Sicut quia, in ratione hominis clauditur, saltem implicite, rationale, & in ratione Vnius, vel Boni Ens, non potest verificari negatiua rationalitatis, vel entitatis, de quibus affirmatur esse hominis, Vnius, vel Boni: Vnde nō possum verè dicere: *Hoc nō est rationale*, de quo dico, quod sit homo; neque, de quo affirmo, esse Vnum, vel Bonū, possum cū veritate negare, quod sit Ens: Sed sic est, quod dum nūc affirmo de Antichristo, quod sit persona humana, verè possum negare, quod sit existens; Quærenti enim ex me, quid est Antichristus? verissimè respondēdo, est vna persona humana; & quærenti ex me, si sit existens? falsum dicerem, si affirmarē; verū dico, quando nego. Ergo &c.

Confirmatur. Si existentia esset de ratione intrinseca, & constitutiuo suppositi, sequeretur, hæc propositionem (*Petrus existit*) esse æternæ veritatis; Consequens est falsum. Ergo & Antecedens. Sequela prob: quia cum hæc propositio (*Petrus est suppositum humanum*) in omnium sententia sit æternæ veritatis, & absoluaturs à tempore, si constitutiuum suppositi esset ipsa existentia, iam, licet idem esset dicere, Petrū esse suppositum, & esse existentem, etiā hæc (*Petrus est existens*) esset æternæ veritatis: Quod tamen nullus sanæ mentis dicet, aliās Petrus

nunquam inciperet esse, cum semper esset.

Respondet P. Blasius huic Confirmationi, existentiam posse sumi dupliciter, vel in actu signato, & nominaliter, vel in actu exercito, & participialiter. Dicit ergo ille, quod existentia in actu signato est illa, quæ constituit suppositum, non autem existentia in actu exercito: Sicque ait, istam propositionem (*Petrus est existens*) si *ly existens* sumatur nominaliter, & in actu signato, esse æternæ veritatis, non minùs, ac illam (*Petrus est suppositum*), quamvis, inquit ille, si *ly existens* sumatur participialiter, & in actu exercito, propositio non est æternæ veritatis, existentia autem sic sumpta, non est constitutiva suppositi. Et ex hac ipsius responsione, quàm huic cõfirmationi adhibet, posset non difficulter etiam rationi principali responderi, dicendo, suppositum posse quidem concipi sine existentia in actu exercito, non tamen sine existentia in actu signato. Si autem ex illo quæras, quis sit effectus formalis illius existentia in actu signato, & nominaliter sumptæ, secundum quod est constitutiva suppositi? Dicit, esse constituere rem existentem in actu signato: Vnde, secundum illum, existens in actu signato est suppositum.

Sed hæc solutio, & terminis philosophicis abutitur, & implacantia loquitur; Quamvis enim existentia possit nominaliter sumi, sed existens, quod est participium, quomodo lumes nomina-

liter? quomodo absolues à tempore? Tota contra te Dialectica clamat, & ipsi Summulistæ talibus dictis Viri eruditi insultabunt. Si itaque dicis, quod existentia suppositum constituens facit existens in actu signato, seu nominaliter, implicas in adiecto, contra ipsam Grammaticam peccas, dum participium nomē facis.

Sed impugnemus illam fundamentaliter, & Metaphysicè: quod antequam fiat

Suppono, quod licet Existentiæ absolute possit sumi in actu signato, & in actu exercito, tamen existentia, vt communicata, nūquam potest sumi in actu signato, sed necessariò quādiu sub hac reduplicatione concipitur, sumitur in actu exercito, & per consequens participialiter: Quod probō evidenter, quia quod essentialiter dicit ipsum exercitum, non potest concipi in actu signato, vt contradistincto ab actu exercito; Sed existentia, vt communicata, essentialiter dicit exercitum existendi, sicut vnio, vt communicata, essentialiter dicit exercitum vniendi, & albedo, vt comunicata, essentialiter dicit exercitum dealbandi. Ergo sicut non potes concipere vnionem, vt communicatam, & non vnientem, albedinem, vt comunicatam, & non dealbantem, ita non potes concipere existentiam, vt communicatam, & non facientem existere.

Confirmatur hoc ipsum. Non potes concipere existentiam, vt comunicatam, nisi concipias causalitates causarum completas, om-

nes enim tendunt ad communicandum esse. Sed quando concipis omnes causalitates cōpletas, concipis rem existentem à parte rei, & in actu exercito, quia illam concipis extra causas. Ergo quando concipis existentiam, vt communicatam, concipis ipsam in actu exercito.

Hoc ergo supposito, facile impugnatur solutio P. Blasij: nām, quando concipis existentiam, vt constituentem suppositum, concipis illam, vt communicatam, vt ex se patet: Quomodò enim constitueret suppositum, si non intelligeretur communicata naturæ, cui addita facit suppositum? Sed quando concipis existentiam, vt communicatam, concipis illam in actu exercito. Ergo quando concipis existentiam, vt constituentem suppositum, concipis illam in actu exercito. Ergo cum existentia in actu exercito non absoluitur à tempore, nec propositio de illa est æternæ veritatis. Ergo quando concipis existentiam, vt constituentem suppositum, debes illam concipere in actu exercito, & non absolutam à tempore. Ergo & in tempore, quo non existit Antichristus, quando adhuc de illo verificatur, quod sit suppositum, non potest de illo verificari, quod habeat esse, ac per consequens *esse* non constituet intrinsicè suppositum, vt probabamus in ratione: & licet propositio, in qua affirmatur de aliquo, quod sit suppositum, sit æternæ veritatis, non tamen illa, in qua enunciat, quod habeat *esse*, vt in no-

stra confirmatione dicebamus.

Posset secundò, & fortè melius, huic nostræ rationi principali in fauorem P. Blasij responderi, dicendo, quod existentia potest cōsiderari tripliciter, vt possibilis, vt futura, & vt præsens. Quando ergo dicitur, suppositum constitui per existentiam, intelligendum est secundum distributionem accomodam, ita nimirum, vt suppositum possibile constitutur per existentiam possibilem, futurum verò per futuram, sicut & præsens, seu actuale suppositum per existentiam præsentem, vel actualem: Vnde quia nunc cum concipio Antichristum esse suppositum, non concipio illum, vt suppositum præsens, & actuale, sed tantum, vt suppositum futurum, etiam existentiam, quam de necessitate in conceptu suppositi, qua talis, inuoluo, non concipio, vt præsentem, sed vt futuram; Futuram verò existentiam attribuere Antichristo, nullum est inconueniens, ab illa enim denominatur Antichristus futurus.

Adde, quod Antichristus potest dici, & concipi etiam nunc existens, non quidem in nunc temporis, sed in nunc æternitatis, in qua futura, præsentia, & præterita omnia simul existunt, vt docent nost: Salmatic: tomo 1. Tract: 3. disp. 8. dub. 2. & 3. quo fundamento nixi etiam nost. Complut: in Log: disp. 4. q. 2. n. 14. dixerunt, quod si quis contendat, verbum, *esse*, in propositionibus significare durationem præsentem, dicendum est, illam esse instans,



seu nunc æternitatis, non verò instans, aut nunc temporis. Sed

Contra est, quia ego nunc concipio Antichristum, ut actu suppositum, sicut concipio, ut actu hominem; siue id fiat ratione connexionis negativæ inter prædicatum, & subiectum, ut defendunt nos: Complut: in Log: disp: & quæst: citatis, huc ratione connexionis positivæ, ut tenet Caicetanus, (cuius sententiam etiam ego sequor in mea Metaphysica, illamque verissimam esse, ipsamque mentem Angel: Doct: pluribus ibidem deduco,) his tamen pro nunc relictis, ex quocunque fundamento proveniat, siue ex nostro, siue ex Complutenfium, certum est apud omnes, quod Antichristus etiam nunc est verum suppositum humanum; ac proinde vera est de illo hæc propositio pro nunc: *Antichristus est suppositum humanum*; sicut pro nunc est vera hæc: *Antichristus est homo*. Ergo nunc vel debet cõperere, ut nos volumus, vel saltem debet non repugnare, (ut volunt Complutenfes,) prædicatum subiecto, nempe *ly* suppositum *ly* Antichristo. Sed nunc *ly* existens repugnat Antichristo, verè enim Antichristus nunc non est existens, aliàs non esset futurus. Ergo *ly* suppositum non est idem, quod *ly* existens, ac proinde existentia non est constitutivum intrinsecum suppositi.

Explicatur, & confirmatur magis hoc ipsum, excludendo quandam æquivocationem, quæ obsecutiora posset reddere hucusque dicta: Nam quando dicimus (An-

tichristus nunc est suppositum; vel homo,) dupliciter potest sumi propositio. Primò, ut *ly* nunc est signet existentiam illius suppositi, ut reddat hunc sensum (suppositum humanum, quod est Antichristus, nunc existit) & hic sensus est manifestè falsus, neque à nobis asseritur, nisi fortè pro nunc æternitatis, de quo statim. Alius sensus est, prout, *ly*, est, significat veritatem propositionis, ut sit sensus: (Hæc propositio: Antichristus est suppositum humanum, vel homo: nunc est vera,) & hic sensus est verissimus, quia, ut docent Dialectici, *ly*, est, in propositionibus in materia naturali, quales sunt istæ, absoluitur à tempore; Vnde eiusdem veritatis est ista propositio: (Antichristus est suppositum, vel homo) siue existente, siue non existente Antichristo; Sed hæc propositio (Antichristus est existens) nõ absoluitur à tempore, est enim in materia contingenti, Antichristum enim existere, & non existere, contingens est, quia dependet à libera Dei Voluntate. Ergo non est idem, quo Antichristus est suppositum, & quo est existens, sed existentia est existens. Ergo existentia non constituit suppositum.

Neque illud, quod de nunc æternitatis adducitur, convincit intentum; concedimus enim, verissimū esse, futura, præsentia, & præterita existere simul in æternitate, tanquam in mensura indivisibili, infinita, tota simul, simulque omnes differentias temporis ambiente;

negamus tamen, inde sequi, ut ratione illius existentia in æternitate denominetur Antichristus suppositum, loquendo de denominatione, qua nunc verè dicitur esse suppositum, & ratio est manifesta; quia si ab existentia denominaretur Antichristus suppositum, denominaretur ab illa, non ut habēda, sed ut habita: Iam autem, licet Antichristus pro aliquo determinato sinu virtuali æternitatis, nēpè pro illo, qui correspondet temporis, in quo Antichristus erit, sit actu habens existentiam, non tamen pro communi sinu correspondente omnibus partibus, & instantibus temporis, siue veri, siue imaginarij (de quo potes videre nostros Salmat: Tomo, & Tractatu citatis, dub. 3, n. 30. & sequentib.) Unde licet Antichristus etiam nunc habeat esse in æternitate, sed non pro parte, vel sinu virtuali æternitatis comprehendente præsens nostrū tempus, sed pro parte, siue sinu virtuali correspondēte illi parti temporis, in qua Antichristus erit, hinc est, quod cum res (ut aduertunt nostri Salmat: dub: citato n. 14.) non dicantur simpliciter, & absolutè habere esse, nisi in propria mensura, cum Antichristus in hoc nunc temporis, quo ego affirmo illum esse suppositum, non habeat esse, sed habiturus est, immò in nunc ipso æternitatis, secundum illud inadzquantum sui, tēpori nostro præfenti correspondens, illud non habeat, planè sequitur, Antichristum, qui nunc denominatur suppositum, non denominari talem

ab esse etiam habito in æternitate, tūm quia non dicitur esse absolute, ratione existentia in æternitate, ut diximus: tūm etiam, quia neque in ipsa æternitate secundum illum sinum virtualem continentem præsens tempus, in quo enūciatur de Antichristo esse suppositum, habet esse actu, quod quidē requirebatur ad hoc, ut diceretur suppositum, si semel in ratione suppositi constitueretur per esse: tūm denique, quia mea cognitio, qua ego cognosco, Antichristum esse suppositum, nō mensuratur æternitate, sed tēpore, ac per consequens secundum illa concipio Antichristum suppositum, quæ ipsi competunt, non in æternitate, sed in tempore, quamvis independentē à tempore, ex eo, quod cognoscā, & enūciem de illo aliquid in materia naturali.

Per quod patet solutio ad illud, quod ex Complut: afferebatur de æterna propositionum veritate, quod nimirum in illis *ly, est*, significat durationem æternitatis: sibi enim illi loquebantur de Intellectu æterno, nempe Divino, cognoscente illas, & sic non mirum, quod ad existentiam illorū in æternitate refugiant.

§. 2. Ratio alia probans, existentiam non esse constitutivam intrinsicè suppositi.

**P**robatur secundò nostra Conclusio alia ratione philosophi:

phica. In natura substantiali debet dari aliquis terminus complens, & terminans illam intrinsicè. Sed hoc non potest esse existentia. Ergo præter existentiam debet dari aliqua realitas complens naturam, faciensq; suppositum, quod nos subsistentiam vocamus. Maior patet, tum à paritate quantitatis, in qua, ultra terminationem negativam, ( vt in prima quæst: diximus) debet dari aliquid positivum complens, & terminans illam; tum etiam, quia cum natura de se sit incompleta, quantumvis cum sua integritate sumatur, vt patet in Humanitate Christi, in qua omnia sunt spectantia ad naturam, & tamen nõ est completa, neque ultimò terminata, aliàs non esset assumptibilis, & terminabilis à Verbo. Ergo indiget aliquo complemento intrinseco. Minor verò prob: quia iuxta doctrinam Angel: Doctoris, existentia est quid extrinsecum rei, & accidentaliter competit rebus, vno Deo excepto. Ergo &c.

Respondet P. Blasius huic argumento dupliciter. Primò, negando Minorem, quòd scilicet existentia non possit esse terminus intrinsecus naturæ, & ad probationem in contrarium dicit, quòd existentia idè tantum dicitur extrinseca, & accidentalis naturæ, quia est extra rationem specificam ipsius, sicut & nostra subsistentia: quod sicut apud nos nõ impedit subsistentiã, ne dicatur terminus intrinsecus naturæ, ita neq; apud illi, impedit existentiã: & addit, quòd quidquid nos

dicimus de subsistentia, idem ille dicit de existentia.

Secundò respondet negando Maiorem, quòd scilicet natura substantialis indigeat complemento, & termino intrinseco, datq; duplicem rationem; Primam ex S. Tho: qui 1. sent: distin: 23. q. 1. 2. 1. C. & 2. cont: gen: cap. 54. formam substantialem vocat terminum intrinsecum, & complementum similiter intrinsecum substantiæ; Secundam à paritate ex qualitatibus, v. g. albedine, in quibus non datur aliquis terminus intrinsecus naturæ illarum. Ad illud autem nostrum de quantitatibus exemplum, dicit, ex his, quæ conveniunt alicui determinato generi, non esse arguendum ad res alterius generis.

Contrà quam suam regulam ( obiter id adnoto) statim ipse P. Blasius peccavit, dùm contra nos ex qualitatibus ad substantias arguit, negando in illis terminum intrinsecum. Sed quid quid sit de hoc, contra ipsas solutiones Blasij arguo; & primò

Contra primam; nãm in primis non constat sibi P. Blasius, vt enim in quæst: præcedenti vidimus, soluens illum locum S. Tho: quòd *esse non est de ratione suppositi*, dixit: *Esse non est de ratione suppositi per modum alicuius intrinsicè determinantis principia essentialiter*, est tamen per modum extrinsecè determinantis; vbi si de propria determinatione loquitur, per quam aliquid ex differentiã fiat determinatum, falsissimum est, quòd vel

per

per esse, vel per substantiam naturæ determinetur, siue intrinsicè siue extrinsicè, utrumque enim inuenit naturam determinatam, ut supra quæst. 2. huius disputat: ex S. Tho: diximus: Si verò loquatur de determinatione latè sumpta, prout terminatio intrinseca potest vocari determinatio, in quantum naturam, quæ erat aliquo modo indifferens, ut sit in proprio, vel alieno supposito (dixi aliquo modo indifferens, hæc enim indifferentia non est secundum eandem capacitatem, sed esse in proprio est per capacitatem naturalem, in alieno verò per obedientiam) determinat ad essendum, vel in hoc, vel in illo, iam planè hæc doctrina ipsius contradicit his, quæ modò dicit; nam hic vult omnia competere existentia, quæ in nostra sententia substantia competunt. Scit tamen benè, in nostra sententia intrinsicè, & substantialiter naturam terminari, & per consequens determinari, ut sit in proprio, vel alieno supposito, non verò extrinsicè, & accidentaliter, ut ille de existentia dicit.

Deinde impugnatur eadem prima solutio; nam existentia, ultra illam extrinsecitatem, quæ ipsi cum substantia communis est, & de qua agit S. Tho: loco ex Quodlibetalibus à P. Blasio, & à nobis supra quæ 2. huius disputat: citatis, quòd nimirum non sit determinatiua principiorum essentialium, habet aliam extrinsecitatem, quia nimirum ita est extrinseca, ut non possit esse intrinsecum complementum

naturæ: unde non solum est extrinseca respectu naturæ, sed etiam respectu suppositi, ad quod consequitur sequela physica, ut quæstione præcedenti ex S. Thoma vidimus. Iam autem substantia etsi illo primo modo possit dici extrinseca naturæ, non tamen secundo, cum ad intrinsecum ipsius complementum pertineat, quæ intrinsecitas cum ad rationem constitutiua suppositi pertineat, & non competat existentia, existentia non poterit esse constitutum intrinsecum suppositi.

Secunda verò solutio nullo modo subsistere potest; euidenter enim patet ex supra dictis contra Durandum, essentiam, siue naturam, secundum propria, & specifica præcisè esse quid incompletum, ideoque assumptibilem à Verbo, & facientem vnum per se substantialiter cum illo: neque illud, quod P. Blasius adducit in contrarium, conuincit intentum; non quidem primum ex S. Doct: nam in primis S. Doctor in illo loco ex 1. Sententiarum dist: 23. citat non de forma substantiali loquitur, sed de substantia sumpta in abstracto, quæ constituit suppositum, ut quæst: præcedenti, hanc auctoritatem explicando, diximus: Neque memini, me aliquando in S. Doctore obseruasse; ut formam substantialem terminum vocet. Quòd autem in 2. contra gent: illam vocet complementum substantia, nihil ad propositum; nam S. Doct: loquitur de complemento specifico, & est

Actuali, in quantum perficit, & complet potentialitatem materię, reducendo ipsam de potentialitate ad actum, nos autem, ultra hoc complementum, aliud requirimus ad ordinem subsistendi spectans, quod requiri, & sine illo naturam esse incompletam, manifestè conuincit assumptibilitas naturę in Verbo, idque naturę compositę ex materia, & forma, iamque indiduz, vt patet in Humanitate Christi.

Illud verò alterum, quod obicit P. Blasius de qualitatibus non habentibus terminum, & complementum naturę, tangit difficultatem huiusque in Scholis non agitatam, scilicet

VTRVM, sicut naturę substantiali concedimus aliquem terminum, & complementum intrinsicum extra specifica ipsius, ita & accidentibus sit concedendum aliquid intrinsicè terminās, & complens naturam illorum?

Ad quam tamen difficultatem breuiter respondeo, loquendo consequenter, de necessitate admittendum esse etiam in accidentibus complementum aliquod, terminumque intrinsicum subsistentię, quam pro naturis substantialibus assignamus, correspondentem.

Probatur tñ arguendo a maiori ad minus; Si enim perfectio naturę substantialis non est tanta, vt sit ex se completa, & ex se capax existētię, sed debet per aliquid compleri priusquàm perfectissimum actum, qui est existentia, recipiat, quantò magis hoc in accidentibus, entibus scilicet mul-

tò imperfectioribus, inueniri debet? Tñ etiam ex assumptibilitate accidentis ad subsistendum per subsistentiam increatam, quod esse assumptibile, defendunt plures, & grauissimi Theologi, inter quos Aluarez de Incarn: disput: 22. & plures alij. Tñ deniq; quia non mirus accidentis, quàm substantia est capax recipiendi aliqua, quę sunt extrā propriam essentiam: potest enim vñum accidens recipere alia, saltem, vt subiectum quo. Ego sicut ex receptione aliorum extrā suum genus arguimus distinctionem in substantia essentia, & suppositi, quia, vt arguebamus contra Durandū, essentia nulla potest fieri additio, ex eo, quòd illa significat illud solū, quo aliquid est, ita & in accidentibus illud, quod est esse receptium aliorum, est distinctū ab ipsorum essentia, quia sicut humanitas significat præcisè illud, quo aliquid est homo, ita & albedo significat illud tantū, quo aliquid est album; Vnde etiam communiter dicunt Philosophi, quòd accidentia in abstracto significant formas puras, & omninò impermixtas, ac proinde debent habere aliquod complementum, aliquemque terminum, quo completa intrinsicè illorum essentia, possint recipere alia à se. At

INQVIREs, quod sit istud complementum, quicquid terminus naturę accidentalis? Dico, esse ipsum modum vnionis ad subiectū. Inducor ad hoc asserendum, tñ ex proportionem arguendo à substantia ad accidentia; sicut enim quia

quia substantia est ens per se, habet terminum, qui det illi esse per se, ita quia accidentis natura est inesse secundum aptitudinem, ipsa actualis vno ad subiectum erit complementum ipsius intrinsecum. Tum quia per illam actualē vnionem accedens fit ex abstracto cōcretum, & acquirit quodammodo esse, vt *Quod*, sicut & substantia per suam substantiam. Tum quia per illam vnionem accedens intelligitur esse ultimātē completū; cum enim sit entis, id est substantiæ ens, suam habet complementum, quando actu vnitur substantiæ. Tum denique quia ad hanc vnionem immediatē sequitur existentia accidentis; nam vt Deo dante in disput. de Existētia accidentium ostendam, inhærentia actualis, seu actualis vnio accidentis ad subiectum non est existentia accidentis, sed quid præsuppositum ad existentiam ipsius, sicut etiam ipsa substantia præsupponitur in natura ad existentiam substantialem.

Ex quibus iam faciliē patet, negandum esse illud assumptum P. Blasij, scilicet albedinem, & alias qualitates non habere terminum, siue complementum intrinsecum naturæ suæ debitum. Ille hoc dicit, sed non probat, nos verò oppositum esse diximus, & probauimus.

Per quod patet ad illud, quod dicit idem P. Blasius, non esse arguendum ex ijs, quæ sunt propria alicuius generis ad res alterius generis: Hoc enim, quod est habere terminos intrinsecos, non est

proprium vnius generis, sed commune omnibus, vt ex modò dictis patet.

Aduertendum tamen est, quod in quantitate duplices termini requiruntur, alij naturæ, alij extensionis actualis. Terminus naturæ quantitatis est, sicut & in cæteris accidentibus, ipsa actualis vnio ad subiectum: Terminus verò extensionis ipsius sunt indiuisibilia. Ille prior terminus requiritur ex conceptu generali naturæ ex se, solum negatiuē terminatæ, & non admittentis consortium aliorum à se, ac proinde petentis terminum positium, ratione cuius etiam extranea recipiat: Isti verò posteriores termini requiruntur ex speciali natura quantitatis, quæ extendens substantiam, facit illam capacem contactus physici tam à loco circumferente ipsam, quam ab alijs corporibus; qui contactus cum non possit fieri in negatione, de necessitate petit terminos positivos, vt ostendunt nostr. Complut: in Phys: & quia nos ex indiuisibilibus quantitatis arguebamus ad positionem termini intrinseci in natura substantiali, idē adhuc videtur contra nos vrgeri illud, quod ex proprijs alicuius generis nō est arguendum ad res alterius.

Dicimus ergo hoc verum esse, quando nulla proportio rerum hoc exigit, secus quando ex proportionē argui potest, & assumitur aliquid, quod est clarius in vno genere ad concludendum aliquid difficilius in alio, sicut hic contingit, nam proportio ter-

minationis quantitatum ostendit nobis terminationem essentiarū : Maximè quia non hac vnica ratione nos illum terminum intrinsecum in substantijs adstruimus , sed iam alijs efficacibus rationibus firmatum hoc velut exemplo illustramus.

*§.3. Ratione Theologica probatur, suppositum, quae tale, non constitui per existentiam.*

**P**robatur tertio nostra Cōclusio. ratione Theologica. Si ratio constitutiva suppositi, quae talis, esset existentia, sequeretur, omnes tres Personas Sanctissimæ Trinitatis esse incarnatas: Hoc est cōtra fidem. Ergo, &c. Minor, & conseq. patent. Maior verò prob. nam cū in Diuinis non dentur existentia relatiua, sed omnes Personæ, sicut & omnia Diuina, existant existentia absoluta Diuinæ Naturæ, si existentia esset constitutiva suppositi, ac proinde in rationalibus esset ipsa personalitas, Verbum ratione existentia, & per ipsam, formaliter terminasset Naturam humanam, quia illam terminauit ratione personalitatis, vnde illa vno vocatur hypostatica, siue personalis. Ergo terminatio illa facta fuisset per aliquid commune, & competēs omnibus Personis Trinitatis. Ergo cū illa terminatio sit ipsa Incarnatio, omnes tres Personæ dicerentur, & essent incarnatæ.

Respondet P. Blasius dupliciter. Primò negando, in Diuinis Personas constitui vltimatè per existentiam, ( quamuis per illam in creatis constituantur ) sed relationes in Diuinis esse constitutivas Personarum; & dat rationem disparitatis, quia in creatis existentia est illa, quæ vltimò aduenit rebus; in Diuinis autem non, quia ibi est de primario conceptu Essentiæ Diuinæ, ac proinde non potest esse constitutiva personæ, nam hæc constituitur per illud, quod vltimò aduenit rei. Ex quo sequitur, naturam humanam Christi non fuisse terminatam per existentiam, sed per personalitatem Verbi, ac proinde solum Verbum incarnatum.

Secundo resp. dicendo, quòd quia Verbum illud supplet, quòd deest Humanitati Christi, ideò cū Humanitati non desit solum existentia absolutè sumpta, sed existentia cum modo incommunicabilitatis, itaut talis modus existendi incommunicabiliter sit id, quod velut primariò deest Humanitati Christi, & cū in Diuinis modus incommunicabilitatis habeatur à relationibus, inde est, quòd Verbum prius per relationem naturam humanam terminat; quia verò modus incommunicabiliter subsistendi, qui defecit primariò in Humanitate Christi, nihil est aliud, quàm indiuiduatio ipsius existentia, ideò Verbum hunc defectum supplet etiam per existentiam absolutam, non quomodocunque sed vt propriam Verbi ratione adiunctæ re-

la.

lationis, secundum quam ratione cum tam non sit communis alijs Personis, non sequitur alias Personas Trinitatis esse incarnatas.

Sed veraq; solutio non satisfacit. Unde contra primam arguitur sic, ostendimus tam contra Scotum, & probant Theologi in materia de Trinitate, rationem personæ, seu suppositi in natura rationali, formaliter inuenti in Diuinis. Ergo, ut ibidem nimirum quæst. 3. diximus proportionaliter debemus loqui de supposito, seu personæ creatæ constitutio quomodo loquimur de constitutio Diuinarum Personarum. Ergo si existentia Diuina, etsi perfectissima, non constituit suppositum, seu Personam Diuinam, neq; existentia creata constituet suppositum creatum.

Et urgetur hoc ipsum, quia si existentia Diuina, etsi intima omnibus Diuinis, non potest constituit suppositum Diuinum, multo magis creata, quæ est quid extrinsecum naturæ, & non est de ratione etiam ipsius suppositi.

Dices fortè, & bene, existentiam in Diuinis idè non constituit suppositum, quia de conceptu ipsius non est incommunicabilitas. Sed ex hoc efficacius contra opinionem Aduersariorum insurgo. De conceptu existentie non est incommunicabilitas. Ergo non potest constituit personam etiam in creatis, quod enim constituit suppositum, debet esse de conceptu suo incommunicabile, alias deberet reddi per aliud incommunicabile, & sic in infinitum.

Nec refert si dicas, etiam subsistentiam non esse de conceptu suo incommunicabilem, cum in Diuinis detur subsistentia communis.

Respondemus enim cum distinctione; & si sermo fiat de subsistentia personali, negamus, illam sue in Diuinis, siue in creatis, non esse incommunicabilem: Si verò sermo fiat de subsistentia absolute sumpta, quam aliqua natura ratione suæ infinitatis ultra personales assert, ut de Natura Diuina communiter docent Thomistæ, & de attributis multi probabiliter volunt, concedimus libenter, illam non dicere incommunicabilitatem, inde tamen nihil contra nos, quia illa subsistentia non est constitutiva suppositi. Illa verò disparitatis ratio, quam assignet P. Blasius inter Diuinam, & creatam, quod his vltimò adueniat existentia, secus illis, supponit principium falsum, scilicet, existentiam in Diuinis non esse vltimum omnium actuum: Nam, ut optime aduertunt nosti Salmati: de Trinitate disp. 7. n. 76. Existentia vbique vltimò aduenit rebus, quæ nunquam censentur in factu esse usq; dum intelligentur sub existentia: Sed hoc in Diuinis (vb; plura ad diuersas lineas spectantia existunt per vnicam existentiam, quæ est de linea naturæ) intelligendum est secundum distributionem accommodatam, ita scilicet: ut existentia, quæ in linea fontali intelligitur esse quid actualissimum, & vltimum, licet ut actus, vel quasi actus lineam essentia, præintel-



ligatur formalitatibus aliarum linearum, v.g. attributorum, & relationum, tamen ut intelligitur extendi ad actuandas alias lineas, intelligitur ultimo aduenire ipsis: unde ut iidem Salmat: Tract: & disp: citatis n.62. & sequentibus fuisse, & subtiliter deducunt, Attributa, & relationes quando concipiuntur secundum propria suarum linearum, quantumvis secundum omnem suarum linearum actualitatem, concipiuntur, non concipiuntur, adhuc in facto esse, neque in dimanato esse, sed in dimanare tantum, quamdiu ad illas actuandas existentia propria fontalis linearum non intelligitur extendi, ipsiisque quodammodo superinduci; sicut à simili in creatis passiones consequentes essentiam non intelliguntur in facto esse, usque dum non concipiuntur cum proprijs existentijs: & si posset in creatis existentia compositi substantialis extendi ad actuandas proprietates, nunquam intelligerentur in facto, seu dimanato esse, usque dum non intelligerentur, per dictam existentiam actuata. Et ratio horum est, quia conceptus existentie essentialiter, & in omnibus vbicunque inuenitur est, quod sit actualitas omnium ultima, omnia actuans, & à nullo actuabilis, nimirum in illo ordine substantiali, vel accidentali, in quo est existentia. Ex quo patet falsitas illius dicti P. Blasij, quod scilicet in Diuinis respectu proprietatum personalium, existentia non sit illud, quod ultimo aduenit ipsis, ac proinde non minus in Diuinis, quam in crea-

tis, erit constitutiva personarum, si semel verum est, ut vult P. Blasius, illam exinde personam constituere, quia ultimo aduenit.

Secunda etiam solutio multò minus subsistere potest; plurimum enim inuoluit falsa, & cum doctrina communi Scholæ Thomisticæ non cohærentia: Nam in primis, quod dicit Humanitati non deesse existentiam absolutè sumptam, sed existentiam cum modo incommunicabilitatis, videtur P. Suarij, & sequacium opinioni adhærere subsistentiam scilicet esse modum determinatam existentiam, quod cum communi opinione Scholæ Thomisticæ pugnat. Omnes enim in hoc contra Suarium conueniunt, quod existentia non sit prior subsistentia, sed vel quid posterius illa, ut nos cum maiori parte Thomistarum dicimus, vel idem cum ipsa, ut opposita sententia, quam P. Blasius sequitur, contendit. Quod autem virtualiter in præsentia doctrina P. Blasij hæc Suarij sententia claudatur, manifestè ostendo: Nam cum in omnium sententia id, quod deest Humanitati Christi, quodque à Verbo suppletur, sit personalitas. Ergo si, ut vult P. Blasius, id quod deest Humanitati, quodque suppletur à Verbo, esse existentiam cum modo incommunicabilitatis, ita ut dictus modus sit id, quod primò, & principaliter deest, euidenter concluditur, quod, vel hic modus sit ipsa personalitas, vel certè sit constitutivus personalitatis; quæ inter terminis est sententia Neoterico-rum communiter à Thomistis rejecta.

iecta. Deinde falsissimum illud est, quod addit, modum illum incommunicabilitatis esse id, quod primò, & principaliter deest humanæ naturæ Christi; certum est enim, deesse illi propriam personalitatem. Ergo id primò, & principaliter deest, quod est primum, & principale in personalitate: Sed in personalitate prius est esse per se, quam esse incommunicabile, alteri, sicut & generaliter in quacunq; forma prius est effectus positivus, quam negativus, sicut rationale prius facit hominem, & deinde ex consequenti distinguit, & separat hominem ab omnibus non participantibus rationalitatem. Vnde esse incommunicabile est effectus secundarius, quamvis inseparabilis à supposito, quia est negativus, ut in simili docet nost: Complut: in *Physicis* disp: 4. de expulsiōe alterius formæ substantialis per aduentum nouæ in materiam; subsistere autem, siue esse per se, est effectus primarius proueniens à subsistentia, quem deinde consequitur incommunicabilitas, ut contra Scotum arguendo diximus.

Confirmatur hoc, quia comparatis his effectibus inter se, nullus dicit, quòd subsistere oritur ex incommunicabilitate, sed potius ex subsistentia oritur incommunicabilitas. Ergo &c.

Deinde ista non coheret cum P. Blasij doctrina: Ille enim explicans istum modum incommunicabilitatis, dicit, quòd nihil sit aliud, quam indiuiduatio ipsius existentiae; iam autem secundum

illum indiuiduatio existentiae est ab indiuiduatione naturæ, unde dicit, quod existentia est indiuidua, secundum quòd gradum indiuidualem naturæ substantialis respicit. Ergo cum in omnium sententia Humanitas Christi sit indiuidua, non deerit Humanitati indiuiduatio existentiae, sed, quod idem apud P. Blasium est, modus incommunicabilitatis, sed deest ipsa existentia, quæ indiuiduetur, ac per consequens ipsam existentiam indiuiduabilem à natura iam indiuidua supplebit Verbum. Ergo cum in Diuinis una sit tantum existentia absoluta, aliquid absolutum terminabit humanitatem, & cum absoluta sine communia Trinitati, omnes Personæ terminabunt, omnesq; erunt incarnatæ.

Vrgetur magis hoc ipsū; Nam natura creata indiuidua, ad omnimodam incommunicabilitatem non indiget alio, nisi ut subsistat, sitq; ut *Quod*, nam differentiae specificæ iam illam reddiderunt incommunicabilem alijs speciebus, & differentiae indiuiduales alijs indiuiduis, tantum ergo erat communicabilis, ut Quo, seu ut natura supposito. Sed hoc ipso quòd intelligatur subsistens, & præcisè omnibus alijs, redditur etiam hoc modo incommunicabilis; nec iam superest alius modus communicabilitatis, nisi ut subiectum accidentibus, quam non excludit, immò dicit suppositum, cum sit accidentium susceptivum, ergo natura indiuidua eo ipso, quòd intelligatur subsistens, in-

fel:

telligitur cum omnimoda Incommunicabilitate, & per consequens suppositum, seu in rationalibus persona. Ergo cum Humanitas Christi sit individua, hoc solo, quod ponatur subsistens, erit omnino Incommunicabilis, & per consequens persona. Ergo Id, quod illi deest, est solum subsistere. Ergo cum in sententia P. Blasij existere in natura individuali sit subsistere, posita sola existentia in natura individuali Christi, subsisteret, eritque suppositum humanum, seu persona, & per consequens sola existentia sine relatione faciet illam personam.

Per quod patet falsitas illius, quod dicit P. Blasius, quod scilicet relatio principaliter terminat: Nam præterquam relationi ex propria linea non conveniret terminare; si ex propria linea non supponeretur subsistens, (sicut in sententia P. Blasij non potest supponi, si verum est, quod ille dicit, subsistentiam esse idem cum existentia, nam in Divinis sicut unica est existentia absoluta, ita unica est & subsistentia.) Ad quid, quæso, ponit P. Blasius relationem in Humanitate Christi? Non potest enim poni ad incommunicabilitatem, quia relatio respectu tantum sui correlativi dicit, sicut oppositionem, ita & incommunicabilitatem. Vnde cum non opponatur personis creatis, sed Divinis, respectu creaturarum non reddet incommunicabilem: Neque est necesse, ut reddat incommunicabilem illam naturam Personis Divinis, quia ex communi sensu

Theologorum omnes Personæ Divinæ potuerunt terminare unam numero naturam humanam Christi, sicut de facto Divinam terminant. Ergo impertinens erit illa terminatio per relationem. Maxime cum iam per principia individuantia supponatur natura incommunicabilis omnibus individuis.

Diceret fortè P. Blasius, idè relationem Filiationis addi illi existentia absolute terminanti naturam humanam, ut sola Persona Filij dicatur incarnata. Sed hæc est manifesta petitio principij, respondet enim per hoc, quod est in questione; Et insuper, si semel Relationes Divinæ non habent propriam subsistentiam, ut illam, necesse est, eas non habere in sententia P. Blasij subsistentiam cum existentia confandentis; in Divinis enim (ut iam toties dixi) non est nisi unicum esse absolutum, iam impossibile esset, ut relatio terminaret aliquam naturam ad subsistendum; & sic impossibile esset, ut decretum Divinum fuisset de Incarnatione unius Personæ sine alia, præcipue eo modo, quo fuit facta, nimirum ad subsistendum; sed debuisset fieri decretum Divinum de Incarnatione secundum aliquod prædicatum absolutum, & commune, quod solam posset terminare ex suppositione; ac per consequens de Incarnatione non unius, sed omnium Personarum Sanctissimæ Trinitatis. Ergo ut ex hucusque dictis patet, ex sententia P. Blasij, per evidentissimas consequentias de-

du.

ducitur, omnes tres Personas Sanctissimæ Trinitatis fuisse incarnatas.


Probatur quartò, & ultimò nostra sententia efficacissima ratione ex Mystetio Sanctiss: Trinitatis. Quod multiplicatur realiter, non potest esse idem cum illo, quod non multiplicatur. Sed in Diuinis subsistentiæ personales multiplicatur realiter, sicut & ipsæ Personæ, ut ostendunt nost. Salmat: Tract: cit. de Trin: disp. 9. dub. 4. per totum; Existentiæ verò non multiplicatur, sed vnica existentia omnes Personæ existunt, ut fufissimè ostendunt iidem Salmat: Tract: citato disp. 7. dub. vnico per totum. Ergo in Diuinis non est idem existentia, & subsistentia, neque existentia erit constitutiuu Diuinarum Personarum. Ergo neque in creatis, cum ut supra contra Scotum diximus, debeamus proportionaliter de constitutiuo personæ creatæ dicere, quod fide docente, scimus de Diuinis, quia sicut ex Diuinis omnis Paternitas, iuxta Apostolum, ita etiam omnis personalitas.

Confirmatur. Quæ in Diuinis distinguuntur virtualiter, & ad diuersas lineas spectant, in creatis non solum realiter, sed etiam essentialiter differre debet, ut communiter docent Theologi, & euidenter conuincit eminentissima simplicitas Diuinorum. Sed in Diuinis existentia, & subsistentia personalis distinguuntur virtualiter, & ad diuersas lineas spectant; Existentia enim spectat ad lineam essentia, subsistentia verò perso-

nalis ad lineam relationis. Ergo hæc in creatis non solum realiter, sed essentialiter different, ac proinde existentia non poterit esse constitutiuu suppositi intrinsecè, quia hoc subsistentiæ tribuitur.

In contrarium est opinio confudentium subsistentiâ cum existentia, ac proinde docentium, illud, quod addit suppositum naturæ, per quodque ipsum in esse talis intrinsecè constituitur, esse ipsam existentiam, ut indiuiduam, idest existentiam, quatenus gradum indiuidualem naturæ substantialis respicit. Ita Zamel 1. p. q. 3. ar. 3. concl. 4. & q. 5. ar. 2. noster P. Blasius in sua Metaph: disp. 8. q. 3. & 4. citatque pro sua sententia Capreolum (sed immeritò, ut quæst: sequenti videbimus,) Paludanum Dezam; & alios plures. Probat suam sententiam pluribus argumentis, sed quia ferè omnia in incommunicabilitate suppositi fundantur, commodè solui non possunt, nisi prius hanc incommunicabilitatem explicemus; unde simul cum authoritati-

bns S. Doctoris, quas pro se adducit, ad quæstionem nonam, soluenda remittimus. Modò sit.



## QVAESTIO VII.

*Quid tandem est illud, quod  
suppositum addit naturæ  
singulari, & per quod in  
esse suppositi constituitur?  
Quidne sit Subsistentia.*

**R**efutatis aliorum opinionibus circa naturam subsistentiæ, rationem constitutivam suppositi, restat, ut nostram opinionem proponamus. Et quamvis adhuc confutanda remaneat communis opinio Neotericorum, qui subsistentiā ponebant esse modum quendam superadditum existentiæ, ex eo, quod credant existentiam, & essentiam non distingui realiter; Sed quia hæc illorum opinionem confutandi proprius locus est in Tractatu de existentia, ideo ad illud refutandum remittimus. Pro nunc.

Dicendum est: Illud, quod suppositum addit naturæ individuae, est Realitas quædam media (vel quasi media) inter naturam, & existentiam, quæ est terminus purus, ultimus, & intrinsecus naturæ, complens illam, & faciens, ut *Quod*, & immediatè susceptivam existentiam, & hæc realitas vno nomine vocatur, in Scholis *Subsistentia*. Ita omnes Authores quæst: præced: relati, quantum ad substantiam, quamvis in aliquibus punctis non omnes conveniant, ut explicantes Conclusionem adnotabimus. Et quæ hæc ipsissima mens S. Doctoris, ut ex ipsius au-

thoritatibus in quæstionibus antecedentibus, & præcipuè ex his, quas in quæstione immediatè præcedenti retulimus, satis patet. Explicanda est, nostra Conclusio, & quantum ad singulas partes confirmanda, ut postmodum faciliè generalis ratio pro ipsa deducatur.

§. I. *Quod subsistentia sit res,  
& non modus.*

**I**N primis ergo dicimus, illud, quod addit suppositum supra naturam singularem, esse realitatem quandam. Per hoc excludimus opiniones non solum iam refutatas, substantiam vel in aliquo negativo, vel in conceptione abstracti, & concreti; vel in connotatis extrinsecis constituentium, sed etiam opinionem aliquorum nobiscum sentientium, qui substantiam credunt esse modum, quendam naturæ superadditum, cuius opinionis sunt Suar: Vsq; & plures ex Neotericis; ex Thomistis verò Societatis à Bann: 1. p. q. 3. ar. 4. dub. 1. concl. 6. & ultima, & ipse Bannez illam reputat probabilem, quamvis nostram, velut probabiliorem, siquatur.

Est ergo nostra sententia, substantiam esse rem, prout res distinguitur à modo; unde substantia distinguetur à natura, tanquam res à re, non autem tanquam modus à re, & ad hoc explicandum vocamus illam realitatem. Sequimur in hoc gravissimos Thomistas Caietanum, Bannez, Nazarium, & alios ex supracitatis in præcedenti quæstione.

Pro:

Probat<sup>ur</sup> facile; nam iuxta hunc dicendi modum melius intelligitur *Mysterium Incarnationis*: cum enim modus in hoc distinguatur à re, quod nec intellecta quidem sit ab illa separabilis, non enim possum concipere modum, quin saltem implicite concipiam rem, cuius est modus, v.g. non possum concipere sessionem, quin concipiam sedentem; quantumvis enim velis mente abstrahere, sessionis speciem non habebis, nisi illam flexuram corporis sedentis concipias, & hoc voluerunt, credo, explicare Philosophi, quando modum definientes dicunt, quod sit adiacens rei determinatio, quasi essentia ipsius sit adiacere rei inseparabiliter, non tantum, sed etiam ratione; multa enim, quæ sūt verè res ob intimam connexionem separari non possunt realiter, ut patet de relatione, quæ à fundamento, & termino est omnino inseparabilis, manente utroque. Cum ergo modus ita adiaceat rei, ut ab illa separari non possit, difficile explicari potest, si subsistentia esset modus, quomodo possit suppleri à Verbo, cuius subsistentia, in omnium sententia res est non modus.

Confirmatur primò, quia verè possum concipere subsistentiam non còcepto subsistēte. Ergo, &c.

Confirmatur secundò, quia còplementum substantiæ dans illi ultimam perfectionem, & constituens illam in esse primæ, idest perfectissimæ substantiæ, non potest esse modus, sed res; quomodo enim à minutissima, & debilis-

sima entitate modali tanta perfectio oriri potest? Ergo &c.

Còfirmatur tertio, quia si causalitas causarum intrinsecarum non potest suppleri à Deo ob illarum imperfectionem, quanto magis repugnabit Deo supplere aliquem modum, tantam à re modificata dependentiam dicentem? Ergo cum fide docente sciamus, subsistentiam esse suppletam à Verbo, debemus tenere, illam modum non esse, sed rem.

Neque aliquid solutione dignū adducunt Auctores oppositæ sententiæ: Illorum enim rationes ad duo omnes, reducuntur. Primò nimirum, quia nolunt multiplicare entia, sine necessitate. Secundò, quia dicunt, sola distinctione modali saluari omnia circa *Mysteriū Incarnationis*; vnde cum ex hoc mysterio occasionem sumpserint Scholæ inuestigandi distinctionē suppositi à natura, non est necesse maiorem ponere, quam hoc, mysterium poscat, sed utrumque iam ex dictis solutum manet; nā & necessitas ponendi istam realitatem complementem intrinsecè naturam in linea naturæ est ipsa incompletio naturæ in sua linea; & cum non videatur per aliquid Diuinum posse suppleri modum, adeò à modificato dependentem, ut sine illo ne quidē concipi possit, habetur ergo ex dictis, subsistentiam esse rem, & non modū.

Quod adhuc ulterius còfirmare possum à negatione definitionis, ad negationem definiti: Nam modus est adiacens rei determinationi: Sed subsistentia non est ad-

Y y iacens

iacens rei determinatio. Ergo subsistentia non est modus: Maior est definitio modi communiter in Scholis recepta. Minor verò prob: nam si esset subsistentia alicuius rei determinatio, maxime naturæ, cui adiacet, tanquam terminus terminato. Sed non potest esse determinatio naturæ, quia nullam ab illa indifferentiam tollit; Non specificam, vel numericam; utraq; enim iam supponitur sublata, illa per formales, ista per materiales, siue individuales differentias; non ad essendum, vt *Quo*, vel vt *Quod*, neque ad essendum terminatam proprio termino, vel alieno (qui duplex indifferentiæ modus poterat in natura excogitari per subsistentiam auferibilis,) sed quia uterque respectu extremorum supponit diuersam in natura potentiam; primus enim est secundum potentiã, quam natura habet à parte rei, & secundum potetiam, quam habet in intellectu; nam cum natura à parte rei non sit extra suppositum, à parte rei semper est, vt *Quod*, & tantum per intellectum separantem naturam à supposito, potest esse, vt *Quo*. Secundus autem modus est iuxta potentiam naturalem, & obedientialem; nam ad essendum in proprio supposito habet potentiam naturalem, ad essendum verò in alieno, obedientialem: Hinc est, quòd respectu istorum, non possit esse indifferens; indifferens enim (vt ipsū nomen sonat, & aduertunt nostri Salmat: Tom. 3. Tract. 10. disp. 2. n. 28.) videtur significare capaci-

tatem, seu potentiam ad plura, & ad nullum illorum determinatam. Ergo secundum diuersas potentias non potest attendi; nam unaquæque illarum potentiarum est determinata ad suum actum; unde quamuis ego per potentiam obedientialem possim volare, non dicor tamen propriè indifferens ad volandum, & non volandum, quia ad non volandum mea potentia naturalis est determinata. Ergo subsistentia non est determinatio rei, cui adiacet, & per consequens non modus, sed res.

### §. 2. Subsistentia est prior ipsa Existentia.

Secunda particula nostræ assertionis dicit, illam realitatem esse mediam inter naturam, & existentiam: per quod contradicimus, cum omnibus Neothericis, qui existentiam ab essentia non distinguunt; ac proinde dicere debent, prout & dicunt, subsistentiam, sicut naturam, ita & existentiam aduenire; tunc illis Authoribus, quos præcedenti quæst. refutauimus, qui existentiam, & subsistentiam confundebant; Sed quia horum opinionem satis efficaciter refutauimus.

Contra illos pro nostra assertionem argumentor breuiter. Individuum naturæ substantialis prius debet habere totalitatem, quam existentiam; prius enim, ac intimius rebus conuenit ratio totius, vel partis, quam existentia. Ergo cum natura, etiam individualiter sumpta,

sumpta, per seipsam incompleta sit, & veluti pars substantiæ primæ, seu hypostasidis, cui soli competit totalitas substantialis, debet prius terminari, & compleri per subsistentiam, quàm intelligatur existens.

Arguit primò contra istud nostrum dictum sic P. Suar: Si subsistentia antecederet existentiam, non posset facere compositionem actualem cum essetia; compositio enim actualis requirit extrema actualia. Ergo cum ante existentiam nulla sit actualitas in essentia, si subsistentia antecedit existentiam, non poterit componere cum natura, illamque terminare. Confirmatur; quia essentia ante existentiam est realiter nihil: quomodo ergo cum nihilo fiet compositio.

Resp: quòd adhuc loquendo de compositione rigorosa, qualem nos inter naturam, & suppositum negamus, falsum est, requiri ad compositionem realem actualem, entitates componentes esse actuales; sufficit enim esse entitates reipsæ, ut patet in compositione, quæ fit inter materiam, & formam, ubi materia non est entitas actualis, sed entitas reipsa. Deinde negamus, essentiam ante existentiam non esse actualem actualitate essentia, quâvis non sit actualis actualitate existentis; immo addo, quòd tunc, cū terminatur natura per subsistentiam ista est actualis etiam actualitate existentis, non quidem in facto esse, sed in fieri, quia tunc intelligitur iam proximè, & immediate egredi extra omnes

causalitates: per quod patet responsio etiam ad Confirmationem.

Arguit secundò, idem P. Suar: Figmentum est, assignare pro existentia aliquam potentiam receptivam: nulla enim est potentia respectu existentia, nisi actiua, & obiectiua. Ergo &c.

Resp: Suarez hoc dicit, sed non probat; unde etiam nos simpliciter possemus negare, nullam negationis assignando rationem, sed ut videat, quàm fundamentaliter Thomistæ assignant existentia creatæ potentiam receptivam, adduco rationem efficacem negationis: nam cum actus irreceptus sit actus illimitatus, & infinitus, si existentia non haberet potentiam receptivam, in qua, & à qua limitaretur, sicut esset irrecepta, ita esset illimitata, & infinita, quod existentia creaturarum repugnat, ut Deo dante, in Tractatu de Existencia fusiùs explicabimus.

Arguit tertio, quia ex nostra sententia sequitur, Humanitati Christi duas entitates deesse, videlicet subsistentiam, & existentiam creatas, ac per consequens duplicem unionem factam ibi fuisse cum Verbo, alteram ad subsistendum, alteram ad existendum: ex quo sequitur, quòd cum existentia in Divinis sit unica, & communis toti Trinitati, ratione illius alterius unionis, quæ erat ad existendum, omnes Personas fuisse incarnatas. Ulterius ex nostro principio sequitur, posse unam unionem istarum separari ab alia, de potentia absoluta atq; ita humanitatem personatam propria



personalitate, posse vniri existentiz Diuinæ, vt per illam existat, etiam si nō vniatur Diuinæ Personæ, vt suppositetur, quæ cum sint absurda, non est admittenda aliqua entitas media inter existentiam, & essentiam, per quam natura reddatur capax existentiz.

Resp. concedendo, Humanitati Chriti deesse duplicē illam realitatem, sed negandum est, illam suppleri à Verbo per duplicem vnionem; cum enim Verbum sit sua existentia realiter, eo ipso, quòd fuit vnita personalitati Verbi, fuit per eandem vnionem vnita etiam ipsi existentiz, non absolutē sumptæ, secundum quòd est communis, sed vt determinatæ ad Personam Verbi per relationem personalem ipsius, quæ relatio ratione suæ subsistentiz personalis terminabit immediatē Humanitatem, vt in materia de Incarnatione docent Theologi. An verò possit humana natura iam terminata propria subsistentia, assumi ad existendum existentia Diuina, (quod vltimò infert Suarez) dicemus, soluendo argumenta Patris Blasij, nam hoc ipsum argumentum Suariz, P. Blasius pro sua sententia adducit. Istæ sunt instantiz P. Suarez.

Arguit quartò Valquez. Sequeretur ex nostra sententia, prius natura constitutum, & productum, esse suppositum extra causas, quàm habeat existentiam. Sed hoc repugnat, cum per existentiam res ponatur extra causas. Ergo &c. Sequela prob. Siquidem suppositum constituitur illa entitate reali, quæ

prior est quàm ipsa existentia. Ergo &c.

Resp. Maiorem esse bimbrem, & secundum vnum membrum, nimirum quòd ex nostra sententia sequatur, suppositum esse constitutum ante existentiam, verissima est, & conceditur; nec Valquez falsitatem illius probat, vel probare poterit: Quantum verò ad aliud, quod infert ex nostra sententia, nimirum ex illa sequi, suppositum ante existentiam esse productum, & extra causas, falsa est: nam vt benè dicit, ponere rem extra causas, sine existentia, esse non potest, cum sit effectus formalis ipsius. Ad probationem verò istius sequelæ dicimus, naturam per additionem illius nostræ entitatis cōstitui quidem in esse suppositi, non tamen in esse existentis extra causas in facto esse, hoc enim non habet ab illa realitate, sed ab existentia spectat, quæ est vltima rerum actualitas.

§. 3. Quòd propriè, & rigorosè loquendo, subsistentia respectu nature nullam causalitatem exerceat.

**D**iximus tertio in nostra assertionem hanc realitatem mediam inter essentiam, & existentiam esse terminum purum, & intrinsecum naturæ, vt à subsistentia omnem causalitatis modum excluderemus respectu naturæ, quam

quam terminat : Nam respectu operationum habeatne, vel non habeat aliquem influxū, vel causalitatem ? infra dicemus, explicantes illud axioma, *Actiones sunt suppositorum*; nunc vero illam, dicimus, nullam causalitatem exercere respectu naturæ, sed comparari ad illam, ut purè terminum ad terminabile. Et de efficienti quidem per se patet; quia cum, præcedat existentiam, effectivam causalitas illi competere non potest, quæ exigat *esse*. De alijs vero causarum generibus videtur esse aliqua difficultas: Nam in primis videtur, rationem causæ finalis habere, cum constituat quid perfectissimum in natura, & per consequens, sicut natura ordinatur ad suppositum, ita etiam ad hanc realitatem constitutivam, suppositi.

Et confirmatur, quia cum quælibet natura ordinetur ad *esse*, tanquam ad finem ultimum in naturalibus, ordinabitur ad istam realitatem, saltem tanquam ad finem intermedium, hæc enim illam constituit in esse susceptivi immediati existentie. Similiter de causalitate formali videtur esse aliqua difficultas: Cum enim hæc realitas adveniat naturæ, & faciat unum per se cum illa, & adveniat ut incompleto completum, recipietur utique in natura, istaque comparabitur ad illā, tanquam potentia, & pars materialis, illa verò ad ipsā, tanquam actus, & forma. Tandem videtur, causalitatem materiale ipsi competere. Tū quia ab ista realitate habet natura esse per se.

Ergo ista realitas est sustentativa naturæ. Ergo habet rationem cause materialis respectu ipsius. Tū etiam quia complementum ultimum alicuius causæ reducitur ad genus illius causæ; Ergo cum hæc realitas sit ultimum complementum naturæ in esse susceptivi existentie, ut diximus, complebit illam in ratione causæ materialis, ac per consequens exercebit causalitatem respectu naturæ ad genus causæ materialis spectantem. His tamen non obstantibus.

Dicimus, Subsistentiam esse purum terminum naturæ, ac proinde nullam causalitatem respectu naturæ exercere. Ita Caietanus, & communiter Thomistæ. De causis intrinsecis id facile probatur; quia Verbum supplevit subsistentiam creatam Humanitatis Christi: iam autem, ex communi sensu Theologorum, causarum intrinsecarum causalitates à Deo suppleri non possunt, cum intrinsecè dicant imperfectionem. Ergo &c.

De causa autem finali potest probabiliter sustineri, illam posse subsistentiæ competere; nullam enim habet repugnantiam cum ratione termini, quæ talis: Tamen ad salvandum; subsistentiam esse purum terminum, probabilius est, illam neq; rationem causæ finalis habere: Vnde etiam communiter à Theologis dicitur, quòd in Mysterio Incarnationis unio personalis secundum nullū genus causæ attenditur; Et ratio videtur aperta; nam loquendo in creatis prius competit naturæ, subsistentiæ, quam esse. Cum ergo tota bo-

mitas fundetur in esse, & ut docēt  
nost: Complut: in *Physica disp:*  
14. q. 3. sola bonitas sit, per quam  
finis causat, planē sequitur, substi-  
tēntiam sibi usurpare non posse. Ma-  
neat ergo, substantiā puram  
terminum esse omnis causalitatis  
expertem: Tamen Caietanus loco  
citato paulō inferiūs, verius finē  
Commenti, in responsione ad se-  
cundum dubium, limitat hanc  
sua doctrinam, & dicit, quōd li-  
cet in creatis personare, & perso-  
nari non nihil causalitatis habeat  
annexum, formaliter tamen (ut su-  
perius de eo communiter diximus,  
sine causalitate comparari ad na-  
turam) sublato omni eo, quod im-  
perfectiois est, ut in Diuinis inue-  
nitur, nullam causalitatem includit.  
Mouetur autem ad hoc dicendū  
authoritate S. Doctoris qui 3. p.  
q. 1. a. 1. ad 2. dicit, quōd ex ani-  
ma, & corpore constituitur in uno-  
quoq; nostrum duplex unitas, natu-  
ræ, & personæ. Sed certē ex hac  
authoritate licet benē inferatur,  
(ut infert id. m. Caietanus) substi-  
tēntiam esse distinctam entitatem  
ab entitate naturæ: vbi enim du-  
plex unitas, duplex debet esse &  
entitas, cū Vnum, & ens con-  
uertantur, non video, quomodo  
Caietanus inferat aliquam causa-  
litatem in substantia respectu  
naturæ. Sed quidquid sit de hoc,  
ego potius dicerem, quōd cū  
radix individuationis sit materia,  
inde potius posset natura compa-  
rari ad substantiam creatam, rā-  
quā quid materiale ad forma-  
le, quia substantia adueniens na-

turæ (non tamen recepta in ipsa:  
hoc enim rationi ipsius repugnat)  
individueatur; & sic poterit hæc  
mutua causalitas, vel potius ali-  
qua umbra causalitatis materia-  
lis, & formalis inter ipsas inueni-  
ri: Hæc tamen non potest inferri  
de substantia Verbi, quia hæc  
cū sit essentialiter singularis,  
non individueatur à natura, quam  
terminat.

Ne verò gratis videamur di-  
xisse, substantiam esse terminū,  
probatum hoc duplici ratione Cai-  
etani Theologica, & philosophi-  
ca. Theologica quidem; Nam  
personare, & personari sunt ter-  
minare, & terminari ultimatē. Er-  
go personalitas, ac per consequēs  
substantia est terminus ultimus.  
Conseq. patet, & prob. Anteced.  
ex communi phrasi Theologorū,  
qui personari naturæ humanæ à  
Verbo dicunt terminari, & natu-  
ram personatam vocant termina-  
tam. Philosophica verò ratio est  
ex apparentibus substantijs ho-  
mogeneis, in quibus videmus,  
omni causalitate circumscripta,  
per solam divisionem generari  
diuersa supposita, v.g. ad divisio-  
nem aquæ, vel ligni. Ergo cū  
propriū sit terminorum ex di-  
uisione resultare, substantiæ,  
quæ constituunt supposita, erunt  
termini, non qualescunq; sed vlti-  
mi, nō quidem tales per negatio-  
nem alicuius ulterioris extrinse-  
ci, sed intrinseci: substantia enim  
est, quæ ex intrinsecis naturæ vl-  
timò potest aduenire.

Illæ rationes dubitandi circa  
causalitatem substantiæ soluun-  
tur

tur facile. Et primò de causa finali dicimus, subsistentiam quidē constituere suppositum, quod est quid perfectissimum in genere substantiæ, & quòd natura ordinetur ad hoc perfectissimum: Sed hoc intelligitur de supposito non absolute, sed ut connotante existentiam, sine qua connotatione omni perfectione caret. Et iussuper hæc perfectio non est in supposito alia à perfectione naturæ, quamvis ad hoc, ut illam natura explicet, requiratur subsistentia. Et ratio huius est, quia cum omnis perfectio, & bonitas fundetur in esse, ut tam diximus de passionibus entis, & essentia comparetur ad esse, ut principium, suppositum autē, ut subiectum, iam verò per prius videtur participare perfectionem, quod est principium ipsius, quam quod est purum subiectum, quia illa principium videtur in se præhabere, inde est, quòd naturæ debet potius competere perfectio, & bonitas, quam supposito: Per quòd patet ad Cōfirmationem.

Adde, quòd suppositum tātum dicitur perfectum, & perfectius natura, quia est completum, completusque naturam de se incompletam, sicut v. g. domus sine tecto dicitur incompleta, & imperfecta, domus verò cum tecto, completa, & perfecta: Et sic eodem modo poterit natura ordinari ad suppositum, suppositumque dici finis naturæ eo modo, quo finis fabricationis est domus perfecta, & completa; sed ut advertunt nost. Salmat: Tomo 3. in explica-

tione tituli quæstionis primæ S. Thomæ ex 1.2. n. 2. hæc acceptio finis, (sicut & aliæ plures, quas ibi recentent) est impropria, neque spectat ad cōceptum finis, ut causa est. Et hæc solutio videtur esse fundamentalis, & integrè sopire difficultatem.

Ad illud verò, quod de causalitate formali dicebatur, facile patet solutio. Dicimus enim, subsistentiam terminare quidem, & complere naturam, quod est proprium termini, non tamen recipi in ipsa, ac proinde non exercere rationem causæ formalis propriè dictæ erga ipsam.

Similiter illa, quæ pro causalitate materiæ adducebantur, non conuincunt: dicimus enim, ab illa realitate subsistentiæ materiam habere esse per se, non ut in quo, seu, ut à quo: & ideò non est subiectum sustentans illam, sed terminus complens illam, & dās illi, ut possit esse per se, & ut quod, similiter ad secundum dicimus, concedendo, quòd subsistentia compleat naturam ad hoc, ut in supposito sit susceptiva existentie, & similiter concedimus, quòd ratione huius reducatur ad genus causæ materialis, sed negamus, quòd hoc sit respectu naturæ, sed erit respectu existentie, quam recipit. Nos verò nō negamus, subsistentiam constituere naturam in ratione subiecti existentie, immò hoc est nostrum perpetuum assertum, sed quod negamus, est, subsistentiam respectu naturæ aliquam causalitatem exercere.

§. 4. *Quòd Subsistentia cum natura propriam, & rigorosam compositionē non faciat; Vbi etiam explicatur celebris illa Thomistica distinctio compositionis in compositionem ex his, & cum his.*

**E**st & aliud, quod per illam particulam, *Terminus purus*, volumus intelligi, nimirum subsistentiam cum natura compositionem rigorosam non facere: hoc enim proprium est terminorum, ut patet in indiuisibilibus quantitatis: neque enim dicimus, quòd linea componatur ex partibus, & punctis, sed quòd ex solis partibus componatur, punctis verò, vel continetur, vel terminetur. Ita Caiet. loco supra citato ex 3. parte, §. Patet tertio de compositione, &c. fusius in eadem 3. p. q. 2. a. 4. §. ad tertium dubium &c. sequuntur communiter Thomistæ.

Et quia in hac nostra determinatione duo videmus dicere; primum, quòd ex natura, & subsistentia fiat aliqua compositio; Secundo, quòd illa compositio non sit rigorosa; utrumque ergo probandum est.

Primum probatur primò, ex auctoritate S. Tho: Tùm 4. contra gentes cap. 49. vbi in solutione sextæ objectionis dicit, quod *natura humana sit simplicior, quam Verbum, in quantum Verbum est hic homo*. Iam autem Verbum, vt

est hic homo, dicit complexum ex natura humana, & subsistentia Verbi. Ergò ex natura humana, & subsistentia Verbi facta est aliqua compositio; aliàs in hoc excederetur in simplicitate à natura absolutè sumpta, & consequenter etiam ex natura, & personalitate, siue subsistentia creata à fortiori erit aliqua compositio; compositio namque magis pertinet ad imperfectionem, quàm ad perfectionem. Ergo si cõpetit illi vnioni ineffabili, & perfectissimæ, multò magis competet imperfectioni Creaturarum. Tùm etiam ex 3. p. q. 2. a. 4. in c. vbi S. Tho: dicit, *Personam Christi post Incarnationem esse compositam*: & vt aduertit Aluarez de Incarnat: disp: 12. hoc verum est non solum de compositione ex duabus naturis vnus Personæ, sed etiam de compositione ex natura, & personalitate. Idemque docet Angelicus Doctor pluribus alijs locis, & sequuntur communiter Theologi in Tractatu de Incarnatione.

Prob: secundò ratione; nam compositio est duorum distinctorum vnio. Sed natura, & subsistentia distinguuntur realiter, vt iam probauimus. Ergo quando vniuntur, faciunt compositionem.

Confirmatur; nam, vt deducunt nost: Salmatic: Tomo 2. Tract: 6. disp: 5. dub: 2. (arguendo contra Scotum alientem, relationes distinguui ab Essentia Diuina formaliter ex natura rei, & ante omnem operationem intellectus, & deducendo illum ad hoc impossibile, quod ex eius sententia

se.

ſequeretur , Perſonam Diuinam eſſe compoſitam, duorum diſtinctionum vnio ſine compoſitione eſſe, & intelligi non poteſt, adeò vt quo modo duo illa vnita diſtinguuntur, talis erit còpoſitio, ita, quòd ſi diſtinguàtur, vt actus, & actus, quando vniuntur, erit còpoſitio per accidens; ſi diſtinguàtur, vt actus, & potentia, ſiue rigoroſo, vt v.g. materia, & forma, ſiue non, ſicut terminus, & terminabile perfectiũ, & perfectibile completiũ, & completibile, facient compoſitionem perfectam: Rurſus ſi diſtinguantur, vt res, & res, facient compoſitionem realem; ſi verò vt res, & modus, facient compoſitionem modalem, cuius ibi adducunt exemplum in valde probabili (vt loquuntur Salmat: ) aliquorum Thomiſtarum ſententia putantium, ſubſiſtẽciam eſſe modum, quæ iuxta huius probabilis opinionis principia faciet cum natura compoſitionem modalem: & ſic verum eſt, quòd vbiq; diſtincta vniuntur, ſit compoſitio. Ergo &c.

Aduerte hic ex eorundem Salmat: doctrina, etiam in hoc imitari ſubſiſtẽtiam cauſalitẽ formæ, quia complet, & terminat naturam, vt quid completibile, & terminabile, non tamen eſt rigoroſe forma, quia nec recipitur in natura, nec natura dicitur ſimpliciter potẽtia reſpectu ipſius, & tandem quia nõ potuiſſet ſuppleri à Verbo.

Secundum verò, quod ſcil: non ſit rigoroſa compoſitio inter naturam, & ſubſiſtẽtiam, probatur cum ex his, quæ de puncto, & li-

nea diximus. Tum etiam, quia omnis vera compoſitio, faciens vnum per ſe, debet eſſe ex partibus, quæ ſint verè tales, & inſuper, quarum vna ſit potentia, & alia actus, vt patet in omnibus compoſitionibus propriè, & rigoroſe talibus: Nam & in compoſitione phyſica, quæ ſit ex materia, & forma, materia eſt potentia, & forma, actus, vtraque autem eſt vera pars compoſiti; & in compoſitione metaphyſica; quæ ſit ex eſſentia, & eſſe; & in compoſitione logica, quæ ſit ex genere, & differentia, idem cernere licet. Sed in hac noſtra compoſitione, quæ ex natura, & ſubſiſtẽtia conſtituitur ſuppoſitum, neutrũ inuenitur; nam neq; ſunt veræ partes, neq; còparantur inter ſe, vt potentia, & actus; vt ex ſupra dictis patet. Ergo &c. Tum deniq; quia eo modo componuntur, quo modo diſtinguuntur. Sed nõ diſtinguuntur rigoroſe, quia ſubſiſtẽtia eſt aliquid naturæ, ſicut generaliter terminus eſt rei terminatæ: Ergo neque rigoroſe componentur, ac proinde hæc compoſitio, etſi ſit vera, non tamen rigoroſa. Et iuxta hanc explicationem intellige Caietanum, quando 3. p. q. 4. ar. 2. dixit, quòd *inter terminum, & terminatum nulla eſt compoſitio*; per ly enim nulla non excluſit Caietanus omnem compoſitionem: ( vt illum malè intellexit, & impugnât Suar: ) nam expreſſe admittit compoſitionem aliquam inter terminum, & rem terminatam eadem 3. par. q. 2. ar. 4. §. ad tertium dubium, ſed per ly *nullam* excluſit omnem

compositionem, quæ rigorosè sit talis, ut verborum ipsius sèsus sit: Nulla rigorosa compositio intercedit inter terminum, & terminatum.

Ex quibus collige, quàm subtiliter Caietanus loco modò citato distinxerit compositionem in compositionem *ex his*, & compositionem *cum his*, & hanc secundam tribuit naturæ, & substantiæ, & generaliter termino, & terminato. primam verò de ijs negat: quæ Caietani distinctio, quia multis displicet, (quamvis à plurimis, immò ferè ab omnibus Thomistis probatur) explicanda, & probanda hoc loco est. Sed in primis vis terminorum percipi debet, quid nimirùm significet compositio *ex his*, & quid compositio *cum his*; non enim eodem modo hanc Caietani distinctionem intelligunt etiam ex illis, qui illam approbât.

Nam in primis Nazarius l. p. q. 50. ar. 2. contr. 4. §. ultimo, videtur sic explicare compositionem *ex his*, ut sit illa, quando ex unitis partibus resultat aliquid tertium: Compositionem verò *cum his* per oppositum, quando aliquid tertium non resultat: Vnde infert, compositionem ex natura, & substantia esse *cum his*, quia hypostasis non est alia substantia præter naturam compositam ex materia, & forma. Sed hæc explicatio subsistere non potest: Cùm enim, ut docent nost: Complut: in Physicis disp: 6. q. 4. Totum non sit aliqua entitas distincta à partibus simul sumptis, & unitis, nulla daretur compositio *ex his*, cùm

in nulla compositione confurgat aliquid tertium à partibus simul sumptis, & unitis distinctum.

Deinde P. Mazziotta tomo primo quæst. selectarum q. 7. n. 39. sic hanc distinctionem intellexit, ut compositio *cum his* conueniat parti, & non toti: compositio verò *ex his* conueniat toti, & non parti; sicut v. g. materia, quæ est pars, cùm est unita formæ, dicitur esse composita, idest simul posita cum formâ, non autem composita ex formâ, ut patet ex terminis; Sicut à contrario totum (v. g. humanitas) non dicitur esse compositum cum alio, sic enim habere rationem partis, & non totius, siquidem cum alio componeret totum: Quæ explicatio, etsi subtilis, & verè alias usurpari potest, non tamen est iuxta mentem Caietani, qui longè aliter hic compositionem *ex his*, & *cum his* sumit: Caietanus enim aliquibus concedit compositionem *ex his*, & negat compositionem *cum his*; Iam autem iuxta hanc expositionem P. Mazziotte, ubicunq; inueniretur compositio *ex his*, inueniretur compositio *cum his*, quia in quacunq; compositione inueniuntur componentia, & compositum; & sic compositio ad componentia relata, esset, *cum his*, ad compositum verò, *ex his*.

Vera ergo mens Caietani est, tunc esse compositionem *ex his*, quando utrumque componentium est vera pars, vna actualis, & alia potentialis; tunc namq; *ex his* confurgit vnum totum compositum. Compositio verò *cum his* est, quæ

do vnum componentium est totum, cui aliud adiungitur, non tãquã compars ad constituendum totum, sed tanquã terminus, & complementum alicuius incompleti: tunc enim verè non erit cõpositio *ex his*, quia ex ipsis non confluit totum, sed supponitur, erit tamen compositio *cum his*, quia terminus, & complementum additum illi toti in completo, & nondum terminato, facit illud cõpletè, & perfectè totum. Ex quo patet, idem esse compositionem *ex his*, ac compositionem rigorosam, sicut etiam compositionem *cum his* cum compositione non rigorosa coincidere.

Patet ulterius, compositionem naturæ, & subsistentiæ non esse *ex his*, sed *cum his*. Et ratio est manifesta, quia natura iam cum sua integritate, & totalitate essentiali præsupponitur, & tantum eget complemento suæ totalitatis, quo habito, fit suppositum, & in rationalibus, persona: Vnde aduerte, quod non sic ex natura, & subsistentia fit persona, sicut ex materia, & forma cõpositum; ibi enim nulla partium dicit totum, quod dicit compositum, hic verò natura dicit totum, quod dicit persona, quia etiam illud complementum, quod superaddit, clauditur intra terminos naturæ adæquatè sumptæ; & insuper etiam sumpta natura, vt contradistincta à subsistentia, non sumit ab ipsa totalitatem, sed complementum totalitatis. Neq; mireris dùm audis compositionem sine partibus; habes enim expressè apud S. Doct:

compositionem absque partibus inueniri posse; Explicàs enim Angelicus Doct: 3. p. q. 2. a. 4. quomodo fuerit Christus compositus ex natura humana, & Diuina, & quod illæ Naturæ non habeant (sicut non possunt) rationem partium, cùm tamen compositio debeat esse ex partibus, dicit in responsione ad 2. *Dicendum, quod illa compositio personæ non dicitur ratione partium, sed potius ratione numeri; sicut omne illud, in quo duo conueniunt, potest dici ex eis compositum.* Ecce habes expressam mentem S. Tho: quo modo possit esse vera compositio sine partibus. Maneat ergo, compositionem ex natura, & subsistentia non esse compositionem rigorosam, seu *ex his*, esse tamen compositionem lato modo, seu *cum his*.

Sed hæc Caietani doctrina plures Aduersarios habet; præcipui sunt P. Suar. & P. Blasius, multaq; contra ipsam obijciunt; & Suarez quidem nihil dignum solutione dicit; impugnat enim Caietanum, velut omnem compositionem à supposito, qua tali, excludentem, probatq; multis argumentis, ibi compositionem inueniri, quod & nos libenter cum Caietano concedimus, vt ex dictis patet, P. Blasius aliqua obijcit difficultatè præferentia, & solutione digna.

Primò ergo arguit contra id, quod dicimus, subsistentiam cum natura non facere compositionem rigorosam. Nam iuxta D. Thomam Cap. 5. de ente, & essentia. *Quid quid non est de conceptu essentie, &*



*quidditatis, hoc est adueniens extra, & faciens compositionem cum essentia.* Sed illa entitas Caietani, nimirum subsistentia, non est de conceptu essentia. Ergo facit compositionem cum illa. Et vrgeo in fauorem P. Blasij, quod illa verba S. Doct: non possunt explicari de compositione non rigorosa, quia ibi agebat de compositione ex essentia, & esse, quæ secundum nos est rigorosa.

Resp. ipsum S. Doct: soluisse hanc obiectionem, & instantiam; ipse enim explicuit se, quid intellexeret per illud, *quod non est de conceptu essentia*, adiungēs, *hoc est adueniens extra*: quo significatur, actum extrinsecum, qualis est existentia, facere veram, & rigorosam compositionem cum essentia, non tamen terminum intrinsecum, quia hic non est omnino extra conceptum essentia adæquatè sumptæ, ut iam toties diximus.

Secundo arguit P. Blasius contra idem, & efficaciter. Quæ concurrunt, tanquam actus, & potentia propriè dicta, ad constituendum aliquid per se vnum, faciunt compositionem rigorosam; Sed essentia, siue natura, & subsistentia sic se habent. Ergo &c. Maior, & Conseq. patent. Minor verò probatur. Subsistentia complet, & perficit naturam, & ideo suppositum dicitur quid completissimū, & perfectissimū in genere substantia. Ergo subsistentia debet esse aliquis actus maximè perfectus. Ergo cum actus, nisi sit per se subsistens, irreceptus, & infinitus, sit correlatiuus potentia, quæ

perficit, & in qua recipiatur, sicut subsistentia habet rationem actus, ita natura rationem potentia. Ergo &c.

Confirmatur. Omne ens, aut est actus, aut potentia ex Philof. 9. Metaph. Textu 1. Sed subsistentia, secundum nos, est ens, & non est potentia relata ad essentiam. Ergo erit actus; tunc sic: non est actus irreceptus, aliàs esset infinitus, quia iuxta S. Tho: actus irrecepti sunt actus infiniti. Et ideo 1. p. q. 5. a. 2. ad 4. dicit, quod Angeli, quia sunt formæ subsistentes, & irreceptæ in materia, sunt infiniti inferiūs, in quantum non recipiuntur in alio, quamuis sint finiti superiūs, quia recipiuntur ab alio. Ergo subsistentia est actus receptus in alio; sed non est assignabile aliud receptiuum ipsius, nisi natura, vel essentia; Ergo illa erit potentia. Ergo compositio ex illis erit ex potentia, & actu. Ergo &c.

Nec valet, si dicas, inquit P. Blasius, subsistentiam limitari à natura, non quia recipiatur in ipsa, sed quia terminat ipsam.

Nam contra est, inquit. Natura creata non limitat subsistentiam, quia illam terminat terminabilitate passiva: Tum quia aliàs etiā limitaret subsistentiam increatam Verbi, cum terminetur ab ipsa. Tum etiam, quia ratione terminationis non pendet à natura. Ergo non potest limitari ab illa.

Respondetur ad hanc Obiectionem negando Minorem, ad cuius probationem, concessio antecedenti, negamus utramq; Con-

sequentiam: quia enim essentia, siue natura in suo ordine essentiali, & præciso ordine ad existēdum, non est potentia, sed totum actuale, quamvis adhuc non ultimo terminatum, & ideo incompletum, non illo genere incompletionis, quo potentia dicitur incompleta, sed illo, quo totum dicitur incompletum sine sua terminatione, inde est, quod illud, per quod cōpletur, non sit actus, sed terminus, & ideo neque ipsa comparatur ad ipsum, ut potentia actuabilis; sed ut actualitas ultimo terminabilis; Et sic compositio, quam faciunt, non erit *ex his*, & rigorosa, sed *cum his*, & lato modo sumpta.

Respondetur secundò, quod adhuc gratis admissio, non tamen concessio, Subsistentiam esse actū, negatur Consequentia, quod ipsi debeat correspondere potentia receptiua, potest enim dici actus respectu alicuius potentia, quam actuat, non informando, sed terminando: Neque inde sequetur, actum illum fore illimitatum, & infinitum, ut patebit ex mox dicendis in responsione ad Confirmationem.

Ad confirmationem ergo respondetur primò distinguendo illud Philosophi: *Omne ens, aut est potentia, aut actus*; formaliter, & per se nego; vel per se, vel reductiue, concedo; & deinde concessa minori, distinguendo: conseq. Ergo subsistentia erit actus, formaliter, & per se, nego, reductiue, concedo. Dicimus ergo, quod Philosophus quando distinxit ens in Potentiā,

& Actum, non sumpsit hæc membra præse, & formaliter, sed ample, secundum quod comprehendit tam illa, quæ per se, quàm illa, quæ reductiue sunt talia: nam si præse sumpsisset, ad quod, quæto, membrum reduxisset compositum? Iam verò ample sumptis potentia, & actu, dicimus, quod subsistentia sub eodem membro collocabitur, sub quo collocatur ipsum compositum, cuius subsistentia est intimum complementum non ponens in numero cum ipso, & cum compositum substantiale, formaliter, quæ tale, idest intra lineam essentia indiuiduæ, reductatur ad actum, est enim ens in actu essentiali constitutum, inde est, quod subsistentia reducitur ad actum. Ex quo tamen malè infert, quod debeat esse actus receptus, ne sit infinitus, hoc enim tantum verum est de actu, qui est verè, & propriè talis, non autem de actu reductiue tali, nam hic non respicit potentiam receptiuam, ut patet in composito.

Nec refert, si in fauorem P. Blasij dicas, aliam esse rationem de composito, & aliam de subsistentia: Compositum enim intelligo, unde limitatur, nempe ex partibus, ex quibus constat, quarum quælibet limitatur ab alia: sed in subsistentia nihil ostendi potest, à quo limitetur, si semel non recipitur in essentia; nam per hoc, quod terminat essentiam, non videtur posse limitari, ut probatur in Confirmatione.

Resp. negando, quod subsistentia non possit limitari per hoc, quod

quod terminet essentiam : Cum enim iuxta vulgare Philosophorū proloquium , *Vnumquodque limitatur per suum oppositum*, & termino, qua tali , opponatur terminabile , vtrique terminus à terminabili limitabitur, sicut actus à potentia , non in qua recipitur, sed quam terminat.

Nec illa obstant , quæ in confirmatione objicit P. Blasius. Nō quidem primum, propter disparitatem rationis inter subsistentiam increatam, & creatam ; illa enim est subsistens, vt *Quod*, & terminat, vt *Quod*, ac proinde incapax est limitationis, vnde potius trahitur naturam ad suum esse increatum, & illimitatum , quam trahatur ab illa, vnde etiam vulgariter dicitur , quod assumperit naturam . Cæterum subsistentia creata est subsistens, vt *quo*, & trahitur à natura ad suum esse essentiale, vt sic illius receptivum, cuius natura est principium, ac per consequens determinatur, & limitatur à natura ad hoc potius esse, quam aliud.

Neque secundum obstat, quod dicit P. Blasius ; dicimus enim , quod licet subsistentia non pendeat à natura, tanquam à suo susceptivum, pendet tamen ab illa , tanquam à toto completibili per se , sine quo in rerum natura inueniri non potest.

Secundò resp: ad hanc Confirmationem: mentem Philosophi illā esse, quam supponit P. Blasius: nimirum in diuisione entis in actū, & potētiā, per potētiā intelligi potētiā receptiuā solum , &

per actum, intelligi actum, vel informantem, vel subsistentem. Amplius enim Philosophus sumpsit hæc verba suæ diuisionis , & licet sub actu comprehendit tam actus primos, nempe formas, quam actus secundos, nempe operationes, sic sub nomine potētiæ comprehendit omnem veram , & realem potētiā, actiuā nimirum, & passiuā. Hanc autem esse mentem Philosophi , patet ex ipsius verbis, quæ adduco ex cit. lib. 9. Metaphys. l. c. 1. apud D. Thomæ: Explicās ergo Philosophus membra suæ distinctionis dicit: *Manifestum igitur est, quod quodam quidem una est ipsius facere, & pati potētia; potens enim est, et eo quod ipsum habeat patiendi potētiā, & eo quod aliud ab eo, quodammodo verò alia ; hæc enim in patiente est: propterea enim, quod habet aliquod principium, & quod materia aliquod principium est, patitur, quod patitur, & aliud ab alio : pingue namque combustibile est, cedens verò sic pressibile, & similiter de cæteris. Hæc verò in faciente, vtputa calidum, & edificatiua, hoc quidem in calefactiuo, hæc verò in edificatiuo. Vbi, vt vides, clarè Philosophus de vtraque potētiā loquitur, ac per consequens de vtroque actu ; immò contextus illius libri principalitè in explicando potētiā actiuā, & actu ipsi correspondente occupatur, quam in alia, actuque ipsius, vt videre licet, tum in ipso textu Philosophi, tum in Commentarijs S. Doctoris super ipsum.*

**Ex quo infero, quod cum subsistent-**

assistentia compleat naturam in ratione principij *Quod* radicaliter operatiui, ut infra dicitur, quando explicabitur illud axioma. (Actiones sunt suppositorum,) sub potentia actiua tunc comprehensa, ac proinde rationes P. Blasij ex illimitatione actus nullæ sunt.

Resp: tercio, quod gratis admissio, subsistentiam esse actum adhuc non erit actus illimitatus, & infinitus, etsi non recipiatur in aliquo; quia enim non est actus purus, sed multum habet de potentialitate admixtum, non quidem in ordine essentiali, ubi est ultimum complementum, ultimusque terminus, sed in ordine existendi, ubi ipsam naturam constituit in ratione susceptiui. *Quod* existentia, hinc est, quod etsi non esset limitabilis per potentiam, in qua recipitur, est tamen limitabilis per actum, quem recipit. Quod si contendas, adhuc in ordine essentiali debere illum limitari, dicimus, ut iam diximus, illum limitari per id, quod terminat: addendo insuper, nullum esse inconueniens, si quod de Angelis S. Doctor dixit, & nos de subsistentia dicamus, nimirum illam, etsi non esse limitatam infra, esse tamen limitatam supra, quia licet non habeat aliquid, in quo recipitur, habet tamen causam, à qua recipitur.

Tercio arguit P. Blasius contra illud, quod diximus, nimirum naturam, & subsistentiam facere compositionem *cum his*, suppositum verò, & existentiam, *ex his*: Videatur enim, iuxta explicatam à no-

bis compositionem *cum his*, magis competere composito ex supposito, & existentia, quam composito ex natura, & subsistentia: Nam si illa est compositio *cum his*, quando vnum componentium habet rationem totius, cum ratio totius magis competat supposito, quam naturæ, potius compositio ex supposito, & existentia erit *cum his*, quam compositio ex natura, & subsistentia.

Resp. negando assumptum, & ad probat: dicimus, quod licet suppositum in linea essentiali habeat rationem totius completissimi, non tamen in ordine existendi, in quo comparatur, ut pura potentia nihil actualitatis habens huic ordini debita, & per consequens componet cum existentia, quæ est actus huius ordinis proprius, & simpliciter ultimus, ut potentia cum actu, seu ut pars cum parte, sicque illa compositio erit rigorosa, & *ex his*. Oppositum autem contingit in compositione ex natura, & subsistentia, ut iam explicatum est.

§. 5. In quo explicantur ultimæ particule Conclusionis, & ratio generalis ipsius assignatur.

**V**ltimæ particule nostræ Conclusionis erant, quod illa realitas, quam communiter *Subsistentiam* vocant, constituat naturam in ratione susceptiui. *Quod*

existentiæ. Illud, quod hæ particula clare sonant, iam ex D. Tho: demonstratum est, quo modo solum suppositum sit susceptivum, ut *Quod*, existentia; & insuper facile ex dictis probari potest; quia cum natura sit tantum, ut *Quo*, nihil extraneum admittere potest. Ergo cum existentia sit extraneum quid omni creaturæ, prius natura debet deponere rationem *Quo*, & esse, ut *Quod* ad hoc, ut recipiat existentiam. Cum ergo substantia addita naturæ faciat illam, ut *Quod*, ab illa habeat, ut sit susceptiva existentia.

Sed est aliud, & quidem valde notandum, quod nobis prædictæ particula innuunt, nimirum Substantiam, atque adeo per illam constitutum suppositum, dicere intrinsecum, & impræscindibilem ordinem ad existentiam. Ita sentit Bannes in p: p: q: 3: ar: 4. dub: 1. Conclusi: 1., & hoc idem videtur docuisse Capreolus, ut attentè legenti ipsius textum loco, quo citatur pro illa opinione, quæ in connotatis extrinsecis ponit rationem substantia; nimirum 3, sent: dist. 5: q: 3. ar: 3. in sol: ad primum contra secundam Concl: ibi enim concedit, suppositum constitui per aliquid positivum; & insuper dicit, *quid existere, vel esse, quod est actus entis, non debetur, nisi subsistenti*: Et hoc ex professo probat dist: 6. quæst: unica ar: 1. adducendo in favorem suum illa verba S. Tho: quòd *esse sequitur ad hypostasim, tanquam ad habentem esse, ad naturam autem, non sicut ad habentem esse*. Ergo sensus,

suppositum constitutum ante esse per aliquid intrinsecum ipsi, additumque naturæ, aliàs quo modo saluaret, quòd non natura, sed suppositum haberet esse. Ergo quando inuoluit connotationes existentia;, vult tantum docere nostram sententiam, quòd scilicet substantia dicit ordinem intrinsecum, & impræscindibilem ad esse; sed quidquid sit de mente Capreoli.

Probatur primò nostra Conclusio: nam substantia facit suppositum, quod est immediatum susceptivum existentia;. Ergo dicit ordinem immediatum ad ipsam, tanquam potentia ad proprium actum; Ergo impræscindibilem, quia ordo potentia; ad actum est essentialis; essentialium autem non sit præcisio.

Probatur secundò. Essentialis, quantumvis incompleta, dicit ordinem essentialiter ad esse, totam enim suam realitatem habet ab hoc ordine. Ergo a fortiori substantia, quæ essentialiter complet, ut sit immediatè susceptiva existentia;, dicit ordinem essentialem ad ipsam.

Probatur tertio, quia hoc saltem conuincunt plurimæ autoritates S. Tho: in quibus videtur dicere, quòd esse sit constitutivum suppositi, ut mox soluendo argumenta P. Blasij dicemus.

Auerte hic, & nota diligenter, (plures enim huius inconsideratio in errorem præcipitavit) quòd quando communiter dicitur: substantia dat esse per se, vel subsistere: non est intelligendum actualiter, quasi illud complexum ex

natura, & subsistentia intelligatur subsistere, seu in se existere, quod idem est actualiter, sed intellige aptitudinaliter, idque secundum aptitudinem immediatam, quod nimirum natura terminata subsistentia, accepit totalitatem, ita ut ex esse, ut quo, fiat ut quod, ut petat statim existere, seu subsistere per se, addita sibi existentia: Unde effectus formalis, vel quasi formalis subsistentiæ, non est subsistere actu à parte rei, sed aptitudinaliter: Hæc tamen intellige secundum communem modum intelligendi, prout communi acceptione subsistere dicit consistere, seu existere à parte rei, non verò, prout subsistere dicit in se sistere, & alio non indigere, ut sustentante; sic enim subsistere actualiter est effectus formalis subsistentiæ propriæ, & metaphysicè sumptus. His explicatis.

Ratio generalis nostræ assertionis est, quia suppositum debet aliquid reale, & positivum addere naturæ, ratione cuius distinguatur realiter ab ipsa, ut contra Scotum, & Durandum probavimus. Sed hoc positivum non possunt esse aliqua connotata extrinseca, neque principia individuantia, neque aliquod accidens, nec tandem ipsa existentia, ut iam probavimus. Ergo debet esse id, quod à nobis est assignatum.

Confirmatur, quia iuxta nostrum discursum melius saluantur, quæ fides docet, tum de mysterio Incarnationis, tum de mysterio Trinitatis, ut ex quæstionibus antecedentibus patet. Ergo &c.

S. 6. Solvuntur argumenta, quæ ab autoritatibus

S. Thomæ proponuntur.

**I**am tandem ipse ordo, & contextio rerum nos urget, ut auctoritatibus S. Thomæ respondeamus, quas pro sua sententia adducit P. Blasius, quasque in hunc locum solvendas reicimus; & quia ipsas in tres veluti classes diuisit, nos simili ordine illas preponemus, & solvemus.

Prima itaq; Classis est illarum auctoritatum, in quibus S. Doctor affirmat existentiam per se ad rationem constitutum personæ pertinere. Primus locus est ex Opusculo 48. Tractatu 3. de decem Prædicamentis: cap. 2. ubi S. Doctor hæc dicit: *In quacunq; substantia creata est compositio ex esse, & essentia; quæ non est compositio materiæ, & formæ, sed est compositio duorum principiorum suppositi, quorum essentia est potentia, & esse est actus.*

Secundus locus est ex 3. p. q. 19. art. 1. ad 4. ubi dicit: *Esse, & operari est persona à natura aliter tamen, & aliter nam esse pertinet ad ipsam constitutionem personæ.*

Adducit plura loca in hac Classe P. Blasius, quæ apud ipsum videbis, & solvere poteris similiter, sicut ista duo solvantur, neque enim vacat omnia transcribere, cum specialem difficultatem non habeant, hæc enim duo sunt, quæ magis contra nos vrgent.

Resp. primò ad primam auctori-

ritatem, illud Opusculum, ex quo testimonium d'umpfit P. Blasius, non esse S. Thomæ, & idè inter ipsius Opuscula minoribus characteribus est impressum.

Resp. secundo, supponendo ex S. Tho: 1. p. q. 16. ar. 1. ad 3. *Quoddam quia substantiales differentia non sunt nobis nota, vel etiam nominata non sunt, oportet interdum, uti differentijs accidentalibus loco substantialem: puta si quis diceret ignis est corpus simplex, calidum, siccum; accidentia enim propria sunt effectus formarum substantialem, & manifestant eas, & ex hoc fundamento assignat rationem, cùr Boetius per individuum (quod est nomen secundæ intentionis) definierit personam, quæ rem aliquam significat, subiungitque: & similiter nomina intentionum possunt accipi ad definiendum res, secundum quod accipiuntur pro aliquibus nominibus rerum, quæ non sunt posita; & sic hoc nomen, individuum, ponitur in definitione persone ad designandum modum subsistendi, qui competit substantijs particularibus: In quibus verbis duo observanda sunt: primò illa doctrina generalis, quòd quando essentialia differentia non sunt nobis notæ, vel nominatæ, licet uti, loco illarum, differentijs accidentalibus. Secundò nomen subsistentiæ, quod significat modum subsistendi non esse, vel saltem temporibus S. Thomæ, non fuisse ita notum, ut iure Boetius, prout dicit S. Doctor, ad illud explicandum substituerit nomen intentionis. Ex quo habes, quod quando*

S. Tho: (vel quisquis Auth: est illius Opusculi) vocavit existentiam principium suppositi, hac sua regula usus est, quia nimirum cùm tunc ratio subsistentiæ non fuisset ita nota, & ex alia parte subsistentia dicat immediatum ordinem ad existentiam, eademque actione indispensabiliter producatur subsistens, & existens, ut infra probabitur, S. Thom: vocavit existentiam principium suppositi, intelligens per existentiam constitutum immediati susceptivum ipsius, nempe subsistentiam. Ecce certè si Boetio licuit nomine intentionis explicare subsistens, cur non licebit S. Doctori nomine existentia explicare subsistentiam? cùm maiorem habeat connexionem subsistentia cum existentia, quam subsistens cum nominibus secundæ intentionis, & sic quando S. Thom: dixit, existentia est principium suppositi, sensus est, existentia non per se, quia ut tibi S. Doct: dicit: *existere de speciebus, & generibus dicitur, sicut accidentia communia, & insuper dicit: quoddam esse existentia per prius conveniat individuis.* Iam autem, secundum ipsum, principium constitutum suppositi, nempe subsistentia, & non est accidens commune respectu naturæ, ut supra probatum est, & per prius subsistentia cōvenit speciebus, quàm individuis, ut constat ex ipsius autoritate, quam contra P. Blasium adduximus: Intellexit ergo nomine existentia, quando illam dixit esse principium suppositi per modum actus, subsistentiamque

quæ potest vocari existentiam, denominatione sumpta, tum ab intrinseco ordine ad ipsam, tum ex eo, quia constituit naturam in ratione immediati susceptiui existentie, tum etiam ab immediata consecutione: ad subsistere enim immediatè, & indispensabiliter sequitur existere, unde (iuxta illud vulgare axioma; quod propè est ad actum, nihil differt ab actu) potest subsistentia existentia vocari: Sicut à simili posset quis vocare unionem principium compositi, quamvis non ipsa, sed partes, quæ uniuntur, sint principia constitutiva ipsius.

Resp. tertio, supponendo ex nost. Salmat: Tract: 6. de Trinit: disp: 7. n. 54. familiare esse Patribus nomine existentie, pro subsistentia rei; quam phrasim Patrum etiam Angelicum Doctore secutum fuisse, ut pro *ly* subsistentia poneret *ly* existentia, advertit Nazarius 3. p. q. 17. ar. 2. controu: vnica in resolutione quæstionis. Vide ibi Nazar: probat enim id euidenter ex ipso textu S. Doct: Quo supposito, dico ad præsentem authoritatem, S. Doctorem (si semel verum est, ipsius esse hoc Opusculum? nomine existentie intellexisse subsistentiam, & probo hoc euidenter ex textu illius capituli, cuius titulus est: *Quid sit substantia secundum intentionem logicam?* incipitq; caput definendo substantiam, & dicit: *Est autem substantia ens per se existens.* Ad videndum particulam huius descriptionis sciendum, &c. Proferturq; explicationem membro-

rum definitionis, & ubi venit ad explicandum *ly* existens, dicit verba, quæ citat P. Blasius. Eodem ergo modo ibi sumit *existens*, quo sumpsit in definitione: Certum est autem in definitione non sumpsisse *ly* existens pro existentia, existentia enim nullius creature definitionem intrat. Tum etiam, quia hic S. Doct: definit substantiam secundum intentionem logicam. Ergo ut spectat ad scientiam; res autem sub existentia non sciuntur. Quando ergo S. Doct: dixit, quod substantia est per se existens, manifestè per *ly* existens intellexit subsistens, & erit definitio perfecta, quia substantia definitur, quod sit ens per se subsistens.

Et his solutionibus possunt solui omnia loca, quæ pro se adducit P. Blasius: aut enim in illis vititur nomine existentie pro subsistentia, notificando minus notum per existentiam, quæ est magis nota, aut si de existentia loquatur, vocat subsistentiam existentiam ratione intimi, & essentialis ordinis ad ipsam, sicut ignis dicitur calefacere, non quod ipsius substantia sit immediatè operatiua, sed quia habet immediatam connexionem cum calore, qui est potentia immediatè calefactiua; unde cum dicitur, Existens est id, quo subsistit substantia Angeli, intellige mediatè, ut sit sensus; quo subsistens per subsistentiam talis essentia existit.

Ad secundum locum resp: cum Calcat: esse idèd dici pertinere ad constitutionem personæ, quia



spētat ad personam, ut propria actualitas eius; Persona enim nihil est aliud (inquit Caietanus) quam natura deducta ad hoc, ut sit propriē id, quod est: subditq; postquam ostendit, in quo iuxta hanc explicationē esse differrat ab operari, dicens: *Eadem ergo doctrina est hic, & superius tradita, non enim docemus hic, quod esse sit de intrinseco intellectu personae, sed quod pertineat ad constitutionem personae: Et verō sic est: quoniam constitutio personae est constitutio ipsius esse: tūm quia non alia actio sit persona, & alia sit esse, sed una, & eadem: tūm quia ad hoc constituitur persona, ut sit, quod est, dictam constitutionem persona terminari ad esse, tanquā ad ipsi personae propriā, & immediatā, ultimāq; actualitatē infra latitudinem sui generis, scilicet substantia. Huculq; Caietanus.* Ex quibus verbis ipsius patet, etiam illum nobiscum sentisse, subsistentiam dicere intrinsecum, & imprescindibilem ordinē ad existētiā, ratione cuius ordinis dicitur existentia pertinere ad ipsam constitutionem personae, quia nimirum constitutioni in personae nō potest prescindere ab ordine ad esse.

Secunda Classis autoritatum est apud P. Blasium, in quibus S. Doct. asserit, subsistentiam, & existentiam per se esse vnum, & idē; Ad quas omnes auctoritates possem generaliter respondere, hoc esse pro nobis: Nos enim dicimus, quod S. Doctor aliquando nomine existentiae, tanquā magis notio, pro subsistentia veitur; Sed quia

nonnulla ex his locis videntur aliā quā speciale difficultatem habere, illa producam, ceteris reliquis, quorum solutio facili ex dictis deduci potest.

Primus itaq; locus est ex Cap. 5. de ente, & essentia propē finem, ubi S. Doct. dicit: *Quia intelligentis quidditas est ipsamet intelligentia, ideo quidditas, vel essentia eius est ipsum, quod est ipsa, & esse suū receptum à Deo est id, quo subsistit in rerum natura, & propter hoc à quibusdam huiusmodi substantiis dicuntur cōponi ex quo est, & quod est, vel ex esse, & essentia.*

Relp. hunc locum, tantum abesse, ut sit contra nos, quin potius est clarē pro nobis: In primis enim quando S. Doct. dicit, quod esse intelligentiae receptum à Deo sit id, quo subsistit in rerum natura, ly subsistit tūmptit pro existit; subintelligere enim in rerum naturā iam est existere. Cum ergo dicit S. Doctor, intelligentias componi ex quo est, & quod est; quæro ex P. Blasio, per ly *Quod est*, quid intelligit: essentiam absolutē, an essentiam ut terminatam subsistentia seu, quod idem est, suppositum? Non potest dici quod intelligat essentiam absolutē, nam essentia, qua talis, est ut *Quo*, & non ut *Quod*: intelligit ergo essentiam cum subsistentia, seu, quod idem est, suppositum: Ergo cum dicat, illud quod est cum quo est, nempe cum existentia, facere cōpositionem, supponit, existentiam esse extra conceptum illius, quod est, quomodo enim componeret eum ipso, si nō distingueretur ab ipso,

ipso, essetque extra conceptum ipsius? Ergo cum quod est sit suppositum in omnium sententia, existentia erit extra conceptum suppositi: Et eadem solutione debet explicari ille locus, quem P. Blasius adducit ex quodlibeto 9. q. 4. a. 6. c. idem enim ferè dicit S. Tho: in illo, quod in precedenti.

Secundus locus est ex quaest. 9. de Potentia a. 6. ubi S. Doct: hæc habet: *Dicendum, quod subesse, à quo imponitur vocabulum subsistendi, Deo non conveniat, tamen per se esse, ad quod significandum imponitur, competit ei.* Nec potest hoc intelligi (viget P. Blas:) de per se esse aptitudinaliter, quia S. Tho: contradistituit illud, quod subsistere significat, ab eo, unde huius nominis significatio desumitur. Ergo cum id, à quo imponitur vocabulum subsistendi, sit ipsa potentia ad esse per se, sub quo est substantia, (vt ipsemet D. Tho: asserit) dicendum est, quod id, ad quod significandum subsistere est impositum, sit aliquid aliud, quàm substantia, prout per modum potentie receptivæ ad suum esse existentie ordinatur.

Resp. nos verba S. Thomæ (vt debent intelligi) intelligere neque de esse existentie, neque de esse potentiali existentie, formaliter qua talis, sed de esse subsistentie: ibi enim nihil aliud S. Tho: dicit, nisi quòd Deus dicatur subsistens, non à substando, sed à subsistendo; seu essendo per se, quod quidem non habetur ab existentia, sed à substantia: & sic in-

stantia P. Blasij nihil facit contra nos.

Tertius locus est ex primo ad Hannibaldum, dist. 23. quaest. vni- ca, a. 4. c. ubi dicit: *Esse significat id, quod est in omnibus generibus commune, subsistere verò specialem modum essendi, qui competit sub- stantijs, scilicet esse per se.* Ergo ex mente S. Doctoris esse per se est idem, quod subsistere.

Resp: hunc locum esse pro nostra sententia, & simile huic supra ad probandam nostram opinionem retulimus; vult enim hic dicere S. Doct: quòd existentia, qua talis, quia nihil aliud dicit, quàm esse rem extra causas, est communis omnibus Prædicamentis: subsistentia verò, adhuc quæ talis, dicit esse per se (intellige de esse subsistentie & non existentie) & ideo propria est Prædicamenti substantie; quævis aliunde existentia substantialis etiam ipsa pertineat reductivè ad Prædicamentum substantie, in quantum coniungitur supposito, quod petit per se separatim existere; sed hoc illi non competit, quæ existentia, ex hoc enim conceptu nihil dicit, nisi ponere rem extra causas, sed quia coniungitur subsistenti.

Tertia Classis autoritatum citatur à P. Blasio, in quibus S. Doctor asserit, personam dicere illud, quod est perfectissimum, & completissimum in toto genere substantie. Ita 1. p. q. 29. a. 3. c. & 3. p. q. 16. a. 12. ad 2. & 3. & in pluribus locis à P. Blasio relatis, ex quibus locis sic arguit P. Bla-

sus,

sius . Existencia est ultimum cōplementum substantiæ , & actus perfectissimus, qui sit in toto illo genere, ex D. Tho: quæst: 7. de Pot. 2. 2: ad 9. & 1. contra gent. c. 38. & 1. p. q. 4. 2. 1. ad 3. & passim alibi . Ergo si suppositū est quid perfectissimum, & completissimū in toto genere substantiæ, debet in esse talis constitui per existentia.

Resp. admissis autoritatibus S. Doct. distinguendo subsumptū; & quando dicit, existentiam esse ultimum complementum substantiæ, extrinsecum concedimus, intrinsecum negamus: Suppositum autem est perfectissimum, & completissimum perfectione, & complemento intrinsecis, non verò extrinsecis.

Pro Coronide adducit P. Blasius contra nos duo alia testimonia S. Thomæ. Primum ex varijs locis S. Tho. in quibus Angel. Doct: dicit, in Angelis tantū esse unicam compositionem realem, scilicet essentia, & existentia, & in rebus materialibus datur tantū duplex, nimirum materiæ, & formæ, & essentia, & existentia. Sed si substantia distingueretur ab existentia, daretur in Angelis duplex compositio, nimirum naturæ, & subsistentiæ; & deinde suppositi, & existentia, in rebus verò materialibus triplex, materiæ, & formæ, naturæ, & subsistentiæ, suppositi, & existentia. Ergo &c.

Resp. primò, S. Doctorem non enumerasse omnes compositiones metaphysicas, in Angelis inuentas sed tantū illam, quæ ad

ipsius propositum deferuiebat; assignabat enim ibi discrimen, inter Substantias materiales, & immateriales, quæcū ad hoc, quod esse componi, vel non componi ex materia, & forma: atque ita dixit, in Substantijs materialibus inueniri quidem nō solū metaphysicam ex esse, & essentia compositionem, sed etiam physicam ex Materia, & Forma; iam verò in Angelis tantū metaphysicam, quæ est ex esse, & essentia; per quod tamen non exclusit alias metaphysicas compositiones in ipsis inuentas, vt ex Genere, & differentia &c. præcipuam tamen inter omnes posuit, quæ est ex esse, & essentia; Compositio enim ex natura, & subsistentia est tantū (vt sit dicam) vialis, & ordinata ad præcipuam compositionem, metaphysicam ex esse, & essentia; Vnde non videtur ponere in numero cum illa, iuxta Aristotel. 1. Topic: dicentem: *Vbi sunt plura propter unum, ibi est magis unum, quàm plura.* Igitur S. Doct: prout ad propositū ipsius deferuiebat, fuit contentus ponere explicitè, ac expressè solū illam compositionē metaphysicā ex esse, & essentia. Dixi *Explicitè*, quia implicitè ibi posuit, & cōpositionem ex Natura, & Subsistentia; Nam in illo Articulo docet, non naturam, sed ipsum subsistens, consequenter compositum ex natura, & subsistentia, esse proprium receptiuū existentia, quæ postea superueniens ipsimet supposito iam aliā facit cōpositionem. Vel breuius secundo.

Resp.

Resp. S. Thomam in illis locis numerasse tantum compositiones, quae sunt verè, propriè, & rigorosè tales; & ideo non mirum, illum non numerasse compositionem, quae fit ex natura, & subsistentia, quia hæc degenerat à ratione compositionis rigorosæ, ut supra explicatum est, ubi etiam inuenies soluta, quæ ex P. Blasio possunt contra hæc responsionem obijci: Hanc autem nostram solutionem esse iuxta mentem S. Thomæ potes videre locis citatis apud S. Doct: præcipuè 1. p. q. 50. ar. 2. ad 3. semper enim assignans illas compositiones, loquitur de compositione potentiae, & actus, quæ est compositio rigorosa, & non inuenitur inter naturam, & subsistentiam, ut dictum est.

Alterum locum producit P. Blasius ex 1. p. q. 3. ar. 7. ubi S. Doctor ad probandam omnimodam simplicitatem Dei, excludens omnem modum compositionis ab ipso, non meminit compositionis ex natura, & subsistentia. Ergo vel iuxta sensum S. Doct: hæc compositio non datur, vel si datur, non est sufficiens argumentum S. Thomæ, neque enim dici potest, quod S. Doctor ibi dicat: *etiam quod in Deo non sit aliud suppositum, & natura*: Hoc enim dicit referendo se ad præcedentes articulos, ut ex contextu patet; iam autem in articulo tertio, quæ hæc verba respicere possunt, non locutus est de supposito, quæ suppositum, sed qua individuum, ut nos ipsi in quaest. 2. huius Tract: explicantes mentem S. Docto-

ris in illo articulo diximus: Ergo &c.

Resp. ex dictis in quaest. 2. citata, S. Thomæ in illo articulo non exclusisse quidem formaliter à Deo distinctionem suppositi, & naturæ, hoc enim reliquit determinandum inferius, & determinat quaest. 39. ar. 1. ubi quaerit: Vtrum in Diuinis essentia sit idem, quod persona? tamen & in illa quaest. 3. virtualiter, determinauit suppositum, & naturam non distingui, quando artic. 4. determinauit, in Deo esse idem essentiam, & esse, natura enim, quæ pertingit ad hoc, ut sit suum esse, non potest non esse sua subsistentia, & sua personalitas, cum subsistentia sit prior existentia: immò etiam in Diuinis existentia, ut actiuus, vel quasi actiuus Personas Diuinas, intelligitur aduenire post personalitatem, ut supra ex nobis: Saluati: vidimus.

## QVAESTIO VIII.

*Quomodo Subsistentia reddat naturam incommunicabilem.*

**I**n titulo aliquid, ut certum supponimus, & aliquid in dubiū vocamus. Supponimus enim, subsistentiam reddere naturam incommunicabilem: Quia enim natura, antequam terminaretur subsistentia, erat communicabilis, (ut patet in Humanitate Christi) & per subsistentiam facta Suppositum,

stum, est iam incommunicabilis saltem naturaliter in omnium sententia (quid enim per ordinem ad potentiam absolutam Dei dicendum est, sequenti quæst: explicabitur) evidenter sequitur, naturam reddi per subsistentiam incommunicabilem: Loquimur autem de subsistentia creata; nam quomodo subsistentia absoluta in Diuinis, nec reddat naturam incommunicabilem, nec constituat suppositum, disputant Theologi in materia de Trinitate, de quo potes videre nostr. Salmatic: Tract. 6. disput. 9. dub. 5. Restat ergo determinandum, quomodo hoc præstet *Subsistentia*, & qualem habeat natura incommunicabilitatem ab ipsa? quod in præsentī ut explicemus, sit.

§. I. *Quam incommunicabilitatem habeat natura à Subsistentia?*

**Q**uia incommunicabilitas dicit negationem communicationis, vel communicabilitatis; ex varijs modis communicationis diuersos modos incommunicabilitatis opere pretium est præcognoscere, antequam aliquid in hac materia definiamus. Itaque

Supponendum est primò, quòd communicatio potest esse, vel extrinseca, vel intrinseca. Extrinseca est illa, quæ vel bonum dicitur esse diffusiuum, siue communicationis sui, alluciendo scilicet ad sui dilectionem; vel causa efficiens dicitur se, communicare suis effe-

ctibus. Intrinseca communicatio est multiplex. Quædam est secundum communitatem rationis, quomodo species, & genera dicuntur communicari inferioribus: Quæ adhuc est duplex; Alia quæ genus communicatur speciebus; Alia quæ species communicatur indiuiduis. Quædam verò realis; & hæc iterum diuiditur in plura membra; nam alia est, quæ communicatur forma materiæ; alia quæ reciprocè comunicatur materiæ formæ; alia quæ comunicatur subiectum accidenti; alia quæ accidens subiecto, siue illud accidens prædicabile sit, siue prædicamentale: Alia quæ natura integra communicatur supposito, siue illud sit vnum, siue plura: Et pluribus quidem suppositis sola Natura Diuina est incommunicabilis, loquendo de suppositis proprijs (nam quid de alienis sentiendum sit, disputant Theologi in materia de Incarnatione, & nos inferius aliquid dicemus) vni autem etiam creatæ naturæ de se est communicabilis: Quæ communicabilis iterum, vel potest esse per identitatem, vel per vnionem: Per identitatem communicatio non reperitur extrinsecam naturam Diuinam; Vnde incommunicabilitas hoc modo sumpta conuenit quidem omni subsistentiæ creatæ, non tamen ex eo, quia subsistentia est, sed quia finita. Quia ergo tot modis dicitur comunicabilitas, totidem quoque modis incommunicabilitas dicitur, quæ negationem comunicabilitatis importat,

Quo

Quo supposito, certum est in primis, quod subsistentia non excludat communicabilitatem extrinsecam, tam illam, quae ad genus causae finalis, quam illam, quae ad genus causae efficiētis spectat; immo ad utramque causalitatem habendam complet naturam, ut adueniente existentia, sine qua nec agere, nec bonitatem in actu exercito habere potest, utrumque in actu supposito competat. De intrinsecis autem communicabilitatibus certum est, etiam subsistentiam, aliquas, non excludere, sed supponere exclusas: Nam in primis communicabilitatem rationis, tam illam, qua genus dicitur communicari speciebus, quam illam, qua species communicatur individuis, adueniens subsistentia inuenit exclusas; primam quidem per differentias specificas, secundam autem per individuales, quibus determinatur natura ad esse huius, non solum in specie, sed etiam in individuo, ut patet euidenter in Humanitate Christi. Similiter communicabilitatem realem, tam qua forma communicatur materiae, quam qua materia communicatur formae, non tollit subsistentia, formaliter loquendo; iam enim inuenit sublatas, inuicem se illis partibus compositi determinantibus, ut nec materia reduplicatiue, ut est in composito hoc, possit recipere aliam formam, nec forma informare aliam materiam, quod quomodo fiat, in Tractatu de Principio indiuiduationis dictum est. Illa etiam duplex communicatio, qua natura,

vel communicatur pluribus suppositis proprijs, vel siue pluribus, siue vni per identitatem, tollitur quidem per subsistentiam creatam, (de qua sola hic sermo) sed non qua subsistentia, sed qua creata, & finita, quod a posteriori euidenter probatur, quia increata utrumque patitur. Denique illa communicatio, qua accidens communicatur subiecto, non excluditur per subsistentiam, quia iam per ipsum gradum naturae substantialis inuenitur exclusas. Non esse enim in subiecto, competit substantiae, qua substantia est. Tota ergo difficultas reducit ad duo. Primum est, utrum communicabilitatem, qua subiectum communicatur accidenti, siue illud sit praedicamentale, siue praedicabile, excludat subsistentia? Secundum, utrum subsistentia tollat a natura communicabilitatem illam, qua dicitur esse communicabilis supposito? & an haec sola sit, quam tollit? Quibus in praesenti discussis, manebit definitum, quid de incommunicabilitate suppositi, quam habet a subsistentia, sentiendum est?

Incipiendo ergo a primo, P. Blasius in sua Metaph. disput. 8. quest. 4. §. 1. duplicem incommunicabilitatem dicit esse de ratione suppositi, nimirum incommunicabilitatem actus, & incommunicabilitatem potentiae: Utramque verò incommunicabilitatem paulo inferius explicat sic; quod suppositum non possit communicari alicui, actuando illud, aut illud recipiendo, taliter ut faciat vnum

per se cum eo, cui communicatur. Et certè consequenter ad sua principia loquitur: Cum enim, per ipsum suppositum constituatur per existentiam, quæ est ultimus actus in ordine substantiali, & postquam quidquid aduenit, non potest facere vnum, per se cum natura substantiali, rectè infert, suppositum excludere communicabilitatem omnem ad aliud, cum quo faciat vnum per se. Nec de communicabilitate per modum actus cum ipso cōtrouertimus; nam in hac parte, ut in determinatione secundæ difficultatis patebit, ipsius sequemur sententiam; de communicabilitate verò per modum potentiae, ipsius opinioni adherere non licet, & ideo nostrum hac in parte sensum explicando.

Dicimus primò, Subsistentiam non excludere à natura illum modum communicabilitatis, quæ subiectum communicatur accidenti. Ista Conclusio est expressa S. Tho: multis in locis, præcipuè 3. p. q. 17. a. 2. c. ubi dicit: *Est autè considerandum, quòd si est aliqua forma, vel natura, quæ non pertineat ad esse personale hypostasis subsistentis, illud esse non dicitur esse illius persona simpliciter, sed secundum quid, sicut esse album est esse Socratis, non in quantum Socrates, sed in quantum est albus; & huiusmodi esse nihil prohibet multiplicari in una hypostasi, vel persona.* Vbi clarè S. Doctor admittit plura aduentientia supposito, quæ non faciunt esse per se cum illo, neque de hoc aliquis dubitabit: & ideo

ipse P. Blasius, negans in supposito potentiam receptiuam, restrinxit propositionem addens: nihil recipit, quod faciat vnum per se cum illo: Neque nos hoc volumus contra P. Blasium premere, sed quod vigenus est, suppositum ex conceptu suppositi non excludere communicabilitatem alteri per modum potentiae receptiuæ, alicuius actus, etiam facientis vnum per se, dummodò sit extrinsecus tam naturæ, quam ipsi supposito; iste verò actus est sola existentia, nihil enim substantiale aduenire supposito potest, nisi ipsa, cum in linea substantiali, quantum ad intrinsecam, Natura per subsistentiam compleatur, & ex extrinsecis sola existentia sit substantialis actus, atque adeò aptus, ut faciat vnum per se cum supposito, quavis dicatur accidens prædicabile, quia affirmari, & negari potest de supposito citra ipsius corruptionem.

Probatur primò Conclusio illa celebri Angelici Doctoris auctoritate 3. p. q. 17. a. 2. ad 1. ubi dicit: *Quòd esse consequitur naturam, non sicut habet esse, sed sicut quæ aliquid est; Personam autem, siue hypostasin consequitur, sicut habet esse.* Vbi ut iam supra expendimus, existentia recipitur, non in natura, sed in supposito. Ergo de mente S. Doctoris subsistentia non excludit communicabilitatem receptiuam alicuius facientis vnum per se; existentia enim, facit vnum per se, & tamen recipitur in supposito per subsistentiam cōstitutio. Idem quoque docuit

cuit Angelicus Doctor Quodlib. 2. q. 2. a. 4. ubi dicit: *Et ipsum esse Angeli est præter eius essentiam, seu naturam, & alia quædam ei accidunt, quæ omnino pertinent ad suppositum, non autem ad naturam.* Sequuntur S. Doctorem omnes illi quicunque tenent, existentiam recipi in supposito: Nam licet istam quæstionem non tractent, tamen ita sentire debent, illo principio posito, ut considerati patebit.

Probatur ratione. Natura per subsistentiam constituitur, sicut in ratione suppositi, ita in ratione susceptivi existentie. Ergo subsistentia non tollit à natura rationem potentie receptivæ alterius, etiam facientis unum per se cum illa. Vtraque propositio probatione non indiget, clara enim est ex his, quæ modo, & supra in antecedentibus quærit: contra P. Blasium diximus.

Probatur, secundò fundamentaliter. Subsistentia non excludit à natura communicabilitatem potentie receptivæ alterius non facientis unum per se cum illa. Ergo neque excludit respectu illius, quod facit compositionem per se. Anteceduntur ab omnibus, etiam ab ipso P. Blasio: Cōsequi: verò prob: Tum à paritate rationis. Tum etiam, quia ex nullo conceptu subsistentie, vel suppositi potest assignari disparitas, cū sit receptivum non facientium unum per se, non verò facientium: Nam in primis, non ex hoc capite, quia subsistit; subsistere enim non excludit substat, sed potius inferre illud, & præsupponitur ad

ipsum: neque ex hoc capite, quod substat facienti, vel non facienti unum per se, quia hoc est de materiali respectu ipsius: immo videtur cōnaturalius illud scilicet substat facientibus unum per se cum illa; Certum est enim, gradus genericos, & específicos facere unum per se, & tamē isti substat, illosque sustentat suppositum; Vnde dixit Philosophus in Prædicationibus, quod *ablatis primis subsistentiis, impossibile est, aliquid cæterorum remanere.* Deinde ex eo capite repugnare non potest, quia subsistentia est ultimum complementum, & suppositum ultimum completum, & terminatum; ex hoc enim tantum habetur, quod ubi est ultimum completum, & terminatum, in illo ordine non admittit aduēctitia: Iam autem suppositum tantum intrinsecè dicitur ultimatè completum, & terminatum; Ergo tantum respectu intrinsecorum est incommunicabile. Ergo quæcunque sunt extrinseca, siue faciunt unum per se, siue non, non excluduntur à receptibilitate in supposito; Neque aliquid aliud est imaginabile in supposito, ratione cuius excludatur intrinseca facientia unum per se, non verò illa, quæ non faciunt unum per se; Ergo si ista potest recipere, poterit & illa.

Aduertendum autem est, nos hic non dicere, suppositum omnium actuum extrinsecorum immediate receptivum esse, sed secundum distributionem accommodatam, ut illos immediate recipiat, qui sunt immediate in sup



posito receptibiles, non verò illos, qui naturam pro suo susceptivo petunt, qui verò actus extrinseci in natura, & qui in supposito immediatè recipiuntur, nò difficile erit à posteriori colligere; Nam qui ex communi sensu attribuantur illis, quæ non sunt supposita, qualis sunt partes, recipiuntur immediatè in natura; Vnde quia possum dicere, digitus est quantus, est albus, est calidus &c: hæc omnia accidentia recipiuntur in natura, qui verò partibus non conveniunt, sed toti còpleto, recipiuntur in supposito; unde quia filiatione, paternitas, existentia non conveniunt partibus; neq; enim digitus dicitur filius, vel pater, vel existens secundum se, hi actus recipiuntur in supposito.

Et hinc habet doctrinam pro multis difficultatibus in materia de Incarnatione resoluendis, quomodo potuerunt in Christo fuisse accidentia tùm propria, tùm communia, cùm suppositum Divinum, quod solum erat in Christo, sit incapax accidentium? quare filiatione temporalis correspondens natiuitati temporali non fuit realis in Christo? sicut etiam neque relatio realis ad Matrem? & cùm cætera accidentia in ipso fuerint, hæc non? cùm in Christo non potuit esse, etiam de potentia absoluta, existentia creata? & similia alia, ex discrimine iam assignato inter actus receptibiles in natura, & supposito, faciliè resolvere poteris.

Dicendum est secundò, respon-

dendo secundæ difficultati propositæ. Unica, & sola incommunicabilitas, quam subsistentia naturæ totali confert, est, quòd non possit communicari, *vt Quo* illi, quod habet esse *vt Quod*, seu *vt* natura supposito, ad quam incommunicabilitatem reducitur, quòd non communicetur, *vt pars* toti. Naturæ verò partiali, quæ subsistit, subsistentia saltem illà incommunicabilitatem debet tribuere, quæ repugnat ipsi communicari; *vt forma* materiæ, à qua dependeat, *vt à sustentante*, seu (quod idem est) in esse, fieri, & conservari; quæ adduntur propter animam rationalem, quæ licet sit subsistens, est tamen communicabilis, *vt pars* toti, & *vt forma* materiæ, quamvis non tanquàm sustentanti, & ideo absq; dependentiis supra dictis: & propter eandem animam additum est, in prima parte assertionis *ly naturæ totali*: Anima enim communicatur toti, quod per illius subsistentiæ fit suppositum, sed hoc illi non repugnat, quia non est natura totalis; quomodo autem hæc animæ rationali competat, & quomodo non præiudicet hucusq; dictis de subsistentia, quam diximus esse ultimum terminum, & complementum naturæ totalis, paulò accuratiùs explicandum est, cùm gravem in hac materia pariat difficultatem, etiam ad aliquas quæstiones in materia de Incarnatione decidendas multum necessariam, præcipuè ad illas, in quibus cum S. Thoma quærun

Theologi 3. par: quæst: 6. de ordi-

ne

ne assumptionis; Vt. um nimirum prius fuerint assumptæ partes, quam totum? Vtrum prius anima, quam corpus? Vtrum anima prius assumpta à Verbo, quam corpori unita? Vtrum natura fuerit assumpta mediantibus partibus &c. & similes, quæ multum à præsentis difficultatis determinatione pendent; eundem enim ordinem Verbum Divinum servavit in terminatione naturæ, qui servatus fuisset, si humana natura propria subsistens in Christo personaretur, (non enim multiplicanda sunt miracula sine causa) unde quomodo creata subsistentia habet se ad animam, ita & Divina in Christo ad ipsius beatissimam Animam. Vt ergo fundamētalius hoc determinemus, specialem s. post soluta argumenta P. Blasij circa hoc instituemus. Pro nunc.

Probatur breuiter Conclusio; Natura de se est communicabilis alteri, vt supposito, sicut de facto communicatur in omnibus proprijs suppositis, & in Christo communicata fuit alieno, & postquam est terminata propria subsistentia, etiam de potentia absoluta nulli alteri supposito est communicabilis. Ergo istam incommunicabilitatem habet à subsistentia, per quam, quia in complemento suæ totalitatis vltimò constituitur, ac proinde omnis partialitas ab ipsa aufertur, etiam reductiue ad istam incommunicabilitatem pertinebit exclusio illius communicationis, qua pars communicatur toti; & cum aliis

omnes communicabilitates, vel exclusas supponat, vel quas non supponit, exclusas non excludat, sed potius inferat, hæc sola est incommunicabilitas, quæ naturæ datur à subsistentia, & quæ consequitur suppositum, quia tale.

Dicendum est tertio, de subsistentia secundum suam analogiam loquamur, prout nimirum abstrahit à subsistentia naturæ totalis creatæ, vel increatæ, tunc incommunicabilitas, quam essentialiter subsistens cuilibet naturæ confert, est, quod non sit communicabilis alicui, præcisè vt Quo, suo receptiuo, cui primò competat esse, vt Quo.

Probatur facili Cōclusio: Nam natura subsistens essentialiter est vt Quo. Ergo si sit communicabilis alteri, vel ob summam perfectionem, vt in natura increata contingit, vel ob aliqualem perfectionis defectum, vt euenit in anima rationali, tunc communicabitur simul, & vt Quo, & vt Quo, nunquam verò præcisè vt Quo. Ergo incommunicabilitas, quam cuilibet naturæ subsistentia tribuit, hæc erit, ne communicetur alteri præcisè, vt Quo.

Dices ex nostris principijs in fauorem P. Blasij contra nostram primam Cōclusionem; Nam nos arguendo contra Durandum, q. 2. huius disp. ratione tertia principali pro nostra Cōclusionem, exinde probamus, subsistentiam esse aliquid distinctum à natura, sine quo natura est quid incompletum, quia cum ex natura humana, & suppositualitate Verbi consurre-

**xxix**

erit aliquod vnum per se, debuit vnū vnitorum fuisse incompletū, aliās quomodo confurrexisset ex entibus completis vnum per se? & cum Verbum non sit quid incompletum, intulimus, hoc conuenire humanitati: Tūc sic ad præsens: Ergo cum suppositum sit ens cōpletum, non poterit dicere potentiam receptiuam alicuius actus, cum quo faciat vnum per se.

Resp. huic argumento concedendo, & approbando totum illū nostrum discursum, & negando subsumptum. Ibi enim loquebamur ( vt ex ibi dictis patet ) de unitate personali, & de complemento intrinseco, & ideo non mirum, quod dixerimus, naturam ultimā completam (qualis deberet esse, si à sua subsistentia non distingueretur, vt volebat Durandus) non posse facere vnū per se, quia cum terminatio hypostatice Verbi sit terminatio intra lineam intrinsecorum, non faceret vnum per se, si intra eandem lineam vniretur enti ultimāte completo. Ceterum hic licet natura supdonatur ultimāte intra lineam intrinsecorum completa per subsistentiam, & ideo ita cōpletā in hoc ordine vterius complementum repugnat, tamen in ordine extrinsecorum, qualis est ordo existendi, est pura potentia, & ideo non mirum, si recipiens actum illius ordinis, faciat vnum per se cum illo.



§.2. Respondetur argumentis Patris Blasij ex questione sexta hūc remissis.

**Q**uia P. Blasius ferè omnia argumenta, quæ contra nostram realitatem mediam inter naturam, & existentiam, constituentem suppositum obijciebat, fundabat in incommunicabilitate suppositi, commodè solui non poterant, nisi hac prius explicata; quod cum iā fecerimus, ipsius rationes proponimus, & soluimus.

Argumentum primum ipsius est. Constitutiuum suppositi debet ab illo excludere communicabilitatem duplicem, tam potentia, quam actus in ordine facientium vnum per se. At hoc nō facit subsistentia ( vt ille inquit ) Caietani, sed existentia. Ergo ista, & non illa, erit constitutiuum suppositi. Minor quantum ad veramque partem patet, quia natura cum subsistentia, si ū ( quod idem est ) suppositum, dicit potentiam receptiuam existentia, quæ facit vnum per se cum ipso, Existentia autem, cum sit vltimus actus substantialis, nihil recipere potest, quod faciat vnum per se cū existente. Maior autem probatur, quia suppositum debet dicere omnem incommunicabilitatem, vt habetur ex D. Tho: tūm q. 7. de Potent. ar. 6. tūm q. 9. ar. 6. c. tūm 1. p. q. 29. ar. 4. si autem suppositum diceret solam incommunicabilitatem per modum actus,

non

non diceret absolutam incommunicabilitatem, sed tantum incommunicabilitatem in aliquo genere. Ergo &c.

Resp. iuxta dicta negando maiorem; Suppositum enim, ut diximus, non dicit incommunicabilitatem potentiam receptivam respectu actus extrinseci, etsi facientis unum per se. Ad probandum autem respondetur, S. Thomam in illis locis innuere quidem, suppositum, vel personam dicere incommunicabilitatem, non tamen dicere illam incommunicabilitatem esse simpliciter, & omnimodam, ac proinde nihil dicit contra nos. Immo & contra ipsum P. Blasiumurgeretur, si ita dixisset Angelus Doctor; nam communicatio, qua suppositum communicatur actibus non facientibus unum per se cum ipso, est aliqua communicabilitas. Ergo si suppositum debet excludere omnem communicabilitatem, etiam istam. Dicimus ergo, suppositum dicere omnimodam incommunicabilitatem in linea intrinsecorum, quia in hac linea est ultimum completum, non tamen in linea extrinsecorum, ubi est incompletum, & pura potentia.

Secundum ipsius argumentum est, illud, per quod suppositum constituitur, debet ab illo excludere omnem rationem partis, tam physicæ, quam metaphysicæ, & omnem communicabilitatem ipsis convenientem; nam suppositum est quid totum, & completissimum. Sed sola existentia, non verò illa realitas media, hoc facit, quia adhuc illa realitate

natura terminata, est pars in compositione metaphysica, quæ sit ex supposito, & existentia; iam verò post existentiam nulla sequitur compositio substantialis, cum sit ultimus actus in isto ordine. Ergo &c.

Resp. disting. maiorem, & si intelligatur pro illo ordine, in quo est completum, est verissima, & sic in ordine intrinsecorum, & essentialium suppositum non habet rationem partis, siue physicæ, siue metaphysicæ (nam & illa compositio, qua suppositum coalescit ex natura, & subsistentia dicitur metaphysica, quia etiam in abstractis à materia reperitur, licet communiter compositio ex supposito, & existentia vocetur metaphysica, quia hæc est rigoroza, non verò illa, ut iam supra dictum est: ) si verò eadem Maior argumenti intelligatur pro illo ordine, in quo suppositum non dicit rationem completi, sicut in ordine existendi, neganda est; ibi enim, sicut non dicit quid completum, ita potest subire rationem partis componibilis cum alia; quamvis, quia ita in illo ordine est pars, ut simul in alio ordine sit totum, non dicitur pars omnino, & absolute talis, sed cum addito, nimirum in ordine existendi.

Tertium argumentum. Suppositum est totum simpliciter, & per antonomasiam in genere substantiæ. Sed si non includeret existentiam, non diceretur totum simpliciter, & per antonomasiam; nam totum includens existentiam esset perfectius illo. Ergo &c.

Resp.

Resp. concessa maiori, neg: minore: Ad cuius probat: dicimus, quòd licet totum includens existentiam sit, & completius, & perfectius, vtpotè absolutè intraque linea tam intrinsecorum, quam extrinsecorum substantiarum completum, tamen huius totalitatis nō habetur ratio apud Philosophi: quia cum contingenter rebus competat, sicut & ipsa existentia, non est cura ipsius in scientijs, quæ sunt de necessarijs, & perpetuis, estque ibi quasi non esset, & idè nil mirum, si suppositum ab illis per antonomasiam totum vocatur.

Quartum argumentum. Totum est, cui nihil deest. Ergo natura ante existentiam non est totum, quia ipsi deest existentia, quæ est ultimus actus, ultimumque rerum complementum. Nec refert, (inquit P. Blasius) si dicas, existentiam esse quid extrinsecū, & idè ipsius def. ctum non impedire totalitatem: nam contra est. Illud, ad quod aliquid per se primò ordinatur, tanquàm ad aliquid sui generis, non potest esse ipsi extrinsecum. Sed substantia per se primò ordinatur ad existentiam, tanquàm ad aliquid sui generis. Ergo &c.

Confirmatur, quia quando dicimus, subsistentiam esse terminum intrinsecum, existentiam verò extrinsecum, vel idè subsistentiam vocamus terminum intrinsecum, quia est intra rationem naturæ substantialis, vel quia est valde intima rei; primum est falsum, quia subsistentia est extra

rationem specificam naturæ substantialis: secundum autem non facit differentiam inter subsistentiam, & existentiam; nam ex D. Tho: pluribus in locis existentia est quid intimè conueniens rebus. Ergo &c.

Resp: ad argum: admittendo solutionem inter arguendum datam, quia defectus extrinseci non tollit totalitatem ab intrinsecis. Ad prob: in contrarium dicimus, substantiam non ordinari per se primò ad existentiam, in quantum substantia, sed in quantum ens, siue essentia aliqua; substantia enim nihil dicit intrinsecè, nisi repugnantiam ad essendum in alio, vt in subiecto; iam verò vt substantia completa, dicit subsistere, & substat, existere autem contingēs est ipsi. Deinde falsum est, quod dicitur, scil: id, ad quod aliquid per se primò ordinatur, non posse esse illi extrinsecum, vt patet in potentijs operatijs, quæ per se primò ordinantur ad actū, & tamen actus est ipsis extrinsecus; cum quo tamen stat, quòd ordo ad illud extrinsecum possit esse intrinsecus, & sic in substantia contingit, cui ordo ad esse est intrinsecus, quia sicut ipsa ratio entis, ita & iste ordo consequens, vel potiùs constituens rationem entis intrinsecè, & transcendentaliter imbibitur in omnibus rationibus, & differentijs substantiæ. Ad Confirmationem resp: subsistentiam dici intrinsecam naturæ substantiali, quia est intra rationem specificam ipsius; non quidem, tanquàm pars rationis  
spe:

speciēz, sed tanquam terminus ipsius, sicut & pūctum est aliquid linez, vt contat ex his, quz diximus supra qu. 1. huius Disputat: Quando autem subditur à P. Blasio, substantiam definiri per ordinem ad existentiam.

Resp: hoc fieri per definitionē descriptiuam potius, quā essentialē, sicut si definiretur homo per animal risibile, quia risibile necessariò sequitur ad rationale; sic esse sequitur ad suppositum constitutum per subsistentiam. Vel etiam dicendum, substantiam definiri potius per ordinem ad subsistentiam primò per se, quam per ordinem ad existentiam, & idēd definitur, *Ens per se subsistēs*; Vel tandem definitur primò per se per ordinem ad existentiam, sub ratione entis, cui primò per se correspondet actus existentiz, non autem sub ratione substantię formalissimē.

Et cum ultimò additur, existentiam fluere ex intrinsecis principiis naturz substantialis: Resp: si per ly *ex intrinsecis principijs*, intelligatur consecutio alicuius, ex vi actionis attingentis naturam substantialem necessariò requisiti ad hoc, vt natura substantialis sit extra suas causas, conceditur: si verò intelligatur consecutio alicuius ingredientis rationem formalem naturz substantialis per modum intrinseci complementi, idque vltimū eiusdem naturz intra genus Substantię, negatur, vt ex supra dictis patet.

Quintum argumentum, si de ratione subsistentię esset reddere

naturam capacem existentię, sequeretur, quòd natura substantialis non haberet immediatam capacitatem existentię, & ita natura substantialis non ita immediatē ordinaretur ad existentiam, sicut natura accidentalis, & consequenter substantia non esset ita ens perfectum, sicut accidens, quia cum ens dicatur ab actu essendi; qui est existentia, quò aliquid immediatius ordinatur ad esse, eò est perfectius. Ergo &c.

Resp: negando vtramque sequelam illatam ex nostra positione; nam neque subsistentia tollit immeditationem à natura respectu esse, quia non ponit in numero cum natura, sicut nec generaliter terminus cum re terminata; sed requiritur tantum, vt complementum intrinsecum naturz, sine quo existere nequit, cum hoc proprium sit entium completorum. Neque verum est naturas accidentales ita immediatē respicere esse, vt excludant suum intrinsecū complementum, nam, vt supra diximus, etiam naturz accidentales habent aliquid, quo intrinsecè compleantur, antequam suum esse secundum quid, (quod ipsis nō minus, quā substantię, extrinsecum est) recipiant.

Sextum, & vltimum Argumentum, Ex nostra sententia sequeretur, quòd Deus posset supplere existentiam creatam in supposito creato, & cum illo facere vnū per se: Hoc autem implicat, quia suppositum creatum est inassumptibile, etiam per ordinem ad potentiam absolutam, vt infra pro-

habitur. Ergo &c. Minor, & consequentia patent. Sequela autem maioris probatur; nam in nostra sententia suppositum constituitur per subsistentiam, ante aduentum existentie, quæ dicitur actus extrinsecus respectu suppositi, & cum ex alia parte existentia nullam inuoluat imperfectionem, cum sit actus perfectissimus, ergo posset suppleri à Deo; & cum ex alia parte illa existentia idem faceret, quod existentia creata, si ibi esset; sicut etiã subsistentia Verbi nunc idem facit, quod faceret subsistentia creata, si esset in Humanitate Christi, idè sicut existentia propria facit vnum per se cum existente, ita & in hoc casu Diuina faceret vnum per se. Ergo &c.

Confirmatur. Sicut se habet punctum ad terminandam quantitatem, ita subsistentia ad terminandam naturam, iuxta nostra principia. Sed potest suppleri Deus existentiam, sicut aliorum accidentium, ita & quantitatis, ut docent plures Theologi etiam ex schola S. Thom: Ergo sicut, cum quantitas à parte rei non inueniatur sine punctis terminatiuis, assumeretur terminata punctis ad existendum, ita etiam natura poterit assumi iam terminata per subsistentiam, ut existat existentia Diuina.

Resp: ad argum: negando sequelã; ad cuius probat: dicimus, duplicem esse implicantiam, cum Deus non possit ad existendum naturam personatam assumere. Prima est ex imperfectione: quia enim existere absolute, & ex

conceptu suo nullam dicat imperfectionem, tamen existere supposito creato inuoluit imperfectionem; cum enim suppositum, si creatum est, sit in potentia receptiua ad existentiam, idè faciens illud existere, debet illud aduare, & recipi in ipso; nam cum illud dicat potentiam aduabilem per receptionem, non autè complebilem per terminationem, inde est, quòd nihil potest ipsius potentialitatem explere, quam habet ut existat, nisi existentia, quæ recipitur in ipso; vnde cum hoc Diuinæ existentie repugnet, non poterit natura creata, facta suppositum, assumi ad existendum per existentiam Diuinam. Quòd si reflectas super dicta quæst: præcedenti, videbis disparitatem, cum possit assumi ad subsistendum per subsistentiam Diuinam natura creata; non item suppositum ad existendum. Secunda implicantia deducitur ex eodem principio, quia scilicet faceret, & non faceret vnum per se: faceret, ut suppono, quia omne existens in genere substantie, quæ tale, est vnum per se: Non faceret, quia cum potentia nihil facit vnum per se, nisi actus commensuratus illi potentie; Sed existentia Diuina non est actus commensuratus supposito creato, quod est in potentia receptiua existentie, cum existentia Diuina sit irreceptibilis. Ergo &c.

Ad confirmationem patet solutio ex dictis in præced. quæst: nam, iuxta supra dicta, quantitas duplices terminos habet, alios  
suz

sue extensionis per ordinem ad vocationem; alios sue naturæ per ordinem ad existentiam primi sunt puncta, secundi vñio actualis ad subiectum: & sic nihil contra nos, quòd quantitas sit assumptibilis cum paucis.

§.3. *Vbi explicatur, quomodo cohereat cum natura subsistentiæ, ut competat Animæ rationali, quæ non est natura totalis, sed pars compositi physici.*

**I**am illa celebris difficultas explicanda nobis est, quam §.1. huius quæstionis innuimus, & huc explicandam remisimus: quod fundamentaliter, & radicè facientum est, iuuabit enim plurimum, tum ad naturam subsistentiæ cognoscendam, tum ad plures quæstiones Theologicas dissoluendas, quarum aliqua supra innuimus.

Supponendum est ergo primò, Animam rationalem esse formam corporis, & insuper esse per se subsistentem. Quòd sit forma corporis, de fide est, vt patet ex diuersis Scripturæ locis, & definitionibus Conciliorum, præcipuè Lateranensis sub Leone X. sess:8. Item Lateranensi sub Innocentio III. in cap. firmiter de Summa Trinitate; & in Viennensi sub Cleme<sup>nt</sup>e V. cuius acta habentur in clem<sup>nt</sup>ina vnica, vbi opinio negans animam rationalem esse formam corporis, velut erronea,

& Catholica veritati inimica datur. Quòd verò sit per se subsistens, est proximè connexum, cum principijs fidei; nam in hoc fundatur ipsius immortalitas, seu incorruptibilitas, vt poteris videre apud nostros: Complut: de An: disp: 16: q. 2. §.3. & apud P. Ioan: nem à S. Thom: Tomo 2. quartæ partis naturalis Philosophiæ q.9. ar. 1. Negare autem immortalitatem animæ est error damnatus à Concilio Lateranensi tertio sess: 8. ex quo duo videntur sibi inuicem contraria, animam rationalem inuoluere nimirum esse formam, & per consequens partem, & esse per se subsistentem, quod propriè naturæ totali competit, & hinc præsentis difficultatis occasio est.

Supponendum est secundò; quod cum forma sit, quæ dat esse rei, qualis est forma, tale & esse; si forma materialis, esse materiale, si forma spiritalis, etiam esse spirituale. Cum ergo in homine sit forma spiritalis, nempe Anima rationalis, (quam purè spirituale esse, vel de fide est, vt multi volunt, vel saltem ita connexum cum principijs fidei, vt oppositum dicere temerarium sit, & errori proximum, de quo videre poteris nostros: Complut: in lib: de An: disp: cit: q.1. §.2.) etiam esse hominis erit spirituale: ex quo

Infero, quòd cum in omnibus substantijs existentibus subsistentia constituat illas in ratione proximi susceptui existentie, & prius velut dimanare intelligatur à forma, quam dimanet existens



tia, idcirco in homine, ubi eſt forma ſpiritualis, & exiſtentia (vt iã dixi) ſpiritualis, etiam ſubſiſtentia debet eſſe ſpiritualis, & cum ſubſiſtentia, & exiſtentia animæ ſint ſubſiſtentia, & exiſtentia totius, vt §. ſequenti demonſtrabimus, hinc eſt, quòd exiſtentia, & ſubſiſtentia in homine ſit forma, *vt proprium*, & hominis, ſeu compoſiti, *vt communicatum*: atque, hinc eſt radix incorruptibilitatis animæ: & cur (ſicut aliæ formæ) ſimul cum compoſito non amittat eſſe, quia in alijs compoſitis eſſe, & ſubſiſtere conuenit compoſito, vt *quod*, & formis, vt *quo*, ac per conſequens primò compoſito, & ratione compoſiti formæ: in ſolo homine conuenit primò, & vt *quod*, & vt *quo*, & deinde còpoſito, vt *quod*. Et ſic licet ſeparetur à compoſito, in corruptione, non eſt neceſſe illud ſeparari à forma, quia habet ſuum primum ſulceptiuum.

Supponendum eſt tertio, quòd cum ex reſeſſu à materia, quæ eſt pura potentia, & accèſſu ad Deū, qui eſt puriſſimus actus, libretur rerum perfectio, vel imperfectio, hinc eſt, quòd cum formæ per ſe ſubſiſtentes taliter elongentur à materia, vt abique illa ſubſiſtant, ſunt perfectiſſimæ, & primò actui proximæ, non tamen erunt actus puri, quia etſi nihil habeāt materialitatis, habent tamen multum potentialitatis, in quantum non ſunt ſuum eſſe, & hinc oritur illarum diuerſitas, ſecundum quòd plus, vel minus participant actus-uſitatis, vel potentialitatis. Inter

has autem formas anima ratio-  
nalis inſinum obtinet locum, & idè inter formas ſubſiſcètes maxime recedit à primo actui, & idè accedit ad aliud extremum, nempe materiam primam, vt illi ad faciendum vnum per ſe coniungatur, conſtituatque vnam naturam humanam cum ipſa; cæterum quia hæc forma ſpiritualis, & intellecualis eſt, quando vnitur, iã materia quodammodò limites ſuos materiæ exiit, & ad altiorè ſe gradum trahitur. Pro cuius intelligentia

Supponendum eſt quartò ex Caietano cap. 4: de Ente, & Eſſentia quæſt. 10. duplicem ordinem rerum inueniri, intelligibilium, ſcil: & ſenſibilium; quod eſt idè, ac dicere, materialium, & immaterialium. Ordo enim ſenſibilium materialis eſt, omnes enim ſubſtantię ſenſibiles materiam neceſſario habent: Ordo verò intelligibilium immaterialis eſt, cum vnumquodque reddatur intelligibile per ſeparationem à materia. Quando itaque materia erit ſub aliqua forma ſenſibilis ordinis, cuiuſmodi eſt omnis forma habens ſuas omnes potentias organis corporeis affixas, non egreditur limites proprios, ipſa enim eſt radix illius generis. Cum verò materia eſt ſub forma intelligibilis ordinis, ſicut contingit in homine, extra limites ſuos aſcendit, & trahi dicitur ad aliquid extra ſuam ſphæram, ſcil: ad ſubſiſtere, & eſſe rei à ſe non dependentis: Sicque in homine eleuatur materia ad eſſe ſuperius; in

illoq; infimum supremi, & supremum infimi; nempe infimum intelligibilem, & supremum sensibilem coniunguntur. Quibus suppositis, iam facile explicari potest quod quaerimus, respondemus enim, &

Dicimus primò, incommunicabilitati, quae essentialiter consequitur subsistentiam, non praui dicare communicabilitatem animae rationalis. Probatur; nam incommunicabilitas essentialiter consequens subsistentiam est, ut non communicetur, ut *Quo*, habenti esse, ut *Quod*: Et hoc competit etiam Animae rationali; cum enim illa sit, ut *Quod*, adhuc dum est in corpore, ( ut §. sequenti contra Caietanum probabimus ) hinc est, quòd non communicetur praecise, ut *Quo*, sed simul ut *Quo*, & *Quod*, & communicatur illi, quod ab illa habet esse, ut *Quod*. Illa autem incommunicabilitas, quae negat, quòd aliquid communicetur alteri, ut pars toti, tantum reduciq; pertinet ad incommunicabilitatem proueniens à subsistentia; idq; non quomodocunq; accepta, sed ut facit suppositum, seu (quod idem est) ut afficit naturam totalem; nam non sola subsistentia, sed natura quoq; totalis intrat ad constitutionem suppositi, ob cuius totalitatis defectum anima rationalis licet subsistens sit, suppositum non dicitur.

Dicimus secundo, quòd subsistentia per se debetur naturae totali, & ideo in intentione semper primò illi attribuitur, ceterum in executione ex speciali ratione

prius attribuitur animae rationali, quàm toti per illam constituto. Ratio est, quia cum totum illud claudat materiā, velut extra sphaeram suam ( ut diximus ) extractā; hinc est, quòd in aliena velut domo materia subsistens, ad alienam subsistentiam trahitur; & sic illa subsistentia prius debet communicari illi, ad cuius esse trahitur materia, quam materię. Ergo cum materia intret rationem constitutum hominis, prius debet animae subsistentiam habere, & deinde ipsam toti, & materię communicare, ut subsistant; sed hoc est per accidens, & via executionis; via tamen intentionis, prius debetur illa subsistentia toti, quàm animae, cum etiam anima ipsa sit propter totum, & ideo neque creatur extra corpus, ut ipsius essentialis ordinatio ad componendum totum ordinatur. Quandocunq; ergo dicimus, quòd subsistentia debetur naturae totali, si intelligas distributiue pro omnibus, intellige via intentionis; nam hoc planè in omnibus, etiam in ipso homine verificatur: si autem vnā naturam humanam excipias, etiā via executionis in omnibus alijs naturis inuenitur.

Ex quo habes, quòd in generatione hominis hic est ordo naturarum quantum ad subsistendum, ( realiter enim ibi omnia sunt simul. ) Anima creatur subsistens, & existens, ut *Quod*; postea vnitur corpori, & resultat natura humana, cui primò tribuitur ab anima subsistere, & ratione illius; materiae tanquam parti ratione

totius: & idem ordo seruatus est in assumptione Humanitatis à Verbo, vt docent Theologi cum Angelico Doct: 3.p. quæ: 6.a. 3. & sequentibus. Sed hæc amplius sequenti explicabuntur.

#### §.4. An dentur Subsistentiæ partiales?

**Q** Via Subsistentia incommunicabilitatem dat naturæ, necesse est, vt, illam ipsa habeat; nemo enim, dat, quod non habet. Ad quam eius incommunicabilitatem cognoscendam non parum conducit præsens dubitatio: si enim subsistentiæ partiales essent, ita quòd alia esset subsistentia materię, alia formę, sicut materia, & forma vniuntur, communicanturq; sibi ad constituendam vnā naturam totalem, ita etiam illæ partiales subsistentiæ deberent ad inuicem communicari ad vnā subsistentiam totalem integrandam; cum quo non videtur, incommunicabilitatem subsistentiæ posse coherere: & quia clarum est ex ipso titulo huius paragraphi, non esse sermonem in præsentī de subsistentijs rerum spiritualium; in illis enim hæc subsistentiæ partiales non possunt fingi, cum sint formę simplices, & per consequens partes essentielles, ( quibus tales subsistentiæ possint attribui ) non habentes. Tota ergo controuersia est de substantijs, & subsistentijs materialibus. Est igitur.

Sententia Patris Suarez disput: 34. suæ Metaphyl: sect: 5. acriter

propugnantis subsistentias partiales, qui dicit, etiam in ipso homine materiam primam habere propriam, subsistentiam, & animam, alteram, ex quibus deinde subsistentijs ad inuicem coniunctis vnā integra totius humanæ naturæ resultat subsistentia, quam etiā dicit esse materialem, hocq; à fortiori in omnibus alijs materialibus compositis concedit. Et certè mirum est, quomodò iste Author audeat reprehendere Thomistas, quòd distinguendo essentiam, subsistentiam, & existentiam, tot multiplicet in composito entitates, cū ipse in eandem culpā incidat, tot entitates multiplicado, quot multiplicari necesse est, ipsius partialibus subsistentijs admissis.

Vt clariùs in hac difficultate procedamus: Priùs dicemus, quid in homine, deinde quid in alijs materialibus compositis de partialitate subsistentiarum sentiendum sit? Et antequam faciamus primum, disputandū nobis priùs est de modo, quo anima rationalis in corpore subsistit, an præcisè, vt Quo, an verò vt Quo simul. & vt Quod? Huius enim difficultatis resolutio non parum ad præsens conducit.

Circa hanc difficultatem Caietanus 3.p.q. 6.a. 3. duo dicit. Primum, Animam rationalem, dū est in corpore mortali, subsistere præcisè, vt Quo, non autem, vt Quod. Secundum, Animam separatam à corpore subsistere, vt Quod incompletum, & tanquā semipersonam, quam subsistentiā vt Quod, dicit, animam post res,

surrectionem, & reunionem ad corpus retinere: & sic (infero hoc iuxta sensum Caietani) post resurrectionem anima erit subsistens, vt *Quo*, & vt *Quod*. An vero, quando anima substat in corpore adhuc mortali; eadem omnino sit subsistentia; qua tunc subsistit, vt *Quo*, cum illa, qua vel in statu separationis subsistit, vt *Quod*, vel in statu reunionis subsistit vt *Quo*, & vt *Quod*, non satis, se explicat Caietanus. Quātū tamen ex ipsius discursu colligi potest, videtur dicere, subsistentiam hominis, qua nunc in corpore anima subsistit, vt *Quo*, esse aliam ab illa subsistentia, qua anima separata subsistit, vt *Quod*. Dicit enim ibi. Tū quod statim separata anima est semper persona, ac per hoc proprio termino terminatur, qua in corpore existens terminabatur termino totius hominis. Tū etiam si natura assumitur nō praeexistens separata) tunc, solum, vt seminataura assumitur, & unitur, quia non adhuc terminata intelligitur proprio termino, quem in sui a corpore, & ab hypostasis separatione (nota bene hęc verba, & quę sequuntur, ex his enim clare patet mens Caietani) nata est habere. Notanter autem dico non solum a corpore, sed ab hypostasi, quia si anima separaretur a corpore, & non ab hypostasi, (quod in solo Christo accidit in triduo) tunc non nisi, vt seminataura separata a tota natura, quę disineret, remaneret subsistens non per se, sed per hypostasim alienam, puta Filij Dei, cui semper est unita. Hęc Caiet: cuius opi-

nioni subscribit Bannes 1. p. q. 25. dub. 4. 5. sed tunc.

In contrarium verò est communior Thomistarū opinio, quam sequitur Aluarez de Incar: disp: 29. quod nimirum anima rationalis adhuc dum informat corpus corruptibile, seu pro hoc statu, est id, quod subsistit, & id, quo totum compositū subsistit. Huic etiam nos subscribimus, &

Dicimus, illam esse de mente S. Tho: quod patet ex plurimis authoritatibus ipsius, sed potissimè ex tribus, quas Aluarez loco citato adducit.

Prima est ex 1. sent: dist: 8. q. 5. a. 2. ad 2. vbi S. Doct: dicit: *Anima sine dubio habet in se esse perfectū, quamuis hoc esse non resultet ex partibus componentibus quidditatem ipsius, nec per coniunctionem corporis efficitur ibi aliquod aliud esse, immò hoc ipsum esse, quod est anima per se fit esse coniuncti, esse enim coniuncti nō est, nisi esse ipsius formæ; sed verum est, quod alia forma materiales non sunt per illud esse, sed sunt tantū principia essendi. Vbi nota hanc differentiam inter animam, & alias formas, quod illæ non sunt, licet sint principia essendi; anima autem ita est principium essendi, quod ipsa sit. Ergo ex mente S. Doct: anima rationalis est vt *Quod*; nā hoc sublatō, ostendatur quāso disparitas, quam hic intendit S. Doct: inter animas nostras, & formas reliquas materiales?*

Secunda authoritas est similis huic ex Quæst: de spir. Creat. a. 2. ad 3. vbi hęc habentur. *Habet ani.*

anima esse subsistens, in quantum esse suum non dependet à corpore, utpotè supra materiam corporalem eleuatum, & tamen ad huius esse communionem recipit corpus, ut sic sit unum esse anima, & corporis, quod est esse hominis.

Tertia autoritas, quam Caiet explicans, à sua sententia recessit, & nobiscum sentit, habetur 1. p. quæst. 76. a. 1. ad 5. vbi ait Angelicus Doct: *Anima illud esse in quo subsistit, communicat materia corporali, ex qua, & anima intellectiua fit unum, ita ut illud esse, quod est totius compositi, est etiam ipsius animæ, quod non accidit in alijs formis, quæ non sunt subsistentes, & propter hoc anima humana remanet in suo esse, destructo corpore, non autem alia formæ.*

Rationibus etiam suadetur nostra conclusio, & probatur primò. Anima per creationem accipit esse primò, & per se sibi conueniens, quod postmodum communicat corpori, ut fatentur ipsi aduersarij, & defendit Bannes loco citato. Ergo per creationem accipit etiam subsistentiam, quæ ipsi primò, & per se conueniat, cum esse supponat subsistentiam, ut ex supra dictis patet. Ergo subsistit, ut *Quod*, etiam in corpore; Nam illud intelligimus per subsistens, ut *Quod*, cui per se, & primò competit subsistere, sicut per existens, ut *Quod*, cui per se, & primò competit existere. Ergo cum ex vi creationis animæ, competat per se, & primò subsistere, nec hoc per vnionem ad corpus amittat, (ad quid enim illi da-

tum fuisset, si statim debuisset amitteri) etiam in corpore subsistit per se primò, ac per consequens, ut *Quod*.

Probatur secundò; nam iuxta oppositam sententiam non ita bene saluatur immortalitas animæ; tota enim ratio ipsius immortalitatis est inseparabilitas ab esse, quæ de necessitate supponit, ut sit proprium susceptiuum existentiæ; nam si totum illius esset susceptiuum proprium, necesse esset ad destructionem proprii susceptiui (quod fit in corruptione substantiali) etiam ipsum esse corrumpi, & sic corrumperentur omnia, quæ per illud sunt. Ergò, & anima, si per alterius existentiam esset; Si autem anima est proprium susceptiuum existentiæ, de necessitate debet esse subsistens, ut *Quod*, existentia enim cum sit terminus extrinsecus, non recipitur, nisi in illo, quod supponitur terminatū intrinsecè, quod autem est terminatum per subsistentiam tanquam per terminum proprium, est subsistens, ut *Quod*. Ergo de primo ad vltimum ad saluandam animæ immortalitatem, necesse est, illam esse absolutè, & omni statu subsistentem, ut *Quod*.

Probatur tertio ex mysterio Incarnationis, (quod primo nobis ad inuestigandam naturam subsistentiæ viam aperuit) nam anima Christi subsistebat, ut *Quod* per subsistentiam increatam Verbi, etiam vnita corpori mortali, priusque naturæ ipsi communicata fuit subsistentia increata Verbi, quam toti humanitati, ut docet

sunt nobiliores Theologi, de quo videre poteris Aluarez de Incarnat: disp. 30. Ergo etiam in nobis subsistit anima, ut Quod. In hoc enim Mysterio satis ex se admirabili, non sunt multiplicanda miracula sine necessitate.

Aduerto tamen cum Nazario 3. p. q. 6. a. 3. Controu. vnica: has prima fronte contrarias Thomistarum de subsistentia anima sententias posse probabiliter conciliari.

Supponendo, quod *ly* subsistere per se, ut Quod, fiat dupliciter. Vno modo simpliciter, & absolute, quod est idem, ac per se separatim existere; secundo modo prout dicit subsistere independentem ab alio, & esse, ut Quod, per primum susceptulum existentiz, & ratione cuius alia subsistant, & existant: quando ergo Caiet. 1. p. q. 75. a. 6. circa solutionem ad 5. & 1. p. q. 90. a. 2. circa explicationem rationis S. Tho: dicit, quod anima etiã in corpore subsistit, ut Quod, intelligendus est de secundo modo subsistendi per se, non autem de primo: cum certum sit ex vi suppositionis, qua supponitur esse in corpore, illam non subsistere separatim, quantum independentem ab alio, cui prius subsistentia competat, subsistat; & hoc idem tenet Aluarez loco supra citato, cum Perarientis in 2. contrã gentes c. 68. Tum etiam nostra conclusio eodem modo intelligenda est, aliter enim implicat illam intelligi, ut consideranti patebit. Quando verò Caiet. 3. p. q. 6. a. 3. & Bannes 1. p. q. 75. a. 6. negant, ani-

mam in corpore mortali subsistere, ut Quod, intelligendi sunt primo modo, quem sensum etiam nos admittimus, & hinc inducitur illud discrimen, quod volunt dicti Authores inter animam separatam, & coniunctam corpori mortali; quia coniuncta, licet subsistat, ut Quod, nõ tamẽ, ut Quod simpliciter, & absolute, quia non subsistit separata. In statu verò separationis, subsistit ut Quod absolute, & simpliciter, seu ut dicit Caiet. tanquam semipersona, & simili modo possunt alia dicta prima fronte opposita dictorum Authorum conciliari; quando alij dicunt subsistentiam per se primo competere animæ rationali, & ratione illius composito: alij hoc negant, & dicunt, illam per se primo competere composito, seu naturæ, & ratione illius, animæ; sicut generaliter partes subsistunt ratione totius. *Ly* enim, per se primo, fiat dupliciter. Vno modo, prout *ly*, per se primo, excludit omne aliud, cui prius utcumque conueniat, & sic subsistere, & existere conuenit per se primo animæ rationali, & ratione illius, naturæ. Alio modo, ita ut *ly* per se primo, non excludat alia omnia, sed tantum alia subsistentia, ut suppositum, ita ut sit sensus, quod illud sit per se primo subsistens, ut suppositum, & in hoc sensu certum est, quod subsistere per se primo competat naturæ, & non animæ; qui ergo dicunt subsistere in homine per se primo conuenit animæ, intelligendi sunt primo modo; qui verò stant pro natura,

tura, intelligendi sunt secundo modo, & utriq; sensus verissimus est, ut consideranti patebit.

Iam ergo hac difficultate determinata, & conciliatis oppositis Thomistarum, non tam sententijs, quam verbis, quibus in illa explicanda utuntur, ad principalem cum Suario controversiam reuertamur, cuius quantum ad primam partem determinatio iam quasi ex dictis patet.

Dicendum est primò, in homine non dari istas subsistências partiales, quarum una, anima, & altera, materia subsistat, sed omnia ibi subsistere per unam animæ rationalis subsistentiam; rationem huius fundaméntalem adducemus in determinatione generali, circà alias naturas; eadem enim ratio militat de illis, & de natura humana, hoc solo discrimine posito, quia aliorum suppositorum, formæ non subsistunt, ut *Quod*, sed præcisè, ut *Quo*, neque illis, sed naturæ totali per se primò debetur subsistentia.

Specialiter verò quantum ad hanc partem. Probatur Conclusio tum autoritatibus S. Thosuprà in hoc eodem §. adductis. Tum etiam ratione.

Probatur primò, quia anima rationalis communicat cum toto in operationibus etiam tibi maxime proprijs, quales sunt intelligere, & velle; verè enim, sicut dicimus anima intelligit, ita etià dicim s homo intelligit. Ergo communicat cum ipso etiam in subsistere, & existere, hæc enim præsupponuntur ad operari; Sed

non potest communicare cum corpore in alio subsistere, & existere, quam in suo proprio, communicando illud corpori: cum namque sit per se subsistens, & existens, non est capax alterius subsistentiæ, & existentiæ. Ergo unam, eandemque substantiam animæ rationalis subsistent primò ipsa, deindè compositum, & tandem materia. Ergo non erunt ibi subsistentiæ partiales.

Probatur secundo ex mysterio Incarn: nam ibi per eandem subsistentiam Verbi subsistebant omnia, nimirum anima, totum, & materia; vnde etiam post mortem remanserunt unita Verbo anima, & corpus, & hoc ex vi primæ unionis, ut communiter docent Theologi. Ergò cum ibi idem fecerit subsistentia increata, quod in alijs hominibus facit creata, etiam in alijs, tam anima, quam corpus, quam totus denique homo per eandem subsistentiam subsistent, & non per illas (quas inducit Suar:) subsistências partiales.

Obijcit contra Suar: Si tota humanitas subsisteret per eandem subsistentiam, qua subsistit anima, cum subsistentia animæ rationalis, sicut & ipsa anima sic spiritualis, sequeretur, subsistentiam totius humanitatis esse spirituales. Hec est falsum. Ergò, & illud, ex quo sequitur. Maior patet. Falsitas verò minoris prob. Nã si tota humanitas, seu formaliter loquendo, si totus homo subsisteret per subsistentiam spiritualem, sequeretur, quod homo posset dici persona spiritualis; sicut

enim Christus vocatur persona. Divina non ob aliam certè rationem, nisi quia subsistit per subsistentiam Divinam Verbi: ita si homo subsisteret per subsistentiam spirituales, vocaretur persona spiritualis: quod tamen est contra communem usum loquendi Philosophor: qui hominem non spirituales, sed materiales personam vocant.

Urgetur magis hoc ipsum, nam similes denominationes potius attenduntur ex subsistentia, quam ex natura: vnde in Christo licet fuerit natura creata, quia tamen subsistentia, qua illa natura subsistebat non erat creata, sed increata. Ergo etiam à simili, immò à fortiori, licet in homine natura sit ex parte materialis, & ex parte spiritualis, utpotè constituta ex materia, & spiritu, ob spirituales subsistentiam tota persona hominis deberet dici spiritualis.

Resp. negando minorem primi argumenti: ad cuius probationem neg: sequi: quod nimirum deberet dici homo persona spiritualis, si subsisteret per subsistentiam animæ, quæ est spiritualis; neque à Persona Christi ad præsens vallet argumentum; magna enim est disparitas inter naturam humanam Christi, & aliorum hominum naturas: In Christo enim, natura non constituebat personam, sed ad subsistendum per subsistentiam personæ iam constitutæ, tracta fuit; vnde non mirum, quod non det denominationem perso-

næ, quam non constituit; & sic in Christo non dicitur ab ipsa, persona increata: Cæterum in alijs hominibus natura cum subsistentia sibi ab anima communicata, constituit personam humanam, & idè quia natura humana dicitur materialis, (nam licet includat etiam spiritum, nempe animam, tamen simul includit materiam; bonum autem ex integra causa, malum verò) quale est esse materiale (ex quocunque defectu) idè & persona aliorum à Christo hominum, dicitur materialis: ut verò huius fundamentalem rationem videas.

Aduerte: quòd omnes denominationes sequuntur aliquam formam, ut communiter docent Philosophi: cum autem omnis forma sit actus, hinc est, quòd denominationes potius tenent se ex parte principij actualis, quam potentialis; vnde homo dicitur simpliciter rationalis, quia rationalitas est quid actualius in ipso. Si ergo subsistentia esset aliquis actus dans omnem actualitatem supposito, ita ut natura comparatur ad subsistentiam, sicut potentia ad actum, tunc qualis esset subsistentia, tale deberet esse & suppositum, sicut quia ratio animalis comparatur ad rationalem: tanquam quid potentiale ad actuale, homo ex ipsis constitutus dicitur rationalis: sed non ita se res habent in præsentia, nam, ut supra diximus subsistentia habet rationem puri termini, vnde natura non comparatur ad ipsam tanquam potentia ad actum, sed tan-

quæ



quam terminabile ad suum terminum, totaque actualitas suppositi est actualitas naturæ, subsistentia verò affert præcisè terminationem actualitatis: Inde est, quòd suppositum non dicitur tale à talitate subsistentiæ, sed à talitate naturæ: intellige de natura constitutiva suppositi; natura enim non constitutiva suppositi habet se ad illud denominandum, tanquam si ibi non esset, & per hoc patet responsio ad ultimam instantiam.

Dicendum est secundò. Generaliter in omnibus suppositis nõ dantur partiales subsistentiæ. Probatur primò faciliè. Tum à paritate rationis de supposito humano. Tum etiam, quia subsistentia est ex conceptu suo ultimus terminus. Ergo ipsi repugnat terminabilitas. Ergo in vno supposito repugnant plures subsistentiæ; nam si hæ darentur, deberet esse vna vnibilis cum alia, & per consequens vna terminabilis per aliã.

Confirmatur, quod est ultimum in aliquo ordine repugnat illi esse potentiale in illo ordine, vt ex se patet, sed in ordine subsistendi, subsistentia est quid ultimum, cum sit terminus. Ergo illi repugnat esse potentiale in illo ordine. Tunc sic subsumo: Subsistentiæ repugnat esse potentiale in ordine subsistendi. Ergo repugnant subsistentiæ partiales; si enim hæ darentur, sicut vnirentur inter se ad constituendum vnum per se, nempe subsistentiam totalem facientem suppositum, ita deberent inter se comparari, vs

potentia, & actus &c: quod etiam ipse Suarius ingenuè concedit, num. 22. Sed quomodò cum hoc ratio vltimitatis termini saluetur, nihil dicit, fortè supra hoc, se non reflexit. Ergo &c.

Probatur secundò, quia ex opposito sequitur, animam v.g. equi posse separatam existere naturæ; ex eo enim anima rationalis potest, quia est forma per se subsistens, nec qualitercunque, sed subsistentia partiali iuxta principia Suar. Sed etiam animæ equi esset per se subsistens sua partiali subsistentia. Ergo non minus ista posset separata existere, quàm illa.

Confirmatur ex supradictis. Subsistentia excludit communicabilitatem alteri, tanquam causæ materiali, à qua dependeat. Sed formæ materiales dependent in esse, fieri, & conservari à materia. Ergo non possunt esse subsistentes propria subsistentia, sed consubsistunt per subsistentiam totius.

Scio quid ad hæc possit dici ex mente Patris Suar: Ipse enim num: 42., & sequentibus probat, formas materiales non habere propriam subsistentiam partialem, illasque in hoc distinguit ab anima rationali. Sed vt verum fatear, ludere verbis videtur istæ. Author, dum in illo suo longissimo circa hanc materiam discursu, rem concedit, & nomen negat, quòd, vt clariùs constet, reduco ipsius dicta, ad aliquas propositiones.

Dicis ergo primò num. 9. Om

nem subsistentiam rei materialis esse duplici compositione compositam, integrali nimirum, & essentiali, & relicta pro nunc compositione integrali, de qua agemus §. sequenti, dicit secundò num. 22. quòd illæ partes, seu extrema compositionis essentialis comparantur inter se per modum potentiz, & actus, & rationem huius sui dicti satis bonam iuxta ipsius principia assignat, quia cum (vt ille dicit) subsistentia sit modus, debet sequi naturam rei, cuius est modus, vnde sicut natura totalis, ita & subsistentia totalis debet esse composita cum proportionem ad naturam, & partes eius, quas afficit: omnis autem compositio essentialis requirit extrema, quæ se habeant tanquam actus, & potentia. Ergo &c. Maxime quia cum partes compositi, seu naturæ, vna sit potentia, & alia actus, debent & ipsi modi his partibus competentes eodem modo inter se comparari. Dicit tertio num. 27. In homine integra subsistentia totius humanitatis, constat ex partialibus subsistentijs animæ, & corporis, ita vt horum, dissoluta vnione, maneat in vtraque parte compositi pars subsistentiz. Dicit quarto num. 35. In alijs substantijs materialibus, præter hominem, licet integra subsistentia componatur ex partialibus modis materiz, & formæ, & per eorum separationem dissoluatur, non tamen post separationem vterque modus partialis conseruatur in esse, sed tantum partialis modus materiz, &

ideo in his sola materia habet partialem subsistentiam, non autem forma.

Si verò contra ipsum Instes, quomodo fieri potest, vt modus ille existendi, quem tribuis formæ, & quem dicis, cum illa subsistentia partiali materiz componere integram subsistentiam totius naturæ substantiz materialis, non sit subsistentia; cum subsistentia totalis non possit componi, nisi ex subsistentijs partialibus. Dicit quinto num. 43. fate-mur, subsistentiam integram naturæ omnino materialis componi ex partialibus modis materiz, & formæ; dicimus tamen, modum partialem materiz esse partialem subsistentiam, non tamen modum formæ, quia modus materiz non innititur alteri, vt sustentanti, modus verò formæ, sicut & ipsa forma innititur materiz, vnde modus formæ, licet sit complementum subsistentiz totalis, non tamen est subsistentia partialis, neque necesse est, inquit, vt illud ex quo componitur aliquid, participet denominationem eius, quod componit, vt patet in homine, in quo partes componentes ipsū non dicuntur homo. Dicit sexto num. 45. Hos modos materiz, & formæ, esse distinctos à modis vnionis ipsarum partium inter se: imò superius dixit, esse etiam distinctos à modis vnionis ipsarum partialium vnionum. Ex quo clare vides, quod iste Author entitates modales in vno supposito multiplicat, qui nos acriter, sepiusque reprehendit, quòd distincto

guentes essentiam, subsistentiam, & existentiam, tres istas entitates sine causa (vt ille inquit) multiplicemus. Sed quidquid sit de hoc.

Habetur ex assertis à Suario, formas materiales dicere aliquem modum completium subsistentiæ totalis, illamque cum subsistentia partiali materiæ componere tanquam actum cum potentia; non tamen modum illum competentem formis materialibus posse dici subsistentiam, ex eo quia non facit ipsam formam independentem à materia, vt à sustentante. Hæc autem inintelligibilia sunt, & idem facit Suarius, ac si concederet, aliquid esse animal, bipes, implume, erectum caput habens, &c: & negaret esse hominem, quia non est rationale, quod ostendo: nam sicut hic illa accidentia, ita sunt propria hominis, vt alteri nequeant competere, ( vnde de necessitate supponunt rationalitatem, ) ita Suar: modis illis formarum materialium illa omnia concedit, quæ inhærendo ipsius principijs, non possunt competere, nisi subsistentiæ; nam esse vltimum completum alicuius naturæ substantialis, idque intrinsecum, & determinatum existentia, non potest iuxta illius principia alteri competere, quam subsistentiæ. Ergo cum illa concedat de modo formarum materialium, quomodo negat illam esse subsistentiam.

Respondet, & dicit, Ideo quia dependet ab alio. Sed implicat in adiecto: quia ille modus deter-

minat existentiam formæ substantialis, tanquam ipsius vltimum determinatum, vt dicit ipse; repugnat autem subsistentiæ, existentiam determinari vltimò per modum essendi in alio, cum hoc ipsius rationi repugnet. Ergo &c.

Vergeo magis. Modus materiæ est subsistentia partialis, quamuis sit determinabilis, & potentialis. Ergo multò magis modus formæ erit subsistentia partialis, quia est completius, & actualis.

Nec valet illa responsio Suarii, quia modus materiæ facit materiam esse independentem ab alio, tanquam à sustentante, nō autem modus formæ, quia de conceptu subsistentiæ non minùs est independentia ab alio, vt sustentante, quam vltimitas, & indeterminabilitas per aliquā rationē æqualiorem, & vltiorem intrinsecam ipsi determinabili. Ergo si carentia primi tollit rationem subsistentiæ à modo formæ, etiam carentia secundi tollit eadem à modo materiæ, vel si hac non obstante, modus materiæ est subsistentia, etiam non obstat illa, vt formæ materialis modus, subsistentia dicatur.

Deinde quis quæso intelligat, vt illud, quod constituit subsistentiam totalem in ratione subsistentiæ, complendo, & actuando illā in hoc ordine, non sit subsistentia? ergo cum taliter se habeat ex doctrina Suar: ille modus formæ materialis, erit vtrique subsistentia. Per quod excluditur illud effugium Suar: quando dixit, cōpōnentia non debere subire denominationem.

*Quaestio VIII. An dentur Subsistentia Partiales.* 383

nominationem compositi, ut patet in partibus hominis, quæ non dicuntur hominifit enim verum est de denominatione totius, quæ totum, sicut in exemplo allato cernitur, non tamen de denominatione formali totius, non reductione, sed specificatione, ut quia homo dicitur rationalis, illud, quod illum in esse talis constituit, debet esse rationalitas; & precipue, quando concurrunt pars potentialis, & actualis, si pars potentialis habet eandem denominationem, quam totum: si hæc denominatio perfectionem significet, non debet parti actuali denegari, cum actus semper sit perfectior potentia, ergo cum ratio subsistendi spectet ad perfectionem; (hoc enim perfectionem, substantiæ, quæ vincit accidentia, exprimit) & hæc attribuitur materiæ, quæ cum suo modo est pars potentialis in illa compositione, etiam debet attribui formæ, quæ est pars actualis, & complens subsistentiam totalem in esse subsistentiæ: unde sicut implicat, ut illud, quod constituit hominem in esse rationalis, non sit rationalitas, ita implicat, ut illud, quod constituit subsistentiam in esse subsistentiæ, non sit subsistentia.

Fateor ego, bene advertere, suatum, illum modum non posse dici subsistentiam, quia non facit animam subsistentem, sed non intelligo, ad quid illum modum in forma ponat; quid facit ille modus? quid dat formæ, quod forma de se non habeat? explicet quæso munus illius modi;

cum verò nihil faciat, non video ad quid illum modum ponat, nisi ut saluet subsistentiam partialem materiæ, quam, quia non vult, neque potest dicere esse subsistentiam totius, (cum subsistentia totius potius sequatur formam, quam materiam) fluxit alium modum, cum quo illa subsistentia partialis materiæ componat subsistentiam totalem naturæ totius. Ergo cum iste modus formæ sit impertinens, etiam subsistentia materiæ, ut ficticia reiicienda; & melius dicet, si nobiscum sentiens, unica totius subsistentia etiam partes subsistere affirmabit.

Qui alias rationes ad impugnandas has partiales subsistentias desiderat, videat nos. Complut: in *Physicis* disput: 3. quæ enim ibi illi circa existentiam materiæ primæ dicunt, hic proportionaliter applicata, istam multiplicationem partialium subsistentiarum destruere possunt; & quia P. Suarez multa circa præsentem difficultatem dicit, sed nihil contra nos solutione digni obijcit, omnia enim ipsius dicta fundantur in illo principio, quod Subsistentia sit modus existentie, iam dudum à nobis explosio, ideo nulla ipsius argumenta referimus,

*§. 5. Vtrum Subsistentia rerum materialium sit diuisibilis?*

**H**oc unicum restat nobis explicandum ad completam in;

Incommunicabilitatis subsistentiæ notitiam. Et licet diuisibilitas duplex possit esse, vel in partes essentielles, vel in partes integrantes, de hac secunda solum in præsentī sermo est, primam enim §. præcedenti exclusimus, partialibus subsistentiis reiectis. De subsistentiis autem rerum materialium quærimus; immaterialium enim sicut naturæ, ita & subsistentiæ, certum est, quod (ut potè nulla quantitate extentæ) nullas partes integrantes habeant, quia hæ non habentur, nisi à quantitate, ut fusè demonstrant nost. Complut: cum in Logica disp: 13. q. 3. cum in lib. de Generat: & corrupt: disp: 5. quæst. 3. & sequent. vique ad finem disputationis. Ut autem status præsentis difficultatis concipiatur.

Sciendum est, quod cum subsistentia sit terminus intrinsecus naturæ, ideòque aliquid ipsius de necessitate consequitur modum naturæ substantialis, quæ per ipsam subsistit; hinc est, ut si aliqua substantia sit purè materialis, ita ut ratione quantitatis extendatur, & sit diuisibilis in partes integrantes, pulsar statim animum quæstio, Verùm subsistentia ipsius in hoc etiam eius conditionem sequatur, ac proinde ad diuisionem eiusdem substantiæ, quæ sit ratione quantitatis ipsa subsistentia diuidatur; v. g. substantia aquæ, quia materialis est, est quoque ratione quantitatis extensa, & diuisibilis; quæritur ergo utrū ad diuisionem aquæ diuidatur ipse subsistentia, ita ut partes

aquæ diuisæ per eandem subsistentiam post diuisionem subsistant, per quam subsistebant ante diuisionem? an verò ad diuisionem aquæ subsistentia ipsius, quæ erat totalis naturæ complementum, penitus corrumpatur, & de nouo aliæ subsistentiæ generentur, per quas partes aquæ diuisæ subsistant, fiantq; supposita?

In qua quæstione est duplex opinio. Prima negat diuisibilitatem subsistentiæ. Ita Fonseca lib. 5. Metaph: cap. 8. q. 6. sect. 5. Valquez. 3. p. q. 4. 2. 2. disp. 32. Altera affirmat, omnem subsistentiam substantiarum materialium, quarum natura post diuisionem conseruatur, esse etiam diuisibilem. Ita P. Suarez in sua Metaph: disp: 34. n. 25. & 26. quamuis Suarez videatur docere, omnem subsistentiam rerum materialium quorumcunque esse diuisibilem in partes integrantes, quantum est ex se, quamuis ratione subiecti in aliquibus non possit diuidi, quia illorum natura post diuisionem non conseruatur, v. g. in minimo naturali, & in animalibus perfectis. Patrem Suarez sequitur Ioannes de Lugo de Incarnation: disp: 12. sect: 4. n. 55.

Hæc Quæstio iuxta principia Neothericorum non tantam difficultatem patitur, & vtraque opinio iuxta illorum principia probabiliter potest defendi; sed in Schola D. Tho: difficilius est determinabilis: Cum enim in Schola Neothericorum subsistentia consequatur existentiam, non inuoluitur præsentī difficultati

tati *Existentia*, quæ apud nos magnam difficultatem parit; Nam cum teneamus, subsistentiam esse priorem existentia, immò per subsistentiam constitui propriũ, & vnicum susceptivum existentia, dũ de diuisibilitate subsistentia agimus, intento mentis oculo existentiam respicere debemus, ne indiuisibilitatem subsistentia adstruentes, (quæ mens videtur fuisse aliquorum Thomistarum) dũ nouas ad diuisionem materialium substantiarum diceremus generari subsistentias, illis, qua vnita subsistebant, corruptis, etiam ipsas existentias veteres amitti, nouasq; acquiri, ac proinde verè & physicè ad quameunque diuisionem generari, & corrumpi teneamur affirmare: vel si id nolumus, cogamur dicere, existentias sua propria receptiua mutare, & de supposito in suppositum migrare posse, quo nil absurdius. Neque aliquem Thomistam legi, qui nobis in hac questione præluceat. Alium est in Schola nostra circa illa silentium. Vnus Nazarius 1. p. q. 50. 2. 2. aliquid circa hoc dixit, & videtur in Vasquezij sententiam inclinare; sed quàm ieiunè id expedituerit, ipsius verba ostendunt, quæ adduco. Dicit ergo loco citato in fine controuersia: *Disputat latè Suarez disp. 34. sect. 5. Vtrum omnis subsistentia creat: sit indiuisibilis? & sustinet, cuiuslibet materialis rei subsistentiam, esse compositam, & habere partes, sed oppositam sententiam satis effaciter tueretur Vasquez 3. p. q. 4. 2.*

2. disp. 32. *vbi refert, & soluit argumenta Suarij.* Hucusque Nazarius, nec plus aliquid circa præsentem difficultatem, tantũque nos ad Neothoricos remittit, à quibus nihil hac in parte discere possumus, cum illos ratio, quæ contra nos militat, non premat. Ex Caietani quoq; principiis potest non obturè deduci, illum tenere indiuisibilitatem subsistentia, adhuc in materialibus, 3. p. 2. 2. vbi docet, ex sola diuisione aquæ, vel ligni, noua generari supposita; quod etiam nos supra ex ipso diximus, ad probandum subsistentiam esse purum terminum; Ergo generabuntur nouæ subsistentia; Suppositum enim duo dicit, Naturam, & Subsistentiam. Ergo vt dicatur suppositum generari, debet aliquid istorum generari; sed natura non generatur, cum eadem sit natura ligni diuisi, quæ fuit vniti, alias non diuideretur diuisione propriè dicta; ergo generabitur subsistentia noua, & antiqua corrumpetur, ac per consequens iuxta principia Caietani, immo iam nostra, vt ex supra dictis patet, debet esse subsistentia indiuisibilis. Vt ergo aliquid circa hanc questionem definiamus.

Supponendum est primò ex nost: Complut: in lib: de An. disp: 5. quæst: vnica, hoc, quòd aliqua natura sit diuisibilis ad diuisionem Quantitatis, prouenire ex nimia formæ constituentis illam naturam immersione in materia: Cuius signum manifestum est, quia formæ aliàs materiales, non ca;

men omnino immerſa in materia, quales ſunt v. g. animæ animalium perfectorum, nō ſunt diuiſibiles. Quam doctrinam etiam repetunt in lib. de Generat: & Corrupt: diſput: 5. multis in locis, ſed præcipuè q. 5. n. 71.

Supponendum eſt ſecundò ex iſſdem Complut: loco cit: ex lib. de An. quod illud propriè diuiſibile dicitur, quod poteſt in vtraque parte manere; facta diuiſione, & idè animæ animalium perfectorum ſunt indiuiſibiles, imperfectorum autem diuiſibiles, quia hæ in vtraque parte diuiſæ manent, quod partium motus indicat, non verò iſæ; vnde quauis in homine v. g. poſſit manus, quæ informatur anima, abſcindi, & à corpore diuidi, non tamen vel anima, vel ſubſtantia hominis dicitur diuiſibilis, quia pars abſciſſa eandem naturam non conſeruat.

Supponendum eſt tertio ex iſſdem Compl: in Phyl: diſp: 3. quæſt: 5. n. 61. quod corrumpi illud propriè dicitur, non quod vtrunque amittit eſſe, ſed quod ita illud amittit, vt loco amiſſi aliud illi non communicetur: Et exinde eſt, vt materia quæ toties amittit eſſe, nunquam tamen corrumpatur, quia pro eodem inſtanti ſtatim acquirit aliud. Et quamuis hoc videatur eſſe proprium primi ſubiecti, vt tranſeat de eſſe ad eſſe, tamen etiam formæ, (ac per conſequens naturæ per tales formas conſtitutæ) quæ nimis ſunt materiæ immerſæ, ſicut in multis, ita & in hac naturam materiæ

ſapiunt; & ſicut ex prædicta immerſione in materia poſſunt eſſe diuiſibiles, ita & in hoc poſſunt naturam materiæ imitari, vt vno amiſſo, nouum eſſe poſſint acquirere, ſicque non corrumpi. Quod vt fundamentalius explicetur.

Supponendum eſt quarto ex iſſdem Complut: in lib. de Generat: & Corrupt: diſp: 5. q. 5. n. 70. & 75. aliquas formas eſſe, quæ ob ſuam imperfectionem, & immerſionem in materia habent vnitatem numericam amiſſibiliter, ex eo quòd, ſicut & ipſa materia, poſſent ſigillari nunc ad hanc, nunc ad aliam quantitatem; & hinc eſt, quod ad inuicem vniri, quæ erant diuiſæ, vel etiam diuidi, quæ fuerūt vnitæ, poſſunt. Aliquæ autem ſunt, etiam ex indiuiduatis quodammodo ab extrinſeco, quæ ſuam vnitatem poſitiuā inamiſſibiliter obtinent, quia licet indiuiduentur per ordinem ad materiam ſigillatam, quia tamen ita hanc materiam, hancq ſigillationem reſpiciunt, vt eis repugnet reſpicere aliam, habent ex hoc reſpectu inuariabili ſuam vnitatem poſitiuam, & numericā inamiſſibiliter. Et quia exiſtere conuenit ſingularibus, idè quod hic de vnitatem ſingulari, ſeu indiuidua dicimus, proportionaliter ad exiſtentiam applicandum eſt, vt nimirum formæ; (quæ ſicut ſunt principium eſſendi, ita non niſi vt hæc dant hoc eſſe) quibus variabiliter, & amiſſibiliter competit vnitatem numericam, iuxta diuerſam ſuam vnitatem, quam ſubeunt, diuerſarum exiſtentiarum.

sint principia, itaut in hac vnitate cōferant hoc esse, & in alia aliud; duo enim indiuidua per vnum numero esse existere non possunt; vnde etiam naturæ per illas formas constitutæ, sicut citra corruptionem ex vna indiuiduatione ad aliam, ita etiam ex vno esse ad aliud transire possunt. Quibus suppositis.

Dicendum est. Quamuis satis probabile sit, subsistentias rerum omnino materialium, quarum scilicet formæ diuisibiles sunt, esse etiam diuisibiles, tamen oppositum & est probabilius, & doctrinæ Thomisticæ magis conforme.

Prima pars Conclusionis patet ex argumentis, quæ pro parte contraria adducemus; & patet maximè ex illo, quod adduxi de amissione existentiz; quod certè plurimum vrget, nec video, quomodo aliter solui possit, præter hunc modum, quem iam in suppositionibus inuimus, vt infra, soluendo argumenta, huic obiectioni accommodabimus. Nam quod aliquis fortè posset dicere, ad diuisionem naturæ materialis, & diuisibilis, sicut subsistentiam, ita etiam existentiam perire, non quidem realiter, sed formaliter, & ideo rem non corrumpi, friuolum est, luditur verbis, nec status difficultatis penetratur. Quādo enim ego arguo in hunc modum (petente subsistentia, etiam existentiam perire, est necessè) loquor realiter, & physicè de illa entitate existentiz, quæ recipitur in supposito, & facit existens, & quæro de illa, peritne illa entitas

physicè, an physicè manet? Si dicas, perire physicè, itaut amplius non sit, infero corruptionem compositi. Si dicas, quod manet, & tantum mutatur formaliter, quia quæ antea faciebat existere partem, nunc facit existere totum, infero; ergo, cum suppositum solum sit susceptiuum existentiz, vt supra probatum est, sicut post diuisionem iam est aliud suppositum ab illo, quod fuit ante diuisionem, ita de necessitate fieri debes, illam realitatem existentiz, transire de supposito in suppositum, de receptiuo in receptiuum, quod planè est in intelligibile.

Secunda verò pars Conclusionis prius explicanda est, postea probanda. Dicimus ergo, quod quando aliqua substantia materialis, & diuisibilis, v.g. aqua, vel lignum, vel aliquod animal imperfectum, ad diuisionem quantitatis diuiditur, subsistentia illa, quæ antea subsistebat, perit, & nouæ subsistentiz generantur, quibus partes illæ, diuisæ, iam factæ tota, subsistant. Vnde iam constat, quā hic modus dicendi sit conformior principijs Thomisticis, maximè illi fundamento, quod supra ex Caietano ad probandam subsistentiam esse purum terminum adduximus. Quæ ratio etiam potest deferuire pro probatione præsentis Conclusionis, vt considerandum patebit; quæ iterum vt firmitus stabilietur, alijs rationibus vtimur.

Probatur primò; nā subsistentia, de qua est controuersia, competit naturis totalibus, & corli-



tuit suppositum; illa enim subsistentia, quæ animæ rationali competit, & ratione animæ toti homini, extra controuersiam est, cum ut ex supradictis constat, sit spiritalis, sicut, & ipsa anima, & per consequens indiuisibilis. Ergo soluta totalitate, perit subsistentia. Anteced. patet. Consequ. prob: nam quod competit alicui reduplicatiuè ut totum, soluta totalitate ipsius, necessariò perire debet: Tunc sic subsumitur: Sed per diuisionem soluitur totalitas. Ergo, &c.

Probatur secundò. De ratione subsistentiæ est, quòd vna non possit communicari alteri, ut supra contra Suarezium impugnando partialis ipsius subsistentias diximus. Sed si subsistentia esset diuisibilis in partes integrales, vna subsistentia esset communicabilis alteri. Ergo &c. Minor prob: nam quod est diuisibile est iterùm vniuersale, ut patet in aqua, quæ sicut diuidi, ita & vniri iterùm potest; Ergo si subsistentia ad diuisionem aquæ esset diuisibilis, ad ipsius vnionem esset iterùm vniuersalis; Sed vnionem aliquorum sine mutua communicatione non possumus intelligere; si enim vniuntur, inuicem sibi comunicantur. Ergo &c.

Probatur tertio; nam per diuisionem ligni, vel aquæ producuntur noua supposita, ut ipsi Aduersarij fatentur, & euident est, quia iam sunt post diuisionem aquæ plures primæ substantiæ, pluraque indiuidua à parte rei separatè existentia, ac proinde plura supposita: Tunc sic quæro ab Aduer-

sarijs; additur nè aliquid reale positum illis partibus aquæ diuisis, vel nihil? si dicas, quòd nihil additur, sed ratione solius diuisionis fiunt supposita, cum ante illam non fuissent; Ergo sola negatio vnionis cum alio constituit suppositum, quæ erat sententia Scoti supra à nobis, & ab istis ipsis Authoribus oppositæ sententiæ reprobata. Si dicas, quòd additur aliquid; cum ergo illud aliquid addatur ad constituendum suppositum, illud addetur, quod solum potest constituere suppositum, Ergo cum sola subsistentia hoc possit, ut ex supradictis patet, id, quod de nouo addetur, debet esse subsistentia, ac per consequens partes aquæ diuisæ per nouas subsistentias subsistent, non autem per illam diuisam, per quæ in toto subsistebant; alias vnum ex duobus inconuenientibus evitari nõ posset, nimirum, vel quòd in toto etiam erant supposita, quod nullus concedet; vel quòd suppositum, in esse talis, per solam negationem vnionis cum alio constituitur; quod est incidere in opinionem Scoti.

Confirmatur hæc ratio. Natura aquæ diuisæ ab alia aqua habet suam totalitatem, quam ante non habuit, & ratione cuius potest iam separata existere, cum antea non posset. Quæro vnde illa totalitas? Non iam (ut videtur docere Suarez loco citato n. 26.) ex eo, quòd loco punctorum cõtinuatiuum reseruat noua puncta terminatiua illius: hoc enim facit totalitatem quantitatiuam respectu cas,

pacitatis vbicationis separatæ, non verò totalitatem, & completionem, siue terminationem intrinsecam essentia in ordine ad existendum per se, & separatim; vt prorsus mirum sit, Suarium has diuersas totalitates in aqua separata non aduertisse, & in re tam obuia Virum aliàs eruditissimum hallucinatum fuisse. Ergo debebit addi aliquid illi naturæ, vt dicatur completa, & terminata intrinsecè, quod ad totalitatem requiritur; Ergo cum illam supponas cū subsistentia, subsistentia non erit vltimus terminus intrinsecus, supponetur enim terminabilis, & completibilis intrinsecè per aliū; quod est contra omnes Philosophos, & maximè contra ipsum Suarium, & alios sequaces, qui dicunt, subsistentiam esse terminum simpliciter vltimum, cum illam ponant post existentiam. Restat igitur, vt aliqua Aduersariorum argumenta proponamus, & soluiamus.

*§. 6. Satisfit argumentis circa diuisibilitatem Subsistentia.*

**P**rimum argumentum est illud, quod ego ipse in fauorē oppositæ sententiæ proposui, quia nimirum sequeretur, rem toties corrumpi, & generari, quoties diuiditur, quod videtur absurdum. Sequela autem manifesta est, quia si ad diuisionem petit subsistentia, qua illud totū subsistebat, necesse est, vt pereat & existētia, ne illam

cogamur de subiecto in subiectū trāsferre, quo nil absurdius. Ergo cum res, quæ amittit esse, corrumpatur, & quæ acquirit, generetur, necesse est, aquam toties generari, & corrumpi, quoties diuiditur.

Resp. facile ex suppositionibus, quod etsi ibi nouæ existentia, & subsistentia, veteribus corruptis, producantur, non tamen aqua ipsa dicetur generari, & corrumpi, quia pro eodem instanti, quo prius esse amittunt, acquirunt aliudiam autem, vt ex Complutenfibus dixi, corrumpi illud dicitur, quod ita amittit esse, vt pro eodem instanti non acquirat aliud. Vrgeo adhuc, & sit.

Secundum argumentum, quod in fauorem oppositæ sententiæ propono. Ex nostra sententia sequeretur, rem permanētem à causa secunda productam, & iterum destructam, posse eandem numero naturaliter reproduci. Sed hoc est contra communem Thomistarum sententiam, vt videre potes apud nost: Complut: in lib: de Generat: & Corrupt: disp: 13. q. 1. Ergo &c. Minor, & consequ: patent. Maior autem sic deducitur: Nā hauriat aliquis ex puteo vnā amphoram aquæ, procul dubio secundum nostram sententiam, produxit nouas duas entitates, nempe existentia, & subsistentia, quia fecit nouum suppositū existens à parte rei, quod antea non erat: Iterum diuidat illam aquam ex amphora in plura vascula; tunc iuxta nostram sententiam illam priorem subsistentiam, & existentiam destruxit, & nouas ge-

nerauit, per quas illa aqua per plura vascula diuisa subsistit, & existit: Iterum ex illis vasculis refundat illam aquam in illam vnam amphoram, ex qua illam per vascula diuiserat; tunc iterum illa aqua subsistit, & existet per vnicam subsistentiam, & existentiam. Quæro ergo, an in hoc casu subsistat, & existet per illam eandem subsistentiam, & existentiam, per quam subsistebat, & existebat antequam per vascula diuideretur, vel non? Si dicis, quod sic. Ergo virtute agentis naturalis, res aliqua permanens, qualis est subsistentia, vel existentia, semel destructa, iterum eadem numero reproducitur. Si dicas, quod non per eandem, hoc videtur impossibile; nam illa subsistentia, & existentia fit per resultantiam, & non per nouam actionem; ergo fit ex vi primæ generationis, vel productionis aquæ. Ergo cum natura sit determinata ad vnum, vna existentia, & vna subsistentia est, in quam se aliqua natura cui generationis explicare potest. Vnde ergo illæ aliz subsistentiæ, & existentiæ, quas in infinitum multiplicari necesse esset, si ad quamlibet diuisionem, & reuentionem nouæ generari deberent?

Neque ad miracula refugere potes, dicendo; quod virtute Diuina illa subsistentia reproducitur. Quis enim credat, ad lusum pueri aquam de vase in vasa transfundentis virtutem Diuinam patrandis miraculis præstare esse? Ergo &c.

Resp. primò explicando, quid

sit illud, cui semel destructo repugnat naturaliter reditus. Qui enim ex Philosophis hoc tueretur (sicut omnes ferè discipuli S. Thomæ, vt videre poteris apud Complut: loco citato) vel intelligendi sunt de re propriè dicta, & cui absolutè fieri, & esse competunt non autem de istis entitatibus minutis, quæ nullam nouam actionem requirunt terminatam ad se; sed resultant à natura sine aliqua media actione. Hancque mentem Philosophorum esse, faciliè deducitur ex ratione, quæ vnica ad probandum, non dari naturaliter rei destructæ reproductionem; communiter vtuntur: Probant enim hoc ex irrecuocabilitate actionis illius, per quam res producta est; Ergo loquuntur de naturis, quæ per veram actionem sunt, & quibus propriè competunt fieri, & esse, non autem de istis terminis naturæ, quæ nulla media actione sunt, sed naturali sequela resultant. Quod etiam vrgeri potest duplici exemplo, tum philosophico aquæ reducens se ad innatam frigiditatem vi caloris depulsam: quam quidem, etsi multi negent, (inter quos Suar: to. 2. in 3. p. disp. 44. sect. 6.) esse eandem numero cum frigiditate priori, ego tamen constanter teneo eandem esse; & ratio in promptu est; nam negare nemo potest, illam frigiditatem, ad quam se aqua reducit, esse proprietatem ipsius, cum fundamentum reductionis omnes assignent esse proprietates; Ergo cum eandem numero naturam eandem consequatur

tur numero proprietates, planè sequitur, illam frigiditatem, ad quã se aqua post calorem reducit, eãdem numero esse cum frigiditate, quæ primò naturam aquæ in generatione fuit consecuta. Quod etiã ipsa vox *reductionis* sonat, nã *reduci* significat ad idem ducit; vt ergo aqua propriè dicatur se ad frigiditatem reducere, eadem omninò debet esse frigiditas, quam perdidit, & quam de nouo acquirit. Tùm etiã exemplo Theologico idem probò; nãm in sententia communi Theologorum, si Natura humana in Christo dimitteretur à Verbo, explicaret se ad subsistendum, & existendum, subsistentia, & existentia naturali.

Similiter in vi S. Tho: cum eodem Angelico Doctore dicimus, quòd si Humanitas præsupponeretur existens, & subsistens ante assumptionem, ex vi assumptionis necesse esset, destrui ipsius naturalem subsistentiam, & existentiam. Tunc sic arguo: fingamus fuisse assumptam Humanitatem existentem, & subsistentem, atque idè existentiam, & subsistentiam destructas: Si iterum dimitteretur, explicaret se ad subsistendum, & existendum citrà nouum miraculum (vt grauissimi Theologi defendũt, quos sequor) per connaturalem subsistentiam, & existentiam; sed non per distinctam numero ab illa, qua subsistebat, & existebat prius, quia natura humana non est ex illarum numero, quibus ob suam imperfectionem, sicut vnitas numerica, ita & existentia variabiliter com-

petunt; ergo per eandem; ac proinde poterunt isti termini naturaliter reproduci. Nota tamen circa hucũque dicta, quod quando diximus, existentiam, vel subsistentiam dimanare à natura, non locuti sumus de dimanatione actionis, qua passiones dicuntur dimanare à subiecto, sed de dimanatione, & consecutione formaliter; in quantum sunt termini eiusdem indiuisibilis actionis, qua producit ipsa natura, vt infra, cum in hoc tractatu, tùm in tractatu de existentia explicabimus.

Resp: secundò conformiter ad doctrinam nostr: Complut: in lib. de Gener. & Corrupt. disp. 13. q. 1. in respons: ad 3. Negamus ergo, ex nostra sententia sequi reproductionem eiusdem rei ab agente naturali. Ad probationem verò dicimus, subsistentiam, & existentiam, quibus aqua reunita subsistit, & existit, esse numero distinctas ab illis, quibus ante diuisionem subsistebat, & existebat, illasque nouas subsistentias, & existentias, dicimus, produci ex vi actionis generatiuæ aquæ: Quia enim aqua sortita est per generationem talem naturam, vt ob suã imperfectionem respiciat variabiliter suam vnitatem, etiam talem naturam sortitur, vt variabiliter respiciat subsistere, & esse; ac per consequens vis generatiua aquæ, sicut respiciebat naturam aquæ, vt potentem sub varijs diuisionibus, & reunionibus subsistere, & existere, ita respiciebat illa diuersa esse, & subsistentias, & vnitates numericas, vt iuxta exigentiam

illius

illius naturæ, siue diuisæ, siue reunitæ ex vi primæ generationis resisterent.

Hoc autem dici conformiter ad mentem Complutensium, patet ex verbis ipsorum: Vt enim soluerent argumentum, quo probatur ex diuisione, & reuisione, atque reproductio eiusdem entitatis, idque ab agente naturali, dicunt: Dicendum est, aquam illam diuisam in multas partes non, perisse quoad entitatem materialem, sed quoad terminationem, & ea, quæ ad illam, & prædictam diuisionem consequuntur; & ita, si iterum uniatur illæ partes, semper perseuerat, modo supra dicto, eadem entitas, non tamen sub eadem terminatione, atque ita nunquam id, quod semel extinctum est, reddit per naturam.

Vbi obserua, quomodo naturam atque post diuisionem dicunt manere, & solas terminationes corrumpi, ipsasque in reuisione atque non redire: quod non solum de terminationibus quantitatis, sed etiam de terminatione naturæ, quæ talis, quæ sit per subsistentiam (vt intelligi debet) intellectum, manifestè ostendit, ex mente Complut: alia subsistentia naturam atque reunitæ terminari, ab illa, quæ terminabatur ante diuisionem.

Tertium argumentum est ex P. Suarez. Subsistentia imitatur naturam, cuius est subsistentia. Ergo subsistentia naturæ diuisibilis, erit etiam diuisibilis.

Resp: cum distinct: concedendo quidem, quod subsistentia

imitatur naturam in omnibus; quæ rationi puri, & vltimi termini non repugnant, non tamen in ijs, quæ tali rationi repugnant: Vnde cum illi repugnet diuisibilitas, vt ex dictis constat, licet naturam imitabitur in materialitate, non tamen indiuisibilitate.

Quartum Argumentum est ex eodem Suarez, subsistentia rei materialis si esset indiuisibilis, vel esset tota in toto, & tota in qualibet parte, vel tota in aliquo indiuisibili naturæ. Sed non est tota in toto, & tota in qualibet parte, hoc enim est proprium rei spiritualis, illa autem, vt supponitur, est materialis: Neque potest esse in aliquo indiuisibili naturæ v.g. in puncto; quis enim vel cogitare potest hoc figmentum, aut explicare cur in hoc sit potius, quàm in alio, rationemque reddere, quomodo in puncto existens totam naturam reddat subsistentem? Ergo absolute dicendum est, quod sit tota in toto, & pars in parte, ac per consequens diuisibilis.

Resp. facile ex nostr: Compluten. in lib. de Generat: disp: 6. q. 4. negando, subsistentiam non posse esse totam in toto, & totam in qualibet parte: hoc enim, in Schola Angel: Doct: non solum spiritualibus, sed etiam materialibus competit, vt ibidem deducit Complut: Addo tamen, beneficium quantitatatis, sicut ipsam substantiam materialem, ita & ipsius subsistentiam extendi, non tamen propriè diuisibilem esse, quia post diuisionem non manet, sed sicut continuas, integritas, &

totalitas, ita etiam subsistentia per ipsam divisionem destruitur.

Quintum Argumentum est ex Ioanne de Lugo, quia ex nostra sententia sequeretur, toties subsistentiam maris corrumpi, quoties ex ipso aliquid aquae hauritur, vel iterum in mare refunditur, siquidem nos dicimus, quod ad divisionem, & reunionem aquae subsistentia ipsius corrumpitur. Et verget magis hoc in gratiam eiusdem P. Lugo; quia cum aqua maris continuo aquas fluminum recipiat, & continuo per subterraneas scatebras aquas effundat, sequeretur, mare nunquam esse in factio esse, sed semper in fieri; continuo quippe existentiam, & subsistentiam amitteret, & acquireret.

Resp. ad ipsum argumentum negando sequelam ipsius: Sicut enim ex hoc, quod per continuam nutritionem viuens, licet continuo partes novas acquirat, & alias deperdat, esse idem numero, ut videre potes apud nost. Complur. in lib: de Generat: disp: 6. q. 5. & hoc ideo, quia illae partes, quae acquiruntur, vel deperduntur, de materiali se habent ad ipsam substantiam viuentis, ita etiam in praesenti philosophandum est, quod per subtractionem alicuius vasis aquae mare non amittit subsistentiam, quia illa pars una de materiali se habet ab subsistentia totius maris; immo sicut, abscisso v.g. brachio, totus homo non amittit suam subsistentiam, quamvis illam brachium abscissum amittat, ita similiter ob proportionem rationis, illa aqua

haustra ex mari novam acquireret subsistentiam, per quam separata subsistat, Mare vero in sua subsistentia, & existentia non variatur. Ad id vero, quod in fauorem argumenti virgendo add. di. resp: vnumquodque elementum quamdiu partes eius continuantur, vnica subsistentia subsistere, unde flumina non alia subsistentia subsistunt ab illa, qua subsistit mare, sed eadem; & ideo natura prouidet aquis de subterraneis meatibus, quibus continuantur, ut possint vnica, & indiuisibili subsistentia gaudere.

## QVAESTIO IX.

*Verum natura terminata  
subsistentia propria sit  
de potentia absoluta  
terminabilis aliena.*

**Q**uestionem hanc tractant Theologi 3. p. tum super q. 3. ar. 6. tum super q. 4. ar. 2. tum etiam in 1. discin. 1. illam tamen hic duxi tractandam: Tum quia ad perfectam incommunicabilitatem, quam subsistentia dat naturae, noticiam, valde est necessaria. Tum etiam, quia in praecedentibus, saepius hoc principio vsi sumus, quod scilicet natura per subsistentiam terminata, sit incommunicabilis, Tum denique quia magis philosophica, quam Theologica est; ex ipsa enim natura subsistentiae creatae nascitur,

fff quod

quod sit, vel non sit assumptibilis natura terminata per ipsam, ut in decursu presentis questionis patebit. Ut autem status questionis capiatur.

Supponendam est, quod licet natura terminata per subsistentiam sit suppositum, vel persona, (loquendo de naturis totalibus, & creatis, de quibus nunc sermo) hic tamen non querimus, an suppositum, vel persona sit assumptibilis, vel terminabilis de hoc enim nulla est inter Doctores controversia, omnesque uno ore negant, posse suppositum, vel personam assumi, seu terminari ulterius, cum hoc implicet; suppositum enim dicit essentialiter esse terminatum, ac per consequens ipsi ratio terminabilis repugnat. Sed quia suppositum distinguitur realiter a natura ratione superaddite ipsi subsistentie, querimus: Vtrum natura iam terminata propria subsistentia, saltem per Divinam potentiam absolutam, (naturaliter enim, vel de potentia ordinaria, certum est id repugnare) possit iterum alia subsistentia, saltem increata, terminari? Notanter autem querimus de natura terminata propria subsistentia, sue personalitate; nam quod natura semel terminata aliena personalitate possit iterum alia, idem aliena terminari, v.g. Natura humana Christi terminata personalitate Verbi, possit terminari personalitate Patris, vel Spiritus S: tanquam certum supponimus, idque docent communiter Theologi cum Angel: Doct: 3. par. q. 3.

ar. 6. Et hinc nascitur presentis questionis difficultas: Vtrum sicut natura potest terminari pluribus personalitatibus alienis (loquendo de increatis, nam quid de alienis creatis sentiendum sit, quæst. sequenti dicemus) possit etiam terminari una propria, & altera aliena? In quo est duplex sententia.

Prima est affirmativa, docens, quod sicut alienis pluribus, ita etiam una propria, & alia, vel etiam alijs pluribus alienis naturam terminari possit. Ita Hurtado disp: 11. Metaph: sect. 7. in quo planè est singularis, nullum enim vidi, qui in hac quæst: cum illo sentiat, quamvis Vasquez, & Suarez locis infra referendis hanc opinionem reputent probabilem, additque Suarez se vidisse illam à doctis, & grauibz Viris, publicè defendi.

Altera sententia negat, etiam de potentia absoluta, naturam creatam propria subsistentia terminatam posse adhuc aliena terminari. Ita communiter cum S. Doct: Thomistæ, de quo videre potest Caietanus 3. p. q. 3. ar. 6. §. *Ad cuius evidentiam*; Aluarez de Incarnatione disput: 26. Nazarius 3. p. quæst. 3. ar. 6. controu. 6. §. *Quid notanda est*: P. Mazziotto tomo 1. selectarum quæst: 10. per totam. Eandem sententiam docet Scotus, in 3. dist. 1. quæst. 2. §. *Ad probationem minoris*, quem sua schola sequitur. Idem docet Durandus, in 3. d. 1. q. 3. n. 16. subscribunt eidem opinioni omnes Neotherici, quorum scripta vidig

Sua:

Suarez in 3. p. q. 4. ar. 6. disp. 14.  
Valquez tomo 1. in 3. p. disp. 19.  
in 6. & communiter alij.

§. I. *Varij sensus secunda  
Sententiae negativae cir-  
ca praesentem qua-  
sitionem refe-  
runtur.*

**Q**uamvis autem in hac Con-  
clusionem coueniant praedicti  
Authores, in ipsa tamen expli-  
canda plurimum differunt; unde  
ex ista vna opinione tot aliae pul-  
lularunt: Nam in primis Scotus  
ampliat implicantiam; dicitque  
implicare contradictionem vnā  
naturam terminari pluribus sub-  
sistentijs, siue vna sit propria,  
& alia aliena, siue vtraque pro-  
pria, vel vtraque aliena: Illam  
enim illationem, (qua contra sen-  
tentiam nuper relatam arguitur;  
quod sc: si potest natura vna sub-  
sistentia aliena terminata termina-  
ri altera aliena; ergo etiam pro-  
pria terminata, potest terminari  
aliena) ita constantem, & effica-  
cem existimauit Scotus, vt ne  
concederet cōsequens, negarit an-  
tecedens. Huius opinionis (quam-  
uis longē ex alio fundamento)  
etiam est P. Mazziotra, qui in-  
tantum concedit, plures Personas  
Diuinas vnā numero naturam  
potuisse terminare, in quantum  
credidit, illas nullis subsistentijs  
relatiuis, iuxta multiplicatē  
Personarum Diuinarum multipli-  
catis, sed vnica absoluta, omni-

busque communi subsistere; qua  
etiam subsistentia dicit terminā-  
dam fore naturam creatā, si ab  
omnibus personis assumeretur.  
Sicque explicat sensum S. Doct:  
quando 3. p. q. 3. ar. 6. dixit, plu-  
res Personas potuisse assumere vnā  
naturam humanam. Sed quā im-  
merito, ipse textus Articuli con-  
uincit; ibi enim S. Tho: disputat: an  
tunc natura humana à tribus Per-  
sonis assumpta possit dici vnus  
homo? quae disputatio non cur-  
reret in sententia P. Mazzi: cum  
esset, & natura vna, & subsisten-  
tia vna; ac proinde nullum esset  
fundamētum multiplicatis, ma-  
ximē cum ipse P. Mazzi: dicat n.  
73. in illo casu, subsistentiam ab-  
solutam non debere, neque posse  
terminare illam naturam creatā,  
vt modificatur per relationes, sed  
secundum suum esse praecisum, &  
absolutum.

Deindē P. Suar: loco nuper ci-  
tato, videtur de omni supposito  
alieno concedere, quod pluribus  
possit terminari eadem natura;  
nam arguens contra positionem  
Paludani, dicit, posse Angelum  
naturam humanam terminare, &  
illa natura, sic supposito Angeli-  
co terminata, potest assumi ab  
aliqua Persona Diuina, & certē  
consequenter ad sua principia  
loquitur; nam ipse, impugnatis  
aliorū dicendi modis, dicit, quod  
ideō repugnat, naturam termina-  
ri proprio supposito, & alieno si-  
mul, non verō repugnat alienis  
pluribus, quia cum propria subsi-  
stentia terminata sit in se: aliena  
absoluta sit in alio, vt patet in Hu-



manitate Christi, quæ non est per se, sed in Verbo; repugnat autem esse per se, & esse in alio, non verò repugnat esse semel in alio, & iterum in alio. Ergo &c.

Et contrà verò Ioannes de Lugo dicit, repugnare quidem vnâ naturam terminari vnâ subsistentiâ propria, & alia aliena, non tamen repugnat vnâ naturam adhuc creatam terminari pluribus subsistentiis propriis, & connaturalibus, & id quidem de natura increata certum est in via S. Thome: cum ibi vltra subsistentiam absolutam, & communem, alias relatiuas agnoscamus, & ideo à paritate rationis inferat, idem concedi posse naturæ creatæ, non aduertens illud, quod ex infinitate naturæ Diuinæ oritur non rectè naturæ creatæ, ac per consequens finitæ applicari; unde rectè Vasquez hanc opinionem in intelligibilem, & in imaginabilem vocat, eamque optimè impugnât, vt videre est apud ipsum, loco cit.

Tandem alij omnes dicunt, naturam posse quidem pluribus subsistentiis alienis terminari, si sint increatæ, nō tamen pluribus propriis, vel vnâ propria, & altera aliena; & quidem pluribus propriis, illam non posse terminari, probat bene Vasquez, & sic iterum potest contra opinionem Lugo demonstrari; nam illæ duæ subsistentiæ sunt propriæ secundum se. Ergo ortæ ex principiis naturæ. Ergo connaturales. Ergo si potest natura per illas de potentia absoluta subsistere, poterit connaturaliter; (quod tamen ip-

se Lugo non dicit) cum enim illæ subsistentiæ connaturales sine, & ex principiis naturæ ortæ, non deorsus illas potentia absoluta adducat, neque contra impetum naturæ ex principiis ipsius educet, alias non connaturales essent, sed ex principiis naturæ naturaliter orientur. Ergo natura per ipsas connaturaliter existet, videturque P. Lugo implicantiâ loqui; dum illas subsistentias proprias vocat, & tamen dicit, quod per solam potentiam absolutam Dei possit natura per illas subsistere; quod verò per plures alias creatas eadem natura subsistere non possit, quod est dictum contra opinionem Suarii patet quæst: sequenti, vbi ostendimus, subsistentiam creatam alienam naturam terminare non posse: iam autem contra Scotum, & P. Mazz. Theologis probandum relinquimus, posse Personas Diuinas plures ratione suarum subsistentiarum relatiuarum, vnâ naturam terminare; hoc enim institutum Metaphysicum superat, & nos id tanquam certum ex doctrina S. Thome supponimus.

Itaque tota controuersia reducit, vt probemus, (hanc enim vltimam opinionem nostram esse volumus) quod licet non repugnet, naturam pluribus subsistentiis alienis, & increatis terminari; repugnat tamen illam iam terminatam propria personalitate, posse terminari alienam etiam increatam, & consistit cardo difficultatis, vt ostendatur disparitas, seu differentia, quæ intercedit inter

subj

substantiam propriam, & alienam, ob quam hæc, non verò illa possit pati consortium alterius in vna natura terminanda, in qua disparitate assignanda non conveniunt Authores, & ferme sunt quot capita, tot sensus; referunt plures dicendi modos, illosque impugnat P.Suar:& P.Mazziotta locis suprâ citatis. Nobis non vacat omnes recensere, & impugare, nobiliores adducam, & dicentiam, alij possunt apud prædictos Authores videri cum suis impugnationibus.

*§. 2. Modi dicendi varij Authorum in explicando ipso puncto difficultatis reserantur.*

**I**N primis ergo Caiet: tribus differentijs assignatis inter substantiam propriam, & alienam, infert pluribus alienis (loquendo semper de increatis) posse vnam naturam terminari, non tamen vna propria, & altera aliena.

Prima differentia, & radix ceterarum est, quia natura, habens propriam personalitatem, seu substantiam, constituit personam, seu suppositum, & quia hæc natura suapte natura non potest se extendere, nisi ad vnam personam sibi propriam, & personæ repugnat assumi, idcirco natura terminata semel propria personalitate, non est amplius etiam de potentia absoluta germinabilis

aliena. Cæterum natura terminata per substantiam alienam non constituit personam, ut patet in Humanitate Christi, quæ personatur per Verbi personalitatem, absque eo, quod constituar personam, quia hæc cum sit Diuina, fuit constituta ab æterno, & sic natura illa est assumptibilis ab alia persona Diuina.

Secunda differentia est, quia propria personalitas terminat naturam adæquatè, tam intensiue, quam extensiue, utpotè nata ex visceribus naturæ, ideoque illi omnino commensurata: aliena verò, licet totaliter intensiue; non tamen totaliter extensiue naturam terminat, ac proinde non omnino adæquatè, licque reddit adhuc terminabilem.

Tertia est, quia substantia propria est intrinseca naturæ, & ideo nõ est assumptibilis natura, quia aliter meretur persona, quod implicat; substantia verò aliena cum sit extrinseca, non impedit, quod adhuc natura sit assumptibilis, non assumpta persona.

Hæc doctrina Caiet: quam ad vnguem sequitur Nazar. multis displicet, pluraque contra ipsam obijciunt, tum Neotherici, ut videre potes apud Suar:& Vasquez, tum Scotistæ: præcipuè Rada in sua 3. p. controuersia 1. ar. 4. & certè neque ego video, quomodo hæc dicta Caiet: difficultati satisfaciant.

Nam prima quidem differentia verissima est, sed non videtur inducere inassumptibilitatem in natura; nã quantumuis concipias

naturam constituētem personam, sēper tamen relinquis distinctionem realē inter naturam, & personam, ut ex supra dictis contra Durandum patet: quæ ergo implicancia erit, ut assumatur natura, non assumpta persona, etiam si natura constituat personam? si semel distinguuntur.

In secundo autem discrimine, & differentia, ut benè aduertit Suarez, videtur Caiet: quodammodò petere principium, obscurius repetēdo id, quod est clariùs in quæstione. Dicere enim, naturam à propria personalitate intensuè, & extensuè, ab aliena verò intensuè tantum, & non extensuè terminari, est dicere à propria ita terminari, ut non possit terminari ab alia; ab aliena verò ita, ut ab altera sit adhuc terminabilis, quod est in quæst.

Similiter ex tercio discrimine, non enervatur difficultas, quia illa intrinsicitas quanta assignetur, numquam erit tanta, (nisi in Durandi partes transeat) ut tollat distinctionem realē inter naturam, & suppositum. Ergo, ut potè distincta, poterit saltem de potentia absoluta assumi, non assumpto supposito.

P. Suarez aliorum reiectis modis dicendi, suum proponit ex tali discrimine, quod intercedit inter substantiā propriā, & alienā; quia nimirum propria, & creata substantia solum est modus quidam intrinsecus per se existendi: hic autem modus habet formalem, & immediatam repugnantiam cum illo modo unio-

nis, quem habet natura assumptā in alieno supposito, quia esse per se, & in alio immediatè repugnāt, & vnum includit negationem alterius; iam verò duo modi existendi in alio, quos afferunt substantiæ alienæ, non sunt inter se repugnantes, sed habent se disparatè, licet etiam duo modi essendi per se, unde sicut naturæ Diuinæ ob hanc rationem non repugnat esse simul in pluribus personis, quia in omnibus est per se: ita similiter vni naturæ creatæ non repugnat esse in pluribus alienis, quia in omnibus habebit esse in alio;

Sed hæc etiam Suarii speculationi subsistere non potest.

Nam in primis falsū est, quod supponit, substantiam creatam esse modum existendi, ut supra probauimus; deinde quando ille dicit, quod propriā substantia, dat esse per se, & aliena dat esse in alio: aut falsum dicit, aut ad præsentem difficultatem impertinens; si enim per *ly* esse in alio, intelligat, ut accidens in subiecto, falsissimum est, naturam terminatam personalitate aliena esse in alio, ut in subiecto, aliàs rationē naturæ substantialis amitteret, quod falsum esse conuincit humanitas Christi assumpta à Verbo, rationem naturæ substantialis non amittens: si autem per *ly* esse in alio, intelligat esse in alio, ut partem in toto. Si loquatur de parte rigorosè, iterum falsum est, naturam existentem in aliquo supposito esse propriæ partem, ut patet in eadem humanitate; si ve-

sed intelligat de parte lato modo, quo modo, quidquid etiam improprie, & non rigorotè componens cum alio vocatur *pars*; salsum iam erit, naturam in proprio supposito non esse hoc modo partem; Siquidem cum propria subsistentia (vt supra diximus) facit aliquam compositionem, similiter si loquamur de esse in alio, vt *Quo* in *Quod*. In hoc certe vtraque natura conuenit, tùm in proprio, quàm in alieno supposito subsistens; cùm verobique natura comparetur ad suppositum, vt *Quo* ad *Quod*, ac proinde hic dicendi modus est impertinens ad præsentem difficultatem soluendam, in qua assignanda est aliqua proprietates subsistentiæ propriæ, ratione cuius repugnat illi consortium alienæ, ob cuius defectum in aliena subsistentia possunt plures alienæ circa eandem naturam, saltem diuinitus combinari: quòd cùm non assignet Suarez, ratio ipsius est nulla; vt vero tollatur equiuocandi materia.

Explicandum nobis est, quid velint Metaphysici & Theologi cùm ordinariè dicunt, naturam terminatam propria subsistentia esse per se; terminatam verò aliena esse in alio; In quo alius sensus veritatis conformis deprehendi non potest, nisi iste, vt Naturam terminatam per propriam subsistentiam dicatur esse, scù subsistere per se; In quantum illud per quod subsistit & existit, habet ex proprijs, non verò emendicatum aliunde; natura verò, terminata aliena personalitate, aliunde ha-

bet, alienumq; est, per quod subsistit, & existit. Vtraque ergo est per se: quia vtraque est substantia completa terminata iam existens vt *Quod*; sed quia hoc vni competit ex propria natura, dicitur absolute per se altera verò non, propter oppositam rationem. Esse autem sic per se, & in alio, quæ quæso implicantur? Immo magis fundamentaliter potest obijci Suariorum petitio principij, quam Caietano, pro qua tamen Suarez redarguit Caietanum; nam si ly subsistere per se idem est, quòd habere id, per quod subsistit ex proprijs, scù (quod idem est) subsistere per propriam subsistentiam; & subsistere in alio idem est, quòd non habere subsistentiam propriam, sed alienam, planè Suarez petit principium, cùm assignat pro ratione, quod est in questione, cùm enim probat, non posse naturam terminatam subsistentia propria terminari aliena, quia esset per se, & in alio, idem dicit, (vt ex dictis patet) ac si diceret, quia haberet subsistentiam propriam, & alienam friuolum ergo est, quod Suarez, alijs acriter reprehensis, ex suo sensu profert.

Iam autem illa explicatio Patris Mazzioetæ est potius subterfugium difficultatis, quàm eius enucleatio: Nam, vt optimè aduerit Nazarius, punctus præsentis difficultatis non est de subsistentia absoluta; non enim hanc assumunt Aduersarij pro medio, quando vrgent, quòd possit natura terminata propria subsistentia iterum terminari aliena ex eo sc; quòd

quòd plures Diuinæ Personæ possunt vnā numero naturam terminare, nam ratione subsistentiæ absolutæ potius terminant, vt vnum, quàm, vt plures. De relatiuis ergo tota est cōtrouersia: quas quia negat P. Mazziotta, extra quæstionem nostram versatur. Alios modos dicendi relatos, & impugnatos vide apud Suarez, & Mazziottam, nobis enim non vacat referre omnium dicendi modos, cūm præsertim ad nostrum Institutum parū conferant. His ergo præmissis, vt iam tandem nostrum sensum aperiamus, sic

*§. 3. Modus dicendi  
oster, & sensus in de-  
cidēdo puncto ip-  
so difficultatis  
aperitur.*

**S**upponendum primò, quando hic de subsistentijs alienis sermo est, de solis increatis nos intelligere. Vnde disparitas, quæ in præsentī quæritur, petenda est ex discrimine, quod intercedit inter subsistentias personales (de his enim, vt iam diximus, & non de absoluta, in præsentī est sermo) increatas, & propriam creatam. Et quamuis obuiam statim occurrat, quia nimirum hæc finita, illæ verò infinitæ; istud tamen discrimen ad præsens nihil, iuuat; quamuis enim in infinitatem refundatur, quòd alienam possint terminare naturam, vt sequenti quæstione videbimus, non tamen,

quòd plures vnā, in quò præsens quæstio versatur: Immo potius huic obstat infinitas, quia exhaurit totam capacitatem, & terminabilitatem naturæ magis, quàm propria subsistentia creata: ac proinde magis, quantum est ex hac parte, tollit ab illa terminabilitatem per aliam. Aliud ergo nobis inueſtigandum est discrimen, quod præsentem difficultatem complanare possit, in quò tot eruditissimorum Virorum desudarunt ingenia, Pro quo.

Supponendū est secundo Subsistentiam creatam non posse esse relatiuam, quia cūm in creatis relatio sit accidens, subsistentia autem ad genus prædicamenti substantiæ pertineat, inde est, quòd sicut id, quod est substantia, repugnat esse accidens, ita repugnat, vt subsistentia creata sit relatio. Oppositum in Diuinis contingit propter oppositam rationem, de quo Theologi in materia de Trinitate. Et hinc nascitur primum discrimen ad præsentis difficultatis resolutionem spectans, quia nimirum subsistentia creata est quid absolutum, subsistentiæ verò personales in Diuinis sunt relatiuæ.

Supponendum est tertio, quòd cūm S. Doct. 3. p. q. 3. a. 6. determinans, plures Personas Diuinas posse vnā numero naturam assumere, recurrit ad conditionem Diuinarum Personarum, quibus non repugnat esse in vna natura vnde pro fundamento suæ assertionis assumit istud principium, *dicens in Corp. Artic. 1. Est autem*

*alis Diuinarum Personarum conditio, quod una earum non excludit alias à communionem eiusdem naturæ, sed solum à communionem eiusdem personæ, videndum est, cùm Diuinæ Personæ non excluduntur à communionem eiusdem Naturæ Diuinæ, vt inde possimus concludere cum Angelico Doctore, quod non se excluderent etiam à cõmunionem vnus naturæ creatæ. Hoc autem optimè explicarunt nost. Salmatic: Tract: de Trinitate: disput. 1. dub: 3. §. 2. quia nimirum illa supposita, etsi infinita, sunt tamen inadæquata respectu Naturæ Diuinæ, & ideo Natura Diuina, vt modificata per vnum, non modificatur per aliud, potestque tribuere aliquid vni, quod non tribuit alteri, v. g. tribuit Patri generare, & non generari, Filio verò tribuit generari, & non generare, quod manifestè inadæquationem conuincit; nam si adæquatè ab vnoquoque terminaretur, vnique tribueret totum id, quod posset, sicut (vt obseruant Idem Salmatic: loco citato n. 7.) natura creata, quia tantum petit vnicum suppositum, ideo prout est in illo, vt in supposito adæquato sibi connaturalissimo, tribuit illi quicquid in se habet. Et hinc est secundum discrimen inter suppositum proprium creatum, & Diuina Personalia, quia illud semper est suæ naturæ adæquatum, hæc verò inadæquata respectu Naturæ, quæ connaturaliter terminant. Ergo cùm S. Doct. iubeat, nos ad modum, quo personalitates Di-*

*uinæ terminant naturam increatam, respicere, ( vt patet tùm in corpore articuli tùm in argumento. Sed contra, tùm in responsione ad secundum ) vt possimus cognoscere modum, quo possunt plures Personæ Diuinæ vnâ naturam humanam assumere, planè iuxta mætrem Angel: Doct: natura humana pluribus personalitatibus alienis eo solû modo terminabilis esset, quo de factò ab illis natura increata terminatur. Ex quibus infero, &*

*Dico primò, rationem fundamentalem, cùm possint plures Personæ Diuinæ vnâ numero terminare naturam, non verò potest natura propria personalitate terminata, terminari aliena, esse hæc, quia propria est absoluta, & naturam adæquatè terminans, ac proinde excludens consortium alterius cuiuscunque, etiam increatæ, Diuinæ, quia esset adæquata, & inadæquata: Iam verò Diuinæ, quia relatiuæ, & quia inadæquatè terminarent, neque se à consortio vnus naturæ excluderent, neq; illa implicantiâ sequeretur, vt consideranti patebit. Ex quo adhuc infero, &*

*Dico secundò, quod quando aliqui Theologi dicunt, naturam humanam terminatam personalitate Verbi, vt est in Christo, esse adhuc assumptibilem ab alijs Personis Diuinis, intelligi debent de assumptibilitate, quæ fieret, dissoluta prius hac terminatione, qua de factò terminatur, non autem de assumptibilitate, stante*

præfenti vnione; nam pro nunc  
 personalitas Verbi supplens vi-  
 ces propriæ personalitatis, & so-  
 la id faciens, adæquarè naturam  
 humanam terminat, ac proinde  
 in sensu composito interminabi-  
 lem relinquit, itaut implicet, illā  
 ab alia terminari, aliās esset, &  
 non esset adæquate terminata. Si  
 verò vellent illam etiam aliæ  
 Personalitates Diuinæ termina-  
 re, prius hæc; quæ modò est, vnio  
 solueretur, & deinde ab omnibus  
 tribus Personis, inadæquate à sin-  
 gulis, adæquate ab omnibus ter-  
 minaretur. Et hinc patet, cū sub-  
 sistentia connaturalis, & propria  
 nō patiatur alienā; quia cū pro-  
 pria, & connaturalis sit connatu-  
 raliter, ideòq; quantum potest se  
 communicet, & cū, utpote pro-  
 pria, commensuretur naturæ, adæ-  
 quate terminabit ipsam, nec vi-  
 tra, etiā de potentia absoluta nō  
 relinquet terminabilē. Cæterum  
 alienæ non connaturaliter ter-  
 minant, & ideò non faciunt to-  
 tum, quod possunt, ac proinde,  
 (licet ipsæ infinitæ in ratione  
 terminandi) poterunt naturam,  
 finitam terminabilitatem haben-  
 tem, inadæquate terminare. Quod  
 ut fundamentalius capiatur.

Sciendum est, quòd cū Angel:  
 Docet: (ut ex textu Articuli cita-  
 ti, & præcipue ex responsione ad  
 primum constet) dicat, illam na-  
 turam assumptam à tribus Perso-  
 nis, non fore multiplicandam,  
 realiter cum ipsis, neque suam  
 vnitatem numericam amissuram;  
 iam autem, ut fuscè, & eruditè  
 ostendunt nos, Salmatic: Tract:

de Trin. disp: 9: dub: 5. 5. n. 116.  
 & sequent: natura, quæ est in plu-  
 ribus suppositis, si sit in illis præ-  
 cisè ut Quo in Quod debet rea-  
 liter multiplicari in ipsis; Vnde,  
 ut ibi iidem optimè aduertunt,  
 non est discrimen inter naturam  
 finitam, & infinitam, quòd infini-  
 ta possit esse in pluribus suppo-  
 sitis, finita autem nō possit; vtra-  
 que enim potest, ut patet in na-  
 tura humana, quæ est in tot sup-  
 positis, quot sunt indiuidua na-  
 turæ humana; sed discrimen inter  
 illas hoc est, quòd natura creata  
 in suppositis multiplicatur, non  
 verò increata, & infinita; cuius  
 radicale fundamentum est, quia  
 illa, antequam intelligatur recipi  
 in supposito, est præcisè ut Quo;  
 hæc verò adhuc ante terminatio-  
 nes Personales est, ut Quod, ra-  
 tione subsistentiæ absolutæ sibi  
 propriæ, & ad suam lineam spe-  
 ctantis. Hinc ego

Infero, & nisi fallor, fundamen-  
 taliter, & evidenter, quòd si in-  
 casu, quo natura humana assumer-  
 retur à tribus Personis, maneret  
 cum sua vnitatem numerica, neces-  
 sariò deberet prius terminari per  
 subsistentiam absolutam commu-  
 nem tribus Personis, & deinde  
 sic terminata, iterum subsistentiis  
 personalibus terminari, aliās sup-  
 poneretur, ut Quo ante termina-  
 tionem, sicq; iuxta fundatissimum  
 Salmaticensium discursum, debe-  
 ret in illis multiplicari. Ex quo  
 fit, quòd sicut dicte subsistentiæ  
 personales naturam creatam ter-  
 minarent, ut prius subsistentem  
 per subsistentiam absolutam, si:

cut etiam terminant naturam Diuinam, vt sic prius subsistentem, ita sicut, ibi respectu illius subsistentiæ absolutæ, naturæque per illam subsistentis, sunt inadæquate ita & hic; quia licet natura ipsa esset finita, & limitata, tamen immediatum terminabile per ipsa, nempe ipsa subsistentia absoluta esset infinita, & illimitata. Quomodo autem subsistentia absoluta sit terminabilis per subsistentias relatiuas, cum de ratione subsistentiæ sit vlimitas, & per consequens interminabilitas, quia Theologicum est; hic commodè explicari non potest, explicant tamen id nost: Salmatic: Tract: citato de Trinit: disp: 9. dud: 5. §. 7. quò Lectorem sciendi cupidum, & curiosum remittimus.

Neque suspicetur aliquis, nos hic sequi modum dicendi P. Mazziortæ supra à nobis refutatum; longè enim aliud dicimus, ac ipse dixit; ille siquidem credidit, nullas esse in Diuinis subsistentias relatiuas, & idè purè ratione solius subsistentiæ absolutæ (idq; adhuc non modificatæ per relationes) plures Personæ Diuinæ terminarent Naturam humanam, & idè extra statum quæstionis fuit, in qua Theologi, & Metaphysici exinde, quia natura potest pluribus subsistentijs alienis terminari, disputant, vtrum etiam possit vna propria, & alia aliena: Nos verò & subsistentias relatiuas admittimus, neque negamus, illas tunc terminaturas illam naturam, sed præquirimus

subsistentiam absolutam ex eo præcisè, vt vnitas numerica naturæ conseruetur, & sic nõ sumus extra statum quæstionis, vt nostra dicta consideranti parebit.

Quamuis autem aliqua obijciat P. Suar. contra explicationem Durandi, & Paludani, qui exinde dicebant, non repugnare Diuinis Personalitatibus vnã numero terminare naturam, quia sunt relatiuæ, & per consequens non se excludentes à consortio vnus naturæ: quæ etiam nostra est in parte sententia; sed quia nos vltra rationem relatiui, addimus modum terminationis illis debitum, nempe, vt inadæquate terminent, idè quæ obijcit Suarez, cõtra nos nihil faciunt; & vltra ea, quæ ibi contra hunc dicendi modum adducit.

Potest efficaciter ex dictis impugnari explicatio Durandi, quia modo de facto Humanitas Christi terminatur per subsistentiam relatiuam, & tamen supposita, & stãte hac terminatione, etsi relatiua, quia tamè adæquata, nõ poss. e dicta Humanitas ab alijs Personis assumi. Ergo vltra esse relatiuum requiritur modus terminandi inadæquatus ad hoc, vt plures Personæ vnã naturam possint terminare.

Dices fortè, quòd hoc posset diuinitus fieri etiam circa subsistentiam propriam, & connaturalem, vt licet illa connaturaliter postulet terminare adæquatè, tamen per potentiam absolutam posset vis terminatiua ipsius re-



stringi, & fieri, vt inadæquate terminando, relinquat naturam adhuc terminabilem per subsistentiam alienam: Neque hoc videtur Diuinæ potentiz denegandum, nisi ostendatur aliqua implicancia, quæ non ita facile apparet in præfenti.

Resp. neg: sequel; quòd scilicet posset saltem diuinitus fieri, vt propria, & connaturalis subsistentia inadæquate terminet, quòd si implicancia quæzatur, in promptu est, quia nimirum esset, & non esset connaturalis: esset quidem, vt supponitur: Non esset verò, quia connaturalis subsistentia adæquat naturam, tanquam proprius terminus ipsius; vnde sicut implicat, quòd corpus palmare ponatur in loco palmari, & quod non adæquet illum, ita implicat, vt terminus proprius respectu cuius natura in terminabilitate essentialiter dicat commensurationem, ponatur in natura, & quòd non terminet illam adæquate.

Adde, quòd propria subsistentia terminat naturam constituendo suppositum; Ergo terminando adæquate, & incommunicabiliter, quia de ratione suppositi, sicut incommunicabilitas, ita & ultimata completio est indispensabiliter. vnde si Caiet. in sua explicatione ad adæquationem terminationis per propriam subsistentiam, ex qua, & natura constituitur suppositum, recurrisset, non autem ad assumptibilitatem talis naturæ sine persona, optimus, & fundamentalis ipsius discursus fuisset.

Deinde P. Mazziotta adducit opinionem P. Amici, quam habet Tomo de Incarnat: disp: 14. sect: 6. qui ferè in omnibus nobiscum conuenit, nisi quòd addit, duplicem esse effectum subsistentiæ, alium terminare naturam, & huc dicit esse primarium, alium sustentare naturam, & hunc dicit secundarium; dicitq; quòd ratione primi adæquate se communicarent tres Diuinæ Personæ, si vnâ numero sustentarent, ratione verò secundi inadæquate. Sed hæc distinctio effectuum subsistentiæ friuola est; nam subsistentia, & terminando sustentat, & sustentando terminat, vt bene ibi arguit Mazziotta. Et quia nihil aliud contra illum modum dicendi obijcit, nisi quo impugnet istam distinctionem effectus subsistentiæ, & quod adæquate terminetur, & non adæquate sustentetur, quod & nos reijcimus, idè nihil habemus, quod ex ipsius obiectionibus solui oporteat.

Aduertendum tamen est, posse Amici dicta amicè, in bonum sensum trahendo, explicari, vt dicamus, quòd Personæ Diuinæ in casu nostro adæquate terminarent illam naturam, in quantum ad totum suum esse personale illam traherent, quia in nulla Persona (quæ utiq; est quid maxime simplex) non possemus duo partiri, vt secundum vnum terminet, non verò secundum aliud. Et in hoc sensu certum est, illas adæquate, seu totas terminare. Neque contra hunc sensum procedunt argumenta Mazziottæ, sed con-

tra illum, qui verè falsus est, quo dicitur, quòd naturæ adæquate ab vnaquaq; persona terminetur; si enim ab vna adæquate terminaretur, iam ampliùs non esset terminabilis ab alia.

Supereſt, vt argumenta P. Hur- tadi ſingularis opinionis Patroni adducamus, quibus ille probat, quòd natura per propriam perſonalitatem terminata, non minus, ac per alienam, ſit adhuc ab alia, vel alijs terminabilis. Duo ergo ſunt, quibus ille ſuam ſententiam firmat. Probat primò impugnàdo omnes dicendi modos, quibus offenditur, naturam non poſſe terminari pluribus ſubſiſtentijs, vna propria, & altera aliena, poſſe verò pluribus alienis. Sed noſtrum modum dicendi non impugnauit, quia fortè non præuidit; & ideò nihil eſt; ad quod reſpondeamus. Secundò probat, quia nulla poteſt adduci ratio repugnantix, neque diſcrimen assignari inter propriam ſubſiſtentiam, & alienam: ſed huic argumento noſtro dicendi modo, quem explicuimus, credo abundè ſatisfactum.

## QVAESTIO X.

*Vtrum Subsistentia creata  
poſſit alienam naturam  
terminare.*

**M**Yſterium Incarnationis ſicut ad naturam ſubſiſtentix inueſtigandam nobis viam,

aperit, ita ad præſentem quaſtiõnem agendam plurimum Theologorum, & Metaphyſicorum ingenia excitauit. Quia enim ex myſterio Incarnationis didicimus, duplicem naturam, Diuinam nimirum, & humanam in vna Perſona ſubſiſtere, pulſat ſtatim animum quaſtiõ, an hoc illi ſubſiſtentix competat, quia Diuina, & infinita, an verò quia ſubſiſtentia? Si enim hoc etiam creatæ ſubſiſtentix concedi poteſt, manifeſtè conſtat, perſonalitati Verbi, non ex infinitate, ſed ex communi, & analoga ſubſiſtentix ratione competere, vt duplicem poſſit naturam terminare. Pro qua de- ciſione.

Supponèdum eſt, titulum quaſtionis duplicem ſenſum poſſe habere; primò enim poteſt intelligi copulatiuè; an ſubſiſtentia creata, terminando vnã naturam propriam, poſſit ſimul alienam terminare? ſicut contingit per ſubſiſtentiam increatam in Chriſto. Secundò diuiſim; an ſcilicet vna ſubſiſtentia poſſit de vna in aliam naturam transferri, & relicta propria, terminare alienam? v. g. ſubſiſtentia Angeli ablata ab Angelo, an poſſit terminare naturam Petri, vel etiã, alterius Angeli? Loquimur autem de potentia abſoluta, nam de ordinaria, & ſecundùm curſum naturæ, apud omnes in conſeſſo eſt, non poſſe ſubſiſtentiam creatam alienam terminare naturaliter. In qua quaſtione quatuor inuenjo diuerſas Authorum ſententias.

§. I. *Sententie diuersę quatuor recensentur.*

**P**rima Sententia affirmat, non tantum id posse fieri, sed de facto iam subsistentiam, seu potius suppositum terminasse alienam naturam, loquuntur enim isti in primò sensu quæstionis nuper explicato. Tribuitur hæc sententia Tertulliano lib: de Carne Christi cap. 4. & 6. & lib. 3. contra Marcionem cap. 9. ubi docet, Angelos, qui olim apparuerunt Abraham, veram carnem assumpsisse: Et debuit intelligere de assumptione per unionem hypostaticā, cum ex hac unionem probet possibilitatem unionis hypostaticę. Randumque D. Hieronymus tribuit Origeni, qui tomò secundo in Ioannem, exponens illa verba: *Hic venit in testimonium, ut testimonium perhiberet de lumine*, docet, plures Angelos olim incarnatos fuisse, & ex eis vnum fuisse Ioannem Baptistam. Immo & ipse D. Hieronymus huic videtur fauere sententię in Caput. 1. Aggę, qui ubi retulisset, aliquis sensisse, Malachiam, Aggzum, & Ioannem fuisse Angelos in assumptis corporibus, subiungit. *Nec mirum, hoc de Angelis credi, cum pro salute nostra Filius Dei Corpus assumpsit.* Vbi D. Hieronymus, velut è maiori ad minus arguens, videtur supponere, possibile esse, vt Angeli corporibus hypostatice vniantur.

Secunda sententia est aliorum, qui dicunt, de facto quidem nul-

lam subsistentiam creatam alienam terminasse naturam; tamen id posse Diuina virtute fieri, constanter affirmant, cum nulla in hoc appareat implicancia. Ita Ocham in 3. qu. 1. dub: ult: ad 14. Basolis in 3. dist. 1. quæst. 3. & alij, quos refert, & sequitur Hurtado disput: 9. Metah: Sect. 8. Fauent huic sententię Gabriel dist. 1. q. 2. dub: 5. & Scotus q. 4. qui licet vtramq; opinionem, affirmatiuam nimirum, & negatiuam, probabilem reputent, magis tamen in hanc affirmantem inclinant, videnturque huic opinioni fauere dicta SS. Patrum, qui sæpius dicunt, potuisse fieri redemptionem per Angelum vnitum hypostaticę naturę humanę. Eandemque opinionem Maior in 3. dist. 1. q. 1. 2. 2. tribuit aliquibus alijs SS. Patribus, quos refert, docuisse, Antichristum futurum demonem incarnatum.

Tertia sententiā est P. Valentiz, tomò 4. disp: 1. q. 3. puncto 6. qui dicit, quod licet nulla ex personis creatis possit, etiam de potentia Dei absoluta, alienam terminare naturam, tamen non implicat, aliquam personam creari tantę perfectionis, vt alienam possit terminare naturam; immò talem vt possit terminare infinitas, si infinitę naturę darentur.

Quarta tandem sententia dicit, implicare contradictionem, vt aliqua persona, siue creata, siue creabilis, possit alienam terminare naturam. Ita Caietanus, Medina, Nazarius super a. 1. q. 3. p. 3. D. Tho: Aluarez de Incarnat: disp:

**Quaestio X. An subsistat creata possit alienam naturā terminare. 607**

disp: 18. Bernardinus Mazziotta  
sele&: quaest: tom. 1. q. 10. n. 30.  
Suarez tomo 1. in 3. p. disp: 13.  
se&. 4. quamvis ille magis con-  
trariæ sententiæ subscribendus  
esset; in tantum enim ille hanc  
nostram sequitur, in quantum  
putat, subsistentiam esse modum,  
ideoq; à re, cuius est modus, inse-  
parabilem esse: subdit verò: Quo-  
circà si personalitas creata est  
entitas, & res, fateor, me nullam  
invenire rationem, quæ hanc sen-  
tentiam persua-deat; idemq; repe-  
git in Metaph: disp: 34. lect. 4. n.  
36. sequuntur eandem sententiā  
relati. Huic sententiæ etiam nos  
subscribimus: Sed ut clariùs pro-  
cedamus, duplici Conclusionē,  
re explicabimus, iuxta duplicem  
sensum quæstionis iam supra re-  
latum.

Dicendum est itaq; primò, im-  
plicare contradictionem, ut ali-  
qua persona creata alienam na-  
turam terminet, ac per consequens  
subsistentia creata non potest, ter-  
minando vnam naturā, & consti-  
tuendo personam, simul aliam  
naturam terminare.

Probatur primò expressa au-  
thor: S. Tho. 3. p. q. 3. a. 1. ad 2. vbi  
dicit: *Non est contra rationem per-  
sona sic communicari, ut subsistat  
in pluribus naturis, quia etiam in  
personam creatam possunt plures  
naturæ concurrere accidentaliter,  
sicut in persona hominis inuenitur  
quantitas, & qualitas: Hoc autem  
est proprium Diuinæ personæ, pro-  
pter eius infinitatem, ut fiat in ea  
concursum naturarum non quidem  
accidentaliter, sed secundum subsi-*

*stentiam. Vbi, ut vides, S. Do&: in  
solam infinitatem Personæ Diui-  
næ refundit, quod possit alienam  
terminare naturam, ac per conse-  
quens persona, quæ non est infi-  
nita, quales sunt omnes personæ  
creatæ, id non poterit; & insuper  
cùm S. Do&: dicat, proprium esse  
Diuinæ Personæ, alienam ter-  
minare naturam, euidenter osten-  
dit, id personæ, quæ non est Diui-  
na repugnare.*

Probatur secundò ratione ex  
isto loco Angelici Do&: deprom-  
pta. Implicat, aliquam subsisten-  
tiam creatam, vel creabilem esse  
infinitam. Sed si posset alienam  
terminare naturam; dum termi-  
nat propriam, esset infinita. Ergo  
&c. Maior patet, quia implicat,  
aliquid esse simul finitum, & in-  
finitum: Subsistentia verò creatæ, &  
infinita esset simul, & finita; finita  
quidem, quia creatæ: infinita verò  
ut supponitur. Minor verò probi:  
subsistentia, cuius virtus termina-  
tiua per terminationem vnius  
propriæ naturæ non exhauritur  
sed terminando propriam, potest  
terminare alienam debet esse  
infinita; quia non est maior ra-  
tio, cur posset ultra propriā ter-  
minare vnam, quàm duas, vel  
tres, vel centum, vel mille, ergo  
etiam infinitas, si darentur; iuxta  
illud axioma, quod Caietanus in  
præsenti adducit. *Vbi pluralitas  
non facit differentiam, nec infinitas  
faciet differentiam.*

Confirmatur si vnum corpus  
per proprias dimensiones posset  
esse in duobus locis circumscrip-  
tiuis, posset esse in infinitis, pos-  
setq;

setq; else Immenſum, & vbiq; , vt ostendunt noſt. Complut: in Phyl: diſp: 19. q. 8. §. 3. Ergo etiam ſi vna ſubſiſtencia creata poſſet duas terminare naturas, vnam propriam, & alteram alienam, poſſet infinitas, & per conſequēs haberet vim terminatiuam infinitā; nō enim min⁹ eſt cōmenſurata vna ſubſiſtencia vni naturę, quā vnū corpus vni loco circūſcriptiuo.

Probat̃ur tertio ratione Durandi, (quę licet P. Suar: diſplicet, ego tamen illam fundamentalem, & efficacem exiſtimo) eſtq; ratio talis. Si ſubſiſtencia creata poſſet alienam terminare naturā, vel hoc poſſet per ſuam virtutē, & entitatem naturalem, vel per aliquid ſuperadditum ſibi: Vtroq; modo non poteſt. Ergo &c. Minor prob: quantum ad naturalem virtutem: quia ſi hoc illi competeret ſecundū naturalem virtutem, poſſet hoc naturaliter quia etiam, vt optimē aduertit Vaſquez, eo ipſo peteret agens naturale, quod ipſam coniūgeret alienę naturę; omnis enim virtus naturalis poſtulat agens naturale, quod ipſam in actum reducat. Quantum verō ad ſecundam partem, quod ſcilicet nihil ipſi poſſit ſuperaddi, probatur eadem Minor; quia illud ſuperadditum eſſet impertinens ad terminationem; quomodo enim illud ſuperadditum explicat? vel erit aliquid accidens, & hoc certum eſt non poſſe facere terminationem ſubſtantialem: vel erit quid ſubſtantiale. Dic igitur quid illud

erit? intentio virtutis terminatiuę in ſubſiſtencia? Vanum eſt: Neq; enim ſubſtancia ipſa, nec aliquid ſubſtantiale poteſt eſſe inſenſibile. Deriuatio aliqua virtutis Diuinę? Parū philoſophicē loqueris; quia ſubſiſtencia terminando non ſpectat ad genus cauſę efficientis, ad quod reducuntur instrumenta, quorum proprium eſt agere in virtute alterius. Ergo cū nihil ipſi ſuperaddi poſſit, neque, vt diximus, ſecūdum ſe hoc illi competat, planē ſequitur, nullam ſubſiſtenciam creatam poſſe ſimul propriam, & alienam terminare naturam.

Hac Durandi ratione vtuntur etiam noſt: Complut: in Phyl: diſp: 4. §. 6. ad probandum, vnā formam ſubſtantialem non poſſe plures materias informare actū. Ex quibus magis noſtra ratio illuſtratur, &

Confirmatur quod ex natura ſua eſt impotens ad aliquem effectum præſtandum, niſi ei aliquid addatur; impoſſibile eſt, vt illū præſtet; ſi enim nihil illi ſuperaddatur, manet impotens, ſicut antea. Sed ſubſiſtencia creata, de ſe eſt impotens ad terminandam aliam naturam, vt eſt in confeſſo apud omnes, & nihil illi ſuperaddi poteſt; nam, vel illud, quod ſuperadderetur, eſſet eiſdem ſpeciei cum ſubſiſtencia illa creata, vel diuerſę: Si eiſdem; Ergo ſicut virtus præexiſtens in ſubſiſtencia non poterat terminare aliam, ita etiam, & cum addita, cū ambę ſint eiſdem ſpeciei. Si diuerſę; fateor, quod illa vir-

*Questio X. An subsist:creata possit alienā naturam term: 609*

tos up: addita fortē poterit se-  
lo a terminare aliam naturam,  
non tamen poterit dare subsistē-  
tiam illi virtutem ad terminandū:  
subsistentia enim, sicut est essen-  
tialiter terminus, ita non potest  
habere vim ad terminandum,  
nisi per intrinsecam suam enti-  
tatem; unde sicut illud additum  
non pertinet ad intrinsecam en-  
titem ipsius, ita non potest illi  
dare vim ad terminandum, nam  
sicut forma informat, dando se-  
materia, ita & subsistentia termi-  
nat, dando se naturā.

Respondet P. Suarez: dicendo  
tūm ad rationem, tūm ad Confir-  
mationem, creatā subsistentiam,  
non per aliquam novā virtutis  
additionem, (hoc enim chimeri-  
cum est, ut rectē probat argumē-  
tum) sed per propriam entitatē,  
& virtutem pluribus naturis con-  
iunctam, posse plures illas termi-  
nare: nihil enim aliud dicit *termi-  
nare* naturam, quā *coniungi* ipsā  
subsistentiam naturæ, subsistentia  
autem vnam naturam terminans,  
licet naturaliter non possit con-  
iungi alteri, potest tamen super-  
naturaliter, & ratione potentie  
obediēcialis: sicut etiam vna for-  
ma potest coniungi alteri, mate-  
riam vnam informando, vnum  
punctum potest terminare dupli-  
cem lineam, etiam loco distan-  
tem: vnum accidens esse in duo-  
bus subiectis: Corpus de se inca-  
pax caloris, sicut est cælum, reci-  
pere calorem, & similia: quæ licet  
(inquit ille) naturaliter fieri non  
possint, possunt tamen Diuina  
virtute: Sed

Contra est. Hæc ipsa exempla  
Suarij euerunt ipsius doctrinam:  
Nam hæc omnia implicant, quæ  
ille adduxit; ergo implicabit &  
istud, ad quod illustrandum ad-  
ducit. Et certē Suarez ostendit, se  
esse vnum ex illis Theologis, qui-  
bus, cū de Diuina Omnipoten-  
tia agitur, omnia possibilia vidē-  
tur, ut videantur ipsam chimerā  
Deo possibilem asserere, ut illi  
hoc obiecit Vasquez loco nupre  
citato, hanc eius solutionem im-  
pugnando. Ad illud verō, quod  
dicit, quod subsistentia terminās,  
licet naturaliter non possit con-  
iungi alteri naturæ, potest super-  
naturaliter, dicimus, hoc implica-  
re in subsistentia creatā, quia per  
vnam terminationem omnis vis  
eius terminatiua fuit exhausta,  
neque aliquid ei addi possit, ra-  
tione cuius terminet, ut proba-  
tum est.

*§. 2. Reflexio specialis circa  
Aluarez.*

**A**Duerte hīc, si fortē in hanc  
quæstionem incideris apud  
Aluarez disp: 13. de Incarnat: qui  
satis confusus, & improprie ter-  
minis illam tractat: Nam, cum in  
titulo inquitur, *Utrum de po-  
tentia absoluta possit suppositum  
creatum propriam, & alienam na-  
turam terminare?* pare m negati-  
uam, quam nobiscum loquitur,  
probat argumento petito ex ra-  
tione causæ principalis, & insti-  
tutionalis: quia nūquam hī perso-  
na creata alienam terminaret na-  
turam

H h h h

suram

turam, necesse esset, vt ad illam terminandam concurreret per modum causæ principalis, & non instrumentalis, cum ergo, inquit, impossibile sit per omnem potentiam absolutam, vt suppositum creatum per modum causæ principalis terminet alienam naturā, impossibile est, quod possit illam terminare. Ergo ne fortē tibi ridiculum, & parū philosophicū videatur, quod *terminationem* vocet causam principalem, & instrumentalem, cum *terminatio* nihil affirmatis habeat cum causa efficiēti, ( in qua sola genus causæ principalis, & instrumentalis reperitur ) sed potius genus causæ formalis saperet, si terminatio pura aliquam causalitatem posset exercere, quod supra puto termino denegauimus, id ō

Auerte deinde, & nota quod S. Thom. loco ex 3. p. citato istam quæstionem sub alijs terminis proponit. *Vtrum nimirum Persona Diuina conueniat assumere personam creatam?* & Theologi ibidem tractant hanc quæstionem de assumptione alterius naturæ. In quo ( vt subtiliter ibidē notauit Caiet. & ex Caietano clariū explicuit Vasquez ) duæ quasi quæstiones virtualiter clauduntur, alia de principio actiuo, & alia de principio formali, seu quasi formali terminationis: quia enim *ly assumere* significat idem, ac *ad se sumere*, dupliciter denotat, illud, pro quo stat, *concurrere ad assumptionem*, nempe pro principio actiuo, quod denotat *ly sumere*, & pro principio quasi formali

terminationis, quod denotat *ad se*: nam si ipse non esset terminus assumptionis, non ad se, sed ad aliū sumeret: Vnde quando quæritur: *Vtrum suppositum possit alienam assumere naturam?* istæ duæ inuoluuntur quæstiones, prima; ( Vtrum possit illam terminare, seu coniungi formaliter illi? Secunda; ( Vtrum possit esse principium efficiētū istius vnionis, seu coniunctionis? Quo etiam sensu solent disputare Theologi: Vtrum aliqua creatura, saltem per modum instrumenti, potuerit causare vnionem hypostaticam inter Verbum, & humanitatem? A hanc ergo inter has duas quæstiones non distinguit, sicut debuit, & idē intelligibilia, & parū philosophica loquitur; vel certē aliquo errore factum est, quod *pro assumere*, tam in titulo, quam in Conclusionē, & rationibus, posuerit *terminare*. Quod si obseruaueris, legēdo hanc in illo quæstionem, super parū consona dicta non hærebis.

Auerte secundo, nos hic non disputare de principio efficiētū terminationis, quia friuola esset hæc quæstio: cum enim quæramus de potentia Dei absoluta, an possit substantia creata propriā, & alienam simul terminare naturam, iam principium efficiētū ipsius, nempe Deum, per potentiam suam absolutam operantem, ostendimus. Deinde cum negatiuam sententiam sequamur, non occurrit inquirere, nūm hoc creatura saltem instrumentaliter possit efficiere: quod etiam per se  
spe.

Inspectum ad Omnipotentiam iudicamus impossibile.

Dicendum est secundò . Nulla subsistentia creata potest, etiam diuini, alienam terminare naturam. Hæc conclusio non minus est certa in schola D. Thomæ, quam præcedens, quamuis non ex eodem principio eius certitudo desumatur: quod tamen (licet obuium sit res attentius perpendenti) neminem, quem viderim, aduerti obseruasse: Non ex limitatione ergo, vel negatione infinitatis (quæ nulla ad hoc requiritur, vt subsistentia ab vna natura ablata, terminet alteram, vt consideranti patebit) sed ex principio indiuiduationis hæc quæstio confirmanda est.

Probatur ergo ex ijs, quæ in Tract: de principio indiuiduationis diximus. Implicat aliquid esse hoc, & non esse hoc: Sed si subsistentia creata alienam terminaret naturam, esset hæc, & non esset hæc. Ergo &c. Maior, & consequens patent. Minor verò prob., quia subsistentia cum sit terminus intrinsecus naturæ, indiuiduatur ab eodem principio cum natura. Ergo si transferetur in aliam naturam, iterum ab illa natura indiuiduaretur, sicque esset hæc, & non esset hæc.

Dices. Verbum terminat per suam personalitatem naturam creatam, & tamen non currit hæc implicancia. Ergo similiter non currit in subsistentia creata.

Resp. esse disparem rationem; nam personalitas Verbi non potest indiuiduari ab alio, cum sit

sicut, & ipsa natura Diuina essentialiter singularis, quod creatæ subsistentiæ non competit.

Aduertendum tamen est hic; quòd subsistentiæ illarum naturarum, quibus variabiliter indiuiduatio competit, possunt & ipsæ variabiliter respicere indiuiduationem, cum indiuiduatio naturæ sit etiam indiuiduatio ipsarum, & ideo crederem, ipsas per Dei potentiam absolutam posse diuini alienam naturam terminare, quia de illis implicancia supradicta non currit, neque hoc in illis aliquem excessum in perfectione arguit, sed potius ex magna ipsarum imperfectione hoc prouenit.

### *§. 3. Argumentis sententiarum oppositarum respondetur.*

**P**rimum fuit, quia multi homines vocantur in scriptura Angeli, vt §. 10: Baptista, &c.

Resp. illos vocari Angelos non à natura Angelica, quam non habebant, sed vel ab officio, quia fuerunt nuntij Dei, vel à puritate vitæ.

Secundum . SS. Patres docent potuisse per Angelum fieri redemptionem. Ergo poterit hypostaticè vniri.

Resp. negando sequel; nam SS. Patres intelligendi sunt, de redemptione in natura Angelica, non autem in natura humana; nam sapientia Diuina potuisset inuenire modum, vt Angelus, natus Angelus, redemisset genus

H h h h 2 hu.



humanum, vel per actum obedientiae, vel humilitatis, vel alterius virtutis, quam Deus id redemptionem acceptasset.

† Tertiūquia Antichristus futurus est demon incarnatus. Ergo.

Resp. id falsum esse, & ab Ecclesia communiter reprobari.

Alia argumenta vide cum suis solutionibus apud Suar. Solum illa nobis autoritas S. Hieronymi explicanda est, ne tantus Doctor falsae sententiae suffragari videatur. Dicimus ergo, quod S. Hieronymus id dixerit, quasi excusando contrarium opinantes, quod non crediderint aliquid inimaginabile, cum Filius Dei, qui purus Spiritus, & sublimior Angelis est, carnem assumpserat, & ideo poterant decipi id credentes de Angelis, & non attendentes, infinitatem, quam non habent Angeli, ad terminandam alienam naturam requiri.

Quartum Argumentū est pro secunda sententia, quia id nullā videtur implicare contradictionem, cum ad hoc, in subsistentia non requiratur virtus infinita. Ergo &c. Resp. iam satis implacantia in nostris rationibus ostēsa est.

Quintum argum. (& est contra nostram secundam Conclusionem, quod proponit Hurtado) Subsistentia non est modus, sed res: Ergo poterit conservari sine natura. Ergo sic conservatam poterit uniri alteri naturae.

Resp. primò negando, suppositum posse conservari sine natura: sicut enim punctum sine linea,

ita & suppositum sine natura, etiam diuinitus conservari non potest. Nec convincit, quod sit res; sunt enim multae res, quae separatae nequeunt adhuc diuinitus conservari, siue ob intimam connexionem, siue ob debilissimam, & modali similem entitatem, quamvis reuera modi non sint, ut in mille exemplis videre licet.

Resp. secundò, quod admissio adhuc, quod possit conservari sine natura, negandum est, quod possit uniri, quia quando conservaretur separatim à propria natura, retineret suam unitatem numericam per ordinem ad illam: Si autem alteri uniretur, sicut esset terminus intrinsecus ipsius, nec qualiscunque, sed qui non est ex se, & essentialiter singularis, iterum indiuiduaretur ab ipsa, & sic esset idem, & non esset idem, quod implicat.

Sextum pro tertia sententia; Gregorij de Valentia, est tale. Posset produci aliqua persona altioris ordinis ipsi omnibus, qui de facto sunt producti, quae eo ipso contineret subsistentias inferiorum ordinum. Ergo posset terminare illius subsistentia naturas alienas.

Resp. primò negando suppositum Antecedentis, quod scilicet sit possibilis aliquis ordo rerum, ultra productos à Deo, nam ut communiter docent Thomistae 1. p. q. 50. a. 1. defendentes rationem S. Doctoris, quia in illo Article videtur; quamvis sint possibiles plures essendi modi intra eundem gradum, non tamen plures

gra;

gradus. Tùm quia ad perfectionem vniuersi spectabat, vt omnes producerentur: Tùm etiam quia supra gradum pure intellectualem, non videtur alius possibilis, quia hic maximè accedit ad Deum, quamuis ex participatione actus, & potentiae intra eundem gradum (vt supra ex Caietano diximus) possint esse plures, & plures species, se inuicem in perfectione excedentes.


Resp. secundò, quod adhuc gratis admissò, non tamen concessio, possibilitatem huius personae altioris gradus: negandum est, illius subsistentiam posse terminare alienam naturam: nam, neque illam simul cum propria posset terminare; ad hoc enim, vt supra probatum est, requiritur virtus infinita; neque diuisim, quia currit implicantia supra allata, etiam contra hanc creaturam altioris gradus: neque illa continentia illam iuuaret inferiorum subsistentiarum, vt posset alienam naturam terminare, sicut & animae rationali nullus concedet, quod possit constituere plantam, bouem, leonem, abnum, materias illorum informando, quamuis (iuxta sententiam valde probabilem, quae sequuntur nostri Cöpluten: in lib: de Anima, disp. 4. q. 3.) vtrāq; animam, sensitiuā nimirum, & vegetatiuā contineat formaliter eminenter.

## QVAESTIO XI.

*Vtrum de Potentia Dei absoluta possit aliqua natura creata, & substantialis existere sine omni subsistentia propria, vel aliena?*

**O**ccasionem huius quaestionis tractandae dedit nobis Caiet: 3. p. q. 4. ad 2. s. ad quartum, dicitur; soluens quoddam argumentum Scoti, quo ille probabat, Subsistentiam non esse aliquam entitatem positiuam, quae aliās esset separabilis à natura; posset, quae natura, saltem diuinitus conseruari, & existere sine illa, dicit, quòd si sensus sit de potentia Dei absoluta (verba sunt Caiet:) fateor, nullam me vidisse impossibilitatis rationem, quare non possit Deus naturam conseruare cum actu tantum essendi miraculose consequente, absque Personalitate, quae est proprium ipsius subiectum secundum naturae ordinem, cui non est alligata potentia Diuina. Ex his Caiet: dictis moti sunt Metaphysici ad inuestigandum, num verè sit in hoc aliqua implicantia, quae Caietanū latuerit; in qua difficultate duplex est opinio.

Prima asserit, nullam in hoc esse implicantiam. Ita Alvarez de Incarn: disp. 25. Nazar. 1. p. q. 50. ar. 2. contr. 2. & alij ex recentioribus Thomistis, qui sua scripta non



non euulgarunt. Ex Neothericis Valentia to. 4. disp. 1. q. 1. pun. 2. §. nec obstat. Hurtad. in Metap. disp. 9. sect. 9. §. 96. 10a: de Lugo de Incarn. disp. 12. sect. 7. n. 93.

Alij, qui putarunt speculationi suæ, & Caietano relicto locum, dum non definitiue pronunciet, non implicare contradictionem, sed fatetur tantum, se nullam aduertisse, accuratius, subtiliusque naturam subsistentiæ, existentiaque ipsius naturæ librantem, non vnâ, sed plures implicantias in hoc aduerterunt, si natura sine vlla subsistentia à parte rei existeret. Ità Cabrera 2. p. qu. 4. art. 2. disp. 6. nu. 10. Suarez in sua Met. disp. 34. sect. 6. n. 25. & sequuntur Fonseca 5. Met. cap. 8. q. 9. sect. 5. ad 4. Scori.

Addit. Aluarez loco cit. tertiâ opinionem dicentium, posse aliquam subsistentiam creatam per solam manuentiam Dei conservari in rerum natura absque omni subsistentia, & existentia; quam sententiam excogitarunt Theologi, fugiendo vim illius validissimi Argumenti, quo probatur, potuisse diabolum solis viribus naturæ cognoscere euidenter mysterium Incarnationis iam Incarnatione facta, cum Angelus, siue bonus, siue malus cognoscat naturas creatas, & naturalia comprehensiuè, videns naturam humanam Christi, non vidit ibi subsistentiam, & existentiam creatam, ergò cum sciret, nullam subsistentiam creatam, & existentiam posse alienam terminare naturam, euidenter intulit,

quòd illa natura humana subsistit, & existit per subsistentiam, & existentiam increatam, quod est cognoscere euidenter mysterium Incarnationis. Hoc igitur Argumento confiscti, nè rem tanti momenti refunderent in solam discretionem Angeli suspendentis iudicium circa conclusionem, ex tam euidentibus principijs deductam, credendo, suum intellectum diuinitus impediri, ne cognoscat, quod naturaliter potest (quâ discretionem fortè malus Angelus non haberet, sed precipitaret iudicium, & tunc respondendum esset Argumento, & explicare, quomodo non cognosceret adhuc in hoc casu mysterium Incarnationis) nè se in has angustias reducerent, non implicare aliquam naturam existere sine existentia, dixerunt; Sicuti etiâ alij huius Argumenti vim refugientes, dixerunt, posse diuinitus, subsistentiam creatam alienam terminare naturam, quorum opinionem quæstione præcedenti impugnauimus. Hæc ergo est secunda opinio, quam refert Aluarez, quam ego in præfati refutare nolo, quia proprium locum habet in tract. de Existentia, vbi fusè ostendo, implicare contradictionem aliquam naturam à parte rei sine existentia existere, non minùs ac implicat, aliquod esse sine albedine album, vel calidum absque calore.

Dico igitur, implicare contradictionem, quòd aliqua natura creata existat sine propria, vel aliena subsistentia. Hanc sententiam

tiam vltra Authores supra re-  
latos, fuisse etiam Scoti in 3. dist.  
1. q. 1. arbitror, nam ibi, velut im-  
possibile, aliquid ex nostra senten-  
tia, qui subsistentiam in aliquo  
positiuo cõstituiamus, sequi dixit,  
quod possit diuinitus conseruari  
aliqua natura sine subsistentia  
propria, vel aliena. Est verò hæc  
opinio, meo iudicio, euidenter S.  
Thomæ, idque colligo primo ex  
3. sent. dist. 5. q. 3. ar. 3. ad 3. vbi  
docet, quòd si humanitas Christi  
dimitteretur, eo ipso resularet  
propria subsistentia in ipsa: En-  
verba S. Doctõis, *Separatio dat*  
*utrique partium totalitatem, & in*  
*utrinus dat etiam esse in actu, unde*  
*hoc ipso, quod hominẽ deponeret. sub-*  
*sisteret tunc ille per se in natura ra-*  
*tionali, & ex hoc ipso acciperet ra-*  
*tionem personæ.* Et quamuis ibi S.  
Doct. nihil de potentia absoluta  
dicat, tamen inferitur ex dictis  
etiam per respectum ad Diuinam  
potentiam à dimissa Humanitate  
debere resultare subsistentiam, Si  
enim sensisset, quod saltem de  
potentia absoluta posset conser-  
uari sine subsistentia, vt adæqua-  
rẽ solueret difficultatem, debuisset  
dicere, quòd illa Humanitas,  
vel se in propriam subsistentiam  
explicasset, vel sine ipsa adhuc  
dimissa à Verbo per solam manu-  
tenentiam Diuinam conseruaretur,  
ergo cum S. Doct. dicat, quod  
hoc ipso, quòd dimitteretur à  
Verbo, subsisteret, planè sentijt,  
inter hæc, subsistere in alio, & per  
se, non dari medium, adeoque im-  
plicare, vt aliqua natura substan-  
tialis existat sine propria, vel alie-

na subsistentia, quod est dicere,  
quòd existat, nec per se, nec in  
alio. Et vrge, magis premendo  
illa verba S. Thom: Separatio dat  
utrique parti totalitatem, & illa  
hoc ipso, quòd dimitteretur, sub-  
sisteret, quæ essentialẽ conne-  
xionem indicant inter dimissio-  
nem ab alia Persona, & resultan-  
tiam propriæ Personalitatis, quã  
adhuc magis confirmat exemplo  
quantitatis, quæ, vt omnes fa-  
rentur, essentialiter ex sola diui-  
sione habet nouam terminatio-  
nem positiuam.

Secundò mentem Angel: Doct:  
colligo ex illo loco 3. p. q. 17. a. 2.  
vbi in responsione ad 2. dicit,  
quòd esse consequitur naturam,  
non sicut habentem esse, sed qua  
aliquid est. Quæ verba, si attentè  
considerentur, manifestè osten-  
dunt, implicare contradictionem,  
vt aliqua substantialis natura à  
parte rei existat, siue ( quod idem  
est ) conseruetur sine existentia,  
sine qua conseruari non potest,  
vt in Tract. de Existencia dicetur,  
ac per consequens, neque potest  
conseruari sine omni subsistentia,  
vel propria, vel aliena, quod, vt  
fundamentalius pateat, tali istud  
ratione deduco; sitque pro nostra  
Conclusione.

Ratio prima ex nuper citatis  
Angelici Doct. verbis desumpta.  
Natura de se non est susceptiuũ  
existentiæ, sed solum suppositum,  
ergo implicat, quòd existat sine  
omni subsistentia propria, vel  
aliena. Antecedens est D. Th. Con-  
sequentiã verò probatur. Implicat,  
quòd forma aliqua recipiatur in

to, quod non est susceptivum, ipsius, ergo in natura non est susceptivum existentiae, sed solum suppositum, implicabit, quod existentia recipiatur immediate in natura, sed si aliqua natura existeret sine subsistentia, existentia reciperetur immediate in Natura, ergo &c. quæ ratio adeo efficax est, ut certè mirum sit, quomodo Caiet. propugnans idud dictum S. Th. quod natura non sit susceptiva existentiae, dixerit postea, non implicare naturam existere sine subsistentia.

Respondebis fortè ex principijs Caiet: Natura non est susceptivum existentiae, secundum cursum naturalem, bene tamen per potentiam Dei absolutam, quæ naturali rerum ordini non est alligata. Sed contrà est, quia quod repugnat alicui essentialiter, etiam diuinitus ipsi communicari non potest, sed naturæ essentialiter repugnat, esse susceptivum existentiae, ergo &c. Probatur minor, in qua est difficultas: Natura tantum est, ut quo, sed illi, quod est tantum, ut quo, essentialiter repugnat recipere aliquod extrinsecum, ut ex supradictis patet; cum ergo existentia sit terminus extrinsecus, repugnat, naturam esse susceptivum existentiae. Poteruntq; ad confirmationem huius minoris accommodari illa, quæ pro nostra assertionem paulò inferius ex interminatione naturæ, & ex essentiali subordinatione existentiae ad subsistentiam dicentur.

Resp. secundò ex Alvarez,

supponendo id, quod præsupponitur ex parte subiecti, ad hoc, ut in illo aliquis actus recipiatur, esse in duplici differentia; Nam aliquando est forma constitutiva subiecti in esse talis, sicuti forma substantialis constituit materiam, quia subiectum susceptivum accidentium, & tunc actus habet essentialem dependentiam ab illo constitutivo; Aliquando verò est tantum connatum, & completivum subiecti, ut conditio requisita ex parte naturæ, & hoc potest diuinitus suppleri, & recipi forma in subiecto hinc isto, & talis est, inquit, subsistentia, quæ nõ constituit naturam in esse naturæ, sed tantum est terminus completivus illius, & conditio prærequisita ad receptionem existentiae, & ideo supplebilis à Deo.

Sed contra est, nam licet subsistentia non constituat naturam in esse naturæ, ut bene dicit Alvarez, constituit tamen illam in esse susceptivi existentiae, quia, ut supra diximus, solum suppositum est susceptivum existentiae; unde, sicut natura per subsistentiam constituitur in esse suppositi, ita & in esse susceptivi existentiae.

Neque illud obstat, quod innuit Alvarez, subsistentiam, ut potè purum terminum, esse supplebilem à Deo, quia, ut inquit ille, nullam dicit imperfectionem; concedimus enim libenter, subsistentiam creatam supplebilem esse à Deo eo modo, quo suppleta fuit in mysterio Incarnationis, tribuendo scilicet naturæ subsistentiam, & existentiam Divinam, non

*Quæstio XI. An Nat: crea: diuinit: poss: spoliari omni subsist: 617*

tamen ita est supplebilis (vt volunt Aduersarij) vt nimirum natura sine subsistentia existeret, hoc enim implicat, vt diximus, & mox efficacies probabimus.

Probatur secundò nostra conclusio ratione desumpta ex nostris Complut. in lib. Phyl. Implicat, materiam existere sine forma, ergò etiam implicabit, naturam existere sine subsistentia; ante est commune in schola S. Tho: & patet ex nostris Compl. in Phyl. disp. q. 6. consequentia verò probatur, quia ideò implicat, materiam existere sine forma, quia esset actu sine actu, seu, quod idem est, existeret sine existentia, quod exindè probant nost. Complut. quia cum ordo essentiz sit prior essentialiter ordine existentiz, & ad illum indispensabiliter supponatur, non poterit habere aliquid spectans ad ordinem existentiz, nisi habeat illud, quod spectat ad ordinem essentiz, qualis est forma substantialis, ergo cum ipsa substantia spectet ad ordinem essentiz, tanquam intrinsecum complementum ipsius, non poterit haberi existentia, quæ est actus ordinis existentiz sine ipsa, ac proindè si aliquid existeret sine subsistentia, esset actu sine actu, seu existeret sine existentia.

Probatur terciò. Implicat aliquid esse per se, & non esse per se, sed si substantia aliqua creata existeret sine subsistentia, esset per se, & non esset per se, ergò implicat, aliquam substantiam creatam existere sine subsistentia. Probatur minor, nam ex qua

parte esset substantia, esset per se, cum verò existeret sine subsistentia, non esset per se, esse enim per se in omnium sententia idem est, quòd subsistere; implicat autem aliquid sine subsistentia subsistere, sicut etiam existere sine existentia, ergò cum illa substantia supponatur esse sine subsistentia, non potest concipi subsistens, & ex consequenti esse per se.

Respondet Aluarez, quòd in tali casu illa substantia non esset per se actu, vt rectè probat argumentum, hoc enim sine subsistentia implicat; esset tamen per se aptitudinè; nec aliud petit esse substantiæ, de cuius ratione non est esse per se actu; sed aptitudinè, sicut etiam de ratione Accidentis non est esse actu in alio, sed aptitudinè tantum. Ex quo infert, quòd sicuti per diuinam potentiam datur Accidēs à parte rei, quod non inhæreat actu substantiæ, ita etiam dari potest substantia, quæ actu non habeat subsistentiam, sed solùm existentiam substantialem cum aptitudinè ad substantiam, quam ex natura sua petit habere.

Sed contra est; nam licet de ratione substantiæ, absolute, & secundum essentialia consideratæ, non sit esse actu per se, sed aptitudinè tantum, tamen de ratione substantiæ existentis, est esse actu per se, quod sic ostendo. Nam esse per se, vel in alio, sunt immediatè opposita, vt omnes fatentur, & per se patet, nam vnum includit immediatè negationem alterius, ergò iuxta

conditionem, & statum rei, de qua loquimur, vnum istorum necessario debet competere ipsi; vnde, sicut cum loquimur de rebus secundum essentialia, quæ dicunt statum quendam potentialem respectu esse, omnis essentia necessario, vel est aptitudinaliter per se, vel aptitudinaliter in alio (excepto quod actus non sit de essentia rei) ergo cum loquimur de rebus, ut sunt sub statu existendi, omnis res debet esse, vel necessario in se, vel necessario in alio: Vnde & ipsum accidens separatum à substantia, ut communiter docent Thomistæ cum D. Tho. 3. p. q. 77. c. 1. ad 4. quia non est in alio, acquirit eo ipso, & ex vi eiusdem miraculosæ separationis modum essendi per se, ut ibidem contra Scotum ostendit Caiet: Neque sufficit ad hoc sola mantenentia Dei, ut existat absque addito aliquo modo, ut cum eodem Caiet: probant communiter Thomistæ, ergo, cum substantia existens non possit per ullam potentiam esse in alio, necessario debet esse per se, & cum non sit in potentia ad esse, sed actu sit, non aptitudine, sed actu debet esse per se.

Scio aliquos, inter quos est noster Cornejo to. 2. in 3. p. tract. 4. circa q. 72. disp. 1. dub. 1. negare hanc ultimam consequentiam, scilicet potius suppositum in ipsa, quod nimirum substantia per nullam potentiam possit esse in alio; credunt enim illi, quod sicut ad salvandum essentiam accidentis sufficit aptitudo ad inherendum,

& si actu non inhereat, sed habeat modum essendi perfectiorem, & substantiæ proprium, ita etiam non est contra rationem substantiæ, quod actu inhereat, dummodo retineat aptitudinem ad essendum per se.

Sed quæ irrationabilis sit istorum opinio, facile ostendo, supponendo, quod cum loquimur de substantia existenti, loquimur de substantia totali, huic enim propriè competit existere. Tunc sic arguo; nam substantia totalis, vel est composita, vel simplex, sed utriusque essentialiter repugnat esse in alio, tanquam in subiecto, ergo &c. Probatur min: nam si sit composita, includit materiam, quæ cum essentialiter sit primum subiectum, essentialiter includit quoque repugnantiam ad essendum in alio, tanquam in subiecto: Si verò sit simplex, erit forma per se subsistens, & per consequens repugnat ipsi non solum esse in alio, ut in subiecto, sed etiam ut formæ in materia, ut de Angelis communiter docent Theologi 1. p. q. 61., & ne relinquatur circa hoc aliquis dubitandi locus ex parte formarum substantialium, non tamen subsistentium, dico, etiam in istis repugnare esse in alio, ut in subiecto inhesionis; & ratio est, quia illæ formæ darent, & non darent esse substantiale sub subiecto; darent quidem, quia essent substantiales, non darent verò, quia supponerentur inherentes, quod cum esse substantiale directè pugnat.

Sed quicquid sit, pro nunc, parum,



rum, aut nihil ad nostrum casum conducit, possit nē, vel non possit substantia poni in alio, vt in subiecto inhesionis, neque enim in hoc sensu disputatur hęc quaestio, quia etiam Aduersarij dicunt, extra omne subiectum illam substantiam fore tunc considerandā, certē euidentior implicancia cernitur, quod illa substantia existat, & non in alio, & tamen non existat per se, vt vult Aluarez. Hoc enim planē intelligibile est, nā si non existit in alio, ergo existit in se, & per se. Quid enim quæso ab illa infirmitate tollit, si non existit in alio? Dices fortē, defectus subsistētiæ; Et hęc est implicancia; sine subordinatione enim non potest esse in se, & ex alia parte, quia non esset in alio, deberet esse in se. Et virgetur hoc magis exemplo quantitatis Eucharisticæ, ab ipso Aluarez allato, nām eo ipso, quod quantitati subtrahatur subiectum, in quo sit, datur ipsi statim modus essendi per se, vt ex D. Tho: diximus, & hoc non ob aliud, nisi quia implicat illam esse, & tamen non esse in alio, nec in se, ergo, cum supponas illam substantiam existentem, & non in alio, necessariō debes supponere esse in se, & per se, ac per consequens subsistentem, quia sine subsistentia non posset esse actu per se, vt etiam ipsi aduersarij fatentur.

Prob. 4. Implicat, aliquā naturā esse terminatam, seu completam intrinsecē, & non esse terminatā, seu completam intrinsecē; sed si aliqua natura substantialis existeret

sine omni subsistētiā, esset terni, nata, & non terminata, completa, & non completa intrinsecē, ergo &c. Probatur min. nām cum subsistentia sit vltimus terminus intrinsecus, complementumque intrinsecum naturæ, ex quo ipsā supponis carentem subsistentia, supponis ipsam intrinsecē non completam, & non terminatam; ex quo verō illam dicis existentem, supponis de necessitate terminatam, & completam intrinsecē, quod probō: tūm quia subsistentia, & existentia habentur 2 forma ordine quodam, itā, vt subsistentia natura sua prius sit, quā existentia, ergo sicut ob istam subordinationem implicat, vt secunda passio dimanet ab essentia sine prima, v. g. Voluntas sine intellectu, itā implicabit dimanare existentiam sine subsistentia, ac proindē si dicis naturam existentem, supponis subsistentem; tūm etiam, quia, quando dicis naturam existentem, dicis ipsam extra dependētiā omnium causarum, ergo habentem omnia a causis, quæ petit in ordine substantiali, sed petit subsistentiam, in hoc ordine, ergō supponis, quod illam habeat, si existit, aliās si existeret sine subsistentia, esset, & non esset extrā causas, penderetque, & non penderet ab ipsis; tūm denique, quia existentia est terminus extrinsecus; subsistentia verō terminus intrinsecus; terminus autem extrinsecus necessariō supponit intrinsecum.



## Q V A E S T I O XII.

*Verum subsistentia possit  
produci principaliter  
à Causa secunda  
creata.*

**S**upponendum in primis, determinatum esse supra in hoc Tractatu secundo, quæst. 7. §. 3. quid sentiendum sit de causalitate subsistentiæ respectu naturæ; nunc determinandum est de causa respectu ipsius subsistentiæ, potestne habere aliquam causam creatam producentem se, idque principaliter; Et quia aliqui asserunt, subsistentiam causari ab essentia eo modo, quo causantur Passiones in genere causæ efficiētis, ideò simul utriusque puncto satisfiet in præsentia. Pro quo.

Supponendum secundo, non currere Quæstionem de Subsistentia immaterialium, ut sunt v. g. Angeli, extra dubium enim est, licet totam substantiam Angeli, ita & subsistentiam ipsius à causa prima principaliter produci. Proccedit igitur quæstio de Subsistentia substantiarum materialium, & non utcunque, sed illarum, quæ producuntur per generationem: (de illis enim materialibus, quæ sunt per creationem, ut sunt v. g. Cæli, non est etiam difficultas, quod subsistentia talium, quæ creantur, causetur insimul per creationem à Deo) & sic sensus est: An subsistentia materialium, quæ generantur, possit produci

principaliter ab Agente creato? Non debet autem lumi in titulo *Subsistentia*, prout intelligitur in abstracto, vel ut separata à naturis, quas afficit, sed ut est coniuncta, & applicata rei, quæ produci-  
tur, quia ut intelligitur abstracta, non potest causari per se, produci enim & fieri, est rei subsistentis, tam verò subsistentia in abstracto sumpta, non est res subsistens, aut existens, sed est actualitas, & id, quo res subsistere debet; hoc præsupposito.

Dico primo. Causa secunda creata potest producere principaliter subsistentiam. Prob. Quod potest principaliter produci suppositum, potest quoque producere subsistentiam. Sed causa secunda creata potest principaliter producere suppositum, ergo & subsistentiam: maior prob: quia cum subsistentia importetur in recto à supposito, & suppositum constituatur in ratione termini, *Qui*, Generationis, seu in ratione suppositi per subsistentiam, ut supra dictum est, & docent Complut: in lib. de Generat: taliter debet attingi subsistentia, qualiter suppositum; in tantum enim attingitur constitutum, in quantum suum constitutum, quando quidem hoc, quod est constitutum, est per suum constitutum: minor patet inductione suppositorum materialium; Ignis enim v. g. est causa principalis alterius ignis, Leo leonis, Petrus generat Paulum, & sic de alijs, quæ per generationem producuntur; præcipue, quia suppositum, quod per

*Questio XII. Verum subsistat: habeat causam creatam.* 621

generationem producitur nõ excedit in perfectione virtutẽ principij, sed est eiusdem perfectionis cum suo principio, & sic potest principaliter produci. Ergo &c.

Dices, si Petrus generaret Paulum, & ipsius subsistentiam creatam suppleat Personalitas increata, in tali casu Petrus erit causa principalis Pauli, utpotẽ eiusdem nature secum specificæ effectus, & tamen non erit causa ipsius subsistentiæ, siquidem hæc in dicto casu elset increata, consequenter Improducibilis. Ergo falsum est, quod quãdo aliqua causa producit principaliter suum effectum, debeat etiam producere principaliter, & subsistentiam.

Resp: procedere argumentum de subsistentia effectus, quæ est attingibilis effectivè ab Agente, effectum producente, non verò de illa, quæ non est effectivè attingibilis, qualis est increata in posito casu; vnde sensus est, quod causa attingens suum effectum; & subsistentiam eius; si semel attingit principaliter effectum, attingit etiam eodem modo subsistentiam: quod si principaliter effectivè attingat totum suppositum, non autem subsistentiam, ex eo quod ab alio agente, cum alia entitate producta sit, ut patet in subsistentia animæ rationalis, attingit tantum illam, saltem quoad unionem ad coniunctum, aut explicationem eius totalem; vnde quamvis aliquando non producat subsistentia, potest tamen dici productum principaliter suppositum, si Agens solummodo

uniat subsistentiam, & sic fit cum generatur v.g. Homo, tunc enim subsistentia animæ per creationẽ producta vnitur, applicatur, & trahitur per generationem ad corpus.

Dico secundo. Subsistentia nõ fluit per dimanationem à natura. Colligitur ex S. Tho: 1. p. q. 3. ar. 4. & 3. contr. Gent. c. 22. &c.

Probatur primò. Ad dimanationem ab aliquo non sufficit, effectum sequi ad illud quomodo-cunque, vel ob aliquam connectionem, sed requiritur, ut sequatur tanquam ad ens in actu completo. Sed subsistentia non potest sequi ad naturam, tanquam ad aliquid in actu completo, (etiam in linea essentia;.) Ergo non potest fluere per dimanationem: maior patet; dimanatio enim pertinet ad genus causæ efficientis, ut docent Complut: nostri in lib. 2. Physic: causa autem efficiens non producit effectum, nisi ut est ens in actu completo; vñ quodque enim agit in quantum est in actu; minor prob: quia natura antecedenter ad subsistentiam non est ens in actu completo; subsistentia enim est ultimum complementum, ultimusque actus essentia; substantialis intra lineam substantia;. Ergo &c.

Probatur secundo; Quod dimanat ab alio habet se per modum termini secundarij, illud autem à quo dimanat, per modum primarij. Sed subsistentia non potest se habere, ut terminus secundarius respectu naturæ. Ergo non potest dimanare à natura. Maior

patet exemplo passionum, & proprietatum, quæ idcò dimant ab essentia, quia essentia habet se respectu illarum, ut terminus primarius: ipsæ autem, ut secundarius ad illam comparantur; nec alio modo potest dimanatio vni<sup>9</sup> ab alio intelligi, nisi per istam<sup>9</sup> comparationem termini primarij, & secundarij; minor prob: quia natura, seu essentia non potest esse sola terminus productionis, aut generationis, sed cum subsistentia simul constituitur in ratione termini primarij generationis; productio enim est rei subsistentis; vnde rectè à nobis: Compluten: in lib. de Generat: concluditur, compositum ex natura, & subsistentia coalescens, seu, quòd idem est, suppositum esse terminum *Qui* generationis primarium.

*Argumenta aliqua in contrarium solvuntur.*

**P**rimum argumentum contra primam Conclus: causa secunda creata solum potest producere aliquid per educationem. Sed subsistentia non potest fieri per educationem. Ergo non potest fieri à causa secunda: maior patet, quia actio causæ creatæ debet præsupponere subiectum: minor prob: quia ad educationem requiritur, ut subiectum formæ educæ præsupponatur sub reali illius privatione. Sed subiectum subsistentiæ non potest præsupponi sub reali privatione subsistentiæ; natura enim, quæ est subiectum sub-

sistentiæ ante subsistentiam est actu nihil. Ergo.

Resp: negàdo minorem, quamvis enim non educatur rigorosè, coeducitur tamen, sitque cum transmutatione subiecti, quod sufficit. Ad probat: cum dicitur, non precedere privationem subsistentiæ in subiecto. Resp: respectu illorū, quæ coeducuntur sufficit, privationem præcedere in subiecto inadæquato v. g. in materia, eadem enim privatio, quæ servit ad educationem potest servire ad coeducationem illorum, quæ sequuntur formam, ut patet in accidentibus consequentibus rem genitam, sic ergo privatio subsistentiæ præcedit in subiecto inadæquato.

Secundum argumentum. Forma concurret actuè ad ea, quæ consequuntur formam. Sed subsistentiæ consequitur essentiam, & naturā. Ergo producit actuè ab essentia. Maior patet ex illo principio. Qui dat formam, dat consequentia ad formam: minor patet ex supra dictis.

Resp: disting. maiorem, forma concurret actuè ad ea, quæ ipsam consequuntur, si sint ex illis, quæ consequuntur, tanquam termini secundarij, concedo, si sint ex illis, quæ consequuntur tanquam quid complens ipsam, & constituens in ratione termini primarij, nego, & talis est subsistentia, quæ consequitur essentiam, tanquam complementum essentiæ, constituitque illam in ratione termini primarij; hinc tamen non colligitur, quòd essentia actuè concurret, sed in genere causæ ma-

terialis receptiua.

Tertium argumentum contra secundam Conclusionem. S. Thomas 3. p. q. 17. ar. 12. ad 1. dicit: *Hoc esse proprium Homini Christo, quod persona subsistens in humana natura eius, non sit causata ex principiis naturae.* Ergo excipiendo personalitatem Christi, sentit de alijs personalitatibus, & subsistentijs humanis, quod causentur ex principiis naturae. Ergo cum causari principiis naturae, sit dimanare, sentit de alijs, quod causentur per dimanationem excepta sola subsistentia Christi.

Resp. Ex ista autoritate non colligitur dimanatio, quae alias deberet esse in genere causae efficientis, sed tantum colligitur differentia quaedam subsistentiae Christi ab alijs humanis, quoad hoc praecise, quod subsistentia Christi excludat omne genus causalitatis, aliae autem creatae admittunt saltem genus causae materialis; unde 2. contr. Gent. S. Doct. exemplificat in diaphano, dicens: *Formam esse principium effendi, sicut diaphanum est aeri principium lucendi.* Diaphanum autem non causat lucem in genere causae efficientis, sed tantum in genere causae materialis. Sic ergo, & natura concurret ad subsistentiam creatam, in genere scilicet causae materialis.

Quartum argumentum. Si Verbum Diuinum dimitteret Humanitatem assumptam, statim in illa subsequeretur subsistentia creata propria humanitatis. Sed non per aliquam nouam actionem alicuius

agentis. Ergo per dimanationem. Ergo natura erit causa dimanatiua subsistentiae. Maior communiter admittitur à Theologis cum S. Tho. 1. dist. 5. q. 3. a. 3. ad 3. minor patet, quia non apparet, quae esset illa actio, & quod agens.

Resp. neg. minorem, ad probat. resp. In isto casu adesset antiqua actio, per quam humanitas Christi producta fuit, possetque dici virtualiter perseverans in humanitate, tanquam in primario termino, sed cum actio ista sit Diuina, dicendum est, manere illam actionem formaliter in Deo, & quia illa actio, producendo humanitatem Christi, ab initio non communicauit subsistentiam humanitati praesentia à Verbo, quod per suam personalitatem terminauit humanitatem, sublata ista Verbi subsistentia, statim per actionem illam in humanitate poneretur, & ipsi communicaretur; non tamen resultaret per dimanationem.

### QVAESTIO XIII.

*Quomodo se habeat subsistentia respectu operationum, & an concurrat ad illas.*

**E**Xcitaturs ista quaestio propter Vasquez, qui 1. Tomo 3. p. disp. 21. c. 3. dicit, subsistentiam, & suppositum concomitanter se tantum habere ad operationes;

de hoc ergo controuertitur, an, scilicet subsistētia concomitāter, an per se concurrat, & si per se, quomodo, an, vt principium, & ratio operandi, an verò, vt complementum, vel terminus principij operandi? Igitur.

Dicendum primò. Subsistentia, & suppositum non se habent cōcomitanter ad operationes, sed per se (intellige in quarto modo dicēdi per se.) Probatur ex Arist: 7. Metaph: tex: 27. vbi docendo, generationem versari circa *hoc aliquid*, attribuit supposito per se actiones, & 1. de Anima tex: 64: dicit, quòd *Anima non irascitur, neq; edificat, vel texit, sed homo, qui est suppositum*. Probatur deinde ex S. Thom. 1. p. quæst: 75. art. 2. & 3. par: quæst: 19. art. 2. 1. ad 3. & alibi sæpius, præcipuè quæst. 1. a. 1. dicente: *Actiones sunt suppositorum, & essentia non agit, sed est principium actus in supposito*.

Probatur ratione. Si suppositū, vel subsistentia haberet se solum concomitanter, & per accidens ad operationes, tunc sicut ista propositio, Album edificat, est per accidens, sic & ista esset, *ignis calefacit*. Sed hoc est falsum. Ergo & illud. Maior patet; nam sicut in illa, albedo cōcomitanter se tantūm habet, sic & in ista haberet se ratio suppositi; minor probatur; suppositum est per se ens, non autem per accidens, vt patet. Ergo & per se operans, quia vnumquodq; est propter suam operationem, vt dicitur, & in tantum operatur, in quantum est in

actu. Sicut igitur subsistens, vel suppositum est ens in actu per se, ita & operans per se. Ergo cum ignis calefaciens sit suppositum operans, cui debetur connaturaliter talis operatio, erit per se calefaciens, sique falsum erit, quòd ista propositio, ignis calefacit, sit æquè per accidens, ac illa, Album edificat.

Dicendum secundò. Subsistentia non influit ad operationes, vt principium *Quo*, aut ratio operandi, sed vt complens, & terminans rationem agendi radicalē, scū principium *Quo* operandi, reddensque illud operatiuum, vt *Quod*.

Prob. primò ex S. Tho: qui 1. distin: 5. quæst. 1. art. 1. dicit, *Humanitas non generat, sed sortes virtute sua natura*. Ex quo sic. Adueniente subsistentia humanitati, humanitas determinatur, & redditur in ratione principij generandi; addita enim ipsi subsistentia, fit concretum substantiale Homo, & suppositum, v. g. Sortes, qui generat, sitque Pater. Ergo subsistentia est determinans principium *Quo* operandi, & cōstituit in ratione principij *Quod*, vt complens, & terminans.

Probatur secundò. Subsistentia primò per se ordinatur ad complendam, & terminandam naturam substantialem intra lineam substantiæ, sicut existentia intra lineam entis; & ita est tantūm complementum naturæ, & vltimus terminus, vt supra toties dictum fuit; ratio autem agendi importat potius complebitatē

In

In ordine operatio à subsistentia, quid ultimum in tali linea ad illam ordinatum: Ergo subsistentia nō poterit esse ratio agendi, sed tantum influet, ut complens, & terminans rationem agendi.

Probatur tertio ex Mysterio Incarnationis. In Christo Domino tota ratio agendi operationum humanarum est creata, sicut enim omnes illæ, eo ipso, quia humanæ sunt, sunt creatæ, sic ratio ipsarum agendi debet esse creata, siquidem ab illa specie sumunt, tanquam à principio formali: Sed in Humanitate Christi non est subsistentia creata. Ergo ipsa nequebit ratio agendi; ac per consequens cum eadem, sic ratio, quoad hoc, de alijs naturis substantialibus creatis; sicut in Christo subsistentia non est ratio agendi, sic nec in alijs erit. Ergo &c.

*Argumenta in contrarium solvuntur.*

**P**rimum Argumētum. Si subsistentia; vel suppositum haberent se per se, & non concomitantur ad operationes, tunc mutata subsistentia, vel supposito, mutarentur operationes, mutato enim principio operandi, mutatur operatio, siquidem operatio sumit sicut speciem, sic diversitatem à principio; consequens est falsum: Ergo & Antecedens. Minor contrat: eadem enim manet operatio in anima

separata, ac erat in supposito, scilicet intellectio: Similiter in Accidente separato, eadem infrigidatio vel calefactio manet, quæ erat in coniuncto. Deinde si natura aliqua operans assumeretur à Deo, posset continuari eadem operatio, in tali tamen casu non esset eadem subsistentia, subsisteretur enim loco creatæ increata: & hinc est, quod Humanitas Christi subsistens subsistentia. Verbi eadem operationes elicit, quas eliceret, si fuisset, terminata per propriam subsistentiam humanam. Ergo ex mutatione subsistentiæ non sequitur mutatio operationis.

Resp. negans sequelam. Ad probat: mutato principio operandi, mutatur operatio: dissing: Mutato principio proximo, seu quod est ratio agendi, Concedo; principio remoto, aut alio qualicunq; nego. Et cum dicitur: operatio speciem sumit à principio, qualicunq; vel principio *Quod*; nego; à principio *Quo*, vel ratione agendi proxima; Concedo. Principium igitur *Quo*, seu ratio agendi proxima dat speciem operationi: Hinc est, quod intellectio, seu visio sit eadem specie, si sit eadem ratio agendi v.g. lumen gloriæ; nec mutatur in specie, quamvis à diversis principijs *Quod* procedat. Et sic non valent exempla; nam anima separata, quæ antea in supposito habebat intellectiōnem naturalem, addito lumine gloriæ intellectui, habet supernaturalem, cum lumen sit proximum principium

randi, & quamvis non sit suppositum, est tamen substantia per se subsistens, & id quod subsistit: Vnde subsistentia ex speciali ratione, via executionis, prius competit animæ rationali, quam toti per illam constituto, quamvis via intentionis prius attribuatür toti, vt supra dictum est q. 8. §. 3. huius secundi Tractatus.

Instrabis. Accidentia in Sacramento Eucharistiae non habent subsistentiam, subsistere enim competit substantijs, & tamen possunt agere; v. g. si post consecrationem, ad calicem aliquid de vino recenti infundatur. Ergo subsistentia non requiritur ad operandum.

Resp: negando, agere, vel operari vt *Quod*, sed tantum, vt *Quo*: agunt enim in virtute alterius, & tanquam virtus subordinata suo supposito, seu subiecto primo, quod in ipsis quodammodo virtualiter manere dicitur. Ex dictis genuinus sensus illius Axiomatis, *actiones sunt suppositorum*, colligitur.

Dicimus ergo, Actiones esse suppositorum, seu subsistentium; id est: Actiones non procedunt ab aliquo, quin prius illud constitutur, & compleatur per subsistentiam in ratione principii *Quod*. Vbi non debet sumi principium *Quod* determinatè, scilicet pro importante naturam totalem, & completam, vt v. g. Homo, sed indeterminatè, siue sit substantia completa, siue incompleta, siue importet totalem, siue partialem naturam, dummodo sit

per se subsistens, & compleatur per subsistentiam, & complebitur, & constituetur in ratione principii, *Quod*, vt patet in anima rationali, quæ licet sit substantia partialis, quia tamen subsistit per se, vt *Quod*, etiam in statu separationis, quamvis non sit suppositum, est tamen principium ex se operatum. Communiter tamen, & sine ista restrictione dicitur: *Actiones sunt suppositorum* (quasi de substantia totali, & completa intelligendo) quia communiter in omnibus aliis naturis, excepta intellectuæ, nihil subsistit, nisi suppositum.

Quod autem iste sensus sit legitimus Axiomatis supradicti, optimè probat Ioannes à S. Tho. in *Physicis* q. 7. de Subsist. a. 3. ubi dicit: Actiones esse suppositorum, nihil aliud esse, nisi subsistentiam per se requiri ad hoc, vt detur principium operatum, vt *Quod*. Probat & P. Blasius disp. 8. quæst. 6. Vasquezii impugnando egregiè, multumque ipsi Thomistica Schola deberet, si existentiam pro constitutiuo suppositi ibidem non poneret. Sed quidquid sit, optimè pro istius Axiomatis explicatione citat Ioannem illum Theologum disputantem contra Græcos in Concilio Florentino Sess: 18. *Actiones, iuxta omnium Philosophorum Scholam, suppositorum esse videntur, vt in hominum genere videmus: Quamvis enim hic homo, hoc est, Persona, vel Suppositum generet, eius tamen substantia eiusmodi generationis principium est, quandoquidem*

*Actiones suppositorum sunt, quæ quidem substantia, vel essentia in homine, cum sit humanitas humane generationis principium existit, quo generat hominem, &c.* Et paulo post idem Ioannes dicit: *Quomodo igitur intelligenda est hæc propositio: Iacob est ex natura Isaac: Non potest intelligi, ut sit ex natura Isaac, veluti Supposito agente quoniam Actiones sunt suppositorum, & hypostasium, ex natura verò Isaac, à principio tribuitur Iacob, &c.* Vnde Vasquez disp. 21. cap. 21. negans istud axioma, ex eo quia Aristot. dixit: *Actiones sunt singularium*, frustra conatur esse singularis, debet enim intelligi Aristoteles de subiecto Axiomatum, non de principio, id est, non versantur circa Vniuersalia, sed circa singularia, ut patet ex textu ipso. Neque etiam prædictum axioma: *Actiones sunt suppositorum*, colligitur ex illo solo loco: *Actiones sunt singularium*, ut putat Vasquez, sed etiam ex alio Arist. de An. tex: 64. vbi dicitur: *Anima non nascitur, neque adificat, nec texit sed homo.* Vltus est quoque isto axioma, *Actiones sunt Suppositorum*, præter prædictum Theologum, S. Thom. in 1. dist. 5. q. 1. ar. 1. & de Verit. quæst. 20. art. 2. ad 3. & in alijs locis.

Dices, Ratio ista Theologi non est definita à Concilio Florent: & sic nihil valet, nec debet citari, tanquam authoritas Concilij.

Resp: multum valere, quamvis enim expressè non sit definita, colligitur tamen, esse virtualiter definitam, quia Patres Concilij

Florent: illa ratione Theologi ducti fuerunt ad definiendam Processionem Spiritus S. à Filio, & sic ipsam quasi approbarunt. Et hæc de Subsistentia dicta sufficiant.

## DISPUTATIO

### SEXTA.

#### De Existentia.

**Q**uia Natura, seu Essentia redditur per Subsistentiam in ratione susceptiui existentie, priusque ista ratio, & capacitas ad existentiam in natura intelligitur, quam ipsa ratio existentie, ordo postulabat, ut prius tractaretur de Subsistentia in disputata: præced: & postea instituitur disputatio sequens de existentia.

## QVAESTIO I.

*An, & quid sit Existentia?*

**Q**uamvis ad quæstionem de An est existentie, nulla est controuersia, tam certum enim est dari existentiam, quam certum est, me esse scribentem, dum scribo, de esse existentie: quantum verò ad *Quid est existentia*, explicanda potius est ipsius quidditas, quam difficultatibus argumentorum inuoluenda. Explicat ipsam aliqui sic: existentia est quædam realitas recepta in ipsa re, non ut accidens, aut forma, sed



sed ut actualitas vltima pertinens reductiue ad genus, & speciem rei existentis, & realiter ab ea distincta. Pro quo.

Supponendum est primò cum Nazario, 1.p. qu.3. ar.4. contr.1. existentiam dupliciter posse considerari; vel secundum rationem suam formalem absolute sumptā, vel secundum speciales ipsius modos, & rationes quasi differentiales. Priori modo sumpta existentia astrahit ab existentia Dei, & creaturarum, Substantiæ, & Accidentis, propria, & aliena: cui sic sumptæ quatuor competunt conditiones, duæ positivæ, & duæ negatiuæ: prima conditio positiva est, ut existentia secundum se sit aliquid reale, & quodammodo intrinsecum rei existentis, id est afficiens realiter rem existentem, & sicque illam denominans. Secunda conditio positiva est, ut existentia sit vltima actualitas, complementum, siue id, quod est actualissimum, & formalissimum in re; & hanc conditionem D. Thomas innuit 1.p. q.4. ar.1. ad 3. dicens: *ipsum esse est actualitas omnium rerum*. Tertia conditio, & hæc negatiua est, ut esse absolute sumptum non sit accidentis, aliàs Deo vera ratio existentie non posset competere (quod falsum est) in quo nullum potest accidens inueniri. Quarta conditio similiter negatiua est, ut præfactū esse ex sua ratione formali non exigat recipi in re existente, tanquam actus in potentia: alioquin esse Diuinum, quod est verum esse, non esset irreceptū, & per se

subsistens, quod est contra illud. *Ego sum, qui sum*.

Secundo modo existentia sumpta, prout scilicet dicitur specialis modos, & rationes quasi differentiales, diuiditur iuxta diuersitatem ipsorum. Diuiditur enim primò in increatam existentiam, & creatam: *Creatam* in existentiam Substantiæ, & Accidentis: existentia substantiæ in existentiam propriam, & alienam, existentia verò *Accidentis* in existentiam connaturalem, quæ sibi connaturaliter debetur, & supernaturalē, qualis est in quantitate augustissimi Eucharistiæ Sacramenti. In præsentia agitur de *Creatam*.

Supponendum secundò, existentiam creatam communiter ab authoribus definiti sic; *quod sit id, quo res formaliter ponitur extra Causas*. In qua definitione, quamuis ferè omnes conueniant, differunt tamen in explicatione ipsius; aliqui enim dicunt addendas esse particulas *Complete*, & *vltimò* post *ly extra Causas*; aliqui negant esse addendas, existimantes, etiam in ipso fieri, & egressu essentie actualis à suis causis dari existentiam formalissimè, per quam ex dictis causis extrahitur essentia, quod tamen de essentia in illo priori causalitatis non potest intelligi, siquidem tunc non intelligitur existens reduplicatiue, sed specificatiue, sed ut alias existens, de quo infra; quidquid tamen sit, certum est, subintelligendas esse, quamuis non addendas, prædictas particulas; rō enim ipso, quod existentia formaliter ponat rem

rem extrâ causas, intelligitur cōplere rem in se ipsa, non utcunq; sed, vt actus ultimus; & vt complementum ultimum consequenter debet intelligi res posita extra causas completè, & ultimè; vnde non dicitur extra causam, sed extra causas absolutè, vt sit sensus, rem debere poni extra omnes causas, omnesque dependentiæ modos per existentiam; quamdiu enim restat aliqua causalitas, vel dependentia, non intelligitur res completè, & perfectè existens, vel posita extrâ causas. Admissa igitur ista descriptione existentiae creatæ, ab authoribus recepta, affertur alia descriptio existentiae, vt sic, ex S. Thoma, omiſſis alijs.

Dicendum igitur primò, existentiam, vt sic, à Diuo Thoma, quæst. vnica de Anima art. 2. ad 2. rectè sic definiri. *Esse* (intelligi existentiae) *est actus ultimus, qui participabilis est ab omnibus, ipsum autem non participat*, quæ definitio per accommodam distributionem existentiae, tam creatæ, quam suo modo increatæ, potest competere; increatæ secundum primas particulas; Creatæ verò secundum posteriores. Ponitur in descriptione ly, *Actus*, loco rationis superioris, competetis tam primis, quam secundis, tam ultimis, quam non ultimis actibus, ly autem *ultimus* loco rationis differentialis; & sic sensus est, existentiam ita esse ultimum actum, vt à nullo possit esse actuabilis, & in linea actualitatis rei ita esse quid ultimum, vt re-

specu nullius possit comparari; vt susceptiuum, quin potius respectu omnium habet se, vt formalissimum, & actuatiuum, vt enim S. Tho. docet, quæst. 7. de Potent. art. 2. ad 9. *Esse est actualitas omnium actuum, & perfectio perfectionum*; & idem 1. p. q. 3. a. 4. in c. dicit: *Esse est actualitas omnis formæ*; & turlus 1. p. q. 4. ar. 1. ad 3. *Esse est perfectissimum omnium*; comparatur enim ad omnia, vt actus, &c. Vnde non comparatur ad alia, sicut recipiens ad receptum, sed magis, sicut receptum ad recipiens, quia verò aliqui Philosophi ex antiquioribus, circa *Quid est existentia* discurrentes, genus illius referunt ad Prædicamentum accidentis prædicamentalis, idè contra illos.

Dicendum secundò, existentiam creatæ substantiæ esse accidens prædicabile, non autè prædicamentale. Ita S. Tho. Metaph. lect. 3. dicens: *Esse quamuis sit aliud ab eius Essentia, non tamen est intelligendum, quod sit aliquid superadditum ad modum Accidentis*, subinfer, prædicamentalis. Hoc idem docet, & in 1. dist. 3. q. 4. a. 2. ad 2. & alibi passim.

Probatur prima pars Conclus. Illud, quod non est de essentia rei, nec cum illa necessariam habet connexionem, est accidens prædicabile respectu talis rei. Sed existentia Substantiæ creatæ non est de essentia ipsius (de solius namque Dei essentia est existentia, cum eius essentia sit suum esse) nec etiam necessariam habet connexionem cum essentia;

existere enim contingenter competit essentis rerum, cum possint non existere, & de facto aliquando non extiterunt. Maior prob: quia, quod non habet necessariam connexionem ( etsi aliquam habeat ) cum essentia rei, nec est de essentia ipsius, contingenter competit ipsi, consequenter tanquam accidens prædicabile, quod potest adesse, & abesse respectu ipsius.

Secunda verò pars concilii probatur sic. Accidens prædicamentale non potest communicare esse simpliciter substantiæ, sed tantum esse secundum quid; nam sicut ipsum est ens secundum quid, ita esse illius entitativè accidentale communicatum erit esse secundum quid. Sed existentia propria substantiæ est ipsa communicatio esse simpliciter, quod habet substantia, siquidem esse substantiale est esse simpliciter, ut omnes fatentur, hoc autem esse est ipsa existentia substantialis. Ergo existentia substantialis non est accidens prædicamentale, consequenter existentia est quid substantiale, non autem entitativè accidens, nisi fortè prædicabile.

Secundò eadem pars conclusi prob: Actus adæquatus, & potentia illius debent ad idem genus pertinere, & ad eundem ordinem iuxta Aristot. 5. Physic: & idè quia actus operandi pertinet ad genus accidentis, estque ipsum operari entitativè accidens, potentia immediatè, & proximè operativa non potest esse substantia. Sed existentia substantiæ creatæ habet rationem actus adæqua-

ti respectu essentis, ut dictum est supra. Ergo ad idem genus pertinebit, ad quod pertinet essentia Substantiæ, eiusdemque ordinis erit cum essentia. Subsumo, sed essentia pertinet ad prædicamentum substantiæ, non autem accidentis. Ergo & existentia pertinebit ad prædicamentum substantiæ, critque aliquid substantiale, non autem entitativè accidens, ac proinde nec prædicamentale.

*Ad argumenta in contrarium respondetur.*

**P**rimum Argum: est contra primam Conclus. Ratio aliquo modo potentialis nequit esse actus ultimus, qui debet esse quid formalissimum, ut patet. Sed existentia est ratio aliquo modo potentialis. Ergo &c. Maior patet. Minor prob. ratio uniuersalis est aliquo modo potentialis, cum uniuersale sit contrahibile per rationes inferiores: contrahibile autem respectu contrahentis est aliquo modo potentiale, ut patet in animali respectu rationalis. Sed existentia est ratio uniuersalis, quinimò est quid uniuersalissimum, cum sit actus in toto genere entis, quod est transcendens. Ergo &c.

Resp. negando minorem; ad probat: disting: maior. ratio uniuersalis est potentialis, si fuerit uniuersalis per modum perfectibilis ab alio. Concedo. Si fuerit per modum perfectiui, & quasi actuatiui respectu aliorum. Nego. Et

Et taliter *esse*, est ratio vniuersalis, non vt perfectibilis, sed potiùs cæterorum ratio perfectiua, actusque omninò vltimus rerum, & sic non potest dici ratio potentialis, potestq; afferri istius exèplum; tñ in creatis, tñ in Diuinis. In Diuinis quãvis enim natura Diuina, non quidem logicè, aut cum fundamento in re, sed ex solo imperfecto nostro modo concipiendi) respectu Personarum Diuinarum concipiatur esse communis, & quasi vniuersalis, non tamen est vllò modo potentialis, sed actus: deinde in creatis ratio specifica atomæ respectu suorum indiuiduorum est vniuersalis, & tamen secundum huiusmodi conceptum non est potentialis, quia non est perfectibilis à suis contrahentibus, quin potiùs imperfectibilis, (vt sic dicam) & materializabilis per illa. Sic ergo *esse*, seu existentia, licet sit vniuersalis, cum sit ratio communissima, quia tamen est vniuersalis vniuersalitate perfectiua, & actus, non autem perfectibili ab alijs, non est ratio aliquo modo potentialis.

Secundum Argum: contra secundam conclus. S. Tho. in diuersis locis, sicut Quodlib. 2. q. 2. a. 1. & alibi sæpè, *esse* vocat accidens. Ergo ex mète ipsius *esse* non erit aliquid substantiale, sed accidentale. Deinde probatur. Quod potest adesse, & abesse ab aliquo, est accidens, & contingens respectu ipsius. Sed *esse* potest abesse, & adesse essentia creatæ, cum non semper existat, semper autem essentia rationem essetia retineat,

quia essentia, vt supra ostensum. Ergo *esse* erit accidens.

Resp. ad Authorit. D. Thomæ Doct. S. loqui de accidente prædicabili tantum, non autem prædicamentali. Quod autem hæc sit mens ipsius, patet, cum seipsum explicans loco citato dicit, existentiam idè esse accidens, quia est extra essentiam rei: ex quo non licet inferre, quòd huiusmodi accidens debeat esse prædicamentale: in circulo enim aureo aurum est extra essentiam circuli, quandoquidem circulus, & aurum sunt diuersorum prædicamentorum, sicque accidentaliter conuenit circulo esse aureum, cum possit etiam esse plumbeus circulus, & tamen aurum non est accidens prædicamentale, siquidem pertinet ad prædicamentum substantia: Ex quo iam manifestè patet, quid sit dicendum ad rationem in contrarium allatam; illa namque solum probat, Existentiam esse quidem accidens, sed prædicabile, non verò prædicamentale; allata quandoquidem definitio est accidentis prædicabilis.

Tertium argumentum. Ratio substantia: est esse per se. Ergo nec esse aliquid substantiale. Maior patet ex definitione substantia: Minor prob. esse in alio non est esse per se. Sed existentia creata est in alio, cum recipiatur in essentia creata. Ergo, &c.

Respondetur disting. maiorem: Ratio substantia: est esse per se, vel vt *Quæ*, vel vt *Quod*; conceditur, solum vt *Quod*, negatur. Si-

mis

militer distinguitur minor; Existentia non competit esse per se, ut *Quod*; conceditur, ut *Quo*; negatur. Ergo &c. neg. conseq. Ad probat: in contrarium resp: esse in alio per modum actus communicantis esse simpliciter, non est essentia per se, ut *Quo*, negatur; ut *Quod*, conceditur; & eodem proportionali modo distinguenda est minor; alias sequeretur, quod nec forma substantialis esset substantia, quia ipsa recipitur in alio, scilicet materia prima; quia tamen communicat esse simpliciter toti composito, & materiae, hinc est, quod sicut totum compositum habet esse per se, ut *Quod*, sic & illa saltem, ut *Quo*. Hoc ergo idem, & de existentia proportionabiliter sentiendum est.

## QVAESTIO II.

*Utrum Existentia creata distinguatur ab Essentia: & qualis sit ista distinctio realisne, an modalis?*

**S**upposita, & reuocata doctrina Complut: in Log: disp. 3. q. 4. de distinctione reali, & modalis, variae sunt sententiae circa praesentem difficultatem. Aliqui tenent, distingui sola ratione ratiocinata, ut Durandus, Suarez, Vasquez: Aliqui realiter modaliter, ut Soto, Molina. Alij ex natura rei, seu formaliter, ut Scotus, & eius sequaces. Alij deniq; rea-

liter, & tamquam rem a re distinguunt, ut D. Thomas, & eius discipuli Capreolus, Bannez, Nazarius, &c. quos refert, & sequitur noster P. Blasius lib. 1. suae Metaph: disp. 6. q. 1. §: 1. Pro cuius difficultatis resolutione.

Dicendum est primo. Existentia creata ab Essentia distinguitur realiter. Sic colligitur ex Aristot: lib. 2. de demonstrat. cap. 7. ubi dicit: *Esse verò nulli est substantia*, hoc est, *Essentia*. Ergo ex mente ipsius essentiae non est eadem cum existentia.

Probatur ex S. Tho: opusc. 48. Tract. de substantia cap. 2. ubi sic loquitur: *Esse essentiae, & esse actualis existentiae differunt realiter, ut duae diuersae res*. Item quodlib. 2. ar. 3. sic inquit: *In qualibet creatura est aliud ipsa creatura, quae habet esse, & ipsum esse eius*. Et 1. p. q. 50. ar. 2. ad 3. & alibi passim.

Probatur ratione impugnando absolutè identitatem, quam adstruunt Aduersarij. Nullum esse creatum est infinitum. Ergo nullum esse est idem cum essentia. Anteced. patet. Consequ. prob. Esse, quod est idem cum Essentia est infinitum, quia est esse irreceptum; esse autem irreceptum est infinitum, quia esse irreceptum caret limitatio sui, caret enim potentia receptiua, quae est limitatum actus, cum vnumquodq; limitetur per suum oppositum, quod hic non inueniretur: Ergo cum esse, quod est idem essentiae, careret potentia receptiua sui, nec haberet limitatum, utpotè nihil oppositionis, & distinctionis.

llll ha:

habens cum potentia, esset infinitum. Ergo cum nullum esse creatum sic infinitum, nullum erit idē cum essentia, sed distinguetur ab ipsa.

Respondet Suarez, quod *ly irreceptum* stat dupliciter; vel irreceptum in alio; vel irreceptum ab alio. Vtraque autem receptio huic utrique irreceptioni opposita pugnat cum infinitate. Ergo adhuc, quod *esse* creaturæ, si esset idem cum essentia, esset irreceptum in alio, (quamvis ille dicat, illud recipi in supposito: quod impugnabitur statim in secunda ratione pro eadem Concl.) tamen non erit irreceptum ab alio, & sic finitum. Quod si urgeas, & quæras ex eodem Authore: unde provenit illa finitas *esse* recepto ab alio? Respondet ille, provenire ex libera determinatione Dei causantis illud *esse*, qui vniuersis Creaturarum essentijs, illarumque perfectionibus, & actualitatibus certos, & determinatos terminos præfixit.

Sed hæc solutio duo inuoluit manifestè falsa. Primum est *esse* irreceptum in alio, si semel est receptum ab alio, non esse infinitum. Secundum est, quod *esse*, illud, quod est irreceptū in alio, possit esse receptum ab alio. Primi falsitas probatur sic. Agens infinite perfectum, qualis est Deus, à quo tu dicis Creaturas suum illud *esse* accepisse, communicat rebus perfectionem, cuius sunt ipsæ capaces; aliàs si non, communicaret illis omnem perfectionem, cuius sunt capaces, il-

lud imperfectionis, quod in illis esset, in solum Deum reduceretur. Sed *esse*, quod est irreceptum in alio, petit perfectionem infinitam, quia non habet limitatiuum sui; ergo deberet illi communicari perfectio infinita. Ergo non tollit ab illo *esse* infinitatem hoc; quod est, esse receptum ab alio, si in alio receptum non est.

Secundi etiam falsitas ostenditur sic. Habere esse receptum ab alio dupliciter potest intelligi; vel ab alio, ut à principio; vel ab alio, ut à causa; Distinguitur autem hic duplex receptionis modus, quia, ut inquit S. Thomas 1. p. q. 33. ar. 1. in corp. habere esse ab alio, ut à principio non tollit identitatem inter principium, & id, quod est à principio; quam identitatem nomen causæ tollit, quia in omnibus causarum generibus semper inuenitur distinctio inter causam, & id cuius est causa. Querimus ergo ex P. Suarez, quomodo intelligit illud suum dictum, quod illud *esse* irreceptum in alio sit ab alio? Si dixerit, quod est ab alio, ut à principio; per hoc non saluat, quod non sit infinitum, quod tamen ille saluare intēdebat. Ecce enim Filius in Diuinis accipit esse à Patre, ut à principio, & tamen quis dicet, *esse* Filij hoc modo acceptum ab alio esse finitum, & limitatum? nam aliàs non esset Diuinum. Si verò dicat, illud habere esse ab alio, ut à causa: Contra est. Habere *esse* ab alio, ut à causa, importat distinctionem inter causam, & causatum, ut di-

sum

Quum est : Esse autem irreceptum non potest habere principium distinctiui sui, ut ostendetur in ratione secunda. Ergo, &c. Deinde si esse per se subsistens, & irreceptum esset causatum ab alio, haberet hoc in quantum esse est, quia, ut dicemus in sequenti ratione, in esse irrecepto nihil est, præter ipsum esse. Sed esse, in quantum esse est, non potest competere, ut sit causatum aliàs hoc competeret omni esse, & sic ipsum etiã esse Diuinũ esset esse causatũ, quia quod competit formæ, ut talis est, competit omni formæ, & omni participant ipsam, ut dicunt Philosophi. Ergo &c.

Probatnr secundò Conclusio. Quolibet substantia, & essentia creata habet sibi annexum aliquid, præter suum esse. Sed si esset idem cum suo esse, nullo modo posset habere aliquid annexum, præter se, aut suum esse. Ergo non potest identificari cum suo esse, & existentia : Maior patet inductiue in omnibus substantijs creatis materialibus, & immaterialibus. Materiales enim substantiæ, præter se, & summi esse substantiale, habent sibi annexum v. g. quantitatem, albedinem : Immateriales quoque substantiæ habent sibi annexum Intellectum, Voluntatem, & actus ipsos intelligendi, volendi, &c. Minor probatur. Esse irreceptum non potest habere aliquid aliud sibi annexum, præter se. Sed illud esse substantiale esset irreceptum ; cum enim sit idem cum essentia, sicut essentia est irrecepta, ita & esse erit irreceptũ.

Ergo &c. Maior ostenditur, quia si illi esse e.g. Sortis annexeretur v.g. esse albi, deberet hoc illi aliquando adunari : sed esse Sortis, & esse albi nullo modo possunt adunari : vel enim adunarentur per identitatem ; & hoc non ; esse enim Sortis nunquam est esse albi, nec potest esse, cum illud sit substantiale, hoc accidentale. Neque adunabuntur, ut actus, & potentia, quia cum esse sit vltima actualitas, non potest comparari ad aliquid, ut potentia. Neque adunabuntur in vno subiecto, non enim habent commune subiectum, quia non recipiuntur ; ideo autem adunarentur, quia reciperentur, & sic negato communi subiecto, verique negari debet adunatio, quia quoties affirmatio est causa affirmationis, etiam negatio est causa negationis. Ergo cum non sit excogitabilis alius modus vniciatis, absolute non adunabitur illud annexum.

Respondet P. Suarez, esse substantiale non esse esse irreceptum, quamuis sit idem cum essentia ; recipitur enim in supposito, & sic ratione illius receptionis potest esse idem cum alijs, quæ in eodẽ supposito recipiuntur : Sed

Contra est. Secundum P. Suarez esse est idem cum essentia : Sed essentia non recipitur in supposito. Ergo neque esse : aliàs idem reciperetur, & non reciperetur. Consequ. patet. Minor probatur : suppositum nihil est aliud, quam Natura, seu Essentia subsistens : sed natura non potest recipi in.

se ipsa, vt patet. Ergo neque in supposito.

Dices in fauorem Suarez, Naturam recipi in ipsa subsistentia, à qua habet, vt sit suppositū. Sed

Contra est. Id, in quo recipitur Natura, habet rationem causæ materialis respectu ipsius. Sed subsistentia non potest habere rationem causæ materialis, quia subsistentia est purus terminus; terminus autem purus nullam causalitatem dicit, vt patet in punctis respectu Quantitatis, & ex illis, quæ supra dicta sunt. Ergo &c.

Probatur tertio. Quando aliquid prædicatum reale conuenit alicui, ita ut nec sit illi essentiale, nec cum ipso intret essentiam, & constitutionem alicuius tertij, nec ab eadem forma proueniat, sed potius ab aliquo principio totaliter extrinseco, tunc tale prædicatum distinguitur realiter ab illo, cui competit: Sed hoc modo se habet Existentia creata respectu Essentiæ sibi correspondentis. Ergo existentia creata ab essentia distinguetur realiter. Maior constat, quia huiusmodi prædicatum caret omni principio identificationis realis, vt discurrenti patebit. Ergo non potest non distingui realiter, aliàs haberet principium suæ identificationis: Vnde licet respectu animalis rationale v.g. sit accidentale prædicatum, cum sit extrinsecum eius, & nihilominus realiter identificentur, hoc prouenit ex eo, quia vtrumque intrat constitutionem, & essentiam alicuius

tertij, scilicet Speciei, ab eademque forma, scilicet Animæ rationali proueniunt. Minor autem probatur: nam in primis Existentia est prædicatum reale, quia effectus ipsius formalis, ponere scilicet rem extra nihil, & extra causas, est quid reale, & physicū, vt patet. Ergo & ipsamet forma, seu Existentia, cuius est eiusmodi effectus formalis est quid reale, quandoquidem effectus formalis est ipsamet, vt communicata.

Deinde non est prædicatum essentiale respectu cuiuscunque creaturæ; cum contingenter ipsi competat, ita vt possit illam creaturam habere, & illa carere, vt in precedenti quæstione ostensum est; nec constituit aliquid tertium essentialiter, cui taliter competat; aliàs alicui creaturæ necessario competere existentiæ, tanquam prædicatum æternæ veritatis, cum tamen hæc propositio v.g. Petrus existit, nequeat esse æternæ veritatis. Tandem ab extrinseco omnino principio communicatur, scilicet ab agente; nam existentia creata est ipsa productio agentis passiva in facto esse considerata, seu ipsum poni rem extra causas, & licet aliquando etiam à forma dicatur procedere, tanquam effectus formalis secundarius; hæc tamen est insufficiens ex se causa ipsius: totalis autem, & adæquata est productio agentis, quod ipsa producit formam, vt etiam superaddat ei existentiam, & quia illam superaddendo formæ attingit mediante ipsamet forma; hinc est.



est, quod existentia aliquid etiam ipsius formæ dicatur effectus, licet secundarius. Ergo de primo ad ultimum omnia ad distinctionem realem vnius ab alio concurrentia in maiori enumerata, competunt existentia creatæ respectu essentia, ac proinde modo explicato habet se existentia creatæ respectu essentia creatæ. Sed

Replicabis. Etiam si aliquod prædicatum alteri accidentaliter competat, non sequitur, quod debeat esse realiter distinctum ab illo cui conuenit. Ergo etiam si existentia creatæ competat essentia creatæ tantum accidentaliter, non rectè inferitur, quod debeat esse distincta ab illa realiter. Anteced. patet tum in exemplo superius posito, scilicet rationali, quod conuenit animali accidentaliter, & tamen realiter identificatur, tum in ista prædicatione, hoc vas est ligneum, ubi prædicatum est accidentale, & tamen realiter identificatum cum subiecto, cum tale vas realiter sit lignum. Ergo &c.

Resp. ex dictis patet, quid sit dicendum ad hanc replicam; quæ enim ad illud de rationali, & animali constat ex supra dictis; Vtrumque enim istorum ordinatur ad constituendum essentialiter aliquod tertium, quod non facit existentia. Quantum verò ad prædicationem istam, scilicet hoc vas est ligneum, dicimus quod vas non dicit solum lignum, sed lignum cum forma artificiosa, & quia forma artificiosa est realiter

distincta à ligno, sicut accidens à substantia, hinc est, quod in alla prædicatione prædicatum à subiecto realiter distinguitur: quod autem existentia creatæ superueniat essentia, non sequitur, quod debeat esse accidens prædicamentale ipsius, non enim superuenit, vt completæ, & ultimò constitutæ in esse, sed potius ultimum complementum tribuit ipsi, tanquam ultima actualitas, & ultimus terminus omnium essentialium rationum ipsius, & ideò reduciue pertinet ad genus essentia, & entitatis, quæ existit.

Hæc quantum ad primam partem quætionis: quantum verò ad secundam qualisnam sit distinctio inter Essentiam, & Existentiam, creatam, modalisne, an realis rigorosè, quia tangit difficultatem: an Existentia sit modus, ideò pro decisione supponenda sunt aliqua.

*§. 2. Existentia non est modus.*

Supponendum pro nunc, vt certum, modum esse aliquod ens, & sub generalissima ratione entis comprehendì, quia cum modus formalissimè non sit nihil, necesse est, vt formalissimè sit aliquod ens. Certum etiam est apud omnes, modum non esse ens, quod absque alio possit in rerum natura esse, quia modi sunt debilissima quædam entia, ac per consequens aliorum consortio indigentia.

Supponendum secundò: x nost;

Com:

Complut: in Phisic: dupliciter aliquid esse inseparabile ab alio, seu petere aliud ad hoc, ut sit; Primo ita ut hoc proueniat ob tenuitatem, & exiguitatem sui esse, quod ita exile est, ut sine alio, etiam de potentia Dei absoluta conseruari non possit, & sic omnes modi dependent in esse ab alio: Secundò ob aliquam intrinsicam connexionem, & sic multe res veræ, ut contradistinctæ contra modos propriè dictos non possunt esse sine alio, sicut materia sine forma, relatio sine fundamento, & termino, cum tamen utraque sit vera res, illa substantialis, hæc verò accidentalis cōstituens vnum ex nouem generibus accidentium; Ex his ergo colligitur quid sit modus, & in quo à re distinguatur, & sic

Supponendum tertiò. Modum posse sic explicari, modus est quedam affectio entis propriè dicti, aliquam entis rationem sibi vendicans omninò à re modificata, re, & ratione ob suam natiuam tenuitatem inseparabilem, ita ut in suo conceptu reali explicito, & adæquato indispensabiliter rem modificatam includat. Addidi hanc vltimam particulam, non quod dicam modum nullo modo dicere suam entitatem distinctam ab entitate rei modificatæ, sed quia, ut aduertit P. Suarez disp: 7. Metaph: Sect. 1. modus non habet entitatem propriam rigoris sumptam, ut entitas dicit aliquod esse sine omni alio, vel si ent ipsi vnibile, medio aliquo modo illi vnietur, sed tantum

habet entitatem largissimè sumptam, prout ens vocatur omnino id, quod non est nihil, cuius entitatis imperfectio in hoc sita est, ut semper petat, vnita esse alteri, vniaturque illi secundum se sine medio alio modo; vnde neque ponit in numero reali cum re, si si rigorosè loquendum sit, quia numerum realem non faciunt, nisi res: modi autem non sunt res, aliàs esset medijs alijs modis vnibiles, dareturque processus in infinitum: huius autem discursus Suarez veritas constabit discurrenti per omnes res, quæ sunt verè res, quæ non nisi medio aliquo modo, alteri vniantur; nam omnis res, aut est substantia, aut accidens; si substantia, vel partialis, vel totalis, si partialis eget modo vnionis ab illa, ex natura rei distincto, ut probant nostri Complut: in Phisic: si totalis, non recipitur in alio, & sic neq; vnitur alteri: Si verò sit accidens eget modo inhesionis ad hoc, ut vnietur subiecto; Soli autem modi sine aliquo medio vniantur, quia ipsi sunt medium, quo aliquid alteri vnietur. His ita suppositis.

Dicendum est secundò. Existetiam distingui ab essentia, tanquam rem à re, non tanquam modum à re modificata. Prob. concl: authoritatibus S. Thomæ supra Concl: prima citatis, vbi tanquam rei à re distinctionem ponit, vel sine vllo superaddito distinguit illas.

Prob. ratione primò, potest Deus per absolutam suam potentiam conseruare existentiam se-

paratam ab omni essentia, ut infra probabitur. Ergo existentia est res, & non modus, quia ut ex suppositionibus patet, & aduertunt nost. Salmati. 1. Tomo Tract: 1. disput. 2. dub. 2. in hoc distinguitur res à modo, quod modus ob suam debilem entitatem non est separabilis à re, quam modificat; ut patet in sessione, v.g. Petri, quæ non est separabilis à Petro, res autem saltem ex vi suæ entitatis non petit esse inseparabilis ab alio. Ergo.

Prob. secundo. Existētia est producibilis à Deo per creationē. Ergo nō est modus sed res. Ergo inter essētiā, & existentia est distinctio entitativa realis nō modalis. Cōseq. vltima patet. Prima prob. modus non potest produci per creationem, sed semper produci per educationem, quia ita dependet à subiecto, ut implicet illi fieri extra illud; ac per consequens dependet in esse, & fieri ab illo. Ergo fit per educationem. Antecedens autem primi argumenti est clarum, cum enim esse sit proprius effectus Dei, ut docet S. Tho: & nos infra dicemus, debet fieri per actionem, quæ sit propria ipsius Dei, qualis est creatio, quamvis postea existentia rerum materialium ob suam maiorem imperfectionem, id non conueniat.

Prob. tertio. Esse, inquit S. Tho: quæst. 7. de potentia a. 2. ad 9. est actualitas omnium actuum, & perfectio omnium perfectionum. Sed modus ob suam debilissimam entitatem est quid im-

perfectissimum in ordine entis: ergo &c. Deinde existentia dat esse simpliciter, illud autem quod dat esse simpliciter, non potest esse modus, quia modus est solum quasi actus secundum quid, & sic dat esse secundum quid.

Confirmatur, quia alias non posset suppleri existentia à Verbo, ex eo quod non est suppletæ ipsa essentia; iam verò si existentia solum esset modus essentia, non posset suppleri illa, quin suppleatur ista; quod sic probatur, quia modus intrinsecè includit entitatem, cuius est modus, ut innuitur in suppositione. Ergo non potest ille suppleri, quin suppleatur ipsa entitas, sicut non potest Deus supplere meam sessionem, quia mea sessio includit me sedentem. Ergo.

### §. 3. Soluuntur Argumenta contraria.

**P**rimum argumentum est contra primam Conclus: ex auctoritate S. Tho. 1. p. q. 50. art. 5. ubi docet: eodem modo esse comparari ad formam, quo rotunditas ad circulum. Ergo sicut rotunditas non distinguitur realiter à circulo, sic nec existentia ab essentia, seu forma.

Resp. S. Doctorem non æquiparasse rotunditatem cum esse, quoad omnia, sed tantum, quoad inseparabilitatem mutuam saltem connaturalem, sicut enim rotunditas non potest separari à circulo, sic nec esse ab essentia, seu

seu forma; Non tamen hoc exemplo voluit explicare distinctionē realem inter formam, & esse; & sic in solutione innuitur disparitas; circulus enim per nullam potentiam est separabilis à rotunditate, forma autem (quamvis naturaliter non sit separabilis à sua existentia) supernaturaliter tamen est separabilis, si v. g. Deus, impedita existentia creata, voluerit illā supplere per suam Diuinā existentiam, ut contingit in humanitate Christi.

Secundum Argum: quæ sunt inseparabilia ad inuicem, realiter sunt idem, seclusa enim separabilitate, non est signum distinctionis. Sed essentia, & existentia sunt inseparabiles, aliās posset essentia sine existentia existere. Ergo.

Resp. negandō maiorem; dantur enim plura, quæ non sunt separabilia, & tamen distinguuntur realiter v. g. Compositum, & materia distinguuntur realiter, quamvis compositum non possit esse sine materia, Quantitas, & Figura, & alia, quæ mutuo à se dependent, non possunt tamen existere separata, & sic probatio corrui, Separatio enim supra distinctionem extremorum addit mutuam eorum independentiam, iam verò essentia, quoad hoc, ut sit existens dependet ab existentia, hæc enim debet illam ponere extra causas; potest tamen sine existentia propria aliquando esse, quando Deus supplere voluerit per Diuinam, ut in mysterio Incarnationis patet.

Tertium argum: essentia con-

stituitur intrinsicè in sua realitate per existentiam. Ergo essentia non erit ab ipsa distincta, ut res à re, quia id, quod taliter ab alio distinguitur, non constituit ipsū in sua realitate, sed potius si vniantur componunt aliam tertiam realitatem. Ergo.

Resp. disting: anteced: essentia constituitur intrinsicè in sua realitate per existentiam, si dicatur de realitate essentiali, nego. Si verò dicatur de realitate existenciali; iterum subdistinguo; constituitur in realitate existenciali intrinsicè per existentiam, ut dicit ultimam actualitatem; nego; ut dicit effectum ultimæ actualitatis, concedo. Explicatur solutio, quia, ut supra ex nostris Complut: aduertimus, Realitas, qua aliquid ponitur extra nihil, est duplex: aut *Realitas essentia*, & hanc res non habent ab existentia, nisi fortè, tanquā à connotato in sequenti signo habendo; aut *Realitas existentia*, & hæc rebus competit ab existentia. Cæterum ut subtiliter aduertit Nazarius 3. p. q. 4. a. 1. controu. 1. q. 5. Realitas existentis, seu existentia est nomen æquiuocum; potest enim accipi, vel pro ultimæ actualitatis, vel pro effectui ultimæ actualitatis, ideò multi æquiuocatione laborantes decepti sunt, attribuentes multa ultimæ actualitati, quod eius effectui debuerant adscribere; ideò ut hoc clariù pateat.

Scito, quod quando ab agente communicatur alicui essetia existentia, quæ est realitas ab illa ex natura rei distincta, sit illa Essentia

tia ens reale participialiter, ſeu exiſtens intrinſecè, quam realitatem exiſtentialem intrinſecam in ipſam cauſat realitas exiſtentię in genere cauſæ formalis, itaut illud eſſe realiter intrinſecè exiſtēs non ſit exiſtentia formaliter, ſed cauſaliter, ſeu effectus formalis exiſtentiz: Illa ergo realitas æqualis intrinſeca eſſentiz vocatur effectus vltimæ actualitatis; realitas verò, quæ cauſat formaliter illam realitatem, eſt vltima actualitas. Et ſic quando dicitur, realitatem etiam exiſtentialem non diſtingui à re; verum eſt de realitate, vt eſt effectus vltimæ actualitatis, nō verò de realitate, quæ eſt vltima actualitas: Vide Nazarium loco citato, vbi hæc egrègiè explicat.

Quantum Argumentum. Exiſtentia non addit aliquid ſupra Eſſentiam actualem, niſi relationem dependentiz ipſiuſmet ab agente. Ergo non eſt aliqua entitas abſoluta realiter diſtincta ab eſſentia. Conſeq. patet. Antec. prob: Exiſtentia tunc cenſetur inueniri, quando intelligitur actualis eſſentia producta in facto eſſe. Sed eſſentia producta in facto eſſe ſufficienter intelligitur cum ſola relatione dependentiz ab agente. Ergo &c: Maior patet, quia exiſtentia eſt ipſamet quaſi productio paſſiua in facto eſſe, Minor prob: quia ad hoc, vt res dicatur produci in fieri, ſufficit, ad eſſe relationem dependentiz eiſdem ab agente in fieri, ſeu in fluxu. Ergo vt ſit producta in facto eſſe, ſufficit, quòd ſit dependens in facto eſſe.

Reſp. negan: anteced: & probationis eius minorem. Ad cuius probat: diſting: anteced: ſufficit, ad eſſe relationem dependentiz cum ſuo fundamento, concedo; ſine fundamento, nego; quia relatio nequit dari ſine fundamento, cum autem fundamentum relationis non poſſit eſſe relatio, daretur enim ſic proceſſus in infinitum, debbit eſſe aliquid abſolutum: illud autem abſolutum, quod ponitur fundamentum relationis dependentiz ab agente in fieri, non eſt Eſſentia præciſè ſecundum ſe, & ſecundum ſua tantum prædicata quidditatiua; ſic enim eſt æternæ veritatis, nec tamen ab æterno habet dependentiam ab agente, aliàs ab æterno fuiſſet producta, quod eſt falſum; erit igitur fundamentum dictæ dependentiz in fieri ipſamet eſſentia actualis, vt immutata ab agente non ſolum in fieri, ſed etiā in facto eſſe, quia ſemper perfeuerat illa depentia, & conſequenter fūdamentū eius; talisq; immutatio intrinſeca, conueniēs in facto eſſe ipſi eſſentiz, vocatur exiſtentia.

Quantum Argumentum. Si Eſſentia, & Exiſtentia diſtinguerentur, (cū diſtinctio ordinem, & relationem quandam importet) daretur inter illas relatio. Sed hæc non poteſt dari, quia aliàs Eſſentia, vt diſtincta, reciperet illam, & ſuſtenteret; quod dici non poteſt, ſiquidem eſſentia nullius accidentis eſt capax, nec illud ſuſtentat, niſi vt eſt ens in actu per exiſtentiam. Ergo &c.

Reſp. neg. minorem, quia quā  
M m m m uis

uis detur illa relatio, non tamen sequetur, recipi in essentia seorsim sumpta, sed in re existente, seu in illo concreto substantiali coalescente ex utraque, sicut quavis iuxta probabilem sententiam, detur relatio ista inter materiam, & formam, nihilominus quolibet seorsim non est subiectum relationis, sed compositum, & sicut materia, & forma, ut sunt extrema respicientia, referuntur, ita quoque essentia, & existentia erunt fundamenta, & extrema, inter quæ exercetur illa relatio.

Instabis, Videtur ex dictis posse inferri, existentiam recipi in essentia existente; quod dici non debet. Si enim recipitur in re existente, cum essentia ingrediatur rem existentem, & in illo priori præsupponatur ante receptionem existentia, præcedatque ut causans habeat esse; sed non ab existentia, quia subiectum non habet à forma id, secundum quod præsupponitur ad illam. Ergo &c.

Resp. neg. illatum. Ad probat: resp. Essentiam in illo priori causalitatis, & receptionis esse existentem, sed non exprimere hoc munus existendi, nisi tantum munus subiiciendi se existentia, tantumque dicit pro illo signo præcisè realitatem, ut subiectam, & capacem existentia, & dicitur existens, non duplicatiue, sed aliàs specificatiue existens realiter in illo priori per ipsam existentiam. Vnde quando fit aliquid existens per id, quod recipit, non debet præsupponi secundum id, quod recipit: Patet hoc exemplo

materiae, & formae: Materia enim in illo priori causalitatis formae, dum ipsam recipit, habet formam, immò & existentiam, non tamen pro illo priori reali concipitur formata, aut cum munere existendi, sed tantum explicat subiectionem, & capacitatem ad formam, & existentiam. Et sic præsupponi, ut existens formaliter, dum causat, proprium est generis causae efficientis, non generis causae materialis receptivae.

Alia Argumenta Aduersariorum fundantur in illo principio, quod essentia ante existentiam, vel sine illa, est nihil in se ipsa. Sed facilis est solutio, dicendo, esse veram realitatem capacem existentia, vel saltem connotantem illam pro eodem instanti reali, & sic licet concipiatur cum nihilo quasi existentia, non tamen cum nihilo essentia. Alia Argumenta P. Suarez sunt soluta à nostris Compluti: in Physica de existentia materiae primæ.

Vltimum Argumentum. Si Existencia esset entitas, non modus, sequerentur plura absurda. Primo sequerentur, tot esse multiplicandas in re entitates, quot sunt partes, cum cuiuslibet sua debeat correspondere existentia. Secundò: Non potest explicari, quid sit ista entitas substantia, an accidens? Tertiò: Hæc entitas esset quid perfectius, quam essentia, ut potè actualior. Quartò: Comprimeret cum essentia aliquid, resisteretque ex illis aliquid tertium compositum. Quintò: Posset conservari à Deo sine essentia.

tia: hæc autem omnia sunt absurda.

Resp. has instantias tangere, plures difficultates, quæ sunt fusiùs explicandæ per sequentes Quæstiones, in quarum resolutione singulis his instantiis respondebitur, iam autem aliquibus supra responsû fuit in hac disput. sexta.

### QVÆSTIO III.

*Vtrum in rebus tot sint multiplicanda existentia, ut cuilibet entitati, etiam partiali, sua propria existentia correspondeat.*

**S**upponendum primò, pro intelligentia tituli Quæstionis, in vno substanciali indiuiduo plura inueniri. Inueniuntur enim primò partes, deinde termini substanciales, postea accidentia propria, post hæc communia, tandem modi, vltimo operationes. Hic verò titulus de solis partibus substancialibus, & terminis naturæ procedit; nam de accidentibus inferiùs in hac eadem Disputatione, de modis autem in sequenti agendum est. Est ergo prima sententia P. Suarez disput. 31. Metaph: qui asserit, consequenter ad sua principia, tot esse existentias in qualibet re, quot sunt entitates etiam partiales. Omisso autem potissimum suo fundamento, quod ille ex indistinctione essentia ab existentia sumit, cæteræ eius rationes ad duas classes re-

ducuntur: aliquæ enim generaliter militanc: aliæ verò particulariter de homine, in quo, præter esse Animæ rationalis, Suarez, & Scotistæ aliud esse totale humanitati assignandum contendunt. Fundamenta eorum referentur, cum soluentur. In contrarium est sententia S. Thomæ 1. p. q. 76. a. 2. ad 4. & de ente, & essentia cap. 5. cum qua concludimus, &

Dicendum est primò. Esse Animæ rationalis est esse totius humanitatis, & ipsius hominis. Ita S. Tho: 1. p. q. 76. ar. 1. ad 4. & de ente cap. 5. Caietanus Tract: de Ente, & Essentia. Bannez 1. p. Ferrarien: 2. contr. genti: cap. 68. & communiter Thomistæ.

Antequàm hæc Conclusio probetur, supponendum est ex Caietano loco citato ex prima parte, formas esse in triplici differetia. Aliæ enim sunt materiales: Aliæ spirituales per se subsistentes, ordinatæ tamen ad dandum esse alijs: Aliæ tandem spirituales, per se subsistentes, itaut alijs non possint esse ratio essendi. Hæ omnes formæ conueniunt in hoc, quòd ipsis competit esse, cæteris verò ratione illatum: Discriminantur verò in hoc, quòd formæ primi generis quia non sunt per se subsistentes, competit ipsis esse tantum, ut rationibus essendi, seu ut *Quo*. Secundis vero, & tertijs competit *esse*, & ut rationibus essendi, seu ut *Quo*, & ut subiectis *esse*, seu ut *Quod*; cum hoc tamen discrimine, quòd formæ secundæ generis possint suum esse communicare alteri, non verò formæ

M m m m 2 ccs;

tertij generis . Hoc ergo supposito .

Probatur primò Conclusio. Anima rationalis est forma secundij generis. Ergo esse, quod habet, communicat composito, quòd constituit. Anteced: ex se patet: Conseq: ex notatione. Deinde subsumitur sic: sed aliud *esse* non est concedendum in composito, tùm quia superfluit, tùm etiam ob dicenda Concl: sequenti. Ergo Idem est esse animæ, & hominis. Antequàm secunda ratio pro Conclusione ponatur.

Supponendum est rursus, quòd Scotus, qui etiam Suarij sententiæ fauet, explicans suam sententiam de multiplici *esse* in homine, distinguit duplex *esse* existentiz in Quodlibetalibus, Quodlibeto 9. Primum *esse* existentiz, apud Ipsum est illud, quo aliquid primò recedit à non *esse*, poniturq; extra causas. Secundum est ultimus actus, post quem non aduenit alius actus dans *esse* simpliciter: & illud, cui primò conuenit istud *esse*, dicitur simpliciter habere *esse*, nec est ratio alteri habendi *esse*. Et concludit Scotus, quòd *esse* primo modo sumptum omnino competit Animæ rationali, sicut & cæteris partibus; *Esse* verò secundo modo sumptum soli toti competit simpliciter, partibus verò competit participatiue ratione totius. Hac ergo explicatione mentis Scoti supposita, arguitur ad hominem contra eius sententiam sic, & simul Conclusio.

Probatur secundò. Si Anima rationalis haberet *esse* distinctum

ab *esse* totius, illud *esse* necessarium esset ultimus actus dans animæ *esse* simpliciter, itaut Anima non sit alteri ratio habendi *esse*: Sed tale *esse* negat Anima ipse Scotus. Ergo debet illi negare omne *esse* distinctum ab *esse* composito. Consequ: est clara. Minor est positio Scoti. Maior ostenditur, quæ quia tripartita est, probatur quantum ad omnes partes.

Quantum ad primam, quòd illud *esse* animæ esset ultimus actus, probatur, quia post illud *esse* nullum aliud aduenit *esse* animæ; nulla enim aduenit forma post animam, cum anima sit, quæ ultimò constituit hominem in *esse* hominis. Ergo etiam nullum adueniet *esse*, quia omne *esse* est ab aliqua forma.

Dices, quod aduenit forma totalis. Sed

Contra, forma totalis, seu essentia non est causa formalis *esse* simpliciter, quia essentia est tantum susceptiua *esse* causati à principio, formali in *se* inclusio; & deinde dato, quod causaret *esse*. Illud *esse* cum sit à forma totali non adueniret animæ, quæ est pars, sed toti. Ergo per illud *esse* non actuaretur *esse* animæ. Ergo formalissimè semper illud *esse* animæ esset ultimus actus. Quantum ad secundam, quod per illud *esse* anima habeat *esse* simpliciter, probatur, quia illud *esse* est *esse* substantiale, cum sit *esse* animæ. Ergo erit *esse* simpliciter (& maximè,) quia per illud *esse* anima absolute, & simpliciter di-



dicetur esse. Ergo &c.

Quantum ad tertiam etiam prob. quia secundum ipsum Scotum illud esse animæ, non est esse compositi. Ergo non communicat illud animæ composito. Ergo stando in explicatione Scoti, anima, vel nullum habebit esse distinctum ab esse compositi; vel habebit tale, quale ipsi negat Scotus.

Dicendum est secundò, nullo modo esse admittendas istas existentias partiales, sed omnia substantialia dicimus existere per unicam existentiam totius.

Probatnr primò, autoritate. D. Tho: 1.2. q.4.a.5. ad 2. vbi sic ait: *Esse totius non est alicuius suarum partium; unde vel pars omnino desinit esse destructo toto, etc. Vel si remanet, habet aliud esse in actu, sicut pars lineæ habet aliud esse, quam tota lineæ; sed animæ humanæ remanet esse compositi post corporis destructionem, & hoc idem, quia idem est esse formæ, & materiæ, & hoc idem est esse compositi.*

Probatnr secundò, Existentiæ creata ex sua ratione petit toti competere, & non partibus. Ergo solum existentia totalis est habilis, nullæ autem partiales. Consequenter patet, quia existentia toti competens debet esse totalis, & non partialis. Anteced. probatur. Existentiæ ex sua ratione importat ipsum poni in facto esse completè, & ultimè rem extra suas causas. Ergo petit competere toti, & non partibus. Anteced. patet: Est enim ipsa ultima actualitas totius lineæ substantiæ. Consequenter probatur: Illud quod ultimè

ponitur extra causas, est ipsum totum, & non partes. Ergo si existentia ex sua ratione importat ipsum poni, ultimè, & completè rem extra causas, competet toti, & non partibus. Consequenter patet, anteced. prob. Illud ultimè, & completè ponitur extra suas causas, quod tunc primum ponitur, quando omnes causalitates causarum exercitæ, omnesque dependentiæ modi ultimatum sui exercitij attingunt, & finiuntur, sed quod ponitur finitis omnibus causalitatibus, & dependentiæ modis totum est, & non partes: partes siquidem præintelliguntur toti, & vsquedum totum adsit, causalitates causarum non cessant ab exercitio, ac proinde dum censentur adesse partes, nondum censentur exhaustæ omnes causalitates causarum, sed tunc primum, dum adest totum ergo etiam illud, quod &c.

Probatnr tertio. Illius est existere, seu esse, cuius est fieri, ut dicit Arist: 7. Metaph: tex. 26. cum fieri ordinetur ad esse communiceturque per fieri rei productæ. Sed fieri non est partium, sed totius. Ergo nec esse erit partium, consequenter non dabuntur existentie partiales. Maior patet. Minor probat: non enim fieri est partium v. g. materialium, sed suppositi, fieri enim est per se subsistentis, & existentis, quod est solum suppositum: Et deinde, quia fieri est eius, quod per se primò intenditur, iam verò totum, seu compositum per se primo intenditur, non autem partes, siquidem

dem partes sunt propter totum , & ordinantur ad illud . Hunc discursum S. Thom: 2. contra Gent: cap. 43. confirmat dicens : *Sicut unicuique creato conuenit fieri , sic sibi conuenit esse , esse autem non conuenit forma tantum , nec materia tantum , sed composito .*

*Argumenta contraria  
soluuntur.*

**P**rimum argumentum. Omne ens habet aliquod esse proprium. Sed homo est aliquod ens, ultra animam . Ergo habet aliquod esse ultra esse animæ.

Resp. negan. anteced: quia iam decisum est quomodo entibus, quæ sunt partes propriæ existentia nullo modo possit competere.

Secundum argumentum, ex S. Tho: 1. p. q. 89. Anima perfectior est in corpore , quàm extra corpus. Ergo habet aliud esse in corpore ultra id , quod habuit extra corpus. Consequ. probatur ; Nihil enim habens idem esse , est in hoc loco perfectiùs , quia illud esse communicat alteri , quia communicare supponit perfectionem in communicante , & non causat, nisi præhabeat. Ergo &c.

Resp. concessio anteced. neg. consequ. ad probat. resp. quod licet anima habeat idem esse in corpore , & extra illud habet tamen illud alio modo , quia in corpore habet integrando speciem hominis , & extra corpus non ; quòd sufficit ad hoc, ut perfectiùs illud habeat in corpore ,

quàm extra, quia parti perfectiùs est esse in toto, quàm extra. Vide de hoc argumento Caiet: & Ferrar: locis citatis.

Tertium argumentum. Habentia idem esse , sunt æquè perfecta. Sed anima est imperfectior homine, quia omnis pars est imperfectior suo toto. Ergo non habet idem esse cum illo.

Resp. Habentia idem esse , & eodem modo sunt æquè perfecta; concedo; diuerso modo, nego; & sic homo , & anima habent idem esse diuerso modo, homo, ut totum, illa , ut pars , atque ita perfectiùs habet homo, quàm anima.

Quartum argumentum. Esse hominis corrumpitur in morte, & esse animæ manet. Ergo esse hominis non est esse animæ , aliàs idem esset, & non esset.

Resp. Esse hominis non corrumpitur in morte , sed tantum definit esse hominis, quia anima suum esse immateriale, quod communicauerat corpori, trahit secū, & sic illud esse non perit, sed tantum definit esse hominis.

Quintum argumentum contra secundam Conclusionem: Entitas v. g. lapidis non potest unica existentia terminari. Ergo iam dabuntur ibi plures existentie partiales . Consequ. patet. Anteced. prob: existentia debet proportionari entitati, quæ existit . Ergo ubi fuerit entitas composita ex partibus , ibi erit & existentia composita ; Sed entitas lapidis est composita ex materia , & forma tanquam suis partibus, Ergo & existentia &c.

Resp.

*Questio IV. Vtrum Existencia sit perfectior Essentia. 647*

Resp. negan. consequ. ad cuius prob. dicitur, quod debet proportionari existētia entitati existenti modo sibi competenti, non autem non competenti; & quia modus competens existētiæ est actuare entitatem indiuisibiliter, hinc est, quod hoc modo vna, & eadem indiuisibilis manens existētia toti entitati lapidis proportionabitur, sicut punctum proportionatur linee modo indiuisibili, licet ipsa sit, quantum est ex parte sui, diuisibilis, quia ipsam afficit indiuisibiliter: hoc idem cernere est in anima rationali informante corpus, quod est diuisibile ratione quantitatis, qua afficitur, quæ quia est in se spiritalis, & indiuisibilis, modo indiuisibili informat, & totum corpus, & omnes partes eius.

Aliæ solutiones, & rationes contra partialitatem existētiarū possunt videri apud nost. Complut. in Physic. circa existētiā materiæ, & in lib. de Generat. non sunt enim noua arma euadenda, aut de foris querenda, quando habentur domi ad manum, alia pro defensione aptiora.

**Q V A E S T I O I V.**

*Vtrum Existencia sit perfectior Essentia.*

**S**Vppositis illis, quæ supra dicta sunt circa nomen, & rationem existētiæ, cum nomine creatæ existētiæ intelligatur illa actualitas, per quam creaturæ cō-

stituantur formaliter extra suas causas, & transeunt vltimatē à statu possibilitatis ad statum essendi à parte rei, nec sit aliqua denominatio extrinseca à principio rei producente, (vt aliqui adstruunt) cum esse sit intimum vnicuique, facili est decidere attentis alijs: An existētia sit perfectior essentia.

Dicendum est. Si existētia consideretur absolute, & attentis omnibus, necnon iuxta conceptū suæ actualitatis, existētia est perfectior essentia: si verò consideretur existētia, vt est talis v.g. humana, equina, tunc essentia est perfectior, quàm existētia.

Pars prima Conclus. prob. primò authorit. S. Tho: quæst. 7. de Potent. art. 2. ad 9. dicentis: *Hoc quod dico esse, inter omnia perfectissimū est, quod ex hoc patet, quia actus semper est perfectior potentia, qualibet autem forma signata, non intelligitur in actu, nisi per hoc, quod per esse ponitur; & vltra S. Doct. dicit: Vnde patet, quod hoc, quod dico esse est actualitas omnium actuum, & propter hoc est perfectio omnium perfectionum.*

Probatur primò eadem pars ratione. Actus adæquatus per se, primò inspectus à potentia est perfectior potentia. Sed existētia est actus adæquatus per se primò inspectus ab essentia, quæ est potentia ad esse. Ergo, &c. Maior patet induciue, quia forma est actus adæquatus, & per se primò à materia inspectus, forma perfectior est materia. Minor prob: quia cum existētia sit vltima actua-

**A**ctualitas, quæ adueniente, iâ amplius non restat aliquid adæquandum, & complendum in essentiz capacitate: (est enim existentia in toto ordine entis actualitas vniuersalis, essentia verò ipsi cōparata, est actualitas in determinato tantum genere, vel specie) Inde est quod existentia sit actus adæquatus respectu essentiz.

Secunda pars concludens est, quia esse quatenus est tale, & sub expressione huius limitationis, non affert, nisi specificationem, aut determinationem, quam habet à potentia, quam actuat. Sed existentia iuxta hanc rationem est imperfectior, quam essentia, quia sic sumpta existentia, est effectus essentiz, nec existentia est determinata, & talis perfectionis, nisi quia est recepta in tali essentia. Ergo, &c.

Obijcis primò. Substantia respicit, ut potentia accidentia, & tamen est perfectior illis. Ergo etiam essentia erit perfectior, quàm existentia, licet illam respiciat, ut potentia.

Resp. Respicit quidem substantia per modum potentiz accidentia tanquam actus, sed secundariò & non per se primò, & accidentia sunt actus ordinis extrinseci respectu substantiz, iam verò existentiam respicit essentia per se primò, ut dictum est. Deinde: Substantia habet se etiam per modum cause efficientis respectu accidentium, imò & finalis, & sic perfectior illis.

Obijces secundò. Perfectio rei attenditur penes essentiam rei,

non autem penes existentiam. Vnde perfectior est homo existens, quàm bos existens, cum tamen uterque habeat existentiam, & in hoc se non excedunt, sed in essentia. Ergo iam essentia perfectior erit existentia.

Resp. disting. anteced. Perfectio rei attenditur penes essentiam: perfectio gradualis, conceditur. Entitativa; negatur. Perfectio gradualis attenditur penes rationes genericas, & específicas; & secundum has vniuscuiusque rei perfectio attenditur, quæ talis, ut scilicet gradualis est; proinde cum ratio generica, & specifica pertineant ad essentiam, penes essentiam perfectio gradualis attenditur. At verò entitativa perfectio attenditur penes illud, quod in ordine entis fuerit perfectius: Est autem vnumquodque ita perfectum, sicut & actuale iuxta dicta superius; & quia actualissimum quid, & formalissimum in ordine entis est existentia, utpotè vltima, & perfectissima actualitas secundum S. Thom: hinc est, quod existentia in ordine entis erit quid perfectissimum, sicque penes illam, & non essentiam, in tali ordine attenditur perfectio.

Obijcis tertio. Illud est perfectius, ratione cuius assimilamur Deo. Sed ratione essentiz assimilamur, non ratione existentiz; essentia enim v.g. humana ex vi gradus intellectui exprimit imaginem Essentiz Diuinæ, quæ consistit in intellectione actuali: iam verò imago Dei non omnibus existentibus conuenit, secundum

dum quòd existentia sunt.

Resp. quòd ex vi gradus intellectui, non utcumque sumpti, consurgit imago Dei, sed ex vi gradus intellectui concernentis existentiam saltem in actu signato: Essentia enim Dei non est utcumque intelligere, sed intelligere actualissimum, & ut est suum esse. Alia argumenta, siquæ sunt probant secundam partem Conclusionis.

## QVAESTIO V.

*Utrum Existentia substantia sit distincta ab existentia accidentis.*

**S**upponendum est, quòd cum accidens sit entis ( idest substantiæ ) ens, necessario dicit ordinem, & respectum ad illam, tanquam ad subiectum, cui inesse debet. Vnde sequitur, ipsius essentiam, ratione essentialis istius respectus ad subiectum, consistere in *in esse*, & propter hoc communiter dicitur, quòd *Accidentis esse est ipsum in esse*. Istud autem *in esse*, seu inherere in abstracto, seu quasi in actu signato, vocatur *inherentia*: Quæ duplex est, actualis scilicet, & aptitudinalis: Actualis est ipsum actuale accidentis *in esse* subiecto. Aptitudinalis est aptitudo, seu propensio accidentis ad inesse subiecto, seu ad inherendum actu.

Scotus in 4. distin. 2. quæst. 1. quia utramque inherentiam exi-

stimat relationem, neutram censet esse de essentia accidentis: cui videtur suffragari etiam Soncinus 7. Met. q. 3. Nihilominus Angelicus Doctor in 4. dist. 12. q. 1. §. 1. Quæstioncula 1. ad 2. solam aptitudinalem inherentiam ponit de essentia accidentis: quem communiter sequitur Thomistæ. Nam ex una parte accidens essentialiter est ordinatum ad inherendum substantiæ, utpotè entis ens; ex alia parte potest aliquando esse sine actuali inherentia. Ergo ex qua parte essentialiter ad inherendum est ordinatum, inherentia aptitudinalis debet esse de essentia ipsius; & ex qua parte potest aliquando actu non inherere, ut patet in speciebus Sacramentalibus sine subiecto manentibus, actualis inherentia nequit esse de essentia eiusdem; essentia quandoquidem nunquam est à re, cuius est essentia, separabilis: relinquitur proinde, quòd sola inherentia aptitudinalis sit de essentia accidentis. Et cum dicit Scotus, inherentiam esse relationem, intelligendus est de relatione transcendentali, fundante prædicamentalem, non autem de ipsa prædicamentali: unde nil impedit, quominus possit esse de essentia accidentis, etiam absoluti à termino, licet non absoluti à subiecto, ut docet Caietanus. Remaneret modo difficultas de inherentia actuali; Quidnam illa sit? Utrum quid distinctum ab existentia, aut entitate accidentis, vel indistinctum? Sed hæc in sequenti quæstione dilucidabitur;

**N o n n      q u æ s**

nunc alia excitatur; vtrum scilicet Existencia accidentis sit eadem, quæ est substantiæ, vel sit distincta realiter ab existentiâ substantiæ? Soto 1. Physic. q. 6. aliterit, accidentia non habere existentiam distinctam realiter ab existentiâ substantiæ. Caietanus, Bannez, Nazarius, Flandria, & alij Thomistæ, quos refert, & sequitur noster P. Blasius, contrarium tenent. Pro resolutione difficultatis

Dicendum est, Existentiâ accidentis realiter distingui ab existentiâ substantiæ. Ita D. Tho: de ente cap. 7. Item 4. contr: Gent: cap. 14. Item in 1. dist. 3. q. 2. ar. 3. & alibi.

Probatur primò ratione. Accidentia de facto existunt, etsi non adsit de facto vlla existentiâ substantialis. Ergo ipsorum existentiâ non est existentiâ substantiæ. Conseq. patet, aliàs non possent existere sine existentiâ substantiæ. Anteced. prob. Accidentia Eucharistica de facto existunt, cum sensu percipiuntur: sed dum illa existunt, nulla tunc adest existentiâ substantialis. Ergo, &c. Maior patet. Minor prob: In primis non adest tunc existentiâ panis transubstantiati, quia transubstantiatio est conuersio totius substantiæ, ita ut nihil ipsius remaneat; si autem existentiâ substantialis remaneret, remaneret aliquid substantiæ. Ergo &c. Neque adest existentiâ alicuius alterius substantiæ creatæ, aut creabilis; quia existentiâ creata alicuius substantiæ; etsi concedatur, quod fa-

ciat existere accidentia, nihilominus illa solum posset facere existere, quæ sunt propria illius substantiæ, cui esset connaturalis huiusmodi existentiâ; aliàs si posset quæcumq. accidentia indifferenter facere existere, esset illimitata in genere existentæ, & sic esset actus purus, cum existentiâ illimitata sit ipsemet Deus, qui est actus purus. Ergo &c. Non est ergo excogitabilis existentiâ substantialis, quæ posset facere de facto existere accidentia sacramentalia.

Probatur secundò. Duæ potentie adæquatæ realiter inter se distinctæ duos actus sibi correspondentes realiter distinctos requirunt, quia potentia, sicut essentialiter ordinatur ad actum, sic ipsi correspondet, & commensuratur; & ita duæ adæquatæ realiter potentie, ut suis commensurentur actibus, duos realiter distinctos requirent actus. Sed essentia substantiæ, & essentia accidentis sunt duæ potentie in ordine existendi, existentiam, tanquam actum sibi correspondentem, respicientes, & sunt duæ realiter, & adæquatæ inter se distinctæ, utpotè generum diversorum: Ergo etiam actus sibi correspondentes, scilicet existentias, requirent realiter distinctas, ac per consequens existentiâ substantiæ, & accidentis erunt duæ existentie realiter inter se distincte.

Probatur tertio. Si accidens eadem realiter existentia gauderet cum substantia, accidens non esset entis ens, sed ens simpliciter.

QVÆSTIO VI.

*Verum Existentia accidentium sit inherētia actualis ipsorum, an verò aliqua alia realitas à dicta inherētia distincta.*

ter. Sed hoc est contra omnium sensum Philosophorum. Ergo & illud. Sequela prob. Ens simpliciter est illud, cui competit esse simpliciter. Sed si accidentis esse esset esse substantiæ, accidenti cōpereretur esse simpliciter, siquidem esse substantiæ est esse simpliciter. Ergo & elset ens simpliciter.

Objicies. Si accedens haberet propriam existentiam distinctam ab existentia substantiæ, ampliùs non ordinaretur ad existentiam substantiæ, sed in se sisteret. Sed hoc est falsum, aliàs accedens esset ens per se subsistēs. Ergo &c. Maioris sequela prob: Existentia est ultimus terminus, ultimumq; complementum essentia, ut toties dictum est. Ergo habendo talem terminum accedens, ulteriùs ordinari nō posset, aliàs exiret extra suum terminum, quod implicat:

Resp. negata sequela, ad prob: Existentia est ultimus terminus essentia intrinsicus, & extrinsecus simul; nego: intrinsicus suo modo; concedo, & nego consequ. Quia cū accedens sit entis ens, & idē ens debilissimū, suo intrinseco termino non potest ita compleri, ut perfectē sistant, proinde indiget alio extrinseco sui sustentatiuo vna cum suo complemento intrinseco. Hoc autem extrinsecum, seu terminus hic extrinsecus est ipsum esse substantiæ, & propter eā etsi sit ultimò completum intrinsecē accedens per propriam existentiam, adhuc poterit ordinari ad existentiam substantiæ.

SUPponendum primò, quod tota huius Quæstionis difficultas ex illo (quod supra innuimus) argumento ortum ducit, quo aliqui probant, actualement inherētia non posse esse existentiam accidentium; quod est tale. Accidentia Eucharistica existunt per existentiam propriam accidentium. Sed illorum existentia non est inherētia, quia hæc sine subiecto intelligi non potest, cum tamen de Fide sit, illa accidentia existere sine subiecto. Ergo neq; aliorum accidentium existentia erit inherētia actualis. Vbi adhuc aduertendum est, ex parte solius quantitatis hanc difficultatem procedere, quia in Sententia S. Thom: alia accidentia sine subiecto ibi non existunt, cū in quantitate, tanquam in subiecto immediato, substantiæ prout vices gerente, subiectentur, ut docet S. Thom: 3. p. q. 77. ar. 2. in corp: quodque potest sequentibus rationibus fulciri.

Primò. Illa albedo est albedo indiuidua sensibiliter, seu est albedo hæc sensibilis. Sed albedo non potest esse hæc albedo sensibilis sine subiecto, (ut ex PP. Salmat: in Tractatu de Indiuidua:

Nnnn 2 tione

tione vidimus) & S. Thom: hoc discrimen assignat inter quantitatem, & alia accidentia v. g. albedinem, quod quantitas, etiam si actu non inhæreat, erit hæc quantitas sensibilis; iam verò albedo, nisi sit a ctu in subiecto, non erit hæc albedo sensibilis. Ergo &c.

Secundò, ex Eminent: Cardinali de Lugo, qui licet in Philosophia contrarium senserit, in Theologia tamen de Sacramento Eucharistiæ disp. 9. sect. 1. Palinodiam cecinit, & est talis. Mota quantitate à Sacerdote, mouentur alia omnia accidentia: Ergo debent esse vnita cum illa. Sed nõ possunt esse vnita, nisi illi inhæreant. Ergo &c. Anteced. experientia probat. Prima etiam consequi patet, quia non est intelligibile, quomodò ad motum ipsius mouerentur, nisi essent vnita cum illa. Minor autem subsumpta prob. quia non vniantur cum ipsa ratione vnus communis subiecti, in quo quantitas, & ipsa recipiantur, quia tale subiectum non est; nec vniantur per identitatem, vt patet; nec vniantur, quia quantitas est in ipsis. Ergo tantum vniantur, quia ipsa erunt in quantitate.

Resp. Lessius lib. 12. de perfect. Dei n. 112. Hurr. Dis. 6. Physic. sect. 6. Arriaga disp. 5. Physic. sect. 2. subsec. 5. Deum mouere accidentia alia, mota quantitate à Sacerdote, occultandi mysterij gratia. Sed

Contra est. Quia sequeretur, quod Sacerdos non moueret verè illas species, nec eas deglutiret

verè, quia deglutire, vel mouere verè, significant motum physicum; tunc autem Sacerdos tantum censeretur mouere moraliter, in quantum Deus ad motum, quo ipse mouet quantitatem, moueret simul alias species. Ergo &c.

Deinde. Nam multis erroribus pateret via: Posset enim quispian dicere, ibi non esse quantitatem, sed Deum solum impedire, ne manus ultra progrediatur, cū tangitur Hostia, non verò quantitatem, resistere penetrationi, nec illa accidentia immittere species in sensus, cum sensibilia sine subiecto non sint, vt in prima ratione diximus, sed solum Deum immittere illas species, quæ omnia, hisq; similia sine alicuius temeritatis nota dici non possunt.

Supponendum est secundò, inhærentiam actualem dupliciter accipi posse, primò pro illo modo vnionis, seu inhæsionis, quo accidens vnitur subiecto. Secundò pro ipsa entitate inexistentiũ accidentium, quæ est talis naturæ, vt intrinsecè saltim naturæ suæ relicta dependeat à subiecto, & hoc nota benè, quia nullum vidi hoc notasse, totaque meo iudicio diuersitas sententiarum ex indistinctione inter hanc duplicem inhærentiam actualis acceptionem procedit. Hoc supposito.

Dicendum est primò. Si inhærentia actualis sumatur pro modo vnionis, probabilius est, quod existentia accidentis non sic inhærentia actualis, quamuis etiam oppositum sua probabilitate non careat. Ita videtur sentire de pri-



ma huius Conclusionis parte Nazar. 1. p. q. 3. art. 3. cap. 1. immediate ante Conclusiones, ubi dicit. Unionem non esse existentiam accidentis, quæ insuper

Probatur ratione, unio accidentis ad subiectum est modus quidam. Sed existentia accidentis non est modus, sed res, ut patet ex ijs, quæ de distinctione existentie ab essentia supra diximus. Ergo &c.

Probabilitas autem secundæ partis patet ex eo, quia nulla potest evidenti ratione falsitatis conuinci. Vnde, & ad istam pro prima parte rationem responderi potest, quod licet existentia substantiæ sit res, non tamen existentia accidentis, quia non est tantum concedendum existentie accidentis, quantum conceditur existentie substantiæ, nec sententia pro existentia substantiæ adducta, in existentia accidentis currunt, ut consideranti patebit, quia probabile est existentiam accidentis, nec esse assumptibilem à Verbo, nec posse creari, sicut nec esse separabilem ab essentia accidentis ob exiguitatem suæ entitatis, & iterum certum est illam non dare esse simpliciter. Ergo &c.

Tamen verè probabilius est. Accidentis fuisse assumptibile à Verbo Divino, ut docent plures Theologi, & inter hos ex Thomistis Alvarez disp. 12. de Incarn. conclus. 5. Medina 3. par. quæst. 4. art. 1. Et insuper probabilius est accidentis posse produci independentem ab omni subiecto, & sic posse creari. Ergo & suum

esse poterit creari. Sed modus non potest creari. Ergo esse accidentis non est modus. Vtraque consequens minore patet; Maior prob. Potest accidens conservari à Deo sine subiecto, ut patet in accidentibus Eucharistie. Ergo, & produci, quia conservatio est continuata productio.

Dicendum est secundo. Si inherencia sumatur secundo modo, tunc inherencia actualis est existentia accidentium. Ita videtur sentire Bannez 1. p. q. art. 4. dub. ult. in Resp. ad ultimum, ubi dicit: Existencia accidentis est actualitas quedam, quæ merito dicitur inherencia, siue inexistentia, quia naturaliter pendet in esse fieri, & conservari ab existentia subiecti. Ita & Caiet. 3. p. q. 77. art. 1. si in eo res, & non verba spectentur: Deinde

Probatur ratione primò. Existencia accidentis, est existentia dependens ab alio, ut à sustentante. Ergo est inherencia, secundo modo sumpta. Consequenter patet, quia per inherenciam secundo modo sumptam nihil aliud intelligimus, ut ex suppositione constat. Anteced: prob: Existencia proportionatur essentia rei, cuius est existentia, sicut actus suæ potentia. Sed essentia accidentis est dependens ab alio, ut à sustentante, quia essentia accidentis est ipsa dependentia, seu inherencia aptitudinalis. Ergo etiam, existentia accidentis, quæ facit actualiter dependere essentiam à subiecto mediante unione, erit existentia actualiter dependens.

Pro:

Probatur secundò. Existencia dans formaliter esse in alio, est in alio. Ergo existencia accidentis est formaliter inherencia. Consequenter patet. Maior prob. existencia dans formaliter esse in alio, facit formaliter inesse. Ergo cum inesse sit idem, quod inherere, existencia dans esse formaliter in alio facit formaliter inherere. Ergo erit formaliter inherencia, quia quod facit formaliter inherere, est formaliter inherencia, sicut quod facit formaliter album, est formaliter albedo. Minor prob. existencia accidentis non dat formaliter esse per se. Ergo dat formaliter esse in alio, quia modus essendi adzquatè à Philosopho diuiditur in esse per se, & esse in alio. Ergo &c.

Probatur tertio, ex illo communi Philosophorum proloquio ex Aristoteli & D. Tho. desumpto: *Accidentis esse, est inesse*. Ergo cum inesse sit idem, quod inherere, accidentis esse, erit inherere. Ergo si non erit inherere, ut dicitur modum illum unionis, erit inherere secundo modo acceptum.

Ad argumentum verò, quod totam difficultatem cauferat ex parte Eucharistice Quæstionis.

Resp. primò. Si sequamur sententiam authorum; existentiam accidentium ab inherencia actuali non distinguuntur, sed tenentur, quod existencia accidentis, est ipsa unio, seu inherencia, conceditur, si de existencia naturali loquamur, non verò erit illorum unio supernaturaliter existentium,

vnde accidentia Eucharistica secundum illos, sicut non existunt naturaliter, ita neque illorum existencia naturalis erit, & ideo non existent per inherentiam. Cætera verò omnia accidentia naturaliter existentia existunt per inherentiam, seu unionem actualem ad subiectum.

Si verò ex ipsis quæras quomodo illa inherencia perijt cum non sit aliqua actio ad ipsam, terminata? Respondent illi, quod perijt per ablationem subiecti, à quo in esse, fieri & conseruari essentialiter dependebat, sicut separata anima à corpore perijt, & destruitur unio, quia materię vniebatur. Si verò ulterius quæras, per quid existant? & an existant sine existencia? Resp. Illa non existere sine existencia, sed conferri illis per nouam actionem existentiam quandam, quæ non est quidem propriè substantialis, quia solum supernaturaliter potest accidentibus conuenire, tamen potest dici subtilitatis, quia facit illa accidentia existere per se.

Vnde non tam consequenter locutus est P. Blasius in sua Metaphysica: quando admittit manere totam actualitatem illius inherentiæ, & tantum esse extrinsecam connotationem subiecti, & ideo in Eucharistia accidentia non inherere actu, quia hoc connotato carent, non verò ob defectum alicuius actualitatis.

Sed iste modus explicandi hæc sententiam facile falsitatis conuincitur; nam implicat, ut maneat modus unionis non manentibus

tibus

ribus rebus vnitis . Sed secundum istam sententiam ipsa inherencia est modus vnionis accidentis ad subiectum . Ergo implicat illum manere adhuc quantum ad actualitatem , non manentibus actu vnitis accidente , & subiecto . Minor , & consequ. patet ; Maior prob. Vnio est essentialiter nexus duorum . Ergo non manentibus duobus vnitis , implicat manere vnionem , sicut implicat manere modum vnionis Petri , non manentibus vnitis materia , & anima Petri . Ergo .

Sequendo verò alium loquendi modum , quem iam , vt probabiliorem elegimus , quod scilicet : existentia accidentium non sit inherencia , prout inherencia dicit modum vnionis accidentis ad subiectum , sed sit inherencia , prout inherencia dicit formalitatem , seu entitatem quandam à subiecto intrinsecè dependentem .

Resp. ad propositum argumentum negan: minorem , in qua dicebatur , quod accidentia eucharistica non existunt per inherenciam , ad probat: dicitur ; quod inherencia sine subiecto intelligi non potest , si illi modus aliquis substantialis non superaddatur , est verum , si illi modus substantialis superaddatur , est falsum . Et quamuis talem modum substantialem accidentibus superaddi neget Valentia 3.p.q.77. ar.1. defendens ibi contra Caietanum sententiam Scoti , tamen verè est concedendus , quod breuiter duabus Caiet: rationibus probatur .

Prima. Accidentia in Eucharis-

tia verè intrinsecè mutantur . Ergo recipiunt aliquid intrinsecè , non aliquam rem . Ergo saltem aliquem modum : Subsumpta minor , & secunda consequ. patet ; Prima probat: quia mutatio intrinseca sine intrinseca receptione intelligi non potest ; Si enim nihil recipiunt . Ergo manent , sicut antea . Ergo non mutantur , Antec. prob: quia ante consecrationem , Quantitas prius tantum erat , vt *Quo* , & modo est , vt *Quod* . Deinde ante consecrationem erat tantum subiectum accidentium receptiuum , & non sustentatiuum , modo verò est subiectum receptiuum , & sustentatiuum . Ergo verè mutatur de *Quo* , in *Quod* , de subiecto non sustentatiuo , in sustentatiuum . Ergo &c .

Secunda . Species Sacramentales possunt rarefieri , & condensari . Ergo cum ibi non sit materia vlla sub illis speciebus , debet dari aliquid , vices materiz gerens , alias non possent rarefieri , vel condensari , quia sicut ad raritatem , vel densitatem requiritur paucitas , vel multitudo materiz ; ita vbi materia , vel aliquid eius vices gerens non est ; ibi raritas , vel densitas esse non potest . Ergo Quantitas ibi geret vices materiz . Ergo illi superaddetur aliquis modus , quia cum ex se hoc non habeat , vt gerat vices materiz , necessariò illi debet superaddi aliquid , vt hoc habeat .

Obijcies . Ista existentia non dat actu esse in subiecto . Ergo non est inherencia , quia videtur inintelligibile , quomodo inheren-

tia sit, & det quantitati modum essendi substantialem, scilicet per se, & sine subiecto.

Resp. Istam existentiam esse inherrentiam, quia quamvis, ut est sub isto modo formaliter, non det Quantitati esse in alio, tamen verè petit dare illi esse in alio, ita quod si suæ naturæ relinqueretur, daret Quantitati tale esse, & insuper ille modus tantum illi competit supernaturaliter, & per specialem manutentionem Dei, qua illam sub illo modo manutinet. Ergo ex natura sua non competit ipsi iste modus; cum ergo hoc modo dicat indispensabiliter inesse, quia quod non in se habet ab illo modo, adhuc sub illo modo, si secundum suam naturalia spectetur, erit inherrentia, quamvis non exerceat rationem inherendi, quia est illo modo substantiali præsentia.

## QVÆSTIO VII.

*Quasnam Causas habeat  
existentia creata?*

**S**upponendum in primis indefinitè loquendo certum esse, omnia quatuor genera Causarum ad existentiam concurrere. Concurrit primò efficiens; existentia enim est ipsum factum esse terminans fieri causæ efficientis; Deinde, concurrit finalis, nam efficiens ( præcipuè liberum, idque primum, quale est respectu existentiae ) debet habere certum finem, ob quem communicat esse

creaturis, imò ipsa existentia est ultimus finis intentionis agentis. Materialem quoque causam habet existentia, ipsam scilicet essentiam, in qua recipitur, & limitatur. Denique, & Causam Formalem siquidem esse, est effectus secundarius formæ; quamvis igitur omnes causæ suo modo concurrant ad existentiam creatam, quia tamen non est tanta difficultas de aliquibus v.g. de finali, & materiali, ( cum facilis sit de his ex supra dictis decisio ) idèò querèdo quasnam causas habeat existentia? coarctatur questio, ut non de omnibus, sed præcipuè de efficienti, & formali intelligatur.

Supponendum secundo, nos hic non agere de existentia rerum immaterialium, quia cum hæc fiat per creationem, sicut à solo Deo: creare enim est ita proprium ipsius Dei, ut nec instrumentaliter possit ulli creaturæ convenire. Titulus igitur de existentia rerum materialium intelligitur.

Supponendum tertio per modum cuiusdam Conclusionis, existentiam non posse habere rationem causæ efficientis respectu existentiae; siquidem essentia non est in actu ante existentiam: quod ad rationem causæ efficientis ( cuius est agere in quantum est in actu ) requirebatur: potest tamen habere rationem causæ materialis respectu existentiae, cum illam limitet, & recipiat: cum quo stat, quod existentia rei materialis educatur ex essentia, sicut ex causa sua materiali immediata; cum enim hæc existentia non creetur, debet

debet educi, & quia non immediate ex materia, educitur immediate ex essentia, in qua immediate recipitur. His ergo præsuppositis, ut circa causam efficientem existentiz.

*§. I. Vtrum Causa secunda habeat aliquam efficientiam circa existentiam, et qualem?*

**O**missis alijs extraneorum sententijs, ipsi D. Thomæ discipuli in tres diuersas de causalitate existentiz abierunt opiniones. Prima sententia est Bannez 1. p. quæst. 3. art. 4. tam alta de existentia sentientis, ut causas secundas nullo modo, etiam instrumentaliter, ad eius productionem concurrere dicat.

Secunda sententia est solam causalitatem instrumentalem concedentium respectu existentiz. Ita Flandria 4. Metaph: quæst. 3: a. 6. Ledesma de Diu: perf: q. a: 6. Concl: 1. P. Blasius disp. 7. Metaph: quæst. 2.

Tertia tandem sententia docet, causam secundam producere existentiam, etiam per modum causæ principalis, quamuis non attingat illam sub conceptu existentiz, sed sub conceptu talis existentiz. Ita omnes antiqui Thomistæ. Caietanus 1. p. q. 8. a. 1. & qu. 45. art. 5. Ferrariensis 2. contr. Gent. cap. 21. Capreol. Sôcin: Nazarius, immò & Suarez 2.

Metaph: disput: 31: sect. 9. & c. cum quibus & nos concludimus, & puriori doctrinæ D. Thom: inhærentes.

Dicimus primò cōtra primam Sententiam. Causæ secundæ verè, & propriè producunt existentiam eorum effectuum, qui ab ipsis sunt, (abstrahendo pro nunc, an illam producant principaliter, an verò instrumentaliter.) Hanc Conclusionem solent aliqui probare ex eo, quia Causæ secundæ verè agunt, generant & c. Ergo debent producere esse, quia generatio est mutatio de non esse ad esse. Sed hæc ratio nihil conuincit; nullus enim negat, quòd vnus homo verè generet alium, detque illi esse, & tamen esse illius non producit, sicut nec ipsam animam, cuius esse est etiam esse compositi, ut supra disp: præcedenti dictum est. Aliter ergo Conclusio

Probat 1. author: S. Tho: q. 7. de Pot: art. 2. ubi dicit: *Creature, que producunt varios effectus, conueniunt in uno communi, quod est esse.* Ergo & c. Deinde rationibus nostra Conclusio prob. primò: Causa secunda causat existens. Ergo debet habere aliquam causalitatem circa existentiam. Consequ. patet: non enim est intelligibile, quomodo causet existens, nihil operando circa existentiam. Debet igitur aliquid causare circa existentiam Causa secunda, si causat existens. Tunc quæro ex Bannez, quid erit illud? Respondeo loco citato Concl: 4. esse ipsam determinationem, qua existentia

determinatur, ut sit huius speciei, & non alterius, v.g. humanæ, & non equinæ. Sed

Cōtra hoc vrgetur sic. Vel hæc determinatio cōsistit in hoc, quòd causa secunda producat aliquam differentiam in existentia restringentem, & limitantem illam: & hoc non; quia cūm omnis gradus metaphysicus debeat fundari supra aliquem physicum, ab illoque desumi, sequitur, quòd ad hoc, ut Causa secunda dicatur verè causare illam differentiam metaphysicam limitantem existentiam, ut sic, debeat causare aliquid physicum, à quo ille gradus metaphysicus desumatur: Sed gradus differentiales metaphysici sumuntur à rationibus formalioribus in re. Ergo si causa secunda causauerit illum gradum metaphysicum in existentia, causabit gradus formaliores, & actualiores in ipsa: quod tamen negabit Bannes, qui ob perfectionem, & maximam actualitatem existentie omnem causalitatem denegat causæ secundæ respectu existentie. Vel deinde hæc determinatio consistit per Bannez in hoc, quòd Causa secunda producendo hanc essentiam, & non aliam, exigentem talem existentiam, determinat actionem Dei ad producendam existentiam huius speciei, & non alterius: & hoc non potest dici.

Contra enim est, quia secundū hunc dicēdi modū saluari nō potest, quomodo causa secunda producat ipsū existens, v.g. quomodo ignis producat ignem: quod sic

manifestè ostēdo. Ad hoc, ut causa secunda causet aliquod existens, vnum ex duobus est necessarium, vel ut vniat existentiam cum essentia, si supponat illam productam, (sicut facit homo generans hominem, qui vniendo animam corpori, vnit esse animæ toti essentia hominis) vel certè, ut producat ipsam existentiam, & vniat illam (sicut in nostra sententia faciunt generantia formas, & cōposita materialia:). Sed in Bannez opinione nihil horum faciet causa secunda. Ergo non cauetur existens. Maior patet. Nam ad hoc, ut causet existens, debet necessariò communicare composito existentiam. Ergo vel communicabit tantū, vel causabit, & communicabit; non enim aliud modus est imaginabilis. Minor quātū ad primam partem (quia secundam partem ipse Bannez concedit, dum omnem efficientiam causæ secundæ respectu existentie negat) probatur sic. Non omnis existentia creator, quia neq; omnis essentia, cui existentia debet proportionari, sit per actionem creatiuam. Ergo aliqua existentia educetur de potētia subiecti. Et cū omnes formæ materiales educantur de potentia subiecti, (quia sola Anima rationalis creatur) omnis existentia, præter humanam, educetur de potentia subiecti: Atqui tunc secundū Bannez educuntur per actionem solius Dei. Ergo etiam per actionem solius Dei vniuntur. Consequen: prob: Nam, ut docent nost: Compl: disp. 4. in Physica q. 2. ad 2du.

eductionem requiritur, ut per eādem actionem, per quam educitur forma, uniatur subiecto, quia debet educi ex vi actionis transmutatiuæ subiecti. Ergo causa secunda nō uniatur illam subiecto. Ergo &c. Et hinc

Collige primò differentiam inter nos, & Bannez; quia quāuis, etiā in nostra sententia, existentia hominis non producat a generante hominem, quia tamen uniatur ab ipso, saluatur, ut homo generans verè dicatur genuisse hominem existentem: Quod tamen Bannez non potest in sua sententia de alijs formis ostendere, ut ex præcedenti discursu constat. Collige secundò ex ista ratione, quā irrationaliter Bannez neget actionem causatiuam existentiz ipsius Causis secundis; quia cū sit actioeductiua, & non creatiua, illarum perfectionem non excedet.

Probatur secundò Conclusio, (impugnando primam rationem Bannez.) Ideò secundum ipsum, Causa secunda non causat existentiam, quia existentiam ex se non habet, sed à Deo. Ergo cū etiam essentiam ex se nō habeat, sed à Deo, non causabit etiam ipsam essentiam. Quid ergo causabit? aut quomodo v.g. ignis generatus erit effectus ignis generantis? si in illo nec esse, nec essentiam causabit. Sicut ergo ad causandā Essentiā sufficit, ut causa secunda in se habeat essentiam, vnde cūque illam habeat, ita etiam ad causandam existentiam sufficit, ut in se habeat (vnde cūque) existentiam. Ergo &c.

Probatur terciò (impugnando secundam rationem. Illud esse, quod tu dicis, præsupponi actioni causæ secundæ, non est esse solius materiæ primæ, quia in sententia Thomistarum materia secundum se, sicut omni actu, ita omni esse caret. Ergo erit esse solius compositi, sub quo prius erat materia prima; Sed hoc non obstat; quia illud esse est distinctum ab esse compositi de nouo introducendi à causa secunda; immò per aduentum istius compositi destruitur. Ergo nō impedit, quin producat hoc aliud esse, quia istud non præsupponitur, cū sit ab illo, quod præsupponebatur, distinctum. Ergo &c.

Probatur quartò (impugnando tertiam rationem.) Per se si causæ secundæ producerent existentiam, ad destructionem, vel productionem esse, destrueretur, & produceretur materia prima. Ergo etiā in tua sententia, destruyente, vel producente Deo existentiam, destruitur, & producit materia prima: quod tamen falsum est, quia materia prima est ingenerabilis, & incorruptibilis.

Respondet Bannez, esse disparitatem rationem inter Deum, & creaturas, quia Deus producit esse, vel destruit sub ratione essendi, ut sic; esse autem ut sic nunquam deest materiæ. Cæterum causæ secundæ producant esse sub ratione essendi tali, quod deest materiæ ad destructionem talis esse, & aduenit ipsi ad productionem; sic si fieret à causis secundis



dis, posset generari, & corrumpi, non tamen si fiat à Deo. Sed

**Contra:** Nàm ad corruptionē per accidēs est, quòd fiat ab hoc, vel ab illo agente, hoc, vel illo modo: istud enim, quòd Deus attingat *esse* sub ratione generali essendi, non tollit, quin materia verē amittat *esse*, vel acquirat illud, quando à Deo producit, vel destruitur prædictum *esse* non minus, ac illud acquireret, vel amitteret, si à causa secunda produceretur, quā illud producit sub ratione talis *esse*. Ergo si ad destructionem, vel productionem materiæ sufficeret amittere, vel acquirere *esse* (quod tamen omnes Thomistæ, & præcipuē nostri (Soluti: negant) materia etiam si à Deo habeat *esse*, acquirendo, vel perdendo illud, corrumpetur, & produceretur. Maximè, quia Deus non causat *esse ut sic*, sed *esse tale*, quamvis ratio attingēdi illud *esse* non sit talitas ipsius *esse*, sicut in creaturis, sed est ratio ipsius *esse*, *ut sic*; vnde etiam Deus causat *esse* in omnibus, quia quod causat formam, secundum rationem formæ, producit illam in omnibus, in quibus inuenitur illa forma.

Probat, quintò, & arguitur ad hominem. Nàm actio causæ secundæ habet suam propriam existentiam, ut egreditur ab agente, seu à causa secunda. Sed illam existentiam non habet à Deo. Ergo iam datur aliqua existentia, quæ non est à Deo. Ergo dantur & plures existentie alie, quæ non sunt à Deo. Conseq: ista ultima patet: Nàm Bannez ex ratione

generali existentiæ, quæ rationem ultimæ actualitatis exprimit, negat causas secundas causalitatem respectu existentie. Ergo si hæc ratio non obstat in aliqua, non obstat etiam in alijs. Præmissæ verò probantur, & primò maiora: Nàm actio habet suam propriam existentiam, quando est, sicut & cætera omnia accidentia. Sed tunc intelligitur ab agente, immò in hoc *esse* actionis consistit. Ergo ut egreditur ab agente habet propriam existentiam. Minor etiam prob. Ridiculum est, dari aliquam actionem ad aliam actionem. Sed si Deus communicaret illi actioni existentiam, tunc actio Dei terminaretur ad illam actionem. Ergo &c: Deinde; quia actio secluso omni alio, & formalissimè, ut egreditur ab agente, est in ultimo suæ actualitatis (vnde etiā vocatur existentia agentis in illo ordine.) Ergo ut sic formalissimè habet propriam existentiam, quia res quælibet constituitur per existentiam in ultimo suæ actualitatis. Ergo, &c.

Obijcies ex Bannez, S. Thomas in multis locis, & præcipuē 1. p. q. 45. ar. 5. in corp. asserit, quòd *esse* est proprius effectus Dei. Sed hoc nostra sententia destruit, cum ad causandum *esse* etiam creaturas admittit, quomodo enim erit proprius effectus ipsius Dei, quæ æque causant creaturæ, ac Deus. Ergo creaturæ nullo modo causabunt existentiam.

Resp. Stare optimè, ut creaturæ causent *esse*, & tamen *esse* sit proprius effectus ipsius Dei, quod



explicatur multipliciter. Immo exiſtentia eſt eff. ſtus proprius Dei, quia eſt effectus communis omnium creaturarum; effectus enim communis cauſarum inferiorum eſt effectus proprius cauſarum ſuperiorum, & æquiocatur, ſicut *uiuere* cauſant communiter omnia viuentia, proprius uero eff. ſtus *uiuere*, eſt alicuius cauſæ ſuperioris, & æquiocæ, à qua per ſe in eſſe dependet, ut docet S. Tho. 1. p. q. 104. art. 1. & ibi fuſè explicat Caiet. cuius explanationem uerè Caietano dignam ibi poteris uidere. Sic ergo in præſenti philoſophandum eſt. Et hæc ſolutio habet fundamentum in multis locis S. Tho. 3. contra Gent. cap. 66. ratione 2. ubi hæc uerba dicit: *Quando aliqua agentia diuerſa ſub uno agente ordinantur, neceſſe eſt, ut effectus, qui ab eis communiter ſit, ſit eorum, ſecundum quod uniuntur in participando motum, & uirtutem illius agentis.* Et paucis interpolitis concludit rationem his uerbis. *Cum igitur eſſe ſit communis effectus omnium agentium, nam omne agens facit eſſe actum, oportet, quod hunc effectum producant, in quantum ordinantur ſub primo agente, & agunt in uirtute ipſius, ita S. Tho. ubi, ut uides, ipſe ſuam explicuit mentem, dum dixit, quod cauſæ ſecundæ omnes producant *eſſe actum*; ecce ipſis concedit actualitatem circa *eſſe*. Hoc tamen illas dicit facere in uirtute Dei, & in quantum ipſi ſubordinantur, ecce explicat quomodo *eſſe ſit* proprius effectus Dei, quem cauſæ ſecundæ, niſi in*

uirtute ipſius non attingunt.

Reſp. ſecundò cum Caiet. 1. p. q. 45. ar. 5. in ſolut: ad primum dubium. *Eſſe*, ſeu exiſtentiam eſſe proprium effectum ſolius Dei, tanquam agentis abſolute: omnes enim cauſæ faciunt *eſſe*, ſed non per ſe primò: Cauſa enim, quæ per ſe primò attingit aliquem effectum, attingit illum ubique: inuenitur ratio illius effectus, ut eruditè oſtendit Caietanus 1. p. q. 104. ar. 1. nam à cauſa, quæ per ſe primo attingit effectum, dependet effectus per ſe primò. Ergo ubique erit, dependebit, quia impoſſibile eſt ſeparare illud à re, quod ipſi competit per ſe primò.

Reſp. tertio cum Suarez. Exiſtentia eſt proprius, & per ſe effectus Dei, ut exiſtentia eſt, non uero, ut talis eſt, quia creatura non producit exiſtentiam, niſi ut talem, ut ſcitè aduertit Caiet. 1. p. q. 45. ar. 5. dum ait: Quando bos generat bouem, non cauſat in illo *eſſe*, niſi per accidens, & accidenſitatis modo, quo coloratum, ſit per accidens, cum ex nigro ſit album, cuius doctrinæ fundamentum eſt illud, quod aſſert Suarez ex Ariſtot: in lib: de Cauſis, & eſt tale; Effectus dicitur per ſe primò fieri ab aliqua cauſa ſecundæ eam rationem entis, quæ ex parte ipſius effectus non præſupponitur, ut cum generatur ignis, ex aere per ſe primò ſit ignis, non uero corpus, vel elementum, quia hæ rationes iam præſupponebantur in aere. Sic ergo, cum ſolus Deus faciat ens ex non ente, ſeu

ex nihilo, ille solus faciet ens, vt ens per se primò, cæteræ autem creaturæ facient tale ens per se, & per accidens ipsam formam entis, quia illæ non operantur aliquid ex nihilo.

Resp. quartò cum Caiet. 1. p. q. 7. ar. 1. quòd à S. Thoma vocatur Deus causa propria existentiz, quia ille solus est, qui potest omnia producere ad existendum necessaria, non tamen creaturæ. Deus enim etiam ipsam materiã causat, quam creatura attingere non potest.

Nota tamen, his rationibus non tantum probari, existentiam esse proprium effectũ ipsius Dei, sed etiam ipsam essentiam, quia etiam essentia est effectus communis omnium creaturarum, quia omnis causa secunda confert aliquam essentiam suo effectui. Deinde, quia non potest causa secunda causare omnia constituenta aliquam essentiam; materiam enim non potest causare, quia illa per creationem tantummodò producibilis est; neque causat essentiam per se primò, quia illam nõ causat in omnibus æque. Ergo Deus est causa propria essentiz, ac existentiz, tamen S. Thomas peculiariter adscripsit istud existentiz, dum dixit, quod existentia est proprius effectus Dei, non dicendo hoc de essentia; non quia ipse id de illa quoque non senserit, cum id ex eius rationibus manifestè colligatur, sed quia essentia non terminat actionem, nisi ratione existentiz, cum secundum se à nulla causa agente dependeat,

vt potè æterna, & improducibilis; & hæc dicta sint contra Bannez. Deinde

Dicimus secundò cõtra authores secundæ sententiz. Causæ secundæ non instrumentaliter, sed verè, & principaliter producunt existentiam. Ita authores omnes pro tertia sententia citati, &

Probatur primò authorit. S. Tho: 2. contr. Gent. c. 21. vbi talem causalitatem concedit causis secundis respectu existentiz, qualem concedit Sorti respectu humanitatis. Sed neque S. Thomas dixit, nec aliquis dicet, quòd, Sortes instrumentaliter tantum producat humanitatem. Ergo etiã existentiam non instrumentaliter tantum causæ secundæ attingent. Ergo &c.

Probatur secundò. Instrumentum, vt tale est, necessariò petit eleuari ad effectum principalis agentis. Sed causa secunda non indiget eleuatione, scũ non petit eleuari ad producendam existentiam. Ergo causa secunda non est instrumentum in ordine ad producendam existentiam. Maior patet ex ijs, quæ docent N. Complot: in Phisica. Minor probatur. Tunc aliqua causa indiget eleuatione, quando effectus excedit ipsam in perfectione. Sed existentia non est effectus excedens ipsam causam secundam in perfectione, cum etiam ipsa habeat suam existentiam, & agat, vt existens. Ergo ad producendam existentiam non indiget causa secunda eleuatione.

Respondent aduersarij: Existē-  
tiam

tiam non esse ex se operatiuam, & sic non constituere causam secundam agentem in tanta perfectione, quanta est in existentia producenda. Hanc solutionem innuunt nost. Complut. in Physica disput. 11. q. 3. in solut. ad 2. iuxta secundum dicendum modum aliquorum Thomistarum. Sed.

Contra est. Quando dicis, quod existentia non est ex se operatiua, negasne, existentiam esse operatiuam radicaliter, an tantum proxime? si proxime, nihil facit ad rem, cum etiam essentia rei non sit proxime operatiua, & tamen non ob id negabis, eam conferre agenti, in quo est, perfectionem essentialem æqualem illi, quæ inuenitur in effectu, ut possit esse causa principalis illius, alias nulla daretur causa principalis in rerum natura; quia neque esset accidens, cum hoc non possit esse causa principalis substantiæ, neque substantia, quia nulla est immediate operatiua, ut docent N. Compiin Phyl. disput. 10. quæst. 4. Si verò negas, existentiam esse operatiuam radicaliter.

Contra est. Essentia non est operatiua radicaliter, nisi ut existens. Ergo existentia complet, & constituit illam in ratione potentie radicaliter operatiuæ. Ergo & ipsa est radicaliter operatiua. Vtraque Conf. patet. Anteced. prob. Vnumquodq; agit in quantum est in actu. Sed vnumquodq; est in actu, secundum quod est existens. Ergo vnumquodq; agit, secundum quod est existens. Ergo & essentia non est operatiua ra-

dicaliter, nisi ut existens.

Confirmatur. Sicut se habet aliquid ad esse, ita se habet ad operari, saltem radicaliter. Ergo sicut esse est ultimum complementum agentis in ordine essendi, ita erit ultimum complementum ipsius in ordine operandi, saltem radicaliter. Ergo &c.

Probatur tertio Concl. Ideo accidentia possunt producere substantiam, & essentia rei, quia sunt virtutes substantiæ: sunt autem virtutes, quia dimanant ab essentia deferente actionem generantis ad ipsam. Sed substantia non defert actionem generantis, nisi ut existens; (& in hoc saluatur eius efficientia respectu passionum, ut docent N. Complut. disput. 10. in Physica q. 7. §. 5.) Ergo &c. Ergo sicut imbibunt virtutem, & vigoroositatem quandam ad producendam substantiam ex hoc, quod dimanant à substantia deferente actionem, illorum productiuam, imbibent ob eandem rationem ab existentia virtutem ad producendam existentiam. Ergo &c.

Prob. quarto. Repugnat, ut respectu eiusdem termini formalissime aliquid habeat rationem causæ principalis, & instrumentalis. Sed in ordine ad existentiam producendam causa secunda habet rationem causæ principalis. Ergo repugnat, ut respectu eiusdem habeat rationem causæ instrumentalis. Maior patet. Minor prob. quia quolibet causa efficiens dat esse. Ergo etiam causa secunda v. g. equus, ut est cau-

causa principalis equi dabit illi principaliter esse. Sed in equo non est, nisi unicum esse. Ergo respectu illius vnus esse equus habebit rationem causæ principalis. Ergo repugnabit, ut respectu eiusdem habeat rationem causæ instrumentalis.

Obijciunt aduersarij. S. Thomas in multis locis asserit, quod omnis causa secunda dat esse in virtute causæ primæ, & præcipue hoc docet, & sex rationibus confirmat 3. cont. gent: c. 66. Sed illud, quod agit in virtute alterius, & non in virtute propria, non est causa principalis. Ergo nulla causa secunda causat existentiam, tanquam causa principalis. Minorem prob. P. Blasius disp: 7. Metaph: quæst. 2. §. 1. circa finem, quia definitur causa principalis, quod sit illa, quæ agit in virtute propria, ut dictum est.


Resp. iuxta S. Tho. 3. p. q. 62: art. 1. concedendo Maiorem, & disting. Minorem; causa, quæ non agit in virtute propria, non est causa principalis, si detur illi virtus ad effectum excedentem causam in perfectione. Conceditur. Si illa virtus non detur in ordine ad effectum excedentem causam in perfectione. Negatur. Neque aliud San: Thomas voluit loco in probatione adducto; quia virtus, quæ datur ipsi in ordine ad effectum æque perfectum non extrahit ipsam extra limites virtutis propriæ, quia non eleuat ipsam, & sic semper censetur operari in virtute propria. Cum ergo in præsentī existentia non sit ef-

fectus excedens in perfectione causam secundam, ut iam probauimus, licet causa secunda producat illam in virtute Dei, non producat illam instrumentaliter.

Quæres, In quonam secundum nostra principia consistat hæc virtus Dei, ratione cuius causa secunda causet existentiam.

Resp. primò, probabile esse, quod sit ipsa existentia causæ causata à Deo, eo proportionabili modo, quo ipsum accidens est virtus substantiæ in ordine ad procedendam aliam substantiam. De quo N. Complut: in Physica disput. 10. quæst: 6. tractant.

Resp. secundò, posse etiam probabilius explicari, quod illa virtus sit ipsa prædeterminatio causæ primæ actualiter, & efficaciter applicantis, tam causas liberas, quam necessarias ad operandum; quia cum ratione huius prædeterminationis causæ secundæ, & effectus producti ab ipsis, ac in vniuersum quælibet creatura à Deo in ratione vniuersalissima entis dependeat, inde est, ut rectè hæc prædeterminatio possit vocari virtus Dei impressa causæ secundæ, ratione cuius dicitur attingere esse in virtute Dei; nam prædeterminatio est aliquid physicum receptum in creatura, & sic aptum ad hoc, ut possit virtus Dei vocari, & esse,



§. 2. Vtrum Existentia habeat aliquam causam formalem sui?

**P**ost determinationem de causa efficienti existentiz creatæ ( siquidem de causa materiali, & finali non est aliqua difficultas, cum essentia ipsa sit receptiva existentiz, existentia autem ipsa sit ultimus finis intentionis agentis ) determinandum est de causa formali existentiz, an illam habeat. Circa quod est.

Prima sententia Bannez 1.p.q. 9. ar. 4. ad 4. qui negat, Formam esse causam formalem existentiz. Fauet huic sententiz Capreolus 1. dist. 8. q. 1. ar. 3. & Sencinnas 7. Metaph. q. 22. P. Blasius disp. 7. Metaph. q. 4.

Secunda sententia dicit e contrà, Formam esse causam formalem existentiz, & existentiam esse eff. & cum secundarium formæ. Ita Ferrariensis 1. contr: Gent. cap. 22. Caiet. cap. 5. de Ente, & essentia q. 8. ratione 1. ac tandem N. Complut: in Physica, disp. 3. q. 6. ad primum. Sed hæ sententiz potius in modo loquendi, quàm in re differunt, saltem quantum ad aliqua; Vnde pro illarum conciliatione, & veritatis explicatione.

Dicendū est primò, Formā non esse causam formalem existentiz in hoc sensu, quòd existētia actuetur à forma. Hæc sententia est Bannez; & quia rationes eius nihil aliud probant, quàm hoc, ideò eas pro ista Conclusionē adducimus, est ergo.

Prima ratio. Existentia est æqualitas omnis formæ. Ergo est forma omnis formæ: Ergo forma non erit causa formalis existentiz.

Secunda ratio. Omnes Philosophi dicunt, quòd existentia est forma entis. Ergo nō potest actuari à forma. Conseq. prob. quia illud est apud omnes forma entis, quod ultimò actuatur rem. Sed si existentia actuaretur à forma, tunc non illam ultimò actuaret, quia ipsa etiam actuaretur. Ergo.

Dicendum est secundò. Formæ est verè causa formalis existentiz. Primò in hoc sensu, quia dat speciem existentiz. Secundò in hoc, quòd illa adfert secum esse composito, & esse dimanat ab illa, ac tandem essentialiter præsupponitur ad illud. Hanc conclusionem negat Magister Bannez, & in hoc dissentit à nobis, & similiter P. Blasius.

Prima pars Conclus. prob. primò. Existentia equi distinguitur specie ab existētia hominis. Ergo specificantur à Formis, in quibus recipiuntur. Consequ. prob. quia in rationibus communibus conueniunt: vtraque enim æqualiter est existentia.

Probatur secundò. Existentia ex se non habet speciem. Ergo specificatur à re, quam actuatur. Ergo, vel à toto composito, vel ab aliqua parte eius; non à toto radicaliter, quia illud specificatur à forma, quæ est vna suarum partium; non à materia, quia hæc nullam speciem habet. Ergo à forma. Sed id quod dat speciem,

PPP est

est causa formalis . Ergo forma est causa formalis existentie, quã ad hoc, quod existentia specificatur à forma.

Resp: P. Blasius ad primum, negat: antecedit: & dicit *Esse* in omnibus essentis eiusdem esse speciei, & solum materialiter esse perfectius alio, in quantum scilicet in perfectiori essentia recipitur, ad eum modum quo anime rationales sunt eiusdem speciei, & tantum distinguuntur penes rationes individuales. Citatque pro se Nazar. 1. p. contr. 17. Concl. 7. & Ledesma de perfect. Diuin. q. 12. ar. 8. Sed

Contra hoc est. In omnium sententia, existentia, & essentia debent proportionari inter se, sicut actus, & potentia. Ergo quando essentia distinguuntur specificè, etiam existentia distinguuntur specificè, nam alias inter se non essent proportionatæ, nec commensuratæ.

Secundò. Impossibile est, ut sit eiusdem speciei *esse* Angeli, & *esse*, v. g. bouis. Ergo cum idem sit iudicium de omnibus alijs rebus, existentia omnium aliarum rerum specie differentium distinguuntur specie. Consequenter patet: Antecedit: prob: *Esse* Angeli est omnino immateriale, omninoque eleuatum supra materiam, esse verò bouis est omnino immersum materiz, omninoque materiale. Sed *esse*, quod est omnino materiale distinguitur specie ab illo *esse*, quod est omnino immateriale. Ergo &c.

Confirmatur. *Esse* Angeli es-

sentialiter est immateriale, & *esse* bouis essentialiter est materiale. Ergo *esse* Angeli, & *esse* bouis distinguuntur essentialiter. Sed quæ distinguuntur essentialiter, distinguuntur specificè. Ergo.

Tertio; nam etiam inde sequetur, quod *esse* Dei non distingueretur specificè ab *esse* creaturarum, sed tantum distingueretur materialiter, quod tamen absurdum est apud omnes.

Obijciens. Quod specificatur à forma, accipit aliquam perfectionem ab ipsa. Ergo erit imperfectius ipsa. Sed existentia est perfectior, quàm essentia, & ex consequenti erit perfectior, quàm forma, per quam constituitur essentia. Ergo.

Resp. disting. maiorem; quod specificatur à forma, accipit perfectionem ab ipsa, si specificatur, tanquam aliquid potentiale, & ex se perfectibile. Concedo. Si specificatur, tanquam aliquid actualissimum. Nego: quia specificari ab aliquo, tanquam quid actualissimum, non arguit imperfectionem in specificato, quia non specificatur per additionem alicuius perfectionis, sed tantum per contractionem quandam, & limitationem: hic autem modus specificationis est proprius solius existentiz, quæ est perfectissima, & ultima actualitas. Sicut enim est proprius modus indiuiduationis materiz, ut materia prima, quæ secundum se erat tantum indiuidua negativè, fiat indiuidua positivè, & principium indiuiduationis, non per additionem alicuius entitatis, sed

sed tantum per connotationem aliquorum extrinsecorum connotatorum, ita similiter, quia existentia est ultimus actus, sicut materia est pura potentia, & specificatio sumitur ab actualibus, sicut indiuiduatio à potentialibus, inde est, quod cum existentia sit ultimus, & perfectissimus actus, specificabitur non per additionem alicuius actualitatis, vel perfectionis, sed per connotationem huius, vel huius essentia, in qua recipi debet. Vide pro intelligentia horum ea, quæ docent in simili N. Salmaticen: de indiuiduatione substantia materialis, & applica his proportionaliter.

Secunda etiam pars Conclusi: quod scilicet forma afferat esse composito, & quod illa essentialiter præsupponatur ad esse, et seq; dimanat ab illa in genere causæ formalis, breuiter probatur. Primo, quod afferat esse composito ex illo communi proloquio: Forma est, quæ dat esse rei. Deinde, quod essentialiter præsupponatur ad esse: probatur; quia materia est incapax existentia sine forma, vt docent nost. Complut: in Physica. Tum etiam, quia existentia est actus ultimus, ac per consequens essentialiter supponit actum primum. Tum deniq; quia existentia est quid primum in intentione agentis, & per consequens ultimum in executione. Quod verò dimanat ab ipsa in genere causæ formalis, probatur, quia dimanat ab ipsa. Sed non in genere causæ efficientis. Ergo in genere causæ formalis, quia om-

nis dimanatio reducitur, vel ad genus causæ efficientis, vel ad genus causæ formalis. Minor pater, quia nec existentia est passio alicuius creaturæ, nec creatura præsupponitur ad existentiam existens. Iam autem si dimanaret ab illa in genere causæ efficientis, existentia esset passio illius creaturæ, quia hic modus dimanandi est proprius passionum, & creatura illa deberet supponi existens, quia nihil agit efficienter, nisi in quantum existit. Maior etiam probatur. Actio agentis prius terminatur ad essentiam, & deinde ad existentiam. Ergo existentia subsequitur ad essentiam, tanquam ad aliquod deferens actionem agentis ad se. Sed hoc est emanare vnum ab alio, vt docent nost. Complut. in Phys. de emanatione passionum ab essentia. Ergo quamuis non possit dici rigorose emanare ab essentia, quod probatur rationibus P. Blasij allatis pro Conclusionem secundam, ubi probat, existentiam potius componi, quam produci.

Dicendum est tertio. Existentia est effectus formalis secundarius formæ, non tamen propriæ, & in rigore secundarius, sed potius complementum primarij. Quod sit secundarius, docent hoc N. Complut. loco cit. ex Physica, & Caiet. loco cit. ex Tract. de ente, & essentia, quod etiam breuiter probatur ex dictis in præcedenti Conclusionem; quia proprius est effectus secundarij sequi, & præsupponere essentialiter primarium, & ab illo dimanare. Sed

existentia, & præsupponit essentialiter formam communicatam, qui est effectus primarius formæ, & deinde ab illa dimanat, ut probatum est. Ergo &c.

Quod verò non sit rigorosè secundarius, sed potius complementum primarij pater, quia non dimanat propriè, & rigorosè, ut dictum est in Concl. præcedenti. Ergo, neq; erit effectus in rigore secundarius. Probatur tamen primò authoritate S. Tho. in 2. contr. Gent. cap. 34. ubi ait: *Forma se habet ad esse, sicut albedo ad album esse.* ubi notanda sunt verba Angelici Doctoris: non enim dicit: *sicut albedo ad album.* sed dicit, *sicut albedo ad album esse*: ubi effectum albedinis ponit *album esse*. Itaque effectus formalis albedinis est album completum, & actuatum per esse. Ergo existentia est aliquid imbibitum in effectu formali.

Dices. Album est effectus primarius albedinis. Ergo si D. Tho. ait, quòd forma se habet ad esse, sicut albedo ad album esse, existentia est etiam effectus primarius formæ, & non secundarius.

Resp. primò, quòd in hoc loco D. Thomas solum intendebat probare, quòd existentia esset formalis effectus formæ, non curando, an esset effectus primarius, vel secundarius: & ad exemplum dicitur, quòd non in omnibus debet tenere similitudo, sed sufficit ad intèrum, quòd sicut album est effectus albedinis, ita existentia est effectus formalis formæ.

Resp. secundò, Similitudinem

D. Tho. esse optimam, & in fauorem nostrum; Intendebat enim demonstrare, quòd sicut forma accidentalis, v.g. albedo, non solum est causa formalis effectus primarij, sed existentia accidentalis, quæ est complementum talis effectus, ita forma substantialis non solum est causa formalis effectus specifici, sed etiam existentia substantialis, quæ est complementum talis effectus. Vnde non dixit præcisè: forma se habet ad esse, sicut albedo ad album, sed sicut albedo ad album esse.

Probatur secundò. Esse non dat essentia distinctum gradum essendi ab eo, quem præstat forma substantialis, sed ipsum gradum essentialem receptum à forma terminat, & complet existentia, tanquam terminus eius substantialis. Ergo non est distinctus effectus ab effectu formali formæ, sed solum complementum eius, quasi imbibitum in illa. Ergo non est rigorosè secundarius.

Obijcies. Genus istud causarum, scilicet per dimanationem, pertinet ad genus causæ efficientis. Ergo non bene inferitur ex hoc, quòd existentia dimanet à forma, existentiam esse effectum formalem formæ, sed potius erit effectus in genere causæ efficientis, sicut sunt passionem dimanantes ab essentia.

Resp. primò neg: Antecedente intellectum de omni emanatione; illa enim tantum emanatio ad genus causæ efficientis pertinet, quæ præsupponit subiectum sub-

stan-



stantialiter completum per existentiam, si sit dimanatio à substantia; vel accidentaliter completum per existentiam accidentalem, si sit dimanatio à principio accidentali: Vnde dispar est ratio de passionibus; istæ enim possunt effectiue dimanare ab essentia, quia supponunt naturam, à qua oriuntur, vltimatè completam, perfectam substantialiter, & actu existentem: Existentia autem non præsupponit naturam completam, & existentem, vt patet. Vnde S. Thomas 3. cont. gent. c. 65. inquit. *Existentia non sequitur formam, vt effectus causam efficientem, sed sicut formam substantialem vltimò dispositam &c.* Quod eleganter exponit cap. 66. & clariùs 1. p. q. 104. art. 1. ad 2. vbi ait, quòd *sicut lumen sequitur ad diaphanum, ita Exist. formam creatam.*

Resp. Secundò. Dato, quòd omnis emanatio effectus formalis secundarij reduceretur ad genus causæ efficiētis (quod tamen est fallum, vt patet v. g. in extensione partium in ordine ad locum, quæ est effectus secundarius quantitatis, & tamen procedit ab ea formaliter tantum, & nullo modo effectiue, quia Quantitas nullius est actiuitatis) nihilominus dicendum, quòd emanatio existentie non potest reduci ad genus causæ efficiētis, quia non est propriè, & rigorosè effectus secundarius formæ, sed est potius complementum effectus primarij, & sic emanatio eius non est quasi distincta ab emanatione.

effectus primarij, quæ est à forma formaliter tantum, non effectiue. Hæc de existentia sufficiunt: plura ingeniam lectoris supplebit sequitur huius Tractatus secundæ vltima.

## DISPUTATIO

### SEPTIMA,

#### De Modis.

**H**ucusque actum est de conceptu quidditatio, diuisionibus, & quasi compositione Entis, quod stabilitum est pro obiecto Metaphysicæ. Cæterum cum ens creatum limitationem, coarctationemq; quandam ratione suæ finitudinis importet, idèd (vt magis completa doctrina de ente creato habeatur) illa, à quibus limitationem, modificatio-nemque accipit, *Modos* scilicet speculabimur: Sic igitur.

## QVÆSTIO I.

*Vtrum Modi dentur in re-  
rum natura.*

**S**upponendum primò, Modum diuersimodè accipi posse. Primò accipitur pro quacunque determinatione rei præscindente ab hoc, quòd proueniat ab aliquo limitatio, vel etiam solum putè terminatio. Et in hoc sensu Personalitates Diuinæ vocantur *Modi*, aut quasi *modi*. Secundò

dò sumitur pro determinatione limitatiua orta à ratione determinante, siue realiter, siue solum per rationem distinctam à re determinata; qua ratione omne cōtrahens, vel determinans solet appellari modus contracti; & sic rationale dici potest modus animalis, perfectas modus Entis, qualitas modus substantiæ, &c. Tertiò accipitur modus pro limitatione præfixa unicuique rei finitæ iuxta mensuram eius; qualem modum S. Augustinus lib. 4. supra Genes. ad lit. Cap. 3. sic definit. *Modus est, quem mensura præfigit, Quem quidem modum idem S. August. ex tribus necessarijs ad vniuscuiusque rei creatæ bonitatem requirit, quorum duo sunt species, & ordo, tertium modus, idest debita commensuratio ad sua principia, prout explicat D. Thomas 1. p. q. 5. a. 5. & alibi. Quarto tandem, & magis conformiter ad nostrum intentum Modus accipitur pro aliquo superaddito entitati reali ab eadem, secluso intellectu, distincto, ita modificante, & afficiente dictam entitatem, vt sine illa nullo modo possit inueniri. In præfenti igitur de modis in hac vltima acceptione præsens procedit difficultas: Vnde*

Dicendum est, necessariò admiittendos esse aliquos modos ita modificantes res, vt sine illis nequeant inueniri. Conclusio hæc deducitur ex D. Thoma præsertim quæst. 21. de Veritate art. 6. ad 5. vbi sic habet: *cum esse creatura essentialia, & accidentale sit*

*receptum, sic modus non solum inuenitur in accidentibus, sed & in substantialibus.* Deinde in 3. dist. 16. quæst. 3. artic. 1. quæstionem: 2. ad 4. *Modus rei est in ipsa re consequens substantiam eius.* Tandem Opusc. 40. *Modus est adiacens rei determinatio.*

Prob. ratione ex his author deducta, & præsertim ex citata quæst. de Verit. Vbi cum est aliquid receptum, oportet ibi esse modum. Sed in creaturis esse illarum est receptum. Ergo in illis dantur aliqui modi. Maior ostenditur, quia modus limitationem quandam, aut determinationem in re, in qua inuenitur, importat (prout patet ex ratione formali ipsius). Sed vbi aliquid est receptum, ibi adest determinatio, & limitatio, cum receptum limitetur à recipiente. Ergo vbi aliquid est receptum, ibi adest modus. Minor verò argumenti principalis facile ostenditur ex ijs, quæ dicta sunt in disput. de existentia, quæst. 2. Conclus. 2.

Confirmatur. Datur in creatis aliquid, quod non est nihil, ita afficiens rem creatam, vt sine illa determinatè in rerum natura consistere nequeat, distinctum à re. Sed hoc est ipsa ratio modi, vt ex sequenti quæst. patebit. Ergo dantur aliqui modi. Minor patet. Maior prob. Datur v.g. in qualitate intensibili maior radicalis eiusdem in subiecto, quæ non est nihil: (cum perficiat qualitatem, quàm potius destruit, non perficit nihil) & nequit consistere in rerum natura sine qualitate

tē, quia huiusmodi radicationis essentia consistit in quadam in-  
trogessione qualitatis in subie-  
cto; quod consistere nequit sine  
actuali coniunctione ad qualita-  
tem, sicut & Vnio nequit inueni-  
ri in rerum natura sine extremis  
vnitis, quia vnire extrema, essen-  
tialiter ei competit. Tandem di-  
cta radicatio est distincta aliqua-  
liter à qualitate; nam eadem per-  
manēte qualitate alicui subiecto  
vnita, v. g. calore in aqua recepto,  
variatur, & perit radicatio deter-  
minata ipsius v. g. vt quinque, nul-  
lo intellectu cogitante. Ergo ap-  
paret, quod sit ante opus intelle-  
ctus distincta à tota entitate qua-  
litatis; Illa siquidem ante opus  
intellectus distinguī necesse est,  
quorum, vno manente, aliud pe-  
rit. Sed

Dices, istam Confirmationem,  
si aliquid probat, probare etiā,  
materiam primam esse modum  
tantum, & non rem aliquam;  
nam etiā materia prima non  
potest consistere in rerum natura  
sine forma, & est quid distinctum  
à tota entitate formae, etiā exi-  
stentis, ante opus intellectus.

Ceterum hæc nō enervant vim  
confirmationis. Etenim licet ma-  
teria prima sit distincta ab enti-  
tate formae, secluso intellectu, nec  
possit existere in rerum natura  
sine forma in sententia Thomi-  
stica, absolutē tamen potest sine  
quacunque determinata: modus  
autem formaliter talis nequit cō-  
sistere sine re determinata, cuius  
est modus: (vt ex infra dicendis  
patet) propter quod etiam no-

tanter posita est in argumento  
confirmationis particula illa *de-  
terminatē*, idest, quod ita rem as-  
ficere debeat, vt sine ipsa deter-  
minatē accepta, hæc, & non alia,  
in rerum natura nequeat consiste-  
re: consequens est igitur, quod ex  
vi nostræ rationis nequeat dedu-  
ci, materiam primam esse aliquē  
modum.

*Argumentis in contrarium  
fit satis.*

**P**rimum Argumentum. Modi  
nihil sunt. Ergo non dantur.  
Consequi patet. Anteced. prob:  
Modi non sunt entia. Ergo sunt  
nihil. Consequi constat, quia in-  
ter ens, & non ens, seu nihil non  
datur medium. Anteced. prob: En-  
tia sunt res alique, cum Ens, &  
Res conuertantur. Sed modi non  
sunt res, siquidem contra res di-  
stinguuntur. Ergo &c.

Resp. distingu. Modi non sunt  
entia, ratione entis latē sumpta,  
negatur, strictē, & in rigore acce-  
pta, subdistingui: non sunt entia  
in recto, conceditur, in obliquo,  
negatur, & consequentia pariter  
negatur. Ad hoc enim, vt aliquid  
non sit purum nihil, sufficit, quod  
sit ens reale, saltem in lata acce-  
ptione; vel si in stricta, sit in obli-  
quo ad minus. Pro cuius intel-  
ligentia.

Sciendum est, ens dupliciter  
posse accipi, latē scilicet & strictē. Ens  
latē sumptum est omne illud,  
quod independenter ab intelle-  
ctu est in rerum natura, & con-  
tra,

tradistinguitur à nihilo, siue deinde sit radix proprii esse, siue non, siue essentialiter habeat incompletam, & ab alio, quod afficit, dependentem in sui consistentia essentialiter, siue completam, & independentem. At vero ens strictè, & in rigore sumptum, est habens esse, vel cui debetur esse, ut *Quod*, prout supra ostendimus ex D. Thoma, & ita importat essentialitatem, quæ sit radix actualis esse, vel secundum aliquos, quæ connotet indispensabiliter sibi debitum esse. Cum ergo modi, de quibus in presenti loquimur, inveniuntur in rerum natura, circumscripto quocunque actu intellectus, & contradistinguantur à nihilo, cum suo modo perficiant modificatū, quod non facit nihil, non tamen habeant esse aliud ab esse rei modificatæ, nec possint consistere, quin illam, & non aliam actu afficiant, sequitur, quod sint quidem entia in lata acceptione, non tamen in stricta, nisi in obliquo, id est sint aliquid entis rigorose sumpti: propter quod communiter ab Authoribus dicitur, modum non esse entitatem distinctam à re, cuius est modus, & quod tota entitas modi sit entitas rei. Sed

*Instabis. Inter Ens, & nihil non datur medium. Ergo si modus non est ens in recto, erit purum nihil.*

*Resp. distinguendo ant. Inter Ens &c. latissime sumptum, conceditur, rigorose acceptum, subdistinguo; non datur medium rigorosum; conceditur, minus rigorosum, quod scilicet non affectat ex æquo utriusque extremi*

participationem, sed solum, quod neque sit hoc, neque illud in rigore, quamvis potius vnum extremum, quam aliud; negatur. Et hæc solutio ex præcedenti bene percepta facile patet.

*Secundum Argumentum. Modi neque sunt substantiæ, neq; accidentia. Ergo non dantur. Consequens est aperta, quia quidquid est, vel debet esse substantia, vel accidens. Anteced. ostenditur: non enim sunt substantiæ; nam substantia est ens simpliciter, proinde in recto; Modi autem tantum sunt entia in obliquo. Non accidentia; quia, ut communiter Authores docent, modus est eadem entitas cum re modificata; si autem modi essentialiter essent accidentia afficiant substantiam, non possent esse eadem entitas cum illa, accidens siquidem, & substantia sunt entitates realiter distinctæ. Ergo modi neque sunt accidens, neque substantia, ac per consequens nihil.*

*Resp. Modos, sicut substantiæ, sic accidentia esse. Substantiam, si illam immediatè afficiant, accidentia, si afficiant accidens: unde & dicuntur alij modi substantiales, alij accidentales: Non quidem sunt substantiæ in recto, sicut nec accidentia: (quia horum solum corollaria quædam, ut ita dicam, sunt), sed solum in obliquo, quasi aliquid substantiæ, vel accidentis; proinde non debent dici entia simpliciter, prout substantia, nec quod non sint eadem entitas cum re modificata in sensu infra explicando (ex eo, quia*  
*suus*

QVAESTIO II.

sunt accidentia ) si efficiant acci-  
dens aliquod immediatè.

Tertium argumentum. Non  
potest assignari causa efficiens  
modorum. Ergo non dantur. Cõ-  
sequ: est euidens, quia quod est  
participatum, non potest dari in  
rerum natura absque causa effi-  
cienti. Anteced. prob: Causa effi-  
ciens nõ est, nisi rei existentis; cū  
actio ipsius non terminetur, nisi  
ad existens. Sed modus non est  
quid existens, aliàs esset res, &  
ens simpliciter, non modus. Er-  
go &c.

Resp: quòd si aliquid proba-  
ret, istud argumentum, proba-  
ret etiam, nec materiam primam  
dari in rerum natura, cū in sen-  
tentia S. Thom: ipsa ex se non sit  
existens. Resp. igitur negando  
antecedens: Ad cuius probatio-  
nem disting. maior: Efficiens nõ  
est nisi existentis, per se primò ab  
illo produci, conceditur; secunda-  
riò tantum, vel comproducti ad  
productionem alterius; negatur.  
Modus autem non producitur à  
causa efficiente per se primò, sed  
tantum comproducti ad pro-  
ductionem entitatis, cuius est mo-  
dus, proinde non sequitur, quòd  
non detur in rerum natura. Sed  
hæc difficultas recurret inferiùs,  
agendo de causis modorum.

*In quonam ratio formalissi-  
ma Modi rigorosi con-  
sistat.*

**S**upponendum primò, Modum  
rigorosum in communissima  
sua ratione sumptum, etsi abstra-  
hat à relatiuo, & absoluto, nihi-  
lominus in suo intrinseco conce-  
ptu includere respectum saltim  
transcendentalem. Ratio est, quia  
modus, de quo in præsentì agi-  
mus, essentialem habet depen-  
dentiam à re modificata, utpotè  
adiacēs ipsius determinatio, pro-  
ut docet D. Tho: loco supra citi: &  
idèò necessariò debet includere  
in suo conceptu aliquem ordinẽ,  
seu respectum ad rem, cuius est  
determinatio, sicut accidens, ob  
essentialem dependentiam à sub-  
stantia, in suo conceptu inpor-  
tat transcendentalem ordinem ad  
illam.

Supponendum secundò, Mo-  
dum nõ esse essentialiter accidēs,  
itã quòd non possit pertinere ali-  
qualiter etiã ad genus substan-  
tiæ; sed sicut Ens creatum abstra-  
hit à substantia, & accidente, itaut  
neutrum horum illi repugnet, sic  
& modus in sua communissima  
acceptatione sumptus. Ratio huius  
est; nam cū modus consequatur  
limitationem rei, & limitatio non  
tantum inueniatur intra genus, &  
lineam accidentium, sed etiã  
intra lineam substantiæ creatæ,  
(cū esse ipsius sit receptum, sit

Q q q q q u e



que limitatum) manifestè sequitur, quòd modi non tantum intra lineam accidentium, sed etià ipsius substantiæ creatæ inveniuntur: ac proinde non erit modus ita essentialiter accedens, quòd nò possit pertinere ad genus substantiæ, esseque modus substantialis. His ergo præsuppositis.

Circa rationem formalem modi rigorosi est prima sententia Scotistarum, qui ut explicent illà, ponunt modos in duplici differentia, alios vocant intrinsecos, alios extrinsecos. Sic refert Pontius in sua Metaph. disp. 49. in Additamentis ad quæst. 3. &c. de modis intrinsecis. Modum intrinsecum vocat Mastrius (prout loco citato refert Pontius) illum, qui licet non intret quidditatem rei, prout facit differentia, est tamen realiter idem cum subiecto modificato, ita ut sit quid intimius ipsi propria passione. Modum verò extrinsecum idem Pontius putat esse relationem actualem unius ad aliud, extrinsecus aduenientem, quam disput. 11. suæ Logicæ sic definit: *Relatio extrinsecus adueniens* est respectus realis realiter distinctus ab extremis, non præsupponens aliquid ex parte ipsorum: Ex quo necessario sequitur, quòd non sit actio productiva ipsius, cuius totum esse est ad aliud se habere. Ceterum, quidquid sit de modis intrinsecis, modi extrinseci sic explicati nullo modo admitti possunt: vel enim rationem formalem, & propriam relationis habent, vel non. Si primum, erunt

relationes prædicamentales; ac proinde quid completum, & res, non autem quid incompletum, & modus. Si verò secundum, quòd scilicet non competat ipsis ratio formalis relationis. Ergo non erunt illud, cuius totum esse est ad aliud se habere, sicut dicit Pontius, cum hæc sit ratio formalissima relationis prædicamentalis, prout patet ex Aristotile. Quòd si sola relatio transcendentalis modis hisce extrinsecis attribuitur, non distinguuntur ab intrinsecis, cum etiam hi, & quicumque fuerit modus, dicant relationem transcendentalem ad rem, cuius sunt modi, uti diximus in primo Supposito.

Secunda sententia est P. Suarez suæ Metaph. Tomo 1. disp. 7. sect. 1. n. 18. qui rationem formalem Modi explicat per hoc, quòd sit ens, sumendo entitatem pro illa re, quæ ex se, & in se ita est aliquid, ut postulet omnino intrinsecè, & essentialiter esse semper affixam alteri, cui per se immediate vnitur sine medio alio modo. Hæc sententia, etsi nil contrarium afferat rationi formali modi, non tamen sufficienter illam explicat; & quod plus est, inconsequentia arguit Authorem. Primum patet ex eo, quòd ista ratio etiam accidenti perfectò, v.g. qualitati, potest competere, cum omne accedens perat esse inherens, & affixum alteri, scilicet substantiæ, & quidem per se immediate in sententia illorum, qui dicunt accidentia seipsis immediate vni substantiæ, sicut & forma materiæ.

teriz, & non mediâte aliquo modo. Nô igitur sufficiêter explicat rationem formalem modi, vt distincti ab alijs. Secundum, quod scilicet sententia hæc inconsequentiz arguat Authorem, ostenditur ex eiusdem doctrina: Tomo namque 2. disp. 22. sc&: 12. n. 18. & 19. docet, modum accidentalem, aliquando non pertinere ad complementum, & constitutionem alterius accidentis, sed per se peculiari modo afficere substantias, vel immediatè, vel mediâte aliquo accidente, & tunc per se habet peculiarem rationem accidentis: Eodem autem Tomo disput. 34. sc&. 5. docet, in accidente actualement inhzrentiam esse quendam modum, per quem accidens vnitur substantiz; & ita illi modi, qui peculiarem rationem accidentis (secundum ipsum) habent, mediante modo inhzrentiz afficiunt rem, cuius sunt modi. Quomodo ergo subsistet doctrina ipsius docentis, modum esse entitatem quandam postulantem intrinsecè, & essentialiter esse affixam alteri ( hoc est rei modificatz, ) cui per se immediatè vnitur sine medio alio modo, cû doceat modos aliquos accidentales mediante modo inhzrentiz vniri substantiz? Vel ergo allata definitio modi est insufficiens, vt potè non competens omni modo, vel si sufficiens, inconsequentiz in doctrina sua arguitur Author.

Tertia Sententia est NN.PP. Complutensium in Log: disput. 25. quæst. 2. n. 18. & aliorum Tho-

mistarum, qui docent, quod Modus strictè sumptus sit ens quoddam imperfectissimum, incompletum, non constituens aliquod genus, aut speciem entis, neque est vera pars, sed pura modificatio, & affectio Entis, ad eius prædicamentum reduciue pertinens, & per ipsum esse existens, vt est prædictum, post prædicamenta, & c. Pro resolutione

Dicendû est, Rationem formalem Modi rigorosi definitione sequenti optimè explicari. *Modus est quædam entis affectio pure adiacens, ponensq; limitationem præcisè in eo determinationem.* Hæc definitio desumitur ex doctrina, locis supra allegatis D. Thomæ, explicatque id, in quo conuenit cum alijs Modus, & in quo differt, nil superfluum assert, nil diminutum, vt ex expensione, & explicatione patebit, proinde iuxta regulas Log: erit bona. Aduertendum tamen est, quod definitio Modi, sicut & entis, cuius Modus est affectio, non potest esse rigorosa; Modus enim vt sic non potest habere rationem generis, aut vniuoci respectu suorum inferiorum, sed est quædam ratio tantum suo modo analoga; proinde definitio (quæ in rigore debet constare ex genere, & differentia) non poterit esse rigorosa, quamuis naturam ipsius, quantum fieri potest, explicet. In primis igitur ponitur loco rationis superioris, seu quasi generis. *ly affectio entis.* Ista enim particula non tantum Modi, sed & omnibus afficientibus ens, vt sunt

Q q q q 2 pro:

proprietates entis, est communis. Reliquæ particulæ ponuntur loco differētiz. Per ly *purè adiacens* distinguitur tūm ab ipso met ente, quod non importat in suo cōceptu huiusmodi adiacentiam, tūm à substantia, quæ est ens per se subsistens, & non adiacens, tūm etiam ab ipso accidente, quod nō est ita purè adiacens, vt aliquando in rerum natura dari non possit sine adiacētia ista, vt patet in speciebus Eucharisticis, quæ sunt accidentia in rerum natura absque eo, quòd adiaceant, vel inhæreant substantiæ. Deinde hac eadē particula innuitur, tūm quòd Modus sit quid incompletum, tūm quòd in rigore non habeat esse proprium, tūm quòd separatū à re modificata nequeat consistere. Primum quidem sequitur ex secundo. Quia quod nec quidditatem, nec esse habet in rigore, non poterit utiq; habere rationem completi, sed ad sūmum alicuius incompleti. Secundum vero facilè ostenditur; quia quidditas in rigore importat rē, quæ est in se quid ratum in se, fixumq; extra animā, purè autem adiacens alteri non est quid ratum, fixumque, sed potius infixū (vt ita dicam) alteri. Tertium tandem clarè patet. Etenim si adiacens purè nec quidditatem, nec esse habet in rigore, quomodo separatū à re, cui adiacet, poterit consistere scūm sine esse nihil valeat in rerum natura cōsistens inueniri. Ceteræ particulæ, scilicet: *ponens limitatiuam præcisè determinationem*, in primis ex-

plicant effectum formalem Modi, cūm Modus ex doctrina S. Doct. supra polita oriatur ex limitatione in creatura, & illam ex se conferat, rem determinando ad certum statum: Deinde insinuant differentiam Modi à partibus realibus eorum aliquod reale componentibus; nam quauis partes, in quantum tales, sint quid incompletum, non tamen ponunt ad inuicem determinationem præcisè limitatiuam, sed etiam perfectiuam, vt patet in forma substantiali, quæ ponit determinationem in materia, & cōsequenter in composito, vt sit huius, & non alterius speciei; at tamen illa non est præcisè limitatiua, sed & perfectiua, vt expediti patet; huiusmodi autem determinatio nequit oriri à Modo, qui sicut nullum ex se affert esse, sic nullam perfectionem, illud cōsequenter afferre potest.

### *Argumenta in Contrarium soluantur.*

Primum argumentum in fauorem primæ sentētiæ. Præter modos intrinsecos rerum dantur aliquæ relationes extrinsecus aduenientes. Ergo dantur aliqui modi extrinseci. Consequenter patet, quia per relationes extrinsecus aduenientes nil aliud intelligitur, quàm modi quidam extrinseci, & ita si illæ dantur, etiam hi debebunt admitti. Anteced: verò prob. præter modum intrinsecè efficientem, vt est v.g. pun-



punctum respectu lineæ, vniò respectu materiæ, & formæ datur v. g. Situs, vbi. Quando &c. Sed hæc nihil aliud sunt, quàm relationes extrinsecus ad venientes. Ergo dantur &c. Maior patet. Minor prob. Vbi, Situs, Quando quantum ad intrinsecam sui rationem dicunt respectum, & relationem ad aliquid extrinsecum. Ergo sunt relationes non prædicamentales, quia constituunt diuersa prædicamenta à prædicamento relationis; neque transcendentes, dicunt siquidem respectum ad aliquid extrinsecum, vt existens, ita vt ablata eius existentia, tollatur, prout expendenti patet; transcendentalis autem relatio non respicit necessariò terminum, vt existentem. Ergo relinquitur, quòd sint relationes quædam secundum esse extrinsecus aduenientes.

Resp. negando Anteced. & Minorem probationis eius. Ad aliam probationem dicendum, est, Situs, Quando &c. esse relationes transcen: Ad id verò quod in contrarium affertur. Relatio transcendentalis non respicit necessariò terminum, vt existentem: Distingu: Sub ratione pura termini; Conced: Sub alia ratione, aut munere subdist: non respicit omnis vniversaliter loquendo. Conced: aliqua intra latitudinē relationis transcendentalis contenta. Neg: Non enim per hoc præcisè distinguuntur inter se, relatio prædicamentalis, & transcendentalis, quòd illa respiciat necessariò terminum existentem,

hæc verò non, sed per hoc quòd prædicamentalis respiciat terminum existentem sub ratione pura termini, transcendentalis verò sub alia ratione, aut munere respicit terminum, siue ille fuerit existens, vt in aliquibus, siue non, vt in alijs contingit.

Secundum Argum: contra primam particulam definitionis, vel ly *affectio entis*, in præsentī sumitur pro proprietate entis, vel pro eo, quod afficit. Non primum; quia sic modus esset proprietas entis, cum tamen inter illas non connumeretur. Neq; secundum, nam hoc exprimitur per ly *adiacens*, & ita superflua erit hæc prima particula.

Resp. ly *affectio* ponitur pro eo, quod afficit, nec propterea idem exprimit, quod ly *adiacens*, nam ly *adiacens* purè speciale, modum afficiendi assert, & ita loco differentię ponitur: ac verò *affectio* modum afficiendi communem denotat, qui conueniat diuersis afficientibus, siue afficiant per modum proprietatis, siue per modum accidentis, siue per modum alicuius determinationis, & ita meritò primo loco, vt quid commune, tanquam ratio quædā superior ponitur.

Tertium Argum. contra secundam particulā scilicet purè *adiacens*: hac particula insinuat, quòd modus sit quid omninò incompletum. Sed dantur modi, qui in sua linea sint quid completum. Ergo hæc particula non rectè ponitur. Maior ex præsuppositis, & definitione patet. Minor,

nor,

nor verò prob. Quando, Vbi, Situs, &c: sunt quid completum, utpotè prædicamenta diuersa, quæ non possunt esse quid incompletum. At hæc sunt modi quidam ex adiacentia extrinseci resultantes, ut communiter docent authores, quod etiam patet ex sessione, quæ situm quandam dicit, & communiter vocatur modus sedentis. Ergo dantur modi, qui sint quid completum.

Resp. neg. Minorem. Ad prob. Situs, Quando, &c. sunt modi in lata acceptione sumpti. Conceditur, in stricta, & rigorosa, sicut in præsentī loquimur. Negatur; cum enim quædam accidentia, etsi in se completa sint, tamen exigua valde, ac debilis entitatis, in hocque imitentur modos rigorosos, ex alio capite quodammodo modificent, quasi determinationem tribuendo subiecto, illudque afficiendo, habent magnam affinitatem cum modis rigorosis; & propter hoc nomine modorum aliquando insigniuntur ab Authoribus, licet de facto non sint modi in rigore, & hoc est quod etiam nost. Complut. in Log. dis. 15. quæst. 2. specialiter notant, docentes modum aliquando solere restringi ad quædam accidentia, quæ licet reuera sint entia completa, sunt tamen minimæ, & imperfectissimæ entitatis, quo sensu figuras, relationes, & sex vltima prædicamenta solemus appellare modos. Hæc illi.

Dices. Sequitur ex dictis modum habere propriam aliquam speciem, cum definiatur; nihil

enim d. finitur nisi sit species, vñ docet Aristot. 7. Metaph. Textu 39. & sic propriam quidditatem rigorosè habebit.

Resp. Modum non definiri definitione rigorosa, de cuius tantum definito dictum Aristot. verificatur, sed tantum quasi describi, aut explicari, sicut superius dictum est de conceptu entis, & ita non sequitur, quod debeat habere aliquam speciem in rigore sibi propriam, & ratio est; nam species non datur, nisi detur genus, sub quo contineatur; genus autem modi non datur, vel enim esset supremum distinctum à decem generibus prædicamentorum, & hoc nullus Philosophorum admisit; qui tantum decem genera vnanimi consensu constituunt, vel pertinetens reductiue ad aliquod ex decem prædicamentis; ac proinde distinctum ab illo, & hoc admisso, etiam species eodem modo se habebit, reductiue scilicet pertinebit ad speciem rei modificatæ (quod libenter concedimus) sed hinc iam sequitur, quod non habeat sibi propriam, & distinctam speciem à specie rei modificatæ, & ita nec quidditatē. Sed

Replicabis. Forma substantialis v.g. non habet proprium peculiare genus, sed reductiue pertinet ad genus substantiæ completæ, immò species incompleta ipsius ad speciem completam compositi, quod ipsa in ratione talis constituit; & tamen, hoc non obstante, habet sibi propriam, sicut speciem incompletam, sic & quiddi-

ratem distinctam realiter distinctione includentis, & inclusi a quidditate substantiæ completæ, scilicet compositi substantialis. Ergo idem cum proportionem erit dicendum de modo.

Resp. concedendo Anteced. & neg. Conseq. Disparitas est, quia forma substantialis, ex quo est quid incompletum in se non potest habere proprium genus, sed reductivè debet pertinere ad genus, & speciem illius, in quo accipit complementum: attamen, quia intra lineam incompleti habet veram rationem rei, utpotè constitutiva realis substantiæ nil ipsi deest, quominus speciem, & quidditatem propriam saltem incompletam habeat; res enim, ut supra ostensum ex D. Thoma exprimit quidditatem. At verò modus ita ad genus, & speciem rei modificatæ pertinet reductivè; quod nō habeat rationem rei constitutivæ ipsius; aliàs rationem modi amitteret) sed tantū affectionis cuiusdam limitativæ, aut modificativæ; proinde nec intra lineam incompleti poterit habere propriam aliquam quidditatē.

Quantum argum. contra ultimas definitionis particulas, scilicet ponens limitativam præcisè determinationem. Modus tribuit rei modificatæ determinationem tantummodò perfectivam. Ergo non præcisè limitativā. Conseq. patet. Anteced. prob. substantia v.g. inprobabili sententia etiam est modus, similiter modus maioris radicationis, est etiam aliquis modus. Sed ista tribuunt deter-

minationem perfectivam. Ergo &c. Maior supponitur ex alibi dictis. Minor prob. substantia, uti est personalitas, constituendo personam, reddit eam id, quod perfectissimum est in tota natura, ut docet D. Thom: 1. p. q. 29. 3. c. Ergo tribuit aliquam determinationem. Similiter modus maioris radicationis alicuius qualitatis, cum importet quandam actualitatem, tribuit maiorem perfectionem qualitati in informando, & in agendo; ac proinde determinationem perfectivam. Ergo modi recensiti tribuunt determinationem perfectivam, & non præcisè limitativam. Ut fundamentalius huic argumēto respōdeatur.

Norandum est, ex elongatione ab esse in essentia creata oriri limitationem; hoc enim ipso, quod non sit suum esse absque distinctione, recipit illud realiter, quā receptionem consequitur limitatio; quia verò ista limitatio habet magnam latitudinem secundum quod unius essentia est maior, vel minor elongatio ab esse; hinc est, quod dantur diuersi status limitationis in creaturis; determinationum autē ad diuersos huiusmodi status limitationis est modus, cuius effectus formalis est rem modificare, id est in determinato aliquo limitationis statu collocare: & hoc est, quod insinuat S. Tho: quæst. de veritate 21. a. 6. dum dicit: ubicunque est aliquid receptum, oportet ibi esse modum: volens per hoc ostendere limitationem determinatam (quæ inuoluitur in esse recepto) provenire

nire à modo, tanquam effectum à sua causa, licet limitatio absolute ordinariè proveniat ex dicta elongatione essentiae ab esse, & ita effectus formalis primarius modi erit, rem ponere in determinato statu limitationis; cum, autem determinatum statum limitationis creature consequatur sibi correspondens determinata perfectio, illa, utpotè consequens ad effectum formalem primarium modi, poterit dici effectus formalis secundarius, sicut esse dicitur effectus formalis secundarius formæ informantis, ex eo, quod consequatur ad effectum eius primarium. Hoc ergo præmisso.

Resp. ad argum: Modus tribuit determinationem perfectivā tanquam effectum formalem primarium. Negatur, tanquam effectum secundarium. Conceditur; quando autem de formis, aut quasi formis loquimur, rationem essentialē ipsarum indagando, maxime attendimus ad effectum ipsarum primarium, non verò secundarium; cum ergo effectus formalis, vel quasi formalis primarius modi non sit tribuere determinationem perfectivā, sed hoc spectat ad secundarium; limitativam verò ponere determinationem, sit primarius, hinc attendendo præcipue ad hunc, optimè dicitur, quod tribuat determinationem præcisè limitativā. Quod autem determinatio perfectivā non sit effectus, quasi formalis primarius modi, facile ostenditur; nam determinationem perfectivā, tanquam effectum formalem

primarium, forma non potest tribuere, quæ in se non fuerit quid perfectum, cum effectus primarius formalis formæ sit ipsa forma, ut communicata. Sed modus rigorosus non est quid in se perfectum; in tantum enim unumquodque est perfectum, in quantum est in actu, ut docet D. Th. 1. quæst. 5. ar. 1. & quidem de actu existentiae ibi loquitur, prout patet ex contextu bene percepto; modus verò non est in actu existentiae sibi proprio, immò neque in actu essentiae, secundum supradicta, sed esse, & quidditas ipsius est, esse, & quidditas rei modificata. Igitur modus secundum se præcisè, & ex se non poterit tribuere perfectivā determinationem, tanquam effectum formalem primarium. Sed

Dices, Modum maioris radiationis in qualitate supra entitatem v. g. caloris addere quandam actualitatem, ratione cuius ipse calor meliori modo se habet, & efficitur perfectior, ut docent NN. Complut. in Lib. de generat. disp. 4. quæst. 9. ubi etiam videntur ipsi tribuere perfectivam. Ergo ratione illius actualitatis habebit illam, sicque poterit, tanquam effectum primarium, communicare.

Resp. admittendo Anteced. Nam cum Modus sequatur conditionem rei modificatae, si illa fuerit forma, & actus, sicut est v. g. calor, modus ipsius non poterit non esse aliqua actualitas. Neganda tamen est consequentia; quia non omnis actualitas est sufficiens

ciens ad habendam perfectionem, ut patet in entibus mathematicis, quæ, secundum quod talia, quamvis habeant actualitatem essentię suæ, quia tamen præscindunt ab actualitate existentia, sicut non dicunt bonitatem, iuxta aliorum sententiam, ita nec perfectionem. Pari ratione igitur, Modus, etsi habeat actualitatem suæ formalitatis, quia tamen ex proprijs non affert esse existentia, non poterit habere secundum se præcisè, & in se perfectionem. Dixi secundum se, & in se, quia si consideretur secundum quod est eadem entitas cum re modificata, non erit ipsi deneganda perfectio, quam etiã rei modificata possit communicare, nam secundum hanc rationem inuenitur in eo sufficiens actualitas ad habendam perfectionem, sicut inuenitur in ipsa re identificante sibi talem modum. Sed

Replicabis. Illa perfectio, quam Modus communicat rei modificata, secundum quod identificatur cum illa, vel est propriè ipsius modi, vel est rei modificata. Si primum, habetur intentum, quod Modus habeat ex se, & in se perfectionem, quam tribuat. Si secundum dicatur. Ergo modus illam non poterit communicare, quia communicatio alicuius non fit alteri, nisi recipiens careat illo, habeat verò communicans. Si igitur dicta perfectio est rei modificata, proinde res modificata non careat illa, careat autem modus, ex se non poterit eam certè communicare.

Resp. ad hanc replicam, (quæ non exiguum inuoluit difficultatem) perfectionem dictam esse propriam rei modificata, non quidem ab ipsa formaliter explicitè habitam, attamen radicaliter, vel entitatiuè implicitè, ut ita dicam, præhabitam, ideoque secundum esse explicitum formaliter, aut etiã actuale, posse communicari à Modo (ut importat identificationem cum re modificata) tanquam effectum ipsius secundarium. Quod ut percipiat melius, & difficultas radicius explanetur.

Aduertendum est, & notandum, posse formam afficientem subiectum tribuere eidem aliquam perfectionem, quam ipsa ex se non habet formaliter, nec in ipso subiecto, cui communicatur, actu inueniatur, vel quoad esse explicitum, vel quoad esse actuale absolute (quamvis ab eo præhabeatur radicaliter) attamen ad positionem effectus primarij formæ talis, ob necessariam connexionem, tanquam effectus secundarius, subsequitur perfectio illa in subiecto modo explicato præhabita. Exemplificatur hoc in forma accidentali raritatis tribuente subiecto quanto perfectionem virtutis occupatiuæ maioris loci. Hæc forma actu in se non habet perfectionem virtutis occupatiuæ loci, quia hæc est propria quantitatis, non qualitat, qualis est raritas in sententia S. Thomæ, hæc habetur actu quoad esse explicitum à subiecto quanto secundum se, & ut præcisè

Reff. affe.

affetto quantitate, nam virtus maior occupativa loci, vel sunt partes magis dilatatae quantitatibus, vel plures: supponimus autem non esse plures, quia totidem in raro, ac denso; nec sine raritate dilatatas, nisi forte radicaliter. At ubi forma raritatis affecerit quantitatem, suumque ei tribuerit effectum formalem primum (qui est taliter, vel taliter modificare, vel determinare illam) statim subsequitur, tanquam effectus secundarius ipsius, ipsa partium dilatatio maior, quae est virtus maior ad occupandum ampliorum locum. Similiter forma substantialis composito substantiali, id est essentiae completae substantialis materialis, tribuit perfectionem ultimam, & perfectissimam actualitatis, quae est existentia, quam tamen formaliter in se non habet; cum sit actus primus, non secundus, ut est existentia; nec etiam actu illam possidet essentia substantialis completae, quae est compositum, cum sit in potentia receptiva esse, quamvis possit dici radicaliter illam praetercontinere. In quantum est radix, & principium essendi: attamen ubi effectum suum formalem primum tribuerit, forma composito substantiali, qui est informare materiam, & dare speciem composito, necessario subsequitur, & actu ponitur in tali composito actualitatis ultimae perfectio, tanquam effectus secundarius formae substantialis, qui ob necessariam connexionem cum primario indispensabiliter eundem concomitatur,

& consequitur. Hoc idem igitur proportionaliter intelligendum est de modo v. g. maioris radicalionis respectu rei modificatae. Nam in primis modus hic non continet in se actu, & secundum se praecise consideratus, perfectionem maioris virtutis, quae est v. g. in calore ad magis calefaciendum, aut perfectius informandum subiectum, ob rationem supra positam; nec ipsemet calor secundum se actu, & formaliter quoad effectum explicitem illam habet: etsi praehabeat quoad entitatem, tanquam radix ipsius. Caeterum posita identificatione modi cum entitate caloris, effectumque ipsius primario, qui est limitativam determinationem ponere ad talem, vel talem statum, cui correspondet huius, vel illius gradus perfectio, indispensabiliter consequitur in ipsa entitate caloris explicatio, vel esse explicitem perfectionis illius, secundum quam se amplius subiecto valeat communicare, agereque vigorosius, (tanquam effectus formalis secundarius ipsius modi) non ad modum ipsum praecise, neque ad entitatem solam rei modificatae, sed ad utrumque in identitatem confluentem consequuta.

Ratio horum omnium est, quia quod aliqua perfectio communetur a forma alicui subiecto, tanquam effectus secundarius, requiritur, ut necessariam connexionem consecutionis (connaturaliter loquendo) habeat ad effectum primum formae; ille enim dicitur secundarius effectus formalis formae,

formæ; qui consequitur ad primarium: Ad hanc autem connexionem consecutionis non requiritur, quod perfectio consecuta contineatur secundum suum esse formale actu in ipsamet forma, aut subiecto cum præcisione sumpto: Non quidem in forma; quia forma, secundum quod talis, formaliter continet ea, quæ sunt propriæ entitatis, & eiusdem secundum rationis; perfectio autem consecuta, ut effectus secundarius, potest esse diuersæ rationis à forma, ad quam consequitur, ut patet in existentia respectu formæ informantis. Neque etiam requiritur, quod contineatur in subiecto, secundum se præcisè: nam subiectum in quantum tale, cum dicat potentialitatem, nullam perfectionem, (quæ semper in æqualitate fundatur) potest formaliter, & actu continere, nisi ipsi ab efficiente, vel forma aliqua communicetur. Cæterum quando forma informat subiectum, tribuit ei effectum suum formalem primarium, qui est informatio, & quia effectus formalis secundarius formæ, ob necessariam connexionem cum primario, eandem consequitur omnino ex vi actionis agentis utrumque attingentis, hinc est, quod perfectio aliqua, etsi nec in forma cum præcisione, nec in subiecto, secundum suum esse formale, vel saltem quoad explicationem sui, contineatur actu, dummodo habeat connexionem cum effectui primario formæ, ex ipsa communicatione eiusdem su-

biecto, tanquam effectus secundarius subsequitur.

S. *Vbi Quæres: Quanam sit Diuisio Modi?*

**S**upposita doctrina de diuisionibus Entis, quam superius tradidimus, circa diuisionem Modorum nil aliud occurrit notandum, præterquam quod in prædicti præcipue attendimus ad diuisionem potentialem, secundum quam Modus, ut est totum quoddam potentiale, diuiditur in suas partes potenciales, seu inferiora, & quidē diuisione Analogi in analogata; Modus siquidem Entis, ut potest non ponens in numero cum Ente, non potest habere maiorem unitatem ipso, & ita cum Ens non diuidatur diuisione Vniuoci in vniuocata, sed tantum Analogi in analogata, Modus etiam simili diuisione diuidi debebit. Quia verò Modus rigorosus ex eo, quod determinationem afferat limitatiuam, (ut ex supra dictis patet) non potest inueniri, nisi in Ente creato, proinde proportionaliter ad illud

Modus prima diuisione diuidetur in Modum substantialem, & accidentalem, sicut Ens creatum diuiditur in Substantiam, & Accidens. Quam diuisionem insinuat S. Doctor de Veritate quæst. 21. art. 6. ad 5. dum inquit. *Cum esse Creatura essentiale, & accidentale sit receptum, sic modus inuenitur non solum in accidentalibus,*

*But not in* **But not in** *sed*

*sed & substantialibus.* Rursus Modus accidentalis subdividitur in modos, qui vagantur per diuersos rerum ordines, & illos, qui ad vnum determinatè ordinem pertinent. Modi prioris generis præcipuè sunt illi, quos post prædicamenta vocamus, scilicet Oppositio, Prius, Simul, Motus, Habere. Posterioris generis verò sunt in quadruplici differentia, iuxta quaternarium numerum ordinũ rei. Et ita alius est Modus, qui pertinet ad ordinem entitatiũ præcisè, qui etiam ordo naturæ, aut rei vocari solet, & in isto ordine Modi tam substantiales, quàm accidentales inueniri possunt. Alius deinde est, qui spectat ad ordinem representatiũ, seu intentionalem: Alius item est spectans ad ordinem moralem, qualis est ille, qui afficit actus humanos. Vltimus tandem, qui ad vltimum ordinem, scilicet artificialem, pertinet, & vocatur modus Artis.

De prima diuisione Modi in substantialem, & accidentalem, eorumque inter se differentia, & rationibus constitutiuis (suppositis ijs, quæ dicta sunt in præcedenti quæstione, & in Disput. de Diuisione, & conceptu Entis) nõ occurrit aliquid speciale dicendum; nam cum Modi sint quædã affectiones substantiæ, & accidentis, eorumque conditionem sapiant, hinc proportionabiliter, ipsorum differentia inter se, ad differentiam, quæ intercedit inter substantiam, & accidens, concipienda est. Et quia deinde Mo-

di, intra ordinem entitatiũ præcisè contenti, sunt accidentales, aut substantiales, non afferunt maiorem difficultatem suprà primam diuisionem Modorum. Dicenda verò, si quæ occurrunt, de modis, qui vagantur per diuersos rerũ ordines, patebunt ex ijs, quæ discutientur circa modos vniũ cuiusque ordinis in speciali. Vnde non remanet agendum in præfenti, nisi de modis in triplici rerum ordine contentis, in ordine scilicet representatiũ, morali, & artificiali, quia ex his singulæ diuisiones satis patebunt. Confulantur de Modis alij Auctores. Nos doctrinam in PP. Salmaticenses sparsim datam venabimur. Sit igitur.

### Q V A E S T I O III.

*Quidnam sit Modus Ordinis representatiui, et qualiter se habeat ad esse representatiuum.*

**S**upponendum primò, non eo-  
gnoscentia à cognoscẽtibus, in hoc differre, quòd hæc habeat formas aliarum rerum, sicquẽ fiat quodammodò omnia, vt docet Aristot. 3. de Anima tex. 33. & S. Thom. ibidem lect. 13. secus verò non cognoscentia: quia tamen, modus essendi naturalis formæ, ita ipsam limitat, & determinat, vt nequeat esse nisi huius, & non alterius, idè natura prouidit ei alium modum essendi, magis am-



amplum, & indeterminatum, qui esse intentionale, seu cognoscibile dicitur, secundum quem non in vno, sed in pluribus eadem forma manens possit inueniri; mediante proinde isto modo essendi cognoscencia, alia à se fieri possunt. Hinc confurgit in rebus specialis quidam Ordo, ab alijs dictus esse cognoscibile, ab alijs esse intentionale, ab alijs denique esse representatiuum; quæ quamuis secundum rem, loquendo pro eodem indiscriminatum accipiatur, non tamen formalissimè sunt idem. Interim esse *cognoscibile*, formaliter loquendo, nil aliud importat (vt aduertunt nost. Salmatic: Tomo 1. Tract. 3. disp. 2. n. 74.) quam esse quodammodo immateriale vnbile in ratione obiecti cum virtute cognoscitiua; & ita per se diuiditur penès maiorem, vel minorem immaterialitatem, & penès distinctum obiectum in esse intelligibili per se inspectum, & vnitum cū ipsa virtute cognoscitiua, non verò penès rationem essendi per se, aut in alio in ordine entitatio, quia verò ad esse immateriale vnbile in ratione obiecti cum potentia cognoscitiua concurrir, & ipsa potentia concurrir operatio illius, quæ est cognitio, species representatiua obiecti, quæ est vicaria eiusdem; hinc est, quòd omnia hæc secundum quod identificantur in esse cognoscitiuo, eundem ordinem constituunt superadditum ordini entitatio, qui vocatur ordo cognoscibilis, in quantum cognitio ad esse illius concurrir. Voca-

tur etiam intentionalis, in quantum intentio, seu attentio potentia cognoscitiua ad obiectum in illo inuenitur. Denique dicitur representatiuus, quia sine representatione obiecti potentia cognoscitiua esse immateriale vnbile in ratione obiecti non perficitur. Cum autem in hoc ordine præcipuum, quod attenditur, sit vno obiecti cognoscibilis cum potentia cognoscente ad hoc, vt fiat alia à se, & ista non nisi mediante representatione tenente se ex parte obiecti fiat: hinc est, quòd ordo hic superadditus ordini entitatio magis propriè poterit vocari ordo representatiuus.

Supponendum est secundo. In ipsamet specie intentionali, siue sit sensibilis, siue intelligibilis, quæ maximè attenditur in ordine representatiuo duplicem ordinem distinguere entitatum scilicet, & intentionalem, seu representatiuum; Vnusquisque autem horum ordinum in illa habet suum proprium constitutum, suumque proprium modum essendi: sic v.g. in specie hominis: Constitutum in ordine entitatio est quædam ratio athonia qualitatis, petentis veram inhærentiam eius conditionis; vt habeat sibi adiunctum per modum accidentis inseparabilis esse intentionale, seu representatiuum eiusdem speciei intelligibilis, quæ quidem ratio athonia est coniuncta cum ratione numerica propria istius speciei secundum quam numericè distinguitur in esse entitatio à quacunque alia specie intentionali. Deinde in eadem

eadem specie hominis repræsentatiua in ordine intentionali constitutum est ipsæ natura hominis, omnia scilicet prædicata quidditatiua ipsius per talem speciem repræsentata; Modus autem essendi, per se primò petitus est tanta, vel tanta immaterialitas ita modificata, & depurata, vt natura obiecti possit, vt est sub hac puritate sic modificata trahi ad potentiam intellectiuam, & vniri cum ipsa. Ratio horum est; nam, cum proprium speciei intelligibilis (sicut est specis hominis) sit trahere naturam obiecti ad potentiam intellectiuam, eamq; vnire cum ipsa, oportet vt prædicta species contineat in se, tam naturam ipsius obiecti, quam modum essendi ita immaterialem, & modificatum, vt sit aptus ad faciendam talem vnionem, & quòd natura ibidem contenta; sit constitutum talis speciei sic consideratæ, quia species est eiusdem numero naturæ cum obiecto suo, vt probant nost. Salmatic. Tract. 3. disp. 2. n. 66. ex Aristot. & D. Tho: obiecti autem constitutum est sua natura, & ita idem erit, & speciei.

Supponendum est tertiò. In ordine representatiuo duplicè modum essendi deberi distingui. Vnus est, qui potest vocari modus indispensabilis. Alter modus essendi diminutus; non incongruè dici potest: Modus indispensabilis, seu per se primò petitus in ordine representatiuo est conditio quædam tantæ, vel tantæ immaterialitatis naturæ in specie relucens,

eam sic efficiens, & modificans, vt cum tali modificatione species valeat sensibiliter, aut intelligibiliter vnire obiectum cum potentia, trahendo illud ad ipsam: dicitur autem modus indispensabilis, quia sine huiusmodi conditione modificante nō potest vniri obiectum potentia; nec proinde esse representatiuum in specie perficere. Modus verò diminutus est quidam modus speciei accidentalis, entitatiuè cum statu immaterialitatis eidem conferens, sub quo obiectum possit cognoscibiliter vniri potentia; ita tamen quòd non pertineat ad conceptum quidditatiuum speciei in esse cognoscibili, vel representatiuo formaliter, neque sit modus necessariò, & indispensabiliter requisitus, & ratio est: nam species in esse cognoscibili formaliter sumpta secundum suum conceptum quidditatiuum, tantum petit, quòd sit ipsa natura obiecti, & quòd afferat modum essendi ita immaterialem, & modificatum, vt sub illo possit vnire naturam obiecti cum potentia, vt docet D. Thomas 1. p. q. 12. a. 2. ad hoc autem non requiritur modus essendi representatiuus diminutus in specie, vt patet in substantia Angeli respectu sui intellectus, quæ absque modo essendi diminuto habet rationem speciei intelligibilis, & ita vniter intellectui proprio, prout S. Doctor docet 1. p. q. 56. a. 1. quòd autem hic modus vterq; pertinere debeat ad ordinem intentionalem, & representatiuum pater, quia ad lineam ordinis in-

entionalis pertinet specialiter deferre ad cognitionem, intentionem, seu attentionem potentiae cognoscituae, sicut etiam ad lineam representatiui spectat praesentare per modum principij *Quo*, obiectum potentiae, sicque illud ei ostendendo vnire, totum autem, hoc inuenitur in utroque modo, quia uterque & deferuit ad attentionem in cognoscendo potentiae, & praesentat in specie obiectum potentiae, praesentatumque vnit, vt consideranti patet: Vterque proinde pertinebit ad ordinem intentionalem, & representatiuum: His ergo praesuppositis.

Dicendum est primo Modus essendi representatiuius indispensable, est quaedam affectio adiacens quidditati ordinis representatiui ad eum statum immaterialitatis eam determinans, in quo possit cognoscibiliter vniri potentiae cognoscituae. Ad esse autem representatiuum adaequatè sumptum, habet se, vt modus realiter modaliter ab illo distinctus: ad illud verò inadaequatè sumptum, & quoad statum habet se, vt quid virtualiter tantum distinctum: antequàm autem Conclusio probetur.

Aduertendum est per Statum intelligi determinationem rei ad certum ordinem rerum, prouenientem ab aliquo determinatiuo; status enim dicit quandam consistentiam rei in aliquo ordine consistentia autem ex vi nominis est quasi cum alio sistentia, idest sistentia in certo ordine, proueniens ex alterius determi-

natione, & ita Status in recto importat determinationem rei ad certum ordinem rerum; prouenientem ab aliquo determinate, in obliquo rem determinatam. In praesenti igitur Status esse representatiui in recto, & principaliter importabit determinationem naturae obiecti ad ordinem, & esse representatiuum, prouenientem à modo essendi representatiui: in obliquo verò, & quasi ex consequenti ipsamet naturam obiecti, quae determinatur.

Probatur prima pars Conclusionis seu potius explicatur. Sicut secundum communissimam suam rationem modus exigit, quòd sic quaedam adiacens rei affectio (vt supra dictum est) ad certum statum limitatiuum tribuens determinationem, sic talis modus secundum suum conceptum peculiarem debet esse adiacens affectio ad specialem statum conferens determinationem. Cum ergo modus representatiuius indispensable sit verò modus deferuens ad hoc, vt natura obiecti vnatur cognoscibiliter cum potentia cognoscitua, sequitur, quòd debeat esse adiacens rei, seu quidditati ordinis representatiui affectio, tribuens determinationem ad eum statum immaterialitatis, in quo cognoscibiliter possit potentiae cognoscituae vniri.

Secunda etiam pars Conclusionis ostenditur. Esse representatiuum adaequatè sumptum complectitur naturam obiecti tanquam proprium constitutum, & deinde certum statum collatum à modo

essendi repræsentatiuo ( prout in primo præsupposito visum est . Sed modus essendi repræsentatiuus realiter modaliter distinguitur à natura obiecti, vt est constitutiui esse repræsentatiui ; tùm quia sic modus à re modificata distingui debet : tùm quia natura illa potest separari ab hoc modo, & esse sub alio, scilicet modo essendi entitatiuo . Igitur modus essendi repræsentatiuus ab esse repræsentatiuo adæquatè sumpto realiter modaliter distinguetur ; Attamen non nisi virtualiter, si sumatur inadæquatè & quoad statum ipsius esse repræsentatiui, quia huiusmodi status inuoluit ipsummet modum essendi repræsentatiuum, vt communicantem suum effectum formalem . Sed modus secundum se sumptus non distinguitur à seipso, vt tribuit suum effectum formalem ; nisi virtualiter . Ergo modus essendi repræsentatiuus ab esse repræsentatiuo inadæquatè sumpto, & quoad statum tantum virtualiter distinguetur .

Dicendum secundò. Modus essendi repræsentatiuus est affectio adiacens quidditati ordinis repræsentatiui, necessariò cum specie, quæ sit entitatiuè accidens, identificata, ad eum statum immaterialitatis dictam quidditatem determinans, in quo possit cognoscibiliter vniri potentia cognoscitiuæ : ad esse autem repræsentatiuum etiam inadæquatè, & quoad statum acceptum habet se, vt accidens prædicabile virtualiter ab eo distinctum .

Prima pars huius Cōclusionis

patet ex præcedenti ; Illæ tamen particulae, scilicet necessario cum specie, quæ sit entitatiuè accidens identificata denotant differentiam, & distinctionem ipsius à modo repræsentatiuo indispensabili, qui non necessario identificatur cum specie, quæ sit entitatiuè accidens, sicut modus hic diminutus, qui propterea etiam dicitur diminutus ; quia & esse suum, & illud cum quo identificatur ( scilicet accidens quod est ens secundum quid ) tantum est quid diminutum .

Secunda verò pars probatur, & explicatur . Esse repræsentatiuum, etiam quoad statum, dicit in specie tantæ, vel tantæ immaterialitatis statum in natura obiecti in specie relucente, secundum quam possit cognoscibiliter vniri potentia cognoscitiuæ . Sed esse diminutum per accidens se habet ad huiusmodi statum immaterialitatis, vt ex prænotatis, in substantia Angeli habente hunc statum, sine esse diminuto, patet . Igitur etiam respectu esse repræsentatiui, quoad statum, erit aliquod accidens prædicabile virtualiter tamen tantum distinctum, quia tribuendo statum illam immaterialitatis, dum inuenitur coniunctus cum esse repræsentatiuo, inuoluitur in ipso, vt tamen communicans suum effectum formalem : modus autem essendi à seipso, vt communicante effectum primum formalem, tantum virtualiter distinguitur, vt consideranti patet . Ergo &c .

*Argumenta in Contrarium  
soluuntur.*

**P**rimum Argumentum contra primam Conclusionem. Determinatio ad aliquem statum immaterialitatis non potest provenire à modo essendi representatiui, etiam indispensabili. Ergo inconuenienter hoc illi tribuitur in prima Conclusionem. Antecedens prob. Ille status immaterialitatis si tribueretur à prædicto modo, vel proveniret à natura, cui adiacet modus hic, & quæ est constitutum esse representatiui; vel ab ipso met cum præcisione; vel ab utroque simul. Non primū; quia natura in specie v. g. hominis tantū dicitur sua prædicata quidditatiua, ipsi proinde in omni statu conuenientia: status autem huius immaterialitatis ipsi non conuenit in omni statu, ut patet in modo essendi entitatiui, in quo illum non habet. Igitur status prædictus immaterialitatis non poterit provenire ab ipsa natura. Nec à modo essendi representatiui cū præcisione sumpto: quia status immaterialitatis debet provenire ab actualitate aliqua; Sed modus prædictus non habet maiorem actualitatem, quam habeat natura, cui adiacet; cū modus non habeat rigorosè esse essentiae, aut existentiae aliud à re modificata (ut supra ostensum est). Ergo si illa nequit communicare statum immaterialitatis, cū tota sua actua-

litate, nec hic modus ipse eundem poterit tribuere. Nec denique utrumque simul; id est natura, ut est cum hoc modo essendi, poterit conferre dictum immaterialitatis statum; quia hæc duo sic sumpta non afferunt nouam actualitatem, sed tantū coniunctionem, quæ non est aliqua actualitas. Ergo neque afferent nouum immaterialitatis statum, qui sine noua actualitate stare nequit.

Resp. ad hoc Argumentum, negando Antecedens. Ad cuius probat. eligitur tertia pars dilemmatis. Ad improbationem verò ipsius respondetur cum distinctione: Hæc duo non afferunt nouam actualitatem, quoad substantiam; Conceditur: quoad explanationem eius; Negatur. Pro cuius intelligentia notandum est, naturam secundum se consideratam, v. g. hominis, habere ex se sufficientem actualitatem, & immaterialitatem ad hoc, ut in specie possit Intellectui intelligibiliter vniri: tū quia natura secundum se est communicabilis, & nō alligata ad vnum, proinde alteri vnibilis cognoscibiliter; tū etiam, quia est constitutum ipsius esse representatiui (ut supra dictum est) in quo sufficiens inuenitur immaterialitas ad vnionem intelligibilem: constitutum autem non potest habere minorem immaterialitatem re constitutam per illud: at tamen natura hæc, quoad suam immaterialitatem, coarctatur per modum essendi entitatiui, per quem ita limitatur, ut reddatur propria huius tan-

tum, & non alterius; ac proinde illa immaterialitas ipsius sic coarctata quasi quodammodo complicitur, ut patet in natura humana contracta ad hoc indiuiduum v.g. Petri. Caterum ubi per aliud modum essendi, scilicet representationis, in alio constituitur statu, & ordine, scilicet representationis, cum modus hic non ponat in illa coarctationem, sicut modus essendi entitativus, quin potius explicet ipsius amplitudinem, & communicabilitatem; hinc est, quod etiam explicet & actualitatem, seu immaterialitatem eiusdem, quam habebat quidem sub modo essendi entitativo, quoad substantiam, non tamen quoad hanc explicationem. Et ita hic modus essendi representativus, etiam ut afficiens naturam, non affert novam actualitatem, & immaterialitatem quoad substantiam, bene tamen quoad explicationem eius, ut dicit solutio. Quod autem modus essendi representativus non ponat coarctationem in natura, ostendunt doctissime nost. Salmat: Tract: 3. de scientia Dei disp: 1. num: 2. ex D. Tho: 3. p. q. 50. ar: 2. ex eo quod natura in esse intelligibili, & representativo manet ita uniuersalis, sicut ipsa ratio illius in sua amplitudine exigit, cuius signum est, quod v. g. natura lapidis in esse intelligibili representatur uniuersaliter. Apparet igitur, quod modus essendi representativus non coarctet, sed potius explicet amplitudinem naturae.

Nec valet, si replices, naturam

v.g. bouis, aut Leonis non habere tantam, & tam perfectam, etiam quoad substantiam, immaterialitatem, quantum habet ex vi modi essendi representatiui in specie Angeli, v.g. Michaelis, cum modus essendi representativus in Angelo, sicut & entitativus, in quo fundatur representativus, debeat excludere omnem materiam physicam, quam tamen includit natura bouis. Ergo male dicitur in solutione, quod modus essendi representativus cum natura non afferat novam actualitatem quoad substantiam.

Resp: enim, admisso Anteced: neg: Conseq: Quando namq; dicimus, naturam cum modo essendi representatiui in specie non afferre maiorem actualitatem, aut immaterialitatem, quoad substantiam, quam habeat secundum se cum praecisione modi essendi entitatiui, loquimur de natura, quae in specie representatur per modum obiecti primarij, non vero per modum obiecti secundarij: natura autem Leonis v. g. in specie Angeli relucens non habet se, ut obiectum primarium in representatione, sed alia quaedam ratio superior, in qua diuersae species naturae adunantur, hoc pacto se habet, cum Angeli cognoscant per species uniuersaliores hominibus, (de quo in materia de Angelis) & ita mirum non est, si in seipsa non habeat eam immaterialitatem, quam habet, ut est sub modo essendi representatiui in specie Angeli.

Secundum argumentum contra

tera secundam partem primæ Conclusionis potentia cognoscitiua, v.g. intellectus, sit vnum per identitatem cum natura obiecti, excludendo distinctionem realem in esse cognoscitiuo, & representatiuo formaliter. Ergo multo magis ipsemet modus essendi representatiuus fiet vnum per identitatem cum illa natura, cuius est talis modus, absque distinctione reali modali. Antecedens supponitur ex Aristot. 3. de an. Text. 37. & D. Thibidem lecti: 13. quam doctrinam latè prosequitur noster Salmat: Tom: 1. Tract: 3. disp. 2. dub. 2. §. 3. & 4. Consequenter ostenditur ex illo axioma communi: *propter quod vnumquodq; tale, & illud magis.* Sed propter modum essendi representatiuum in specie inuentum Intellectus sit vnum, per identitatem cum natura obiecti, cum ista identitas non perficiatur, nisi in esse cognoscibili, & representatiuo formaliter. Ergo à fortiori ipsemet modus essendi representatiuus cum natura, cuius est modus, erit quid vnum per identitatem sine distinctione reali.

Resp. distingu: Consequenter. Modus essendi representatiuus, formaliter consideratus, Concedo; materialiter, nego. Explicatur solutio. In Modo essendi representatiuo duo possunt considerari, vnum, quod importat de materiali, aliud, quod importat de formali. De materiali importat rationem communem modi, in qua cum omni modo conuenit. De formali verò affert propriam, sibiq; peculiarem ratio-

nem, secundum quam in esse modo representatiui constituitur: sicut homo de materiali quasi importat esse animal, cum in hoc conueniat cum alijs animalibus, de formali verò esse rationale, per quod distinguitur à cæteris, & in se constituitur. Loquendo igitur de modo essendi representatiuo quoad ea, quæ affert de materiali, sic distinguitur realiter à natura, & re modificata; hoc enim communis ratio modi realis exigit, ut in præcedenti quaestione visum est (Ipsa etiam natura sic concipitur, ut separabilis ab illo: attamen etiam secundum hanc considerationem, modus non nisi virtualiter distinguitur à prædicta natura, si accipiat, ut inuoluit simul cum natura statum esse representatiui, licet status ille explicet ea tantum, quæ in hoc modo habet se de materiali, & non de formali: quandoquidem in huiusmodi adhuc statu inuoluitur quodammodo ipsemet modus, qui sub statu, à seipso secundum se considerato non potest plusquam virtualiter distingui). Et hoc est, quod dicit, & probat secundam partem primæ Conclusionis, ad tantò amplius manifestandam habitudinem modi essendi representatiui ad naturam obiecti representatam, per distinctionem eorum ad inuicem: in quo etiam tacite obuiatur obiectioni. Cæterum si Modus hic essendi representatiuus attendatur secundum id, quod de formali importat, hoc est, secundum illam rationem, secundum quam in esse represen-

tatiuſ conſtituitur, omninò identiſicatur cum natura cuius eſt modus eſſendi, nec admittit diſtinctionem actu, niſi ad ſummum virtuales, ſicut etiam Intellectus cum natura obiecti in ſpecie relucente, in eſſe cognofcitivo formaliter, identiſicatur realiter, cum ſola virtuali diſtinctione, quavis etiam admittat diſtinctionem realem entitativam potentialem: quam diſtinctionem realem potentialem (modalem tamen) prædictus modus ſimiliter admittit. Declaratur hoc exemplo ſubſtantie materialis, & corporeæ, v. g. aquæ, quæ quando ex duplici vaſe in vnum infunditur, ſic vna, & eadem aqua per identitatem realem ſubſtantialem, ita quòd inter illas duas aquas, quæ antea erant duæ in duobus vaſibus, pro tunc non intercedat, niſi ſola diſtinctio virtualis ex eo, quòd ſubſtantia materialis intra lineam ſubſtantie non habeat partes actuales, & formales, ſed ad ſummum virtuales, vt doctiſſimè oftendunt N. N. Complur: lib: 1. de Generat. diſp: 5. num. 32. adeſt tamen etiam diſtinctio realis potentialis, quia, habent capacitatem, & potentiâ ad hoc, vt illæ aque, quæ antea erant duæ in diuerſis vaſibus, ac poſteâ in vno, & eodem ſunt identiſicatz, rursùs diuidantur, & actu realiter diſtinguantur. Proportionaliter ergò in præſenti de modo eſſendi repæſentativo diſcurrendam eſt. Modus enim, in eſſe repæſentativo, ita manet identiſicatus, vt idem realiter ſit cum natura, quam modificat ex eo, quòd

vno illius cum natura non perfectitur, niſi per identitatem, (prouetiam de intellectu, in eſſe cognofcibili formaliter, aſerunt Noſtri Salmatic: Tom: 1. Tract: 3. dub. 2. §. 4. & 5.) virtualiter nihilominùs ab ea diſtinguitur (cùm non ſit de formali conceptu eiudem) immò realiter modaliter potentialiter, quia adeſt in natura capacitas ad ſeparationem ab illo, tanquàm proprio modo: modus autem ille, à quo ſeparabilis eſt res modificata, etſi actu identiſicetur, cum illa, diſtinguitur certè ab ea ſaltem potentialiter realiter modaliter, cùm ſignum diſtinctionis realis ſit extremorum ſeparatio. Et ita de primo ad vltimum, modus eſſendi repæſentatiuus, ſecundùm id, quòd aſſert de materialis, diſtinguetur à natura obiecti realiter modaliter actu, vt dicit ſolutio, ſecundùm verò quòd importat de formalis, tantùm virtualiter, vel ad ſummum realiter modaliter potentialiter.

Tertium Argumentum contrà primam partem ſecundæ Conclutionis. Modus eſſendi nature entitatiuus non eſt diminutus. Ergo multò magis modus eſſendi repæſentatiuus non erit diminutus; ac per conſequens malè in Concluf: ponitur diminutus. Anteced: patet; quia modus eſſendi naturalis, & entitatiuus eſt ſtatus perfectus. Conſequens: verò prob: Modus eſſendi intentionalis, & repæſentatiuus eſt minus materialis, quàm entitatiuus, atque ſic eleuatur, & perfectior. Ergo ſi modus eſſendi entitatiuus, etſi  
mi.



minus eleuatus intentionali, non est diminutus, à fortiori intentionalis, vel representatiuus non erit diminutus.

Resp. concesso Anteced: neg: Conseq: Ad probat: distingu. Conseq: Si cætera sint paria; Conceditur; Si non sint; Negatur: & quia in præsentī non sunt cætera paria, idē non sequitur, quod inferitur. Itaq; certum est, quod esse intentionale, & representatiuum in modo essendi representatiuo, cum præcisione sumptum, est perfectius, & eleuatius, quam esse naturale, & entatiuum; verū illa perfectio, & excessus est tantū secundū quid, & non simpliciter; licet enim esse liberum à materia sit nobilius (cæteris paribus) eo, quod non est ita liberum, non tamen erit nobilius, aut perfectius simpliciter, sed solum secundū quid, si cætera non sint paria: sic accidens v. g. spirituale licet ex eo, quod spirituale, possit dici secundū quid nobilius substantia materiali, non tamen simpliciter, & absolute nobilius, quā illa, quia cætera, quæ in illa substantia reperiuntur, sunt nobiliora accidenti, vt examinati patet, cum ergo modus essendi naturalis, & entatiuus ex alijs capitibus sit nobilior, & perfectior modo essendi representatiuo, (cuius signū est, quod natura, & forma sub illo determinat simpliciter subiectum, secus verò sub modo essendi representatiuo, vt docet Aristor. lib: 2. de an. Textu 121.) consequens est, quod iste modus, nempe representatiuus, non sit simpli-

citer perfectior, aut perfectus, sed potius diminutus, iuxta ea, quæ dicta sunt in Conclusionē.

Quartum Argumentum contra secundam partem Conclus. secundæ. Esse representatiuum, quoad statum tantæ, vel tantæ immaterialitatis in natura obiecti in specie relucente, secundum quem possit cognoscibiliter intellectui v. g. vniri, est effectus formalis modi essendi diminuti. Ergo modus essendi representatiuus diminutus non habebit se respectu illius, vt accidens prædicabile. Antecedēs constat; quia huiusmodi status consequitur ex vi coniunctionis talis modi essendi cum natura obiecti, vt omnes admittunt, sicut ex vi informationis formæ respectu materiæ subsequitur specificatio; quæ est in composito substantiali; & ita sicut propter hoc specificatio est effectus formalis, & quidem primarius formæ substantialis, sic status prædictus consecutus ad coniunctionem modi essendi diminuti cum natura obiecti, erit effectus formalis ipsius. Consequ: verò prob: Nam forma respectu sui effectus formalis, præsertim primarij, non potest habere rationem accidentis, cum effectus huiusmodi sit ipsamet forma, vt communicata; idem autem respectu sui ipsius nequit habere rationem accidentis. Ergo si illud esse representatiuum, quoad statum, est effectus formalis respectu modi essendi diminuti, iam hic non habebit rationem accidentis respectu illius.

Resp. distingu: Anteced: Esse  
re:

representatiuum quoad statum &c. est effectus formalis modi essendi diminuti; simpliciter, & absolute tale; Negatur, esse representatiuum diminutum; Conceditur, & eodem modo distinguitur Consequens. Explicatur solutio. Sicut modus essendi representatiuus absolute, & simpliciter sumptus diuiditur in seipsum secundum ea, quæ per se, & indispensablem affert, (vocalurque modus essendi representatiuus indispensable,) & in seipsum secundum ea, quæ per accidens, & materialiter involuit, secundum quam rationem inuoluit etiam modum essendi representatiuum diminutum: sic esse representatiuum quoad statum, illum consequens, potest diuidi in esse representatiuum indispensablem consecutum modum essendi representatiuum indispensablem, & in illud per accidens consecutum ad modum essendi diminutum. Status esse representatiui, per se consecuti ad modum essendi representatiuum, est status tantæ, vel tantæ immaterialitatis, sine quo natura objecti relucens in specie nequit cognoscibiliter vni potestæ cognoscitæ: status autem esse representatiui, per accidens subsecuti ad modum essendi representatiuum, est idem status tantæ, vel tantæ immaterialitatis, communicatus ab eo modo essendi, qui esse representatiuum in specie habet identificatum cum esse entitatio, quod sit esse accidentale, ad quem modum essendi status prædictus, esse representatiui

non necessariò, sed per accidens consequitur; nam etiam si esse representatiuum modi essendi representatiui non esset identificatum in specie cum modo essendi entitatio accidentali, adhuc ad illud consequeretur status esse representatiui, vt patet in modo essendi representatiui, qui inuenitur in substantia Angeli respectu proprii intellectus (vt supra dictum est) attamen quia in illo esse representatiui, quoad statum subsecuto ad modum essendi diminutum modo explicatum, duo distinguimus, & esse representatiuum absolute, & esse representatiuum vt communicatam à tali modo, qui est diminutus, possumus merito illud nominare esse representatiuum diminutum: sicut & in ipso modo essendi diminuto subtilissimè nostri Salmatic. Tomo 1. Tract. 3. Disput. 2. dub. 1. num. 37. distinguunt & esse representatiuum diminutum per accidens se habens, & esse indispensabile cum illo identificatum. Igitur in solutione dicitur, quod quamuis esse representatiuum, quoad statum, diminutum, sit effectus formalis modi essendi diminuti, & sic respectu illius non habeat rationem accidentis prædicabilis, non tamèn esse representatiuum per se absolute, & simpliciter tale, erit effectus formalis primarius modi essendi diminuti, formaliter quia talis est, sed per accidens tantum subsecuetur ad illum, quia scilicet identificatum est cum esse representatiui diminuto proueniente ab

ipso, & ita bene poterit respectu huiusmodi esse representatiui habere rationem accidentis praedicabilis. Possent hic plura circa Modum representatiuum tradi, sed Metaphysica (etsi habeat ius in principia Animae) tractas, intra suam abstractionem, de Modis, non vult excedere modum.

## QVAESTIO IV.

*Quidnam sit modus in ordine morali, & qualiter se habeat ad rem modificatam.*

**S**upponendum primò: Ordinem moralem esse quendam ordinem rerum ab Authore naturae institutum adtribuendam extrinsecam quodammodo determinationem agentibus liberis, ex se in operando indifferenteribus, in ordine ad certum esse, & debitum finem eorum, quam determinationem ex principiis intrinsecis suae naturae non possunt habere. Ordo namque hic proutus est in supplementum ordinis naturae, libertate gaudentis, quae cum non determinetur ex aliquo principio naturali ad operandum, (ac per consequens ad attingendum per operationem suam ultimum finem, in quem, sicut & omnis alia creatura tendere debet) sed positis omnibus requisitis ad agendum possit agere, & non agere, idcirco, ne talis naturae, actus, sine directione Dei in finem eorum rema-

nerent, omnino requirebatur, institui peculiarem modum directionis aliunde, quam ex naturalibus principiis, petitum, per quod, sine prauiudicio libertatis, sufficiens determinatio adhiberetur, ut si praedicta natura libera vellet eam sequi, semper debito modo posset procedere. Haec autem determinatio prouenit à regulis morum, legibus scilicet, quibus bonum rationis praecipitur, & malum oppositum prohibetur, ac voluntas ex se ad utrumlibet indifferens, manet ad vnum moraliter alligata, hoc est, extrinsece quadam determinatione proueniente à principio extrinseco, quod est Lex, manet ad vnum moraliter determinata. Et quia hic modus determinandi supergreditur modum, & determinationem naturae, utpotè ab extrinseco proueniens, hinc est, quod per respectum ad illum in actionibus, quibus applicatur, constituit peculiare genus essendi distinctum à naturali, & entitativo, quod vocatur genus moris, seu ordo moralis.

Supponendum est secundò, ad ordinem moralem sequentia concurrere. Primò Principium actiui moralitatis, seu *Moralitas actiua*, quae est Voluntas, potentia libera, elicitiua actus moralis. Ad hoc Principium reducitur etiam habitus moralis, de quo statim. Secundò concurret *regula moralitatis*, quae est lex. Tertiò *Moralitas formalis*, quae in actu libero fundatur. Quartò *Moralitas obiectiua*, dans speciem moralitati formali.

Sin-

Singula breuiter declarantur. In primis Voluntas dicitur moralitas actiua, quia ipsa, secundum quod subdita regulis morum, est principium productuum moralitatis formalis in actu inuenta: Sicut & habitus moralis in hoc sensu potest dici moralitas actiua, nisi forte inuis dicere, moralitatem habitus moralis esse formalem, (quod satis probabiliter est, ut docent nost. Salmat. Tract. 11. disp. 1. num. 31.) secundum quam sententiam, moralitas formalis in suo ordine erit vera aliqua entitas, & non modus purè.

Deinde, secundo loco, quod concurret ad genus moris, est Regula moralitatis, & hæc est duplex: Prima scilicet & secunda, quæ rursus diuiditur in proximam, & remotam, seu radicalem. Prima regula totius generis moralis est sola lex æterna in Mente Diuina existens. Secunda verò, & quidem proxima, est dictamen nostræ rationis dictans, hoc esse faciendū, vel omittendū, secundum quod legem æternam participat, eique subordinatur, prout docet D. Thom. 1. 2. quæst. 71. a. 6. & alibi. At verò remota, & radicalis est Natura rationalis sumpta secundum se, quia hæc est radix luminis, & dictaminis rectæ rationis, quod est regula proxima moralitatis.

Tertiò, Moralitas formalis in actu libero non est ipsamet entitas, & libertas actus, quia inuariata entitate, & libertate illius, potest variari in esse moralis formaliter, transiendo de bono in

malum: Neque ens rationis, cum huius fieri sit cognosci; actus autem moralis per hoc, quod cognoscatur, non fit, ut patet in peccato, quod à Deo cognoscitur, & tamen non fit: Neque purè extrinseca denominatio; quia intrinseca habitudo in actu ad obiectum, in quantum morale est, non potest non esse forma moralis intrinseca ipsi, non autem purè extrinseca denominatio, cum habitu ad obiectum ad obiectum sit forma intrinseca ipsius, & talis, quale est obiectum specificans; sed in actu libero, quo aliquis vult obiectum propositum sibi cum subiectione ad regulas morum, est habitudo intrinseca ab obiectum, in quantum morale est; obiectum siquidem, ut subiectum regulis morum, est morale, ad quod, sicut ad quoduis proprium obiectum, actus liber non tendit sine intrinseca habitu: Ergo moralitas in actu non poterit esse aliqua extrinseca denominatio, sed aliquid intrinsecum: Hoc autem intrinsecum cum non sit ipsamet entitas actus, ut dictum est, eo tamen ipso, quia intrinsecum, afficiensque illum, quodammodo erit aliquis modus, qui est affectio quædam, vel modificatio rei, cumque sit modus formæ transcendentaliter respectiue (actus scilicet humani respicientis essentialiter obiectum, tanquam proprium specificatum), ut se accommodatè habeat ad naturam suam rei modificatæ, non poterit non esse transcendentaliter respectiue, non tamen prædicamentaliter respectiue.

latio quandoquidem prædicamentalis non est genus ad contraria (vt ex Aristotele cap: de relatione communiter docent Dialectici) sicut est formalis moralitas respectu boni, & mali morali

Vltimum inter concurrentia ad ordinem moralem est *moralitas obiectiua* dans speciem moralitati formali; quæ in rigore non dicitur, nec est moralitas formalis, sicut illa, quæ est in actu libero, sed tantum radicalis, aut virtualis. In hoc enim differt moralitas actus à moralitate obiectiua, quod illa instituta est, vt constituat actum in esse rei morali, vt potè subditum regulis morum in ordine ad absolute effendum, vel non effendum, ( vt patet ex Salmat: ) proinde habet rationem formæ in hoc genere, effectusque suus in esse rei est huius generis, nullo modo ad genus physicum spectans. At verò moralitas obiectiua instituta est, non vt faciat, obiectum esse rem moralem, sed ad terminandum præcisè actum moralem, sicut ad effendum terminando tantummodo: obiectum, quandoquidem non est quid liberum, nec proinde capax subiaccendi regulis morum in ordine ad effendum in seipso, sed in ordine tantum ad terminandum: Et quia non dicitur aliquid, nec est formaliter tale, nisi habeat ipsamet formam constituentem se in esse rei in ratione talis; obiectum autem, in quantum est tale, per moralitatis formam non constituitur in esse rei quid morale ( vt modo dictum est, ) bene autem

actus liber; consequens est, quod moralitas in obiecto inuicta, idest *obiectiua*, non sit formalis, secus autem moralitas actus. Vt autem clarius constet, quidnam sit moralitas formalis, quid obiectiua, & tanto melius decidatur titulus quæstionis.

Supponendum est tertio, Moralitatem obiectiuam ab omnibus concipi, vt aliquid superadditum entitati Physicæ obiecti per ordinem ad regulam morum, quæ est lex: Est autem duplex, alia fundametalis, & remota, alia actualis, seu proxima. *Fundamentalis moralitas* est ipsamet entitas obiecti physica, quæ sine aliquo superaddito intrinseco, vel extrinseco petit præcipi, quia ab intrinseco est conformis legi, vt i. v. g. colere Deum, vel peti prohiberi, quia ab intrinseco repugnat legi, estque ei disformis, vt periurium, mendacium &c. *Moralitas autè actualis* requirit superadditum aliquid entitati Physicæ obiecti, ad minus extrinsecum, regulam scilicet morum directiuam, quæ est lex: sed hæc inferius fundametalius explicabitur. Modo videndum est.

Vnde nam prædicta Moralitas fundametalis cõueniat obiectis? Respondent doctissime simul, ac profundissime nost: Salmat: Traç. 11. disput. 1. nu. 89. afferentes, eam obiectis conuenire ex ipsa habitudine, quam dicunt ad Naturam rationalem per modum conuenientis, vel disconuenientis, antequam lege approbentur, vel prohibeantur. Natura siquidem

¶ ¶ ¶

¶ ¶

rationalis, secundum quod est principium naturalis inclinationis, cui bonum est conueniens, malum disconueniens, etsi non sit regula moralitatis formalis, & proxima, est tamen quodammodo radicalis. Et quamuis huiusmodi conuenientia in bono, disconuenientia in malo, antequam lege determinetur, non sit formaliter in genere moris, etiam obiectiue, nec proinde tribuat actibus moralitatem formalem, nec distinguat sufficienter ordinem moralem à physico, meritò tamen dicitur moralitas obiectiua fundamentalis, quia quidquid habet illam, petit regulari per rationem, & præbet fundamentum, ut approbetur, vel reprobetur, ex qua regulatione intelligitur consurgere moralitas obiectiua proxima, distinctiua generis moralis à physico. Qui autem voluerit curiosius indagare, quænam obiecta importent ex se prædictam conuenientiam, vel disconuenientiam ad Naturam rationalem, poterit consultare nosti: Salmat: loco modò citato id profundissime explicantes. Quia verò notitia moralitatis obiectiue actualis, vel proxime iam insinuatæ non parum quoad præfens còducit, ideò ut melius capiatur.

Supponendum est quartò, Moralitatem obiectiuam proximam formaliter, & in recto non esse denominationem extrinsecam, præcepti, vel prohibiti per legem; non enim est omnino idem v. g. furtum esse prohibitum, & esse malum obiectiue; cum esse prohi-

bitum sit denominatio de genere boni, & à Deo prohibente: esse verò malum obiectiue de genere mali moralis, & ita non potest esse ex Deo. Neque etiam prædicta Moralitas obiectiua proxima potest esse aliquis modus intrinsecus obiecto, ab entitate physica ipsius realiter distinctus; quia cum modus hic accidentaliter competat obiecto, utpotè sine quo maneret seclusa lege, ideò non poterit ei aduenire, nisi ex vi actionis alicuius causæ efficientis, quæ respectu talis modi dari non potest: moralitas siquidem obiectiue etiam possibilitibus competit, pro quo statu nihil potest terminare actionem efficientis. Moralitas igitur obiectiua proxima nil aliud erit, præterquam, ratio quædam intrinseca obiecto, indistincta realiter ab entitate physica ipsius, exprimens quandam modum habendi se sub lege, tanquam sub mensura, cui consonat, vel dissonat in ordinem ad terminandum actus liberos. Ratio huius est; Nam prædicta Moralitas debet esse aliquid a parte rei, sicut obiecta à parte rei sunt bona, vel mala obiectiue moraliter. Ergo vel denominatio extrinseca: & hæc esse non potest (ut modò ostensum est), vel aliquid intrinsecum: At non est intrinsecum realiter distinctum ab obiecti entitate (prout ex dictis patet): remanet igitur, ut sit aliquid intrinsecum identificatum cum obiecto, solo modo nostro concipiendi, ipsi superadditum, iuxta iam positam explicationem.

His

His igitur præsuppositis, Sententia omnes circa Modum Ordinis Moralisi ad duas classes possunt reuocari. Prima est eorum, qui dicunt, Modum Moralitatis consistere in aliquo extrinseco. Istud autem extrinsecum, aliqui, ut est Vasquez Tractat. in 1. 2. disp. 73. cap. 9. & disp. 95. Cap. 10. dicunt esse Ens rationis. Alij verò, ut Suarez disp. 1. sect. 2. Salas disputat. 1. &c. vocant extrinsecam denominationem, siue sumatur à lege, siue à libertate, siue à natura rationali, &c. Secunda Classis est eorum, qui tenent Modum moralitatis consistere in aliquo intrinseco actui, cui competit moralitas. Hoc autem intrinsecum, quidam putant, esse modum libertatis in actu inventæ. Ita Durandus in 2. dist. 39. quæst. 1. Scotus in 2. dist. 40. §. de secundo dico. Valentia q. 13. pun. 2. Granadus disp. 2. sect. 2. &c. Quidam verò, aliquem modum intrinsecum superadditum entitati, & libertati actus: & quidem Caietanus in 1. 2. q. 19. a. 3. dicit esse modum absolutum (licet possit explicari); Alij dicunt relatiuum prædicamentaliter; quod solet tribui Scoto in 1. dist. 17. q. 7. & aliquibus iunioribus; Alij denique respectiuium transcendentia- liter. Ita nost. Salmatic. Tractat. 1. 1. disp. 1. dub. 3. num. 42: & alij. Pro resolutione.

Dicendum est primò. Modus Moralitatis formaliter est quædam affectio adiacens actui libero, ab eodem ex natura rei distincta, determinationem ei tri-

buens ad essendum, & tendendū in obiecta cum subiectione ad regulas morum. Dixi, *Moralitatis formaliter*, ut pateret, in hac Conclusionem sermonem non esse de modo Moralitatis obiectiui, sed tantum de modo intra latitudinem moralitatis formalis. Conclusio hæc desumitur ex doctrina D. Thomæ, tūc ex ea, quam adduximus de Modo in communis tūc etiam ex his, quæ docet idē S. Doct. tractando de bonitate, & malitia morali actuum 1. 2. q. 18. a. 4. ubi Moralitatem, quam actio habet ex fine, docet inherere actui: deinde, etiam dare determinationem ad essendum cū subiectione ad regulas morum, insinuat quæ 5. de virtut. art. 2. dicit: *Bonum in actibus* (hoc est moralitas bona) *inuenitur per hoc, quod pertingitur ad regulam humanorum actuum; quæ quidem est una quasi homogenea, & propria homini, alia autem est simpliciter prima mensura transcendens, quæ est Deus.*

Deinde probatur, aut potius explicatur definitio in Conclisposita. Bona definitio, aut quasi definitio alicuius formæ est, quando ponitur in ea loco generis id, quod est communi ipsi cum alijs formis, loco verò differentia, tūc distinctio ipsius à re, cuius est forma, tūc effectus formalis ipsi proprius, ut patet discurrenti per singulas formas. Ergo etiam Modi moralitatis habentis se per modum cuiusdam formæ; quasi informantis suo modo, erit quasi definitio, aut descriptio bona, si

ponatur aliquid ipsi commune cum alijs modis, loco generis, loco verò differētiæ, tūm distinctio ipsius à re modificata, tūm eiusdē quasi effectus formalis ipsi proprius. Sed totum hoc invenitur in præsentī: Ergo definitio, aut quasi definitio in Conclus. posita erit bona. Minor subsumpta, quæ sola indiget probatione, declaratur. Nam in primis esse affectionem, adiacentem est commune omni modo: deinde distinctio ex natura rei Modi moralitatis ab actu libero ostensa est in suppositione, & ex se patet, quandoquidem actus liber potest separari à moralitate tali, vel tali, idem in se manendo: & diuersas differentias, ac proprietates distinctas habent, prout præclare ostendunt nost: Salmat. Tract: 1. disp: 1. num. 23. & 24. quæ sunt manifesta signa distinctionis ex natura rei. Tandem ultimæ particulæ explicant effectum formalem proprium. Modi moralitatis: cum hic à nulla alia forma, præterquam à prædicto Modo, communicetur, vt discutienti facile patet. Igitur descriptio posita in Conclusionē, Modi moralitatis erit optima.

Dicendum est secundo. Modus modò explicatus ad esse morale formaliter tale habet se ad instar quasi formæ constitutiue: Probatur. Esse morale formaliter tale, seu moralitas formalis, tantum inuenitur in actibus humanis liberis. Sed ad esse morale actuum liberorum Modus moralitatis explicatus habet se, vt forma constitutiua. Ergo Modus moralitatis

tis &c. Maior ostenditur. Esse formale moralitatis ibi primariò inueniri debet, quò omnia moralia respiciunt, & ad quod ordinantur, sicut ibi esse formale artificialis primariò ponendum est, quò omnia artificialia tendunt. Sed ad moralitatem actuum liberorum omnia moralia ordinantur; nam leges ordinantur, vt mensura directiua actuum liberorum; obiecta, vt specificatiua; Voluntas, & habitus, vt causæ, quibus omnibus nec meremur, nec demeremur, nec sumus absolute boni, vel mali moraliter, bene autem actibus liberis, vt directis per regulas morum. Ergo esse formale moralitatis primariò inuenitur in actibus liberis. Minor autem præcedentis argumenti probatur. Esse morale actus liberi consistit in quadam determinatione ipsius ad essendum, & tendendum cum subiectione ad regulas morum, vt præcedenti Concl: ex D. Thoma ostensum est, & communiter admittitur. Sed respectu huius determinationis habet se, vt constitutiuum, Modus moralitatis, iam explicatus; cum hæc determinatio sit effectus quasi formalis primarius ipsius, vt supra dictum est. Ergo ad esse morale actuum liberorum, &c.

Confirmatur. Idē ò forma substantialis est constitutiua speciei compositi substantialis, quia specificatio istius prouenit ab ea, tanquam effectus ipsius formalis primarius inuoluens ipsam nec formam. Ergo cum determinatio actus liberi ad essendum, & ten-

den.



dendum cum subiectione ad regulas morum sit effectus quasi formalis, & primarius praedicti Modi moralitatis (vt ex prima Conclusi: patet), ipse erit constitutum esse moralis formaliter talis, in actu libero inueni.

*Argumenta in Contrarium soluantur.*

**P**rimum Argumentum in fauorem sententiae Vazquez, & Suarez. Primò: Esse morale oritur, & dependet à ratione, sine qua non daretur. Ergo est ens rationis. Secundò, Moralitas in obiectis non est aliquid intrinsecum, sed vel extrinseca denominatio, vel ens rationis. Ergo etiam moralitas formalis in actibus inuenta non erit aliquis modus intrinsecus; alias non proportionaretur obiectis, inter quæ, & actus debet esse proportio. Tertiò. Variatur actus in esse moris, transendo de bono in malum absq; eo quòd intrinsecè mutetur, vt si quis vescens carnibus tempore non prohibito, vescatur, & continet etiam tempore prohibito. Ergo apparet, quòd moralitas nò sit quid intrinsecum.

Resp. ad primum negando Conseq; Nam etiam actus intellectus oritur à ratione, & omnino dependet ab illa, & tamen est ens reale. Ad secundum negatur similiter Conseq; Ad prob: inter obiectum, & actum debet esse proportio in esse rei; Negatur; in esse attingibilis, & attingentis;

Conceditur; & ita ex eo, quòd in esse rei obiectiue actus moralis non sit quid morale intrinsecè, non sequitur; quòd nec actus esse similiter possit: Ad tertium dissing. Anteced; variatur actus, absque eo, quòd intrinsecè mutetur in ordine physico; Conced: morali, Neg; quia ante prohibitionem in ordine morali habebat respectum intrinsecum ad obiectum rationi consonum, post illà habet similiter intrinsecum respectum, sed ad obiectum dissonum rationi, qui respectus intrinsecus in ordine morali mutat actum, ac proinde intrinsecè.

Secundum Argumentum in fauorem Authorum secundæ classis. Fundamentum præcipuum eorum, qui non distinguunt moralitatem à libertate, est, quòd posita sola libertate in actu, actus ille iam est regulabilis per legem. Sed moralitas, vt abstrahit à bonitate, & malitia, non videtur in alio consistere, quàm in dicta regulabilitate. Ergo de facto moralitas à libertate actus non distinguetur.

Resp. negando Minorem; Nam moralitas non consistit in capacitate actus ad regulari per legem, sicut esse artificiale in effectibus Artis non consistit in capacitate ad regulari per Artem: hoc enim ipsis per suam substantiam physicam competit: sed consistit in actuali subiectione ad legem, consequenter in actuali regulatione; si enim nulla extaret lex, non daretur moralitas, & tamen pro tunc, sicut capacitas ad

regulari per illam remaneret in actibus, sic & regulabilitas: apparet igitur, quod moralitas non possit consistere in dicta regulabilitate.

Fundamentum verò eorum, qui moralitatem dicunt consistere in relatione prædicamentali, est, quia moralitas actus consistit in habitudine eiusdem, vel ad obiectum, vel ad rationem, tanquam ad mensuram. Sed habitudo mensurabilis ad mensuram est relatio prædicamentalis, Ergo &c.

Resp: Moralitas consistit in habitudine actus transcendentali: Conceditur, prædicamentali; Negatur: quia antequam hæc adueniat fundata in transcendentali, iam actus concipitur cum subiectione actuali ad regulas morum, proinde moralis.

Tertium Argumentum contra primam Concl: Si moralitas formalis esset affectio modificatiua tantum actus liberi, hoc omni moralitati, tam bonæ, quam malæ, competere deberet. Sed moralitati malæ nequit competere. Ergo moralitas non erit affectio &c. Maior constat: nam moralitas, ut sic, habet rationem superioris vniuoci, ut docent nost: Salmant: Tom. 3. Tract: 1. disp. 3. n. 9. & 12. ex S. Tho: quidquid autem competit rationi superiori vniuocæ, competit omni contento sub illa. Ergo &c. Minor prob. Omissio peccaminosa est etiam moralitas mala. Sed huic non competit esse affectionem modificatiuam actus. Ergo &c. Maior pater: Minor probatur: Affectio

modificatiua actus, sicut & quilibet modus, est eadem realiter entitas cum re modificata, ut supra quæst. 2. huius disp: ostensum est. Sed omissio peccaminosa actus non potest esse realiter identificata cum actui, cum sit priuatio, & non ens, quod cum ente nequit identificari. Ergo &c.

Resp. negando Minorem. Ad prob: omissio peccaminosa est moralitas mala priuatiua; Conceditur: positiua, Negatur. Deinde concessa Minori, distinguitur Consequens; Moralitati malæ nequit competere esse affectionem &c. priuatiuam, Conced: positiuam, Neg. Pro cuius intelligentia notandum est, Moralitatem malam, aliā esse priuatiuā, aliā positiuā. Positiua consistit in intrinseca habitudine actus ad obiectum, dissonum rationi, quam consequitur priuatio rectitudinis debite in se actui. Priuatiua consistit in carentia actus debiti, & præcepti. Positiua igitur, sicut consistit in intrinseca habitudine actus prout & moralitas bona ita erit affectio adiacens ipsi, eiusdem modificatiua: Priuatiua verò, cum non afficiat vllum actum, qui est capax moralitatis formalis, sed potius locum occupet illius, ut potest carentia, non quidem rectitudinis actui debite, sed totius entitatis actus debiti, & præcepti, non poterit habere rationem affectionis, sed puræ priuationis moralis. Verum

Instabis, Moralitas etiam priuatiua pertinet ad ordinem morali:

talitatis formalis; aliàs non esset imputabilis, & demeritoria, sicuti est, secundum omnes. Ergo vel debet esse affectio, sicut & aliæ moraliter, v. g. moralitas mala positiva; vel si non est, non erit de ratione omnis moralitatis formalis esse affectionem adiacentem.

Resp. disting. Conseq; Non erit de ratione omnis moralitatis formalis ad hunc ordinem directè pertinentis; Neg. indirectè, & reductiue tantum spectantis; Conceditur; & quia moralitas mala priuatiua tantum reductiue pertinet ad ordinem moralem, sicut etiam priuationes reducuntur ad formas, quarum sunt priuationes, ab eisque quasi specificantur, & mensurantur, hinc est, quòd non sit necesse, illam esse affectionem. Explicatur hoc exemplo ordinis entitatiui, ad quem id, quod habet rationem entis, directè pertinet; carentia autem, aut priuatio non pertinet directè (cū nō sint entia) attamen reducitur, tanquàm oppositum ipsius, à quo quasi mensuratur, & tantitatem sui non esse accipit, vt patet in priuationibus, quæ specificantur, aut quasi specificantur à formis, quibus priuant, & idem sibi cum illis determinant subiectum: Vnde etiam S. Tho. quæst. 21. de verit. art. 4: ad 4. ipsam priuationem, ob istam reductionem, vocat ens, dū inquit, *Aliquid dicitur ens, quia est dispositio subsistentis, vt qualitas; aliquid, quia est priuatio dispositionis subsistentis, ut cæcitas.* Sicut igitur intra ordinem entitatiuum includuntur entia realia, & opposita

ipsorum, quæ sunt carentiæ reales, & priuationes, cum hac tantum differentia, quòd entia realia directè, carentiæ verò, & priuationes, non nisi reductiue: sic intra ordinem moralem formaliter inuenietur & moralitas formalis realis positiva, & priuatiua, illa tamen directè, hæc reductiue, tanquàm priuatio actus moraliter boni à voluntate ponendi, & non positi.

Quantum Argumentum contra eandem primam Concl: vbi dicitur Modum moralem tribuere determinationem, &c. Determinationem essendi cum subiectione ad regulas morū accipit actus ab ipsismet regulis. Ergo Modus moralis non erit affectio tribuens determinationem actui &c. Conseq; patet. Anteced: probat: Actus accipit determinationem ad essendum cum subiectione ab eo, quod sibi subiecit illum, vt patet ex terminis. Sed regulæ morum subijciunt sibi actum humanum, cū illæ de ipso disponant. Ergo &c.

Resp. disting. anteced: Determinationem essendi &c. accipit ab ipsis regulis actiuam, & extrinsecam: conceditur; passiuam, & intrinsecam; negatur: in Conclus: autem sermo est de determinatione intrinseca. Explicatur solutio. Duplex est determinatio in actibus ad essendum cum subiectione ad regulas: *Extrinseca*: & hæc prouenit à lege, quæ non est in actu regulato per illam, sed in legislatore; disponit tamen de illo, tanquàm mensura quædā

perfectum, & perfectum non est, nisi sit ens in actu, prout docet idem S. Doct. loco modo cit: At verò quod est conueniens secundum modo, cum non dicat directè conuenientiam ad appetitum, non affert necessariò hoc, quod est, esse perfectum, ac proinde perfectum, & ens in actu, sed sufficit, quòd sit aliquid entis, ut modus, cum etiam hic possit habere conuenientiam ad aliquid, quod non est appetitus, sed mensura, vel regula, licet etiam ad appetitum dicat ex consequenti conuenientiam quādam, ex eo scilicet, quòd sit conueniens rei conuenienti appetitui. Et quia bonitas moralis per se primò non importat conuenientiam, nisi ad regulas morum, ex consequenti verò tantum ad Voluntatem, in quantum, posita hac conuenientia, conueniens est, & bonum Voluntati tendere in suum obiectum, ipsa etiam regula, & mensura morum tribuens ei determinationem ad suum finem est ei satis conueniens, & appetibilis, hinc est, quòd bonitas moralis non debeat consequi entitatem in actu, & asserre perfectionem, qualem affert bonitas physica, sed potest consequi, & asserre modum entitatis tantum. Sed

Dices. Esse actum conformem regulis morum, est per se, & directè appetibile à Voluntate, cum sit laudabilis, ac per consequens erit directè conueniens appetitui. Ergo etiam bonitas moralis consistens in conformitate actus ad regulas morum erit directè con-

ueniens Voluntati.

Resp. negan. Consequ. quia: esse actum conformem regulis morum, secundum quòd est quid appetibile, importat rationem obiectiuam, quæ appetitur. At verò bonitas moralis, quæ in formali moralitate inuenitur, non importat rationem obiectiuam, sed potiùs rationem tendentiæ in rationem obiectiuam, cum importet actum, secundum subiectionem eiusdem conuenientem regulis morum, de cuius ratione, *ut talis*, potiùs est ratio tendentiæ, quàm ratio obiectiua: hinc est, quòd bonitas moralis non possit habere rationem appetibilis directè. Quòd si appetatur, ut transiens in rationem obiecti, tunc appetitur quidem directè, sed in ratione obiecti physici, non autè moralis; quia morale est, quia moralitas obiectiua, *ut talis*, non spectat ad lineam appetibilis, sed ad lineam mensuræ passiuæ determinantis, & subiicientis legi, quod volendum est, prout doctrinè offendunt nost. Salmat. Tomo 3, Tract. 11. disput. 1. num. 4. & sequenti.

Ad Confirmat. resp. negando Anteced. & probationis eiusdem similiter negandum est Anteced. Nam actus morales respiciunt per se primò Moralitatem obiectiuam ad essendum, uti superius dictum est; iam verò habitus, non ad essendum, sed ad causandum tantum: quod potest colligi, tantum à posteriori, ex proprietatibus moralitatis formalis: nam quia actus morales sunt à natura

Vuuu or:

ordinati ad esse morales, omnes etiam proprietates formalis moralitatis ipsius competunt, uti sunt esse laudabiles, vel vituperabiles, meritorios aut demeritorios: quæ quidem proprietates non competunt habitibus, quibus nec meremur, nec demeremur, ut docent communiter Theologi; consequens igitur est, quod nec essentia moralitatis formalis eisdem competat, ac proinde non sint instituti à natura ad essendum morales, sed tantum ad causandum actus formaliter morales.

### Q V A E S T I O V.

*In quonam consistat Modus  
Ordinis Artificialis,  
& qualiter se ha-  
beat ad rem mo-  
dificatam.*

**S**upponendum primo, quod si-  
cut ordo naturæ in creatis, at-  
tribuitur penes habitudinem ad  
Authorem naturæ, & exemplar,  
ad cuius similitudinem totum  
suum esse accipiunt creaturæ,  
quod est *Idea* in mente creatoris  
existens: sic ordo artificialis in  
sua linea necessario respicit pro-  
prium Authorem, qui est Artifex,  
& formam, secundum quam di-  
rectus, in esse, ponit artificem.  
Quia verò forma directiva de-  
terminatiue in operando, respec-  
tu Artificis est Ars, & directiva  
obediens est exemplar, seu *Idea*  
ad cuius similitudinem producit

artefactum, inde fit, quod (ad ple-  
norem notitiam ordinis artifi-  
cialis) ista tria, quonam modo se  
habeant in hoc ordine, discuti de-  
beant, Ars scilicet, quæ est in ar-  
tifice, *idea*, ad quam respiciens  
operatur, & ipsummet opus ex-  
terius artefactum. Pro quo

Supponendum secundum, quan-  
tum ad *Artem* attinet, eam S.  
Thom. 1. 2. qu. 57. art. 3. sic defi-  
nit. *Ars nihil aliud est, quam ra-  
tio recta aliquorum operum fa-  
ciendorum*; & ideo illam virtuti-  
bus intellectualibus annumerat,  
de quorum ratione est semper in-  
fallibiliter attingere verum: Ve-  
rum autem attingendum ab Arte  
(cum sit habitus practicus, ut idē  
S. Doct. docet) debet esse verum,  
ut ita dicam, practicum, quod nō  
consistit in conformitate ad res  
intellectas, uti est verum specula-  
tium; sed potius in adæquatione  
rerum, seu actionum, ex se con-  
sistentium ad formam, seu regu-  
lam infallibilem in intellectu pra-  
ctico existentem, per quam ipsæ  
in eas influunt ex intentione artis,  
prout notat Salmat. Tomo 3. in  
quæst. 57. art. 3. num. 4. iniquant.  
Et sic Ars erit virtus quadam  
intellectualis ita determinans in-  
tellectum practicum, ut operatio-  
nes exteriores dirigat conformi-  
ter ad ideam in ipso existentem,  
in ordine ad producendum arte-  
factum exterius conforme, ac si-  
mile *ideæ* artificis, tanquam pro-  
pria regulæ, & mensuræ: Pra-  
factum autem Verum practicum  
alii aliter videntur explicare, di-  
centes, illud consistere in confor-

mi-

mitate actionis, per intellectum directam, ad appetitum rectum; appetitus vero rectus ille dicitur, qui est conformis regulæ intellectus practici, in ordine ad attingendum ultimum sibi correspondentem finem: sicut etiam regula in intellectu practico dirigens actiones immanentes, vel etiam transcurrentes, ut itane reduplicativè sub illis, est Lex æterna, secundum quod participatur à nobis per lumen syndereseos: dirigens vero actiones transcurrentes secundum se, est Idea, seu exemplar existens in mente artificis, secundum quod cadit sub intentione ipsius. Cæterum explicatio hæc Veri practici coincidit cum præcedenti; nam Veritatem practicam consistere in conformitate actionis, directæ per intellectum, ad appetitum rectum, idem est, ac dicere, eandem consistere in adæquatione ad regulam infallibilem in intellectu practico existentem: quadoquidem ista regula est, quæ rectificat appetitum, & in suum ultimum dirigit finem; unde in tantum appetitui, ut recto, erit conformis operatio, in quantum adæquabitur cum regula in intellectu practico existente, appetitus in suum ultimum finem directiva: quia tamen praxis, & operatio est magis propria appetitui, quam intellectui, qui non est, nisi extensione, practicus, hinc fit, quod magis propriè dicatur veritas practica, secundum quod talis, consistere in conformitate operationis ad appetitum rectum, quam in adæquatione ad formam in

intellectu practico existentem. Supponendum tertio, quantum ad Ideam attinet, hanc S. Augustinum lib. 12. de Civitate Dei cap. 23. sic definire: *Est forma, quam aliquid imitatur ex intentione agentis determinantis sibi finem.* Doctor autem Angelicus 1. p. q. 15. a. 1. in C. dicit, *per ideas intelligi formas aliarum rerum, præter ipsas res, existentes: Formæ autem, præter res, existens est conceptus quidam formalis, qui in creatis species expressa, vel verbum mentis dicitur; non enim dantur ideas Platonicæ à rebus separatæ, & sic extra intellectum existentes: Iam vero duplex in prædicto conceptu formalis officium, seu formalitas distinguere solet; una respectu intellectus; secundum quam reddit ipsam cognoscentem, tanquam terminus cognitionis; altera respectu obiecti, & sic reddit illud immaterializatum, & intellectum in actu. Primo modo conceptus formalis non habet rationem ideæ, cum non sit forma, ut imitabilis, sed ut constituens in actu secundo cognoscentem. Secundo vero modo est ipsum exemplar, seu idea, quæ est forma intra intellectum, tanquam res intellecta, & imitabilis. Cæterum causalitas huius; (ex qua eiusdem natura melius innoscitur) quamvis possit reduci ad efficientem, cum agentem per intellectum determinet ad productionem effectus intenti, & ita causalitas efficientis sit etiam ipsius quodammodo: immò etiam ad causalitatem finalem non immerito reducatur; ideam siquidè*

Vuuu a idea

ideatum respicit, tanquàm sui perfectiū, & per convenientiā ad illam perficitur (quæ rationem Causæ, & causalitatis finalis important, quia perfectio alicuius est eius finis :) attamen hæc causalitas non ita propriè ipsi competit, nec in omni rigore; finis siquidem causalitate sua mouet ad sui assecutionem, vt exiit individualiter in re extra intellectum ab idea ad sui imitationem, vt quid immateriale in intellectu exiit. Maximè igitur propria causalitas ideæ est causalitas formalis competens causæ formali extrinsecæ; quæ quidem causalitas, supposito, quod forma extrinseca non communicet seipsam, immediatè per coniunctionem sui, debet esse identificata cum actione, seu causalitate efficientis, eo quod non operatur sine arte, efficiente, & dirigente; sed tamen in illa operatione artis, & datur processus efficientiæ, per quam res extrahitur de non esse ad esse à principio artis, & datur imitatio passiva, & specificabilis à forma ideati, per quam talis forma regulatur; atque sub hac ratione, dicit causalitatem extrinsecam, quatenus per imitationem dat speciem: species autem à causa formali communicatur.

Supponendum quartò, quod quantum ad Artificiū opus atinet, in hoc, tria considerari possunt, materia scilicet, forma, & illud, quod resplendet in tali forma, vt quid correspondens arti. Materia pertinet ad ordinē entitatum, & physicum, cum sit cor-

pus aliquod physicum ad extrinsecum existens. Forma est talis, vel talis figura, ex directione artis, prædicto corpori superinducta: quæ si consideretur quoad entitatem suam, est quædam qualitas ex intrinsecis principiis naturæ procedens; si tamen consideretur secundum habitudinem ad artem, ex cuius directione posita est in rerum natura, erit quid artificiale: & ita figura illa entitatiuè est quid naturale, ordinatiuè tamen est quid artificiale, quatenus à directione artis fit; tota proinde denominatio artificialis in dicta figura desinitur à modo, quo fit, & producitur, ex ipsa scilicet ordinatione artis. Pro istorum meliori notitia.

Supponendum quintò, totum processum ordinis artificialis sic perfici. In primis Intellectus practicus determinatur per artem, tanquàm virtutem sibi superaditam, vt conformiter ad ideam præconceptam alicuius operis ad extra producendi dirigat operationes exteriores, actusque ipsius voluntatis mouentes ad executionem: Idea deinde ex parte sua tribuit determinationem obiectiuam, vna cum arte influendo in actiones operis productiuas, proximè tamen per modum formæ extrinsecæ, iuxta supradicta: Quibus sic se habentibus, potentia executiua ex imperio Intellectus, & motione Voluntatis ponit effectum ad extra conformem ideæ præconceptæ, v.g. statuiam, in qua tota substantia, & accidentia secundum se pertinent ad ordinē.

entitativum, compositio verò, vel ordo, aut etiam figura, quæ inveniuntur in tali artefacto, cum dicant habitudinem ad artem dirigentem, & ad ideam, ut ad formam extrinsecè formantem, spectant ad ordinem artificialem, sicq; possunt dici formæ ordinis artificialis. Quæritur igitur in presenti, in quoniam ex recensitis consistat modus ordinis artificialis, & qualiter se habeat ad rem modificatam per illum. Pro resolutione

Dicendum est primò, Modum ordinis artificialis esse affectionem quandam artefacti, tribuentem ordinem dispositivum figuræ, in artefacto resultantem: ex ordinatione artis, & concursu instrumentorum eius. Descriptio hæc fundatur in doctrina S. Thomæ ex Opusc. 34. desumpta; ubi de virtutibus artificiatorum, & formæ constitutiva ipsorum, quam possunt consequi tales virtutes, disserens, sic inquit: *Cum forma artificialium nihil aliud sit, quam ordo, compositio, & figura, ex quibus prodire non possunt tales ( hoc est indicæ ) Virtutes.* Vbi, ut patet, S. Thomæ rationem formalem artificialium reducit in ordinem, compositionem, & figuram, quod in illis verbis allatæ descriptionis (*tribuentem ordinem dispositivum figuræ*) sufficienter innuitur.

Deinde ostenditur bonitas allatæ descriptionis. Illa est optima descriptio determinati alicuius modi, quæ assert id, in quo talis modus cum alijs convenit, & explicat effectum ipsius formalem,

aut quasi formalem ipsi proprium, per quem ab alijs discernitur. Sed allata descriptio modi ordinis artificialis est huiusmodi. Ergo erit bona. Maior patet: Descriptio siquidem, aut descriptio alicuius, afferens id, quod est commune definito cum alijs, & illud, in quo differt ab alijs, iuxta leges definitionis, est optima. Minor autem declaratur. In primis per ly *affectio*, modus hic convenit cum alijs modis, tam ordinis entitativi, quam representativi, prout ex ipsorum descriptionibus patet.

Per ly *tribuentem ordinem dispositivum figuræ, &c.* innuitur effectus formalis, aut quasi formalis huiusmodi, ipsi tantum proprius; nullus quandoquidem ex modis hunc effectum præstat, ut per singulos discurrenti exactius facile constabit. Ergo allata descriptio assert id, in quo modus ordinis artificialis convenit cum alijs, & explicat effectum quasi formalem proprium ipsi, per quem differt à cæteris modis.

Explicantur tandem singulæ particulæ descriptionis. Primo loco ponitur ly *Affectio* per modum rationis superioris, cum hæc ratio sit communis cuicunque modo in quocunque ordine inuento. Deinde ponitur *artefacti*, ut denotaretur res modificata ut *Quod*; nam sicut *esse*, ut *Quod* non competit, nisi ipsimet artefacto adæquatè sumpto, sic & *esse* rem modificatam, ut *Quod* modi ordinis artificialis tantum convenit ipsimet artefacto. Per ly *tribuentem ordinem dispositivum figuræ*, explicatur;



catur, ut dictum est, effectus quasi formalis ipsius modi. Pro cuius clariori intelligentia.

Notandum est, quod Ordo est duplex: Alius est, qui consistit in habitudine, & respicitur unus ad aliud, siue ille respectus sit transcendentalis (qualis est in potentijs ad obiecta ipsarum,) siue prædicamentalis. Alius verò est, quem dispositio ponit in rebus disponendis. De quo S. Thom. 1. 2. q. 49. art. 1. ad 3. *Dispositio semper importat ordinem alicuius habentis partes*, & 1. p. q. 22. art. 1. C. *Dispositio autem potest dici tam ratio ordinis rerum in finem, quam ratio ordinis partium in toto*. Illa igitur particula restrictiua, scilicet: *ordinem dispositiuum*, posita est notanter in hac descriptione, ut innueretur, non de quocunque ordine hic sermonem esse, sed de ordine, quem, ut dicit S. Doctor, dispositio importat; proinde de ordine dispositiuo partium habentis partes. Vnde cum in artefacto inueniatur partes ratione quantitatis, quæ est in illo, modus artificialis ordinis, ex directione artis resultans in artefacto, modificando figuram, ponit dispositiuum ordinem in partibus eius, ac per hoc explicat effectum suum, aut quasi effectum formalem. Tandem per ly *ex ordinatione artis*, & *concurso instrumentorum eius*, innuitur principium, & causa modi artificialis, ut cognita causa, ipsamet natura talis modi clariùs innoscat.

Dicendum secundò Modus artificialis ad rem modificatam,

scilicet artefactum consideratum, ut *Quod*, habet se, ut modificatiuū mediatum: ad illud autem consideratum, ut *Quo*, habet se, ut immediate modificans. Antequam probetur Conclusio. Explicatur. In Artefacto, aliquo, v.g. statua, duo possunt considerari, ipsummet scilicet corpus, seu substantia statutz; & deinde figura ex directione artis tali substantiæ superinducta. Substantia igitur statutz, & corpus, cum habeat esse, ut *Quod*, etiã esse rem modificatã, ut *Quod*, eidem competet: At verò ipsa figura statutz, vtpotè ratio, quare substantia statutz sit artefactum, ut *Quod*, non potest non esse, ut *Quo* artefactum, sicut quia albedo est ratio, quare subiectum est album, ut *Quod*, non potest esse alba, nisi ut *Quo*. Hæc ergo explicatione præmissa.

Probat. Illud immediate afficit, & modificat modus artificialis, quod est res per illum modificabilis, immediate coniuncta cum ordine artificiali: illud verò mediatè, quod mediatè tantum coniungitur cum ordine artificiali. Sed figura artefacti est res modificabilis per modum artificialem, immediate coniuncta ordini artificiali: Corpus verò artefactum tantum mediatè. Ergo artefactum, ut *Quod*, scilicet corpus, tantum mediatè modificabitur; artefactum verò, ut *Quo*, scilicet figura corporis artefacti, immediate. Maior ostenditur; quia cum modus artificialis non nisi intra ordinem artificialem inueniatur, sicut entitatus intra ordinem

rem entitativum, secundum hoc modificabit rem modificandam, secundum quod illa coniungetur cum ordine artificiali. Ergo illam immediatè, quæ coniungitur immediatè, mediatè verò, coniungam mediatè. Minor quoad primam partem (scilicet: quod figura sit res modificabilis per modum artificialem, &c: et in primis, quod sit res) patet ex eo, quod est vera species qualitatis, siquæ quid completam in sua linea directè ponibile in prædicamento Qualitatis, in qua directè nil ponitur, nisi sit res completa. Quod verò sit modificabilis per modum artificialem, facile etiam deducitur, quia ad diversitatem modi artis in artefactis diversæ ponuntur figure. Ergo apparet, quod per illum sit modificabilis figura. Tandem, quod figura sit immediatè coniuncta ordini artificiali, docet S. Th. 1. 2. 2. q. 96. art. 2. ad 2. tunc 7. Physic. lect. 5. C. fin. ubi sic inquit: *Quia ars est imitatrix naturæ, & artificiatum, est quedam rei naturalis imago, forme artificiatum sine figure, vel aliquid propinquum.* Tribuit ergo figure, vel ipsam rationem forme artificialis, vel saltem propinquitatem ad illam, siquæ ad ordinem artificialem. Quomodo autem intelligendus sit S. Doctor, qui tribuit figure rationem forme artificialis, ex infra dicendis satis patebit.

Quoad secundam verò partem eiusdem minoris, (quod scilicet: corpus artefactum mediatè tantum unietur ordini artificiali) facile

ostenditur; cum corpus non accedat ad esse artificiatum, nisi mediante quantitate, & figura, quæ est terminatio eius, ut omnes admittunt. Ergo tantum mediatè unietur ordini artificiali.

*Argumentis in contrarium satisfit.*

**P**rimum Argumentum contra primam Conclus. Tribuere ordinem dispositivum est effectus formalis proprius qualitatis, quæ est res, & entitas. Ergo non potest esse effectus formalis, vel quasi formalis modi. Antecedens patet: quia qualitas est quedam dispositio substantiæ, ut docet S. Thom. 1. p. q. 28. ar. 2. dispositio autem iuxta Aristotelem 5. Metaph. textu 24. *est ordo habentis partes*; & ita sicut communicatio qualitatis subiecto est effectus formalis ipsius, sic etiam communicatio ordinis dispositivi, in quo, ex Aristotele, consistit dispositio, quæ est qualitas, erit effectus formalis ipsius qualitatis. Conseq. verò probatur; quia effectus formalis proprius rei, & entitatis non potest esse effectus modi; effectus siquidem formalis forme est ipsamet forma; ut communicata. Ergo cum tribuere ordinem dispositivum sit effectus formalis proprius qualitatis, quæ est entitas, non potest esse effectus formalis modi.

Resp. disting. Anteced. Tribuere ordinem dispositivum absolute sumptum est effectus qualitatis,

litis, quæ est entitas; conceditur, ordinem dispositivum, ut modificatum; negatur, & eodem modo distinguitur consequens. Explicatur solutio. Dispositivum ordinem ponere absolute in aliquo habente partes, est absolute illas à confusione extrahere, & ad distinctionem, ordinatamque inter se coaptationem reducere. At verò ponere ordinem modificatum in ipsis partibus, est coaptare easdem inter se, iuxta naturam, & exigentiam modi illas efficientis: sic igitur in *Quanto* artificiato figura, quæ est qualitas, extrahit quidem, absolute loquendo, è confusione partes quantitates, diversimode illas terminandos; & hic est proprius effectus ipsius: coaptationem tamen illam, quam exigit artis operatio inter ipsis, & ordinem non ponit, nisi, ut est affecta modo ex concursu instrumentorum artis, & directione eiusdem, in ipsa resultante, qui est modus artis; ac proinde ille ordo, & dispositio sic modificata sunt effectus quasi formales ipsius modi artificialis.

Secundum Argumentum. Figura est ipsemet modus artis in artefacto, seu forma artis. Ergo non potest dici ( ut est in definitione ) quod modus artis tribuat ordinem dispositivum figuræ, &c. Anteced. est D. Thomæ 2. 2. q. 96. ar. 2. ad 2. *Formæ artificialium, nihil aliud sunt, quam compositio, ordo, & figuræ, ut dicitur in 1. Phys.* Ergo &c. Consequ. verò prior ostenditur. Modus artis, sicut, & quæcunque forma, non tribuit sibi ip-

si effectum suum formalem, sed alteri à se, ut patet inductive per omnia discurrendo. Ergo si figura est ipsemet modus artis, effectus formalis modi artificialis, qui est tribuere ordinem dispositivum, non poterit tribui figuræ.

Resp. negando anteced. Ad probationem autem explicatur auctoritas S. Thomæ, dicendo, Doctorem S. loqui de forma artis realiter, & entitative considerata, non autem de illa formalissime sumpta. Nam in artificiato, vel artefacto, si sermo sit de forma entitative considerata, non invenitur alia, præter figuram, cum sua certa compositione, & ordine, ut innuit idem S. Doctor; si tamen de illa loquamur rigorose, nimirum secundum suam formalissimam rationem, non erit præcisè figura quoad entitatem, sed secundum habitudinem dependentiæ ipsius à principio artis, quod modum quandam importat: unde sit homo v.g. figuræ talis, qualis est statua ipsius ab artifice facta, utriusque figura erit eiusdem speciei, cum sint omnino similes, ut suppono, & tamen in homine non est forma artis, sed naturæ, bene autem in statua. Apparet igitur, quod figura non ex sua entitate, & ab intrinseco habeat esse formam artis ( aliàs ubique hoc haberet ) sed ratione alicuius modi ipsi superadditi. Et quod sit hæc mens S. Doctoris, patet ex alio loco, 7. lect. Phytic. lect. 5. ubi sic inquit: *Et quia ars est imitatio naturæ, & artificiatum est quadam rei naturalis imago, for-*

*ma artificialium sunt figure, vel aliquid propinquum.* Ecce quomodo restrictam addit particulam, *vel aliquid propinquum*, ut insinuet, non figuram præcisè secundum se, sed secundum illud, quod est ei propinquum, (uti est modus artis) esse formam artificialium, seu artefactorum.

Tertium Argumentum contra ultimas definitionis particulas. Si ex concursu instrumentorum Artis modus artificialis resularet in artefacto, Ars ad ponendum illum in esse, effectivè deberet concurrere. Sed non potest taliter concurrere. Ergo neq; instrumenta artis, &c. Maior constat: nã Instrumenta nõ concurrunt ad productionem effectus, nisi moveantur à causa sua principali, cum subordinentur ei effectivè, idest in genere causæ efficientis. Ergo si ex concursu instrumentorum artis, &c. Minor prob: Intellectus, etiã ut determinatus per artem, non potest effectivè ita concurrere ad esse modi artificialis in artefacto, ut illud attingat. Ergo multò minus Ars. Consequ. patet: Nãm Ars, sicut & omnis habitus operatius, ad potentiam, in qua est, habet se, sicut ratio agendi ad agens: potentia verò, ut agens: agens autem cum sua ratione, agendi plùs potest in ordine effectivo, quàm sola ratio agendi. Ergo si intellectus, qui se habet, ut potentia agens, vel operans, etiã ut determinatus per artem, tanquàm per rationem agendi, non potest effectivè ita concurrere &c., à fortiori non poterit Ars.

Antecedens verò primum probatur: quia intellectus, etiã, ut determinatus per artem, efficit solum per actus immanentes. Sed per hos non potest produci modus artificialis; cum hic sit extrinsece in artefacto, actus autem immanens in intellectu: iam verò actio, quæ non est coniuncta cum effectu, non est causativa ipsius. Ergo intellectus etiã, ut determinatus per artem, &c.

Nec valet si dicas, actus illos, licet formaliter immanentes sint, nihilominus virtualiter esse transseunt; & ratione huius virtualis transitus ad extrà, posse coniungi cum effectu ad extra causando. Non inquam valet: nãm illa actio immanens formaliter vel ideo dicitur virtualiter transiens, quia per illam exit aliqua virtus ab intellectu; & transit ad extra in artefactum, vel ideo, quia habet virtutem, aut efficaciam, movendi potentiam executivam, mediante qua effectus ponatur ad extra. Non primum, aliàs naturaliter accidens migraret de subiecto in subiectum, quod est contra bonam Philosophiam. Nec secundum; quia potentia executiva, aut est ipsa voluntas, & intellectus; & sic non potest moveri ab intellectu, & voluntate, aliàs idem esset movens, & motum: aut est aliqua facultas in membris exterioribus existens; & hæc ab intellectu moveri non potest; cum hæc motio sit accidens quoddam spirituale, utpotè exiens à potentia spirituali; talis autem potentia non posset non esse corporca:

X x x ac:

accidēs verò spirituale nequit recipi in subiecto corporeo, aut materiali: maxime cum in præfenti non possit recurri ad accidēs spirituale per modum fluentis, & viæ ad suum terminum; etenim, terminus, propter quē, tanquā finem, feret ista motio, est quid materiale, modus scilicet artefacti, quod est quid corporeum, & materiale: vnde illa motio, ratione istius termini, aut commensurationis cum ipso, non posset habere spiritualitatem per modum fluentis, sed si ipsam haberet, deberet habere potius per modum permanentis.

Resp. admittendo solutionem inter arguendum datam: Ad cuius improbationem eligenda est altera pars dilemmatis. Quia tamen hæc responsio tangit difficultatem, quæ est inter Authores circa potentiam executivam; dādo locum probabilitati utriusque sententiæ, & primò quidem in sententia illorum, qui tenent, potētiā executivā esse distinctam realiter ab intellectu, & voluntate, facilius respondetur negando assumptum argumenti, ad cuius probationem ex infra dicendis patebit. In sententia verò illorum, qui docent, potentiam executivā esse ipsummet intellectum, & voluntatem, responderetur, adhuc in tali hypothēsi non fore idem mouens, & motum: Ad cuius euidētiā

Notandum est, Intellectum, & Voluntatem esse duas potentias se inuicem mouentes: Intellectus mouet voluntatem, quoad speci-

ficationem proponendo ei obiectum: Voluntas verò mouet intellectum quoad exercitium; per istam motionem mutuam, imprimit vna potentia istarum alteri, quod sibi proprium est: sic Intellectus imprimit voluntati, quod ipsi ut tali competit, ordinare, scilicet, & vnum cum alio conferre: Voluntas similiter, cuius proprium est mouere ad executionē, & exercitium alias potentias imprimit intellectui efficaciam mouendi; quā intellectus exercet per actum imperij, per quem & ipsam voluntatem, & alias potentias ad vsum, & executionem mouet. Desumitur hæc doctrina ex S. Thoma q. 22. de veritat. 13. ubi sic ait. *Ratio, & voluntas sunt quedam potētiæ ad inuicem ordinatæ. Vnde voluntas potest habere duplicem actum, unum, qui competit ei secundum suam naturam, in quā tendit in proprium obiectum absolute; & hic actus attribuitur voluntati simpliciter, ut velle, & amare, quamvis ad hunc actum præsupponatur actus rationis, à quo proponitur obiectum. Alium verò actum habet, qui competit ei, secundum id, quod ex impressione rationis relinquitur in voluntate; cum enim proprium rationis sit ordinare, & conferre, quandoque in actum voluntatis apparet aliqua collatio, vel ordinatio: talis actus erit voluntatis, non absolute, sed ut mota, & directā a ratione.* Hæc S. Doctor. De motione autem intellectus à voluntate ex eius speciali impressione operantis idem S. Doctor q. 17. art. 1. hæc habet

Con.

Considerandum est, quod quia actus voluntatis, & rationis supra se inuicem possunt ferri, prout scilicet ratio ratiocinatur de uolendo, & uoluntas uult ratiocinari, supra se inuicem possunt ferri &c. (& infra.) Ratio potest aliquid intimare, uel denunciare dupliciter: Vno modo absolute, quæ quidem intimatio exprimitur per uerbū indicatiui modi; sicut si aliquis dicat: Hoc est tibi faciendum. Aliquando autem ratio intimat aliquid alicui, mouendo ipsum ad hoc; & talis intimatio exprimitur per uerbum imperatiui modi, puta, cum alicui dicitur: Fac hoc. Primum autem mouens in uiribus animæ ad exercitium actus est uoluntas: Cùm ergo secundum mouens non moueat, nisi in uirtute primi mouentis, sequitur, quod hoc ipsum, quod ratio mouet imperando, sit ei ex uirtute uoluntatis. Quod autem superiores potentiz, & vires moueant inferiores, docet S. Doct. in 3. dist. 27. q. 2. ar. 4. q. 3: ad 5. & de uerit: quæst. 14. ar. 5. ad 4. Ex quibus habetur, intellectum, & uoluntatem se inuicem mouere, sicut & alias inferiores vires ad executionem, & exercitium actus. Hac igitur doctrina præsupposita.

Resp. quod etiam si potentia executiua non sit distincta ab intellectu, & uoluntate, non tamen sequitur, idem debere esse mouens, & motum: sed in ordine executionis, tanquam primum mouens; Voluntas primò mouet Intellectum per actum electionis ad actū imperij; ipse autem intellectus per dictum actum imperij effica-

citer mouet uoluntatem ad vsum actuum, quo applicet, & moueat potentias inferiores ad actum, & vsum passiuum executiuum vsum actiui; aut etiam illo eodem actu efficaciter velit motum membrorum exteriorū, per quæ, tanquam instrumenta coniuncta, moueantur postmodum instrumenta separata artis, ad producendum artefactum, ad quem actum efficacem uoluntatis subsequatur infallibiliter motus exteriorum membrorum, nō quidem, ut actio ad agens, sed ut effectus ad suam causam, prout præclare explicant N. Complut. in lib: de an: disp: 7. quæst: 2. num. 29. ubi docent, nō distingui potentiam executiuam à cognoscitiua, & appetitiua, ita tamen quod in membris exterioribus detur aliqua potentia executiua, passiuæ tamen, habilitans illa, & disponens ad obediendum imperio appetitus, & intellectus, prout docet S. Doct. continget: 2. cap. 82. & 1. par: quæst: 75. art: 3. ad 3. Sed

Instabis. Si intellectus mouet membra exteriora per impressionem alicuius in ipsis, tanquam instrumentis coniunctis, in ordine ad producendum artefactum, illud impressum deberet esse aliquod accidens spirituale permanente. Sed hoc dici non potest; cū accidens spirituale permanente in subiecto corporeo, ut sūt membra exteriora, nequeat subiectari. Ergo non poterunt moueri ab intellectu. Sequela probatur. In primis deberet esse accidens spirituale, nam intellectus est

potentia spiritualis. Ergo etiam impressio ab illo facta deberet esse aliquod accidens spirituale; alias non commensuraretur suo principio. Deinde, quod illud impressum ab intellectu, si semel fuerit accidens spirituale, deberet esse potius permanens, quam fluens, sic ostenditur. Tunc accidens spirituale, non ut permanens, sed ut quid fluens imprimatur, & recipitur in subiecto corporeo, quando habet rationem, viz ad terminum spiritualement, cum quo potius commensuratur, quam cum subiecto, prout docent nosti: Complurim Phys: disp: 12. n. 24. & 25. Sed in presenti hæc ratio non militat; nam terminus, ad quem tendit hæc spiritualis motio membrorum exteriorum, scilicet artefactum, est quid corporeum, & materiale, non verò spirituale. Ergo ex hac parte illud accidens non potest esse spirituale, & fluens, ac proinde si sit spirituale, debet esse, non fluens, sed permanens. Cæterum

Resp. ad istam instantiam duplici via. Primò negando Maiorem: Ad cuius probat: ubi dicitur, agens spirituale non producere, nisi aliquid, quod, sit etiam spirituale, quando operatur per actionem præcisè immanentem, Conceditur, quando operatur per actionem virtualiter transeuntem negatur; & hoc patet in Angelis, qui, quia dum localiter moventur, operantur transeuntem, possunt producere lucem, quæ est qualitas materialis. De quo videantur N. N. Salmat: Tomo 2. Tract: 7. disp:

2. num. 92. ita ergo similiter etiam intellectus artificis sit agens spirituale, quia tamen dum mouet instrumenta ad suum effectum artificiosum deferentia, operatur per actionem virtualiter transeuntem, poterit in illis imprimere aliquam motionem, quæ non sit omninò spiritualis, sicut & effectus, ad quæ ordinatur, & tendit.

Secundo potest resp. admissa Maiori, quoad spiritualitatem accidentis, negando, quoad permanentiam: Deinde probationis neganda est Minor: & quando dicitur, terminus istius motionis, scilicet artefactum, est quid materiale, & corporeum; disting. si adæquate consideretur; Conceditur; inadæquate, quoad ordinem scilicet ipsi à ratione impressu; subdistinguo; est quid materiale, si secundum se, & quoad propriam attendatur, Negatur; si aliunde, & qua materiazatum est, accipitur; Conceditur. Itaq; ordo artificiosus impressus ab intellectu artefacto exteriori dupliciter potest considerari: Vel secundum se, prout scilicet est quædam impressio rationis: & secundum hanc rationem non importat materialitatem, sicut & principium ipsius, à quo procedit, sed potius, quantum est ex se, præscindit ab ea. Vel etiam potest considerari, ut ille ordo est receptus in subiecto corporeo, cui imprimatur, sicque materializatur; & secundum hunc modum est quid materiale. Explicatur hoc exemplo sensibilibus exteriorum v. g. coloris, aut soni &c. Color, cum secundum suam enti-

*Entem sit quidam qualitas, nihil in se vitalitatis habens, est accidens eiusdem ordinis cum alijs non vitalibus; proinde valdè materiale, & inferioris rationis, maiorisq; materialitatis, quàm entia vitalia; attamen idem color, si consideretur vt participat intentionaliter virtutem substantiarum separatarum, quarum est proprium, vt immotæ moueant, eleuatur ad quendam gradum immaterialitatis correspondentem gradui immaterialitatis potentiarum vitalium sensitiuarum, ita vt illas, immotus, possit mouere sensibiliter, eisdem species intentionales, quæ quodammodo spirituales sunt, imprimendo. Proportionali modo, ordo ille rationis, impressus artefacto ab intellectu, erit quidem quid materiale, secundum quod est modus identificatus cū entitate materiali; nihilominus si in illo attendatur ipsamet impressio rationis, ab intellectu principio immateriali descendens, habebit quandam eleuationem supra materialitatem, sicq; spiritualitatem. Nec mirum, quod color, vel aliud materiale eleuetur ad altiorem ordinem, cum hoc in ipsa materia corporea appareat; dum enim est sub forma ordinis spiritualis (vt contingit in homine) eleuatur ad ordinem spiritualem animæ, exique extra limites quodammodo suæ materialitatis; de quo vide hic pagina 575.*

# DISPUTATIO

## OCTAVA.

*De Causis, & Proprietatibus Modorum.*

### QVAESTIO I.

*Vtrum Modi habeant aliquas causas.*

**S**upponendum est primò, *Causam ut sic à D. Tho. 2. Phys. lect. 10. definiri per hoc, quod sit illa, ad quam sequitur esse alterius.* In quo duæ conditiones indispensabile exprimentur: Vna ex parte causæ, & est influxus in effectum; altera ex parte effectus, & est dependentia physica ipsius à sua causa: ad quod requiritur *altereitas* in effectum, per definitionem expressa, hoc est, quod effectus sit realiter quid distinctum à sua causa, saltem quoad modum esse di; quandoquidem idem à seipso realiter nequit esse dependens. Quantum ad primam conditionem spectat, de hac non est difficultas, cum causa, in ratione talis, per influxum constituatur. Aliam similiter conditio tenens se ex parte effectus, scilicet dependentia, optime exprimitur per ly *sequitur* &c. Nam effectus non quomodocumq; sequitur ad esse causæ; (alias in Diuinis, cum esse Filij sequatur per originalem sequelam ad esse Patris, Filius Dei esset effectus Patris, quod est *Arianum*.)

*sed*



sed sequitur effectus ad esse causæ sequela physica, hoc est, dependē-  
tiam realem à sua causa impor-  
tante.

Supponendum secundò, qua-  
tuor esse genera Causarum, scili-  
cet Genus causæ *Materialis*, cuius  
causalitas consistit in concursu  
passivo, vel in recipiendo effectū.  
*Formalis*, cuius causalitas est  
actuare, vel informare. *Efficientis*  
mediante actione causantis: & *Fi-  
nalis*, cuius causalitas est eadem,  
quæ & efficientis, non tamen  
prout ab efficiente, sed ut à fine  
est. Inter enumerata autem gene-  
ra causarum *Efficiens* hoc habet  
speciale, quòd præcipuè tendat  
ad ponendum effectum in esse se-  
cundum existentiam. Tum quia  
primò, & principaliter respicit  
ordinem executionis, (qui est or-  
do res ponendi in esse secundum  
existentiam) & idèò definitur,  
quòd sit id, à quo primò incipit mo-  
tus ordine executionis. Tum  
etiam, quid fieri per causam effi-  
cientem, siue causalitas eius ter-  
minatur ad esse, ut ex Arist: do-  
cet S. Thom. 1. p. quæst. 45. a. 1. Et  
ita ut aliquid per se primò termi-  
nare possit influxum causæ effi-  
cientis, debet habere aliquod esse  
sibi proprium, quod sit terminus  
efficientis. His ergo præsupposi-  
tis, quæritur in præsentī; Vtrum  
modi omnium enumeratarum,  
causarum influxum recipiant, vel  
tantum aliquarum, & quænam il-  
læ sint? Pro resolutione

Dicendum est primò. Modus,  
qua modus est, etsi non habeat  
causam materiale, in rigore il-

lam accipiendo, bene tamen si in  
latiori significatione sumatur:  
Ceterum non recognoscit ullam  
causam formalem intrinsecam,  
etsi ab extrinseca, id est exempla-  
ri, aliquo modo pendeat. Proba-  
tur. Conclusio quoad omnes qua-  
tuor partes ipsius:

Prima pars, Causa materialis  
in rigore non identificatur rea-  
liter cum eo, cuius est causa ma-  
terialis, sed habent se, sicut duæ  
res realiter distinctæ, ut patet in  
materia prima respectu formæ  
substantialis, in subiecto respectu  
accidentium. Sed modus identifi-  
catur realiter cum re modificata,  
in qua concipitur quasi recipi, ut  
in subiecto, sicque causari in ge-  
nere causæ materialis. Ergo mo-  
dus non habet in rigore causam  
materiale. Maior patet. Minor  
etiam: quia non est assignabilis  
pro modo alia causa materialis,  
præter ipsam rem modificatam.

Secunda pars Conclusionis  
probatur. Causa materialis in la-  
ta significatione dicitur illa, à qua  
aliquid pendet, ut à sui receptiuo,  
aut quasi receptiuo, siue realiter  
inter se distinguantur, siue tan-  
tum formaliter; sic enim saluatur  
aliqua conceptus causæ ma-  
terialis. Sed modus à re modifica-  
ta pendet, ut à sui quasi recepti-  
uo, distinguiturque ab ea forma-  
liter. Ergo habet causam mate-  
rialem in lata significatione sum-  
ptam. Maior patet: Minor proba-  
tur; quia modus est quædam affe-  
ctio rei modificata, (ut supra di-  
ctum est) modaliter, & ita forma-  
liter distinctum quid ab illa. At  
affe-

affectio pendet à re, quam afficit, quasi à receptivo sui, vt patet ex terminis. Ergo &c.

Tertia pars Conclusionis, quòd scilicet modus non habeat causam formalem intrinsecam, probatur. Illud quod se habet, vt forma, aut quafi forma alterius, non habet causam formalem intrinsecam, sed seipsa est forma. Sed modus, qua modus est, habet se, vt forma quædam. Ergo non habet, &c. Maior constat: quia si id, quod est forma, haberet aliam formam intrinsecam, daretur processus in infinitum, vt examinanti patet. Ergo &c. Minor ostenditur: nam modus, qua modus, propriè est affectio quædam ad instar cuiusdam formalitatis rei. Sed formalitas est quasi forma, aut aliquid saltem formæ. Ergo modus, quatales: habet se, vt forma.

Quarta, & vltima pars Conclusionis, scilicet, modum à causa exemplari aliquo modo pendere, probatur. Ab idea causante, ideatum, non tantum pendet ideatum ipsum, sed & omnes affectiones ipsius, cum omnia in illa represententur. Sed modus est quædam affectio rei modificatæ, vti sepius dictum est. Ergo pendebit aliquo modo ab idea, seu exemplari.

Discendum est secundò. Causa finalis modi est collocare rem in statu debito determinatæ perfectionis eius. Probatur. Illud habet rationem causæ finalis respectu alicuius, ad quod aliquid ordinatur. Sed modus ex natura sua ordinatur ad hoc, vt res col-

locetur in statu debito determinatæ suæ perfectionis. Ergo istud erit ipsius causa finalis. Maior patet ex definitione causæ finalis: Finis enim, cuius gratia aliquid fit, id est, ad quod alia ordinantur. Minor probatur: Modus ex natura sua ad hoc ordinatur, vt res cum perfectione sua taliter se habeat, Sed hoc ipsum, quòd res taliter, vel taliter se habeat, est collocari in certo quodam, & determinato statu, vt patet ex terminis. Ergo modus ex natura sua ordinatur, &c. Maior ostenditur: nam ex eo, quòd forma substantialis, defecto, composito substantiali tribuat speciem, esse, & constitutionem, colligitur optimè, quòd ad hoc ex natura sua ordinetur; non enim tribueret hæc, per se loquendo, si non fuisset ad id à natura ordinata. Ergo cum modus de facto tribuat hoc rei modificatæ, quòd cum sua perfectione taliter vel taliter se habeat, ab ipso modificata, sequitur, quòd ad hoc ex natura sua ordinetur. Minor autem, vti dictum est, patet ex terminis.

Dicendum tertio. Si de modo in rigore, & cum præcisione loquamur, non habet causam efficientem, cuius causalitas per se primò ad illum terminetur, quânis deus omnino, quæ conterminetur. Probatur, ad illa Causa efficiens cum sua causalitate per se primò terminatur, quæ per se primò habent esse; ad illa vtrò tantum conterminatur, quæ existunt per existentiam alterius. Sed modus, in rigore, & cum præcisione:

sione sumptus, non habet esse per se primò, sed existit per existentiam rei modificatæ. Ergo nõ habebit causam efficientem, &c. Maior patet ex præsupposito secundo. Minor etiam constat ex his, quæ dicta sunt in q. 1. & 2. ubi ostensum est, modum rigorosè sumptum, nec essentiam in rigore, nec existentiam habere propriam distinctam ab essentia, & existentia rei modificatæ.

### *Soluntur Argumenta.*

**P**rimum argumentum. Dependētia luminis v.g. à sole est aliquis modus. Sed hæc non habet causam materialem. Ergo falsum est modũ habere illā. Maior prob. Dependētia rei importat ipsammet rem taliter se habentē, seu in tali statu. Sed hic est ratio modi, vt ex superioribus patet. Minor cõstat. Dependētia habens causā materialem ad lineā ipsius debet pertinere; cum dependētia reducatur ad lineā illius causæ in qua est dependētia. Sed dependētia luminis à sole non pertinet ad lineam causæ materialis. Ergo non habet causam materialem. Maior patet. Minor prob. Dependētia luminis à sole pertinet ad lineam causæ efficientis; quia lumen causatur à sole in genere causæ efficientis. Ergo non pertinet ad lineam causæ materialis. Anteced: patet. Conseq. prob. Nam sicut lineā vnus causæ non spectat ad lineā alterius, sed extra illam; sic nec dependētia, quæ est in vno ge-

nere causæ non potest esse in alio; cum ratio causæ, & effectus maximè penès huiusmodi dependētia attendatur. Ergo si dependētia luminis solis pertinet ad lineam causæ efficientis, non pertinebit ad lineam causæ materialis.

Confirmatur. Dependētia di-cti luminis præsupponit prioritatem, in Sole, in eaque quodammodò fundatur. Ergo illa maximè deberet esse causa materialis ipsius. Sed hæc non est. Ergo non dabitur causa materialis illius. Maior prob. quia dependētia effectus præsupponit prioritatem in causa, tanquam fundamentum suum. Conseq. patet, quia fundamentum modi respectu eiusdē habet se, vt causa materialis, sicut inductiue patet, etiam in alijs. Minor etiam subsumpta probatur, quia si esset causa materialis modus prioritatis in solo respectu dependētiæ luminis, iam ipsemet Sol subiectum prioritatis esset subiectum dependētiæ; cum subiectum subiecti. Quo alicuius modi, vel accidentis, sit etiam subiectum talis modi, aut accidentis. Sed Sol non potest esse subiectum dependētiæ luminis à Sole: alias esset dependens à se ratione illius, & non esset in eodem genere causæ efficientis; (quia prior lumine, & causa est) quæ sunt implicantia. Ergo prioritas, quæ est in Sole respectu dependētiæ luminis ab ipso non poterit esse causa materialis eiusdem.

Resp. ad Argumentum principalem, negando minorem, cuius pro:

probationis distinguitur minor. Dependētia luminis à Sole non pertinet ad lineam causæ materialis, si sumatur pro effluxu quodam, & emanatione ipsius luminis à Sole. Conceditur, si verò sumatur pro affectione quadam adiacente ipsimet lumini. Negatur. Itaque dependētia luminis à sole dupliciter potest considerari. Primò secundum rationem cuiusdam effluxus luminis à sole, tanquam à sua causa efficiēti, & secundum hunc conceptum, pertinet ad lineam causæ efficiēti; cū emanatio, & effluxus luminis à sole fiat in genere causæ efficiēti. Secundo verò prædicta dependētia considerari potest secundum rationem affectionis cuiusdam adiacenti ipsimet lumini, illudque modificantis, & hoc modo accepta, pertinet ad lineam causæ materialis; alteri enim adiacere, est ab illo in genere causæ materialis pendere. Quod autem prædicta dependētiæ luminis utraq; ratio explicata competat, declaratur exemplo generationis substantialis, quam N. Complut: 1. de Gener. disp: 2. num: 61. docent esse modum, quendam substantialem in materia immediatè receptum. Hic modus est dependens à causa efficiēte, cū sit exercitium ipsius, & ita secundum hanc rationem, ad lineam ipsius pertinet; deinde etiam habet dependētiā à materia, cū recipiatur in illa; proinde secundum conceptum hunc dependētia ipsius erit lineæ causæ materialis. Proportionali ergo

modo de modo dependētiæ luminis à Sole discurrendum est.

Ad Confirmat: Resp. concessio. Antecedenti, negatur Consequenti ad cuius probationem dico, fundamentum modi habet se, ut causa materialis respectu ipsius, si sic fundamentum ad instar sustentatiui se habens. Conced: ad instar præcisè originantis illum. Negat: Prioritas autem, quæ est in causa efficiētiæ luminis respectu dependētiæ ipsius est tantum fundamentum originans, cū sit radix, quare in tali effectu detur dependētia à sua causa efficiēte, non autem est sustentans, quia dependētia, quæ est in effectu, sustentatur ab ipso effectui, qui est dependens, non autem à causa, quæ secundum quod talis sicuti prioritatem, sic & independētiā importat.

Secundum Argumen: contra secundam Concl: status rei debitus determinatè perfectioni eius, est effectus formalis modi. Ergo non poterit esse causa finalis ipsius. Antecedens, prob. quia certus status rei modificationē quādam ipsius importat, quod sit taliter, vel taliter se habens. Modificatio autem est effectus formalis modi, Consequ: etiam prob: Causa finalis est primò mouens, & ipsa immota, sicque independens; effectus formalis modi, est quid dependens à modo, nec quid immotum, cū sit causatum. Ergo non poterit habere rationem causæ finalis respectu modi; idem siquidem respectu eiusdem nequit esse dependens, & independens, mox

Y y y y

sum;

rum, & immotum, &c.

Confirmatur. Finalis causa importat rationem boni, & bonum fundatur in perfectione, camque necessario affert, ut docet D. Tho. 1. p. q. 5. a. 1. Sed status ad quem ordinatur modus non affert suam perfectionem. Ergo non habebit rationem causæ finalis. Maior probatur. Status hic non distinguitur a modo, ut communicato rei modificatæ; cum sit effectus formalis, aut quasi formalis ipsius. Sed modus nullam importat perfectionem, prout supra dictum est. Ergo neque status ad illam consecutus.

Resp. ad Argument: principale admissio Anteced: negatur. Consequ: ad prob: concessio Anteced: disting: Consequens non poterit habere rationem causæ finalis respectu modi secundum illam rationem, secundum quam est effectus formalis. Conceditur: secundum aliam, secundum quam non est effectus. Negatur. In illo namque statu, qui dicitur esse effectus formalis modi duo distinguimus; Vnum est ratio terminandi per modum ultimæ habitudinem modi, quam habet ex natura sua, ad communicandum huiusmodi statum rei modificatæ: Aliud est effluxus formalis ipsius à modo, tanquam à principio suo in genere causæ formalis. Hoc secundum in statu est ratio effectus formalis modi; primum verò est ratio causæ finalis non secus, ac in communicatione formæ substantialis, & eius effectus formalis, qui est specificatio, & constitutio

compositi, dicta specificatio, & constitutio, prout effluit à forma substantiali, ut à suo principio formali, est effectus formalis ipsius; prout verò terminat habitudinem ipsius intrinsecam per modum ultimæ, ad quod ordinata est ipsamet forma à natura, habet rationem causæ finalis. Nec hinc sequitur, quod idem respectu eiusdem sit dependens, & independens, motum, & immotum &c. Nam licet sit idem v. g. status prædictus, & respectu eiusdem, scil. modi, non tamen secundum idem (ut modò ostendimus): est effectus, & causa, nec in eodem ordine; cum effectus formalis rationem habeat in ordine executionis, causæ verò finalis in ordine intentionis.

Ad Confirmation: Resp. conced. Maiorem, & negan. Minorem ad cuius probat: admissa Maiori distinguitur Minor. Modus nullam importat perfectionem, ut modus est, & secundum suam præcisionem sumptus. Conceditur: Modus, ut modificans, seu afficiens rem modificatam, ad quod afficere consequitur determinatus status. Negatur. Nam si modus sumatur cum sua præcisione, eam tantum affert, quæ sunt lineæ propriæ, in qua linea perfectio, in rigore loquendo, non inuenitur, (prout supra ostensum est) si autem accipiat, ut modificans, & afficiens rem modificatam sumitur, ut tractus ad lineam suæ rei modificatæ, cum qua est eadem realiter entitas, ac proinde sicut res modificata affert aliquam sibi

debitam perfectionem, sic nec modus cum illa identificatus eandem excludet.

Tertium Argumentum. Modus, vel per se primo debet terminare actionem causæ efficientis; vel nullo modo terminat. Ergo male dicitur in Conclusionem, quod conterminat. Consequenter patet. Antecedens: quoad primam partem probatur primo quia modus artis est verus modus ut supra ostensum est. Sed hic per se primo terminat actionem artificis. Tum quia artifex per suam actionem in artefacto non producit entitatem physicam, sed iam productam, supponit. Tum quia id, quod per se primo produci intenditur ab artifice, est modus artefacti. Ergo ille etiam per se primo producit. Secundò idem Antecedens principale probatur. Modus maioris radicationis eiusdem qualitatis in subiecto, est verus modus, ut communiter Thomistæ sentiunt, & tamen per se primo producit. Ergo &c. Prob: Anteced. quia sicut qualitas secundum se per se primo terminat actionem, seu motum alterationis specialiter dictæ, sic & modus maioris radicationis motum intensificationis, & propterea tres species alterationis assignantur, habentes terminos distinctos specificè, scilicet. Alteratio respiciens qualitatem secundum se. Intensio respiciens motum maioris radicationis, & Remissio minoris &c. Ergo &c.

Quoad secundam partem. Antecedens principale, quòd scilicet. modus nullo modo terminet actio-

nem causæ efficientis probatur, quia Prioritas, Motus sunt modi, & ideo inter post prædicamenta (quæ sunt modi complentes prædicamenta) numerantur. Sed hi non terminant villo modo actionem agentis. Ergo &c. Maior patet. Minor probat: quoad Prioritatem; Nam illud, quod terminat actionem agentis est dependens, & posterius, ut potè causatum. Sed prioritas nequit esse posterius, & dependens, cum opponatur posterioritati, eamque excludat. Ergo &c. Quoad motum similiter facile ostenditur, quia si ad motum terminaretur actio agentis, iam ad actionem daretur actio, & ad motum motus, quòd est contra Philosophum, & arguit processum in infinitum. Ergo &c. Antecedens patet, quia motus, & actio formaliter transiens identificantur & ita si ad motum daretur actio, ad actionem actio, & ad motum daretur motus.

Resp. negando Anteced. quòd ad utramque partem. Et in primis, quoad primam partem eiusque primi Argum: respondeo negando Minorem ad cuius primam probationem dicendum est Artificem per suam actionem non producere entitatem physicam Artefacti, secundum quod pertinet ad ordinem physicum. Conceditur. Secundum quod intrat ordinem artificialem, illique deseruit. Negat: nam producit per divisionem continui figuram, quæ est qualitas, & entitas physica, tracta tamen, iam ex vi productionis ad ordinem artificialem,

ad cuius productionem, & positionem in artefacto resultat modus artis. Ad secundam verò probat: Dicendum, id quod per se primò produci intenditur ab Artifice, est modus artis intentione operantis. Conced: operis Neg: sicut in naturalibus id, quod per se primò per actionem, generativam produci intenditur intentione naturæ operantis, est forma substantialis: at verò intentione operis, ultima dispositio ad formam substantialem requisita, vti docent N. Complut. in lib: de Gener. & Corrupt. & ideo illa dispositio per se primò attingitur per talem actionem, forma verò substantialis tantum resultat.

Ad secundum argumentum, quod probat Antecedens principalis argumenti quoad primam partem Resp. negando Antecedens. Ad cuius probandicitur. Modus maioris radicationis (sicut & qualitatem absolutè sumptam) per se primò terminare motum. Distin. si modus cum præcisione sumatur. Negatur si modus ut modificans accipitur, id est efficiens qualitatem communicantemq; se subiecto. Conced. & deinde neganda est Conseq: nam ad hoc, ut modus per se primò produceretur requireretur, ut secundum se præcisè sumptus, per se primò terminaret motum intensionis, sicut qualitas secundum se per se primò terminat motum alterationis: cum autem dictus modus non terminet secundum se, sed ut modificans, id est efficiens ipsammet entitatem quali-

tatis cum suo esse, hinc est quod non per se primò producit. Quod autem dictum motum terminet tantum, ut modificans, & efficiens entitatem qualitatis cum suo esse, patet ex eo, quia actio agentis per se primò respicit suum terminum secundum esse, ut ex secundo præsupposito huius quæst. patet: esse verò modi non est aliud ab esse entitativum qualitatis (sicut de omni modo dictum est) hinc etiam fit, quod modus intensionis non terminet per se primò motum intensionis, & actionem, nisi secundum quod efficiens entitatem qualitatis, eiusdem esse modificans, ad quod attendentes N. Complut: dicunt, quod per motum intensionis producat ut intensum qualitatis, non autem modus intensionis præcisè; modus quandoquidem præcisè sumptus, sicut per se, & ex se proprium esse non habet, sic nec rationem terminandi motum identificatum cum causalitate efficientis, (quæ est ipsum esse,) habebit primò per se & ex se. An autem modus habet esse, dicetur in fine quæst. 2.

Ad Argumenta probantia secundam partem Antecedentis argumenti principalis, quod sc. modus nullo modo terminet actionem agentis. Resp. neg. Minorem ad probationem eius, quantum ad Prioritatem attinet dicendū. Prioritatem nō posse esse quid posteriorius, & dependens. Distinguo Primam, & imparticipatam, Conceditur secundam, & participatam, subdistinguo non potest esse quid

quid posterius secundum præcisi-  
sum conceptum prioritatis. Con-  
ceditur. Secundum conceptum  
participatæ. Negatur. Itaq; alia  
est prioritas omnino prima, &  
imparticipata, & hæc non est mo-  
dus, sed ipsamet infinita perfectio  
entis increati: Alia verò partici-  
pata, quæ est quidam modus in-  
creatis, & hic secundum concep-  
tum præcisum prioritatis non ex-  
primit dependentiam, aut poste-  
rioritatem, bene tamen secundum  
conceptum participati non secus  
ac vitalitas in actione creata, se-  
cundum rationem vitalitatis cum  
præcisione, non dicit hoc, quod  
est causari ab extrinseco agente,  
quin potius excludit, & petit pro-  
cedere à principio intrinseco: ac  
tamen secundum rationem partici-  
patæ & secundæ vitalitatis exi-  
git etiam ab extrinseco agente  
causari à quo omne ens participat-  
um accipit suum esse.

Ad illud autem de motu, quæ-  
do dicitur, quod ad actionem nõ  
datur actio. Resp. non datur actio,  
quæ per se primò terminetur ad  
actionem, Conced: quæ termine-  
tur ad illam tantum secundariò,  
& tanquam ad terminum resul-  
tantem. Neg: de qua solutione  
possunt consuli N. Complut: in  
Phys: disput: 10. q. 7. n. 113. Mo-  
tus autem, sicut & omnis modus  
non producit per actionem per  
se primò ad illum terminatam,  
sed tantum secundariò, prout su-  
perius ostensum est, ac proinde  
ex hoc quod actio non detur ad  
actionem non licebit inferre,  
quod motus nullo modo termi-  
net actionem agentis.

## QVAESTIO II.

*Quenàm sint Proprietates  
Modi ut sic.*

**S**upponendum est primò, quòd  
cum ens in sua latitudine  
sumptum, includatur transcendē-  
taliter in omni eo, quod non est  
nihil, ac per consequens in modo  
reali, etiam proprietates ipsius  
transcendentales, illud semper  
concomitantes in modo aliqua-  
liter inueniri oportebit; maxi-  
mè quia modus non minorem  
videtur habere amplitudinem,  
quàm Ens creatum, prout colli-  
gitur ex S. Thoma quæst: 21. de  
veritate art. 6. docente ubicunque  
est esse receptum (sicut est entis  
creati) ibi oportere esse modum:  
& ita sicut ens creatum propter  
suam amplitudinem exigit pro-  
prietates, transcendentales, sic &  
modus, vtpotè eadem realiter en-  
titas cum ipso iuxta superius di-  
cta proportionaliter eadem re-  
quiret. Difficultas tamen esse po-  
test. Vtrum omnes, vel aliquas  
tantum.

Supponendum secundò: Mo-  
dus, ut sic in omni sua amplitu-  
dine acceptus debet esse transcē-  
dens respectu cuiuscunque mo-  
di, & in quocunque ordine inuē-  
ti, nam nihil inueniri potest in  
modo cuiuscunque ordinis, pro-  
ut est intra lineam modi, in quo  
non includatur essentialiter mo-  
dus ut sic: cum quæcunque ratio  
modi debeat esse modus, & quia  
passio modi ut sic, ipsi soli, ut cõ-  
di,



distinguitur suo modo ab ente, propria, & conuertibilis cum eo inuenitur, vbicunque potest inueniri ipse; hinc fit quod etiam passio eiusdem propria debeat esse transcendens, & inibita in omni modo, ex quo vterius sequitur, quod dicta passio modi non distinguatur ab illo, nisi penes implicitum, & explicitum conceptum: sicuti etiam passiones entis non maiori distinctione distinguuntur ab ente; & hoc ideo, quia sunt transcendentes, prout & ipsum ens; cum ergo passio propria modi non sit minus transcendens quam ipse, consequens erit, quod etiam simili distinctione distinguatur ab eo, sicut distinguuntur proprietates entis ab ente penes implicitum scilicet, & explicitum conceptum.

Supponendum tertio. In formis transcendentalibus illud accipitur, vt proprietates ipsarum, quod concipitur præsupponere rationem formalem transcendentis, eamque saltem virtualiter consequi; hoc patet in *Ente*, & *uno*; nam quia vnum concipitur quodammodo præsupponere rationem formalem entis, ad eamque virtualiter sublequi concipitur, non vt ipsa essentia, sed potius, vt passio entis. Patet etiam in accidente secundum quod abstrahens à completo, & incompleto est quædam forma transcendens respectu omnis accidentis. Accidens, igitur hoc modo sumptum secundum suum conceptum formalem, & primarium importat

in esse aptitudinale iuxta illud ex Aristot. desumptum. *Accidentis esse est inesse*, de quo videri possunt N. Complut. in Logica disput. 11. n. 65. & quia hoc *inesse* præsupponit, suoque modo consequitur esse communicatiuum esse secundum quid subiecto, hinc est, quod tale communicatiuum esse concipiatur ad instar proprietatis accidentis, vt ostensum est; sequitur manifestè illud in ipso, vt propriam eiusdem passionem concipi debere, quod saltem virtualiter præsupponit, & consequitur rationem formalem ipsius; aut penes implicitum, & explicitum, conceptum, vt dictum est de ente, & passionibus eius. His præsuppositis.

Dicendum est primò. Si passiones transcendentales accipiantur pro Re, Vero, & Bono, non possunt competere modo, vt sic, secundum rigorem metaphysicum intra lineam modi, præcisè sumto. Probat: Conclus: quod singula, & primò quoad Rem. Res desumitur à forma, & quidditate, immo significat ipsam quidditatem; & essentiam; ac proinde res in rigore erit quidditas in rigore: Sed modo intra lineam modi præcisè non competit esse quidditatem in rigore. Ergo nequirem. Maior prob. ex S. Tho. in primò dist. 25. quæst. 1. art. 4. *A quidditate sumitur hoc nomen, res, & ad 1. Nomen rei imponitur à quidditate, vel forma.* Deinde secundò dist. 37. qu. 1. art. 1. *simpliciter dicitur res, quod habet esse ratum, & firmum in natura*: Minor etiam prob:

**Quid;**

Quidditas in rigore est principiū essendi; & id cuius actus est esse ut docet Angel: Doctor primo dist. 23. quæst. 1. art. 1. & alibi. At modus intra lineam præcisè modi nō est principium essendi; cū non habeat propriū esse, ut superius ostensum est. Ergo &c. Hinc oritur quod communiter dici solet; modum rei non esse rem: at tamē, quia per quidditatem quem significat hoc nomen. *Res* intelligitur non solum natura absoluta (ut docet S. Doctor primo dist. 25. q. 1. art. 4.) sed etiam ratio, vel intentio cuiuscunq; vel substantiæ, vel accidentis, vel relationis &c. hinc est quod modus habens sibi propriam aliquam rationem, vel formalitatem in latiori acceptione poterit dici res.

Quoad secundū. Transcendēs scil. *Verum*, quod non competit modo in rigore sumpto. Probat. Ratio veritatis transcendentalis fundatur supra entitatem absolutē, & simpliciter dictam, quæ sit principium essendi, & illam consequitur. Sed modus intra suam lineam, præcisè consideratus non importat entitatem huiusmodi. Ergo neq; veritatem transcendētalem fundabit. Maior est S. Tho. quæst. 1. de Veritate, art. 1. c. qui loquitur loco citato de ente, quod desumitur ab actu essendi, sicque est principium eius, & docet veritatem transcendētalem in eo fundari his verbis. *Triplex veritas, & verum definitur invenitur. Vno modo secundū id, quod præcedit rationem veritatis, & in quo verum fundatur. Et sic*

*Augustinus definit in lib: soliloq: verum est id, quod est, & Avicenna in 11. Metaph: veritas cuiuslibet rei est proprietas sui esse, quod stabilitum est rei. Et quidam sic. Verum est indivisio esse, & eius quod est, scilicet Entis. Hæc S. Doctor. Minor facile patet quia modus non est entitas absolutē, & simpliciter dicta, sed valdē diminuta, ut omnes fatentur. Ergo &c.*

Quoad tertium Transcendens Bonum scil. Probat. Conclusio. Bonum in rigore illud consequitur per modum proprietatis transcendentalis, cui competit esse perfectum. Sed *Modo* intra lineam præcisè modi non competit esse perfectum. Ergo nec habere bonitatem per modum proprietatis transcendētalem. Maior prob. Tum quia, ut docet S. Doctor: illud, quod est ultimò perfectum dicitur bonum simpliciter, & quod non habet ultimam perfectionem, quam habere debet, quamvis habeat aliquam perfectionem, in quantum est in actu, non tamen dicitur perfectum simpliciter, nec bonum simpliciter, sed tantum secundum quid 2. p. qu. 5. art. 1. Tum etiam quia, ut idem S. Doctor loco citato innuit. In tantum vnumquodq; est bonum, in quantum perfectum; imò bonum, in perfectione, & actu principaliter consistere dicit. 1. p. quæst. 48. a. 6. c. Ergo bonum in rigore illud consequitur per modum proprietatis &c. Minor Argum: probatur. Nam in tantum vnumquodq; est perfectum in quantum est in actu per actualitatem omnis rei, quæ est esse, uti loco ci;

citato ex 1. p. quæst. 5. Præceptor Angel. ostendit. Sed modus intra propriam præcisè lineam non est in actu per esse; cum ipse esse non sit aliud ab esse rei modificatæ (quod tamen est extra lineam modi) ut superius visum est. Ergo modò intra lineam præcisè, modi &c.

Dicendum est secundò. Passio transcendens, quæ est *Vnum* absolute competit modo intra propriam lineam ipsius; non tamen *aliquid*, si in rigore metaphysico sumatur. Probatur prima pars. Unitas transcendens absolute, & simpliciter loquendo tantum dicit realitatem ratam: fixamque extra animam, indiuisam in se, & ad summum diuisam ab alia. Sed modo intra propriam lineam competit esse quid ratum, & fixum extra animam intra propriam lineam. Ergo, & passio transcendens, quæ est vnum competit eidem. Maior prob. Nam realitas determinata rata, & fixa in se extra animam non est simpliciter omnia, ut patet ex terminis. Ergo erit simpliciter indiuisum, quid in se, minor est clara, quia modus intra propriam lineam non est nihil à parte rei, nec ens in anima, ut ex supradictis patet. Ergo est quid ratum, & fixum extra animam.

Secunda pars Conclus. circa *Aliquid* probatur. Passio transcendens, quæ est *Aliquid* exprimere in suo conceptu, idè, quod, *Aliud Quid*, ut docet Angel: Doctor de veritate quæst. 1. art. 1. Sed hoc quod esse *Aliud quid* non potest

conuenire modo intra propriam præcisè lineam rigorosè loquendo. Ergo nec aliquid. Maior patet; Minor prob. & explicatur ex doctrina eiusdem S. Doctoris in 1. dist. 9. q. 1. art. 1. *Aliud importat diuersitatem simpliciter, & absolute, quæ est diuersitas essentie; cui competat alicuius simpliciter: Hoc enim genus neutrum in Aliud clausum significat.* Sed modus intra propriam lineam non importat essentiam, cui competat alicuius simpliciter, ac proinde diuersitas simpliciter, & absolute. Ergo &c. Maior est doctrina S. Tho. loco citato, & præcipue in resp. ad 1. Minor declaratur; quia alicuius, & diuersitas simpliciter non competit nisi essentie, quæ sit absolute, & simpliciter essentia, cum esse idem, vel diuersum consequantur rem, tanquam proprietates eius, ac proinde sint talia, qualis fuerit res. Sed modus intra lineam, modi præcisè non est essentia absolute, & simpliciter, ut supra toties dictum est, & ex se patet; quandoquidem non est principium essendi, quod requiritur ad essentiam simpliciter, Ergo &c.

Dices: Modus ex vi propriæ lineæ habet esse aliquam formalitatem. Ergo etiam esse aliquid.

Resp. negando consequ. Nam *Aliquid*, ut ex passionibus transcendentalibus, si in rigore loquamur, tantum consequitur essentiam, vel entitatem habentem simpliciter, & absolute alicuius, ut modò dictum est, quod interim nequit competere formalitati modi;

hoc tamen non obstante, non est denegandum aliquid *Modo*, etiam intra propriam lineam, in lata acceptione, prout importat signum quoddam determinatiuum alicuius in se, & ab alijs discretiuium, ratione cuius possumus dicere, quod modus ita sit in se, quod non sit aliud.

Dicendum est tertio. Passio propria Modi, ut sic, & conuertibilis cum illo, est esse communicatiuum *esse limitati* præcisè rei modificatæ. Deducitur hæc Conclusio ex D. Tho. qu. 21. de Verit. art. 6: ubi ex esse limitato, quod inuenitur in esse recepto, tanquam ex quadam proprietate modi, colligit, modum inueniri in omni esse recepto, siue substantiali, siue accidentali: sicut in 1. dist. 23. quæst. 1. art. 1. ad 3. ex proprietate substantiæ, quæ est subistere, colligit illius naturam, dicens: *Quod substantia dicitur in quantum subest accidenti, quod natura conuenit, subsistere verò dicitur aliquid in quantum substat esse, non quod habeat esse in alio, sicut in subiecto;*

Probatur Conclus. ratione. Modus, ut sic, est forma, aut quasi forma transcendens: & esse communicatiuum *esse limitati*, consequitur saltim virtualiter ad rationem formalem ipsius. Ergo esse communicatiuum esse limitati rei modificatæ erit propria passio illius, &c. Anteced. quoad primam partem patet ex secundo præsupposito huius quæst. Secunda autem probatur. Ratio formalis modi, ut sic, consistit in hoc, quod sit affectio adiacens

ad instar determinationis præcisè limitatiuæ, ut ex quæst. 2. huius disp. constat. Sed ad esse determinationem præcisè limitatiuum virtualiter consequitur esse communicatiuum *esse limitati*, determinatio quandoquidem præcisè limitatiua, quantum est ex se, importat, & affert esse quoddam limitatum: ad esse autem limitatum virtualiter consequitur esse communicatiuum eiusdem esse, sicut in forma substantiali, ad esse *essentia* virtualiter cōsequitur esse naturæ, vel radicaliter operatiuum esse, & ad esse secundum quid accidentis, scilicet *in esse*, consequitur esse communicatiuum *esse secundum quid*. Ergo esse communicatiuum esse limitati consequitur virtualiter &c. Consequentia verò primi argumenti probatur sic. In formis transcendentalibus illud accipitur, ut proprietas ipsarum, quod concipitur præsupponere rationem formalem transcendens, eamque saltim virtualiter consequi, ut ostensum est in tertio præsupposito huius quæst. Ergo si modus, ut sic, est quasi forma transcendens, & esse communicatiuum esse limitati consequitur virtualiter rationem formalem ipsius, iam esse communicatiuum &c. erit propria passio eiusdem.

### Soluuntur Argumenta.

**P**rimum Argumentum: Conceptus *Rei* in rigore competit etiam illis, quæ ex se non sunt principium essendi. Ergo etiam si modus, secundum suam rationem

formalem intra propriam lineā , non sit principium essendi, adhuc conceptus *rei* in rigore competit ipsi. Anteced. prob. Conceptus *rei* in rigore competit etiam Relatiuis. Sed relatiua, secundum quod formaliter talia, non sunt principium essendi. Ergo conceptus *rei* &c. Maior est D. Thom: 1. dist. 2. q. 1. ar. 5. ad 2. *Res est de Transcendentibus, & ideo se habet communiter ad absoluta, & relatiua, &c.* Minor etiā prob. Relatiua, secundum suum conceptum formalem, præcindunt ab esse, cum totum ipsorum esse sit ad aliud, & non ad se: & propter hanc rationem D. Thom: in diuersis locis, sed præcipue 3. p. q. 17. ar. 2. ad 3. docet, in Diuinis, licet dentur plures relationes, non tamen dari, nisi vnū esse, quia vna est natura, quæ est principium, vel quasi principium talis esse.

Resp. negando anteced: cuius probationis disting. est Maior. Conceptus *rei* in rigore competit relatiuis. Si *Res* sumatur in lata significatione, prout exprimit quamcunque quidditatem, siue illa quidditas sit rigorosa, siue tantum ratio, vel intentio cuiuscunque, ita tamen, quod sit ratum quid extra animam; conceditur: Si autem sumatur strictè pro quidditate præcisè rigorosa, quæ secundum quod talis debet esse principium essendi (vt in Conclus: ex D. Thom: ostensum est,) Negatur. Sicut enim Ens dupliciter potest accipi; vel latè pro omni eo, quod non est nihil, seu

non ens; secundum quam rationem competit tam enti simpliciter, & in rigore tali, quam enti secundum quid tantum: Vel etiā strictè pro ente simpliciter tali, cui in rigore competit esse, vt quod, de quo in 1. disp. huius Tract. licet etiam proportionaliter, & de Re, quæ est quidam conceptus transcendens, non minus, ac ens, discurrendum est: & hoc est, quod dicit S. Doctor 1. dist. 27. q. 1. a. 4. ad 1, dum asserit, *Nomen rei imponi à quidditate, vel forma: & in eiusdem articulo Corpore docet, formam, & quidditatem, à qua sumitur nomen rei in Diuinis, esse & absolutam, quæ est Essentia Diuina, & relatiua, quæ est Relatio.* Vnde habetur, *Rem* posse sumi, & latè pro quacunque quidditate, siue sit rigorosa, & principium, aut quasi principium essendi, vt est Essentia Diuina, siue non sit, prout est forma relatiua in Diuinis (de quo videri possunt nost. Salmatic. Tomo 2. Tract. 6. disp. 10. num. 7.) & deinde strictè, secundum quod significat essentiam rigorosam: ad quod attendens idem S. Doctor loco citato ad 2. dicit, in Diuinis esse plures rationes relationum realium, & ita plures quodammodo quidditates, quamuis hoc non possit propriè concedi: Vbi rationem quidditatis propriè, & in rigore, denegat quidditatibus relatiuis, ac proinde etiā rationē *Rei* in hoc sensu rigorosam, quæ desumitur à quidditate, eamque secundum ipsum, significat.

Secundum Argumen. contra primam Conclus: quoad *Verum*. Modus, ut sic, intra propriam lineam habet in rigore intelligibilitatem. Ergo & Veritatem, Consequentia patet: Intelligibilitas enim subsequitur ad veritatē. Anteced: autem probatur. Tūm quia modus habet propriā idzā in intellectu, ut patet in modo Artis, qui repræsentatur in idzā Artificis; nihil autem propriā idzā potest habere in intellectu, nisi habeat intelligibilitatem: Tūm etiā, quia intelligibilitas, & veritas obiectiva nihil aliud est, quā realitas uniuscuiusque, ut conformabilis cum suo proprio conceptu. Sed Modus, cum sit quid ratum extra animam, est realitas conformabilis cum suo conceptu. Ergo habebit propriam intelligibilitatem.

Resp. negando Anteced. ad cuius primam probat. negandum est, Modum, ut sic, habere propriā idzā. Nec illud de modo Artis quidquam facit quoad præsens; nam dato, quod modus Artis haberet propriam idzā, cum præcisione sumptus in mente artificis, non tamen inde sequeretur, illum habere propriam intelligibilitatem, & veritatem transcendentalem; hæc enim non attenditur penes ordinem ad intellectū creatum, sed potius penes ordinē ad intellectū Divinum, ut idzāntem creata. Quod autem in intellectu Divino Modus, ut sic, non habeat idzā, deducitur ex doctrina D. Tho. 1. p. qu. 15. a. 3. ad 3. qui loco citato docet, materiam

primam idē non habere idzā in Deo distinctā ab idzā compositi, quia materia, secundum se, esse nō habet: At Modus etiam, ut sic, secundum se, esse non habet aliud ab esse rei modificatæ. Igitur neque idzā propriam habebit. Ad secundam verō probat: resp. Intelligibilitas nil aliud est, quā realitas, quæ sit principium essendi; Concedo; quæ non sit; Nego: & quia modus non est realitas, quæ sit principium essendi, hinc sit, quod non habeat sibi propriam intelligibilitatem, & veritatem obiectivam.

Tertium Argumentum contra eandem Conclus. quoad *Bonum*. Modus intra propriam lineam habet suam bonitatem in rigore. Ergo ratio boni ipsi competet in rigore. Antecedens prob. Tūm quia omnis Creatura est bona, per suam essentiam. Modus autē est aliqua creatura. Ergo habet propriam bonitatem &c. Minor patet, Maior autem est D. Tho. de Verit. q. 21. a. 1. ad 1. Tūm etiā, quia si aliquid obesset, quominus Modus intra propriam lineam nō haberet bonitatem, maxime, quia ex se non habet esse, nec est principium eius, quæ tamen requiritur S. Doctor ad rationem boni. Sed hoc non obstat. Ergo &c. Maior patet. Minor probat. Nam etiam materia prima non habet esse ex se, nec est principium eius, sed huiusmodi est forma, ut ex D. Tho. cōmuniter docent Thomistæ: hoc tamen nō obstat, est bona per se ipsam, iuxta Angel. Doct. de Malo qu. 1. a. 2. c. immo simpliciter,

bona 1. p. q. 48. ar. 3. c. Ergo &c.

Resp. negando Anteced. ad cuius primam probat. dicendum est, omnem creaturam esse bonam, per suam essentiam fundamentaliter, in quantum scilicet per suam essentiam fundat habitudinem ad bonitatem Dei, non autem formaliter; hoc enim negat S. Doctor 1. p. qu. 6. a. 3. ad 3. docens, bonitatem creaturæ non esse essentiam eius. Primum autem docet de Veritate qu. 2. a. 1. ad 1. dum inquit. *Creatura potest dici bona per essentiam, in quantum scilicet essentia creature non inuenitur sine habitudine ad Dei bonitatem.* Et ita etiam si modus sit quodammodo creaturæ, non tamen inde colligi potest, quod ex se formaliter habeat bonitatem. Ad secundam probationem resp. negando Minorem: ad cuius probat. circa materiam primam dicendum est, eam vocari bonam à S. Doctore secundum seipsam ordinatiuè potentialiter, non autem posseffiue, & formaliter, quod colligitur, tùm ex loco citato de Malo, vbi sic ait. *Omne, quod est in potentia ad bonum, ex hoc ipso, quod est in potentia ad bonum, habet ad bonum ordinem, eum esse in potentia nihil aliud sit, quam ordinari ad actum.* Patet ergo, quod id, quod est in potentia ex hoc ipso, quod est in potentia, habet rationem boni. Ecce de qua bonitate loquitur: Clariùs se explicat 1. p. q. 48. a. 3. c. dum dicit, quod *Omne ens in potentia, in quantum cuiusmodi, bonum quoddam est, secundum quod habet ordinem ad bonum; sicut enim est ens in poten-*

*tia, ita & bonum in potentia.*

Quantum Argumentum. *Esse communicatiuum esse limitati cõuenit alijs, quæ non sunt modus.* Ergo esse communicatiuum &c. non erit propria passio modi, vs sic, conuertibilis cum illo. Consequenter patet, quia passio rei conuertibilis cum re nequit competere alijs, quæ non sunt talis res; alias non elset conuertibilis cum illa. Anteced. autem prob. Conuenit materię primæ, vel formæ substantiali. Sed hæc non sunt modus. Ergo &c. Minor patet ex communi doctrina Philosophorum. Maior verò prob. quia materia communicando se formæ, communicat illi *esse limitatum*, similiter forma limitando materiam, pari ratione communicat esse limitatum. Ergo esse comunicatiuum esse limitati competit vtrique.

Resp. negando Antec. & Maiorem probationis eius: ad cuius vltiorem probationem sic dicendum: materia &c. communicat esse limitatum formæ, per se primò ex vi talis communicationis; Negatur; secundariò, & ex consequenti tantum, Conceditur, & negatur. Consequenter Explicatur solutio. In illa communicatione, in qua materia formæ, & forma materię communicatur, duo attendi possunt: Vnum est, quod per se primò attenditur à natura in tali communicatione, & ad quod principaliter ab illo ordinata sunt. Aliud est, quod tantum ex consequenti se habet ad primariò intentum in dicta communicatione.

ne.

**ne.** Primū est communicatio mutua entitatum in ordine ad constituendum vnum per se; quia natura non ob aliud communicationem mutuam materiae, & formae intendit, nisi vt per vniōnem entitatum ipsarum confluetur compositum substantiale, quod est vnum per se. Secundū, quod scilicet ex consequenti se habet in praedicta communicatione, est esse limitati communicatio. Hoc enim ipso, quod materia suam entitatem comunicet formae, subternendo se illi, sequitur indispensabiliter, quod limitet illam, sicque tribuat ipsi esse limitatum; actus enim, vti est forma, limitatur per potentiam, qualis est materia: sicut ē contra forma communicando propriam entitatem materiae per aequationem, esse limitatum eidem tribuit, cum materia limitetur per formam, & ita in illa communicatione, qua materia se communicat formae, vel ē contra, esse limitatum tantum ex consequenti se habet. At verò in communicatione, qua modus communicatur rei modificatae esse limitatum est per se primo intentum à natura; (ac proinde non se habet ex consequenti) quia modus non ad aliud est à Natura ordinatus, nisi ad tribuendam determinationem limitatiuam praecise rei modificatae, (vt ex ratione formali ipsius, in 2. quaest. huius disp. explicata, constat) in quantum per Modum res modificata restringitur, & limitatur ad certum, & determinatum statum, & ideo esse communica-

tiuum esse limitati in Modo, erit quid per se primò attentum in communicatione eiusdem rei modificatae, non verò ex consequenti, prout contingit in communicatione materiae respectu formae, vel ē contra; ac proinde esse hoc modo communicatiuum soli Modo, & non alijs, etiam quae non sunt modus, conueniet. Pro complemento huius Disput. de Modis.

### QVÆRES.

#### *Qualis sit existentia modorum.*

**R**esp. non esse difficultatem de existentia Modorum substantialium; istorum enim est eadem cum ipsa existentia totius substantiae, quia omnia substantialia, per eandem existentiam existunt, vt dictum est hic Disp. 6. de Existentia quaest. 3. Tantilla difficultas potest esse de existentia Modorum accidentalium: videtur enim probabile esse, (quamuis id nullum viderim asserere praeter Suarez) existentiam ipsorum non distingui ab essentia eorundem modorum. Nam si distinguerentur, vel distinguerentur, tanquam res, vel tanquam modus. Non tanquam res, quia cum essentia, & existentia debeant proportionari inter se, existentia modi non potest esse res. Neque tanquam modus, quia iam daretur modus modi, quod est inconueniens. Deinde illa existentia deberet esse ad minus ipsa  
**vno**



vnio modi ad subiectum . Sed vnio modi ad subiectum non est distincta ab eius essentia, quia (vt ex supra dictis constat) modus vnitur rei, cuius est modus . Ergo &c.

Dices: Ex hoc sequeretur, Modos accidentales fore perfectiones substantialibus, quia haberent existentiam indistinctam a sua essentia, illi autem non: quod tamen in creaturis arguit maximā, immo infinitam perfectionem.

Resp. negando Sequelā, ad probat: dicimus, hoc, quod modi habeant indistinctam existentiam, ab essentia, prouenit ex imperfectione, & arguere potius maximā modorum imperfectionem, quia sunt tam debilis entitatis, vt sint seipsis ipsæ affectiones subiectorum, nullo alio mediante. Habere igitur existentiam indistinctam, ab essentia arguit magnam perfectionem in illis, quæ sunt, vt *Quod*, habentque suam essentiam perfectam, non autem in illis, quæ sunt, vt *Quo* tantum, habentque essentiam incompletam, vt patet in ipsa existentia, in qua essentia non distinguitur ab ipsa existentia, quia tantum est, vt *Quo*: & tales sūt modi, vt supra dictum est; quidquid tamen sit.

Dicendum est, & probabilius tenendum, Modos etiam accidentales existere per existentiam totius accidentis, sicut de substantia dictum est, ex eo quod Modus idem est entitatiue cum re, cuius est modus, & sic per existentiam rei existet. Ad rationem probabi-

lis opinionis responderi potest ex supra dictis hic quæst: 2.

Et hæc de Modis, ne modum excedamus, dicta sufficiant.

## DISPUTATIO

### NONA.

#### De Principijs.

**H**ic agemus de principijs, quia melius ipsorum natura percipitur præmissa explicatione entis, & eorum, quæ in tractatu primo, & secundo huius operis dicta sūt, & quia sæpe nomen entis venit, vt extremum talium principiorum, idcirco sit.

### QVAESTIO I.

*An dentur negationes, & priuationes ex parte obiecti.*

**I**n tractatu primo disputatione prima, quæstione tertia diximus, ferè omnia argumenta in Metaph: resolui in hoc principijs, scil. ens (& nihil opponuntur contradictoriè) quod enim non est ens, est nihil. Insuper oppositio contradictoria rerum, in qua fundantur principia vniuersalissima, versatur inter ens, & non ens: dicuntur enim contradictoria, negatio obiectiua, & illud, quod per illam negatur: Quare acturi de principijs, debemus prius deter-

mi.

minare, quid dicat ex parte obiecti non ens, seu negatio entis. Accipitur primò negatio pro negatiua propositione vocali opposita affirmatiuæ, & etiam pro iudicio negatiuo correspondente propositioni vocali. Secundò pro carentia entis, quàm propositio, vel iudicium sua negatione intendit: prima dicitur negatio formalis; secunda negatio obiectiua. Negatio obiectiua diuiditur in negationem simpliciter dictam, quæ vocatur pura negatio, & in priuationem: quatum prima est carentia formæ in subiecto inepto. Negationes vero, quæ à subiectis, quibus conueniunt, excludunt actus eis impossibiles, dicuntur negationes puræ, vt Deus nō peccat, homo non rugit &c. Negationes autem, quibus apprehenditur, Deū non existere, Angelum non esse, Immaterialem, hominem non esse possibilem, & similia, quæ concipi possunt, dicuntur negationes impossibiles. Secunda est carentia formæ in subiecto apto, vt carentia frigiditatis in aqua iam existēte &c. Insuper si forma exclusa sit debita alicui subiecto secundū prædicatum valde remotum, tunc tale subiectum dicitur improprie priuatum, vt planta ab Arist: dicitur priuata oculis, quia ex prædicato viuētis ei non repugnat. Si verò à subiecto remoueat formā debita secundum prædicatum genericum proximū, dicitur etiam tale subiectum priuatum, vt talpa dicitur cæca, quia ex prædicato animalis illi non repugnat visio. Inter priuationē, & habitum com-

muniter affirmant dari medium. Dicitur in presenti habitus illud, quod per priuationem, vel negationem excluditur; nam priuatio connotat in subiecto, à quo remouet actum, capacitatem ad illum; vnde ex defectu capacitatis connotatur, neque priuatio, neque habitus alteri subiecto conuenit. Cæterum inter priuationem, & actum, quo priuat, non datur medium relatē ad subiectum, cuius est priuatio, sed solum respectu alterius, cuius non est priuatio. His suppositis.

Circa hoc, prima sententia est; negationem entis esse aliquod reuera existens à parte rei, non quidem positium, sed negatiuum, ab omni ente positium distinctū, per quod negatiuum reuera existens ab ipsa natura rerū remouetur ens positium, cuius illud ex suo cōceptu est negatio: quare iuxta hanc sententiam negatio est quid reale, negatiuum, & realiter existens, incipiens esse, dum ens positium, cui opponitur, definit esse, & definens esse, dum ens, cui opponitur, incipit esse.

Secunda sententia est, nihil posse existere à parte rei, quod non sit ens positium, & sic omnem negationem cuiuscumque entis in aliquo positio necessario consistere, itaut negatio formaliter sit ens positium essentialiter incompossibile cū termino negato.

Tertia sententia est, negationem à parte rei esse penitus nihil, & sic nullum habere esse, siue negatiuum, siue positium, sed tantum in nostro intellectu, &

pro

prout à nobis concipitur, est tantum ens rationis. Ita D. Th. lib. 4. Metaph. le&. prima, & 2. quest. 21. de veritate, artic. primo, & alibi hinc celebris illa diuifio entis rationis in relationes, negationem, & priuationem.

Dico primò contra primā sententiam, negationes non esse quid existens à parte rei, distinctum ab ente positio, habens essentiam ante operationem intellectus.

Probat. Si negatio esset aliquid à parte rei, vt ponitur ab Aduersarijs, illa reuera esset ens positium ab omni ente positio distinctū. Sed hoc in terminis dicit cōtradictionē, ergo &c. Maior probatur, quia esse ens positium non est aliud, quàm esse quid positum, vel ponibile per existentiam à parte rei. Ergo si negatio reuera esset quid actu existens, aut potens existere, nihil deficeret, quominus esset ens positium; Sed ex alio capite ponitur ab omni ente positio distincta, ergo ista Sententia in terminis inuoluit contradictionem.

Dices. Idè Negatio non est ens positium, licet ponatur per sui existentiam à parte rei, quia ex suo conceptu formali non habet aliud, quàm esse meram remotionem entis positui. Ergo argumentum factum nō conuincit.

Sed contra: quia ex hoc præcisè, quod negatio per sui existentiam ponatur à parte rei, non potest non habere alia prædicata propria entis positui; ex alio capite hoc prædicatum nō impedit, quominus illa dicatur esse ens

positium. Ergo si ponatur per sui existentiam à parte rei, non potest non esse ens positium. Antecedens probatur: nam præcisè per hoc, quod negatio ponatur ex istens, non potest non habere prædicatum existentis, vel potentis existere, quæ sunt propria constitutiva entis positui. Deinde non potest non existere, vel per se, quod est prædicatum constitutum substantiæ, vel existere in alio, quod est constitutum accidentis, & sic de alijs. Ergo &c. Quod prædicatum remotionis, in quo potissimè consistit negatio, per Aduersarios, non impedit, quominus illa sit ens positium, patet; nam sicut negatio est actualis remotio entis, ita etiam ens est actualis remotio negationis, & per hoc non tollitur, quominus ens sit aliquod positium. Ergo ex capite remotionis præcisè non repugnat, negationem esse ens positium, si per sui existentiam ponatur in rerum natura; sicut enim negatio vnionis e.g. est remotio per suam essentiam ipsius vnionis, ita etiam vnio per suam essentiam est remotio suæ negationis; & sicut vnio habet alia prædicata essentialia, præter esse remotionem suæ negationis, ita etiam negatio habet alia prædicata essentialia; præter esse remotionē ipsius vnionis. Ergo si vnio est ens positium, ipsa negatio etiam debet esse ens positium.

Confirmatur. Quando aliquod ens corrumpitur, vel negatio succedens illi est eadem numero, per quam ipsum toto tempore antea

cedenti ad suam existentiam non exitit, vel est alia distincta numero à priori. Si primum. Ergo idem numero existens, semel corruptū, naturaliter potest redire, quod est absurdum. Si secundum. Ergo negatio contingens, quādo ens corrumpitur, tunc primo incipit existere, atque adeo ab æterno non exitit per aliam negationem sui. Ergo ab æterno fuit quādam negatio negationis.

Dico secundò. Negatio entis obiectiua non potest consistere formaliter in ente positiuo essentialiter impossibili cum termino negato. Probatur primò author. omnium philosophorum, qui diuidunt Oppositionem in contrariam, contradictoriam, priuatiuam, & relatiuam. Sed posita ista sententia, talis diuisio non subsistit. Ergo &c. Min: probatur, nam secundum istam sententiam oppositio inter ens, & eius negationem, quæ apud omnes est contradictoria, aliud non est, quam oppositio inter duo entia, quorum vnum impedit aliud. Sed hæc est oppositio contraria. Ergo in sententia Aduersariorum non saluatur oppositio contradictoria.

Dices. Oppositio contraria est inter duos terminos positiuos, e.g. inter calorem, & frigus; oppositio tamen contradictoria est inter rem, & purum non esse rei præcisiuè, non verò negatiuè, quare amor opponitur odio contrarie, si odium veniat, in quantum odium est, & secundum omnia prædicata odij; opponitur verò contradictorie eidem odio, si odium veniat non secundum omnia

prædicata odij, sed præcisè secundum hoc prædicatum, quod habet non amoris, seu excludentis essentialiter amorem.

Fateor, me non percipere impugnationem; certum est enim apud omnes inter amorem, & odium esse oppositionem contrariam, quia sunt duo extrema positiua, & mutuo se expellunt ab eodem subiecto; certum insuper est, amorem non esse odium per esse suum, & consequenter in amore esse contradictorium odij, quod verificatur etiam de disparatis sicut Petrum esse hominem est effectus primarius humanitatis, & Petrum non esse Leonem dicitur effectus secundarius, quia prius concipitur à nobis, Petrum in se esse hominem, & deinde non esse Leonem, licet reipsa sint idem. Oppositio contradictoria rerum, de qua loquimur, debet necessariò versari inter extrema contradictoria, qualia sunt. Negatio obiectiua, & illud per eam negatur, ita ut ex nostro modo concipiendi, & ex natura sua, formalis exclusio vnus sit formalis positio alterius, & è contra; quando amor venit, ut extremū propositionis simpliciter contradictoria non consideratur amor in ordine ad odium, quia taliter consideratus potius terminat propositiones disparatas; sed consideratur ex modo nostro concipiendi in ordine ad negationem obiectiuā, remouentem formaliter esse positium amoris, ut cum dicitur amor existit, amor non existit; quidquid enim sit in alijs, tamen in oppositione contradictoria extrema non possunt esse

opposita, nisi relata ad vnum, & idem, siue illud sit status, siue tempus, siue locus, siue subiectum, quia extremum positium, & eius negatio idem contradictoriè opponuntur, quia extremum positium per sui negationem inde simpliciter remouetur formaliter, ubi habet esse, sicut negatio Pauli remouens Paulum à statu absoluto existentie, solum opponitur contradictoriè Paulo, quatenus habet esse in statu absoluto existentie, non verò quatenus sumitur Paulus in statu quidditativo, vel conditionatè: quare istæ propositiones opponuntur contradictoriè Paulus existit, Paulus non existit; istæ verò non: Paulus est homo, Paulus non est existens, quia in prioribus negatio pertinet ad eundem statum, in posterioribus Paulus, & negatio, non, pertinent ad eundem statum.

Probatur secundò. Hæc propositio est certa: si nullus Dei actus liber existeret, nulla existeret Creatura. Ergò Creaturam non existere, non est formaliter existere aliquid impossibile cum creatura. Consequentia probatur, quia in euentu, quo nullus actus Dei liber existeret, nihil existeret impossibile cum creatura; quia omnia Dei necessaria possunt poni cum illa, & tamen tunc Creatura verè non existeret. Ergò Creaturam non existere, non est formaliter existere aliquid impossibile cum illa.

Dices. Talis propositio est de hypothese obiectiua impossibili, ex qua sequitur simul existere, creaturam, & non existere.

Sed contra; quia ex tali hypothese, licet sit impossibilis, non sequitur per locum intrinsecum, creaturam existere, sed solum non existere, quia Creatura sine omni actu libero Dei simpliciter esse non potest; vnde ex tali hypothese, licet impossibili, optimè probatur, conceptum negationis Creaturæ esse diuersum à conceptu impedimenti positiui impossibilis cum ipsa Creatura. Multa verò, quæ pertinent ad regulam vniuersalem vtiliter arguendi ex hypothese impossibili, dicemus infra.

Dices secundò. Hypothesis propositionis positæ inuoluit contradictionem in terminis, quia vnus actus liber Dei non potest deficere, nisi per positionem alterius. Ergo si hypothesis supponit nullum existere, supponit pariter simul omnes existere, quatenus vnus non sit existentia alterius.

Sed contra; quia hæc replicat, petit principium; nam argumentum ponit, nullum actum diuinum esse formaliter non existentiam alterius, aliundè hypothesis actualis de non existentia omnium nullo modo est hypothesis de existentia alicuius; quia omnes simpliciter illa excludit, & nullum includit.

Vltèrius per Aduersarios, sicut per Iudicium negatiuum, quod est recessus ab obiecto negato, seu actualis remotio ipsius nihil simpliciter obiecti negati ponit, sed totum penitus excludit; ita per actualem hypothese negatiuam, quæ per modum negationis versatur circa suum obiectum, nihil simpliciter illius supponitur. Sed

totum suppositiuū remouetur. Ergo per hypothesim in propositione positam, quæ est negatiua, ita supponitur nullum actum Dei liberum existere, ut minime simul adstruatur existentia alicuius. Ergo talis hypothesis nequaquam inuoluit contradictionem in terminis, licet nullus actus Dei liber possit deficere, nisi existente opposito; quia ab hoc dicta hypothesis præscindit; neque potest dici, non posse intellectum per hypothesim negatiuum remouere, suppositiuū omnes actus Dei liberos, nisi supponendo simul omnes per hypothesim positiuam, quia nullus reuera potest deficere, nisi ponatur eius oppositum.

Contra est; quia hypotheses ab intellectu procedentes ex natura sua sunt præcisius vnius obiecti ab alio, saltem quando illa inter se realiter distinguuntur. Ergo nihil prohibet, quin fiat hypothesis negatiua de quolibet obiecto, quin fiat positua de opposito.

Dices. Independentem ab intellectu debet dari à parte rei verificatiuum propositionis negatiue, e.g. huius: Aer nocte non est luminosus, patet; quia independentem ab intellectu datur ista denominatio non luminosi. Ergo debet assignari id per quod talis denominatio verificetur. Sed hoc non potest esse solus aer, qui ex se est indifferens ad denominationem lucidi, vel tenebrosi. Ergo debet dari aliquid aliud, quod ex natura sua sit exclusiuum lucis ab aere.

**Confirmatur; quia semper de-**

bet assignari aliquod positiuum impossibile cum termino negato. Sed illud est sufficiens ad verificandam propositionem negatiuam; nam quod est sufficiens ad hoc, ut non detur mundus, erit etiam sufficiens ad verificandam istam propositionem: mundus non existit.

Respondeo distinguendo maiorem, debet dari verificatiuum, eo modo, quo exigitur à iudicio negatiuo. Concedo aliter. Nego maiorem, & distinguo minorem, non potest esse aer cum contrario lucis. Nego aliter. Concedo minorem, & distinguo consequens, debet dari aliquod positiuum exclusiuum lucis quod se habeat causaliter, & tamquam motiuum. Trāseat consequentia: ita ut se habeat tamquam verificatiuum formale. Nego consequentiam; nam etiam ad affirmandum de luce, daretur simile motiuum, præcisè ratione decreti producentis, & tamen ultra illud, ad affirmandum requiritur ipsa lux, ut verificet formaliter, ita etiam præter decretum impediens, ut verificetur ista negatiua, scilicet lux non existit, requiritur pro verificatione formalis, ut ipsa lux à parte rei non detur: Et videtur argumentum urgere suos patronos; nam quando dicunt, quod nolitio de luce sit impossibile, scilicet cum luce, hoc in re verum est, sed vnde colligunt esse impossibilem, si comparatur cum luce; & aliunde in rerum natura nullam mutationem ponit potius nolitio, quam volitio de luce; nec

que valet, quia nolitio excludit lucem, quia hæc exclusio est affectiva, & sic est idem per idem; nam exclusio effectiva est nolitio; unde habetur, quod sit potius nolitio, quam volitio; nam in hac sententia decreta diuina sunt adequate intrinseca ipsi Deo, & dicitur volitio, vel nolitio huius, vel illius, quia modo connotat hoc modo illud, Lux enim secundum se est indifferens, ut sit connotatum potius volitionis, quam nolitiois; per quid ergo determinatur lux, ut sit connotatum nolitiois? non per suam entitatem, quia quoties haberetur entitas lucis, haberetur connotatum volitionis lucis. Sed quando existit lux, est entitas lucis. Ergo quando existit lux, haberetur connotatum decreti nolitui, & consequenter decretum nolitium lucis, quod implicat. Ergo sicut debent dicere Aduersarij, quod cum nolitio tendat circa suum obiectum per recessum, & quandam remotionem, non verò quali per accessum denominatur decretum nolitium; & sufficienter assignatur pro connotato ipsius, si nihil sit lucis in rerum natura; ita pariter quia iudicium negatiuum tendit circa suum obiectum per recessum, non verò per accessum; sufficienter assignatur pro verificatione, si nihil entis negati reuera sit in rerum natura, loquendo de iudicio tangente obiectum, si cut est in se.

Hic aduerte, iudicium negatiuum quo ab intuentibus potest iudicari ens non esse, habere pro

obiecto ipsum ens negatum; in quod per modum recessus, seu remotionis tendit; tale enim iudicium, ut sit verum, reipsa tale obiectum debet esse remotum, seu non habens esse physicè, prout iudicium ipsum intendit; unde ut illud verè sit negabile, non est necesse existere aliquod impediens obiectum; quia sine illo impedimento sibi opposito potest ens verè non existere, & sic verè esse negabile. Caterum, quia nos aliquando per aliquid ab ente negato distinctum fingimus illud obiectiue excludi, etiam per iudicium affirmatiuum æquiualem nōmine negationis, seu non entis, non ipsum ens negatum, prout non habens verè esse, sed id per quod nos apprehendimus illud obiectiue negari, significamus.

Vbi nota, quòd quoties de negationibus discurremus conaturalius ad nostrum modum concipiendi, ita de illis loquimur, ac si haberent verum, & reale esse negatiuum, licet in se nihil proprius sint; immò neque ab intuentibus in se sunt conceptibiles, quare cum loquimur de contradictorijs, ut de duobus extremis sese formaliter excludentibus loquimur, quorum alterum est negatio, & alterum res negata, & consequenter idè est dicere, res non esse, ac esse eius negationem; existere negationem rei, ubi res negata non existit, scilicet in tali tempore, in tali loco, in tali subiecto &c. qui omnes loquendi modi per æquiualentiam sunt veri, ut patet intra; immò intellectus cognos

scens

scens intuitiue, neque potest concipere oppositionem contradictoriam, quatenus versatur inter duo extrema, quia vnum ex extremis oppositionis est multoties quidditas aliqua ficta; cum ergo intellectus intuitiue cognoscens non possit cognoscere quidditatem fictam, hinc est, quod non possit cognoscere oppositionem inter duo illa extrema; quando vero intellectus noster cognoscit oppositionem contradictoriam, ita ut vnum extremum sit quidditas ficta concepta ab ipso intellectu, tunc non est oppositio formalis, sed per æquiualentiam, quandoquidem affirmatio, & negatio non est circa omnino idem, quod requiritur ad oppositionem contradictoriam.

*Soluuntur argumenta.*

**O**bjicitur primò. A parte rei verè datur cæcitas in homine, tenebræ in aere, & negatio identitatis inter entia realiter distincta. Confirmatur, quia priuatio per Philosophum est principium generationis naturalis. Ergo priuatio est aliquod existens distinctum ab ente positiuo.

Resp. Propositiones omnes, quibus affirmantur à parte rei dari negationes, & priuationes, esse æquiualentè veras, non quasi negationes affirmatæ sint aliquid à parte rei, sed quia respectu nostri intellectus, idem est affirmare dari à parte rei tales negationes, aliquo modo formando illas obiectiue, ac negare dari à parte rei

entia, quæ negant remouendo per iudicium negatiuum: quare, licet verum sit, in homine cæco à parte rei non esse visum, tamen non esse à parte rei talia entia, non est, esse à parte rei aliquid, sed potius esse nihil; vnde ab æterno non fuit mundus, tamen ab æterno non fuit reuera, aliquid, in quo esset negatio eius; sicuti, quando dicitur: Nihil corrumpit Deum, non est, quasi Deus corrumpatur à nihilo, sed præcisè quatenus non est ens corrumpens Deum, quare licet verum sit, quod nullum ens corrumpat Deum, non tamen requiritur, quod ipsum nihil corrumpat Deum. Ergo similiter ad hoc, vt non existat lux in aere, non requiritur, quod ipsa carentia existat, sed sufficit, vt non detur lux, quæ existat; nam ad hoc, vt verificetur hæc propositio: lux non existit, debet, & sufficit admittere contradictoriū existentie lucis, quod, vt sufficienter intelligatur, non requiritur, vt in se detur carentia lucis, sed sufficit, vt non detur lux.

Ad illud de priuatione dicimus, id verum esse, quatenus verum est, ex non igne fieri ignem; sicuti ex frigido fieri calidum; quamuis nihil sit priuatio formæ per generationem productæ; nam subiectum per solam acquisitionem formæ, qua prius, carebat, transit ex non habente formam in habens formam, quare mutatio de priuatione ad habitum à parte rei non est transitus de vno extremo habente aliquid ad aliud, sed solum de non esse habitus, seu à



nihilo ad aliquid.

Obijcitur secundò. Quando incipit non existere aliquid, quod antea existeret, variatur vniuersitas rerum, & incipit esse pars rā- tum illius totius, quod antea erat. Ergo datur verus transitus ab hoc, quod est totum non existere ad hoc, quod est existere solum partem. Ergo verè incipit existere negatio eius. Ergo negatio non est merum nihil.

Resp. quòd quando incipit nō existere aliquid, quod antea existeret, tunc est variatio, nō quod ponatur existens aliquid, quod prius non existeret, sed ab existere remouetur aliquid, quod antea existeret; nam variatio potest fieri, vel per reductionē in nihilum ipsius, quod antea erat aliquid, vel per reductionem ad aliquid illius, quod erat nihil; Vnde in casu posito minuitur vniuersitas rerum, & incipit existere sola pars totius, quod antea existeret, sed hoc non est de nouo incipere aliquid, imò potius tolli, & incipere de nouo non esse, nihilo ipsius posito: quare transitus ab existentia totius ad existentiam solius partis reuera non est transitus ab aliquo ad aliquid, sed potius ab aliquo ad nihil, qui delictio dicenda est, non verò transitus; vnde per creationem Mundi nihil fuit destructū, quod antea esset negatio ipsius, quia fuit transitus de nihilo ad aliquid.

Neque dicas. Hæc propositio: Mundus non exstitit ab æterno, est vera, & conformis suo obiecto. Ergo ab æterno verè fuit illius

obiectum, Ergo negatio Mundi verè fuit ab æterno.

Nam contra est; quia ad hoc; vt propositio negatiua de non- existentia Mundi ab æterno sit vera, solum requiritur, vt verè ab æterno mundus non fuerit; hoc verò non est aliquid ab æterno fuisse, sed potius fuisse nihil; nam propositio negatiua non tendit in suum obiectum, illud affirmando, sed potius illud remouendo, & negando. Ergo tunc est suo obiecto conformis, quando obiectum verè non est, vt per ipsam iudicatur non esse: Quare propositio affirmatiua de æterna existentia negationis mundi dicitur vera, quia reputatur æquiualens propositioni negatiuæ de non existentia mundi ab æterno, quia concipitur à nobis tanquam propositio negatiua ad eandem ipsius veritatem obiectiuam iudicandam, licet diuerso modo; tamen si aliquis per propositionē negatiuam negationem mundi, cuius æternam existētiā affirmat, velit aliquid verè ab æterno non fuisse, vt ab omni positio distictum, vel in aliquo positio identitificatū, talis propositio est falsa.

Obijcitur tertio. Potest Deus eligere negationem alicuius entis ad aliquem finem obtinendum; sæpè enim procurat, vt amici sui careant bonis temporalibus, vt facilius consequantur æterna.

Confirmatur; quia multoties aliquid subiectum sit bonum à carentia formæ, quæ illud redderet malum, è contra sit malum à carentia formæ, quæ illud reddet

ret bonum; insuper peccatum puræ omissionis est Deo odibile. Ergo negationes, & priuationes non possunt esse nihil, alioquin nec essent amabiles, neque odibiles, nec cognoscibiles ab ipso Deo.

Pro responsione ad argumentum aduerte, quod quoties intellectus cognoscit per species alienas, concipit negationes, ut aliquid, cum verè sint nihil, quo posito, circa illas ita conceptas potest directè, & positiuè voluntas versari; tùm per actum prosecutionis; tùm etiam fugæ, & sicut intellectus per iudicium affirmatiuum, ita prosequitur negationem, ut sit idem, ac per iudicium negatiuum fugere ab ente negato, ita pariter accidit in voluntate respectu cuius, idem est æquiuolenter per volitionem prosequi negationem, ac per nolitionem fugere ab ente negato ex modo nostro connaturali procedendi per intellectum, & voluntatem; sicut iudicamus de actibus nostris relatè ad negationes, & ad entia negata, ita loquimur de actibus Dei, licet in Deo verè non dentur formaliter illi actus, scilicet prosecutionis, vel iudicij affirmatiui circa negationes; sed æquiuolenter dantur in alijs actibus, quos verè Deus habet; unde quoties dicitur Deus per aliquem actum voluntatis versari circa negationem per æquiualentiam, solum est verum, quia Deus circa negationem per se consideratam nullum simpliciter actum intellectus, vel voluntatis habere potest; quia

ipsa per se spectata à parte rei nihil prorsus est; præcisè enim per hoc, quòd Deus per actum oppositum versetur circa ens negatum; ità se habet æquiuolenter, ac si versaretur circa negationem per actum positiuum.

Aduerte secundò, quòd aliquid quando res sit bona, & consequenter amabilis ex aliqua circumstantia extrinseca; itaut bonitas conueniat soli rei, non item circumstantiæ, vel aggregato ex re, & circumstantia; atque adeò solæ res per talem bonitatem redditur amabilis, non verò circumstantia, vel aggregatum; hoc patet in bonitate medicinæ, quæ morbum supponit, & connotat, ut circumstantiam ad suum esse requisitā, & tamen solum pharmacum reddit bonum, seu conueniens ægroto, qualia non sunt, neque morbus seorsim, neque aggregatum ex morbo, & pharmaco; quare solum pharmacum est bonum ægroto, & ab ipso amabile, morbo supposito, licet morbo sublato, tale non esset; unde qui amat talem bonitatem, pharmacum solum amare debet amore, supponente ipsum morbum, quod est amare pharmacum, ut connotans morbum; hinc patet, quod circumstantia, neque bona est, nec amabilis, sed potius odibilis, & tamen reddit bonam, & amabilem rem. quā circumstantia patet etiam in punitione peccati, quæ bonitatem habet ortam ab ipso peccatore, tanquam connotato; & contrā aliquando fit, ut connotatum sit bonum, & mala denominatur.

tium; & omnis negatio fundatur in aliqua priori affirmatione, & consequenter ab illa dependet.

Tertia sententia asserit, primum principium demonstrationis ostensivæ, & à priori esse definitionem entis, vel primæ passionis entis, quia in demonstratione à priori, definitio subiecti, vel primæ passionis est primum principium ad demonstrandam passionem de subiecto, vel passionem subsequenter demonstrantur de eodem subiecto per definitionem prioris passionis: ac in demonstratione per deductionem ad impossibile, primum principium est hoc (impossibile est, idem simul esse, & non esse).

Quarta demum sententia ponit primum principium, & absolute loquendo, esse illud, (impossibile est, idem simul &c.) quia illud est primum principium simpliciter, quo non solum omnes conclusiones, sed etiam omnia alia principia confirmari possunt, tanquam per illud, quod est fundamentum omnium principiorum. Sed tale est præfatum principium. Ergo. &c.

Pro decisione huius quaestionis adverte, duplex esse genus demonstrationum: unum ostensivum, alterum deducens ad impossibile. In priori genere illud principium, scil. impossibile est, idem simul esse; &c. non solum non est primum omnium scientiarum, sed neque totius Metaphysicæ. In posteriori vero genere, est simpliciter primum, non solum totius Metaphysicæ, sed etiam omnium scientiarum; quia omnis demon-

stratio cuiuscumque scientiæ, deducens ad impossibile, usque ad illud necessariò deducere debet; quandoquidem illud est simpliciter impossibile, quod secum adducit duo extrema contradictoria; nam illud absolute est impossibile, quod nullam habet potentiam ad existendum. Ergo si existeret, (quod est absolute impossibile) existeret, ut supponitur, & non existeret, quia non potest existere id, quod nullam habet potentiam ad existendum. Ergo quod est simpliciter impossibile, debet necessariò secum ferre, saltem illa duo contradictoria, (existere scil. ipsum, & non existere) ex hypothesi, quod existeret. Ergo omne, & solum illud erit absolute impossibile, quod secum asserit duo contradictoria: quare, cum illud principium ferat secum duo contradictoria, omnis demonstratio cuiuscumque scientiæ deducens ad impossibile, necessariò usque ad illud deducere debet. Semper enim Chimera impossibilis est connexa metaphysice cum suo contradictorio; quia, cum ex suo conceptu sit impotens ad existendum, est metaphysice necessitata ad non existendum, & consequenter non potest non esse connexa cum sua non existentia.

In genere autem ostensivo illud principium non est primum primitate principij, non solum omnium scientiarum, sed neque totius metaphysicæ, quia non omnes demonstrationes ostensivæ metaphysicæ resolvuntur in illud; est tamen unum ex primis

totius Metaphysicæ, primate vniuersalitatis, quatenus de subiecto vniuersalissimo, quale est quodlibet conceptibile, siue possibile, siue impossibile, vnam ex primis illius proprietatibus prædicet; nempe, esse impotens ad subeunda simul duo extrema contradictoria; quæ proprietas simpliciter fundatur in natura ipsorum contradictoriorum, & eorum etiam est proprietas: quare ab illis fundamentis, à quibus denominatur immediate subiectum impotens ad subeunda simul duo contradictoria, denominantur immediate ipsa contradictoria impotentia ad conueniendum simul subiecto, in quibus fundamētis innititur immediate principium illud affirmatiuum, quo prædicatur de eodem subiecto, necesse esse habere vnum ex extremis contradictorij, & de quolibet istorum prædicatur, necesse esse conuenire subiecto ex hypothesi, quod vnum deficiat; vnde illa duo principia immediate nascuntur ex natura extremorum contradictoriorum relata ad subiectum, cuius actus sunt ipsa extrema: quare licet vnum sit negatiuum, alterum positium; tamen neutrum est prius altero, sed sunt simultanea, & verumque ex primis totius metaphysicæ primate vniuersalis.

Suprà tetigimus necessitatem metaphysicam. Potest hic queri: Vtrum necessitas metaphysica intra suum genus suscipiat maius, & minus: An sc. vna necessitas

metaphysica possit esse maior alia, & sic vnum ens, magis necessarium, quàm aliud. Inter necessaria seu necessitata moraliter, vel physicè aliqua esse magis necessaria, quàm alia, nemo dubitat. e. g. necessarium est moraliter, vt in tota ciuitate aliquis cōspuat, manum moueat. &c. Sed magis necessarium moraliter est, vt in toto Regno sit aliquis homo conspuens, vel moueus manum &c. Insuper necessarium moraliter est, vt decem viri probi testantes de aliqua re à se visa, non mentiantur, sed magis necessarium moraliter est, vt non mentiantur tot homines, qui testantur, vel testati sunt, Romani esse; Vnde magis est necessitatus Intellectus ad credendam Romam propter testimonium tot hominum, qui de illius existentia testati sunt, quàm ac credendum rem visam à decem hominibus, qui de existentia illius testati sunt, sic pariter de necessitate physica; nam necessarium naturaliter est, vt cæcus, non recuperet visum amissum, sed magis necessarium naturaliter est, vt mortuus homo non recuperet vitam amissam; ita ut sit maius miraculum, mortuū suscitare, quàm reddere cæco visum. Ergo si intra genus necessitatis moralis, vel physicæ vna potest esse maior altera, hoc idem debemus concedere intra genus necessitatis metaphysicæ.

Et ratio potest esse; quia licet aliquæ formæ, vel quasi formæ intra idem genus sint inter se  
in;

QVAESTIO II.

De primo Principio Meta-  
physica, scil.

(Impossibile est, idem simul  
esse, et non esse.)

Non potest Deus velle negationē,  
vel nolle, vt commodam, vel in-  
commodam subiecto, quod amat,  
sed tantum potest nolle rem ne-  
garam, quod est idem æquivalen-  
ter. Ens verò, quod à negatione  
alicuius circumstantiæ, seu à non  
existentia illius fit amabile, vel  
odibile; potest Deus amare, vel  
odisse per actum connotantem  
circumstantiam, vt non existen-  
tem, sicut per actum connotan-  
tem circumstantiam, vt existentem  
amat, vel odit aliquod ens, quod  
ab existentia illius fit amabile,  
vel odibile; si verò Peccatum pu-  
re omissionis datur in potentia  
proxima ad ponendum, vel non  
ponendum actum præceptum, præ-  
cisè per hoc, quod Deus oderit  
talem potentiam proximam,  
prout non ponentem talem actū,  
per odium scil. (sua natura) con-  
notans actus præcepti non exi-  
stentiam, odio habet peccatum  
omissionis.

Ex dictis remanet probata  
tertia sententia ponens negatio-  
nem, à parte rei esse penitus ni-  
hil, sed respectu nostri habet tan-  
tū esse in intellectu, & sic, prout  
à nobis concipitur, est tantū ens  
rationis, vt diximus in limine  
quæstionis.



**A**ristot. lib. 4. metaph. cap. 3.  
text. 8. posuit hoc princi-  
pium: Idem enim simul esse, &  
non esse in eodem secundum  
idem est impossibile: quod ait esse  
omnium principiorum firmissi-  
mum, ac certissimum, atque ad il-  
lud demonstrantes debere tan-  
dem suas propositiones deduce-  
re: Et in eodem lib. cap. 7. tex. 27.  
apposuit aliud, seu idem alio mo-  
do, secundum varias Authorum  
sententias, scil. necesse est, quod li-  
bet, aut esse, aut non esse.

Pro intelligentia supponendū  
est. Huiusmodi principia fundari  
in natura extremorum contradi-  
ctionis: dicuntur autem extrema  
contradictionis negatio obiecti  
ua, & illud, quod per eam nega-  
tur; quæ extrema ita opponuntur,  
vt quodlibet eorum ex modo no-  
stro concipiendi, & sua natura, sit  
formalis exclusio, seu remotio al-  
terius, & consequenter exclusio  
vnius sit formalis positio alterius;  
vnde nequit vnum contradictio-  
nis extremum esse, quin desit al-  
terum; quo fit, vt non possint am-  
bo simul esse, & consequenter esse  
impossibile, aliquod simul esse,  
& non esse; nam aliquod simul  
esse, & non esse; esset simul esse  
ambo contradictionis extrema;

B b b b

253

nam ratio naturalis non est falsa, possunt verè omnia argumenta, quæ sunt contrà illorum possibilitatem solui, & tamen principia naturæ non possunt eorum possibilitatem euidenter ostendere: quare aliud est, rem esse possibilem, & aliud non demonstrari euidenter esse impossibile: potest aliqua prædicatorum compositio proponi, quæ in se reuera sit impossibilis; tamen nobis non suppetunt argumenta, quibus eius repugnantiam euidenter concludamus; potest enim aliquod reuera abesse, ut ita dicam, à statu possibilitatis, & tamen non potest probari euidenter abesse, sicut pater de substantia panis in eucharistia, quæ reuera abest, tamen non sunt argumenta ad ostendendum naturaliter illam abesse. Angelus ergo potest naturali lumine ostendere argumenta, quæ probant impossibilitatem alicuius, non esse euidentia, & consequenter soluibilia; cæterum non potest positue ostendere rei ipsa possibilia non repugnare; quia ut dixi, aliud est, rem esse possibilem, & aliud, impossibilem non videri à natura, quæ inerà limitatam sphaeram videndi concluditur, & non videt in se quidquid est possibile.

Dices contrà superius dicta. Si illud, & solum esset impossibile, quod secum affert duo contradictoria, iam non esset vtilis, valde vtilitatis modus arguendi ex hypothesi impossibili; nam si impossibile est illud, quod necessario secum affert duo contradictoria,

Ergo ex hypothesi impossibili sequitur quodlibet ex extremis contradictorijs, sic in illa celebri quaestione: An si Spiritus S. non procederet à Filio, ab eo distingueretur; cum enim Spiritum S. non procedere à Filio sit omnino impossibile, cum oppositum sit necessariū. Ergo, data hypothesi, quod non procederet à filio, sequeretur veraque pars contradictionis, quod scilicet distingueretur, & non distingueretur.

Ita tenent Gessfredus, & Greg. Arimin. in 1. dist. 11. quaest. 1. ar. 2. ubi sic discutrit. *Supposito, quod Spiritus S. esset, & similiter Filius esset: & tamen Spiritus S. non procederet ab eo, ex ista hypothesi includente contradictoria sequuntur contradictoria, quod scilicet distingueretur, & non distingueretur à Filio, distingueretur quidem, quia uterque esset, & uterque ab altero se ipso distingueretur: non distingueretur autem; quoniam Spiritus S. non esset: sicut si diceretur, supposito, quod Filius esset, & esset improductus, distingueretur à Patre?* hæc Greg.

Cæterum talis modus arguendi ab omnibus nunc admittitur, ut vtilis, & efficacissimus in omnibus materijs ad cognoscendas proprias, & formales rationes rerum; unde D. August. ad inuestigandam rationem formalem constitutionem Patris, quam non esse innascibilitatem, arguit & hypothesi impossibili: Si Pater non esset innascibilis, nihil prohiberet ipsum genuisse filium. Riccardus Victorinus lib. 3. de Trinit. c. 16.

plenitudinē sapientiz in Deo non haberi ex Trinitate Personarum, probat ex hac hypothēsi impossibili; nām etiam si sola vna Persona in Diuinitate esset, nihilominus plenitudinē sapientiz habere potuisset; cū impossibile est, Deum esse, & non esse Immensum, & immediate præsentem in Cælo, & in terra, tamen quia Deus non solum est Imensus, sed etiam Omnipotens, Infinitus, Intelligens &c. omnes Theologi ad indagandam coniunctionem, quam actio cū suo agente postulat, vtilissimè quærunt: An si per impossibile Deus esset in cælo tantum, & non in terra, posset immediatè agere in terram.

Quarè non ex eo præcisè, quòd sex aliqua hypothēsi impossibili sequitur impossibile, statim cenzenda est inutilis, dummodò ex illa non sequantur duo contradictoria per locum intrinsecum, vt ex ista hypothēsi si Equus non esset animal, esset Equus, vel si Sortes non esset rationalis, discurret; non possumus vtiliter arguere, quia Equus intrinsecè includit animal, & ita ex illa hypothēsi per locum intrinsecum sequitur vtraque pars contradictionis, scilicet Animal, & non Animal; vnde in casu non poneretur constantia suppositionis, sed formaliter, ac intrinsecè se ipsam destrueret: quare illa est vtilis, quæ in intellectu suo tantum vnum contradictorium includit, & aliud non, nisi per consequentiam materialē, & locum extrinsecum, sic ex ista hypothēsi impossibili; si Sor-

tes non esset risibilis, esset homo, possumus arguere; quia præcisè risibilitate, ponendo Sortem in esse hominis, non ponuntur contradictoria ex primo intellectu positionis, sed solum alterum, scilicet quòd Sortes sit homo; alterum verò, quòd scilicet nō sit homo, non ponitur, nisi ex cōsequenti per locum extrinsecum ex remotione passionis, remouendo subiectum.

Vnde Theologi vtuntur hypothēsi impossibili ad probandum, distinctionem personalem Filij, & Spiritus S. nasci ex oppositione, quam habent producentis, & producti: quare licet defectus chimericus processionis Spiritus S. à Filio, loquendo absolutè, ferat secum vtrumque extremum contradictionis, scilicet defectum distinctionis Spiritus Sancti à Filio, & ipsam distinctionem; quia defectus processionis absolutè, nō potest stare sine alijs prædictis Spiritus Sancti cū processione connexis, vtpotè necessariò existentibus, & hæc sine processione stare non possunt, & ita defectus processionis absolutè sine ipsa processione stare non potest, & consequenter, nec sine distinctione, quam secum affert processio; sed defectus processionis præcisè solum infert per locum intrinsecum defectum distinctionis, non verò distinctionem ipsam.

Et per hæc patet ad argumentum Arimin. Ad illud, quod addit ex hypothēsi, quòd Filius non procederet à Patre, dico esse latam disparitatem; nām esse Filium



Inæquales; tamen ad excludendas formas contrarias æqualiter se habeant, sic quælibet gratia sanctificans excludit quodlibet peccatum mortale à subiecto, licet una gratia sanctificans sit maior alia. Ergo licet quælibet necessitas metaphysica excludat à subiecto, cui convenit, omnem potentiam ad oppositum; potest tamen intrā genus necessitatis metaphysicæ una esse maior alia, & hæc videtur sententia Arist. & Divi Thomæ: probantis, veritatem principiorum esse magis necessariam, quam veritatem conclusionis deductæ ex illis; & Scoti negantis, posse verbum procedere ex cognitione possibilitum, quia longè magis necessarium est, Verbum divinum esse, quam creaturas esse possibiles; est etiam illorum, qui tenent, non posse Deum habere connexionem cum creaturis possibilibus; quia magis necessarium non potest connecti essentialiter cum minùs necessario, ut sunt creaturæ possibiles respectu ipsius Dei.

Commensurandum est ergo maior, vel minor necessitas per ordinem ad perfectionem illarum rerum, quibus cōpetit; quare quo perfectius esse aliqua res habet, magis necessario illud habet; nā si habere esse ut cūque est bonū, non potest, non esse bonum, habere illud necessario; unde putant aliqui, esse necessarium fundari in perfectione, ita ut ens simpliciter necessarium affirmet, carere omni defectu, & consequenter habere infinitam perfectionem; Sic ut

enim omnis bonitas, & perfectio vera est pro aliquo euentu, amabilis, & prosequibilis, ita omnis defectus, & imperfectio, eo ipso, est abominabilis, & contemptibilis pro aliquo euentu; quia sicut bonum est motium formale amoris, ita defectus, & imperfectio inducit motium, & fundamentum fugæ pro aliquo euentu possibili, sed quod est simpliciter, absolute, & pro omni euentu possibili, necessarium non est prudenter odibile, & contemptibile; nam magna imprudentia est, nolle vel fugere ab illo, quod essentialiter existit, & est inevitabile. Ergo cum fuga, & displicentia per se ordinentur ad evitacionem obiecti, quod displicet, sequitur, omne intelligibile simpliciter necessarium debere carere omni defectu, & imperfectione, & consequenter habere omnem perfectionem; atque adeo solus Deus est simpliciter, & absolute necessarius.

Sæpe in quæstionibus præcedentibus facta est mentio de possibili, nunc videndum, ex quo fundamento Intellectus determinetur ad affirmandum aliquod esse possibile, vel è contra. Ad affirmandum aliquod esse possibile, non requiritur, quod in eo non appareat evidenter contradictio, sed requiritur, & sufficit, quod non sit vllum argumentum valdè probabile contradictionis, quale argumentum est quoties aliquod repugnat naturaliter, & non apparet aliqua bonitas in hoc, quod Deus possit operari illud, etiam,

con;



& esse improductum sunt termini expresse contradictorii, quia esse Filium apertissime exprimit esse genitum, & productum à Patre, & idè si esset Filius, & distingueretur à Patre, & si esset omnino improductus non distingueretur à Patre; quia Persona Divina improducta non potest esse, nisi Pater. At esse Spiritum Sanctum dicit solum explicitè esse productum, & spiratum per voluntatem; quod verò sit esse spiratum à Patre, & Filio, vel à solo Patre, vel à solo Filio non dicit explicitè. Ergò potest saltem per impossibilem suppositionem negari esse spiratum à Filio, & considerari tantum esse spiratum à Patre; unde non sequuntur simul duo contradictoria per locum intrinsecum, sed tantum in nostra sententia non distingui à Filio.

Quare malè aliqui Authores tenent ex qualibet hypothese impossibilem non solum sequi duo contradictoria, sed quodlibet etiam disparatum.

Nam sicut ex entibus possibili-  
bus non quodlibet est connexum cum quolibet, ita non ex quolibet inferitur quodlibet, alias non posset Deus producere unam creaturam, quin produceret omnes possibiles, nec posset ipse existere sine creaturis; ita ex entibus impossibilibus non quodlibet connectitur cum quolibet, vel possibili, vel impossibili, vel existente; nam ex eo quia Petrus nunc curreret, non sequitur, me scribere, Papam loqui. &c. Ergo ex eo, quod aliqua chimæra modo

existeret, non sequitur necessàriò aliquod ex prædictis, & à fortiori neque quodlibet fore.

Dice, Si existeret quælibet chimæra impossibilis, existerent simul duo contradictoria per vos. Ponamus ergò existere, & non existere lucem e. g. deinde sic: vel lux existit, vel Turca bibit. Sed lux non existit. Ergo Turca bibit. Conf. est bona, ut constat ex logicis. Mai. & Mi: in data hypothesis sunt veræ. Ergò ex data hypothesis sequitur conf. & sic probatur quodlibet sequi.

Respondeo. A negatione unius ex extremis disiuncti veri ad positionem alterius, tunc solum legitime argui potest; quando per eam negationem undequeque excluditur tale extremum; negatio enim lucis in data hypothesis non excluditur undequeque, utpotè per ipsam hypothesis est posita, & composita lux cum sui negatione: quare argumentatio non est legitima; nam ex logicis tunc solum est legitima talis forma arguendi, quando Minor Syllogismi disiunctivi undequeque excludit alteram partem Maioris, quod accedit, quando vel absolute proceditur, vel ex hypothesis non impossibili.

Dices secundò. Ex hypothesis impossibili existentie secundi Dei impotentis existere, data existentia alicuius non potentis coexistere caræ dormitionis Papæ, dormit Papa. Sed existit alius Deus, qui cum sit impotens existere, non potest coexistere caræ dormitionis Papæ. Ergo Papa

CCCC dot;

**D**ormit; ex alia parte probatur: Papa non dormit. Ergo ex hypothesi impossibili sequitur quodlibet.

**R**espondeo. Ex hypothesi existentiae secundi Dei nihil omnino sequitur exclusivum carentiae dormitionis Papae, & consequenter cum ipsa dormitione connexum: quare licet sequeretur aliquid simpliciter excludens coexistentiam secundi Dei cum tali carentia; illam verò non excluderet remouendo carentiam ipsam, sed remouendo tantum secundum Deum, quo solo remoto, talis coexistentia cessaret; unde ex data hypothesi remotio carentiae dormitionis Papae non sequitur perpositionem dormitionis; imò nec ipse secundus Deus, vel quoad existentiam, vel quoad potentiam ad existendum in data hypothesi simpliciter excluditur; nam secundus Deus non existeret, quia verus Deus illum excluderet, & non posset existere, quia id habet ex suo conceptu; aliunde tamen, ut supponit hypothesis, existeret, & consequenter posset existere, & sic in data hypothesi tunc existentia secundi Dei, tunc potentia illius ad existendum, tunc negatio existentiae, & potentiae ad existendum secundi Dei coexisterent simul carentiae dormitionis Papae, si Papa non dormiret, & dormitioni, si dormiret; & consequenter impertinenter se habet coniunctio contradiCTORIORUM, quae in hypothesi daretur ad hoc, ut Papa dormiret, vel non dormiret.

Neque dicas. Ex hypothesi

impossibili, quae tali nunquam posse argui vtiliter, sed solum ex conceptu aliquo possibili incluso in chimæra impossibili; quare si Spiritus Sanctus non procederet, &c. ex parte hypothesis sumendus est hic conceptus possibilis: Persona Diuina non procedens à Filio, & procedens à Patre, & ita ex illa hypothesi arguitur vtiliter.

Sed contrà est: quia dum dicunt solum argui vtiliter ex hypothesi conceptus possibilis inclusi in hypothesi impossibili, iam fatentur modum arguendi ex hypothesi impossibili esse inutilem; quia ex conceptu possibili, quem assignant ad arguendum in illa quaestione de distinctione Spiritus Sancti à Filio casu, quo non procederet ab illo, inutiliter, & nugatorie argueretur, quia ex hypothesi, quod Persona Diuina procedens à Patre, & non à Filio, non procedat à Filio, nihil inferre pro Spiritu Sancto de quaestione; nam solum inferitur, quod Persona Diuina procedens à Patre, & non à Filio, quae reuera est ipse Filius, non distingueretur à Filio; est etiam nugatoria; nam assumptio hæc nugatoria est: si Persona Diuina procedens à Patre, & non à Filio, non procederet à Filio.

### QVAESTIO III.

*De Principijs Dici de Omni,  
& dici de Nullo.*

**E**xplicatis Principijs vniuersalissimis Metaphysicis, quæ quia

quia aliquandò conficiuntur terminis dialecticis, vt 4. Metaph. cap. 7. tex. 27. ait Phyllos. *Verum inter contradictiones quidquam medium esse contingit, sed necessarium, aut dicere, aut negare vñ de vnoquoque, & primò post. cap. 8. tex. 26. & 27. Impossibile est, inquit, idem simul affirmari, & negari de eodem. Necessè est idem affirmari, vel negari de eodem*; quapropter illa principia metaphysica habent connexionem aliquam cum alijs principijs positis ab eodem Philosopho. primò post. cap. 1. scil. Dici de omni, & dici de nullo, quæ se habent tanquàm duo syllogismi naturales, ex quibus originantur omnes syllogismi rectè, & naturaliter concludentes, pro quo aduerte, non esse idem Dici de omni, ac propositionem vniuersalem affirmatiuam, neque Dici de nullo, ac vniuersalem negatiuam, sed sunt duo integri syllogismi, constantes tribus terminis taliter secundùm prædicationem dispositis, vt vnus sit prædicatione supremus, & ordine primus, qui de secundo vniuersaliter prædicatur affirmatiuè in Dici de Omni, negatiuè verò in Dici de Nullo, vt Omnis, & Nullus. Secundus terminus prædicatur de tertio, qui est vltimus, & prædicatione infimus, & continetur sub secundo, tanquàm pars sub toto; ideò secundus terminus dicitur totum respectu infimi, & est medius terminus in syllogismo: Supremus, qui de toto prædicatur, dicitur maior extremitas; infimus verò, de quo totum prædicatur est mi-

nor extremitas: Quare quandò proferimus Dici de omni, integrum syllogismum dicimus; nam duas propositiones ponimus, & ex illis conclusionem colligimus; dum enim maior extremitas de toto prædicatur vniuersaliter, facimus propositionem maiorem, quæ semper est vniuersalis: Modò verò affirmatiua, modo negatiua; dùm verò sub toto assumimus partem adiungimus minorem propositionem, quæ semper est affirmatiua, aliter non haberet totum, & partem; nam si totum de subiecta parte negatiuè prædicaretur, illam sub se non contineret, quando verò maior extremitas, ita de parte, scil. de minore extremitate prædicatur, sicut de medio, quod dicitur totum, prædicabatur, colligimus conclusionem, quæ in qualitate imitatur maiorem; & consequenter modò est affirmatiua, modo negatiua; in quâritate verò imitatur minorem, & consequenter modò est particularis, modò vniuersalis.

Vnde Auer. 1. post. c. 5. ait: Ad Dictum de Omni, & de Nullo duo requiri: vnum, vt maior semper sit vniuersalis. Alterum, vt minor semper sit affirmatiua, & cap. 10. ait, quod ratio totius, & partis in syllogismo concludente per Dici de omni, vel de nullo solum habet locum in minore affirmatiua; ex hoc probat, semper minorem debere esse affirmatiuam, aliter non regularetur per Dici de omni, vel de nullo; in maiore enim non est totum, & pars, quia potest esse tum affirmatiua, tum neg-

gatiua;

gatiua; semper verò vniuersalis. Ergo Dici de Omni, & de Nullo significant integros syllogismos, non verò simplices propositiones.

Insuper probant, solum in prima figura inueniri actū Dici de omni, & de nullo, quia in utroque medium debet esse positione medium, quod cum sit totum debet de parte prædicari, & etiam supremo subijci; alix verò Figuræ sub illis non continentur actū, quia habent, medium positum extra alios duos terminos, continentur tamen sub illis potestate, quia possunt reduci ad primam, & tamen in alijs Figuris est propositio vniuersalis. Ergo Dici de Omni, &c. dicit integrum syllogismum dicto modo dispositum.

Ex dictis patet, syllogismos affirmatiuos de medio communi fundari in illo, scilicet in Dici de Omni: negatiuos verò in Dici de Nullo. Syllogismi affirmatiui de medio singulari fundantur per se, & formaliter in illo, scilicet quidquid affirmatur verè de aliquo, verè etiam affirmatur de quolibet identificato cum illo, quando affirmatur aliquod per verbum substantiuum, quod identitatem significat; syllogismi verò negatiui etiam de medio singulari fundantur in illo quidquid verè negatur de aliquo &c. Quæ vltima principia coincidunt cum illo alio posito ab Aristotele 3. phys. textu 21. scilicet. Quæ sunt eadem vni tertio, sunt eadē inter se, & septimò top. cap. 1. loc. 4. posito ab eodem sub his terminis: *Cui alterum*

*idem, & alterum; nam si non sunt ambo eidem eadem, manifestum est, nec sibi inuicem.* Quare si illud; Quæ sunt eadem vni tertio, &c. æquiualeat illis de medio singulari, & illa duo de medio communi includunt ista de medio singulari; (nam idē est dicere quidquid verè affirmatur, vel negatur de omni, verè etiam affirmatur, vel negatur de quolibet contento sub illo, ac dicere quidquid affirmatur, vel negatur de singulis contentis sub omni verè affirmatur, vel negatur de quolibet identificato cum illis) etiam illud principium, Quæ sunt eadem vni tertio &c. utpotè inclusum in principio affirmatiuo de medio singulari, debet necessariò includi in affirmatiuo de medio communi, ita ut sine illo subsistere non possit. Quare male aliqui recentiores, qui ut defendant formam syllogisticam in Deo, excludunt à fundamentis syllogismorum hoc principium: Quæ sunt eadem vni tertio, &c. quia non verificatur vniuersaliter in Diuinis; nam licet illud non pertineat ad vim syllogisticam, adhuc persistit tota difficultas, quia alia principia, quæ per ipsos fundant vim syllogisticam, æquē in Trinitate videtur falsificari; nam quidquid affirmatur, vel negatur de essentia non verò affirmatur, vel negatur de quolibet identificato cum illo.

Dices, posita identitate reali pro fundamento syllogismi, iam destruitur vis syllogistica in Diuinis, & consequenter tota ratiocina-

natio intellectus humani. Ergo talis identitas, & consequenter illud principium: Quæ sunt eadē &c. non potest esse fundamentum syllogismi. Antecedens probatur. Nam hic syllogismus: Hæc Deitas est Pater; Filius est hæc Deitas. Ergo Filius est Pater, est legitimus in prima figura, & antecedens est verum, consequens verò est falsum. Similiter hic de termino communi. Nulla Paternitas est Filiatio. Essentia Diuina est Paternitas. Ergo essentia Diuina non est Filiatio; est in ead. m. figura, antecedens est verum, & tamen consequens est falsum. Propter hæc, & similia aliqui dixerunt formam syllogisticam in Diuinis nullam habere vim, sed hoc est contra omnes Theologos; nam Mysterium ineffabile Trinitatis, licet sit supra lumen naturale intellectus creati, non tamen est contra lumen naturale; semper enim intellectus noster ita debet concipere, & explicare Mysteriū, & alia prædicata Diuina, vt vindicet illa ab oppositione cum principijs euidentibus lumine naturæ notis, qualia sunt: quodlibet est, vel non est: impossibile idem simul esse, & non esse &c. Quibus euerfis nihil penitus subsistere potest. Vnde Nominales cum suo Occamo in dist. 1. q. 6. dicentes nunquam contradictoria admittenda esse de eodem, nisi habeantur in Scriptura sacra, vel ex Determinatione Ecclesiæ, vel euidenter ex talibus inferantur. Malè loquuntur de nostra Fide, quam docemur ab Apostolis, &

ab Ecclesia esse rationabilem, & consequenter illam non pugnare cum principijs primis, & euidentibus. Quare si illa duo principia scil. Dici de omni, & dici de nullo sunt veluti fontes, ex quibus omnes syllogismi originantur, & illa includunt illud: quæ sunt eadem vni tertio sunt eadem inter se; vbique habet suam efficaciam forma syllogistica, vbi, & quando seruantur conditiones requisitæ pro legitimitate ipsius. Quare, vt forma syllogistica sit legitima (pluribus omissis) requiritur, vt quando in syllogismo termini sunt singulares, vel particulares, debeant esse perfectè tales, aliter syllogismus defectum patitur singularitatis, & particularitatis perfectæ; quando verò sunt termini vniuersales distributi, debeant etiam esse perfectè tales, aliter patitur defectum perfectæ distributionis, & idè malè concludit, non quia forma syllogistica in casu non habet vim, sed quia deficiunt requisita ad illius legitimitatem; hinc fit, quia terminus Deitas, & reliqui toti Trinitati communes communitate identitatis ex hoc præcisè, quòd sint communes tribus Personis, licet habeant singularitatem, aut particularitatem oppositam vniuersalitati; tamen non habent singularitatem, aut particularitatem, excludentem omnem prorsus communitatem. Quandocumque ergo ponuntur, vt termini singulares, aut particulares, etiam illis addantur pronomina demonstratiua, in talibus terminis syllogismus

mus patitur defectum perfectæ singularitatis, aut particularitatis, quia Pronomina demonstratiua solum demonstrant singularitatem oppositam vniuersalitati, non, verò singularitatem oppositam, cuiusque communitati, qualis requiritur ad legitimam formam syllogisticam in terminis singularibus.

Quoties verò ponuntur termini communes, etiam si illis addantur particulæ distributiue, scilicet: omnis, nullus: syllogismus in talibus terminis patitur defectum perfectæ distributionis, quia particulæ omnis, nullus solum possunt distribuere terminos communes communitate vniuersalitatis, non verò communes communitate identitatis; possunt tamen particulæ omnis, nullus distribuere, si addantur termino vniuersali, quasi extraneo, qui identificatur cum extremis, ita ut supra terminum vniuersalem additum particulæ distributiue cadant, dicendo: omnis res, quæ est Deitas; nullum ens, siue nihil, quod est essentia, &c.

Ex quibus patet: quare syllogismi in argumēto propositi male concludant, quia in primo syllogismo medium, scilicet Deitas non est omnimodè singulare, vt esse debet in syllogismis expositiuis: In secundo verò, si ille est factus in Ferio, subiectum minoris, scilicet essentia Diuina non est terminus omnino particularis, vt esse debet: Si verò est factus in Celarent, etiam si addatur eidem subiectum minoris, particula, omnis: adhuc

non manet omnino distributum; vt debet: quale esset, si ita fieret syllogismus: Nulla Paternitas est Filiatio: Omne, quod est essentia Diuina est Paternitas. Ergo nihil, quod est essentia Diuina est Filiatio. In tali syllogismo, sic disposito, minor est falsa, & idè consequens etiam est falsum, & sic de reliquis syllogismis in Trinitate facilibilibus discurrendum est; & hæc sint dicta pro explanatione, & defensione horum principiorum, cum ad Metaphysicam pertineat defendere nedum principia vniuersalissima, verum etiam principia aliarum scientiarum, vt supradictum est, & patet ex Proœmio Metaphysicæ cap. 1. & 2. ex lib. 4. text. 7. & 1. Physicorum, cap. 2. vbi Aristoteli: Si quis negat prima principia Geometriæ; non pertinere ad Geometriam illam probare, sed ad primum Philosophum.

## QVAESTIO IV.

*De principijs: Propter quod*

*Vnumquodque tale, &c.*

*& sicut se habet simpliciter ad simpliciter, ita &c.*

**T**Radit aliud principium Arist. 4. Metaphysicæ text. 4. his verbis: Vnumquodque maxime tale est præ cæteris, cuius causa nomine, & ratione eidem conuenit. Sic ignis est calidissimus, quod cæteris caloris causa sit.

fit, & 1. Poster. his verbis; Proppter quod vnumquodque tale, & illud magis, quo probat præmissas esse euidentialiores, & certiores conclusionem, dicens. *Semper enim propter quod vnumquodque tale, & illud magis est.* Vt propter quod amamus illud amicum magis est: quare siquid scimus per prima, & credimus illa, scimus, & credimus magis; quoniam propter illa, & posteriora, & paulò post. *Non solum oportet principia magis cognoscere, & magis ipsis credere, quam eis, quod demonstratur, sed neque aliud ipso credibilius, neque notius oppositis principiis, & Dicitur Thom: ibid. probat, inquit, pospositum dupliciter primò ratione consensiva sic: Propter quod, vnumquodque tale, & illud magis sicut si amamus aliquem propter alterum, ut si magistrum propter Discipulum, Discipulum amamus magis. Sed conclusiones scimus, et eis credimus propter principia. Ergo multo magis principia, & magis eis credimus; quàm conclusioni. Attendendum est circa hanc rationem, quòd causa semper est potior suo effectu: quando causa, & effectus conveniunt in nomine, tunc illud nomen magis predicatur de causa, quàm de effectu. sicut ignis, est magis calidus, quàm ea, quæ per ignem calefiunt: quandoque verò causa, & effectus non conveniunt in nomine, & tunc, licet nomen effectus non conveniat cause, tamen convenit ei aliquod dignius. sicut & si in Sole non sit calor est tamen virtus in eo quadamque est principium caloris. Ex verbis D: Iho: oritur difficultas: An hoc principium verificetur*

in omni genere causæ; pro quo suppono primò. Ad hoc, ut illud sit verum, ac necessarium requiruntur aliquæ contradictiones, quarum Prima est, predicatum debere convenire pluribus formaliter; & vni eorum per se primò, alijs verò per participationem eius, & non aliunde? Secunda est, quod predicatum comparationis, præscindendo à comparatione competat simpliciter extremis; nam quia ablata comparatione, vinum non est ebrium, idè non dicitur magis ebrium, licet propter vinum homo fiat ebrius. Tertia ponitur à D: Tho: 1. p. quæst: 87. art: 2. ad 3. quòd scilicet in eod. ordine causarum contineantur, hoc est in eodè genere causæ efficientis, vel finalis. &c. ita ut si illud, cui per se primò predicatum convenit sit finis; cætera sint media ad ipsum ordinata: Si illud sit efficiens, cætera sint quasi effectus ab ipso procedentes. Accipe verba S. Tho. cum dicitur propter quod vnumquodque tale, & illud magis, veritatem habet si intelligatur in his, quæ sunt unius ordinis: puta in eodè genere causæ puta si dicatur, quod sanitas est desiderabilis propter vitam, sequitur, quod vita sit magis desiderabilis: Si autem accipiantur causæ, quæ sunt diversorum ordinum, non habet veritatem, ut si dicatur: quòd sanitas sit desiderabilis propter medicinam; non idè sequitur, quòd medicina sit magis desiderabilis; quia sanitas est in ordine finis: Medicina autem in ordine causarum efficientium.

Sup-

Suppono secundò tanquam certum apud omnes. Tale principium verificari in omni genere causæ, antequàm producat effectus; insuper verificari de qualibet causa secundum relationem dependentiæ effectus à causa sua, quæ relatio fundatur in esse productiuo causæ.

Probatur. Quia in illo instanti, in quo producit effectus ex se exigat existentiam causæ siue in se, siue in virtute, non autem existentia causæ exigat effectum, & hoc est fundamentum in ipsa causa, & effectui prioritatis, & posterioritatis nature, & in quo fundatur ratio dependentiæ, addens imperfectionem supra productionem; nam productio, vt secundum se non dicit imperfectionem dependentiæ, vt patet in Diuinis. Quia ergo in creatis reperitur productio cum imperfectione dependentiæ; inde fit, vt pro illo instanti causa habeat magis, esse, quàm effectus; cum illud habeat sine imperfectione dependentiæ, & posterioritatis respectu sui effectus, vt effectus illius est. His suppositis.

Dico primò. Hoc principium verificari in aliquo genere causæ, etiam postquam effectus est productus non secundum relationem dependentiæ, sed secundum perfectionem, quam effectus recipit à causa sua.

Probatur ex Diu. Augustino lib. 83. quæst. 2. vbi sic habet. *Omne, quod fit ei à quo fit par esse non potest: Iustitia hoc exigit, id est natura cuiuslibet effectus.* Quod cer-

tè non potest intelligi de excessu causæ secundum esse relatiuum, quia hoc modo intellectum nihil probaret; nam ibi intendit ostendere, Deum secundum suam absolutam entitatem esse perfectionem homine; neq; valet, Diu. Augustinum intellexisse de principio necessario, quod est ipse Deus, à quo essentialiter pendet creatura, quia Argumentum peteret principium; atsumit enim illud principium ad probandum, quod homo est ingnobilior Deo producente, à quo essentialiter dependet, vt patet legenti.

Dico secundò: Illud principium verificari in genere causæ finalis, supponendo in medio esse duplicem bonitatem. Alteram absolutam, quam medium dicit, non qua medium est, sed quatenus res quædam est. Alteram relatiuam, quam dicit mediū, qua mediū est.

Probatur: quia ratio bonitatis est primò, & formaliter in fine, & consequenter ratio appetibilitatis est in fine propter se; ratio verò bonitatis in medio, qua tali est bonitas per denominationem extrinsecam à bonitate finis, & consequenter ratio appetibilitatis non est propter se, sed propter aliud. Ergo est maior bonitas in causa finali, quàm in medio, quod est effectus causæ finalis. Consequentia pater, quia in causa finali bonitas est intrinseca, & appetibilitas per se; in medio verò est bonitas extrinsecæ, & appetibilitas in ordine ad finem. Antecedens probatur, quia medium, quæ tale, habet tantum rationem veri;

lis;



lis; quia quæ tale ordinatur ad finem ultimum in sua serie. Ergo non habet rationem boni propter se, sed in ordine ad finem.

Confirmatur: quia ratio, quæ trahit voluntatem actû ad amandum media, & ordinationem mediorum inter se non est ipsa bonitas, quæ reperitur in medijs, sed ipsa bonitas finis ultimi in illa serie, e.g. Sanitas est illa, quæ trahit voluntatem ad amandum medicinam: quare in omnibus analogatis Attributionis, præcipue in genere causæ finalis, ratio analogica est solum intrinseca in principali analogato, ut dixi tractatu 1. disput. 5. quæst. 4. In alijs verò analogatis secundarijs est per denominationem extrinsecam, ut patet in sano: quando autem ratio significata est intrinseca in omnibus analogatis, tunc habetur analogia proportionalitatis, ut patet in Substantia, & Accidente; si verò Accidentis, quod est secundarium analogatum consideretur, ut effectus substantiæ in genere causæ finalis, tunc erit entis ens per denominationem extrinsecam ab ente, quod est in substantia, & sic est analogia attributionis accidentis ad substantiam; eodem modo de omnibus medijs discurrendum est.

Vnde quando appetitur cibus calidus ad calefaciendum stomachum ille non habet bonitatem formaliter, quia medium est, per calorem, quem habet in se; nec est appetibilis propter illum, sed propter calorem, qui efficiendus est in stomacho, à quo cibus de-

nominatur extrinsecè calidus, bonus, utilis, & appetibilis; ille verò calor intrinsecus est radix bonitatis extrinsecæ, & appetibilitatis, & est causa efficiens calorem in stomacho, & ut sic cum illo convenit calor stomachi proportionaliter, vel uniuocè, & consideratur in alio genere causæ.

Dices. Potest quis amare virtutem, & ob honorem proprium, & ob amorem Dei; & tamen non sequitur magis amare honorem proprium, quam virtutem; quia in tali casu potest amare magis virtutem, quam honorem proprium, quatenus magis amat honorem Dei. Ergo hoc principium non verificatur vniuersaliter in genere causæ finalis.

Resp. Si isti fines sunt totales; (quod est impossibile,) itaut excluso honore Dei, adhuc amaretur virtus ob honorem proprium, tunc virtus, quatenus est effectus, seu medium ad honorem proprium, tanquam ad finem minus amaretur, quam honor proprius; tamen quatenus honor Dei magis amaretur, quam honor proprius, & virtus amaretur, tanquam medium ad honorem Dei, posset magis amari virtus appetitiuè; imò etiam intensiuè, quam honor proprius; quia tunc non amaretur, ut medium ad honorem proprium, sed ut medium ad honorem Dei.

Dico tertio. Hoc principium verificatur in genere causæ exemplaris, quæ est ratio prototypæ, quæ in sententia communi facit distinctum genus causæ formalis

**D d d d d ex:**

extrinsecz; & est illa, ad cuius exemplar exemplatur Imago, vt Plato est ratio prototypa; imago verò representans Platonem est exemplata ab ipso Platone. Hic præcindimus: Vtrum causa idealis constituat distinctum genus causæ formalis extrinsecz, & in quo consistat ratio causæ idealis, sed loquimur de exemplari, qua tali formaliter.

Probatur. Quia exemplatum, qua tale, est solum perfectio per denominationem extrinsecam à perfectione, quæ est intrinsecz in exemplari. Ergo perfectio in exemplari est maior, quàm perfectio in exemplato. Consequentia patet; quia in exemplari est perfectio absoluta, & intrinsecz; in exemplato verò est perfectio extrinsecz, & relatiua ad exemplar; nam triplex perfectio considerari potest in exemplato. Prima est absoluta, & intrinsecz, & hæc est potius ab efficiente, quàm ab exemplari, & est fundamentum secundæ perfectionis. Secunda verò est extrinsecz, & relatiua, & hæc est ab exemplari, quatenus in exemplato relucet perfectio exemplaris, quia exemplatum, qua tale, non est aliud, quàm esse representatiuum exemplaris. Tertia perfectio (si reuera est perfectio) fundatur in secunda, & est relatio dependentiæ exemplati ab exemplari. Antecedens patet, quia exemplatum, qua tale, non est aliud, vt dixi, quàm esse representatiuum exemplaris, quod est esse relatiuum ad exemplar, quatenus in ipso exemplato

relucet perfectio sui exemplaris. Hæc ratio procedit in creatis, nõ verò in Diuinis, quia ibi essentia Patris, cuius est representatiuum Verbum, est eadem numero realiter communicata Verbo, & distinctio requisita sufficit, si sit in Persona; in creatis verò non potest eadem numero natura communicari; hinc fit, vt in exemplato perfectio naturæ, quæ est in exemplari communicetur solum per denominationem extrinsecam.

Dico vltimò. Hoc principium verificari in causa efficiendi principali æquiuoca, & totali in suo ordine.

Probatur primò Author. Diu: Tho: sup. cit. de sole; deindè ratione: quia causa æquiuoca est diuersæ speciei ab effectu. Ergo est perfectior effectu. Anteced. patet: Consequentia probatur; quia causa diuersæ speciei ab effectu, vel est perfectior, vel imperfectior; non imperfectior, quia effectus nobilior non potest contineri in causa ignobiliore; non potest enim causa ignobilior communicare esse, quod non habet in se; nec formaliter, nec eminenter. Ergo erit perfectior. Vtteriùs iuxta commune proloquium philosophorum, quòd scilicet causa æquiuoca contineat eminenter effectum, quæ eminentialis contingentia potest esse triplex. Prima, quandò causa potest facere quidquid facit alia causa, quomodò dicitur Anima rationalis continere vegetatiuam, & sensitiuam, non efficiens, sed communicando se composito, facit totum id, quod

facerent illz si informarent eadē materiam. Secunda, quando effectus continetur in esse digniori, quod est productuum illius effectus, sicut ex Diu. Tho. calor continetur in luce, quæ habet vim producendi calorem. Tertia continentia est, quando res continet perfectionem alterius, seclusa imperfectiōe, quando scilicet continet formaliter rem ignobiliorem secundum conceptum abstractum, sed non secundum adæquatam rationem, quomodo dicitur Deus continere perfectiones creatas simpliciter simpliciter, ut est perfectio substantiæ, perfectio sapientiae, &c. Hæc ultima continentia eminentialis non dicit causalitatem; nam esse intellectuum in Angelo est eminentius, quam sit in homine, & tamen Angelus non est causa hominis; licet in Deo propter infinitam eminentiam dicat causalitatem: Nostra probatio procedit de secunda continentia, quæ verificatur in causa æquiuoca; dummodo ratio causata in effectu, præcisè sit à causa; nam si est aliunde non valet principium, ut si quis dicat: Cera liquefit ab igne. Ergo ignis magis liquefit, non valet consequentia; quia liquefactio non procedit præcisè ab igne, sed sequitur ceram ratione materiæ dispositæ; insuper intelligi debet de maioriāte in causa, & minoriāte in effectu secundum capacitatem maioriātis, & minoriātis causæ, & effectus, ut consideranti patebit.

Similiter videtur discurrendū in causa formali intrinseca, si cō-

sideretur effectus præcisè secundum illam perfectionem, quam habet à forma; nam perfectior est modus continendi in causa formali, quam in effectu, quia causa formalis est talis primò, & per se ipsam essentialiter effectus autem secundariò, & per aliud, sicut quætitas est per se extensa, & ratio extensionis in alijs compositis materialibus: Vtrum hoc dici possit etiam de materia prima quilibet potest discurre, & decidere secundum propria principia circa materiam primam.

Aliud principium ponitur ab Aristot. 2. Metaphysices scilicet: Sicut se habet simpliciter ad simpliciter, ita magis ad magis, ut quando aliquod non pertinet ad idem genus, neque maior perfectio ipsius pertinet ad maiorem perfectionem illius generis, ut si albedo non facit calidum, neque maior albedo faciet magis calidum; sed quia albedo secundum se facit album, maior albedo faciet magis album in ea ratione, in qua est maior; dummodo sit intra idem genus, subiectum sit capax maioriātis, & insuper, quod illud simpliciter, ut fundet effectum, nõ requirat esse in determinata mensura, sicut fundamentum vitæ, ac sanitatis est calor vitalis, non valet arguere. Ergo quo magis crescit calor, eo magis crescit salus: quia calor non utcumque acceptus est veluti causa sanitatis, sed calor acceptus in quadam determinata mensura, & eodem modo de reliquis ad rem discurrendum est.

## QVAESTIO V.

*Quomodo Metaphysica versetur circa prima principia.*

**D**Iximus disp. 1. proœciali quæst. 2. Metaphysicam esse scientiã ordinis naturalis; cum ergo vna ex conditionibus requisitis ab Aristot. 2. Metaph. & à D. Tho. lect. 2. sit, vt versetur circa vniuersalissima principia hoc modo inquit Diuus Th. versatur circa omnia, quia omnia particularia sub vniuersalibus continentur, & 1. 2. quæst. 57. art. 2. ad 1. ait. Ergo dicendum, quod sapientia est quædam scientia in quantum habet id, quod est commune omnibus scientiis, vt scilicet ex principiis conclusiones demonstrat: sed quia habet aliquid proprium supra alias scientias, in quantum scilicet de omnibus iudicat, & non solum quantum ad conclusiones, sed etiam quantum ad prima principia. Et 4. Metaph. cap. 3. asserit Arist. Metaphysicam confirmare, & defendere prima principia, & hoc non solum est verum de primis, & vniuersalissimis; sed etiam de alijs, imò non solum ad metaph. pertinet confirmare intellectum in assensu principiorum aliarum scientiarum; sed etiam in assensu conclusionum; mediatè tamen, & virtualiter, quia, confirmando principia, virtualiter firmat conclusiones: Hoc supposito: Videndum est, quomodo metaph. versetur

circa prima principia; non enim eodem modo versatur circa illa, sicut habitus principiorum. Hic enim attingit prima principia formaliter, & vt sunt veritates immediatè; vnde attingit illa sine discursu. Metaph. verò attingit prima principia, non vt formaliter principia sunt, sed vt sunt aliquo modo conclusiones; vnde D. Th. loc. cit. ad 2. inquit. *Principia verò demonstrationis possunt seorsim considerari absque hoc, quod considerentur conclusiones; possunt etiam considerari simul cum conclusionibus, prout principia in conclusiones deducuntur. Considerare ergo hoc secundo modo principia pertinet ad scientiam, quæ considerat etiam conclusiones: sed considerare principia secundum seipsa pertinet ad intellectum.* Quare aliqui explicant, metaph. versari circa prima principia; quatenus tradit, & declarat rationem terminorum, ex quibus principia constant; explicatur enim in hac scientia, quid sit Ens, quid Substantia, quid Accidens, quid Totum, quid Pars, quid Actus, quid Potentia, ex quibus prima principia constant; traduntur insuper aliquæ descriptiones terminorum simplicium, quæ vtpotè notiores quoad nos, possunt esse medium ad formandam demonstrationem, quæ ad scientiam naturalem interdum sufficit, & hoc, inquirunt, metaph. præcipuè, & immediatè præstat circa principia constantia ex terminis significantibus res, quæ possunt existere sine materia; nam hoc modo per se pertinent

ad

ad obiectum metaph. Ceterum circa alia principia particularia, aliarum scientiarum solum versatur, explicando proprios terminos, & præcipue rationes transcendentes in eis inclusas, quibus latentibus, quidditas cuiuslibet rei lateat necesse est.

Afferunt alij, metaph. posse à priori demonstrare prima principia, non quidem per causam formalem, vel materialem intrinsecam, quia in his principiis huiusmodi demonstratio locum non habet; sed per causam extrinsecam formalem, vel efficientem; pro quo aduerte ex D. Th. in Commento tex. 3. 2. post. quod illa quæ per suam essentiam ordinantur ad aliquem finem, habent duplicem definitionem. Alteram per causam extrinsecam præsertim finalem. Alteram per causas intrinsecas, sed cum hoc ordine, ut definitio rei per causas intrinsecas; imò etiam per causam efficientem, debeat demonstrari per definitionem eiusdem rei relatam ad causam finalem, quæ est suprema, & causa causarum, e. g. ex definitione serræ per ordinem ad suum finem, quæ dicitur instrumentum aptum ad secandum, demonstratur definitio, explicans materiam, & formam eiusdem Serræ, quæ definitur Serra ferrum dentatum, nam finis, & aptitudo Serræ ad secandum postulat tum materiam duram, uti ferrum, tum formam dentationis aptam, scilicet ad penetrandum, & separandum: ex utraque postea definitione, completur perfecta definitio Ser-

ræ, scilicet: ferrum dentatum aptum ad secandum, quæ definitio continet omnes causas per se relatas. Hinc dicunt prædicti Authores, posse Metaph. demonstrare à priori aliqua prima principia, saltè per causam finalem, vel exemplarem, ut si quis ostenderet, hominem esse animal rationale ex causa finali, quia potest ad Deum cognoscendum, & amandum institui, vel ex causa exemplari, quia in Divina Idea talis representatur, non enim haberet hominem talem essentiam realem, nisi in Deo haberet tale exemplar. Dicunt, posse demonstrare à priori aliqua principia; nam in illis, quæ habent veritatem ex connexionem extremorum non ordinata ad aliquem finem; talis demonstratio locum non habet, quia in illis prædicatum non manifestat proprietatem, vel essentiam subiecti, sed solum repugnantiam oppositorum: in alijs autem potest habere locum; quia essentia rerum, & proprietates habent causam finalem, & per talem causam possent demonstrari; dummodò sic nota per se, vel notificetur per aliquod notius, quod non videtur, posse fieri per cognitionem naturalem.

Communiter alij afferunt; Metaph. demonstrare prima principia per deductionem ad impossibile, scilicet, deducendo omnia ad illud: Impossibile est, idem simul esse, & non esse.

Potest insuper Metaph. demonstrare prima principia aliquo modo à priori per lumen naturale,

reflexēdo circa illud, & reducēdo ad ipsū lūmē Diuinū, quatenus cognoscimus prima principia esse vera, quia per lumen naturale immediatē, & per se esse vera demonstrantur, quod lumen non potest decipi; quia est participatio Diuini luminis in suo genere, & ordine perfectā; quæ demonstratio, considerata veritate principiorum in esse rei, est à posteriori; tamen potest dici aliquo modo à priori, si veritas principiorū consideretur in ratione eidentis, & certi; nam à priori demonstratur, aliquam veritatem esse certam; quia à Deo reuelatur, vel esse euidentem, quia demonstratione probatur; ita demonstrantur hæc principia esse euidentissima; quia per lumen naturale immediatē manifestantur. Pro intelligentia aduerte, duplex est lumen in intellectu nostro. Alterum naturale. Alterum acquisitū. Lumen naturale, quod idem est, ac lumen naturæ, est idem intellectus cognoscens, vt natura. Lumen acquisitum est idemmet intellectus cognoscens, vt ratio: primo modo operatur intellectus noster circa obiectum proprium, intelligendo prima principia sine discursu, & inuestigatione, statim, ac offertur obiectum; sicut visus sentit visibile: secundo modo operatur, inquirendo, & inuestigando illa, quæ proximē, vel remotē deducuntur ex principijs; illa prima operatio, vt potē per se procedens ab intellectu, vt natura est perfectā, & in illa intellectus, nūquam errat, neque potest errare;

quia, vt notat Dñs Thom: tale lumen naturale, non minùs, quàm lumen Fidei est à Deo; sicut enim lumen Fidei non potest nos decipere, quin refunderetur in Deū talis error, ita lumen naturale non potest per se nos decipere, quin talis error in ipsummet Deum refundatur, & ratio est; quia lumen naturale est à Deo, quatenus est naturalis participatio Diuini intellectus, simplici intuitu omnia cognoscentis; quare cū Diuinus intellectus sit essentialiter verus, lumen naturale, quatenus est participatio talis intellectus, impossibile est falli; sicut quia gratia sanctificans est participatio Diuinæ Sanctitatis est impossibile, quod peccet, vel quod in peccatum inclinet: quare Deus respectu talis luminis naturalis non solum consideratur, vt causa efficiens, sed etiam, & potius iure, vt causa idealis; vnde si lumen naturale erraret, sequeretur, non solum Deum errorem infundere; verum etiam in se falsitatem cognoscere; nam impossibile est, falsitatem à veritate participare: quare intellectus operans, vt natura seu per lumen naturæ non solum non potest assentiri necessario falso, sed nullo modo potest assentiri propositioni neutrà quā tali, scilicet, itā indifferenti ad veritatem, & falsitatem, vt nullum appareat motuum euidentis, illam esse potius veram, quàm falsam; sed quando intellectus operatur, vt ratio, quia talis operatio est motus artis potius, quàm naturæ, est imperfecta, & consequenter

sæpè errat; quandoquidem per talem operationem ipse intellectus semouet, discurrendo ex vno in aliud propriæ industriæ artificio. Cum igitur tale lumen sit ex se defectibile, sequitur, intellectum sic operantem sæpè errare, licet non ex intentione erroris, sed veritatis, quam non semper assequitur: Idemque proportionaliter intellige de Voluntate. Hæc enim operans, vt natura circa obiectum proprium, hoc est, circa finem vltimum (quod enim sunt in speculabilibus prima principia, hoc est in operabilibus finis vltimus, vt docet D. Tho:) sic operatur, vt sola simplici propositione ipsius, cedit in ipsum, sine periculo prauitatis: At vbi eadem operatur, vt ratio circa obiecta indifferentis, & incertæ bonitatis, eligens, arbitrio suo defectibili, hanc, vel illam partem, sæpè contrahit pra-

uitatem in suis actibus. Primus modus operandi est naturalis participatio modi operandi Diuinæ Voluntatis essentialiter excludentis omnem malitiam. Secundus modus operandi est principaliter ab ipsa Voluntate creata in proprijs suis actibus defectibili; adeoque non semper in eo seruat rectitudinem. Cum ergo prima principia lumine naturali immediatè manifestentur, possunt per tale lumen aliquo modo à priori demonstrari esse euidentissima: quare optimè Diu: Tho: cum Arist. affirmat, Metaphysicam esse veram sapientiam ordinis naturalis, quia habet omnia attributa veræ sapientiæ requisita à Philosopho 7. Metaph: ad rationem veræ sapientiæ, inter quæ vnum est, quod versetur circa prima principia, & consequenter circa omnia.

Et hæc de principijs, deque toto hoc secundo Tractatū de Ente creato, dicta sint fatis: Post hæc disputaturis de Ente Increato, nempè Deo glorioso, ad cuius laudem, & gloriam omnia cedant.



SECUNDI  
TRACTATUS  
FINIS.



TRA





# TRACTATUS TERTIVS.

De Ente Increato :



AM tandem ad ipsu  
sum Philosophica  
rum speculationum  
apicem perveni  
mus, cum, post *En  
tis, ut sic*, in primo

Tra&atu, deinde *Creati*, in secun  
do Tra&atu, noticiam ad *Ens  
Increatum* cognoscendum in hoc  
tercio accedimus ; de quo ea tan  
tum hic pertra&abuntur, quæ lu  
men naturale rationis non exce  
dunt, altioribus sublimiori scien  
tiæ, Sacræ scilicet Theologiæ re  
lictis. Tra&atus iste quatuor com  
plet&etur disputationes: Quarum  
erit



- I. De An est Entis Increati.
- II. De Quid est ipsius, seu qua  
le sit, vel quale non sit.
- III. De attributis eiusdem in  
communi.
- IV. De attributis in particu  
lari.

## DISPUTATIO

### PRIMA.

*De An est Entis Increati.*

**N**ON defuerunt *Athæi*, mon  
stra hominum potius, quàm  
homines, qui blasphemò ore  
Deum esse negarunt, (sicut ne  
gavit ille, de quo *Psalmes* : *Dixit  
insipiens in corde suo: non est Deus*)  
quos cùm Theologia Sacra ex  
proprijs convincere nolle (vtpo  
tè primæ veritatis existentiam  
supponens) Ideò rationibus na  
turalibus hic eorum blasphemam  
temeritatem convincere studebi  
mus, quamvis dignius igne  
convincendi essent, quàm ra  
tione,



## QVAESTIO I.

*Vtrum detur aliquod Ens  
Increatum, & impro-  
ductum.*

**A**Nnequàm indubitata apud  
omnes rationis compotes  
aperiamus veritatem, sit

§. I. *Prænotantur aliqua.*

**S**upponendum primò, quòd li-  
cet existentia Dei non possit  
demonstrari à priori, vtpotè, quæ  
nullam habet causam, nec forma-  
lem, nec virtualem, quia est de  
conceptu intrinseco Naturæ, seu  
Essentiæ Dei, potest tamen de-  
monstrari à posteriori, seu per ef-  
fectus, vti pluribus locis docet  
Angel. Doct: Sed præcipuè 1. par.  
quæst. 2. art. 2. cuius nos in præ-  
senti rationes asseremus, & discu-  
tiemus.

Supponendum secundò, S. Do-  
ctorem quinque rationibus quin-  
que conditiones, seu Attributa,  
loco ex prima parte citato, pro-  
bare, quæ nulli, nisi Enti Increa-  
to, & improducto competere  
possunt, ex quibus conditionibus  
cætera alia attributa, quæ de En-  
te Increato solent demonstrari,  
deducuntur.

Prima ergo ratio probat, dari  
aliquod Ens immobile, & ab om-  
ni mutatione liberum: sicque pro-  
cedit ex motu, qui est effectus ma-  
gis sensibilis apud nos. Ex hac  
autem immobilitate, ( quæ nulli

enti creato potest competere ) si-  
ue ex Attributo Immutabilitatis  
deducitur Attributum Æternita-  
tis, Immenfitatis, &c.

Secunda ratio probat, causam  
primam efficiëntem dari nulli sub-  
ordinatam in hoc genere, ( quæ  
ratio in Ente creato non inueni-  
tur : ) Ex qua conditione primæ  
efficientiæ lumbitur Attributum  
Omnipotentiz circa Creaturas.

Tertia ratio conuincit, dari ali-  
quod Ens omninò necessarium, &  
à se. Et hinc sequitur omnis per-  
fectio, immaterialitas, bonitas,  
ratio actus puri, &c.

Quarta ratio ostendit, dari pri-  
mum, & maximum omnium Ens:  
Ex hoc verò, quòd Ens Increa-  
tum sit primum, & maximum  
Ens, deducitur ipsius Simplicitas,  
& eminentia, quòd sit suum esse,  
infinitum, vnum, &c.

Quinta denique ratio conclu-  
dit, dari omnium primum Guber-  
natorem; Ex quo deducitur ratio  
ipsius Sapientiæ, & scientiæ, Vo-  
luntatis, Providentiæ, Idæarum, &c.

Supponendum tertio, duo esse  
præcipua principia, quibus de-  
monstrationes D. Thomæ à nobis  
ponderandæ innituntur. Primum  
principium est: ( *Omne, quod mo-  
uetur, ab alio mouetur.* ) Proposi-  
tio hæc fundatur in ipsamet na-  
tura motus: Nam omne, quod  
passiue mouetur, est in potentia  
ad illud, ad quod mouetur; nam  
si non esset in potentia, sed actu  
haberetur, non moueretur; posito si-  
quidem termino motus, cessat  
motus: quod autem actu mouetur,  
est in actu, quia mouere est redu-  
cere

cels

cere aliquid de potentia ad actū; nihil enim reducitur de potentia ad actum, nisi per actum, quandoquidem potentialitas non habet vim agendi, sed tantum recipiendi; ac proinde mouens debet esse in actu, mobile verò in potentia: Implicat autem, quòd idē respectu eiusdem sit in actu, & in potentia simul, (cū ista habeāt contradictōrias cōditiones: quod enim est in actu respectu alicuius, habet illud; quod verò in potentia, non habet; quæ sunt, vt patet, contradictoria.) Igitur erit impossibile, quod aliquid moueatur, & non ab alio, sed à se. Omne ergo, quod mouetur, &c.

Secundum principium est: *In Causis per se subordinatis non potest dari processus in infinitum.* Pro intelligentia huius principij

Supponendum est quartò, duplicem esse subordinationem Causarum, vt docet D. Tho. in Lib. de Causis. Alia est subordinatio per se, alia per accidens: Prima inuenitur inter Causas diuersæ rationis, & ordinis: Secunda inter Causas eiusdem rationis, & ordinis: Distinguantur autem, non per hoc, quòd subordinatio *per se*, sit in operando, *per accidens* verò in essendo, sicut aliqui volunt, quia cū operari sequatur ad esse, vbi est subordinatio *per se* in essendo, erit mediātē in causando. Itaque distinguuntur penès hoc, quòd subordinatio *per se*, sit formalis; subordinatio *per accidens*, materialis; quod vt percipiatur

Supponendum est quintò cum *noſt. Salmat. 1. 3. Traç. 12. disp. 3.*

Operationem, sicut & esse, sequi ad formam; agit enim vnūquodque secundum, quòd est in actu; hoc autem habet per formam; hinc oritur, quòd potentie operatiue sint proprietates rei, quia sequitur ad totum ratione formæ; alia autem accidentia conſequētia ratione materiæ, sunt accidentia communia. Deinde etiam aduertendum est, quòd subordinatio per accidens Causarum non sit formalis, ratione speciei, (cū omnes sint eiusdem speciei, siq; nulla ex ipsis subordinetur alteri, aut sit inferior, prout etiam aduertit D. Thomas) sed est materialis, ratione indiuiduationis: Ex quo iam patet, subordinationem per accidens esse materialē, quia sicut accidentia communia oriuntur à materia, ita accidentaritas ad lineam operatiuam sequitur ex conditione materiali. Igitur Ioannes à S. Thoma in 1. p. idē, dicit, non posse dari processum in infinitum in Causis per se subordinatis, quia infinitæ conditiones requirerentur, vt Causa vltima operaretur, quæ cū non possint pertransiri, nunquam operaretur. P. N. Laurentius docet, D. Thomam negare processum in infinitum, quoad causalitatem; quæ quidem in Causis per se subordinatis est talis, vt si auferatur prima, tollantur omnes causæ mediæ; sed in per accidens subordinatis; & rationem assignat &c. Si in per se subordinatis tollatur prima, nulla remanet, neq; eiusdem, neque diuersæ rationis, à qua fiat effectus medius, cū in

omnibus his subordinatio inueniatur, & sublata prima, rumpitur catena subordinationis, sicque & causæ auferuntur fundantes talem subordinationem, sine quâ stare non possunt. At verò in per accidens subordinatis, licet tollatur prima, remanet tamen alia diuersæ rationis, à qua totus cumulus, et si infinitus, Causarum per accidens subordinatarum producat: sed de his fusiùs inferiùs redibit sermo.

Supponendum sextò, non esse confundendas omninò has duas Quæstiones: *An datur aliquod Ens Increatum, & improductum? & An datur Deus?* quia et si in idem coincidere videantur, sunt tamen aliquo modo diuersæ. Admisso namque Ente Increato, & omninò improducto, adhuc posset negari Deus: quia posset quis dicere, Entia improducta esse plura, vnique esse superius alio, licet non vt efficiens suo effectui, tamen vt finis, ad quem illud aliud Ens ordinetur. Vnde non statim ex positione Entis Increati inferretur existentia Dei, quia Deus debet esse Ens omninò indidens: iam autem de ratione Entis Increati, quæ talis, non ita apparet esse omnimoda independentia, cum vt modò dictum est, posset ab alio, vt à causa finali, dependere, quò respexisse videtur Petrus de Aliaco in 1. q. 3. a. 2. & 3. asserens, licet demonstraretur esse aliquod Ens à se, non tamen demonstrari, illud esse vnum tantum, & ideo nec demonstrari posse, Deum esse. Et ideo notanter in titulo

quærimus de Ente Increato; & huius existentia probata, in sequenti quæstione, hoc Ens Increatum esse Deum demonstramus. His ergo præmissis, sit

## §. 2. Deciditur quæstio, & probatur ratione.

**D**icendum, necessariò admitendum esse aliquod Ens Increatum, & omninò improductum. Ita non solum omnes Theologi, & Philosophi cum Aristotele, verum etiam omnes homines ratione præditi, quos malitia non excæcauit, sentiunt, sentireque debent. Hanc Conclusionem §. rationibus efficacissimis Angel: Doctor probat, quas hic expendemus.

Ratio prima. Datur primus Motor omninò immobilis. Ergo etiam datur primum Ens increatum, & omninò improductum. Consequenter patet. Nam primus Motor, si semel datur, non est nihil; quod enim nihil est, mouere aliud non potest. Ergo erit Ens; inter Ens quidam, & non ens, siue nihil, non datur medium: Deinde si dictus Motor est immobilis, est improductus; quod enim productum est, mobile est, saltem motu largius sumptu, vt consideranti patet. Antecedenter autem prob. Dantur secunda mouentia, seu, quòd idem est, mouentia mota. Ergo etiam datur primus Motor. Antecedenter patet, quia, etiam sensu teste, datur motus. Ergo dantur & mouentia saltem secunda, seu mota ab alio. Consequenter prior prob.

Mo

Mouentia mota non mouentur à seipsis, sed ab alio mouentur, vt ex præsuppositis constat. Deinde in mouentibus per se, & motis non potest procedi in infinitum; quia si procederetur, nullum daretur mouens; nam mouentia secunda non mouent, nisi per hoc, quòd moueantur à primo; sicut baculus non mouet, nisi motus à manu: si autem daretur processus in infinitum, nunquàm deueniretur ad primum mouens, cum infinitum sit impertransibile; proinde nullum daretur mouens. Ergo necessariò, hoc ipso, quòd dentur mouentia mota, debet dari primus Motor ipsorum.

Hæc est prima demonstratio satis efficax, qua vtitur Angel. Doctor 1. p. qu. 2. a. 3. & 1. cont. Gent. Cap. 13. alijque passim Theologi, & Philosophi S. Thom. secuti. Et quamuis hæc demonstratio sit satis conuincens, tamen Francisco Suarez suæ Metaph. disput. 39. sect. 2. displicet, insufficientiq; ab ipso arguitur, ex eo, quòd fundetur supra principium, aut omninò falsum, aut certè non ex omni parte verum, nimirum supra illam Propositionem: (*Omne, quod mouetur, ab alio mouetur.*) Hoc enim principium, inquit, nò est adhuc satis demonstratum in omni genere motus, vel actionis: nam multa sunt, quæ per actum virtualem videntur se mouere, & reducere ad actum formalem, vt in Appetitu, seu Voluntate videre licet, & in aqua reducete se ad pristinam frigidita-

tem; vnde concludit, non esse vnũ uersaliter verum, *Omne, quod mouetur ab alio distincto à se debere moueri.* Caterum, si benè ponderetur explicatio principij huius, *Omne, quod mouetur, &c.* supra adducta facilè corrui impugnatione Patris Suarez: quod sic ostenditur. Nam mobile, quocunque motu, eo ipso quòd passiuè mouetur, sicque est mobile, est in potentia ad illud, ad quod mouetur, & nullo modo in actu etiam virtuali respectu ipsius, per quem se posset reducere ad actum formalem; ideò namq; mobile ad aliquem actum formalem non est in actu formali respectu ipsius ad illum, quia si esset in actu formali, haberet illum, ac proinde non esset mobile, & in potentia ad ipsum; nihil siquidem est in potentia ad illud, quod habet. Sed si mobile esset in actu virtuali respectu illius, respectu cuius esset mobile, & in potentia, perfectiori modo haberet talem actum; quãdoquidem in actu virtuali continere aliud, & habere, est habere perfectiori modo, vt patet in Sole virtualiter continente calorem. Ergo quod mouetur, seu mobile, nullo modo est in actu, etiam virtuali, respectu illius, respectu cuius est mobile, per què se posset mouere. Relinquitur proinde, quòd omne, quod mouetur, non à se, sed ab alio debeat moueri. Nec instantiæ Suarez quidquam faciunt. Nam Voluntas mouetur ab alio, seu a cognitione, & cognitio ab obiecto, & Intellectus in suis primis actibus à Deo; Aqua

Aqua similiter ad recuperandam frigiditatem amissam mouetur à generante: de quo Nost. Complut. in Phys. disp. 28. quæst. 1. & 2.

§. 3. *Affertur alia ratio pro Conclusionē.*

**R**atio secunda D. Thomæ fundatur in duobus præcipue principiis, sicut & præcedēs. Primum est. (*Omne, quod fit, ab alio fit.*) Secundum: (*In causis per se subordinatis non potest procedi in infinitum.*) Quæ principia in præsuppositis iam aliquantulum sunt explicata, & amplius inferius declarabuntur. Vis igitur rationis hæc est. Datur Causa efficiēs prima omnino incepta, & improducta. Ergo datur Ens primum omnino increatum, & improductum. Consequenter patet, quia Efficiens non est, nisi sit in actu, & in actu non est, si non fuerit ens; quod enim non est ens, nihil est, (ut præcedenti ratione ostensum est), ac proinde nec in actu. Ergo eo ipso, quod detur Causa efficiens improducta, dabitur ens improductum. Anteced. autem prob. In sensibilibus videmus, dari subordinationem inter Causas efficiētes: ita tamen, ut nulla ipsarum possit producere seipsam: ex alia parte non potest dari inter illas processus in infinitum ascendendo. Ergo necessariò deueniendum est ad aliquam Causam, quæ sit omnium prima, & omnino improducta. Anteced. quoad primam partem patet, quia in sensibilibus

dantur Causæ sublunares, quæ subordinantur Cælis, Cæli inferiores superioribus; omnes mobiles primo mobili, & primo alteranti. Ergo &c. Quoad secundam partem, quod scilicet nulla Causa efficiens possit seipsam producere, etiam patet. Num quidquid fit, ab alio fit, aliās esset, priusquam esset, quod implicat. Quoad ultimam partem patet similiter ex suppositis, & infra dicendis amplius patebit. Consequenter verò prob. Nam ex quo capite in Causis efficiētibz subordinatis non potest procedi in infinitum, necessariò deueniendum est, ascendendo, ad aliquam ex illis, quæ iam prior non detur, aliās nunquam finiretur processus; talis autem erit Causa Efficiens prima: Deinde: eo ipso, quod nulla Causa Efficiens seipsam producere possit, Causa hæc prima non erit producta à se, nec ab alia priori se, cum supponamus, eam non dari, aliās non esset omnium prima. Ergo relinquitur, quod huiusmodi Causa Efficiens sit omnium prima, & omnino improducta.

Ut autem demonstratio hæc efficacissima melius percipiatur, tres circa illam difficultates incidentes excitantur. Prima, & secunda circa principia, quibus innititur. Tertia circa processum ipsum demonstrationis.



DIFFICULTAS I.

*Vtrum in Causis per se subordinatis dari possit processus in infinitum?*

**R**espond. negatiuè cum Diu. Thoma 1. par. quæst. 1. a. 3. Et quamuis veritas huius principij in præsuppositis sit aliquomodo iam ostensa, ampliùs tamen (quia est principium præcipuum nostrarum demonstrationum) sic declaratur. Si in Causis essentialiter subordinatis daretur processus in infinitum, non posset vnquam effectus aliquis de nouo fieri. Sed hoc est contra experientiam quotidianam. Ergo &c. Sequela Maioris prob. Effectus de nouo non fit, nisi de nouo causetur à causa ipsius. Sed si in Causis per se subordinatis daretur processus in infinitum, causa immediata effectus non posset ipsum causare. Ergo &c. Maior patet; quia effectus nō fit à seipso, sed à sua causa, iuxta illud. *Quidquid fit ab alio fit de quo infra*. Minor autem prob. Causa vltima, & immediata effectus, eo ipso, quod sit subordinata per se, non potest causare, nisi præmota à superiori, cui subordinatur: nec hæc illam præmouere potest, nisi præmota ab alia se superiori, cui est subordinata, & sic de cæteris; & ita causa vltima non potest causare, nisi omnes præmot ones ponantur, & incipiant. Sed si daretur infinitus pro-

cessus in Causis subordinatis per se, nunquàm illæ præmotiones inciperent, quia posterior non incipit, nisi prior incipiat, & in infinitis subordinationibus nūquàm prior potest incipere, cum infinitum sit impertransibile. Ergo &c.

Nec refert, si resp. cum Suarez suæ Metaph. disp. 29. sect. 1. n. 25. rationem nihil probare, quia fundatur in suppositione falsa. Videtur enim hæc ratio supponere, præmotiones illas Causarum subordinatarum fieri per successiōnem; & certè, si hoc esset, nunquàm incepturā aliquam actionem, competum est, quia illæ infinitæ præmotiones nūquàm possent pertransiri. Cæterum hoc necessarium non est, siquidem illæ præmotiones possent in vno instanti compleri, quia possent illæ Causæ infinitæ, ad præmouendam vltimam, à qua producendus est effectus, concurrere, ac per consequens, & illius sic præmotæ actio aliquando incipere.

Non, inquam, hoc refert. Et enim, quamuis possemus imaginari, quod illæ infinitæ Causæ simul operarentur, concurrerentque ad eundem effectum, hoc tamen intelligibile est, quod aliqua causa determinata determinatum de nouo producat effectum, si semel ab infinitis causis in sua operatione dependeat: hoc autè sic ostenditur. Nulla causa potest determinatum effectum producere, ipsamque actionem determinatā inchoare, quamdiu non intelligitur esse ad agendum completa, habereque omnia requisita, quæcunq;

tuncque ex parte actus primi desiderantur, ut omnes fatentur; Sed si subordinaretur infinitis Causis per se, nunquam posset sufficienter compleri, habet enim omnia, quæ ex parte actus primi desiderantur; quia dependentia ab illis infinitis causis, sine qua nequit operari causa ipsis subordinata, (aliàs non esset dependentia per se) nunquam est complebilis; quacunque enim, & quantumvis innumera, Causarum multitudine accepta, semper remanebunt aliæ, & aliæ usque in infinitum, à quibus dicta causa operatiua dependet. Ergo hoc ipso, quod aliqua determinata causa à causis infinitis in sua operatione dependeat, impossibile est, in determinatum de nouo prodire effectum.

Explicatur hoc ipsum: nam, ut optime aduertit N. P. Andreas à Cruce in 1. p. q. 2. ar. 3. disp. 13. dub. unico. Illud vulgare *Axioma*: (*Infinitum est impertransibile*) non solum verificatur in Causis subordinatis, quantum ad successionem, & (ut sic dicam) numerationem causalitatum illarum, sed etiam quantum ad dependentiam inferiorum à superioribus; quæ dependentiæ sunt conditiones necessariò requisitæ ad agendum; cum ergo dictæ dependentiæ, ad hoc, ut causa determinatum effectum incipiat producere, debeant compleri (quia sine illarum complemento causa manet indeterminata, & indifferens ad agendum, vel non agendum), & ex alia parte, dictum complementum ipsis, etiam simul

concurrentibus, repugnet, planè sequitur, nullam determinatam, actionem de nouo incipere posse, si semel in Causis subordinatis datur processus in infinitum.

Res exëplo declaratur. Ponamus v.g. in hoc instanti A, debere causam B elicere actionem, & supponamus, dictam causam B dependere ab infinitis Causis inuicem subordinatis, seseque ad concurrendum cum causa B in ordine ad producendum effectum præmouentibus: supponamus in sup. r, quod omnium præmotiones sint instantaneæ, sine motu, & successione, itaut omnes maneat in eodem instanti: Tunc quæro: An sit assignabile determinatum complementum illarum dependentiarum? itaut postquam aliquis præmotionem videris finitam, dicas: nunc sunt omnes dependentiæ completæ, quæ antea completæ non erant. Vel certè tale complementum determinatum non est assignabile (Si dicas, quod sic. Ergo illæ causæ, illæque dependentiæ, non erunt infinitæ; quia, ut habetur in Aristot. Lib. Physic. *Infinitum est, cuius aliquid semper est extra accipere*: & ipsa ratio infiniti exigit exclusionem, sicut finis, sic complementi ipsius terminatum, ac per consequens, si causalitas Causarum subordinatarum, dependentiarumque illarum, ita aliquando complentur, ut nihil sit illarum extrà, seu quod non sit accipere aliquam incompletam, & illa completa, aliàm adhuc incompletam, usque in infinitum illas

ds



dependentiæ causalitatis; atque adeo ipsæ Causæ non erunt infinitæ. Si vero dicas, tale complementum nunquam dari posse, tunc illa Causa B. nunquam censabitur sufficienter determinata ad producendum effectum; (quia per dictas dependentias, & præmotiones compleretur) ac per consequens, cum non agat determinatè, neque determinatum effectum posset producere, nisi inquantum ipsa supponitur esse determinata; (nam sicut cætera omnia, quæ sunt in effectu, ita & ipsa determinatio effectus debet splendere in Causa) non poterit aliquando suam actionem, seu productionem incipere. Manet igitur in suo robore principium rationis D. Tho. quod in causis subordinatis per se non possit dari processus in infinitum.

Probatur secundò, aut potius ostenditur hoc idem principium. Repugnat totam collectionem Causarum efficientium esse dependentem. Sed si in causis efficientibus (de his enim in præsentì loquimur; cum primum Ens Increateum, cuius nunc existentiam inquirimus, ad genus causæ efficientis pertinere debeat) daretur processus in infinitum, tota collectio Causarum efficientium esset dependens. Ergo repugnat in causis efficientibus dari processum in infinitum. Maior prob. Si tota collectio Causarum efficientium esset dependens, vel dependeret ab aliquo intra illam contento, vel ab aliquo alio extra illam, **Neutrum dici potest. Ergo**

&c. Non primum; quia omne, quod dependet in genere Causæ efficientis, ab alio dependet; sicut etiam omne, quod producitur, ab alio producitur; nec potest aliquid fieri, vel efficienter dependere à seipso: (vt magis infra patebit) si autem tota collectio creaturarum Causarum efficientium dependet ab aliquo intra illam collectionem causarum à se dependentium contento, etiam illud dependebit à seipso, utpotè intra illam collectionem causarum à se dependentium contento. Neque secundum dici potest; quia extra collectionem causarum omnium efficientium non datur aliquod efficiens, à quo dependeant; si enim assignas aliquod efficiens extra totam illam collectionem, non persistis in hypothesi, quia non omnium efficientium collectionem accepisti. Accedit, quod si extra omnium efficientium collectionem admiseris aliquod efficiens, à quo omnia dependent, planè concedis, quod nos intendimus, aliud quod scilicet ens omnino improducibile, à quo enim omnia efficientia dependent, est omnino in genere causæ efficientis independentis: aliàs si ab aliquo efficiente dependeret, non omnia dependerent ab ipso. Ergo &c. Minor huius Argumenti similiter probatur, quod scilicet si in Causis efficientibus daretur processus in infinitum, tota collectio causarum efficientium esset dependens; quia in tali casu quælibet signata causa esset dependens ab alia superiori; si enim non dependeret etc.

set prima, quia ab illa cetera, ipsa verò à nulla penderet. Ergo etià tota collectio esset dependens, non quidem vnica dependentia, sed pluribus; quia sicut collectio omnium creaturarū dicitur creatura, eo quòd in illa collectione, nullum est ens increatum, ita collectio illarum omnium causarum esset dependens: quia in illa nullum est ens independens. Ergo &c.

Obijcitur primò. Posita hypothèsis, quòd Deus ab æterno in quouis instanti temporis vsque ad hoc instans produceret Angelum; vel cælum: Cæli ad præsens instans ab æterno producti essent infiniti: ex alia parte essent causæ sibi per se subordinatæ respectu influxus in inferiora. Ergo iam, posita dicta hypothèsi, non repugnaret dari processum in infinitum. Sed talis hypothèsis est possibilis. Ergo non repugnabit dari processum in infinitum &c. Maior quòd ad primam partem patet; quia instantia temporis labentis ab æterno vsque ad præsens sunt infinita, sicut ipsa æternitas; proinde si in quolibet ipsorum cælum produceretur, Cæli essent infiniti. Quòd ad secundam etiam partem satis liquet; quia cæli medij causant, & influunt in inferiora moti à superioribus; in quo ipsis subordinantur. Ergo &c. Consequ. facile ostenditur; Nam eo ipso, quòd cæli infiniti ab æterno producti darentur, & essent sibi in causando subordinati; processus in subordinatione ipsorum esset processus infinitus in cau-

sis sibi subordinatis. Ergo &c. Minor subsumpta probatur; quia creatura permanens ab æterno à Deo produci posset, vt D. Tho. prob. Opusc. 27. deinde actio Diuina, cum sit independens à motu in quouis instanti, potest producere effectum. Ergo ab æterno in quouis instanti temporis posset producere Angelum, vel Cælum.

Nec valet, si primò dicas. In tali hypothèsi non omnes cælus influxum præbituros, sed tantum determinatos, proinde non daretur processus in infinitum in subordinatione ipsorum. Non inquam valet; nam eo ipso, quod inferiores cæli superioribus in suo influxu per se essent subordinati, & non mouerent, nisi moti, non possent influere determinati, quin cæteri omnes influerent. Ergo &c. Antecedens. prob. Ideò cæli inferiores non influunt in inferiora sine superioribus determinatis, quia ob subordinationem per se dependentiam habent in suo influxu à superioribus determinatis. Sed hanc subordinationem per se non minus habent respectu cæterorum omnium: alias non omnes illi cæli essent causæ per se subordinatæ, (quod est contra hypothèsim.) Ergo eo ipso &c.

Nec etiam refert, si secundo dicas. In allata hypothèsi non fore processum in infinitum, et si darentur cæli infiniti influentes; quia deueniretur ad primum motorem, à quo ab æterno recepissent esse, & operari.

Non inquam hoc etiam refert: quia ascendendo in subordina-

tios

tionem dictorum calorum, vel daretur terminus talis ascensus in illis sibi sic subordinatis, antequam perveniretur ad primum motorem, vel non? Si primum. Ergo illi cæli sibi subordinati non essent infiniti, (quod est contra hypothese[m]; nam multitudo cuius inuenitur terminus non est infinita; cum etiam quia infinitum est impertransibile: Si autem dicatur secundum, quod scilicet non daretur terminus talis ascensus. Ergo per illum nunquam perveniretur ad primum motorem; & consequenter processus esset infinitus: quod autem nunquam perveniretur ad primum motorem patet; quia per prædictum ascensum non pervenitur ad primum motorem, nisi ipse ascensus exhaustiatur, & finiatur; quamdiu enim durat, nondum habetur in illo primus motor, sed mouentia mota sibi subordinata, sed si nullum terminum haberet prædictus ascensus, nunquam exhaustiretur, aut finiretur. Ergo nec unquam per illum ad primum motorem perveniretur.

Resp. ad argumentum, reiecta utraque solutione, inter arguendum data, & efficaciter impugnata; negando allatam hypothese[m] esse possibilem; nam licet in quouis instanti determinato posset Deus producere creaturam aliquam, non tamen in omnibus instantibus, quæ confusa quadam ratione inveniuntur in toto tempore, quod ab æterno imaginamur fluere: determinatus enim effectus, uti est quævis creatura;

non nisi in determinato instanti potest produci: cum autem determinata instantia temporis non sint infinita, sed solum confusa, sicut & partes proportionales; hinc fit, quod ab æterno non possunt produci usque ad hoc tempus infiniti Angeli, aut cæli: maxime quia daretur infinitum in actu secundum multitudinem, quod implicare ex S. Thom. communiter docent Thomistæ. Deinde admissa etiam hac hypothese[m] impossibili, quod scilicet darentur Angeli, aut cæli infiniti, non possent tamen esse sibi subordinati in causando; quia omnis causalitas ipsis repugnaret, ut ex ratione adducta ad ostendendum principium liquet.

Obijciatur secundò. Si darentur Generationes ab æterno, daretur processus in infinitum in causis per se subordinatis. Sed non repugnat illis dari. Ergo &c. Maior prob. quia si darentur generationes ab æterno, non possent non esse infinitæ, cum successio stellarum ab æterno nullum terminum habeat. Ergo etiam causæ generantes essent infinitæ. Sed illæ essent sibi subordinatæ; quia una non generat, nisi prius fuerit ab alia generata. Ergo &c. Minor autem præcedentis argumenti est doctrina NN. PP. Complut.

Resp. Data possibilitate generationum ab æterno, ita ut Leones v. g. generantes, & geniti essent infiniti; non tamen idò adhuc daretur processus in infinitum in causis per se subordinatis; dicti namque Leones essent causæ

per accidens subordinatur, in quibus non ita repugnat processus in infinitum.

Primo ex eo, quia cum à talibus causis non depeudeat effectus, tanquam ab actualiter, & de nouo in sui productionem influentibus, sed tanquam non necessario præsuppositis, à quibus habuit causa vltima suum esse, bene poterit qualibet actio de nouo incipere; non enim est necesse ad illam, omnes illas dependentias in actu de nouo esse, sicut necesse est in causis per se, & essentialiter subordinatis, vnde si vult v.g. vltimus Leo, generare potest; quia non est necesse, quod actu de nouo moueatur ab alijs Leonibus, se generantibus, à quibus accipit esse; si verò darentur causæ, quibus per se prædictus Leo subordinaretur; cum actu de nouo ab omnibus illis aliquid influeribus, penderet; illa generatio nunquam posset incipere, quia nunquam posset tales dependentiæ compleri, vti supra dictum est.

Secundo non repugnat ex alio capite processus in infinitum in causis per accidens subordinatis, sicut in causis per se subordinatis repugnat; nam etsi ex positione infinitatis harum sequitur, totam collectionem causarum efficientium esse dependentem, quod implicat, (vt ex supra dictis patet;) non tamen hoc sequitur ex positione infinitatis illarum. Quod sic euidenter ostenditur. In Causis per accidens subordinatis, v.g. in illis Leonibus necesse non est ponere aliquod primum Efficiens,

quod non sit factum; illi enim Leones sunt indiuidua eiusdem speciei. Ergo solo numero differunt, & in principijs essentialibus conueniunt. Ergo si vnus est productus, debet & alius esse productus. Si vnum ens est ab alio, debet & aliud esse Ens ab alio; nam sicut (teste Aristot. 10. Metaph.) Corruptibile, & Incorruptibile; ita Productum, & Improductum, Ens à se, & Ens ab alio, debent differre, plusquam genere; quia omnia important modos essendi essentialiter diuersos; ac proinde sicut vltimum, & penultimum illud indiuiduum speciei Leonum est factum, ita, & omnia alia. Ergo cum non possint fieri à se, debent fieri ab alio; quod sit extra illorum collectionem: & ita etiam admissio processu in infinitum in causis per accidens subordinatis, non sequeretur inconueniens, in secunda ratione, ostensiuæ nostri principij adducti, quod scilicet tota collectio causarum efficientium esset dependens; daretur enim aliquod efficiens extra illam collectionem, à quo omnes illæ Causæ per accidens subordinatæ dependerent; illa verò à nulla illarum; quod tamen inconueniens sequeretur in Causis per se subordinatis; nam (& est valde notandum discrimen inter causas per se, & per accidens subordinatas) Causæ per se subordinatæ necessario sunt diuersorum generum, cum vna sit vniuersalior, & superior alia; vnde si in illis proceditur in infinitum, nullum poterit assignari efficiens, quod sit inde.

Dependens; illa enim dependentia esset penes rationes genericas, ita ut quodlibet genus signatum dependeret ab alio: Ergo & individua contenta sub genere dependerent; quia quod competit alicui ex sua ratione generica, vel specifica, competit omnibus talem rationem participantibus; sicut quia homini ex ratione sua generica viventis competit nutriri, ideo eadem operationes competunt omnibus gradum vitae participantibus.

## DIFFICULTAS II.

*Utrum Omne, quod fit, ab alio, & non à seipso, fiat?*

**D**icendum resolutorie, hoc Principium, à D. Thoma in hac secunda ratione assumptum, esse verissimum. Prob. breuiter. Implicat, quod aliquid tunc sit, quando non est. Sed si aliquid produceret seipsum, tunc esset, quando non esset. Ergo implicat, quod aliquid fiat à seipso. Maior, & consequ. patent. Minor verò prob. nam quod fit, de nouo acquirit esse. Ergo supponitur non habuisse esse; quod autem efficit aliud, supponitur habere esse, nam causa efficiens agit, secundum quod est in actu. Ergo si idem fieret à se, supponeretur habere esse, quia efficeretur à se.

Dices. Idem seipsum potest conseruare, ut patet in viventibus,

quae seipsa, sicut mouent, sic conseruant: similiter aqua conseruat se in sua frigiditate sibi connaturali. Ergo etiam idem seipsum poterit producere, quia conseruatio nihil aliud est, quam continuata productio.

Resp. primò. Gratis admisso; non tamen concesso, quod aliquid possit conseruari à seipso, negandum est posse etiam à seipso produci: Magna enim est, quantum ad hoc, inter productionem, & conseruationem diuersitas; nam quod conseruatur, supponitur esse, quod producit, non supponitur; unde etsi possit aliquid conseruare se in tantum, in quantum iam supponitur praexistere, sicque secundum esse antecedens, influere in esse consequens, attamen quia ante productionem supponitur non esse, non poterit producere se, operari siquidem lequitur ad esse, ac praesupponit illud.

Resp. secundò, & melius negando, quod aliquid possit conseruare seipsum; loquendo in sensu formali, ut scilicet idem sit formaliter conseruans, & conseruatum. Docuit hoc expressis verbis Doctor Angel. 1. p. q. 104. a. 2. ad 2. statimque rationem huius assignauit dicens: *Cum propria causa sit conseruatiua effectus ab ea dependentis, nulli effectui praestari potest, quod sit causa sui ipsius; potest tamen ei praestari, quod sit causa alterius; ita etiam nulli effectui praestari potest, quod sit sui ipsius conseruatiuus; potest tamen praestari, quod sit conseruatiuus alterius.* Unde neque uiuentia in vita, neque aqua

In frigiditate, vel aliz res similes seipsas conservant, sed conservantur; cum a forma, à qua illa dispositiones connaturales fluunt; cum ab alijs causis secundis ad suum esse concurrentibus; cum denique à causa prima à qua, & esse habent, & persistentiam in esse.

### DIFFICULTAS III.

*Utrum Processus rationis  
D. Thomæ sit bonus?*

**E**T videtur, quod non: Etenim ratio S. Doctoris, ex duplici principio scilicet primo, ex hoc, quod Omne quod fit, ab alio fit. Secundo, ex eo, quod processus non possit dari infinitus; in causis per se subordinatis, concludit, debere dari aliquam causam omnino improductam, & independentem ab alio. Hic autem processus rationis non est bonus, nam potest dici, quod etiam si in causis subordinatis non procedatur in infinitum, sed deveniatur ad aliquam primam, quæ non sit à seipsa producta, vel causata, posset tamen dici, quod esset causata à causa à se causata, & ratio huius est. Nam ut Philosoph. secundo Metaph. Tex. 39. docet. Causæ sunt sibi inuicem causæ in eodem genere causæ; sicut v. g. in ratione causæ finalis, cuius gratia Incarnatio Christi est causa finalis generis humani, in schola aliquorum Thomistarum in ratione verò finis, cui ipsum genus humanum est finalis causa Incarnationis Verbi; cum ad utilitatem illius facta sit.

Ceterum hæc nullo modo infringunt efficacissimum processum rationis S. Tho: etsi enim verum sit illud vulgare Axioma Philosophi: quod *causæ possint sibi esse inuicem causæ*; id tamen in eodem genere causæ proximo nunquam verificari potest, ut patet in exemplo allato in genere causæ finalis. Nam Causa finalis in sententia probabili Thomistarum diuiditur in duplex genus proximum, seu in finem Cui, & finem Cuius gratia. De quo videantur nost. Complut. de Generat. disp. 2. quæst. 8. num. 111. ac proinde cum genus causæ efficientis sit vnum genus proximum, non poterunt causæ in illo sibi subordinatæ, esse sibi inuicem causæ, & ita si omne, quod fit, ab alio fit; in causisque subordinatis per se non datur processus in infinitum, ( prout satis probatum est ) manet efficax conclusio S. Doct. debere scilicet dari aliquod ens non factum, seu omnino improductum.

### §. 4. Adducitur ratio tertia pro Conclusionem.

**R**atio tertia ( qua probat Angel. Doct. existentiam Dei, nos verò illa ad probandam existentiam Entis increati utemur ) est talis. Datur aliquod Ens omnino necessarium tale, seu quod ab intrinseco impossibile sit, illud non esse. Sed Ens omnino necessarium, quod ab intrinseco impossibile est non esse, est ens increatum.

omn

omnino; improductum. Ergo datur &c. Minor patet. Siquidem Ens omnino necessarium, quod ab intrinseco impossibile est, non esse, essentialiter est, ipsumque esse spectat ad conceptum quidditatum ipsius, ut ex terminis patet. Sed quod essentialiter est, seu cuius essentia est esse, non est factum: quia sicut essentia rerum non dependent à causa efficiente (ut supra dictum est), ita neque ipsum esse, quando est de essentia alicuius, poterit dependere ab aliqua causa efficiente. Ergo &c. Maior autem præced. argumenti à S. Doct. tali discursu probatur 1. p. quæst. 2. a. 3. *Inuenimus in rebus quædam, quæ sunt possibilia esse, & non esse; Impossibile est autem omnia, quæ sunt talia, semper esse, quia quod possibile est non esse, quandoque non est: si igitur omnia sunt possibilia non esse, aliquando nihil fuit in rebus: sed si hoc est verum, etiam nunc nihil esset, quia quod non est, non incipit esse, nisi per aliquid, quod est: si igitur nihil fuit Ens, impossibile fuit, quod aliquid inciperet esse, & sic modo nihil esset, quod patet esse falsum, non ergo omnia Entia sunt possibilia. Sed oportet, ali-quod esse necessarium in rebus.* Hæc S. Doctor.

Confirmatur ista ratio. Non omne ens est contingens ad esse, & non esse. Ergo datur aliquod ens non contingens, quod sit impossibile non esse, seu quod sit necesse esse. Conseq. patet ex regulis Equipollentiæ: Nam ut docent N. Complut: in Log. lib. 2. *summul. Cap. 9. Ly Non omne est*

*contingens æquipollet huic, Ali-quid est non contingens.* Sicut & hæc. *Impossibile est non esse, æquipollet huic necesse est esse.* Anteced: autem prob: Tum quia, quod contingens est, aliquando fuit sub non esse, est enim indifferens ad esse, & non esse. Ergo si omne ens esset contingens, res omnes essent sub non esse; quia nihil esset, à quo haberent, vel possent habere esse. Tum etiam quia contingens ex suo conceptu dicit tantum potentiam ad esse, & non esse; dicitur enim illud contingens, quod potest esse, & non esse, cum contingens, quæ contingens, non dicat ex suo conceptu esse, & ex consequenti est tantum in potentia ad esse. Ergo si omne, quod est, esset contingens, omne, quod est, esset in potentia ad esse. Sed hoc est impossibile, quia ibi repugnat potetia, ubi nullus est actus, & maxime quando actus est impossibilis, sicut hic omnino esset impossibilis actus, seu *Esse*; nam si omnia essent contingentia, omnia essent sub non esse, ac per consequens nihil esset, quod posset educere aliquid de non esse ad esse, cum illud quod non est, nequeat dare esse alteri. Ergo &c. Tum denique, quia contingens, (ut iam sæpè dixi) est indifferens ad esse, vel non esse. Ergo si omne ens esset contingens, omne esset indifferens ad esse. Ergo nulla res esset, quia res de se indifferens ad aliquid, debet determinari ab aliquo præcontinente in se determinatè actû, (cum omnis determinatio proueniat ab actû) sicut

sicut v.g. Aer de se indifferens ad lucem, vel tenebras, non erit lucidus, nisi ad esse lucidi determinetur à sole præhabente in se lucem. Sed si omnia entia sunt contingencia, nullum ex illis præhabebit esse, quia sunt indifferentia ad esse, vel non ad esse. Ergo &c. Circa hanc rationem D. Tho. cum sua confirmatione excitantur aliquæ difficultates.

## DIFFICULTAS I.

*An Contingens potuerit esse ab æterno?*

**S**ensus difficultatis est, an contingens potuerit esse ab æterno? ita scilicet ut competeret ei semper esse, non tamen, necessariò, sed contingenter, quia scilicet potuit esse *sub non esse*, quamvis de facto, ex suppositione, quod sit, non fuerit sub illo?

Et videtur hoc non esse impossibile; Nam ut discurrit optimè Angelic: Doctor, Opus: 27: de Æternitate mundi, licet creatio sit productio entis ex nihilo, tamen non est necesse, ut in re creatura supponatur ante esse non esse, quia ad hoc, ut aliquid dicatur fieri ex nihilo, sufficit, quod ex sua natura, & præcise quocumque extrinseco ex suis intrinsecis sit nihil, sicut v.g. stellæ dicuntur lucidæ à sole, quamvis nunquam fuerint non lucidæ, quia ex sua natura non habent lucem; sic etiam à simili possemus dicere, contingens pos-

se esse ab æterno, & esse continens: quia ex intrinsecis ipsius non competit ipsi determinatè esse, sed poterit esse, vel non esse, tamen ex suppositione, quia est necessariò est.

Cæterum ad hanc difficultatē cum distinctione est respondendum; Notando prius; æternum dupliciter accipi posse, Aliud enim est æternum ab intrinseco, quod scilicet ex natura sua, sine vlla dependentia ab alio, semper est: Aliud verò æternum est per participationem dependēter ab alio, quia scilicet accepit esse, & durationem sine principio ab illo. Quamvis ergo contingentibus non repugnet esse ab æterno secundo modo, benè tamen primò hoc autem, ut plenius capiatur.

Notandum secundò, Continens dupliciter accipi posse, primò largè secundum quamcumque; siue ordinariam, siue absolutam, potentiam, & sic quælibet creatura contingens est; nam quantumvis incorruptibilis, sicut à Deo habet esse, ita per illum ipso privari potest, & deduci ad non esse, siue ad nihilum; Secundo contingēs sumitur strictius, pro eo, quod ex innata sua potentia, sicut potest esse, ita potest non esse; vel quia habet sui causas liberas, & indifferentes, vel certè quia etsi habeat causas determinatas ad vnum, & ex necessitate operantes, sunt tamen illæ impedibiles ab alijs, sicut arbores possunt impediri à grandine, vel niue, ne producant fructus vel tandem, quia habet materiam capacem plurimū for,



formatum successiue habèdarum, sicut in omnibus corruptibilibus contingit. Vnde in se debet habere potentiam, sicut ad esse, ita ad non esse, quia scilicet habet materiam, nunc suum esse, nunc suum non esse, appetentem, quando videt: appetit aliam formam, à qua postea actuabitur. His ergo prænotatis.

Dico, utroque modo sumptis contingentibus repugnare æternitatem primo modo acceptam. Probat. Quod æternum est, debet esse omnino immutabile ex se, seu ab intrinseco. Sed nullum contingens potest esse ex se, seu ab intrinseco omnino immutabile. Ergo neq; ab intrinseco æternum. Maior patet: Nam, ut docet D. Tho: 1. p. quæst. 9. *Immutabilitas omnimoda est ratio à priori æternitatis*: Vnde ita se res habet ad æternitatem, sicut ad immutabilitatem. Minor prob. Quod est omnino ab intrinseco immutabile, necesse est, quod sit actus purus; quod enim habet admixtum aliquid potentialitatis, mutabile est, quia potest transire de potentia ad actum: In actu autem puro non distinguitur *Essentia*, & *Esse*, cum Essentia distincta ab esse sit potentia respectu illius: quod actui puro repugnat. Iam verò illud, in quo existentia non distinguitur ab essentia, necessario est; quia sicut prædicta essentia, ita & ipsa existentia, si ab illa non distinguitur, competit necessario. Ergo, de primo ad vltimum, quod non est omnino immutabile, nequit esse ab intrinseco æternum,

sicut nec necessarium. Vnde homines, (omniaque corruptibilia) quia sunt, tam quoad esse, quam quoad operationes, mutabiles, tam esse, quam operari ipsis competit contingenter. Angeli autem, (cæteraque incorruptibilia) quia sunt mutabiles quantum ad operationes, & non quantum ad esse, idè etiam licet ipsis competat operatio contingenter, non tamen esse, nisi fortè per respectum ad causam extrinsecam; sed hic contingentia modus est improprius, & secundum nimis ampliam acceptionem.

Quod si æternitas, secundum posteriorem acceptionem sumatur, utroque modo sumpto contingentia competere potest, aliter tamen, & aliter: nam contingentibus primi generis potest competere permanenter; quia si Angelus v. g. fuisset ab æterno productus, perseveraret idem in indiuiduo in æternum, eo quod habeat esse inamissibile ab intrinseco. At verò contingentibus secundi generis competeret æternitas (ut ita dicam) successiue, cum enim habeant esse amissibile, non possent illud cõseruare in vno indiuiduo, sed tantum in specie per successionem vnius indiuidui post aliud. Atque hinc potest colligi satis efficacia rationis D. Thomæ: Etenim, quia contingentia non sunt æterna ab intrinseco, (ut dictum est) necessario debuerunt habere causam sui esse; quæ cum non possit esse contingens, alias deberet esse ab alia, & illa rursus ab alia usque in infinitum, erit pro-

inde necessaria. Vnde optimè S. Doct. ex positione contingentium arguit ad positionem Entis omninò necessarij, nulloque modo contingentis, quale Ens Increatum esse debet, vt suprà probatum est.

## DIFFICULTAS II.

*An Contingens semper necessariò fiat à non contingente, seu necessario?*

**H**Oc supponi colligitur ex ratione D. Thomæ, in qua ex suppositione contingentium asurgit ad affirmationem Entis nõ contingentis, seu necessarij. Videtur autem, non esse necesse, vt contingens fiat à non contingente: Benè enim potest contingens, supposito, quòd existat, alteri contingenti esse causa essendi v. g. Petrus potest produci à Paulo, Paulus à Ioanne, & sic in infinitum; in his enim causis per accidens subordinatis non repugnat processus in infinitum, (vt suprà dictum est) & videtur esse aperta ratio huius, quòd scilicet Contingens possit fieri à contingente. Ad hoc enim, vt aliquid producat aliud, non requiritur, quòd habeat esse necessariò, sed tantum, quòd habeat quomodocunque illud; aliàs nihil creatum posset esse causa alterius, cum nulli Creaturæ competat esse necessariò: Vnde hæc propositio (Creatura exi-

sit,) siue illa sit corruptibilis, siue incorruptibilis, semper est contingens, vt communiter docent Philosophi.

Resp. ad hanc difficultatem dicendo, quòd licet contingens non semper necessariò fiat à non contingente immediatè, sed benè possit fieri à contingente, mediatè tamen & originaliter debet fieri à non contingente, seu necessario. Explicatur hoc, & simul probatur. Si enim saltim mediatè, non fierent contingentia à non contingente, seu necessario, de illo contingente, à quo originaliter essent, quæro? an sit Ens à se, an verò ab alio? Non potest dici, quòd sit Ens à se; quia Ens à se est omninò necessarium, habet siquidem esse irreceptum ab alio. Ergo non indifferens ad esse, seu non esse, quod est de ratione contingentis; si enim talem indifferenciam haberet ex se, semper cum eadem maneret, quamdiù nõ determinaretur ab alio, à quo acciperet esse. Relinquitur igitur, quòd prædictum contingens debeat esse ab alio: Illud quoque aliud, si contingens sit, erit ab alio. Ergo cum in causis subordinatis non detur processus in infinitum, de necessitate sistendū erit in aliquo non contingente, à quo contingentia erunt.

Ad illud autem, quod dicitur, in causis per accidens subordinatis posse dari processum in infinitum, dicendum, hoc in tantum verum esse, in quantum tota illa collectio causarum per accidens subordinatarum debet esse origi-

na.

naliter ab aliquo non factio: Vnde et si ad hoc, vt aliquid producat aliud immediate, non requiratur, quod habeat esse necessarium, vt recte arguitur in ratione dubitandi, tamen originaliter, necesse est, peruenire ad id, cui esse necessarium competit. Circa illam vero vltimam dubitationis propositionem, quod scilicet: (Nulli Creaturæ necessarium competit esse) videri possunt nost. Complut. in lib. de Anima disput. 16. num. 36. & 37.

### DIFFICULTAS III.

*Vtrum Contingens sit contingens, quando est, vel quando non est?*

**C**onfirmatio rationis S. Thomæ videtur supponere, quod Contingens tunc tantum sit contingens, quando non est: cuius oppositum probabilius esse videtur, ostenditurque arguendo à Definitione ad definitum, sic: Quod potest esse, vel non esse, est contingens. Sed Petrus v.g. existens potest esse, vel non esse respectu futuri temporis. Ergo Petrus v.g. existens est contingens. Ergo contingens, etiam tunc, dum existit, est contingens. Et videtur magis hoc ipsum. Id, quod pro tempore futuro non erit, habet tunc etiam, cum est, potentiam ad non esse; alias impossibile esset, illud non fore. Sed multa ita nunc sunt, quæ

postea non erunt, vt patet in omnibus corruptibilibus. Ergo habent potentiam ad non esse. Ergo cum ex alia parte habeant esse, in quo persistere per aliquod saltim tempus possint, habebunt simul potentiam ad esse, & non esse, ac proinde contingentia erunt.

Difficultatem hanc agitat Pauli Soncinnas suæ Metaphys. lib. 6. quæst. 4. vbi longo discursu præmisso, tandem concludit, contingens tunc etiam esse contingens, quando est, & non solum, quando non est. Re tamen altius perpenſa, videtur opinio Soncinnatis non posse subsistere, ac proinde

Dicendum, Contingens tunc propriè non esse Contingens, quando est: pro cuius ulteriori declaratione

Supponendum est, Contingens medium esse inter Impossibile, & Necessarium. Dicitur enim illud contingens, quod potest esse, vel non esse: vbi per Ly potest esse, distinguitur ab Impossibili, cui repugnat esse: at verò per Ly potest non esse, distinguitur à Necessario, cui repugnat, quia tali, non esse. Quia ergo ratio Contingentis consistit in quadam indiff. rentia ad esse, & non esse, tunc propriè erit Contingens quando sumitur cum dicta indiff. rentia ad esendum, vel non esendum. Quo supposito, contra Soncinnatem sic

Probatur. Tunc competit Contingenti ratio contingens, quando concipitur sub quadam indiff. rentia ad esse, vel non esse. Sed quando

G g g g g 2 est

est, non concipitur cum quadam indifferentia ad essendum, vel non essendum. Ergo quando contingens est, non est contingens. Maior ex suppositione patet. Min. suadet: Quando .n. tu dicis, quod contingens, quando est, potest non esse: vel dicis pro hoc instanti, quod mensurat esse, ita ut idem instans formaliter sit mensuratum esse, vel non esse; vel pro sequenti. Primum est impossibile, quia implicat, quod idem pro eodem instanti sit, & non sit. Ergo, dicis secundum, quod scilicet: Contingens pro futuro tantum instanti, quod videlicet: subsequitur ad instans mensurans esse contingentis, poterit non esse. Ergo sequitur, quod Contingens non est contingens formaliter respectu instantis, in quo est, sed respectu futuri instantis, in quo potest esse, & non esse. Vnde crederem, contingens formaliter, ut contingens præscindere ab omni statu, essendi videlicet, & non essendi, neque tunc esse formaliter contingens, quando est, neque quando non est. Eadem enim ratio militat de statu non essendi, quam de statu essendi adduximus; nam etiam tunc, quando non est contingens, non potest esse, sicut tunc, quando est, non potest non esse, quia vnum, idemque instans, non potest mēsurare ipsius esse, & non esse.

Contingentia igitur competit rebus, ut sunt sub statu quodam præcisionis, secundum quem neque dicunt esse, neque non esse; & quia hic status non competit re-

bus in individuo, & à parte rei existentibus: (hæc enim, aut determinatè sunt, aut determinatè non sunt) ideo res existentes, aut non existentes, contingentes dicuntur per ordinem ad dictum statum, abstractionis: v.g. (Petrus existere, est contingens) etiam quando existit, vel non existit, est verum, quia Petro absolutè, & præcise existentia, aut non existentia, neutrum repugnat, sed utrumque indifferenter competere potest. Et contra verò Deum esse, est necessarium, quia illi ita existentia competit, ut nunquam possit sub statu talis præcisionis concipi, ut sit indifferens ad existendum, & non existendum, ex eo quod de eius Essentia est esse; ac proinde sicut eius Essentia non est ab illo præscindibilis, ita neque existentia. Per quod patet solutio ad alata in contrarium: Illa namque potius pro nobis sunt; quandoquidem semper contingentiam ex tempore futuro, in quo res possunt existere, vel non existere, veniunt: Hinc

Collige ulterius, quidnam sit directè ad ipsum dubium respondendum: An scilicet: Contingens tunc sit Contingens, quando est, vel quando non est. Respondetur enim, Contingens dici contingens, quando non est: Sumpto ly *non est*, merè præcisiuè, secundum quod res præscindit ab esse; non autem negatiuè, secundum quod de illo negatur esse. Et hæc quoad tertiam rationem *Dñi Thomæ*.

*S. Ratio IV. Diui Thoma.*

**H**æc est petita ex via eminē-  
tiaz, seu ratione Analogiz,  
quam debent habere omnia en-  
tia, bona, perfecta, vera, compara-  
ta cum maximo aliquo Ente bo-  
no, perfecto, vero. Estque demon-  
stratio talis. Inuenitur in Entibus  
magis, & minus verum; magis, &  
minus bonum; magis, & minus  
Ens. Ergo etiam inuenitur ali-  
quod maxime verum, maxime  
bonum, maxime Ens. Sed quod  
est maxime verum, bonum, ens, est  
Ens increatum, omninoque impro-  
ductum. Ergo datur in rebus Ens  
increatum, omninoque improdu-  
ctum. Prima Consequentia patet;  
quia, uti arguit S. Doctor, magis,  
& minus dicuntur de diuersis, se-  
cundum quod appropinquant di-  
uersissime ad aliquid, quod ma-  
ximè est; sicut magis calidum est,  
quod appropinquat maximè ca-  
lido. Minor verò subsumpta pro-  
batur. Verum, bonum, & Ens crea-  
tum habent veritatem, bonitatem,  
& entitatem participatā ab alio:  
quod autem veritatem, bonitatem,  
& entitatem participatam habet,  
non est maxime verum, bonum, &  
Ens; quia quod est per essentiam  
tale, & à se, magis tale est, quam  
illud, quod est tale ab alio, & per  
participationem. Ergo &c.

Confirmatur. Vbi in ratione  
vna, communi pluribus, inuenitur  
magis, & minus, seu inæqualitas  
quantum ad participationem, ibi  
inuenitur Analogia attributionis,  
ut constet. Ergo quia inter entia,  
vera, bona, inuenitur magis, & mi-

nus, ut dictum est, inter illa inue-  
niuntur Analogia attributionis.  
Ergo etiā inuenitur maximè Ens,  
maximè verum, maximè bonum, à  
quo cætera omnia entia, vera, bo-  
na dependant, illud verò à nul-  
lo; quia, ut ex supradictis constat,  
Analogia attributionis per de-  
pendentiam causatur. Sed Ens, à  
quo omnia alia dependent, illud  
verò à nullo, est ens omnino im-  
productum, & increatum; si enim  
creatum, vel productum esset, à  
creante, vel producente depende-  
ret. Ergo &c. Circa hanc rationē  
S. Thomæ occurrunt duæ difficul-  
tates paræ.

*DIFFICULTAS I.*

*An magis, & minus de di-  
uersis dicantur, secundum,  
quod appropinquāt di-  
uersissime ad ali-  
quid, quod ma-  
ximè est?*

**V**idetur hæc Propositio non  
esse absolutè vera. Dantur  
enim plura, in quibus inuenitur  
magis, & minus sine respectu ad  
maximum; nam in primis in nū-  
meris non est aliquis maximus,  
quo maior dari non possit, sed,  
quocunque signato, potest esse  
maior, & maior usque in infini-  
tum, & tamen in numeris datur  
maior, & minor, cum ternarius sit  
maior binario, & minor quater-  
nario. Similiter non datur gratia  
hæc.

habitualis maxima, itur Deus maiorem illa non possit producere, & tamen in gratia datur magis, & minus. Ergo &c. nihilominus ad dubium.

Dico, & resp. negando, dari aliquam, in quibus inueniatur magis, & minus sine respectu ad maximum. Ad probat. verò in contrarium adductam dico, illam propositionem, (Vbi est magis, & minus, ibi est maximum) etiam in numeris, & gratia, verà esse; nam, quidquid sit de possibili, certum est, de facto, dari aliquem maximum numerum, maximamque gratiam, qua maior à parte rei non inuenitur; unde etiam debet dari maximum Ens, quo maius à parte rei non est.

Est tamen notanda disparitas inter Ens ex vna, & gratiam, vel numerum ex alia parte, quòd in numero, vel gratia non sit determinatus aliquis numerus, sed, quocumque productio, potest perfectior, perfectiorque produci, & hoc ideo, quia vtrumque est ens dependens, ac proinde, supposita existentia Agentis infiniti, à quo dependet, cuiusque virtus, quacumque positione determinata, exhaustiri non potest, poterunt perfectiores, perfectioresque in infinitum produci, v. g. ponamus maximum numerum de facto esse centum millia: tunc, quia Agens infinitum potest producere mille, vel mille millia rerum numeratarum, ultra illa centum millia, potest dari maior numerus: atque etiam de gratia, proportionem seruata, est discurrendum. Est autem

hoc adeò verum, quòd in entibus dependentibus potest fieri perfectius, & perfectius usque in infinitum, supposita scilicet existentia entis infiniti, ut etiam ipsum ens creatum, secundum quòd sub conceptu entis creati est dependens, non habeat terminos suæ perfectionis, sed, quacumque creatura posita, potest Deus perfectiorem, perfectioremque producere usque in infinitum. Cæterum in ratione entis, ut sic, cum ex suo conceptu non dicat dependentiam, alias in Deo non posset inueniri, qui est Ens independens) si datur de facto existens maximum, ita est maximum, ut etià, de possibili, maius illo uequeat inueniri. Ratio huius est, quia Maximum inter omnia entia debet esse Causa essendi omnibus entibus, (quod enim est maximum tale in aliquo genere, est causa essendi omnibus talis generis, sicut maximum calidum est causa caloris in omnibus calidis: & ex hoc fundamento arguit S. Thomas 3. p. q. 7. a. 1. in C. In Christo fuisse maximam gratiam, quia illius gratia fuit causa gratiæ existentis in alijs). Quòd autem est causa essendi alijs, debet esse ipsum incausatam. Tum quia non habet, à quo causetur; non enim à se causari potest, cum nihil possit esse causa sui ipsius; non ab entibus causatis à se; quia nihil potest esse causa efficiens suæ causæ efficientis: nò ab alio supra se, quòd actu sit; nam si haberet aliud ens supra se, à quo causaretur, non esset primum, maximumque in entibus. Neque tandem ab aliquo ente superiore:

riori, quod licet tunc non sit, tamen fuit; quia illud Ens, si postquam habuit esse, amisit illud per corruptionem, contingens necessarium debuit esse, utpote indifferens ad esse, & non esse. Ergo non erat ens à se, cum hoc sit necessarium; siquidem sua Essentia est suum esse; erat igitur ab alio, quod similiter amisit esse, (nullum enim ens habens esse, potest esse supra ens, quod est maximum in entibus) Ergo à contingente; ac per consequens dabitur processus in infinitum in istis causis subordinatis, absque dependentia ab alia causa incausata; quod implicat, ut supra ostensum fuit. Tum etiam, quia quod est causa essendi omni enti, attingit omne ens sub vniuersalissima ratione entis. Ergo erit vniuersalissima Causa, quia vniuersalissimus effectus, qualis est ratio entis in omnibus inuenta, vniuersalissimæ Causæ correspondet. Sed Causa vniuersalissima non potest fieri ab alio, aliàs vniuersalissima non esset. Ergo &c.

## DIFFICULTAS II.

*An inueniatur in rebus magis, & minus Ens?*

**L**icet in Vero, Bono, & intensibilibus qualitatibus *magis*, & *minus* admittatur, tamen non videtur, quomodo in Ente subsistere possit: Cum enim Ens sit superius ad substantiam, & accidens, si illi competeret suscipere *magis*, & *minus*, etiam ipsi substantiæ

hoc competeret; quia quidquid competit Naturæ superiori, quæ tali, competit etiam inferioribus sub illa contentis: hoc autem est expressè contra Philosophum in Capite de substantia, ubi proprietatem substantiæ hanc esse, dixit, quod non suscipiat *magis*, & *minus*.

Ad hoc dubiolum resp. & dico cum distinctione; notando, *Ly magis*, & *minus* dupliciter accipi posse: vel, ut sonat intensionem, & remissionem: vel, ut significat excessum, aut defectum in perfectione. Tunc sumitur *magis*, & *minus* primo modo, quando eadem res, ratione latitudinis gradualis, nunc potest esse *magis*, nunc *minus* intensa, v. g. calor, & aliarum qualitates intensibiles, & remissibiles, quæ nunc sunt intensiores, nunc remissiores; nunc est *magis*, vel *minus* calidum aliquid, vel album &c. Secundo autem modo sumitur *magis*, vel *minus*, non respectu eiusdem, sed respectu diuersorum, v. g. Animal licet in quolibet homine sit æquè perfectum, nec possit esse v. g. Petrus nunc *magis* animal, & postea *minus*, sicut aqua v. g. potest esse nunc *magis*, nunc *minus* calida, tamen in diuersis, v. g. in homine, & equo, potest esse animal *magis*, *magisque* perfectum, ratione differentiarum, scilicet, se in perfectione excedentium, per quas ad tale, vel tale compositum contrahitur: Hoc prænotato

Dico iterum, tam Ens, quam substantiam, hoc secundo modo importare *magis*, & *minus*; unde communiter dicitur, quod substantia

stantia, vel Deus sit magis ens, quam Accidens, vel Creatura, Aristoteles similiter in lib. Cathegor: Cap. de Substantia. (in quo docuit, substantiam non suscipere magis, & minus) dixit, *primas substantias esse magis substantias, quam secundas*: quæ doctrina desumpta est ex eodem Philosopho Capite de Substantia.

*§.6. Ratio V. D. Thomæ.*

**R**atio quinta, & vltima probans, dari Ens increatum, desumitur ex gubernatione Vniuersi, seu directione omnium in suum finem, sic. Datur Ens intelligens, à quo omnes res naturales gubernantur, & diriguntur in suum finem. Sed tale Ens est increatum, & improdūctum. Ergo istud datur. Maior ostenditur. Aliqua cognitione carentia, vt sunt corpora naturalia operantur propter suum finem, cum semper, aut saltem frequentius eodem modo operentur, vt consequantur finem, seu quod est optimum ipsis. Sed quæ cognitione carent, non tendunt in finem, nisi directi in illum ab aliquo cognoscente, & intelligente finem, sicut sagitta à sagittante. Ergo est aliquod intelligens, à quo res omnes ordinantur in finem. Minor præcedentis argumenti, sic potest probari. Gubernatio, sicut & conseruatio, rerum pertinet ad Ens productiuum illarum, cum conseruatio sit quædam continuata productio: Sed Ens productiuum omnium est increatum, & improdūctum,

prout patet ex secunda ratione supra examinata. Ergo etiam Ens gubernans &c. Circa hanc rationem non excitantur vllæ difficultates: tum vt breuitati consulari, tum quia illæ patebunt ex infra dicendis.

Q V A E S T I O II.

*Vtrum Ens Increatum, & omninò improdūctum, (quod dari ostensum est) sit DEVS, nec ne?*

**S**upponendum primò, quòd quamuis Quæstio hæc plurimum habeat de re, quia tamen inuoluit aliquid de nomine, antequam concludamus, Ens increatum Deum esse, prius nobis quid sit DEVS, non quidem, quantum ad *Quid rei*, sed quantum ad *Quid nominis*, sciendum est. Hoc itaque nomen, DEVS, (prout tradit D. Damascen. lib. 2. Fidei cap. 12.) ex græco deducitur, vel à disponere, vel ab intueri vniuersa, quæ denotant operationem, & efficientiam. Cum enim nos nihil naturaliter possimus cognoscere de Deo, nisi ex effectibus, nec aliquod nomen aptum, iuxta nostrum modum concipiendi, poterimus inuenire, nisi desumptum ex summa causalitate, & operatione ipsius. Ad quod attendens Angelicus Doct. 1. p. q. 13. a. 8. in C. sic inquit: *Hoc nomen DEVS, est nomen operationis quantum ad id, à quo imponitur*  
ad



ad significandum: Imponitur enim hoc nomen ab vniuersalis rerum, prouidentia: Omnes enim, loquentes de Deo, hoc intendunt nominare, DEVM, quod habes prouidentiam, vniuersalem de rebus: vnde dicit D. Dionysius 12. cap. de Diuinis nominibus. Deitas est, quæ omnia videt, prouidentia, & bonitate perfecta. Ex hac autem operatione hoc nomen, DEVS, assumptum, impossibile est ad significandam Naturam Diuinam. Hæc S. Doctor.

Supponendum secundo, nomine DEI, communi consensu, intelligi ens nobilissimum, perfectissimumque, quo perfectius excogitari nequit; ex ipso enim, cõceptu eius oritur, quod omnes, quantumuis barbaræ, nationes Deum adoratione, censeant, esse dignum, ita ut nulla gens ita effrata moribus inuentatur, quæ Deo, quamuis aliàs falso, non exhibeat venerationem, quia scilicet eum agnolcunt dignum veneratione, ob nobilitatem, eminentiã, & perfectionem; nobiliora namque in maiori semper solent esse veneratione. Intelligitur etiam nomine DEI Ens, quod sit Causa omnium entium cæterorum: Ens enim hoc nobilissimum, quod ab vniuersis cõcipitur nomine DEI, & perfectissimum, concipitur, vt Causa aliorum entium, (quandoquidẽ ex effectibus cognoscitur) & ita concipitur, vt perfectissima, & quam perfectior non possit excogitari Causa, sicut Ens, perfectius illo excogitari nequit. Igitur debet concipi, vt Causa vniuersorum entium cæterorum;

aliàs posset ipsa perfectior excogitari Causa, illa nimirum, quæ esset omnium Entium Causa.

Supponendum tertio, quod licet communi acceptione non sit ita certum, hoc Ens perfectissimum, quod est Causa cæterorum, esse tantum vnum, (plures quippe Deos, vt nobilissimos, causasque rerum venerabatur, & admittebat gentilitas) tamen, quasi euidens est, etiam apud gentiles, perfectissimum Ens vnum esse; vnde & ipsimet gentiles, etiam plures Deos colerent, inter ipsos nihilominus Ioui principatum detulere, tanquam supremo Numini. Hinc apud Virgilium lib. 1. Æneid: Iuno exindẽ se Reginam Diuam vocat, quia coniux Iouis erat, cum inquit

Ast ego, quæ Diuum in Cælo;  
Regina, Iouisque,  
Et Soror, & Coniux, vna cum  
gente, tot annos,  
Bella gero.

Hinc Iupiter vocabatur Pater omnipotens, & Diuum, hominumque Rex; & alijs nominibus, eius excellentiam, præ cæteris, significantibus. Quæ omnia satis indicant, etiam ipsam rudem gentilitatem, instinctu naturali, agnouisse, illud perfectissimum Ens, quod Deum vocabant, & vt perfectiorem turbæ Deorum vnum, præficiebant, esse omnino vnum. Ex quo sequitur, efficacissimam esse demonstrationem ad probandum, Ens increatum, omninoque improdatum, Deum esse, si ostendatur, illud vnum esse.

Supponendum quarto, Hanc  
H h h h h vni

vnitatem hic probari non potest ex infinitate, immensitate, ceterisque attributis, ex quibus Theologi communiter deducunt, Deum esse vnum; licet enim hæc sint efficacissima, hic tamen nobis deferuire non possunt, ex eo, quod nondum probauerimus, Ens increatum esse Deum, ac proinde neque Infinitum, immensum, &c. ex quibus posset deduci vnitas ipsius; quamuis, in quantum Entitas à se, & increata, trahat secum aliquam infinitatem, vel aliud attributum simile, & ita possit nobis ad dictam vnitatem Entis Increati, quæ illud, Deum esse probet, demonstrandam, deferuire. His ergo suppositis.

Dicendum, Ens increatum, omninoque improdudum, esse verè, & propriè Deum. Hæc Concl. non aliter pro nunc probari potest, quam ostendendo, hoc Ens increatum esse vnica omnium entium Causam efficientem. Ad hoc autem ostendendum

Ratio prima occurrit ex ipsa pulchritudine, & ordine Vniuersi; quam rationem insinuant plures ex SS. Patribus: Lactantius lib. 1. de falsa Religione cap. 2. sic inquires: *Nemo est tam rudis, tam feris moribus, qui oculos suos in calum tollens, tametsi nesciat, cuius Dei providentia regatur hoc omne, quod cernitur, aliquam tamen esse, non intelligat ex ipsa rerum magnitudine, motu, & dispositione, constantia, utilitate, pulchritudine, nec posset fieri id, quod mirabili ratione constat, consilio aliquo maiori instructus.*

D. Dionysius Areopagita de Diu. nomin. cap. 7. postquam ostendit, quoniam modo ex creaturis cognoscatur Deus, sic concludit:

*Et quidem ex omnibus, quæ dixi, ipsa est cognoscenda (Diuina scilicet sapientia) ipsa enim est omnium efficiens, semper omnia concordans, & indissolubilis omnium, concordationis, & ordinis causa, & semper fines primorum coniungens principijs secundorum, & vni omnium conspirationem, & harmoniam pulchrè operans.* S. Chrysostomus homil. 4. in Genes. circa medium. Damascenus lib. 1. de Fide cap. 1. Gregorius Magnus lib. 26. Moral. cap. 1. Tander Ang. Doct. tum 1. p. q. 3. 2. 3. C. ratione 5. Tum 1. cont. gent. cap. 13. vbi dictum caput his verbis claudit: *Impossibile est, aliqua contraria, & dissonantia in vnum ordinem concordare semper, vel plurics, nisi aliquius gubernatione, qua omnibus, & singulis tribuitur, ut ad certum finem tendant.* Sed in Mundo videmus res diuersarum rationum in vnum ordinem concordare, non ut rarò, & à casu, sed ut semper, vel ut in maiori parte.

Oportet ergo esse aliquid, cuius providentia Mundus gubernetur, & hoc dicimus Deum. Hæc ratio, quæ hoc ipso efficacissima est, quod ea grauissimi, antiquissimiq; Ecclesiæ DD. & PP. vsi sint, potest ad probandam nostram Conclusionem in tali forma disponi.

Ens, quod est vnica, & adæquata Causa efficiens omnium entium, est Deus. Sed ens increatum, omninoque improdudum, (quod in-

quæst.

quæst. præcedenti dari ostēdimus) est vnica, & adæquata causa omnium entium. Ergo est Deus. Maior patet ex suppositionibus; quia eo ipso, quod sit Causa, efficiens omnium entium, debet esse ens perfectissimum, quo perfectius excogitari non possit: quia talis Causa debet esse æquiuoca, utpote productiua effectuum diuersorum generum, & specierum, quæ in tota latitudine omnium entium inueniuntur; & ita, ex quo æquiuoca, debet esse perfectior suo effectui, ut nost. Complut. in Phys. disput. 3. Quæst. 3. §. 2. docent; ex quo verò, omnium entium quocumque ente perfectior, proinde omnium perfectissimum ens, & quo perfectius excogitari nequeat, sed ens, quo perfectius excogitari nequit, est Deus, ut in suppositionibus dictum est. Ergo ens, quod est vnicum, & adæquatum omnium efficiens est Deus. Minor verò, antequam probetur, explicatur. In ea enim nolumus dicere, illud Ens increatum ita esse vnicam Causam omnium entium, quod nullum ens causetur ab alio ente: (Hoc enim falsum est; nam & homo generat hominem, & leo leonem, &c.) sed ita, quod omnia entia pendeant ab ipso, tanquam à mouente cætera ad causandum, & tanquam à producente ipsam rationem entis in singulis; & originaliter res causante, à quibus aliæ sunt causatæ; Hæc autem minor, quia bimembris est, duo habet, quæ probatione indigent: primò enim probandum est, omnia entia esse producta, in sensu explicato, ab

ente illo increato; deinde ab ipso solo, ut ita sit principium productionum omnium; proinde Deus.

Quantum ad primam partem; hæc minor prob. explicatis Arist. Aliqua sunt producta, & de facto producuntur. Sed non potuerunt produci à productis, ita quod sæper causa producta produceret, (quia non datur in causis per se subordinatis processus in infinitum, & si detur in subordinatis per accidens, hoc in tantum verum est, in quantum tota illa collectio causarum subordinatarum est à Causa improducta;) Ergo ab illo ente improducto sunt originaliter entia, tam, quæ producta sunt, quam, quæ producta produciunt. Totus processus argumenti patet. Subsumo: Sed quidquid est in Mundo, est productum, & quamuis vnum aliud producat, producit, ut productum. Ergo omnia entia sunt producta ab ente increato, & improducto.

Subsumpta hæc minor superiori discursu prob. In primis omnia mixta, generabilia, & corruptibilia producta sunt, ut ad sensum patet, cum hoc quotidiana in illis experientia doceat. Sed

Dices, ea non esse producta secundum totum, cum Materia non producatur; eadem enim, saltem negatiue, est sub forma seminis, embryonis, hominis, &c.

Contra est. Repugnat, Materia esse improductam. Ergo &c. Anteced. ostenditur. Tum quia, cum forma sit nobilior materia, sicut & actus potentia, non poterit esse ita improducta, si illa est produ-

H h h h h 2 Cai

ita; improductum enim superat in perfectione id, quod productum est. Tum etiam quia si materia improducta est, vel antecessit productionem omnium formarum? vel non, sed semper fuit sub aliqua forma? Primum est impossibile, aliàs esset actu sine actu: de quo videri possunt NN. Complut: in Phys. disp. 3. q. 6. Ergo dicendum est, secundum. Quod si fuerit semper sub aliqua forma, tunc sic arguo. Vel materia prima semper fuit sub aliqua forma, ut ab æterno aliam, & aliam per nouas generationes acquireret? Vel certe, ita quod maneret ab æterno, usque ad principium Mundi, sub vna forma, & inceptis generationibus, in tempore abiecerit eam, sub qua fuit per æternitatem, & nouas induerit? Vel eandem sic, ut eandem etiam retineat nunc, cum est sub diuersis formis, quam habuit ex æternitate? Hoc vltimum est impossibile, cum plures formæ eandem numero materiam nequeant informare, uti docent NN. Complut: ex D. Tho: in Phys. disp. 4. q. 6. Similiter secundum in intelligibile est; nam illa forma inamissibilis esset, quia per infinitum tempus imaginarium correspondens æternitati informaret, proinde semper inamissibiliter deberet informare; siquidem informans per tempus infinitum nescit finem suæ informationis. Accedit, quod talis forma esset improducta, sicut & materia, ac proinde inamissibiliter informaret, cum improductum corrumpi nequeat. Esset autem

improducta, quia esse ipsius non esset communicatum ei ab aliquo Agente (quod requirit, ad productum esse) hoc verò idcirco, quia esse ipsius esset esse materiæ, (cum materia à forma accipiat esse) esse autem materiæ non esset communicatum ipsi ab aliquo Agente, aliàs iam esset producta; quod est contra suppositionem. Ergo neque esse prædictæ formæ esset communicatum ab Agente. Et propter hanc rationem, etiam primus modus, quo Materia poterat fingi esse ex se semper sub aliqua forma, est impossibilis, ut ex præcedenti patet. Relinquitur proinde, omnia corruptibilia, & mixta, etiam quantum ad materiam, esse producta, non quidem, ita ut quotiescunque de nouo producitur compositum, etiam ipsa materia prima producat, sed ita ut semel, saltim in principio, supponatur producta.

Corpora autem simplicia, uti sunt Cæli, Elementa, esse producta, non ita facile ostenditur. Probatur tamen primò quantum ad Elementa: quia hæc sunt generabilia, & corruptibilia in ordine ad constitutionem mixti. Ergo producta; omne siquidem corruptibile producibile est. Deinde Cælos productos esse, patet ex ipsa imperfectione ipsorum; sunt enim materiales; & inanimati. Si ergo homo viuēs, & rationalis, est productus, quāto magis Cæli homine imperfectiores; sed quia hæc rationes suas patiuntur difficultates, aliter assumptum probatur sic. Ens increatum, & improductum est

ens

ens perfectissimum inter entia, estq; vnum, vt infra patebit. Sed neque Caeli, neque Elementa sunt entia perfectissima, neque etiam sunt aliquid vnum, vt ex se patet. Ergo non sunt entia improducta. Tandem intelligentias productas esse ostenditur; Nam eo ipso, quod plures sunt, non sunt improductae. Ens quandoquidem improductum tantum vnum esse infra ostendetur; quamuis, praecisa fide, non sit ita certum, intelligentias, substantiasq; immateriales pure dari; nullus enim est effectus, ex quo euidenter illarum existentia probari possit; quod enim ex motu Caelorum illas dari probauerit Aristor. ad hoc facile responderi possit. Caelos moueri ab intelligentia vnica, quae est ens improductum; tamen Animam rationalem spirituales esse, certius est: Hanc autem etiam productam, sic probatur. Anima rationalis si improducta esset, vel esset extra corpus, vel in corpore ex aeternitate. Primum dici non potest; quia cum hic status illi non sit connaturalis; est enim essentialiter forma corporis, non potuit illum ex se, & connaturaliter ab aeterno habere. Ergo dicendum est, illam fuisse in corpore. Ergo illa anima existens in corpore ex se, & ab intrinseco erat homo, ac per consequens ille homo erat improductus; & ita erat, & non erat homo. Erat quidem, vt supponitur, Non erat autem, quia supponitur improductus; ac proinde a ceteris hominibus, qui sunt producti, non solum specie,

sed etiam genere distinctus, quod est inconueniens. Totum igitur vniuersum productum est ab alio Ente, quod est improductum; quia non poterat, nec quantum ad suas partes, ab entibus productis, saltim originaliter fieri, ne daretur processus in infinitum in causis per se subordinatis, quod est impossibile, vt supra probatum est. Tandem.

Quantum ad secundam partem principalis Minor. Scilicet quod ens increatum est vnica causa omnium entium, sic prob. primo Ens increatum non potest esse nisi vnu, vt infra dicetur. Ergo cum omnia entia, quae facta sunt originaliter saltim debuerint esse ab ente increato, vt ex supra dictis patet, ipsum ens increatum erit vnica, & adaequata causa omnium entium. Secundo eadem pars Minoris prob. Nam ab eodem omnia reguntur, a quo sunt condita. Sed reguntur ab vno. Ergo & condita sunt ab vno. Sed illud vnum regens nequit esse aliud, nisi ens increatum, cum hoc solum tantum sit vnum necessario. Ergo ens increatum erit vnica causa efficiens omnium entium. Subsumpta, cum sua Consequat: patet. Minor autem ostenditur ex ipsa consonantia, seu harmonia rerum, quae in suis operationibus non deficiunt, qui ordo sine aliquo rectore, vno esse non posset; sicut sine vno Duce exercitum, sine vno Principe Rempublicam, impossibile est ordinatam esse; ita sine vno rectore, impossibile est, ordinem vniuersi consistere, quod, vt plurimum ex rebus in-

insensibilibus inanimatisque constat. Quam rationem tetigit Aristot. hic lib. 1. 1. Metaph: concludens: *Entia volunt malè gubernari, non est bonum pluralitas Principum*, unus ergo Princeps. Maior verò prob. Tum quia, qui res condidit est illarum naturaliter Rector, & Dominus. Tum etiam, quia res dispoicè; & cum imperio reguntur, cum aliquando etiam contra propriam naturalem inclinationem ferantur, Autoris naturæ, & ipsius naturæ ordinem sequentes, ut patet in motu leuium deorsum, & grauium sursum ad supplendum vacuum. Ergo ab eo reguntur, qui habet authoritatem dispoicam supra illas. Sed nullus potest habere hanc authoritatem supra creaturas, nisi vel is, qui condidit eas, utpotè, quem Dominum agnoscunt lege naturæ, vel is, cui dominium supra creaturas contulit illi, qui eas creauit. Ergo cum illud increatum non possit habere dominium supra creaturas ab aliò sibi collatum, ex eo quod est primum supremumque ens aliud superius, à quo sibi dictum dominium conferatur non habens, reget illas ipse quia condidit. Tum denique quia rege condita ab aliò, est regere dependenter. Sed dependentia enti in creato, omninoque improducto, ac proinde omni ex parte independenti repugnat. Ergo ita omnia reget, quod omnia condiderit. Tetigit energiam huius rationis Eusebius Cæsariensis pulchroq; illam illustrauit Exemplo cum dixit, *Sicut domus sine artifi-*

*ce, aut pannus sine texente fieri non potest, ita vniuersum hoc sine autore*, quali diceret: quòd licet in panno nisi vnus texeret, tanta connexio florum sibi mutuo coherentium non esset; & sicut nisi vnus esset architectus, qui domus partes aptè disponderet; proportio domus non emergeret, ita, nisi vnus ille conditor hunc orbem regeret, tanta rerum consonantia, tantusque in diuersis, sibi que contrarijs successiõibus, moribus, alterationibus, generationibus, corruptionibusque ordo nunquam esset. Quo pacto enim (inquit Philosophus lib. 1. Metaph. cap. 2.) *Ordo erit, non existente aliquo perpetuo, atq; permanente*. Addo ego, qui vnus omnino regat, pluralitas siquidem rectorum confusionem parit, non ordinem.

Hæc tamen ratio labefactari posset ostendendo subsistere posse optimè ordinem vniuersi, cum pluralitate Rectorum; Fingamus enim, plures esse, & qui condiderunt, seu produxerunt, & qui regunt, sed ita plures, ut non sine voluntate dissentientes, sed ipsis idem velle, & nolle, tunc proculdubio ordo poterit optimè conservari: quia vnus alterius regimen, per oppositam, aut dissonantem non impedit voluntatē Sed.

Contra est: Nam quero quomodo in illis rectoribus erit idē velle? vel ita quod sit idem omnino, seu numericè in omnibus eandem, immultiplicatamq; naturam existentem in omnibus consequens? vel certe erit tantum idē

moraliter, & per mutuam consensionem. Primus modus non tollit unitatem entis increati quia de facto ita est vnum velle in omnibus SS. Trinitatis Personis, non naturis vel aliquibus rationibus absolutis, sed solis proprietatibus relatiuis, & personalibus ad inuicem distinctis. Secundus autem modus, sicut plures absolutè rectores, conditoresque orbis inducit, ita pugnat, cum omnipotenti effectione mundi, sapientissimoque eius regimine; si enim illi rectores, conditoresq; essent omnipotentes habentes virtutem infinitam ad producendum orbem vniuersum, frustra fingeretur plures. Quandoquidem vnus habens infinitam virtutem est sufficiens ad condendum orbem. Ergo si plures sunt, nullus ipforum per se, nec regere orbem posset; quod sic ostenditur. Non possent in primis condere, quia ad condendum mundum requiritur virtus creatrix, quæ est infinita: cum saltim, quoad aliquas partes hoc vniuersum fieri debeat per creationem. Atqui illi plures rectores hoc ipso, quòd plures, non haberent virtutem infinitam, quia sicut entitas ipforum, utpotè plurificata, & per hoc limitata, non esset infinita, sic nec virtus in illa fundata, eamque consequens. Deinde non possent dicti plures rectores rectè gubernare. In tali enim casu gubernatio vniuersi non redoleret, sicut de facto redolet, sapientiam infinitam, multi enim defectus in gubernatione hac deberent contingere, propter duo: Primò quia illa

agentia plura, quæ gubernarent orbem, haberent limitatam scientiam, sicut & potentiam. Ergo multa ignorarent, & præsertim futura, ac per consequens non possent habere talem prouidentiam, qualem sapientissima orbis gubernatio exigit: Secundo etiam si scirent, non tamen possent debite rebus sibi subiectis succurrere; res enim vniuersi, ita inter se sunt connexæ, ut aliæ alijs indigeant ad sui conseruationem, & operationes sibi debitas, v.g. mixta egent elementis, pisces aqua, animalia terra, & aere &c. Iam autem si plures essent rectores, conditoresque vniuersi, vnus necessario condidisset cælos, alius elementa, alius mixta &c. Ergo Rector, & Conditor v. g. mixtorum necessariò deberet implorare opem authoris, conditorisque elementorum, ne v. g. aquæ ad naturalem redeundo locum, terram ebruerent; similiter Rector, & Conditor terræ emendicaret opem conditoris, & rectoris Meteororum, ut scilicet imbres, niues &c. pro temporum opportunitatè impertiretur terræ, quæ eius fructibus non obessent, quod si contingeret, rectores hos nolle annuere, quod peteretur quis ordo, quod regimen vniuersi esset?

Sed haberent, inquis, concordēs voluntates, ideoq; vnus alteri semper præsto elset. Contra est quia illi rectores orbis, quos fingis, non haberent, ex necessitate naturæ conformes voluntates, quia hoc cum voluntatis libertate pugnat. Ergò tantum libere in mutuo consen-

sensu conuenirent, Ergo ita quod possint dissentire, si noluerint; liberi enim sunt, & mutabiles, per consequens poterunt dissentire aliquando ab ijs cum quibus consentiebant.

Confirmatur, & explicatur tota ratio, hucusq; adducta, simulq; ostenditur vnitas Reſtoris, & Creatoris huius vniuersi. Nam si duo essent rerum principia, quærgo, quomodo distinguerentur? si dicas per differentias constitutiuas, & diuisiones.

Contra est quia ens improductum non potest esse in aliquo genere, neque cõponi ex genere, & differentia, vt infra est, nec componitur, ex essentia, & esse; quia eius essentia est *Esse*, vt supra dictum est. Ergo est omninõ simplex, ita quod omni compositione careat; compositio enim, ex essentia, & esse, est prima in rebus, ac per consequens, quod illa caret, est omninõ simplex nullam compositionem admittens. Dicendum est ergo quod vt si dantur duo principia distincta, ita inter se differunt, nullo modo conueniant. Ergo nullum prædicatum conueniens vni, conueniet alteri, alias in illis prædicatis conuenirent. Cum ergo ens nostrum improductum sit essentialiter ens, proinde essentialiter bonum, quod rationem entis semper consequitur, illud ens distinctum ab eo, neq; erit ens, neq; bonum, nec ex consequenti Causa rerum; quia quod nihil est causare alia non potest.

### *Respondetur ad Argumenta in Contrarium.*

**P**rimum Arg. Per hoc, quod ens increatum sit omninõ improductum, non tollitur ab eo omnimoda dependentia. Ergo ens increatum non est Deus. Cõsequ. patet, quia debet esse ens omninõ independens. Ergo si ab ente increato non tollitur omnimoda dependentia, nõ erit Deus. Anteced. autem primum sic ostenditur independentia in genere causæ, quod sit dependens à superiori omninõ primo genere causarum, non tollit omnimodam dependentiam. Sed quod ens increatum sit omninõ improductum, ex hoc arguitur tantum independentia ipsius in genere causæ dependentis à superiori genere causarum. Ergo per hoc &c. Maior patet, cum genus causæ dependentis, non tollat omnem dependentiam. Minor autem prob. ex hoc, quod ens Increatum sit improductum, arguitur ipsius independentia in genere causæ efficientis. Sed genus causæ efficientis est dependens à genere causæ finalis, quod est mouens, efficientem immotum, vt docent Philosophi. Ergo quod ens increatum &c.

*Resp. negando anteced. & ad probat. eius neganda est minor. Deinde ad probationem distinguenda est minor. Genus causæ efficientis est dependens à genere causæ finalis, in eo, in quo limitato modo inuenitur: Conced. in eo, in quo illimitato modo reperitur. Neg.*

*Ex*



Explicatur solutio. Dependētia importat distinctionem dependentis ab eo, à quo est dependentia, nihil enim a seipso dependet, sicut non potest idem seipso, secundum idem, esse prius, & non esse prius: ens autem, quod in genere causae efficientis habet illimitationem, & ita infinitatem, non admittit distinctionem, praesertim realem, à causa finali; quia efficiens per actualitatem constituitur in ratione talis, & ita illimitatum, & infinitum ens in ratione actualitatis, ac per consequens perfectionis consequentis ipsam actualitatem, pertingit sine distinctione reali ad rationem bonitatis; cum hæc necessario consequatur perfectionem, & in tantum vnumquod; est bonum, inquantum est perfectum, ut docet D. Tho. 1. p. q. 5. a. 1. ratio autem bonitatis, & finis coincidunt, ut idem S. Doctor docet. Ens igitur non admittens limitationem ullam in genere causae efficientis, non admittet distinctionem sui, praesertim realem, à fine, seu causa finali; ac proinde nec dependentiam ab eadem, quæ sine tali distinctione stare non potest; & ita quando genus causae efficientis in ente aliquo infinito, & illimitato modo inuenitur, non habet realem dependentiam, etiam à causa finali, quia verò in ente increato genus causae efficientis inuenitur illimitato modo; cum actualitas ipsius, supra quam fundatur ratio efficientiae, sit summa, & illimitata, scil. ipsum esse irreceptum, ut supra insinuatum est;

consequens est, quod in ipso genus causae efficientis nullam realem habeat dependentiam.

Secundum argum: Deus debet esse vnus, ut ex suppositis liquet, & magis patebit in sequenti quaest. Sed ens increatum, & improductum non est vnum, ergo &c. Maior, patet. Minor prob. essentiae rerum, secundum se sumptae, sunt entia increata, & improducta. Ergo ens improductum non est vnus, sed plura. Consequ. liquet. Anteced. prob. ad essentias rerum, secundum se sumptas, productio non potest terminari, cum hæc terminetur ad existens, & singulare: essentiae verò secundum se, sicut à singularitate, sic & ab existentia praescindunt. Ergo essentiae rerum, secundum se eunt improducta entia; improducta quidem ex eo, quod productio ad illas nequeat terminari; cum essentiae reales, secundum se, non sint nihil, & ita erunt entia; inter nihil siquidem, seu non ens, & ens, non datur medium.

Resp. negando minorem: ad prob. disting. anteced. essentiae rerum, secundum se, sunt entia increata &c. entia in potentia: Concedo: Entia in actu. Nego. Deinde neganda est consequ. quia in praesenti non loquimur de ente increato, & improducto, nisi de illo, quod actu simpliciter, & absolute sit tale: non autem de eo, quod est ens tantum in potentia, & secundum quid, qualis est essentia praescindens ab esse; cum ens actu, & simpliciter improductum sit tantum vnum; consequens est,

iiii

quod,

quod, absolutè loquendo, ens increatum sit tantum unum.

Tertium argum. Datur aliquod ens, quod est increatum, & improductum, & tamen non est Deus. Ergo ens increatum non erit Deus. Anteced. prob. Potentia peccandi est ens increatum, & improductum. Sed potentia peccandi non est Deus. Ergo datur &c. Minor patet; quia Deus est ens necessarium, & indefectibile: potentia autem peccandi est defectibilis, ut ex se patet: Maior: verò prob. In primis, quod sit ens, patet ex eo, quod sit productiva entis, scil. peccati commissionis, quod cum sit quid positivum, in sententia probabili Thomistarum, erit ens: Deinde, quod sit increata, & improducta, sic ostenditur; quia si est creata, vel esset creata à Deo, vel à creatura. Non à Deo; nam Deus causans ipsam per creationem, esset causa effectus ipsius in genere causæ efficientis, seu peccati (quod est blasphemum, vel cogitare,) quod enim est causa causæ in aliquo genere, est causa causati in eodem genere. Non etiam à creatura. Tum quia hæc creare non potest, ut infra ostendetur. Tum quia in omni creatura rationali potentia peccandi inuenitur, vel ergo deberet procedi in infinitum, quod non debet admitti iuxta superius dicta, vel esset deveniendum ad primam aliquam creaturam, in qua potentia peccandi non posset produci ab alia priori creatura; & cum ab illa creatura, in qua est, non possit

produci, quia non est distincta ab eius entitate realiter; nil autem seipsum potest producere; consequens est, quod à nulla creatura produci, aut creari possit; cumque ex alia parte, nec à Deo sit creabilis, sequitur, quod sit omnino improducta, & increata.

Resp. hanc obiectionem gravem tangere difficultatem de potentia peccandi, quidnam sit, vel in quo consistat, de quo videri possunt N. Salmatici Tom: 4. Disput: 12. dub. 2. ad quorum doctrinam conformiter dicendum, est, Potentiam peccandi de materiali tantum esse ens: de formali autem importare quidem aliquid positivum, sed non secundum conceptum, aut expressionem entis, sed ut importat munus quoddam continendi malitiam, & deformitatem, & secundum huiusmodi expressionem non dicit esse creatum, vel productum; bene tamen secundum aliam rationem secum realiter identificatam, quæ est ratio entis participati.

Explicatur solutio. In potentia peccandi duo distinguere possumus realiter identificata, rationem scil. liberi arbitrii flexibilis defectibiliter, sicut ad malum, sic & ad bonum: illud autem liberum arbitrium, cum sit potentia realis, imò & proprietates animæ, est quoddam ens, non quidem increatum, (aliàs non esset proprietates animæ) proinde est ens creatum, & participatum. Deinde possumus attendere in hoc eodem libero arbitrio defectibili, ratio-

nem

nem continentia, respectu malitiae peccati, & fundamenti eiusdē formaliter sumpti, quæ ratio non est nihil, quia fundamentum malitiae est aliquid positivum in actu peccaminoso, secundum omnium sententiam, & ita causa ipsius continens illud debet esse quid positivum; cum effectus positivus nequeat contineri in nihilo, tanquam in causa: Est ergo illa ratio præcontinentia, respectu malitiae, in libero arbitrio defectibili aliquid positivum, sed non secundum conceptum, & expressionem entis; quia hic conceptus est per ordinem ad esse actualitatem, & consequenter perfectionem; iam verò conceptus continendi malitiam est per ordinem ad aliquid deficientem, & cadens à plenitudine essendi, quæ in actu morali reperiri posset, ut docet Angelicus Doctor in 1. secundæ, quia est per ordinem ad malitiam, eiusque fundamentum, quæ secundum quod talia, deficientiam important ab esse. Igitur si potentia peccandi sumatur de materiali, est ens, sed creatum, & participatum: si de formaliter, etsi sit aliquis modus positivus, non tamen formalissime est ens; ac proinde, quamvis secundum formalissimum conceptum potentia peccandi non esset quid productum, aut creatum; non tamen inde sequeretur dari aliquod ens increatum, aut productum, quod non sit Deus.

His adde, dari aliquid prius potentia peccandi, etiam formaliter sumpta, à quo ipsa necessario dependeat, idque imperfec-

tissimum, imò negatio omnis perfectionis; quæ quidem dependentia est impossibilis cum ratione entis omnino increati, & improducti, quod debet esse quid perfectissimum, & omnino independentens, prout ostensum est: Illud autem, à quo dependent originalliter potentia peccandi, formaliter sumpta, est nihilum, seu capacitas manendi sub nihilo, quæ est fons omnis imperfectionis; nam ideo communiter, & D. Thomas, & alij DD. docent, Deum non habere potentiam peccandi; quia est suum esse, & non potest non esse. Ergo &c. è contra ratio à priori in creatura potentia peccandi erit; quia cum non sit suum esse, potest non esse, & ita manere sub nihilo.

Obijcies ultimò contrà primam Conclusionem, et sic; illa ipsa Obiectio, quam adduxit Hieronimus Propheta Cap. 12. cum inquit. *Instans quidem tu es Domine, si disputem tecum: verum tamen, instans loquar ad te. Quare via peccatorum prosperatur, bene est omnibus, qui pravaricantur, & iniquè agunt.* Formatur enim tale contra existentiam Dei argumētum. Si Deus esset, utique iustus esset. Ergo redderet unicuique secundum opera sua; ut proinde impios puniret: bonos autem foueret, his præmia, & consolationes dando, in illos poenas & tribulationes permittendo. Cum tamen omnia contraria in mundo videamus esse; Nam videmus Herodem in Palatio, Ioannem in vinculis, & communiter lætari impios, tribu-

lari iustos. Ergo non est Deus, qui sit rector vniuersalis omnium rerum; si enim esset, iustus esse deberet.

Ad hanc Obiectionem multæ possunt adduci solutiones; sufficit tamen illa, quam assignat S. Chrysostomus Homil. 3. de Lazaro, cuius verba quia pulcherrima, consolationisque plena sunt, per expressum adduco, vbi ponderas illa verba: *Fili recepisti bona in vita tua, & Lazarus similiter mala*, sic habet. Hæc vox, *recepisti*, debiti cuiusdam significationem habet, & quod recipit aliquis, quod debebatur; proinde si dices iste scelestus, & scelerosus, & inhumanus fuit, quamobrem non dicit illi cepisti, sed *recepisti* bona tua, quasi iure illi competierint, qualique deberentur? quid igitur? videlicet: Hinc discimus, quod etiam si, qui sint scelesti, ad extremam improbitatis lineam deuecti; tamen, frequenter vnum aliquod duode, aut tria bene facta sunt operati: quod autem hæc non loquor è coniecturis, hinc perspicuum est. Quid enim fuit illo iniquitatis iudice sceleratius? quid inhumanius? quid magis impium? is neque Deum metuebat, neque homines reuerbatur; attamen cum tam improbis esset moribus, fecit boni quiddam miseratus viduam, ipsi sine fine negotiorum facessentem, annuens postulanti officium, prestansque quid patebatur, cohibitis illis, qui eam efficebant iniuriam; ita frequenter

accidit, ut aliquis vitæ sit intemperantis; & tamen idem sit misericors; aut quis sit inhumanus, pudicus tamen. Quod, si intemperans fuerit, & idem, crudelis, tamen vnum aliquod, aliud bonum opus fecit in vita. Rursus hoc idem arbitrandum est de bonis. Quemadmodum enim, qui pessimi sunt, faciunt frequenter boni quiddam, sic & boni, virtuteque præditi sæpenumero peccant. Quis enim inquit gloriabitur, se castum habere cor? aut quis confidet, se purum esse à peccato? quam igitur vniuersale est, diuitem illum, licet ad extremum malitiæ prouectum, aliquid fecisse boni: contra Lazarum tamen summam virtutem præstitisse; aliquid tamen leue deiequisse. Vide quomodo declarauit vtrumque Patriarcha, dicens: Recepisti bona tua, & Lazarus, &c. tu, inquit, etiam si quid boni fecisti, si qua merces tibi debebatur, hæc omnia in illo mundo recepisti, delictijs fruens, diuitijs affluens, rebus prosperis vtens, multoque rerum successu gaudens. Et hic, si quid mali te cit; omnia recepit cum fame, inopia, extremis malis affligetur. Itaque vterque vestrum nudus huc peruenit, ille peccatis, tu iustitia: quamobrem, & hic ille merum habet solatium: tu inconsumabilem sustinens ciuitatem. Etenim cum exigua sint, leuiaque benefacta nobis, ingens autem, & immensum peccatorum onus: deinde hic pro-

» spc.

si sp̄ritate fruimur, neque quicquam patimur acerbi, prorsus nudi, destituitque benefactorū premijs hinc discedimus, vt illic reciperemus omnia. Rursus cū multa, magnaue fuerint nobis benefacta, sed exigua, paucaq; delicta, & post hæc patimur aliquid acerbi: hic depositis leuioribus illis delictis, putam illic, & perfectam bonorū operum remunerationem accipimus. Vbi quē, etsi videris improbam agentem vitam, nec quicquam acerbi hic patiētem, ne putes illum beatum, sed desle potius, ac deplora, velut illic omnia tristitia perpeffurum, quemadmodum diues ille fecit. Rursus vbi quem videris virtutis studiosum, & eundem innuē, meris affligi molestijs, beatum existima, felicem iudica, vt qui, & hic omnia peccata sua diluerit, & illic multam habeat paratam mercedem, quemadmodum huic euenit Lazaro. Hucusque S. Chrysostomus. Vbi, vt vides rem pulchrē explicante S. Chrysostomo; Deum in hoc maximē ostendere suam misericordiam, & iustitiam, quod reprobos hic non castigat, quia scilicet illos castigandos in æternitate seruat, prout illorum scelera merētur; hic autem pro exiguis meritis temporalem illis concedit prosperitatem, ē contrā verō parua iustorum delicta hic tribulatione plectit, eorū iustitiam æternam gloriam coronaturus. Sed

Contra hanc responsionem, po-

test fieri instācia talis: Benē enim curreret hic S. Patris discursus, si semper hi, qui hic in prosperitate, diuitijsque, volupcratibus &c. vitam ducunt, semper damnarentur, & ē contrā ij, qui hic sunt tribulati, pauperes, afflicti, contempti, ordinariē saluarentur, nam tunc appareret ad oculum iustitia Dei, reddentis vnique iuxta opera sua, illis quidem pro magnis demeritis, & paruis meritis, temporalia bona, & æterna tormenta, his autem pro exiguis imperfectionibus, & heroicis virtutibus, presentes tribulationes, immortales autem honores, sed sepe videmus aliter euenire: nam plures diuites Domini, Reges, Principes, quibus nihil ad apicem terrenæ prosperitatis defuit, saluantur; Pauperes autem afflicti, tribulati, qui nihil boni in mundo sunt experti, nullamque vel primis, vt aiunt, labijs gustarunt felicitatem, damnantur. Ergo iustus non est, qui aliquos, & hic, & alibi affligit, alios verō in vtroque saculo facit in bonis ducere dies.

Accedit, & est Confirmatio huius obiectionis, quod patet ex pluribus exemplis, multi innocentissimam agentes vitam propter vnum peccatum læthale damnantur, alij autem, post sceleratissimam vitam ad vicinum saluantur.

Resp. ad hanc instantiam primò cum S. Chrysostomo, vbi supra etiam stante, hoc, quod in ea adducitur; Deum summē iustum, misericordemque esse, quia scilicet

et si

etiam quandoque nobis videatur, quod aliquis ex temporalis consolatione, ad æternam transeat, tamen fallimur in hoc; nullus enim sine cruce, & afflictione tenuit paradysum. Quod S. Doctor in hunc  
 „ modum deducit. Quid igitur  
 „ non est quisquam, inquit, qui,  
 „ & hic, & illic requie fruatur?  
 „ Istud impossibile est; ò homo,  
 „ atque ex eorum numero, qui  
 „ frustra speras, fieri non potest,  
 „ non potest fieri, inquam, ut qui  
 „ hic in fœcordia, securitateque  
 „ vixerit, qui in delicijs omnibus,  
 „ assidue dies consumpserit, qui  
 „ temerè neglegèque transegerit  
 „ ætatem, illic honorem conse-  
 „ quatur, Nam etsi paupertas non  
 „ sit molesta, cupiditas tamen  
 „ molesta est, atque hinc obno-  
 „ xius est, nec hinc mediocris la-  
 „ bor: Quod si moribus non infe-  
 „ stat, sed inflamat ira, ne is qui-  
 „ dem mediocris dolor vincere  
 „ iracundiam; etsi afflictiones nō  
 „ irruerint, tamen cogitationes  
 „ malæ indefinenter insurgunt;  
 „ Non est autem vulgaris in go-  
 „ tij refrenare cupiditatem, cohi-  
 „ bere iram, inanis gloriæ coer-  
 „ cere fallum, à delicijs tempera-  
 „ re, in aspera degere disciplina,  
 „ nam qui illa non fecerit, fieri nō  
 „ potest, ut nunquam saluus fiat.  
 „ Hucusque idem. Quilibet ergo  
 S. Chrisostomo teste, post affli-  
 ctionem consequitur gloriam: quia, vel ab alio affligitur, vel à seipso, cum motus in se inordinatos comprimit.

Vel secundo responderi possit,

in hoc elucere altitudinem sapien-  
 tiæ, & scientiæ Dei, qui iuxta te-  
 stimonium Apostoli Rom. 9. Cu-  
 ius uult miseretur, & quem uult, in-  
 durat. In quo iustissimus est, teste  
 Augustino cap. 28. soliloq. ubi  
 cum Deo loquens, hoc dicit: Mū-  
 das autē de nobis filij hominū eos,  
 in quibus tibi complacuit habitare,  
 quos ab inaccessibilibus profundis  
 secretis iudiciorum incomprehen-  
 sibilium sapientiæ tuæ semper iustio-  
 rum, licet occultorum. sine eorum  
 meritis prædestinasti ante mundum,  
 uocasti de mundo, iustificasti in mū-  
 do, & magnificas eos post mundum:  
 non omnibus autem hoc facis, quod  
 admirantur tabescentes, omnes sa-  
 pientes terræ. Et ego Domine, hoc  
 considerans, exanthesco, & obstupe-  
 sco àe altitudine diuitiarum sapien-  
 tiæ, & scientiæ tuæ, ad quam ego  
 non pertingo, & incomprehensibilia  
 iudicia iustitiæ tuæ; quoniam ex eo-  
 dem luto, alia quidem uasa facis in  
 honorem, alia uero in contumeliam  
 sempiternam. Quos igitur tibi ele-  
 gisti de multis in templum sanctum  
 tuum, ipsos mundas, effundens super  
 eos aquam mundam. quorum nomi-  
 na, numerumque tu nosti. qui solus  
 numeras multitudinem stellarum,  
 & omnibus eis nomina uocas, qui  
 etiam scripti sunt in libro uite, qui  
 nequaquam perire possunt, quibus  
 omnia cooperantur in bonum, etiam  
 ipsa peccata: cum enim cadunt, non  
 colliduntur, quia tu supponis manū  
 tuam, custodiens omnia ossa eorum,  
 ut unum ex eis non conteratur. At-  
 tamen mors peccatorum pessima, il-  
 lorum, inquam, quos, antequam fa-

ceres


*cæres Cælum, & terram, secundum abyssum multam iudiciorum tuorum occultorum, semper autem iustorum, præsciuit, ad mortem æternam, quorum dinumeratio nominum, & meritum prauorum apud te est, qui numerum arenæ maris dinumerasti, & dimensus es profundum abyssi, quos reliquisti in immunditijs suis, quibus omnia cooperantur in malum, & ipsa etiam oratio vertitur in peccatum, ut si etiam usque ad Cælum ascenderint, & caput eorum nubes tetigerit, & inter sydera Cæli collocauerint nidum suum, quasi sterquilinum in fine perdantur. Magna sunt hæc iudicia tua. Domine Deus, iudex iuste, & fortis, qui iudicas æquitatem & inscrutabilia facis, & profundum: quæ cum considero, contremiscunt omnia ossa mea, &c. Hucusq; Aug. Quod ergo plures pauperes, & afflicti damnentur, alij autem diuites, bonis sæculi fruente, saluentur, procedit ex altitudine iudiciorum Dei semper iustorum, licet occultorum, ut inquit Augustinus. Hæc autem iudicia iusta esse, multis posset deduci, sed quia hoc Theologicum est, pro nunc relinquitur: hoc tantum innuo, quod cum gratia, & gloria sint beneficia indebita, et si Deus aliquibus eadet, alijs autem non det, nullo respectu ad eorum merita, vel demerita habito, iniustus non est, quasi qui beneficium indebitum alicui donat, facit illi misericordiam, illi autem, cui illud denegat, nullam facit iniuriam. Sed hoc fusius Theologi explicant: de quo potest videri Aluarez, de au-*

*xilijs Diuinæ gratiæ, & nostri Saluatic. in Tract. de Prædestin. & reprob. tom. i. Eademque solutio potest applicari illi, quod in argumento additur, ut consideranti patebit.*

### QVÆSTIO III.

*Utrum Ens increatum, formaliter quæ tale, non possit esse, nisi unum.*

**Q**uamuis alia sit quæstio de vnitatem entis increati, & alia de vnitatem Dei, quia, ut ex supra dictis constat, licet Ens increatum sit verè Deus, tamen non idem est cōceptus Dei, & Entis Increati, nihilominus, ne quæstiones sine necessitate multiplicentur, in hac ob connexionem materiæ de vtriusque vnitatem, Dei scilicet & entis Increati, quid sentiendum sit, dicemus. Excitamus autem hanc quæstionem statim post præcedentem, quia, ut supra diximus, potissimum fundamentum ad ostendendum, Ens Increatum esse Deum, est ipsa vnitatem Entis Increati, de qua quidem in præced. quæst. aliquid innuimus, eam verò in hac speciali quæst. propter plures emergentes difficultates fusiùs prosequemur.



§. I. Ostenditur, *Ens Increatum, formaliter, quò tale, non posse esse, nisi unum, & prima Demonstratio ad id probandum adducitur.*

**D**icendum est ergo primò, *Ens increatum, formaliter, quò tale, non posse esse, nisi unum.* Dixi notanter, *Ens Increatum, formaliter quò tale*, quia in hoc §. nolo probare unitatem Entis Increati ex eius infinitate, vel alijs attributis, quò non nisi vni competere possunt, hoc enim infra ostendetur, estq; talis prima Demonstratio desumpta ex S. Thom. primò contra Gent. cap. 15. Impossibile est, aliquid conuenire duobus per se, & primò, seu, quod idem est, per modum vniuersalis posteriorisifici. Sed si darètur plura Entia Increata, omninòque improducta, competeret illis aliquod prædicatum primò, & per se. Ergo &c. Maior patet ex ijs, quò docent Logici in Lib. Poster. Nam vt explicant nost. Complut. in Logica disput. 18. quæst. 2. Prædicatum vniuersale, seu per se, primò competēs, competit subiecto conuertibiliter, & ex consequenti alteri ab ipso competere nequit, aliàs non conuerteretur cum ipso, quia latius pateret, quam illud, v. g. si aliquod prædicatum competit vni alicui per se primò, non potest hoc modo alteri conuenire. Minor autem prob. Illud alicui competit per se,

& primò, quod non competit illi per aliud, neque per accidens, vt ex istorum terminorum acceptione apud Logicos constat. Sed Enti Increato non competit esse ab alio, seu per aliud, tanquam per causam, quia increatum est. Ergo indepēdens in essendo; immò neque per aliud, tanquam per rationem formalem, quia *esse* est de essentia Entis increati. Neque per accidens, quia *esse* est de intrinseco conceptu Entis à se. Ergo *esse* competit Enti increato per se, & primò. Ergo cum nullum prædicatum possit competere duobus, vel pluribus, per se, & primò plura Entia increata *esse* nullo modo possunt.

Confirmatur, quia prædicatum conueniens alicui per se primò, conuenit illi adæquatè, sicut risibilitas homini, & triangulo habere tres angulos. Sed si conueniret duobus, nulli illorum conueniret adæquatè, quia quodlibet illorum excederet, cum non solum ipsi, sed etiam alteri conueniret. Ergo &c.

Hanc rationem vnà cum suis Confirmationibus et si Franciscus Suarez fateatur esse ex S. Thom. desumptam, tamen improbat, dicitque, illam, vel petere principium, vel non conuincere intentum, nititurque hoc tali discursu ostendere. Nam quando in argumento dicitur, illud, quod conuenit per se primò, non posse sic competere duobus; & deindè in minori subsumitur, *esse* competere Enti increato per se primò; Vel *Ly primò* accipitur ne;



gatiuè, prout scilicet importat exclusionem alicuius prioris? Vel positiuè negans non tantum prius, sed etiam æquè primum, & dicit, prædicatum huic, conuenire prius, quàm omni alteri, ita ut nulli æquè primò. Si primo modo ly *primò* sumatur, non est ad propositum, quia etsi concedamus, non dari aliquod ens prius ente Increato, cui prius, quàm isti, cōpetat esse, adhuc non conuincitur, non esse plura entia increata; ad hanc enim pluralitatem sufficit, dari alia entia, non priora, sed æquè prima. Si autem sumatur posteriori modo, est manifesta petitio principij; hoc enim est in quæst. An detur aliud ens independens ab ente increato, cui æquè primò, ac ipsi, competat esse? Non ergo hæc ratio videtur ex hoc capite polse subsistere.

Secundò ex eiusdem Suarij doctrina posset enervari efficacia dictæ rationis; quia in ea videtur supponi, idem esse prædicatum primo, & per se competens cum uniuersali posterioristico; hoc enim videtur esse falsum: Nam Arist. lib. 4. poster. cap. 4. explicans uniuersale posterioristicū, dicit: *Uniuerſaliter autem id competere dico, quod utique dicitur de omni, per se, & secundum quod ipsum.* Vbi Philosoph: aliud longè requirit ad rationē uniuersalis posterioristici, quàm per illos terminos *primò, & per se* significatur. *Primò* enim, & *per se* saluantur in prædicato, non *per accidens*, nec *per aliud* subiecto competente; in quo ratio uniuersalis posterioristici

non saluatur, quia, vltra hoc, dicit, tūc cōuertibilitatem, quia debet competere omni, tūc competentiam secundum quod ipsum, ut ex verbis Philosophi patet, &c. Sed hæc vim rationis nostræ non enervant.

Resp. enim ad primam instantiam contra nostram, seu potius Angel: Doctrinationem, factam à Suario, in illo argumento ly *primò* sumi in prima acceptione, longè tamen aliter, quàm illud Suarez videtur accipere: pro cuius intelligentia.

Sciendum est, duobus modis posse aliquod prædicatum competere alicui prius: primò modo competit prius alicui, tanquàm causæ, sicut calor prius competit igni, quàm cuilibet alteri calido, & esse prius Deo, quàm cuilibet creaturæ. Secundo modo potest aliquod competere prius alicui, non tanquàm causæ, sed tanquàm rationi formali, cui primò competit, & ratione ipsius omnibus cæteris; sicut v.g. risibile competit Petro, & homini, prius tamen homini, quàm Petro, non quia homo causet risibilitatem in Petro, sed quia homo, seu natura humana, est ratio formalis, ac formale, & adæquatum subiectum, cui primò prædicatum risibilitatis cōpetit, cæteris verò, ratione illius, Petro, Paulo, & alijs. Hoc etiam modo, habere tres angulos competit primò triangulo, & per ipsum Isoscheli, non tanquàm per causam effectiuam, sed tanquàm per rationem formalem participatam, quia enim Isosch. les participas

rationem trianguli, idè etiam participat hoc, quod est, habere tres angulos. Franciscus ergo Suarez ( quantum ex eius dictis colligi potest ), intellexit *ly prius* secundum causalitatem, ideoque benè intulit, non esse ad propositum illud argumentum, quo probatur, non dari plura entia increata, quia, scilicet *esse*, quod cõpetit primò, & per se enti increato, non potest competere duobus: benè inquam in hoc sensu intulit, quia si darentur duo, vel plura entia increata, vnum non haberet esse ab alio, quia vterq; esset increatum, idèq; *esse* vtrique per se, & primò, id est, nò ab alio prioris, tanquàm à causante, competere. Cæterum nos in secundo sensu accipimus, prout reuerà à rectè philosophantibus accipi debet: & dicimus, enti increato ita primò competere *esse*, vt nulli, nò solum tanquàm causæ, sed etiam tanquàm rationi formali, prius competat. Sic autem hoc esse accipiendum.

Probatur. Quod ita est suum esse, vt non componatur ex esse, & habente esse, neque ex aliqua ratione superiori, & inferiori, illi ita primò competat *esse*, vt nulli rationi prius competat. Sed ens increatum, formaliter quia tale, ita est suum esse, vt non componatur ex esse, & habente esse, neque ex aliqua ratione superiore, & inferiore. Ergo &c. Maior patet; quia si illi *esse* competere per aliam rationem formalem, non autem ex suo proprio, & peculiari conceptu, deberet in illo distinguere ratio propria, & communis, & per

consequens esse, & habens esse. Minor autem, & primò quidem quantum ad primam partem, scilicet ens increatum non componi ex esse, & habente esse, probatur; quia vbi essentia est suum esse, ibi non est compositio ex esse, & habente esse, vt patet. Sed in ente increato essentia est suum esse, quia si esse entis increati esset distinctum ab essentia, esset *esse* causatum; nam, vt potè argumentatur Angel. Doctor, quidquid est aliud ab *esse* debet causari, vel ex principiis essentia, quod existentia repugnat, quia nihil potest sibi esse causa essendi, vel ab extrinseca causa; vnde *esse* distinctum ab essentia, causatum est, quod repugnat enti increato, quod, sicut est improductum, ita debet habere esse incausatum.

Quantum verò ad secundam partem, scilicet. Ens increatum non posse componi ex ratione superiori, & inferiori prob. quia omne compositum habet causam; quæ enim secundum se diuersa sunt, non conueniunt in aliquod vnum, nisi per aliquam causam adunantem ipsa, vt argumentatur in simili Angel. Doctor 1. p. q. 3. art. 7. c. Sed ens increatum nullam habet causam. Ergo nullam admittit compositionem, vt dici possit compositum ex ratione superiore, & inferiore.

Porro, *ly primò* in hoc sensu accepto, ( prout scilicet excludit prius, non solum, tanquàm causam à Qua, sed etiam tanquàm rationem formalem, propter quam cõpetat prædicatum subiecto ) evidens est, non posse dari duo, vel plu-

plura entia increata: quod sequenti discursu euidenter ostendo, (supposito iam, prout nunc probatum est, in tali sensu debere enti increato competere *primò esse*, ut scilicet excludatur non solum prius, tanquam causa, sed etiam, tanquam ratio formalis.) Nam, quando aliqua realiter distincta participant aliquod vnum prædicatum, debent conuenire in aliqua ratione communi, & superiori, quæ sit in conuertibilis cum singulis illorum, ut potè utrique æqualiter competens, cuique illud prædicatum *primò cōueniat*; idè enim v.g. d. homine, & Leone prædicatur sentibile, quia vterque conuenit in ratione animalis, cui per *primò* sensus competit: & similiter idè Angelus, & lapis participant prædicatum essendi per se, quia conueniunt in ratione substantiæ, cuius esse per se est proprium prædicatum. Si ergo duo entia increata participant *esse*, tanquam utrique *primò* competens, necessariò debent conuenire in aliquo gradu superiori, cui prius, quàm illis, dictum *esse* competeret. Ergo cum illa entia increata non possent sic conuenire, aliàs enim essent composita ex gradu inferiori, & superiori, seu ex ratione communi, & propria, quod enti increato, quatenus tali, repugnat, ut ostensum est, non possunt participare *esse*, tanquam *primò* sibi competens: & consequenter, *esse* enti increato debeat competere *primò*, non poterunt esse plura entia increata.

Explicatur magis hoc ipsum.

Positis enim duobus entibus increatis realiter inter se diuersis, v.g. A, & B: quæro, an verique competat esse *primò*, an verò vni *primò*, alteri verò non? Si secundum dixeris; ergo vnum tantum erit ens increatum, illud scilicet, cui esse *primò* competit, aliud verò, cui sic non competit, non erit increatum, quia, ut iam toties dixi, de ratione entis increati est, quòd illi *esse* competat *primò*. Si autem admittas primum; iterum quæro an illis esse competat *primò*, ut plura, & diuersa sunt? an autem, ut sunt vnum? in quantum, scilicet, in aliqua ratione communi conueniunt. Primum dici non potest, quia vnum, idem, quæ prædicatum non potest competere diuersis, quatenus diuersa, sed quatenus vnum, seu prout in vna ratione conueniunt, ut in mille exemplis patet, & communiter omnium Philosophorum consensus docet. Ergo secundum dicendum est, scilicet illis entibus increatis competere esse *primò*, ut in aliqua ratione conuenientibus. Hoc autem est impossibile, ut entia increata conueniant in ratione communi, quia eo ipso essent composita ex illa ratione communi, proprijsque suis rationibus: Compositio autem enti increato repugnat; quia, ut ex D. Thoma dixi, quòd compositum est, causatum, & productum de necessitate esse debet. Firma est itaque, quantum ex hoc capite, ratio S. Thomæ.

Ad secundam instantiam respondendo, quòd etiam in verbis dis-

ferant prædicatum *per se* primò competens, & Prædicatum *uniuersale posterioriſticum*; in re tamen sunt omninò idem: quod ex ipsa definitione dicti *uniuersalis* constare potest: Nam, vt supra dictū est, definitur ab Aristotele sic: *Uniuerſaliter autem id competere dico, quod utique dicitur de omni, per se, & secundū quod ipsum*: ex vi cuius definitionis, vt aduertunt noſt. Complut: in Logica disp. 18. quæſt. 2. §. 2. n. 21. tria requirūtur, & ſufficient ad conſtituendū Prædicatum *uniuerſale*: primò, quod ſit *de omni*, vt ſcil: nihil ſit in ſubiecto, cui non competat prædicatum. Secundū, vt ſit *de per se*. Tertiò tandem, quod conueniat ſubiecto, *ſecundū quod ipsum*, ſcū, vt tale eſt. Prædicatum ergo, in quo hæc omnia tria fuerint inuenta, vt, ſcilicet, ſit *de omni*, *de per se*, & conueniat ſubiecto ſecundū quod ipsum, erit *uniuerſale posterioriſticum*. Sed ſic eſt, quod prædicatum conueniens ſubiecto *per se*, & primò, habet hæc omnia. Ergo &c. Conſeq. patet. Minor verò ſubſumpta prob. ſupponendo priùs ex Compluten: loco nuper citato, hæc duo, *de omni*, & *de per se*, habere inter ſe ordinem prioris, & posterioris; nām *de omni* latiùs patet, quā *de per se*. quia omne prædicatum *de per se* eſt *de omni*, non tamen e contra, vt patet de albo reſpectu niuiſ; nām eſſe album cuilibet niui competit, & ſic reſpectu illius eſt prædicatum *de omni*, non tamen eſt illius prædicatum eſſentiale, vel propria paſſio, & ſic non

eſt *de per se*, quia, vt ex Philoſopho, (cuius doctrinam ibidem adducunt Complut.) conſtat, illud ſolū competit *per se* *poſterioriſticè*, quod, vel eſt *de eſſentia*, vel propria paſſio ſubiecti. Quo ſuppoſito probatur, prædicatum, *per se* & primò conueniens ſubiecto habere illa omnia, quæ requiruntur ad rationem *uniuerſalis posterioriſtici*. Nam in primi ſ illud prædicatum eſt *de per se*, quia competit *per se*. Ergo erit etiam *de omni*, quia, vt diximus, omne prædicatum *de per se* eſt *de omni*. Ex alio autem capite, cū illud prædicatum conueniat primò, debet conuenire ſubiecto, ſecundū quod ipsum, ideſt, ſecundū propriam, & adæquatam ſubiecti rationem, atque ad eò cōuertibiliter, quia ſi competeret illi ſecundū aliquam rationem ſuperiorem, & inconuertibilem cum ipſo, non competeret primò, quia priùs illi rationi competeret: ſicut riſibile non primò competit Petro, quia priùs homini competit: Petro autem, non niſi ratione hominis. Quod ad eò verum eſt, vt Philoſophus loco ex 1. Poſterior: cit. cap. 5. enumerans errores, qui poſſunt circa prædicatum *uniuerſale* occurrere, primū, dixit, decipi circa prædicatum *uniuerſale*, quando ſci: aliqua ſpecies nō habet, niſi vnum indiuiduum, deciperetur, qui crederet, paſſionem conuenientem ſpeciei eſſe prædicatum *uniuerſale* reſpectu indiuidui: quæ deceptio non aliundè oritur, niſi, quia indiuiduo illud prædicatum non competit primò, cū

Eūm illi ratione speciei cōueniat ; nām conuenit illi canuertibiliter, & omni, & per se, vt patet, quia non est nisi vnicum: Sed quia non conuenit primò, non conuenit secundum quòd ipsum, & consequenter non est prædicatum vniuersale. Idem est ergo, conuenire aliquod prædicatum subiecto primò, & conuenire illi secundum, quòd ipsum, & consequenter idē erit prædicatum per se, & primò conueniens, ac vniuersale posterioriticum.

§. 2. *Aliqua alie Demonstrationes ad probandam Vnitatem Entis increati adducuntur.*

**P** Robatur secundo Conclusio nostra ratione, quam innuit Ang. Doct. i. con. Gent. cap. 42. in hunc modum expēsa. Ens increatum, omninoque improductum, est ens per se necessarium. Sed ens per se necessarium non potest esse, nisi vnum. Ergò &c. Maior, & consequenter. Minor verò prob. Ens per se necessarium habet necessitatem essendi, in quantum est hoc singulare. Ergo impossibile est, Ens per se necessarium non esse vnum. Consequenter patet: quia singularitas rei non est communicabilis alteri; ideoque quod alicui conuenit formaliter, vt singulari, non est multiplicabile: sicut si esse hominem conueniret Petro, quatenus singularis est, seu quate-

nus est hoc individuum signatum; non posset alijs cōuenire à Petro. Anteced. autem prob. Tūm quia necessitas essendi enti necessario competit secundum esse, Ergo secundum quòd est in actu, seu secundum quòd existit. Ergo secundum quòd est hoc singulare, quia nihil à parte rei existit, quod singulare non est. Tūm etiam, quia si Enti necessario non competit essendi necessitas, secundum quòd singulare; singularitas non competit illi necessario. Ergo non ab intrinseco; quæ enim ab intrinseco competunt, necessario insunt. Ergo in ea dependebit ab aliquo extrinseco, quod implicat; quia dependētia enti omnino independenti, quale est ens increatum, omninoque improductum, prorsus repugnat.

Confirmatur, magisque hæc eadem ratio explicatur. Ad hoc, vt aliqua natura sit multiplicabilis, necesse est, singularitatem non esse de conceptu quidditatiois illius. Sed singularitas est de conceptu quidditatiois entis increati, quā talis. Ergo ens increatum non est multiplicabile, ac per consequens non poterit esse, nisi vnū. Vtraque consequenter clara est: Præmissæ verò probantur; & primò Maior; quia Natura, de cuius conceptu est singularitas, est essentialiter singularis, & consequenter immultiplicabilis est, quia (singularitas multiplicationi repugnat, cum vltimò naturam, quamlibet contrahat, & determinet, vt communiter docent Philosophi. Deinde prob. minor. Esse est

est de conceptu quidditativo Entis increati, (quia in hoc saluatur necessitas eiendi, quam ex conceptu proprio assertens increatus, quod ex vi suæ essentia habeat esse, ita quod essentialiter sit suum esse.) Ergo etiam singularitas est de eius essentia: quia *esse* includit singularitatem, cum nihil existat, nisi singulare; ac proinde, de cuius conceptu quidditativo erit *esse*, etiam ipsa singularitas ad eundem quidditatem spectabit.

Probatur tertio Conclusio. Si darentur plura entia improducta, vel essent eiusdem speciei, vel diuersæ. Neutrum est dicendum. Ergo &c. Maior, & consequens constant. Minor autem quantum ad utramque partem prob. & primo, illa plura entia non posse esse eiusdem speciei, sic ostenditur: quia plura, quæ specie conueniunt, solo numero differunt; res enim eiusdem speciei non plurificantur, nec distinguuntur, nisi penes numerum, sed entia increata non possunt distingui solo numero: tum, quia natura entis increati est essentialiter singularis, proindeque numericè multiplicari nequit, quia Natura essentialiter singularis est omnino immultiplicabilis: tum, quia ens increatum est omnino separatum à materia, (aliàs esset compositum ex materia, & forma; quod rationi entis increati repugnat, sicut & quælibet alia compositio, ut supra diximus.) Ergo non potest multiplicari secundum numerum, quia, ut inquit S. Thom. 1. p. q. 75. ar. 7. *Non potest intelligi, quod ali-*

*qua forma separata sit, nisi unius speciei;* Indeque concludit, Angelos non posse multiplicari secundum numerum, quia sunt à materia separati: de quo vide nostros Salmaticos in Tract. de Angelis disput. 1. dub. 5. 6. & 7. Tum denique, quia quæ solo numero multiplicantur, quantum est de se, possunt multiplicari in infinitum, quia nulla est ratio necessitatis sistendi in aliquo individuo, cum nullum per se ordinem seruent, sed cuiuslibet illorum accedat multiplicatio aliorum: quod autem actu in infinitum non multiplicentur, procedit, vel ex voluntate, vel ex potestate causæ illorum, quia, aut non vult, aut non potest plura producere: Unde in his, quæ causam non habent, si esset multiplicatio secundum numerum, posset produci in infinitum, absolute loquendo. Ergo si possent esse plura entia improducta solo numero distincta, possent esse infinita, ac proinde essent actu infinita; quia in entibus necessarijs, (qualia esse debent entia improducta) idem est, esse actu, & posse esse. Cum ergo entia increata in infinitum nequeant multiplicari, quia aliàs daretur infinitum in actu, quod implicat, non potuerunt esse plura solo numero diuersa.

Quod autem illa entia increata non possint esse diuersæ speciei, quæ erat altera pars Minoris, probatur sic: Illa entia increata essent entia absoluta: Tum quia essent subsistentia in se, sine ordine ad aliud: Tum etiam: quia illa

illa entia, vtpotè improducta, essent omnino prima. Ergo absoluta, quia absoluta priora sunt respectu suis. Ergo non possunt esse distinctæ speciei, nisi sint in perfectione inæqualia. Sed sunt æqualis perfectionis: quia vtrumque ens à se, vtrumque independens, vtrumque necessariò existens. Ergo speciei distingui non possunt. Omnes propositiones per se patent, vnica illa consequensubsumpta excepta, (in qua, ex eo quod sint entia increata absoluta, inferitur, illa non posse distingui speciei, nisi sint in perfectione inæqualia:) quæ sic ostenditur ratione à priori. In absolutis enim (& est reflexio notanda) differentia specifica sumitur per elongationem, & distantiam à non ente; sicut enim quælibet res per suam essentiam, à qua rei speciei sumitur, elongatur primò à non ente, (loquendo de non ente simpliciter absolute) ità diuersitas essentialis à diuersa elongatione ortum ducit. Quæcunque ergo eandem supra non ens habebunt eleuationem, erunt eiusdem speciei. Cum ergo illa entia increata eandem supra non ens eleuationem habeant; vtrumque enim si esset, increatum esset, ens à se, purusque actus, vtpotè de cuius essentia esset esse, ac per consequens vtrumque eodem modo, per modum actus puri, distaret à non ente. Ergo vtrumque esset eiusdem speciei. Notanter autem dixi, in absolutis, quia in relatiuis formaliter, quæ talibus, sicut non sumitur diuersitas specifica ex en-

titate illorum, sed ex respectu, & tendentia ad terminum; ita nequæ est necesse, ea, si differunt speciei, habere diuersam eleuationem supra non ens; atque adeò inæqualem perfectionem. Et hoc est fundamentum, quare absoluta, si semel differant speciei, sunt inæqualia in perfectione, vt patet in homine, leone, boue, &c. Relatiua autem possunt esse æqualis perfectionis: quòd in Relationibus Diuinis cernere licet: hic tamen non determino; an Relationes Diuinæ, formaliter secundum esse ad, dicant perfectionem relatiuam? ita enim quaestio propriè Theologica est, ideoque Theologis relinquenda. Sed quando nomine perfectionis in qua dixi, Relationes Diuinas æquales esse, vsus sum, intellexi perfectionem, non formalem, sed virtualem, prout ly *perfectio* tantitatem entitatis significat.

Probatur quartò Conclusio. Si darentur plura v.g. duo entia increata conuenirent vtique in necessitate essendi, quia omne ens increatum, necesse est esse. Ergo haberent, quo differrent, seu distinguerentur, quia quādo aliqua plura conueniunt in vna ratione communi ipsis, debent habere illa, quibus differant. De his ergo, quibus differrent entia increata, si semel essent plura, tale formatur argumentum. Vel illa, quibus differrent, pertinent ad complementum necessitatis essendi illorum, vel non pertinent. Neutrum est dicendum. Ergo &c. Maior, & consequens constant. Minor autem quan-

quantum ad utramque partem prob. à S. Thoma 1. contr. gent. cap. 42. ratione 8. his formalibus verbis. *Si non requiritur* ( illud scilicet, quo duo entia increata differunt, ad complementum necessitatis essendi illorum, ) infert S. Thom: Ergo est aliquid accidentale; quia omne, quod aduenit rei, nihil faciens ad esse ipsius, est accidens. Ergo hoc accidens habet causam: aut ergo essentiam eius, quod est necesse esse; aut aliquid aliud? Si essentiam eius: cum ipsa necessitas essendi sit essentia eius, ( ut ex dictis patet ) necessitas essendi erit causa illius accidentis. Sed necessitas essendi inuenitur in utroque. Ergo utrumque habebit illud accidens; & sic non distinguuntur secundum illud. Si autem causa illius accidentis sit aliquid aliud: nisi illud aliud esset, non esset hoc accidens; & nisi hoc accidens esset, distinctio predicta non esset. Ergo nisi esset illud aliud, ista duo, quæ ponuntur necesse esse, non essent duo, sed unum. Ergo esse proprium utriusque est dependens ab altero, & sic neutrum est necesse esse per seipsum. Si autem illud, in quo distinguuntur, sit necessarium ad necessitatem essendi complendam: aut hoc erit, quia illud includitur in ratione necessitatis essendi, sicut animatum includitur in definitione animalis; aut hoc erit, quia necessitas essendi specificatur per illud, sicut animal completur per rationale. Si primo modo: oportet, quod ubique sit necessitas essendi, sit illud, quod in eius ratione dicitur, sicut cuiunque conuenit animal, conuenit animatum, & sic cum ambo-

bus predictis attribuatur necessitas essendi, secundum illud distinguui non poterunt. Si autem secundo modo: hoc iterum esse non potest. Nam differentia, specificans genus, non complet generis rationem, sed per eam acquiritur generi esse in actu; ratio enim animalis completa est ante additionem rationalis, sed non potest esse animal actu, nisi sit rationale, uel irrationale. Sic ergo aliquid complet necessitatem essendi quantum ad esse in actu, & non quantum ad intentionem necessitatis essendi: quod est impossibile propter duo. Primum, quia eius, quod est necesse esse, sua quidditas est suum esse, ut supra ( scilicet cap. 22. ) probatum est. Secundum, quia sic ipsi, quod est necesse, acquireretur esse per aliquid aliud, quod est impossibile. Non est ergo possibile ponere plura, quorum quodlibet sit necesse esse per seipsum. Hucusque. Doct.

Consideratur, & explicatur hæc ratio S. Thom. supponendo, quod licet genus non compleatur, neque constitutur in sua ratione formalis per differentias sibi additas, diuisualq; sui; tamen in ordine ad existendum, per easdem completur: non enim potest existere à parte rei sine ipsis; ita quidem, ut, proportionem lectuata, differentia, siue ultimæ, siue non ultimæ, in ordine ad existendum, compleant genus; ultimæ quidem immediate, non ultimæ verò mediate, v. g. viuens non completur in conceptu viuientis per sensitivum; quia per aliam priorem differentiam est in esse talis constitutum; tamen in ordine ad existendum

com;



completur remote, & mediata per sensibile v. g. & immediate per rationale, vel irrationale; nullum enim viuens à parte rei existere potest, nisi sit, aut sensibile, aut insensibile, & iterum viuens sensibile non existet, nisi contractum ad esse rationalis, vel irrationalis, cuius ratio à priori est: quia existentia cum sit ultimus actus, non competit rebus, nisi in aliqua specie, & determinata essentia constitutis.

Quo supposito, sic ratio S. Tho. confirmatur. Quod habet differentiam constitutiuam sui, habet aliquid, quod est illi causa, vel ratio essendi, ut ex discursu patet. Ergo illud, quod est essentialiter suum esse, non habet differentiam constitutiuam sui; quia sicut essentia, ita & esse, quod in eo ab essentia non distinguitur, causam habere nequit. Cum ergo ens increatum sit essentialiter suum esse, ut pluries dictum est; non habebit differentiam constitutiuam sui, & ex consequenti, non poterit esse, nisi tantum modo vnum; quia plura, quæ in ratione aliqua vna conueniunt; (sicut plura entis increata, si darentur in ratione communi essendi à se, necesse esset, conuenire) debent habere differentias, & constitutiuas, & distinctiuas.

Probat quintò. Ultimus finis omnium non potest esse, nisi vnus ex eo, quod debet sibi totaliter subijcere omnes affectus voluntatis, ut non aliò ferantur, nisi in ipsum, ut docent Theologi in prima secundæ de ultimo fine ho-

minis. Sed ens increatum, & omnino improdudum est ultimus finis omnium: quia est principium effectuum omnium; iam autem omnia naturaliter in suum principium, sicut in ultimum finem inclinantur, eique coniungi naturaliter expetunt. Ergo &c.

§. 3. *Determinatur quid de unitate Dei sentiendum sit.*

**C**onstat iam ex superius dictis, quomodo, licet entis increati, & Dei conceptus, quantum ad formalitates, quas expriment, differunt; tamen quantum ad realitatem, quam dicunt, conueniunt; vnde etiam supra determinauimus, ipsum ens increatum esse verè, & propriè Deum, & sic ne sine causa multiplicentur questiones, post determinationem circa unitatem entis increati, de unitate Dei determinandum est, Itaque

Dicendum est, Deum non posse esse, nisi Vnum, loquendo de unitate essentia; nam Trinitatem Personarum in eadem numero natura subsistentium, nisi infideles esse velimus, admittere debemus. Hæc Conclusio est contra omnes Ethnicos, pluralitatem Deorum admittentes; (eam tamen, quantum ad secundam partem, in qua pluralitatem Personarum, in eadem natura subsistentium admittimus, hic probare non possumus; quia Trinitas Personarum lumen naturale excedit: nos autem in-

cum hic Diuina prosequimur, in quantum sunt naturali lumine inuestigabilia) & quamuis vnitas Dei ex vnitatem entis increati manifestè deduci possit cum ipsum increatum ens, quod supra esse Deum probauimus, sit vnum; placeat hoc tamen nobis, ipsique Deo, qua Deus est, seruientibus rationibus confirmare. Pro quo fit.

Prima ratio, quam adduxit ad eandem Dei vnitatem probandam Angel. Doctor p. quæst. 11. a. 3. c. scilicet: *Deus comprehendit in se totam perfectionem essendi. Si ergo essent plures Dij, oporteret eos differre. Aliquid ergo conueniret uni, quod non alteri, & sic ille, in quo esset priuatio, non esset simpliciter perfectus. Si autem hoc esset, perfectio alteri eorum deesset. Impossibile est ergo, esse plures Deos: Vnde, & Antiqui Philosophi, quasi ab ipsa coacta veritate ponentes Principium Infinitum, posuerunt unum tantum principium.* Hæc S. Doctor.

Explicatur, & expenditur hæc ratio ad probandam Vnitatem Dei efficacissimè. Nam, ut supra in hac eadem disput. quæ 2. §. 1. diximus, nomine Dei intelligitur ens nobilissimum, perfectissimumque, quo nobilius, vel perfectius cogitari non potest. Sed tale debet esse vnum: Si enim plura essent, necessariò haberet vnum aliquid, quod non haberet aliud; quia impossibile esset, illa distinguere, si nihil esset in vno, quod non esset in alio. Ergo cuiuslibet illorum deesset aliquid, illud scilicet, quod repertum in altero, facit, illa ad inuicem differre. De illo ergo,

quod deesset vni, & in alio esset, quæro: vel esset aliqua perfectio, vel non. Si esset. Ergo illi deesset aliqua perfectio, & ex consequenti non erit perfectissimū, quo aliquid perfectius cogitari non potest; quia possem cogitare, perfectius esse illud ens, quod etiam illam perfectionem, quæ huic deest, haberet. Si autem dixeris, illud non esse aliquam perfectionem. Contra est; quia illud est distinctum, ac per consequens constitutum entis perfectissimi. Ergo, & ipsum debet dicere perfectionem, vel si non dicit etiam ens constitutum, non esset perfectum; quia constitutum sequitur naturam sui constitutui.

Accedit, & est exclusio tacite cuiusdam obiectionis, quod illi plures Dij deberent differre secundum naturas absolutas; si enim penes solas proprietates relatiuas differrent, & in absolutis, essentialibusque omninò conuenirent, non essent plures Dij, sed vnus Deus; sicut de facto contingit, supposito mysterio Trinitatis. Illi ergo plures Dij, si darètur, necessariò penes rationes absolutas distinguere deberent. Ergo cum absoluta, quæ talia, non possint præscindere à perfectione; sicut insententia probabili præscindunt relatiua: quia absoluta sunt in ordine ad se, ex quo ordine eorum desumitur perfectio: non autem ad aliud, qui respectus nec perfectionem, nec imperfectionem formaliter dicit, vel multi volunt, rationes illorum plurium Deorum constituturæ, & distincturæ deberent.

ret esse, vel determinatè perfectæ, vel determinatè imperfectæ. Ergo si fuerint perfectæ, sicut vnus constitutiuus deesset alteri, & vicissim constitutiuus huius deesset illi; ita verumq; non esset ens perfectissimum, vtpotè aliqua perfectione carens: Si autem fuerint imperfectæ. Ergo illi Dij per ipsas constituti, perfectissimi esse non possent, vtpotè aliquid imperfectio- nis habentes in se.

Secunda Ratio pro Concl. est. Deus est summum bonum. Ergo non possunt esse plures Dij. Consequenter; quia, vt dicit S. Thomas 1. Contr: Gent: Cap. 42. *Quod per superabundantiam dicitur, in uno tantum inuenitur*; si enim in pluribus superabundantia alicuius rationis inueniretur, nullum illorum ratione eius summum diceretur, vt consideranti patebit. Antec: autem probatur primò; quia in tantum aliquid dicitur esse bonum, in quantum est ens. Sed Deus est summum ens. Ergo etiam erit summum bonum. Secundò, quòd est bonum per suam essentiam, est summum bonum. Sed Deus est bonus per suam essentiam; quia non est bonus per participationem; hoc enim enti increato repugnat: quia non debet esse, nec dependere ab alio: iam autem penderet, si ab alio bonitatem acciperet; quia acciperet, & entitatem; bonum enim consequitur ens, semperque in entitate fundatur. Ergo &c. Tertiò, quòd est omnis boni bonum, est summum bonum. Sed Deus est omnis boni bonum; quia res tantum sunt bonæ, in-

quantum, vel sunt ab ipso, vel ordinantur ad ipsū. Ergo &c. Quarto, quòd nullo modo malo est permiscibile, est summè bonum. Sed Deus nullo modo est malo permiscibilis; nec enim in eum cadit culpa, nec pœna &c. Quinto: ens omnibus modis perfectissimū est summè bonum; bonum enim conuertitur cū perfecto. Sed Deus est ens omnibus modis perfectissimū, quo perfectiūs cogitari non potest, vt suprà diximus. Ergo &c.

Tertia ratio pro Concl. est talis. Vltimus finis omnium non potest esse, nisi vnicus. Sed Deus est vltimus finis omnium. Ergo non potest esse, nisi vnicus. Maior patet; nam vltimus finis debet sibi subijcere totaliter appetitum, vt docent Nost. Salma t: Tomo 3. Tra&. 8. Disput. 4. dub: 2. §. 1. & ratio id suadet; nam sicut bonum, absolute sumptum mouet appetitum aliquo modo, & maius bonum mouet magis; ita summum bonum maximè, & summo modo mouet totaliter, scil. sibi subijciendo appetitum. Minor autem prob: dupliciter. Ratione, & Autoritate. Ratio est talis. Idem est finis vltimus omnium, qui est, & primum, vniuersalissimumque efficiens illorum. Sed Deus est vniuersalissimum, primumque efficiens omnium rerum, vt in quæ: præced: probatum est. Ergo &c. Deindè prob: Autoritate S. Tho: quam habet 1. Secundæ quæst: 1: 2. 8. cuius verba, etsi prolixiora, adduco; quia pulcherrimè modū, quomodo ceteræ omnes creatu-

et cum rationalibus in respiciendo Deo, ut sine ultimo conueniunt, explicant. Dicit ergo S. Thomas in Corp. dicti Articuli. *Respondeo, Dicendum, quod sicut Philosophus dicit in 5. Metaph. Finis duplic. dicitur, scilicet: Cuius, & Quo, id est ipsa res in qua ratio boni inuenitur, & usus, siue adeptio illius rei: Sicut si dicamus, quod motus Corporis grauis finis est, vel locus inferior, ut res: nel hoc, quod est esse in loco inferiori, ut usus, & finis auari est nel pecunia, ut res, vel possessio pecunie, ut usus. Si ergo loquamur de ultimo fine hominis, quantum ad ipsam rem, que est finis; sic in ultimo fine hominis omnia alia conueniunt; quia Deus est ultimus finis hominis, & omnium aliarum rerum. Si autem loquamur de ultimo fine hominis, quantum ad consecutionem finis: sic in hoc fine hominis non communicant creature irrationales, nam homo, & alia rationales creature consequuntur ultimum finem cognoscendo, & amando Deum, quod non competit alijs Creaturis, que adipsentur ultimum finem, in quantum participant aliquam similitudinem Dei, secundum quod sunt, nel uiuunt, nel etiam cognoscunt.*

*Questionem de unitate Dei tractant Theologi cum S. Thomas p. quæst. 11. ubi plura argumenta ad probandam eius unitatem poterunt inueniri. Videatur etiam S. Doct. primò Contr. Gent. Cap. 43. ibi enim plurimas demonstrationes ad hanc eandem unitatem comprobendam adducit, easque rectè expendit, & defendit Ferrarius ibidem. Vnde nos ab alijs*

argumentis referendis supersedemus.

## QVAESTIO IV.

*Vtrum Existentia Entis In-  
creati, siue Dei non solum  
à posteriori, sed etiam  
aliquo modo à prio-  
ri sit demon-  
strabilis.*

**H**ucusque detinebamur in ostendenda à posteriori, seu ex effectibus existentia entis increati, siue Dei; horum enim, etsi sint conceptus diuersi, re tamen ipsa, ut diximus ipsum ens increatum est Deus. Pallat iam animum alia quæstio: An scilicet existentia Dei sit etiam aliquo modo demonstrabilis à priori: an verò solum demonstretur à posteriori. Pro quo sunt aliquæ suppositiones præmittendæ.

### S. I. Præmittuntur aliquæ suppositiones.

**S**upponendum est primò. Nos hic non querere, sed ratiònam certum supponere, existentiam Dei à posteriori demonstrabilem esse. Tum quia id constat ex pluribus demonstrationibus, quas hucusque ad dictam existentiam probandam adduximus. Tum etiam, quia quodcumque effectus habet necessariam connexionem cum causa; ex positione eff-

fc.

fectus demonstratur existentia. Causa: sicut v.g. ex fumo existentia ignis. Sed Creatura habet necessariam connexionem cum Deo: (per Creaturam enim intelligimus totam collectionem entis creati, & ab alio). Ergo cum nec in entibus ab alio, sit processus in infinitum, ut supra probatum est, neque Creatura potuerit ex nihilo educi à seipsa, debuit dari ens increatum, alia ex nihilo educens, & à quo omniaeducta dependent, illud verò à nullo: & hoc ens increatum dicimus Deum. Ergo &c. Est ergo demonstrabile à posteriori, Deum esse; unde Angelus Doctor 1. contr. Gent. Cap. 12. merito opinionem, negantem demonstrabilitatem Dei à posteriori, vocavit erroneam; quæ etiam ab alijs temeraria in fide vocatur. Nec aliquem mouere debet, quòd Articuli fidei sint indemonstrabiles: nam, ut optime aduertit S. Thom. 1. p. quæst. 3. a. 2. in respons. ad 1. *DEVM* esse, non tam est Articulus fidei, quàm præambulum ad fidem. Adhuc autem pro vberiori intelligentia eorum, quæ in hac prima suppositione diximus.

Supponendum est secundo, quòd licet Creaturæ sint contingentes, ideòq; videantur esse ineptæ, ut ex illis sumatur medium ad demonstrationem, quæ debet esse ex necessarijs, quia tamen contingencia creaturis competit ratione esse, non autem ratione dependentia à Deo, hæc enim dependentia per se, atque adeò necessariò creaturis competit; unde

hæc illatio est necessaria: (*Est Creatura. Ergo dependens ab ente increato, siue Deo*); & ex alia parte creaturæ intrant demonstrationem, ut dependentes: non autem, ut existentes, (nisi fortè præsuppositiue, inquantum non dependerent prædictæ creaturæ, si non essent) inde est, quòd contingencia non impedit creaturas, quominus possint intrare demonstrationem à posteriori ad ostendendam Dei existentiam. Cum autem dicimus, existentiam Dei à posteriori demonstrabilem esse, hoc intelligendum est secundum glossam, quam habet N. P. Andreas à Cruce 1. p. quæst. 1. art. 2. dub. 2. ita scilicet, ut existentia Dei non demonstraretur completè secundum modum, quo Deus in se est trinus, & vnus, sed incompletè tantum: Si enim completè cognosceremus existentiam Dei, cognosceremus Deum quidditatiue, ipsa enim existentia Dei est Essentia, seu Quidditas Dei. Unde sicut pro hoc statim, incompletè tantum, & quantum ad aliqua prædicata cognoscimus, Quid est, ita & *An est* incomplete de Deo cognoscimus.

Supponendum est tertio, Demonstrationem à priori in hoc distingui à demonstratione à posteriori; quia illa semper procedit per causas: hæc autem per effectus, quòd adeò verum est, ut communior recetiorum Philosophorum sententia, (quam etiam amplectuntur nost. Complut. in Log. disp. 28. qu. 3.) ex hoc solo fundamento neget, conuerti demon-

stra.

strationem à posteriori cum demonstratione *Quia*, quod demonstratio *Quia* aliquando procedit per causam saltem remotam, estque aliquando à priori; quod demonstrationi à posteriori nunquam convenire potest. Unde habes, tunc existentiam Dei posse à priori probari, quando causa adduci poterit, cur *esse* competat Deo; quæ si nulla datur, neque demonstratio à priori existentie Dei dari poterit. His suppositis, est.

§.2. *Conclusio responsiva titulo Questionis.*

**D**icendum est itaque, nullam posse dari Demonstrationem à priori, existentiam Dei ostendentem. Ita S. Thom. 1. p. q. 2. a. 2. in corp. quem sequuntur communiter eius Discipuli. Probatur breviter hæc Conclusio evidenti ratione. Nam illud, quod essentialiter est, cuiusque essentia est ipsum esse, non potest à priori demonstrari, quod sit. Sed Deus essentialiter est, itaut eius Essentia sit ipsum esse. Ergo non potest à priori demonstrari, quod sit. Maior patet: nam demonstratio à priori debet procedere per causam, siue formalem, siue virtutalem: ubi autem essentia est ipsum esse, ibi nulla est causa essendi; quia sicut essentia rerum, (& maxime entis increati, qualis est Deus) non dependent ab aliqua causa, quia sunt primi gradus, qui in qualibet re apprehenduntur,

ita neque existentia identificatur cum essentia dependebunt ab aliqua causa. Minor autem probabitur interitis, in Deo nullo modo essentiam distingui ab existentia.

Dices, hanc rationem non convincere; quia falso nicitur fundamento; supponit enim, essentias rerum non posse habere causas sui. Hoc enim, etsi verum sit, loquendo de causis efficientibus, quia ad has nullum dicunt ordinem essentia rerum, secundum se; non tamen in causis formalibus, seu rationibus à priori verum est. Quidquid itaque sit de alijs essentia, de quibus nunc sermo non est, in Essentia Divina hoc est aperte falsum; intelligere enim Dei est *esse* Dei, ut tenent communiter Thomistæ, & eruditè ostendunt nost. Salmatic. Tract. 3. disp. 4. dub. 2. per totum. Sed intelligere Dei habet rationem à priori, ipsam scilicet immaterialitatem Dei; nam sicut intellectus, ut sic, consequitur immaterialitatem, ut sic, ita intellectus talis, nempe Dei, eius immaterialitatem consequitur. Ergo &c.

Pro difficultatis resolutione, nostræque rationis Confirmatione, supponendum est ex nostris Salmatic. Tract. citato de scientia Dei, disp. 4. dub. 1. & 2. & Tract. 4. de Voluntate Dei disp. 2. dub. 1. in Divinis ea omnia, quæ ad eandem lineam spectant, non distinguui, etiam virtualiter: cuius ratio est, quia in Deo nihil potest esse per modum potentia; hæc enim  
*actui*

actui purissimo, perfectissimoque Enti repugnat; unde quaelibet potentia est suus actus in Deo, sine distinctione virtuali, v.g. Scientia est ipsum scire, Intellectus est suum intelligere, Voluntas est suum velle, & sic de alijs. Hinc est, quod ex rebus ad eandem lineam spectantibus non potest una alterius esse ratio à priori; ad hoc enim requiritur saltem distinctio virtualis; quia idem omnino respectu sui ipsius non potest esse prius, vel posterius. Quo supposito facile impugnatur id, quod nostrae rationi oppositum fuit: Nam immaterialitas spectat ad lineam intellectualitatis, ut docent & probant nostrae Scholae. Tom. I. Tract. 3. disput. 1. dub. 2. n. 38. & 39. Ergo non distinguitur etiam virtualiter immaterialitas ab intellectualitate, quae est in Deo per modum actus purissimi, idcirco omnino idem cum intelligere. Ergo, cum ea, quae non distinguuntur virtualiter, non possint inter se comparari per modum rationis prioris, & posterioris, intelligere Dei, quod est esse Dei, non poterit à priori probari per immaterialitatem.

Nec refert, si obijcias, S. Doctorem 1. p. q. 4. ar. 1. c. probasse, in Deo ex immaterialitate intellectualitatem; ubi etiam dicit: *quod immaterialitas alicuius rei est ratio, quod sit cognoscitiva, & secundum modum immaterialitatis est modus cognitionis.* Non, inquam, hoc refert; dicimus enim, S. Doctorem ibi locutum fuisse, attendendo ad nostrum modum con-

ciendi, secundum quem distinguimus plura munera inadaequata eiusdem simplicissima, & eminentissima intellectus, eo proportionali modo, quo solemus distinguere in Deo rationem Intellectus, intellectus, speciei intelligibilis; quae tamen in Deo sunt omnino, sine distinctione virtuali, idem. Quia enim ex creaturis ad Creatoris cognitionem assurgimus, inter quaecunque hic distinctionem aduertimus, eandem inter Divina, quantumvis identificata, inducere conamur. Sed hoc sicut Divinae simplicitati non obest, nec per hoc aliquam, etiam virtuales distinctionem inter Divina inducimus, ita neque hinc statui poterit, quod una ratio identificata, sine distinctione virtuali, cum alia, possit esse ratio à priori ipsius.

Ex quibus, si vera sint, (prout ea vera esse, necesse est) ruit opinio Francisci Suarez, quam defendit in sua Metaph. disput. 29. sect. 3. Dicit enim ibi, quod licet, absolute loquendo, non possit à priori demonstrari, Deum esse; ex suppositione tamen demonstratae alicuius rationis competētis Deo, potest ex illa ratione existentia Dei à priori demonstrari, v.g. (dicit ille) demonstrato à posteriori, Deum esse Ens necessarium, & à se, ex hoc principio poterit à priori ipsa etiam existentia Dei demonstrari: eo proportionali modo, quo ex demonstrata à posteriori immutabilitate Dei, potest ex ipsa à priori eius aeternitas demonstrari.

Hæc,



Hæc, inquam, Suarezij opinio ex iam dictis, sed aliquantulisper expensis, corrui. Illa enim ratio, ex qua, a posteriori demonstrata, dictis, à priori existentiam Dei demonstrari, vel est eiusdem lineæ cum existentia Dei, vel diuersa? Si eiusdem ergo indistincta virtualiter. Ergo non potest esse ratio à priori existentie, ac per consequens per illam existentia à priori probari non poterit. Si autem erit distincta lineæ. Ergo posterior existentia, quia hæc sicut ad primam, & fontalem Diuinæ Essentie lineam spectat, ita nullam aliam priorem lineam, vel rationem agnoscit, & consequenter per illam etiam rationem, utpote posteriorem, non poterit existentia Dei à priori probari. Vnde etsi demonstraretur prius, Deum esse ens necessarium, non poterit ex hoc principio, ut vult Franciscus Suarez, probari à priori, Deum esse: esse enim ens necessarium, sicut ad lineam essendi spectat, ita ratio à priori existentie esse nequit. De immutabilitate autem, & æternitate alia est longè ratio; cum enim immutabilitas in Deo sit aliud attributum alterius lineæ ab æternitate, & insuper sit ratio à priori ipsius, optimè potest ex immutabilitate Dei eius æternitas à priori probari.

Hic iam essent soluenda, & referenda Argumenta Scoti, qui in 1. distinct. 2. quæst. 2. putat, hanc propositionem (Deus est) esse à priori demonstrabilem; adducit enim ille plures ad hoc probandum demonstrationes, ut vocat, à

priori. Prima est: *Causa prima necessariò existit. Deus est prima causa. Ergo Deus necessariò existit.* Secunda: *Ens summe necessarium existit. Deus est Ens summe necessarium, ergo Deus existit.* Tertia: *Ens à se, & independens necessariò existit. Deus est Ens à se, & independens. Ergo necessariò existit.* Hic, inquam, hæc, & similia soluenda essent, nisi iam ex supra dictis manerent soluta, quia nimirum non possunt à priori demonstrare existentiam Dei, cum non sint eius rationes à priori. Ut tamen hoc euidentius pateat, & simul generalis regula statuatur ad cognoscendas demonstrationes à priori, placuit hic quandam doctrinam adnotare: estque talis.

Ad hoc, ut aliqua demonstratio sit à priori, necesse est, ut medius terminus sit causa, siue formalis, siue virtualis vnus extremi, illius scilicet, in quo ponitur passio in Conclusionem attribuenta subiecto. Cum enim demonstratio à priori assignet causam, cum passio conueniat subiecto, illam ipsam causam passionis assumit pro medio. Vnde medium in demonstratione à priori est causa passionis, quæ locum occupat vnus extremitatis. Res exemplo in sequenti syllogismo patebit. *Omne rationale est admiratiuum. Sed homo est rationalis. Ergo homo est admiratiuus.* Vbi probo à priori admiratiuum de homine, & assumo pro medio causam ipsius, nempe rationale, quod coniungitur cum admiratiuo in Maiori, unde



unde medium, seu subiectum maioris est causa extremitatis, seu prædicati eiusdem, Et similiter in argumento Tholog: idem patet, quando concludimus per immutabilitatem de Deo æternitatem sic: *Omne immutabile est æternum. Sed Deus est immutabilis. Ergo est æternus.* Vbi immutabilitas coniuncta cum æternitate, quæ locum maioris extremitatis in hoc argumento tenet, est ratio à priori ipsius. Cum ergo ut consideranti patebit in illis argumentis, quibus Scotus, Deum esse probat, medium nullius extremi sit causa, siue Formalis, siue virtualis, euidenter sequitur, illa non esse à priori: neque villo modo poterit à priori demonstrari, Deum esse, sed tantum à posteriori, ascendendo à creaturis ad Creatorem.

Aduertendum tamen est, hanc Regulam non currere in secunda Figura. In qua semper remouetur prædicatum à subiecto, in Conclusionem, quia ibi conclusio, sicut & aliqua præmissarum, semper debet esse negatiua, alias medius terminus in nulla præmissarum distribueretur, quod cum arte, syllogistica pugnat. Hæc autem Regula attribuentibus in Conclusionem Prædicatum subiecto, atq; adeò syllogismis affirmatiue concludentibus seruit, ut consideranti patebit.

Nota autem, & aduerte pro hucusque dictorum Coronide, id, ex cuius inaduerterentia, plurimi In hac materia hallucinantur; quod cum Diuina essentia, intra propriam lineam, ratione summæ

eiusdem lineæ eminentiæ, plures inadæquatas rationes (quæ alias in Creaturis distinguuntur, vnumque est causa alterius) absque vlla distinctione contineat, inde est, quod plures, assumendo vnā, rationem v.g. Entis à se, vel substantiæ intellectualis, vrantur illa, tanquam ratione à priori, respectu alterius rationis inadæquatæ v.g. respectu intellectualitatis, vel existentis, cum tamen illæ rationes, sicut non comparantur inter se per modum alterius, & alterius, quia sunt omninò, sine vlla, etiam virtuali distinctione, idem, ita neque est vna ratio à priori alterius, sed sunt vnus, eiusdemque simplicissimæ, eminentissimæ tamen rationis, conceptus inadæquati. Et per hoc poteris plura, quæ circa hoc fieri solent, argumenta eludere.

## QVÆSTIO V.

*Verum possit dari in hominibus ignorantia inuincibilis, seu excusans à culpa circa Existensiam Dei.*

**H**oc Dubium, et si magis sit Theologicum, quàm Philosophicum, placuit tamen hic illud, quantum ratio naturalis patitur expedire, ut nihil remaneat, quod circa existentiam Dei, et ratione naturali cognoscibilem, seu demonstrabilem dicendum, supersit.

M m m m m

Sup

Supponendum est autem primo, ex S. Tho. 1. secundæ quæst. 76. a. 2. Ignorantiam inuincibilem, illam esse, quæ studio, & diligentia superari non potest. Ad quod (vt bene aduertit noster P. Blasius in sua Metaph. disput. 9. qu. 2. §. 1. & innuit ibidem Angel. Doctor) necesse est, illam ignorantiam inuoluntariam esse, si enim fuerit volita, vel directæ, vel indirectæ ignorantia culpabilis erit; unde vt aliquis habeat ignorantiam inuincibilem de aliquo, v. g. de existentia Dei, necesse est, vel quòd, Deum esse, nunquam ei innotuerit, nec aliqua huius rei suspicio venerit, vel si aliquam de hoc habuit suspicionem, non tamen facta, diligentia habuit locum, tempus, & medium huius veritatis inuestigandæ. Vel tandem si hæc omnia ad manum erant, tamen nullatenus potuit concipere hanc veritatem, quòd Deus sit. Dixi nullatenus, vt innue: em, non esse necesse, ad vincendam ignorantiam inuincibilem de existentia Dei, vt habeat cognitionem demonstrationum ipsius, etiam à posteriori, sed sufficit opinatiua cognitio, per rationem probabilem acquisita. Cum enim nulla possit ratio in contrarium occurrere, quæ vel leuiter persuadeat, Deum non esse, ideo sola ratio probabilis, plusquam sufficiens est ad tollendam ignorantiam inuincibilem existentie Dei. Plura autem dicenda essent circa hanc ignorantiam inuincibilem, sed quia Theologica sunt. Theologis relinq uuntur, qui hanc

materiam cum S. Thoma fuscè tractant, cum loco citato, cum, etiam prima secundæ, quæst. 6. a. 8. vbi explicant, quomodo ignorantia causat inuoluntarium. Nobis ad huius difficultatis decisionem sufficiat scire, quod ille inculpabiliter ignoraret. Deum esse, qui huius sciendi nullam haberet possibilitatem, vel commoditatem. Quo supposito, ad propositam difficultatem.

Dicendum est, quòd existentia Dei, seu Deum esse, adeò clarum est, vt circa hoc ignorantia inuincibilis nullatenus dari possit. Hæc Conclusio est cetra apud omnes Scholasticos, quos legi, solo Molina excepto, qui dicit, quòd opposita huic nostræ Conclusioni opinio possit probabiliter sustineri. Poterunt tamen pro nostræ Conclusionis declaratione videri. Gonzalez 1. p. quæst. 2. a. 2. disput. 11. Concl. 4. Vbi eam pluribus authoritatibus S. Scripturæ, & Patrum, rationibusque firmat, & Pater Blasius à Conceptione loco nuper citato, vbi eandem egregiè defendit.

Probatur primò, hæc Conclusio authoritatibus scripturæ, & in primis insignis est ille locus S. Pauli ad Roman: 1. *Inuisibilis Dei à creatura mudi, per ea, quæ facta sunt intellecta conspiciuntur, sempiterna quoque eius virtus, & Diuinitas, itant sint inescensabiles, &c.* Ergo ex mente S. Pauli, immò ex mente ipsius Spiritus S. per Paulum loquentis, non datur ignorantia inuincibilis Dei, cum enim hæc excuset à peccato, vt cum

S. Tho:

**S.** Thomā communiter docent Theologi profectō excusabiles essent, aliqui ignorantes Deum, illi scilicet: qui inuincibiliter illum ignorarent.

Secundus locus Scripturæ S. firmans Conclusionem adduci potest, ex illis verbis Sapientiz c. 13. *Vani autem sunt omnes homines, in quibus non subest Scientia Dei, & de his, quæ videntur bona, nō poterunt intelligere Deum. Qui est, neque operibus attendentes agnoverunt, quis esset artifex, sed aut ignē, aut spiritum, aut citatum aerem, aut gyrum stellarum, aut nimiam aquam, aut Solem, & lunam retores Orbis Deos putauerunt.* Vbi aduerte, quod Spiritus S. eos vanos, atque adeo reprehensibiles, culpabilesque esse dicit, qui ex operibus Dei, nempe ex creaturis non agnouerunt verū Deū: quantō ergo culpabiliores essent, si nullum Deum agnoscerent. Nō ergo ex mente Scripturæ potest dari inuincibilis ignorantia Dei. Deinde rationibus eadem Conclusio.

Probatur primò ratione fundata in Authoritate hac vltima Scripturæ Sacræ, estque talis. Si posset dari ignorantia inuincibilis circa existentiam Dei, posset aliquis inculpabiliter colere falsos Deos, esseque sine peccato idolatriæ. Sed hoc nullus Catholicorum dicit. Ergo &c. Minor patet; quia tūc in hac vltima authoritate, tūc in alijs plurimis locis expressè, & indiscriminatim Scriptura omnes idolatras reprehendit, quod profectō non faceret, si

inculpabiliter idolatriam exerce-  
re possent. Vnde cū nullus Catholicus possit Scripturam, vel eius dicta damnare, nullus poterit eos à culpa vindicare, quos Scriptura, vt culpabiles reprehendit. Anteced. autem prob. Nam ideo idolatra peccat, quia Vero Deo honorem debitum, tribuit falso. Ergo si inculpabiliter ignoraret, esse verum Deum, non peccaret, tribuendo honorem falso Deo, quia nullam illi iniuriam faceret, quem esse, inuincibiliter, ideoque inculpabiliter nesciret.

Confirmatur. Si esset, vel esse posset ignorātia inuincibilis Dei, esset excusabilis aliqui homines ignorantes Deum. Sed S. Paulus omnes vocat inexcusabiles. Ergo &c. Minor patet ex authoritate Apostoli primo loco adductæ, Maior autem prob. quia ignorantia inuincibilis excusat à peccato, vt communiter docent Theologi, quomodo namque culpabilis esset, qui nullo studio, nulloque labore illam ignorantiam posset superare.

Probatur secundò Conclusio; Veritas, quæ est omnium maximè obuia, & facillimè per discursum acquisibilis, non potest ignorari inuincibiliter, Sed ista veritas, *Deus est* est omnium maximè obuia, & facillima. Ergo de illa non potest dari ignorantia inuincibilis. Maior patet. Minor prob. Id, quod primò obicitur, & sensui obuiat, est cælum, & terra, & omnia, quæ in cælo, & terra obijciuntur sensibilia. Sed posita ista prima cognitione sensibili, im-

M m m m m 2 pos.

possibile est moraliter, ut alicui, vel aliquibus in congregatione hominum, etiam barbarorum, non veniat in mentem cognitio, vel dubitatio, an ista quæ videt, ab aliquo habeant suum principium, sint ne ab aliquo producta, vel nõ gubernantur ne per aliquem? si enim, visis alijs effectibus, longè minoris momenti, statim oritur cogitatio in nobis, quis sit author illorum? immò vniuersaliter loquendo, visis effectibus, inest homini naturale desiderium cognoscendi Causam, & ex hoc admiratio in hominibus confurgit: quāto magis ex consideratione illius vniuersi, tam ordinati, tam artificiosi, tam pulchri, debet oriri dubium de prima illius Causa, & primo principio. Ergo ista veritas de existentia Dei ita est maximè obuia, & facili discursu cognoscibilis, ut impossibile sit moraliter, dari gentem tam barbaram, in qua detur ignorantia inuincibilis Dei, sub ratione etiam explicita primæ Causæ efficientis, & gubernantis. Vnde pulchrè S. Chrysost. homil: 3. in Cap. 1. ad Rom. hanc rationem innuit dicens: *Quid enim dicent gentiles? te ignoramus. Itane verò? non exaudisti cælum, vocem ab aspectu emittens? non exaudisti compositam rerum harmoniam, tuba illustri clamantem omnia ordinem seruantia? eademque tum à magnitudine, tum à pulchritudine ipsum, veluti præconio opificem, annunciantia?*

Dices, optimè probari, non esse dabilem ignorantiam prædi-

ctam, respectu communicatis aliquid, sed non respectu particularis individui, præcipuè si loquamur de ignorantia positua. Sed

Contra primò; etiam respectu alicuius particularis individui verificatur Conclusio, & ratio est, quia Deus non deficit in necessarijs. Sed necessaria est homini cui-libet adulto, in particulari vrente ratione, cognitio finis, ut possit rectè actiones suas naturales dirigere, sicut enim se habent principia in speculatiuis, ita finis in practicis; ergo sicut ad speculatiuam cognitionem Conclusio necessaria est prius cognitio principiorum, ita ad actiones bonas naturaliter faciendas, necessaria est cognitio finis. Ergo ista cognitio Dei, tanquam finis naturalis, dabitur à Deo. Ergo &c.

Contra secundò. Vnusquisque adultus tenetur se convertere in Deum, tanquam vltimum finem, referendo se, & omnes actiones suas in illū, vel in instanti vsus rationis, ut docet S. Tho. 1. 2. q. 39. ar. 6. ad 3. & nost. Salmatic. to. 4. de Peccatis disp. 20. per totum dub. 1. vel ad minus semel in vita tenetur se convertere ad Deum; obligatur enim, tum lege naturæ, tum etiam præcepto illo apud Zachariam c. 1. *Convertimini ad me, ait Dominus exercituum.* Ergo cū ad amorem finis, & conversionē voluntatis in ipsum, sit necessaria cognitio, non potest adultus, habens vsum rationis, inuincibiliter ignorare Deum, saltem sub ratione summi Boni, & vltimi finis; Quomodo enim ad illum con-

uer-

uerteretur, quem nullo modo sciret? cum conuersio signet actum Voluntatis; nihil autem volitum, quin præcognitum. Ergo &c.

Respondet adhuc ad rationem principalem, posse quidem ex istis sensibilibus oriri cogitationem, vel admirationem, vel dubitationem, sed non *positiuam* circa rationem Causæ primæ, vel vltimi finis, hæc enim est inuincibilis, consequenter nec culpabilis. Sed

Contra est. Dubitans utcumque de existentia Dei sub ratione primæ Causæ, vel applicat animum ad veritatem istam inquirendam, vel non applicat? Si non applicat. Ergo iam dubitatio illa hoc ipso erit vincibilis, & culpabilis, quia est contra lumen rationis, cui cum hæc duo saltem sint euidentiæ, primum scilicet, quod Deus sit colendus, si est, & secundum, quod non possit determinatè coli, nisi determinatè sciatur esse, (actualis enim exhibitio cultus supponit actualitatem eius, cui exhibetur) statim in homine oritur debitum applicandi animum ad inquirendam istam veritatem, estne Deus? debetne coli, an non? Et hoc inuit S. Gregorius lib. 17. Moral. c. 3. *Omnis homo, eo ipso, quod rationalis creatus est, debet ex ratione intelligere, eum, qui se condidit, Deum esse.* Et ita, si contra hoc debitum non applicetur animus ad ulteriorem inquisitionem, iam hoc ipso illa dubitatio erit voluntaria, & culpabilis. Et hoc idem intelligendum est, si applicetur cum prauo affectu, & propensione ad negandum, si autem

applicat animum ad veritatem inquirendam, facitque diligentiam, adhibet studium, prout debet. Ergo impossibile est moraliter, ut lumen rationis, omni prauo affectu expeditum, non assentiatur statim veritati de existentia Dei, per rationes ita faciles, & cuicunque obuias, videndo nimirum hanc Vniuersi molem, structuram, ordinem, &c. Concludendum ergo cum Venerab. Beda lib. 1. in Iob. *Omnis homo, inquit ille, Deum ignorare non potest, nisi, aut contemnat, aut negligat.* Et Cyprian: Tract. de vanit. idol. *Hæc, inquit, est summa delicti, nolle cognoscere, quem ignorare non potes.* Ex dictis

Infertur, posse dari naturaliter ignorantiam negatiuam, seu inaduertentiam inuincibilem de existentia Dei, per aliquod intervallum temporis, in aliquo adulto habente usum rationis, si sit homo valde agrestis, rudis, incipax, vel si nascatur in siluis, ubique relictus, adolefcat, manens absque omni conuersatione hominum. Talis tamen ignorantia impossibilis est, si diu vixerit; impossibile enim est, ut non occurrat ei aliquando cognitio de Authore, & Domino, sicut si aliquis diu habitaret in aliquo palatio pulcherrimo, ornatissimo, impossibile est moraliter, quod ipsi aliquando non veniat in mentem, esse, vel fuisse aliquem Architectum, & Dominum istius palatij. Sed ne nimium in alienam messem immittamus falcem, hæc omnia de ignorantia inuincibili, & inculpabili

bili ad Theologos remittimus, ubi plures rationes, & argumenta in contrarium videre licet.

## QVAESTIO VI.

*An, & quomodo (DEVM esse) sit per se notum?*

POSTquam in precedentibus vidimus, *DEVM esse*, non solum posse à posteriori demonstrari, sed etiam ad eò inter homines constare, ut ignorantia existentiae Dei, quae inuincibilis sit, excusansque à peccato, nequeat dari, pulsat statim animum aliam Quaestio, dubiumque non leue occurrit: an, esse Deum, sit per se notum? Et hoc est, quod in praesenti inquirimus. Quia tamen cuncta, quae in hac Quaestione dicenda sunt, dependent ex notitia propositionis *per se notae*, id eò prius explicanda est, tam quoad quid est, quam quoad multipliciter sui.

§. I. *Suppositiones aliquae ad Quaestionis determinationem omninò necessariae.*

SUPponendum est ergo primò, propositionem *per se notam* esse illam, cuius veritas, supposita terminorum notitia, sine aliquo medio, ex sola connexionè praedicati, & subiecti cognoscitur.

Vnde, ut optime aduertunt nostri Complut: in Log. disp. 18. quest. 1. n. 6. idem est propositio *per se nota*, & *immediata*: Veraque enim seipsam, sine aliquo medio, intellectui bene disposito, notificat, eo proportionali modo, quo Sol, quia in se habet connaturalem lucem, est visibilis secundum se, nec alio lumine indiget ad hoc, ut videretur.

Supponendum est secundò, non bene aliquos recentiores Theologos, e quorum numero vnus est noster Andreas 1. p. q. 1. a. 1. dub. 1 opinatos fuisse, tunc solum esse propositionem *per se notam*, quando praedicatum clauditur in ratione subiecti. Quamuis enim Angelicus Doctor videatur aliquo modo huic opinioni fauere, 1. p. q. 2. a. 1. c. vbi explicans propositionem *per se notam*, dicit, quòd *ex hoc aliqua propositio est per se nota, quòd praedicatum includitur in ratione subiecti, ut homo est animal, nam animal est de ratione hominis*. Quamuis, inquam, his verbis S. Doctor huic nominatae opinioni fauere videatur, re tamen ipsa, non fauet, ut aduertit egregie Caietanus, cuius verba formalia transcribo, ut dulcius ex ipso fonte potentur aquae. Dicit ergo hic egregius, fidelissimusque mètis Anglicae interpres ad huc S. Doctoris verba. *Hic notato, quòd in litera non definitur Propositio per se nota, dicendo, quòd est, cuius Praedicatum ponitur in ratione subiecti, sed ponitur causaliter, scilicet quòd ex hoc, quòd Praedicatum ponitur in ratione subiecti, sit Propositio*

sitio per se nota, quæ est conuertens respectu illius. Et hoc ideo dico, quia bene uerum est apud S. Thomam, quod omnis Propositio, cuius Prædicatum cadit in ratione subiecti, est per se nota, sed non è conuerso; quoniam cum unum generalissimum negatur de alio, & cum prima Passio prædicatur de primo Subiecto, fiunt Propositiones immediate secundum se, & consequenter secundum se per se nota. Si tamen alicubi sic definita reperitur, glossatur ly esse in ratione subiecti, formaliter, uel uirtualiter proxime, non tamen extendatur talis locutio, quia minus propria est. Hæc Caietanus pro explicanda mente S. Thomæ: ubi statim rationem fundamentalem ad impugnandam oppositam sententiam insinuat, quæ est talis. Quandocumque Propositio nullum habet medium, per quod probetur, est propositio immediata, & consequenter per se nota, quia in omni sententia, etiam apud ipsum Patrem Andream, idem est Propositio immediata, & per se nota. Sed multæ propositiones, quarum prædicatum non includitur in ratione subiecti, carent medio, per quod probetur. Ergo sunt immediate, & per se notæ, & consequenter non illa sola propositio erit per se nota, cuius prædicatum includitur in ratione subiecti. Vtraque Consequentia, immò & maior ex ipsis terminis patet. Minor uero prob. Nam quando prima passio prædicatur de subiecto, uel quando unum supremum genus negatur de alio, non est aliquod

medium, per quod probetur talis propositio, quia & prima passio immediate coniungitur subiecto, & unum genus supremum immediate repugnat alteri. Ergo &c. Potest hoc illustrari quadam autoritate Philosophi, quæ habetur 1. Poster: Cap. 16. ubi dicit, quod in Propositionibus immediatis, scilicet per se notis, Medium semper densatur. Quid sit autem, Medium densari, explicat Angelicus Doctor ibidem, Lect: 26. Loquitur ad similitudinem hominum, qui uidentur esse condensati sedentes in aliqua sede, quoniam inter sedentes nullus potest intercedere medius, ita & media in demonstratione dicuntur densata, quando inter terminos acceptos nihil cadit medium. Ergo ex mente Philosophi, ad rationem propositionis immediata, ex qua conficitur demonstratio, quæque est eadem cum propositione per se nota, nihil aliud requiritur, nisi quod Prædicatum densetur, scilicet; immediate coniungatur subiecto: quod idem Philosophus præpius in dicto libro Poster: repetit pluribus in locis. Cum ergo, & prima passio, & plura alia similia, quæ non sunt de essentia subiecti, immediate illi coniungantur, sequitur, propositionem per se notam non solum tunc esse, cum prædicatum clauditur in ratione subiecti, sed tunc, quando prædicatum, & subiectum sine medio coniunguntur, siue in affirmatione, siue in negatione. Unde non bene (quamuis ad sua principia consequenter) intulic

citatus author, omnem propositionem per se notam esse in primo modo dicendi per se, quia in primo modo dicendi per se tunc tantum est Propositio, quando prædicatum est de essentia subiecti: quod non requiritur indispensabiliter ad rationem propositionis per se notæ, quia potest inueniri etiam tunc, quando prædicatum est propria passio subiecti, ac proinde in secundo modo dicendi per se, ut iam explicatum est. Videantur pro completa notitia horum Notæ. Compluti in Log: disput: 18. quæst. 1. circa illa verba: *Ex primis, & immediatis*. Ex quibus omnibus generalem Regulam accipe, illam Propositionem esse per se notam, quæ secundum se non est nota per aliam, sed se ipsam immediatè notificat. Dixi notanter, per aliam, (intellige propositionem) non autem per aliud, quia Propositio, quantumvis nota per se, potest per explicationem terminorum innotescere, sed hoc non tollit, quominus sit nota per se, nam ly, *notum per se*, excludit notitiam per aliam notio-rem, propositionem, non autem per explicationem terminorum, quia sic nulla esset propositio per se nota, cum ad quamlibet terminorum notitia requiratur. Vbi adhuc

Aduerte, (quod etiam aduertit Caietanus 1. Poster: cap. 3.) Propositionem immediatam, seu per se notam, non excludere quamlibet Propositionem immediatior-rem, seu priorem, & notio-rem se: nam illæ Propositiones, quæ vo-

cantur *Dignitates*, (v.g. Impossibile est, idem simul esse, & non esse. De quolibet est affirmatio, vel negatio, & similes) omnes alias, quantumvis immediatas, & per se notas, præcedunt. Idcirco non cuiusvis prioris propositionis exclusionem petit Propositio im- mediata, seu per se nota, sed eius, per quam secundum se probari petat. Prima enim dignitas, etsi sit alijs immediatis, & per se notis, prior, non tamen ita est prior, ut per ipsam alia, secundum se, probari egeant: loquendo de intellectu benè disposito, quia quod i res- pectu intellectus male dispositi debeant propositiones per se notæ per prima principia probari, per accidens est.

Supponendum est tertio, hanc propositionem per se notam distinxisse Angel: Doctorem 1. p. qu. 2. art. 1. C. in propositionem per se notam secundum se, & non quoad nos, & in propositionem per se notam secundum se, & quoad nos: Quæ distinctio Propositionis per se notæ etsi rejiciatur ab Henrico in Summa art. 22. quæst. 2. & à Scoto in 1. distinct. 2. quæst. 2. & à Molina loco ex prima parte citato; tamen, necessariò est admittenda, quod probatur breuiter; nam accuratior disquisitio horum ad Logicos pertinet, quò lector remittitur. Probatum ergo, hanc diuisionem esse admittendam sic: nam, Propositio per se nota, seu, quod idem est immediata dicitur talis per negationem exigentia alterius propositionis, per quam in-



Innotescat. Ergo propositio per se nota opponetur propositioni notæ per medium. Ergo tot modis dicetur aliqua propositio per se nota, quot modis, & propositio nota per medium. Sed Propositio nota per medium est duplex. Ergo & immediata, seu per se nota duplex erit. Omnes propositiones ex se, & ex dictis patent. Minor verò subsumpta prob: Medium notificans est tantum duplex: à priori scilicet & à posteriori. Ergo & propositio nota per medium erit tantum duplex, scilicet, vel à priori, vel à posteriori nota per aliud; quando ergo fuerit Propositio nota per aliud à priori, erit secundum se nota per aliud; ac proinde propositio opposita ipsi, quæ videlicet non notificatur, nec notificari potest, vel saltem notificari non petit per aliud medium à priori, erit propositio per se nota secundum se; quod medium, si non exigetur, etiam ut innotescat nobis, erit per se nota secundum se, & quoad nos: Ut v.g. *Quodlibet est, aut non est. Omne totum est maius sua parte*; sicut etiam, si tantum respectum sapientium non exigitur, erit nota sapientibus. Propositio autem, quæ etsi à priori non probetur, quia immediate coniungitur prædicatum subiecto; tamen quia hæc connexio non est nobis nota, & ideo petit à posteriori declarari, erit nota per aliud à posteriori, seu quoad nos, & opposita ipsi excludens scilicet medium, etiam à posteriori, quo probetur, erit per se nota, non solum secundum se, sed

etiam quoad nos.

Explicatur magis hoc ipsum. Nam quælibet res bifariam considerari potest, vel absolute, & secundum se, vel per ordinem ad intellectum nostrum, à quo concipitur, & intelligitur; & quia isti modi sunt diuersi, potest rebus aliquid, competere secundum vnum, quod non competit secundum alium: v.g. potest aliquid competere homini per ordinem ad intellectum, quod non competit ipsi secundum se, & absolute sumpto. Quando ergo natura subiecti immediate coniungitur naturæ prædicati, propositio de ijs formata semper est immediata, & per se nota, nec mediata, vel nota per aliud esse poterit, quamdiu illæ res secundum se, & sine ordine ad intellectum nostrum concipiuntur; Vnde, si quis rem illam clare, & ut in se est, cognosceret, statim videret, prædicatum immediate inesse subiecto. Cæterum eadem natura hanc immediatam connexionem prædicati, & subiecti habens, si conferatur ad intellectum nostrum, qui ob imperfectum suum cognoscendi modum, non semper potest res ut in se sunt, cognoscere, poterit egere medio non in se, sed respectu intellectus nostri, per quod ostendatur, prædicatum illud conuenire subiecto. Itaque quoties ita prædicatum immediate coniungitur subiecto, ut hanc connexionem intellectus bene d. s. posuit, habensque notitiam terminorum sine alio medio cognosceret, erit propositio per se nota secundum se, & quoad nos. Quoties au-

N o t a t e m,

tem, etsi prædicatum immediatè conueniat subiecto; tamen intellectus noster illam connexionem non uidet, sed indiget aliquo medio, hanc connexionem iudicante, & probante: tunc erit propositio per se nota secundum se, & nõ quoad nos; quæ doctrina accipienda est non tantum de propositionibus formaliter, sed etiam materialiter sumptis, idest de rebus, de quibus fiunt illæ enunciationes.

Supponendum est quartò pro completa explicatione eorum, quæ in secunda suppositione dicta sunt, dupliciter posse prædicatum claudi in ratione subiecti, formaliter scilicet & virtualiter. Tunc prædicatum formaliter clauditur in ratione subiecti; quando eius rationem, ac proinde & definitionem ingreditur, sicut animal respectu hominis. Tunc autem virtualiter, & quasi consecutiue, quando naturam subiecti immediatè consequitur. Sicut v. g. risibile naturam hominis: Calor naturam ignis, & generaliter qualibet prima passio suum subiectum. Si ergo intelligatur indeterminatè pro utroque modo continentiz, siue formalis, siue virtualis; sic bene possunt conuerti inter se propositio per se nota, & propositio, cuius prædicatum clauditur in ratione subiecti, loquendo de propositionibus affirmatiuis, & si hoc tantum docuisset citatus Author, potuisset eius opinio sustineri, sed quia, ut se explicat loco citato dub. 2. n. 263. apud ipsum omnis propositio per se nota est in primo modo dicendi per se, unde propo-

tionem, in qua prima passio prædicatur de suo subiecto negat, esse per se notam; quia est in secundo modo dicendi per se; idè eius doctrina, utpotè cum antiquorum Thomistarum sensu, & ipsa veritate minus cohærens, reijcitur. Videantur circa hoc Caiet: & Ferariensis primo Con: Gent: cap. 11. Notanter autem dixi, loquendo de Propositionibus affirmatiuis; nam in negatiuis hæc regula non currit, quas, etsi aliqui negent, posse esse per se nota, immeritò tamen, quia sicut aliquod prædicatum potest subiecto immediatè conuenire, ita aliud eidem immediatè repugnare potest; & per consequens constituere propositionem negatiuam per se notam. Quibus suppositis.

## §. 2. Respondetur difficultati aliquibus Conclusionibus.

**D**icendum est primò. Deum, esse, est propositio per se nota, secundum se. Ita Angel: Doctor 1. p. q. 2. art. 1. quem sequuntur communiter Thomistæ. Prob: breuiter hæc Concl: Quandocunque prædicatum clauditur in ratione subiecti, propositio est per se nota secundum se, (quia, ut ex suppositionibus patet, etsi non omnis propositio per se nota, petat claudi in ratione sui subiecti prædicatum, ut contra P. Andream ostendimus; tamen omnis, in cuius subiecti ratione clau-

ditur prædicatum, est per se nota saltem secundum se.) Sed in hac propositione, Deus est; clauditur prædicatum in ratione subiecti, immò est ipsa ratio, seu essentia integra ipsius; quia, ut communiter docent Theologi. Esse Dei est Essentia ipsius. Ergo &c.

Confirmatur primò, & explicatur hæc ratio. Nihil est magis intimum, & immediatum rei, quàm ipsa quidditas ipsius. Ergo quando enunciabitur de aliqua re quidditas eius, erit propositio immediata, seu per se nota; hoc enim idem est, ut ex suppositionibus patet. Sed esse Dei est ipsa eius quidditas, unde ipse Deus, per esse suam naturam explicuit, quando Moyse dixit: *Ego sum, qui sum*. Ergo quando esse enunciabitur de Deo, illa propositio erit immediata, & per se nota. Sed in hac propositione, Deus est, esse enunciatur de Deo. Ergo &c.

Confirmatur secundò. Non minus est essenziale Deo esse, quàm homini rationalem esse. Ergo si hæc: *Homo est rationalis*, est propositio per se nota, etiam ista, *Deus est*, erit per se nota. Consequenter patet à paritate; immò potioritate rationis. Anteced. autem prob. quia in Deo propter ipsius summam perfectionem, actualitatem, & eminentiam in omnibus lineis, & multò magis in linea fontali, qualis est linea essendi, prima potentialitas cuiusvis lineæ pertingit ad ultimam actualitatem eiusdem lineæ sine distinctione virtuali, & ita intellectus Divinus est suum intelligere, voluntas Divina

est suum velle, & sic de alijs sine distinctione virtuali. Ergo cum esse sit ultima actualitas in linea essendi, esse Dei erit ipsum suum esse sine distinctione virtuali.

Dicendum est secundò. Deum esse, non est per se notum, quoad nos. Ita S. Tho. 1. p. quæst. 2. ar. 1. c. & 1. contr. Gent. cap. 11. quem sequuntur communiter Theologi. Caietanus, Ferrariensis, Bannes, noster P. Andreas a Cruce 1. par. disp. 11. dub. 4. noster P. Blasius à Conceptione, in sua Metaph. disp. 9. quæst. 1. & alij omnes cum pluribus Neotericis.

Probatur hæc Conclus. primò, Supponendo, nos hic loqui de nobis viatoribus, qui intuitivam cognitionem Dei non habemus; quid enim de Beatiss. sentiendum sit, infra dicam. Prob. Igitur Conclus. primò. Quodcumque aliqua propositio non coniungit immediatè, seu ut Philosophus dicebat, non densatur prædicatum cum subiecto, toties propositio non est per se nota. Sed quidquid sit de Deo secundum se sumpto, de quo supra; tamen quoad nos viatores, & per ordinem ad nostrum debilem imperfectum modum cognoscendi) in hac propositione, *Deus est*, non coniungitur immediatè, seu non densatur prædicatum cum subiecto. Ergo quo ad nos, non erit per se nota. Maior suppositionibus patet. Min. verò prob. Ad hoc, ut respectu intellectus nostri coniugatur immediatè in aliqua propositione prædicatum subiecto, debet intellectus noster cognoscere illam im-

mediatam conjunctionem; absque alio medio. (hoc enim sonat, vt consideranti patebit, coniungi immediatè respectu ipsius.) Sed intellectus noster pro hoc statu non potest cognoscere sine alio medio hanc immediatam conjunctionem prædicati cum subiecto, nempe *Dei, & esse*. Ergo &c. Prob. hæc min. Conn.xio immediata prædicati, & subiecti (loquendo obiectiue, vt loquimur; non enim hæc agimus pressè de propositionibus formaliter, sed potius materialiter sumptis, vt ex solutionibus argumentorum Scoti patebit) nihil est aliud, quàm ipsa natura prædicati, & subiecti, quatenus inuicem immediatè vniuntur. Sed non potest ab intellectu viatoris cognosci, sine aliquo medio unitas illa, scilicet potius identitas, quæ est inter essentiam Dei, & eius existentiam, aliàs cognosceretur Deus ab ipso quidditatiue, & per propriam speciem representantem ipsum immediatè, vt in se est; si enim per alienam speciem cognosceretur, sicut à nobis viatoribus cognoscitur, nõ ipsum Deum, sed illam alteram naturam, cuius est species immediatè representantem. Ergo &c.

Confirmatur, & explicatur hæc ratio, cognitio est iuxta modum cognoscentis; quia, & ipsū cognitum est in cognoscente iuxta modum ipsius, vt communiter docent Philosophi. Ergo intellectus noster non eleuatus lumine gloriæ, (qualiter de illo, pro nunc loquimur) cognoscens *Deum esse*, cognoscit iuxta modum suum.

Ergo limitato, & imperfecto modo, quia & ipse limitatus est, imperfectamque, abstractiuam tantum de Deo notitiam habet. Ergo nõ potest cognoscere immediatè nexum illum intimum, qui est inter Essentiam Dei, & esse ipsius; quia hic, sicut ex illimitatione, & infinitate ortum ducit, ita cum limitatione, & imperfectione coherere nequit.

Nec refert, si dicas. Etiam in visione beatifica inueniri hanc limitationem; quia potentia intellectiua creata etiam, vt eleuata per lumen gloriæ, adhuc est limitata; quia, & ipsum lumen est limitatum, vtpotè ex parte potentie limitatæ se tenens, propter quam limitationem negant communiter Thomistæ, Essentiam Diuinam posse supplere vices luminis gloriæ, vt eruditè ostendunt nost. Salmat. Tom. 1. Tract. 2. disp. 4. dub. 5. & tamen hæc limitatio in visione beatifica inuenta non obstat, quominus videatur quidditatiue, & immediatè intima illa connexio Essentie Dei cum existentia ipsius. Ergo neque hic repugnabit. Non, inquam, hoc refert: concesso enim Antecedenti, neganda est Consequ. Et ratio disparitatis est; quia intellectus eleuatus lumine gloriæ, etsi sit limitatus, & finitus, tamen habet id, quod est participatio formalis intellectus diuini, prout est in se, vt communiter docent Theologi, atque adeo habet aliquam illimitationem, & infinitatem, & ex consequenti conuenientiam cum infinitate Essentie diuinæ, ratioque

ne

ne cuius est idem cum suo esse, non in se quidem, quia in se, ut diximus, est finitus, & limitatus, sed in eo, quod participat, nempe, in ipso Intellectu diuino, cum quo etiam dicta Essentia primariam habet commensurationem. Cæterum intellectui nostro secundum se sup̄to, seu intellectui viatoris non eleuato, hæc non competunt, ut patet, & ideo eius limitatio, & imperfectio impedit ipsum, ne immediatè attingat illam illimitatam, infinitamq; Essentiam, quæ ratione suâ infinitatis, & illimitationis pertingit à prima potentialitate utque ad ultimam actualitatem suâ luxæ, absque vlla etiam virtuali distinctione. Ergo &c.

Probatur secundò. Nulla cognitio, quam habemus, vel habere possumus in hac vita naturaliter de Deo, quantum ad *Quid est*, est sufficiens ad determinandum Intellectum, ex ipsa præcognitione terminorum, ad certum alensum, quòd Deus sit in rerum natura. Ergo hæc propositio, *Deus est*, non est nobis per se nota in hac vita. Consequenter patet ex ijs, quæ in suppositionibus dicta sunt. Antecedenter probatur. Omnis cognitio, quam habemus pro hoc statu de Deo, quantum ad *Quid est*, vel est per viam remotionis, vel per viam attributionis: quandoque enim nitimur describere, *Quid sit Deus*, vel utimur conceptibus negatiuis, remouendo ab ipso imperfectiones, quæ in alijs entibus reperiuntur, ut cum dicimus, ipsum esse increatum, incausatum,

Immaterialem, Independentem ab alio, &c. Vel positiuus, affirmando de ipso, ipsique attribuendo aliquas perfectiones, quæ nulli enti, quod Deus non est, conuenire possunt, ut cum dicimus, illum esse Causam primam, Vltimum finem, Omnipotentem, Ens à se, &c. Sed omnis hæc cognitio non determinat sufficienter Intellectum nostrum, ex ipsa præcognitione terminorum, ad certum, & determinatum alensum, quòd Deus sit. Tum quia non est nobis notum per se, & immediatè, primam Causam, vel Vltimum finem, vel quodlibet aliud ens, quod tamen negatiuis, quam positiuus terminis explicamus, esse Deum: unde, ut ex supra dictis in hac eadem disput. patet, etiamsi quis concederet, dari ens increatum, omninoque improductum, non ideo statim concederet, illud ens esse Deum, & ideo nos specialem de hoc intuitiuus questionem: Vtrum scilicet hoc Ens increatum, omninoque improductum, quòd iam probauimus sit Deus? & idem de alijs conceptibus dicendum est: Tum etiam, quia neque hoc satis constat, an tale ens, quale dicimus esse Deum, detur: quod non est per se notum; An detur prima Causa; quia multi in causis subordinatis admiserunt processum in infinitum, & multum de ludandum est, ut talis processus impugnetur: iam autem posito processu in infinitum in causis subordinatis, tollitur ratio Causæ primæ, quia in infinito non est accipere primum, & vltimum, ac per consequens

non

non erit per se notum Ens à se, Ens Independens, Ens Increatum, seu Incausatum, quia, admissio tali processu in causis subordinatis, hæc omnia ruunt: & generaliter omnia alia prædicata, siue affirmatiua, siue negatiua, multo labore per plures demonstrationes stabilienda sunt, ut patet plura Theologorum, & Philosophorum, qui in hoc insudarunt, scripta euoluenti. Ergo non poterunt ex sola præcognitione terminorū absolute determinare Intellectum nostrū ad assentiendum huic propositioni; quod *Deus sit*. Ergo &c.

Confirmatur. Nulla propositio, de qua possumus dubitare, (quæ dubitatio petat tolli per discursum, & demonstrationes) est per se nota. Sed talis propositio (*Deus est.*) Ergo non est per se nota. Maior patet ex definitione propositionis per se notæ, quæ, sicut est immediata, solamque præcognitionem terminorum requirit, ita discursum, & demonstrationem, quibus propositiones ignotæ, & mediatae notificantur, excludit. Minor autem probatur. Nam de hac propositione (*Deus est.*) præciso lumine fidei, (quod lumen ad præsens non attinet) vix aliquis inuenietur, qui non dubitet, nisi ipsi multis, iisque subtilissimis demonstrationibus, à posteriori deducatur, *Deum esse*: unde *insipiens*, (id est, qui similes sapientum demonstrationes non audiuit, vel etiam si audiuerit non tamen intellexit) *dixit in corde suo: non est Deus*. Ergo &c.

Alias rationes, pluraque alia

ad hanc Quæstionem spectantia; vide apud Thomistas, & Neotericos: 1. p. quæst. 2. a. 1. ubi hanc Quæstionem tractant. Nos enim à plurimis, et si pulcherrimis, discursibus, quia Theologici sunt, dum philosophica prolequimur, abstinemus. Pro Coronide tamen, & aliquarum difficultatum hinc pululantium decisione.

Dicendum tertio. Neque Angelis in statu naturæ, neque alicui alteri Creaturæ, quæ Deum clarè non videt, hæc propositio (*Deus est*) potest esse per se nota. Probatur; quia hæc propositio, *Deus est*, attribuit prædicatum subiecto, nempe, *esse* Deo in actu exercito, ut consideranti patebit. Ergo quicumque non cognoscit per se, & immediatè, in actu exercito, existentiam competere Deo, hæc propositio *Deus est*, non est illi per se nota. Sed quicumque Deum clarè non videt, non cognoscit per se, & immediatè, in actu exercito, existentiam competere Deo, quia ad hoc requiritur quidditatiua, & intuitiua, ac per consequens, clara cognitio, ut ex terminis patet. Ergo &c.

Confirmatur. Nulla Creatura, suis viribus relicta, habet speciem representantem Deum quidditatiuè, quæ sit principium cognitionis, incognitum, ut *Quod*, (quia talis species implicat etiam in ipsa visione beatifica, ut communiter docent Thomistæ 1. p. q. 12. & eruditè expendunt NN. Salmat. Tom. 1. Tract. 2. disput. 2. de Visione Dei per aliquot dubia) sed omnis species representatiua Dei



Intellectui creato, naturalibus viribus relicto, vel concurrat per modum obiecti prius cogniti tantum (ut in nobis contingit, qui ex imperfectioribus effectibus Deum cognoscimus, qui non habent perfectam similitudinem Dei,) vel certe concurrat per modum Obiecti cogniti, & principij cognitionis simul, ut in Angelis contingit, quorum essentia, (per quam, tanquam per speciem, intelligunt naturaliter Deum, propter maximam, quae inter Creaturas inuenitur, assimilationem cum Deo) utrumque munus habere potest, ut eruditè observant nost. Salmatic. Tom. 2. Tract. 7. disp. 6. dub. 4. §. 2. Ergo nulli Creaturae, suis viribus relictae, potest esse hæc propositio *Deus est*, per se nota. Anteced. patet. Conseq. prob. Quod est notum in alio, & per aliud, tanquam per rationem prius cognitam, ut quod, non est per se notum. Ergo quia Deus quidditatiuè, & quantum ad esse, (quia *esse* est de quidditatiuo conceptu Dei) non est notus, nisi in alio, & per aliud, tanquam per rationem prius cognitam, ut quod, (& hoc respectu cuiuscunque intellectus creati suis viribus relicto) hæc propositio, *Deus est*, respectu eiusdem non erit per se nota. Ex quibus

Infero, quòd neque respectu sapientium, hæc propositio, *Deus est*, est per se nota. Tum quia etiam sapientes non cognoscunt exercitium existentiae Dei, sed ad summum in actu signato tantum attribuant *esse* Deo in actu signato,

quia non habent conceptum quidditativum Dei, ut optimè expendit noster P. Andreas à Cruce 1. p. qu. 2. ar. 2. disp. 11. dub. 4. Tum etiam, quia non habent speciem representantem Deum per modum rationis incognitæ: quamvis, ut verum fatear, non videtur mihi sensus formalis querere, verum sapientibus sit per se notum, Deum esse? Si enim sapientem dicis, scientem supponis, nam sapientia est perfectissima scientia. Ergo inuoluis demonstrationem, & discursum, per quem generatur scientia. Ergo in actu exercito sapiens cognoscit scientificè, idest, per demonstrationem, idèoque illud, quod cognoscit non potest esse respectu eius per se notum, utpotè, quod est per demonstrationem cognitum.

§. 3. Argumenta in contrarium cum suis solutionibus.

Primum argumentum in fauorem opinionis P. Andreæ contra ea, quæ diximus, non illam tantum propositionem esse per se notam, in qua prædicatum clauditur in ratione subiecti. Nam Angel: Doctor de potentia quæst. 10. Art: 12, ex eo probat, non posse dici, quòd, *aliquam creaturam esse*, sit per se notum secundum se, quia *esse* in nullius Creaturae ratione perfectè includitur, cum sit aliud ab eius quidditate. Ergo includi in ratione subiecti est ratio

tio constitutiva propositionis per se nota, itaut illa tantum propositiones sint per se notæ, quarum prædicatum clauditur in ratione subiecti; aliàs non rectè intulisset S. Thomas ( *Creaturam esse* ) non esse propositionem per se notam ex eo, quia *esse* in nullius Creaturæ ratione clauditur, si semel posset esse aliqua propositio per se nota, in qua prædicatum non clauderetur in ratione subiecti.

Resp. Anteced. concessio, distm: Conseq. Ergo includi in ratione subiecti est ratio constitutiva propositionis per se notæ, includi proximè virtualiter, vel formaliter: conc: sèper formaliter; nego.

Explicatur Solutio. Dupliciter enim potest includi vnum in alio, vt diximus suppositione quarta: vel formaliter, sicut includitur v. g. rationale in homine, & generaliter, quæcunque pars metaphysica constitutiva speciei in specie, Vel virtualiter, sicut solent clauderi effectus in suis Causis efficientibus: in quo continendi modo est Causæ efficientis: sicut enim aliqua Causa efficiens est talis propriè, & rigorosè, alia, autè impropriè, & tantum quodammodo, ita, cum continere effectum virtualiter sequatur rationem Causæ efficientis, aliquæ continent bunt effectum propriè, & rigorosè, aliz aliquo modo tantum, secundum quod minus, vel magis perfectè participabunt de ratione Causæ efficientis. Quandocunque ergo prædicatum clauditur in ratione subiecti formaliter, vel virtualiter

proxime, itaut per se, & immediatè sequatur semper rationè subiecti ( sicut essentiam sequi solet prima passio, quam præcontinet essentia virtualiter, quia concurrat in genere causæ efficientis respectu ipsius, vt docent nost: Complut: in Phyl: ) erit propositio per se nota, & immediata: & omnis propositio per se nota affirmatiua debet habere prædicatum aliquo modo ex his, formaliter, scilicet, vel virtualiter, clausum in ratione subiecti, vt ex citata suppositione constat: ita quidem, vt ex negatione dictæ continentia optime negetur ratio propositionis per se notæ. Et hinc est, quòd Angel: Doctor, attendens qualiter existentia in nullius Creaturæ ratione claudatur, nec formaliter, quia hoc est proprium solius Dei; nec virtualiter proximè; quia essentia creaturæ non concurrat efficienter ad existentiam, ac per consequens nec virtualiter præcontinet ipsam. (Licet enim essentia creata respectu existentia aliquo modo videatur imitari rationem causæ efficientis, quia defert actionem causæ agentis ad ipsam; tamen, quia non defert illam, vt existens, quòd est de ratione causæ efficientis, quæ causat, in quantum est, ideo ipsi efficientia respectu existentia, ac per consequens continentia virtualis existentia in eadem essentia creata denegatur, vt ex supradictis de existentia creata patet) Angel: ergo Doctor, hoc attendens meritò negauit hanc propositionem, *Creatura est,*  
*ess*



per se notam; non ex eo precise, quia esse in nullius creaturæ ratione clauditur formaliter; ( hoc enim solum non obesset, ut patet in prima passione, ) sed quia neque virtualiter clauditur; per quod soluitur probatio consequentiarum in Obiectione adducta.

Secundum argumentum contra secundam Conclus. Propositionis, quæ cognoscitur statim cognitis terminis, est propositio per se nota, etiam quoad nos. Sed hæc propositio, *Deus est*, statim cognitis terminis, cognoscitur. Ergo est per se nota &c. Maior, & consequenter patet. Minor verò prob. Dei nomine intelligimus id, quo maius in rerum natura cogitari non potest. Ergo qui audit, & intelligit nomen Dei, cognoscit Deum esse; quia si, ut debet, per nomen Dei intelligit id, quo maius cogitari non potest, attribuit illi *esse*, cum euidenter malus, nobiliusque sit id, quod est, quam quod non est. Neque sufficit, si dicas, Deum esse in intellectu cognoscentis; nam qui tale solummodo esse attribueret Deo, profecto non intelligeret nomine Dei id, quo maius cogitari non potest; cum maius sit, quod est in re, quam quod est in intellectu tantum. Ergo &c.

Ad hanc obiectionem, quam sibi 1. p. quaest. 2. a. 1. & 1. contr. Gent. c. 11. Angel. Doctor proponit. Respondet S. Doctor loco ex 1. par. citato: *Ad secundum, quod forte ille, qui audit, hoc nomen, Deus, non intelligit significari aliquid, quo maius cogitari non*

*potest, cum quidam crediderint Deum esse Corpus, dato etiam, quod quilibet hoc nomine, Deus, intelligat significari, quod dicitur, scilicet illud, quo maius cogitari non potest; non tamen sequitur propter hoc, quod intelligat id, quod significatur per nomen, esse in rerum natura, sed in apprehensione intellectus tantum; nec possit argui, quod sit in re, nisi daretur, quod sit in re aliquid, quo maius cogitari non potest, quod non est datum a ponentibus, Deum non esse. Eandem solutionem adducit, licet alijs verbis loco citato ex primo contr. g. ac. Ex qua S. Praeceptoris doctrina, sic in forma ad propositam obiectionem*

*Resp. primò, concessa Maiori, neg. Minor, ad cuius probat. negatur Antecedens relatum ad omnium hominum intellectum, quasi omnes homines nomine Dei intelligant id, quo maius cogitari non potest; nam sic debet referri, ut consequentia legitime inferatur: falsum autem est, omnes homines nomine Dei, intelligere id, quo maius cogitari non potest; quia multi crediderunt, Deum esse Corpus; immò Diuinitatem indignissimis etiam rebus attribuebant Gentiles, quos deridet Sapiens Sapientiarum 13. *Vani autem sunt omnes homines, in quibus non subest scientia Dei, & de his, quæ videntur bona non potuerunt intelligere eum qui est, neque operibus attendentes agnouerunt, quis esset artifex sed aut ignem aut spiritum, aut citatum aerem, aut gyrum stellarum, aut viciam aquarum,**

aut Solem, aut Lunam, veliores Orbis Deos putauerunt, &c. Et in fine Capitis loquens de Idolis gētilium, quæ postquam describit, artificis manu facta, vota illis nūcupata perstringit ibi: *Et in parte ponens illud &c.* Vnde patet, quod hi homines, qui tales Deos adorabant, non intelligebant nomine Dei id, quo nobilius cogitari non potest; nam euidenter videbantur incorporea, rationalia; imò nō omnia animalia, his, vita, & sensu orbat, Dijs nobilitiora esse.

Resp. secundò iuxta secundum modum soluendi, quem porrigit S. Tho: in solutione citata, negando similiter Minorem primi argumenti, ad cuius probationem, admissio Antecedenti: disting: cōseq: & si intelligatur, quod intelligens, Deum esse id, quo maius in rerum natura cogitari non potest, attribuit illi *esse in actu exercito* à parte rei, neganda est Consequ: si verò intendatur, quod attribuitur illi *esse in actu signato*, conced. Consequ: quia qui nomine Dei, intelligit id, quo maius cogitari non potest; & tamen negat, Deum esse: profectò negabit esse à parte rei, & in exercitio illud esse, quo maius cogitari non potest, sed ad summum illi nobilissimo cogitato attribuet esse in actu signato, nè illi actus perfectissimus desit, eo proportionali modo, (& est exemplum Caietani, 1. p. qu. 2. ar. 1. circa solutionem ad 2.) quo aliquis cogitans perfectissimum Oratorem, non solum ex illis, qui sunt, sed etiam

ex illis, qui esse, vel fingi possunt, non statim attribuit illi cogitato perfectissimo Oratori exercitium existentia; quia illum concipit perfectissimum, sed consideratis conditionibus nobilissimj Oratoris; eisq; illi cogitato Oratori attributis, attribuit illi, & esse existentia in actu signato, id est concipit illum cum existentia; non tamen exercita; quia conciperet Oratores nō possibiles, sed existentes, quibus illum præferret; sed ad summum dicit, quod ille Orator, si talis, qualem concipit à parte rei, esset; perfectissimus Orator esset; sic in præsentis: Aliquis intelligens nomine Dei Ens, quo perfectius cogitari non potest, & negans Deum esse, (quod possibile esse, probare intendimus) attribuit Deo omnia prædicata, quæ ad nobilitandum aliquod Ens in summo concurrere possunt; ipsam etiam existentiam, sine qua cæteræ perfectiones nihil prodesse, attribuet, sed exercitium negabit ad summum, & dicit, quod si tale ens esset à parte rei, nobilissimum esset. Nec valet illud, quod in fine obiectionis additur, quod scilicet nobilius est, quod est in re, quam quod est in intellectu tantum; quia ille non attribuit illi Enti nobilissimo *esse in intellectu tantum*, alias illi attribueret, imperfectissimum esse, nempe existentium rationis, sed attribuit illi *esse verum*, & reale, non quidem in actu exercito, sed in actu signato, quod idèd posset vocari *Esse in intellectu*; quia à parte rei non

in.

Inuenitur; quamuis illi nobilissimo Enti cogitato ab intellectu attribuitur.

Instabis. Ex doctrina istius solutionis sequitur, nomine Dei, non intelligi à negante Deum id, quo maius, aut excellentius, cogitari non potest, sed id, quo maius, aut excellentius cogitari non posset, si daretur; nam tantum fatetur, quod perfectius omni Ente esset, si existeret à parte rei; quod quia illi negat, etiam illud ob defectum exercitij existentiae entibus existentibus postponit. Ergo non habet noticiam completam huius nominis, Deus, quod significat id, quo maius cogitari actu non potest, quam noticiam, si haberet, prorsus attribueret Deo esse, prout intendebat Obiectio.

Resp. supponendo, dupliciter nos posse de rerum perfectione loqui, vel in actu exercito, vel in actu signato. In actu signato quidem; quando comparamus rerum essentias, inter se, praeciso exercitio existendi, ut v. g. quando comparo essentiam hominis cum essentia lapidis, & dico, essentiam hominis longe perfectiorem esse essentia lapidis. In actu vero exercito; quando comparo res existentes, vel utraque vel unam existentem cum alia non existente; & hoc modo aliquid potest esse imperfectius alio, quo fuit secundum primam comparisonem perfectius, v. g. lapis existens est perfectior, quia actualior homine non existente, utpote cui maxima perfectio deest, nempe esse; quod tamen non sol-

lit quominus homo absolute, & sine ulla restrictione, vel reductione loquendo, sit perfectior lapide, & hoc ideo, quia excessus in perfectione, competit rebus, secundum suas rationes essentiales, & specificas, quamuis cum ordine ad existentiam, de quo supra, quo respexit Philosophus, cum dixit: *Species esse, sicut numeros*, idest in perfectione inaequales, quo supposito, ad propositam instantiam.

Resp. negando illatam ex doctrina nostrae solutionis sequellam. Vere enim negans Deum esse, poterit nomine Dei, intelligere ens, quo perfectius cogitari non potest; quia ipsi nobilissimam naturam, & proprietates, naturam consequentes attribuit, quas nullum ens existens assequi potest: quod autem non attribuat existentiam, tantum sequitur, quod in actu exercito quodlibet ens existens iudicet perfectius illo ente, quod concipit, & hoc ob defectum solius exercitij existentiae; non tamen in actu signato, & quantum ad essentialia, secundum quae attenditur excessus in perfectione specifica, vel generica; itaque negans, Deum esse, poterit cogitare ens perfectissimum, quo perfectius cogitari non potest in actu signato, quamuis ob carentiam existentiae exercitij, etiam ipsius perfectionis illi exercitium denegabit.

Tertium argumentum contra eandem Conclusiōem. Quod à quolibet homine sine ullo discursu, sed simplici intuitu cognoscitur: illud est homini per se notum;

□□□□□ Sed

Sed Deum esse à quolibet homine simplici intuitu, & sine vilo discursu cognoscitur. Ergo &c. Maior patet, & prob: Minor, nam quod ab homine cognoscitur in primo instanti vsus rationis, cognoscitur sine discursu, & simplici intuitu; quia illud vnicum instans non paritur discursum. Sed Deum esse, cognoscitur in primo instanti vsus rationis, nam in sententia Angel: Doct: puer in primo instanti vsus rationis tenetur se conuertere ad Deum, & quod si se non conuerteret, peccaret. Ergo pro illo instanti debet scire, Deum esse; quia si nesciret, neque peccaret, licet se ad Deum non conuerteret; neque simpliciter se conuertere posset ad eum, quem esse nesciret, &c. ignoti enim nulla cupido, &c.

Resp. Concedendo maio: & negando min: ad cuius probationem dicimus, Puerum in instanti vsus rationis non teneri conuertere se ad Deum explicitè: nam ad hoc prærequireretur pro tunc cognitio existentie Dei, (vt optime probat argumentum) quam tamen multi infantes non habent, sed sufficit, quod se conuertat ad Deum implicite faciendo scilicet id, quod Deus vult, v.g. fugiendo malum, & inquirendo bonum, quod lumine nature monstrante cognoscit tale; ad quod, (vt patet) non præquiritur cognitio explicita existentie Dei. Hæc solutio est S. Tho: de Verit: quæst: 4. art: 11. ad 1. Potest circa hæc videri. Tomus 4. Saluat: de peccatis Disputo. dub. 1.

Quartum argumentum (sed potius instantia ex solutione præcedentis Obiectionis accepta) est; quia homo lumine nature cognoscit bonum, & malum, malum scilicet culpæ, nempe peccatum. Ergo lumine eiusdem nature cognoscit Deum esse, sine aliquo discursu, & tanquam Obiectum ipsi per se notum. Anteced: patet; nam si in instanti vsus rationis debet amplecti bonum, & fugere malum, vtrumq; debet cognoscere, alias quomodo posset hoc fugere, illud verò amplecti? nisi vtrumque cognoscens, discernat inter vtrumque. Consequ: verò prob: quia peccatum est dictum, factum, vel cogitatum contra legem Dei, vt illud Theologi definunt; Vnde si Deus non esset, & peccatum nullum esset, iuxta communem Theologorum opinionem. Ergo si homo sine discursu cognoscit bonum, & malum in instanti vsus rationis, cognoscit eodem modo & Deum esse, alias si ignoraret inuincibiliter, Deum esse, neque peccatum cognosceret. Ergo &c.

Resp. concedendo Anteced: & negando Consequ: ad cuius probat: fatemur, non existente Deo, nullum esse peccatum: tùm quia nulla esset lex Dei, contra quam posset delinquitum etiam, quia nullus esset, qui posset delinquere: sublata enim prima Causa, nihil remanet cæterorum; tamen non sequitur, quod qui non cognoscit, Deum esse, non potest peccare; est enim magna differentia inter esse, & cognosci: etenim etsi aliquis ho-

homo non cognosceret explicitè, Deum esse, habet tamen dictamen rationis ostendens, malum esse fugiendum, & bonum amplectendum, & ipso lumine naturæ discernit, etsi non in omnibus, saltem in aliquibus, inter bonum, & malum, ideòq; etiam si, Deum esse, ignoret, tamen peccabit dictamini rationis contraveniendo: iam autem, Deo non existente, dictamen rationis non esset, unde nec peccatum.

Quintum argumentum. Inter Principia practica, hæc propositio est per se nota, (*Deus est colendus.*) Ergo etiam est per se nota, (*Deus est*). Nam si Deus est colendus, debet esse, quia nec de Deo imaginabili, nec de possibili dicimus, colendum esse. Unde Aristot. 1. Top. cap. 4. inquit: *Panaeus, non ratione, indigere, qui dubitant, verum Diis honorandi sint.*

Resp. disting. Anteced: Hæc propositio (*Deus est colendus*) est per se nota, speculatiuè; nego: practicè; concedo. Quod enim practicè est per se notum, debet prius esse notum speculatiuè, quia intellectus extensione fit practicus: ac proinde, si sit obiectum super excedens, & inproportionatum intellectui (quale est esse Dei) poterit præcognosci speculatiuè per discursum, licet practicè sit per se notum.

Resp. secundò, istam propositionem, (*Deus est colendus*) practicè consideratam, dupliciter posse sumi; vel absolutè, vel ex suppositione. Si absolutè sumatur, non est per se nota nobis, si enim ab-

solutè non est per se notum nobis, Deum esse, neque erit absolute per se notum, Deum esse colendum; cum enim aliquid coli actu non possit, nisi quod actu habet existentiam, actualis cultus Dei supponet Deum actuale. Si ex suppositione, tunc est nobis nota ex suppositione; hæc enim propositio (*Deus est colendus*) resoluitur in istam conditionalem, (*Si Deus est, colendus est*), quæ est evidens ex terminis: communiter autem, & absolute solet enunciari, *Deus est colendus*, supponitur enim existentia Dei aliunde cognita. Plura, si placet, in hac materia videri possunt apud P. Andream à Cruce loco cit: supra, & P. Blasium in Metaph: disput: 9. qu. 1.

Sextum argumentum, & vltimum. SS. Patres videntur docere oppositum huic nostræ Conclusioni. S. Damasc. enim lib. 1. suæ Theologiæ Cap. 1. dicit: *Omnēs gentes habent prænotionem quandam cordibus insertam, atque cum illis natam, quod Deus est.* Idem tenet Anselmus in libello contra insipientes, & Hieronymus supra Iob: Cap. 36.

Resp. primò, SS. Patres loqui de præcognitione Dei in comuni, in quantum nobis est per se notum, esse beatitudinem, veritatem, &c. Cæterum hoc non est simpliciter cognoscere Deum, quamvis Deus sit nostra beatitudo, & veritas prima, sicut cognoscere venientem non est cognoscere Petrum, quamvis Petrus sit veniens. Unde multi putabant, bea-


beatitudinem summam consistere in voluptatibus, vel diuitijs, vel in alijs, quæ utique Deus non sunt. Et licet sic nobis per se notum, dari Veritatem in communi, non tamen primam Veritatem, quæ est Deus, quia sicut in causis, ita & in veritatibus non est per se notum, non dari processum in infinitum.

## DISPUTATIO

## SECUNDA.

De Quid est Entis Increati, seu quale non sit.

**P**ost quæstionem, *An est*, Entis Increati, siue Dei, sequitur discutienda quæstio de *Quid est Dei*. Et quamvis non humanum tantum, sed omnis creati intellectus caprum hæc excedant, secundum quod nihilominus radius Diuinitatis sub creaturarum velaminibus lucere potest, conandum est de ineffabili aliquid effari, & de incomprehensibili aliquid apprehendere, ad illuminationem mentium nostrarum deseruiens, iuxta illud Prophetæ: *Accedite ad eum, & illuminamini, & facies vestra non confundentur*.



## QVAESTIO I.

*Vtrum Essentia Entis Increati sit Ens simplicissimum, omnis expers compositionis.*

**S**upponendum primò, Compositionem, aliam esse physicā, aliam metaphysicā, aliam logicā. Physica rursus, alia est essentialis, quæ est ex materia, & forma; alia Accidentalī ex subiecto, & forma accidentali. Metaphysica verò compositio est illa, quæ confurgit ex partibus metaphysicis, seu ex essentia, & existentia, ex Natura, & subsistentia. Logica tandem, ex partibus rationis coalescens, quæ & Compositio rationis vocari solet, est compositio ex genere, & differentia, &c. Sic igitur S. Thomas 1. p. quæst. 3. de simplicitate Dei tractans, per omnes hæc compositiones discurret, easdem remouendo à Deo, ut ita concludat tandem, Deum esse Ens simplicissimum: ad cognitionem enim Diuinæ Essentiæ perfectius peruenimus, per negationes ostendendo, quid non est, quam per affirmationem, vti docet D. Dionysius de cœlesti Hierarchia cap. 2.

Supponendū est secundò, quod sicut in omni alia re, sic etiam in Diuina Essentia, primum quid, quod possumus concipere, est ratio entis, non qualiscunque, sed entis à se, seu necessariissimi, ad quam, ut ad rationem à priori, om;

Omnes alie in Deo inuentæ consequuntur. In primis enim consequitur quodamodò ratio Actus puri. Nam eo ipso, quòd Deus sit Ens omninò necessarium, hoc est, quod omninò necessariò est, seu existit, & ita ab intrinseco est determinatum ad esse, (hoc enim explicat conceptus necessarij) esse, seu existentia debet esse de essentia ipsius, aliàs non essentia-liter ipsi, sed accidentaliter competere, cum quidquid est extrà essentiam rei, accidentaliter ipsi competat, præsertim, quando sub opposito eius cõcipi potest; quod de ente omninò necessariò, respectu existentiz, verificari nequit: iam verò hoc ipso, quòd existentia sit de conceptu quidditatio-entis omninò necessarij, sequitur, quòd illud sit actus purus; actus enim ille purus dicitur, qui caret omni potentialitate, idest, qui ad nihil est in potentia: Ens autem, de cuius conceptu quidditatio est ipsum esse, ad nihil est in potentia, quia tota latitudo entis, proinde omnis perfectio, clauditur intra terminos essentiz, & existentiz, tanquàm intra primũ, & vltimum; & ita, quod essentia-liter fuerit existens, sic actu, & essentialiter in se includens terminos totius latitudinis entis, respectu omnium erit in actu, ac per consequens ad nihil in potentia; ergo erit actus purus. Ex quo deinde sequitur summa immaterialitas; hæc quandoquidem fundatur in actualitate: in ente autẽ necessario, vtpotè actu puro, inuenitur summa actualitas; ergo &

immaterialitas, quam sequitur infinitas. Esse namque, conceptum quidditatio intrans, est per se subsistens, & irreceptum; ergo, & illimitatum, seu infinitum, quia actus, sicut & esse, non limitatur, nisi à suo receptibili, quod est potentia; irreceptum igitur esse, & per se subsistens, non erit limitatum, ac proinde infinitum. Quibus præmissis, quamuis non sit difficultas inter Autores circa exclusionem compositionis realis à Deo, eiusque essentia, aliqui tamen tenent, posse admitti in Deo compositionem logicam, seu rationis, quæ est ex genere, & differentia: quæ sententia tribuitur aliquibus Nominalibus, in eamq; inclinat Vasquez in 1. p. disp. 22. cap. 3. Pro resolutione

Dicendum primò, in Deo non datur Compositio physica ex materia, & forma, nec ex subiecto, & accidentali forma. Ita D. Thom: 1. p. q. 3. a. 2. & 6. Probatur, in Deo nulla realis potentialitas potest inueniri. Ergo nec compositio physica. Consequenter patet, quia in hac realis potentialitas inuenitur, scilicet, materia, vel ratio subiecti respectu formarum accidentalium. Antecedens constat, nam in actu puro nulla realis potentialitas inuenitur, cum hæc excludatur à puritate actus. Sed Deus est actus purus, vt ex præsuppositione secunda patet. Ergo &c. Hinc deducitur etiam, quòd in Deo nec compositio metaphysica possit inueniri. Nam inter componentia debet dari distinctio; compositio enim, ex vi nominis, est plu;



plurium in vnum positio; quod sine distinctione inter componentia stare nequit: Sed esse, & essentia in Deo non distinguuntur, cum sit suum esse subsistens, & actus purus, vt modò dictum est. Ergo nec faciūt compositionem metaphysicam. Circa hæc videri possunt rationes efficacissimæ Diui Thomæ loco cit.

Dicendum secundò. In Deo nec rationis etiam, siue logica, compositio admittenda est, ex genere, scilicet, & differentia. Prob: ratione desumpta ex D. Tho: Cōpositum ex genere, & differentia, includit aliquid potentiale. Sed in Deo nil potest inueniri potentiale. Ergo neque compositio ex genere, & differentia. Maior constat; quia genus, cum sit indifferens quid, & determinabile à differentia, vt ab actu sibi correspondente, debet esse potentialis quædam ratio. Ergo compositum ex genere &c. Minor etiam patet: quia in actu puro, qualem esse Deum ostensum est, nihil potest inueniri potentiale.

Dices. Ratio potentialis generica, quam in Deo ponunt aliqui, fundatur in nostris conceptibus, & non in Deo, proinde nihil obest puritati actus in ipso inueniæ. Sed

Contra. Vel illa ratio potentialis generica ita fundatur in nostris conceptibus, quòd nostri conceptus habeant aliquod fundamentum in re, vel ita, quòd absque illo fundamento talis ratio concipiatur, & configatur. Si primum, Ergo illa ratio potentialis

non tantum fundatur in nostris conceptibus, sed etiam in ipso Deo, & sic falsa solutio. Si secundum, Ergo sicut non inuenitur in re concepta illa ratio potentialis generica, sic nec compositio rationis ex illa, & ratione differentiali confurgens, ac per consequens fingitur à nostro tantum, intellectu sine vlio fundamento. Sed

Replicabis fortè, quòd licet ratio generis in creatis debeat concipi, vt quid potentiale, & cum fundamento in re, tamen in Deo, sufficit, vt concipiatur ad modum rationis communis, quamuis non potentialis, sicut dum concipitur ratio substantiæ in illo comparative ad esse intellectuum.

Contra est primò. De ratione generis est, quòd sit quid potentiale. Ergo si in Deo concipitur, aliqua ratio etiam communis, & non vt potentialis, non habebit conceptum generis. Cōseq. patet. Anteced. prob: de ratione generis est, quòd non contineat actu differentias sui contrarias, sed sit in potentia contrahibili ad illas. Ergo de ratione illius erit quid potentiale. Anteced. patet. Si enim genus actu cōtineret differentias, cum vnaquæque species participet totum, quod actu est in genere, quilibet species, haberet in se omnium specierum differentias, & sic vna ab alia non differret, vtpotè easdem habens differentias, quod est absurdum. Ergo de ratione generis est, &c.

Contra est secundò. Non potest concipi illa ratio communis, quæ



quæ ingrederetur compositione; quia vel ita ratio esset ens, vel substantia. Non potest esse ens; quia hoc non est quid uniuocum, sed analogum Deo, & Creaturis, ut supra dictum est; deinde ens est transcendens, includiturque in omnibus formalitatibus, & differentiis: iam autem genus, ut modo dictum est, debet esse extra differentias. Nec potest esse substantia, quia Genus prædicamenti substantiæ habet aptitudinaliter tantum, seu radicaliter esse per se, & deinde subistere accidentibus; esseque subiectum contrariorum habet per modum præteritis. Sed Deus non potest habere hæc perfectatam aptitudinalem, seu radicalem; conuenit enim illi semper actualis, & exercita; est enim suum esse per se subsistens; non potest quoque subistere accidentibus, aut esse subiectum contrariorum; est namque, & debet esse ab intrinseco immutabilis. Ergo substantia non potest esse genus, seu ratio communis, ex qua Deus componitur. Ex dictis iam concluditur, & generaliter

Inferitur, Deum esse ens simplicissimum omnimodè; cum enim simplicitas sit negatio compositionis, & Deus non possit dici absolutè compositus; alias non esset prima Causa, ut docet S. Thomas; quod enim est compositum, debet supponere causam adiuuantem extrema diueria, ex quibus sit compositum, dum conueniunt in vnum; immò Deus non esset ens primum; compositum enim est posterius parti-

bus, vel extremis componentibus totum; iam verò prius, & posterius in Deo inueniri non potest; excludit igitur Deus absolutè compositionem; in particulari quoque loquendo, excludit compositiones quascunque tales, ut probatum est; nam non est compositus ex materia, & forma; quia est summe immaterialis ab omni materia, & potentialitate abstractus; nec ex actu, & potentia; quia est actus purissimus; nec ex subiecto, & accidente; quia est immutabilis; nec ex natura, & supposito; quia est per se subsistens; nec ex essentia, & existentia; quia est suum esse; nec denique ex essentia, & attributis, aut relationibus; quia inter ista non datur distinctio aliqua actualis, formalis, aut modalis, ut infra ostendetur. Cum igitur non restet alius compositionis modus, præter enumeratos, si his omnibus Deus caret, concludendum est, quod Deus sit entitas simplicissima; immò ipsa eminentissima Simplicitas, quam describit Boetius in prosa de Trinitate sic: *Simplex esse, simplex posse, simplex velle, simplex nosse. Cuncta sunt simplicia.*

### *Soluuntur Argumenta contraria.*

**P**rimum argumentum probat, quod in Deo ad minus compositio rationis admitti debeat. Compositio per conceptus nostros non obstat puritati actus in Deo inuentæ. Sed compositio

rationis, qualis est ex genere, & differentia, est per conceptus nostros. Ergo non obstat puritati actus &c. Minor communiter admittitur. Maior probatur sine detrimento purissimæ simplicis itatis Dei, ponimus distinctionem inter attributa Divina, & iterum componimus, & constituimus Deum per nostros conceptus imperfectos: similiter ex essentia, & relatione componimus Personam. Ergo compositio per conceptus nostros imperfectos non obstat &c.

**Confirmatur.** Non repugnat in Divinis concipi aliquid prædicatum, ut contrahibile, & aliquid, ut determinans, & contrahens. Ergo neque per modum generis, & differentię. Siquidem differentia non habet aliā actualitatem respectu generis, nisi determinare illud. Anteced: probatur in absolutis, tum in relatiuis. In absolutis; quia concipimus substantiam Dei, ut prædicatum commune, & intellectuum, ut prædicatum magis determinatū, & tale intellectuum, scilicet actus puri, ut ultimò determinatū, &c. In relatiuis autem; quia Persona, & relatio Divina concipitur, ut communis secundum rationem, ad hanc, & illam personam, ut docet D. Thom: 1. p. qu. 30. & 4. Ergo non repugnat, aliquid concipi in Deo, ut contrahibile, & determinabile; aliquid verò, ut contrahens, & determinans. Denique Deus potest concipi, per modum termini communis sine singularitate. Ergo etiam

ut contrahibilis per singularem differentiam; sicut etiam Angelus potest concipi, ut contrahibilis per differentias individuales, licet in re non possit illas habere, idcirco solum; quia concipitur ad instar rerum corporearum. Ergo similiter Deus conceptus ad instar corporearum creaturarum poterit concipi, ut communis, & contrahibilis.

Resp. ad primum argum: distingu: mai. Compositio per conceptus nostros non obstat puritati actus, &c. Compositio, quæ fit penes maiorem explicationem, seu expressionem eiusdem actualitatis. Concedo, quæ fit per additionem unius ad aliud per modum determinationis actus, & potentię. Nego. Mai: Eodem modo distingu: Min: & neg: consequ: Itaque prima compositio non repugnat puritati actus; quia verè non est compositio, sed summa identitas, & simplicitas, ex parte rei, consistens in eminentia quadam, ratione cuius, unico nostro conceptu imperfecto, explicari non potest, & idcirco additur unus conceptus ad alium, tanquam explicans eminentiam illam, non, tanquam addens, aut accumulans aliquid non inclusum in priori conceptu, sed contrahens id, quod sit magis potentiale. Secunda autem compositio per rationem omnino repugnat Deo, qui est Actus purus; quia aliquid potentialitatis præsupponit, quæ in actu puro nullo modo inveniri potest. Eodem modo intelligi debet compositio relationis, seu per:

sonæ cum essentia, aut vnus attributi cum alio, non per additionem, seu alicuius actualis ad potentiale, sed per summam identitatem, & simplicitatem, qua vnum actus est aliud.

Ad Confirmationem resp. neg: anteced. Ad cuius primam prob. dicendum est, substantiam Dei posse concipi prædicatum commune secundum præcisionem negatiuam, hoc est concipiendo ipsam naturam, & non singularitatem. Concedo: secundum præcisionem positiuam, ita quod accipiat vnum, vt vniuersale, & contrahibile, per modum potentialitatis, & aliud per modum contrahentis determinantis, & actus. Nego anteced: Itaque Natura Diuina potest concipi sine singularitate, proinde, vt quid commune secundum præcisionem negatiuam; quia adhuc, non requiritur, quod concipiatur cum aliqua potentialitate, sed sufficit, quod non adæquatè concipiatur à nobis, concepta eius quidditate, & non modo singularitatis; sicut concipitur natura sine personis, & vnum attributum sine alio; non quia concipitur, vt in potentia ad illud, sed vt actu includens; non tamen actu exprimens illud: vt autem eadem natura concipiat secundum præcisionem positiuam, vt contrahibilis scilicet, & multiplicabilis ad plura singularia, requiritur, quod talis natura concipiat, vt non includens singularitatem ipsam, seu vt existens in potentia ad illam, quod repugnat conceptui Actus puri,

Ad secundam probat. resp: verbis Angel. Doct: ex loco citato 1. p. quæst. 30. art. 4. ad tertium: *Licet persona communitas sit communitas rationis, & non rei, tamen non sequitur, quod in Diuinis sit vniuersale, vel particulare; genus, vel species. Tum quia neque in rebus humanis communitas personæ est communitas generis, vel speciei. Tum quia Personæ Diuina habent vnum esse in se; genus autem, & species, & quodlibet vniuersale prædicatur de pluribus secundum esse differentibus.*

Ad vltimum patet ex dictis. Licet enim Deus possit concipi, vt communis quasi negatiuè; non tamen positiuè, tanquam genus, vel species. Nec est simile de Angelo; huic enim conuenit compositio ex actu, & potentia, & sic conuenit etiam ratio generis; & licet species Angelica non distinguatur à principio indiuiduante; tamen si concipitur inadæquatè sine singularitate, (sicut etiam potest concipi Deus) non solum illa species redditur subijcibilis, sed etiam ex vi illius inadæquatè conceptus redditur prædicabilis de multis non repugnanter; quia sic concipitur, vt in potentia ad plura, non quæ actu illi conueniant, sed non repugnanter, quantum est ex vi talis conceptus inadæquatè, licet aliundè repugnent plura indiuidua, si adæquatè concipitur natura Angelica: ac verò natura Diuina, etiam inadæquatè concepta per imperfectos nostros conceptus, non potest reddi prædicabilis, etiam non repugnā;

ter; quia repugnat conceptui actus puri concipi in potentia ad plura (quod requiritur ad prædicationem speciei) cum ratio actus puri excludit omnem potentialitatem; sine conceptu verò actus puri non concipitur natura Divina, ac proinde nullo modo poterit concipi, ut vniuersalis, & prædicabilis.

Secundum argum: In Deo datur compositio ex natura, & supposito. Ergo &c. Anteced: est S. Tho: 1. p. quæst. 3. art. 3. ubi docet, naturam, & suppositum in Deo, eo modo se habere, sicut se habent in his, quæ non sunt composita ex materia, & forma. Sed in talibus suppositum, & natura faciunt compositionem; cum distinguantur inter se, ut idem S. Doctor docet Quodlib. 2. art. 4. Ergo in Deo &c.

Resp. negan. anteced: Ad cuius probat: dicendum est, S. Doctore comparasse carentiã compositionis physice cum Deo, quantum ad identitatem naturæ, & suppositi, secundum ea, quæ importat suppositum in illis, tam radicaliter, quam formaliter sumptum; Et quia radicaliter acceptum non distinguitur à natura in immaterialibus; nam suppositum radicaliter sunt principia individuantiæ radice substantiæ, quæ quidem principia in substantijs immaterialibus nõ distinguuntur à principijs specificis, & consequenter à natura, ideo concludit S. Doctor, quòd sicut in illis, sic in Deo suppositum, & natura non differant, nec proinde faciant com-

positionem; quia tamen substantiæ immateriales eo ipso, quòd creatæ, non habent tantam immaterialitatem, ut omnem prorsus excludant potentialitatem, etsi suppositum radicaliter in ipsis acceptum, identificetur cum natura; non tamen formaliter sumptum pro ultimo actu, & complemento lineæ substantialis; quia ob sui potentialitatem, & defectum puritatis actus, non possunt pertingere à prima potentialitate lineæ substantialis, vsque ad ultimam actualitatem ipsius, quæ est actus substantiæ absque distinctione reali; è contra verò, quia Deus est summè immaterialis, & purus actus absque vlla reali distinctione, pertingit ad ultimum actum constitutivum suppositi; ac proinde in illo suppositum, & radicaliter, & formaliter sumptum, non differt à natura, siquæ nec facit compositionem, secus in Angelis.

## QVAESTIO II.

*Quenam ratio ex rationibus in Deo inuentis sit constitutiva Naturæ Diuinæ formaliter sumptæ.*

Quamvis ista Quæstio ordinariè tractetur à Theologis, ut videre licet apud nostrum Salmat: Tract. de sciëntia Dei, disp. 4. dub. 1. & 2. quia tamen Me-

Metaphysica sortitur aliquo modo etiam nomen Theologiæ, incipiendo tractare intra suam abstractionem de Ente increato, & natura Dei, ut entitas improducta est, permittendum est ipsi, ut rudius saltem minueretur ratione Entis increati, & naturam Diuinam sub præciso conceptu nature per præcisionem suam Metaphysicam attingat. Pro quo

Supponendum est primò. Non posse nos de illa simplicissima, & eminentissima entitate aliter discurre, nisi per conceptus nostros imperfectos, & præcisiones Metaphysicas vnum conceptum præscindendo ab alio, & considerando vnum non considerato alio; non tamen absolute negando, vnum includi in alio, & sic dupliciter fit ista præcisio. Primò per non inclusionem; quando aliquid, ita segregamus mente ab alio, quod non habeat illud, sed sit in potentia ad illud, dicendo hoc non est illud absolute, hoc excludit illud. Secundò per non expressionem; quando aliquid includit quidem actu aliud, sed non exprimit, nec explicat illud, & sic à nobis concipitur quidem inclusum, sed non sub expresso conceptu, nec explicitè, ad similitudinem in creatis; ubi etiam talis præcisio potest fieri v.g. dum concipitur homo sub conceptu generis proximi, scilicet animalis, & ultimæ differentię, scilicet rationalis, concipitur essentia hominis, quamuis non explicet gradus superiores, scilicet corpus, substantiam; qui tamen gradus sunt homini essentialis, & sic

essentia hominis ab istis gradibus non præscindit præcisione exclusiua, quasi illas rationes essentialis, & gradus non includat, vel sit in potentia ad eos, sed præcisione non expressiua, seu per non expressionem, seu per non explanationem; quia licet ibi includantur, nihilominus ibi non exprimuntur. Sic ergo Essentia v.g. Diuina, dicitur præscindere ab attributis, & rationibus, quas includit; nunquam enim ab illis sic præscindit, quod maneat in potentia ad illas, sed potest explicare sic vnum, quod non aliud, licet omnia essentialiter includat, quia non plenè, & totaliter explicatur totum, quod pertinet ad essentiam.

Supponendū est secundò. Naturam Diuinam, ex vi prædictæ præcisionis, duplicem posse habere conceptum. Vnum commune cum alijs, quando concipitur sub conceptu entitatis increatæ, entitatis à se, vel substantię per essentiam. Alterum propriū, & expressum; quando concipitur, ut est radix operationum, & eorum, quæ concipiuntur per modum proprietatum, & quasi passionum dimanantium in Deo. Consequenter, ut est ratio à priori attributorum; Natura enim sub conceptu expresso nature, concipitur tanquam id, quod est principium motus, & quietis in se. In presenti non quærimus de natura primo modo supra; sic enim non intelligitur constitui, sed transcendi cum omnibus Diuinis à ratione entis à se: & ista quasi con-

constitutio, in ratione entitatis increata, per ens à se, seu à seipso, ut aliqui nominant abusivè; nam hoc modo potius dicitur transcendencia, quam constitutio, de qua transcendencia vide supra Tractatu 1. disput. 2. quæst. 2. & disput. 4. quæst. 4. Quæstio igitur currit de natura, ut est radix attributorum. Quid est illud, quod naturam constituit in ratione radicis attributorum, & operativum? per quid talis expressus conceptus ultimatè confurgit in essentia Divina? Loquimur autem hic de constitutio per simplicitatem, qualis est, dum Deitas constituit Deum, & Paternitas Patrem, secundum illa, quæ in recto dicuntur; constitutivum enim per compositionem, quæcunque illa sit, iam est exclusum ab entitate simplicissima in præced. quæst. in constitutione autem per simplicitatem constituens tantum ponit seipsum, nec inducit distinctionem.

Supponendum est tertio. Nominine rationis, aut rationum in titulo quæst. non intelligimus, rationes transcendentales, vel communissimas, quales sunt rationes entis increati, entis Divini, entis à se, substantiæ increatæ per essentiam, &c. nam absolutè rationes transcendentales, (etiam in creatis, ut v.g. ratio entis, unius, Boni) non sunt constitutiivæ rerum in certo, & determinato gradu naturæ, nec intrant conceptum, aut definitionem rei; ut colligitur ex Casetano de ente, & essentia, cap. 4. dicentis: *Non oportet omnia*

*prædicata essentialia poni in definitione, sed ea tantum, quæ explicant alium gradum essentialem definiti, qualia non sunt transcendentalia, de quibus d. Sum est quod eundem gradum prædicant, quem genus, & differentia important.* Vide in illo p. 1. a. Neque etiam sumitur ly ratio, in titulo pro aliqua ratione ex particularibus v.g. ratio iustitiæ, ratio misericordiæ, ratio præmiandi, puniendi, &c. quia ex his nulla potest constituere, nec intrare conceptum naturæ, sed omnes supponunt naturam constitutam. Intelligitur ergo ly ratio, pro formali, & essentiali ratione ex illis, quæ propriè concipiuntur, ut gradus quidam essentialis, ad constituendam naturam aliquam in creatis requisiti, & istæ rationes essentialis possunt concipi tres, *Esse, scilicet Vivere, & Intelligere*, (quatuor enim gradus entis ad constituendam aliquam naturam, ut docent cum Aristotele nost. Complut. in lib. de Anima, scilicet essendi, vivendi, sentiendi, & intelligendi, excluso igitur à Deo gradu sentiendi ob imperfectionem, quam involuit, erunt solum tres enumerati, qui ad Deum translati debent concipi, ut habiti à se, ne dicantur communes Deo cum creaturis, vel adstruatur in Deo convenientia in esse, vivere, & intelligere creato. De his ergo rationibus currit difficultas præcipuè. Vtrum istæ rationes (intellige, ut à se habitæ) concurrant simul ad constituendum, nostro modo imperfecto intelligendi, conceptum naturæ Divinæ

sumpta

sumptæ sub conceptu formali naturæ, & si concurrunt, quænam ratio ex istis habeat se ad instar quasi rationis differentialis, & constituentis essentiam Diuinam in ratione radicis attributorum. Quod ut clariùs percipiatur.

Supponendū est quartò. Sicut essentia completa (ad cuius similitudinem concipimus Essentiam Diuinam) in creatis petit gradum communem contrahibilem, vel etiam plures communes, & gradum differentialem, tanquam contrahentem, ad hoc, ut proprietates, & attributa ab illa dimanent, sitque radix operationū (prædicti enim gradus prius in re concipiuntur) ita Essentia diuina, ad hoc, ut in ratione radicis attributorum concipiatur, videtur petere, ex tribus prædictis rationibus scilicet, ex *esse*, *uiuere*, & *intelligere* (non enim alias rationes concipere possumus, cum iam excluderimus à constitutiuo rationes transcendentes, & communissimas) rationem essendi, & uiuendi, tãquam gradus quosdam contrahibiles, rationem autem intelligendi, tanquam rationem, quasi contrahentem ad constituendam vnã rationem naturæ Diuinæ, & sic adhuc extenditur difficultas: Vtrum essentia Dei (supposita prius inclusa in se ratione essendi, & uiuendi) hoc ipso, quod concipiatur ipsa, ut includens intelligere actuale, statim concipiatur habere rationem, quasi differentialem constitutiuam sui in ratione radicis attributorum: An statim dicat in-

recto intelligere, ita ut ante intelligere actuale nulla præsupponatur ratio concepta à nostro intellectu per modum, quasi differentiz, aut constituens in ratione recti, & ita quod essentia, & intelligere quoad rectum, nullo modo distinguatur etiam virtualiter inter se, sic igitur sensu quæstionis explicato, coincidunt facillè sententiz, ex quibus vna adstruit sufficienter constitui naturam Diuinam in ratione naturæ per rationem substantiæ spiritualis à se, vel entitatis increatæ (præcisam intellectualem, & intelligere.) Alia dicit requiri quidem intelligere, sed radicale tantum, seu in actu primo, non in actu secundo sumptum. His tamen non obstantibus.

Dicendum est primò. Rationem Substantiæ spiritualis à se, vel per essentiam, rationem entis increati, vel infiniti, &c. non esse rationem constitutiuam naturæ Diuinæ formaliter sumptæ. Probatur Conclus. fusè à Salmat. vbi & instantiz contra rationes soluntur loco citato, vltra quas rationes adducitur alia. Si Substantia spiritualis per essentiam, vel alia ratio ante conceptum intellectus, esset constitutiuam naturæ, sequeretur, scientiam Dei, & alias virtutes intellectuales non esse attributa ordinis istius. Sed hoc est contra Theologos, qui præter cognitionem illam in essentia Dei, ut in causa respectu creaturarum, concipiunt in intellectu Diuino terminationem cognitionis ad essentiam Diuinam, ut habet emi-

nen-

neer esse rationem agibilem, & sic ponunt Prudentiam, ut habet rationem per se notæ, & sic ponunt intelligentiam, ut habet rationem factibilem, & sic Artem, ut habet rationem altissimæ Causæ; & sic sapientiam, quæ ipsam scientiam dicit. Ergo &c. Sequela prob. De ratione attributi est, quod sit perfectio necessaria, formaliter, existens in Deo, consequens naturam illius. Sed scientia Dei, & aliæ virtutes intellectuales, non essent perfectiones consequentes naturam Dei. Ergo &c. Maior patet ex communi consensu, & infra sequenti disputabitur. Minor prob. Perfectiones istæ sunt intellectuales. Ergo non consequuntur essentiam per substantiam spiritualemente a se constitutam. Anteced. patet; non sunt enim ex parte voluntatis se tenentes, quales sunt in Deo affectus, v.g. Misericordia, Iustitia, &c. Conseq. prob. Perfectiones, quæ consequuntur aliquam naturam, vel essentiam, debent ab illa participare immediatè illud, in quo conveniunt; ratione enim istius consequuntur naturam; alias non esset ratio, quare consequerentur hanc essentiam, & non aliam. Sed istæ perfectiones; non participarent immediatè ab essentia, per spiritualitatem a se constituta illud, in quo conveniunt, scilicet esse intellectualem; non concipitur enim iuxta Aduersarios intellectualitas, nec esse intellectuum, ante rationem spiritualitatis per essentiam.

**Probatur secundò**

bet constitui, per illum conceptum, qui facit naturam differre à conceptu illo, qui est attributum, vel relatio, vel alia ratio; debet enim esse distincta in ratione radicis attributorum, ab attributis, & alijs, quæ ipsam consequi concipiuntur. Sed conceptus substantiæ spiritualis à se, vel ratio entitatis increata, infinita, & similes, non faciunt differre naturam ab alijs, quia sunt communes attributis, relationibus, & imbibuntur in omnibus Diuinis rationibus. Ergo &c.

Confirmatur. Per rationem entis à se, vel substantia spiritualis per essentiam intelligitur, non esse ab alio, vel non habere esse ab alio, siue ut à causa, siue ut à principio. Sed non esse ab alio, tam ut à causa, quam ut à principio, non potest esse constitutum, vel distinctum naturæ ab alijs, nec potest esse conceptus naturæ formaliter sumptæ. Ergo &c. Maior patet ex æquipollentia. Minor prob. quia non esse ab alio, ut à causa, est commune Attributis, & Relationibus: Non esse ab alio, ut à principio, non potest esse conceptus proprius naturæ; quia in Filio Natura Diuina est formaliter, & tamen est ab alio, ut à principio, scilicet à Patre. Ergo &c.

Dicendum secundò. Ratio constitutiva Naturæ Diuine, sub conceptu naturæ, est sola actualis, & in actum



dicens: *Sentire, & intelligere quandoque accipiuntur pro quibusdam operationibus: quandoque autem pro ipso esse sic operantium.*

Probat. Conclus. Ratio constitutiva naturæ Divinæ debet esse quid supremum, & actualissimū in gradu, & linea intelligendi; ad hunc enim gradum entis, qui est supremus inter alios requisitos ad naturam aliquam constituendam, debet pertinere natura supremi, & actualissimi entis; & ex isto gradu pro ratione constitutiva, & quasi differentiali, debet desumi id, quod est supremum, & ultimum in isto gradu. Sed nihil actualius, & superius, potest esse in gradu intelligendi, nisi ipsa actualis intellectio, seu intelligere in actu secundo. Ergo ista ratio intellectio erit constitutiva naturæ Divinæ. Maior patet. Minor ostenditur; Quamvis enim aliæ rationes sint actuales in linea intelligendi, habent tamen admixtum, vel de conceptu potentialitatis, vel de ordine aliquo ad aliquid, ut patet de intellectu radicali, intellectu, specie, obiecto, &c. & sic nulla formalitas ita est absoluta in sua actualitate, sicut intellectio, cum sit ultimus conceptus, exprimens ultimam actualitatem lineæ intelligendi: ratio autem constitutiva naturæ debet esse omnimodè absoluta, cum sit constitutiva alicuius omnimodè absoluti, qualis est natura, & quæ

specificativè virtualis. Ergo &c.

Confirmatur; quia, facta comparatione conceptuum in linea intelligendi, nullus ipsorum exprimit maiorem actualitatem, vel ultimam in hac linea, sicut ipsa intellectio. Ergo nullus est actualior ipsa. Anteced: patet ab enumeratione. In linea enim intelligendi isti possunt esse conceptus; Intellectus, Species, Obiectum, Ratio radicalis principij, Operatio, Esse intellectuum subsistens. Sed ex his, nullus ita exprimit conceptum ultimæ actualitatis ordinis intelligibilis: Non intellectus, aut Ratio radicalis; quia hæc concipiuntur per modum actus primi, sicut & species concipitur, ut in actu primo fecundans Intellectum, & sic cum potentialitate quadam. Essentia quoque Divina, ut exprimit rationem obiecti, non exprimit ultimam actualitatem; quia adhuc restat ipsa intellectio. Neque esse ordinis entitativum; quia potest adhuc concipi, ut actuabile per esse ordinis intelligibilis, quamvis absque distinctione virtuali. Neque existere absolute, prout dicit verumque esse entitativum, & esse intelligibile; quia melius exprimitur per intelligere; nam hoc significat verumque munus; est enim intelligere subsistens. Neque esse subsistens; non enim explicat peculiare munus vitalitatis, aut operationis vitalis, immò vivere, ut potè abstractius, prædicatur non solum de operatione, sed etiam de esse in viventibus, ut dicit Philosophus. *de Anima: 37. In viventibus vivere*

est esse. Neque intellectio sub conceptu operationis; quia, sic sumpta, supponit in linea intelligendi quid prius seipsa, scilicet principium, à quo concipitur egredi; cum enim ex conceptu suo sit quaedam emanatio, supponit principium intelligens virale; unde operatio, ex conceptu suo, includit semper *esse ab*, sicut relatio semper dicit ex conceptu suo *esse ad*. Et confirmat dicta ipse S. Tho. quæst. 1. de Potent. art. 1. ad 1. dicendo: *Esse autem de ratione operationis habere principium, non de ratione essentia*. Igitur à sufficienti enumeratione non restat in gradu intelligibili, quod sit magis expressivum ultimæ actualitatis, præter ipsam intellectiōem actualē, seu in actu secundo sumptam.

Dices. *Esse* est cōceptus actualior, & magis expressivus; est enim quid abstractius, quàm ipsum intelligere, siquidem abstrahit ab ipso intelligere, & à contentis sub intelligere: iam verò forma, quæ abstrahit à forma, cum qua comparatur, & ab illis, quæ subduntur illi formæ, consequenter quæ abstrahit à pluribus, est abstractior, atque actualior.

Resp. supponendo, locutionem fieri de *esse* abstracto abstractione formali, aliàs falsum esset, si de abstractione totali sumeretur. Et cum dicitur: *Esse* est abstractius, resp. disting. est abstractius secundum rationem, in quantum dicit formam univ ersaliorem, & ampliorem. Concedo; est abstractius secundum rem. Nego; quia sic sunt vna formalissima entitas,

ex parte nostri modi concipiendi distincta.

Ad probat. resp. Illa forma est abstractior, &c. quæ abstrahit à pluribus disting. si inter illa plura non inveniatur æquivalens ipsi in perfectione. Concedo; si inveniatur. Nego: & sic est in presenti; nam inter illa intelligere, à quibus dicitur *Esse* abstrahere, inveniatur Intelligere Divinum, quod cōtinet quidquid est actualitatis, & perfectionis in *Esse*; sicut quavis Ens abstrahit à Deo, & Creaturis, non tamen dicitur abstractior ratio entis, vel actualior, quàm Deitas; quia Deitas dicit totam perfectionem, & plenitudinem entis.

### Soluntur Argumenta.

**P**rimum Argumentum. Ratio constitutiva Naturæ Divinæ non potest esse quid distinctum virtualiter à Natura, debet enim esse eiusdem lineæ. Sed intelligere distinguitur virtualiter à Natura, & *esse Dei*, ut dicit S. Thom. 1. p. q. 26. ar. 2. *In Deo non est aliud esse, & intelligere secundum rem, sed tantum secundum intelligentiæ rationem*. Ergo &c. Nec potest explicari S. Doctor de distinctione rationis ratiocinantis, & ex parte nostri modi concipiendi; quia idem in 1. ad Anibal. disting. 35. qu. 1. art. 2. ad 3. explicat se, dicens: *Sicut intelligere est idem in re cum essentia, sed differens ratione, ita & velle*. Sed velle, ut potè alterius lineæ, distinguitur ratione ratiocinata, & virtualiter.

Ergo

Ergo, & intelligere.

Resp. valere solutionem datā; loquitur enim de intelligere sciēfico, non de essentiali: iam verò intellectio, sub conceptu scientiæ, est attributum, & distinguitur virtualiter ab intelligere constitutino Essentia, sicut & velle, ut deducunt nost. Salmatic. Tract. de Scient. Dei, disp. 1. dub. 4. Vel etiam potest explicari, quod ibi sumat Essentiam Dei sub conceptu transcendentali substantiæ increatae, entis increati: hoc modo autem, sicut intelligere, sic & velle, distinguitur virtualiter.

Secundum Argumentum. Ratio constitutiva alicuius non debet aliquid supponere in re; est enim ipsa quid primum in re. Sed intelligere supponit nostro modo concipiendi quid prius, supponit enim rationem principij; est enim operatio; hæc autem ex suo conceptu dicit emanationem quandam à principio. Ergo &c.

Resp. negando minorem. Ad probat. Operatio supponit rationem principij; disting: Operatio finita, & limitata, quæ formaliter tantum est operatio. Concedo. Operatio infinita, quæ eminenter formaliter habet rationem operationis. Nego: talis enim operatio est formalissimè ipsum operans, & tale est intelligere Dei, quod eminenter habet rationem operationis, & identificatur cum specie intelligibili, cum principio radicali, & proximo, & alijs, non secus, ac Anima rationalis continet eminenter formaliter vegetativum, & sensitivum, estque in-

homine principium viuendi, & sentiendi.

Tertium Argumentum. Intelligere Dei supponit obiectum, in quod tendat. Sed hoc non potest esse aliud, nisi Essentia Dei, seu Natura. Ergo supponit illam. Ergo non constituit. Minor pater. Maior suadetur; quia si non supponeret obiectum, haberet seipsū pro obiecto. Ergo, cum esset intellectio sui ipsius, esset actus reflexus, qui in Deo esse non potest.

Resp. Supponit suppositionem nostram modo intelligendi, sed identificatum omnibus modis cum intelligere, sine vlla distinctione virtuali, ut loquitur S. Thom. 1. p. q. 14. ar. 2. *In Deo intellectus, & intellectum sunt omnibus modis idē.* Ad probat. resp. Intelligere posse esse actum reflexum, & directum simul eminenter: reflexum, quidem; est enim intelligere sui directum; quia non habet aliud obiectum, ad quod per se primò tendat.

Instabis. Intellectio non potest esse primum intelligibile. Ergo debet supponere intelligibile, seu obiectum distinctum ratione. Conseq. pater. Anteced. prob. Volitio non potest esse primum volibile, ut docet S. Thom. 1. 2. q. 1. a. 1. Ergo nec intellectio &c.

Resp. disting. Antec. in creatis. Concedo; in Divinis. Nego. Ad probat. dicendum, S. Doctorem, loqui de volitione, & volibili in creatis, non in Divinis. Et ratio est; intellectio enim in creatis causatur ab obiecto, & intellectu, &

Q q q q 2 hic

fic, ne sit idem causa sui ipsius, debet supponere obiectū distinctum: intellectio autem Divina, non est quid causatum. Rursus assignari potest ratio disparitatis; volitio enim, cum sit inclinatio consequens ad naturam, supponit aliquid prius, scilicet bonum naturæ, quod debet primò velle intelligere autem non, cum sit prima operatio Naturæ intellectus, & id; à quo originantur aliz.

Quantum Argumentum. Terminus Naturæ non potest esse constitutum Naturæ; terminus enim est quid posterius. Sed intellectio actualis est terminus Naturæ; est enim existentia ordinis intelligibilis. Ergo &c.

Resp. verum esse de termino, qui est talis formaliter, non qui est eminenter formaliter terminus, qualis est intellectio illa Divina, eminenter continens propria, & Naturæ, & termini Naturæ; cumque Natura, & terminus Naturæ sint eiusdem lineæ, æquivalentia illa, ut potè pluribus ad eandem lineam pertinentibus, nō inducet distinctionem virtutalem, & sic potest intellectio illa obire munera, scilicet, munus constitutivi, & munus termini Naturæ, seu existentiz; sicut ob istam rationem eminentiz, & æquivalentiz in Verbo, potuit Verbum uniri Humanitati Christi in ratione termini, non in ratione Naturæ, in ratione existentiz, & subsistentiz ordinis entitativi, non existentiz ordinis intelligibilis.

Alia argumenta solidiora possunt videri in nostris Salmaticens; loco citato.

## DISPUTATIO

### TERTIA.

#### De Attributis Dei in communi.

Postquam determinatum est, dari existentiam Dei, & eius Essentiam, seu Naturam, esse radicem omnium Divinarum perfectionum, ordo rectus postulat, ut de ipsismet perfectionibus Divinis, quæ nomine Attributorum veniunt, agamus. Sit igitur.

### QVAESTIO I.

#### An, & quid sit Attributum Dei.

Supponendū primò, quòd Attributum, ex vi nominis, idem sonat, ac prædicatum quoddam, quod alicui, tanquam subiecto, per prædicationem attribuitur. Illæ ergo perfectiones Divinæ, respectu quarum Essentiam Divinam concipimus, habere se per modum subiecti, eique illas, ut tali, per prædicationem attribuiamus, habebunt nomen, & rationē attributorum, ut ex definitione, aut quasi definitione attributi infra patebit. Circa primum punctum questionis, scilicet: quoad

est

*est* attributi, non est tanta difficultas; soli enim Nominales sunt, qui dicunt, rationem attributi non esse aliquid intra Deum, sed tantum intra intellectum nostrum.

Dicendum primò. Dantur in Deo perfectiones attributales. Probatur. Dantur in Deo perfectiones conceptibiles extra essentiam ipsius per modum proprietatis fluentis ab essentia, & in essentia. Ergo dantur perfectiones attributales. Consequi patet; quia hæc est ratio attributi, ut ex sequenti Conclusi: constabit. Anteced: verò prob: esse bonum, iustum, misericordem, est dicere aliquas perfectiones in Deo; non enim ipsi debent negari, cum nulla ipsi desit perfectio. Sed huiusmodi perfectiones sunt conceptibiles extra Essentiam Dei, quia Essentia Dei consistit in intelligere, ut supra ostensum est: Misericordia autem, iustitia, &c. conceptibiliter sunt extra intelligere, quia sunt perfectiones affectionis Voluntatis, potiusq; important velle, quod est distinctæ lineæ ab intelligere. Deinde per modum proprietatis; nam perfectio necessario consequens essentiam concipitur per modum proprietatis; ut patet etiam in nobis: recensitæ autem perfectiones necessario Essentiam Divinam consequuntur, & non contingenter, ut examinati patet. Ergo &c.

Dicendum secundò, quòd Attributum Dei sit ratio quædam absoluta, necessario, & formaliter in Deo existens, conceptibiliter subsequuta, seu nostro modo intel-

ligendi ad Essentiam per modum cuiusdam proprietatis totalis, & in certa quadam, quasi specie constituta. Conclusio hæc est descriptio Attributi ex S. Damasceno, à Salmatic: Tom: 1. Tract: 3. disp: 1. dub: 4. §. 3. adducta. Et quia definitiones, utpotè prima principia non probantur, sed supponuntur tota; & præcipua probatio huius Conclusionis consistit in explicatione allatæ descriptionis. Ponitur ergo in primis *Ratio* loco generis quia est communis ad rationem Naturæ absolutam, & relativam. Deinde *absoluta* ad excludendas Relationes Divinas, quæ licet formaliter, & necessario sint in Deo, & consequantur conceptibiliter, hoc est ex nostro modo intelligendi, Essentiam Divinam, ex quo tamen non sunt rationes absolutæ, sed relativæ, non possunt esse proprietates attributales Divinæ Essentiæ, sed personales. Dicitur *necessario*, & *formaliter in Deo existens*. Tum, ut ostendatur, Attributum Divinum non esse quid constitutum ab intellectu, aut ipsi contingenter competens, contra Nominales. Tum, ut à ratione Attributi excludantur illa, quæ solum virtualiter continentur in Deo, uti sunt Creaturæ possibiles, sicut & ea, quæ liberè, prout est volitio libera Dei, quatenus talis, formaliter in eo existens. Dicitur *subsecuta ad essentiam*, hoc est, virtualiter, vel secundum nostrum modum intelligendi fundatum in re, ad excludendas omnes rationes essentielles à ratione Attributi, quamvis sint,

sine, quasi genericæ, ut est ens, substantia, viuens, intellectuum, aut quasi specificæ, uti est ratio essendi à se, intelligere per essentiam; Rationes enim essentielles non subsequuntur, sed sunt quid primum inter omnia. Dicitur *per modum proprietatis totalis*, ad excludendas omnes rationes partiales in Attributo inclusas, uti est v.g. Idea talis, vel talis Creaturæ, quæ non est attributum, sed aliquid in illo inclusum. Vltimò ponitur *in certa quasi specie &c.* ut per hoc distinguatur, cum à rationibus cõmunibus, siue transcendentalibus, quæ in eisdem attributis, aut alijs Diuinis rationibus includuntur; cum etiam à rationibus quasi differentialibus ipsorũ attributorum; nam etsi istæ duæ rationes, scilicet communis, & quasi differentialis concurrant ad constituendum Attributum; neutrum tamen ex illis, cum præcisione sumpta, rationem Attributi habet, utpotè inadæquata ratio illius.

### *Soluuntur Argumenta.*

**P**rimum argumentum. Attributum debet esse perfectio consequens essentiam. Sed in Deo non potest dari talis perfectio. Ergo neque ratio Attributi. Maior patet ex descriptione Attributi. Minor prob. Consequi aliud, importat posterioritatem, & posterioritas imperfectionem. Sed in Deo perfectio immixta imperfectioni dari non potest. Ergo &c.

Resp. negando minorem. Ad cuius probat: dist: posterioritas dependentiæ importat imperfectionem. Concedo; posterioritas intelligentiæ. Nego. Et hoc patet præcipuè in originibus; nam Filius concipitur, quasi posterior Patre posterioritate intelligentiæ, & originis; quia ille ab hoc, & nõ hic ab illo procedit; in quo tamen nulla est imperfectio, quia nulla dependentia inuoluitur, ubi est omnimoda æqualitas, & Naturæ identitas.

Secundum Argumentum est Nominalium. Omnis ratio attributi dicit distinctionem ab essentia. Sed nulla ratio intrinseca inuenta in Deo distinguitur ab essentia. Ergo nullum Attributum est intrinsecum. Maior patet ex supra dictis. Minor prob: Non enim distinguitur realiter; quia talis distinctio repugnat Dei simplicitati: nec ratione; quia ratio non potest distinguere extrinsece, quod in re est intrinsece, & essentialiter. Ergo &c.

Confirmatur. Data distinctio, ne, etiam per rationem, inter essentiam, & attributa, vel illa distincta fierent vnum per compositionem rationis; & hoc non; quia tolleretur omnimoda simplicitas, ut ex supra dictis patet; vel per aggregationem, & hoc etiam non; quia obstat summæ unitati Diuinæ, cum vnum per aggregationem, etiam rationis, faciat vnum per accidens, saltim rationis, inuoluens imperfectionem. Ergo nulla poterit inueniri distinctio inter Essentiam, & At-

tri:

tributa Diuina, & consequenter nullum *Attributum*.

Resp. negando minorem. Ad probat. dicendum, rationem illam, in Deo inuentam, distinguere per intellectum, cum fundamento tamen in re. Nec obest probatio in contrarium; nam licet aliqua essentialiter competant rei, si tamen habeant conceptus obiectiuos distinctos, possunt per rationem cum fundamento in re distinguere, ut patet in animali, & rationali, quæ includuntur in essentia hominis. Ad Confirmat. respond. Essentiam, & *Attributa* esse vnum in Deo, non per compositionem, neque per aggregationem, sed per simplicitatem. Non primum, quia nulla, etiam rationis, potentialitas potest inueniri componens cum actualitate, ut dictum est supra. Non secundum, quia plura, facta vnum per aggregationem, afferunt plures existentias; vnum liquidem per aggregationem coniungit ex pluribus in actu existentibus: in Deo autem vnica, & simplicissima est existentia absque vlla, etiam virtuali, multiplicitate; igitur rationes illæ plures, in ipso inuentæ, nec erunt vnum per aggregationem, etiam rationis, sed per simplicitatem consistentem in summa ætus puritate.

Tertium Argumentum contra secundam Conclus. Aæus Dei liber est aliquod *Attributum Dei*. Sed hic, secundum quod talis, non est perfectio necessaria, sed liberè in Deo existens. Ergo non erit de ratione *Attributi*, quod sit

perfectio in Deo necessario existens. Maior prob. quia ætus liber in Deo est aliqua perfectio, cum libertas ætus in suo conceptu non includat imperfectionem. Sed non est perfectio essentialis, nam libertas consequitur Voluntatem, quæ non est in Deo perfectio essentialis, utpotè extra lineam intellectualem. Ergo *attributalis*, & sic *attributum*. Minor verò primi syllogismi patet: potuit enim non esse, potuit non terminari. Ergo ætus liber in Deo non est perfectio necessaria; sed liberè in Deo existens.

Resp. dist. mai. Aæus Dei liber est aliquod *Attributū*, entitatiuè. Cōcedo; terminatiuè. Nego. Min: similiter distinguenda: non est perfectio necessaria in Deo existens, sumpta entitatiuè. Nego; terminatiuè. Concedo. Nam, entitatiuè, est ipsamet formalitas necessaria Diuinæ voluntatis: constat autem, quod formalitas necessaria Diuinæ Voluntatis necessario inueniatur in Deo; at verò quia fundare relationem rationis, hanc, vel illam ad Creaturas, ad quas talis volitio secundariò terminatur, non necessario, sed liberè competit Diuinæ volitioni, hinc est, quod prædicta perfectio ætus Diuini liberi (terminatiuè) non necessario in Deo, inueniatur. Sed circa hæc explicanda immorari non est huius loci. Videantur, cui placet nostri: Salmatic. Tract. de Voluntate Dei, disput. 7. de actu libero dubijs decem.

## QVAESTIO II.

*Quonam modo distinguantur  
Attributa Diuina,  
tūm inter se, tūm ab  
Essentia Dei.*

**C**irca præsentem quæstionem (omissis alijs sententijs) duæ sūt præcipuæ. Prima est Scoti asserentis, Attributa Diuina ab Essentia nō distingui realiter, neque per rationem solam, vt alij sentiunt, sed distinctione quadam media, quam vocat *ex natura rei*; quam distinctionem tradit in 1. dist. 2. quæst. 7. & alibi. Ad quam sententiam reduci possunt, qui agnoscunt, a dū dari distinctionē ante intellectum. Secunda verò est S. Thomæ, & Thomistarum, qui inter Attributa, & Essentiam, ponit distinctionem rationis rationatæ, id est habentis fundamentum in re; quæ etiam solet vocari *eminentialis, virtualis, fundamentalis*: non autem *actualis*, nisi per intellectum. Pro decisione

Supponendum primò, in Schola subtilis Doctoris, in genere distinctionis à parte rei quatuor poni species. Primò, distinctionem realem simpliciter, & positiuè talem, qualis inuenitur inter rem, & rem, vel inter rem, & modum. Secundò, ex natura rei, quæ consistit in hoc, quod à parte rei verificetur contradictio inter aliqua, sicut v. g. quod à parte rei Pater sit incommunicabilis, & Essentia communicabilis. Tertiò, forma-

lem, quæ est, quando datur ista contradictio inter duas formalitates. Quartò, essentialem, quam tunc inueniri dicunt, quando contradictio verificatur inter duas naturas, seu quidditates, siue tales naturæ, & quidditates identificentur cum alijs in aliqua entitate, siue non. An verò distinctio ex natura rei, & formalis sint diuersæ, an reducantur ad vnam, etiam inter ipsos Scotistas dissensio est; quia tamen in hac doctrina de distinctione ex natura rei non modica æquiuocatio lateat.

Supponendū est secundò. Aliud esse, aliqua non identificari inter se ex vi principiorum formalium; aliud verò, quod sint absolute formaliter distincta. Primum negat solum vnam causam identitatis; admittit verò identificationē à parte rei, ex alijs principijs. Secundum verò negat omnem identitatem, ideoque assert omnimodam diuisionem, & distinctionem. Sicut v. g. quando quæritur in Logica: Vtrum natura creata habeat vnitatem formalem positiuè communem? aliud est dicere, naturam non esse diuisam ex vi principiorum formalium, & aliud habere vnitatem formalem vnam absolute. Primum concedūt nost. Complut: nam certum est, Petrū, & Paulum non distingui ex vi principiorum formalium, sed tantum materialium. Cæterum secundum meritò negant; quia, vt absolute idem essent in natura, deberent ex nullo alio capite realiter distingui; hinc apparet subtilitatem Scoti esse potius locutionem

tionem



tionem reduplicatiuam, quam specificatiuam, ita ut sicut admitti potest, Petrum, & Paulum non distinguere formaliter reduplicatiue, licet habeant formas distinctas specificatiue: sic vult Scotus, Sapientiam, v. g. & Iustitiam in Deo non esse idem formaliter ex vi principiorum formalium; quia hæc etiam saluantur in creatis; non tamen specificatiue; cum aliunde, ex modo scilicet illimitato conueniant in eandem formam; & hæc videtur esse mens Scoti in 1. dist. 1. quest. 7. ubi docet, non tam dicendam esse distinctionem formalem, quam negationem identitatis formalis, & secundum hunc modum dicendi, non adeo discedit à communi sensu Thomistarum; verum quia discipuli Scoti in sensu specificatiuo doctrinam eius defendunt, dissentiunt à Thomistis.

Supponendum est tertio. Scholam Thomisticam solum agnoscere duplicem distinctionem, realem, & rationis; sub reali continetur etiam modalis, quæ realis modalis vocatur, mediani inter istas duas non agnoscit. Ad præsens feruit distinctio rationis, quæ duplex est: Alia est rationis ratiocinantis, alia rationis ratiocinatæ. Prior est, quæ fit per solum intellectum, pro suo libitu multiplicantis, & distinguentis rem, quæ nec actu, nec virtute est multiplex & nullum ex parte rei conceptæ, seu obiecti habet fundamentum; quam distinctionem D. Tho. 1. p. q. 41. art. 4. ad 3. vocat distinctionem solum ex modo significandi,

v. g. Petrus est Petrus, ubi Petrus, ut prædicatum à Petro, ut subiecto distinguitur ex solo modo significandi, & ita sine fundamento in re. Posterior autem distinctio, scilicet rationis ratiocinatæ est quidem distinctio per intellectum, sed cum fundamento in re concepta: Fundamentum autem istud est virtualis quædam distinctio, siue quædam eminentia rei, quæ vnica existens, plures rationes, seu perfectiones continet in aliquo esse, sicut eadem anima rationalis plures perfectiones animæ, scilicet vegetatiuæ, & sensitivæ continet; sicut etiam lumen Solis, licet sit vnum actu, nihilominus ratione caloris, siccitatis contentæ, concipitur distinctum, & multiplex. Iam vero fundamentum prædictæ distinctionis ex parte nostri intellectus est imperfectio ipsius, non concipientis adæquatè omnes illas rationes obiecti, sed diuersis conceptibus eas attingentis.

Supponendum est quarto, & aduertendum circa istam distinctionem rationis, dupliciter illam fieri. Primo per actum iudicatiuum affirmando vnum non esse aliud, sed inter se distinguere. Secundò per simplicem apprehensionem, apprehendendo vnum sine alio, non tamen iudicando, ut affirmando, vnum non esse aliud. Ad primam, ut sit vera, & cum fundamento requiritur distinctio in re; veritas enim est per adæquationem ad id, quod est in re. Ad secundam sufficit multiplicitas virtualis, vel eminentia rei, seu

æquivalentia pluribus distinctis; præcipuè ad diuerſas lineas ſpectantibus. Generaliter igitur loquendo, ad hoc, vt illam formet intellectus, non ſemper opus eſſe, iudicare ita eſſe in re, ſicut i, ſe apprehendit, ſed quod res det fundamentum aliter apprehendendi, quam ſit in ſe, & idcò dici ſolet, quòd *abſtrahentium non eſt mendacium*; quia iudicium regulatur penes rem, vt eſt: apprehenſio autem penes conceptibilitatem, quæ importat rem, vt habet modum eſſendi in intellectu, qui poteſt eſſe alius à modo eſſendi in re. Et hinc notat D. Thom. 1. p. q. 84. ar. 1. Platonicos deceptos fuiſſe, dùm à modo eſſendi rerum in intellectu, arguebant, dari idæſſe ſeparatas in re, ſicut concipiebant in intellectu.

ſupponendum eſt quintò: Intellectum noſtrum iſtam diſtinctionem rationis per apprehenſionem dupliciter facere. Primò, per abſtractionem totalem vnius conceptus ab alio. Secundò per non expreſſionem vnius conceptus in alio. Primum aſſert ſecum exclusionem conceptum, ita vt vnus præciſus ab alio per modum ſuperioris remaneat in potentia reſpectu illius; ſicut genus excludit differentiam, & è contra. Secundum ſolum aſſert, non explicationem alicuius implicitè importati; ſicut in conceptu ſpeciei importatur genus, & in conceptu entis importatur proprietas, & è contra.

Tandem aduertendum eſt, quòd prædicta diſtinctio rationis ratio-

cinatæ ab alijs ſoleat vocari Virtualis, Fundamentalis; Virtualis quidem; quia ob eminentiam rei, plurificatus in inferioribus perfectiones, in ſe vnitas continentis, virtute æquivalent pluribus, & diſtinctis. Fundamentalis autem, quia licet intellectui præbeat fundamentum illas vnitas perfectiones diſtinguendi; non tamen inueniret actu ante intellectum diſtinguentem. His ſuppoſitis.

Dicendum eſt primò. Attributa Diuina non diſtinguuntur ab eſſentia Dei, aut ab inuicem realiter, nec ex natura rei, ſine actu ante intellectum Senſus Concluſ. eſt: Attributa Diuina, & eſſentia non tantum communicant in eadem entitate à parte rei, ſed etiam in ead è formalitate, ita ut ante operationem intellectus non ſe habeant, vt actu alia, & alia formalitas abſoluta in Deo. Sic S. Tho: Opus: 9. expreſſè ait. Prima pars Concluſ. probata remanet ex probatione ſecundæ partis; nam ſi Attributa non poſſunt diſtingui ex natura rei; à fortiori neque realiter. Secunda autem pars ſic.

Probatur primò. Attributa Diuina non diſtinguuntur realiter entitatiuè. Ergo neque realiter formaliter, ſeu ſecundum ſuas formalitates à parte rei. Anteced: patet ex eo, quia in Diuinis omnia ſunt idem, ſaltem entitatiuè, vbi non adeſt oppoſitio relatiua. Conſequ: prob: Radix quare perfectionis, & attributa Diuina non diſtinguantur entitatiuè, ſed potius ſunt idem, eſt quia ſunt perfectæ.

fectiones simpliciter simplices illimitato modo habitant, & ob hoc sunt compatibles, nec se excludentes. Sed hæc radix inuenitur in illis, secundum suas formalitates formalissimè sumptis; quia etiam secundum illas sunt perfectiones simpliciter simplices, atque illimitato modo in Deo inueniuntur; sunt enim meliores ipsæ, quam non ipsæ, id est habentes compatibilitatem, ut explicat Caietanus: ad inuicem, nec afferunt differentias se excludentes, propter quod etiam dicuntur ex conceptu suo super prædicamentales: quia non definiuntur ad determinatum genus. Ergo &c.

Confirmatur primò. Distinctio formalis à parte rei oritur ex oppositione differentiarum formalium, ratione cuius se excludunt. Sed hæc repugnat in Diuinis: quia sola oppositio relatiua potest admitti in Deo, ut optimè probat D. Thomas: quæstio 10. de Potentia 2. 5. Ceteræ namque omnes oppositiones, dicunt imperfectionem, ut cum Caietano docent nos. Saluatiensis in Tractatu de Trinitate. Ergo non datur in Deo aliqua distinctio formalis inter Attributa à parte rei.

Confirmatur secundò. Dux rationes, (ut benè aduertunt nos: Saluatiensis in Tractatu 2. dispensationis 1. n. 20.) possunt identificari in tertia, vel per modum contrahibilis, & contrahentis, sicut genus, & differentia; vel per modum transcendentis, ut in Diuinis, in quibus admittunt Scotistæ, non dari conceptum ex genere, & differentia;

hinc arguo sic: Vbi datur identitas transcendentis, non datur exclusio vnius formalitatis transcendens ab alia; quia datur pertingentia usque ad vltimam differentiam. Ergo neque distinctio formalis; quia hæc oritur à differentijs se excludentibus. Sed Attributa Diuina identificantur inter se, per modum transcendentis; quia sunt in Diuinis, ut dictum est. Ergo non distinguuntur etiam formaliter.

Probat secundò Conclusio ex infinitate, & simplicitate Dei. Quodlibet Attributum Diuinum est infinitum in genere entis, & actus purus, etiam secundum suam formalissimam rationem. Ergo non debet distinguì ab essentia, aut ab alio Attributo à parte rei formaliter. Antecedens patet; quia in Deo quævis ratio est ens à se, & actus purus realiter loquendo. Consequens vero probatur: nam si distingueretur à parte rei, sicque excluderet illud, esset in potentia ad perfectionem illius; quia ipsi debetur, ut potè in ratione entis perfectissimo, & non actu includeret rationem formalem perfectionis ipsius. Ergo non esset actus purus, & infinitus in ratione Entis; actus siquidem purus in ratione entis excludit omnem potentialitatem: Similiter non esset summa simplicitas in Deo, si vnũ Attributum ex natura rei distingueretur ab alio; sic enim esset aliqua compositio, vel aggregatio, saltem platum à parte rei in Deo, quæ omnia excludit omnimodam simplicitatem. Ergo &c.

Dicendum est secundò. Inter Attributa Diuina, & essentiam, datur distinctio rationis ratiocinata, & cum fundamento in re; & non solùm rationis ratiocinantis. Probatur in primis auctoritate. D. Thom. 1. d. 2. q. 1. a. 3. ubi hæc habet: Quòd pluralitas istarum rationum non tantum est ex parte intellectus nostri, si d etiam ex parte ipsiusmet Dei, in quantum sua perfectio superat unamquamque conceptionem nostri intellectus, & ideo pluralitati istarum rationum correspondet aliquid in re, quia Deus est, non quidem pluralitas rei, sed plena perfectio, ex qua continet, quod omnes istæ conceptiones ei adaptentur.

Probatur ratione. Distinctio rationis ratiocinatæ est distinctio per intellectum, habens fundamentum in re concepta, ut patet. Sed talis est distinctio inter Attributa Diuina, & essentiam Dei. Ergo est rationis ratiocinatæ. Maior ex supposito patet. Minor prob: Fundamentum distinctionis ratiocinatæ ex parte rei conceptæ, est eminentia ex parte ipsius, ob quam, unica existens, plures perfectiones continet in unico esse; ex parte verò intellectus concipientis est imperfectio eiusdem, propter quam unico conceptu nò potest attingere adæquatè omnes illas rationes in obiecto, & ideo multiplicat conceptus: Sed totum hoc inuenitur respectu Essentiæ, & Attributorum Diuinorum. Ergo &c. Maior ex supra dictis patet. Minor etiam ex præcedenti Concluf. est manifesta;

quia omnes perfectiones Attributorum in Deo realiter formaliter sunt vnum, ut ostensum est, & sic est eminentia quædam rei conceptæ, plures rationes unitas possidens, quas noster intellectus unico conceptu adæquatè attingere non valet, ut examinanti patet. Ergo &c.

### *Soluuntur argumenta in contrarium.*

**P**rimum argumentum. Potest dari distinctio formalitatum, licet identificentur in vna tertia entitate. Ergo malè inferimus ex identitate formalitatum in vna tertia entitate Diuina communicationem formalem earundem in ipsa. Consequenter. Antec: prob: Tres relationes Diuinæ identificantur cum essentia, & non distinguuntur realiter inter se propter oppositionem relatiuam. Ergo ob rationes formales oppositas possunt sic comparari formalitates absolutæ inter se, & cum essentia. Rursus actio, & Passio iuxta sententiam plurium Thomistarum, identificantur cum motu, & inter se realiter distinguuntur. Ergo &c.

Resp. disting. anteced: Potest dari distinctio formalitatum fundata in oppositione relatiua. Concedo: in alio genere oppositionis, loquendo de Diuinis. Nego. Ver quod patet ad primam probat: Ad secundam. Quidquid sit de exemplo allato, de quo est lis inter Thomistas, dicendum, nos non

ne:

negare exclusionem formalem conceptuum in Diuinis ex quacunque identificatione, sed ex identificatione orta à tali radice, quæ arguit non minus negationem exclusionis formalis, quam exclusionis entitatis, vt in prima Conclus. probatum est.

Secundum argumentum. Perfectio simpliciter simplex non petit identificationem destruentem suum conceptum formalem. Ergo non petit formalem identificationem. Anted. patet. Conseq. prob: identificatio destruit conceptum, nam sapientia v.g. ex suo conceptu formali non includit iustitiam; aliàs in creatis etiam illam includeret, in quibus non amittit suum conceptum. Ergo cum in illis non includat; etiam in Diuinis non includet; essentia siquidem sunt sicut numeri, quibus si aliquid addideris, quod in suo conceptu non includunt, variabis illas, & sic de cæteris attributis. Ergo &c.

Resp. negando Conseq. Ad cuius probat: disting: Sapientia non includit iustitiam permissiue Nego: exigitue, Cõcedo. Sapientia namq; licet in creatis non exigit inclusionem iustitiæ; tamen quia est perfectio simpliciter simplex non repugnat ei, eandem includere, ex se quandoquidem ad hoc permissiue se habet. Sed

Intabis. Ex se non exigit. Ergo, quantum est ex vi principiorum formalium, formalitates Diuinæ non identificantur.

Resp. disting: Conseq: Formalitates Diuinæ non identificantur

reduplicatiue, sumendo ad æqualem rationem identificationis. Concedo specificatiue. Nego. Ratio enim cùm identifcentur formaliter, non est solum conceptus formalis; quia hic saluatur etiam in creatis, sed insuper modus illimitatus, qui in Deo tribuit illis, totum id perfectionis, ad quod ex se permissiue se habent.

Tertium argumentum, & Confirmatio præcedentis. Sapientia vt sic non est formaliter iustitia vt sic. Ergo neque sapientia Diuina erit formaliter iustitia Diuina. Consequ: constat; quia modus ille illimitatus, quo sunt in Deo, non destruit conceptum formalem ipsarum. Anteced: patet; quia si sapientia vt sic, esset formaliter iustitia vt sic, omnis sapientia creata esset formaliter iustitia, quod enim competit alicui rationi vt sic competit omni, quod sub illa continetur. Ergo &c.

Resp. distingu. Anteced. Si sensus illius sit: Sapientia vt sic non exigit realiter distinguì à iustitia, Concedo. Si sensus est: Sapientia vt sic repugnat identificari realiter cum iustitia. Nego, quia sapientia, vt sic non petit identitatem, aut distinctionem realem cum iustitia, & alijs attributis, sed ab vtraque præcindit præcisione purè præcisiua: non autem exclusiua: ratio enim sapientiæ, vt sic est quid analogum ad sapientiam creatam, & increatam, & sic vtramq; implicite includit, consequenter importabit implicite, vel identitatem, vel diuersitatem formalem ab alijs attributis

tis iuxta exigentiam, & naturam analogatorum. Et sic prout implicitè inuoluit sapientiam creatam; implicitè etiam includet distinctionem realem à iustitia: prout autem includit sapientiam increatam, implicitè quoque dicit identitatem cum iustitia. Hinc patet, modum illum illimitatum non destruere conceptum formalem sapientiz, vt sic in Deo (ipsa enim, secundum se, non petit distinguì realiter à iustitia, & alijs attributis) sed potius prædictus modus eleuat, & perficit, tollendo ab ipsa limitationem, quæ ipsam impediobat, nè iustitiam, & alias perfectiones simpliciter simplices creaturarum sibi identificaret.

Quantum argumentum. De essentia Diuina, & attributis ante omne opus intellectus verificantur contradictoria. Ergo distinguuntur à parte rei. Conseq. patet; implicat enim de eodem secundum idem contradictoria verificari. Maximè cum contradictio, sit summa oppositio; & ita si oppositio relatiua arguit in Diuinis distinctionem realem, à fortiori hoc præstabit oppositio contradictoria. Anteced. autem prob. quia, nullo intellectu cogitante, Pater intellectu generat Filium, & non voluntate; essentiam communicat Filio, & non relationem. Sed generare, & non generare; communicare, & non communicare sunt contradictoria. Ergo si intellectus, & voluntas; essentia, & relatio sint à parte rei idem, omnino de eodem; verifica-

buntur contradictoria.

Nec valet, si resp. Effe quidem hæc prædicata contradictoria; ex illis tamen non conflurgere propositiones contradictorias; quia ad has impediendas sufficit distinctio virtualis, quæ dicit æquiualentiam, & facit id, quod distinctio realis in creatis. Non inquam valet. Quia sumendo formam eminentissimam Dei, secundum omnes virtualitates, adhuc verificaretur contradictio, & Probatur; quia de illa forma potest dici, quòd esset communicabilis, & incommunicabilis. Ergo quod esset communicabilis, & non esset communicabilis. Sed in tali casu esset affirmatio, & negatio de eodem, secundum idem; quia ly non, cum sit malignantis naturæ, distribuit totum. Ergo esset quodque contradictio. Minor patet. Maior autem cum sua illatione prob. Ab affirmatiua de prædicatione infinito ad negatiuam valet consequentia, v.g. Iustus est non peccator. Ergo non est peccator. Ergo cum omne incommunicabile æquiualeat termino huic infinito non communicabile, valebit dicere, illa forma eminentissima est incommunicabilis, seu non communicabilis. Ergo non est communicabilis.

Confirmatur. Diuersis definitionibus definit intellectus diuersa attributa Diuina. Ergo à parte rei sunt distincta. Anteced. patet; quia aliter definit sapientiam, aliter iustitiam &c. Conseq. etià, quia diuersæ definitiones arguunt diuersas essentias. Sed diuersæ essentiz

sentiz

Intentia a parte rei distinguuntur. Ergo &c.

Resp. hoc idem fuisse argumentum Guilberti, necnon aliorum ponentium distinctionem realem in attributis Diuinis, quoad absolutam inter se, & cum relatiuis: quare responsio optima data est inter arguendum. Ad cuius impugnationem neganda est Sequela Maioris. Ad probationem autem eius, quando dicitur: Ab affirmatiua de praedicto infinito ad negatiuam valet Consequentia: resp: hanc regulam non valere; quando arguitur a non distributo ad distributum, vt v. g. In flumine sunt non pisces. Ergo non sunt pisces. Quia ad primum sufficit, quod sit aliquid, quod non sit pisces, siue sint lapides, siue ligna, non excludendo ipsosmet pisces, &c. Ad secundum cum ly non, antecedit copulam, distribuit pro toto, & ita requirit, quod nullo modo sint pisces. Idem ergo dicendum in praesenti, quod scilicet dum dicitur: Essentia est communicabilis, sumitur tantum secundum vnā virtualitatem: dum autem dicitur est incommunicabilis, sumitur secundum illam, quae aequiualeat relationibus, & identitati cum ipsis; alias esset haeretica propositio. Iam vero cum dicitur non est communicabilis, hoc in nullo sensu potest esse verum; quia cum illa particula non, afficiens copulam praedictam, & si bibeat, sit malignantis naturae, negat communicabilitatem secundum quaecumque virtualitatem eius, quod est haeticum.

Ad Confirmat. resp. negando Conseq. Ad probat. eius dicendum, tunc diuersas definitiones arguere diuersas essentias; quando explicant illas adaequatè, sicut sunt in se: non autem quando explicant inadaequatè, & prout sunt imperfectè in conceptibus nostris, vt contingit in attributis Diuinis, respectu definitionum, quas nos de illis formamus.

Quintum argumentum in fauorem Nominalium, qui putant attributa distinguere per rationem sine fundamento in re. Quia quidquid est in re, est vnum. Ergo non datur fundamentum distinctionis. Conseq. ostenditur; quia hoc ipso, quod omnia in re sint vnum, dum fit distinctio in illa re, fit aliquid fictum, & non verum. Sed illud, quod est fictum, non habet fundamentum in re. Ergo &c. Maior prob: Illud est fictum, quod si affirmetur in re, non est verum, nec subsistens. Sed si omnia in Deo sunt vnum, & intellectus affirmet, dari distinctionem, affirmatio erit falsa, cum talis distinctio non detur in re. Ergo illa distinctio erit ficta.

Resp. disting. Hoc ipso, quod omnia in re sint vnum &c. fit aliquid fictum, & non verum, si fiat per actum intellectus iudicium ita esse in re ipsa. Concedo: si fiat per actum intellectus purè apprehensuum, & praecisuum, in quo neque veritas, neque falsitas inuenitur. Nego. Et ita quamuis falsa esset affirmatio, si aliquis affirmaret, dari in ipsa re (quae in se vna est) distinctionem, quae ap-

pre:



prehenditur; non tamen esset falsa, si affirmaret imperfectum concipiendum, & inadæquatè per analogiam ad distinctam rem, apprehendendo in tali re distinctionem; nec idem, non haberet in re fundamentum talis distinctionis; inueniret enim eminentiam ex parte obiecti, & inadæquationem conceptuum ex parte intellectus imperfectè concipientis.

### QVAESTIO III.

*Utrum Deus sit summè perfectus, ita quòd omnes perfectiones rerum omnium in ipso contineantur, & quomodo?*

**Q**uia summa Dei perfectio ex natura Diuina, & omnibus attributis confurgit, postquam actum est de ipsa essentia Dei, & rationibus attributalibus eius in communi, determinandum est de ipsa perfectione. Pro quo

Supponendum primò, quòd perfectum ex vi nominis idem sonat, ac perfectè actum, seu plenè factum. Vnde 3. Physic: dicitur: Perfectum esse illud, cui nihil deest, idest, uti explicant nost. Salmatic. Tom. 1. Tract. 6. disp. 4. dub. 1. Cum realiter actualiter nihil deest eorum, quæ ipsi debentur, sicut nihil deest illi actualiter realiter, quòd plenè, & completè factum est. Et deducitur hæc explicatio ex doctrina D.

Thomæ, qui 1. p. qu. 4. ar. 1. ad 2. sic inquit: *Quòd factum non est, per se actum propriè dici non potest, sed quia in his quasi sunt tunc dicitur aliquid esse perfectum, cum de potentia educitur ad actum, transsumitur hoc nomen, Perfectum, ad significandum omne illud, cui non deest esse in actu.* Quare Caietan: supra locum modò citatum, ex prima parte docet, quòd ly *perfectio*, licet à totali factione, sic nomen primò deriuatum, apud Philosophos propriè modum essendi significat, non quemcunque sed optimum, non alicuius rei certæ, sed cuiuscunque, cui apponitur, & ut addit Nazarius, secundum quamcunque rationem formalem.

Supponendum est secundò. Perfectiones esse duplices. Aliæ sunt, quæ dicuntur simpliciter simplices, ut intellectio, vita, sapientia &c. quæ, ex suo conceptu nullam dicunt imperfectionem, sapientia enim secundum suum conceptum ut sic, qui est analogus ad Incretam, & creatam sapientiam, tantum dicit cognitionem rei per altissimas causas, in quo nulla includitur imperfectio, præscindit enim sic à ratione qualitatis, & habitus: Aliæ sunt Perfectiones secundum quid, quæ in suo conceptu ita inuoluunt imperfectionem, ut ab illo separari non possint, tales sunt v.g. rationale, hincibile, moueri, habere situm, & omnes differentie specificæ, & numerice creaturarum, à quibus ratio entis creati, & limitati præscindi non potest, & idem priores



solent dici perfectiones denudabiles ab imperfectionibus, secus posteriores, & iuxta hanc explanationem rectè intelligitur distinctio D. Anselmi in Monol. cap. 4. inter perfectiones simpliciter, & secundum quid tales, quod primæ sint in quouis indiuiduo entis meliores ipsæ, quàm non ipsæ, idest (vt benè explicat Caietanus cap. 2. de ente, & essentia, & nost. Salmatic. Tomo 2. Tract. 6. disp. 6. dub. 1.) sunt compatibles cum quouis alia perfectione simpliciter simplici, non autem secundæ, cum istæ in quouis ente non sint meliores ipsæ, quàm non ipsæ.

Supponendum est tertio, dupliciter posse perfectionem aliquam contineri in alio, vel secundum naturam suam, vel secundum modum essendi, quo est in aliquo, & ita alio modo est in virtute Causæ, alio modo in intellectu, alio modo res est in fieri, aut in facto esse, alio in æternitate; nunquam enim vna res potest esse in alia secundum eundem modum, quo est in se; quia ille modus, & determinatio; qua est in se, est limitatio, secundum quam non potest transire extra se.

Supponendum est quarto, continentiam alicuius in alio adhuc esse triplicem, Formalem, Eminentialem, & Virtualem: Formaliter aliquid continetur in alio, quando continetur secundum suum conceptum formalem, seu quando continetur sub illa forma, sub qua natum est existere in se, & sic Sol continet lucem: Eminenter continere est, contine-

re aliquid sub ratione superiori excedente eam, vt est in se, & sic Sol continet calorem sub excellentiori forma, quàm sit in igne, scilicet sub forma cœlesti; similiter effectus causarum æquiuocarum continentur in suis causis æquiuocis, non tamen in vniuersis continetur sic effectus; non enim secundum omnem rationem procedunt à causis vniuersis, quia saltim quoad rationem materiæ, & individuationem non causantur, cum nulla causa creata cause materiam, sed supponit illam, alias crearet ex nihilo: Virtualiter tantum contineri, & non eminenter dicitur aliquid, quando continetur in virtute causæ sibi æqualis, aut inferioris v. g. in instrumentali, in dispositione ad formam, in semine, in quibus continetur aliquid, vt in virtute, aut principio, non tamen emittenti modo: Quæ autem continentur eminenter, dupliciter adhuc possunt intelligi, vel eminenter formaliter, vel eminenter virtualiter: Eminenter formaliter continetur aliquid, quando inuenitur, quantum ad formam, & substantiam suam in alio, non cum imperfectionibus, cum quibus est in inferiori, sed modo alio altiori, & excellentiori, sic in anima rationali esse vegetatiuum, & sensitiuum continetur modo spiritali, vt in forma spiritali: Eminenter virtualiter continetur, quando non secundum eandem formam, & substantiam continetur, sed sub alia forma, quæ in virtute æquiualeat isti, & modo eluatiore, sic

v.g. Sol continet herbam eminentem, nō tamen habet in se herbam formaliter, sed virtualiter. His ergo suppositis.

Dicendum est primò. Deus est summè perfectus, omnium rerum in se claudens perfectionem, ita. D. Thomas 1. p. qu. 4. ar. 1. probat. In tantum aliquid est perfectum, in quantum est in actu, cum igitur Deus sit totaliter in actu, nullo modo in potentia, sitque actus purissimus, erit quoque perfectissimus omnimodè.

Probatur ratione, ex ipso desumpta. *Esse irreceptum*, & per se subsistens, est summè perfectum, claudens omnem perfectionem. Sed Deus est esse irreceptum, & per se subsistens. Ergo summè perfectus. Minor patet, quia excluditur omnis receptio, potentialitas, & compositio à Deo, Essentiaque Dei non est receptiva existentia, sed omnimodè inter se identificantur. Maior prob. Forma alicuius generis irrecepta habet omnem perfectionem talis generis. Sed *esse* est forma in genere entis. Ergo si sit irrecepta, claudet omnem perfectionem totius linear, & generis entis, quod est claudere omnem omnino perfectionem; genus enim entis totam latitudinem perfectionum complectitur. Minor patet, existentia enim est ultima omnium actualitas, & perfectissima in tota latitudine entis. Maior prob. Forma sub conceptu formæ, solum dicit actualitatem, per modum principij. Quo; actualitas autem est ipsa ratio perfectionis, inferens proin-

de, & afferens perfectionem. Ergo hoc ipso, quod aliqua forma alicuius generis nullum habeat sui limitativum, sicut omnem suam actualitatem illius generis explicabit, sic & omnem illam consequentem perfectionem. Sed eo ipso, quod forma sit irrecepta, idest abstracta à suo receptibili perfectè abstractione formali, sicque subsistat, nullum sui habet limitativum; nam limitativum formæ, est potentialitas receptiva eiusdem, forma autem abstracta abstractione formali perfectè excludit potentialitatem, & est solum actualitas præcisè. Ergo forma irrecepta, seu abstracta abstractione formali, & sic subsistens, omnem sui generis continet perfectionem.

Confirmatur. *Esse Dei*, per se subsistens irreceptum, est simpliciter *esse* infinitum in genere entis, caret enim omni limitativo, tam materiali, quam formali. Sed quod est infinitum in aliquo genere continet omnes perfectiones illius generis. Ergo &c. Minor patet: Si v. g. albedo esset abstracta per se subsistens, irrecepta, nec diceret vllum ordinem ad subiectum, esset infinita in ratione albedinis, eo ipso haberet omnem perfectionem albedinis, ex defectu enim recipiendi colligitur, deesse perfectione albedinis: Calor quoque si daretur infinitus, omnem perfectionem caloris contineret. Linea, si daretur infinita, omnem longitudinem occuparet; si daretur sphaera inmensa, & infinita, omnes figuras intra suum ambitum

um comprehenderet, & sic de alijs. Ergo cum Deus, secundum suum esse sit infinitus in ratione entis, continebit omnes perfectiones entium.

Dices ex doctrina P. Suarez suæ Metaph: Tom: 2. dist: 30. sect: 2. Rationem hanc non satis efficacem esse, nititur enim principio incerto, quod scilicet *Esse irreceptum* hoc ipso, quia tale, debeat esse illimitatum; nam forma, etsi non sit recepta in alio, ut in potentia passiva, si sit recepta ab alio, remanet limitata, quia potest communicari ab alio in tanta, vel tanta mensura perfectionis. Sed.

Contra; Forma si non limitetur à suo receptivo, quod est potentia, non potest accipere limitationem ab alio, tanquam efficiente. Ergo ratio persistit in suo robore, & principium cui innititur. Anteced. prob: Efficiens non efficit aliquid limitatum, nisi ponendo intrinsecè aliquod limitatum in re effectæ, quod sit ratio limitationis formaliter, & in facto esse, si enim nihil ponatur in ipsa limitatum ipsius; cum ex se non petat huiusmodi limitationem, manebit intrinsecè eodem modo se habens, & ita sicut prius non habuit in se limitationem, sic nec postea. Sed si non limitetur forma à suo receptivo, id est si non ponatur potentialitas, in qua recipiatur, nihil habet forma intrinsecè positum sui limitatum, vel quod sit formaliter ratio limitationis ipsius. Ergo forma, si non limitetur &c,

Maiores patet. Minor prob. Nam illud, quod ponit agens in forma, formaliter illam limitans, vel est actualitas, & forma, vel potentialitas, & materia; Non actualitas, & forma, quia actualitas perficit formam, cum sit ratio perfectionis. Ergo non erit ratio limitationis, & imperfectionis. Si dicatur, quod sit potentialitas, & materia. Ergo admittis receptivum formæ, ac per consequens, si ab illo non limitetur forma, nihil poterit habere limitationem sui intrinsecè.

Similis impugnatio contra Suarez est supra hic Tract: 2. disp: 6. quæst: 1.

Dicendum est secundo. Perfectiones simpliciter simplices continentur in Deo formaliter eminenter; Perfectiones verò secundum quid, & ex suo genere, creatæ, tantum virtualiter. Quoad primam partem, probatur primò autoritate S. Thomæ 1. p. q. 13. a. 2. ad 3. *Id quod bonitatem importat in creaturis, præexistit in Deo.*

Probatur deinde ratione: Illud continetur in alio formaliter eminenter, quod secundum suum conceptum formalem inuenitur in illo, eleuatiore tamen modo, quæ inueniatur in inferioribus. Sed perfectiones simpliciter simplices taliter inveniuntur in Deo: Ergo &c. Maior patet ex prænotatis. Minor verò prob: quia ex suo conceptu formali dicunt perfectiones absque ulla imperfectione, quamvis ex modo essendi in inferioribus illæ aliquando in-

§§§§§ 2 inuol;

soluant. Ergo perfectiones simpliciter simplices taliter inveniuntur in Deo.

Quoad secundam partem Conclusionis: prob: facile; quia perfectiones secundum quid, & creaturæ non inveniuntur in Deo secundum suum conceptum formalem, sed secundum rationem formæ, virtutis æquivalentis illi, & præstatis hoc eleuacioni modo, quod præstaret sua ratio formalis, in inferioribus inuenta, quod est contineri virtualiter eminenter; quod autem non inveniuntur secundum conceptum suum, est ideo, quia perfectiones puræ creaturæ non possunt secundum suum conceptum denudari ab imperfectionibus, ex quo enim sunt creaturæ debent habere suam essentiam constitutam ex genere, & differentia; species enim creata constituitur ex genere, & differentia; cum ergo genus dicat potentialitatem, non poterit inueniri in Deo. Nec potest denudari ab ista imperfectione, scil. generis, quia alias amitteret suum conceptum specificum, & essentialem; denudaretur enim ab illo, quod est ipsi essentiale.

Dices. Perfectioni creaturæ competit quidem constare ex genere, & differentia, quatenus est in creaturis, non ut contenta in Deo, seu ratione modi essendi proprii, non ut intelligitur in Deo.

Contra est, quia competit ipsi secundum se, quatenus est ponibilis in prædicamento, quia ratione istius est ponibilis, ratione cuius est definibilis, iam vero ratione quidditatis est defini-

bilis, & sic ut species est, & ut constans ex genere, & differentia, consequenter ratione modi proprii. Ergo &c. Si autem præscindatur ab eo, quod est poni in prædicamento, hoc ipso iam mutatur ipsius ratio formalis creaturæ illius perfectionis.

Dicendum est tertio: Perfectiones secundum quid, & ex suo genere creaturæ, etiam secundum esse intelligibile, non sunt in Deo formaliter, sed virtualiter eminenter. Probat. Vnumquodque habet formaliter esse intelligibile, in alio mediante specie representante se. Sed in Deo non potest dari species immediatè representans perfectiones creatas, tantum enim essentia Dei respectu sui gerit rationem speciei immediatè representantis, sola enim essentia Dei est obiectum primum, & motuum intellectus Diuini; perfectiones verò creaturæ sunt obiectum secundarium materiale, & terminatum suo modo, unde non cognoscuntur, nisi in essentia, ut cognita prius in ratione causæ, consequenter non habebit formaliter eminenter, sed virtualiter in illa suum esse cognoscibile perfectio creatæ.

### *Soluantur Argumenta.*

**P**rimum Argumentum contra rationem primæ Conclusionis, quando dicitur: *Esse irreceptum summè perfectum esse*, vel est sermo de *esse* essentia, vel existentia, vel de utroque; Si secundum, ratio adducta ad summum probat, Deum sum-

Summè perfectum esse in ordine existentiz, non autem in toto genere entis, in quo non solum esse existentiz, sed & essentiz inuenitur; Si autè sermo sit *de esse essentia*, tale esse abstractum est gradus analogicus entis, qui est sicut communissimus, sic imperfectissimus; Si tandem de utroque simul sermo sit, erit conflatum ex abstracto, & imperfectissimo, seu ex esse essentiz analogico, & esse existentiz, quod est perfectissimū tantum in genere existentiz. Sed ex huiusmodi conflatō non colligitur omnimoda perfectio in tota latitudine entis, ut patet. Ergo neque ex eo, quod Deus habeat esse irreceptum, colligetur summa eius perfectio in toto genere entis.

Consim. quia multæ dantur formæ separatæ irreceptæ, & sic subsistentes, quæ tamen non continent omnem perfectionem sui generis. Ergo falsò dicitur, formam irreceptam continere omnem perfectionem sui generis. Anteced. prob. Calor remissus, & calor intensus separati à subiecto, sunt formæ irreceptæ, & subsistentes, sicut & Quantitas Eucharistica, & tamen non continent omnem perfectionem caloris &c: ut patet; Similiter anima rationalis separata, & subsistens; Tandem Angelus est forma irrecepta in materia, & subsistens, cum tamen non contineat omnem perfectionem naturæ. Ergo &c.

Resp. ad hoc argumentum dicendo: quòd quando dicitur, *esse irreceptum est summè perfectum*,

sermo est de esse existentiz, quod est idem cum esse essentiz, ex eo, quod sit abstractum abstractione formali. Pro cuius intelligentia.

Nota, duplicem esse abstractionem, Totalem, & Formalem; Totalis abstractio est, per quam vniuersale abstrahitur à particulari, vel inferiori; Formalis verò est illa, qua abstrahitur forma à materia, vel actus à potentia; dicitur autem Totalis, quia tam id, quod abstrahitur, quàm id, à quo abstrahitur, significatur ut totum, & vnum prædicatur de alio, sicut animal de homine, & in huiusmodi abstractione, semper id, quod est abstractius, & ita vniuersalius, est potentialius, & imperfectius, quia magis determinabile, & indifferens, ac in potentia ad plura, ac verò in abstractione formali, quòd aliquid est abstractius, tanto actualius, & perfectius, quia in tali abstractione id, quod actualitatis, & formæ est, separatur ab eo, quod potentiale, & materiale est, seu à conditionibus potentialitatis. (De his abstractionibus vide supra, & Salmatic: Tract: de scientia Dei disp. 4. dub. 2. n. 61.) esse igitur abstractum abstractione formali in genere entis, non potest esse *esse essentia*, ut distinctum ab esse existentiz, quia tale esse non potest abstrahere perfectiè a conditionibus potentialitatis, cum remaneat in potentia ad ultimam actualitatem in linea entis, quæ est esse existentiz. Neque etiam esse potest ipsum *esse essentia*, ut distinctum similiter ab esse

esse essentia; nam existentia, vt distincta ab essentia, sumitur, vt determinata, & limitata ad ipsam potentialitatem essentia; ratione cuius distinguitur ab illa, sicut potentia à sibi correspondente actu, ac proinde nō abstrahit perfectē, & simpliciter à conditionibus potentialitatis, sic neque abstractione formali simpliciter tali; debet igitur esse omnino identificatum esse existentia; cum esse essentia; abstrahens perfectē abstractione formali in genere entis; in tali namque solū hypothesis in linea entis nil remanebit ex conditionibus potentialitatis. (nil siquidem manebit in potentia ad aliud, vt potē identificata) sed solū id, quod est actualitatis, & perfectionis; & ita, si esse existentia; in sensu explicato, sit irreceptum, hoc est abstrahens abstractione formali, & consequenter subsistens in genere entis, sicut nihil habebit potentialitatis, & consecuta ad eam perfectionis, ita omnem totius generis entis continebit perfectionem, ac proinde omnem simpliciter, & absolutē. Hæc doctrina est Caiet. 1. p. quest. 3. art. 1.

Ad Confirm. resp. negando Anteced. in sensu à nobis explicato: ad cuius primam probationem, dicendum est, calorem separatum, sicut & Quantitatem Eucharisticiam non esse formas irreceptas, & abstractas perfectē in suo genere abstractione formali, quia non abstrahunt saltim ab ordine ad potentialitatem materia; vel subiecti, ad quod essentialem di-

cunt habitudinem, & hoc idem, currit, de anima rationali separata à corpore. Ad illud de Angelis dicendum est, quod est si forma irrecepta in materia physica, non tamen abstrahens perfectē abstractione formali, nam inuoluit conditiones potenciales sui generis, cum in genere substantia; immaterialis sit eius essentia in potentia ad esse, & substantia habeat rationem subiecti respectu accidentium.

Secundum argumentum contra secundam Conclus. Perfectiōnes simpliciter simplices non continentur secundum suum formalem conceptum in Deo. Ergo nō continentur formaliter eminenter. Consequ. patet ex definitione, continentia; formalis, Anteced. prob. Secundum suum conceptū formalem reperiuntur in creaturis, quia conceptus formalis, v.g. sapientia; competet creatura; rationali. Ergo secundum illum in Deo inueniri nō possunt. Consequ. etiam prob. Nam si idem conceptus formalis competeret Deo, & creaturis, siue eadem ratio formalis, iam in aliquo conceptu Deus, & creatura; possent conuenire vniuocē. Sed hoc est contra doctrinam S. Thomæ. Ergo &c. Sequela Maioris patet, quia conceptus pluribus conueniens, secundum eandem rationem formalem, est conceptus vniuocus.

Resp. neg. Anteced. ad probat. disting. Conceptus pluribus conueniens secundum eandem simpliciter formalem rationem est vniuocus. Concedo: Secundum

can.

eandem proportionabiliter tantum. Nego. Hoc enim modo conceptus communis est conceptus analogus analogia proportionalitatis, qui secundum eandem proportionalem rationem formalem in omnibus suis inferioribus intrinsecè inuenitur, quamuis non, secundum eandem simpliciter præcisam ab illis (cum hoc sit proprium cōceptus vniuersi) quod patet in ente respectu Dei, & creaturaturam. De quo videri possunt dicta supra Tract. 1. disp. 1. q. 4.

Tertium argumentum contra tertiam Concl: Deus intelligit naturam creatam, secundum omnem perfectionem in illa inuentam. Ergo omnem perfectionem creatam continet intelligibiliter. Anteced: patet. Conseq: prob: quia idè intelligit, quia continet illa, quantum ad omnia, sicut actus imperfectus continetur in perfecto, & ternarius in senario, ut docet D. Thom: 1. par: qu. 14. art: 6. Sed ternarius in senario formaliter continetur. Ergo & creatæ perfectiones in Deo.

Confirm: Nam in Deo formaliter intelligibiliter continetur, quod ab illo immediatè cognoscibiliter attingitur, ut patet ex tertia Concl: Sed perfectiones creatæ immediatè attinguntur, aliàs non esset differentia inter perfectiones creatas, & priuationes, aut mala, quæ Deus non immediatè cognoscit, sed mediante bono, quo priuant. Ergo perfectiones creatæ in Deo formaliter intelligibiliter continentur.

Resp. negando Conseq: ad pro:

bat. dicendum est, S. Doctorem, loco citato velle, ita contineri perfectionem creatam in Deo, sicut ternarius continetur in senario, quoad rationem continentia, non autem quoad modum, ut sit sensus, quod sicut ternarius inuenitur in senario, sic perfectio creaturæ in perfectione Dei, non tamen eo modo) nam numerus inferior, in superiori continetur continentia formali per modum inclusionis, perfectio autem creata in increata continetur continentia virtuali, quia non intelligitur, sicut ternarius componens senarium, sed sicut ternarius participatus, & deriuatus à senario, per modum scilicet effectus, cum omnis perfectio creata, qua talis, comparetur ad Deum, ut perfectio participata, & ut effectus.

Ad Confirm: Resp. negando Minorem ad cuius probat: ostenditur disparitas inter perfectiones creatas, & priuationes, quoad cognosci à Deo, nam quamuis perfectiones creatæ non cognoscantur immediatè à Deo, sed tantum mediatè, & per modum obiecti secundarij, cognoscuntur tamen, ut quid contentum in Deo, non quidem formaliter, sed virtualiter, iam verò mala, & priuationes nullo modo continentur in Deo, cum non sint participationes Dei, sicut nec entia; & ita nec cognoscuntur, ut quid contentum, & habens cōnexionem, cū per se primo cognito, nempe cum essentia Diuina, tanquam participatio quædam eiusdem; sic igitur ad cognoscendas priuationes nõ suff.

sufficit, quod Deus seipsum solum intueatur; ut per hoc immediate videat illas (quandoquidem nullam cum eo habet connexionem) sicut contingit in cognitione perfectionum creaturarum, sed oportet, quod præter se ipsum, videat formas, quarum illæ sunt priuationes, & subiecta in quibus illæ fundantur, quod utique quid creatum est, Deo siquidem nihil opponitur priuatione, cum nullus defectus supponatur in ipso per aliquid auferibilis.

Quartum argumentum. Non repugnat formæ superiori in se vñire perfectiones inferiores, non solum virtualiter eminenter, sed etiam formaliter. Sed Deus est forma suprema, immò actus purus. Ergo non repugnabit, quod contineat formaliter eminenter perfectiones creatas. Maior patet, nam anima rationalis non solum eminenter virtualiter, sed etiam formaliter continet esse vegetatiuum, & esse sensitivum, quæ inveniuntur inferiori modo in planta, & equo. Ergo &c. Accedit, quod essentia Divina nullam habeat limitationem, quin potius infinitatem. Ergo poterit plures in se vñire essentias, quæ sunt limitatæ, & oppositione in creatis habent; Sicut esse practicum, & speculativum in scientia Dei formaliter eminenter continetur, quamvis illæ rationes in inferioribus sint specie inter se oppositæ, & distinctæ.

Resp. disting. Maiorem. Si perfectiones inferiores non afferant in suo conceptu limitationem repugnantem formæ superiori,

Concedo; si illam afferant. Nego. Ad cuius probat: dicendum, Animam rationalem formaliter eminenter includere esse vegetatiuum, cum exclusionem tamen limitationis, quam habet in inferioribus speciebus, & ita continet secundum se rationem determinatam, aut rationem essentiae determinatæ ad esse vegetatiuum v. g. præcisè: de quo videantur nost. Complut. in lib. de Anima. Cum ergo perfectiones creatæ, quæ tales, in suo conceptu claudant limitationem repugnantem actui puro in Deo inuenio, rationem scilicet generis, & differentiarum, hinc est, quod in illo nequeant formaliter eminenter reperiri, & sic vñiri. Illud autem, quod additur de infinitate Dei, ad summum convincit, quod omnes perfectiones creatæ, in creaturis reperiuntur, in Deo etiam debeant inueniri, non tamè formaliter eminenter, sed virtualiter eminenter. Ad ultimum de practico, & speculativo dicendum est, rationes istas esse perfectiones simpliciter simplices, utpotè pertinentes ad ipsum intelligere, & ideo mirum non est, quod vñiantur, & formaliter eminenter in scientia Dei inveniuntur.

Quintum argumentum. Deus cognoscit omnes creaturas quiditativè, & supercomprehensivè in sua Essentia. Ergo in illa debent contineri secundum omnes suas rationes, & specificas, & individuales, alias illas non cognosceret intuitivè, & distinctè, sed tantum confusè, & ut contentas in virtute causæ.

Resp.



Resp. n. gando conseq. Ad cognoscendum enim perfectissimè, & intuitivè aliquem effectum, sufficit cognoscere illum in aliqua virtute, vel principio, à quo participetur, secundum omnem rationem, & modum imaginabilem in illo inventum, quia sic in ipso effectum non invenitur aliquid cognoscendum, quod non sit præcontentum, aut cognoscibile in principio eius; unde cognitum in tali principio, perfectissimè cognoscitur: & hoc modo se habet virtus Dei ad Creaturas. Ut autem creatura videatur intuitivè, non requiritur, quòd videatur per creaturam ipsam, tanquam per obiectum motuum videndi, sed tale obiectum sufficiens est ipsa virtus Divina, à qua participatur tota creatura, dummodò tamen terminetur cognitio ex parte obiecti terminatini ad rem creatam, ut coexistentem sibi, sic enim erit rei existentis, & præsentis, cognitio; quod est de ratione visionis. Circa dicta

Collige, & adverte, Deo non accrescere aliquid de perfectione intensiva (neque de extensiva quoque propriè) ratione istius continentiz perfectionum creaturum; nec potest dici, Deum cum Creaturis esse aliquid maius, quàm Deum solum. Sic Angel. Doct. 3: Sent. dist. 6. quæst. 2. art. 3. ad 2. dicens; Bonum creatum habet se ad Increatum, sicut punctum ad lineam. Ergo sicut punctum, ut potè indivisibile, additum lineæ, non facit maius, ita nec perfectiones creatæ, additæ Deo, facient

Deum quid perfectius, aut maius. Ampliatur hoc.

Plus distat perfectio creata, in ratione perfectionis, à Divina, quam punctum, in ratione quantitatis, à linea. (Deus enim, & creaturæ ita se totis sunt diversa, ut nec in genere conueniant; punctum autem, saltem reductivè, cum linea in eodem prædicamento quantitatis collocatur.) Sed puncta addita lineæ non faciunt maius, aut perfectius. Ergo nec perfectiones creatæ sumptæ simul cum Deo faciunt maius aliquid, quàm ipse sit in se.

Additum est etiam *extensivè propriè*, quia impropriè potest aliquo modo dici, Deum cum istis omnibus, cum toto uniuerso, esse quid maius extensivè, ratione plurium modorum habendi eandem perfectionem; sicut quia puncta sunt plura numero, dicuntur, addita lineæ, facere maius quid extensivè, sed impropriè, quamvis ipsa per hoc nō accipiat perfectionem intensivam.

## DISPUTATIO

### QUARTA, & VLTIMA.

#### De Attributis Diuinis in particulari.

**I**ngredi hoc vastissimum Diuinorum Attributorum in particulari pelagus non est minus præternaturalis (sicut vocatur Metaphysica) Theologiæ, sed sa-

Teceæ

erz; quia tamē Metaphysicam, metas naturę per suam abstractionem transgressa, metam in Deo figere, & discursibus suis circa ens increatum finem imponere per hanc ultimam disputationem intendit, idē aliqua breuiter de Attributis in particulari attingentur, remittendo Lectorem ad Doctorem Angelicum, qui fusē, euidentē, & clarē, iuxta suum Angelicum ingenium, hanc materiā, pręcipuē s. p. summx Theologię tractat.

## QVAESTIO I.

*Vtrum Attributa Diuina in particulari sint in certo numero, an autem infinita.*

**S**upponendum primō, ad cognoscenda in Deo Attributa in particulari, aliquos uti sæpius nomine linearum, sumpta Metaphora à linea formali. Linea autem formaliter talis, si sit finita, nihil aliud est, quàm extensio inter punctum incians, & terminās, medijs continuata punctis. Hinc accepta similiter metaphora, series, & coordinatio prædicamenti v. g. substantię dicitur nonnumquam linea substantię, quia à prima potentialitate, supremo scilicet genere quasi à puncto constitutiuo ipsius, series incipit, continuatur gradibus intermedijs, & terminatur vltima actualitate, constituto (quod est species

athoma, vel indiuiduum illam includens) quasi puncto talis lineę, aut seriei terminatiuo. Igitur linea nihil aliud erit, quàm coordinatio aliquorum sibi recto tramite in aliqua ratione formalis succedentium inter duo extremas, quę sunt prima potentialitas, & vltima actualitas, per ordinem ad idem specificatiuum, vel quasi specificatiuum. Quod ut intelligitur clariùs

Supponendum secundō, Aliqua in Deo esse, quę respiciunt aliquid extrinsecum tanquam suum specificatiuum, ut voluntas, intellectus scientia &c. Alia verò quę in seipsis suum habent specificatiuum, absque vilo respectu alicuius extrinseci, vti est ratio substantię, durationis, æternitatis, &c. Non eodem modo de his, ac de illis philosophandum est. Rationes ergo respicientes aliquid extrinsecum, tanquam specificatiuum, constituent diuersas lineas, quę diuersa habuerint obiecta formalia ipsarum specificatiua adæquatē. Illę verò, quę in seipsis præcisē, retineant suum specificatiuum, per hoc diuersarum erunt linearum, quod cuiusvis ipsarum primum, & vltimum extremum, (prima scilicet potentialitas (nostro modo concepta) inchoans coordinationem, & vltima actualitas eandem terminans) distinctam rationem formalem, & principium, ab alia ratione eiusque principijs formalibus habeant. Pro quo percipiendo.

Supponendum tertio. Quod sicut à puncto centrali lineę formali;

maliter talis, quæ est species quantitatæ, possunt diuersæ lineæ trahi, & claudi intra sphaeram & circumferentiam, quæ clauditur illa lineæ principalis, à cuius puncto centrali cæteræ sunt deductæ; sic à lineæ metaphorica vnius rationis formalis, possunt alix diuersæ lineæ oriri, & claudi, intra sphaerā vniuersalem illius lineæ, à qua originantur v.g. à prima lineæ intellectus seu intellectiōis, quæ habet pro ratione formali specificatiua, ipsam essentiam Diuinam absolutè sumptam, originatur lineæ scientiæ, lineæ intelligentiæ, prudentiæ, artis, quæ omnes, per rationes formales secundarias sub qua essentia Dei, velut pūctū quoddam respiciunt. Similiter à lineæ principali voluntatis, quæ tendit in bonitatem sub ratione bonitatis vt sic, seu potius bonitatis Diuinæ absolutè & secundū se sumptæ, originatur lineæ iustitiæ, lineæ misericordiæ, liberalitatis &c. quæ omnia (sicut & illa intra sphaeram intellectus) clauduntur intra ambitum ipsius voluntatis, quia non exeunt extra rationem primariam boni, quamuis illud non respiciant sub ratione boni absolutè & secundū se, sed secundū magis restrictam rationem; ideòq; habent aliud obiectum formale ipsorum specificatum, ac proinde distinctam lineam à principali lineæ voluntatis.

Supponendum quartò. Lineam istam Diuinorum sic paulò fufius descriptam posse breuius describi, quòd scilicet *linea in Diuinis nihil sit aliud nisi ratio obiectiua*

*sub qua in essentia Diuina, siue ab intellectu siue à voluntate inspecta seu conceptus ille & actualitas eminentialis essentia Dei, vt dicit expressè talem rationem formalem ab intellectu, vel voluntate attingibilem, & sic iuxta talitatem, & diuersitatem rationum sub qua particularium intra sphaeram intellectus, seu voluntatis tales vel tales orientur lineæ, ad principalem intellectus vel voluntatis pertinentes. Ex istis autem rationibus sub quibus, dum quò ad conceptum exprellum vna ratio sub qua consideratur, reliquæ induunt implicite rationem Quæ, nisi accedat terminatio particularis proportionata. Pro multiplicitate igitur rationum sub qua non implicitarum, sed expressarum multiplicentur lineæ in Diuinis, tam intra sphaeram intellectus vbi est prima lineæ naturæ, in qua cæteræ radicantur quam intra sphaeram voluntatis, vbi est principalis lineæ bonitatis secundū se, quæ alias fundat scilicet lineam misericordiæ, iustitiæ.*

Supponendum quintò, quòd spectantia ad eandem lineam ex eodem motiua non distinguuntur virtualiter, quæ autem spectant ad diuersas lineas, inter illa est distinctio virtualis. Quæ distinctio virtualis quantum ad præsens, non debet sumi pro qualicumq; æquiualentia pluribus. Voluntas enim Dei æquiualeat pluribus nostris voluntatibus creatis, & tamen non ponuntur in Deo voluntates virtualiter distingu-

*Ex.* *Distinctio itaque virtualis in Deo importat æquivalentiam ad plura, quæ ex vi principiorum formalium dicunt negationem identitatis, non verò ad plura, quæ ex vi principiorum materialium, illam afferunt. Cùm enim perfectiones Diuinæ debeant abstrahere, abstractione formali, debent remouere, omne fundamentum distinctionis petitz ex principiis materialibus. Declaratur hoc quòd enim intellectus & voluntas habeant negationem identitatis formalis, prouenit ex ipsis principiis formalibus, scilicet ab obiectis & rationibus sub quibus quæ formaliter & specificatiue se habent ad potentias. Iam verò quòd voluntas in nobis distinguatur à volitione, non prouenit à principiis formalibus, cùm respiciant idem formalissimè obiectum, sed à materialibus, scilicet à subiecto, non participante in sua puritate, lineam volituum, & sic diuidente illam. His suppositis.*

*Dicendum. Attributa Diuina, non esse secundum multitudinē infinitā sed determinata. Probatur primò. Perfectiones simpliciter simplices, non possunt esse numero infinitæ. Sed attributa Diuina sunt perfectiones simpliciter simplices. Ergo &c. Minor patet. Sunt enim formaliter in Deo, quod nō cōuenit nisi perfectionibus simpliciter simplicibus. Maior prob: Si perfectiones simpliciter simplices, deberent esse infinitæ numero, vel hoc peterent ex suis principiis formalibus, vel materialibus? non enim datur aliquid*

tertium, vnde posset sumi ista multiplicitas. Sed neutrum dici potest. Ergo &c. Maior à sufficienti enumeratione constat. Minor quoad utrāque partē ostenditur: Non ex principiis formalibus, quia, ex his, à parte rei potius consueunt in identitatem, & vnitatem, quàm quòd faciant numerum infinitū, liquidem nō afferunt differentias incompatibiles, & excludentes se ex conceptibus suis, vt suprà insinuauimus. Non ex materialibus, seu ex parte subiecti, in quo inueniri possunt. Hoc enim, vel est Deus, vel sunt Creaturæ. Sed in Deo à parte rei nō afferunt multitudinem, sed potius sunt vnæ, eademque eminentissima formalitas, vt probatum fuit de distinctione attributorum ab essentia. In Craturis quoque non faciunt à parte rei numerum infinitum, hic enim deberet esse formalis (quia hic non est sermo de vnitatem numerica, sed specifica simul, atque formalis): cùm ergo Creaturæ non possint tribuere perfectionibus istis numerum, aut multiplicitatem formalem, si semel ex ipsis principiis formalibus nō exigitur, consequenter si à subiecto creato, respectu perfectionum simpliciter simplicium, nec vnitatem, nec multiplicitatem formalem, sed tantum numerica desumi potest, sequitur, perfectiones simpliciter simplices non posse habere suam multiplicitatem formalem, & sic ultimarè, si nec ex materialibus, nec ex formalibus principiis possunt habere numerum, non erunt infinitæ numero.

Probatur secundò. In Deo non sūt lineæ infinitæ, sed determinatæ. Ergo neq; infinita Attributa. Cōsequenter, quia attributa præcipuè ad ordinē operatiū spectantia, communiter constituūtur per lineas. Anteced: prob: quia lineæ, vt in suppositis dictum fuit, important in recto rationes illas *sub quibus* cum terminatione. Intellectus, aut Voluntatis sumptas. Sed rationes istæ sunt determinatæ, non infinitæ numero, non enim exeunt extra sphæram principalis rationis formalis, sed intra eandem sphæram illa principalis ratio per particulares rationes *sub quibus* determinatur ad originandas alias lineas. determinatas, & sic intra sphæram intellectus Essentia Divina, vt habet eminenter esse rationem Causæ, originat lineam scientiæ, vt habet esse rationem notæ per se, vel attingendi principia secundum se, originat lineam intelligentiæ; vt est ratio agibilium, lineam prudentiæ; vt ratio factibilium, lineam artis, & sic proportionatè de lineis intra sphæram Voluntatis discurrendo, deveniemus ad determinatas rationes *sub quibus* particulares, fundatas in eminentia principalis rationis determinatæ respectu principalis lineæ. Vnde non incongruè noster P. Andreas à Cruce discurret 1. p. q. 4. a. 2. dist: 23. num. 603. deducendo esse determinata numero attributa in Deo, tam ad ordinem essendi quàm ad ordinem operandi spectantia. Videatur, si placeat,

*Soluntur Argumenta.*

**P**rimum Argumentum. Essentia infinita præbet fundamentum distinguendi in illa perfectiones infinitas. Ergo & attributa infinita. Anteced: patet, quia quævis essentia est radix aliquarum perfectionum. Ergo infinita erit fundamentum, & radix infinitarum. Consequ: prior prob: quia Attributa sunt perfectiones quædam Divinæ. Ergo si infinita Essentia Dei præbet fundamentum distinguendi infinitas perfectiones, etiā Attributa.

Resp. disting: Anteced: Essentia infinita præbet fundamentum distinguendi perfectiones infinitas, si accipiantur secundum rationes específicas, & determinatè rationū superiorum contractivas; Concedo; si sumantur secundum rationes communes, & analogas; nego, & deinde neganda est Consequ: ad cuius probat: dicendum, Attributa esse perfectiones, sed perfectiones simpliciter simplices, quæ, secundum quòd tales, non important aliquam rationem specificā, aut genericam, sed analogam: perfectiones autem, secundum rationem analogam consideratæ, non sunt infinitæ secundum multitudinem, cum ratio analoga rationem communissimam importet, quæ potius ad unitatem multa colligere ex conceptu suo, petit, licet confusè, quàm unitatem solvere in multitudinem: sed de hoc redibit sermo.

Secundum Argumentum. Tota debent esse Attributa, quot sunt  
des

detectus, & imperfectio: creaturæ, quæ remouentur à Deo. Sed hæc sunt infinitæ. Ergo & Attributa. Maior patet, quia Attributum, præcipuè negatiuum, consistit in remotione positionis alicuius imperfectio: nis. Minor prob: quia creaturæ possibiles sunt infinitæ, quarum omnium imperfectio: nes remouentur à Deo. Ergo &c.

Resp. negando maiorem. Ad probat. eius dicendum cum distinctè: attributum consistit in remotione alicuius imperfectio: nis specialiter sumptæ; nego; secundum commune, immò latissimam, rationem communis ipsius acceptæ; concedo. Nam sicut non quælibet perfectio positiua constituit Attributum positiuum, sed simpliciter simplex, secundum communissimam rationem suæ analogiæ sumpta, sic nec quælibet negatio imperfectio: nis creaturarum in Deo constituit Attributum negatiuum, sed solum secundum rationem totalitatis, & latissimam rationem communis.

## QVAESTIO II.

*Quenam sint Attributa Diuina in particulari.*

**N**ON possumus melius statuere, quanam sint attributa in particulari, nec illa ordinare meliori modo, ac ordinauit Angelicus Doctor in 1. parte suæ Summæ: ideo eius vestigia sequendo, respondimus breuiter, &

Dicimus. Attributa Diuina in particulari, consequentia *Esse*, (de his enim loquimur) sunt ista principalia: SIMPLICITAS, PERFECTIO, BONITAS, INFINITAS, IMMENSITAS, IMMUTABILITAS, & ÆTERNITAS. Deduci autem, & probari melius non possunt, etiam quoad ordinem suum, nisi ex ratione actus puri, per viam remotionis, remouendo, scilicet, ab ente increato defectus, & conditiones entis creati, & potentialis, contrarios actui puro, v. g. compositionem, imperfectio: nem, limitationem, mutabilitatem &c: isti enim defectus ordinariè inuoluuntur in ente creato, & potentiali. Cum ergo ens increatum debeat esse actus purus, debet quoque carere istis defectibus, & sic ex remotione, & carentia ipsorum ponuntur proportionata Attributa remouentia istos defectus.

Primo igitur. Quia ens increatum debet esse actus purus sine omni potentialitate, nihilque debet habere, per quod minoretur, limitetur, nec in illo debet esse aliquid maius, vel minus, consequenter neque totum, & partes qualescunque, cum omne totum sit maius sua parte, carebit omni compositione physica, logica, metaphysica, & sic erit Attributum *Simplicitatis*, remouens compositionem.

Secundo. Et quia actui puro nulla debet deesse perfectio, aliàs esset in potentia ad illam, eoque ipso amitteret iam rationem actus puri, carebit omni imperfectio: ne, & sic erit *Attributum Perfectionis* om.



Omniomodæ diuinæ. Tertiò. Quia verò ad perfectionem sequitur Bonitas, nam vnumquodque in tantum est bonum, & appetibile, in quantum est perfectum, vt expresse docet S. Thom. in Prolog. 1. p. q. 4. ex perfectione autem in se sequitur, quòd sit communicatum sui, & perfectum alterius per modum finis, idè post perfectionem Dei sequetur, & dabitur Attributum Bonitatis Diuinæ.

Quartò. Quia verò tanta est ipsius Bonitas, vt nulla careat perfectione, nec ad vllam bonitatem, aut perfectionem limitetur, (limitatio enim oritur ex aliqua potentialitate, non permittente omnem actualitatem, & perfectionem) carebit limitatione, & sic erit Attributum Infinitatis. Ad infinitatem autem sequitur Immensitas; non solum enim in ipso debet esse infinitas entitatis, sed etiam infinitas operationis, ratione cuius tangit, quasi contactu virtuali, res, producendo in illis primum esse, & sic debet intime esse in omnibus præsens: quod est esse immensum.

Quintò tandem. Quia ens increatum, vtpotè actus purus, ad nihil est in potentia, ad nihil quoque mutari potest, carebit mutabilitate, & sic erit Attributum Immutabilitatis. Ad immutabilitatem sequitur Æternitas: quod enim est immutabile, non potest eius duratio mensurari motu, & tempore, vel mensura aliqua mutabili, sed requirit mensuram inuariabilem, & sic erit Æternitas. Ita ergo sunt, & tali ordine di-

sposta, ad ordinem essendi pertinentia, Attributa Diuina in particulari, de quibus agendum competiatim, non prolixiores questionibus excitando (istud enim ad primam partem Theologiæ remittimus) sed succinctè, sufficienter tamen, doctrinam circa prædicta Attributa tradendo. Et quia de prioribus duobus Attributis, scilicet de Simplicitate, & perfectione Dei superius dictum est, restat de alijs, scilicet de Bonitate, Infinitate, Immensitate, Immutabilitate, & Æternitate, succinctè dicendum. Primò igitur deducitur iuxta ordinem

### Bonitas Dei.

Supponendo prius, Bonum tripliciter sumi posse. Primò pro bono absolutè, quando nihil alicui deest ex illis, quæ ipsi debentur. Secundò relativè pro convenientia ad voluntatem, & appetitum. Tertiò pro bono morali. Igitur

Deus est summè, absolutè, immò per essentiam bonus. Primò, quia habet bonitatem, & perfectionem per seipsum, & ex vi suæ essentia totam plenitudinem perfectionis sine vllò limitatio physico, aut morali. Secundò, quia non solum ipse est quoad omnia perfectissimus, sed etiam perfectius aliorum, effundendo perfectionem istam, non solum in genere causæ efficientis, dando esse, & omnia, sed etiam in genere causæ finalis, cum sit finis ultimus, in quo omnia quiescunt, quo

om-

omnis appetitus satiatur, ut probat S. Thomas 1. p. quæst. 6. art. 2. & 4.

Deinde est bonus bonitate respectiva, idest, convenientia ad appetitum. Primò, quia habet perfectionem sibi maximè convenientem, & necessariò amabilem à se. Secundò, quia est conveniens creaturis, ut finis, & causa illarum. Tertiò est specialiter conveniens aliquibus v. g. iustis, ut amicus, beatis, ut fruibilis.

Tandem est bonus bonitate morali: quia cum bonitas moralis consistat in conformitate cum regula perfectionis, & rectitudinis, quæ est lex æterna, & Deus sit sibi maximè vnitus, & quasi conformis, non solum per naturam, sed etiam per affectum amoris, immò sit sua lex, à qua deuiare non potest, erit, ratione illius conjunctionis, & quasi conformitatis, vel potiùs identitatis Voluntatis suæ cum lege æterna, summè bonus moraliter. Maximè, quia est principium, & finis omnis bonitatis moralis, perfectionis, & sanctitatis, quæ reperitur in creaturis. Deducitur aliud Attributum, scilicet

### *Infnitas Dei.*

**S**upposito, dupliciter posse aliquid dici infinitum, vel incerto, & determinato genere, vel absolute infinitum in genere Entis: Primum est quod caret terminis limitatiuis illius generis: Secundum est, quod caret terminis limitantibus, & finientibus

esse: Hoc autem posterius debet intelligi de limitatio non solum formali, (qualis est actus, existentia enim est vltimus actus, quæ non potest actuari per vltiorem) sed etiam de limitatio materiali, quale est subiectum in quo recipiatur, ideoque existentia debet esse irrecepta, & independens ab omni subiecto, vnde infertur, quod

Deus est simpliciter infinitus in genere entis. Sic S. Thomas 1. par. & 1. contr. Gent. cap. 43. Primò, quia cum *Esse* eius sit per se subsistens, & irreceptum, non distinguitur enim ab *Essentia*, nec in illa potest recipi, & consequenter careat omni limitatio, erit simpliciter infinitum, idest in genere entis. Secundò, quia caret terminis essentialibus, quibus *Essentia* limitatur, scilicet genere, & differentia, & alijs ad compositionem Metaphysicam pertinentibus: Vnde sicut infinitum in genere quantitatis dicitur, quod caret terminis quantitatis, sic *Ens* increatum carens terminis essentialibus in genere entis, erit infinitum. Hinc

Infertur istud attributum infinitatis, ita esse proprium Dei, ut repugnet, creaturam vel secundum *Essentiam*, vel secundum *accidentia* esse infinitam; quoad primum patet, quia quilibet creatura debet habere esse receptum ab alio, & in alio, & sic finitur, & limitatur, vel per causam à qua recipit, vel per subiectum in quo recipitur; Quoad secundum quodque scilicet quod non possit esse creatura



tura infinita secundum accidētia, patet, quia respectu accidentis infiniti, deberet esse substantia cum capacitate infinita, debet enim esse proportio semper inter actū, & potentiam receptivam, inter perfectum, & perfectibile; repugnat autem, substantiam creatam esse infinite capacitatis, consequenter & accidens infinitum: Potestque hoc deduci ex inconuenienti, quia si daretur aliqua qualitas, v. g. virtus motiua infinite intensiōis, posset fieri motus in instanti (quod naturæ motus successiui repugnat) cū enim, quantō maior, & intensior est virtus motiua, velocius, & in minori duratione moueat, illa virtus, quæ esset infinita, non posset in minori duratione mouere, quam sit instanti, & ita motus localis esset in instanti, quod est inconueniens. Deducitur sequens attributum, scilicet

### *Immensitas Dei.*

**S**upposito, quod immensitas sit quædam virtus infinita repletiua loci, & veluti esse Diuini illimitatio, seu incircumscribilitas à loco, rectè sequitur post infinitatem immensitas, sicut enim Deus ratione infinitatis est supra omne creatum, & creabile, ita ratione immensitatis supra omnem locum, quamuis per illam sit intimè, & substantialiter præsens in omnibus locis, & spatijs. Igitur

Deus est immensus, seu præsens in omnibus rebus, locis, & spatijs, & consequenter vbique existens,

Prob. primò, quia sicut essentia Dei secundum se, est infinita, simpliciter, sic & vis illa ad extendendum in omni re, loco, spatio, est infinita simpliciter. Ergo ratione illius Deus est præsens intimè, & existens in omnibus rebus, nec vllò loco, spatio terminari, aut circumscribi potest, consequenter est vbique. Secundò. Si Deus non esset vbique, sed esset, iuxta imaginationem antiquorū Philosophorum, in suprema sphaera cœlesti, quæro, vel esset ibi naturaliter, & necessariò, vel liberè? Si liberè. Ergo potest moueri localiter, & consequenter mutari, quod est absurdum. Si necessariò ergo determinabitur ad vnum locum, quod est contra rationem naturæ intellectuālis, & substantiæ spiritualis (qualis est Deus) hoc enim ipso, quia est cognoscitiua plurium, non potest determinari ad vnum locum, aliàs esset deterioris conditionis, quàm bruta, quæ ratione apprehensionis, & imaginationis migrant de vno loco in alium, v. g. in campos, vel vbi meliora pascua apprehendunt.

Inquires primò. Vnde potest probari præsentia ista, & existentia Dei intima in rebus?

Resp. ex operatione ipsius, quia cum Deus causet, & operetur esse in omnibus rebus (non potest enim iste effectus vniuersalissimus, vt sic attribui, nisi virtuti ipsius productiue, aut creatiue,) & non operetur per virtutem à se diffusam (talis enim virtus, ex se esset finita, vt potè causare

Vuuuu à Deo

à Deo, & recepta in subiecto) sed per virtutem intraneam, & sibi identificatam, debet esse immediate, & per suam substantiam, præsens in omnibus rebus: Agens enim, quod agit per virtutem intraneam non diffusum à se, debet esse immediatè, & secundum suam substantiam præsens rei, ut ipse Philosophus 7. Phycæ innuit dicens: *Movens, & motum debent esse simul*. Intellige tamen dicta sic: quod scilicet agens per virtutem intraneam, debet necessariò immediatè immediatione suppositi, seu secundum suam substantiam, esse præsens subiecto in quod agit, ut patet in igne, qui per calorem intraneum non agit, nisi in subiectum, quod tangit, seu approximatum, si autem fuerit distans, aut elongatum ab ipso, per calorem, à se diffusum, Agens verò per virtutem à se diffusam, non debet esse præsens immediatè subiecto, in quod agit, immediatione suppositi, sed sufficit esse immediatione virtutis, idest mediante virtute, quam transmittit medio aliquo supposito v.g. sol dum influit virtute sua in metalla, & causat illa in venis, & visceribus terræ.

Inquires secundò, quæ tandem est ratio formalis existendi Deo in rebus, seu ut sit præsens rebus?

Resp. Rationem formalem, scilicet præsentiæ intimæ in rebus, non esse ipsam immanentiam nudè sumptam, ut præcisam ab operatione, sed operationem ipsius, ut virtualiter transcurrentem, per quam producit, vel conservat esse in rebus, aut res ipsas movet, &

applicat ad operandum, ita sentit D. Thom. 1. p. q. 18. art. 3. dicens: *Deus est in omnibus per essentiam, in quantum adest omnibus, ut causa essendi*; ubi ly *in quantum* innuit rationem formalem, seu à priori præsentiæ Dei in rebus, & hoc ex mente eius deducitur, quia Deus habet esse præsens in rebus, ratione alicuius contactus realis. Cum igitur non tangat illas contactu quantitativo, neque ut forma, nec ut accidens aliquod, nec ut suppositum sustentans, nec ratione essentia suæ, ut præcindentis ab operatione, tanget illas contactu virtuali, applicando virtutem. Ergo per operationem virtutalem, & sic operatio ipsius virtualiter transiens, erit ratio à priori præsentiæ in rebus. Circa dicta.

Aduerte primò quando dicitur, Deum esse in rebus per essentiam, non est sensus, Deum esse in rebus ratione essentia, sed est sensus, quod essentia Dei, vel substantia ubique est, non tamen essentia est ipsi ratio essendi ubique.

Aduerte secundo. Formaliorem locutionem esse cum dicitur, Deum esse in rebus per applicationem rerum ad seipsum, quam per applicationem sui ad res, operando enim in rebus sine vlla mutatione sui, incipit existere in rebus per solam mutationem rerum ipsarum.

Aduerte tertio quod quamuis Deus in omnibus rebus, locis spatijs dicatur esse præsens, nõ licet tamè inferre esse ipsum præsente actu, vel fuisse in spatijs imaginarijs (idest vacuis, & inanibus, quæ concipiebantur, & concipiuntur

extra

extra Cælum.) Primo quia Deus nihil operatur in spatijs imaginarijs, alias ponerentur aliqui effectus, cum actus voluntatis ipsius, per quos operaretur, esset effectio- nis, non affectionis quia Dei vol- untas non supponit bonitatem creatam sed facit. Secundo, quia præsentia, & existentia in ordine ad illa, quæ sunt extra se, est præ- sentia continentis; iam autem illa spatia imaginaria non possunt contineri in Deo, sunt cum nihil, totum enim ipsorum esse, est in- imaginatione, quod autem est ni- hil, contineri non potest; Vnde si imaginemur chymæram, optimè diceremus nō esse Deum in chy- mæra, cum igitur illa spatia sint chymærica, Deus non est præsens in illis actu, nisi fortè dicatur, esse negatiuè, in quantum substantia Diuina non limitatur, nec coar- ctatur intra ambitum vniuersi, sed est potens (& hic est modus di- cendi Deum esse in spatijs ima- ginarijs) ad novos mundos pro- ducendos, in illis spatijs; quæ ima- ginamur extra Cælus.

Aduerte quartò cum dicitur Deum esse præsentem, tribus mo- dis in rebus, per essentiam, præ- sentiam, & potentiam, debent in- telligi termini cum grano salis. Primo *ly per essentiam*, id est per suam virtutē intraneam, & actio- nem virtualiter transeuntem (est enim ibi & essentia, seu substan- tia). Secundo *ly per præsentiam*, id est intuendo omnia, & practi- cè sciendo simul. Tercio *ly per potentiam*, quia potest Deus op- erari quidquid vult, & hoc modo

potest dici esse extra Cælus, id est quia potēs est in spatijs imagina- rijs novos producere mūdus, Or- bes, &c. Præter hos modos præse- ntiz Dei in rebus per essentia, præ- sentiam, & potentiam, est alius modus specialis, scilicet existendi in creatura rationali, per gratiam, & charitatem, & sic anima iusti, non solum dando sua dona, sed etiam inhabitando personaliter est præsens. Sed de his Theologiæ incunibit tractare insuper deducitur.

### Immutabilitas Dei.

**D**Eus est immutabilis. Primò quia extra se non querit aliquod sui perfectiūm, aut bea- titudinem, per quam perficiatur, est enim centrum perfectiōnum, est sua beatitudo, in qua quiesce- re debet, & sic non est in potentia ad aliquid, nec potest moueri ad illud. Secundò quia cum sit sum- mè immaterialis, & abstractus ab omni potentialitate, ipsaq; actua- litas pura non debet in illo vllum vestigium mutabilitatis appare- re, quo enim aliquæ naturæ co- gnoscitiuæ sunt ab tractiores, eo immutabiliores, & minus subiectæ conditionibus mutabilitatis: Ter- tiò, quia non potest in Deo con- cipi aliquid, vnde oriatur muta- tio; ex tribus enim solet oriri, & tria ordinariè requiruntur ad mu- tationem; Primò, potentialitas, vel carentia formæ alicuius, ve termini a quo. Secundò requiritur subiectum mutabile receptiuum formarum. Tercio requiritur cer-  
Vuuu 2 mi;

Deus sit ens independens, & primum, non potuit incipere, sed esse ab æterno. Patet igitur, æternum esse à parte *ante*, seu non incepisse vnquam: A parte quoque *post* æternum esse, est euidentius; quia non potest vnquam desinere; quia desinitio fit per subtractionem conseruationis *esse*: Ergo cum Deus sit independens quoad *esse*; etiam quoad conseruari erit independens. Ergo non poterit vnquam desinere &c. Secundò: quia Deus est infinitus quoad *esse*. Ergo erit infinitus quoad durationem, & consequenter æternus; existentie enim infinite debet correspondere duratio infinita, sicut eidem correspondet vbiquitas infinita. Terriò; quia cum Deus persistat in suo *esse* immutabiliter; est enim Immutabilis quoad *esse*, debet dari in illo ratio illius persistentie: ratio autem ista non potest esse alia, nisi duratio immutabilis, (duratio enim absolute, vt sic, est persistentia in esse iuxta Philosophi: & nost: Complut: in *Physic.* disput: 21. quæst: 3. ipsum enim *esse* non est ipsa duratio, sed aliquid distinctum ab *esse*) & sic erit æternitas, quæ est duratio, & mensura inuariabilis. Hinc est quod æternitas sit essentialiter duratio iuxta S. Tho. in 1. dist: 9. quæst: 2. Artic. 2. vbi docet, æternitatem esse ipsam naturam Diuinam, quatenus habet vim coexistendi infinito tempori imaginario, sicut immensus est quædam vis, quæ potest attingere omne spatium imaginabile, & Ratio est. Cum enim duratio sit genus

quoddam, sub quo, quasi species, continentur Æternitas, Æuum, & Tempus, si Æuum, & Tempus sunt durationes; etiam Æternitas erit duratio; vnde duratio ingreditur rationem omnium, & sicut Tempus est duratio rerum successiuarum, & mutabilium. Æuum est duratio rerum incorruptibilium, quantum ad *esse*; ita Æternitas erit essentialiter duratio entis Immutabilis, & omnino necessaria, scilicet Dei. Ex dictis

Collige. Æternitatem, respectu *esse* Dei, habere rationem mensuræ; non tamen formaliter, sed virtualiter quoad primum patet; quia æternitas est ratio, per quam Deus cognoscitur, quantum Deus sit extensus virtualiter in sua duratione; iam verò, per quod cognoscitur, siue virtualis, siue formalis extensio alicuius rei, est mensura illius rei, iuxta Philosoph. 10. Metaph: Cap: 2. & 3. *Mensura est id, quo, quanta res sit, cognoscimus, & quanta illius partes.* Quoad secundum, scilicet quod æternitas sit virtualis, non formalis mensura, etiam patet; quia mensura formalis dicit relationem, & consequenter dependetiam mensurati à mensura, & sic distinctionem realem inter ista, quod in Diuinis esse non potest; & idè dicitur virtualis, vt sit sensus: Si *esse* Dei posset habere realem mensuram, nullam aliam haberet, aut habere posset, nisi æternitatem, sicut cum dicimus: *Essentia Diuina est Causa virtualis attributorum, est sensus: Attributa, si deberet habere aliquam causam, quod*

quod repugnat, nullam aliam haberent, nisi essentiam. Hæc de æternitate, & alijs Attributis Divinis, consequentibus *esse* Dei, dicta sufficiant; restaret agendum de Attributis pertinentibus ad operari ipsius. Cæterum hæc, (vtpotè Theologica) Theologiæ relinquimus; de Deo tamen, vt Creatore, propter analogiam, quam in ratione entis increati, operantis ad extra, ad ens creatū intrā abstractionem, metaphysicam dicit; quasi de aliquo particulari Attributo ob connexionem aliquid innuendum est. Circa quod fusè Authores in quæst. 44. 1. partis Summ. D. Tho: scribentes, possunt videri, & nost. P. Blasius disput. 17. Metaphys. Igitur sit.

### QVAESTIO III.

*Quid dicit pro formali ratio  
Creatoris, & creatio  
in Deo.*

**N** Vllum est dubium de An-  
est Creatoris, & Creationis; constat enim, dari ista à parte rei. Hoc testantur omnia creata. Hoc fides docet, cum dicit: *In principio creavit Deus calum, & terram, &c.* Gen. 1. & alibi pluries; tamen circa rationem ipsius formalem explicandam oritur aliqua difficultas. Pro cuius decisione

Supponendum est primò, dupliciter posse sumi Creationem;

actiue scilicet: & passivè. Actiue, prout se tenet ex parte Dei, & concipitur, vt primò incipiens, & tanquàm causalitas ab agente, nostro modo concipiendi, egrediens, absolute enim sumpta, non habet egredi ab aliqua virtute, aut potentia, nec supponit illam, nec aliquid reducens se de actu primo ad secundum; quia seipsa est in actu secundo, tùm essendi, tùm operandi, vtpotè ipsa entitas Dei, & taliter creatio mēsuratur æternitate, diciturque entitatiue æterna. Passivè sumitur, prout se tenet ex parte creaturæ, tangitque terminum, tribuendo *esse*, & ponit illum executiue in *esse* in propria duratione, & secundum hanc considerationem, creatio est in tempore, & denominat Creatorem in tempore, diciturque denominatiue temporalis.

Supponendum est secundò, productionem, vel processionem aliquius ab alio, dupliciter posse considerari. Primò, quando aliquid producit ab alio quoad entitatem actualem præcise, supposita prius entitate potentiali. seu quando ex vi processionis ab alio, habet præcise tantummodò esse simpliciter. Secundò, quando producit ab alio quoad totam rationem entis, in ipso inuentam, & sic ex vi productionis habet totum id, quod est de entitate actuali, & potentiali, nec quidquid supponit ex gradu essendi, quod non sit ab illo causatum, ex quo manifestè patet, distincta esse ista: Produci ab alio in ratione entis simpliciter, & Produci in-

ratione totius entis ; quia hoc totaliter dicit productionem ex nihilo ; nam *Nihil* dicit negationē totius entitatis, non supponendo aliquid absolutē de aliqua entitate actuali, aut potentiali ; illud prius tantum exprimit productionem alicuius *esse* præcisē. His suppositis, ut respondeatur principali quæsito.

Dico primò, loquendo absolutē de Creatione. Creatio pro pro formali dicit productionem totius entis ex nihilo, seu emanationem, aut processionem totius entis, in quantum ens, ex non præsupposito subiecto. Hæc Conclusio seu descriptio creationis admittitur cōmuniter ab omnibus, nec indiget probatione. Declaratur tamen, hoc enim ipso, quia *ly totius esse* additur, Creatio erit productio *Esse*, prout esse comprehendit omnia prædicata essendi, & non secundum particularem gradum entis, sed secundum omnes gradus, & sic erit productio ex nihilo ; quia nihil de entitate supponit, vel minimum productū ab alia causa, aliās non esset Creatio ; aliæ enim causæ, dum causant esse tale, causant in virtute creantis, & hoc quod est causare, habent à Deo. Ex quo iam benè.

Infertur, creationem non esse mutationem realem. Ratio est ; quia in qualibet mutatione reali manet aliquid commune utrique extremo, ut patet, dum mutatur subiectum ad formam, v.g. in generationibus, &c. aut dum mutatur subiectum in subiectum, v.g. in

transubstantiatione ; in priori enim manet subiectum receptivum, scilicet materia prima, in posteriori manet corpus ; nam autem in creatione non potest manere aliquid commune extremis ; quia enti, & nihilo, quæ sunt extrema Creationis ( quia rationem termini à quo habet *Nihil* : Ens autem habet rationem termini *ad quem* ) non potest dari aliquid commune prædicatum ; cum ens, & non ens contradictoriè opponantur, ut supra Tract. 1. disput. 1. qu. 3. dictum est.

Dico secundò, loquendo de Creatione, secundum conceptus inadæquatos ex parte nostri modi concipiendi distinctos. Creatio ætius sumpta, seu ex parte Dei se tenens, dicit pro formali ipsam actualitatem, & entitatem Divinam independentem à termino, habentem ex sua eminentia quidquid requiritur ad hoc, ut est productio actualis termini, & tendentia in illum ; non tamen sub hoc conceptu intelligitur ibi terminus, ut transmutatus, sed purè inspectus ab illa actualitate, exprimitque tantum hoc, quod sit actualitas, & actus ipse secundus agentis, non per aliquid antecedens reducus de actu primo ad actum secundum, sed seipso petens terminari, vel non terminari (non tamen egredi, ut supra dictum est) sine expressa actuali terminatione ; Creatio autem passivè, seu prout se tenet ex parte creaturæ, vel ut alij dicunt, prout concipitur in fieri, est ipsa creatura, ipsæque terminus productus, ut per

se immediatè dependens à Deo . quòd nihil aliud dicit , nisi relationem , quæ est dependentia rei in facto esse : ista autem dependentia non mediat inter Deum , & Creaturam , sed subsequitur post terminationem ; nam in creatione non datur fieri distinctum à facto esse ; quia non datur motus , aut mutatio . Ergo nec entitas media , scilicet fieri : maximè quia entitas illa media , vel esset accidens , vel modus , & sic deberet inherere : iam autem ibi non supponitur , cui inherereat , aut quid modificet ; nondum enim est terminus existens . Concludendo igitur de Creatione passivè sumpta , nihil aliud est , nisi ipsemet terminus productus , & immutatus , nihilque aliud ultra hoc addit , nisi relationem ad principium sui esse , sicut de passione dicimus , quòd præter rationem motus , cum quo identificatur , nihil aliud importat , nisi relationem ad principium sui motus : hæc autem relatio dependentiæ subsecuta non est transcendentalis , sed prædicamentalis , nec est separabilis , quousque non destruat subiectum ; fundamentum autem relationis istius est quid accidentale , res nimirum , ut existens ; nam existentia , utpotè contingenter rei convenientis , est accidens prædicabile . Hinc iam intelligitur , quomodò Creatio dicatur inherere termino : non enim ipsi inheret , utpotè inspecto præcisè , sed ut habenti existentiam in facto esse , & quasi transmutato , seu actio .

**Aduerte hic primò , quòd quæ-**

uis creatio passivè sumpta , sit vera productio , & ut alij dicunt , inceptio , & novitas essendi in creatura ; non tamen est de prædicamento actionis ; quia illæ tantum actiones , vel productiones pertinent ad Prædicamentum actionis , quæ agunt in subiectam materiam , & ex illa educunt formas , quòd creationi non competit ; non est ergo actio , quæ pertineat ad fieri , sed identificatur cū facto esse .

Aduerte secundò . Ad salvandum , quomodò ista productio , & dependentia , licet sit actualis , & in actu secundo ; nihilominus tamen potest manere separata à termino , debemus discurrere eo modo , quo de actu libero Dei solemus discurrere ; in utroque enim casu eadem est ratio ; sicut enim , vnus formalissime actus Diuinus est simul necessarius , & liber eminenter , potestque à termino separatus manere , & dum est in actu secundo necessarium habet libertatem ad terminari , nec indiget noua determinatione ad hoc , ut exeat effectus in tempore , sed se ipso est eminenter determinatio ad volendum , vel nolendum has creaturas ; ita similiter hic in Creatione omnia ad proportionem sunt concipienda .

**Dico tertio . Esse Creatorem ;** nihil aliud pro formali dicit , nisi quòd Deus sit causa producens totum esse cuiuslibet rei creatæ , ita ut nihil de eo , quod est esse , vel subintrat quomodocunque esse , supponat in effectu , sed causet totum quidquid est entitatis ,

**hinc**

sive actualis, sive potentialis, & sic respectu ipsius, ut Creantis, effectus primò, & per se inspectus est *Esse secundum omnes gradus essendi*, comprehendens omnia prædicata quoquomodo pertinentia ad *esse*. Nullam igitur Causam admittit ad causandum *esse*, sic descriptum, & quando admittit causas ad causandum *tale esse in particulari*, dat ipsis hoc ipsum, quod est causare *esse tale*, v.g. hominis, leonis, lapidis; non tamen attingunt illud *esse* per se primò, nisi ratione formæ determinatæ, cui adiungitur *esse*: ipsa autem Causa prima attingit *esse absolute* per se primò, non ratione alicuius adiuncti, & ex hoc dicitur habere rationem Creantis; quia nihil supponit de entitate, sed producit ex nihilo. Hinc

Colligitur, rationem Creatoris dicere denominationem ex tempore ortam à Creatione, secundum illam utramque formalitatem supra nominatam; est enim ista denominatio, non solum in genere causæ formalis, sed etiam in genere causæ efficientis, non solum enim intelligitur productio illa actuare, & quasi per modum alicuius formæ in subiecto, nostro modo concipiendi, esse in Deo quoad denominationem formalem ab aliqua, quasi forma, sed etiam concipitur, Deum constituitur in ratione efficientis, (creare enim est efficere) seu constituitur non solum formalizando: sed etiam efficiendo; debet igitur utroque modo, & ut est actualitas præcisè, & ut est tan-

gens terminum passivè concurrere ad denominandum; nec concipitur adæquatè, sub ratione Creatoris expressa, si non iungantur utraq; illæ formalitates Creationis: Cur autem Creatio, quamvis sit in ratione productionis, aut actionis æterna, non d. non innat ab æterno Creatorem; procedit hoc ex eminentia illius actualitatis, quæ cum voluerit, ponit in executione terminum in facto esse, quod per modum conditionis requiritur, ut consurgat denominatio temporalis. Applicanda hic est doctrina nost. Salmaticæ Tract. de Scientia Dei disput. 8. dub. 3. & fusiùs Tract. de Voluntate Dei, disp. 7. de actu libero, per aliquod dubia. Sed

### Q V Æ R E S I

*Potestne naturali ratione demonstrari, dabilem esse Creationem?*

**R**esp. posse. Et probatur sic: Creatio est productio ex nihilo. Sed datur aliqua productio ex nihilo. Ergo datur Creatio. Mai. patet ex supra dictis. Min. prob: Si non daretur aliqua productio ex nihilo, daretur processus in infinitum; omnis enim productio esset ex præsupposito subiecto, quod est in infinitum procedere; quæro enim de illo præsupposito subiecto: Estne à se? an ex alio? an ex nihilo? non da-

XXXXX



tur enim medium. Si est à se. Ergo non est aliquid productum. Ergo debet esse, vel Deus, vel nihil, omne enim ens, vel est productum, vel improdatum. Si ex nihilo. Ergo dabitur aliqua productio ex nihilo, consequenter dabitur creatio. Si ex alio: quæro iterum de illo alio: In illud sit productum ex alio, vel ex nihilo, vel debet esse à se: & sic, vel procedetur in infinitum, vel debet fisci in aliqua productione ex non præsupposito subiecto, seu ex nihilo. Ergo dabitur talis productio ex nihilo. Et

Urgetur: quia si diceretur vñ esse ex alio, & illud aliud ex isto, esset contradictio eiusdem de eodem; præsupponeretur enim idem esse, & non esse, respectu eiusdem; quia præsupponeretur esse, vt ex illo fiat hoc, & non esse, vt illud fiat ex hoc; neque potest dici, vt aliqui volebant, productionem istam rerum fieri ex substantia Dei, tanquam, ex præsupposito subiecto; quia implicat, Deum habere rationem subiecti, aut receptiui formatum, vt supra dictum est. Sed iterum.

#### Q U E R E S.

*Utrum munus Creationis possit communicari alicui Creature, saltim respectu alicuius entis, aut aliorum entium in particulari.*

**R** Esp. non posse vñlo modo communicari, etiam in or-

dine ad aliquod ens particulare producendum. Probi: implicat communicari alicui Creaturæ virtutem, quæ se extendat ad producendum totam collectionem entis creabilis, seu ratione cuius, possit producere ex nihilo omne ens; talis enim virtus arguit infinitatem in agendo, quæ repugnat creaturæ. Ergo etiam implicabit, communicari virtutem productiuam ex nihilo, respectu vnius entis creabilis. Antecedens patet: Consequens probi: Nō minor virtus in agente requiritur, ad producendum vnum ens ex nihilo, ac ad omnia entia producenda; cum enim tantitas virtutis, & potentie agentis colligatur ex maiori, vel minori victoria difficultatum occurrentium in producendo, tantò maior virtus, aut potentia requiritur in agente, quantò maior erit distantia; & improporçio inter subiectum, & formam, seu terminum à quo, vnde educitur forma, circa quam agenti occurrit difficultas vincenda: & si sit æqualis distantia, inter terminum à quo & terminum ad quem, nec aliqua noua difficultas occurrat; eadem virtus, quæ potest vincere distantiam ad vnum terminum; potest etiam vincere ad alium; sicut qui potest vincere distantiam vnius milliarij, vbicunque fuerit illud milliare vincendum, si non occurrat aliqua noua difficultas; cum tali, aut simili difficultate, itineris conficiet illud milliare. Cum igitur inter terminos Creationis sit æqualis distantia, nec minus distet à nihilo vnum ens

par.

particulare, quàm centum, aut mille, aut omnia entia; æqualem enim dicit carentiam, & negationem. *Nihil* respectu vnus factibilis, ac respectu omnium; nec est maior ista carētia respectu vnus, quàm respectu alterius; quia est carentia totalis entitatis, & esse, & consequenter nulla proportio inter terminos, & sic jcum virtus creandi ex nulla proportionē, sed ex puro nihilo, atque ex termino æquē distāte, producat, erit æqualis. Ergo si potest producere vnū ens ex nihilo, potest consequenter, & omnia entia producere. Hinc est, quod ad producendum ex nihilo granum papaueris, non maior virtus requiratur, quàm ad producendum cœlum similiter ex nihilo; tantum enim à nihilo distat papauer, quantum, & ipsum Cœlum, nec Cœlum quoad prædicata communia superat granū papaueris, nec Cœlum est maius quoad entitatem, nisi ratione, quantitatis. Cum igitur Creatio sit productio alicuius ex nihilo quoad omnia prædicata, quæ quomocunque participant esse; quia nihil prædicatorum supponitur, sed totum sit, non coarctabitur virtus creatiua ad paruum, vel magnum. Ex hoc

Collige, absolute non posse assumi creaturam ad creandum, nec principaliter, nec per modum instrumenti. Sic S. Tho: 1. p. q. 45. a. 3. & q. 3. de Potentia Dei a. 4. quamuis antea aliter in Sententialibus senserit. Prima pars patet; quia ad creandum requiritur virtus nullo modo subordinata

Causæ superiori; quia debet attingere effectum vniuersalissimū, scilicet *Esse*, non vt tale v. g. hominis, equi, lapidis, sed secundum omnem gradum entis; non prout in hac, vel illa specie, sed prout dicit generalitatem graduum, respectu cuius *Esse* sic generaliter sumpti, non admittit consortium alicuius causæ, multo minus subordinationem iam vetò Creatura subordinatur Deo, & accipit hoc ipsum, quod est causare, & sic in virtute Dei non principaliter producere deberet esse illud.

Deinde ad creationem requiritur, quod existentia sit ratio agendi. Sed nulli creaturæ existentia potest esse ratio agendi, illa enim forma est ratio agendi, quæ est constitutiua naturæ; natura enim est principium motus; iam autem existentia creata, quamuis requiratur ad agendum, vt conditio: non tamen est constitutiua naturæ, sed supponit quidditatem, & naturam constitutam, tantumq; illam ponit extra causas, quod in creatus est prædicatū accidentale. Ergo &c.

Secunda pars illationis, scilicet quod nec per modum instrumenti possit creatura assumi ad creandum, patet; quia causa instrumentalis debet operari dispositiue ad effectū principalis agentis, & habere actionem præuiam ad actionem principalis agentis: iam autem in creatione nihil est, quod disponatur ad causandum; non enim aliquid, vel potentiale, vel actuale supponitur, sed prout effectus principalis agentis, scilicet Dei creans;

dis, est esse, quod præsupponitur omnibus alijs, anteceditque omnia, quæ in effectu esse possunt, & solum nihil supponit.

Deinde quia virtus illa, & actio instrumenti esset actio creata, oriretur enim ab instrumento creato, & sic deb. bit esse accidens; non enim potest esse substantia operantis, aut operati, ut patet, cum sit causalitas procedens ab agente in effectum tendens. Si igitur erit accidens, influet ista actio in effectum, ut subiectata. Ergo supponet subiectum, non producet; si itaque hæc actio influat, ut subiectata, influat, ut accidens. Ergo non erit productio ex nihilo, nec creatio vlla.

In fine Tractatus istius ob connexionem terminorum in Deo, Creatoris, & Domini mouetur quæstiuncula.

*An, & quomodo in proprietate sermonis, Deus dicatur Dominus*

*Creatura-  
rum.*

**S**upponimus, ut certum, Deum esse realiter fundamentaliter Dominum; habet enim realiter fundamentum istius denominationis, nempe potestatem coercendi subditos. Sic S. Thom: de Potent: quæst. 7. artic. 10. ut notauit Caietan. 1. p. q. 13. ar. 7. in resp. ad ult. Certum quoque esse, Deum non dici realiter formaliter Dominum à relatione reali existenti

te in ipso; quia ex hoc, quod dicitur Dominus, non mutatur in se, solaque est mutatio ex parte creaturæ, ut S. Tho: 1. p. q. 3. ar. 7. in c. docet: relatio autem realis non potest alicui aduenire sine ipsius mutatione, saltem relatiua. Dicitur igitur realiter Dominus à relatione, realiter existente in creaturis, non enim restat aliquid aliud, à quo realiter, sic denominetur, ut patet. Quæstiuncula itaque cutrit in sensu formali rigoro: A quo formaliter dicitur Dominus? Igitur

Resp. & Dico. Deus dicitur formaliter Dominus à relatione rationis existente in ipso. Nota, quod non dixi realiter, sed formaliter; Deus enim (ut subtiliter aduertit Caiet. 1. p. q. 13. a. 7. Resp. ad 4.) denominatur formaliter Dominus à relatione rationis in ipso existente; realiter autem à relatione reali in ipsis creaturis existente; unde iuxta hanc ipsius doctrinam duplex esse in relatione dominij potest inueniri. Primum esse simpliciter, seu esse reale. Secundum esse secundum quid, seu esse rationis.

Primum esse habet relatio dominij, sicut & alia correlatiua tertij generis, per positionem in esse reali correlatiuorum, in quibus est relatio; unde Deus est Dominus de nouo, nullo intellectu considerante, sola seruitute Creaturæ posita; quia esse realiter Dominum, nullum esse ponit, nisi esse sui oppositi, nempe Serui; si enim Seruus est, & Dominus erit, ut dixit alibi Philosophus. Sic

*igitur*

Igitur esse Dominum realiter nihil ponit in Deo, nisi terminare relationem seruitutis creaturarum: terminare autem relationem creaturarum, nihil est, nisi terminari ipsum, ex quo sequitur, quod Deus est realiter Dominus per hoc, quod terminetur relatio Creaturarum ad ipsum.

Secundum esse in relatione dominij est esse rationis, per quod Deus formaliter denominatur Dominus, & secundum hoc verè dicitur, quod Deus dicitur Dominus à relatione rationis dominij, in ipso existente, non quod hinc consurgant duæ relationes distinctæ, vt notat Caietan. loco cit: sed quia eadem relatio ob suam debilem entitatem, aliquando sumitur, secundum esse proprium, & sic est ens rationis; (& in hac acceptione verificantur dicta Doctorum, quod esse Dominum in Deo nihil sit extra animam, & quod, nullo intellectu considerante, Deus non est Dominus, nisi fundamentaliter.) Aliquando verò sumitur secundum esse alienum, sic est quid reale, de qua tamè dicunt DD. quod nihil ponat in denominato, v. g. in Deo, aut scibili, sed in alio correlatiuo, in quo est realiter, v. g. in Creatura, & Scientia: de hoc etiam *Esse* dicunt DD. quod ista correlatiua sunt; quia sua opposita sunt, & similiter, quod nullo intellectu considerante, Deus est formaliter Dominus; vnde accipe subtilem Caietani sententiam, quod denominatio, qua Deus denominatur

Dominus, est formaliter ab intrinseco, & realiter ab extrinseco. Sic explicata Conclusio, & respò: sio est contra Scotum.

Probatnr faciliè primò; quia Deus non potest denominari formaliter Dominus à relatione seruitutis existente in creatura, vt vult Scotus. Ergo denominabitur formaliter Dominus à relatione dominij, in ipso existente. Consequenter patet. Anteced. prob. quia denominatio proueniens à relatione seruitutis, est denominatio Serui, & non Domini: sicut denominatio formalis proueniens ab albedine, est denominatio albi, à calore calidi, à paternitate Patris. Ergo &c.

Secundò. Implicat dari denominationem formalem sine forma. Ergo & denominationem formalem Domini sine forma dominij.

Argumenta in contrarium solues, si cum Caietano scias distinguere penès esse proprium, & intrinsecum, & penès esse extrinsecum, & alienum relationis. Possunt videri soluta à Bannez in 1. p. cit.

Plura hic occasione istius materiz de Deo, non solum, vt Creatore, sed etiam, vt Gubernatore, Prouisore, Conservatore, dicenda essent; ceterum quia tangunt res ipsas Theologicas, in alienam messem non licet immittere falcem, & sic non tantum presentis disputationis, & Tractatus, sed etiam totius operis Metaphysici abruptimus filum, atque in Deo *Crea:*

Creatore, & Domino, tanquam  
meta, & sine nostro ultimo non  
solum Metaphysicæ, sed etiam  
nostram figimus metam, Conclu-  
dentes nomine Authoris, verbis  
S. August. lib. 22. de Ciuit. Dei:  
*Videor mihi huius Operis debitum,*  
*adiuuante Domino, reddidisse, qui-*  
*bus parum, vel nimium est, mihi*  
*ignoscant: quibus autem satis est,*

*non mihi, sed Domino gratias con-*  
*gratulantes agant.* . Cedat igitur  
totum pro gloria Dei, honore  
B. V. Mariæ immaculatæ Conce-  
ptæ, totius Vniuersitatis Cœle-  
stis, præcipuè Principum, & Ma-  
gistrorum nostrorum D. Augu-  
stini, & D. Thomæ Aquinatis.  
Amen.

# FINIS.

